

Holy Bible

Aionian **Edition®**

Hset Hadròeh

Hre Bible

Holy Bible Aionian Edition ®

Hset Hadròeh

Hre Bible

Language: Hre

Vietnam

Creative Commons Attribution ShareAlike 4.0 International, 2018-2026

Source text: eBible.org

Source version: 8/8/2026

Source copyright: Creative Commons Attribution ShareAlike 4.0

Baq Thi, 2024

Formatted by Speedata Publisher 5.9.2 (Pro) on 8/31/2026

100% Free to Copy and Print

TOR Anonymously and <https://AionianBible.org>

Published by Nainoia Inc, <https://Nainoia-Inc.signedon.net>

All profits are given to <https://CoolCup.org>

We pray for a modern Creative Commons translation in every language

Translator resources at <https://AionianBible.org/Third-Party-Publisher-Resources>

Volunteer help and comments are welcome and appreciated!

Celebrate Jesus Christ's victory of grace!

Preface

Hset at AionianBible.org/Preface

The *Holy Bible Aionian Edition* ® is the world's first Bible *un-translation*! What is an *un-translation*? Bibles are translated into each of our languages from the original Hebrew, Aramaic, and Koine Greek. Occasionally, the best word translation cannot be found and these words are transliterated letter by letter. Four well known transliterations are *Christ*, *baptism*, *angel*, and *apostle*. The meaning is then preserved more accurately through context and a dictionary. The Aionian Bible un-translates and instead transliterates eleven additional Aionian Glossary words to help us better understand God's love for individuals and all mankind, and the nature of afterlife destinies.

The first three words are *aiōn*, *aiōnios*, and *aiōdios*, typically translated as *eternal* and also *world* or *eon*. The Aionian Bible is named after an alternative spelling of *aiōnios*. Consider that researchers question if *aiōn* and *aiōnios* actually mean *eternal*. Translating *aiōn* as *eternal* in Matthew 28:20 makes no sense, as all agree. The Greek word for *eternal* is *aiōdios*, used in Romans 1:20 about God and in Jude 6 about demon imprisonment. Yet what about *aiōnios* in John 3:16? Certainly we do not question whether salvation is eternal! However, *aiōnios* means something much more wonderful than infinite time! Ancient Greeks used *aiōn* to mean *eon* or *age*. They also used the adjective *aiōnios* to mean *entirety*, such as *complete* or even *consummate*, but never infinite time. Read Dr. Heleen Keizer and Ramelli and Konstan for proofs. So *aiōnios* is the perfect description of God's Word which has *everything* we need for life and godliness! And the *aiōnios* life promised in John 3:16 is not simply a ticket to eternal life in the future, but the invitation through faith to the *consummate* life beginning now!

The next seven words are *Sheol*, *Hadēs*, *Geenna*, *Tartaroō*, *Abyssos*, and *Limnē Pyr*. These words are often translated as *Hell*, the place of eternal punishment. However, *Hell* is ill-defined when compared with the Hebrew and Greek. For example, *Sheol* is the abode of deceased believers and unbelievers and should never be translated as *Hell*. *Hadēs* is a temporary place of punishment, Revelation 20:13-14. *Geenna* is the Valley of Hinnom, Jerusalem's refuse dump, a temporal judgment for sin. *Tartaroō* is a prison for demons, mentioned once in 2 Peter 2:4. *Abyssos* is a temporary prison for the Beast and Satan. Translators are also inconsistent because *Hell* is used by the King James Version 54 times, the New International Version 14 times, and the World English Bible zero times. Finally, *Limnē Pyr* is the Lake of Fire, yet Matthew 25:41 explains that these fires are prepared for the Devil and his angels. So there is reason to review our conclusions about the destinies of redeemed mankind and fallen angels.

The eleventh word, *eleēsē*, reveals the grand conclusion of grace in Romans 11:32. Please understand these eleven words. The original translation is unaltered and a highlighted note is added to 64 Old Testament and 200 New Testament verses. To help parallel study and Strong's Concordance use, apocryphal text is removed and most variant verse numbering is mapped to the English standard. We thank our sources at eBible.org, Crosswire.org, unbound.Biola.edu, Bible4u.net, and NHEB.net. The Aionian Bible is copyrighted with creativecommons.org/licenses/by/4.0, allowing 100% freedom to copy and print, if respecting source copyrights. Check the Reader's Guide and read at AionianBible.org, with Android, and with TOR network. Why purple? King Jesus' Word is royal and purple is the color of royalty! All profits are given to CoolCup.org.

History

Hset at AionianBible.org/History

06/21/75 - Two boys, P. and J., wonder if Jesus saves all and pray.
04/15/85 - Aionian Bible conceived as B. and J. pray.
12/18/13 - Aionian Bible announced as J. and J. pray.
06/21/15 - Aionian Bible birthed as G. and J. pray.
01/11/16 - AionianBible.org domain registered.
06/21/16 - 30 translations available in 12 languages.
12/07/16 - Nainoia Inc established as non-profit corporation.
01/01/17 - Creative Commons Attribution No Derivatives 4.0 license added.
01/16/17 - Aionian Bible Google Play Store App published.
07/01/17 - 'The Purple Bible' nickname begins.
07/30/17 - 42 translations now available in 22 languages.
02/01/18 - Holy Bible Aionian Edition® trademark registered.
03/06/18 - Aionian Bibles available in print at Amazon.com.
09/15/18 - Aionian Bible dedicated as J. and J. pray again.
10/20/18 - 70 translations now available in 33 languages.
11/17/18 - 104 translations now available in 57 languages.
03/24/19 - 135 translations now available in 67 languages.
10/28/19 - Aionian Bible nursed as another J. and J. pray.
10/31/19 - 174 translations now available in 74 languages.
02/22/20 - Aionian Bibles available in print at Lulu.com.
05/25/20 - Illustrations by Gustave Doré, La Grande Bible de Tours, Felix Just.
08/29/20 - Aionian Bibles now available in ePub format.
12/01/20 - Right to left and Hindic languages now available in PDF format.
03/31/21 - 214 translations now available in 99 languages.
11/17/21 - Aionian Bible Branded Leather Bible Covers now available.
12/20/21 - Social media presence on Facebook, Twitter, LinkedIn, YouTube, etc.
01/01/22 - 216 translations now available in 99 languages.
01/09/22 - StudyPack resources for Bible translation study.
01/23/22 - Volunteers celebrate with pie and prayer.
02/14/22 - Strong's Concordance from Open Scriptures and STEP Bible.
02/14/23 - Aionian Bible published on the TOR Network.
12/04/23 - Eleēsē added to the Aionian Glossary.
02/04/24 - 352 translations now available in 142 languages.
05/01/24 - 370 translations now available in 164 languages.
08/05/24 - 378 translations now available in 165 languages.
08/18/24 - Creative Commons Attribution 4.0 International, if source allows.
10/20/24 - Gospel Primer handout format.
11/24/24 - Progressive Web Application off-line format.
01/28/25 - All profits are given to CoolCup.org.
03/12/25 - 382 translations now available in 166 languages.
06/21/25 - 468 translations now available in 230 languages.
09/01/25 - 538 translations now available in 291 languages.
08/31/26 - 539 translations in 291 languages with 9,609,899 verses.

Table of Contents

OLD TESTAMENT

JÒ BAXÈM	1
LOH ENH ÊDIP	43
LÊWI	78

NEW TESTAMENT

MATHIO'	107
MÖC	136
LUCA	154
JON	184
BÌAC YIANG HADRÒEH	207
RÔMA	236
I CORINHTO	250
II CORINHTO	263
GALATI	272
ÊPHÊSÔ	277
PHILIP	282
CÔLOSE	286
I TÊSALÔNICA	289
II TÊSALÔNICA	292
I TIMÔTHÊ	294
II TIMÔTHÊ	298
TIT	301
PHILÊMÔN	303
HÊBRU	304
JACO	314
I PHIERO'	318
II PHIERO'	322
I JON	325
II JON	329
III JON	330
JUÐE	331
MAHNO	332

APPENDIX

Reader's Guide

Glossary

Maps

Destiny

Illustrations, Doré

OLD TESTAMENT



*qmang aih, haq hnán qnoh kon mangai loh khoe ka wuàn, khoe èh enh pah mahì loh da
wuàn Êđen haq ðòeq bài chêrubim xam pla chang yôh chah ma tanhìa,
ðòeq hu tàt trong lam trùh ta long kan rìh.*

JÒ BAXÈM 3:24

JÒ BAXÈM

1 Baxèm Boc plính broq plính crống taneh.

2 Jò aih taneh ùh i dua dang cleq rai dech do, kan clam oe enh qnhèq ka kòe jrùq; Yiang da Boc Plính pan axràng enh qnhèq ka diac. 3 Boc Plính doe: Ep i kan qngah; aih hi i kan qngah. 4 Boc Plính hnoq kan qngah joq lem geo, haq hi lah kan qngah loh khoe kan clam. 5 Boc plính yiniq am ka kan qngah aih la dahì; kan clam aih damang. Qmang aih i dixèq xam disroq; aih la hi baxèm. 6 Boc plính doe hòm: Ep i mòeq toq adreo dech oe qne diac òeq lah diac khoe ka diac. 7 Haq broq loh adreo dech; lah diac enh qneq ka adreo dech aih khoe ka diac oe ta adreo dech, aih hi qmang aih. 8 Boc Plính yiniq am ka adreo dech aih tróc. Qmang aih i dixèq xam disroq; aih la hi baiq. 9 Boc plính doe hòm: Diac oe enh qneq ka tróc ep apùq hlài mòeq nòe, èh waq ka loh nòe croh srên; aih hi i wop qmang aih. 10 Boc plính yiniq am ka nòe croh srên aih taneh, èh nòe diac ma apùq aih diac raxiq. Boc plính hnoq qmang aih joq lem geo. 11 Boc plính doe hòm: Taneh ep hon loh long nhat, nhat loh pliang adrech, long caqmon loh plì, tiaq deh tang yiniq òeq i deh clong adrech tachac ta taneh, aih hi i qmang aih. 12 Taneh hon long nhat: nhat loh clong tiaq deh tang adrech, long loh plì i clong tachac cla, tiaq tang adrech. Boc plính hnoq qmang aih joq lem geo. 13 Qmang aih i di xèq xam disroq; aih la hi piq. 14 Boc plính doe hòm: Ep i bài yiniq qngah oe ta adreo dech ta tróc òeq lah qnoh dahì xam damang rai broq teu hu hadro òeq jò, hi xam hanam. 15 Èh òeq broq bài yiniq qngah ta adreo dech ta tróc òeq sreo qnoh ta taneh; aih hi i qmang aih. 16 Boc plính broq baiq toq kan qngah kàn, ma yeo kàn òeq wèq dahì, ma yeo qyoh òeq wèq damang; Haq hadai broq loh bài halõng. 17 Boc plính òeq bài aih ta adreo dech ta tróc, òeq sreo qngah taneh. 18 òeq wèq dahì xam damang, òeq hulah qnoh kan qngah xam kan clam. Boc plính hnoq qmang aih joq lem geo. 19 Qmang aih i dixèq xam disroq, aih la hi pôn. 20 Boc plính doe hòm: Diac ep loh bài ngè rih ka bàc, xam bài adrech chìm ep pan ta taneh, ta adreo dech ta tróc. 21 Boc plính broq loh bài adrech ka kàn kaiq, xam ngè rih loq tadroq canòm ka diac òeq jah xêh ka bàc, tiaq deh tang adrech, xam bài adrech chìm ma

loq pan tiaq deh tang adrech. Boc plính hnoq qmang aih joq lem geo. 22 Boc plính am xôq ramot ka bài adrech aih rai thê: Drah xêh tam ka bàc, broq ka bình bauq ta diac raxiq; da bài adrech chìm drah xêh ka bàc ta taneh. 23 Qmang aih i dixèq xam disroq; aih la hi padam. 24 Boc plính doe hòm: Taneh ep loh bài ngè rih tiaq deh tang adrech, aih la bài ngè ma aban ta hnim, ngè ma loq pan loq moq ta taneh, xam ngè rih tagùng tago, òeq tiaq deh tang adrech, aih hi i qmang aih. 25 Boc plính broq loh ngè rih taròm wang tiaq deh tang adrech, ngè ban ta hnim tiaq tang adrech xam ngè loq moq loq pan ta taneh tiaq tang adrech. Boc plính hnoq bài yiniq aih òeq lem geo. 26 Boc plính doe: Beq bèn broq loh kon mangai tiah ka qmù bèn tiaq dua bèn, òeq wèq bài ka ta diac raxiq, bài chìm ta tróc, bài ngè ban ta hnim xam bài ngè rih tagùng go, hloe xam bài ngè rih ma loq moq loq pan ta taneh jàp crống taneh. 27 Boc plính broq loh kon mangai tiah ka qmù Cla rađeh; Haq broq loh kon mangai tiaq dua Boc plính. Haq broq loh mangai calò xam mangai cadri. 28 Boc plính am xôq ramot ka kon mangai rai doe: Drah ha-uang, tam ka bàc dõq bình bauq ta crống taneh; ep broq ka taneh iu tiaq; ep wèq ngan bài ka ta diac raxiq xam bài chìm ta tróc xam òeq òeq bài ngè rih loq tadroq ta crống taneh. 29 Boc plính doe hòm: Kô Au am ka pì rìm adrech nhat loh pliang ma hon jàp ta taneh xam bài adrech long i plì ma i clong adrech. Aih èh òeq broq dahwèq acaq am ka pì. 30 Da bài ngè ma rih tagùng tago, bài chìm ta tróc xam bài ngè rih ma qnoeq ta crống taneh, waq toq adrech leq i kan rih aih èh au am ka wì haq rìm adrech nhat hu broq dahwèq acaq; aih hi i wop qmang aih. 31 Boc plính hnoq rìm yiniq òeq khoe broq aih joq lem geo. Qmang aih, hi i dixèq xam disroq; aih la hi tadràu.

2 Qmang aih tróc taneh xam rìm yiniq khoe jah broq gèh. 2 Hì tapèh Boc plính broq gèh bài yiniq òeq khoe broq, èh hì tapèh, haq padài khoe ka bài biac haq ma broq. 3 Khoe aih Boc plính am xôq ramot ka hì tapèh rai broq hi aih wìa hì hadròeh; majah qmang aih, haq padài ka bài biac khoe broq loh majah qmang aih òeq khoe jah gèh. 4 Aih xèm goe da tróc xam taneh jò khoe jah gèh, oe ta hì Jêhowa Boc plính broq loh tróc xam taneh. 5 Jò aih qnhòq i mòeq xèm long qyoh leq plòh tagùng, hadai qnhòq i mòeq

goe nhat leq hon taruàng, majah qmang aih Jêhowa Boc plình qnhòq i am mè loh ta taneh, èh hadai qnhòq i cabô abèq ta taneh. **6** Mahaq i hòe diac plôh tồc enh taneh púc jàp jĩa crống taneh. **7** Jêhowa Boc plình yốc blo taneh mot loh chac mangai, hlui mùt hi hèm ta mùh; aih kon mangai hi wĩa adrech rìh i mahua yang. **8** Khoe aih, Jêhowa Boc plình broq mòeq toq wuàn ta Êđen, tangèa bè mat mahì loh, rai ðòeq mangai haq maneo broq loh oe ta aih. **9** Jêhòwa Boc plình broq ka taneh hon loh bài adrech long lem ka mat hnoq, pì aih jiang ka kaq; taqne wuàng aih i long kan rìh xam long loq trong lem trong dù. **10** Mòeq cròng diac loh enh Êđen ðòeq púc ta wuàn; khoe èh enh aih haq talah broq pôn halah diac. **11** Yiniq halah diac ma baxèm aih Pisôn; halah aih hìu dudan gùng gùng Hawila, aih nòe i wang. **12** Wang gùng aih lem raya; ta aih hadai i gahnàu xam ngốc nget. **13** Yiniq halah diac ma baiq aih Gihôn, hìu dudan gùng Cuso. **14** Hiniq halah diac ma piq aih Hidêke, hìu ta bè mat mahì loh da gùng Asiri, halah diac ma pôn aih la Ôphorat. **15** Jêhowa Boc plình aràng mangai mùt ta wuàn Êđen hu abèq rai wèq wuàn. **16** “Jêhòwa Boc plình doe: Ìh jah acaq ðiq ðồng bài pì long ta wuàn; **17** mahaq long loq trong lem trong dù ìh ùh jah kaq; majah qmang aih jò ìh kaq, ìh ep cachit”. **18** Jêhowa Boc Plình doe: “Kon mangai oe moe ngai ùh lem. Kô èh Au broq mòeq ngai ðòeq wiang, ðòq ma hatroq qmòe ka haq.” **19** Jêhòwa Boc plình yốc taneh broq loh bài ngè rìh tagùng, bài chìm ta trốc khoe aih ajèn aràng enh neà Adam ðòeq ngan haq yiniq am ka bài aih qmang leq cadèh; waq toq yiniq leq Adam yiniq am aih hi wĩa yiniq da ma aih. **20** Adam yiniq am ka bài ngè rìh aban ta hnim, ka bài chìm ta trốc xam bài ngè rìh tagùng go; mahaq da Adam aih chaq ùh jah mòeq cabô ma hatiah ka raðeh ðòeq hu wiang ti haq. **21** Boc plình broq ka Adam kùi ùh hmàng, jò haq kùi pi hmàng Boc plình hi yốc mòeq hadrang yimìa, khoe èh yốc xech hi baxia hlài. **22** Jêhowa Boc Plình yốc caxènh yimìa ma khoe yốc enh Adam broq loh mòeq ngai cadrì, aràng trùh ajang Adam. **23** Adam doe: Mangai kô caxènh loh enh caxènh au, xech loh enh xech au. Mangai kô jah creo ka haq mangai cadrì, majah qmang aih haq loh enh mangai calô. **24** Qmang aih, dài mangai calô majah ep talah dèh ka miq baq ðòeq hu hatop dèh ti mai, aih èh wa hi wĩa mòeq xech.

25 Adam xam mai ðiq baiq rahòng, mahaq ùh camaih.

3 Jò aih, ðiq ðồng ka bài ngè rìh tagùng go Jêhowa Boc plình khoe broq loh, i bìh aih la adrech ma yeo tai manoh. Bìh doe ka mangai cadrì: Ajoq! Boc plình i doe chòp ùh jah acaq bài pì ta wuàn ùh xài? **2** Mangai cadrì padreo bàu: Nhèn jah kaq pì ta wuàn, **3** mahaq Boc plình i doe “Chòp ùh khòh kaq pì da long ma hon taqne wuàn, èh hadai ùh dùh poh dèh, èh chòp loq cachit.” **4** Bìh doe ka mangai cadrì “Chòp ma i cachit taleq; **5** mahaq Boc plình loq waq toq hì leq chòp hi kaq pì long qmat, mat chòp jah tapèch, chòp jah tìah ka Boc plình, loq ka trong lem xam trong dù.” **6** Jò mangai cadrì hnoq pì da long aih tìah gleq jiang kaq, lem ka mat hnoq, èh khòh waq, majah qmang aih loq jah kan khun rabiaq haq hi gich kaq. Haq hadai am deh ka ống yòng ten aih. Ống hadai kaq. **7** Khoe aih, mat wa haq ðiq hi tapèch, wa loq ka raðeh rahòng, aih wa hi yốc hla póc broq capen hu cabàn raðeh. **8** trùh jò trốc khoe hangèp yàp, tàng bàu Jêhowa Boc plình lam pagat ta wuàn, Adam xam mai haq amot taqne bôt, ðòeq hu cadoc raðeh khoe ka Boc plình. **9** Mahaq Boc plình creo bòch Adam: “Ìh oe taleq?” **10** Adam doe: Au i tàng bàu ìh oe ta wuàn, au loh ka yùq crè, majah qmang aih au rahòng dài au majah amot. **11** Boc Plình bòch: “Cabô patô ka ìh loq ðeh rahòng? ìh i kaq pì au ma khoe tanap ùh khòh kaq aih loq ùh.” **12** Mangai calô padreo bàu: Mangai cadrì ìh ma ðòeq haq oe tacô ti au khoe am au pì long aih, èh au khoe kaq. **13** Jêhowa Boc Plình bòch mangai cadrì: ìh khoe broq cleq kô iq? Mangai cadrì têu: Bìh padô au, au khoe kaq. **14** Jêhowa Boc Plình doe ka bìh: “Gè khoe broq yiniq qmang kô, Taqne bài ngè ma ban tahnim, bài ngè rìh tagùng, gè ep pòq wê kan hamaiq, gè ep moq deh xi ciác rai kaq blo taneh lùch ka qnhòng. **15** Au broq ka gè xam mangai cadrì, xinoe gè xam xinoe mangai cadrì tagit ka dabau. haq jôiq da gè cadôh gàu, gè kap da haq lùnh jènh.” **16** Haq doe ka mangai cadrì: “Au tam kan xa ep jò ìh hadràp; ìh ep chiùq jìq jò hauang; kan enh da ìh tangèa ðồng dèh ta ống, mahaq ống ma pagàu ka ìh. **17** Haq doe hòm ka Adam: Pàng ìh khoe tiaq bàu dèh mai ðòeq kaq pì au ma khoe tanap ùh khòh kaq, “kô èh taneh ep pòq kan hamaiq taiq ìh; ðiq ka qnhòng ìh ep xalep, taneh men loh dahwèq hu

acaq. 18 taneh hon yila xam tùn yila, ìh kô èh chaq kaq cachi q taruàng; 19 ìh ep abroq loh pa-ùh ngòng men jah acaq, trùh ìh leq ìh hlài ta taneh, aih la nòe ma loh ìh, majah qmang aih ìh qmat blo taneh, ìh hlài deh ta blo taneh.” 20 Àdam yiniq deh ka mai Êwa; majah qmang aih haq aih miq da kon mangai. 21 Jêhowa Boc Plinh yôc akia broq eo ka Àdam xam mai haq, rai caxùnh am ka wa. 22 Jêhowa Boc Plinh doe: “Kon mangai mandeq kô khoe daq adàng ka bèn, canau loq trong lem trong dù, mandeq kô ep ngan oq, yùq kon mangai loq dèch tì git kaq pli long kan rih èh jah rih mdeq dde qmòh.” 23 Jêhowa Boc Plinh nnan qnoh kon mangai loh khoe ka wuàn Êden ddeq hu abèq taneh, aih nòe ma khoe loh kon mangai, 24 qmang aih, haq nnan qnoh kon mangai loh khoe ka wuàn, khoe èh enh pah mahi loh da wuàn Êden haq ddeq bài cherubim xam pla chang yôh chah ma tanhìa, ddeq hu tât trong lam trùh ta long kan rih.

4 Àdam acaq oe ti Êwa, aih mai dadeh; Êwa hadràp ha-uang loh Ca-in. haq doe: “Canòm ka Jêhowa wiàng am, au men jah ha-uang loh mdeq ngai. 2 Atiq ka aih haq ha-uang loh oh da Ca-in aih la Abên; Abên broq mangai ban trùu, Ca-in aih mangai abèq ruàng. 3 Atiq ka aih ùh dùnh, Ca-in aràng dahwèq loh enh taneh broq ramènh dèch ka Jêhowa. 4 Abên hadai yôc deh enh calùh trùu ma ramua xam bôq haq. Jêhowa ngan toq da Abên rai di yôc da haq, 5 mahaq ùh blèch ngan Ca-in èh hadai ùh di yôc ramènh da haq; dài aih Ca-in majah nòeh toq kùp hadrò. 6 Jêhowa bôch Ca-in: Gleq ìh majah nòeh, hagleg ìh ma toq kùp hadrò? 7 tàng joq ìh broq troq, ma ùh joq da ìh khoe jah di qmòh? Mahaq tàng joq ìh broq ùh troq aih èh yiniq lui khoe rap ddeq ìh ajang trong qmang, haq enh ka ìh pi cajaq; mahaq ìh ep wèq haq. 8 Ca-in doe deh ka Abên aih oh cla haq. “Beq ba lam taruàng”. Jò wa haq oe taruàng, Ca-in clàm ta Abên aih oh haq, rai jêh đac. 9 Jêhowa bôch Ca-in: Abên oh ìh taleq? haq têu: Au ùh qnì, au ma mangai ngan deh oh qmòh? 10 Jêhowa doe: ìh khoe broq cleq qmang aih? Bàu mahim oh da ìh enh taneh creò dang khoe trùh ta au. 11 Mandeq kô èh, ìh ep pòq kan hamaìq enh taneh, aih la taneh ma khoe hah hacùng lonh mahim oh ìh majah qmang aih tì kống cla ìh khoe broq ta-ùc. 12 Jò ìh tamit acaq, taneh pi loh dahwèq ka

ìh hòmh; ìh ep lam jac rai amot jàp jia ta crống taneh. 13 Ca-in anoe ka Jêhowa: Kan baxa au trap hrin ùh hlàt pòq. 14 Hì kô ìh khoe nnan qnoh au loh enh taneh kô, au wia ka mat ìh, ep lam palac amot ta taneh; èh i cabô chaq hnoq au, wì hi jêh đac. 15 Jêhowa padreo bàu “Ùh i qmang aih, tàng cabô jêh đac Ca-in, mangai aih ep chiùq kan patem chau tapèh yàng”. Jêhowa hi pateo hadro ta chac Ca-in, ddeq ùh hiaq i bô jêh đac jò wì hnoq haq. 16 Ca-in hi lùì khoe ka enh ngèa Jêhowa, lam oe tagùng Nôt, enh pah mat mahi loh da wuàn Êden. 17 Ca-in acaq oe deh ti mai, mai haq hadràp ha-uang loh Hênoc; Ca-in broq mdeq toq plài, haq hi creò deh Hênoc tiaq deh yiniq kon calô. 18 Hênoc baq da Yrat, Yrat baq da Mêhuda-ên, Mêhuda-ên baq da Mêtusa-ên, Mêtusa-ên baq da Lêmec. 19 Lêmec yôc baiq toq mai, mdeq ngai yiniq haq Àda, mdeq ngai yiniq haq Sila. 20 Àda ha-uang loh Jaban, Jaban aih la kan cadraq da bài mangai rih roc traìq rai aban bài ngè rih tahnim. 21 Oh haq aih Jiubàn, aih la kan cadraq da bài ngai rawêh broc, hlui taliaq. 22 Sila hanoh ha-uang loh Tuban Ca-in, aih la mangai atèm loh bài ranac hin xi dúng xi mem. Oh cadri da Tuban Ca-in aih la Na-ama. 23 Lêmec doe deh ka wa mai: “Àda xam Sila, drah tamàng bàu au, Cadri da Lêmec, drah tàng bàu au, Òq au khoe jêh đac mdeq ngai, majah qmang aih haq khoe broq ka au habau, Moeq ngai radam, taiq haq jêh au loh ka pràm, 24 Tàng joq Ca-in jah tapèh yàng patem chau, Aih èh Lêmec jah tapèh jàt yàng patem chau”. 25 Àdam acaq oe deh ti mai; haq ha-uang loh mdeq ngai kon calô yiniq haq Sê; majah qmang aih haq doe: “Boc Plinh khoe am ònh ka au mdeq ngai kon calô qnoeq ddeq hu thai ka Abên, Ca-in ma khoe jêh đac”. 26 Sê hanoh i mdeq toq kon calô, haq yiniq deh ka kon aih la Ênoc. Pang kô kon mangai ma hi creò dang yiniq Jêhowa.

5 Kô hset achìh hu taboe xinoe da Àdam. Hì Boc Plinh ma broq loh kon mangai, aih haq broq kon mangai tiaq ka Boc Plinh; 2 Haq broq loh mangai calô xam mangai cadri, am xôq ramot ka wì, tahì ma broq loh haq yiniq ka wì la mangai. 3 Jò Àdam khoe jah 130 hanam, haq i mdeq toq kon calô tiaq qmde ka cla, haq yiniq am deh ka kon aih Sê; 4 Atiq ka Àdam ha-uang ka Sê, oe rih tam jah 800 hrinh hanam, ha-uang tam kon calô cadri. 5 Qmang aih Àdam

halinh jah 930 hanam. Khoe aih hi cachit. 6 Sêl jah 105 hanam, ha-uang loh ka Ênoc. 7 Atiq ka i Ênoc, haq oe rih tam 807 hanam, ha-uang kon calô kon cadrî. 8 Qmang aih Sêl halinh jah 912 hanam, khoe aih haq cachit. 9 Ênoc jah 90 hanam, ha-uang ka Kênan. 10 Atiq ka Ênoc ha-uang Kênan, oe rih tam 815 hanam, ha-uang kon calô cadrî. 11 Qmang aih Ênoc halinh jah 905 hanam, khoe aih hi cachit. 12 Kênan jah 70 hanam, ha-uang Mahalale. 13 Atiq ka ha-uang ka Mahalale, haq halinh tam 840 hanam, ha-uang kon calô cadrî. 14 Qmang aih, Kênan halinh jah 910 hanam. Khoe aih hi cachit. 15 Mahalale jah 65 hanam ha-uang ka Jêret. 16 Atiq ka ha-uang Jêret haq oe rih tam 830 hanam, ha-uang kon calô kon cadrî. 17 Qmang aih Mahalale rih jah 895 hanam, khoe hi cachit. 18 Jêret jah 162 hanam ha-uang ka Hênoc, khoe aih rih tam 800 hanam, ha-uang kon calô kon cadrî. 20 Qmang aih Jêret rih jah 962 hanam, khoe hi cachit. 21 Hênoc jah 65 hanam, ha-uang Mêtusêla. 22 Atiq ha-uang ka Mêtusêla, Hênoc lam pajum ti Boc plinh 300 hanam, ha-uang kon calô kon cadrî. 23 Qmang aih Hênoc rih jah 365 hanam. 24 Hênoc lam pajum ti Boc plinh, khoe aih hi hnhung majah qmang aih Boc plinh dihi haq lam. 25 Mêtusêla jah 187 hanam, ha-uang ka Lêmec. 26 Jô Mêtusêla khoe ha-uang ka Lêmec, haq oe rih tam 782 hanam, ha-uang kon calô kon cadrî. 27 Qmang aih Mêtusêla rih jah 969 hanam, khoe hi cachit. 28 Lêmec jah 182 hanam, ha-uang mœq ngai kon calô, 29 Haq yiniq dèh ka kon aih Nô-ê, haq doe: Kon kô èh jah alông manoh cliac au ta yiniq broq xam kan xalep da taneh ma khoe panan ti kông au ep broq, aih la taneh Jêhowa ma khoe hamaiq. 30 Atiq ka Lêmec ha-uang ka Nô-ê, haq rih tam 595 hanam ha-uang kon calô kon cadrî. 31 Qmang aih Lêmec rih jah 777 hanam, khoe aih hi cachit. 32 Jô Nô-ê khoe jah 500 hanam, ha-uang Sem, Cham xam Japhet.

6 Jô kon mangai khoe rai bác ta crông taneh, èh jô kon mangai khoe jah ha-uang loh kon cadrî, 2 bài kon calô da Boc Plinh hnoq kon cadrî da kon mangai lem laq alâng, hi yœc mangai leq ma lem ka manoh rađeh hu broq mai. 3 Jêhowa doe: “Yiang da au ùh oe hloe ti kon mangai, majah qmang aih wì haq aih xech akia, qnhông da wì haq jah 120 hanam raq. 4 Qnhông aih xam qnhông atiq, i mangai caqnhông kân ta crông

taneh, majah qmang aih bài kon calô da Boc plinh lam acaq oe ti kon cadrî da kon mangai, wì haq ha-uang kon aih la bài mangai ma tanoq i tiang i bang calah nêh. 5 Jêhowa hnoq kan dù da kon mangai ta crông taneh bác pi cajaq, manoh hêm da wì haq aih toq mœq hloe. 6 rawœd ka rađeh khoe broq loh kon mangai ta crông taneh rai mangò ta manoh. 7 Jêhowa doe: “Kô èh au palông đac đong khoe ka crông taneh kon mangai au ma khoe broq loh, enh kon mangai trùh bài ngê aban tahnim, ngê moq ta taneh, bài chìm, majah qmang aih au rawœd ka rađeh khoe broq loq bài aih. 8 Mahaq Nô-ê jah xôq ramot enh ngêa Jêhowa. 9 Kô xinoe da Nô-ê. Nô-ê aih la mangai taq toq, taqne bài mangai ma hadai rih qnhông aih haq geo gua ùh i cleq đœq cwò, lam pajum ti Boc plinh. 10 Nô-ê i piq ngai kon calô aih la Sem, Cham, Japhêt. 11 Crông taneh jô aih diq khoe pi wia cleq enh ngêa Boc plinh rai bình toq kan ngang dù. 12 Boc plinh ngan ta crông taneh hnoq diq khoe pi wia cleq majah qmang aih trong da rìm ngai diq khoe pi wia. 13 Boc Plinh doe ka Nô-ê: “Jô pulùch da rìm xech akia khoe arâng trùh ajang ngeà au; taiq kon mangai taneh majah bình bauq kan ngang dù, kô èh au palông đac wì haq hloe xam taneh”. 14 ìh drah broq mœq toq boang xi long gôphe, broq i tang adùq, khoe aih clit jan chai enh dalam xam enh gùng. 15 ìh broq qmang kô: Boang aih dang yôh piq hrinh hagat, dang gat padam jât hagat, dang haqnhœq piq jât hagat. 16 ta kùa po ìh broq mœq toq qmœc, haqnhœq mœq hagat, èh enh bè pình rong mœq toq qmang; ìh broq mœq hagan qneq, mœq hagan taqne xam hagan enh qnhœq. 17 Au kô èh, au qnung arâng diac kân jâp ta crông taneh, đœq palùch bài xech akia i hi hêm oe ta caqnâm trœc, rìm yiniq ma rih ta crông taneh cachit đong diq. 18 Mahaq au broq tajao ti ìh, khoe aih ìh xam mai ìh, bài kon ìh xam mai wì haq hi mùt taboang. 19 ìh arâng qnoh taboang bài ngê rih, mœq adrech baiq toq i calô i cadrî đœq wœq bài yiniq aih hadai jah rih ti ìh. 20 Chìm tiaq deh tang adrech, bài ngê rih tiaq deh tang adrech xam rìm adrech ma loq pan moq ta taneh, mœq adrech baiq toq diq trùh ta ìh, đœq ìh wœq kan rih da wì haq. 21 ìh yœc bài dahwœq ma wê tiaq đœq broq dahwœq acaq ka ìh xam ka bài aih. 22 Nô-ê broq rìm yiniq kô tiaq wop qmang ka bàu Boc Plinh.

7 Jêhowa doe ka Nô-ê: “Ìh xam diq ka cadraq ìh mùt taboang beq, majah qmang aih taqnông kô, au hnoq ìh aih mangai taq atoq enh ngèa au. **2** Rìm ngè rìh ma hruah moeq adrech ìh wê tiaq ìh tapèh racop, xam calô xam cadrì; ngè rìh ma ùh hruah mòeq adrech moeq racop, xam calô xam cadrì, **3** bài chìm hadai moeq adrech ìh wê tapèh racop, xam hmùng xam cadrì òeq hu wêq adrech jàp ta taneh. **4** Majah qmang aih oe tapèh hì hòm, au broq mè ùc qnoh ta taneh, ta pôn jàt hì xam pôn jàt mang; au hi palùch hreo ta taneh diq òng rìm yiniq au ma khoe broq loh. **5** Khoe aih, Nô-ê broq tiaq rìm yiniq Jêhowa khoe thê òeh broq. **6** Jò diac kàn ma glua jàp ta taneh, aih Nô-ê khoe jah tadrâu hrinh hanam. **7** Aih ìq Nô-ê hi mùt taboang deh ti mai, deh ti wì kon xam bài kon mai. **8** Bài ngè rìh ma hruah xam ma ùh hruah, bài chìm, bài ngè ma ti moq ta taneh, **9** Tang racop xam calô xam cadrì, xam hmùng xam kan, diq trùh ta Nô-ê òeq hu tồc taboang wop tiaq bàu Boc plình ma khoe tanap thê haq. **10** Khoe ka tapèh hì, i diac kàn trùh ta taneh. **11** Hanam tadrâu hrinh da Nô-ê, khê baiq, hì mòeq jàt tapèh, wop hì aih bài tamôc diac enh kòe jrùq haq òoh padah, bài òap enh trồc hrôq loh; **12** Mè cìh ta taneh pôn jàt hì pôn jàt mang. **13** hadai hì aih raq Nô-ê xam mai haq hloe xam piq ngai kon calô: aih Sem, Cham, Japhèt xam bài kon mai haq diq mùt taboang. **14** Wì haq xam bài ngè rìh tagùng tiaq deh tang adrech, ngè ban tahnim tiaq deh tang adrech, ngè ma loq ti moq ta taneh tiaq deh tang adrech, chìm tiaq deh tang adrech, xam diq ka bài ngè ma i panan. **15** Diq òng bài ngè ma i hi wa, moeq yiniq baiq toq diq tiaq Nô-ê mùt taboang; **16** mòeq calô mòeq cadrì, mòeq hmùng mòeq kan, diq trùh òeq mùt taboang qmang ka bàu Boc Plình khoe tanap; khoe aih Boc plình hi clêh qmang boang. **17** Diac kàn lạp ta taneh pôn jàt hì pôn jàt mang, diac qnìc tồc tam òeh boang khoe ka taneh. **18** Ta taneh diac kàn tồc rênhi pi cajaq; boang òng enh qnhêq ka diac. **19** Diac tồc tam ùh hnau hòm, bài bui wang haqnêq enh caqnàm plình lạp òng diq. **20** Diac tồc yeo haqnêq tam mòeq jàt padam hagat, bài bui wang diq lạp. **21** Diq ka bài ngè rìh ma loq tadroq ta taneh diq cachit òng ka glàc; bua ka chìm, bua ka bài ngè ban tahnim, ngè rìh tarôm xam rìm ngai **22** Bài ngè ma i hihêm ta trom mùh bài ngè oe ta taneh diq cachit. **23**

Rìm adrech oe ta taneh diq cachit lùch enh kon mangai trùh bài ngè rìh ma qnoeq trùh bài ngè loq ti moq xam bài chìm, toq Nô-ê xam bài ngè ma oe ti haq taboang raq ma oe rìh **24** Diac lạp ta taneh wop mòeq hrinh padam jàt hì.

8 Mahaq Boc Plình hmàng hlài ka Nô-ê xam bài ngè ma oe ta boang ti haq enh ngè ma rìh tagùng brì xam ngè ma aban ta hnim, haq hi thê cayeo hlui ta taneh, aih diac hi talùi. **2** Bài tamôc diac ta kòe jrùq xam bài òap diac ta trồc hì jah clenhi hlài; mè pi cìh hòm ta taneh. **3** Diac talùi yen da adia ta taneh, rai xot rai talùi; ta mòeq hrinh padam jàt hì diac men racòch. **4** Trùh khê tapèh, hì mòeq jàt tapèh boang hi tài ta wang Ararac. **5** Diac xot ka adia trùh khê mòeq jàt; hì mòeq da khê aih, bài bui wang men hi hnoq. **6** Jah pôn jàt hì, Nô-ê pèh qmôc gàu òeh ma broq ta boang, **7** caqnaih mòeq toq ac; ac gliang lam gliang hlài trùh jò diac xot croh ta taneh. **8** Haq hadai caqnaih mòeq toq trù, òeq hu qnhro ngan diac khoe yeo xot qnhòq. **9** Mahaq trù chaq ùh jah qmòe ajang leq òeq hu jràp, trù hi pan hlài ta boang ti haq, majah qmang aih diac oe raq jàp jìa ta cởng taneh. Nô-ê hnhi tì rùp trù, qmùt hlài ta boang ti raðeh. **10** Khoe aih gòm tam tapèh hì, haq hi caqnaih trù loh enh gùng hòm; **11** trùh di xêq trù hlài ta haq, meh oq, ajang mung haq wê ahlài moeq hadrang hla ôliu rìh; Nô-ê loq diac khoe yeo xot ta taneh. **12** Gòm tam tapèh hì hòm, haq hi caqnaih trù; mahaq yàng kô trù pi wìh hlài ta haq hòm. **13** Wop hanam tadrâu hrinh qnhòng da Nô-ê, hì mòeq khê mòeq diac khoe xot loh taneh srênhi; Nô-ê pèh kìa po boang hu ngan, kô tanheh khoe gang. **14** Trùh khê baiq, hì baiq jàt tapèh, taneh khoe croh. **15** Boc Plình doe ka Nô-ê rameh: **16** Loh khoe ka boang beq, ìh, mai ìh, bài kon ìh xam bài mai wì haq. **17** Draha caqnaih qnoh òng bài ngè rìh i xech akia ma khoe oe ti ìh, enh bài chìm trùh bài ngè rìh ta rôm wang, bài ngè ma loq pan moq ta taneh, òq wì haq hu xêh òeq jah rai òeh rai bàc tam ta taneh. **18** Qmang aih Nô-ê xam mai haq, bài kon calô haq xam bài kon mai haq loh khoe ka boang. **20** Nô-ê broq mòeq toq prang tadreo ka Jêhowa. Haq rùp bài ngè ban ma hadròeh, bài chìm ma hadròeh, padon bài ramênhi bùh aih taprang tadreo òeq òeh ka Jêhowa. **21** Jêhowa hit yôc kan xua thùm aih rai hêm ta manoh: “Au pi taiq kon mangai òeq hu

ra-òh hamaiq ka taneh hòh, majah qmang aih manoh da kon mangai dua qmòeq enh jò oe qyoh, au xôq pi baxa bài ngè rih qmang ka ma khoe broq hòh. 22 Waq toq taneh oe i, aih èh oe i jò rai adrech xam jò gat, tanget xam tôq, jò padang xam jò râlîm, dahî xam damang, ùh jò leq lùch.

9 Boc Plînh am xôq ramot ka Nô-ê xam bài kon calô haq, doe ka wî rameh: “Drah hauang tam ma bacc haq, broq dôq haq bình bauq ta crông taneh. 2 Bài ngè ma rih ta crông taneh bài adrech chìm ta trôc, xam bài ngè moq ta taneh xam bài ka diac raxiq, ðiq yùq crê ka ìh, jah jao ðiq ta tì kông ìh. 3 ðiq ðông ka bài ngè rih ma loq lam aih èh ðòeq broq ka pì dahwêq acaq. Au am ka pì bài yiniq aih tiah ka au khoe am cachiq nhat. 4 Mahaq pì ùh khòh acaq jam ma oe i mahua rih, aih la i mahim. 5 Joq qnàng au bôch hlài mahim da kan rih pì, yac ka nòe ngè rôh, yac ka nòe tì kông kon mangai, yac ka ajang nòe tì kông cla oh daq pì. 6 Waq toq cabô broq ta-ùc mahim mangai, aih èh i mangai qnoeq broq ta-ùc chau mahim haq aih; majah qmang aih Boc Plînh broq kon mangai tiaq qmù dua cla haq. 7 Qmang aih, pì drah ha-uang tam ma bacc rai broq dôq haq bình bauq ta crông taneh”. 8 Boc Plînh doe ka Nô-ê xam bài kon haq rameh: 9 “Manòeq kô au broq tajao ka pì hloe xam bài xinoe pì, 10 hloe xam bài ngè ma rih oe tì ìh, enh bài chìm, bài ngè ma aban ta hnim xam bài ngè ma rih tagùng go, aih la bài ngè ma loh enh boang, trùh hloe bài ngè oe ta taneh. 11 Qmang aih, tajao da au ma broq ka pì, hloe xam ka rîm adrech xech akia: diac kân pì hiaq palùng, hadai pì i ka diac kân hu palùng taneh hòh”. 12 Boc plînh doe hòh: “Kô teo ðòeq patô tajao au ma broq tì pì, hloe xam bài ngè ma rih tì pì, hloe hloe ta rîm qnhòng. 13 Au paqnàng ðèh haðong ta yùc, ðòeq broq teo hu patô tajao da au ka taneh. 14 Waq toq jò leq au tagop aràng yùc ta taneh èh haðong plôh tồc enh yùc, 15 aih èh au hi hmàng hlài ðèh tajao au ma khoe broq tì pì xam rîm adrech xech akia i kan rih. Pì jò leq diac ma wîa diac kân ðòeq hu palùng ðông rîm adrech xech akia hòh. 16 Qmang aih haðong hi oe ta yùc, au ngan hnoq haq ðòeq hu hmàng tajao mòeq ðòe adreo Boc Plînh xam bài adrech xech akia ma i kan rih ta crông taneh” 17 Boc Plînh doe hòh ka Nô-ê: “Aih raq teo patô kan tajao au ma khoe broq ta

adreo au xam bài xech akia ta crông taneh”. 18 Bài kon da Nô-ê loh enh boang aih la Sem, Cham, Japhet (Cham aih baq da Cana-an) 19 Aih la piq ngai kon da Nô-ê, èh hadai enh wî aih ma hi jah i kon mangai oe jàp crông taneh. 20 Jò aih, Nô-ê patep abèq rai pît nho. 21 Haq ôq alac bù, khoe aih rahòng ðèh taqne traiq. 22 Cham aih baq da Cana-an hnoq kan rahòng ðèh baq, aih hi loh enh gùng taqmon hlài ðèh ka wa oh daq. 23 Yàng èh wa Sem wa Japhet yôc eo yôh taqmac ðeh ta plêh, lam la alùì thia taqmàn chac ðeh baq, mat wa haq tangèa taqnoeq ðài majah ùh lòm hnoq kan rahòng ðèh baq. 24 Jò Nô-ê hrau enh bù, hia biac kon ma taqne khoe broq ka raðeh, 25 haq doe: Cana-an troq ka hamaiq! Haq jah broq ðic hapông ðèh wa daq wa oh haq. 26 Haq doe tam: Joq khòh manè apôi Jêhôwa, aih Boc Plînh da Sem qnàng, Cana-an ep broq hapông ka wî. 27 Waiq Boc Plînh parùng taneh ka Japhet am haq jah oe tanòe traiq da Sem, èh Cana-an hòh ep broq ðic wî. 28 Atiq ka diac kân, Nô-ê oe rih tam piq hrinh padam jàt hanam. 29 Qmang aih Nô-ê halinh jah hachin hrinh padam jàt hanam, èh hi cachit.

10 Kô xinoe da Sem, Cham xam Japhet, piq ngai kon da Nô-ê; atiq ka diac kân wî haq ha-uang kon. 2 Kon da Japhet aih la Gôme, Magot, Maðai, Jawan, Tùban, Mêsiac xam Tira, 3 Kon calô da Gôme aih la Akêna, Riphath, xam Tôgama, 4 Kon calô da Jawan aih la Êlisa, Tarêsi, Kit-tim xam Ðôðanim 5 Enh wî haq aih majah i mangai oe jàp roc pleo, mangai i ðèh hra gùng, tiaq ðeh hra xinoe xam bàu capoch. 6 Kon calô da Cham aih kut, Mira-im, Phut, xam Cana-an, 7 Kon calô da Kut aih la Sêba, Hawila, Saptâ, Ra-êma xam Saptêca, kon da Ra-êma aih Sêba xam Ðêðan. 8 Kut aih baq da Nimrôt, aih la mangai ma baxèm broq mangai bình linh tanoq ta crông taneh. 9 Haq aih la mangai tanoq ka lam axan enh ngeà ka Jêhôwa. Ðài aih majah i bàu aliah: Wop tiah qmòe ka Nimrôt, mangai tanoq ka lam axan enh ngeà ka Jêhôwa! 10 Diac da haq ma baxèm broq aih la Bâbên, Erêt, Acath, Cade oe tagùng Sinê-a. 11 Enh gùng aih haq lam ta Asiri ta aih haq broq plài Ninive, Rêhòbôti, Calat, 12 Rêsen, plài aih joq ma kân haraya, oe ta adreo wa Ninive wa Calat. 13 Mira-im hauang loh xinoe Luðim, xinoe Anamim, xinoe Lehabim, xinoe Naptuhim, 14 xinoe Barusim, xinoe Caluhim

(enh aih ma loh nang noe Philitin), xam noe Captôrim. 15 Cana-an ha-uang Sidôn, aih la kon ramua, xam Hêch 16 xam xinoe Jêbusit, xinoe Amôrit, xinoe Girêgasit, 17 xinoe Hêwit xinoe Akêrit, xinoe Sinit. 18 xinoe Awadit, xinoe Xêmarit, xinoe Hawatit. Khoe aih xinoe Cana-an hi paclac. 19 Taneh da Cana-an, bè qngèa Gêra, patep enh Sidôn trùh ta Gaxa, bè qngèa Sôdôm, Gômôro, Acma, Sêbô-im trùh ta Lêsa. 20 Aih la adrech da Cham, tiaq tang hadrông hadrech, bàu capoch, gùng xam mangai da wì haq 21 Sem kan cadraq da xinoe Hêbe, daq ranua da Japhet, hadai ha-uang kon calô, 22 Kon calô da Sem aih Êlam, Asuro, Abasat, Lut xam Aram. 23 Kon calô da Aram aih la Uxo, Hulo, Gête xam Mat. 24 Êh da Abasat hòm ha-uang ka Sêlat, Sêlat ha-uang ka Hêbe, 25 Hêbe i baiq ngai kon calô, moeq ngai aih Bêlec, majah qmang aih taneh qnhông da haq khoe lah axong; yiniq mangai ma oh aih Joctan. 26 Joctan ha-uang Amodat, Sêlep, Hasamawet, Jêrat. 27 Hadôram, Uxa, Diacla, 28 Ôban, Abima-ên, Sêba, 29 Ôphia, Hawila xam Jôbap. Wì aih diq kon calô da Joctan, 30 Taneh da wì aih oe enh pah Sêpha, pang Mêsa trùh ta wang apah mat mahì loh. 31 Aih la kon xau da Sem, tiaq tang hadrông hadrech, bàu capoch xam mangai da wì haq. 32 Aih la bài hadrông hadrech da piq ngai kon calô Nô-ê, tiaq tang qnhông xam mangai da wì haq; êh hadai enh wì haq aih raq ma hi i mangai oe talah jàp ta crông taneh atiq ka diac kân.

11 Jò aih, diq dõng ka phù crông capoch ta hatiah rai pajùm mœq bàu. 2 Yàng jò wì haq ma hi loh lam enh gùng mat mahì loh, wì haq glàm mœq toq tamang tagùng Sinê-a, èh wì haq hi oe ta aih. 3 Mangai kô anoe ka mangai tau: Beq! bèn broq gech bũh ta ùnh. Jò aih gech ðœq broq hmo, jan chai ðœq broq hô. 4 Khoe aih wì haq doe: Beq bèn broq plài kân rai paqnang moeq toq hnim haqnheq ma cayòe, dõq bui haq trũh qmòe trõc; drah nhet ka broq ðœq jah broq qngah ka yiniq da bèn yùq èh loq ep prah priang jàp ta crông taneh kô. 5 Jêhowa loh ðœq hu ngan plài xam hnim cayòe da kon magari ma broq aih. 6 Jêhowa doe: Hacô, i mœq adrech mangai raq hadai pajùm mœq bàu tapoch; hatau biac wì haq qnang broq, mandeq kô oe i cleq jah tât bài yiniq wì haq ma khoe di deh. 7 Hêq! Bèn loh broq ðœq manhài bàu capoch da wì ha, dõq wì haq ùh loq tàng

bàu mangai kô xam mangai tau. 8 Khoe pang aih, Jêhowa broq ka kon mangai prah priang jàp crông taneh, èh wì haq hi hêq ka broq plài. 9 Dài aih, majah creo ka plài aih la Baben, majah qmang aih nòe aih Jêhowa broq ka manhài bàu capoch da kon mangai, enh aih haq broq ka kon mangai prai jàp crông taneh. 10 Sêlat jah 30 hanam, ha-uang ka Hêbe. 15 Atiq ka i Hêbe. Sêlat oe rih tam 430 hanam ha-uang kon calô cadri. 16 Hêbe jah 34 hanam, ha-uang ka Bêlec. 17 Atiq ka i Bêlec, Hêbe oe rih tam 430 hanam, ha-uang kon calô cadri. 18 Bêlec jah 30, ha-uang ka Rêhu. 19 Atiq ka i Rêhu, Bêlec rih tam jah 209 hanam ha-uang kon calô cadri. 20 Rêhu jah 32, ha-uang ka Sêruc. 21 Atiq ka i Sêruc, Rêhu oe rih tam jah 207 hanam ha-uang kon calô cadri. 22 Sêruc jah 32 hanam, ha-uang ka Nacô. 23 Atiq ka i Nacô, Sêruc oe rih jah 200 hanam, ha-uang kon calô cadri. 24 Nacô 29 hanam, ha-uang ka Tharê, 25 Atiq ka i Tharê, Nacô rih jah 119 hanam, ha-uang kon calô cadri. 26 Tharê jah 27 hanam ha-uang ka Apram, Nacô, Haran. 27 Kô xinoe da Tharê: Tharê ha-uang ka Apram, Nacô xam Haran; Haran ha-uang ka Lot. 28 Haran cachit deh tagùng cla aih la Uro, aih la gùng Candê, jò aih baq haq la Tharê oe rih. 29 Apram xam Nacô yõc mai, mai da Apram yiniq haq Sarai, mai da Nacô yiniq haq Minca; Minca xam Dica aih diq kon da Haran. 30 Jò aih, Sarai xon ùh i ka kon. 31 Tharê qnung Apram, kon calô cla haq, Lot kon da Haran, aih mon haq, xam Sarai mai da Apram aih la kon mai haq, diq loh khoe ka Uro nòe gùng Candê, ðœq lam trũh gùng Cana-an. Jò trũh ta Charan wì hi rih oe ta aih. 32 Tharê halinh jah 205 hanam, khoe aih hi cachith ta Charan.

12 Jò aih, Chuaj Jêhowa doe ka Apram rameh: ìh drah loh ma khoe ka gùng cla, oh daq cla hlœ xam enh hnim baq ìh, ðœq lam tagùng au ma hu patô am. 2 Au jah broq ka ìh wìh wìa moeq xinoe kân; au jah am ka ìh xõq ramot rai broq ka ìh jah i tiang i bang, ìh jah wìa tamõc xõq ramot. 3 Au am xõq ramot ka cabô ma waiq xõq ramot ka ìh, hamaiq ka cabô ma ra-ðh hamaiq ka ìh, rìm xinoe ta crông taneh diq canòm ka ìh ðœq hujah xõq ramot. 4 Khoe aih, Apram loh lam, tiaq mang ka bàu Jêhowa khoe thê; Lot hadai lam paùm ti haq. Jò Apram loh enh Charan haq khoe jah tapèh jàt padam hanam hlœ xam bài hapõng ðeh khoe jah ta

Charan, loh enh aih òeq lam ta gùng Cana-an; khoe aih òiq ka wì hi trùh ta Cana-an. **6** Apram pagat gùng kô trùh ajang xem long rayai da Môrê, oe ta Xichem. Jò aih mangai Cana-an oe raq gùng aih. **7** Jêhowa loh glâm Apram rai doe ka haq; Au jah am ka xinoe ìh taneh kô! Ta aih Apram broq mòeq toq prang tadreo ka Jêhowa, aih la Yiang ma khoe mahnu òeh am ka haq. **8** Enh aih haq trùh ta trong wang enh pah mat mahì loh da Bêtên, broq traiq ta aih, enh pah mat mahì clih i Bêtên, enh pah mat mahì tõi i Ahi. Khoe èh, ta aih haq broq mòeq toq prang tadreo ka Jêhowa rai waiq dang yiniq haq. **9** Khoe ka aih Apram rai lam rai broq traiq rai èh rai jùà ta pah qma trùh tagùng Nêgêp. **10** Jò aih, gùng aih i kan pangot, kan pangot hrah aih kàn, dài aih Apram majah loh oe ta Êdip. **11** Jò ten mùt ta taneh Êdip, Apram doe ka Sarai, mai raðeh rameh: Kô, au loq gè kô la mangai gucadri lem. **12** Glâm jò mangai Êdip hnoq gè wì doe: Qmat raq mai haq, aih èh wì hi jêh ðac au, mahaq rong gè rih. **13** Gè doe òeh kô oh au òeq canòm ka gè au jah rih, aih òeq wì jah alàng ka au rai jah wèq òeh kan rih au. **14** Apram bu trùh Êdip, mangai Êdip hnoq mangai cadri aih lem joq qnàng. **15** Bài cwan da Phara-ôn hadai toq manè kan lem da haq; wì hi qmùt mangai cadri aih mùt ta hnim Phara-ôn. **16** Taiq mangai cadri aih dài Phara-ôn majah pachàuq hang ka Apram, èh Apram jah bàc hàbo trùu, òo, lùà cadri lùà calò, lócda, hapóng cadri hapóng calò. **17** Mahaq Sarai aih mai da Apram dài Jêhowa majah tabroq ka Phara-ôn xam hnim haq glâm kan ranàc kàn. **18** Phara-ôn creò ka Apram òeq bòch: ìh khoe hàbo òeh ka au qmang qmat? Gleq ùh doe ka au loq haq qmat mai ìh? **19** Gleq majah khoe doe: haq qmat oh au? Jaq au mech khoe yóc haq broq mai. Mandeq, mai ìh kô; drah yóc hlài khoe aih drah lam beq. **20** Khoe aih Phara-ôn hi thê bài cwan bài linh ajèn wa óng mai Apram xam òiq òeq kùng hang haq lam.

13 Apram enh gùng Êdip qnung òeh mai xam bài kùng hang raðeh hloe xam Lot, hadai òròng tõi ta Nêgêp. **2** Jò meh, Apram padròng pi cajaq i haraya rayùc bài ngè ban ta hnim, wang ðac. **3** Haq rai lam rai broq traiq, enh Nêgêp hlài trùh ta Bêtên, trùh nòe haq ma broq traiq yàng ma baxèm, oe ta adreo Bêtên xam Ahi. **4** Aih la nòe nêh haq, haq ma khoe broq

prang tadreo. Oe ta aih Apram waiq dang yiniq Jêhowa. **5** Jò aih, Lot mangai ma hadai lam ti Apram, hanoh bàc trùu, òo, traiq. **6** Gùng aih pi anòh ka wa oe pajùm, majah qmang aih kùng hang bàc hrình loh ka pi jah oe mòeq qmang. **7** Jò mangai Cana-an xam mangai Phêrêsit oe ta aih, loh ka bàc tajênh ka mangai ban trùu da Apram xam mangai ban trùu da Lot. **8** Apram doe ka Lot: Apa q òeq i kan talech taqne ba mìh mon kô, yac ka taqne mangai ban trùu da mon yac ka mangai ban trùu da au hadai ùh òeh ta taqmiac òeh ti dabau, majah qmang aih ba kô xài hadròng ka daba. **9** Òiq ka gùng kô ma ùh xài oe òeq enh ngeà mon? Qmang aih talah ma khoe ka au beq; tàng joq mon yóc bè qngeo, au yóc enh qma; tàng joq mon yóc enh qma; au jah yóc pah qngeo. **10** Lot qngoc ngan, hnoq jàp ka tamang pah tau cròng ðiac jòðan, aih la nòe (aðroe ka Chuaq Jêhowa ma raliang ðac Sòðòm xam Gômôro) òiq i ðiac cadàu pùc jàp trùh qmòe ta Xoa; tamang aih tiah qmòe ka wuàn da Jêhowa èh ùh loe ka gùng Êdip òiq. **11** Lot hi ràih yóc ka raðeh òiq òeq ka tamang pah tau cròng ðiac Jòðan rai lam cwa bè mat mahì loh. Qmang aih wa haq hi talah ka dabau. **12** Apram oe tagùng Cana-an, Lot oe plài ta tamang èh qnhac òeh traiq lam oe ta Sòðòm. **13** Jò aih mangai Sòðòm ngang hi raya, aih la bài mangai broq yiniq lui kàn ka Chuaq Jêhowa. **14** Hi khoe ka Lot ma talah ka Apram, Jêhowa doe ka Apram rameh: Qngoc mat ngan beq, ngan enh nòe ìh ma oe qmat trùh tagùng apah qngeo, apah qma, apah mahì tõi xam apah mahì clih. **15** Majah qmang aih òiq òeq gùng leq ìh hnoq, au jah am hloe ka ìh xam xinoe ìh gùng aih mòeq òeq. **16** Au hi broq ka xinoe ìh bàc tiah ka blo ta taneh, aih èh cabò jah rên òiq ka blo ta taneh aih èh hadai jah rên òiq ka xinoe ìh. **17** Yòng beq! lam ma jàp tagùng kô, dang yòh, dang gat; majah qmang aih au hi am ka ìh gùng kô. **18** Khoe aih Apram qnhac òeh traiq lam oe ajang xem long rayai ta Mamrê, gùng Hêpron, ta aih haq mòeq toq prang tadreo ka Jêhowa.

14 Qnhòng Amraphên, bùà Sêni-a, Ari-oc, bùà Êlê-asa, Ketrò Laome, bùà Êlam xam Tìdan bùà Gô-im, 2 pôn bùà aih taqmùt ti dabau hu tablah ka Bêra bùà Sòðòm, Birêsa bùà Gômôro, Sinê-ap bùà Acma, Sêmebe bùà Xêbô-im xam bùà Bêla aih la Xoa. **3** Bài bùà kô tagop ti dabau

trong dahông Sidim (aih la Diac raxiq cachit) 4 ta mœq jàth baiq hanam bài bùa kô diq oe enh qneq ka bùa Ketrô Laome, yàng èh trùh hanam mœq jàt piq, wì haq hi yòng tablêq. 5 Wop ta hanam mœq jàt pôn, Ketrô Laome xam bài bùa ma mœq bua da haq qnung bình lam tablah ka mangai Rêpha-im oe gùng Actêrot Cana-im, mangai Xuxin oe gùng Ham, mangai Ênim oe ta tamang Kiri-ata-im, 6 xam mangai Hôrit oe trong wang Sê-iro, trùh hloe ta Ênbaran, ten ka ðùng hawit. 7 Khoe aih bài bùa qnung ðeh bình wìh hlài, trùh ajang thông diac kon yiniq haq la diac Hadrah, aih la Cade, wì tât jêh jàp trong gùng mangai Amalec, hloe xam mangai Amôrit oe ta Hasasôn Thama. 8 Bài bùa Sôdom, Gômorô, Acma, Xêbô-im, xam bùa Bêla aih la Xoa, hi qnoh bình wì hi tât rai broq traiq trong dahông Sidim. 9 hu tablêq hlài ka Ketrô Laome, bùa Êlam, Tidan bùa Gô-im, Amraphên bùa Sinêa xam Ari-oc bùa Êlê-asa. Pôn bùa tablêq ka padam. 10 Jô aih ta dahông Sidim i bác bài hlông nhuaq gam; bùa Sôdom xam bùa Gômorô ùh blêq, cadâu clih ta hlông aih, mangai leq ma claih hi cadâu tœc tawang. 11 Bê ma khoe blêq hi blah yœc diq ðœng kùng hang xam dahwêq da Sôdom xam da Gômorô, khoe aih hi lam. 12 Wì haq hadai rùp qnung hloe Lot aih mon da Apram, oe ta Sôdom. 13 I mœq ngai ma claih cadâu lam doe ka Apram, aih la mangai Hêbru. Apram oe tanœ xêm long rayai da Mamrê, mangai Amôrit, daq da Êcôn xam Ane; wì piq ngai kô i taban ka Apram. 14 Jô Apram hĩa doe mon raðeh wì khoe rùp, haq rài yœc ðeh 318 ngai ma ha-uang hnim ta hnim haq bài mangai ma khoe tàp yôt, ðœq hu hnan tiaq bài bùa aih trùh hloe ta taneh Đan. 15 Khoe aih Apram lah deh bài hapœng, gôm jô damang hi canàt bài linh wì, hnan jêh trùh ta taneh Hôba oe bè qngeo ka Ðamat. 16 Haq gop yœc hlài tôm ðœng kùng hang wì ma khoe blah atùng yœc rai qnung ahlài ðeh mon aih la Lot hloe kùng hang haq, xam bài gucadri xam bài mangai qnoeq hlài. 17 Atiq ka Apram jêh blêq Ketrô Laome xam bài bùa ma mœq bua ka haq, jô khoe blêq dang hlài, i bùa Sôdom loh ðih haq ta dahông Sabe aih la dahông bùa. 18 Mênchi Xêðec, bùa Jêrusalem, thê qnoh bênh xam alac. Jô aih, bùa kô aih la pajâu da Boc Plinh Diq jaq Haqnêq, 19 Waiq xœq ramot am ka Apram haq doe rameh: Waiq Boc Plinh Diq jaq Haqnêq, aih la Mangai ma broq plinh cœng taneh, am xœq ramot ka

Apram! 20 Joq troq ka manê qnàng Boc Plinh Diq jaq Haqnêq khoe hataq mangai tablêq mùt ta tì kœng ìh! khoe aih Apram yœc mœq phàn mœq jàt ta bài ngê haq khoe blah yœc jô khoe blêq wì tau hu ðech ka bùa aih. 21 Bùa Sôdom doe ka Apram: Draha jao mangai am ka au, kùng hang aih ìh hi yœc. 22 Apram padreo bàu rameh: Au ðech tì enh ngeà Boc Plinh Diq jaq Haqnêq, Cla craq da plinh cœng taneh ðœq hapah; 23 Waq toq dahwêq leq da bùa, yac ka mœq hadrang brai, mœq hadrang caxi jai, dua au ùh yœc; yùq èh ìh loq doe: Canôm ka au kô Apram ma khoe jah padrœng. 24 enh gùng ka dahwêq leq wì kon qyoh khoe acaq, èh phàn da bài mangai ma lam ti au aih la Ane, Êcôn xam Mamrê, da wì aih, wì haq yœc deh ngê da wì haq.

15 Khoe ka bài yiniq aih, ta kan mahnô i bàu Chuah Jêhowa doe ka Apram: “Apram! ìh apaq yùq cleq; Au kô raq khian da ìh, kùng baha da ìh kân raya”. 2 Apram padreo bàu: Waiq Chuah Jêhowa, ìh am ka au cleq? Au kô èh cachit mahaq ùh i ðeh kon, mangai ma haqmot ðœq wêq kùng hang aih la Êli-êse, mangai Ðamat. 3 Apram anoe hòm: Hacô ìh broq ka au lùch ka noe; mœq ngai hapœng ha-uang tahnim au broq mangai haqmot hujah kùng hang au. 4 Chuah Jêhowa hi doe ka Apram: Mangai aih ùh xài mangai jah da ìh kùng hang, mahaq mangai leq loh enh cliac clêm ìh, aih èh mangai ma hu haqmot da ìh kùng hang. 5 Khoe aih Haq ajên Apram loh enh gùng rai doe: ìh qngoc ngan ta trœc beq, tàng joq ìh jah rên bài halông aih rên beq! Haq doe tam: Xinœ ìh hanoh qmang èh diq. 6 Apram lùì bàu Jêhowa, aih ìq Jêhowa hi tình aih raq kan taq atoq ka Apram. 7 Chuah Jêhowa doe hòm ka Apram: Au kô raq Jêhowa, Mangai ma khoe qnoh ìh loh enh Uro, gùng Candê, hu am ka ìh gùng kô ðœq broq kùng hang. 8 Apram padreo bàu: Waiq Chuah Jêhowa i cleq ðœq au jah loq ðeh jah gùng kô broq kùng hang? 9 Chuah Jêhowa doe: ìh rùp aràng ka au mœq toq bo cadri ma khoe jah piq hanam, mœq toq bubi cadri piq hanam, mœq toq trùu calô piq hanam, mœq toq trù braih xam mœq toq kon trù hnim. 10 Apram rùp tôm ka bài yiniq aih. 12 Jô mahi bu clih Apram kùì pi hmàng, jô meh i kan cadrôt trùh, kan clam cluiq mùt ta chac haq. 13 Chuah Jêhowa doe ka Apram: Ep loq rameh, xinœ ìh

ep oe deh tanòe gùng ùh xài da cla wì haq, broq đic ka mangai gùng aih, mangai gùng aih padit tacaq ka wì haq tapôn hrinh hanam. **14** Mahaq au tah hadrah ka diac, xinoe ìh ma broq hapong đic aih, jò loh enh diac aih òh wì haq jah kùng hang haraya đac. **15** ìh kô òh hòmm jah catèm hlài deh ta kan cadraq, jah deh xòq ramot craq jah xuàng, òh hi catùh. **16** Trùh qnhòng pôn, xinoe ìh hi hlài ta kô, majah qmang aih yiniq lui da mangai Amôrit qnhòq bình gêh. **17** Jò mahi khoe clih kan clam ma hapinh loh ta aih, jò aih i tanùh ùnh kàn plòh nhòe, i mòeq pla ùnh blè qngah pagat tanòe jam ma khoe xah. **18** Hì aih, Jêhowa broq tajao ka Apram, rai doe: Au am gùng kô ka xinoe ìh, enh cròng diac Êdip trùh cròng diac kàn tau, aih la cròng diac Ôphorat. **19** aih la gùng da bài mangai Kênit, kènesit, Camônit, **20** Hêtit P, hêresit, Rêphaim, **21** Amôrit, Cana-an, Girêgasit xam mangai Jêbusit.

16 Jò aih, Sarai mai da Apram dua ùh i ka kon, haq i moeq toq hapõng cadri mangai Êdip, yiniq haq Aga. **2** Sarai doe ka Apram: Ngan kô, Chuaq Jêhowa khoe broq ka au xon, manòeq kô ìh lam acaq oe ti mangai hapõng au aih, broq braiq canòm ka haq aih loq i kon am ka au. Apram hi tàng tiaq bàu Sarai. **3** Jò Apram oe ta gùng Cana-an khoe jah mòeq jàt hanam, Sarai mai haq yõc deh hapõng am deh ka õng broq yang. **4** Haq kùi oe ti mangai hapõng, mangai hapõng aih hi hadràp. Jò mangai hapõng cadri aih hnoq đeh khoe hadràp, haq hi jù đac deh craq. **5** Sarai anoe ka Apram: Kan camaih xep au ma pòq kô òh ta-ùc hlài ta gàu cla ìh. Au khoe phùq haq am ka ìh, yàng pang haq ma hi hnoq rađeh khoe hadràp, aih haq jù cadac au. Waiq Chuaq Jêhowa hadrah taqne ba kô òh. **6** Apram têu Sarai rameh: kô, mangai hapõng aih oe ta tì cla raq, enh broq qmang leq mac da cla. Khoe aih Sarai hi baxa hăbô ka Aga, qmang aih Aga hi cadău môt khoe ka mat haq. **7** Mahaq bình plinh da Jêhowa hnoq haq oe nòe đùng hawit haten ka diac kon, roc haqmai trong hlài ta Suro, **8** hi bôch haq rameh: Aga hapõng da Sarai, ìh trùh enh leq qmat òh ìh hlài taleq? Haq padreo bàu: Au cadău clôn ka mat Sarai, craq au, **9** Bình plinh da Jêhowa thê haq: ìh drah hlài deh ta cla craq ìh rai chiùq enh qneq ka tì kông haq aih. **10** Bình plinh da Jêhowa doe hòmm ka haq: Kô òh au tam ka xinoe ìh jah

bàc, jaq wì loh ka pi hlàt rên. **11** Bình plinh da Jêhowa doe tam: ìh qnang hadràp, kô òh ìh ha-uang mòeq toq kon calò, ìh yiniq ka haq la Ich ma-ên, majah qmang aih Chuaq Jêhowa i tàng kan mangò ìh. **12** Kon qyoh aih òh jah tiah ka kon lùa ta rômm wang, tì kông haq taqniq deh ka oh daq, tì kông wì hadai taqniq chau ka haq. Haq oe pah mat mahi loh, tajraq hadrò điq ka wì oh daq. **13** Haq creo ka Jêhowa ma khoe doe ka rađeh, yiniq haq la “Boc Plinh loq ngan hnoq”, majah qmang aih haq doe: Ma ùh joq ta kô raq au ma khoe jah hnoq Mangai loq ngan hnoq au qmòh? **14** Aih iq wì majah creo ka adròm kô ta adreo qne Cade xam Bêre, aih la adròm Lachairoi **15** Atiq ka aih, Aga ha-uang mòeq toq kon calò, Apram yiniq ka haq Ich ma-ên, **16** Jò Aga ha-uang Ich ma-ên ka Apram, aih Apram khoe jah rahem jàt tadrâu hanam.

17 Jò Apram jah hachin jàt hachin hanam, Chuaq Jêhowa mahnu rađeh ka haq rai doe: Au kô raq Boc Plinh I cwiang Rìm trong; ìh drah lam enh ngêa ka au đòeq broq mangai gêh geo. **2** Kô òh au broq tajao ka ìh, broq ka nang noe ìh bàc tam raya. **3** Apram bla op deh hadrò ta haqneq; Boc Plinh doe ka haq: **4** Da au kô òh hòmm, au broq tajao ka ìh, qmang aih òh ìh jah wia kan cadraq bàc diac. **5** Phù cròng pi oe creo ka ìh Apram hòmm, mahaq Apraham aih òh yiniq da ìh, majah qmang aih au yõc ìh broq baq bàc diac. **6** Au broq ka ìh chềch lõe tam bàc pi cajaq, broq ka ìh wia bàc diac; òh bài bùa điq loh enh ìh. **7** Au broq tajao ka ìh, xam xinoe ìh enh qnhòng kô trùh qnhòng tau; aih la tajao mòeq đòe, đòeq au hu broq Boc Plinh da ìh xam da xinoe ìh. **8** Au am ka ìh xam xinoe ìh gùng ìh ma qnang oe manòeq, aih la điq đòng taneh gùng Cana-an, broq kùng hang mòeq đòe. Aih òh au broq Boc Plinh da wì haq. **9** Khoe aih, Boc Plinh doe ka Apraham: Da ìh xam xinoe ìh, enh qnhòng kô trùh qhòng tau, ep wèq tajao da au. **10** Rìm ngai calò ta pì qmat ep broq ramènh kat akia; aih raq ramènh pì ep wèq, aih la tajao broq taqne au xam pì, xam xinoe trùh atiq ka p. **11** Pì ep chiùq kat akia; ramènh aih òh jah broq teo hadro da kan tajao taqne au xam pì. **12** Enh qnhòng kô trùh qnhòng tau rìm ngai calò taqne pì, yac ka haq ha-uang tahnim pì yac ka qnoh bac rot enh mangai diac wì, ùh xài nang noe da pì, waq toq hi jah rahem hì, điq ep chiùq kat akia. **13** Ûh

dùh cadac broq ramènh kat akia mangai ma ha-
uang ta hnim, yac ka rot ahlài xi bac; kan tajao
da au jah broq mòeq òde oe ta xech akia pì. **14**
Mòeq ngai calò leq ma ùh ùh waq broq ramènh
kat akia ta xech akia cla raðeh, haq aih ep qnoh
đac gùng ka mangai da au; aih la mangai khoe
broq tagoh bàu tajao da au. **15** Boc Plinh doe
ka Apraham: Qmang ka Sarai, mai ìh, pì dùh
creo Sarai hòmh; mahaq creo Sara aih la yiniq
haq. **16** Au hi am ka haq xôq ramot, èh hòmh
ajang haq au jah am ka ìh mòeq toq kon calò.
Au am ka haq xôq ramot, aih èh haq jah broq
miq bài diac; bài bùa loh enh haq aih èh. **17**
Apraham kùp dèh hadrò ta haqneq; haq do rai
capoch atùng ta manoh: Mangai khoe ten bình
ka hrinh hanam kô ùac ka oe jah i kon qmòh?
Da Sara hòmh, hanam khoe hachìn jàt, oe jah
ha-uang qmòh? **18** Apraham doe ka Boc Plinh:
Chop Ich ma-ên jah rìh enh ngèa ka ìh! **19** Boc
Plinh hi doe: Joq qnàng Sara mai ìh èh haq ha-
uang mòeq ngai kon calò, khoe aih ìh yiniq am
ka haq la Ysac. Èh au broq tajao ti haq, òdeq
broq tajao mòeq òde ka xinoo haq. **20** Au hanoh
dì bàu ìh ma creo dang am ka Ich ma-ên. Kô au
am ka haq xôq ramot, broq ka haq jah chèch
lòe tam ka bàc; haq jah broq kan cadraq da
mòeq jàt baiq ngai cla craq, au broq ka haq wìa
mòeq diac kàn. **21** Mahaq au broq tajao ti Ysac,
dàng kô hanam èh Sara ep ha-uamg kon ka ìh.
22 Jò Boc Plinh hêq ka capoch Boc Plinh talah
ka Apraham hu tồc dèh ta tróc. **23** Hi aih raq,
Apraham thê Ich ma-ên, kon calò raðeh xam
dìq ka mangai calò ta hnim, yac ka bài mangai
ha-uang ta aih yac ka mangai ma rot hlài xi
bac, òdeq broq ramènh kat akia wop tiaq bàu
Boc Plinh ma khoe tanap thê. **24** Apraham khoe
hachìn jàt hachìn hanam jò haq broq ramènh
kat akia, **25** Ich ma-ên kon da haq khoe jah
mòeq jàt piq hanam. **26** Apraham xam Ich ma-
ên kon haq dìq baiq broq ranenh kat akia ta hi
aih. **27** Xam dìq đống bài mangai calò ma ha-
uang ta hnim haq, hloe xam bài mangai ma rot
enh mangai diac wì, dìq chiùq kat akia ti haq.

18 Chuaq Jêhowa loh ti Apraham tanòe xèm
long rayai da Mamrê, jò haq qnang haqngui
ajang qmang traiq jò tróc tôp dahì. **2** Apraham
qngoc ngan hnoq piq ngai oe ajang ngèa raðeh.
Jò bu hnoq, patep ajang trong qmang haq tùh
loh enh ngèa wì piq ngai aih, bla op raðeh ta
haqneq, **3** rai doe: Waiq Chuaq, tàng joq au jah

xôq ramot enh ngèa Chuaq, joq au cali calo òeh
qnàng, pì apaq lam hloe mahaq padòh mùt ta
hnim hapông Chuaq. **4** Dôq wì qnoh toq xit
diac qnheo jènh pì rai padài ajang yàp long kô.
5 Òdeq au qnoh mòeq calep bènhi dôq pì acaq
ka dràng cliac, khoe aih pì hi lam, xài aih raq
pì majah thia ajang hnim mangai hapông pì
kô. Wì aih doe: Broq beq, broq troeq bàu ìh
ma khoe doe. **6** Khoe aih Araham drah mùt ta
traiq thiaq ajang Sara haq doe: Drah rênhi yóc
piq cadap dác ma habùat jràu malem, khoe aih
broq bènhi. **7** Khoe aih haq drah cadàu trùh yóc
diac sùa pajòq, diac tồh bo maneo xam bo ma
khoe pai; don qnoh enh ngèa ka wì aih. Wì aih
hi acaq **9** Wì aih bòch Apraham: Sara mai ìh
taleq? haq têu: hatau haq oe ta traiq. **10** Mòeq
ngai ta wì aih doe: Hanam èh wop jò kô, au wìh
hlài tacò ti ìh, jò aih èh Sara mai ìh jah i mòeq
toq kon. Sara oe jang qmang traiq enh rù ka wì
aih, tàng bài bàu kô. **11** Jò aih Apraham xam
Sara dìq baiq khoe craq, hanam khoe bàc; Sara
pì oe i cleq tiah ka gucadrì qnoeq. **12** Sara do
atùng ta manoh: Craq qmang ka au kô hlàu cleq
ka oe jah kan lem bùi aih qmòh? Èh craq da au
hanoh khoe craq! **13** Chuaq Jêhowa creo bòch
Apraham: Gleq Sara majah do rai doe: Ajoq au
khoe craq qmang kô dua oe jah ha-uang qmòh?
14 i ka yiniq cleq Jêhowa ma broq ùh jah? Trùh
jò ma khoe pajaq, ta mòeq hanam hòmh, au wìh
hlài ti ìh, èh Sara khoe i kon. **15** Pàng crè pi
cajaq dãi Sara majah hangah: Au i do òeh taleq!
Mahaq Haq doe: Joq qnàng ìh i do. **16** Dìq ka
wì aih yòng hulam, tangia ta Sôdom. Apraham
hadai òeh wì aih lam. **17** Jêhowa doe: Laiq au
ma cadoc ka Apraham yiniq cleq òeh ma padon
broq qmòh? **18** Majah qmang aih Apraham kô
èh jah wìa mòeq diac kàn rai òeh raya; rìm diac
ta crống taneh kô dìq canòm ka haq òdeq hujah
xôq ramot. **19** Au khoe ràih haq òdeq hu hnài
bài kon hloe xam hnim haq wèq tiaq trong da
Jêhowa, broq bài yiniq taq atôq hnhoh jang;
aih èh Jêhowa hi broq òdeq xit òeh bàu khoe
têu am ka Apraham. **20** Chuaq Jêhowa doe: Bàu
creo dang ta Sôdom ta Gômro joq khoe hrinh
hran, yiniq lui da wì gùng aih joq khoe gau.
21 Au enh loh òdeq ngan, òdeq hnoq wì haq
acaq oe ajoq tiah ka bàu ma creo dang trùh ta
au loq ùh; tàng joq aih èh au jah loq. **22** Èh,
wì hi loh enh aih, lam ngèa ta Sôdom mahaq
dua Apraham oe raq yòng enh ngèa ka Chuaq
Jêhowa. **23** Araham thia haten rai anoe: Chuaq

Ìh jêh đac mangai taq atôq hloe ti mangai dù qmòh? **24** Broq braiq ta plài loq i padam jât ngai taq atôq, Chuaq dua jêh đong wì qmòh? Ma ùh xài ìh caqnaihi ka plài aih taiq padam jât ngai taq atôq oe ta plài aih qmòh? **25** Wia ka Chuaq broq qmang aih, jêh đac hloe mangai taq atôq pajùm ti mangai ngang dù; loh ka mangai taq toq budang mangai dù. Òh! Chuaq ùh jò leq broq qmang aih. Mangai ma hadrah điq đong cởng taneh, wia ka ùh broq kan taq atôq? **26** Chuaq Jêhowa têu: Tàng au chaq jah padam jât ngai taq atôq ta Sôđôm, taiq kan ha-och ka toq aih ngai au hi caqnaihi đong điq ka plài. **27** Apraham doe hòm: Hiloq ka au kô loh enh taneh blo mahaq dua kân clêm hu anoe ka Chuaq. **28** Ta padam jât ngai taq atôq aih troq capòch đac padam ngai, aih èh taiq padam ngai ma capòch aih Chuaq jêh đong mòeq plài qmòh Haq têu bàu: Tàng au chaq jah pôn jât padam ngai, au ùh jêh plài aih. **29** Apraham dua cachian: Beq ta plài aih, i pôn jât ngai taq atôq raq, aih èh qmang leq?; Haq doe: Taiq kan loq waq ka pôn jât ngai aih, au ùh palùng plài. **30** Apraham doe hòm: Au cali calo ka ìh, ìh apaq nòeh, aih èh au hu anoe: Broq braiq ta plài aih i piq jât ngai raq, aih èh qmang leq? Haq doe: Tàng joq au chaq hnoq piq jât ngai, aih èh au pi jêh đac hòm. **31** Apram doe hòm: Au kô dua kân clêm hu anoe ka ìh: Tàng joq i baiq jât ngai raq aih èh qmang leq? Haq doe: Taiq kan ha-och ka baiq jât ngai aih, au ùh palùng plài aih. **32** Apraham doe hòm: Ìh apaq nòeh đôq au anoe tam mòeq yàng kô hòm: Tàng ta plài aih i padam ngai raq, aih ìh hèm qmang leq? Haq doe: Au dua pi jêh đac plài aih taiq kan ha-och ka padam ngai aih. **33** Jò Chuaq Jêhowa khoe hêq ka capoch tuàng ti Apraham, aih Haq hi tởc ta trỏc, Apraham hlài dềh ta traiq.

19 Trùh xêq, baiq bình plình trùh ta Sôđôm; jò aih Lot qnang haqngui ajang trong mùt ta plài. Jò Lot hnoq baiq bình plình trùh, haq padinh yòng đìh rai bla op radeh ta haqneq. **2** Haq doe: Wa craq da au! Joq au cali calo đeh chỏp thia ta hnim au rai padài mang kô ta-aihi. Chỏp qnheo jềnh, khoe aih trùh sỏq èh rừ enh kùì chỏp hi lam hòm. Baiq bình plình doe: Òh, mang kô ma kùì roc trong **3** Mahaq Lot àu akhen waq ka jah, wa bình plình loh ka ep mùt hnim haq. Haq padon yiniang, broq bẻnh ùh wát blo, wa bình plình hi acaq. **4** Wa bình plình

qn hòq lam kùì, bài mangai calô ta Sôđôm enh qyoh trùh craq, aih la điq đong ka mangai gùng aih, điq tùh loh dudan ka hnim. **5** Bài aih creo ka Lot hu bỏch: Wa tamoe ma khoe mùt hnim ìh xêq kô ìq taleq? Drah qnoh wa tacô đòeq nhẻn hu canau. **6** Lot hi loh thia bài wì ma oe enh gùng, khoe aih clẻnh qmang. **7** rai doe ka wì ta aih: Kô joq au cali calo oh daq apaq broq trong dù aih! **8** Kô au i baiq ngai kon cadrì qnhỏq yỏc ỏng, au am wa aih ka pì, pì enh broq cleq hi mac da pì, waq toq pì paq broq cleq hỏbỏ ka wa baiq ngai tau; xài taiq aih raq wa haq majah thia hamong ta hnim au. **9** Bài mangai ta aih doe: Ìh wia taqnoeq! wì doe hòm: Mangai kô lam oe clỏh tacô, aih cadoe enh hadrah ka nhẻn qmòh! Ỏq hẻq brì ka nhẻn tabroq ka ìh yeo hamoq ka wa tamoe tau hòm. Khoe aih wì hnen rachùq Lot cadẻh, rai glẻm hu raliang cadac qmang hnim. **10** Mahaq baiq bình plình hnhu tì qmùt Lot ta hnim, khoe aih hi clỏng qmang, **11** khoe aih, hi tabroq ka bài mangai enh gùng ka qmang, enh mangai qyoh trùh mangai craq, điq loh ka pùà mat, jaq wì chaq trong qmang mech lep, mahaq dua ma ùh jah, **12** Wa bình plình bỏch Lot: Ìh oe i ka cabỏ tacô hòm ùh? Kon ỏng, kon calỏ, kon cadrì, èh cabỏ hòm tacô ma mangai da ìh qnoh đong ma điq beq! **13** Nhẻn hu raliang cadac jang kô, majah qmang aih bàu creo dang da mangai gùng kô khoe tởc trùh ta Jẻhowa, dài haq majah thẻ nhẻn loh hu palùng đac. **14** Lot loh enh gùng doe deh ka kon ỏng ma khoe yỏc kon cadrì haq: Drah yỏng beq! loh ma khoe ka tacỏ, majah qmang aih Jẻhowa padon palùng đac plài kô. Yàng aih bài kon ỏng xoh dẻh haq capoch blìa. **15** Trùh qngah, wa bình plình bahuiq Lot rai doe: Drah yỏng qnung mai ìh xam wa kon cadrì ìh ma qnang oe tacỏ loh beq, yùq èh ìh loq ep cachit ataq đẻh jò palùng đac plài kô. **16** Mahaq Lot xan raqngỏt yỏt; taiq Jẻhowa ha-och ka Lot, dài wa bình plình cadop yỏc kỏng dùi haq xam mai xam wa kon haq qnoh enh gùng ka plài. **17** Jò wa bình plình khoe qnoh wì loh enh gùng, i mòeq ngai ta wa aih doe: dot drah cadàu amot beq hu đong radeh, apaq hwi enh rừ èh hanoh apaq yỏng hu padài ajang leq ta tamang; drah cadàu tởc mot ta wang, ùh meh loq cadac radeh. **18** Lot padreo bàu: Waiq Chuaq! ùh jah. **19** Hỏcỏ, hapỏng ìh khoe jah xỏq ramot enh ngẻa ka Chuaq; ìh khoe mahnu deh kan loq waq kân ka au đòeq hu dẻch au jah rìh. Mahaq au cadàu

tốc mot ta wang ùh tem adroe ka kan ranàc kàn trùh, aih xài au ep cachit. **20** Hatau plài tau khoe qyoh èh yeo haten ðòeq au hujah haninh. Yôi yôiq, chop ìh am au jah haninh ta tau ðòeq hujah wèq dèh kan rìh, plài tau ma joq qyoh qmòh? **21** Bính plính doe: Hacı au am tam ka ìh yiniq ìh ma bòch, au ùh palùng ðac plài ìh ma doe aih. **22** Drah lam amot ta aih beq, majah qmang aih au ùh broq cleq jah jò ìh qnhòq mùt trùh ta aih (Aih ìq dài wì ma creó ka plài aih la Xoa). **23** Jò mahi khoe tốc aih Lot mùt khoe trùh ta plài Xoa. **24** Khoe aih, Boc lình caqnìh mè liu hwình xam ùnh enh nòe da Chuaq oe taplình clìh enh qnhèq ka Sôđôm xam Gômôro. **25** Palùng baiq plài kô, xam ta tamang, xam ðiq ðống mangai ta aih hloe xam bài long nhat ta taneh gùng aih. **26** Mahaq mai da Lot hwi dang lùì hu ngan deh enh rù, dài haq majah wìh wìa jrang boh. **27** Apraham rìu sroeh, lam trùh ajang nòe ðeh ma khoe yòng enh ngèa ka Jêhowa. **28** Haqmiang ngan qnah ta Sôđôm xam Gômôro, xam jàp gùng oe ta tamang, aih cadoe hnoq enh taneh nhòe tốc ma bahuàng, tìah qmang ka nhòe ta tanùh ùnh kàn. **29** Jò aih, jò Jêhowa raliang ðac bài plài pla ta tamang aih la plài Lot ma oe, aih hmàng trùh Apraham, ðèch Lot claih enh nòe raliang aih. **30** Lot oe ta Xoa aih haq crè pi cajaq cleq, dài haq xam wa kon cadac ta-aih hu cadàu tốc tawang, lam amot tanòe kòp hmo. **31** Mangai ma daq doe deh ka oh: Baq da ba kô khoe craq, manòeq kô ta cống taneh kô pi oe i cabò ðòeq wìa ống mai ti ba tìah ka da wì noeq. **32** Beq ba qmù alac ka baq, èh ba kùì ti haq ðòeq hu i hlài xinoe da baq. **33** Mang aih, wa oh daq qmù alac deh ka baq khoe aih mangai daq thia kùì deh ti baq; mahaq baq haq ùh hmàng jò leq haq thia kùì èh jò leq haq yòng. **34** Trùh hì da èh, daq doe deh ka oh: Meh, mang ìq au khoe kùì ti baq, hì kô ba qmù alac hòm ka baq, khoe èh oh lam kùì ti haq, ðòeq hu i hlài xinoe da baq. **35** Mang aih wa qmù hòm alac deh ka baq, khoe aih mangai ma oh rìu haq thia kùì deh ti baq; mahaq baq haq ùh hmàng jò leq haq thia kùì, jò leq haq yòng. **36** Qmang aih wa kon da Lot wê clìac dèh enh baq. **37** Mangai daq ha-uang jah mòeq ngai kon calô, yiniq dèh ka kon aih Mô-ap; aih raq kan cadraq da mangai Mô-ap trùh hloe manòeq. **38** Mangai oh hadai ha-uang mòeq ngai kon calô, haq yiniq dèh ka kon la Bênammi aih raq kan cadraq da mangai Ammôn trùh manòeq.

20 Apraham lam enh aih mùt tagùng Nêgép, trùh oe ta Gêra, ta adreo wa Cade wa Suro. **2** Ta aih Apraham ràu trùh Sara mai da ðeh: Haq qmat oh au. Abimêlec bùa Gêra, thê wì lam rùp Sara. **3** Mahaq ta jò apô damang, Boc Plính mahnu loh ti bùa Abimêlec rai doe: Kô oq, ìh qmat èh cachit ka mangai cadrì ìh ma khoe rùp qmat, majah qmang aih haq khoe i ống, **4** Jò aih bùa Abimêlec qnhòq thia haten ka mangai cadrì aih, haq majah doe: Waiq Chuaq! Wìa ka ìh palùng ðống mòeq ðiac taq ataq? **5** Ma ùh joq mangai aih doe ka au rameh: Qmat oh cadrì au? èh mangai cadrì qmat ma ùh doe: Qmat daq au? Au broq biac kô xi manoh hnhuh jang xam tì kống hreo lem. **6** Jò apô, Boc Plính doe tam ka haq: Au hadai loq ìh broq qmang aih tiaq manoh hnhuh jang, dài aih ìq raq au majah tât ìh ùh hìaq broq yiniq lui ka au, rai ùh am ìh troq trùh mangai aih. **7** Manòeq kô, mangai cadrì qmat drah jao padreohlài da ống haq, majah qmang aih ống da haq qmat la mangai pajàu, haq jah waiq khàn am ka ìh, aih èh ìh men jah rìh. Tàng khen ùh padreo hlài, aih èh loq rameh ìh xam ðiq ðống mangai leq da ìh cachit ðiq. **8** Bùa Abmêlec rìu sroeh, creó ðống deh ka bài hapống, anoe hlài rìm nà, aih ðiq ðống ka wì hamàih. **9** Khoe aih, Abimêlec creó ka Apraham rai doe: ìh broq ka au cleq qmang qmat? Au i broq cleq ùh troq ka manoh ìh aih ìh ma broq ka au xam ðiq ka taneh ðiac kô ep pòq yiniq lui kàn qmang kô? ìh khoe broq ka au yiniq ma ùh khòh broq. **10** Bùa Abimêlec doe hòm ka Apraham: ìh hèm qmang leq majah broq qmang aih? **11** Apraham têu: Cla au hèm ðeh: tagùng kô ùh i ka cabò iu yùq ka Boc Plính, aih èh ahìaq taiq mai au kô èh wì majah jêh ðac au. **12** Qnah hòm, haq qmat joq qnàng oh cadrì au, oh pajùm baq miq mangai deh hra; au yóc haq broq mai. **13** Jò BocPlính broq ka au pac lac hangai dèh ka hnim baq, aih au i doe ka haq rameh: Kô trong gè broq ðòeq hu patô raðeh joq ha-och ka au, rìm nòe bèn lam, jò ràu trùh au thê doe rameh “Hac qmat daq au”! **14** Khoe aih, Abimêlec thê qnoh trìu, ðo, hapống ka dři hapống calô ka Apraham, rai padreo hlài Sara mai haq, rai anoe hòm: **15** Hacı, gùng au khoe palauq ðòeq ka ìh, ìh enh taleq hi oe ta aih. **16** Khoe aih bùa doe ka Sara: Kô au am ka daq ìh mòeq muàn capiac bac; bac aih am ka ìh tìah ka bai prình mat bài wì ma oe ti ìh, aih èh rìm ngai ðiq jah doe ìh mangai taq ataq. **17** Khoe ka

aih Apraham waiq khàn ka Boc Plinh, aih Haq broq ka Abimêlec jah brêh ka yiniq, hloe ka mai xam bài hapông da haq; qmang aih wì diq jah i hlài kon. **18** Majah qmang aih, taiq biac Sara mai da Apraham Boc Plinh broq ka hnim bùa Abimêlec diq loh đồng ka xon.

21 Chuaq Jêhowa trùh hmàih ka Sara tiaq qmang ka bàu ma khoe doe, rai broq ka Sara wop qmang ka bàu deh ma khoe anoe. **2** Sara oe jiang, ha-uang mỏeq ngai kon calô ka Apraham jò hanam khoe craq, wop troq jò Boc Plinh ma khoe di deh. **3** Apraham yiniq ka kon calô Sara ma khoe ha-uang ka radeh la Ysac. **4** Troq rahem hi, Apraham broq ramênh kat akia ka Ysac tiaq bàu Boc Plinh ma khoe tanap the. **5** Apraham khoe jah mỏeq hrinh hanam jò ma ha-uang Ysac kon haq. **6** Sara doe: Boc Plinh khoe aràng ka au bàu do lem bùi. Rìm ngai hĩa diq jah lem bùi biac da au. **7** haq doe tam: Cabô hĩa doe ka Apraham kô êh Sara jah ta-ùq kon? Majah qmang aih au khoe ha-uang kon calô jò haq khoe craq pi nèn. **8** Kon qyoh yòng kàn hi cadac tôh. Wop hi Ysac cadac tôh, Apraham padon yineang kàn hu acaq manè. **9** Sara hnoq kon calô da Aga, mangai Êdip, khoe ha-uang ka Apraham, halê do, **10** haq doe ka Apraham: Hnan đac mangai hapông cadrì hloe xam kon haq lam beq, majah qmang aih kon da mangai hapông cadrì qmat wia ka wiang jah waq kùng hang ti Ysac kon au. **11** Bàu kô broq ka Apraham mangò ta manoh, taiq kon calô da radeh. **12** Mahaq Boc Plinh doe ka Apraham: Ìh ùh dùh mangò deh ka kon calô xam hapông cadrì ìh, Sara anoe qmang leq, tiaq qmang ka bàu haq ma doe; majah qmang aih enh Ysac qmat êh ma ha-uang loh moeq xinoo pòq yiniq ìh. **13** Au hanoh broq ka kon calô da mangai hapông wia moeq diac kàn, majah qmang aih haq hadai loh enh ìh. **14** Apraham riu sroeh, yỏc bẻnh xam moeq cabi diac am ka Aga; taqmac bài dahwẻq aih ta plẻh haq rai jao kon calô ka haq khoe aih hi the lam. Aga loh lam, haq lam liq lam làn tanẻ gẻng hawit Bẻ-e sẻba. **15** jỏ diac ta cabi khoe diq haq đẻq kon qyoh haqngui ajang kon xem long. **16** cla haq haqngui tangẻa yeo hangai ka aih jah qnah ta mẻq qmang pẻnh panenh; haq doe: Yẻi! broq qmang leq au ma manaq hnoq kon qyoh cachit! Haq haqngui tangẻa ka aih rai crỏ hmoe. **17** Boc Plinh tàng bàu kon qyoh hmoe, aih bẻnh plinh da Boc Plinh oe ta

trỏc hi creo ka Aga rai doe: Aga! ìh i yiniq cleq qmat? Apa q yủq cleq majah qmang aih Boc Plinh khoe tàng bàu kon qyoh hmoe ajang nẻ haq ma kủi. **18** Drah yẻng đẻch kon qyoh aih rai hnhu tẻ carủp haq, majah qmang aih au jah broq ka haq wia moeq diac kàn. **19** Khoe ka aih Boc plinh pẻch mat Aga; haq hnoq mẻq toq adrẻm diac, haq lam qmẻc bẻnh cabi am kon qyoh ôq. **20** Boc Plinh am xỏq ramot ka kon qyoh aih, haq yẻng kàn, oe tanẻ hawit, rabiaq ka pẻnh panenh. **21** Haq oe ta đẻng hawit Pharan; miq haq ban ka haq mai aih la mangai gẻng Êdip. **22** Ta qnhỏng aih, bùa Abimẻlec xam Phicỏn, gẻu bài cla craq linh, doe ka Apraham rameh: Boc Plinh am ka ìh xỏq ramot ta rẻm yiniq ìh broq. **23** Qmang aih, mandẻq kỏ ìh yỏc yiniq Boc Plinh đẻq hu hapah rameh: ùh jỏ leq ìh qnủt au, kon au hloe xam xinoo au. Mahaq ìh broq alẻng ka au xam ka gẻng ìh qnang oe, moeq manoh la alẻng tẻah ka au khoe alẻng ka ìh diq. **24** Apraham doe: Au hĩa hapah. **25** Apraham mamẻc ka bùa Abimẻlec biac adrẻm diac bài hapỏng da bùa khoe blah yỏc. **26** Bùa Abimẻlec hi doe: Au ùh hĩa cabỏ ma khoe broq qmang aih, cla ìh ji ùh i doe ka au adroe, hi kỏ au qnang loq ka hloh. **27** Khoe aih, Apraham rủp triu xam bỏ đẻch ka bùa Abimẻlec, khoe aih wa hi tajao ka dabau. **28** Apraham lah đẻq crẻi tapẻh toq triu caqmon adrủh enh cadrẻng; **29** aih bùa Abimẻlec hi bẻch: Tapẻh toq triu caqmon adrủh lah đẻq crẻi qmat đẻq broq cleq? **30** Haq padreo bàu doe: ìh di yỏc tapẻh toq triu tẻ kỏng cla au đẻch ka ìh kỏ, đẻq hu panhẻn cla au kỏ ma khoe chĩa diac adrẻm kỏ. **31** Aih ìq wẻ majah creo yiniq ajang kỏ la Bẻ-e Sẻba, majah qmang aih ta aih wa baiq ngai khoe hapah ti dabau. **32** Qmang aih wa tajao ti dabau ta Bẻ-e Sẻba. Khoe aih Abimẻlec xam Phicỏn cwan gẻu bài cla craq linh hi yẻng hlẻi đẻh tagẻng Philitin. **33** Apraham pit mẻq xem long me ta Bẻ-e Sẻba, êh ta aih haq waiq dang yiniq Jẻhowa aih la Boc plinh halẻnh mẻq đẻ. **34** Apraham oe ta Philitin đẻnh hi đẻnh mang.

22 Jỏ rẻm yiniq tau khoe gẻh, aih Boc Plinh hi qnhỏ Apraham. Haq doe: Apraham! Hacỏ au kỏ, Apraham padreo bàu. **2** Boc Plinh doe: Drah rủp kon mẻq da ìh ma loq waq, aih la Ysac, hu lam tagẻng Mỏri-a, ta aih đẻch kon qyoh aih broq ramẻnh bủh oe tanẻ bủi wang au ma hu patỏ am. **3** Apraham riu qmẻc ka

sroeh, taqmac lù, qnung baiq ngai hapõng xam Ysac kon cla haq, hadai lam, haq hanoh koh ra-ùnh hu padon ka ramènh bùh, khoe aih hi lam tanòe Boc Plình ma tanap thê. **4** Trùh hì piq, Apraham haqmiang ngan hnoq nõe aih enh hangai, **5** aih haq doe deh ka wa hapõng: chòp oe tacò raq ti kon lù; ma kon qyoh kò lam ta tau èh òeq kùh waiq, khoe èh hi tawih hlài ti chòp. **6** Apraham yòc ra-ùnh padon ka ramènh bùh, taqmòq ka Ysac kon cla haq, khoe èh ta ti cla haq wê ùnh xam pla chang, èh òiq baiq ka wa baq kon hi hanoh lam. **7** Ysac doe ka Apraham, baq haq: A baq? Haq têu: Cleq kon! Kò baq. Ysac doe: Ra-ùnh i kò, ùnh i kò mahaq kon trìu enh leq hu broq ramènh bùh? **8** Apraham doe Cla Boc Plình jah palauq òeq dèh kon trìu hu broq ramènh bùh, kon ôi! khoe aih cla wa baq kon lam hòm. **9** Wa lam trùh nõe Boc Plình ma khoe tanap thê; ta aih Apraham broq mòeq toq prang tadreo, srom ra-ùnh enh qnhèq kàt Ysac kon cla tah enh cõng ra-ùnh. **10** Apraham hnhu tì yòc chang hu jèh deh kon. **11** Bình plình da Jèhowa oe enh plình creò dang loh: Apraham, Apraham! haq padreò bàu: I au kò. **12** Bình plình doe: Apa q poh tì ta chac kon qyoh, hadai paq broq cleq ma hãbo ka haq; majah qmang aih manòeq kò au loq ìh joq loq iu yùq ka Boc Plình, majah qmang aih ìh ùh adènh ka au kon ìh, aih kon mòeq da ìh. **13** Apraham qngoc ngan, hnoq enh rù i mòeq toq trìu calò, haki hlac ta dradrèn long, hi rùp kon trìu aih dèch broq ramènh bùh thài dèh kon. **14** Apraham yiniq ka jang aih la: Jèhowa Jirê. Dài aih manòeq kò majah i bàu cachôi: Ta bui wang da Jèhowa i palauq òeq. **15** Bình plình da Jèhowa oe enh plình creò ka Apraham yàng atiq rameh: **16** Jèhowa doe rameh: Pàng ìh khoe broq biac aih, ùh adènh qmòe dèh kon, aih la kon mòeq da ìh aih èh au kò hadai yòc qmòe cla au òeq hu hapah rameh: **17** am xòq ramot ka ìh, tam ka xinoe ìh jah cràm qmang ka halõng ta tróc bàc qmang ka braih diac raxiq, xinoe aih jah blah yòc gùng plài da mangai tablêq ka wì haq. **18** Taiq ìh khoe iu tiaq bàu au tanap thê, dài bài taneh diac ta cõng taneh òiq canòm ka ìh òeq hujah xòq ramot. **19** Khoe ka aih Apraham wìh hlài ajang nõe wa hapõng; wì haq yòng enh aih hadai hlài ta Bê-e Sêba. Apraham oe ta Bê-e Sêba. Xinoe da Nacò ... **20** Atiq ka bài yiniq aih, wì anoe hlài ka Apraham qmang kò: Minca hanoh khoe pòq miq, haq khoe ha-uang

kon ka Nacò oh ìh. **21** Kon calò ramua aih la Uxo, oh calò la Buxo, Kêmu-ên baq da Aram; **22** Kêset, Haxô, Phindac, Jiclap xam Bêtu-ên; **23** Bêtu-ên aih daq da Rêbêca. Minca ha-uang rahem ngai kon calò ka Nacò oh da Apraham. **24** Cadrì yang da haq yiniq la Rê-uma, hanoh ha-uang kon, aih la Têba, Gaham, Tahat, xam Ma-aca.

23 Sara rìh jah mòeq hrinh baiq jàt tapèh hanam. Aih la hanam rìh da Sara. **2** Sara cachit ta Kiri-at Araba (aih la Hêprôn) oe ta gùng Cana-an. Apraham trùh lòm Sara rai crò hmoe ka haq. **3** Khoe aih Apraham yòng enh ngèa dèh ka magai ma pi i, rai doe ka bài mangai xinoe Hèch rameh: Au kò mangai diac qnoeq, tamoe ùh canau lam oe ataq dèh qne pì, au cali calo dèh pì tech ka au mòeq nõe taneh pì, òeqq au i nõe hu catùh dèh mangai cachit. **5** Mangai xinoe Hèch têu bàu: Wì cra q! ìh tamàng nhèn: Taqne nhèn kò, ìh qmat kon da bùa kàn; catùh da ìh mangai cachit nõe leq ma yeo lem đồng ta nhèn. Nhèn ùh i ka cabò ma adènh cleq dèh ka nõe cadac hanang, òeqq catùh mangai cachit da ìh. **7** Apraham hi padinh yòng, hacùn cràng enh ngèa wì mangai gùng aih, aih la mangai xinoe da Hèch, **8** Haq anoe rameh: Tàng Joq pì lem manoh am catùh mangai cachit da au, aih pì tamàng au, pì trùh ta Êprôn kon da Xôha, pì anoe biaq ka au. **9** dòq haq aih tech hlài ka au kòp hmo ta Macbêla, oe enh gàu òùng da haq, òeqq hlài ka au troq jaq, dòq taqne pì au i mòeq nõe catùh hanang. **10** Jò aih, Êprôn mangai Hêtit qnang haqngui taqne mangai xinoe da Hèch, têu Apraham enh ngèa ka mangai xinoe da Hèch aih la bài mangai ma khoe trùh ajang gàu plài haq rameh: **11** Ùh òh! cra q da au, ìh tamàng bàu au: Manòeq kò enh ngèa bài mangai da au, au dèch ka wì cra q taneh òùng aih, rai dèch am hloe kòp hmo oe ta aih; dra q catùh da ìh mangai pi i beq. **12** Apraham hacùn cràng hòm enh ngèa wì gùng aih, **13** rai hatèu ka Êprôn qnang yòng enh ngèa bài mangai gùng aih ma qnang tamàng, rameh: Tamàng kò, au caqnaih bac òùng k, ìh yòc beq, aih èh au men catùh dèh mangai cachit. **15** Wì cra q tamàng kò: Mòeq haqnech taneh maneh haq aih pòn hrinh siac-lò bac, mahaq taqne ba kò ma i ka maneh cleq? Dra q catùh da ìh mangai cachit beq. **16** Apraham broq tiaq bàu Êprôn, enh ngèa mangai Hèch, haq kìq pòn hrinh siac-lò bac am

ka Êprôn, aih la bác wì ta padro qnhòng aih. **17** Qmang aih ðùng ruàng da Êprôn ta Macbêla, oe pagat ka Mamrê, aih la ðùng ruàng kòp hmo xam bài long oe enh dalam, tiaq deh acang dudan ðùng ruàng, **18** Enh ngèa mangai xinoe da Hèch ma khoe trùh ajang gàu plài ðiq ðồng wiang panhìn am ka Apraham ðòeq broq kùng hang. **19** Atìq ka bài biac aih Apraham catùh Sara, mai haq, ta kòp hmo nòe ðùng ruàng Macbêla, oe pagat ka Mamrê ta Hèprôn, gùng aih oe raq gùng Cana-an. **20** ðùng ruàng xam kòp hmo ðiq i mangai da xinoe Hèch panhìn ðòeq ka Apraham broq nòe catùh hanang.

24 Jò aih Apraham khoe craq, hanam khoe bác; oe ta rìm trong Jêhowa khoe am ka haq xôq ramot. **2** Apraham anoe ka mangai hapõng ma oe ta hnim haq yeo ðùnh ðồng ka wì qnoeq, mangai ma i cwiang wèq kùng hang ta hnim, rameh: Yóc tì ìh ðòeq enh qnhèq ka cataih au. **3** Èh au hi thê ìh patô Jêhowa aih la Boc Plinh da tróc xam taneh ðòeq hu hapah: ìh ùh yóc mòeq ngai kon cadrì leq ta Cana-an aih la nòe au qnang oe hu broq mai ka kon calô au. **4** Mahaq hlài tagùng cla au, taqne oh daq au, ban mòeq ngai mai ka Ysac, kon calô au. **5** Mangai hapõng aih doe: Broq qmang leq mangai cadrì ma waq tiaq au hlài gùng kô; qmang aih au ep qnung kon calô ìh tiaq au trùh tanòe ìh ma khoe loh enh aih ùh xài? **6** Apraham doe: Rabiaq haq! Apa qnung kon au hlài ta aih. **7** Jêhowa aih la Boc Plinh oe ta plinh, aih la Mangai ma khoe qnoh au loh khoe enh hnim baq au xam gùng au, i hapah jò doe ka au: Au am ka xinoe ìh gùng kô! Cla Haq jah thê bình plinh lam adroe ka ìh, ta aih ìh ban mòeq ngai mai ka kon calô au. **8** Tàng joq mangai cadrì aih ùh waq tiaq ìh, aih èh ìh ùh hlac deh ka bàu au ma khoe thê ìh hapah; mahaq yac ka qmang leq dua apaq ajènh kon au hlài ta aih. **9** Khoe aih mangai hapõng yóc tì ðòeq enh qnhèq ka cataih Apraham wì craq raðeh rai hapah raðeh broq tiaq bàu haq ma khoe tanap. **10** Khoe aih mangai hapõng rùp mòeq jàt toq lócđá ta calùh da wì craq, wê rìm bài dahwèq cla wì craq ma khoe tanap, khoe aih hi yòng hu lam tagùng Mésôbôtami, trùh ta phòq da Nacô. **11** Haq am lócđá oe padài enh gùng ka plài, haten ka adràm diac, jò khoe xèq, trùh jò bài kon cadrì loh yóc diac. **12** Haq waiq khàn: Wôi! Jêhowa Boc Plinh da Apraham craq

au! hì kô au cali calo ìh am au glàm yiniq au ma qnang chaq, rai am xôq ramot ka Apraham craq au. **13** Hakô au yòng ten ka adràm diac kô, bài kon cadrì enh plài loh yinh diac. **14** Mangai adrùh leq au ma doe qmang kô: Oh cachình cabi, am au ôq ðeh moeq ralonh diac, yàng haq doe: Ôq beq, khoe èh i au am ka lócđá ìh ôq ðiq” aih raq mangai ìh ma khoe padon ka Ysac, hapõng da ìh; rai canòm ajang aih au ma loq ìh i am xôq ka cra au. **15** Mangai hapõng capoch nhòq catech bàu, Rêbêca khoe loh rai xùl deh abòq taplêh. Haq aih kon cadrì da Bêtu-ên, Bêtu-ên aih kon calô da Minca, mai Nacô oh da Apraham. **16** Mangai kon cadrì aih lem joq qnàng, oe sriu, qnhòq lah i gualô kùl oe ti haq. Haq loh ta adràm qmúc diac bình ta abòq, khoe aih hi tóc. **17** Mangai hapõng drah cadàu tùh ta haq rai doe: Am au ôq ðeh moeq ralonh diac ta abòq qmat. **18** Haq têu: Wì craq ôq beq; khoe aih haq drah qnoh ðèh abòq enh plêh hu am haq ôq. **19** Jò ôq khoe hêq, mangai cadrì aih doe tam: I au yóc diac ka bài lócđá ìh ôq ðiq, ôq hi mech hi hêq. **20** Haq drah ùc diac ta atong, cadàu loh ta adràm yóc tam diac ka lócđá ôq. **21** Mangai hapõng oe hatinh hu ngan, ðòeq hu loq Jêhowa broq gêh biac ðeh ma lam tacô loq ùh. **22** Jò lócđá pi ôq, mangai hapõng hi yóc mòeq gwiang trap qne siac lỏ, **23** rai doe: Oh kon cabô? anoe ka au loq. Oe ta hnim baq oh i ka nòe ka au padài damang loq ùh? **24** Haq padreo bàu: Au kô kon cadrì da Bêtu-ên, xau da wa Minca wa Nacô. **25** Èh haq anoe tam: Hnim nhèn i bàc hri xam nhat, èh hadai i nòe ka ìh padài. **26** Mangai hapõng kùp gàu rai kùh waiq enh ngèa ka Jêhowa, **27** rai doe: Joq khòh manè qnàng Jêhowa, aih la Boc Plinh da Apraham craq au! ìh ùh catech ka tamèt rai jang manoh ka craq au. Jò qnang lam, Jêhowa ajèn qnung au trùh ta hnim oh craq au. **28** Mangai cadrì adrùh aih cadàu hlài, anoe bài yiniq kô ðèh ka miq xam wì ta hnim cla tàng. **29** Jò aih Bêbêca i mòeq ngai daq yiniq haq Laban, Laban drah cadàu loh ti mangai hapõng qnang oe ten jang adràm. **30** Bu hnoq gwiang wang xam baiq toq maih ajang kống deh oh cadrì, èh hanoh khoe tàng bài biac Rêbêca anoe hlài: Mangai aih doe qmang kô! haq hi loh ta mangai hapõng hnoq haq qnang yòng ten ka bài lócđá haten ka adràm. **31** haq doe: Thia haq! Mangai khoe jah Jêhowa am xôq ramot, gleq ìh majah oe enh gùng? Au khoe palauq ta hnim xam nòe

ka bài lổcđa. 32 Mangai hapông hi mùt ta hnim. raih ka kon calô haq kon cadrì da oh cla craq Laban lêh da lổcđa ca-iàng, èh qnoh xam hri au 49 Qmang aih manòeq kô, tàng joq pì enh xam nhat am ka lổcđa; khoe aih yỏc diac hu yỏc kan alàng rai diq manoh ka craq au, aih qnheo jẻnh mangai hapông xam bài mangai ma pì anoe qnoh; tàng ùh hadai anoe ka au loq, lam ti haq. 33 Khoe aih; Wì enh hnim padon đòeq au hu loq đẻh kô èh tawih qnah taleq. 50 qnoh dahwẻc acaq, mahaq mangai hapông doe: Wa Laban wa Bẻtu-ẻn padreo bàu: Bài yiniq aih ùh, au ùh acaq tàng joq au qnhỏq jah anoe diq loh enh Jẻhowa, aih nhẻn ma oe jah doe yiniq au ma ep anoe. Laban doe: Anoe beq! haq troq loq ùh. 51 Hameh Rẻbẻca qnang qyỏng 34 Haq hi doe: Au kô hapông da Apraham. 35 enh nẻgẻ ìh, qnung haq lam beq, đòeq haq jah Chuaq Jẻhowa khoe am xỏq ramot ka craq au broq mai kon calô da craq ìh, tiaq qmang ka haraya, loh ka padrang kan. Haq am ka craq au bàu da Jẻhowa khoe thẻ. 52 Mangai hapông da triu, ỏo, bac, wang, hapông calỏ hapông cadrì Apraham tàng bàu wa anoe bu hẻq, haq hacủn xam bài lủa. 36 Sara mai craq au, jỏ dang craq cràng ta haqneq enh nẻgẻ ka Jẻhowa 53 haq yỏc khoe ha-uang ka craq au mỏeq ngai kon calỏ, ngẻ anì am ka Rẻbẻca, hadai yỏc hang canaq craq au khoe đòeq diq đỏng kủng hang dẻh ka dẻch am ka mangai daq xam miq haq. 54 Khoe kon aih. 37 Craq au i thẻ au hapah rameh: Oe ka aih mangai hapông xam bài mangai tiaq haq taqne mangai Cana-an aih la nỏe au qnang kỏ, hanoh haqngui acaq ôq, khoe hi kủi ta aih. Trủh ìh ùh dủh ban ka kon au mỏeq ngai gucadrì leq sroq atìq, jỏ khoe rủu enh kủi, mangai hapông leq broq mai, 38 mahaq hlẻi ta hnim baq au, đòeq doe: Am au hlẻi dẻh ta wì craq. 55 Yàng èh daq hu ban ka haq mỏeq toq mai ta aih. 39 Au doe haq xam miq haq doe: Đỏq mangai adrủh qyoh dẻh ka craq au au: Qmang leq cadẻh, tàng joq qmat oe tam ti nhẻn toq biaq hỏm, qnah ta mangai cadrì ùh waq hlẻi ti au. 40 Craq au doe: mỏeq jẻt ìh, khoe aih haq hi lam. 56 Mangai Chuaq Jẻhowa aih la Mangai au ma patủh jah hapông tẻu: Joq apaq patrỏ dẻh ka au, majah thẻ bủnh plủnh tiaq ìh đỏq jah, broq gẻh yiniq qmang aih Jẻhowa khoe pagẻh biac au ma lam ìh ma lam; èh ìh hi ban ka kon calỏ au mỏeq kỏ. Caqnaih au lam, hlẻi dẻh ta wì craq. 57 Wì ngai mai oe taqne bài hadrỏng au, ta hnim baq tẻu bàu: Beq bẻn creo ka mangai cadrì qyoh au. 41 Qmang aih, tàng joq ìh hlẻi ta hadrỏng aih hu bỏch manoh haq qmang leq 58 wì creo au, wì aih ùh am dẻh kon, aih èh ìh ùh hỉaq ka Rẻbẻca rai bỏch: Kon enh lam ti haq kỏ loq hlac dẻh ka bàu hapah. 42 Hỉ kỏ jỏ au lam trủh ùh? Rẻbẻca tẻu: Au enh lam. 59 khoe aih wì hi ajang adrủm tau, au i waiq khẻn: Waiq Jẻhowa caqnaih Rẻbẻca, oh wì haq, xam mangai ma wẻq Boc Plủnh da Apraham craq au! tàng joq lem ngan deh haq enh qyoh, hlẻi ti mangai hapông manoh ìh, ìh wiang đỏq hi kỏ au jah broq gẻh da Apraham hloe xam bài mangai ma tiaq haq. 60 Wì waiq xỏq ramot ka Rẻbẻca rameh: Yỏiq dẻh biac au ma lam. 43 Kỏ, au haqngui ten ka oh cadrì da nhẻn! Waiq đỏq oh jah chẻch lỏe adrủm kỏ tàng joq i mangai adrủh yỏc diac èh Bủnh ka jẻt muẻn enh qnhẻq ka jẻt muẻn. Đỏq au doe ka haq “Đỏq au ôq đẻh mỏeq nẻ diac nang noe kon jah blah yỏc Bài than phỏq da bài enh cabi qmat” 44 èh tàng joq haq doe: ôq beq! mangai ma tablẻq. 61 Rẻbẻca xam bài hapông I au yỏc diac đòeq bài lổcđa ìh ôq diq, đỏq ka haq hi yỏng, tỏc enh crỏng lổcđa, tiaq mangai mangai cadrì aih la mangai mai da kon calỏ hapông aih. qmang aih mangai hapông qnung da craq au ìh ma khoe raih am. 45 Qnhỏq diq Rẻbẻca lam. 62 Jỏ aih Ysac hlẻi enh diac adrủm cabàu waiq khẻn ta manoh, Rẻbẻca khoe trủh, La chai-roẻ, majah qmang aih haq oe ta Nẻgẻp xam abỏq diac ajang plẻh haq, loh ta adrủm qmủc diac. Au doe ka haq: Am au ôq đẻh moeq 63 trủh xẻq haq loh tađủng đòeq hu hẻm boq, ralonh diac. 46 Haq drah qnoh deh abỏq enh haq blẻch ngan enh hangai hnoq bài lổcđa enh plẻh rai doe: Ôq beq, èh i au yỏc diac ka lổcđa leq trủh. 64 Rẻbẻca hadai haqmiang ngan troq ìh ôq diq. 47 Au hi bỏch haq rameh: Oh kon hnoq Ysac, drah hadrủc loh enh crỏng lổcđa rai cabỏ? Haq tẻu: Au kỏ kon da Bẻtu-ẻn xau da wa bỏch mangai hapông: Mangai ma oe enh nẻgẻ Nacỏ wa Minca. Au hi asrẻng wang ajang mùh au qnang lam hlẻi ta đủng tau ìq cabỏ? Mangai hapông doe: Tau raq craq au! Haq drah yỏc bai prủnh dẻh hadrỏ. 66 Mangai hapông taqmon 67 Ysac rủm yiniq đẻh khoe broq ka Ysac loq. 67 Ysac craq au khoe tẻc qnung au lam troq trong, hu ajẻn Rẻbẻca mùt ta traiq da Sara, miq haq, yỏc

Rêbêca broq mai, loq waq deh ka haq. Qmang aih Ysac jah claih kan mangò atiq ka jò miq haq khoe pi i.

25 Apraham yóc mòeq ngai mai yang yiniq haq Kêtura. **2** Haq aih ha-uang ka Apraham Ximram, Joctan, Mêdan, Mađi-an, Jitbac xam Su-at. **3** Joctan aih baq da Sêba xam Êđan; kon xau da Êđan aih la nang noe Achurim, nang noe Lêtuchim xam xinoe da Lê-umim. **4** Kon calô da Mađi-an aih la Êpha, Êphe, Hanoc, Abiđa, xam Ênda. Wì aih diq xinoe da Kêtura. **5** Apraham ðeqq dồng ka Ysac kùng hang radêh; bài kon da cadrì yang haq am ka wì bac jèn; **6** khoe aih, jò oe rìh haq thê wì lam rìh oe ta bè mat mahì loh, waq ka hangai ka Ysac kon haq. **7** Apraham rìh jah mòeq hrinh tapèh jàt padam hanam, **8** haq hanam khoe bacc, jah lem bùi dèh ta qnhòng rìh cla, pat hihèm jah ahlài ti kan cadraq cla. **9** Baiq ngai kon calô haq la Ysac xam Ich ma-ên catùh haq ta kòp hmo Macbêla nòe ðùng ruàng da Êprôn, kon calô da Sôha, mangai Hêtit, oe pagat ka Mamrê. **10** Aih la ðùng ruàng adroe nèh Apraham khoe rot hlài enh xinoe mangai Hêch; nòe aih wì catùh Apraham xam Sara, mai haq. **11** Atiq ka Apraham cachit, Boc Plinh am xôq ramot ka Ysac kon calô haq. Ysac oe haten ka adràm Lachairoe. **12** Kô xinoe Ich ma-ên. Kon calô da Apraham, ha-uang loh enh Aga mangai Êdip, hapõng da Sara. **13** kô yiniq bài kon calô da Ich ma-ên, taqmroq tiaq hì wì haq ma ha-uang; Kon ma ramua da Ich ma-ên aih la Nêbajôt; ma hatia aih la Kêda, Atbêtên, Mibôsam, **14** Mitma, Đuma, Masa, **15** Hađa, Thêma, Jêthu, Naphit xam Ketma **16** Aih la bài kon calô da Ich ma-ên, èh yiniq da wì haq aih creo tiaq plài xam nòe wì haq broq traiq. Aih la mòeq jàt baiq ngai broq gàu nòe mangai wì haq. **17** Ich ma-ên rìh jah mòeq hrinh piq jàt tapèh hanam, haq pat hihèm cachit, jah ahlài nòe kan cadraq. **18** Xinoe haq oe enh ngèa ka oh daq cla, patep enh Havila trùh ta Surò, oe pagat ka Êdip trùh hloe ta Asiri. **19** Kô xinoe da Ysac, kon da Apraham. Apraham baq da Ysac **20** Jò Ysac jah pôn jàt hanam, yóc Rêbêca kon cadrì da Bêtu-ên, oh cadrì da Laban, aih diq mangai Aram, oe gùng Phadañ aram **21** Ysac creo dang Chuaq Jêhowa am deh ka mai, majah qmang aih haq xon ðeh. Chuaq Jêhowa tamèt ka bàu creo dang aih hi am ka Rêbêca jah hadràp. **22** Mahaq hadràp

kon camia dài aih wa kon troq yôt dabau ta cliac miq, aih haq hi doe: Tàng joq qmang aih, yiniq kô trùh broq cleq? Khoe aih haq lam bòch Chuaq Jêhowa. **23** Chuaq Jêhowa padreo bàu: “Baiq diac qnang oe ta cliac ìh èh baiq xinoe jah loh enh ìh xinoe kô yeo dèh ùh hnau ka xinoe tau èh mangai ma kàn ep patìh ka mangai ma qyoh”. **24** Trù hì haq ha-uang, hacô baiq toq kon camia loh enh cliac haq. **25** Mangai loh adroe gòh yùng, xàc xia qmòe ta chac, lac ka eo xàc; yiniq ka haq la Êsa. **26** khoe aih trùh ka oh haq loh atiq ti haq cadop lùnh jo Êsau; wì hi yiniq ka haq Jacôp. Jò ha-uang wa kon kô aih Ysac khoe jah tadràu jat hanam. **27** Jò wa qyoh yòng kàn, Êsau wìa mangai rabiaq ka axan; mangai pèh rùng tanèh diac; da Jacôp aih mangai khun khuauq oe toq ta traiq. **28** Ysac loq waq ka Êsau majah qmang aih haq aih mangai enh kaq jam gùng; mahaq Rêbêca xa-och dèh ka Jacôp. **29** Mòeq hì tau, Jacôp qnang awìh cachiq, Êsau hlài enh gùng lep tagah tagôi. **30** haq anoe ka Jacôp: Oh am daq kaq ðeh cachiq cleq ma gòh gòh qmat diq, majaq qmang aih daq lep hâbo (Aih ìq wì majah creo ka Êsau la Êđôm) **31** Jacôp têu: Manòeq kô daq tech ka au cwiàng kon calô ramua beq. **32** Êsau doe: Kô, au oe toq ma hu cachit, cwiàng kon calô ramua ðòeq ka au hu broq cleq? **33** Jacôp têu bàu: Daq hapah adroe ðeq. Haq hi hapah; qmang aih Êsau tech cwiàng kon calô ramua ka Jacôp. **34** Khoe aih Jacôp am ka Êsau acaq bènham cachiq tòh; acaq ôq hi hêh, haq hi yòng lam. Qmang aih haq jù ðac cwiàng kon calô ramua.

26 Enh gùng ka kan pangot yàng ma adroe taqnhòng da Apraham, manòeq kô tagùng i tam mòeq yàng hòm. Ysac hi lam trùh ti Abimêlec bùa Philitin, oe ta Gêra. **2** Chuaq Jêhowa loh ti haq rai doe: Apaq loh ta Êdip; thê oe ta gùng au hu padon patô am. **3** Thê oe tagùng kô, i au oe ti ìh rai am xôq ramot ka ìh; majah qmang aih au am ka ìh xam xinoe ìh bài gùng kô, èh au hu broq gèh ka bàu au ma khoe hapah ka Apraham, baq ìh. **4** Au jah tam ka xinoe ìh bacc tiaq ka halõng ta tróc, èh au am ka wì haq bài gùng kô; diq dồng ka phù cròng ta crõng tanèh canòm ka xinoe ìh ðòeq hujah xôq ramot; **5** majah qmang aih Apraham khoe wèq tiaq bàu hnài, bàu thê xam ranenh da au. **6** Qmang aih Ysac hi oe hlài ta Gêra. **7** Jò wì tagùng aih bòch trùh mai haq, haq doe:

Aih xài oh cadrì au. Majah qmang aih haq yùq ùh hùà doe: aih mai au. Haq hèm: Taiq Rêbêca wì gùng kô loq jêh đac au. Majah qmang aih Rêbêca lem joq qnàng. **8** Jò Ysac oe ta ai khoe dùnh. I moeq hì tau Abi-mêlec bùa Philitin ngan ti qmôc hnim, aih hnoq Ysac baxùh dèh ti Rêbêca, mai haq. **9** Bùa thê creó ka Ysac, haq doe: Haq tau joq mai ìh, gleq ma doe: haq oh ìh? Ysac padreo bàu: Majah qmang aih au i hèm atùng ta manoh, au kô òh cachit taiq dèh mai. **10** Abi-mêlec doe: Ìh broq ka nhên cleq qmang aih? Beq rayeq loq i mangai leq lam kùì ti mai ìh, aih iq broq ka nhên pòq yiniq lui. **11** Abi-mêlec thê òiq ka wì gùng aih: Waq toq cabô troq mangai kô qnì troq mai haq qnì, mangai òh ep cachit. **12** Ysac rai adrech tagùng aih, hanam aih jah loe ka hrinh yàng; majah qmang aih Chuaq Jêhowa khoe am xôq ramo. **13** Haq loh ka padrông, hang jah rai òh rai bacc, jaq haq mech loh qmòe ka padrông kan. **14** Haq i bacc calùh triu, calùh bô xam bài hapông bacc raya dài aih mangai Philitin majah loh ka tagrinh ta amnoh. **15** Toq leq toq diac adràm, adroe nèn hapông da Apraham, baq haq ma khoe chia, mandeq kô mangai Philitin catùh đac đong. **16** Abimêlec doe ka Ysac rameh: Drah loh ma khoe ka nhên, majah qmang aih ìh khoe padrông yeo loe ka nhên. **17** Qmang aih Ysac cadac gùng kô lam trùh ta tamang Gêra, broq traiq hu oe ta aih, **18** Ysac hi chia hlài bài adràm wì ma chia qnhông da Apraham, baq haq, bài mangai Philitin ma khoe yôc taneh catùh đac jò Apraham cachit, haq yiniq ka bài adràm aih tiaq yiniq Apraham ma khoe yiniq. **19** Bài hapông da Ysac chia tam adràm neo roc nòe ma haqneq, glàm diac adràm i tamôc. **20** Mahaq bài mangai ban triu Gêra taqmiac ka bài mangai ban triu da Ysac, wì doe diac qmat da nhên, dài aih wì majah creó ka adràm kô la Êsê. Majah qmang aih bài ban triu tau i taqmiac ka wì haq. **21** Atiq ka aih bài hapông aih i chia tam moeq toq diac jiang, hadai taqmiac hòm, wì hi yiniq ka diac adràm aih la Sitna **22** Khoe aih, haq cadac jang aih lam chia ònh adràm ajang qnoeq, adràm kô pi i cabô taqmiac hòm, dài aih haq hi yiniq ka jang kô la Rêhòbôt, haq doe: Mandeq kô Chuaq Jêhowa khoe òeq bèn jah oe nòe anòh anai, kô òh au jah padrông tagùng kô. **23** Enh aih Ysac lam ta Bê-esêba, **24** Mang aih Chuaq Jêhowa mahnò radeh ka haq rai doe: Au kô raq Boc Plinh da Apraham, baq ìh, apaq yùq, au oe ti

ìh, jah am ka ìh xôq ramot rai tam ka xinoe ìh, majah qmang aih Apraham aih hapông au. **25** Ysac broq mòeq toq prang tadreo, waiq dang yiniq Chuaq Jêhowa, òh haq broq traiq ta aih. Khoe òh bài hapông haq chia mòeq toq diac jiang ta aih. **26** Jò aih bùa Abi-mêlec oe ta Gêra trùh hmàih ka Ysac, i Ahusac, bua haq, xam Phicôn cla craq bài cwan linh da haq, lam tiaq. **27** Ysac hi doe: Pì tagit ka au, khoe hnan qnoh đac au loh khoe ka gùng pì, gleq ma oe thia dèh ta au? **28** Wì têu: Nhên hnoq joq Chuaq Jêhowa oe ti ìh, dài majah doe ka dabau, waq ka i bàu hapah taqne nhên xam taqne ìh, òeq nhên hu brroq tajao ka ìh. **29** Drah hapah beq! ìh ùh jò leq broq kan hăbô ka nhên, qmang ka nhên khoe ùh broq kan hăbô cleq ka ìh, toq alàng ka ìh rai òeq ìh loh lam ka catèm. Mandeq kô ìh jah Chuaq Jêhowa am xôq ramot. **30** Ysac don qnoh hiniang ka wì aih, òh wì hanoh acaq pajùm. **31** Trùh sroq atiq, wì haq yòng sroeh, broq bàu hapah ti dabau. Khoe aih Ysac òeq wì haq hlài catèm **32** Hadai hi aih raq bài hapông Ysac bahia ka haq loq diac adràm wì haq ma chia, wì doe: Nhên khoe hnoq i diac. **33** Haq hi yiniq ka diac adràm aih la Siba. Dài aih trùh mandeq yiniq than phòq aih la Bê-esêba. **34** Jò Êsau jah pôn jât hanam, yôc Jiudic kon cadrì da Bê-eri, mangai Hêtit xam Batmôc, kon cadrì da Êlôn, hanoh mangai Hêtit. **35** Baiq toq kon mai aih la kan jiq clac jiq clèm ka Ysac xam Rêbêca.

27 Jò Ysac khoe craq, mat khoe pùà pi xau hnoq cleq hòm, haq creó ka Êsau, kon calô ramua, haq doe: Kon ôi! Êsau padreo bàu: Kô au kô baq. **2** Haq doe: Ngan kô baq khoe craq! Oe qnì hì leq cachit; **3** qmang aih mandeq kô baq thê kon yôc ranac, wê cachùì rang xam panenh, loh tagùng axan ka baq jam rôm, **4** padon qnoh ngè acaq ma jiang tiaq manoh baq ma enh; khoe aih aràng ka baq, òq baq jah waiq hlài xôq ramot enh baq am ka kon adroe ka baq cachit. **5** Jò Ysac qnang anoe ka Êsau kon calô haq, aih Rêbêca i tàng. Êsau hi lam tagùng axan jam rôm hu ahlài dèh ka baq. **6** Rêbêca anoe deh ka Jacôp kon haq rameh: Kô, miq i tàng baq kon doe rai tanap ka Êsau, daq kon: **7** Ahlài jam gùng ka baq, padon ka baq ngè ma jiang kaq; òeq adroe ka baq cachit, baq jah waiq xôq ramot am ka kon enh ngèa ka Chuaq Jêhowa. **8** Mandeq kô, kon tamàng rai broq tiaq bàu miq tanap. **9** Drah loh ta cadrong rùp baiq toq bubi

lem, èh miq padon qnoh ka baq kon ngè ma jiang ka acaq, tiaq manoh haq ma enh. 10 kon hi aràng ka baq kon acaq ðòeq haq hu waiq xôq ramot ka kon adroe ka haq cachit. 11 Jacôp têu: Mahaq Êsau daq kon aih mangai i xâc tachac, yàng kon aih ùh i ðeh. 12 Qmang leq cadèh tàng joq baq bèq kon? haq ngan kon tiaq ka mangai loq qnùt, aih èh kon taqmòq yôc ka raðeh kan ra-òh hamaiq, pi oe xâi xôq ramot taleq. 13 Miq haq doe: Kon calô da miq! Kan ra-òh hamaiq aih ðòeq ka miq pòq wê; drah broq tiaq bâu miq, loh rúp baiq toq bubi. 14 Qmang aih Jacôp loh rúp baiq toq bubi aràng deh ka miq broq ngè jiang ka acaq mac ka baq haq ma enh. 15 Khoe aih, Rêbêca yôc cwàn eo ma yeo lem dõng da Êsau, mangai kon ramua, ma khoe ðòeq qmòe ta hnim caxùnh am ka Jacôp, kon ùch da haq; 16 èh haq yôc akia bubi lom ta baiq toq kông xam ta ranõng, majah qmang aih Jacôp ùh i ka xâc. 17 Rêbêca yôc ngè jiang xam bènñ deh ma khoe broq tah ta tì kon ùch raðeh. 18 Jacôp aràng deh ka baq rai doe: Baq ôi! Ysac têu: Kô baq kô, kon kô iq mangai maleq? 19 Jacôp doe: Au kô Êsau kon ramua ih; au khoe broq tiaq bâu ih tanap thê; ih yòng haqngui hu acaq jam kon khoe axan, ðòeq ih hu am ka au xôq ramot ih. 20 Ysac bòch: Gleq kon axan ma rênñ jah? Haq têu: Jêhowa Boc Plinh ih palauq am ka au rênñ jah. 21 Ysac doe ka Jacôp: Thia ma haten gen kô ðòeq baq bèq ngan ajoq Êsau kon baq loq ùh? 22 Jacôp hi lam haten ka Ysac, haq rawô rai doe: Bâu capoch aih da Ysac, yàng baiq toq kông aih da Êsau. 23 Haq pi oe canau majah qmang aih baiq toq kông hanohñ i xâc qmang da Êsau daq haq. Qmang aih Ysac hi caxoeq am xôq ramot ka haq. 24 Haq bòch hòm: Gè kô joq Esau kon au ajoq. Jacôp doe: Joq, kon kô raq 25 Ysac hi doe: Drah padon qnoh ka baq acaq jam kon axan khoe jah, dõq mahua yiang baq jah waiq xôq ramot am ka kon. Jacôp padon qnoh ka haq acaq, hadai aràng alac ka haq ôq. 26 Khoe aih, Ysac baq haq hi doe: Lam ajang kô kon rai hip baq 27 Jacôp thia haten rai hip dèh baq. Ysac xua hòe dèh kon, hi waiq xôq ramot am rai doe: Kô! kan xua thùm kon da au. Crài cleq ka kan xua thùm ðùng ruàng Chuaq Jêhowa ma khoe am xôq ramot. 28 Waiq Boc Plinh am ka kon rangom loh enh plinh, xam taneñ jiang. Ùh diq ùh dài qmau phi xam alac neo. 29 Rìm diac ep patih ka kon. Diq ka mangai ep kùn cràng enh ngèa kon Jah broq cla craç enh qnhèq ka bài

oh daq Bài kon calô da miq kon ep kùn cràng enh ngèa kon. Cabô ra-òh hamaiq ka kon, haq ep pòq hlài kan ra-òh hamaiq Cabô waiq xôq ramot ka kon, haq aih jah kan xôq ramot. 30 Jò Ysac waiq xôq ramot ka Jacôp bu khoe, èh Jacôp hadai bu loh khoe dèh ka nòe baq, aih Êsau daq haq hadai hi hlài enh axan. 31 Haq hanoh padon ngè acaq jiang qnoh deh ka baq rai doe: Baq ôi yòng haqngui acaq jam kon calô baq khoe axan aih èh mahua yiang ih jah waiq xôq ramot am ka kon. 32 Ysac baq haq bòch: Kon kô iq mangai maleq? haq doe: Au kô Êsau, kon calô ramua da ih. 33 Ysac tadèch qmòe nòeh haq doe: Qmang aih mangai maleq ma khoe axan jam rôm, khoe dèch ka baq? Adroe ka kon hlài baq acaq khoe diq, khoe waiq xôq ramot am ka haq, aih èh haq jah xôq ramot. 34 Baq haq bu catech ka bâu, aih Êsau hi cachech ra-ua, dèh pi cajaq rai doe deh ka baq: Baq ôi waiq xôq ramot am ka au diq 35 Mahaq Ysac têu: Oh gè khoe tai cliac trùh blah yôc xôq ramot da kon. 36 Êsau doe: Ahiaq taiq raq wì majah creò ka haq Jacôp dài haq ma khoe baiq yàng blah yôc teo oe da au? Haq khoe blah yôc da au cwàng kon calô ramua yàng mandeq kô haq blah yôc hloe da au xôq ramot, haq anoe tam: Baq ma pi i xôq ramot leq ðòeq waiq am ka au diq qmòh? 37 Ysac doe: Baq khoe dèch haq broq cla craç kon, khoe dõq wì oh daq broq hapõnn haq; khoe palauq ðòeq qmau phi xam bài alac neo ka haq. Qmang aih baq oe broq cleq jah ka kon? 38 Êsau doe: Baq! Ih i toq aih raq kan xôq ramot qmòh? Waiq xôq ramot ka au diq baq! Khoe aih haq hi hmoe. 39 Ysac baq haq têu: Kô èh kon oe ðeh nòe taneñ ùh jiang Rangom enh plinh hadai ùh clih. 40 Kon ep canòm ðeh ka chang men jah rih Èh broq hapõng deh ka oh Mahaq jò kon lam lac taqnèq tadrài Aih hi jah goh ðac long ech dèh oh ta ranõng kon 41 Manoh Êsau loh ka git ka Jacôp taiq baq haq waiq xôq ramot ka Jacôp, haq doe ka raðeh: hi pi i dabaq khoe ten trùh; aih èh au jêh ðac Jacôp, oh au 42 Wì yôc bâu Êsau mangai kon ma kàn, anoe hlài ka Rêbêca, aih haq hi creò ka Jacôp, kon ùch raðeh rai doe: Kô Êsau daq kon khoe qnac chaq trong hu jêh ðac kon ðòeq hu patem chau. 43 Qmang aih, mandeq kon tiaq bâu miq, drah yòng, cadàu trùh hnim Laban dùch kon, oe ta Charan. 44 èh oe ðò ta aih toq biaq, trùh jò kan nòeh da daq kon hi diq. 45 Jò kan nòeh da daq kon hi diq, haq hèt ka yiniq kon ma broq ka

haq, aih èh miq hi thê kon hlài. Ji lai q miq ma hnhung mòeq yàng baiq toq kon hloe ta mòeq hi? **46** Rêbêca doe ka Ysac: Au khoe lep, loh ka pi oe enh rih hòm taiq bài kon cadrì xinoe da Hêch. Tàng joq Jacôp yóc mòeq ngai mai taqne bài gucadrì tagùng kô tiah ka bài aih, qmang ai au oe rih broq cleq?

28 Qmang aih Ysac creó ka Jacôp mùt, waiq xôq ramot am khoe aih tanap “Kon apaq yóc kon cadrì Cana-an, **2** Mahaq, kon hlài tagùng Phadân-Aram, trùh hnim Bêtu-ên, boc ngoaiq kon, èh yóc mòeq ngai kon cadrì da Laban dùch kon ðòeq broq mai. **3** Waiq Boc Plinh I cwiàng Rìm trong am xôq ramot ka kon, broq ka kon chèch lõe ma bàc ðòeq wia mòeq diac kàn i bàc adrech mangai. **4** Waiq Boc Plinh am ka kon xam xinoe da kon xôq ramot lem da Apraham, ðòeq gùng kon ma khoe oe jah broq kùng hang da kon, aih la gùng haq ma khoe am ka Apraham! **5** Khoe aih Ysac thê Jacôp lam tagùng Phadân-Aram, trùh hnim Laban kon calô Betu-ên, haq aih mangai Aram daq da Rêbêca; miq wa Jacôp xam Êsau. **6** Êsau hnoq Apraham khoe waiq am xôq ramot ka Jacôp rai thê haq lam tagùng Phadân-Aram ðòeq hu yóc mai; jò qnang waiq am xôq ramot i tanap: apaq yóc kon cadrì Cana-an broq mai **7** èh hnoq Jacôp khoe iu tiaq bầu wa baq miq lam tagùng Phadân-Aram. **8** Aih haq loq bài kon cadrì Cana-an ùh troq ka manoh Ysac baq rađeh; **9** aih haq hi lam hnim Ich ma-ên (enh gùng ka baiq toq mai haq ma khoe i) yóc tam Mahalac, aih la kon cadrì da Ich ma-ên, xau nuiq da Apraham, oh da Nêbajôt. **10** Jacôp enh Bê-e Sêba hu lam trùh ta Charan, **11** trùh mòeq nòe aih, mat mahì khoe clih, haq hi kùi. Haq yóc mòeq toq hmo hu angèn gàu, èh hi kùi ajang aih; **12** haq apô hnoq mòeq toq gòng paqnàng enh taneh gàu trùh ta qmòe ta tróc, bài bình plinh da Boc Plinh tót loh ta gòng aih. **13** Chuaq Jêhowa yòng oe enh gàu gòng doe ka Jacôp “Au raq Jêhowa Boc Plinh da Apraham kan cadraq ih, hadai Boc Plinh da Ysac. Au am ka ih xam xinoe ih taneh ih ma qnang kùi kô. **14** Xinoe ih jah bàc tiah ka blo ta taneh, prai loh trùh ta bè mahì tót, bè mahì clih, bè qma bè qngeo, rìm ka xinoe ta crống taneh ðiq canòm ka ih xinoe ih men jah xôq ramot. **15** Hacô au oe ti ih, ih lam taleq au tiaq wèq ban ta aih. **16** Jacôp hi riu, haq doe “Jôq qnàng Chuaq Jêhowa qnang oe tacô mahaq au ùh qnì!” **17** Haq loh ka

crê rai doe “Kô joq nòe jiang ka ramòt qnàng! Kô joq hnim da Boc Plinh, joq qmóc qmang da plinh. **18** Haq riu sroeh yóc hmo ðeh ma ðòeq angèn gàu, paqnàng broq jrang, púc dầu ta bui jrang aih; **19** èh haq yiniq ka nòe aih la Bêtên; jò ma adroe nêh yinq jang ta aih la Luxo. **20** Jacôp waiq rameh “Tàng joq Boc Plinh oe ti au, wèq ban jò au lam trong, am bênh hu acaq, am eo hu caxùnh. **21** èh tàng joq au jah hlài catèm trùh hnim baq au, aih èh Chuaq Jêhowa broq Boc Plinh au. **22** Hmo ma khoe paqnàng broq jrang kô èh jah wia hnim kùh waiq Boc Plinh, èh au hi ðèch ka ìh mòeq phàn mòeq jàt rìm ta kùng hang ìh ma am ka au.

29 Khoe aih, Jacôp hi lam hòm, èh haq trùh gùng bài mangai rih bè mat mahì toc. **2** Haq ngan hnoq mòeq toq diac adràm oe taqne ðùng ruàng, ten aih i mòeq calùh trùu qnang kùi padài, majah qmang aih kô raq nòe wì am trùu ôq diac. Hmo ma padit ngah adràm kàn raya. **3** Bài calùh trùu tagop ðiq ta aih, khoe èh wì hi cadro qnoh hmo enh ngah diac jiang aih, am bài calùh trùu ôq diac khoe aih cadro hlài hmo ajang teo dùnh, gúp hlài ngah diac jiang. **4** Jacôp bòch bài mangai ban trùu “Wì oh daq! pì oe taleq kô? Wì aih têu: Nhèn trùh enh Charan. **5** Haq bòch: Pì oh daq aloq ka Laban kon calô da Nacô loq ùh? wì doe: nhèn loq. **6** Jacôp bòch tam: Haq aih i tadêh ðeh loq ùh? Wì doe: Haq aih xôq tadêh, hatau Rachên kon cadrì haq qnang trùh ðeh ti bài calùh trùu. **7** Jacôp doe: Hacô! tróc oe sroeh qnhòq xài jò tiaq ahlài bài calùh trùu; qmang aih pi daq am bài trùu ôq diac beq khoe aih hi caqnaih haq lam acaq hòm. **8** Wì têu “Nhèn ùh jah broq qmang aih; ep gòm bài calùh trùu trùh tagop ma tôm ðống òeq. jò aih èh men cadro hmo enh ngah diac jiang hu am bài trùu ôq diac. **9** jò haq oe raq capoch tuàng ti wì a, ih Rachên tiaq bài trùu baq haq khoe trùh, majah qmang aih haq aih la mangai ban trùu. **10** jò bu hnoq Rachên, kon adrùh Laban, dùch rađeh, aih haq hi thia ka haten cadro hmo loh khoe ka ngah diac jiang, am bài trùu da Laban dùch rađeh ôq diac. **11** Khoe aih Jacôp híp Rachên, èh hi hmoe cadêh; **12** Èh hi doe ka Rachên loq ðeh kô kon da Rêbêca oh daq ka baq haq. Rachên cadàu hlài anoe ðeh ka baq loq. **13** Bu tàng doe Jacôp kon calô da oh cadrì rađeh, aih Laban cadàu loh trùh enh ngêa haq, rai cwat rai híp, khoe aih

akhen mùt dèh tahnim. Jacôp taqmon hlài rìm yiniq ma khoe trùh. **14** Laban doe: Mon kô joq mahim jan au. Khoe aih Jacôp oe dèh ti dùch mòeq khê. **15** Khoe aih Laban doe “Mon kô aih hadròng da dùch, ma wìa patìh dech ka dùch qmòh? Bac baha toq leq doe ka dùch loq. **16** Jò aih, Laban i baiq ngai kon adrùh, mangai ma daq yiniq haq Lê-a, mangai ma oh yiniq haq Rachên. **17** Mat da Lê-a ùh nèn, yàng Rachên aih chac haq hi alàng alaiq, hadrò pàt lem linh. **18** Jacôp xa-och ka Rachên, dài haq majah doe: Taiq Rachên kon ùch ìh, au patìh ka ìh tapèh hanam. **19** Laban têu: Dùch am haq yôc mon aih ma hnau òdeq haq yôc mangai qnoeq; oe tacô ti dùch. **20** Qmang aih taiq Rachên, Jacôp ep patìh tapèh hanam. Mahaq xa-och ka Rachên, haq ngan tapèh hanam budàng baiq piq hì. **21** Atiq ka aih Jacôp doe ka Laban: Jò ma pajaq ka au khoe diq. Aleq mandeq kô dùch jao da au mai beq, au hu thia deh ti haq. **22** Laban akhen ka wì plài, padon qnoh yiniang; **23** trùh di xèq, yôc Lê-a kon cadrì da haq am ka Jacôp, khoe aih Jacôp hi thia ti haq. **24** Laban thê Xinba aih la mangai hapông cadrì tiaq patìh ka Lê-a, kon cadrì haq. **25** Trùh sroq atiq, men loq aih la Lê-a, Jacôp doe ka Laban: Ìh khoe broq ka au cleq qmang kô? Ma ùh xài taiq Rachên au majah patìh ka hnim ìh qmòh? Gleq ìh majah qnùt au? **26** “Laban doe: Xài noe haq gùng kô, ùh jah am mangai ùch yôc ống adroe, mangai daq atiq. **27** Drah acaq oe ti haq qmat jah mòeq tuàn beq, khoe au hi am hloe mangai ma tau; mahaq mangai ma tau aih mon ep patìh tam ka dùch tapèh hanam hòh. **28** Jacôp broq tiaq bàu aih, acaq oe ti Lê-a jah mòeq tuàn, Laban hi am Rachên kon cadrì haq yôc Jacôp. **29** rai thê Bila mangai hapông tiaq patìh ka Rachên kon dadeh. **30** Jacôp xan thia deh ti Rachên, ha-och deh ka haq ùh hnau ka Lê-a. Qmang aih, Jacôp patìh tam ka hnim Laban tapèh hanam hòh. **31** Chuaq Jêhowa hnoq Jacôp git đac ka Lê-a, hi am haq jah ha-uang; yàng Rachên aih loh ka xon. **32** Lê-a hadròp, ha-uang mòeq ngai kon calô, yiniq dèh ka kon la Rubên, majah qmang aih haq doe “Chuaq Jêhowa khoe hnoq kan xalep au; mandeq kô ống hi loq waq deh ka au. **33** Haq hadròp hòh èh ha-uang mòeq ngai kon calô, haq yiniq deh kon la Simê-ôn, haq doe: Chuaq Jêhowa i tàng loq wì git ka au, dài majah am tam ka au mangai kô. **34** Haq hadròp hòh ha-uang tam mòeq toq kon calô, haq doe: yàng

kô èh ống pi taclah ka au, majaq qmang aih au khoe ha-uang ka haq piq ngai kon calô, aih ìq haq majah yiniq deh ka kon la Lêwi. **35** Haq hadròp hòh, ha-uang mòeq ngai kon calô, haq doe: Yàng kô au manè apôi Chuaq Jêhowa; taiq qmang aih haq majah yiniq dèh ka kon aih la Jiuda, khoe aih haq pi hadròp hòh.

30 Rachên hnoq dèh ùh ha-uang kon ka Jacôp, hi loh ka tajênh dèh ka daq, haq doe ka Jacôp: Am au kon diq, tàng ùh meh au cachit. **2** Jacôp loh ka nòeh ka Rachên, haq doe: Au kô ma Boc Plinh ma i cwiang ùh am ha-uang qmòh? **3** Rachên doe: Kô Bila, mangai hapông da au, kùì ti haq òdeq haq hu ha-uang thai ka au, òdeq canòm ka haq au ma hi hadai jah i kon diq. **4** Qmang aih haq am Bila hapông haq, òdeq broq mai ống haq, Jacôp kùì oe ti haq aih, **5** Bila hadròp, ha-uang mòeq ngai kon calô ka Jacôp. **6** Rachên doe: Boc Plinh khoe ngan hnoq au kô mangai taq atiq, khoe òi bàu au, dài ma khoe am ka au mòeq ngai kon calô; aih ìq dài haq majah yiniq dèh ka kon aih la Đan. **7** Bila hapông da Rachên, hadròp hòh, haq ha-uang tam mòeq ngai kon calô ka Jacôp. **8** Rachên doe: Au khoe òiq jaq tablêq deh ka daq, au khoe jah blêq, haq yiniq ka kon calô aih la Nepta-li. **9** Jò Lê-a hnoq dèh kô khoe pi ha-uang tam, haq yôc dèh mòeq ngai hapông cadrì yiniq haq Xinba am ka Jacôp broq mai. **10** Xinba, hapông da Lê-a, ha-uang mòeq ngai kon calô ka Jacôp. **11** Lê-a doe: Joq xôq ramot kàn qnàng, haq yiniq ka kon qyoh aih la Gat. **12** Xinba, hapông da Lê-a, ha-uang tam mòeq ngai kon calô ma atiq hòh ka Jacôp; **13** aih Lê-a doe: Au lem bùi oe i jaq cleq! majah qmang aih bài mangai cadrì òiq doe au kô mangai jah xôq ramot; haq yiniq ka kon calô aih la Ase. **14** Wop jò gat qmau mì, Rubên loh tadùng ruàng, noq bài pìi phong ja, haq ahlài am dèh ka Lê-a, miq haq. Rachên doe ka Lê-a: Daq am au xìn dèh bài pìi phong ja da kon ìh qmat. **15** Mahaq daq haq doe: Blah yôc da au ống aih ma biac qyoh, aih gè ma oe enh yôc pìi phong ja da kon au?”. Rachên doe: Òq hêq! ống ba qmang kô oe ti daq, òdeq hu halìh pìi phong ja da kon ìh. **16** Trùh xèq, Jacôp hlài enh òùng, aih Lê-a thia enh ngèa haq rai doe: Mang kô ìh ep kùì ti au, majah qmang aih au khoe yôc pìi phong ja da kon au hu halìh yôc ìh; aih ìq mang aih Jacôp kùì ti Lê-a. **17** Boc Plinh tamàng bàu Lê-a, haq hi hadròp èh ha-

uang ka Jacôp mỏeq ngai kon calô yàng padam. **18** Haq doe: Boc Plinh khoe baha da au kùng majah qmang aih au khoe am dề hapởng cadrì ka ởng au; aih iq haq hi yiniq deh ka kon aih la Ysaca. **19** Lê-a hadrập hòm, ha-uang ka Jacôp kon calô ma tadrâu. **20** Khoe aih Lê-a doe: Boc Plinh khoe am ka au hang canaq; yàng kô èh ởng hi oe ti au, majaq qmang aih au khoe ha-uang ka haq tadrâu ngai kon calô. Haq yiniq deh ka kon la Sabulôn. **21** Khoe aih haq ha-uang tam mỏeq ngai kon cadrì, yiniq ka haq la Đina. **22** Boc Plinh hmàng hlài trùh Rachên, hi tamàng bàu rai broq ka haq ka haq jah ha-uang. **23** Haq hadrập, ha-uang loh kon calô, haq doe: Boc plinh khoe qnheo da au kan camaih xep. **24** Haq hi yiniq deh kon aih la Jôsep; rai doe: Broq braiq Boc Plinh loq am tam ka au mỏeq ngai kon calô hòm. **25** Jô Rachên khoe ha-uang Jôsep aih Jacôp hi doe ka Laban: Dùch ih am au hêq patih ka ih, ðoeq au jah hlài dề tagùng; **26** ih am da au mai xam bài kon, au ma khoe jah taiq au patih ka ih, ðoeq au hu lam; majah qmang aih ih ji loq au khoe patih ka ih qmang leq cadềh. **27** Laban tều: Chop au jah dềh xỏq ramot enh ngềa mon, apaq lam oe tacô raq, au hadai loq camòm dềh ka mon dài Chuaq Jêhowa majah khoe am xỏq ramot ka au. **28** haq anoe tam: Mon tình deh beq kùng kan diq toq leq, èh dùch hi padreo. **29** Jacôp doe: Ìh loq, au khoe abroq ka ìh qmang leq, oe ti kổng au bài calùh da ìh ma ban tahnim jah qmang leq. **30** Adroe ka au trùh bài calùh da ìh joq toq biaq, yàng pang au ma hi trùh, aih haq loh ka bằc oe i jaq cleq. Chuaq Jêhowa khoe am xỏq ramot pang hi au cadiang mùt hnim kô; yàng manòeq kô oe qnì jò leq au men jah patih dềh ka hnim cla? **31** Laban doe: Kô èh dùch am ka mon cleq? Jôsep doe: Ùh i am cleq, tàng hatroq tiaq bàu kô, aih au hi qmi rai ban hòm da ìh bài calùh. **32** Hì kô au lam ti rền ngan bài calùh trùu xam bài calùh bubi ìh, oe ta calùh trùu xam calùh bubi ìh, waq toq maleq ma i habràu, ma habrỏc, xam ma leq ma gam hakênh, aih èh au hi lah ðoeq crài, aih èh broq kùng baha da au. **33** Jò leq ìh loq lam ngan da au kùng baha, aih èh manoh hnhuh jang da au hi jah mahnu qnoh enh ngềa ìh. Bề da au waq toq bubi leq ma ùh i ka habràu, habrỏc, bài trùu leq ùh gam hakênh, bài aih èh budàng atùng. **34** Laban doe: Ởq hêq broq qmang ka bàu mon ma doe aih. **35** Wop hi aih raq, Laban lah ðoeq crài bài bubi calô ma bràu,

ma brỏc, bài bubi kan ma bràu ma brỏc, ma leq ma i brỏc taboc xam bài trùu kon ma gam, aràng jao dổng deh ka bài kon calô. **36** Khoe aih ðoeq Jacôp oe hangai ka rađềh jah piq hì lam trong; Jacôp ban bài calùh da Laban ma oe. **37** Khoe aih Jacôp yỏc hamenh long juàng lùh, long bôđao, long batiang rìh, lỏq đac caqmoc đỏq loh kan taboc enh dalam. **38** Haq tah bài hamenh ma khoe lỏq caqmoc ta atong diac enh ngềa bài kon trùu, aih nỏe bài aih trùh ởq diac; jò thía ởq diac bài trùu i kỏe dabau. **39** Bài kon trùu hnoq hamenh aih jò ta kỏe dabau aih èh hi xềh loh kon trùu i hot i bràu xam habrỏc. **40** Jacôp lah ðoeq crài bài kon trùu aih, ðoeq trùu kan ta calùh da Laban enh ngềa ka bài kon trùu ma hot, ma gam, mahaq calùh da cla haq ðoeq dềh crài, ùh ðoeq ten ka calùh da Laban. **41** Rìm yàng jò bài trùu ma bit lem ta kỏe dabau, aih èh Jacôp tah bài hamenh aih ta atong diac ởq enh qneq ka mat bài trùu, ðoeq bài aih ngan hnoq hamenh hu ta kỏe dabau. **42** Mahaq trùh jò bài trùu ma ragìq ragôm, aih haq ùh tah bài hamenh long; qmang aih bài trùu ragìq aih ðoeq ka Laban, bài trùu ma bit ma tadềh aih jah Jacôp. **43** Aih iq haq loh ka padrỏng, i bằc bài ngề aban, hapởng cadrì hapởng calô, lỏcđa xam bài lùu.

31 Jacôp hĩa tàng bài kon Laban ta-anoe: Jacôp khoe yỏc dổng da baq bèn kùng hang, canòm ka kùng hang baq bèn haq men jah kan qmang aih. **2** Jacôp hadai ngan tùng hadrỏ dềh dùch, canau loq haq aih acaq oe pi tìah ka enh nềh hòm. **3** Chuaq Jêhowa doe ka Jacôp: Drah hlài tagùng kan cadraq ìh beq, nỏe hadròng cla ìh, i au wiang ti ìh. **4** Jacôp thề wì lam creo ka Rachên xam Lê-a loh ta dềng aih la nỏe haq wẻq dềh bài ngề haq ma aban, **5** rai doe ka wa: Au hnoq hadrỏ baq chỏp ngan au pi tìah ka enh jò aih nềh hòm, mahaq canòm ka Boc Plinh da baq au wiang ti au. **6** Cla chỏp hanoh loq au khoe patih ka baq chỏp diq ka padren, **7** yàng baq da chỏp jù halẻ cadac, mỏeq jàt yàng haq tablỏq đac da au kùng kan, mahaq Boc Plinh ùh lỏh haq broq cleq haỏo đac ka au yac ka toq xit hnha. **8** Jò haq ma doe: Bài kon trùu ma brỏc ðoeq broq kùng baha da au, joq qnàng bài kon trùu jò ma xềh diq loh ka habrỏc. Tàng haq doe: Bài kon trùu hot aih ðoeq broq kùng baha ka au, joq qnàng bài kon trùu jò ma xềh loh dổng ka hot. **9** Qmang aih Boc Plinh khoe rùp bài ngề baq chỏp ma ban ðoeq hu am ka au!

10 Jò bài kon triu qnang ta kòe dabau, au qngốc broq habo ka mon, mahaq Boc Plinh da baq
 ngan, apô hnoq bài triu calô qnang kòe bài triu mon khoe doe ka dùch mang iq rameh: Yac ka
 cadrì diq i hot, i bràu, i habrôc 11 Bỉnh plinh da lem qmèq qmang leq, ih ep wèq rađeh apaq
 Boc Plinh doe ka au jò apô hnoq: Jacôp! Au têu: capoch cleq ka Jacôp. 30 Mandeq kô, manoh
 i au kô. 12 Bỉnh plinh doe: Qngốc hu ngan beq! mon toq enh hlài dèh tahnim baq, dài majah
 diq dõng bài triu calô qnang ta kòe ka bài triu khoe loh lam; yàng hagleq mon majah atùng da
 cadrì diq i hot, i bràu, i habrôc; majah qmang au bài radua qmù? 31 Jacôp têu: Pàng au yùq
 aih au khoe hnoq trong Laban rih acaq ka ih. 13 dùch hiaq loq rùp hlài dèh wa kon cadrì. 32
 Au kô raq Boc Plinh da Bêten, aih la nòe ih ma Mahaq tàng chaq hnoq bài radua qmù da ih aih
 khoe xùt dầu ka gàu long jrang èh khoe kùh ajang cabô, mangai aih èh ep cachit! Enh ngèa
 waiq au. Mandeq kô, drah yòng beq, loh khoe ka bài oh daq bèn, ih ti chềh chaq bài dahwèq
 ka gùng kô hu hlài tagùng hadròng cla ih. 14 ajang au beq, yóc hlài da ih ngè da ih. Jò aih
 Rachên xam Lê-a têu haq rameh: Nhèn ma oe i Jacôp dua qnhòq hia loq Rachên khoe atùng yóc
 yac ka kùng hang yac ka toq xit cleq ma hu jah bài radua qmù aih.- 33 Qmang aih Laban mùt ta
 axong tahnim baq qmòh? 15 Majah qmang aih traiq Jacôp, traiq Lê-a, traiq baiq ngai hapõng
 haq khoe tech nhèn bəc aih haq racaih khoe cadrì, chaq ùh hnoq qmòe cleq. Khoe aih loh
 diq, aih èh haq ma ùh ngan nhèn tiah ka wì enh traiq Lê-a, haq mùt ta traiq da Rachên. 34
 enh gùnnq diq qmòh? 16 Bài kùng hang Boc Jò aih Rachên yóc radua qmù cadõc enh qneq
 Plinh ma khoe blah yóc enh tì kống baq nhèn ka ca-iang lỏcđa, khoe aih cla haq haqngui enh
 aih la hang nhèn xam bài kon nhèn. Qmang qnhèq. Laban chềh ngan jàp ta traiq mahaq
 aih, mandeq kô broq tiaq rìm bầu Boc Plinh ma chaq ùh hnoq bài radua qmù aih. 35 Rachên
 khoe thê ih. 17 Jacôp hi padinh yòng dèch deh doe: Baq! tachac kon i biac da gucadrì, dài ma
 mai xam wì kon tọc crõng lỏcđa, 18 qnung dõng ùh jah yòng hu đìh ih, wì craq apaq nòeh dèh
 dèh bài ngè haq ma ban xam bài kùng hang, aih ka kon. Haq ti chaq mahaq ùh hnoq bài qmù
 la kùng hang haq ma khoe tagop jah tanòe gùng radua taleq. 36 Jacôp plòh nòeh talech ka Laban
 Phadàn Aram, đòeq hu hlài ta Ysac baq rađeh, rameh “Cabô khoe taqmòq tuiq ka au cleq, au i
 oe ta Cana-an. 19 Jò Laban qnang jiang lam got yiniq lui cleq, dùch ma ha-ùì qnat tiaq qmang
 dèh xác triu, aih Rachên atùng da baq haq bài qmat. 37 Ìh khoe chềh chaq diq ta bài dahwèq
 radua qmù wì ma kùh waiq ta hnim baq haq. 20 au, i chaq hnoq cleq da hnim ìh loq ùh? Qnoh
 Jacôp qnùt Laban, majah qmang aih haq ùh doe bài ngè aih loh enh ngèa oh daq au xam oh
 đeh enh cadàu mot. 21 Qmang aih haq yòng daq ìh đòeq wì haq hujah hadrah taqne ba. 38
 lam, wê dõng deh bài kùng hang, amot pagat Hataul! khoe baiq jàt hanam acaq oe tahnim ìh,
 trong diac haq pajang hloe ti wang hlài ta wang triu ìh bubi ìh ma lah ralech, èh au hadai qnhòq
 Gala-at, 22 Trùh hì piq wì anoe hlài ka Laban lah acaq dech da ìh triu calô ta calùh da ìh, 39
 loq Jacôp khoe cadàu mot. 23 Haq hi qnung deh ùh lah ahlài ka ìh mòeq toq maleq ngè gùng ma
 bài oh daq hnan tiaq Jacôp tapèh hi ka trong, hit jam haq, tàng loq i cla au kô qnoh hlài ka ìh
 èh tem wì aih ta wang Gala-at. 24 Mahaq jò apô caxènh aih. Dùch bòch hloe xam bài kon maleq
 damang, Boc Plinh trùh ti Laban, mangai Aram wì ma atùng dahì xam atùng damang. 40 Dahì
 rai doe: Yac ka lem qmèq qmang leq, ih ep wèq au chiùq tồq hiang, damang chiùq tanget, kùì
 rađeh apaq capoch cleq ka Jacôp. 25 Qmang aih ùh lah jah hliac. 41 Qmang aih baiq jàt hanam
 Laban tiaq tem Jacôp. Jò aih, qnang broq traiq au oe tahim ìh; mòeq jàt pôn hanam au wiang
 tawang; Laban xam bài oh daq haq hanoh broq patìh, đòeq hujah baiq toq kon cadrì da ìh, xam
 traiq tawang Gala-at. 26 Laban doe ka Jacôp: tadràu hanam đòeq hujah bài calùh triu da ìh,
 Mon khoe broq cleq qmang qmat? Mon khoe aih dua ìh khoe mòeq jàt yàng tablòq kùng
 qnùt dùch rai cadàu qnung bài kon cadrì da kan da au. 42 Tàng joq Boc Plinh da baq au,
 dùch tiah taiq ka bài rùp dic. 27 Hagleq ma mot Boc Plinh da Apraham, aih la Mangai Ysac ma
 maiq qmang qmat, qnùt ùh am dùch loq adroe? yùq crè, ùh oe ti au, mandeq kô canau ìh khoe
 Aih ajoq dùch khoe caqnaih lam ka lem bùi, i hnan đac au loh tì dech. Boc Plinh khoe ngan
 bầu calêu, bầu broc bầu padau wiang qnung hnoq kan xalep au xam biac baiq toq tì kống
 tiaq. 28 Mon khoe ùh rabiaq, ùh đòeq dùch híp au khoe broq, dài aih mang iq haq majah khoe
 deh bài kon calô cadrì. 29 Tì kống dùch i cwiang hadrah taq atòq. 43 Laban têu Jacôp rameh “Bài

gucadri kô aih kon dùch; wì qyoh kô hanoh wì qyoh da dùch; bài calùh aban kô hadai calùh da dùch, xam bài cleq mon hnoq aih òi da dùch; hì kô dùch oe jah broq cleq dèh ka bài kon cadri ka bài xau dùch qmat? **44** Qmang aih trùh acô beq! Đòeq ba tajao ka dabau, òeq hu hadai wiang panhìn ka dùch xam ka mon. **45** Jacôp yôc mòi toq hmo dèch paqnàng broq jrang; **46** rai doe dèh ka bài oh daq: Lam hacom toch hmo. Wì hi tigop hmo, raxon òeq mòi haqngúc, khoe èh haqngui enh qnhèq ka aih hu acaq. **47** Laban yiniq ka haqngúc hmo aih la: Yêga saha òuta; yàng da Jacôp haq creô la Galet. **48** Laban doe: Haqngúc hmo kô hì kô panhìn ka taqne ba. Dài aih wì majah creô la Galet. **49** Tàng ùh meh wì creô la Mitba, majah qmang aih Laban i doe “Jò ba talah ka dabau, Waiq dang Jêhowa wèq ban dùch xam mon. **50** Tàng joq mon baxa da dùch bài kon cadri, tàng joq loq yôc tam mai qnoeq, aih èh khòh wèq raðeh ja cajoq! Ùh xài kon mangai mangaiq ma hadrah, mahaq hmàng qmang kô Boc Plinh mangai ma ngan hnoq taqne ba. **51** Laban doe tam ka Jacôp: Hacô haqngúc hmo kô, long jrang dùch khoe paqnàng taqne dùch xam mon, **52** Haqngúc hmo xam long jrang kô panhìn dùch ùh lam xot ka ajang kô òeq hu trùh ta mon, èh mon hadai ùh lam xot khoe ka hmo kô hu lam ta dùch, jò i manoh enh tahabo ka dabau. **53** Waiq Boc Plinh da Apraham, Boc Plinh da Nacô, Boc Plinh da baq bài aih tah hadrah ka ba! Jacôp patô Mangai da Ysac baq raðeh ma yùq crê. **54** Khoe ka aih, haq dèch mòi ramèn tawang, rai akhen deh ka oh daq acaq. Hi khoe ka acaq ôq, mang aih wì haq kùì tawang. **55** Laban cadrat sroeh, hìp deh bài kon cadri xam bài xau, rai waiq am xôq ramot, khoe hi wìh hlài deh tahnim.

32 Jacôp lam deh trong, i bình plinh da Boc Plinh glàm haq. **2** Jò Jacôp hnoq wì aih, haq doe: Kô raq traiq da Boc Plinh! Aih iq haq majah yiniq ka jang aih la Mahana-im. **3** Jacôp thê mangai lam adroe hu glàm Êsau daq raðeh, qnang oe ta Si-êro, nòe aih la taneh da Êðôm; **4** Pì anoe ka Êsau, craq au qmang kô: Jacôp mangai hapông ìh, i doe qmang kô: Au khoe oe tahnim Laban trùh hì kô; **5** Au i bàc òe, lù, triu, hapông calô, hapông cadri, manòeq kô au thê wì kô trùh dèh ta wì craq, òeq au hujah canòem òeh kan tamèt enh ngèa craq au. **6** Wì

aih hlài anoe ka Jacôp: Nhèn khoe trùh ta Êsau daq ìh, manòeq kô haq qnang lam tacô glàm ìh, i pôn hrinh ngai tiaq haq. **7** Jacôp crê rai mangò pi cajaq, haq lah deh bài mangai ma tiaq haq xam bài triu òe lócda loh baiq calùh, rai doe: **8** Tàng joq Êsau loq trùh canàt jêh mòi ta baiq calùh kô, aih èh calùh matau jah claih. **9** Khoe aih Jacôp waiq khàn: Waiq Boc Plinh da Apraham kan cadraq au! Boc plinh da Ysac baq au, aih la Jêhowa! ìh i thê au drah hlài dèh gùng, nòe hadròng au, aih èh ìh au am ka au xôq ramot. **10** Au ùh taji ka bài kan alàng xam kan ùh tablòq manoh cliac ìh ma khoe patô am ka hapông ìh; majah qmang aih adroe ka au pùh pagat cròng diac Jòðan, au i dèh mòi toq long dùì raq, yàng hì kô au khoe i baiq traiq linh kô. **11** Au waiq Boc Plinh òong au claih ka tì kông Êsau, daq au, majah qmang aih au yùq haq loq trùh jêh hloe xam miq xam kon. **12** Mahaq ìh khoe doe: Joq qnàng Au broq ka ìh jah tàu tia, rai broq ka xinoe ìh jah bàc tiaq ka braih diac raxiqa, ìh èh wì pi qnì broq qmang leq hu rên, majah qmang aih haq bàc hrin. **13** Haq kùì ta aih mang aih, yôc bài dahwèq ma i dèh ta tì kông òeq broq mòi ramèn hu dèch am ka Êsau, daq raðeh, **14** aih la baiq hrinh bubi cadri xam baiq jàt bubi calô; baiq hrinh toq triu kan xam baiq jàt triu calô **15** piq jàt lócda cadri i kon qnang ùq, pôn jàt toq òe cadri xam mòi jàt toq òe calô, baiq jàt toq lù cadri xam mòi jàt toq lù kon. **16** Khoe aih, haq am tang calùh deh ka tang ngai hapông rai tanap: Pì lam adroe ka au rai qnung bài calùh kô adroe ka calùh tau. **17** Haq tanap ka mangai ma qnung calùh adroe rameh: Jò Êsau, daq au hnoq, haq bòch ìh: ìh oe ti cabô, lam taleq kô, bài calùh ma lam adroe ka ìh qmat da cabô? **18** aih doe rameh: Da Jacôp, mangai hapông wì craq, kô ramèn dèch ka Êsau, craq au; hacô cla haq qnang tiaq atiq ka nhèn, **19** Jacôp hanoh tanap qmang aih ka mangai ma tiaq calùh ma baiq, mangai ma piq, xam òi òong ka bài mangai tiaq bài calùh aih, èh haq doe: Jò glàm Êsau, pì hmàng bai bàu aih. **20** rai doe tam qmang kô: Jacôp hapông wì craq qnang tiaq atiq ka nhèn. Majah qmang aih cla haq hèm: Au aràng bài ramèn kô adroe dèch ka Êsau òeq haq rangep ka nòehòeq, atiq aih jò au glàm haq broq braiq haq loq lem manoh òi au qmòh. **21** Qmang aih, bài ramèn kô lam adroe cla haq, mang aih haq kùì deh ta traiq. **22** Mang aih, Jacôp cadrat enh kùì, qnung dèh

wa mai, baiq ngai hapõng xam mòeq jàt mòeq toq kon cwa thòng diac Jaboc, **23** Haq qnung wì pùh tồc pah tau ka thòng diac aih, xam diq dõng bài kùng hang cla haq. **24** Qmang aih! Cla Jacôp oe dèh mòeq ngai, aih i mòeq ngai tabàt ka haq trùh badrèh qngah. **25** Jò mangai aih hnoq ðeh pi blêq, hi túc jang caxènh cabõng Jacôp, caxènh cabõng hi tabloch jò qnang tabàt. **26** Mangai aih doe: Trồc khoe badrèh qngah; hêq, caqnaih au lam. Mahaq Jacôp têu: Au ùh caqnaih ìh lam taleq, tàng joq ìh ùh am ka au xỏq ramot. **27** Mangai aih bõch: Yiniq ìh aih cleq? Padreo bàu: Yiniq au Jacôp. **28** Mangai aih doe: Yiniq ìh pi oe xài Jacôp hòm, mahaq yiniq ìh la Isorali, majah qmang aih ìh i tabàt ka Boc Plinh xam kon mangai; ìh diq jah blêq. **29** Jacôp doe: Anoe ka au loq ðeh ka yiniq ìh diq. Mangai aih têu: Hagleg ìh majah bõch da au yiniq? Khoe èh mangai aih waiq am xỏq ramot ka Jacôp ta aih. **30** Jacôp yiniq ka ajang aih la Phêni-ên, majah qmang aih haq doe: Au khoe hnoq Boc Plinh tangèa hadrò ka au, èh mahuaq yiang au khoe jah dèch. **31** Jò cwa ta Phêni-ên hnoq mahi khoe tồc, haq lam loh ka ngwen jo. **32** Taiq aih, trùh ta mandeq mangai Isorali ùh kaq hngwen poeh qnah ta caxènh cabõng; majah qmang aih mangai aih i túc caxènh cabõng Jacôp, ten ajang hngwen poeh.

33 Jacôp qngõc ngan hnoq, hataul! Êsau qnung pôn hrinh ngai lam trùh. Haq hi lah dèh bài kon ka Lê-a, Rachên, xam baiq ngai hapõng. **2** taqmroq baiq ngai hapõng xam bài kon wì haq oe adroe; khoe aih trùh Lê-a xam kon da haq; Rachên xam Jôsep oe atìq lùch. **3** Cla haq aih lam adroe dõng ka wì rai lam rai bla op raðeh ta taneh tapèh yàng trùh hloe jò khoe ten deh ta daq. **4** Mahaq Êsau cadàu tùh enh ngèa haq, yỏc tì cwat ranõng rai híp, khoe aih diq baiq wa oh daq hmoe. **5** Khoe aih, Êsau qngõc ngan hnoq bài mangai cadrì xam kon qyoh, haq bõch: Bài mangai ma lam ti oh meh cabỏ? Jacôp padreo bàu: Qmat xài bài kon Boc Plinh khoe am ka hapõng daq. **6** Baiq ngai hapõng xam kon da wa trùh haten ka haq bla op raðeh. **7** Lê-a xam kon da haq hadai trùh ten ka haq, bla op raðeh ta haqneq; khoe aih trùh Rachên xam Jôsep trùh haten bla op ðeh taqneq. **8** Êsau bõch: Bài bình daq ma khoe hnoq wì lam adroe tau oh ðòeq hu broq cleq? Têu bàu: aih ðòeq chaq canòm ðeh manoh craq au **9** Êsau doe: Yỏi oh! Daq

khoe jah tàu, hêq yỏc hlài beq ngè cleq da oh. **10** Jacôp doe: ùh ðòh, tàng joq oh jah ðeh kan tamèt enh daq, aih ði yỏc bài ramènh broq loh enh tì kỏng oh beq; majah qmang aih oh khoe jah hnoq ðeh hadrò daq aih crài cleq jah hnoq hadrò Boc Plinh, èh daq khoe lem manoh ðìh oh. **11** Oh cali calo daq, ði yỏc ramènh oh dèch ka daq beq, majah qmang aih Boc Plinh khoe am ka oh ùh thiùq qmòe kan tabàih cleq, oh i tòm taih dõng. Haq cali calo hrin Êsau loh ka pi jah hangah, hi ep yỏc. **12** Êsau doe: Hêq bèn lam! daq lam adroe. **13** Jacôp padreo bàu: Wì craq loq! bài wì qyoh qmat ùh nèn raya, èh oh kỏ ep ngan bài triu bài bo ma qnang ta-ùq kon; tàng panan lam waq ka rênh ta mòeq hì raq, aih ahiaq diq ka calùh ep cachit dõng. **14** Wì craq lam adroe ka hapõng ìh, au lam ðeh da adia tiaq tang cadiang da bài triu bo xam wì qyoh, trùh jò trùh tahim wì craq ta Si-êro. **15** Êsau doe: Qmang aih, daq ðòeq ka oh baiq piq ngai tiaq daq, Jacôp doe: Gleq ma ep qmang aih, waq toq oh kỏ jah ðeh kan tamèt enh daq, aih khoe lap. **16** Ta hì aih raq, Êsau boe deh trong hlài ta Si-êro. **17** Jacôp trùh ta Sucôt, ta aih haq broq ka daðeh mòeq toq hnim xam toq leq toq traiq ka bài ngè haq ma aban, aih ìq wì majah creo ka jang kỏ la Sucôt. **18** Jacôp oe tagùng Phadan aram trùh than phỏq Sichem, taneh aih xô xech da gùng Cana-an, jah catèm. Haq broq traiq enh ngèa ka than phỏq, **19** haq rot haqnech taneh nòe haq qnang broq traiq aih, diq mòeq hrinh capiac bac, haq rot hlài enh kon da Hêmô, baq da Sichem. **20** Ta aih haq broq mòeq toq prang kùh waiq, haq yiniq ka nòeq aih la Ênên-ôhê Isorali

34 Ðina, kon adrùh da Lê-a, ma khoe ha-uang ka Jacôp, lam hmàihi ka bài mangai adrùh gùng aih. **2** Sichem aih kon calô da Hêmô, mangai Hêwit, kon bùa gùng aih, hnoq haq, aih hi blah rùp yỏc, kùt ti haq broq kan camaih ka haq. **3** Mahua haq ùh talah ka Ðina, kon cadrì da Jacôp, ha-och bẻh kon cadrì aih, yỏc bàu rangot capoch ka Ðina. **4** Sichem doe deh ka Hêmô baq raðeh, rameh: Ðỏq kon cadrì kỏ broq mai au. **5** Jacôp hĩa doe mangai aih khoe broq qmèq ka Ðina, kon raðeh, mahaq bài kon calô haq qnang oe tagùng xam bài ngè wì haq ma aban, dài haq majah hatinh gòm wì kon hlài. **6** Jò aih Hêmô baq da Sichem trùh ta Jacôp ðòeq hu capoch tuàng ti haq. **7** Wì kon da Jacôp hlài

enh gùng, hĩa tàng qmang aih chích chích plôh nòeh, ka trong camaih Sicheh khoe broq ka Isorali, kùì ti kon adrùh da Jacôp, aih la trong ùh khòh broq qmòe blin. **8** Hêmô doe: Mahua yiang Sicheh kon calô au, khoe hatop ti kon adrùh ìh; joq au cali calo ka ìh am kon adrùh aih broq ai haq. **9** Beq! Bèn taproe ti dabau; am kon cadrì pì ka nhèn èh yóc kon cadrì da nhèn ka kon calô pì. **10** Pì oe tacô raq; gùng kô khoe palauq òeq ka pì, oe tacô, padro atech hu broq acaq ta aih. **11** Sicheh anoe ka baq xam wì daq da mangai cadrì rameh: Dôq au jah ðeh kan tamèt enh ngèa pì, waq toq pì bòch cleq au clih ka aih. **12** Dèch maneh kon mai ma haqnheq haq xam hang ma kàn, au clih tiah ka bàu pì ma bòch; mahaq am haq aih broq mai au. **13** Bài kon calô da Jacôp têu bàu wa Sicheh wa Hêmô, baq haq aih, wì capoch rawit ka wa, majahq qmang aih Sicheh khoe broq kan xep ka Ðina, oh wì haq. **14** Wì aih doe: Ðòeq oh nhèn broq mai mangai ùh waq broq ramèn kat akia aih la trong nhèn ùh khin broq, majah qmang aih, aih raq kan camaih xep ka nhèn. **15** Nhèn ði yóc bàu pì, aih èh jò leq pì jah tiah ka nhèn ði, aih la jò leq rìm ngai gucalô pì chiuhq broq ramèn kat akia tiah ka nhèn; **16** aih èh nhèn hi am deh kon cadrì broq mai pì, èh yóc kon cadrì pì broq mai nhèn; khoe aih bèn hi jah rih ti dabau, èh hi wìa mòeq xinoe ti pì. **17** Tàng joq pì ùh waq tiaq bàu, aih èh nhèn rùp hlài ðeh kon cadrì òeq hu lam rih taqnoeq". **18** Toq aih bàu wì capoch lem ka manoh cliac Hêmô xam Sicheh, kon calô haq. **19** Mangai radam aih, ùh lòm patrò ka broq tiaq trong bài aih khoe hatinh, majah qmang aih kon cadrì da Jacôp joq lem hrin ka manoh haq. **20** Qmang aih, Hêmô xam Sicheh, kon calô haq, lam trùh ðeh ajang qmang than phòq, doe ka wì ta aih. **21** "Bài wì aih rih acaq hatroq ti bèn; qmang aih am wì haq oe tacô hu padro atech. Ngan kô, gùng kô anòh anai ka wì haq oe; kô èh bèn hi yóc kon cadrì wì haq broq mai, èh wì haq hadai yóc kon cadrì bèn broq mai. **22** Mahaq wì haq chiuhq oe ti bèn hu wìa mòeq xinoe, waq toq jò leq mangai kon calô bèn waq broq ramèn kat akia qmang ka bài mangai calô da wì. **23** qmang aih èh, ma ùh xài ði đồng ngè wì haq ma aban, bài kùng hang xam ði ka calùh da wì haq aih èh ma ùh xài jah đồng bèn qmòh? Hêq bèn broq tiaq wì haq trong aih beq, òeq wì haq oe pajùm ti bèn. **24** Rìm ngai loh ajang qmang than phòq ði broq

tiaq bàu wa Hêmô wa Sicheh, kon calô haq, èh ði đồng mangai calô loh nòe qmang than phòq ði broq ramèn kat akia. **25** Pìq hi atiq, jò rìm ngai oe raq jìq hrin, aih baiq ngai kon calô da Jacôp aih la Simê-ôn xam Lêwì, daq da Ðina, wê mòeq ngai mòeq pla chang khat, ngan jò ùh cabò hèm trùh, wa glàm mùt ta than phòq, jêh ðac đồng mangai gucalô. **26** Wa haq yóc chang khat jêh ðac hloe wa Hêmô wa Sicheh, kon calô da haq aih, qnoh Ðina loh enh gùng ka hnim Sicheh, èh hi lam. **27** Pàng wì khoe broq amùu ka yiniq oh wa haq, dài bài kon da Jacôp majah clàm ta bài hanang rai blah yóc ta than phòq. **28** Rùp bài calùh triu, òo, lùu, xam bài dahwèq ta aih xam dahwèq tagùng. **29** Blah yóc đồng kùng hang, bài kon qyoh xam bài mangai cadrì xam hloe rìm yiniq cleq hnim. **30** Jacôp doe ka wa Simê-ôn wa Lêwì: Chôp broq ka au loh ka rawè, broq ka wì gùng kô aih xam mangai Cana-an xam mangai Phêrêsit, mahau git ka au. Bèn kô toq biaq ngai ðeh raq, tàng joq wì haq dahùp ti dabau jêh au, aih èh au xam ði ka hnim au loh ka lùng pac. **31** Wa aih doe "Nhèn manaq hnoq wì broq ka oh nhèn tiah ka ði qmoh?".

35 Boc Plinh doe ka Jacôp: Drah yòng beq! tồc ta Bêtên hu oe, rai broq mòeq toq prang kùh waiq ka Boc Plinh, aih la Mangai khoe mahnu raðeh ka ìh jò ìh ma cadàu amot ka Êsau, daq ìh. **2** Jacôp hi doe deh ka mai xam bài mangai ma tiaq raðeh rameh: Drah doeh đồng bài qmù dua kan kiac da mangai ðiac wì loh ma khoe taqne pì, broq ka raðeh jah hruah rai atùu eo yôh beq. **3** Khoe aih trùh tacô, bèn hu lam tồc ta Bêtên, ta aih èh au jah broq mòeq toq prang ka Boc Plinh, aih la Mangai khoe têu bàu ka au jò yat, khoe wiang ka au jò lam trong. **4** Wì hi am ka Jacôp bài dua qmù kan kiac ðiac wì raðeh ma wê, xam bài rawiang hatai ajang don, Jacôp catùh bài yiniq aih ajang xem long rayai, ten ka Sicheh. **5** Khoe aih, wì hi loh lam, Boc Plinh caqnih kan ramòt ka bài gùng ðudan aih, aih ìq wì haq majah ùh hùu qnat tiaq bài kon da Jacôp. **6** Jacôp xam bài mangai tiaq haq trùh ta Luxo (aih raq Bêtên) oe ta taneh Cana-an. **7** Haq broq ta aih mòeq toq prang kùh waiq, haq yiniq deh ka jang aih la Ênbêtên, majah qmang aih, aih raq nòe Boc Plinh khoe loh glàm jò haq ma cadàu mot ðeh ka daq. **8** Jò aih Êðbôra, bamùq da Rêbêca cachit, jah catùh axèm long rayai enh gùng ka Bêtên; aih ìq wì majah creo

ka long aih la Along bacut. **9** Jò trùh enh gùng Phadan aram, Boc Plinh loh glàm Jacôp hòm rai am xôq ramot ka haq, **10** rai doe: Yiniq ih Jacôp, atiq kô êh pi creô Jacôp hòm, mahaq creô ònh la Isorali. Khoe aih Boc Plinh yiniq ka haq la Isorali. **11** Boc Plinh doe hòm: Au kô raq Boc Plinh Haqnêq Diq Jaq, ih ha-uang ma bàc rai chèch lòe tam; mỏeq diac trùh rìm diac diq loh enh ih, bài bùa hanoh diq loh enh ih. **12** Gùng au ma khoe am ka Apraham, ka Ysac aih êh au hadai am ka ih xam xinoe ih. **13** Boc Plinh hi tồc khoe ka nôe haq ma khoe anoe ka Jacôp. **14** Haq dèch paqnàng mỏeq toq jrang hmo ajang nôe Boc Plinh khoe doe ka rađeh, púc ramènh diac lỏc rai srùh dầu ta aih. **15** Khoe ka aih, Jacôp yiniq ka nôe Boc Plinh khoe anoe ka rađeh la Bêten. **16** Lam enh Bêten, wì oe toq biao ka trong hi trùh ta Êpho-rat, aih Rachên hi jiq ha-uang, yàng kô xa joq qràng. **17** Jò xa ka ha-uang, bamùq doe: Apa q yùq cleq, majah qmang aih oe i mỏeq toq kon calô hòm. **18** Jò Rachên toq dang da hadrùh, majah qmang aih haq dang hiwa, dài wì majah yiniq ka kon aih la Bênoni, yàng da baq haq yiniq deh kon la Bêjamin. **19** Qmang aih, Rachên cachit, jah catùh roc trong hlai ta Êphorat, aih la Bêtlêhem, **20** Enh qnhêq ka ralùng aih Jacôp dèch paqnàng mỏeq toq long jrang; trùh hi kô jrang aih broq teo hadro ka ralùng da Rachên. **21** Isorali lam hòm rai broq traiq enh tau ka Mitdan-êde. **22** Jò Isorali rih ta kô, aih Rubên thia kùt ti Bila mai yang baq haq; Israli hia loq biac aih. **23** Jacôp jah mỏeq jàt baiq toq kon. Kon da Lê-a, aih la Rubên, kon ramua da Jacôp; tia aih la Simê-ôn, Lêwì, Juda Ysaca, Sabulôn **24** Kon da Rachên aih la Jôsep, Bêjamin. **25** Kon da Bila, hapổng cadri da Rachên aih la Đan xam Neptali; **26** Kon da Xinba hapổng cadri da Lê-a, aih la Gat xam Ase. Aih bài kon calô da Jacôp ma khoe jah ha-uang ka haq ta Phadan-Aram. **27** Jacôp hlai hnim Ysac baq haq oe ta Mamrê, haten ka Kiri-at Araba, aih la Hêprôn, nôe Apraham, Ysac khoe oe. **28** Ysac halinh jah mỏeq hrinh rahem jàt hanam. **29** Khoe aih haq hi hèm dèh hòe ma pulùch êh hi cachit, jah hlai ti wì kan cadraq. Êsau xam Jacôp, baiq ngai kon calô haq, catùh dèh baq.

36 Kô xinoe da Êsau, aih la Êđôm. **2** Êsau yỏc bài kon cadri Cana-an aih la Ađa, kon cadri da Êlôn, mangai Hêtit; Ôhòli-bama, kon cadri da Ana, xau ngoaiq da Xibê-ôn, mangai Hêwit,

3 xam Bacmat kon cadri da Ich ma-ên, aih la oh cadri da Nêbajôt. **4** Ađa ha-uang loh Êlipha ka Êsau; Bacmat ha-uang loh Rê-u-ên; **5** Ôhòli-bama ha-uang loh Jalam xam Kôra. Aih bài kon calô da Êsau ma khoe ha-uang ta gùng Cana-an. **6** Êsau qnung deh bài mai, kon calô, kon cadri xam rìm ngai tahnim xam bài kùng hang deh ma khoe broq loh tagùng Cana-an, jac tagùng qnoeq, hangai ka Jacôp oh cla haq. **7** Pàng wa oh daq jah hrinh kùng hang, ngè aban bàc hrin, gùng ma qnang oe pi anòh ka wa hòm, dài wa pi jah oe ti dabau. **8** Qmang aih Êsau aih la Êđôm, tồc ta wang Sê-iro. **9** Kô xinoe da Êsau, kan cadraq da mangai Êđôm, oe ta wang Sê-iro. **10** Kô yiniq da bài kon calô da Êsau: Ađa, mai haq ha-uang loh Êlipha; Bacmat mai haq ha-uang loh Rê-u-ên, **11** Kon calô da Êlipha aih la Thêma, Ôma, Xêphô, Jatham, Kêna. **12** Thimna, mai yang da Êlipha kon calô da Esau, ha-uang Amalec ka haq. Aih bài xau da Ađa, mai Êsau. **13** Bài kon da Rê-u-ên: Nahat, Xêrat, Sama, Mitxa. Aih la bài xau da Bacmat, hanoh mai da Êsau. **14** xam bài wì kô aih la kon calô da Ôhòli-bama, mai da Êsau kon cadri da Ana, xau ngoaiq da Xibê-ôn. Haq ha-uang ka Êsau loh Jê-uc, Jalam, xam Kôra. **15** Kô bài gàuqúc ta kon xau da Êsau: Bài kon calô Êlipha kon ramua da Êsau, aih la gàuqúc da noe Thêman, gàuqúc da nang noe Ôma, gàuqúc nang noe Xêphô, gàuqúc nang noe Kêna, gàuqúc nang noe Kôra, gàuqúc nang noe Gatham, gàuqúc nang noe Amalec. Aih la bài gàuqúc loh enh Êlipha, ha-uang tagùng Êđôm, êh aih raq bài xau da Ađa – **17** Kô bài kon calô da Rê-u-ên, kon Êsau: Gàuqúc Nahat, gàuqúc Xêra, gàuqúc Sama, xam gàu qúc Mitxa. Aih la bài gàuqúc loh enh Rê-u-ên, ha-uang tagùng Êđôm, wì haq aih la xau da Bacmat. **18** Kô bài kon calô da Ôhòli-bama, mai Êsau: Gàuqúc Jê-uc, gàuqúc Jalam xam gàuqúc Kôra. Aih la bài gàuqúc enh Ôhòli-bama, mai Êsau, kon cadri da Ana, ha-uang loh. **19** Aih la bài kon calô da Êsau (aih raq Êđôm) aih bài mangai broq gàuqúc da wì haq. **20** Kô, bài kon calô da Sê-iro mangai Hôrit, qnhòng nêh rih ta aih: Lôthan, Sôban, Xibê-ôn, Ana, **21** Đisôn, Atxe, xam Đisan. Aih la bài kon calô da Sê-iro, gàuqúc da mangai Hêrit, gùng Êđôm.- **22** Bài kon calô da Lôthan aih la Hôri xam Hêman; Thimna aih la oh cadri da Lothan. **23** Kô bài kon calô da Sôban: Awan, Mana-hat, Êban, Sêphô xam Ônam. **24** Kô bài kon calô da Xibê-ôn: Aja

xam Ana. Ana aih raq mangai ma chaq hnoq crông diac tôq tanê ðùng hawit, jò haq ban lù da Xibê-ôn baq haq.- 25 Kô bài kon da Ana: Ðisôn, ôhôli-bama, aih la bài kon cadri da Ana. 26 Kô kon calô da Ðisôn: Hemðan, Êban, Jiran, xam Kêran. 27 Kô kon calô da Êxe: Bin-han, Xawan, Acan. 28 Kô bài kon calô da Ðisan: Uxo xam Aran. 29 Hacô bài gàuğuc da mangai Hôrit: Gàuguc Lothan, gàuğuc Sôban, gàuğuc Xibê-ôn, gàuğuc Ana 30 gàuğuc Ðisôn, gàuğuc Exe xam gàuğuc Ðisan. Aih bài gàuğuc da mangai Hôrit, oe ta Si-êro. 31 Jò Isorali qnhôq i mœq ngai leq broq bùa hu qnung gàu. Kô bài bùa ma wêq ta Êðôm. 32 Bêla, kon calô da Bê-ô, wêq ta Êðôm; yiniq than phôq da haq la Ðin-haba, 33 Bùa Bêla cachit, Jôbap kon calô da Xêrat, mangai Bôtra, tœc broq bùa tĩa aih. 34 Bùa Jôbap cachit Husam mangai Theman, tœc broq bùa tĩa aih. 35 Bùa Husam cachit, Haðat kon calô da Bêðat, tœc broq bùa. Bùa kô majêh blêq mangai Maði-an ta ðùng Mô-ap; Awit aih la yiniq than phôq da haq. 36 Bùa Haðat cahit, Samla mangai Marêca tœc broq bùa tĩa aih. 37 Bùa Samla cachit, Saulo mangai Rêhobôt oe trong diac, tœc broq bùa tĩa aih, 38 Bùa Saulo cachit, Ba-an-anan, kon calô da Abô tœc broq bùa tĩa aih. 39 Bùa Ba-an-Hanan cachit, Haða tœc broq bùa tĩa aih, Ba-u aih la yiniq than phôq da haq. Cadri haq la mangai Mêhêta-bê-en, kon cadri da Matrêr, xau ngoaiq da Mêxahap. 40 Kô bài gàuğuc ha-uang loh enh Êsau, arên tiaq tang xinoe, xam nôe oe tiaq deh yiniq tang ngai: Gàuguc Thimna, gàuğuc Jêhet. 41 Gàuguc Ôhôli-bama, gàuğuc Êla, gàuğuc Phinôn. 42 Gàuguc da Kêna, gàuğuc Thêman, gàuğuc Mepxa ô. 43 Gàuguc Matði-ên xam gàuğuc Yram. Aih la bài gàuğuc da Êðôm, tiaq tang hnim oe tagùng wì haq. Kan cadraq da mangai Êðôm aih la Êsau.

37 Jacôp oe tagùng baq haq ma khoe oe, aih gùng Cana-an. 2 Kô biac da bài xinoe Jacôp. Jôsep mœq jât tapêh hanam, ban triu ðeh ti wì daq; haq pagôq pajùm ti kon da Bêla xam kon da Xinba, aih wa mai baq haq. Jôsep anoe hlài ðeh ka baq bài trong qmêq da wì haq. 3 Jò aih, Isorali yeo loq waq ka Jôsep ùh hnau ka bài kon calô qnoeq, majah qmang aih haq aih ha-uang jò raðeh ma khoe craq, aih iq haq hi jip ka Jôsep mœq blah eo yôh achih bràu brinh. 4 Wì daq hnoq baq yeo loq waq ka Jôsep ùh hnau ka bài raðeh, dài aih majah hi loh manoh tagit, pi oe

jah yœc mœq nà bàu ma alàng lem hu capoch ka Jôsep. 5 Jôsep i apô, taqmon anoe hlài ka wì daq tàng, kiang wì haq git ùh hnau hòm, 6 Haq doe: Au i apô, pì daq tamàng au anoe hlài ka pì: 7 Bèn qnang oe ta ðùng hu achauq qmau, achauq qmau da au paqnàng yòng, yàng da pì aih cro raðeh ta haqneq dudan enh ngêa ka achauq qmau au, 8 Bài daq hi têu: Qmang aih êh gè broq cla craq nhên qmòh? Gè wêq cwiang enh qnhêq ka nhên qmòh? Kiang wì git ka haq ùh hnau hòm, taiq apô da haq hloe xam bàu haq ma capoch. 9 Jôsep apô hòm, doe ka wì daq rameh: Au i apô hòm: Ngan kô, mat mahi, mat khê xam mœq jât mœq toq halông ðiq caqnih raðeh enh ngêa au. 10 Haq anoe apô aih deh ka baq xam bài wì daq ðeh tàng; yàng baq haq ùh mœq nà cwô bœch haq: Apô da gè aih apô cleq? Ajoq xam au xam miq gè xam bài daq gè ðiq ep lam bla op raðeh ta taneh enh ngêa gè ùh xài? 11 Bài daq haq tajiç ka haq, yàng da baq haq hmàng ðœeq bài yiniq aih ta tamanoh 12 Bài daq haq lam ban triu baq wì haq ta Sichem. 13 Isorali doe ka Jôsep: Wì daq kon i ban triu ta Sichem loq ùh? Lam acô baq hu thê kon lam ta wì aih. Jôsep têu bàu: Kô au kô 14 Isorali doe: Kon lam beq, ngan bài daq kon xam bài calùh triu qmang leq, khoe aih ahlài bàu ka baq loq. Qmang aih, enh dahông Hêprôn, haq thê Jôsep lam ta Sichem. 15 I mœq ngai hnoq haq lam lac taðùng, mangai aih bœch: Ìh chaq cleq 16 Haq doe: Au chaq deh wì daq, ìh doe biaq ka au loq wì daq au tiaq triu acaq taleq? 17 Mangai aih doe: Bài daq ìh oe tacô khoe lam, majah qmang aih au tàng wì haq doe: Beq bèn lam ta Ðôta-in. Qmang aih Jôsep lam chaq êh hnoq deh wì daq ta Ðôta-in. 18 Bài daq hnoq haq enh hangai, qnhôq trùh haten, aih khoe tình ti dabau hu chaq trong jêh ðac haq. 19 Wì doe ka dabau: Tau cleq apô khoe trùh. 20 Manœq kô beq bèn jêh ðac haq, khwênh caqnih haq ta bài ralùng diac leq aih, khoe aih bèn doe bài ngê tarôm khoe hit kaq haq, hu ngan apô da haq qmang leq cadêh? 21 Rubên tàng bài bàu aih, enh paclaih haq khoe ka tì kœng wì daq, haq doe: Bèn paq jêh ðac haq; 22 haq doe tam: Bèn ùh ðùh broq ta-ùc mahim haq; caqnih haq ta bài ralùng diac taðùng hawit tau, apaq poh ta chac haq. Haq anoe qmang aih, majah qmang aih haq enh ðœng Jôsep khoe ka tì kœng wì daq, ðœeq hu caqnaih haq hlài ðeh ta baq. 23 Jò Jôsep bu trùh ðeh ajang wì daq, wì lêh da haq

eo yôh, aih la eo habràu habrinh haq qnang caxùnh ta chac; **24** khoe èh rùp haq lam caqnh ta ralùng diac. Jò meh ralùng khoe croh ùh hiaq i diac. **25** Khoe aih wì haqngui acaq ti dabau. Blèch ngan cadoe hnoq mòeq calùh mangai Ich ma-ên enh Gala-at trùh, enh crõng lỏcđà bình bauq dahwèq awih acaq, diac jreo, xam jan xua thùm, aràng lam padro ta Êdip. **26** Juda doe deh ka wì oh daq; Jêh oh bèn qmat cadoc mahim haq aih èh jah ka bèn cleq? **27** Beq bèn tech haq ka mangai Ich ma-ên, èh bèn apaq poh ti ta chac haq majah qmang aih haq qmat oh bèn, xech bèn, mahim bèn. Wì oh daq đìq tiaq bàu haq doe. **28** Jò mangai padro Mađi-an lam pagat trong aih, bài wì daq dèch atỏc Jỏsep khoe ka ralùng diac, èh tech haq ka bài mangai Mađi-an jah baiq jàt cachêh bac, wì aih qnàng haq lam ta Êdip. **29** Rubên wih hlài ta ralùng diac; wùih Jỏsep taleq kỏ ìq! haq hit dèh eo. **30** wih hlài dèh ta oh daq haq doe: wùih! kon mangai qyoh aih khoe hnhung taleq! Ha au kỏ èh lam taleq? **31** Bài wì daq jêh mòeq toq bubi calỏ, khoe aih yỏc eo Jỏsep tằm ta mahim; **32** khoe aih gỏe ahlài eo habràu aih dèh ka baq, rai tanap: Kỏ ngẻ nhẻn chaq hnoq, qmang aih baq ngan beq ajoq eo kon calỏ ìh loq ùh? **33** Jacỏp ngan eo haq doe: Kỏ raq eo kon calỏ da au, mòeq toq ngẻ rỏm ma xỏc khoe cajao hit haq! Joq qnàng chac Jỏsep khoe dahit loh tang haqnech! **34** Haq hit deh cwàn eo, atỏc bau briang rai crỏ hmoe dèh ka kon dủnh hỉ. **35** Đìq đổng ka bài kon calỏ cadrỉ tagop dabau alỏng haq, mahaq haq ùh waq haq doe: Au crỏ hmoe trủh hloe loh ta hwinh ti kon au. Aih Jacỏp crỏ hmoe dèh ka kon qmang aih. (Sheol h7585) **36** Bài mangai padro Mađi-an aràng Jỏsep trủh ta diac Êdip, tech ka Phỏtìpha, cwan broq gàu bài lủnh wẻq hnim Phara-ỏn.

38 Jò aih Juda talah dẻn kan bài oh daq loh oe ti mangai Adulam, yiniq haq aih Hira. **2** Ta aih Juda hnoq kon cadrỉ da mòeq ngai Canaan, yiniq haq Su-a, hỉ yỏc boq mai, èh acaq oe ti mangai aih. **3** Mangai cadrỉ aih eo jiang, ha-uang loh mòeq ngai kon calỏ, yiniq dẻn kon la Êro. **4** Haq oe jiang hỏm, ha-uang kon calỏ, yiniq dẻn kon la Ônan; **5** ha-uang tam kon calỏ, yiniq deh kon la Sẻla. Jò mai haq ha-uang, aih cla Juda oe ta Kẻsip. **6** Juda ban ka Êro kon ramua haq moeq ngai mai yiniq haqTama. **7** Mahaq Êro xỏc raya enh ngẻa ka Chuaq Jẻhowa, dài aih haq jẻh đac Êro. **8** Juda thẻ Ônan: Kon

trủh ti mai daq kon, tỏđỏi ka haq qmang ka oh ỏng, đòeq hu qmot xinoe ka daq. **9** Ônan loq xinoe kỏ ùh i jah rađeh, dài aih jỏ qnang trủh ti gucadrỉ aih, haq broq taclih đac ta taneh, đòeq apaq ha-uang loh xinoe ka daq dađeh. **10** Yàng biỏc haq broq qmang aih ùh lem ka manoh Chuaq Jẻhowa, dài aih haq dua jẻh hloe Ônan. **11** Khoe aih, Juda thẻ Tama, kon mai haq: Kon hlài oe hadrỏ pah him baq kon, gỏm trủh jỏ Sẻla kon calỏ da baq yỏng kản. Majah qmag aih haq hẻm dẻh ta manoh: Bẻn ep ngan ja cajoq, yủq tabeq haq loq cachỉt qmang ka wa daq. Tama hlài oe dẻh hnim baq. **12** Atìq ka aih dủnh, kon cadrỉ da Su-a mai Juda cachỉt. Jỏ khoe yeo ka mangỏ, aih Juda lam ti Hira mangai Adulam, bua haq, tỏc tanẻ bài thỏq got xỏc trủu haq ta Thimna. **13** I wì doe ka Tama loq biỏc aih, rameh: Kỏ! baq ỏng ìh lam ta Thimna đòeq got xỏc trủu”. **14** Haq hỉ lẻh đac dẻh eo hadrỏ yỏc mù prỉnh dẻh hadrỏ, taqmản rađeh, khoe aih haqngui gỏm ajang trong mùt ta Êna-im, apah trong hlài ta Thimna; majah qmang aih haq hnoq yac ka Sẻla khoe kản mahaq dua wì ùh am haq aih broq ỏng rađeh. **15** Juda hnoq haq, hẻm mangai kỏ broq mangai tech chac rađeh, majah qmang aih haq khoe prỉnh deh hadrỏ. **16** Juda thỉa haten rai doe: Đỏq au kủi ti ìh. Majah qmang aih haq ùh qnỉ aih raq kon mai cla haq. Mangai cadrỉ aih tẻu: ìh am ka au cleq hu kủi ti au? **17** Padreo bàu: Au am ka ìh mòeq toq bubi kon oe ta calủ da au. Mangai cadrỉ bỏch: ìh am ka au cleq hu broq nen, trủh jỏ leq ìh men aràng ka au bubi aih. **18** Juda doe: Au am ka ìh cleq kỏ đòeq hu broq nen hadro? Mangai cadrỉ doe: Ngẻ đòeq pateo, aih la hadrang caxỉ, xam long dủi qnang wẻ ta tỉ ìh qmat. Juda hỉ am, èh kủi ti gucadrỉ aih; haq aih hỉ hadrỏp enh Juda. Khoe aih mangai cadrỉ aih hỉ yỏng lam. **19** Lẻh đac bai prỉnh hadrỏ, hỉ caxùnh hlài dẻh eo hadrỏ. **20** Juda canỏm ka mangai Êđulam, bua dađeh qnàng bubi kon đòeq hu baxon yỏc hlài bài ngẻ ma broq nen hadro ajang nẻn gucadrỉ aih; Mahaq chaq ùh hnoq. **21** Bua haq bỏch bài mangai tanẻ gucadrỉ aih ma oe: Mangai gucadrỉ ma tech dađeh, adroe kỏ nẻh haq oe ti trong mùt ta Êna-im, manẻq kỏ taleq? Wì tẻu bàu doe: Tacỏ ùh i ka moeq ngai gucadrỉ leq ma tech dađeh. **22** Bua haq wih hlài ta Juda rai doe: Au ti chaq haq aih ùh hnoq; wì ta aih doe tacỏ ùh i moeq ngai gucadrỉ leq tech rađeh. **23** Juda doe: Kỏ oq, au khoe gỏe aràng bubi kon, mahaq

ih chaq ùh hnoq haq aih; qmang aih òòeq haq wèq bài ngè panhìn aih, ùh dùh broq loh yiniq cleq ùh lem ka bèn. **24** Qnah ta piq khê atiq, i wì lam doe ka Judà: Tama! kon mai ìh broq mangai tech rađeh, taiq kan hèm ùh trùh aih mandeq kô haq khoe oe jiang hwang. Judà têu: Qnoh haq loh bùh đac ka cachit. **25** Jò wì qnang rùp qnoh haq, aih haq thê wì lam doe dèh ka baq ổng haq: ìh ngan hlài dèh ngè òòeq pateo kô, hadrang caxi xam long dùl kô, aih ngè da cabô, au wê cliac enh nòe mangai ma i bài yiniq kô”. **26** Judà ngan canau ka bài ngè aih, hi doe: Haq yi troq ùh hnau ka au, pàng au khoe ùh am Sêla broq ổng haq. Pang aih Judà pi acaq oe ti haq hòm. **27** trùh jò ha-uang, hacô ta cliac haq kon camia. **28** Jò ha-uang, ta baiq ngai aih mòi eq ngai qnoh tì loh adroe, bamùq rùp tì haq kàt mòi eq hadrang caxi gòh rai doe: Macô loh adroe. **29** Yàng aih cadoe haq qmùt hlài dèh tì, aih daq haq hi loh, bamùq doe: Gè hit hyah qmang kô! Wì yiniq ka haq Phêrê. **30** Atiq ka aih, oh haq loh diq, aih la mangai ma i caxi brai gòh, wì yiniq ka haq Sêrat.

39 Jò aih, Jôsep wì qnoh haq ta Êdip, aih Phôti-pha mangai broq gàu lình wèq hnim Phara-ôn rot haq enh tì mangai Ich ma-ên aràng trùh. **2** Jôsep oe ta hnim wì craq haq aih la mangai Êdip, jah Chuaq Jêhowa wiang ti haq, dài haq broq cleq diq jah imo. **3** Cla wì craq hnoq Chuaq Jêhowa oe ti haq broq ka rìm trong tì kống haq broq diq jah himo. **4** Qmang aih Jôsep jah lem manoh enh ngèa wì craq; cla craq him aih taqmroq haq patih, dèch haq broq mangai wèq tahnim rai jao đổng dèh kùng hang ka haq. **5** Pang jò haq dèch Jôsep broq mangai wèq đổng biac ta hnim xam diq đổng deh kùng hang, aih Chuaq Jêhowa taiq Jôsep majah am xôq ramot ka hnim haq; xôq ramot da Jêhowa jàp đổng rìm yiniq cleq haq ma broq gàu, yac ka tahnim, yac ka tagùng. **6** Haq jao đổng dèh kùng hang ka Jôsep wèq ngan, pi oe ep hèm trùh biac cleq hòm, enh gùng toq ka dawèq rađeh ma acaq. Jò aih, Jôsep chac mac lem dang, hadrô pàt lem alàng. **7** Khoe ka aih, mai cla wì craq xan cachiac mat ngan Jôsep rai doe: Lam jang kô kùl ti au. **8** Jôsep ùh waq qmòe blinh, haq doe: Cla wì craq khoe jao diq ka tì kống au kùng hang haq, cla haq pi ep hèm trùh qmòe cleq tahnim kô, **9** tahnim kô pi i cabô ma yeo kàn ùh hnau ka au, cla wì craq hanoh ùh

lòm ùh lòn qmòe au trong leq, enh gùng ka mòi eq ngai ìh; aih la mai cla craq au. Wì ka au ma hùh broq trong dù kàn qmang aih, òòeq hu loh yiniq lui ka Boc Plinh qmòh? **10** Yac ka rìm hi haq padô qmang aih, mahaq dua Jôsep ùh tui bàu padô òòeq kùl hu oe ti haq yac ka toq xit hnha. **11** I mòi eq hi aih, Jôsep mùt tahnim hu abroq; meh oq! jò aih ùh i qmòe ka mòi eq ngai hapổng qnoeq tahnim, **12** aih haq dùng eo Jôsep rai doe: Kùl ti au ùh. Mahaq Jôsep hlôch cadac dèh eo ta tì haq hu cadàu loh enh gùng ka hnim. **13** Jò haq hnoq eo oe ta tì dađeh, èh cla Jôsep khoe cadàu loh enh gùng, **14** haq creo dèh ka bài hapổng tahnim: Pì ngan kô, haq doe ka bài hapổng ta hnim: Wì joq rabiaq ka aràng ka bèn mòi eq toq cleq Hêbru òòeq hu enh racaih ka bèn, haq thia haten òòeq àu rùp au kùl ti au, mahaq au cajiah cadêh. **15** Jò bu tàng au cajiah, haq drah lèh đac dèh eo jang au, cadàu loh enh gùng. **16** Haq òòeq eo Jôsep oe ti dađeh trùh jò wì craq hlài tahnim. **17** Khoe aih, haq anoe hlài dèh ka wì craq qmang ka bàu enh adroe: Cleq hapổng mangai Hêbru, ìh ma khoe ahlài ka bèn trùh ti au hu enh racaih ka au. **18** yàng jò au dèch bàu cajiah haq, haq hlôch dèh eo ka au, khoe aih cla haq cadàu loh enh gùng. **19** Jò cla craq da Jôsep bu tàng bàu dèh mai doe aih: Aih cleq hapổng ìh broq qmang aih. Aih haq hi plôh nòeh, **20** hirùp Jôsep tah ta hnim tui, aih la nòe clêh bài mangai broq yiniq ka bùa. Mahaq jò wì clêh Jôsep oe ta aih. **21** Chuaq Jêhowa wiang ti Jôsep rai patô qnoh dèh kan loq waq ka haq, broq ka haq jah màiq enh ngèa mangai wèq hnim tui. **22** Mangai wèq hnim tui jao đổng bài mangai tui ka Jôsep ngan, rìm yiniq diq haq ranenh am ka wì. **23** Cla mangai wèq hnim tui pi oe ep ngan qmòi eq cleq enh tì kống Jôsep, majah qmang aih i Chuaq Jêhowa wiang ti haq, broq ka rìm yiniq haq broq diq jah himo.

40 Khoe ka bài biac aih, i cwan dèch alac xam cwan dèch bênh da bùa Êdip broq yiniq lui dèh ka cla craq. **2** Phara-ôn plôh nòeh dèh ka wa cwan, aih la cwan dèch alac xam cwan dèch bênh, **3** hi rùp clêh wa aih ta hnim cwan ma wèq hnim bùa, aih nòe wì qnang clêh Jôsep. **4** Cwan wèq hnim bùa thê Jôsep patih ka wa aih. Atiq ka wa haq oe ta aih bu toq biaq, **5** hanoh ta mòi eq mang, cwan dèch alac xam cwan dèch bênh da bùa Êdip qnang oe tui, diq i apô hnoq, mòi eq ngai mòi eq apô, apô leq diq i dèh ranenh.

6 Sroq èh, Jôsep trùh ta wa, hnoq hadrò wa haq mangò, 7 hi bòch wa: Hì kô hagleq hadrò chòp majah mangò qmang qmat? 8 Wa têu: Ma i mỏeq apô mahaq ùh i cabô tình bĩaq da ma. Jôsep doe: Bìac hatinh trong apô hnoq aih ma ùh xài loh enh Boc Plinh qmòh? Aleq anoe hlài ka au chòp cwan apô cleq au hutàng ðeh diq. 9 Cwan dèch alac taqmon hlài dèh apô ka Jôsep: Ta apô au hnoq enh ngèa au i mỏeq xem nhỏ, 10 xem nhỏ aih i piq hamenh. Hnoq hamenh plôh ramot, loh riang tiah gleq i plì dùm. 11 Tì au qnang wê doe mông da Phara-ôn; au git plì nhỏ aih, padit yóc diac plì nhỏ, khoe aih dèch alac ka tì kông Phara-ôn. 12 Jôsep doe: Apô aih qmang kô: Piq hamenh plì nhỏ aih la piq hì, 13 Oe piq hì hòm, Phara-ôn hi caqnaih ih loh enh hnim clêh kô, am ih broq hlài cwan, ih hi dèch hlài doe mông da Phara-ôn ka tì kông haq, tiah ka enh nêh qmang ka jò ìh oe raq broq cwan dèch alac. 14 Mahaq jò rìm yiniq khoe jah lem ka ìh, hmàng trùh au, anoe ka Phara-ôn loq biac da au, rai qnoh au loh khoe ka ajang kô. 15 Majah qmang aih wì rùp ðac au qnoh au loh khoe ka taneh da mangai Hêbru, èh tacô au hanoh ùh i broq loh ðeh yiniq lui cleq ma tajì ka clêh ðac au tanòe clam cluiq kô. 16 Cwan dèch bênh hnoq Jôsep anoe trong apô rabiaq qmang aih, hi anoe diq: Da au apô qmang kô, au kui piq cadap bênh taboc tagàu: 17 ta cadap ma enh qnhèq ðiq ðồng, i tôm taih bài dahwèq da mangai broq bênh ka Phara-ôn; chìm jrập ta cadap tagàu au kaq ðồng bài dahwèq aih”. 18 Jôsep doe: Apô aih qmang kô piq cadap aih la piq hì. 19 Ta piq hì hòm, Phara-ôn hi pot ranong ìh, thê wì atua goe long ðôq bài chìm jrêh acaq jam ìh”. 20 Trùh hì piq, aih hì ha-uang da Phara-ôn, haq padon yiniang yinàng dèh ka bài cwan acaq ôq, haq qnoh wa cwan dèch alac xam cwan dèch bênh loh enh hnim clêh. 21 Phara-ôn am cwan dèch alac broq hlài cwan qmang ka dình, cwan kô dèch alac ka tì kông radeh; 22 mahaq thê wì dèch atua cwan dèch bênh; wop qmang ka bàu Jôsep khoe doe. 23 Èh, cwan dèch alac pi hmàng trùh Jôsep hòm, hêt hloe ka haq ma hapinh.

41 Baiq hanam atiq, Phara-ôn apô hnoq ðeh yòng ta haqmai cròng diac Nin. 2 Kô aih, enh diac Nin tởc tapèh toq ðo bit lem, acaq nhat ta pràm. 3 Atiq aih, tapèh toq ðo qnoeq hòm, qmèq ragiq ragôm, tởc enh diac, lam yòng

ajang bài ðo ma adroe tabò diac, 4 Tapèh toq ðo ma ragiq qmèq aih, lỏnh apom tapèh toq ðo bit lem. Phara-ôn hi cadrat enh kùi. 5 Bùa kùi hlài, apô hnoq yàng ma atiq, hnoq tapèh hadròc qmau chac, lem hon pajùm ta moeq tacòng hri, 6 tĩa aih hòm, i tapèh hadròc qmau qnoeq, cayeo enh pah mahì loh hlui loh ðồng ka croh manùh, plỏh tiaq tapèh hadròc qmau tau. 7 Tapèh hadròc qmau manùh lỏnh ðồng tapèh hadròc qmau ma chac. Phara-ôn hi cadrat; aih hi loh kan apô. 8 Trùh sroq èh, gàu ngoc haq loh ka rawè, thê creo ðồng bài pajàu xan bài bỗcsì gùng Êdip trùh, anoe ðeh ma apô ka wì aih tàng, mahaq ùh i cabô loq hatinh trong apô aih ka bùa. 9 Cwan dèch alac hi doe ka bùa: Manòeq kô au hmàng hlài dèh yiniq lui. 10 Adroe nêh Phara-ôn i nêh ka wì cwan, i clêh cwan dèch bênh xam au ta hnim cwan ma wèq hnim bùa. 11 Jò aih, i mang ma ðiq i apô hnoq, apô da maleq ðiq i ðeh hra ranenh. 12 Ta aih, hanoh clêh pajùm ti ma, i mỏeq ngai Hêbru oe raq radam, mangai patìh ta hnim cwan ma wèq hnim bùa; nhèn anoe hlài ka haq bài apô da nhèn, haq hatinh hloh ka ma trong da ma apô. 13 Khoe aih, rìm yiniq trùh hi wop qmang ka bàu haq hatinh, Bùa am au jah broq hlài cwan, rai atua cwan tau 14 Phara-ôn thê creo ka Jôsep trùh, wì tajòe qmòe caqnaih Jôsep loh enh hnim tù, got da haq hadrò, thê haq atua eo yỏh, khoe aih mùt tamàng Phara-ôn. 15 Phara-ôn doe ka Jôsep: Au i mỏeq apô mahaq ùh i cabô loq hatinh da au. Qmang aih au tàng doe jò ìh tàng mangai leq anoe hlài ðeh apô cleq, aih ìh ðiq jah tình. 16 Jôsep doe: Aih ùh xài au, mahaq aih la Boc Plinh yỏc kan catèm têu am ka bùa 17 Phara-ôn doe: Kô jò apô au qnang yòng ti haqmai cròng diac Nin. 18 Cadoe i tapèh toq ðo bit lem tởc enh diac acaq nhat ta pràm, 19 Khoe aih, i tapèh toq ðo qnoeq qmèq ragiq ragôm tởc tiaq atiq; joq au qnhòq lah hnoq jò leq tagùng Êdip i ðo ma qmèq qmang aih. 20 Tapèh toq ðo qmèq ragiq ragôm aih lỏnh apom tapèh toq ðo lem bit ma adroe, 21 lỏnh qmùt ta cliac mahaq hnoq tiah ka ùh i lỏnh, majah qmang aih dua oe raq qmèq qmang ka enh adroe. 22 Au hi cadrat, èh hnoq hòm apô qnoeq, aih la tapèh hadròc qmau chac lem linh, hon pajùm ta moeq tacòng hri. 23 Tĩa aih, tapèh hadròc qnoeq, croh lip, cayeo bè mat mahì tởc, hlui wĩa ðồng manùh, sròc tiaq tapèh hadròc qmau tau; 24 Tapèh hadròc qmau manùh aih

lõnh tapèh hadròc qmau ma chac. Au khoe anoe hlài bài apô aih ka bài pajàu; mahaq ùh i cabô loq hatinh qmang leq. **25** Jôsep padreo bàu ka Phara-ôn: Baiq apô bùa ma hnoq aih mòeq trong raq, Boc Plinh chôn timeri doe ka bùa loq adroe biac haq ma padon broq kô èh. **26** Tapèh toq bo bit lem aih la tapèh hanam, tapèh hadròc qmau chac aih hadai tapèh hanam. Aih diq moeq apô raq. **27** Tapèh toq bo qmèq ragiq tõi tiaq atiq ka tapèh toq bo tau, aih tapèh hanam; tapèh hadròc qmau lip ka cayeo enh bè mahi tõi hlui aih la tapèh hanam pangot hrah. **28** Aih bài bàu au khoe anoe ka bùa, Boc Plinh khoe am ih hnoq bài biac haq padon broq. **29** Kô èh, jàp gùng Êdip i tapèh hanam jah qmau ùh diq ùh dài, **30** Mahaq tapèh hanam pangot hrah hi tiaq hloe ka aih; mangai tacô hi hèt dõng kan tàu tia aih, kan pangot raliang diq ka gùng loh ka hamoq hamit. **31** Kan pangot hrah ùh catech kô kàn hrin, dài phù crõng loh ka pi hmàng trùh kan ùh diq ùh dài nèh hòm. **32** Tàng apô khoe trùh baiq yàng ka bùa, aih la Boc Plinh khoe di qmang aih raq, èh cla haq rên timeri broq ka gêh. **33** Manòeq bùa ep rài timeri yõi moeq ngai rabiaq loq, dèch mangai aih broq gàu tagùng Êdip. **34** hadai paqnàng bài bình wiang patih òeq hu gop yõi moeq phàn padam wì majah ta tapèh hanam jah qmau ùh diq ùh dài aih. **35** Wì ep gop yõi dõng rìm mùa ta tapèh hanam jah qmau ùh diq ùh dài ma trùh ta atiq kô èh, don òeq bài dahwèq aih enh qneq ka cwiàng da Phara-ôn, bài dahwèq aih don òeq ta rìm than phòq wì haq ep wèq hu broq dahwèq acaq. **36** Bài dahwèq kô ep òeq haniuq ka tapèh hanam pangot ma padon trùh tagùng Êdip, òeq gùng kô ùh hiaq cachit ka hrah ta kan pangot aih. **37** Bài bàu kô lem ka manoh Phara-ôn xam bài cwan. **38** Phara-ôn doe deh ka bài cwan: Bèn hlàu cleq ka chaq jah mòeq ngai troeq haq kô, mangai enh dalam haq i yiang da Boc Plinh. **39** Khoe aih Phara-ôn doe ka Jôsep: Pang jò Boc Plinh khoe am ih loq bài biac kô, pi i cabô ma rabiaq loq qmang ka ih hòm. **40** Qmang aih ih tõi wèq cwiàng hn timeri au, diq dõng mangai da au ep iu tiaq bàu ih. Au yeo haqn timeri haq ka ih toq jang gèq bùa kô raq. **41** Phara-ôn anoe tam ka Jôsep: Ngan kô! Au dèch ih wèq cwiàng enh qn timeri diq dõng taneh diac Êdip. **42** Khoe aih, Phara-ôn doeh deh canhàn enh hadrang timeri radeh, asràng ka timeri Jôsep, thê caxùnh am ka Jôsep eo bai lan ma habuàt, taqmac kiang

wang ta ranõng haq; **43** khoe thê tõi haqngui xê atiq ka xê bùa, i mangai lam adroe cachech ka dèh: Drah hacùn cràng! Jôsep jah dèch atõi broq kàn ta Êdip qmang aih. **44** Phara-ôn doe hòm ka Jôsep: Au kô Phara-ôn, mahaq tàng ùh i ka ih, diq ka gùng Êdip pi oe i cabô hrõi dèch timeri dèch jèn timeri. **45** Phara-ôn yiniq am ka Jôsep la Saphonat-Phanê-at, am Anac kon adrùh da Phòti-phêra pajàu kàn tagùng Ôn, broq mai haq. Haq xan lam dudan ka gùng Êdip. **46** Jôsep khoe, jah piq jàt hanam jò haq mùt glàm hu patih ka Phara-ôn. Aih iq, haq loh enh Phara-ôn hulam dan jàp ka gùng Êdip. **47** Ta tapèh hanam ma jah qmau ùh diq ùh dài, taneh loh raya da hwèq. **48** Jôsep tigop dõng dahwèq da tapèh hanam aih tagùng Êdip, don bài dahwèq kô jàp ta than phòq; yac ka than phòq leq xõi don òeq dahwèq da bài ruàng oe dudan than phòq aih. **49** Qmang aih Jôsep tigop yõi qmau haraya, tiah ka braih diac raxiq, jaq wì mech loh ka pi diq rên timeri, majah qmang aih baci hrin timeri. **50** Adroe ka bài hanam pangot hrah trùh, Anac kon pajàu kàn tagùng Ôn, ha-uang ka Jôsep baiq toq kon calô. **51** Jôsep yiniq ka kon ramua la Manase, majaq qmang aih haq doe: Boc Plinh khoe broq ka au hèt kan mangò, hloe xam diq dõng ka wì hn timeri baq au. **52** Haq yiniq ka kon ma atiq la Epra-im, majah qmang aih haq doe: Boc Plinh broq ka au jah padrõng tagùng au glàm nanxa. **53** Tapèh hanam jah qmau ùh diq ùh dài ta Êdip hi diq, aih tapèh hanam pangot hi baxêm trih diq, wop qmang ka bàu Jôsep khoe doe adroe. Rìm ka gùng qnoeq diq pangot, mahaq diq dõng ka gùng Êdip i bèn timeri. **55** Khoe aih, diq dõng ka gùng Êdip hi pangot diq, mangai gùng aih trùh creo dang Phara-ôn, hu chaq dahwèq acaq. Phara-ôn doe ka mangai Êdip: Pì lam ta Jôsep, èh broq tiaq qmang ka bàu haq ma thê ka pi. **56** Jò jàp gùng loh ka pangot, aih Jôsep pèh bài hapom qmau tech ka mangai Êdip. **57** Kan pangot rai èh rai kàn; jò aih diq ta crõng taneh taleq xõi pangot hrin, dài aih majah taleq xõi dahrõi loh diq ta Êdip hu rot qmau Jôsep tech.

42 Jacôp tàng doe ta Êdip i qmau tech, hi doe dèch ka bài kon calô: Hagleq pì ma ragòt toq ngan dabau qmang qmat? **2** Haq doe tam: Baq tàng doe gùng Êdip i qmau tech, pì drah loh ta aih hu rot qmau ka bèn, òeq bèn hu rih ùh hiaq cachit qmòh. **3** Mòeq jàt ngai daq Jôsep hi loh ta Êdip hu rot qmau. **4** Mahaq Jacôp ùh am

Bênjamin oh Jôsep lam ti wì daq; majah qmang aih haq hêm: Au ep wèq yùq loq i biac ùh lem trùh ka haq. **5** Gùng Cana-an hadai pangot, aih ìq dài bài kon da Isorali majah hanoh loh ta Êdip hu rot qmau tìah ka wì qnoeq. **6** Manèq! Jôsep wèq cwiàng òq ka diac, rai tech qmau am òq ka mangai. Qmang aih wì daq Jôsep trùh hacùn cràng ta haqneq enh ngèa haq. **7** Jôsep bu hnoq dèh bài daq, haq khoe canau ka wì; mahaq haq broq òh ùh canau, haq capoch nhang ka wì: Pì trùh enh leq? Wì têu: Enh gùng Cana-an nhên trùh hu rot qmau. **8** Yac ka Jôsep canau dèh ka bài daq mahaq wì ùh canau ka haq. **9** Jôsep hmàng hlài trong òh ma apô hnoq dèh bài daq, haq cachech ka dèh: Pì kô bài mangai lam rinh, lam tacô hu ti achop ngan bài nòe ma ùh dràng ta gùng nhên. **10** Wì têu: Wì craq, ùh xài qmang aih, bài hapông wì craq trùh tacô hu rot òh toq qmau. **11** Nhên kô òq kon pajùm mòeq baq, nhên joq mangai abèq òh joq qnàng, ùh xài mangai lam rinh. **12** Haq doe ka wì: Ùh xài! Pì kô trùh òh qhu rinh ngan nòe leq ma ùh cajak tagùng kô. **13** Mahaq wì doe: Bài hapông ìh kô i mòeq jàt baiq ngai oh daq, kon da mòeq baq, nhên rìh ta Cana-an, mòeq ngai khoe lam pì qnì qmòe taleq, mangai ùch manèq kô oe ta hnim ti baq nhên. **14** Jôsep doe: Aih! hìloq troeq au khoe doe, pì kô bài mangai lam rinh. **15** Kô trong au qnhro ngan pì, au patô chac Phara-ôn òh qhu hapha ka pì, tàng joq oh ùch pì ùh loh tacô, aih òh ùh jò leq pì jah loh khoe enh kô. **16** Drah thê mœq ngai taqne bài pì hlài qnoh oh ùch pì loh; bài mangai qnoeq òq clêh òh qhu tacô. Bàu pì ep qnhro òh qhu adroe, khoe aih òh au men loq bàu pì anoe aih i joq loq ùh. Tàng ùh joq, au patô chac Phara-ôn òh qhu hapha: Pì kô joq qnàng mangai ti lam rinh. **17** Khoe aih Jôsep thê clêh pajùm wì aih ta hnim cadrong piq hì. **18** Hì piq, Jôsep doe ka wì: Au iu yùq ka Boc Plinh, drah broq qmang kô, aih òh jah rìh. **19** Tàng joq pì aih bài mangai abèq abroq òh joq qnàng, aih òh mœq ngai oe tù tacô, bài ma qnoeq ahlài dahwèq tahnim hu ban wì acaq ka pangot. **20** Mahaq pì ep qnoh oh ùch pì trùh ti au, aih òh bàu da pì aih joq qnàng, aih òh pì ùh hìaq cachit. **21** Wì doe ka dabau: Joq bèn khoe pòq yiniq lui òh ka oh, majah qmang aih jò nèn bèn hnoq mahua yiang haq mangò dăng leq jò haq cali calo chaq òh kan ha-och enh bèn, mahaq bèn ùh tamàng, dài manèq kan ranac kô majah trùh ka bèn. **22**

Rubên têu wì haq: Ùh xài daq khoe doe ka pì oh apaq broq yiniq lui ka kon mangai qyoh aih qmòh? Mahaq pì ùh waq tamàng, dài manèq kô bèn ep pòq hlài mahim haq. **23** Wì haq ùh qnì Jôsep loq tàng wì haq, majah Jôsep xan yòc mangai capoch hlài. **24** Jôsep wìh hadrò taqnoeq hu hmoe. Khoe aih tawih hlài capoch ti wì; òh taqne wì oh daq haq thê rùp kàt Simê-ôn enh ngèa wì aih. **25** Jôsep thê dèh hapông tổng qmau ùc bình ta cabau òh yòc bac da tang ngai tah hlài da wì haq, hanoh tah tam dahwèq kaq ka trong. Hapông broq tìah ka bàu aih. **26** Khoe aih bài oh daq dèch qmau tœc crông lùa òh hi lam. **27** Trùh tanòe wì haq padài hu kùì mang aih, i mœq ngai ta wì haq pèh dèh bàu hu yòc qmau am dèh ka lùa, aih cadoe haq hnoq dèh bac oe ajang ngah bàu da haq. **28** Haq doe òh da wì oh daq: Wì khoe padreo hlài da au bac! hacô haq oe ta bau qmau au kô. Bài daq crê pi cajak cleq rai tarit rai ta anoe, wì doe: Boc Plinh khoe broq ka bèn cleq qmang kô òq? **29** Jô bài daq hlài trùh ta Jacôp baq wì haq oe ta gùng Cana-an, wì anoe ka Jacôp òq òh rìm biac ma khoe loh, rameh: **30** Mangai ma qnang broq cla craq tagùng Êdip capoch nhang ka nhên, doe nhên kô bài mangai lam ti rinh. **31** Mahaq nhên i anoe ka haq rameh: Nhên kô mangai abèq òh joq qnàng, joq ùh xài mangai ti lam rinh. **32** Nhên i mœq jàt baiq ngai oh daq, kon pajùm mœq baq, mœq ngai lam khoe hnhung hloe, oe mangai ma ùch manèq kô oe tahnim ti baq oe gùng Cana-an. **33** Mangai broq cla craq gùng aih thê: Broq qmang kô au men loq pì joq mangai manoh lem. Taqne pì qmat òh qhu hlài mœq ngai oe ti au, oe i toq leq ngai ahlài dahwèq hu ban wì tahnim pì acaq ka pangot, **34** khoe aih, qnoh oh ùch pì trù ta au. Qmang aih au men loq pì ùh xài mangai ti lam rinh, mahaq joq mangai broq lem; bři ka au padreo hlài da pì oh, òh pì jah padro acaq tagùng kô. **35** Òh, jò oh daq qnang ùc qmau loh enh cabau, aih ka doe ta cabau i bac da rìm ngai; baq xam bài oh daq hnoq òh bài caxop bac, òq crê pi cajak cleq. **36** Jacôp baq wì haq doe: Pì khoe broq hnhung bài kon au, Jôsep khoe hnhung, Simê-ôn hadai khoe hnhung hloe; yàng manèq kô, cadoe enh qnung hloe Bênjamin lam hòm qmòh? Bài kan habo kô ta-ùc òq ta au. **37** Rubên doe dèh ka baq: Baq jao oh am ka au beq, i au ahlài haq. Tàng joq au ùh ahlài haq, aih baq jêh òh baiq toq kon calô au beq. **38** Mahaq Jacôp doe: Kon

ùch au ùh loh tiaq pì taleq, majah qmang aih daq haq khoe cachit, oe moeq toq haq qmat raq. Tàng joq loq i biac cleq trùh ka haq roc trong pì lam, aih ajoq pì broq ka mangai ko gàu kô catech cliac clèm loh ta hwinh. (Sheol h7585)

43 Manòeq! kan pangot hrah tagùng kàn raya. 2 Jò tahnim acaq khoe diq ka bài dahwèq ma ahlài enh Êdip, baq bài aih doe: Pì wìh loh hòt ta chàm hu rot tam toq biaoq qmau ka bèn hu acaq. 3 Juda doe: Mangai aih khoe capoch nhang ka nhèn, tàng joq oh ùch pì ùh tiaq loh tacô, aih ùh jò leq pì hnoq hadrò au hòt. 4 Tàng joq baq am oh lam diq, aih èh nhèn men loh ta Êdip, hu rot dahwèq acaq ka ìh. 5 Tàng ùh meh nhèn ùh jah loh, majah qmang aih mangai aih khoe doe: Tàng joq oh ùch ùh tiaq loh ti pì, aih èh ùh jò leq pì hnoq hadrò au hòt. 6 Ysoralì lech ka wì haq: Hagleq pì ma jah rabiaq ka ti habo ka au, anoe dèh ka mangai aih loq pì oe i oh ùch tahnim hòt. 7 Wì padreo bàu: Mangai aih bòch qmòe ka nhìn trùh nhèn, trùh hadròng nhèn rameh: Baq pì oe rìh dèh loq ùh? Oe i ka moeq ngai oh daq leq loq ùh? nhèn i tèo bài bàu aih. Nhèn ma loq ka haq aih thê qnoh oh pì loh tacô qmòh? 8 Juda doe hòt ka Ysoralì baq radeh rameh: Am kon qyoh tiaq nhèn kon, aih nhèn hi padinh yòng lam, òeq ka bèn, xam bài kon ìh, cla ìh, bài xau ìh diq jah rìh, ùh hiaq ep cachit. 9 I au pòq caxènh oh au qmat; baq taboe ajang au hu bòch oh au. Tàng joq kon ùh ahlài oh, ùh òeq oh yòng enh ngeà ìh, kon kô èh pòq yiniq lui ka baq lùch dèh ka qnhòng. 10 Tàng ùh hiaq i kan rahnhua, aih nhèn khoe lam khoe hlài jah baiq yàng. 11 Khoe aih Ysoralì baq bài wì oh daq doe rameh: Tàng joq khoe qmang aih, pì ep broq qmang kô pì ep rài h yóc bài cleq ma yeo lem dõng, loh enh tanèh da gùng bèn, toq biaoq dầu thùm, diac xùt, ngè awìh xam jan xua thùm, clong pì caxa xam pì apriac, tah ta cabau pì aràng dèch ka haq aih broq ramènh. 12 Drah wê tam bac jah baiq phàn yàng ma adroe, òeq hu padreo hlài bac wì ma khoe òeq hlài ajang ngah cabau da pì; broq braiq wì troq tah lịq. 13 Pì yòng lam beq, qnung oh ùch pì tawìh loh ta mangai aih. 14 Waiq dang Boc Plinh I cwàng Rìm trong broq ka pì jah kan tamèt enh ngèa haq aih, èh caqnai h mangai oh tau xam Bêjamin ka pì. Da baq kô hòt, tàng joq ep hnhung dèh bài kon aih baq chiùq dèh wòl”. 15 Qmang aih wì oh daq wê qnàng bài ramènh xam

bac jah baiq phàn yàng adroe, qnung Bêjamin hadai lam òeq loh glàm Jòsep. 16 Jò Jòsep bu hnoq Bêjamin loh tiaq wì, haq thê mangai ma wèq tahnim: Drah qmùt wì mùt tahnim, rùp cleq hu broq jam èh awìh padon qnoh majah qmang aih hì kô èh wì haq acaq pajùm ti au. 17 Mangai aih broq tiaq bàu Jòsep thê, haq qmùt wì tahnim Jòsep. 18 Wì oh daq hnoq wì qmùt radeh tahnim Jòsep, aih crè pì cajaq wì hèm: Kô aih taiq bac ma khoe tah hlài da bèn ta cabau yàng ma adroe dài wì majah qmùt bèn tacô, òeq hu chaq nen jêh bèn, canàt rùp bèn broq dic èh blah yóc da bèn bài lù. 19 Qmang aih wì haq thia haten ka mangai wèq tahnim Jòsep rai capoch tuàng ti haq ajang trong mùt tahnim. 20 Wì doe: Wì craql nhèn cali calo dèh ka ìh, nhèn khoe loh tacô yàng ma adroe òeq hu rot qmau. 21 Mahaq trùh tanòe nhèn padài hu kùì mang aih, nhèn pèh dèh ta cabau aih cadoe maleq diq hnoq dèh bac oe ajang ngah cabau, manèh trap toq leq aih oe wop toq aih. Kô nhèn i qnoh hlài bac aih, 22 èh nhèn hadai i wê tam bac òeq hu rot dahwèq acaq. Ùh qnì cabô ma khoe tah hlài bac aih ta cabau nhèn. 23 Haq aih doe: Rìm trong diq catèm, aih Boc Plinh pì, Boc Plinh da baq pì, khoe am ka pì kùng hang canaq ta cabau pì. Èh bac da pì aih pì khoe jao ka au. Khoe aih haq qnoh Simê-ôn loh dèh ti oh daq. 24 Khoe aih qmùt wì oh daq mùt tahnim Jòsep, qnoh diac ka wì qnheo jènh, hadai qmì bài lù kaq nhac. 25 Bài oh daq padon òeq bài ramènh wì ma khoe aràng trùh, gòm jò qne hì Jòsep hlài, majah qmang aih wì i hia doe radeh kô èh acaq tahnim kô. 26 Jò Jòsep hlài trùh tahnim, bài oh daq hì yóc dèh ramènh dèh ma khoe wê, dèch ka Jòsep tahnim; wì haq hacùn cràng ta tanèh enh ngèa haq. 27 Haq bòch wì i tadèh dèh qmang leq, èh bòch tam: Baq craql pì ma anoe ka au aih i tadèh dèh ùh? oe rìh ùh? 28 Wì tèo: Hapõng da ìh aih baq nhèn, xôq tadèh dèh èh xôq oe rìh. Khoe aih wì haq hacùn cràng rai bla op ta haqneq enh ngèa haq. 29 Jòsep ngan dudan hnoq Bêjamin oh mòeq cliac mòeq clèm, kon calò da miq haq, aih haq bòch: Qmat raq ùh xài oh ùch pì ma anoe ka au? Èh haq anoe tam: Yôi yôi q ùch! Waiq Boc Plinh am xôq ramot ka kon! 30 Pàng haq hnoq dèh oh dài ta manoh pì dràng àt, haq drah cadàu loh enh gùng chaq nòe hu hmoe. Haq mùt dèh tabluàng cla haq rai hmoe ta aih. 31 Khoe aih, qmùq mat, cadiang loh rai pacraq dèh manoh, haq thê:

Qnoh acaq beq. 32 Wì padon ka haq acaq crài, rai am bài daq haq acaq crài. Mangai Êdip acaq pajum ti haq hanoh haqngui crài, majaq qmang aih mangai Êdip cadròt ka mangai Hèbru, dài majah ùh acaq pajum. 33 Qmang aih bài oh daq haqngui tangèa ka Jôsep, kàn qyoh tiaq deh ta hatia, wì hi haglènh ngan dabau 34 Jôsep thê yôc bài ngè acaq ajang qngèa radeh am deh ka bài oh daq; mahaq da Bêjamin bacc loe padam yàng da bài mangai qnoeq. Dìq ka wì acaq ôq jiang lem bùi enh ngèa Jôsep.

44 Jôsep thê mangai wèq hnim haq; Waq toq wì aih hlàt wè pang leq, aih pì tống ka wì haq qmau bình ta cabau toq aih, khoe aih bac mangai leq tah hlài ta cabau mangai aih. 2 Èh tah doe chrông bac da au ajang ngah cabau hloe xam bac rot qmau da mangai ùch. Mangai wèq hnim broq tiaq wop qmang ka bàu Jôsep thê radeh. 3 Sroq èh! tróc bu qngah wì am bài aih xam bài lùa hlài. 4 Wì lam qnhòq hangai ka than phòq, Jôsep doe ka mangai wèq tahnim: ìh drah yòng beq hnan tiaq bài wì aih; jò khoe tem, ìh doe rameh: Gleq pì majah yôc kan qmèq òdeq caqnaih ka trong lem qmang qmat? 5 Kô ùh xài chrông craq nhèn ôq alac rai òdeq capoch pajàu qmòh? Pì khoe broq moeq biac ùh lem. 6 Mangai wèq hnim tiaq tem, capoch hlài wop qmang ka bàu aih; 7 bài oh daq hi têu: Gleq wì craq majah anoe qmang aih? Ùh jò leq mangai hapông ìh ma i manoh broq yiniq qmang kô! 8 Hacô enh Cana-an nhèn i wè bac ma khoe jah ajang ngah cabau qnoh hu padreo hlài ka ìh; aih wìa ka ma i manoh enh atùng bac qnì wang qnì tanòe hnim wì craq ìh qmòh? 9 Tàng joq ìh chaq hnoq doe chrông aih ta cabau da mangai hapông leq aih èh dôq haq aih cachit hloe! Èh nhèn kô broq hapông díc ka wì craq. 10 Mangai aih doe: Ôq hêq! Broq qmang ka bàu pì doe raq au chaq hnoq chrông aih ajang cabô, mangai aih ep broq díc ka au; mangai ma qnoeq aih ùh i deh ka yiniq lui cleq 11 Tajòe qmòe, rìm ngai drah qnoh dèh cabau ta haqneq rai pèh ngah haq. 12 Mangai aih chềh chaq enh cabau da mangai daq ramua adroe èh trùh ta cabau da mangai oh ùch. Doe chrông aih chaq hnoq ta cabau da Bêjamin. 13 Rìm ngai hit dèh eo, dèch bàu qmau tọc crông lùa, wìh loh ta than phòq. 14 Cla Jôsep oe raq tahnim, jò Juda xam bài oh daq trùh ta aih, wì bla op ta haqneq enh ngèa haq. 15 Jôsep bôch: Pì khoe

broq cleq qmang kô? Ma ùh loq mangai troeq au kô rabiaq ka broq pajàu òdeq chaq hnoq rìm yiniq cleq ma khoe hnhung qmòh? 16 Juda têu: Nhèn oe qnì têu wì craq qmang leq, oe hangah hlài qmang leq? oe cwaih radeh qmang leq? Boc Pình khoe hnoq dồng trong dù da hapông ìh. Kô èh nhèn xam mangai khoe jah rùp doe chrông ajang nòe tì kống haq, dìq broq hapông ka wì craq. 17 Mahaq Jôsep têu bàu: Au ùh i hèm ka broq qmang aih! Mangai leq ma khoe jah rùp doe chrông ajang tì haq, mangai aih èh ma ep broq hapông au; èh bài pì dìq hlài dèh hnim baq pì ka catèm. 18 Juda thia haten ka Jôsep rai doe: Wì craq! apaq dayo ka hapông ìh, am au capoch dèh moeq nà bàu ka wì craq tamàng. 19 Wì craq i bôch deh mangai hapông rameh: Pì oe i ka baq, oe i ka oh daq qnoeq loq ùh? 20 Nhèn i doe ka wì craq rameh: Nhèn oe i baq craq, xam moeq toq kon calô ha-uang ka haq jò khoe craq. Daq moeq cliac moeq clèm ka haq khoe cachit, dài taqne bài kon da miq haq, oe moeq toq haq aih raq, èh baq loq waq dèh ka haq haraya. 21 Khoe aih ìh doe ka hapông ìh: Qnoh haq loh tacô ka au, dôq au jah hnoq qmòe xi cla. 22 Èh nhèn i anoe ka wì craq: Kon qyoh aih ùh jah talah ka baq, tàng joq talah aih èh baq cachit. 23 Yàng wì craq aih doe: Tàng joq oh ùch ùh tiaq pì loh tacô, aih èh pì ùh hnoq hadrò au hòm. 24 Dài qmang aih jò nhèn hlài tahnim mangai hapông ìh, aih la baq au, nhèn i anoe hlài ka haq tàng bàu da wì craq. 25 khoe aih, baq thê hòm nhèn: Drah loh rot tam ka bèn toq biao dahwèq acaq. 26 Nhèn doe ka haq: Ùh jah, mahaq tàng joq oh ùch tiaq nhèn, aih men jah loh, tàng ùh qmang aih nhèn ùh jah glàm haq aih. 27 Mangai hapông ìh aih la baq nhèn, têu rameh: Pì loq mai au ha-uang ka au baiq toq kon calô; 28 mòi qngai khoe cadac au lam hnhnung hloe; au ji khoe doe canau ngè rôm khoe hit đac haq, majah qmang aih trùh mandeq qnhòq hnoq wìh hlài. 29 Tàng joq pì oe qnung kon qyoh kô lam khoe ka au hòm, tàng beq loq i yiniq cleq habo trùh ka haq, aih xài pì broq ka mangai craq ko gàu kô catech cliac clèm loh ta hwin. (Sheol h7585) 30 Baq loq waq dèh hrin ka oh ùch au, mahua yang wa ùh taclah ka dabau, tàng joq mandeq kô au wìh hlài hnim hapông ìh, aih la baq nhèn mahaq ùh i ka oh ùch aih, 31 qmang aih jò pì oe hnoq kon ùch hòm, aih èh haq cachit. Qmang aih, xài bài hapông da wì craq kô broq dèh ka baq

craq khoe ko gàu, haq aih hadai hapông wì craq raq, catech cliac clèm loh ta hwin. (Sheol h7585)

32 Majah qmang aih hapông ih kô khoe chiuq pagàu ka kon ùch aih rameh: Tàng joq au ùh ahlài oh ka baq, aih èh au pòq yiniq lui ka baq mòeq døde. **33** Qmang aih manòeq kô, dôq ka hapông ih jah oe dïc thai dèh ka mangai qyoh kô, dødeq haq jah hlài dèh tiaq bài daq. **34** Tàng joq kon qyoh ùh tiaq hlài, broq qmang leq au oe hùa hlài dèh ta baq? Wùih! broq qmang leq au ma manaq hnoq kan rànac kàn trùh dèh ka baq qmòh!

45 Jò aih Jòsep pi àt dèh manoh qmang leq ma oe jah, enh ngèa ka bài mangai patih dudan, haq capoch cadèh: Hnan qnoh wì qmat loh dồng ma diq haq! Qmang aih ùh i cabô oe ti Jòsep jò haq ma anoe ka oh daq loq ka rađeh. **2** Èh haq hmoe qmòe cadèh, mangai Êdip xam hnim Phara-ôn hanoh tàng. **3** Jòsep anoe deh ka oh daq: Au kô Jòsep, Baq au oe rìh dèh ùh? Mahaq wì oh daq têu ùh jah, majaq qmang aih wì haq loh ka crè crep enh ngèa haq. **4** Atiq ka aih Jòsep doe ka wì oh daq: Thia haten ka au. Jò wì khoe broq tiaq, haq doe: Au kô Jòsep oh da pì daq, mangai pì daq ma khoe tech dødeq wì qnung lam tagùng Êdip. **5** Manòeq kô pì dùh mangò dèh, hadai ùh dùh nòeh ka rađeh ma khoe tech au dødeq wì qnung au lam gùng kô; majah qmang aih dødeq hu wèq kan rìh pì daq dài Boc Plinh ma khoe thê au lam gùng kô adroe ka pì daq. Kô khoe baiq hanam tagùng glàm kan pangot hrah, èh oe padam hanam hòm ùh i abèq achap cleq jah, ùh i cleq dødeq hugat. **7** Boc Plinh thê au trùh tacô adroe dødeq broq ka pì daq ùh hìaq lùch ka noe ta crống taneh, rai canòm hamong ka mòeq kan dèch claih kàn dødeq wèq kan rìh da oh daq. **8** ùh! ùh xài pì daq thê au trùh tacô, aih la Boc Plinh. Haq dèch au broq baq da Phara-ôn, au wèq hløe hnim haq, wèq diq dồng ka Êdip. **9** Pì daq drah rênh hlài ta baq au beq, rai doe ka haq rameh: Boc Plinh khoe dèch au broq cla craq diq dồng tagùng Êdip, baq drah loh ti au; apaq patrò, **10** ìh, bài kon, bài xau ìh, bài trùu, bo hløe xam diq dồng kùng hang ìh kô èh jah oe ta gùng Gôsen haten ka au kô. **11** Ta aih èh i au ban ìh (majah qmang aih oe padam hanam pangot hòm) tàng ùh qmang aih èh, cla ìh xam hnim ìh xam bài kùng hang da ìh loh ka hamoq dồng. **12** Hacô, bài daq xam Bêjamin oh au, khoe

hnoq qmòe dèh xi mat rameh hacùng cla au kô khoe capoch tuàng dèh ka wì haq trong aih. **13** Qmang aih, drah anoe kan rahù ranhòm au tagùng Êdip xam rìm yiniq pì ma khoe hnoq am ka baq tàng, èh drah rênh qnoh baq loh tacô. **14** Atiq ka aih, haq cwat ranông Bêjamin, oh rađeh rai hmoe; Bêjamin hadai cwat ranông haq rai hmoe. **15** Haq hadai cwat dèh bài daq rai hmoe. Khoe aih èh wì oh daq capoch tuàng ka haq. **16** Jò biac aih hìa trùh hnim Phara-ôn: Bài oh daq Jòsep khoe trùh, Phara-ôn xam bài cwan tàng qmang aih, joq troq ka manoh wì haq. **17** Phara-ôn doe ka Jòsep: Tanap ka wì oh daq ìh rameh: Drah dèch dahwèq qmat tồc crống lùa, wìh hlài ta Cana-an, **18** ãiđh da pì baq xam diq ka mangai hnim pì loh oe ti au. Au am ka pì nòe taneh ma yeo lem dồng tagùng Êdip, aih èh pì jah waq taneh jiang. **19** Èh au tanap ka ìh anoe hlài ka wì qmang kô: Yôc bài xê enh gùng Êdip ahlài ka kon qyoh xam cadrì wì haq, hu qnoh baq pì loh tacô, **20** Apa q adênh deh ka kùng hang, majah qmang aih ngè cleq ma yeo lem ta Êdip aih èh jah pì. **21** Bài kon calô da Isorali broq wop qmang ka bàu; Jòsep iu tiaq bàu Phara-ôn yôc bài xê am deh ka wì daq xam bài dahwèq hu acaq jò lam trong. **22** Haq hadai yôc bài eo yôh am ka tang ngai hu atùa, da Bêjamin hòm, haq am mòeq hrinh capiac bac xam padam racop eo yôh. **23** Haq hadai thê ahlài deh ka baq mòeq jàt toq lùa chò bài ngè ma yeo lem dồng ta Êdip, mòeq jàt toq lùa cadrì chò qmau, bênh xam bài dahwèq dødeq acaq jò baq haq lam trong. **24** Qmang aih, Jòsep ãiđh deh bài daq lam trong. Rai tanap ka wì haq Joq au cali calo ka oh daq apaq talech jò lam trong. **25** Bài oh daq oe enh Êdip drông dang tồc trùh dèh ta baq oe ta taneh Cana-an, **26** anoe hlài bài bàu kô rameh: Jòsep oe raq rìh; haq aih raq mangai cla craq qnang wèq diq gùng Êdip. Mahaq gàu ngoc da Jacôp dua ùh blinh, majah qmang aih haq ùh lùì bàu wì doe. **27** Oh daq anoe hlài ka haq tàng rìm nà bàu Jòsep khoe doe; Jacôp bu hnoq bài xê Jòsep ma thê ahlài hu ãiđh rađeh, aih manoh haq hi blinh hlài, **28** haq doe: Hêq au khoe loq; Jòsep, kon calô au, oe raq rìh; kô èh au lam hmài h ka haq adroe ka ãeh cachìt.

46 Isorali loh lam wê tiaq deh bài kùng hang. Trùh ta Bê-e sêba, haq padon dèh bài ramênh dèch ka Boc Plinh da Ysac, baq haq. **2** Ta kan hnoq jò damang, Boc Plinh i doe ka

Jacôp: Jacôp Jacôp! Isorali padreo bàu: I au kô 3 Boc Plinh doe: Au kô raq Boc Plinh, Boc Plinh da baq ih. Drah loh ta Êdip, apaq yùq cleq, majaih qmang aih ta aih èh au broq ka ih wia moeq diac kàn. 4 Cla au kô èh hadai loh ta Êdip ti ih, èh hadai cla au kô èh raq ma ahlài ih, wop qmang aih raq. Jôsep èh ma hi apot da ih mat. 5 Enh Bê-e sêba Jacôp loh lam; bài kon calô da Isorali dèch Jacôp, baq wì haq, xam bài cadrì kon wì haq tồc ta xê da Phara-ôn ma khoe thê lam ðih yôc bài wì aih. 6 Wì haq wê ðong bài ngè ma aban xam kùng hang ðeh ma khoe achap jah ta Cana-an, ðoeq lam trùh ta Êdip. 7 Qmang aih Jacôp xam ðiq ka hnim haq, bài kon calô, bài xau calô, bài kon cadrì, bài xau cadrì, ðiq loh ta Êdip. 8 Hacô! yiniq bài kon calô da Isorali aih la Jacôp, ma loh ta Êdip: Kon ramua da Jacôp aih la Rubên. 9 Bài kon calô da Rubên aih Hênoc, Phalu, Hèt-rôn, xam Cacmi. 10 Bài kon calô da Simê-ôn aih la Jêmu-ên, Jamin, Ôhat, Jakin, Xôha xam Saulo, aih la kon da mai mangai gùng Cana-an. 11 Bài kon da Lêwi aih la Getsôn, Kêhat, xam Mêrari. 12 Bài kon da Juda aih la Êro, Onan, Sêla, Phêrêr xam Xêrat. Mahaq Êro xam Onan khoe cachit tagùng Cana-an; kon da Phêrêr aih la Hèt-rôn xam Hamun. 13 Bài kon calô da Ysaca aih la Thôla, Phuwa, Jop xam Simrôn. 14 Bài kon calô da Sabu-lôn aih la Sêrêr, Êlon xam Jali-ên. 15 Bài kon calô xam mœq toq kon cadrì yiniq haq la Ðina, Lê-a ma khoe ha-uang ka Jacôp jò ma oe tagùng Phadân- Aram, xam bài xau aih ðiq ðong jah piq jàt piq ngai. 16 Bài kon calô da Gat aih la Xiphi-ôn, Hagi, Suni, Ecbôn, Êri, Arôði xam Arêli. 17 Bài kon calô da Ase aih la Jimna, Jic xam Jicwi, Bêria, xam Sêrat, oh cadrì da wì aih. Kon da Bêria aih la Hêbe xam Manki-an. 18 Aih, bài kon da Sinba ma ha-uang ka Jacôp xam bài xau, ðiq ðong aih jah mœq jàt tadrâu ngai. Sinba aih la mangai hapông da Laban ma khoe am tiaq patih ðeh ka kon cadrì aih la Lê-a. 19 Bài kon da Rachên mai Jacôp aih la Jôsep xam Bêjamin, 20 Jôsep khoe i kon tagùng Êdip, aih la Manase, xam Epra-im, Anat kon cadrì da Phôti-phêra, mangai pajàu kàn tagùng Ôn, khoe ha-uang ka haq. 21 Bài kon calô da Bêjamin aih la Bêla, Bêke, Acbên, Jêra, Na-aman, Êhi, Rôso, Môpbim, Hôpbim xam Aret. 22 Qmang aih, bài kon calô da Rachên ha-uang ka Jôsep xam bài xau ðiq ðong jah mœq jàt pôn ngai. 23 Kon calô da Ðan aih la Husim. 24 Bài kon calô

da Neptali aih la Jatsi-ên, Guni, Jicse xam Silem. 25 Bài kon calô da Bila ma ha-uang ka Jôsep xam bài xau aih ðiq ðong jah tapèh ngai. Bila aih la hapông Laban ma khoe am ðoeq patih ka kon cadrì haq la Rachên. 26 Wì aih lam tiaq Jacôp trùh ta Êdip, aih la bài mangai ha-uang loh enh Jacôp – tàng joq ùh rên xam bài kon mai – ðiq ðong aih jah tadrâu jàt tadrâu ngai. 27 Xam kon da Jôsep ha-uang ta Êdip jah baiq ngai. Qmang aih bài mangai da hnim Jacôp lam trùh ta Êdip, rên ðiq ðong jah tapèh jàt ngai. 28 Jacôp thê Juda lam adroe ðoeq hu bœch Jôsep arâng haq mùt tagùng Gôsen. 29 Jôsep tồc xê axêh haq khoe padon ðoeq lam tồc ta Gôsen ðih Isorali, baq raðeh. Haq loh ðeh enh ngèa baq, haq cwat ðeh baq rai hmoe ka dùnh. 30 Isorali doe ka Jôsep: Manðeq kô yac ka au cachit xô ùh ðeh. Majah qmang aih baq khoe hnoq hadrò kon, èh loq kon oe raq rih. 31 Khoe aih Jôsep anoe ðeh ka oh ðaq xam ðiq ka mangai hnim baq haq rameh: Au chôn timer lam adroe hu anoe ka Phara-ôn loq: Oh ðaq xam ðiq ka hnim baq au, enh gùng Cana-an khoe trùh ta au. 32 Wì haq mangai rih ka aban trùu, ban bài calùh, i qnung ðong ðeh calùh trùu, ðo xam ðeh bài kùng hang wì haq. 33 Êh jò Phara-ôn loq thê creo ka pì hu boch: Pì rih ka abroq ðeh cleq? 34 Aih pì doe rameh: Mangai hapông wì craq rih ðeh ka ngè aban enh qyoh trùh manðeq qmang ka baq nhên khoe broq. Qmang aih ðoq oh ðaq jah oe tagùng Gôsen, majah qmang aih mangai Êdip loq cadròt haraya ka mangai ban trùu.

47 Jôsep lam anoe ka Phara-ôn loq bài biac aih, rai doe tam: Baq xam bài oh ðaq au enh gùng Cana-an trùh, wê tiaq ðeh trùu, ðo xam bài kùng hang da wì haq. Manðeq kô qnang oe tagùng Gôsen. 2 Haq ràih yôc padam ngai taqne wì oh ðaq mùt gàm Phara-ôn. 3 Phara-ôn bœch: Bài pì abroq ngè cleq? Wì padreo bàu: Mangai hapông ih kô la mangai ban trùu, qmang ka wì kan cadraq khoe broq enh nêh. 4 Êh wì anoe tam ka haq: Nhên khoe trùh oe ðò ðeh tacô majah qmang aih kan pangot ta Cana-an kàn raya pi oe qmœk ka nhat ðoeq ka bài ngè da hapông ih ma ban hu acaq. Qmang aih, manðeq kô nhên cali calo ðeh ka ih am ka bài hapông ih jah oe ðeh ta Gôsen. 5 Phara-ôn doe ka Jôsep qmang kô: Baq xam bài oh ðaq ih khoe trùh ta ih; 6 qmang aih gùng Êdip khoe padon ðoeq qmœk ka ih; aih drah am ka baq xam oh ðaq ih

taleq ma yeo jiang đồng tagùng kô; am wì jah oe ta Gôsen. Tàng joq taqne wì aih ìh loq cabô ma yeo rabiaq, thê dèch haq aih ban bài calùh da au. 7 Khoe aih Jôsep ajèn aràng Jacôp, baq rađeh lam glâm Phara-ôn. Jacôp waiq xôq ramot am ka Phara-ôn. 8 Phara-ôn bôch Jacôp: Ìh halinh đeh khoe jah toq leq hanam? 9 Jacôp padreo bàu: Bài hanam au rìh tacô tatau diq đồng jah mỏeq hrinh piq jàt hanam; bài hanam qnhòng rìh da au joq haqnop, toq nanxa đeh hrinh, yôh ùh diang bài hanam da kan cadraq au jô haq rìh tacô tatau. 10 Jacôp waiq xôq ramot hòm ka Phara-ôn, khoe aih hi lùl loh khoe ka mat haq. 11 Qmang aih Jôsep tiaq bàu Phara-ôn, padì nòe oe deh ka baq xam bài oh daq, am ka wì haq nòe taneh ma yeo lem đồng ta Êdip hu broq kùng hang ka wì haq, tagùng Ramse. 12 Jôsep tiaq qmòe tang ngai, taqmroq am dahwèq acaq dèh ka baq, dèh ka bài oh daq xam diq đồng ka hnim deh baq. 13 Jô aih, kan pangot kàn pi cajaq, dài jàp gùng pi oe i qmòe ka cleq hu acaq; gùng Êdip xam gùng Cana-an diq loh ka ralênh đồng taiq kan pangot aih. 14 Jôsep tigop yôc đồng bac gùng Êdip xam gùng Cana-an, aih la bac wì phù cròng rot qmau; khoe èh aràng don đòeq bac aih ta hnim Phara-ôn. 15 Jô bac ta Êdip xam gùng Cana-an khoe diq, aih mangai Êdip diq trùh ta Jôsep rai creo dang: Am ka nhèn dahwèq hu acaq, jì laiq taiq khoe diq ka bac dài nhèn ma ep cachit enh ngèa ka wì craq qmòh? 16 Jôsep têu: Tàng joq khoe diq ka bac, aràng bài ngè pì ma aban trùh ka au, aih èh au hi halih dahwèq acaq ka pì. 17 Qmang aih, wì aràng ka Jôsep bài calùh ngè wì ma ban; Jôsep yôc dahwèq acaq halih yôc axêh, calùh trùu, calùh ьо, xam lùu. Hanam aih haq tigop yôc bài ngè da wì ma aban đòeq halih yôc dahwèq acaq. 18 Diq ka hanam aih, hanam atiq wì trùh hòm creo dang ka haq hòm: Nhèn ùh hangah cleq ka ìh, bac jèn khoe hreo hrua, bài ngè nhèn ma ban hadai khoe aràng diq ka wì craq; mandeq kô nhèn oe i toq chac cla nhèn xam taneh ruàng. 19 Wia ka nhèn xam taneh ruàng nhèn ma diq cachit lùch enh ngèa wì craq? Rot cla nhèn xam taneh ruàng nhèn hu halih dahwèq acaq, aih èh nhèn xam taneh nhèn hi broq dic ka Phara-ôn. Am ka nhèn adrech cleq hu rai, đòeq nhèn rìh ùh hiaq cachit, taneh ùh hiaq ep cadac clui. 20 Jôsep rot ka Phara-ôn diq đồng taneh ruàng tagùng Êdip; taiq kan pangot dài rìm ngai Êdip aràng tech đồng deh taneh

ruàng, qmang aih taneh ruàng jah đồng Phara-ôn. 21 Qmang aih diq đồng mangai Êdip diq wia đồng hapông, enh haqmai kô trùh haqmai tau da taneh diac. 22 Mahaq ruàng da bài pajàu kàn aih Jôsep ùh i rot, majah qmang aih wì haq i jah mỏeq phàn dahwèq enh Phara-ôn ma khoe a; aih phàn dahwèq Phara-ôn khoe di am ka wì haq. Aih ìq! Bài pajàu kàn dài ma ùh i cabô aràng tech deh taneh ruàng. 23 Jôsep doe diq ka mangai gùng aih: Ngan kô, au khoe rot pì xam taneh ruàng pì ka Phara-ôn; hacô adrech ka pì hu rai maq ta ruàng aih. 24 Trùh jò gat, pì ep dèch hlài da Phara-ôn mỏeq phàn padam, oe pôn phàn tau đòeq ka pì broq adrech rai maq, đòeq broq dahwèq acaq ka pì xam ka mangai ta hnim hloe xam ka kon qyoh pì. 25 Wì mangai ta aih doe: Wì craq khoe dèch kan rìh nhèn! Waiq đòq nhèn jah kan tamèt enh ngèa wì craq, aih èh nhèn jah broq hapông dic ka Phara-ôn. 26 Qmang aih Josep hi qnac qnoh mỏeq ranenh oe hloe trùh mandeq, taneh ruàng Êdip diq ep dèch thèq ka Phara-ôn mỏeq phàn padam dahwèq rađeh. Toq taneh ruàng da bài pajàu kàn ma ùh i jah Phara-ôn. 27 Qmang aih Isorali oe ta Gôsen gùng Êdip, abroq jah kùng hang ta aih, ha-uang chèch lòe tam haraya. 28 Jacôp oe ta Êdip jah mỏeq jàt tapèh hanam, halinh jah mỏeq hrinh tapèh jàt pôn hanam. 29 Trùh jò ten cachit, Isorali creo ka Jôsep kon calô rađeh, haq doe: Tàng joq baq jah kan tamèt enh ngèa kon, aih kon yôc tì kon roh enh qnhèk ka cataih baq rai diq ka kan alàng xam manoh hnjuh jang đòeq hu òq bàu ka baq, kon apaq catùh baq ta taneh Êdip. 30 mahaq jò baq kùl padài ti kan cadraq, ahlài baq loh khoe ka taneh Êdip, catùh pajùm ta nòe da wì haq. Jôsep doe: Kon broq tiaq wop qmang ka bàu baq tanap thê. 31 Jacôp doe: Kon hapah beq. Jôsep hi hapah. Khoe aih Jacôp hacùn cràng kùh waiq ajang nòe gàu juàng cla haq.

48 Jô bài biac aih khoe gèh, i mangai lam doe ka Jôsep: Hacô baq ìh ùh hrôc. Jôsep hi aràng Manase xam Epra-im, baiq ngai kon calô haq, hadai lam. 2 Wì bahia ka Jacôp rai doe: Kô Jôsep, kon calô ìh, trùh hmàih ka ìh. Isorali àu haqngui ta juàng. 3 Jacôp anoe ka Jôsep: Boc Plinh I cwàng Rìm trong, khoe mahnu loh, am xôq ramot ka baq ta Luxo gùng Cana-an. 4 doe rameh; Kô èh au broq ka ìh ha-uang ka bacc rai chèch lòe tam, broq ka mangai da ìh

jah cràm; au am ka xinoe ìh gùng kô ðòeq broq kùng hang mòeq ðòe. **5** Manòeq kô, wa kon calô ma khoe ha-uang ka kon tagùng Êdip, adroe ka baq trùh, aih la Epra-im wa Mana-se, aih hanoh da baq tiah ka Rubên xam Simê-ôn diq. **6** Bâi qyoh kon ma ha-uang tĩa aih, bâi aih òh da cla kon; trong taneh diac wì haq jah hadai tiah dèh ka wì oh daq. **7** Jò baq enh Phadan wìh hlài Cana-an, aih Rachên cachit roc trong i mat baq, ten ka Ephorat; baq catùh haq oe ti trong hlài ta Ephorat aih (la Betlehem). **8** Jò Isora-li hnoq wa kon da Jòsep, haq bòch: Qmat bâi cabô **9** Jòsep doe: Wa haq qmat kon Boc Plinh ma khoe am ka au tagùng kô. Isora-li doe: Aràng wa trùh ta au, ðòeq au waiq xôq ramot ka wa. **10** Jò aih, mat Isora-li khoe pũa majah qmang aih haq khoe craq pi oe hnoq cleq hòh, dài majah thê wa haq thĩa haten hu caqmuq híp. **11** Isora-li doe ka Jòsep: Adroe kô nèh baq xoh ðeh pi hnoq hadrò kon, yàng manòeq kô Boc Plinh broq ka baq jah hnoq trùh nang noe da kon. **12** Atiq ka aih Jòsep doeh ðeh wa kon loh khoe ka cràng Isorali, khoe aih kùn cràng ta haqneq. **13** khoe òh, haq aràng wa qyoh trùh ðeh ajang baq; tì pah qma haq ðuì Epra-im cwa pah qngeo ðeh baq, tì pah qngeo haq ðuì Manase cwa pah qma. **14** Isorali hnhu kông pah qma, ðòeq tagàu Epra-im, aih la mangai ma qyoh, tì pah qngeo ðòeq tagàu Manase. Haq to i ðeh manoh ðòeq tì qmang aih raq, majah qmang aih Manase aih mangai ma daq. **15** Khoe aih haq waiq xôq ramot ka Jòsep: Waiq Boc Plinh da kan cadraq au aih la Apraham xam Ysac ma kùh waiq, aih la Boc Plinh ma khoe wèq ban au enh jò baxèm clih enh cliac trùh manòeq, **16** bình plinh ma khoe ðong au claih enh kan ranàc, am xôq ramot ka wa kon qyoh kô; qmot yiniq au xam kan cadraq au la Apra-ham xam Ysac, broq ka wa rai òh rai bàc ta crông taneh! **17** Mahaq Jòsep hnoq ðeh baq yòc tì pah qma ðòeq tagàu Epra-im, ta manoh ùh chiuiq haq drah rúp tì ðeh baq ma khoe ðòeq tagàu Epra-im hu qnhac tócc tagàu Manase, **18** khoe òh haq doe: Ùh xài qmang qmat baq. Mangai kô ma ramua tì pah qma da ìh ðòeq tagàu haq ma troq. **19** Mahaq baq haq ùh waq rai rahen: Baq loq, baq loq kon. Haq kô òh hadai wĩa mòeq diac, haq hadai jah kàn, mahaq yac ka qmang leq, oh haq dua yeo kàn òh xinoe haq jah wĩa loh bàc diac. **20** Hì aih haq waiq xôq ramot ka wa kon calô kô rai doe: Enh dalam ka yiniq chôp kô òh mangai

Isorali jah waiq xôq ramot am ka dabau: Waiq Boc Plinh broq ka ìh jah tiah troeq wa Epra-im wa Manase. Qmang aih Jacôp ðèch Epra-im oe adroe ka Manase. **21** Isora-li doe ka Jòsep: Baq òh cachit, mahaq kô òh Boc Plinh oe ti kon rai ahlài pì kon tagùng wì kan cadraq **22** òh baq am ka kon taneh yeo bàc ka bài oh daq, aih la taneh da mangai Amô-rit baq ma khoe blah yòc xi panenh xi chang.

49 Jacôp creò ðeh ka bài kon calô trùh ti raðeh rai doe: Tagop ðudan ajang kô, baq hu anoe bài biac ep trùh ka pì kon ta hì atiq kô òh. **2** Bài kon calô da Jacôp, drah thĩa tagop ajang kô hu tàng; Tamàng bàu Isorali, baq da pì kon. **3** Rubên! aih la kon ramua da baq, Kan ðeh baq, teo padren baxèm da baq, Rih acaq lem yi loe ðong, trong qnì loq haq yeo loq diq ðong. **4** Kon rachui tiah ka diac tro, dài ma ùh diang ðeh cabô. Majah qmang aih kon khoe tócc ta aniang baq Kon tócc juàng baq, broq kan padrùh ta aih. **5** Simê-ôn xam Lêwì wa aih oh daq mòeq cliac clèm. Pla chang da wa aih joq ranac da kan ngang dù. **6** Waiq ðoq mahua yiang da baq ùh pajùm ti wa, Kan ranhòm da baq ùh alùh pajùm tanòe tagop da wa haq. Majah qmang aih wì haq khoe jêh ðac mangai ta kan panòeh. Kat ðac qnhàng bo qnìq tiaq ðeh manoh cla enh. **7** Kan nòeh da wì haq joq troq ka ra-òh hamaiq, majah qmang aih joq xòc joq qnàng. Joq troq ka ra-òh hamaiq kan nòeh da wì haq, majah qmang aih ngang joq qnàng. Au lah ðac wì haq tahnim Jacôp, Palac wì haq taqne mangai Isorali. **8** Juada! kô òh oh daq hi manè apôi kon, Tì kông kon jah padit ranong bài bình ma tagit ka kon. Bài kon calô da baq kô òh jah hacùn cràng enh ngèa kon. **9** Juda aih la sutùh caqmàng; A kon! kon rúp jah hanùm khoe aih hua ahlài. Haq canùng kùi i crài cleq ka sutùh calô. Tiah ka sutùh kan; cabô hũa tócc haqngui enh crông haq? **10** Long ðuì da bùa, ùh talic ka Juda. Mangai qnoh ranenh ùh catech khoe ka jènh haq. Trùh jò Mangai Silô ma hi trùh. Rìm diac diq iu tiaq Mangai aih. **11** Haq kàt ðeh lùa ajang xem nhỏ, Kàt ðeh kon lùa qyoh ajang hamenh nhỏ ma yeo lem ðong. Haq rùh ðeh eo cwàn ta alac nhỏ, Yòc mahim nhỏ rùh ðeh eo yòh. **12** Mat haq gam yeo hnau ka alac. Hanenh haq taboc yeo hnau ka diac tóh. **13** Sabulôn oe ti nòe kênh diac raxiq. Aih la nòe i boang kàn oe. Acang taneh diac haq bòt qnah ta Sîdôn. **14**

Ysa-ca aih la lù dèh padren, Kùì padài taqne cadrong. **15** Jò hnoq dèh nòe kùì padài aih joq alàng. Taneh aih joq lem qnàng, Aih èh haq bet plèh xùì kan trap. Ep iu tiaq trong broq xàu. **16** Đan jah hadrah deh mangai da haq. Qmang ka xinoe da Isora-li. **17** Đan èh tiah qmang ka bìh oe ti kênh trong Mòeq toq bìh plông roc trong, Kap cachop axêh. Broq ka mangai kòe axêh tacro dalùi, **18** Wôi Jêhowa! au tangêh gòm kan dèch claih da ìh. **19** Gat èh i mòeq calùh lình clàm jêh haq. Yàng èh haq tùh jêh chau rai qnat tiaq, **20** Enh nòe Ase i dahwêq ramaq jiang, Haq palàng ngè jiang acaq ka bài bùa. **21** Nepta-li aih joe cadri caqnaih enh cadrong. Xêh loh bài kon joe lem lình. **22** Jôsep aih xêm nho, plì da haq top haraya, Hon ten ka thông diac, Hamenh haq heo enh qnhêq ka canàng. **23** Mangai wê panenh khoe leoq haq, Pênh rang rai canàt jêh haq. **24** Canòm ka tì kống Mangai I cwiang Rìm trong da Jacôp, Dài panenh da haq dua cajap Canòm ka Mangai Ban trùu, aih la Hmo da Isorali Dài baiq toq kống haq rai dèh tam. **25** Boc Plình da Baq jah wiang ti kon; Mangai I cwiang Rìm trong jah am xôq ramot ka kon, Aih la xôq ramot loh enh plình, Xam xôq ramot tọc enh nòe kòe jrùq. Xôq ramot enh tôh xam da cliac miq. **26** Xôq ramot baq waiq am ka kon glông ka haqnêh. Qnhêq ùh hnau ka xôq ramot wì kan cadraq da baq, Haqnêh ùh hnau ka bài bui wang qnhông calah nêh. Waiq bài xôq ramot kò oe tagàu Jôsep Ajang ngòng mangai broq cla craq bài oh daq haq. **27** Bêja-min aih la koq yiang hrah ka acaq, Disroq haq chriang rùp hanùm Dixêq haq lah axong hanùm ðeh khoe axan jah. **28** Bài wì aih ðiq gàu rangàu da mòeq jàt baiq xinoe Isorali; aih la bàu baq wì haq doe jò qnang waiq xôq ramot am ka wì, waiq xôq ramot crài am ka tang ngai. **29** Khoe aih haq thê dèh bài kon calô rameh: Baq kò èh hlài ti wì kan cadraq, pì kon catùh baq pajùm ti wì kan cadraq, ta kòp hmu nòe ðùng ruàng Eprôn, mangai Hêtit, **30** aih la kòp hmo taðùng Macbêla haten ka Mamrê, gùng Cana-an, aih la nòe Apraham khe rot hu broq nòe ðòeq caðac hanang hloe xam ðùng ruàng da Eprôn. **31** Ta aih wì khoe catùh Apraham xam Sara mai haq; Ysac xam Rêbêca mai haq; hadai ta aih raq baq khoe catùh Lê-a, **32** ðùng ruàng aih xam kòp hmo khoe rot hlài enh xinoe mangai Hêch. **33** Jò tanap deh ka wì kon bài bàu aih hi khoe, Jacôp dèch hlài dèh jènêh tọc ta

juàng, khoe aih hi pat, jah hlài dèh ti wì kan cadraq.

50 Jôsep kùp gàu enh ngèa dèh baq, híp haq rai hmoe. **2** Khoe aih thê bài thài broq jreo ma xan patìh dèh ka raðeh, yóc jreo xua thùm ha-ùng ka hanang dèh baq; wì aih hi ha-ùng ka Isorali. **3** Pôn jàt hi ha-ùng jreo hi khoe, aih la maneh ma pajaq ðòeq ha-ùng jreo; mangai Êdip crò hmoe ka haq ta tapêh jàt hi. **4** Trùh hi hêq ka crò hmoe, Jôsep doe ka bài cwan da Pharaôn rameh: Tàng joq au jah ðeh màiq enh ngèa pì, pì taqmon biaq ka Phara-ôn bàu kò ðòq haq tàng **5** Baq au i thê au hapah rameh: Kò èh baq cachit, catùh baq ta ralùng baq ma khoe rot ðòeq tagùng Cana-an. Qmang aih manòeq kò, au ep tọc ta-aih catùh dèh baq, khoe èh hi tawìh loh tacò. **6** Phara-ôn doe ka haq: Tọc beq catùh baq ìh, wop troeq bàu haq ma thê ìh hapah aih. **7** Jôsep hi tọc hu catùh dèh baq, ðiq ðong ka bài cwan da Phara-ôn aih la bài cwan kàn xam bài gucraq ta diac Êdip ðiq lam tiaq haq. **8** ðiq ðong ka hnim Jôsep, bài oh daq xam ðiq ka hnim baq haq ðiq tọc lam tiaq caðac hanang ti haq; ta Gôsen oe toq wì kon qyoh, bài trùu xam ðo da wì haq. **9** Xê xam axêh hanoh lam tọc ti haq; mangai lam tiaq caðac hanang joq cràm joq qnàng! **10** Jò trùh ta haneh da Atat, pah tau ka cròng diac Jôðan, wì crò hmoe ra-ua, ta aih Jôsep broq ramênêh caðac hanang dèh ka baq ta tapêh hi. **11** Mangai Cana-an aih la mangai rih tagùng aih hnoq kan crò hmoe ta hamlang haneh da Atat, wì doe: Mangai Êdip broq ramênêh caðac hanang joq ranhòm qnàng. Aih ìq wì majah creo ka nòe haten ka cròng diac Jôðan kò la Abên-mitra-im. **12** Qmang aih bài kon calô da Jacôp broq tiaq deh bàu baq ma tanap ðòeq. **13** Ahlài hanang deh baq tọc ta Cana-an, catùh ta kòp hmo taðùng Macbêla ten ka Mamrê, aih la nòe Apraham khoe rot hloe xam ðùng ruàng Eprôn, mangai Hêtit ðòeq broq nòe caðac hanang. **14** Catùh dèh baq hi khoe, Jôsep xam bài oh daq hloe xam bài mangai khoe lam tiaq caðac hanang deh baq, ðiq loh ta Êdip. **15** Wì oh daq hnoq dèh baq khoe cachit, aih wì ta anoe ka dabau: Broq braiq kò èh Jôsep loq git ka bèn èh patem chau trong dù bèn ma khoe broq ka haq. **16** Wì daq thê mangai lam anoe ka Jôsep rameh: Adroe ka cachit baq tanap qmang kò **17** Pì anoe ka Jôsep rameh: Baq cali calo kon caðac kan dù, xam yiniq lui da wì daq

kon, jò wì haq tabroq ka kon pi i ka bè bàn cleq;
 manòeq kô baq cali calo ka kon cadac bài yiniq
 lui ka bài hapống Boc Plinh da baq. Tàng bài
 bầu kô Jôsep hi hmoe. **18** Khoe aih cla bài daq
 trùh bla op enh ngèa Jôsep rai doe: Nhèn daq
 kô hapống oh. **19** Jôsep têu: Pì daq apaq yùq
 cleq, majah qmang aih wì ka au jah thai Boc
 Plinh qmòh? **20** Pì daq khoe qnac trong hu broq
 habo đac ka au, mahaq Boc Plinh enh broq gèh
 trong lem ka au, aih la đòeq hu wèq kan rìh da
 bác ngai, qmang ka pì daq khoe hnoq hì kô. **21**
 Qmang aih ùh dùh yùq dèh, i au am tòm tàu
 ka pì daq xam wì kon da pì daq. Khoe aih haq
 alòng bài daq, yốc bầu habuàt capoch tuàng ti
 wì. **22** Jôsep xam hnim baq haq rìh oe ta Êdip;
 haq halinh jah mòeq hrinh mòeq jàt hanam.
23 Haq jah hnoq kon xau da Epraim trùh piq
 qnhòng, hadai jah hnoq bài xau da Maki, aih la
 kon calô da Manase. **24** Khoe ka aih, Jôsep anoe
 dèh ka wì daq: Au kô ten cachit, mahaq kô èh
 joq Boc Plinh trùh hmàih ka oh daq, yốc ahlài
 pì oh daq tagùng haq ma khoe hapah đòeq têu
 am ka Apraham, Ysac xam Jacôp. **25** Jôsep thê
 bài kon calô da Isorali hapah rameh: Joq qnàng
 kô èh Boc Plinh trùh hmàih hu wiang ti oh
 daq, aih èh pì ep qnhac caxènh au loh khoe
 ka gùng kô. **26** Qmang aih Jôsep cachit, rìh jah
 mòeq hrinh mòeq jàt hanam. Wì ha-ùng jreo
 xua thùm ka hanang haq, lòm hanang haq ta
 mòeq toq hom tagùng Êdip.

LOH ENH ÊDIP

1 Kô yiniq bài kon calô da Isorali, rìm ngai qnung dèh mangai tahnim rađeh lam tiaq Jacôp loh oe ta Êdip: **2** Rubên, Simê-ôn, Lêwi, xam Juda; **3** Ysaca, Sabulôn, xam Bêjamin, **4** Đan, Neptali, Gat xam Ase. **5** Bài mangai ha-uang loh enh Jacôp đìq đổng jah tapèh jât ngai; Jôsep khoe oe ta Êdip. **6** Jô kô, Jôsep xam bài oh daq haq, xam đìq ka ngai qnhông aih đìq cachit đổng. **7** Mangai Isorali chềch lỏe tam rai èh rai bằc haraya, loh ka rai èh rai padrồng dềh; jập jĩa ka gùng. **8** Atiq ka aih, ta diac Êdip i mòeq ngai neo tỗc broq bừa, ùh qnì ka Jôsep. **9** Bừa doe dềh ka mangai tadiac da haq: Ngan kô, mangai Isorali bằc rai yì dềh hnau ka bèn. **10** Beq bèn yỗc kan rabiaq hu tabroq ka wì haq, ùh meh èh wì loq bằc tam, tàng beq loq i kan tajêh tablah, wì haq loq taqmút ka bài linh wì hu jêh hlài bèn khoe èh cadàu loh enh gùng bèn qmòh. **11** Qmang aih wì dềch bài mangai broq gàu bài hapỗng đòeq hu panan mangai Isorali ep abroq xalep, wì xài than phỏq Phithom xam Ramse đòeq broq kho ka Phara-ôn. **12** Mahaq kiang mangai Êdip panan wì haq abroq xalep dằng leq aih kiang mangai Isorali bằc tam dằng aih. Mangai Êdip loh ka tagit ka mangai Isorali. **13** Panan wì haq broq nhang đìq jaq. **14** Broq ka mangai qnhông aih rìh ta kan hamoq, majah qmang aih ep jỏiq taneh, broq gech hloe xam rìm yiniq abroq qnoeq tagùng. Bài biac aih mangai Êdip panan mangai isorali broq joq nhang đìq jaq. **15** Bừa Êdip doe ka bài bamùq da mangai Hêbru, mòeq ngai yiniq Sipra, mòeq ngai yiniq haq Phu-a, **16** rameh: Jỏ pì lam ngan mangai Hêbru ha-uang, waq toq hnoq kon calô aih broq đắc đỏq haq cachit, tàng hnoq kon cadrì aih đòeq rìh. **17** Mahaq bài bamùq iu yùq ka Boc Plinh, ùh broq tiaq bàu da bừa Êdip tanap, rong bài kon calô rìh đổng. **18** Bừa Êdip creo ka bài bamùq rai bỏch: Hagleq pì ma broq qmang aih, đòeq ka bài kon calô rìh đổng? **19** Bài bamùq padreo bàu: Aih pằng bài mangai gucadrì Hêbru ùh xài qmang ka mangai Êdip; majah qmang aih wì haq yeo dềh, khoe ha-uang adroe ka jỏ nhèn trùh. **20** Boc Plinh am xôq ramot ka bài bamùq, mangai Isorali chềch lỏe tam loh ka raya rayùc. **21** Qmang aih pằng bài bamùq iu yùq ka Boc Plinh, dài haq majah broq ka hnim wì aih jah padrồng. **22** Phara-ôn

qnoh ranenh kô am ka đìq đổng mangai da haq: Waq toq kon calô da mangai Hêbru maneo ha-uang, khwênh qnìh đổng tadiac; yàng bài kon cadrì aih rong rìh.

2 Manđeq kô, i mòeq ngai ta xinoe Lêwi lam yỗc mòeq ngai kon adrùh Lêwi broq mai, **2** haq hadrằp, ha-uang loh mòeq ngai kon calô; hnoq dềh kon lem la alàng, haq lam cadoc ta piq khê. **3** Mahaq enh cadoc tam yeo dừnh hòm pì jah, haq hi yỗc mòeq toq talênh clit jan chai xam jan haqnùh, khoe èh tah kon qyoh ta aih, lam caqnaih ta đắm triang niaq ti kênh diac. **4** Mangai daq cadrì yòng ngan enh hangai đòeq loq haq qmang leq cadềh. **5** Khoe aih, kon adrùh da Phara-ôn loh ta diac Nin đòeq hùm, bài mangai hapỗng cadrì aih lam dauq ti kênh diac; kon adrùh bừa hnoq talênh rì aih taqne đắm triang niaq, hi thê deh hapỗng cadrì loh dềch. **6** Kon adrùh bừa pềh ngan ta talênh, hnoq kon qyoh, aih la kon calô qyoh qnang hmoe, haq ha-och loh ka tadềch qmòe nòeh rai doe: Kô kon da mangai Hêbru. **7** Daq cadrì da kon qyoh aih doe ka kon adrùh bừa: Au lam chaq mòeq ngai Hêbru đòeq ta-ùq kon qyoh kô ka ìh oq? **8** Kon adrùh bừa doe: Òq lam beq. Mangai cadrì qyoh aih lam creo ka miq cla kon qyoh. **9** Kon adrùh bừa doe: Ahlài kon nga kô ta-ùq ka au, i au caqnaih ka ìh bằc baha. Mangai gucadrì caqmìn ahlài kon qyoh aih hu ta-ùq. **10** Trùh jỏ khoe yòng kàn, haq ajèn qnàng kon qyoh aih qmút ka kon adrùh bừa, haq aih yỗc kon qyoh kô broq deh kon, yiniq am ka haq la Môise, majah qmang aih haq doe au khoe dềch haq tỗc enh diac. **11** I mòeq hi jỏ Môise khoe kàn, haq lam trùh dềh ti bài oh daq, ngan hnoq kan abroq xalep da wì haq; èh hadai hnoq mòeq ngai Êdip jêh mòeq ngai Hêbru oe ta bài oh daq rađeh; **12** Ti ngan dudan ùh hnoq i cabô, haq hi jêh đắc mangai Êdip, khoe aih catùh ta braih. **13** Trùh hi atiq, Môise lam hòm hnoq baiq ngai Hêbru jêh dabau, haq doe ka mangai broq yiniq rameh: Hagleq ìh ma jêh dềh bua? **14** Yàng mangai aih doe: Cabô dềch ìh broq bừa, broq cwan hadrah nhèn? Ahiaq ìh enh jêh đắc au qmang ka khoe jêh đắc mangai Êdip tau ùh xài? Môise crep pì cajaq hèm ta manoh: Joq qnàng yiniq au broq kô wì khoe loq đổng! **15** Phara-ôn hĩa biac aih, hi ti chaq jêh đắc Môise, mahaq haq khoe cadàu mot ka Phara-ôn, haq yòng padài tagùng Mađi-an, haqngui ten ka adràm

diac. 16 Jò kô, mangai pajàu gùng Mađi-an i tapèh toq kon cadri; bài wì aih lam qmúc diac ta adràm ùc ta atong ðòeq am ka bài triu baq wì haq ôq. 17 Mahaq bài mangai ban triu trùh hnàn đac wì haq; Môise padinh yòng wiang ti bài kon cadri aih khoe èh am bài triu ôq diac. 18 Jò bài kon cadri aih hlài tahnim Rê-u-ên aih baq wì haq, aih haq hi bôch: Hì kô gleq pì kon majah hlài sroeh? 19 Wì doe: I moeq ngai Êdip wiang đồng nhèn khoe ka tì kống bài mangai ban triu, hadai khoe wiang qmúc diac pì cajaq am ka triu ôq diq. 20 Baq bôch hòm: Mangai aih mandeq kô taleq, hageq pì lam ma cadac đac haq, xài drah akhen ka haq trùh tacô ðòeq i cleq hu acaq. 21 Môise enh oe ti mangai kô, haq aih am deh kon la Sêphôra broq mai Môise. 22 Haq ha-uang mòeq toq kon calô, Môise yiniq deh kon la Getsôn, majah qmang aih haq doe: Au oe deh nòe diac wì. 23 Atiq ka aih toq biaq, bùa diac Êdip cachit. Mangai Isorali toq hràng rai creo dang ka Boc Plinh majah qmang aih wì haq broq đic ep patì xalep; bàu creo dang aih tởc trùh ta Boc Plinh. 24 Boc Plinh tàng bàu wì haq creo dang, hmàng hlài deh tajao deh ma broq ti Apraham, Ysac xam Jacôp. 25 Boc Plinh tamèt ka mangai Isorali, canau loq kan nanxa da wì haq.

3 Mandeq kô Môise ban triu ka Jêtrô, baq mai haq, aih la pajàu da gùng Mađi-an, tiaq calùh triu tởc pah tau ka ðùng hawit, trùh tawang da Boc Plinh aih la wang Hôrep. 2 Bình plinh da Jêhowa mahnu loh ti haq ta pla ùnh taqne xem yila tau. Haq ngan hnoq diq ka xem yila quang cheo, mahaq ùh lòm pat. 3 Môise hèm: Au cadiang lam ngan kan halac kô hagleq xem yila cheo mahaq ùh dùh qmòe ka pat. 4 Jò Chuaq Jêhowa hnoq Môise cadiang trùh ngan, Boc Plinh oe taqne xem yila creo: Môise! Môise! Haq padreo bàu: Hacô au kô. 5 Boc Plinh doe: Paq thia haten jang kô! Drah lèh da ìh jai qmat majah qmang aih nòe ìh quang yòng qmat raq taneh hadròeh. 6 Èh haq doe tam: Au kô Boc Plinh da kan cadraq ìh, Boc Plinh da Apraham, Boc Plinh da Ysac, Boc Plinh da Jacôp. Môise hi bàng dèh mat majah qmang aih haq yùq loq ngan hmoq Boc Plinh. 7 Chuaq Jêhowa doe: Joq au khoe hnoq kan nanxa da mangai da au oe tagùng Êdip. Au khoe tàng bàu wì haq crò hmoe taiq mangai broq gàu bài hapống ta wì haq, joq au loq kan xa ep da wì haq. 8 Qmang

aih, au khoe loh ðòeq hu dèch wì haq loh khoe ka tì kống mangai Êdip, qnung ajèn enh aih tởc tagùng tau aih la gùng lem alàng rai anòh anài, clàng qmòe sùu xam diac xùt, aih la gùng da mangai Cana-an, mangai Hêtit, mangai Amôrit, mangai Phêrêsit, mangai Hêwit, xam mangai Jêbusit. 9 Kô, bàu crò hmoe da mangai Isorali khoe tởc trùh ta au, èh au khoe hnoq mangai Êdip taqbroq ka wì haq qmang leq cadèh; 10 Qmang aih mandeq kô lam ajang kô. Au hu thê ìh lam trùh ta Phara-ôn ðòeq qnoh Isorali mangai da au loh khoe ka Êdip. 11 Mahaq Môise doe: Au kô ìq cabô ma hùa trùh glàm Phara-ôn, ðòeq hu qnoh mangai Isorali loh khoe ka gùng Êdip? 12 Boc Plinh doe: kô èh Au oe ti ìh, kô yiniq ðòeq broq teo hadro am ka ìh loq au khoe thê ìh lam. Jò ìh khoe qnung mangai Isorali loh khoe ka gùng Êdip, aih èh pì hi patìh ka Boc Plinh tabui wang kô. 13 Môise padreo bàu ka Boc Plinh: Kô èh au lam trùh ta mangai Isorali, anoe ka wì rameh: Boc Plinh da kan cadraq pì thê au trùh tapi; mahaq tàng wì bôch: Yiniq haq aih cleq? aih èh au têu wì qmang leq? 14 Boc Plinh doe: “Au kô raq Au kô”. Kô bàu ðòeq ìh anoe ka mangai Isorali: cla “Au kô raq” ma khoe thê au trùh tapi. 15 Boc Plinh doe hòm ka Môise: ìh anoe ka mangai Isorali qmang kô: Jêhowa Boc Plinh da kan cadraq pì, Boc Plinh da Apraham, Boc Plinh da Ysac, Boc Plinh da Jacôp, thê au lam trùh tapi. Aih raq yiniq mòeq ðoe da au, enh qnhòng kô trùh qnhòng tau. 16 Lam beq, tagop bài gucraq Isorali anoe ka wì haq rameh: Jêhowa Boc plinh da an cadraq pì, Boc Plinh da Apraham, Boc Plinh da Ysac, Boc Plinh da Jacôp khoe loh ti au rai doe rameh: Joq qnàng au khoe trùh hmàihi ka pì, hnoq kan wì tabroq ka pì tagùng Êdip, 17 dài au ma khoe jah doe: Au doeh pì loh enh kan xalep tagùng Êdip, ðòeq aràng pì tởc gùng da mangai Cana-an, mangai Hêtit, mangai Amôrit, mangai Phêrêsit, mangai Hêwit xam mangai Jêbusit, aih la gùng clàng sùu xam diac xùt. 18 Bài gucraq da mangai Isorali wì haq tiaq bàu ìh, aih èh ìh xam bài gucraq Isorali drah lam glàm bùa da Êdip doe ka haq rameh: Chuaq Jêhowa, Boc Plinh da mangai Isorali, khoe mahnu loh ti nhèn. Qmang aih mandeq kô ðôq nhèn lam trùh tađùng hawit, adreo kô piq hì ka trong ðòeq hì dèch ramènh ka Jêhowa Boc Plinh nhèn. 19 Mahaq au loq bùa da Êdip ùh jò leq caqnaih pì lam tàng joq ùh yỏc tì kống i cwiàng rìm trong hu panan

haq. 20 Mahaq au qnoh dèh tì kǝng hu tabroq ka gǝng Êdip xi bài kan halac da au taqne gǝng aih, khoe aih wì haq hi caqnaih pì lam. 21 Èh au broq ka mangai Êdip lem manoh tamèt ka mangai Isorali, aih èh jò loh lam pì ùh lam tì dech. 22 Rìm ngai gucadrì ep bǝch bài gucadrì ta aih, hloe xam bài mangai ma oe canòm deh hnìm pì bài ngè ma broq xi wang, xi bǝc xam eo cwàn, hu caxùnh am dèh ka kon calô cadrì da pì. Bài pì lǝq mangai Êdip hreo hrúa qmang aih èh.

4 Môise doe: Mahaq mangai Isorali ùh lùì, èh ùh tiaq bàu au, majah qmang aih wì doe: Chuaq Jêhowa ùh i mahnu raðeh ka ìh jò leq. 2 Chuaq Jêhowa doe: Ìh wê cleq ta tì ìh qmat Haq padreo bàu: Mòeq toq long dùì. 3 Chuaq Jêhowa Boc Plình doe: Drah tèm caqnìh ta taneh beq. Haq tèm caqnìh ta taneh, long dùì wìh wìa mòeq toq bìh; Môise cadàu ka bìh. 4 Chuaq Jêhowa doe: Yǝc tì cadop tènìh haq. Haq dèch tì cadop, aih haq hi wìa hlài long dùì ta tì haq. 5 Chuaq Jêhowa doe: Aih ðòeq ka wì lùì Jêhowa Boc Plình da kan cadraq wì haq, aih la Boc Plình da Apraham, Boc Plình da Ysac, Boc Plình da Jacǝp khoe loh tì ìh. 6 Chuaq Jêhowa doe hòm ka Môise: Qmùt tì ìh enh dalam ka eo. Môise qmùt dèh tì ta eo yàng jò haq hi doeh qnoh. Hacô akia haq loh ka bacùn, mang taboc tìah ka preo. 7 Khoe aih, haq doe hòm: Manðeq qmùt hlài tì ìh ta eo. Môise qmùt khoe aih doeh qnoh. Meh tì haq hi lem hlài tìah ka xech akia dèh dùnh. 8 Khoe aih Chuaq Jêhowa doe: Tàng wì aih ùh lùì ìh èh hadai ùh iu tiaq bàu teo ma adroe, aih èh wì haq lùì tiaq bàu teo ma atiq. 9 Mahaq tàng joq wì ùh lùì dǝng baiq teo kô rai ùh iu bàu ìh, aih èh ìh qmùc yǝc diac Nin, èh pùc diac aih ta taneh croh, diac ìh ma qmùc enh diac Nin aih hi wìh wìa mahim ta taneh. 10 Môise doe ka Chuaq Jêhowa: Ìh apaq manaq dayo dèh ka hapǝng ìh, yac ka enh hi nèh hì mòe, yac ka enh jò baxèm ìh ma anoe, au dua ùh xài mangai rabiaq hacùng bàu, majah qmang aih au kǝ mangai capoch raqmàp 11 Chuaq Jêhowa doe: Cabô broq loh hacùng kon mangai? cabô khoe broq ka làu, broq ka clìc, broq ka ùh xau? Ma ùh xài Au, Chuaq Jêhowa? 12 Manðeq kô lam beq, èh i au oe ti hacùng ìh rai hnài ka ìh bàu ma ep capoch. 13 Môise doe: Chuaq Jêhowa ìh apaq taqmrua ka hapǝng ìh, ìh enh thê deh cabô hi thê. 14 Chuaq Jêhowa

loh ka nòeh ka Môise, haq doe: Arǝn mangai Lêwi ajoq daq ìh? Au loq mangai aih rabiaq ka capoch, hatau haq qnang lam boe ìh, èh haq aih lem bùì raya jò hnoq ìh. 15 Qmang aih ìh drah anoe ka haq rai taqmroq ðòeq bàu ta hacùng haq. Jò chǝp capoch, i au oe ti hacùng ìh xam hacùng daq ìh, hnài chǝp rìm yiniq cleq ma ep broq. 16 Haq aih èh ma anoe tuàng ti wì thai ka ìh, ðòeq broq hacùng ka ìh, da ìh hòm hi tìah taiq ka Boc Plình ka haq. 17 Ìh drah wê long dùì kǝ ðòeq hu broq bài kan halac. 18 Khoe aih Môise hlài dèh ta Jêtrǝ, baq mai raðeh, haq doe: Am au wìh hlài dèh ta wì oh daq au oe ta Êdip, ðòeq hu hmàiìh ngan wì haq oe i deh bô ma oe rìh loq ùh. Jêtrǝ doe ka Môise: Kon lam ka catèm oq. 19 Jò aih Chuaq Jêhowa doe ka Môise ta Maði-an: Drah hlài ta Êdip, majah qmang aih bài mangai ma chaq jêh ðac ìh cachìt khoe diq. 20 Môise hi dèch deh mai xam kon tǝc crǝng lùì, hlài ta Êdip. Haq hadai wê long dùì da Boc Plình ta tì. 21 Chuaq Jêhowa doe ka Môise: Jò ìh hlài tagùng Êdip, ep rabiaq ka bài trong halac au ma khoe jao ka tì kǝng ìh broq enh ngèa Phara-ǝn; mahaq au broq ka haq cadoq manoh ðòeq ùh caqnaih mangai Isorali loh lam. 22 Qmang aih ìh ep anoe ka Phara-ǝn rameh: Chuaq Jêhowa i doe qmang kǝ: Isorali aih kon au, aih la kon calô ramua au, 23 dài au majah thê ìh: Caqnaih kon au lam, ðòeq haq patìh ka au, mahaq ìh khoe ùh waq. Kǝ èh au jêh ðac kon calô ìh, aih kon ramua da ìh. 24 Jò qnang lam tì trong, Boc Plình loh tǝt ngèa Môise tandè hnìm padài ðò, hu jêh ðac haq. 25 Sêphǝra yǝc mòeq toq chang xi hmo kat akia deh kon khoe aih khwènìh troq jènìh Môise rai doe: Joq qnàng ìh kǝ mangai ǝng mahim au. 26 Boc Plình pì jêh ǝng haq hòm; haq majah doe: Mangai ǝng mahim aih taiq ramènìh kat akia. 27 Chuaq Jêhowa doe ka Arǝn: Lam tadùng hawit hu ðìh Môise. Arǝn hi lam, glàm Môise tawang da Boc Plình, rai hip haq. 28 Môise taboe hlài ka Arǝn rìm nà bàu da Chuaq Jêhowa ma khoe thê deh anoe hloe xam bài kan halac Haq khoe hnài deh broq. 29 Qmang aih Môise lam ti Arǝn, tagop bài gucraq ta mangai Isorali. 30 Arǝn hi taqmon hlài ðìq dǝng bàu da Chuaq Jêhowa ma khoe doe ka Môise rai broq bài kan halac enh ngèa wì haq. 31 Wì hi lùì, loq joq Chuaq Jêhowa khoe trùh hmàiìh ka mangai Isorali, rai hnoq kan nanxa da wì haq; wì hi hacùn cràng kùh waiq.

5 Atiq ka aih, wa Môise wa Arôn lam doe ka Phara-ôn: Jêhowa Boc Plinh da mangai Isorali i doe qmang kô: Caqnaih mangai da auh loh lam, ðoeq wì haq hu wèq mõe q ramèn h ka au taðùng hawit. **2** Mahaq Phara-ôn têu: Jêhowa aih i q cabô au ma ep iu tiaq ðeh bàu haq, caqnaih ka mangai Isorali loh lam? Au ùh qnì ka Jêhowa leq; au hadai ùh caqnaih mangai Isorali loh lam. **3** Môise xam Arôn doe: Boc Plinh da mangai Hêbru khoe loh ta nhên. Mandeq kô caqnaih nhên mùt taðùng hawit, qnah ta piq hì lam ka trong, ðoeq hu ðech ramèn h ka Chuaq Jêhowa Boc Plinh nhên, tàng ùh meh haq yóc kan dài qnì chang jaoq qnì hu tabroq ka nhên. **4** Bùa Êdip doe: Wùih Môise xam Arôn! Hagleq chôp majah basrùq wì caðac yiniq broq qmang aih? Hlài broq da chôp biac beq. **5** Phara-ôn doe hòm: Ngan tau, mangai hi maxia maxep qmang tau aih ka chôp khech tât wì haq abroq. **6** Hì aih raq Phara-ôn thê bài mangai pariaq xam bài mangai ngan abroq rameh: **7** Pì pi dùh am ka wì hri ðoeq broq gech qmang ka adroe nêh hòm; cla wì ha ep lam chaq deh. **8** Mahaq pì pajaq ka wì haq sôq gech waq ka troq qmang ka jaq dùnh, ùh dùh xùch broq cleq; majaq qmang aih wì haq qmat aroh, chaq nen wiang doe: Beq! lam ðech ramèn h ka Boc Plinh bèn! **9** Taqmòq yiniq broq ma trap ka wì haq ðoeq wì haq jiang ka abroq aih èh pì hìaq tangèh trong bàu qnùt taliq hòm. **10** Bài mangai pariaq xam bài mangai ma ti ngan abroq anoe ka mangai Isorali rameh: Phara-ôn doe qmang kô: Au pi am hri ka pì hòm. **11** Cla pì loq chaq taleq chaq; mahaq ùh xùch yiniq broq ka pì yac ka toq biaq hnha. **12** Mandeq kô, mangai Isorali hi lam jàp jìa ka gùng Êdip toch xem hri qmau thai ka hri. **13** Bài mangai broq gàu bài hapõng toq bahuìq: Broq beq waq ka gèh biac da pì, wop troq qmang ka maneh ma khoe pajaq ka pì, hì leq waq ka gèh meh, tiaq ka jò ma oe am hri ka pì. **14** Bài mangai Phara-ôn ðech wì haq broq mangai pariaq, jêh rai lech ka bài mangai Isorali wì haq ma khoe thê broq mangai ti ngan abroq rameh: Hagleq enh hì nêh trùh hì kô pì ma ùh gèh ðeh ka yiniq broq gech qmang ka enh adroe nêh? **15** Bài mangai ngan abroq ta mangai Isorali trùh doe ka Phara-ôn rameh: Gleq bùa ma tabroq ðeh ka bài hapõng qmang kô? **16** Wì ùh am ka nhên hri, aih ka xan thê nhên qmang kô: Broq gech beq! Ngan kô bài hapõng da i h jah jìq ðeh; yiniq lui kô oe ajang bùa. **17** Mahaq bùa têu: Pì qmat chóc bài aroh, bài aroh! Dài aih pì majah chaq nen doe ka dabau: Beq bèn lam ðech ramèn h ka Chuaq Jêhowa! **18** Mandeq kô chaq lam broq beq! Mahaq ùh i cabô am ka pì hri taleq, mahaq gech aih waq ka tòm taih. **19** Qmang aih bài mangai ngan abroq da mangai Isorali loh ka rawè, majaq qmang aih wì i doe ka wì haq: Pì ùh jah baxùch sôq gech ma khoe pajaq ka wì, hì leq waq ka gèh ðeh hì aih. **20** Jò khoe loh enh Phara-ôn aih wì haq hnoq Môise xam Arôn khoe gòm ta-aih. **21** Aih wì haq hi doe: Chôp khoe broq ka nhên wia kan xua om enh ngèa ka Phara-ôn xam bài cwan, khoe qnèp chang ta tì wì haq ðoeq hujêh ðac nhên. Waiq dang Jêhowa hadrah ngan chôp qmat. **22** Môise wìh hlài ta Chuaq Jêhowa rai anoe: Waiq Chuaq! hagleq i h ma khoe habo ka mangai Isorali? Chuaq thê au trùh broq cleq? **23** Pang jò au ma lam glàm Phara-ôn, yóc yiniq i h hu anoe ka haq, aih kiang haq dalam ka wì kô, yàng Chuaq aih yi ùh i ðech bac lai h ðeh mangai da i h.

6 Chuaq Jêhowa doe ka Môise rameh: Mandeq kô i h ngan trong au ma hu baxa Phara-ôn; yóc tì kông i cwiang rìm trong ðoeq panan bùa aih hu caqnaih rai hnàn mangai Isorali loh khoe ðeh ka gùng haq. **2** Boc Plinh doe tam ka Môise: Au kô raq Jêhowa. **3** Au khoe loh ti Apraham, ti Ysac, xam Jacôp, mahnu raðeh kô raq Boc Plinh i cwiang rìm trong; mahaq yiniq da au la Jêhowa aih au qnhòq lah mahnu ka wì haq loq. **4** Au hadai i broq tajao ti wì haq, ðoeq hu am taneh Cana-an, aih la gùng wì haq khoe oe ðeh tiaq taiq ka mangai diac qnoeq. **5** Au hadai khoe tàng bàu creò dang da mangai Isorali majah qmang aih mangai Êdip khoe rùp wì haq broq hapõng ðic, aih au hmàng trùh ðeh tajao. **6** Qmang aih, i h anoe ka Isorali rameh: Au kô raq Jêhowa, kô èh au jah lêh caqnaih pì khoe ka long ech da mangai Êdip ma khoe taqmòq ka pì; hadai doeh pì khoe ka broq hapõng ðic; au bahnjuh ðeh kông, yóc kan hadrah kàn ðoeq baxon yóc hlài pì. **7** Kô èh au yóc pì broq mangai da au, èh au broq Boc Plinh pì, aih èh pì jah loq Au kô raq Jêhowa Boc Plinh pì, khoe caqnaih pì khoe ka kan trap da mangai Êdip. **8** èh au qnung pì mùt tagùng au ma khoe hapah ðoeq têu am ka Apraham, ka Ysac, ka Jacôp, hu am ka pì broq kùng hang: Au kô raq Jêhowa. **9** Môise anoe hlài wop qmang aih ka mangai Isorali, mahaq taiq kan mangò kàn èh taiq kan

trap da mangai broq deh hapõng dài wì haq majah ùh ùh lòm tamàng bàu Môise. 10 Chuaq Jêhowa doe ka Môise rameh: 11 Lam beq! anoe ka Phara-ôn bùa Êdip, ep caqnaih mangai Isorali loh khoe ka gùng haq. 12 Mahaq Môise anoe ka Jêhowa rameh: Ngan, au kô ùh xài mangai rabiaq hacùng bàu, mangai Isorali ùh waq tàng bàu au, loq ka Phara-ôn ma waq tamàng au qmòh? 13 Chuaq Jêhowa doe hòm ka Môise xam Arôn, thê wa ep lam trùh ti mangai Isorali xam Phara-ôn bùa Êdip, òeq hu qnoh mangai Isorali loh khoe ka gùng Êdip. 14 Kô gàu da bài hadròng hadrech da mangai Isorali. Bài kon calô da Rubên, aih la kon calô ramua da Isorali: Hênoc, Phalu, Hêtrôn, Katmi. Aih la bài hadrech da Rubên. 15 Bài kon calô da Simê-ôn aih la: Jêmu-ên, Jamin, Ôhat, Jakin, Xôha, xam Saulo aih la kon da mai mangai gùng Cana-an. Aih bài hadròng hadrech da Simê-ôn. 16 Kô yiniq da bài kon calô da Lêwi, tiaq tang hadròng da wì haq: Getsôn, Kêhat, Mêrari. Lêwi halinh jah moeq hrinh piq jàt tapèh hanam. 17 Bài kon calô da Getsôn tiaq deh tang hadròng: Lipni, Simê-i. 18 Bài kon calô da Kêhat: Amram, Jitsêba, Hêprôn xam Uxi-ên. Kêhat rìh jah mœq hrinh piq jàt piq hanam. 19 Bài kon calô da Mêrari aih la: Macli xam Musi. Aih la bài hadròng hadrech da Lêwi tiaq tang hadròng hadrech da wì haq. 20 Amram yœc Jôkebêt aih dùch haq, broq mai; mangai aih ha-uang ka haq Arôn xam Môise. Amram halinh jah mœq hrinh piq jàt tapèh hanam. 21 Bai kon calô da Jitsêha aih la: Kôrê, Nêphêt, xam Xiagri. 22 Bài kon calô da Uxi-ên aih la: Misa-ên, Ênsaphan xam Sicri. 23 Arôn yœc Êliseba, kon cadrì da Aminadap, oh Nahasôn; mangai cadrì aih ha-uang ka haq Nađap, Abihu, Êlê-asa xam Ythama. 24 Bài kon clô da Kôrê aih la: Êncana xam Abi-asap. Aih la bài adrech da mangai Kôrê. 25 Êlê-asa kon calô da Arôn yœc kon cadrì da Phuti-ên broq mai; mangai cadrì aih ha-uang loh Phinê-a ka haq. Aih la bài gàu gúc ta cadraq mangai Lêwi, tiaq dèh tang hadròng. 26 Aih! Arôn xam Môise, aih la mangai Chuaq Jêhowa ma khoe thê: Drah qnoh mangai Isorali, tiaq tang bình linh hu loh khoe ka gùng Êdip. 27 Wa aih raq mangai ma doe ka Phara-ôn, bùa Êdip, òeq qnung mangai loh khoe ka gùng aih. Aih Môise xam Arôn kô raq. 28 Qmang aih, ta hì Jêhowa ma anoe ka Môise tagùng Êdip, 29 aih Haq i doe rameh: Au kô raq Jêhowa, ìh ep doe hlài ka Phara-ôn, bùa Êdip òq dõng rìm nà

bàu au ma padon anoe ka ìh. 30 Môise padreo bàu: Au kô mangai capoch hi raqmàp, wìa ka Phara-ôn ma waq tamàng au qmòh

7 Chuaq Jêhowa thê hòm Môise rameh: Ngan beq! Au dèch ìh tiah qmòe ka mat mahi ka Phara-ôn, èh Arôn daq da ìh aih èh broq mangai pajàu da ìh. 2 Ep anoe hlài ma òiq bàu au ma padon anoe ka ìh, khoe aih Arôn daq ìh, hi anoe hlài ka Phara-ôn, òeq haq caqnaih mangai Isorali loh khoe dèh ka gùng. 3 Au kô èh broq ka Phara-ôn cadoq manoh, rai tam bacc kan halac da au tagùng Êdip. 4 Mahaq dua Phara-ôn ùh lòm tamàng pì; tì kông au poh ta taneh Êdip, yœc bài kan tah hadrah trap, òeq doeh bình linh da au, aih la mangai Isorali 5 Jò au poh tì kông ta taneh Êdip òeq qnoh mangai Isorali loh khoe taqne mangai Êdip, aih èh wì hi loq Au kô raq Jêhowa. 6 Wa Môise wa Arôn broq tiaq wop qmang ka bàu Chuaq Jêhowa khoe tanap thê. 7 Jò wa haq lam anoe ka Phara-ôn, aih Môise khoe jah rahem jàt hanam èh Arôn khoe jah rahem jàt piq hanam. 8 Chuaq Jêhowa doe ka Môise xam Arôn, 9 Jò Phara-ôn doe ka chóp: Broq kan halac beq, aih èh ìh hi doe ka Arôn qmang kô: Drah yœc long dùl daq qmat khwênh caqnìh enh ngèa Phara-ôn xam bài cwan haq, aih long dùl hi wìa mœq toq bih, 11 Phara-ôn creò dèh ka bài bœc sìh xam pajàu, aih la bài mangai loq ti blàih blõng hu broq tiah qmang aih. 12 Mangai leq mangai meh khwênh qnìh dèh long dùl, aih hadai wìa loh bih, mahaq long dùl da Arôn lonh dõng long dùl da wì aih. 13 Mahaq manoh Phara-ôn dua ma cadoq, ùh dùh ka tamàng wa Môise wa Arôn, tiah qmang ka bàu Chuaq Jêhowa khoe doe. 14 Chuaq Jêhowa doe ka Môise: Phara-ôn khoe cadoq manoh, ùh waq caqnaih mangai da au lam. 15 Sroq eh, jò Phara-ôn loh ta cròng diac, ìh loh enh ngèa haq rai wê long dùl ma khoe wìa bìh aih. 16 ìh anoe ka haq: Jêhowa aih la Boc Plinh da mangai Hêbru, thê au trùh ten ka ìh òeq anoe rameh: Caqnaih mangai da au loh lam, òeq wì haq hu patih ka au tađùng hawit mahaq trùh manòeq dua ìh ùh dùh ka waq tàng bàu au. 17 Chuaq Jêhowa i doe qmang kô: Kô èh ìh hu loq ka au kô raq Jêhowa: Ngan kô au yœc long dùl blai ta diac cròng, aih èh diac hi wìa dõng mahim. 18 Ka ta diac cachit òiq, diac hi loh ka xua om; mangai Êdip òq diac loh ka ramòt. 19 Khoe aih, Chuaq Jêhowa doe ka Môise: Doe ka

Arôn rameh: Wê da ìh long dùì, hnhè tì ìh enh qnhèq ka diac Êdip, roc diac kon, diac cròng, roc hlǝng diac xam ãiq ãong gùng kô taleq ma i diac, ãoẽq diac wia mahim, jàp gùng Êdip ta abôq diac broq xi hmo xi long ãiq i mahim. 20 Qmang aih Môise xam Arôn broq tiaq qmang ka bàu Chuaq Jêhowa khoe tanap the radeh. Enh ngèa Phara-ôn xam bài cwan, Arôn dèch long dùì blai tadiac, ãiq ãong cròng diac wia ãong mahim. 21 Ka tadiac cachit, diac loh ka xua om, mangai Êdip ôq diac pi jah, qmang aih mahim clàng jàp gùng Êdip. 22 Mahaq bài pajàu yǝc dèh canàih broq ãiq qmang aih hadai jah qmang aih, manoh Phara-ôn cadoq cadang ùh dùh lòm tamàng Môise xam Arôn toq biaq hnha, wop qmang ka Chuaq Jêhowa khoe doe. 23 Phara-ôn wih hlài dèh tahnim manoh haq ùh lòm hèm trùh bài yiniq aih yac ka bu toq biaq. 24 Èh ãiq ãong ka mangai Êdip ôq diac ùh jah ãài majah ti koch diac mǝng ãudan ka diac Nin hu yǝc diac ôq, majah qmang aih ôq diac cròng ùh jah. 25 Atiq ka Jêhowq blai diac jah tapèh hi.

8 Khoe aih, Chuaq Jêhowa doe ka Môise: Drah loh glàm Phara-ôn, èh doe a haq: Chuaq Jêhowa doe rameh: Caqnaih mangai da au loh lam, ãoẽq wì haq patìh ka au. 2 Tàng joq ìh ùh caqnaih, kô èh au caqnìh kan ranàc prai loh kit jàp tagùng ìh. 3 tadiac xèh loh kit, moq tǝc tahnim bùa, tabluàng, tǝc tajuàng ìh, mùt tahnim hapǝng xam mangai da ìh, ta tanùh xam nǝc pèh ãac broq bèn̄h da ìh. 4 Kit moq tǝc chac ìh, ta mangai da ìh, xam bài hapǝng ìh. 5 Qmang aih, Chuaq Jêhowa anoe ka Môise: The Arôn ãaq ìh rameh: Hnhu tì ìh xam long, dùì hnhu roc diac cròng, tadiac muàng xam roc hlǝng diac, ãoẽq broq kit prai jàp ka gùng Êdip. 6 Arôn dèch dèh tì roc diac cròng, diac kon gùng Êdip, bài kit tǝc lam jàp jà gùng aih. 7 bài pajàu blàih blǝng yǝc dèh canàih broq tiaq qmang aih, wì hadai broq ãoq kit tǝc tam jàp gùng Êdip. 8 Phara-ôn hi creo ka Môise xam Arôn rai doe: Drah waiq khàn ka Chuaq Jêhowa, ãoẽq Haq broq bài kit wia hangai ka au xam mangai da au; aih èh au hi caqnaih mangai Hèbru loh lam dèch ramèn̄h ka Chuaq Jêhowa. 9 Môise doe ka Phara-ôn: ìh pajaq qmòe trùh jò leq au ep waiq khàn Chuaq Jêhowa am ka ìh, xam ka hapǝng hloe xam ka mangai da ìh, ãoẽq broq ka bài kit wia khoe ka bùa xam hnim bùa, ãoẽq oe i toq tadiac. 10 Bùa têu bàu: Trùh qngah sroq

èh. Môise doe: Kô èh au broq tiaq bàu, ãoẽq bùa loq ùh i ka cabô tìah ka Jêhowa aih la Boc Plình nhèn. 11 aih èh bài kit hi wia hangai ka bùa xam hnim bùa, hapǝng bùa xam mangai da bùa; oe i toq roc diac raq. 12 Môise xam Arôn loh khoe ka Phara-ôn; Môise creo ãang Chuaq Jêhowa biac bài kit, Haq ma khoe broq trùh ka Phara-ôn. 13 Chuaq Jêhowa broq tiaq qmang ka bàu Môise creo ãang. Bài kit tahnim, ta hamlang, ãùng ruàng cachit ãiq. 14 Wì hacom ãoẽq tang haqngùc, ãiq ãong gùng aih loh ka xua om. 15 Mahaq Phara-ôn hnoq ãeh khoe claih kan ranàc, hi loh ka cadoq manoh, pi dùh ka tamàng Môise xam Arôn yac ka toq biaq hnha, wop qmang ka bàu Chuaq Jêhowa ma doe. 16 Chuaq Jêhowa doe ka Môise rameh: The doe ka Arôn, dèch ãeh long dùì qmat, blai ta blo taneh, blo hi wih wia hamech jàp tagùng Êdip. 17 Wa broq wop qmang aih. Arôn dèch dèh long dùì blai blo ta taneh, blo hi wia hamech canhǝng, prǝnh mangai xam ngè ma aban; blo wia ãong hamech nǝc gùng Êdip. 18 Bài pajàu blàih blǝng enh yǝc ãeh canàih broq qmang aih ãoẽq broq loh hamech, mahaq broq ùh jah. Qmang aih hamech prǝnh mangai xam ngè ma ban. 19 Bài pajàu hi anoe ka Phara-ôn: Qmat raq hadrang tì Boc Plình; mahaq ãua Phara-ôn cadoq manoh, ùh ão tamàng bàu Môise xam Arôn yac ka toq biaq hnha, wop troeq bàu Chuaq Jêhowa doe khoe. 20 Khoe aih, Chuaq Jêhowa doe ka Môise: Kô èh Phara-ôn loh ta kèn̄h diac, ìh riu sroeh, loh glàm haq ãoẽq doe ka haq qmang kô: Drah caqnaih mangai da au loh lam ãoẽq wì haq patìh ka au. 21 Tàng joq ìh ùh caqnaih, ngan kô au the bài roe apùq ajang ìh, bài cwan da ìh, mangai da ìh xam hnim ìh; hnim da mangai Êdip ãiq i roe apùq xia xep, xam jàp ta taneh. 22 Mahaq hi aih èh, au acang taneh Gǝsen, aih nǝc mangai da au rih oe, ùh i ka roe, ãoẽq ìh loq Au raq Jêhowa, i oe taqne gùng aih. 23 Au lah ãoẽq mangai da au khoe ka mangai da ìh. Trùh sroq èh kan halac kô hi loh. 24 Chuaq Jêhowa broq qmang ka bàu. Qmang aih hnim Phara-ôn, hnim bài cwan da haq hloe ãiq ka gùng Êdip ãiq i roe pi cajaq, roe broq ka taneh loh ka pi wia cleq. 25 Phara-ôn creo ka Môise xam Arôn, haq doe: Drah lam dèch ramèn̄h ka Boc Plình pì tagùng kô raq. 26 Mahaq Môise doe: Broq qmang aih ùh troq, majah qmang aih ramèn̄h nhèn dèch ka Chuaq Jêhowa Boc Plình nhèn, aih la kan ramòt ka mangai Êdip. Tàng joq nhèn

dèch ramènh cadròt aih enh ngeà mangai Êdip, aih wì haq ma ùh yõc hmo ãp nhên qmòh? 27 Kô èh ep nhên mùt tađùng hawit, qnah ta piq hi lam ka trong, dèch ramènh ka Jêhowa Boc Plình nhên, wop qmang ka bàu haq thê. 28 Phara-ôn doe: Au caqnaih pì lam dèch ramènh ka Jêhowa Boc Plình pì, tanòe ãùng hawit mahaq apaq lam yeo hangai. Hadai waiq khàn ka au diq! 29 Môise doe: Ngan kô au loh khoe ka bàu, hu waiq khàn ka Jêhowa; hi da èh roe hi wia hangai ka Phara-ôn, bài cwan xam mangai da ih. Mahaq Phara-ôn pì ãùh qnùt nhên, ùh caqnaih mangai Isorali lam dèch ramènh ka Chuaq Jêhowa. 30 Môise hi wia khoe ka Phara-ôn rai waiq khàn ka Chuaq Jêhowa; 31 Chuaq Jêhowa broq qmang ka bàu Môise creò dang, bài roe hi wia hangai ka Phara-ôn xam bài cwan, xam bài mangai da haq, pi oe i yac ka moeq pliang.

9 Chuaq Jêhowa doe ka Môise: Drah lam glàm Phara-ôn anoe ka haq rameh: Jêhowa aih la Boc Plình da mangai Hêbru, i doe qmang kô: Caqnaih mangai da au lam, ãoq wì haq patih ka au 2 majah qmang aih tâng joq ìh ùh caqnaih wì lam, oe raq tât hòm, 3 kô èh tì kông da Jêhowa hi poh ta bài ngè da ìh ma aban tagùng, ta axêh, lùa, lỏcđá, ão xam bài triu: kô èh loh ka dài kàn. 4 Mahaq Chuaq Jêhowa lah ãoq ngè da mangai Isorali ma ban khoe ka ngè da mangai Êdip, ngè da mangai Isorali aban yac ka moeq toq dua ùh cachit. 5 Chuaq Jêhowa pajaq ãèh jò qmang kô: Trùh sroq èh Chuaq Jêhowa hi broq yiniq aih tacò. 6 Bu qngah sroq atiq, Chuaq Jêhowa hi broq biac aih, bài ngè da mangai Êdip ma ban ãiq cachit; yàng da mangai Isorali, ùh cachit qmòq moeq toq. 7 Phara-ôn thê mangai lam ngan, hnoq da mangai Isorali ùh lòm cachit qmòq moeq toq. Mahaq Phara-ôn cadoq manoh, ùh caqnaih mangai Isorali lam. 8 Chuaq Jêhowa doe ka Môise xam Arôn: Hacom yõc blo ta tanùh bình ta tì chỏp, khoe èh ajang ngèa ka Phara-ôn, Môise hi rai blo aih ta trỏc. 9 haq hi wia blo habuát qyêq jàp gùng Êdip, èh hi wih wia bài kan rahenl talêh plỏh ãùh tachac mangai xam bài ngè wì ma ban jàp jia Êdip. 10 Qmang aih, wa hacom blo ta tanùh, yòng enh ngèa ka Phara-ôn, Môise hi rai blo aih ta trỏc, aih haq hi wia loh bài kan rahenl talêh plỏh ãùh tachac mangai xam ngè wì ma ban. 11 Bài pajàu blàih blống yòng enh ngèa Môise pi jah, majah qmang aih kan talêh

rahenl khoe plỏh tachac wì haq qmang ka da rìm ngai Êdip. 12 Chuaq Jêhowa broq ka Phara-ôn cadoq manoh, ùh tamàng bàu wa Môise wa Arôn yac ka toq xit hnha, tiah ka bàu Chuaq Jêhowa khoe doe ka Môise. 13 Khoe aih Chuaq Jêhowa doe ka Môise rameh: Ìh rìu sroeh lam glàm Phara-ôn doe ka haq qmang kô: Jêhowa aih la Boc Plình da mangai Hêbru doe: Caqnaih mangai da au lam ãoq wì haq hu patih ka au; 14 majah qmang aih yàng kô au caqnaih bài kan ranàc ta ìh, ta bài cwan da ìh xam managai da ìh, ãoq ìh loq jàp crống taneh kô ùh i cabò ma ãàng au. 15 Tàng manòq kô au khoe dèch tì baxa ìh xi kan dài, qmang aih ìh xam mangai da ìh ãiq khoe lủch ta crống taneh kô. 16 Mahaq taiq kô raq au majah khoe dèch paqnàng ìh, aih la ãoq ìh hnoq kan cwiàng itai da au, ãoq yiniq au jah anoe jàp ta phủ crống. 17 Tàng joq ìh oe tât padràng, ùh caqnaih mangai da au loh lam, 18 aih èh hi da èh wop jò kô, au broq moeq kan mề ãèh clìh preo kàn, jaq ta ãiac Êdip patep enh jò baxèm trủh manòq qnhỏq i yàng leq mề ãèh qmang aih. 19 Manòq kô, ìh thê wì tiaq ahlài ãong bài ngè aban tagùng, ãoq jah claih kan hamoq aih, majah qmang aih preo kàn clìh cachit ãong xam mangai xam ngè aban ma oe raq tagùng. 20 Bài cwan da Phara-ôn ma i manoh yủc crẻ ka bàu Jêhowa, drah huiq haiq tiaq ahlài ãèh bài hapỏng xam ngè wì ban tagùng. 21 Bài mangai ma ùh waq tamàng bàu Jêhowa, aih wì ãoq ãèh bài hapỏng xam bài ngè wì ma ban oe tagùng. 22 Chuaq Jêhowa thê Môise rameh: Dèch tì ìh ta trỏc, broq mề preo clìh ta jàp tagùng Êdip, tachac mangai, ngè aban, xam ta cachiq nhat tagùng. 23 Môise dèch ãèh long ãùi ta trỏc, Chuaq Jêhowa broq trỏc cãdah camlet, clìh preo ùnh cheo ta taneh. Qmang aih, Chuaq Jêhowa broq ka mề preo clìh tagùng Êdip. 24 preo clìh pajủm xam ùnh cheo rẻnh hi haraya, jaq enh jò baxèm broq ãiac Êdip trủh manòq, qnhỏq lah i qmang aih. 25 Qmang aih, jàp tagùng Êdip, preo broq kan habò ka rìm yiniq tagùng, enh mangai trủh ngè aban, trủh cachiq, broq tagoh trủh bài long. 26 Toq ta Gỏsen, aih nẻ mangai Isorali oe, ùh hiaq clìh preo. 27 Phara-ôn thê creò ka Môise xam Arôn rai doe: Yàng kô au khoe broq yiniq lui; Chuaq Jêhowa aih troq; au xam mangai da au aih la bài mangai khoe broq yiniq lui. 28 Drah waiq khàn ka Chuaq Jêhowa, ãoq pi hiaq cãdah xam mề preo; khoe èh au hi caqnaih pì lam, pi

patrò hòim. **29** Môise têu: Jò au buloh enh kô, au dèch tì ta Chuaq Jêhowa, cadah camlet xam mè preo hi diq, òeq bùa loq rameh: taneh kô da Chuaq Jêhowa. **30** Mahaq au loq bùa xam bài cwan qnhòq iu yùq ka Jêhowa Boc Plinh. **31** (Jò aih qmau mat qnhòq sròc, briang qnang riang, dài qmau xam briang pòh hech dõng; **32** qmau mì xam qmau tiuh mat yeo clòe qnhòq sròc dài majah ùh hiaq pòh) **33** Qmang aih Môise loh khoe ka Phara-ôn, loh enh gùng ka than phòq, dèch dèh tì ta Chuaq Jêhowa, camlet cadah, preo hi atàt, mè hadai rangep ta taneh. **34** Jò Phara-ôn hnoq mè, camlet cadah, preo khoe prang, cla haq xam bài cwan loh ka cadoq hòim manoh, broq hòim yiniq lui. **35** Qmang aih Phara-ôn cadoq manoh, ùh caqnaih mangai Isorali lam, wop qmang ka bàu Chuaq Jêhowa khoe doe ajang nõe Môise.

10 Chuaq Jêhowa doe ka Môise rameh: Drah lam glàm Phara-ôn, majah qmang aih au khoe broq cadoq manoh haq xam manoh bài cwan, òeq bài kan halac au jah patò qnoh taqne wì haq. **2** Òeq ìh hu anoe hlài dèh ka bài kon, ka bài xau bài biac kàn kaiq au khoe broq ka mangai Êdip, bài kan halac au khoe broq taqne wì haq aih òeq pì hu loq Au kô raq Chuaq Jêhowa. **3** Môise xam Arôn lam ta Phara-ôn, wa doe: Jêhowa aih la Boc Plinh da mangai Hêbru i doe qmang kô: ìh ùh qnoh rađeh haqneq enh ngèa au trùh jò leq hòim? Drah caqnaih mangai da au lam òeq wì haq patìh ka au. **4** Tàng ìh ùh waq caqnaih mangai da au lam, ngan kô, hi da èh au thê bài líp trùh ta taneh diac ìh; **5** haq apùq xia ta taneh, pì cabô oe hnoq taneh hòim, haq kap kaq dõng bài cleq ma oe rah, aih la bài cleq mè preo ma rong hlài, haq hadai kap dõng bài long ma hon da pì taruàng. **6** mùt bìn hahnim bùa tahnim bài cwan xam tahnim mangai Êdip: Aih la biac enh kan cadraq pì, trùh ta wì craq dũnh calah nêh qnhòq lah hnoq pang jò wì haq i mat ta taneh trùh ta manòeq. Khoe aih Môise tawìh loh khoe ka Phara-ôn. **7** Bài cwan da Phara-ôn doe ka haq: Trùh jò leq mangai kô men hêq ka bet ka bèn jroh? **8** Wì thê creó ka wa Môise wa Arôn mùt hlài ta Phara-ôn, haq doe ka wa: Lam patìh ka Jêhowa Boc Plinh pì beq. Diq dõng bài cabô ma ep lam? **9** Môise padreó bàu: Nhèn lam rai qnong dõng dèh mangai craq xam mangai qyoh xam bài triu bô lam tiaq, majah qmang aih cla nhèn kô,

aih raq ramènh da Chuaq Jêhowa. **10** Phara-ôn doe: Chuaq Jêhowa oe tì pì. Aih hlàu cleq au ma am pì xam bài kon pì lam dõng qmòh? Ûh, joq ùh qmòe blinh, majah qmang aih pì i manoh dù. **11** Ûh jah qmang aih taleq, toq pì gualô raq ep lam patìh ka Jêhowa, aih la trong pì ma khoe bòch. Khoe aih wì hi hnan qnoh đac wa Môise wa Arôn loh khoe ka mat Phara-ôn. **12** Chuaq Jêhowa doe ka Môise: Dèch tì ìh qmat enh qnhèq ka gùng Êdip, òeq broq ka bài líp prai xia xep ta aih, òeq haq kap kaq dõng cachiq nhat xam rìm yiniq cleq mè preo ma oe rong òeq. **13** Qmang aih Môise dèch dèh long dùì enh qnhèq ka gùng Êdip, èh Chuaq Jêhowa qnong cayeo enh bè mat mahì loh hlui tagùng aih xèq ka hì xam mang aih; trùh sroq atiq cayeo enh bè mat mahì loh khoe aràng bài líp trùh. **14** Líp prai jàp tagùng Êdip, pan loh jràp hi raya rayùc ta taneh ta aih. Enh calah nêh qnhòq hmaq bàc diang aih, trùh atiq kô hanoh ùh bàc qmang aih. **15** Líp cato xia ka taneh da gùng aih, gùng aih loh ka clam cluiq, kap kaq dõng bài cachiq nhat xam bài plì long jò mè preo ma oe rong òeq, diq dõng tagùng Êdip pì i toq xit jang leq ma oe nget, patep enh long trùh ta cachiq nhat taruàng. **16** Phara-ôn drah creó ka Môise xam Arôn rai anoe: Au kô khoe broq yiniq lui ka Chuaq Jêhowa Boc Plinh pì hloe xam ka cla pì. **17** Mahaq manòeq cadac da au yiniq lui yàng kô; waiq khàn biaq ka Jêhowa Boc Plinh pì, òeq haq broq hangai ka au kan ranac cachit kô. **18** Môise hi wia khoe ka Phara-ôn, waiq dang ka Chuaq Jêhowa. **19** Chuaq Jêhowa qnung cayeo enh bè mahì clìh trùh dèh pì cajaq, cayeo aih hlui qnìh dõng bài líp tadiac raxìq Gòh. **20** Mahaq Chuaq Jêhowa broq ka Phara-ôn cadoq manoh; haq ùh caqnaih mangai Isorali loh lam. **21** Chuaq Jêhowa doe ka Môise: Dèch tì ìh ta tróc, òeq ta Êdip i kan clam cluiq habàu habùt jaq wì mech jah bèq. **22** Qmang aih, Môise dèch dèh tì ta tróc, aih hi i kan clam habàu habùt piq hì tagùng Êdip. **23** ta piq hì aih ùh cabô xau hnoq dabau, ùh i ka cabô jah axit khoe dèh ka nõe. Mahaq nõe da mangai Isorali ma oe, aih i kan qngah ka wì haq. **24** Phara-ôn creó doe ka Môise: Drah lam beq hu patìh ka Chuaq Jêhowa; qnung xam bài kon qyoh diq; toq bài calùh triu xam calùh bô aih ma ep òeq tacô. **25** Mahaq Môise doe: Cla bùa raq ma ep am bài ngè xam hang cleq òeq nhèn broq ramènh bùh òeq hu dèch ka Jêhowa

Boc Plình nhên. **26** Bài ngê da nhên ma aban ep tiaq cla nhên, ùh rong ðòeq yac ka mòeq toq cachop jo, majah qmang aih bài ngê aih raq nhên ðòeq patih ka Jêhowa Boc Plình nhên, jò leq nhên trùh nòe, aih èh nhên men loq yóc ma leq ðòeq kùh waiq Chuaq Jêhowa. **27** Mahaq Chuaq Jêhowa broq ka Phara-ôn cadoq manoh ùh caqnaih mangai Isorali lam. **28** Phara-ôn doe: Drah wia khoe ka au dōp pi hiaq tawac! ep wèq rađeh ja cajoq pi jah hnoq mat au hòm, majah qmang aih hì leq ìh oe hnoq hadrò au, hì aih èh ìh ep cachit! **29** Môise padreo bàu: Bùa anoe joq khoe troq; au pi oe hnoq hadrò bùa hòm.

11 Chuaq Jêhowa doe ka Môise rameh: Au caqnih ka Phara-ôn xam gùng Êdip mòeq kan ranac hòm; khoe aih haq hi caqnaih pì loh lam enh kô. Jò haq khoe caqnaih pì aih èh hi caqnaih lam ka lem khoe ka gùng kô. **2** Qmang aih, thê doe ka mangai Isorali rai tanap ka rìm ngai yac ka gucalò yac ka gucadri ep bòch dèh mangai ma haten hatia bài dahwèq broq xi bāc xi wang. **3** Chuaq Jêhowa broq ka mangai Isorali jah màiq enh ngèa mangai Êdip; Môise hadai jah bāc ngai tagùng Êdip ngan haq haqnèq, enh ngèa bài cwan da Phara-ôn xam mangai gùng aih. **4** Môise doe: Chuaq Jêhowa doe qmang kô: Qnah taqne mang au lam dudan gùng Êdip. **5** Dìq dōng kon calò ramua tagùng Êdip hì cachit, enh kon calò da Phara-ôn ma haqngui dèh tagèq bùa, trùh ta kon ramua da mangai hapōng dīc oe enh rù ka apau, xam kon ramua da bài ngê wì ma aban. **6** Jāp tagùng Êdip i bàu breo hmoe tagruàng tagrāt, jaq ka enh calah trùh ta atīq dua ùh i qmang aih. **7** Mahaq tanòe mangai Isorali oe, ùh i mòeq toq koq ma ko cabô qnì, ko ngê ma ban qnì; aih ðòeq pì hu loq Chuaq Jêhowa lah ðòeq dèh crài mangai Isorali khoe ka mangai Êdip dàng leq cadèh. **8** Kô èh, bài cwan da bùa hì trùh ta au, bla-op rađeh haqneq enh ngèa ka au ðòeq doe: ìh xam bài mangai malam tiaq ìh drah lam beq! Khoe ka èh aih au hì lam. Môise loh khoe Phara-ôn, loh qmòe rai nòeh raya. **9** Chuaq Jêhowa doe ka Môise: Phara-ôn ùh tamàng bàu ìh taleq, aih la ðòeq bài kan halac da au jah broq tam tagùng Êdip. Môise xam Arôn broq bài teo halac enh ngèa Phara-ôn; mahaq Chuaq Jêhowa broq ka Phara-ôn cadoq manoh, dài aih haq majah ùh caqnaih mangai Isorali loh khoe dèh gùng.

12 Tagùng Êdip, Chuaq Jêhowa doe ka Môise xam Arôn rameh: **2** Khê kô ðòeq broq ka pì Khê gàu hanam, aih la Khê mòeq ta hanam. **3** Anoe ka ðìq dōng mangai Isorali qmang kô: Trùh hì mòeq jāt Khê kô, rìm ngai ma broq gàu cadraq, tiaq dèh tahnim bèn ep rùp mòeq toq trùu kon. **4** Tàng joq hnīm biaq ngai kaq ùh ðìq mòeq toq trùu, ep pajum ka mangai haten hatia, mac ka mangai bāc biaq; èh tình ngan toq leq ngai ma ðìq kaq mòeq toq trùu kon. **5** Pì ep rùp dèh ta calùh trùu ùh ta calùh bubi, kon trùu calò ùh kon bubi calò, khoe jap mòeq hanam, ùh i ka xit habau, **6** khoe aih ðòeq palauq trùh hì mòeq jāt pôn Khê kô; khoe aih ðìq dōng mangai Isorali hì jêh haq, jò tróc ten xèq clam. **7** Wì hì yóc mahim aràng xùt ta jrang qmang xam radua qmang hnīm leq ma kaq jam kon trùu aih. **8** Mang aih, wì kaq jam kon trùu cwai xam bēnh ùh wāt blo xam cachiq xang. **9** Paq kaq jam qne chìn qne adrih, tàng ùh meh lùac tadiac, mahaq ep bùh ta-ùnh xam gàu xam jo, xam pù cliac. **10** Pì apaq ðòeq cleq oe rah trùh sroq èh; tàng loq oe rah, ep bùh đac. **11** Pì acaq jam aih qmang kô: Xi caqnam kāt, jēnh tōc jai, tì cadop long dui, kaq huiq haiq; aih raq ramēnh Pancwa da Chuaq Jêhowa. **12** Mang aih au lam pagat cwa gùng Êdip, tabroq ka rìm toq kon ramua da Êdip, enh mangai trùh ngê aban; au tah hadrah ka bài kiac da Êdip; au kô raq Chuaq Jêhowa. **13** Mahim xùt tahnim pì oe, ðòeq broq teo hadro, jò au tabroq ka mangai Êdip, hnoq mahim aih au hì pancwa, ùh hiaq i kan ranac jêh đac pì. **14** Pì ep achih ðòeq hì aih ðòeq broq bahmàng; enh qnhòng kô trùh qnhòng tau ep wèq broq ramēnh ka Chuaq Jêhowa; aih ramēnh au broq mòeq ðòe. **15** Ta tapèh hì ep kaq bēnh ùh wāt blo: bu trùh hì ma baxēm, ep don dōng blo loh khoe ka hnīm pì, majah qmang aih cabô kaq bēnh i blo enh hì baxēm trùh hì tapèh, haq aih èh ep qnoh đac khoe ka Isorali. **16** Hì baxēm i mòeq kan tagop hadròeh; trùh hì tapèh pì hadai ep i mòeq kan tagop hadròeh hòm. Bài hì aih ùh khòh broq cleq, toq ti padon ðòeq dahwèq acaq ka tang ngai. **17** Qmang aih! Pì ep wèq ramēnh bēnh ùh wāt blo, majah qmang aih hì aih raq au doeh bài lình pì loh khoe ka gùng Êdip; dài aih raq rìm qnhòng ep wèq hì aih qmang ka ramēnh mòeq ðòe. **18** Hì mòeq jāt pôn Khê mòeq, jò dixèq pì acaq bēnh ùh wāt blo trùh hì baiq jāt mòeq Khê aih. **19** Ta tapèh hì ùh khòh oe hnoq blo tahnim pì; majah qmang aih

yac ka mangai diac wì yac ka mangai gùng cla, waq toq cabô acaq bènhi i blo, aih èh ep hnan qnoh đac enh gùng ka tagop da mangai Isorali. 20 Ûh khòh acaq bènhi i blo; rìm nòe pì oe diq ep kaq bènhi ùh i ka blo. 21 Qmang aih Môise creó tagop diq đống ka bài gucra q Isorali haq doe qmang kô: Drah ràihi yóc mòeq toq enh cadrong pì am ka rìm ngai tahnim pì, khoe èh jêh trùu aih đòeq broq ramènh pancwa. 22 Khoe aih yóc mòeq hamenh cachiq xônhi, tàm ta cathau mahim, xút ta radua qmang xam baiq toq jrang qmang, khoe aih, diq ka pì ùh cabô jah loh enh gùng ka qmang hnim cla trùu qngah sroq atiq. 23 Chuaq Jêhowa hi lam pagat gùng Êdip đòeq hu tabroq ka wì haq; jò hnoq mahim jang radua qmang xam baiq toq jrang qmang, aih haq hi pancwa, ùh lòh mangai jêh đac mùt tahnim haq aih đòeq hu tabroq. 24 Ep wèq ramènh kô qmang ka ranenh mòeq đòe am ka pì xam kon xau pì. 25 Jò leq pì mùt tagùng Chuaq Jêhowa ma padon am ka pì qmang ka bàu haq khoe doe, aih èh ep wèq ramènh kô. 26 Jò kon xau bòch ìh qmang kô: Ramènh kô aih qmang leq? 27 aih ep anoe ka wì haq: Aih la ngè tadreo ramènh pancwa da Chuaq Jêhowa, mangai ma khoe pancwa hnim da mangai Isorali oe tagùng Êdip jò haq tabroq ka mangai Êdip. Haq khoe rong đòeq hnim bèn. Khoe aih pì hacùn cràng kùh waiq. 28 Mangai Isorali broq wop tiaq bàu Chuaq Jêhowa khoe thê Môise xam Arôn. 29 Jò qne mang Chuaq Jêhowa tabroq ka rìm ngai kon ramua tagùng Êdip, enh kon calô da Phara-ôn ma haqngui tagèq bùa trùu kon ramua da mangai ma oe tù, xam diq đống kon ramua da bài ngè wì ma aban. 30 Jò damang, Phara-ôn, bài cwan xam rìm đống mangai Êdip diq padinh yòng, i bàu breo tagruàng tagùng Êdip, majah qmang aih ùh i hnim leq ma ùh i ka mangai cachit. 31 Mang aih raq Phara-ôn creó ka Môise xam Arôn rai doe rameh: Chóp xam diq đống mangai Isorali yòng beq, drah loh ma khoe ka mangai da au đòeq lam kùh waiq Chuaq Jêhowa, qmang ka pì ma xan bòch. 32 Qnung hloe bài calùh bo xam trùu, troeq bàu pì khoe doe, èh waiq sôq ramot ka au diq. 33 Mangai Êdip toq bahuiq mangai Isorali drah rênhi rênhi loh khoe dèh gùng, majah qmang aih wì doe: Diq ka bèn kô èh cachit. 34 Qmang aih mangai Isorali diq wê dác khoe jàn mahaq qnhòq wát blo, rai xúi ajang plêh bài atong đòeq jràu dác ma khoe caxop xi eo tõe. 35 Mangai Isorali broq

tiaq qmang ka bàu Môise khoe tanap, bòch da mangai Êdip bài ngè broq xi wang xi bac hloe xam bài eo yòh. 36 Chuaq Jêhowa broq ka wì haq jah màiq enh ngèa mangai Êdip, dài wì majah lem bùi ka am, mangai Isorali lôq hreo hrua mangai Êdip qmang aih. 37 Mangai Isorali lam enh Ramse trùu ta Sucôt, ùh rênhi xam bài kon yoh, aih jah qnah ta tadrâu ját muàn mangai gualô lam jènhi. 38 Èh hadai i bacc raya mangai diac wì hadai tiaq lam pajùm, hloe xam trùu bo, ngè aban maqnoeq joq ma bacc. 39 Wì àp dèh bènhi ùh i tah blo broq enh dác wì haq khoe wê dèh enh gùng Êdip; dác ùh tah blo, majah qmang aih mangai Êdip hnan qnoh wì haq huiq haiq hrin, ùh jah patrò, èh hadai ùh tem palauq dahwèq acaq cleq majah. 40 Qmang aih mangai Isorali rih oe ta Êdip jah pôn hrinh piq ját hanam. 41 Jò khoe diq ka pôn hrin piq ját hanam, wop hì aih raq, bài linh da Chuaq Jêhowa loh khoe ka gùng Êdip. 42 Aih la mòeq mang wì ep wèq ka Chuaq Jêhowa, majah qmang aih haq doeh qnoh mangai Isorali loh khoe ka gùng Êdip. Enh qnhòng kô tùh qnhòng tau, diq đống mangai Isorali ep wèq mang aih đòeq ta-iu ka Chuaq Jêhowa. 43 Chuaq Jêhowa doe ka Môise xam Arôn rameh: Kô ranenh da ramènh Pancwa: Mangai diac wì ùh jah acaq ramènh aih. 44 Bài mangai hapông, pì qnoh bac rot, ìh ep broq ranenh kat akia am ka wì, aih èh men jah acaq. 45 Mangai diac wì xam mangai patih kaq kùng hadai ùh jah acaq ramènh aih. 46 Ramènh aih đòeq toq ka hnim cla, ìh apaq qnoh jam loh enh gùng, hadai apaq broq tagoh moeq toq caxènh leq. 47 Diq đống mangai ìh Isorali ep wèq ramènh Pancwa. 48 Jò mangai diac wì oe tahnim pì, enh wèq ramènh Pancwa da Chuaq Jêhowa, mangai gualô da wì haq ep broq ranenh kat akia; aih èh wì haq men jah trùu haten ka ramènh kô, men jah ngan tiah ka mangai ha-uang tagùng cla. Mahaq cabô ùh waq broq ranenh kat akia, aih ùh jah kaq. 49 Hadai pajùm moeq ranenh aih am ka mangai ha-uang tagùng xam ka mangai diac wì trùu oe taqne pì. 50 Rìm ngai Isorali diq broq qmang ka bàu Chuaq Jêhowa khoe tanap ka Môise xam Arôn. Hadai ta hì aih Chuaq Jêhowa qnoh mangai Isorali, tiaq dèh tang bìnhi linh loh khoe gùng Êdip.

13 Chuaq Jêhowa doe ka Môise rameh: 2 Taqne mangai Isorali yac ka mangai yac ka

14 Chuaq Jêhowa doe ka Môise rameh: 2 Drah
thê mangai Isorali tawih hlài broq traiq
enh ngèa ka Phiha Hirôt, ta adreo wa Mitdôn
wa diac raxiq. Pì broq traiq ten diac raxiq tajang
ka Ba-an Sêphôn. 3 Joq qnàng kô èh Phara-
ôn hèm trùh mangai Isorali, haq doe: Wì aih
khoe lac trong qnang glàm kan nan tadùng
hawit. 4 Au broq ka Phara-ôn cadoq manoh,
haq hi nnan tiaq mangai Isorali. Mahaq taiq
Phara-ôn xam bài linh haq aih raq, yiniq au
aih èh jah qngah qngai; mangai Êdip jah loq
Au kô raq Chuaq Jêhowa. Mangai Isorali broq
tiaq qmang aih. 5 Wì doe hlài ka bùa Êdip loq
mangai Hêbru khoe loh lam. Phara-ôn xam bài
cwan hi tablòq manoh ka mangai Isorali, wì
doe: Bèn khoe broq cleq qmang aih, caqnaih
mangai Isorali loh lam òeq wì haq pì patih ka
bèn hòm qmòh? 6 Phara-ôn palauq deh xê axêh
rai qnung dèh bình linh. 7 Haq aràng tiaq radeh
tadrâu hrinh toq xê ma yeo lem dồng xam òiq
dồng bài xê tagùng Êdip, rìm toq xê òiq ì linh.
8 Chuaq Jêhowa broq ka Phara-ôn, bùa Êdip
cadoq manoh, nnan tiaq mangai Isorali; mahaq
mangai Isorali loh lam qmòe ka hagau haginh.
9 Mangai Êdip xam xê, xam linh kòe axêh xam
linh da Phara-ôn òiq nnan tiaq mangai Isorali.

glàm wì aih qnang broq traiq kênh diac raxìq, ten ka Phiha Hirôt, tangèa ka Ba-an Sêphôn. 10 Jò Phara-ôn trùh khoe ten, mangai Isorali qngoc ngan hnoq mangai Êdip hnan tiaq, hi loh ka tarit tarianq, creo dang ka Chuaq Jêhowa. 11 Wì haq trùh anoe ka Môise: Gùng Êdip ma ùh i nòe catùh hanang, dài ìh ma qnung nhên mùt tanòe ùng hawit kô òeq hu cachit qmòh? ìh qnoh nhên loh khoe ka gùng Êdip hu broq cleq? 12 Ùh xài tagùng Êdip nhên khoe doe ka ìh qmang kô: Dôq da nhên patih ka mangai Êdip, majah qmang aih patih ka mangai Êdip ma yì ùh hnau ka cachit tagùng hawit kô? 13 Môise padreo bàu ka mangai Isorali: Apa q yùq cleq, pì oe taqmat raq, hì da èh pì jah hnoq kan paclaih Chuaq Jêhowa broq am ka pì; majah qmang aih mangai Êdip pì ma ngan hnoq hì kô, pì jò leq oe hnoq hòmh, 14 i Chuaq Jêhowa tajêh am, pì toq oe ma hatinh raq. 15 Khoe aih Chuaq Jêhowa doe ka Môise: Gleq ìh majah creo dang au? Thê mangai Isorali lam beq; 16 ìh dèch deh long dùi ta haqnèq, hnhu tì enh qnhèq ka diac raxìq, òeq lah diac broq baiq, aih èh mangai Isorali hi loh tadiac raxìq, cadiang lam qmang ka taneh go. 17 Au kô èh broq ka mangai Êdip cadoq manoh qnat tiaq mangai Isorali loh tadiac, khoe aih èh yiniq au jah qngah qngai taiq Phara-ôn xam òiq dõng bình linh, xê axêh xam linh kòe axêh da haq. 18 Mangai Êdip hi jah loq joq qnàng Au kô raq Chuaq Jêhowa, jò au jah kan ranhòm taiq Phara-ôn xam xê axêh xam linh da haq. 19 Atiq ka aih, bình plình da Boc plình ma khoe lam enh ngèa traiq linh Isorali wìh hlài lam atiq, jrang yùc ma xan lam enh ngèa traiq linh hanoh wìh loh yòng enh rù wì haq. 20 Jrang yùc yòng ta adreo traiq da mangai Êdip xam traiq da mangai Isorali, yùc broq kan clam cluiq ka pah kô, damang sreo qngah ka pah tau; dài qngah ka mang baiq traiq ùh jah thia ten ka dabau. 21 Khoe aih Môise hnhu tì tadiac raxìq, Chuaq Jêhowa qnong cayeo enh bè mahì loh hlui dèh qngah ka mang glua hacom diac qngah ka mang aih; Haq cwaìh diac raxìq loh moeq trong taneh croh, diac lah baiq bè. 22 Mangai Isorali loh tadiac raxìq lam tiaq ka ta taneh go, diac yòng tiaq ka panàt enh apah qngeo xam apah qma. 23 Mangai Êdip hnan tiaq; bài axêh, bài xê axêh xam bài linh kòe axêh da Phara-ôn òiq tiaq loh qne diac raxìq. 24 Meh oq! trùh ten qngah, Chuaq Jêhowa oe enh dalam ka jrang yùc xam ùnh, ngan hnoq traiq

linh Êdip, hi broq ka wì loh ka manhài. 25 Haq toeh da wì blênh xê, broq ka wì tìc xê qmòe ka xa. Mangai Êdip doe ka dabau: Bèn ep cadàu ma khoe ka mangai Isorali beq, majah qmang aih Chuaq Jêhowa tablêq ka bèn am ka wì aih. 26 Chuaq Jêhowa doe ka Môise qmang kô: Dèch da ìh tì enh qnhèq ka diac raxìq, diac hu ta-ùc glàp dõng mangai Êdip, xê axêh xam linh kòe axêh da wì haq, 27 Môise dèch dèh tì enh qnhèq diac raxìq, trùh qngah sroq èh diac hi ta-ùc bình hlài tadiac raxìq, mangai Êdip ma cadàu amot, aih diac tât hlài wì; qmang aih Chuaq Jêhowa caqnùt qnìh wì haq qne diac raxìq. 28 Qmang aih diac wìh ta-ùc hlài lãp dõng bài xê, bài linh kòe axêh bài linh da Phara-ôn ma khoe hnan tiaq mangai Isorali loh tadiac raxìq, pì srong qmòe moeq ngai. 29 Mahaq mangai Isorali lam qne diac raxìq tiaq qmòe ka lam tago; diac broq wìa panàt pah qma xam pah qngeo. 30 Ta hì aih, Chuaq Jêhowa dèch mangai Isorali claih enh tì kòng mangai Êdip, wì aih hnoq mangai Êdip cachit tabraih diac raxìq. 31 Mangai Isorali hnoq biac kàn kaiq Chuaq Jêhowa broq ka mangai Êdip, dài maloh ka iu yùq ka haq, lùì haq xam Môise aih la hapõng haq.

15 Khoe aih Môise xam mangai Isorali calêu boe kô ka Chuaq Jêhowa, rameh: Au calêu manè apôi ka Chuaq Jêhowa, majah qmang aih haq òiq jaq ranhòm, Haq khoe caqnìh tadiac raxìq axêh xam mangai kòe axêh. 2 Chuaq Jêhowa aih la kan dèh xam boe calêu da au Haq khoe wìa Mangai dèch au, Haq la Boc Plình au, au manè apôi ìh, Boc Plình da kan cadraq au, au ta-iu deh ìh. 3 Chuaq Jêhowa aih mangai linh. Yiniq haq la Jêhowa. 4 Haq khoe tèm caqnìh tadiac raxìq bài xê da Phara-ôn xam bài linh haq. Bài cwan haq ma ràih khoe cram tadiac Raxìq Gòh, 5 Bài lai laq diac khoe glàp catùh wì haq, Wì cram trùh taqneq diac raxìq tiaq ka cato hmo. 6 Tì pah qma da ìh Chuaq Jêhowa, i padren dèh ranhòm qnàng. Tì pah qma da ìh Chuaq Jêhowa, broq ka mangai tagit ka ìh haprah hnhung. 7 Ta kan ranhòm òiq jaq da ìh, ìh khwèh caqnìh mangai ma tablêq ka ìh. ìh plòh nòe ta tagèn Bùh cheo wì haq tiaq ka hri qmau. 8 Mùh ìh hlui qnoh dèh hi hèm, diac hi qnìc hlài Lai laq diac canua yòng tiaq qmòe ka panàt, Diac jrùq catõng hlài nòe clõc diac raxìq. 9 Linh tablêq catèh, wì doe: Au hnan tiaq, au hnan tem, Au jah axong kùng hang

khoe blah yóc. Mahua yang deh kô êh jah da-
 deh nôe wì haq, Au hroe qnoh chang, tì au jêh
 đac wì haq. **10** Mahaq ìh khoe hlui qnoh deh
 hihêm, Diac raxiq gláp đổng bài linh ma tablêq
 ka ìh. Wì haq cram tiah ka tanàm Ta caqnàm
 diac jrùq. **11** Taqne bài kiac, cabô leq tiah ka
 ìh, Chuaq Jêhowa? Ta kan hadrêh, cabô jah
 ranhôm qmang ka ìh? Khòh yùq, khòh manè.
 Xan broq yôt kan halac? **12** ìh khoe hnhu deh
 kông pah qma, Taneh khoe lonh wì haq. **13** Ta
 kan loq waq ùh tablôq ìh tíc qnung, Mangai da
 ìh ma khoe baxon hlài deh, Ta padren deh da
 ìh, ìh aràng wì hlài nôe oe hadrêh da ìh. **14**
 Rìm diac jah hia loq biac kô, diq yùq crê, Kan
 ramòt canàt rúp mangai Philitin. **15** Bài gàu gùc
 da Êđôm loh ka crê crep, kan tarìt khech rúp
 bài cla craq da Mô-ap, Diq ka mangai Cana-an
 pi i đổng ka mahua. **16** Kan hlê hlauq ramòt
 ta-úc ka wì haq, Chuaq Jêhowa ôi, enh nôe tì
 kông cwiang itai ìh, Wì loh đổng ka lâu troeq
 hmo, Trùh jò mangai da ìh lam khoe xot, Trùh
 jò mangai da ìh ma khoe baxon yóc deh lam
 khoe catech. **17** ìh aràng wì mùt rai pít wì haq
 tabui wang kùng hang ìh, Chuaq Jêhowa ôi, aih
 la nôe ìh khoe padon đòeq ka rađeh oe, Aih
 raq nôe hadrêh tì cla ìh ma broq. **18** Chuaq
 Jêhowa wêq cwiang mòeq đòe moeq tui. **19**
 Majah qmang aih Phara-ôn xam bài axêh haq,
 Xê axêh xam linh kòe axêh, khoe loh ta diac
 raxiq Chuaq Jêhowa khoe lập diac raxiq enh
 qnhêq, Mahaq mangai Isorali lam taqne diac
 raxiq qmang ka lam tago. **20** Khoe aih, Miri-
 am la mangai pajau, daq cadrì da Arôn tì haq
 wê padau, bài mangai cadrì diq loh tiaq, wê
 padau rai muaq. **21** Miri-am calêu hatêu ka wì
 haq: Drah calêu ka Chuaq Jêhowa, majah qmang
 aih haq diq jaq ranhôm, Haq khoe qnìh tadiac
 raxiq axêh xam mangai kòe axêh. **22** Khoe aih
 Môise qnung mangai Isorali lam khoe ka diac
 Raxiq Gòh, trùh tađùng hawit Suro; wop piq hì
 lam tađùng hawit, chaq ùh hnoq qmòe taleq ì
 diac. **23** Tia aih trùh tagùng Mara, mahaq diac
 ta aih xang ôq ùh jah, dài majah creò ka nôe
 aih la Mara. **24** Mangai Isorali badrùt mamùc
 ka Môise, wì doe: Nhèn yóc cleq đòeq ôq kô
 êh? **25** Môise creò dang Chuaq Jêhowa; Haq hì
 patô ka Môise moeq catoch long, Môise yóc
 long aih tèm caqnìh tadiac, diac aih hì wìh loh
 ka nhim. Ta aih Chuaq Jêhowa qnoh ranenh
 xam bàu patô hnài ka wì, êh hadai ta aih raq
 haq qnhro manoh wì. **26** Haq doe: Tàng joq ìh

panim ka tamàng bàu da Chuaq Jêhowa Boc
 Plinh ìh, broq trong ma troq enh ngèa haq, tàng
 joq ìh hadràng don tamàng bàu hnài rai wêq
 đổng ranenh da haq, aih êh Au ùh caqnìh ka
 ìh mòeq kan yinìq cleq ta bài kan yinìq au ma
 khoe caqnìh ka gùng Êđip; majah qmang aih Au
 kô raq Chuaq Jêhowa, Mangai broq brêh kan
 yinìq da pì. **27** Khoe aih mangai Isorali lam trùh
 ta Êlim, nôe aih i mòeq jàt baiq toq thông diac
 kon xam tapêh jàt toq long rêq; mangai Isorali
 broq traiq ta aih, ten ka thông diac kon.

16 Wop hì mòeq jàt padam khê baiq, atiq ka
 jò khoe loh khoe enh Êđip, mangai Isorali
 enh Êlim lam trùh tađùng hawit Sin, oe ta adreo
 wa Êlim wa Sina-i. **2** Tanòe đùng hawit, diq
 ka mangai Isorali mamùc trech wa Môise wa
 Arôn, **3** wì doe ka wa rameh: Xan nhèn ma
 cachit ka tì kông Chuaq Jêhowa tagùng Êđip,
 jò oe raq jah haqngui tia gôc jam rai jah kaq
 bênh camech catâu! Majah qmang aih chòp
 qnung nhèn mùt tanòe hawit kô đòeq broq diq
 ka mangai bàc qmang kô cachit đổng ka hrah. **4**
 Chuaq Jêhowa doe ka Môise qmang kô: Kô, au
 oe ta tróc haqnhêq broq mè bênh qnoh ka pì.
 Mangai pì loh toch bênh, hì leq toch qnang lem
 ka hì meh, aih đòeq au qnhro ngan wì haq i lam
 tiaq ranenh au loq ùh? **5** Trùh hì tadrâu, wì haq
 padon đòeq ngê deh khoe gop, wì jah toch yeo
 bàc ka hì qnoeq baiq phàn **6** Wa Môise wa Arôn
 doe ka mangai Isorali rameh: Xêq kô êh pì jah
 canau loq aih raq Chuaq Jêhowa khoe qnoh pì
 loh khoe ka gùng ka Êđip, **7** êh sroq êh jah hnoq
 kan ranhôm da Chuaq Jêhowa, majah qmang
 aih haq khoe tàng bàu pì mamùc tablêq ka haq.
 Qnah hòm, ma kô ìq cabô pì ma nêh trech ma?
8 Môise doe: Xêq kô Chuaq Jêhowa am jam ka pì
 kaq, trùh qngah sroq êh bênh bàc ùh diq ùh dài,
 majah qmang aih haq khoe tàng bàu pì mamùc
 tablêq ka haq. **9** Khoe aih Môise doe ka Arôn:
 Anoe diq ka mangai Isorali qmang kô: Pì drah
 tia enh ngèa Chuaq Jêhowa, majah qmang
 aih bàu pì mamùc tablêq haq khoe tàng. **10** Jò
 Arôn qnang anoe diq đổng ka mangai Isorali,
 wì haq hwi ngan qnah tađùng hawit, hnoq kan
 ranhôm da Chuaq Jêhowa mahnu loh enh yùc.
11 Chuaq Jêhowa doe ka Môise: **12** Au khoe tàng
 bàu mamùc tablêq da mangai Isorali. Aih, ìh
 doe ka wì haq qmang kô: Qnah ta dixêq êh pì hì
 acaq jam; sroq êh hì jah acaq bênh ka panàc,
 aih êh pì hì jah loq au kô raq Chuaq Jêhowa Boc

Plinh pì. 13 Xèq aih, i chìm broch pan xia ta traiq; trùh qngah sroq èh i mòeq lóp rangom oe dudan ka traiq. 14 lóp diac ngom aih hi hnhung; tađùng hawit hnoq i cleq qyêq, tagon, tiah ka pliang diac ngom catàc ta taneh. 15 Jò mangai Isorali hnoq, wì bòch dabau: Cleq kô iq? Majah qmang aih wì ùh qnì aih iq cleq. Môise doe ka wì: Qmat raq bèngh Chuaq Jêhowa am ka pì broq dahwèq acaq. 16 Kô bàu da Chuaq Jêhowa khoe tanap thê: Tiaq deh padren cabô hlât acaq pang leq, rai tiaq toq leq ngai ta traiq ðòeq toch ka mòeq ngai mòeq ôme. 17 Mangai Isorali broq tiaq qmang aih, qnah ngai toch bacc, qnah ngai toch toq biaq. 18 tống xi ôme, cabô toch bacc dua ùh i yeo loe, cabô toch biaq dua ùh i capôch, rìm ngai toch bu qnang lem ka ðeh acaq. 19 Môise doe ka wì: Apa q cabô ðòeq rah trùh sroq èh. 20 Mahaq mangai Isorali ùh tamàng tiaq bàu Môise, i biaq ngai ðòeq rah trùh qngah sroq èh, aih loh hrai enh dalam, loh ka xua qmèq. Môise loh nòeh qmòe ka wì. 21 Qmang aih, rìm sroq mangai Isorali loh toch bu qnang lem ka padren ðeh acaq; jò mahi hi tôp cleq aih hi hnhung. 22 Trùh hi tadrâu, wì loh toch dahwèq acaq loe baiq phàn; mòeq ngai jah baiq ôme. Bải gucraq lam anoe hlài ka Môise loq. 23 Haq padreo bàu: Aih raq bàu Chuaq Jêhowa khoe anoe: Hì da èh aih hì padài, aih raq hì Sabat hadròeh ka Chuaq Jêhowa, bủh phiang dahwèq leq pì enh bủh phiang, pai cleq pì ma enh pai, loq oe i rah, ðòeq atech trùh sroq èh. 24 Qmang aih wì hi ðòeq atech trùh sroq èh, troeq bàu Môise khoe thê; dahwèq aih ùh hiaq loh ka xua om èh hadai ùh hiaq loh hrai enh trom. 25 Môise doe: Hì kô acaq dahwèq aih beq, majah qmang aih hì kô aih la hì Sabat ka Chuaq Jêhowa; hì kô pì chaq bài ngè aih tađùng pi hnoq. 26 Pì toch ta tadrâu hì, mahaq trùh hì tapèh aih la hì Sabat, hi pi i. 27 Hì tapèh i biaq ngai loh ðòeq hu chaq toch, mahaq chaq ùh lòm hnoq qmòe cleq. 28 Chuaq Jêhowa doe ka Môise: Pì oe raq ùh iu tiaq ranenh xam bàu au hnài trùh jò leq hòmh? 29 Drah hèm qmang kô: Chuaq Jêhowa khoe am ka pì hì Sabat; dài aih trùh hì tadrâu haq majah am pì toch bèngh kaq tàu ka baiq hì. Ta hì tapèh, rìm ngai ep oe dèh anòe, ùh dùh loh enh gùng ka hnim. 30 Qmang aih hì tapèh mangai Isorali ði padài. 31 Mangai Isorali yiniq ka bèngh aih la mana, haq tiah ka clong cachiq ngo, jiang tiah ka bèngh i tah diac xùt. 32 Môise doe: Bàu Chuaq Jêhowa khoe thê qmang kô:

Drah ùc bình mòeq ôme mana, hu ðòeq hlài ka bài qnhòng ta atiq, ðòeq phù cròng hnoq bèngh au khoe am ka pì acaq tanòe ðùng hawit jò au qnoh pì loh khoe ka gùng Êdip. 33 Môise anoe ka Arôn: Drah yóc mòeq toq abôq èh tah bình mòeq ôme mana ta aih, khoe èh ðòeq abôq aih enh ngèa Chuaq Jêhowa, hu ðòeq hlài ka bài qnhòng atiq. 34 Arôn hi ðòeq abôq aih enh ngèa ka Hom Tajao, ðòeq jah wèq hlài ka qnhòng atiq, wop qmang ka bàu Chuaq Jêhowa khoe thê Môise. 35 Mangai Isorali acaq mana ta pôn jàt hanam, trùh jò mùt ta Cana-an, aih la nòe i mangai oe. 36 (Mòeq ôme aih la mòeq phàn mòeq jàt da Êpha.)

17 Dìq ðống mangai Isorali loh lam enh ðùng hawit Sin, lam enh nòe kô trùh nòe tau, tiaq qmang ka bàu Chuaq Jêhowa thê. Wì broq traiq ta Rêphidim; ta aih ùh i ka diac ðòeq wì haq ôq. 2 Wì haq chaq nen rahen ka Môise, wì doe rameh: Am ka nhèn diac ôq. Môise têu bàu: Gleq pì majah chaq nen rahen ka au? Gleq majah qnhro Chuaq Jêhowa qmang qmat? 3 Mangai Isorali oe ta aih ùh i ka diac, croh ranống dài wì haq toq mamùc ka Môise. Wì doe: Hagleq ìh majah qnoh dèh ka nhèn loh khoe gùng Êdip broq ka nhèn xam bài kon qyoh hloe xam bài ngè aban da nhèn ep cachit ka croh ranống qmang kô? 4 Môise hi creo dang ka Chuaq Jêhowa: Au ep broq qmang leq ka ka bài mangai kô? Wì haq oe toq ma hi bùq au xi hmo! 5 Chuaq Jêhowa padreo bàu ka Môise: Wê da ìh long dùì ma khoe blai tadiac Nin, qnung tiaq ìh bài gucraq, khoe aih lam enh ngèa mangai Isorali. 6 Kô èh au yòng enh ngèa ka ìh, enh crống hmo ta Hôrep tau, ìh blai hmo aih, èh hi loh diac ka wì ôq. Môise hi broq qmang aih enh ngèa ka bài gucraq Isorali. 7 Haq yiniq ka jang aih la Masa xam Mêriba. Nen haq taiq kan rahen da mangai Isorali ma chaq yiniq ka haq, èh taiq wì khoe qnhro Chuaq Jêhowa jò wì haq doe: Ajoq i Chuaq Jêhowa oe taqne bèn lòq ùh? 8 Jò aih, mangai Amalet trùh canàt jêh mangai Isorali ta Rêphidim. 9 Môise doe ka Jôsuê: Drah raih yóc bài mangai da bèn, èh loh hu tajêh ka mangai Amalet. Hì da-èh au yòng tabui wang xam long dùì da Boc Plinh ta tì au. 10 Qmang aih Jôsuê broq wop qmang ka bàu Môise thê ðòeq hu tablêq ka mangai Amalet, èh Môise, Arôn xam Huro tócc tabui wang. 11 Waq toq Môise dèch dèh tì, aih mangai Isorali hi blêq;

mahaq jò haq caqnìh dèh tì, aih èh mangai Amalet hi blêq. **12** Tì Môise tagah, Arôn xam Huro yóc hmo roh ka haq haqngui, khoe aih wa oe baiq pah dèch da haq tì, tì haq ùh dalàc trùh mahi clih. **13** Jôsuê jêh blêq linh Amalet xi chang. **14** Chuaq Jêhowa doe ka Môise: Drah achih biàc kô ta hset òdeq broq kan bahmàng, èh anoe ka Jôsuê loq kô èh au xùt hreo đồng yiniq da Amalet enh qneq ka caqnàm plinh. **15** Môise broq mòi toq prang tadreo, haq creo bàu dèh: Jêhowa hla kô da au. **16** Haq doe: Pàng Amalet i dèch kóng tablêq ka gèq Chuaq Jêhowa dài Chuaq Jêhowa majah tablêq ka Amalet enh qnhòng kô trùh qnhòng tau.

18 Jêtrô mangaih pajàu ramènh gùng Madi-an, baq mai da Môise, hĩa tàng rìm yiniq Boc Plinh khoe broq ka Môise xam Isorali, aih la mangai da haq èh haq khoe qnoh wì aih loh khoe ka gùng Êdip qmang leq. **2** Jêtrô hi qnung Êdebora, cadrì Môise, khoe am hlài dèh tahnim baq, **3** xam baiq toq kon calô, mòi aih Getsôn, majah qmang aih Môise khoe doe: Au kô rìh oe dèh tadiac wì, **4** mòi aih Êli-êse, majaq qmang aih haq i doe tam: Boc Plinh da kan cadraq au khoe wiang ti au rai dèch au claih enh pla chang da Phara-ôn, **5** Qmang aih Jêtrô, baq mai da Môise lam ti wa baiq ngai kon calô xam mai Môise, hmàih ka haq tādùng hawit, nòe broq traiq haten ka wang da Boc Plinh. **6** Jêtrô gòe bàu ka haq rameh: Au kô Jêtrô, baq mai da kon, au xam mai kon hloe xam baiq toq kon calô kon trùh hmàih ka kon. **7** Môise loh ðih deh boc, hacùn cràng rai hip haq, bòch hmàih da bau, khoe aih mùt ta traiq. **8** Môise hi anoe hlài deh ka boc loq rìm yiniq Chuaq Jêhowa khoe tabroq ka Phara-ôn xam mangai Êdip thai ka mangai Isorali, rìm kan nanxa khoe trùh ka wì haq roc trong, èh Chuaq Jêhowa khoe paclaih mangai Isorali qmang leq. **9** Jêtrô lem bùi raya ka bài kan tamèt da Chuaq Jêhowa khoe broq ka Isorali, paclaih wì aih khoe ka tì kóng mangai Êdip. **10** Jêtrô doe: Joq khòh manè Chuaq Jêhowa qnàng! Haq la Mangai paclaih pì khoe ka tì mangai Êdip xam tì Phara-ôn, rai doeh mangai da haq loh khoe ka cwiàng da mangai Êdip. **11** Mandeq au loq Chuaq Jêhowa yeo kàn ðiq đồng ka bài kan kiác, majah qmang aih haq khoe broq trong kô ka bài mangai khoe tabroq ka Isorali xi manoh catèh ka raðeh. **12** Jêtrô, baq mai da Môise, padon qnoh mòi ramènh bùh

hloe xam bài ramènh dèch ka Boc Plinh; Khoe aih Arôn xam bài gucaq Isorali trùh acaq ti baq mai Môise, enh ngèa Boc Plinh. **13** Trùh sroq èh, Môise haqngui hadrah mangai Isorali, wì aih yòng hàu enh ngèa haq enh sroeh sroq trùh xèq. **14** Baq mai haq hnoq rìm yiniq haq broq ka wì, hi bòch: Kon broq cleq ka wì qmang qmat? Hagleq kon majah haqngui mòi ngai, èh ðiq đồng ka wì yòng hàu enh buqngah trùh xèq qmang qmat? **15** Môise padreo bàu: Aih wì haq trùh ta au òdeq bòch manoh Boc Plinh. **16** Jò wì i yiniq cleq, aih wì trùh ta au, au hadrah mangai kô xam mangai tau, rai am wì haq loq bài bàu xam ranenh da Boc Plinh. **17** Baq mai da Môise têu: Trong kon qnang broq qmat ùh lem. **18** Joq qnàng kon xam wì haq ðiq loh ka hlat hlinh, majah qmang aih bài yiniq aih trap hrìn ka padren kon, kon pòq mòi ngai ùh hlát. **19** Mandeq kô tamàng boc anoe ka kon mòi nà bàu, Waiq Chuaq Jêhowa wiang ti kon. Da cla kon aih broq mangai thai ka wì haq enh ngèa Boc Plinh, dèch anoe rìm yiniq ka haq loq. **20** Drah yóc bàu xam ranenh haq thê òdeq hnài wì, patô ka wì trong ep lam xam yiniq leq wì ep broq. **21** Mahaq taqne wì, kon ep ràih yóc bài mangai i kan rabiaq, loq ta-iu yùq ka Boc Plinh, hnhoh jang, git trong daiq plai, dèch wì haq oe enh qnhèq ka mangai Isorali, broq gàu wèq muàn mangai, hrinh mangai, padam jàt ngai, èh mòi jàt ngai. **22** Òdeq broq mangai hadrah rìm hì. Tàng loq i biac cleq ma kàn aih wì lam anoe ka kon, bài yiniq ma qyoh, cla wì haq hadrah ðeh. Drah lah axong kan trap òq jah hêu; òdeq wì wiang pòq ti kon. **23** Tàng kon broq biac kô èh Boc Plinh thê, qmang aih kon jah qnhrang, èh ðiq ka mangai Isorali jah trùh dèh tanè ka catèm. **24** Môise iu tiaq bàu dèh boc, broq rìm yiniq wop qmang ka bàu haq khoe hnài. **25** Qmang aih Môise hi ràih ta mangai Isorali bài mangai ma i kan rabiaq, dèch bài aih enh qnhèq ka bài mangai Isorali, broq gàu wèq muàn mangai, ùh meh hrinh ngai, ùh meh padam jàt ngai ùh meh mòi jàt ngai; **26** Wì aih hadrah rìm hì. Yiniq cleq ma xa wì dèch aràng ka Môise, mahaq cla wì hadrah trong ma qyoh. **27** Khoe aih, Môise òq dèh boc wìh hòi deh gùng.

19 Hì mòi da khê ma piq, atiq ka loh enh Êdip hì aih mangai Isorali trùh ðùng hawit Sina-i. **2** Atiq ka loh lam enh Rêphidim, wì mùt

đùng hawit Sina-i, èh mangai Isorali broq traiq bè ngèa ka wang. **3** Khoe aih Môise hi tồc ta Boc Plinh, Chuaq Jêhowa oe tawang creo doe ka haq qmang kô: ìh drah anoe qmang kô ka hnim Jacôp, rai patô yiniq kô ka mangai Isorali: **4** Pì khoe hnoq bìac au broq ka mangai Êdip, au chò pì ta panan cliang kàn qmang leq, rai qnung pì trùh ti au qmang leq. **5** Qmang aih, manòeq kô, tàng joq pì iu bàu au ka gèh geo rai wèq tajao da au, aih èh ta diq đổng rìm diac, pì jah wia hang canaq da au, majah qmang aih crông taneh kô diq da au. **6** Pì jah wih wia mòeq diac pajàu, moeq nang noe hadrèh ka au. Toq aih nà bàu ìh hu anoe hlài ka mangai Isorali. **7** Môise loh creo ka bài gucraq ta Isorali, taqmon hlài rìm nà bàu Chuaq Jêhowa ma khoe tanap thê rađeh anoe hlài. **8** Rìm ngai diq mòeq bàu têu rameh: Nhèn broq tiaq rìm yiniq Chuaq Jêhowa khoe thê. Môise yốc bàu wì khoe têu aih anoe hlài ka Chuaq Jêhowa. **9** Chuaq Jêhowa doe: Kô èh, au oe ta cato yùc ma habàu habùt tau đòeq lam trùh ti ìh, đòq jò leq au capoch ka ìh, aih èh mangai Isorli diq tàng rai lù ìh hloe hloe. Khoe aih Môise anoe hlài ka Chuaq Jêhowa bàu wì ma khoe anoe. **10** Chuaq Jêhowa doe ka Môise qmang kô: Drah lam doe ka mangai Isorali, thê wì haq wèq rađeh ka sròeh hì kô xam hì da-èh, thê wì haq rùh deh eo cwàn. **11** Trùh hì piq wì haq ep padon đòeq, majah qmang aih hì aih Chuaq Jêhowa loh tawang Sina-i enh ngèa diq đổng wì haq. **12** ìh ep acang đòeq pajaq ka wì haq oe dudan ka wang, rai tanap ka wì: Ep wèq rađeh apaq thia ten tawang, hadai apaq ti rawò bèq jènh wang; waq toq cabô rawò bèq mangai aih èh ep jêh đac ka cachit. **13** Hadai paq i cabô poh tachac mangai aih, mahaq mangai aih ep đap xi hmo tàng ùh pènh xi rang panenh; yac ka ngè ma aban yac ka mangai, diq ùh rong rìh. Jò ken jah hlui, aih èh wì jah thia haten ka wang. **14** Môise loh enh wang trùh ta mangai Isorali, thê wì haq wèq rađeh ka sròeh, rai rùh deh eo cwàn. **15** Haq tanap ka wì ta piq hì thê chôn̄h padon đòeq, paq thia ten gucadri. **16** Trùh sroq hì piq, i camlet cađah, mòeq cato yùc habàu habùt oe tawang, xam bàu ken hlui diq jaq tagrùng tagrât; diq ka mangai ta traiq lình tarit tariat deh hra. **17** Môise thê wì haq loh khoe ka traiq lình đòeq đil̄h Boc Plinh; wì haq yòng tanòe jènh wang. **18** Jò meh, jàp jia tawang Sina-i diq loh nhòe, majah qmang aih Chuaq Jêhowa oe taqne ùnh loh ta aih; nhòe

loh enh aih tiah qmang ka nhòe da tanùh ùnh kàn, èh diq ka bui wang loh kan ralàng đêh raya. **19** Jò bàu ken rai èh rai đêh; Môise capoch, Chuaq Jêhowa têu bàu haq. **20** Chuaq Jêhowa loh tabui wang Sina-i rai thê Môise tồc tabui wang. Aih Môise hi tồc. **21** Chuaq Jêhowa doe: Drah loh tât wì apaq àu tamùa thia haten ka Chuaq Jêhowa đòeq hu ngan, èh loq i bəc ngai ta wì haq ep cachit. **22** Yac ka bài pajàu thia haten ka Chuaq Jêhowa hadai ep wèq rađeh ka sròeh, ùh meh haq loq jêh đac wì haq. **23** Môise anoe ka Chuaq Jêhowa rameh: Mangai Isorali ùh jah tồc tawang Sina-i, majah qmang aih cla ìh khoe ùh lòn̄h nhèn qmang kô: Drah acang pajaq dudan ka wang, rai lah đòeq crài apah aih la nòe taneh hadròeh. **24** Chuaq Jêhowa doe: Drah loh beq, khoe aih aràng Arôn tồc ti ìh, mahaq bài pajàu xam mangai Isorali apaq tamùa clàm tồc haten ka Chuaq Jêhowa, èh haq loq habô đac ka wì. **25** Qmang aih Môise hiloh doe ka wì tàng.

20 Boc Plinh doe bài bàu kô: **2** Au kô raq Jêhowa Boc Plinh ìh, khoe doeh qnoh ìh loh khoe ka Êdip, aih la hnim đic hapông. **3** Enh ngèa au, ìh ùh jah i bài kiac qnoeq. **4** ìh apaq broq ka rađeh radua qmù kiac, tiaq dua qmù bài ngè ma oe ta trồc haqnheq, yac ka ta taneh haqneq kô, yac ka tadiac. **5** ìh apaq hacùn cràng kùh waiq bài radua qmù kiac aih, èh hadai apaq patil̄h ka wì haq; majah qmang aih au kô raq Jêhowa Boc Plinh ìh, aih la Boc Plinh git ka kan dù, waq toq cabô git ka au, au yốc yiniq lui da kan cadraq đòeq baxa hlài kon xau trùh piq pôn qnhòng. **6** mahaq paqnoh kan loq waq trùh bình ka muàn qnhòng ka bài mangai leq loq waq ka au rai wèq ranenh au. **7** ìh paq yốc yiniq Jêhowa Boc Plinh ìh đòeq hu racaih, majah qmang aih Jêhowa ùh ngan mangai racaih ka yiniq haq aih la ùh i ka yiniq lui cleq. **8** Ep hmàng hì padài rai wèq broq hì hadròeh. **9** ìh ep gèh đổng deh yiniq broq ta tadràu hì. **10** mahaq hì tapèh aih la hì padài da Jêhowa Boc Plinh ìh; tahì aih, ìh, kon calô, kon cadri, hapông calô hapông cadri, bài ngè ìh aban, yac ka tamoe oe hnim ìh, diq đổng paq abroq qmòe cleq. **11** majah qmang aih ta tadràu hì Jêhowa Boc Plinh khoe broq plinh, taneh, diac raxiq xam rìm yiniq oe ta aih, **12** Ep i manoh loq ta-iu ka baq miq ìh, đòq ìh jah rìh halinh ta taneh Jêhowa Boc Plinh ìh ma khoe am. **13** ìh apaq jêh đac mangai. **14** ìh apaq

tango. 15 Ìh apaq atùng 16 Ìh paq yòng capoch
bàu panhìn qnùt ka mangai ten tia ka ìh. 17 Ìh
apaq ònh ka hnim mangai haten hatia ka ìh,
hadai apaq ònh da haq ka mai, yac ka hapõng
calô hapõng cadrì, ò, lù, yac ka yiniq cleq da
mangai ma haten hatia kìh. 18 Jò òq òng ka
mangai Isorali tàng bàu hilùng, bàu ken hlui,
hnoq kan camlet, hnoq wang loh nhòe, aih
wì tarit tariang rai yòng qmòe enh hangai. 19
Wì doe ka Môise: Cla ìh anoe ka nhèn. Aih òh
bri ka nhèn tàng; mahaq joq cali calo ka Boc
Plinh apaq capoch ka nhèn, òh trùh nhèn ma
ep cachit deh qmòh. 20 Môise doe: Òh dùh yùq
cleq, majah qmang aih Boc Plinh loh enh qnhèq
ðòeq qnhro pì, ðòeq kan ta-iu yùq ka haq oe
enh ngèa pì òq pì òh hìaq broq yiniq lui. 21
Qmang aih wì yòng deh enh hangai, òh Môise
thia haten ka cato yùc habàu habùt i Boc Plinh
oe ta dalam. 22 Chuaq Jèhowa doe ka Môise
rameh: Ìh doe ka mangai Isorali qmang kò: Cla
pì khoe hnoq au capoch qnoh ka pì enh plinh:
23 qmang aih apaq broq radua qmù kiak xi òac,
xi wang ðòeq hu tawêh ka au. 24 Ìh broq ka au
prang tadreo xi taneh, ta aih ep dèch ramèn
bùh, xam ramèn apò da ìh, trùh qnì òo qnì.
Waq toq tanòe leq i padèch yiniq au, au trùh
ðòeq am xòq ramot ka ìh ta aih. 25 Tàng ìh
broq prang tadreo xi hmo, aih paq yòc hmo
achih, majah qmang aih tàng joq ìh yòc ranac
hu achih, aih ìh broq ka hmo aih loh kan amù.
26 Ìh apaq cadiang tang cadiang tóe ta prang
tadreo au, ðòeq òh hìaq hnoq kan rahòng ìh.

21 Kò raq bài ranen ì ep hnài mangai Isorli:
2 Tàng ìh rot mòeq ngai hapõng Hèbru,
aih òh haq patih ka ìh tadràu hanam; mahaq
trùh ta hanam tapèh, aih haq jah caqnaih, òh
ep padreo hlài bac. 3 Tàng joq haq mùt deh
moeq ngai, aih hadai loh deh moeq ngai; tàng i
mai, aih loh deh ti mai. 4 Tàng wì craq hnim
aih ban ka haq mai, òh tàng joq mai haq ha-
uang kon calô qnì cadrì qnì, aih òh haq loh deh
mòeq ngai, mai xam kon haq aih jah da wì craq
hnim. 5 Tàng mangai hapõng aih doe: Au ha-
och deh ka wì craq, deh ka mai xam kon au,
òh enh claih toq ka radèh. 6 qmang aih cla wì
craq aràng haq enh ngèa Boc Plinh, thê lam
ten ka qmang tàng òh long jrang, khoe aih yòc
jùì pàc don; haq hi patih ka wì craq aih lùch
dèh ka qnhòng. 7 Tàng cabô tech deh kon cadrì
broq hapõng, mangai kon cadrì aih òh jah loh

tiah ka bài hapõng calô tau. 8 Tàng cla wì craq
adroe aih khoe yòc mangai hapõng cadrì kò
broq yang, yàng òh khoe ka aih pi enh hòh,
aih òh cla wì craq ep thê wì baxon yòc hlài, òh
jah qnùt khoe aih aràng tech haq ka mangai
diac wì. 9 Mahaq tàng cla wì craq enh taqmroq
dèh ka kon calô aih ep ngan haq tiah dèh ka
kon cadrì. 10 Tàng cla wì craq loq yòc mangai
qnoeq, mahaq ti mangai ma adroe kò dua òh
jah palua da haq dahwèq acaq, dahwèq atàc
xam manoh òng mai yac ka bu toq biaq. 11 Tàng
cla wì craq òh broq tiaq piq trong kò, mangai
cadrì jah loh dech, òh ep padreo hlài bac. 12
Cabô jèh cachit moeq ngai, haq aih ep jèh ðac
ka cachit. 13 Yàng tàng òh xài haq to chaq trong
jèh, mahaq pàng Boc Plinh khoe hataq mangai
bìq jèh cachit aih ta tì kòng haq, haq aih ep
cadàu trùh tanòe au patò hu haninh. 14 Mahaq
tàng cabô yòng tablèq deh ka mangai haten
hatia ðòeq qnac chaq trong jèh ðac, mangai aih
yac ka haq amot taprang tadreo au, dua ìh ep
rùp qnoh ðòeq jèh ðac. 15 Cabô jèh dèh baq
qnì, miq qnì, mangai aih ep cachit. 16 Cabô rùp
atùng mangai yac ka khoe aràng tech, yac ka oe
raq ta tì kòng haq, haq aih ep cachit. 17 Cabô
ra-òh hamaiq deh ka baq ka miq mangai aih
ep cachit. 18 Tàng baiq ngai talech òh mangai
kò jèh mangai tau xi hmu qnì xi tì qnì, loh ka
habau ep kùì moeq nòe mahaq òh hìaq cachit,
19 tàng oe jah canhra loh enh gùng, mangai ma
jèh aih òh hìaq ep pòq yiniq lui. Mahaq ep clih
bac jèn huèn hlài kan habò ka mangai ma bìq
tau toq leq hi haq ma padài, òh ep ban trùh jò
tadèh halài. 20 Jò cla wì craq yòc long jèh deh
hapõng calô qnì hapõng cadrì qnì, tàng cachit
hloe draq drinh, aih òh òh claih ka kan baxa 21
Mahaq tàng mangai hapõng calô hapõng cadrì
aih oe rih moeq baiq hì, cla wì craq òh hìaq pòq
yiniq lui cleq, majah qmang aih haq aih la kùng
hang da cla wì craq. 22 Tàng baiq ngai qnang
tajèh, troq ataq mòeq ngai gucdrì wê cliac, broq
haq loh ka ha-uang sroeh, òh hìaq i cleq qnoeq
ma yeo hamoq, mangai ma troq jèh aih òh ep
clih òac tiaq bàu òng haq pajaq, caqnaih òac
enh ngèa ka cwan hadrah. 23 Tàng loq i cleq
hamoq, aih òh òh ep yòc caxèh clih caxèh.
24 Yòc mat clih ka mat, yòc hanen clih ka
hanen, yòc tì clih ka tì, yòc jèn clih ka jèn,
25 yòc padòc clih ka padòc, yòc pràm clih ka
pràm, yòc habau clih ka habau. 26 Tàng cla wì
craq jèh troq mat dèh hapõng, yac ka hapõng

calô hapông cadri, broq mat aih loh ka lua, aih êh ep caqnaih haq claih ka broq hapông, ðòeq ðèn da haq mat. 27 Tàng cla wì craq broq tagoh mòeq pliang hanen nhê hapông calô hapông cadri, aih ep caqnaih haq claih ka broq hapông, majah qmang aih khoe hnhung mòeq pliang hanen nhê. 28 Tàng mòeq toq ðo jâu troq mòeq ngai gucalô qnì mangai cadri qnì loh ka cachit, ðo aih ep yôc hmo ðap ka cachit, wì ùh khòh kaq ðo aih; cla wì ma i ðo aih ùh ep pòq yiniq lui cleq. 29 Mahaq tàng enh adroe dua ðo aih loq jâu òh cla mangai i ðo khoe lah tàng anoe yôt, mahaq ùh kàt ùh clêh, ðòeq ðo jâu cachit mòeq ngai calô mangai cadri qnì, ðo aih ep yôc hmo ðap ka cachit, òh cla mangai i ðo hadai ep cachit. 30 Mahaq tàng wì qnoh jaq ka mangai i ðo ðòeq haq baxon hlài deh caxên h, cla mangai i ðo ep baxon raðeh wop troeq jaq wì panoh. 31 Tàng ðo jâu troq mòeq ngai qyoh calô qnì cadri qnì, pì hadai ep tiaq ranen nhê kô. 32 ðo jâu troq mòeq ngai hapông calô qnì cadri qnì, cla mangai i ðo ep clih piq jàt sia clo ðac ka wì craq da hapông aih; khoe aih òh ðo aih ep yôc hmo ðap ka cachit. 33 Tàng cabô pèch ngah ralôc, chà hám mahaq ùh gúp hlài, tàng loq i ðo qnì lua qnì clih ta aih, 34 Cla wì craq hám aih ep ðèn ðac ka cla wì craq ma i ngè aih, mahaq ngè cachit aih jah raðeh. 35 Tàng ðo cabô jâu troq ðo wì haten hatia ka raðeh loh ka cachit, wa aih ep tech ðo rih aih, ta-axong ðac òh ta-axong khoe ðo cachit. 36 Mahaq tàng cla mangai i ðo khoe loq ðèh ðo raðeh kô loq jâu, yàng dua ùh waq ka clêh ùh waq kàt ðòeq, cla mangai i ðo ep yôc ðo clih ka ðo, òh ðo cachit aih ðòeq ka haq.

22 Cabô atùng ðo qnì loq triu qnì, khoe aih bùh jam tech qnì, aih òh haq ep am hlài padam toq ðo ka mòeq toq ðo, òh pôn toq triu ka mòeq toq. 2 Tàng mangai atùng qnang àu qmang òh wì jah rúp rai jêh ðac ka cachit, mangai ma jêh aih ùh hiaq pòq tuiq jêh ðac mangai. 3 Mahaq jêh ka cachit jò mahi khoe tó, aih pòq tuiq jêh ðac mangai. Mangai ma atùng ep padreo hlài, tàng ùh i cleq hu qnoh hlài, aih òh wì ep tech cla haq ka tuiq atùng. 4 Mahaq yiniq cleq mangai atùng ma khoe yôc, yac ka ðo, ka triu, ka lua, hnoq oe raq rìh jang tì kông haq, aih òh mangai ma atùng ep ðèn hlài loh baiq phàn. 5 Tàng cabô broq kan haðo ka ruàng qnì, wuàn nho qnì, caqnaih ðèh ngè ðeh ma aban mùt kaq taruàng mangai qnoeq, mangai

aih ep yôc dahwèq ma yeo lem ðong deh enh ruàng, tàng ùh meh enh wuàn nho da cla ðòeq hu pachàuq hlài da wì. 6 Tàng ùnh khàng cheo trùh xêm yila òh cheo hlàng trùh ta qmau neo gat, qmau qnhòq gat, ðiq ka ruàng, mangai bùh ùnh aih ep am hlài rìm yiniq ma khoe cheo. 7 Jò i cabô jao deh ðac jèn loq dahwèq cleq ka mangai haten hatia don wèq, tàng beq ðài ngè kô hnhung tahnim mangai ten tia aih, tàng khoe jah rúp mangai atùng, mangai atùng aih ep ðèn hlài loh baiq. 8 Tàng mangai atùng aih ùh jah rúp, aih òh ep aràng cla craq hnim ma am wì gòe lam trùh enh ngèa ðài hadrah, ðòeq hapah tì raðeh joq ùh i bèq ta dahwèq da mangai haten hatia. 9 Tarim trong wì ma tarahen trùh dahwèq leq aih, yac ka mòeq toq ðo, lua, eo cwàn tàng ùh meh yac ka cleq ma khoe hnhung, yàng òh i mangai doe: Kô da au, aih òh ðiq baiq ka wa ep aràng ngè aih trùh enh ngèa ðài hadrah, mangai leq ðài hadrah ma doe haq i tuiq, haq aih ep ðèn loh baiq am deh ka mangai haten hatia. 10 Tàng i cabô jao deh lua, ðo, triu, ùh meh ngè aban qnoeq ka mangai haten hatia raðeh wèq ngan, yàng òh ngè aih cachit, loh ka habau, tàng ùh meh hnhung lac, ùh i cabô hnoq. 11 Aih òh ðiq baiq ka wa ep yôc yiniq Chuah Jêhowa ðòeq hapah, ðòeq jah loq mangai ma wèq ngan aih i poh tì ta kùng hang da mangai haten tia ðeh loq ùh. Cla mangai ma i ðèh ðài ngè aih ep ði bàu hapah aih, qmang aih òh mangai tau ùh hiaq ep ðèn cleq. 12 Mahaq tàng ngè aih hnhung ka wì atùng, aih òh mangai ma chiùq wèq ngan ep ðèn hlài da cla mangai ma i ðèh ngè aih. 13 Tàng joq ngè aban aih cachit ka ngè tarôm kap cachit, mangai ma ngan ep ahlài hanang haq ðòeq panhìn, aih òh haq ùh hiaq ep ðèn ngè aih. 14 Tàng cabô muàn baha da mangai haten hatia raðeh mòeq toq kon cleq aih, yàng òh haq tagoh mòeq toq jo, ùh meh cachit, mahaq ùh i ka mat cla wì, aih òh mangai aih ep ðèn hlài da wì. 15 Tàng i mat cla wì ta aih, aih ùh ep ðèn. Tàng joq ngè aih khoe am muàn kaq baha, kùng ma baha aih broq ðac ðèn. 16 Tàng cabô padô kùt ti mòeq ngai adrùh sriu qnhòq capoch am ka cabô, mangai aih òh clih ðac pachàuq rai yôc haq broq mai. 17 Tàng baq haq blin h ùh caqnaih deh kon, mangai aih ep clih ka ðac troq jaq ðac pachàuq ka mangai adrùh sriu. 18 Ìh apaq rong ðài gucadri rih ka patih abroq ka pajàu kiác. 19 Mangai leq tango ka ngè aban,

mangai aih èh ep jêh đac cachit. 20 Mangai leq dèch ramènh tadreo ka kiac qnoeq enh gùng ka moeq ngai Chuaq Jêhowa, mangai aih ep cachit. 21 Pì ùh khòh tabroq ùh loh cleq ka mangai diac wì hanoh ùh khòh loq làn wì haq, majah qmang aih pì hadai khoe broq tamoe rìh đeh ta Êdip. 22 Pì ùh khòh loq glua yac ka mangai cadrì hadrô qnì, yac ka mangai lac qnì. 23 Tàng loq làn wì, èh wì haq creo dang au, joq qnàng aih èh au tamàng bàu wì haq. 24 Kan tôq da au plòh tồc, èh au yỏc chang jêh đac pì, aih èh mai pì hadai loh ka hadrô, èh kon pì hadai wia qyoh lac. 25 Taqne bải mangai da au, i mangai pa oe ti pì, tàng pì am haq muàn đac, apaq broq tiah ka mangai am linh, hadai paq panan haq ep pòq đac goe. 26 Tàng pì i wê yỏc eo da mangai haten hatia đòeq panan haq baxon hlài, aih ep padreo da haq adroe ka mat mahì clih; 27 majah qmang aih, diq dèh toq aih raq dahwèq đòeq taqmàn deh chac, aih eo đòeq taqmàn deh akia; haq yỏc cleq đòeq kùì? Tàng haq creo dang ka au, joq qnàng aih èh au tamàng bàu haq, majah qmang aih au kô mangai loq ha-och. 28 Ìh ùh khòh capoch ùh hòq ka Boc Plình, hadai paq ra-òh hamaiq ka bải bùa ka bải cla craq da mangai da ìh. 29 Ìh apaq trồ đòeq dèch ka au ramènh riang pì gàu mùa da ìh ma don đòeq ta hapom, xam alac hoch loh enh cabong padit. Ìh hanoh ep dèch ka au kon calô ramua ìh. 30 Yac ka triu bo ìh hanoh broq qmang aih; ta tapèh hì baxèm, kon ma ramua oe deh ti kan, trùh hì rahem ìh ep dèch haq ka au. 31 Pì jah broq mangai hadrèh da au, apaq acaq jam cleq ngè rôm ma hit tagùng, drah khwènh am koq kaq.

23 Ìh apaq lam anoe bàu liq, paq wiang ti mangai broq yiniq lui đòeq qnoh bàu panhìn qnùt. 2 Ìh paq tiaq mangai bằc đòeq hu broq hwang; jò ìh yỏng panhìn ka trong tah hadrah, apaq cro tiaq pah bằc ngai đòeq broq raliang trong taq atoq. 3 Ìh apaq loq gen kan ka mangai pa jò hadrah. 4 Tàng ìh loq hnoq ẳo qnì lùa qnì da mangai ma git ka ìh ep tiaq ahlài da cla wì. 5 Tàng ìh loq hnoq lùa da mangai ma git ka ìh pòq trap hrìn loh qmòe ka tacro, paq broq đeh ùh hnoq, ep dang đòq haq jah yeo đeh ka trap. 6 Jò qnang tah hadrah paq cwaih đac biac troq da mangai pa oe taqne ìh. 7 Ìh ep wia ka hangai bải bàu capoch dech, paq jêh đac mangai ùh i đeh yiniq lui xam mangai broq troq, majaq qmang aih au blinh ùh cađac

ka mangai broq dù. 8 Ìh apaq yỏc ngè wì rot manoh, majah qmang aih ngè aih broq ka mat mangai qngah loh ka pùa, rai broq ka tagùt bàu da mangai hnhuh jang. 9 Ìh paq tacaq ka mòeq ngai diac wì, pì khoe loq manoh mangai oe đeh diac wì aih qmang leq, majah qmang aih pì hadai khoe broq mangai oe đeh diac wì ta Êdip. 10 Ta tadràu hanam pì rai deh adrech tađùng, trùh jò hi gat yỏc. 11 mahaq trùh hanam tapèh, ep đòeq taneh oe clui đòeq haq jah padài; đòq mangai pa taqne pì jah canòh đeh riang pì da taneh aih, loq oe rah bằc bĩaq bải ngè rìh tagùng go jah acaq đeh. Hanoh broq qmang aih ka wuàn nho xam long ôliu. 12 Hloe ta tadràu hì pì broq gẻh deh ka biac, mahaq trùh hì tapèh ep padài, đòeq ka ẳo xam lùa da ìh jah padài; hloe xam bải kon calô da hapỏng cadrì ìh xam mangai diac wì jah padài đòeq yỏc hlài padren. 13 Ep wẻq đởng rìm bàu au thê ìh ma rabiaq haq. ùh jah creo dang yiniq da bải kiac qnoeq. Apaq đòq bải yiniq aih jah tàng ràu loh enh hacùng bàu ìh. 14 Mòeq hanam piq yàng ìh ep wẻq ramènh đòeq ta-iu ka au. 15 Ìh ep wẻq ramènh bẻnh ùh tah blo; ta tapèh hì ep kaq bẻnh ùh tah blo, tiaq bàu au khoe tanap thê. Ramènh kô ep wẻq troq deh jò ma khoe pajaq aih la khê Awip, majah qmang aih khê aih ìh loh khoe ka Êdip. Èh apaq cabô lam tì dech thia enh ngèa au. 16 Ìh ep wẻq ramènh jò gat, xi riang pì ma ramung da padren hiwa ìh tiaq adrech ìh ma khoe rai tađùng; rai wẻq ramènh gat ta cloh hanam, jò pì khoe gat dẻh riang pì da padren hiwa rađeh tađùng. 17 Moeq hanam piq yàng bải mangai calô ep trùh enh ngèa Chuaq, aih la Chuaq Jêhowa. 18 Ìh paq dẻch mahim da ngè tadreo au pajùm ti cleq ma i tah blo; bỏq da ngè tadreo ta bải hì ramènh au, ùh jah đòeq trùh sroq atiq. 19 Bải riang pì ramung gàu mùa da taneh, ìh ep aràng trùh tahnim Jêhowa Boc Plình ìh. Ìh apaq pai bubi kon ta diac tồh kan haq. 20 Ngan kô! Au thê mòeq bình plình lam adroe ka ìh, đòeq wiang ti ìh jò lam trong, rai qmùt ìh tanòe au khoe palauq đòeq. 21 Enh ngèa haq, ìh ep wẻq rađeh, ep iu tiaq bàu haq, ùh dùh àu tablẻq ka haq, majah qmang aih haq ùh cađac da ìh yiniq lui, pàng yiniq au oe enh dalam haq. 22 Mahaq tàng ìh panim ka tamàng bàu haq, rai broq tiaq rìm nà au thê, aih èh au tablẻq ka mangai ma tablẻq ka ìh, chằt mangai ma chằt ìh. 23 Majah qmang aih bình plình da au lam adroe, qmùt ìh tagùng da

mangai Amôrit, mangai Hêtit, mangai Phêrêsit, mangai Cana-an, mangai Hêwit xam mangai Jêbusit khoe aih au hi palùng wì haq. **24** Ìh apaq hacùn cràng kùh waiq rai patìh ka bài kiac da wì haq, paq top dua yiniq broq wì haq, mahaq ep palùng đồng bài kiac aih rai tùq bahech radua qmù kiac wì haq. **25** Ìh ep kùh waiq Chuaq Jêhowa Boc Plình ìh; Haq jah am xôq ramot ta dahwèq acaq ôq ìh, rai đồng đặc bài kan yiniq tôq taqne ìh. **26** Tagùng ìh ùh i ka gucadrì ralòeh, gucadrì xon. Au am ìh jah halình. **27** Au thê deh kan ramòt lam adroe, waq toq ìh trùh ta mangai gùng leq, au broq ka wì ta aih prah priang cadâu lac trong, rai broq ka mangai ma git ka ìh tawìh crông enh ngèa ìh. **28** Au thê ong chĩa lam adroe hnan jêh mangai Hêwit, mangai Cana-an, mangai Hêtit khoe ka mat ìh **29** Mahaq au ùh hnan wì haq cadâu đồng ta mòeq hanam, yùq èh ta aih loq loh ka hawit, èh ngè gùng rôm loq xêh bəc, ti habo đặc ka mangai; **30** mahaq au hnan wì haq cadâu loh yen yen khoe ka mat ìh, trùh jò leq mangai da ìh jah bình bauq hlàt blah yỏc gùng aih broq kùng hang. **31** Au acang pajaq taneh diac ka ìh enh diac raxìq gòh trùh raxìq Philitin, enh ùng hawit trùh crông diac Ophorat, au jao mangai gùng aih mùt ta tì kổng ìh, èh ìh hi hnan wì aih khoe ka mat rađeh. **32** Ìh paq broq tajao cleq ka wì haq, hloe xam bài kiac da wì haq. **33** Wì haq ùh jah oe gùng da ìh, yùq èh wì haq loq patùt ìh loh yiniq lui ka au ðòeq kùh waiq kiac da wì haq qmòh; trong aih loq wìa jroh hlàp ka ìh.

24 Boc Plình doe ka Môise rameh: ìh xam Arôn, Nadap xam Abihu xam tapèh jàt ngai gucraq Isorali drah tỏc tanðe au oe rai kùh waiq au enh hangai. **2** Mòeq ngai Môise raq majah thĩa haten ka Chuaq Jêhowa, wì tau ùh jah thĩa haten, mangai Isorali hanoh ùh jah tỏc taq haq. **3** Môise lam anoe hlài ka Isorali rìm nà bàu da Chuaq Jêhowa xam bài ranenh, aih ðiq ka wì mòeq bàu ti dabau têu haq: Nhèn broq tiaq rìm nà Chuaq Jêhowa thê. **4** Môise achìh đồng rìm bàu da Chuaq Jêhowa, khoe aih rìu sroeh tàc broq mòeq toq prang tadreo ta jènh wang, dèch paqnàng moeq jàt baiq toq jrang bahian ka mòeq jàt baiq xinoe Isorali. **5** Haq thê bài guradam da Isorali trùh dèch ramènh bủh xam ramènh waiq kan catèm ka Chuaq Jêhowa xi ỏo bu caqmon radam. **6** Môise yỏc moeq qne mahim tah ta doe hilùq, oe moeq

qne aih pùc ta prang tadreo. **7** Khoe ka aih, haq wê hset tajao ðỏc ka mangai Isorali tamàng, aih wì hi doe: Nhèn broq rai iu tiaq rìm bàu da Chuaq Jêhowa thê. **8** Môise yỏc mahim da arat tachac wì rai doe: Kỏ Mahim Tajao da Boc Plình khoe broq ti pì tiaq wop qmang ka bài bàu kỏ. **9** Môise xam Arôn, Nadap xam Abihu hloe xam tapèh jàt ngai gucraq Isorali ðiq tỏc tawang. **10** ngan hnoq Boc Plình da Isorali; nòe jènh haq i cleq meh tiah qmòe ka hmu ngỏc saphia, hliang tiah qngah trỏc ca-ah ca-iang. **11** Mahaq Boc Plình ùh dèch tì tabroq ka bài gucraq da mangai Isorali; wì haq hnoq Boc Plình, èh wì haq hi acaq ôq. **12** Chuaq Jêhowa doe ka Môise: Drah tỏc tawang, trùh ta au èh oe tacỏ, au hi am ka ìh capiac hmo ranenh xam bàu hnài, au khoe achìh ðòeq hnài Isorali. **13** Môise padinh yòng xam Jỏsuê mangai patìh cajènh catì rađeh, khoe aih Môise hi tỏc tawang da BocPlình. **14** Haq doe ka bài gucraq: Pì gỏm ma tacỏ trùh jò ma wìh hlài ta pì. Arôn xam Huro oe tacỏ ti pì, cabỏ loq i yiniq cleq lam bỏch wa aih. **15** Qmang aih Môise tỏc tawang, yùc glàp đồng wang. **16** Kan ranhòm da Chuaq Jêhowa oe tawang Sina-i; ta tadràu hi yùc glàp đồng wang, trùh tahì tapèh Chuaq Jêhowa oe ta yùc creo ka Môise. **17** Kan ranhòm da Chuaq Jêhowa nòe bui wang, enh ngèa mangai Isorali hnoq tiah qmòe ka ùnh ma adrènh qngah. **18** Môise mùt taqne yùc, tỏc tawang, oe ta-aih pôn jàt hi pôn jàt mang.

25 Chuaq Jêhowa doe ka Môise: **2** Anoe ka mangai Isorali ðòeq wì haq dèch ramènh ka au, pì ðì yỏc ramènh da rìm ngai ma lem manoh dèch am. **3** Kỏ èh ramènh pì ma ðì yỏc enh wì haq: wang, bəc, xam ùng. **4** brai nget, bai gỏh ngùi xam gỏh yrinh xam bai lan habuàt, xəc bubi, akia trìu calỏ nhum gỏh. **5** akia lem habuàt qnoeq, long sitim, **6** ðầu ôliu ðòeq bủh qngah, dahwèq ðòeq broq ðầu xùt xam gahnàu xua thùm. **7** hmu ngỏc mainao xam bài ngỏc qnoeq ðòeq pacap qmùt ta êphot xam capiac bac ajang rada. **8** thê wì broq ka au mòeq toq ranòh kùh waiq hadròeh aih èh au hi oe taqne wì haq. **9** pì ep broq ranòh kỏ xam bài ranac ta aih tiaq wop qmang ka dua au hu patỏ am ka ìh. **10** Thê wì haq broq moeq toq hom xi long sitim, dang yỏh baiq hagat qne, dang gat mòeq hagat qne, bẻ yàng hanoh mòeq hagat qne, **11** Yỏc wang lem glom enh dalam xam enh gùng èh broq grỏi xi wang dudan bẻ qnhèq ka hom.

12 Ìh hadai broq pôn toq rawiang xi wang ðoeq
 ajang pôn toq jo hom: Baiq toq pah kô baq toq
 pah tau. 13 Hadai broq baiq toq long tanông xi
 long sitim, yôc wang glom tanông. 14 khoe aih
 qmùt baiq toq long tanông mùt ta rawiang baiq
 pah hom, ðoeq tòng hom. 15 Long tanông oe
 hloe ta rawiang aih ùh khòh doeh. 16 Khoe èh
 tah ta hom Capiac Tajao au padon am ka ìh. 17
 Ìh hadai ep broq Calàp baxon yiniq lui xi wang
 lem, dang yôh baiq hagat qne, dang gat moeq
 hagat qne. 18 rai broq baiq toq chêrubim xi
 wang ðoeq baiq bè gàu Calàp baxon yiniq lui. 19
 mœq chêrubim oe gàu bè kô, moeq gàu bè tau,
 baiq chêrubim ep hatop ka Calàp Baxon yiniq
 lui. 20 Baiq chêrubim yòng tangèa ka dabau xi
 baiq toq panan hliã tœc taqnêq taqnêq rai tù
 ta calàp. 21 Gùp calàp enh qnhêq ka ngah hom
 rai tah ta hom capiac ranenh tajao au padon am
 ka ìh. 22 Enh qnhêq ka calàp baxon yiniq lui,
 qne adreo baiq toq chêrubim xam enh qnhêq
 ka hom tajao aih la nœ au glãm ìh ðoeq am ka
 ìh ðiq ðông bài ranenh da au ðoeq ka mangai
 Isorali. 23 Ìh hadai broq mœq toq cabông xi
 long sitim, dang yôh baiq hagat, dang gat mœq
 hagat, dang haqnêq mœq hagat qne. 24 glom
 xi wang lem, rai broq mœq trong grôi dudan
 ka cabông; 25 broq canap dudan ka mat cabông,
 haqnêq jah toq capiang tì, grap wang dudan
 ka canap. 26 Broq pôn toq gwiang wang, qmùt
 ajang pôn toq mùm nœ jênh cabông. 27 bài
 gwiang kô qmùt jang khuôn ðoeq trôp tanông
 tòng cabông. 28 Ìh raxoh tanông xi long sitim,
 glom xi wang, ðoeq tòng cabông aih. 29 èh yôc
 wang ma lem ðoeq broq ðôt, achông, cabi xam
 doe ðoeq tah ramênh diac lœc. 30 Ta cabông
 aih ìh hi ðoeq bênh hadrœh ðôq i yôt bênh
 enh ngœa au. 31 Ìh hadai broq moeq toq jênh
 ðen xi wang lem. Enh jo haq trùh chac haq,
 riang da haq tiah ka doe mông, bôp ramot xam
 riang haq ðiq broq xi wang tùq ka ratang. 32
 Baiq pah chac ðen plôh loh tadrâu toq hamenh,
 piq hamenh pah kô piq hamenh pah tau. 33 Ta
 tadrâu toq hamenh ma plôh enh qnhêq ka jo
 ðen, tamœq hamenh i piq toq doe mông tiah
 ka riang apriac xam bôp ramot xam riang. 34
 Ta chac ðen hanoh i pôn toq doe mông tiah ka
 riang apriac xam bôp ramot xam riang. 35 Ta
 tadrâu toq hamenh loh enh chac ðen, hi baiq
 toq hamenh aih enh qneq hi i mœq toq bôp
 ramot. 36 Bôp ramot xam hamenh da jo ðen ðiq
 broq xi wang capiac lem tùq ratang. 37 Ìh hadai

broq tapêh toq ðen, ðoeq hi bùh aih haq hi sreo
 qngah enh ngœa jo ðen. 38 Rawit tim ðen xam
 ðôt haqnac loc ðen hanoh broq xi wang lem.
 39 Wì yôc moeq talâng wang lem ðoeq broq jo
 ðen kô xam bài ngœ khop khip da jo ðen. 40
 Qmang aih ìh ngan, ep broq tiaq wop troeq dua
 au khoe patô ka ìh tawang.

26 Ìh ep yôc mœq jât blah bai prinh ðoeq
 broq hnim ranòh kùh waiq ðô, bai prinh
 atênh xi brai lan ma habuât brai gòh brai nget,
 gòh ngùi, gòh yrùng, i thœu bài qmù chêrubim
 ka ðiq jaq geo. 2 Rìm blah bai prinh dang yôh
 baiq jât rahim hagat, dang gat pôn hagat. Rìm
 blah ep mœq maneh ka dabau. 3 Hi padam blah
 aih hi qmot ðôq haq jah tajip ka dabau. 4 Ìh
 rahnit bài gwiang xi brai nget roc haqmai da
 blah kân ma baxêm, èh hadai broq qmang aih
 ka bài blah kân ma hatia. 5 Broq padam jât toq
 gwiang ka blah kân ma baxêm, èh padam jât
 toq gwiang ka blah ma pulùch da blah kân ma
 atiq; èh bài gwiang ta baiq blah kân kô ep oe
 tangèa ka dabau. 6 Hanoh broq padam jât toq
 glêh xi wang, khoe aih gwac enh blah kô trùh
 ta blah tau, ðoeq hnim ranòh kùh waiq ðô jah
 tajip loh mœq. 7 Ìh hadai jip mœq jât mœq
 toq bai prinh xi xac bubi, ðoeq broq ngœ po
 enh qnhêq ka hnim ranòh kùh waiq ðô. 8 Mœq
 blah yôh piq jât hagat, dang gat pôn hagat, rìm
 blah ep mœq maneh ka dabau. 9 Ìh jip ðoeq
 crài padam blah kô, èh tadrâu bla tau hanoh
 ðoeq crài; mahaq ep cajùh broq baiq blah ma
 tadrâu oe enh ngœa hnim ranòh kùh waiq ðô.
 10 Broq padam jât toq gwiang roc nœ haqmai
 da blah kân ma baxêm trùh ta nœ lùch da haq,
 èh padam jât toq tanœ haqmai da blah kân ma
 atiq; 11 Hanoh broq padam jât toq glêh xi ðùng,
 gwac qmùt ta gwiang, ðoeq tadùng baiq blah kô
 loh mœq. 12 Mahaq ma oe rah, aih la moeq qne
 da blah ma po, aih caqnaih haq cadrai loh enh
 rù ka hnim ranòh. 13 Dang yôh ma oe i rah enh
 bài blah ma po, enh kô moeq hagat, enh tau
 moeq hagat, aih èh caqnaih cadrai tù baiq bè
 hnim ranòh kùh waiq. 14 Ìh yôc moeq lœp akia
 trùu calô nhum gòh ðoeq tù enh qnhêq kùu po
 hnim ranòh kùh waiq, èh jip lœp akia habuât tù
 tam enh qnhêq hòm. 15 Ìh hanoh ep broq panât
 hnim ranòh kùh waiq xi long ban sitim. 16 Rìm
 capiac dang yôh mœq jât hagat, dagat moeq
 hagat qne, 17 i baiq toq calêh tacap dabau; ðiq
 ðông bài long ban panât hnim ranòh kùh waiq

ih diq broq qmang aih. **18** Enh pah qma da hnim ranòh kùh waiq dò, ih ep broq baiq jàt capiac long ban. **19** Enh qneq ka baiq jàt capiac long ban ep broq pôn jàt toq jo xi bac; hi baiq toq jo enh qneq hu òdeq tacap ka baiq toq caloeh da rìm capiac long ban. **20** Èh hadai ep broq baiq jàt toq capiac long ban enh bè qngeo da hnim ranòh kùh waiq dò **21** xam pôn jàt toq jo xi bac, enh qneq rìm capiac long ban diq i baiq toq jo. **22** Ìh hadai broq tadrâu toq long ban enh bè rù da hnim kùh waiq dò, aih la bè mahi clih. **23** Ajang baiq toq mùm enh rù hnim kùh waiq dò, ep broq baiq capiac long ban, **24** hatin ka dabau dabau enh qneq trùh taqnheq xi moeq toq gwiang oe jang gàu; baiq toq mùm diq broq qmang aih. **25** Aih èh, i rahem capiac long ban xam mòeq jàt tadrâu toq jo xi bac; enh qneq ka rìm capiac long ban diq i baiq toq jo. **26** Èh hòm, ih ep broq padam toq pang xi long sitim ka bài capiac long ban pah kô, **27** padam toq pang ka pah tau xam padam toq pang qnoeq hòm ka enh rù da hnim kùh waiq dò, aih la bè mat mahi clih. **28** Long pang ma taqne èh jah oe qne chac bài long ban, hloe enh haqmai kô trùh haqmai tau. **29** Hadai yóc wang lom bài capiac long ban xam bài pang, èh broq bài gwiang xi wang òdeq trôp bài long pang. **30** Ìh ep dèch paqnàng hnim kùh waiq dò troq tiaq dua ma khoe patô am ka ìh tabui wang. **31** Ìh hadai atênh mòeq blah bai prình xi brai nget, brai gòh ngùi, brai gòh yrùng xam caxi brai lan ma habuàt, i thèu ma geo bài qmù chérubim. **32** Khoe aih atua bai prình aih enh qnhèq ka pôn toq long jrang broq xi long sitim, glom wang, paqnàng enh qnhèq pôn toq jo, bài glèh long jrang diq broq xi wang. **33** Ìh atua bai prình aih tabài glèh, khoe aih enh dalam ka bai prình òdeq hom tajao; bai kô òdeq broq hagan ka pì nòe hadròeh xam nòe diq jaq hadròeh. **34** Khoe aih, dèch calàp baxon yiniq lui enh crông hom tajao, òdeq tanòe diq jaq hadròeh. **35** Enh gùng ka bai prình, oe bè qngeo ka hnim ranòh kùh waiq dò roh òdeq mòeq toq cabông; jo òen aih òdeq apah qma tangèa jang ka cabông. **36** Qmang da haq ìh yóc mòeq blah bai prình atênh xi brai nget, gòh ngùi, gòh yrùng, brai lan habuàt, i thèu qmòe calem, **37** khoe aih broq ka bai prình kô padam toq jrang xi long sitim, glom wang; glèh da haq hanoh xi wang, èh broq padam toq jo jrang xi òdeq.

27 Ìh hadai broq mòeq toq prang tadreo xi long sitim, hìn buàng, padam hagat dang yôh, padam hagat dang gat, dang haqnheq piq hagat. **2** Ajang pôn toq mùm prang tadreo broq haki ngèa loh tagùng rai glom òdeq. **3** Bài dahwèq khop khip da prang tadreo aih broq xi òdeq; abôq tah loc, canoch, padri diac, grao xóc jam, xam dòt tah ngia ùnh diq broq xi òdeq. **4** Broq ka prang tadreo mòeq toq liap haqnac ngia ùnh xi taliac òdeq; roc nòe mùm haq broq pôn toq gwiang xi òdeq; **5** Khoe aih òdeq liap aih enh qneq ka haqmai da pang tadreo, taqne lò bè haqnheq da prang tadreo. **6** Hanoh raxoh long tanòng tòng prang tadreo xi long sitim, lom òdeq. **7** Khoe èh trôp qmùt ta gwiang, jò tòng lam, tanòng aih ep oe baiq bè prang tadreo. **8** Prang tadreo ep broq xi long ban, enh dalam rahuàng, broq wop qmang ka au khoe patô ka ìh ta bui wang. **9** Ìh ep broq baiq toq hamlang ka hnim kùh waiq dò. Enh qma ka hamlang i prình xi bai lan ma habuàt, dang yôh mòeq hrinh hagat, **10** xam baiq jàt toq jrang xam baiq jàt toq jo jrang xi òdeq èh glèh xam long tanang haq aih broq xi bac. **11** Enh pah qngeo hanoh qmang aih; prình xi bai dang yôh mòeq hrinh hagat, baiq jàt toq jrang xam jo jrang xi òdeq; glèh xam long tanang haq broq xi bac. **12** Roc ti haqmai da hamlang enh bè mat mahi clih ep i mòeq blah bai prình yôh padam jàt hagat, mòeq jàt toq jrang xam mòeq jàt toq jo jrang. **13** Dang gat da hamlang enh ngèa, aih la bè mat mahi tóc, i moeq blah bai prình yôh padam jàt hagat. **14** Enh qma i bai prình yôh mòeq jàt padam hagat, piq toq jrang xam piq toq jo jrang. **15** Enh bè qngeo i bai prình yôh mòeq jàt padam hagat, piq toq jrang xam piq toq jo jrang. **16** Qmang da hamlang i mòeq blah bai prình yôh baiq jàt hagat broq xi bai lan habuàt, atênh enh brai nget, gòh ngùi, gòh yrùng, i thèu, xam pôn toq jrang xam pôn toq jo jrang. **17** Diq òdeq bài jrang dudanah ka hamlang jah tadùng ka dabau xi long tanang bac; glèh jrang aih broq xi bac, jo jrang aih xi òdeq. **18** Dang yôh da hamlang yôh jah mòeq hrinh hagat, dang gat, rìm bè, padam jàt hagat, dang haqnheq padam hagat; bai prình broq xi bai lan ma habuàt, jo jrang aih broq xi òdeq. **19** Diq òdeq bài dahwèq padon òdeq ka biac kùh waiq ta hnim kùh waiq dò, xam long tanàp da hnim kùh waiq dò hloe xam long tanàp da hamlang, diq broq xi òdeq. **20** Thê mangai Isorali aràng

ka ìh dầu ôliu ma lem, ðòeq bùh ðòq ðen jah qngah hloe hloe. **21** Tanðe traiq taglâm, enh gùng ka bai prình, enh ngèa ka hom tajao, Arôn xam wì kon calô haq ep padon ðòq enh ngèa Chuaq Jêhowa ðen jah cheo qngah hloe hloe enh dixèq trùh ðisroq. Aih raq ranenh moeq ðòe am ka mangai Isorali ep wèq.

28 Taqne mangai Isorali, ìh ràih yôc Arôn, ðaq ìh, xam bài kon calô haq, aih la Nadap, Abihu, Êlê-asa, xam Ythama, ðèch wì aih broq pajàu enh ngèa au. **2** Ìh ep broq eo cwàn hadròeh ka Arôn, ðaq ìh, waq ka haq jah ranhòm. **3** Doe ka bài mangai ma loq abroq, aih la mangai au ma khoe am ka wì haq kan rabiaq, hu broq eo cwàn ka Arôn, lah haq ðòeq crài hu broq pajàu patìh enh ngèa au. **4** Kô èh ngè wì haq ma hubroq: Capiac bac rada, êphot, eo yôh enh gùng; atênh eo hlaq enh dalam, mù kàt gàu èh hloe xam caxi caqnam. Aih èh wì hibroq eo hadròeh ka Arôn, ðaq ìh, xam bài kon calô haq, ðòeq wì aih broq pajàu enh ngèa au. **5** Wì ep yôc brai hnhuc hnhac tiaq ka wang, brai nget, gòh ngùi, gòh yrùng, xam bai lan ma habuàt. **6** Wì broq êphot xi wang, brai nget, gòh ngùi, gòh grùng, xam bai lan atênh ma geo. **7** Baiq bè êphot broq baiq hadrang caxi atan plêh hatop ka baiq toq mùm, ðòeq jah kàt rahnit. **8** Atan ðòeq kàt êphot enh gùng, ep broq ma geo hanoh yôc wang, brai nget, brai gòh ngùi, gòh yrùng xam brai lan habuàt. **9** Ìh yôc baiq capiac ngòc mainao hu achìh yiniq bài kon calô da Isorali ta-aih: **10** Tadràu yiniq jang pliang ngòc kô, tadràu yiniq jang pliang ngòc tau, taboe troq tiaq ðèh hì ha-uang da wì haq. **11** Ep pùng achìh bài yiniq da kon calô Isorali ta baiq pliang ngòc aih, tiaq dua ka mangai thòq jò wì haq pùng ngè pateo, èh tah ta khuàn wang. **12** Khoe aih qmùt baiq pliang ngòc aih ta baiq nòe atan jang plêh êphot, ðòeq broq ngòc bahmàng trùh kon xau Isorali; Arôn hì bac wê yiniq wì haq jang baiq toq plêh ràdeh ðòeq broq bahmàng enh ngèa Chuaq Jêhowa. **13** Ìh hadai ep broq bài khuàn xi wang, **14** ðènh baiq hadrang caxi wang qyoh troeq caxi nùng, khoe aih taqmac baiq hadrang caxi aih ta khuàn wang. **15** Capiac bac jang rada aih ðòeq paqnoh biac hadrah khoe jah ði, ìh hanoh ep broq ðiq jaq geo, qmang ka êphot; aih la xi brai hnhuc hnhac, brai nget, gòh ngùi, gòh yrùng xam caxi brai lan habuàt. **16** Capiac kô broq haq hìn

buàng, dang yôh moeq hada, dagat mòeq hada, ep jìp racop baiq lóp. **17** Ta capiac bac rada kô ìh ep pacap qmùt pôn brong ngòc: brong baxèm qmùt moeq pliang ngòc mainao, ngòc rubi, ngòc nget **18** brong baiq, moeq pliang ngòc hliang, ngòc saphia xam ngòc kim kuàng; **19** brong piq, ngòc gòh, ngòc mainao taboc, ngòc hmo ramông gam. **20** brong pôn ngòc, ngòc mainao gòh drinh, xam ngòc nget hla, Bài ngòc aih pacap qmùt ta khuàn wang **21** Bài ngòc aih ðiq ðong la mòeq jàt baiq pliang, mac tiaq yiniq bài kon calô da Isorali; ta mòeq pliang ngòc i pùng achìh yiniq moeq ta mòeq jàt baiq xinoe Isorali; qmang ka wì pùng ngè achìh pateo. **22** Ìh ep yôc wang lem broq bài caxi ðènh troeq wì ma ðènh caxi nùng ka capiac bac rada; **23** broq ka haq baiq toq rawiang wang èh kàt ajang baiq toq mùm da capiac bac rada **24** kàt baiq hadrang caxi wang ta baiq toq rawiang wang ajang baiq toq mùm capiac bac rada, **25** èh gàu bè tau da baiq hadrang caxi wang gwac jang khuàn wang, khoe aih haqmac ta baiq toq atan plêh êphot oe enh ngèa rada. **26** Ìh hadai broq tam baiq toq rawiang wang hòh, ðòeq jang baiq toq mùm enh qneq da capiac bac rada, oe enh dalam êphot. **27** Broq tam baiq toq rawiang wang qnoeq hòh, qmùt ta baiq gàu enh qneq ka atan plêh bè ngèa êphot, gít ti haqmai da caxi caqnam êphot. **28** Khoe èh moeq hadrang caxi nget ðòeq kàt baiq toq rawiang da capiac rada xam baiq toq rawiang da êphot, waq ka capiac rada xam êphot ùh hiaq talaq ka dabau. **29** Aih èh, jò leq Arôn mùt tanðe hadròeh, hì bac wê tacliac ràdeh yiniq bài kon calô Isorali ajang capiac bac rada da biac hadrah, ðòeq broq kan bahmàng hlài enh ngèa ka Chuaq Jêhowa. **30** Ta capiac bac rada da biac hadrah, ìh pacap qmùt urim xam thumim, ðòeq jò Arôn trùh enh ngèa Chuaq Jêhowa bài ngè aih jah oe tacliac haq. Qmang aih, eh ngèa Chuaq Jêhowa, Arôn jah wê kan hadrah da kon calô Isorali hloe hloe. **31** Ìh hadai jìp moeq blah eo yôh ðòeq sráp enh gùng ka êphot ðiq xi brai nget. **32** Taqne eo i moeq toq trom ðòeq qmùt gàu, ep atênh gap dudan ka trom kô ðòeq haq ùh hiaq tapah. **33** Jang haqmai qneq broq moeq toq plì liuq nget, gòh yrùng, gòh ngùi, xam moeq toq clineh ninh qyoh xi wang tênh ðasràc ka dabau roc rawiang ti haqmai, **34** aih la mòeq toq clineh ninh èh hì trùh moeq toq plì liuq, oe tap ka hamai eo. **35** Jò Arôn patih trong ramènh, èh haq hì sráp eo

aih; èh jò haq mùt loh nòe hadròeh enh nèa Chuaq Jêhowa, wì jah tàng atêh clineh ninh qyoh xi wang, qmang aih èh loq Arôn ùh hìaq cachit. 36 Ìh hanoh ep broq moeq capiac chèang lèang xi wang lem, ta aih pùng achìh qmang ka wì pùng achìh ngè òeq pateo: Hadròeh ka Chuaq Jêhowa 37 Khoe èh yòc moeq hadrang caxi nget kàt chèang lèang aih oe enh nèa ka calòp. 38 Chèang lèang aih hi oe hloe hloe ajang ngòng Arôn, òeq mangai Isorali jah lem manoh ka Chuaq Jêhowa. 39 Ìh broq moeq blah eo hlaq caxùnh enh dalam xi bai lan habuàt, moeq toq calòp xi bai lan habuàt rai atêh moeq hadrang xi caqnam. 40 Ìh hanoh broq eo yòh, mù kàt gàu xam caxi qnam ka bài kon calò Arôn, òeq wì haq jah kan nhòm ta dahwèq anì atàc. 41 Jò kon khoe caxùnh eo cwàn ramènh aih ka Arôn, daq ìh, xam bài kon calò haq; kon xùt dàu rai dèch wì haq òeq wì haq broq pajàu patìh enh nèa au. 42 Ep broq ka wì haq cwàn atàc enh dalam xi bai lan, òeq ùh hìaq hnoq kan rahòng, atàc pang caqnam trùh poeh. 43 Arôn xam bài kon calò haq hi atàc cwàn aih jò mùt ta traiq taglám qnì thia haten ka prang òeq patìh dèch ramènh tanòe hadròeh, aih èh ùh hìaq pòq yiniq lui èh ùh hìaq cachit. Aih la ranenh moeq òe ka Arôn xam xinoe haq.

29 Kò bài biac ìh broq hulah òeq crài Arôn xam bài kon calò haq jah hadròeh, òeq wì haq broq pajàu dèch ramènh enh nèa au. 2 Ep rùp mòeq toq òo calò bu hadròng xam baiq toq trùu calò ùh i ka habau xit, yòc dàc qmau mì ma habuàt broq bènìh ùh i tah blo, bènìh qyoh ùh i tah blo wàt xi dàu, xam bènìh ratang tàm dàu ùh i tah blo; 3 èh òeq bài bènìh aih ta moeq toq talènh dèch pajùm ka òo calò hadròng aih xam baiq toq trùu calò. 4 Khoe aih ìh thê Arôn xam bài kon haq trùh haten ka qmang traiq taglám, khoe èh yòc diac dahùm wì haq. 5 Tia aih, yòc eo ramènh caxùnh am ka Arôn, aih la eo hlaq caxùnh enh dalam, eo yòh da èphot, xam capiac bac rada, khoe èh yòc xi atan da èphot ma khoe atêh ka lem kàt da haq caqnam. 6 khoe yòc calòp pacui da haq tagàu rai òeq chèang lèang hadròeh ta calòp. 7 Yòc dàu xùt ùc tagàu rai xùt ka haq. 8 Thê bài kon Arôn lam haten hu caxùnh eo yòh ka wì haq, 9 èh yòc xi atan caqnam kàt rai pacui calòp ka Arôn xam wì kon calò haq. Aih èh, biac dèch ramnènh hi da wì haq tiaq ranenh

moeq òe am ka wì haq. Ìh dèch patòc Arôn xam bài kon calò haq qmang aih. 10 Khoe ka aih, hi dùi aràng òo calò hadròng trùh ten ka qmang traiq taglám, Arôn xam bài kon haq hi roh deh tì tagàu òo aih. 11 Ìh hi pàc òo calò aih enh nèa Chuaq Jêhowa, jang trong qmang traiq taglám; 12 khoe èh yòc mahim òo aih, tàm qmùt hadrang tì, xùt roc aki da prang tadreo, rai pùc jàp roc jo prang tadreo. 13 Hadai yòc òeq bòi bòi cliac, yòc praiq lom clèm, baiq toq plì cròng xam bòi ta plì cròng, aràng bùi ta prang tadreo. 14 Mahaq enh gùng traiq lình ep bùi òeq xech akia, xam ic da òo calò aih; aih raq ramènh baxon yiniq lui. 15 Ìh hanoh rùp mòeq ta baiq toq trùu calò, Arôn xam bài kon calò haq hi yòc deh tì òeq tagàu trùu; 16 khoe hi pàc trùu calò aih, yòc mahim pùc dudan jàp ka prang tadreo. 17 Tia aih xah trùu loh tang haqnech, qnheo ma hreo cliac xam jo, khoe aih òeq enh qnhèq ka bài haqnech jam khoe xah xam gàu haq; 18 khoe hi bùi òeq ka trùu calò aih ta prang tadreo, aih raq ramènh bùi i kan xua thùm dèch ka Chuaq Jêhowa, aih la ramènh dèch xi ùnh am ka Chuaq Jêhowa. 19 Khoe èh ìh hi rùp trùu ma atiq, Arôn xam bài kon calò haq hi dèch deh tì òeq tagàu trùu aih; 20 khoe ìh hi pàc trùu aih, yòc mahim xùt jang hla don pah qma da Arôn xam bài kon calò haq, ta hadrang kan tì pah qma xam ta hadrang kan jènìh pah qma; mahim ma oe rah ep ùc dudan ta prang tadreo. 21 Ìh ep yòc mahim taprang tadreo òeq xùt rai da-arat tachac xam eo cwàn Arôn xam tachac bài kon calò haq. Qmang aih, Arôn xam eo cwàn raðeh, bài kon calò haq xam eo cwàn jah lah òeq crài ka hadròeh. 22 Taiq trùu calò aih òeq broq ramènh hulah òeq crài mangai pajàu ka au dài ìh majah ep yòc bòi, tènìh, bòi cliac, praiq clèm, baiq toq plì cròng, xam bòi plì cròng xam cataih pah qma, 23 èh yòc hloe moeq toq bènìh mì, mòeq toq bènìh nhim i dàu, xam moeq toq bènìh calep oe ta talènh bènìh ùh wàt blo òeq enh nèa ka Chuaq Jêhowa; 24 khoe aih, ìh yòc bài ngè aih òeq ta tì Arôn, xam tì bài kon calò haq, òeq hnhè lam hnhè hlài enh nèa Chuaq Jêhowa. 25 Hi khoe, ep doeh enh tì wì haq aràng bùi taprang tadreo, xam ramènh bùi, òeq i kan xua thùm enh nèa Chuaq Jêhowa; aih raq ramènh yòc ùnh hu dèch am ka Chuaq Jêhowa. 26 Hanoh ep yòc canòh da trùu calò òeq broq ramènh padèch Arôn broq pajàu òeq hnhu lam hnhu hlài enh

ngèa Chuaq Jêhowa. Canòh aih èh phàn da ìh. 27 Qmang aih, ìh hi lah òdeq crài canòh xam cataih da trùu calô ma khoe yôc òdeq broq ramènñ padèh atôc Arôn xam wì kon calô haq, aih la canòh ma khoe nhnu lam nhnu hlài, xam cataih ma khoe dèch. 28 Dahwèq ramènñ kô loh enh nòe mangai Isorali dèch èh jah axong am ka Arôn xam bài kon calô haq tiaq ranenñ khoe paqnoh mòeq dòe, phàn kô enh mangai Isorali tagop jò wì haq dèch ramènñ waiq kan catèm ka Chuaq Jêhowa. 29 Bài eo hadròeh da Arôn jah òdeq hlài dèh ka bài kon calô ma haqmot tiaq atiq ka haq, òdeq wì caxùnh eo aih, jah xùt dầu rai padèch broq pajàu, 30 Taqne bài kon calô haq mangai ma leq jah broq pajàu hatia haq, jò mùt traiq taglãm òdeq patìh tanòe hadròeh, ep caxùnh eo aih ta tapèh hì 31 Khoe aih, ìh ep rùp moeq toq trùu calô khoe taqmroq ka biac padèch atôc pajàu èh pai jam aih tanòe hadròeh. 32 Arôn xam bài kon calô haq hi acaq jam trùu calô aih, xam bènñ ta talènh jang trong qmang da traiq taglãm. 33 Qmang aih, wì haq ep acaq bài ngè khoe jah dèch kô, aih èh hujah baxon da wì haq yiniq lui, òdeq padèch atôc wì haq broq pajàu; mahaq mangai qnoeq ùh khòh acaq, majah qmang aih bài dahwèq aih khoe jah baphàn òdeq hadòeh. 34 Tàng jam ramènñ xam bènñ loq oe rah trùh sroq èh, ìh ep bùh ta-ùnh, ùh dùh kaq, majah qmang aih bài ngè kô khoe jah baphàn òdeq hadròeh 35 Qmang aih, tiaq rìm yiniq au khoe tanap thê, ìh ep broq ka Arôn xam bài kon calô haq, ramènñ padèch atôc wì haq ep broq ta tapèh hì. 36 Rìm hì dèch mòeq toq òo calô bu hadròng òdeq broq ramènñ baxon yiniq lui, rai dèch ka prang tadreo mòeq ramènñ baxon yiniq lui rai xùt dầu dòq prang tadreo jah basròeh. 37 Ta tapèh hì ìh ep broq ramènñ baxon yiniq lui ka prang tadreo rai dèch haq am ka Chuaq Jêhowa; prang aih èh jah òiq jaq hadròeh, waq toq i cleq ma troq ta-aih òiq jah wìh wìa hadròeh. 38 Kô bài ngè ìh ma dèch taprang aih: Baiq toq trùu bu moeq hanam, rìm hì òiq qmang aih. 39 ìh ep dèch mòeq toq jò disroq, mòeq toq matau aih jò dixèq dra drit. 40 Kon trùu ma adroe, ep dèch mòeq phàn mòeq jàt êpha dác qmau mì ma habuàt jràu xam moeq phàn pòn hìn dầu padit enh pìl ôliu, xam mòeq phàn pòn alac nò òdeq broq ramènñ diac lóc. 41 Da kon trùu ma atiq ep dèch jò dixèq dra drit xam ramènñ diac lóc wop qmang ka ramènñ disroq; aih la moeq ramènñ

bùh, i kan xua thùm dèch am ka Chuaq Jêhowa. 42 Aih la mòeq ramènñ bùh pì ep dèch yôt, enh qnhòng kô trùh qnhòng tau, jang trong qmang traiq taglãm enh ngèa Chuaq Jêhowa, aih la nòe au loh òdeq capoch ti pì. 43 Aih èh, jang aih au hanoh taglãm ka mangai Isorali; kan ranhòm au hi broq ka traiq kô jah hadròeh. 44 Au lah òdeq traiq taglãm xam prang tadreo jah hadròeh; hanoh lah òdeq crài Aron xam bài kon calô haq, òdeq wì broq mangai pajàu enh ngèa au. 45 Au hi oe taqne mangai Isorali, broq Boc Plinh da wì haq. 46 Wì haq hi jah loq au kô raq Jêhowa Boc Plinh da wì haq, khoe qnoh wì haq loh khoe ka gùng Êdip òdeq hu oe taqne wì haq. Au kô raq Jêhowa Boc Plinh da wì haq.

30 ìh hadai broq mòeq toq prang tadreo xi long sitim, òdeq bùh gahnàu. 2 Mat prang aih broq buàng, dang yôh mòeq hagat, dagat mòeq hagat, dang yàng baiq hagat, i pòn toq aki loh bè gùng. 3 ìh ep yôc wang lem òdeq lom prang aih, enh cròng haq, pòn bè pinh èh xam bài haki; ìh ep broq mòeq trong grôi xi wang dudan tap ka prang aih. 4 Enh qneq ka trong grôi aih, ajang baiq bè, broq baiq toq rawiang wang, òdeq tròp tanòng hu tông. 5 Ep raxoh long tanòng tông xi sitim, lom wang. 6 ìh ep òdeq prang aih enh ngèa ka bai prình hom tajao. Tangèa ka caláp baxon yiniq lui enh cròng hom, aih raq nòe au glãm ìh 7 Rìm sroq Arôn ep bùh gahnàu taprang aih, jò haq ti wèq ngan bài đen. 8 Dixèq ten clam, jò Arôn bùh đen, haq hanoh ep bùh gahnàu, aih raq kan xua thùm ep bùh yôt enh ngèa Chuaq Jêhowa, enh qnhòng kô trùh qnhòng tau. 9 Taprang kô ùh jah bùh kan xua thùm qnoeq, ùh meh dèch ramènñ bùh ramènñ diac lóc ta-aih. 10 Moeq hanam mòeq yàng, Arôn ep broq ramènñ baxon yiniq lui nòe haki prang tadreo kô. Ramènñ baxon yiniq lui rìm hanam kô ep broq xi mahim da ngè tadreo baxon yiniq lui am ka rìm qnhòng ma padon trùh ta atiq kô èh. Aih la biac òiq jaq hadròeh ka Chuaq Jêhowa. 11 Chuaq Jêhowa doe ka Môise qmang kô: 12 Jò ìh rèn òdeq ngan hlài sôq mangai Isorali, rìm ngai ep dèch am ka Chuaq Jêhowa bac baxon radèh, aih dòq kan jìq dài ùh plòh loh jò kon arèn sôq wì haq. 13 Một siéc-lơ bạc giá chừng ba quan tiền Lang-sa, một ghê-ra giá chừng một tiền rưởi Mangai leq i yiniq ta sôh haq ep am qne siac lo, tiaq siac lo da nòe hadròeh, moeq siac lo aih trap baiq

jàt gêra; qmang aih qne siac lo, aih la dèch ka Chuaq Jêhowa. **14** Rìm ngai i yiniq ta sôh pang baiq jàt hanam dang tồc điq ep dèch ramèn h kô ka Chuaq Jêhowa. **15** Jò dèch ramèn h kô ka Chuaq Jêhowa òòeq baxon deh kan rih, mangai kan ùh jah am yeo bacc ka qne siac lo, mangai pa ùh jah am yeo biaq ka qne siac lo. **16** Qmang aih, ìh yôc bacc baxon deh kan rih da mangai Isorali hu òòeq patih biac tanòe traiq taglâm. Aih la biac bahmàng da mangai Isorali enh ngèa Chuaq Jêhowa, òòeq baxon deh kan rih. **17** Khoe aih Chuaq Jêhowa doe hòmm ka Môise qmang kô: **18** Ìh broq moeq toq thùng xam jèn h thùng điq xi òùng, òòeq hu qnheo ta aih, khoe aih òòeq ta adreo traiq taglâm xam prang tadreo, rai ùc diac ta aih. **19** Arôn xam wì kon haq hi qnheo deh tì xam jèn h xi diac enh aih. **20** Jò leq mùt ta traiq taglâm wì haq hi yôc diac òòeq qnheo ràdeh, òòq wì haq ùh hiaq cachit; èh jò thia ten prang tadreo òòeq patih, aih la dèch ramèn h bùh ka Chuaq Jêhowa hadai qmang aih. **21** Qmang aih, wì haq ep qnheo deh tì xam jèn h aih èh wì haq ùh cachit. Aih raq ranenh mòeq òòe moeq tui ka Arôn xam xinoe haq enh qnhòng kô trùh qnhòng tau. **22** Chuaq Jêhowa doe hòmm ka Môise: **23** Yôc bài ngè xua thùm ma lem điq jaq: diac jan xua thùm padam hrinh siac lo; baiq hrinh qne siac lo cwèq xua thùm, baiq hrinh qne siac lo cachiq phùc. **24** Caqmoc cwèq padam hrinh siac lo, điq tiaq maneh siac lo da nòe hadròeh, xam moeq hin dàu òliu. **25** Ìh yôc bài ngè xua thùm aih èh broq tiaq dua broq dàu thùm, broq loh moeq yiniq dàu xua thùm òòeq broq dàu xùt hadròeh. **26** Khoe aih, xùt ka traiq taglâm xam hom tajao, **27** Prang tadreo xam bài ngè khop khìp, jèn h òen xam bài ngè khop khìp, prang bùh kan xua thùm. **28** Prang tadreo ramèn h bùh xam bài ngè khop khìp, thùng xam jèn h thùng. **29** Qmang aih ìh ep don òòeq crài bài ngè kô ka hadròeh, òòeq jah broq điq jaq hadròeh, waq toq i cleq troq ta aih điq jah hadròeh. **30** Ìh hadai xùt dàu ka Arôn xam wì kon da haq, lah òòeq wì haq crài da au, òòq wì haq broq pajàu patih enh ngèa au. **31** Doe ka mangai Isorali: Kô raq dàu xùt hadròeh khoe jah don lah òòeq crài ka Chuaq Jêhowa hloe tarim qnhòng atiq pì. **32** Ùh khòh ùc ta xech akia kon mangai, hanoh ùh khòh broq dàu leq tiaq dua dàu aih, dàu kô la dàu hadròeh, hadai hadròeh am ka pì. **33** Waq toq cabô broq dàu qnoeq tiaq ka dàu kô, èh ùc

dàu kô ta chac mangai ùh xài pajàu, mangai aih ep hnan qnoh òac khoe ka mangai Isorali. **34** Chuaq Jêhowa doe hòmm ka Môise: Ep yôc tabài ngè xua thùm, aih la jan xua thùm, tô hìp huàng, phong chi huàng, gahnàu, rìm yiniq ep taq atiq ka dabau. **35** Tiaq dua ma broq ngè xua thùm broq loh gahnàu xua thùm, nhim boh, lem, hliang, hadròeh. **36** Ep ken padit òòq haq loh dacc habuàt, khoe èh òòeq enh ngèa hom tajao ta traiq taglâm, aih la nòe au glàm ìh: pì kon ep ngan haq điq jaq hadròeh ka au. **37** Èh ngè xua thùm pì ma broq ka ràdeh hu waq, pì ùh jah broq tiaq dua ma kô, aih la ngè ìh ep don òòeq crài hadròeh ka Chuaq Jêhowa. **38** Waq toq cabô broq tiaq dua kô òòeq hìp ka xua thùm, ep qnoh òac khoe ka Isorali.

31 Chuaq Jêhowa doe tam ka Môise: **2** Ngan kô, au khoe creò yiniq Bèsalê-ên, kon calô da Uri, xau da Huro, ta xinoe da Juda. **3** Au khoe ùc bình ka haq Yiang da Boc Plinh, kan rabiaq, kan hacat bai, kan loq òòeq tì haq rabiaq ka broq bacc yiniq. **4** Òòeq broq loh bài dua lem rai broq bài ngè xi wang xi bacc xam xi òùng. **5** Òòeq tì pùng achìh rai pacap qmùt ngóc, trah long rai broq rìm trong da mangai thòq. **6** Kô, au am tam moeq ngai òòeq wiang patih broq, yiniq haq Ôhôli-ap kon calô da Ôhôsa-móc, ta xinoe Đan. Au hadai khoe am ka haq kan hacat bai trong leq dua loq, òòeq wì haq broq bài trong au khoe tanap ka ìh. **7** Aih la traiq taglâm; hom tajao, calàp baxon yiniq lui enh cròng hom, xam bài ranac ta traiq taglâm; **8** prang tadreo xam bài ngè khop khìp, jo òen wang xam ngè khop khìp, prang bùh ngè xua thùm, **9** prang dèch ramèn h bùh xam bài ngè khop khìp, thùng kàn xam jèn h thùng; **10** eo ramèn h, eo hadròeh ka Arôn pajàu kàn, xam bài eo ka wì kon haq, ma khoe jah lah òòeq crài ka au òòeq wì haq broq pajàu patih ka au. **11** Dàu xùt, dàu thùm da nòeh hadròeh. Wì aih ep broq điq òòq tiaq bàu au khoe tanap thê ìh. **12** Chuaq Jêhowa doe hòmm ka Môise: **13** Anoe ka mangai Isorali, pì ep wèq hì sabat au, majah qmang aih aih raq teo hadro taqne au xam pì, trùh rìm qnhòng, òòeq phù cròng loq au kô raq Chuaq Jêhowa, broq ka pì wìh wìa hadròeh. **14** Qmang aih, ep wèq hì sabat, majah qmang aih aih la hì hadròeh am ka pì. Cabô broq amùa ka hì aih ep jêh òac ka cachit; cabô abroq cleq ta hì aih, hadai ep hnan qnoh khoe ka mangai Isorali.

15 Wì abroq achap ta tadrâu hì, mahaq trùh hì tapèh aih la hì sàbat, aih la hì padài, khoe lah òòeq hadròeh da Chuaq Jêhowa. Hì aih waq toq cabô abroq moeq yiniq cleq òiq ep jêh ðac ka cachit. 16 Aih êh, mangai Isorali ep wêq hì sàbat rìm qnhòng da wì haq, qmang ka moeq tajao mòeq òòe. 17 Aih la moeq teo moeq òòe ka au xam mangai Isorali, majah qmang aih Chuaq Jêhowa khoe broq loh tróc xam taneh ta tadrâu hì, yàng êh trùh hì tapèh haq padài jah lem bùi prau prình. 18 Jò Chuaq Jêhowa khoe gêh ka anoe ka Môise tawang Sina-i, hì am ka haq baiq capiac hmo panhìn, achìh xi hadrang ti Boc Plình.

32 Mangai Isorali hnoq Môise xòe loh enh wang, wì tagop dabau dudan ka Arôn rai doe: Beq! Drah broq bài kiac òòeq lam adroe ka nhèn, majah qmang aih da Môise kô, mangai ma khoe qnoh nhèn loh khoe ka gùng Êdip, nhèn ùh qnì i yiniq cleq khoe trùh ka haq. 2 Arôn têu bàu: Doeh yóc bài hatai wang halóng roc don mai, kon calô xam kon cadri pì beq, khoe aih aràng ka au tacô. 3 Òiq ka wì doeh òòeq deh hatai wang enh don raðeh hu aràng ka Arôn; 4 haq yóc enh tì wì, yóc bài ranac broq loh moeq toq kon òo. Wì doe: Òiq ka mangai Isorli! Kô bài kiac da pì ma khoe qnoh pì loh khoe ka gùng Êdip. 5 Arôn hnoq qmang aih, hì broq moeq toq prang tadreo enh ngèa radua qmù òo aih; khoe aih haq capoch cadêh: Sroq êh la hì ramènh dèch ka Chuaq Jêhowa! 6 Sroq atiq mangai Isorali riu sroeh, dèch bài ramènh bùh xam ramènh waiq kan catêm; haqngui acaq ôq, khoe aih yòng òòeq racaih pagôq ti dabau. 7 Chuaq Jêhowa hì doe ka Môise: Drah loh beq, majah qmang aih bài wì ìh ma qnung loh khoe ka gùng Êdip khoe pì wìa cleq, 8 khoe rênh ka cadac trong au hnài thê, broq moeq toq kon òo xi wang, bla-op enh ngèa òo aih dèch ramènh ka haq rai doe: Òiq ka mangai Isorali! Kô bài kiac ma khoe qnoh pì loh khoe ka Êdip! 9 Chuaq Jêhowa hanoh doe ka Môise rameh: Au khoe ngan hnoq bài mangai kô, meh joq mòeq xinoe cadoq ranóng. 10 Manòeq kô, òòeq da au broq, òòeq kan nòeh au plôh loh ti wì haq, jêh ðac òòeq wì haq; mahaq au jah broq ka ìh wìa mòeq diac kàn. 11 Môise hì cali calo deh ka Chuaq Jêhowa Boc Plình ma khoe qnung loh enh gùng Êdip xi cwiang itai kàn kaiq xam tì kóng dèh padren. 12 Hagleq majah òòeq mangai Êdip doe:

Ìh qnoh wì haq loh khoe ka gùng òòeq broq ka wì kan habô, jêh ðac tawang, rai palúng ðac wì haq khoe ta cống taneh? Waiq Chuaq, rangep ka kan nòeh rai cadac kan ranac ìh ma padon tabroq ka mangai da ìh. 13 Waiq Chuaq hmàng hlài ka Apraham, Isac, Isorali, aih la bài hapóng ìh, ìh ma khoe patô qmòe cla raðeh òòeq hapah ka wì haq: Au broq ka xinoe pì jah bàc tiah ka halóng ta tróc, au am ka xinoe aih jah òòeq gùng au ma khoe anoe trùh kô, êh wì haq hì jah gùng aih broq kùng hang mòeq òòe. 14 Chuaq Jêhowa hì cadac kan ranac haq ma doe hu caqnih ka mangai da haq. 15 Khoe aih, Môise tawìh loh enh bui wang, tì haq wê baiq capiac panhìn i achìh baiq bè, enh kô xam enh tau. 16 Baiq capiac aih la biac da Boc Plình broq loh; chù aih hanoh chù da Boc Plình pùng achìh ta aih. 17 Jò Jôsuê tàng kan tagruàng enh bàu wì ta aih cachech, haq doe ka Môise: I bàu tajêh tablah ta traiq lình. 18 Môise padreo bàu: Ùh xài bàu cachech da mangai khoe blêq, hadai ùh xài bàu da mangai ma ùh blêq; mahaq au tàng bàu mangai calêu. 19 Jò trùh ten ka traiq lình, Môise hnoq i kon òo wang xam kan wì aplôh caðoeq, haq plôh nòeh, khwênh ðac baiq capiac panhìn enh tì haq, padah tajênh wang. 20 khoe aih haq yóc kon òo wì ma khoe broq aràng lam bùh ta ùnh, khoe êh tùq bahech wìa qmòe blo, rai ta riang diac, êh yóc am ka mangai Isorali ôq. 21 Môise doe ka Arôn qmang kô: Wì kô khoe broq ka ìh cleq, ìh majah baxrùq òòeq wì haq broq yiniq hlac hlai qmang kô? 22 Arôn padreo bàu: Craq au paq nòeh, ìh loq bài mangai kô toq broq trong dù! 23 Wì doe ka au qmang kô: Broq ka nhèn bài kiac lam adroe ka nhèn; majah qmang aih da Môise kô, mangai ma khoe qnoh nhèn loh khoe ka gùng Êdip, nhèn ùh loq i biac cleq trùh ka haq. 24 Au hì doe ka wì: cabô i wang drah lêh beq! Wì hì am ka au, au tah ta ùnh, enh aih ma hiloh kon òo kô. 25 Môise hnoq mangai Isorli khoe loh ka piwìa piwech, taiq Arôn khoe òòeq wì loh ka pì wìa, loh qmòe ka ep chiuq kan camaih xep taqne bài mangai ma git ka wì haq. 26 aih haq hì yòng nòe qmang traiq lình rai doe: Mangai leq da Chuaq Jêhowa, drah trùh ti au kô! Òiq òòeq ka mangai Lêwi thia haten ka haq. 27 Haq doe ka wì: Jêhowa, aih la Boc Plình da mangai Isorali, i doe qmang kô: Rìm ngai taqne pì drah teo chang jang caqnam, lam hlài ta traiq lình, enh qmang kô trùh qmang tau, mangai leq mangai

meh drah jêh đac deh oh daq, deh bua, xam mangai haten hatia ka rađeh. 28 Mangai Lêwi hi broq tiaq wop qmang ka bàu Môise; hì aih jah qnah ta piq muàn mangai cachit. 29 Môise doe ka mangai Lêwi: Hì kô oh daq khoe jah dèch đòeq hu patih ka Chuaq Jêhowa, majah qmang aih rìm ngai khoe ùh talùì tì kông enh ngèa deh kon calô xam oh daq cla, dài Chuaq Jêhowa jah am la pì xôq ramot hì kô. 30 Hì atiq Môise doe ka mangai Isorali rameh: Pì khoe broq loh yiniq lui đìq jaq kàn; mahaq manđeq au tồc ta Chuaq Jêhowa, broq braiq au loq jah baxon da pì yiniq lui qmòh. 31 Qmang aih, Môise wih tồc ta Chuaq Jêhowa rai doe: Wùì! Bài mangai kô i broq moeq yiniq lui kàn, broq ka rađeh bài kiac xi wang. 32 mahaq manđeq kô au cali calo ka Chuaq caqnaih da wì haq yiniq lui! Tàng ùh meh xùt đac yiniq au loh khoe ka hset ih ma khoe achih beq. 33 Chuaq Jêhowa doe ka Môise: Mangai leq loh yiniq lui ka au, au xùt đac yiniq haq loh khoe ka hset au. 34 Manđeq, drah lam, qnung mangai Isorali trùh nòe au ma khoe patô. Kô bình plình au lam adroe ka ih; mahaq trùh hì leq au phỏc aih èh au hi phỏc taiq yiniq lui wì haq. 35 Chuaq Jêhowa caqnih kan jìq dài ka wì haq majah qmang aih wì haq khoe broq loh radua kon ỏ wang, kon ỏ Arôn ma khoe broq.

33 Chuaq Jêhowa doe ka Môise rameh: Kô, ìh xam bài mangai ìh ma khoe qnung loh enh gùng Êdip drah lam enh kô tồc tagùng au ma khoe hapah đòeq têu am ka Apraham, Isac xam ka Jacôp, rameh: Au am gùng aih ka nang noe ìh. 2 I au thê moeq bình plình lam adroe ka ìh, rai hnan đac mangai Cana-an, mangai Amôrit, mangai Hêtit, mangai Phêrêsit, mangai Hêwit xam mangai Jêbusit 3 đòeq qmùt pì mùt tagùng clàng qmòe sùa xam diac xùt; mahaq au ùh tồc pajùm ti pì, majah qmang aih pì kô la mangai cadoq ranđng, yùq èh beq au loq jêh đac pì roc trong qnì 4 Jò mangai Isorali tàng bàu hacam qmang aih, đìq ka wì crò ta-oeh, pì i mangai leq bac ngè anì. 5 Majah qmang aih Chuaq Jêhowa khoe tanap ka Môise: Doe ka mangai Isorali: Pì kô mangai cadoq ranđng, tàng joq au tồc pajùm ti pì bu moeq rahyàc raq, au khoe jêh đac pì! Qmang aih manđeq kô, doeh đổng bài dahwèq anì tachac pì beq đòeq au đì trong leq hu tabroq ka pì. 6 Qmang aih, pang wang Hôrep, mangai Isorali khoe lèh

đổng deh bài dahwèq anì. 7 Môise yỏc moeq toq Traiq lam dèch paqnàng hangai ka traiq lình, haq creo aih la traiq taglâm, cabô enh waiq dang Chuaq Jêhowa, aih loh ta traiq taglâm oe enh gùng ka traiq lình. 8 Jò Môise loh trùh ta Traiq, aih rìm ngai đìq padinh yòng, mangai leq mangai meh yòng đeh hra ajang trong qmang traiq cla, ngan tiaq Môise trùh jò leq haq khoe mùt ta Traiq. 9 Jò Môise mùt ta aih, aih jrang yùc hì loh rai yòng jang qmang Traiq, èh Chuaq Jêhowa anoe ka Môise. 10 Jò wì hnoq jrang yùc yòng nòe trong qmang Traiq, aih đìq ka wì hì yòng, rai kùh waiq, đeh hra ajang trong qmang traiq cla. 11 Chuaq Jêhowa oe tangèa hatuàng ka Môise qmang ka mangai capoch tuàng dèh ka bua. Khoe aih, Môise wih hlài dèh ta traiq lình, mangai radam ma patih ka haq, yiniq mangai aih la Jôsuê, kon calô da Nun, ùh loh enh gùng ka traiq. 12 Môise doe ka Chuaq Jêhowa: Hácô, Chuaq doe ka au rameh: Drah qnung wì kô lam! Mahaq Chuaq qnhòq anoe ka au loq Chuaq thê cabô lam ti au. Chuaq i doe qmang kô: Au loq ka ìh ka yiniq ìh, èh ìh hadai jah kan tamèt enh ngèa au. 13 Qmang aih manđeq kô, tàng joq au jah kan tamèt enh ngèa Chuaq, aih Chuaq patô am ka au loq trong da Chuaq, đòeq au jah loq ka Chuaq rai jah kan tamèt enh ngèa ìh. Au cali calo ka ìh hmàng rameh: Wì kô aih la mangai da ìh! 14 Chuaq Jêhowa doe: Cla au kô èh lam ti ìh, èh au raq am ka ìh jah padài. 15 Môise padreo bàu: Tàng joq cla ìh ùh lam, aih ùh dùh qnung nhèn tồc khoe enh kô 16 Yỏc cleq đòeq wì qnoeq jah loq au xam mangai da ìh jah kan tamèt enh ngèa ìh? Aih ajoq jò ìh lam pajùm ti nhèn ùh xài? Aih èh, au xam mangai da ìh men jah yeo crài ka rìm diac ta crống taneh. 17 Chuaq Jêhowa doe ka Môise: Au broq trong ìh khoe creo dang au, majah qmang aih ìh jah kan tamèt enh ngèa au, èh au loq qmòe ka ìh xam yiniq ìh. 18 Môise doe: Au calo cali ka ìh am ka au ngan hnoq kan ranhòm ìh! 19 Chuaq Jêhowa doe: I au broq đòeq bài kan hanô da au plòh loh enh ngèa ìh, au creo yiniq Jêhowa enh ngèa ìh, broq kan tamèt ka mangai leq au ma enh broq kan tamèt, rai ha-och ka mangai au enh ha-och. 20 Haq doe tam: ìh ùh jah hnoq hadrò au, majah qmang aih ùh i cabô hnoq hadrò au ma oe jah rìh. 21 khoe aih Chuaq Jêhowa doe hòm: Kô i mòeq nòe haten ka au, ta-aih ìh drah yòng oe enh crống hmo; 22 Jò kan ranhòm au lam pagat, au jah đòeq ìh oe ta cabô hmo, yỏc tì au

bàng ìh, trùh jò leq au khoe lam khoe catech. 23 Au hi doeh deh tì, èh ìh jah hnoq enh rù au; mahaq hnoq hadrò au aih ùh jah.

34 Chuaq Jêhowa doe ka Môise rameh: Drah pùng baiq capiac hmo tiah qmang ka baiq capiac ma adroe; khoe èh au achih ta baiq capiac kô bài bàu ma khoe oe ta baiq capiac adroe, ìh ma khoe broq padah. 2 Hì da-èh, ep rap qmòe, jò bu qngah tồc tawang Sina-i, yòng enh qngèa au ta aih. 3 Ûh i cabô tồc pajùm ti ìh, jàp tawang ùh jah hnoq i mangai, yac ka triu òo hadai ùh jah acaq nhat tawang kô hòm. 4 Môise hi pùng baiq capiac hmo, tiah qmang ka baiq capiac ma adroe; riu sroeh, ti wê baiq capiac aih tồc tawang Sina-i, wop troeq bàu Chuaq Jêhowa khoe thê. 5 Khoe aih Chuaq Jêhowa loh taqne yùc, yòng tìa Môise rai creò deh yiniq la Jêhowa. 6 Haq lam pagat ti ngèa Môise, rai creò: Jêhowa! Jêhowa! Aih la Boc Plinh loq tamèt, ha-och, adia ka nòeh, bình bauq kan loq waq xam kan ùh tablòq manoh. 7 Wèq kan loq waq trùh bình ka muàn qnhòng, caqnaih kan ngang dù; yiniq lui kàn xam yiniq lui mahaq ùh doe mangai i yiniq lui aih ùh i ka yiniq lui, èh ajang yiniq lui da kan cadraq phỏc kon xau trùh piq pôn qnhòng. 8 Môise drah bla-op ta taneh òeòq kùh waiq, rai doe: 9 Waiq Chuaq tàng joq au jah òeh kan tamèt enh ngèa ìh, au cali calo ìh lam taqne nhèn, yac ka nang noe kô aih la nang noe cadoq ranõng, cadac da nhèn kan dù xam yiniq lui, rai yỏc nhèn broq kùng hang ìh. 10 Chuaq Jêhowa doe rameh: Kô, au broq moeq tajao. Enh ngèa ka mangai da ìh, au broq bài kan halac qnhòq lah broq ta crõng taneh, yac ka nòe mangai diac wì; xam òiq òong taqne xinoe kô ta aih i ìh, jah hnoq biac da Chuaq Jêhowa, majah qmang aih trong au padon broq joq ramòt kàn. 11 Ep rabiaq haq oq trong au ma tanap thê ka ìh hì kô. Ngan kô èh au hnan qnoh enh ngèa ìh mangai Amôrit, mangai Cana-an, mangai Hêtit, mangai Phêrêsit, mangai Hêwit, xam mangai Jêbusit. 12 Ep rabiaq haq oq, apaq broq tajao ti xinoe mangai da gùng pì ma padon mùt, yùq èh wì haq loq wìa hập taqne pì. 13 Mahaq pì ep raliang òac prang tadreo, tùq padah radua qmù rai raliang qnhì òac bài kiac da wì haq. 14 Ìh paq bla-op enh ngèa ka kiac qnoeq, majah qmang Jêhowa yiniq haq la Boc Plinh git trong dù. Haq joq Boc Plinh tagit ka trong dù. 15 Ep rabiaq haq oq, paq broq tajao ka mangai tagùng aih,

yùq èh jò wì haq tango òeh ti bài kiac da wì haq rai tadreo òeh ka bài kiac, i mangai adràc, èh ìh haqngui acaq dahwèq tadreo ti wì haq qmòh. 16 Èh hanoh apaq ban kon cadrì da wì haq am ka kon calò ìh broq mai, yùq èh jò kon cadrì da wì haq tango òeh ti bài kiac da wì haq, loq padò adràc kon calò ìh hanoh tango ti bài kiac da wì haq òiq qmòh. 17 Ìh paq broq bài radua qmù kiac. 18 Ìh ep wèq ramèn òeh ùh wàt blo. Wop jò khê qmau sròc, ep acaq òeh ùh wàt blo ta tapèh hì, wop qmang ka au khoe tanap thê ìh, majah qmang aih khê aih raq ìh loh khoe ka gùng Êdip. 19 Bài kon calò ramua aih òiq da au, xam bài ramua calò ta calùh ngè aban da ìh, yac ka òo yac ka triu hanoh qmang aih. 20 Mahaq ìh ep rùp moeq toq triu calò qnì loq bubi calò qnì òeòq hu baxon kon lù ma ramua. Tàng ùh baxon haq, ìh ep goh ranõng haq. Ìh ep baxon òeh bài kon ramua calò; èh hadai apaq i cabô lam tì dech trùh hàu enh ngèa au. 21 Ta tadràu hì ìh abroq achap beq, mahaq trùh hì tapèh ep padài, yac ka jò abèq yac ka jò gat dua ìh ep padài. 22 Gàu jò gat qmau mì, ìh ep wèq ranenh da bài tuàn ramèn, cloh hanam wèq ramèn gat. 23 Moeq hanam piq yàng, taqne pì, rìm ngai calò ep lam yòng enh ngèa Chuaq Jêhowa, aih la Boc plinh da Isorali. 24 Majah qmang aih au hnan òac bài mangai ta aih loh khoe ka mat ìh, parùng aniang ka ìh, èh jò ìh loh yòng enh ngèa Chuaq Jêhowa Boc Plinh ìh, moeq hanam piq yàng, aih èh ùh i ka cabô ma enh blah yỏc taneh ìh. 25 Ìh paq òeh mahim da ngè tadreo au xam òeh i tah blo; jam ngè tadreo da ramèn Pancwa paq òeòq trùh qngah sroq èh. 26 Ìh ep aràng òeh dahwèq ma yeo lem òong da riang pì ma ramua enh taneh ruàng ìh mùt ta hnim Jêhowa, aih la Boc Pình ìh. Ìh paq pai jam bubi ta diac tồh kan haq. 27 Chuaq Jêhowa hanoh doe ka Môise qmang kô: Drah achih bài bàu kô; majah qmang aih tiaq bài bàu kô raq au ma hubroq tajao ti ìh xam Isorali. 28 Môise oe ta aih ti Chuaq Jêhowa pôn jàt hì pôn jàt mang, ùh acaq òeh, hadai ùh ôq diac; Chuaq Jêhowa achih ta baiq capiac hmo bài bàu tajao, aih la mòeq jàt ranenh. 29 Jò Môise loh enh wang Sina-i tì haq wê baiq capiac tajao, ùh qnì òeh hadrò raðeh qngah ma ca-ah ca-iang majah qmang aih òeh hatuàng ka Chuaq Jêhowa. 30 Jò Arôn xam mangai Isorali ngan Môise hnoq hadrò haq qngah ca-ah ca-iang, loh ka yùq ùh hù thia haten. 31 Mahaq Môise creò

ka wì, qmang aih Arôn xam bài gucraq hi thia haten; khoe èh haq hatuàng ti wì. **32** Khoe aih, diq ka mangai Isorli thia haten diq, haq anoe ka wì loq diq dõng bài ranenh da Chuaq Jêhowa khoe am ka haq tawang Sina-i **33** Jò Môise khoe hêq ka capoch tuàng ti wì, haq hi yõc bai clùp dèh hadrò. **34** Mahaq jò leq Môise mùt enh ngèa ka Chuaq Jêhowa òdeq hu hatuàng ka haq, aih dèch deh bai clùp hadrò trùh jò leq haq loh; òdeq lam anoe ka mangai Isorali rìm nà Chuaq Jêhowa khoe tanap ka raðeh. **35** Mangai Isorali ngan Môise hnoq akia hadrò haq qngah ca-ah ca-iang, aih èh Môise yõc bai bàng dèh hadrò trùh jò leq haq mùt hu hatuàng ka Chuaq Jêhowa.

35 Môise creó tagop diq dõng ka mangai Isorali rai anoe ka wì rameh: Kô trong da Chuaq Jêhowa khoe tanap thê broq: **2** Pì abroq achap ta tadrâu hi, mahaq trùh hi tapèh aih la hi hadrèh, aih hi Sabat hadrèh lah òdeq crài da Chuaq Jêhowa. Mòeq hi òdeq hu padài diq dõng. Cabô abroq cleq ta hi aih ep jêh ðac ka cachit. **3** Hi Sabat ùh jah patep ùnh yac ka hnim cabô. **4** Môise doe ka diq dõng mangai Isorali rameh: Kô bài bàu da Chuaq Jêhowa khoe tanap thê: **5** Drah yõc mòeq dahwèq oe ta hnim pì òdeq dèch ka Chuaq Jêhowa. Waq toq mangai leq ma khoe qnac deh ta manoh hu dèch am, drah aràng ramènh ka Chuaq Jêhowa: Wang, bac, xam ðùng **6** Brai nget, brai gòh ngùi, gòh yrùng, bai lan habuát, xác bubi, **7** akia trùu caló nhum gòh, xam bài akia ma ratang lem, long sitim, **8** dầu bũh ðen tanòe hadrèh, bài ngè xua thùm òdeq broq dầu xùt xam dầu xua thùm, **9** hmo ngốc mainao, xam bài hmo ngốc lem qnoeq òdeq pacap ta êphot xam capiac bac ajang rada. **10** Taqne pì bài mangai leq ma yeo rabiaq ep trùh broq rìm yiniq Chuaq Jêhowa ma khoe thê. **11** hnim kũh waiq ðo xam traiq, kũa po, calêh, long ban, long pang, jrang xam jo jrang; **12** hom tajao xam long tanòng; caláp baxon yiniq lui xam bai prình tanòe diq jaq hadrèh; **13** prang xam long tanòng, bài ngè khop khip da prang xam bẽnh hadrèh, **14** jo ðen, bài ngè khop khip xam dầu bũh ðen, **15** prang bũh gahnàu xam tanòng tòng; dầu xùt, ngè xua thùm, xam bai prình qmang hnim kũh waiq ðo; **16** prang dèch ramènh bũh xam caðap xi ðùng; long tanòng xam bài ranac khop khip da prang; thùng xam jènh haq **17** bai prình

hamlang, jrang xam jènh haq xam bai prình trong mùt ta hamlang; **18** bài long tanáp da hnim kũh waiq ðo, xam tanáp xam caxi da hamlang; **19** eo ramènh òdeq caxùnh jò patìh tanòe hadrèh; eo hadrèh ka Arôn; mangai pajàu kàn xam eo ka bài kon haq òdeq broq mangai pajàu dèch ramènh. **20** Dìq ka mangai Isorali hi loh hlài enh ngèa Môise. **21** Rìm ngai jah tamèt ta manoh, xam rìm ngai khoe qnac òdeq ta manoh, diq aràng ramènh dèch ka Chuaq Jêhowa, òdeq abroq tanòe traiq taglám, bài ngè khop khip xam eo hadrèh. **22** Dìq dõng ka bài mangai ma khoe qnac òdeq ta manoh yac ka gucalô tìah ka gucadri, diq aràng hatai, canhàng, maih, kiang, bài ngè anì xi wang, diq dõng dèch ramènh xi wang ka Chuaq Jêhowa. **23** Mangai leq tahnim ðeh ma i brai nget, brai gòh, gòh ngùi, bai lan ma habuát, xác bubi, akia trùu caló nhum gòh, xam bài akia ratang habuát lem diq aràng trùh. **24** Mangai leq i ramènh cleq broq xi bac xi ðùng, diq aràng dèch ka Chuaq Jêhowa, maleq ta hnim ðeh ma i long sitim ma wìa ka broq biac cleq, diq hanoh aràng. **25** Bài mangai cadri ma rabiaq aih yõc tì kòng cla raðeh caxènh brai rai qnàng yiniq cleq ðeh broq khoe gèh, brai nget, gòh yrùng, gòh ngùi xam xi brai lan habuát. **26** Da bài mangai cadri ma khoe qnac ðeh ta manoh rai rabiaq tì aih wì caxènh brai xác bubi. **27** Bài gucraq aih aràng hmo mainao xam bác yiniq hmo ngốc qnoeq òdeq hu pacap ta êphot xam capiac bac ajang rada. **28** Wì hanoh aràng bài ngè xua thùm xam dầu ôliu òdeq bũh ðen, òdeq broq loh dầu xùt xam dầu xua thùm. **29** Dìq dõng ka mangai Isorali, yac ka gucalô yac ka gucadri, mangai leq ma khoe tamèt ta manoh aràng dèch ðeh bài ramènh òdeq patìh biac Chuaq Jêhowa khoe thê ajang Môise, diq aràng dèch ðeh ka Chuaq Jêhowa. **30** Khoe aih Môise anoe ka mangai Jũða qmang kô: Ngan kô Chuaq Jêhowa khoe creó ràih qmòe Bếtsalê-ên, kon caló da Uri, xau da Huro, oe ta xinoe Jũða. **31** Haq ùc ka mangai kô bình Yiang da Boc Plinh, kan rabiaq, kan manoh qngah, xam kan loq, òdeq broq rìm biac da mangai thòq **32** hu broq loh bài dua ngè lem xi wang, bác xam xi ðùng. **33** òdeq kat rai calênh hmo rai pùng achihi long, aih la broq loh rìm toq dua xam bài ngè broq xi tì kòng. **34** Haq hanoh khoe am ka mangai aih kan rabiaq ka loq hnài, èh hadai khoe am ka Ôhòli-ap, kon caló da Ahisamóc, oe ta xinoe da Đan; **35** Haq khoe

ùc bình ka wa aih kan rabiaq loq ðòeq hubroq rìm trong ajìp, atênh i bằc achih, aih la mau nget, gòh yừng, gòh ngừi, xam bai lan habuàt; ðòeq hubroq loh bài dua rabiaq.

36 Bêtsalê-ên, Ôholi-ap xam bài mangai rabiaq ma qnoeq, aih la mangai Chuaq Jêhowa khoe ùc ka wì haq kan rabiaq xam kan loq hu abroq bài yiniq ðòeq hu waq trong dềch ramềnh nòe hadrềh, ðìq broq rìm biàc Chuaq Jêhowa khoe tanap thê. **2** Qmang aih, Môise creo ka Bêtsalê-ên, Ôholi-ap, xam bài mangai rabiaq ma qnoeq Chuaq Jêhowa khoe ùc am kan loq, xam bài mangai khoe jah menh manoh trùh haten, ðòeq patih broq. **3** Enh ngềa Môise, wì haq tigop yỏc bài ramềnh enh mangai Isorali khoe aràng, hu broq bài ngề ðòeq waq trong dềch ramềnh hadrềh. Mahaq rìm sroq, bài wì aràng ðeh hòm bài dahwềq **4** Qmang aih, bài mangai ma rabiaq ka abroq rìm biàc tanòe hadrềh, ðìq padài ðò ka biàc wì haq qnang broq. **5** ðòeq trùh anoe ka Môise rameh: Wì qnàng bằc yeo hnau ka pajaq ðòeq broq biàc Chuaq Jêhowa khoe tanap thê **6** Tiaq bàu da Môise thê, wì loh lam anoe jàp ta traiq lình qmang kỏ: Yac ka gucalỏ qnì gucadrì qnì, pi i cabỏ oe jah aràng dềch tam ramềnh cleq hu broq tanòe hadrềh hòm! Qmang aih wì pi lỏh cabỏ jah aràng tam cleq hòm. **7** Majah qmang aih khoe tàu dahwềq ðòeq hu abroq, jaq mech loh ka oe i rah hòm. **8** Bài mangai rabiaq taqne bài mangai ma abroq, yỏc mòeq jàt blah bai prình xi bai lan habuàt, brai nget, brai gòh yừng, gòh ngừi, atênh qmù chềrubim lem ðìq jaq, ðòeq paqnàng hnim kùh waiq ðò. **9** Mòeq blah bai prình yỏh baiq jàt rahem hagat, kàn pôn hagat; rìm blah daq adàng ka dabau. **10** Wì haqmot padam blah pajùm ti dabau; **11** Broq rawiang xi brai nget roc haqmai ti kềnh da blah ma atìq lùch da pù ma baxềm, èh hadai broq qmang aih ka haqmai da blah pulùch da pù ma atìq. **12** Wì broq padam jàt toq rawiang ti haqmai da blah ma baxềm da pù adroe, xam padam jàt toq rawiang ti haqmai da blah pulùch da pù ma atìq; bài rawiang aih tangềa ka dabau. **13** Khoe aih broq padam jàt toq glềh xi wang, yỏc bài glềh aih ðòeq tadùng bài bai prình ti dabau ðòeq hnim kùh waiq ðò jah xia loh mòeq. **14** Khoe ka aih, wì yỏc xàc bubi atênh loh mòeq jàt mòeq blah bai prình, ðòeq broq kùa po hnim ranòh kùh waiq ðò **15** Mòeq blah dang yỏh piq

jàt hagat, dang gat pôn hagat: mòeq jàt mòeq blah ðìq daq adàng ka dabau. **16** Wì haqmot ðòeq crài padam blah; èh ðòeq crài tadràu blah ma qnoeq **17** Broq padam jàt toq rawiang roc haqmai blah pulùch da pù kàn ma adroe, xam padam jàt toq rawiang roc blah ma kàn ma atìq. **18** Broq padam jàt toq glềh xi ðùng, ðòeq tadùng gwac ka blah kùa po ðòq haq tajìp loh mòeq. **19** Wì hanoh broq ka hnim ranòh kùh waiq ðò mòeq blah ðòeq po xi akia triu calỏ nhum gòh xam mòeq blah ðòeq po xi akia lem ti tam enh qnhềq. **20** Wì yỏc long ban xi long sitim broq panàt hnim ranòh kùh waiq ðò. **21** Mòeq capiac dang yỏh mòeq jàt hagat, dang gat mòeq hagat qne. **22** Mòeq capiac long ban i baiq toq calềh ta hatia: ðìq ðờng long ban hnim ranòh kùh waiq ðò ðìq broq hatìah ka dabau. **23** Qmang aih, wì broq long ban ka hnim ranòh kùh waiq ðò: baiq jàt capiac bè qma; **24** enh qneq ka baiq jàt capiac long ban broq pôn jàt toq trom calềh: enh qneq rìm capiac long ban i baiq toq trom calềh ðòeq pacap ka dabau. **25** Wì hanoh broq baiq jàt toq long ban pah qngeo ka hnim ranòh kùh waiq ðò. **26** xam pôn jàt toq trom calềh xi bằc, enh qneq rìm capiac i baiq toq trom calềh. **27** Oe enh rù da hnim kùh waiq ðò, aih la bè mahì clih, wì broq tadràu toq capiac long ban, **28** xam baiq toq mùm enh rù aih broq baiq capiac long ban. **29** Baiq capiac long ban mùm hatin ka dabau enh qneq trùh taqnềq xi mòeq toq rawiang oe ajang gàu; baiq bè mùm ðìq broq qmang aih. **30** Qmang aih i rahim toq long ban xam mòeq jàt tadràu toq trom calềh xi bằc, rìm capiac i baiq toq trom calềh; **31** Wì broq pang xi long sitim, padam toq pang ka bài long ban enh kỏ da hnim ranòh kùh wiaq ðò, **32** padam toq pang ka long ban da bè tau, xam padam toq pang maqnoeq hòm ka bè rù hnim kùh waiq ðò, aih la bè qngeo. **33** Wì broq pang oe trong qne, ðòeq rahlòng taqne bài long ban enh gàu kỏ trùh gàu tau, **34** rai lom wang bài capiac long ban. Wì broq bài rawiang da bài long ban xi wang, ðòeq hu trỏp long pang cwa ti aih, rai lom bài long pang xi wang. **35** Wì broq mòeq blah bai prình xi brai nget, brai gòh yừng, gòh ngừi èh xam bai lan habuàt, atênh qmù chềrubim ðìq jaq lem. **36** Èh broq pôn toq long jrang xi long sitim glom wang, xam bài ðình xi wang; broq pôn toq trom jrang xi bằc ka bài long jrang aih. **37** Wì hanoh broq ka qmang mùt ta traiq mòeq blah bai prình xi

brai nget, gòh yùng, xam brai lan habuàt: aih biac da mangai thòh achìh atênh **38** Wì hadai broq padam toq jrang i glêh ka bai prinh, khoe èh lom wang tagàu long jrang, xam long tanang atua, padam toq jènh jrang aih xi òùng.

37 Khoe ka aih, Bêtsalê-ên broq hom xi long sitim, dang yôh baiq hagat qne, dang gat moeq hagat qne, haqnêq moeq hagat qne. **2** Haq glom wang lem enh dalam xam enh gùng, rai broq trong grôi dudan. **3** Broq pôn toq gwiang wang nôe pôn toq mùm: Baiq toq ka bè kô, baiq toq ka bè tau. **4** haq hadai raxoh bài long tanòng xi long sitim, glom wang, **5** khoe aih trôp tanòng aih mùt ta baiq toq gwiang enh bè pinh, òeq tòng hom. **6** Haq hadai broq mòeq toq calàp baxon yiniq lui xi wang lem, dang yôh baiq hagat qne, dang gat mòeq hagat qne. **7** Broq baiq toq radua qmù chêrubim xi wang tùq ratang òeq ajang baiq bè gàu calàp baxon yiniq lui, **8** mòeq chêrubim oe gàu bè kô èh moeq chêrubim oe gàu bè tau, wa hatop wia moeq ti calàp baxon yiniq lui **9** Baiq chêrubim hlià panan tù jàp enh qnhêq ka calàp baxon yiniq lui, tangèa ka dabau rai wih ngèa ta calàp baxon yinq lui. **10** Haq hadai broq mòeq toq prang xi long sitim; dang yôh baiq hagat, dang gat mòeq hagat qne, haqnêq mòeq hagat qne; **11** Glom xi wang lem, èh broq mòeq trong grôi cadàu dudan. **12** Èh dèch panàt tap pôn bè ka crông prang haqnêq toq tapôn, èh broq dudan aih moeq trong grôi xi wang. **13** Haq broq pôn toq rawiang wang pacap qmùt ta toq pôn mùm, nôe jo prang **14** bài rawiang oe ten ka grôi òeq trôp tanòng, hu tòng prang; **15** Haq raxoh long tanòng xi long sitim, glom wamg, òeq tòng prang. **16** Èh hadai yôc wang lem broq bài ngè khop khip padon ta prang: dòt, chrông, doe mông xam khai, padon òeq ka jò broq ka ramènh diac lóc. **17** Haq hadai broq jènh ðen xi wang lem, jènh ðen, chac ðen, bôp, xam riang ðiq broq xi wang tùq ka ratang. **18** Baiq bè chac ðen i tadràu toq hamenh, piq toq hamenh oe bè kô xam piq hamenh oe pah tau. **19** Ta tadràu toq hamenh loh enh chac ðen, rìm hamenh ðiq i piq toq doe mông tiah ka qmang ka riang apriac, hloe xam bôp xam riang. **20** Ta chac jrang ðen hadai i pôn toq doe mông tiah qmang ka riang apriac hloe xam bôp xam riang. **21** Ta tadràu toq hamenh loh enh chac jrang ðen, hi baiq toq hamenh, aih hi i moeq toq bôp. **22** Bôp

xam hamenh da jènh ðen aih ðiq xi wang lem tùq ka ratang. **23** Haq hadai broq tapèh toq ðen, cleq òeq rawit tìm xam ngè òeq haqnac loc xi wang lem. **24** Haq hanoh yôc moeq talàng wang lem, òeq broq jènh ðen xam bài ngè khop khip da jènh ðen. **25** Haq hanoh broq moeq toq prang bùh gahnàu xi long sitim, broq hìn buàng, dang yôh mòeq hagat, dang gat moeq hagat, èh dang haqnêq baiq hagat. Bài haki da haq jah broq hatop wia mòeq ka prang. **26** Haq glom wang lem enh qnhêq, pôn bè dudan xam bài haki, pôn bè i grôi xi wang. **27** Enh qneq ka grôi aih, ajang baiq toq mùm, haq broq baiq toq rawiang wang òeq trôp tanòng, òeq tòng. **28** Haq raxoh long tanòng xi long sitim khoe aih glom xi wang. **29** Haq hadai broq ðau xùt hadròeh, xam kan xua thùm hliang lem, aih biac da thòh broq ðau thùm.

38 Haq hanoh broq prang dèch ramènh bùh xi long sitim, hìn buàng, dang yôh padam hagat, dang gat padam hagat haqnêq piq hagat. **2** Ajang pôn toq mùm haq broq bài haki ngèa loh tagùng, glom xi òùng. **3** Khoe aih broq bài ngè khop khip da prang xi òùng: abôq tah loc, kùac xốg, long xốc jam, xam khai tah ra-ùnh. **4** Èh broq tam mòeq toq xiaq ka prang, taliac haq broq xam caxi òùng, òeq enh qneq ka caloeh prang, oe taqne lò enh qnhêq trùh taqneq, **5** èh broq rawiang ka pôn toq mùm xiaq xi òùng, òeq qmùt long tanòng. **6** Khoe aih raxoh long tanòng xi long sitim, èh glom xi òùng; **7** Trôp tanòng mùt ta rawiang baiq bè prang, òeq tòng lam. Haq broq prang xi long ban, enh dalam rahuàng. **8** Haq yôc guàng bài mangai cadri ma patih tanòe traiq taglâm, broq loh mòeq toq khai xam jènh khai xi òùng. **9** Haq hanoh broq hamlang: bài blah bai prinh enh bè pah qma ðiq broq xi bai lan habuàt, yôh moeq hrinh hagat; **10** baiq jàt toq long jrang xam baiq jàt toq jo jrang broq xi òùng, i bài glêh òeq gwac qmùt ta long jrang xam bài canep atua xi ðac. **11** Enh pah qngeo hanoh i mòeq hrinh hagat bai prinh, baiq jàt toq jrang xam baiq jàt toq jo jrang xi òùng bài glêh pacap talong jrang xam bài long canep xi ðac. **12** Bè mahì clih, padam jàt hagat bai prinh, mòe jàt toq jrang, xam mòeq jàt toq jo jrang xi òùng, bài glêh xam canep atua ðiq xi ðac. **13** Enh bè ngèa, aih bè mahì tóe, dang yôh da hamlang hanoh padam jàt hagat: **14** qmang aih

enh qma da hamlang mòeq jàt padam hagat bai prình, piq toq jrang xam piq toq jo jrang; 15 enh bè qngeo ka trong qmang da hamlang hanoh mòeq jàt padam hagat bai prình, piq toq jrang xam piq toq jo jrang. 16 Dìq dǒng bai prình da hamlang oe dudan dìq broq xi bai lan habuàt; 17 Bải jo jrang dìq xi ùng, glêh, canep xi bac, gàu long jrang glom wang. Dìq dǒng bải jrang da hamlang dìq glom xi bac. 18 Blah bai prình ajang trong qmang da hamlang atênh xi brai nget, gòh yùrng, gòh ngùi, xam bai lan habuàt; dang yòh baiq jàt hagat, bè yàng (tiaq deh maneh da bai) padam hagat, mòeq maneh ka dang haqnheq da bải bai prình dudan ka hamlang. 19 Pôn toq jrang xam pôn toq jo jrang xi ùng, glêh xam bải dahwèq glom gàu jrang, xam bải canep dìq xi bac. 20 Bải tanàp da hnim kùh waiq òo xam hamlang dudan dìq xi ùng. 21 Kô sôh arèn dìq dǒng da hnim kùh waiq òo, aih la hnim kùh waiq òo da ranenh tajao tiaq bàu Môise thê mangai Lêwi broq loh, canòm ka Ythama, kon calô pajàu kàn Arôn, broq mangai pagàu. 22 Bêtsalê-ên, kon calô da Uri, xau Huro, oe ta xinoe Jiudà, broq tiaq rìm trong Chuaq Jêhowa khoe tanap thê ka Môise, 23 èh mangai ma wiang ti haq aih la Ôhòli-ap, kon da Ahisamôc, oe ta xinoe da Đan, broq thòq pùng achih, thòq rabiaq ti kǒng, thòq atênh xi brai xênh, brai nget, gòh yùrng, gòh ngùi hloe xam brai lan habuàt. 24 Dìq dǒng bải wang khoe pajùm broq tanòe hadrèh (aih dìq wang dèch am) jah baiq jàt hachin talàng, tapèh hrinh piq jàt siac-lo, tiaq maneh siac-lo da nòe hadrèh. 25 Bac enh wì mangai ta aih i sôh achih dìq dǒng jah mòeq hrinh talàng, mòeq muàn tapèh hrinh tapèh jàt padam siac-lo, tiaq maneh siac-lo da nòe hadrèh. 26 Dìq dǒng mangai leq khoe jah achih yiniq ta sôh, pang baiq jàt hanam dang tǒc, aih la tadrâu hrinh piq muàn padam hrinh padam jàt ngai, mòeq ngai ep dèch qne siac-lo, tiaq maneh siac-lo da nòe hadrèh. 27 Qmang aih ep dìq mòeq hrinh talàng bac òeq broq bải xem jènh da nòe hadrèh, xam jènh jrang bai prình, mòeq hrinh talàng ka mòeq hrinh toq jènh long jrang, aih mòeq talàng ka mòeq toq jènh jrang. 28 Mòeq muàn tapèh hrinh tapèh jàt padam siac-lo ma oe rah, aih òeq broq bải glêh ka long jrang, glom gàu jrang, èh broq canep atua ka long jrang dǒq jah tadùng ka dabau. 29 Òùng wì aràng dèch am rên jah tapèh jàt talàng, baiq muàn pôn hrinh siac-lo. 30 Wì

yǒc òùng aih broq jo radua qmang mùt ta traiq taglâm, prang tadreo xi òùng, cadap xi òùng, xam bải ngè rakhop rakhip da prang tadreo. 31 Bải jo jrang da hamlang dudan, bải jo jrang da qmang hamlang, bải long tanàp da hnim kùh waiq òo, hloe bải tanàp da hamlang dudan.

39 Wì yǒc brai nget, gòh yùrng, gòh ngùi òeq broq bải eo hu caxùnh jò patih tanòe hadrèh, xam eo hadrèh ka Arôn, wop qmang ka bàu Chuaq Jêhowa khoe tanap ka Môise. 2 Qmang aih wì broq êphot xi wang, brai nget, gòh yùrng, gòh ngùi, hloe xi bai lan habuàt. 3 Wì tùq ka ratang wang capiac, èh kat loh tang hadrang caxi brai achêh pajùm ti caxi brai nget, gòh yùrng gòh ngùi xam brai lan habuàt, broq qmòe ka dìq jaq lem. 4 Wì jìp baiq hadrang xi atanh bac jang plêh ka êphot, jìp ajang baiq toq mùm qnhèq da êphot. 5 Xi atanh òeq kàt êphot, enh bè gùng jah atênh ka lem qmang ka êphot, xi atanh xia pajùm moeq ka chac êphot, atênh enh brai hnhuc hnhac, brai nget, gòh yùrng, gòh ngùi, xam caxi brai lan habuàt, wop tiah ka bàu Chuaq Jêhowa khoe thê Môise. 6 Wì pacap qmùt ta khuàn wang bải pliang ngóc nget, i achih yiniq bải xinoe Isorali, tiah ka wì ma pùng achih ta ngè pateo. 7 Wì pacap òeq bải hmo ngóc aih ta xi atanh plêh êphot hu broq hmo ngóc òeq bahmàng hlài trùh mangai Isorali, wop qmang ka bàu Chuaq Jêhowa khoe tanap thê Môise. 8 Wì hanoh broq qmòe ka geo lem capiac bac ajang rada, troeq wì ma broq êphot: broq xi wang, brai nget, gòh yùrng, gòh ngùi, hloe xam bai lan habuàt. 9 Capiac kô jìp cajùh baiq, hìn buàng, dang yòh moeq hada, dang gat moeq hada. 10 Wì pacap qmùt ta aih pôn brong hmo ngóc: brong baxèm, i moeq pliang ngóc mainao, i moeq pliang ngóc gòh, xam moeq pliang hmu ngóc nget. 11 brong ma baiq, ngóc cam that, ngóc lam bìuh, ngóc kim kuàng. 12 Brong ma piq: ngóc gòh drinh, ngóc mainao mǒng, xam ngóc hmo lang gòh drinh; 13 brong pôn, hmu ngóc nget hliang, ngóc mainao gòh, ngóc hmu lang. Bải hmu ngóc kô dìq jah pacap qmùt ta nin xi wang. 14 Bải ngóc kô dìq dǒng aih mòeq jàt baiq pliang, taboe tiaq yiniq bải kon calô da Isorali. Rìm pliang hmu ngóc i pùng achih mòeq toq yiniq, oe taqne mòeq jàt baiq xinoe Isorali troeq wì pùng achih ngè òeq pateo. 15 Khoe aih, ta capiac bac rada wì broq bải caxi chìang xi wang lem. Atênh haq tiah ka

bài hadrang caxi. 16 Hanoh broq baiq toq glêh xam baiq toq gwiang xi wang, ðòeq baiq toq gwiang aih ajang baiq toq mùm agàu capiac bac rada. 17 Èh kàt baiq hadrang caxi chiang wang mùt ta baiq toq gwiang aih. 18 Khoe èh qmùt baiq hadrang caxi chiang wang aih mùt ajang glêh nòe plêh da êphot, oe enh nèga ka rada. 19 Wì broq tam baiq toq gwiang wang qnoeq hòmm ðòeq ajang baiq toq mùm qneq da capiac bac rada, oe enh dalam da êphot. 20 Wì hanoh broq tam baiq toq gwiang wang qnoeq hòmm ðòeq ènh qneq da baiq hadrang caxi plêh êphot, oe bè nèga, gít trong caxi brai enh qnhèq caxi plêh khoe jah atênh qmòe ka rabiaq da êphot. 21 Wì yóc mòeq hadrang caxi nget, kàt baiq toq gwiang da capiac bac rada qmùt ta baiq toq gwiang da êphot, dòq haq jah hatop ta caxi ðac ðòeq ùh hìaq taclih, wop qmang ka bàu Chuaq Jêhowa khoe tanap thê Môise. 22 Wì hanoh broq eo yòh ka êphot ðiq xi bai nget, aih la biac da mangai thòq. 23 Rànõng ðòeq qmùt gàu oe trong qne eo, i gap dudan dòq ùh hìaq hyah. 24 Jang haqmai eo wì broq pli liuq xi brai lan habuàt brai nget, gòh ngùi, gòh yrùng; 25 broq tam clinh ninh qyoh xi wang lem, taqmac taqne baiq toq pli liuq, dudan roc haqmai eo; 26 hi moeq toq pli liuq, aih hi i moeq toq clinh ninh qyoh, dudan tiaq haqmai eo yòh taqmàn enh gùng ka Arôn caxùnh jò patìh, wop tiaq ka bàu Chuaq Jêhowa khoe tanap ka Môise. 27 Wì hadai jíp eo yòh ðòeq caxùnh enh dalam xi bai lam habuàt, ka Arôn xam bài kon haq; 28 Hloe xam mù kàt gàu, nèg ànì ta mù aih, xam cwàn xalõng enh dalam, ðiq xi brai lan habuàt; 29 xam mù kàt caqnam xi brai lan habuàt, brai nget, gòh grùng, gòh ngùi, aih la biac da thòq atênh, wop qmang ka bàu Chuaq Jêhowa khoe tanap thê Môise. 30 Wì hanoh yóc wang capiac lem broq chèang lèang hadròeh, pùng achiq ta-aiq qmang ka wì pùng achiq nèg pateo hadro, qmang kô: Hadròeh ka Chuaq Jêhowa! 31 Khoe aih yóc mòeq hadrang caxi brai nget kàt ta mù kui gàu, wop qmang ka bàu Chuaq Jêhowa khoe tanap thê Môise. 32 Qmang aih, bài yiniq broq da hnim kùh waiq ðò, aih la traiq taglâm, khoe jah gêh. Mangai Isorali broq wop qmang ka bàu Chuaq Jêhowa khoe tanap thê Môise. 33 Wì aràng hnim kùh waiq ðò trùh ka Môise: Traiq xam bài nèg khop khip da traiq, long tanàp, long ban, long pang, jrang xam jo jrang; 34 Blah ðòeq po ðiq broq xi akia triu calô nhum gòh,

blah ðòeq po broq xi akia bubi xam bài akia ma ratang habuàt 35 Hom tajao xam long tanòng, hloe xam calàp baxon yiniq lui; 36 prang xam nèg rakhop rakhip xam bèngh hadròeh; 37 Jo ðen xi wang lem, xam bài ðen ðòeq mòeq brong ka dahren, bài nèg khop khip da haq hloe xam dầu bùh. 38 prang tadreo xi wang, dầu xùt, nèg xua thùm, bai prình qmang traiq 39 Prang tadreo xi ðùng xam caðap xi ðùng, long tanòng, bài nèg khop khip da prang tadreo xam thùng kàn i jènh, 40 Bài bai prình da hamlang, jo jrang, bai prình da qmang hamlang, caxi, long tanàp, xam ðiq ðong nèg khop khip trong patìh dèch ramèngh da hnim kùh waiq ðò; 41 eo ramèngh ðòeq patìh tanòe hadròeh, eo hadròeh ka Arôn, mangai pajàu kàn, xam eo da bài kon calô da haq ðòeq broq pajàu ramèngh. 42 Mangai Isorali broq rìm yiniq kô wop qmang ka bàu Chuaq Jêhowa khoe tanap thê Môise. 43 Môise ti ngan bài yiniq broq, hnoq ðiq broq tiaq wop qmang ka bàu Chuaq Jêhowa tanap thê; khoe aih Môise waiq xôq ramot am ka wì haq.

40 Chuaq Jêhowa doe ka Môise: 2 Hì moeq da khê moeq, ìh hi paqnàng dèch hnim kùh waiq ðò. 3 Ep ðòeq ta-aiq hom tajao, khoe èh yóc bai hi prình hlài 4 Hanoh ep tòng qmùt prang, dèch padon bài nèg ta prang aih waq ka taboe tiaq troq deh tang yiniq. 5 Prang broq xi wang ðòeq bùh gahnàu hanoh ep ðòeq enh nèga ka hom tajao, khoe èh atua bai prình ajang trong qmang da hnim kùh waiq ðò. 6 Prang da ramèngh bùh hanoh ep ðòeq enh nèga ka trong qmang hnim kùh waiq ðò; aih la traiq taglâm, 7 èh hanoh ep ðòeq cathùng oe qne adreo wa traiq taglâm wa prang tadreo; khoe èh ùc diac mùt ta-aiq. 8 èh rong hamlang oe dudan rai atua bai prình ajang nòe trong mùt ta hamlang 9 Khoe ka aih, ìh yóc dầu xùt ðòeq xùt ka hnim kùh waiq ðò, xam rìm yiniq enh dalam ka haq, khoe èh lah ðòeq crài hnim kùh waiq ðò xam bài nèg ta-aiq, aih èh haq hi jah hadròeh. 10 Hadai xùt ðau ka prang ramèngh bùh, xam bài nèg khop khip da prang ramèngh; aih èh haq hi jah ðiq jaq hadròeh. 11 Hanoh xùt ðau ka cathùng xam jènh cathùng, khoe aih tadreo dèch da au, aih èh haq jah hadròeh. 12 Khoe aih, aràng Arôn xam wì kon haq trùh jang trong qmang traiq taglâm, èh dahùm wì haq xi diac. 13 Khoe ka aih ìh ep caxùnh am ka haq eo hadròeh, xùt ðau hadròeh, tadreo

dèch haq, òdeq haq jah broq pajàu patih enh
ngèa au. **14** Aràng bài kon haq trùh haten, khoe
èh caxùnh eo hlaq ka wì haq. **15** Xùt dầu ka wì
haq tiah ka ih khoe xùt dầu ka baq wì haq, aih
èh wì haq hi broq pajàu ramènh enh ngèa au.
Bìac xùt dầu jah am wì haq broq pajàu ramènh
hloe hloe enh qnhòng kô trùh qnhòng tau. **16**
Môise broq rìm yiniq wop qmang ka bàu Chuaq
Jêhowa khoe tanap tthê rađeh. **17** Trùh hi moeq
khê moeq oe ta hanam baiq, aih hnim kùh waiq
đò khoe jah paqnàng. **18** Jò dèch paqnàng hnim
kùh waiq đò, Môise ta qmroq bài jo jrang, dèch
panàt long ban, roh long pang, rai dèch jrang.
19 Khoe aih haq hlèch blah po enh qnhèq ka
hnim kùh waiq đò, èh tang blah aih enh qnhèq,
wop qmang ka bàu Chuaq Jêhowa khoe tanap
thê Môise. **20** Haq yốc bài capiac ranenh tajao,
tah òdeq enh dalam ka hom, trôp qmùt tanòng
tòng, gúp calàp baxon yiniq lui enh qnhèq. **21**
Khoe aih haq qmùt hom tajao mùt ta hnim
kùh waiq đò rai atua bai prình òdeq prình hom
tajao, wop qmang ka Chuaq Jêhowa khoe tanap
thê Môise. **22** Môise hadai qmùt òdeq prang
enh dalam traiq taglâm, bè qngeo da hnim kùh
waiq đò enh gùng ka bai prình; **23** khoe aih
xap bèn̄h dahren ta prang, enh ngèq ka Chuaq
Jêhowa, wop qmang ka bàu Haq khoe tanap
thê Môise. **24** Òdeq jènh đen ta traiq taglâm oe
bè qma, tangèa ka prang tadreo. **25** Haq bùh
đen enh ngèa ka Chuaq Jêhowa, wop qmang ka
Chuaq Jêhowa khoe tanap thê Môise. **26** Òdeq
prang tadreo broq xi wang enh ngèa ka bai
prình ta traiq taglâm; **27** Ta prang aih haq bùh
gahnàu thùm, wop qmang bàu Chuaq Jêhowa
khoe tanap thê Môise. **28** Haq hadai tang bai
prình nòe trong qmang da hnim kùh waiq đò.
29 Khoe ka aih, haq òdeq prang ramènh bùh
ajang nòe trong qmang hnim kùh waiq đò, dèch
ta aih ramènh bùh, ramènh chai, wop qmang
ka bàu Chuaq Jêhowa khoe tanap thê Môise.
30 Hanoh òdeq cathùng oe ta adreo wa traiq
taglâm wa prang tadreo, ùc diac ta aih òdeq
hùm qnheo. **31** Môise, Arôn xam bài kon calô
da Arôn, qnheo dèh jènh tì ta aih. **32** Jò leq wì
haq qmùt ta traiq taglâm rai thia ten ka prang
tadreo aih wì haq qnheo rađeh, wop qmang ka
bàu Chuaq Jêhowa khoe tanap thê Môise. **33**
Dudan ka hnim kùh waiq đò xam prang tadreo,
haq rong òdeq hamlang, rai cadrai bai prình
nòe trong qmang hamlang. Aih, Môise broq gèh
qmang ai **34** Cato yùc glom ta traiq taglâm xam

kan ranhòm da Chuaq Jêhowa bình bauq ta
hnim kùh waiq đò. **35** Jaq Môise loh qmòe ka ùh
jah mùt, majah qmang aih yùc glom enh qnhèq
xam kan ranhòm da Chuaq Jêhowa bình bauq
ta hnim kùh waiq đò. **36** Qmang aih, rìm yàng
loh lam da Isorali, jò leq cato yùc enh hnim kùh
waiq đò tadèch aih èh wì haq loh lam; **37** tàng
joq yùc ùh tadèch tồc aih wì haq hadai ùh lam,
trùh hi leq yùc hi tadèch. **38** Majah qmang aih
rìm yàng loh lam da Isorali, aih yùc da Chuaq
Jêhowa oe enh qnhèq ka hnim jùh waiq đò jò
dahì, jò damang i ùnh oe tayùc enh ngèa ka
Isorali.

LÊWI

1 Chuaq Jêhowa oe enh dalam ka traiq taglâm creo doe ka Môise rameh: **2** Drah anoe ka mangai Isorali qmang kô: Tàng jò leq taqne pì i cabô dèch ramènh ka Chuaq Jêhowa aih ep dèch ngè pì ma aban, yac ka bo, yac ka triu. **3** Tàng ramènh da haq aih la ramènh bùh xi bo, aih ep yóc bo calô ùh ka xit habau, dèch ajang qmang traiq taglâm, enh ngèa Chuaq Jêhowa, òeq Haq jah lem manoh di yóc. **4** Mangai aih ep roh deh tì tagau kon ramènh aih, aih èh haq hi jah di yóc thai, òeq jah baxon yiniq lui da mangai aih. **5** Khoe aih, haq jêh kon bo aih enh ngèa Chuaq Jêhowa, èh bài kon da Arôn, aih la bài pajàu, hi tadreo dèch mahim, rai púc dudan ka prang tadreo ajang nòe traiq taglâm. **6** Tia aih, wì lôq akia kon ramènh aih, rai xah loh tang haqnech jam. **7** Bài kon calô da pajàu Arôn hi patep ùnh tanòe prang tadreo khoe aih chàt ra-ùnh enh qnhèq ka ùnh aih. **8** èh bài kon calô Arôn, aih bài pajàu hi tah bài haqnech jam aih, xam gàu xam bòq enh qnhèq ka ra-ùnh khoe bùh ta prang tadreo. **9** Mangai aih hi yóc diac qnheo bài cliac clèm xam jo, èh pajàu aràng diq dõng bùh tanòe prang tadreo, aih raq ramènh bùh, aih la mòeq ramènh tadreo dèch xi ùnh, i kan xua thùm ka Chuaq Jêhowa **10** Tàng joq ramènh da haq aih la ramènh bùh xi ngè aban qyoh, yac ka triu yac ka bubi, aih ep yóc mòeq toq ma calô ùh hiaq i xit habau, **11** jêh ngè aih enh bè qngeo da prang tadreo, enh ngèa ka Chuaq Jêhowa; èh bài kon calô da Arôn, aih la bài pajàu, hi púc mahim dudan enh crõng prang tadreo; **12** Xah jam aih loh tang haqnech, gàu xam bòq òeq crài, mangai pajàu yóc bài ngè aih tah enh qnhèq ka ra-ùnh ma khoe bùh ùnh enh qnhèq ka prang tadreo. **13** Mangai aih hi yóc diac qnheo pù cliac clèm xam jo, khoe èh mangai pajàu bùh dõng rìm yiniq ma oe crõng prang tadreo, aih raq ramènh bùh, ramènh tadreo dèch xi ùnh i kan xua thùm ka Chuaq Jêhowa. **14** Tàng ramènh da haq dèch ka Chuaq Jêhowa aih la ramènh bùh xi chìm, aih ep yóc trùh braih tàng ùh trù kon. **15** Mangai pajàu aràng ajang nòe prang tadreo, wech catech ka gàu, khoe èh bùh taprang tadreo, hanhot ma diq ka mahim haq púc dudan ka prang tadreo. **16** Mangai aih hi doeh padu rai lôih xac, èh khwênhaten ka prang tadreo, oe enh bè mahi

clih, aih la nòe ùc blo; **17** khoe èh hit ajang baiq toq panan, mahaq ùh jah catech hloe, khoe èh mangai pajàu aràng bùh tanòe prang tadreo, nòe khoe baxù òeq ra-ùnh; aih la ramènh bùh, ramènh tadreo dèch xi ùnh i kan xua thùm ka Chuaq Jêhowa.

2 Jò cabô tadreo dèch ka Chuaq Jêhowa mòeq ramènh xep, ramènh da mangai aih ep broq xi dác habuàt i dầu, rai tah gahnàu enh qnhèq. **2** Mangai aih hi aràng trùh ka bài kon calô da Arôn, aih la bài pajàu, pajàu aih hi yóc mòeq cadop dác habuàt i dầu xam diq dõng gahnàu, aràng lam bùh broq kan bahmàng enh qnhèq ka prang tadreo; aih la ramènh tadreo dèch xi ùnh, i kan xua thùm ka Chuaq Jêhowa. **3** Phàn ma oe i enh ramènh bùh aih èh jah da Arôn xam wì kon da haq; aih la ngè diq jaq hadròeh oe taqne bài ramènh dèch xi ùnh am ka Chuaq Jêhowa. **4** Jò pì dèch ramènh xep ùh wàt blo ma bùh ta tanùh, aih ep yóc dác habuàt lem broq bènñ habàu tabat jràu xi dầu ôliu, tàng ùh meh bènñ ratang ùh wàt blo, i xùt dầu. **5** Tàng ramènh xep da pì jah phiang xi giaq, aih ep broq xi dác habuàt lem jràu xi dầu, ùh wàt blo. **6** goh loh tang haqnech rai ùc dầu enh qnhèq. Aih raq ramènh xep. **7** Tàng joq ramènh xep da pì jah adrênñ xi griang kàn, aih ep broq xi dác habuàt lem i jràu toq biaq dầu ôliu **8** Ramènh xep ma khoe jah padon tiaq qmang kô, pì hi aràng dèch ka Chuaq Jêhowa, jao am ka pajàu, èh haq hi qnàng trùh ajang prang tadreo. **9** Mangai pajàu hi yóc phàn ma ep tadreo dèch òeq broq kan bahmàng, bùh baxù taprang tadreo; aih la ramènh dèch xi ùnh i kan xua thùm ka Chuaq Jêhowa. **10** Phàn le q ta ramènh xep ma oe i aih èh hi jah Arôn xam wì kon calô haq; aih la ngè diq jaq hadròeh ta bài ramènh dèch xi ùnh am ka Chuaq Jêhowa **11** Waq toq ramènh xep pì tadreo dèch am ka Chuaq Jêhowa, aih paq dèch pajùm xam blo, majah qmang aih pì apaq yóc blo qnì diac xùt qnì òeq bùh pajùm ti ramènh leq ma yóc ùnh tadreo dèch ka Chuaq Jêhowa. **12** Pì jah dèch bài yiniq aih ka Chuaq Jêhowa tiah ka ramènh gàu jò mùa; mahaq ùh khòh bùh taprang tadreo tiah ka ramènh i kan xua thùm. **13** Ep tah boh ta bài ramènh xep, ùh jah ùh tah boh; majah qmang aih boh aih kan hadro tajao da Boc Plinh khoe broq ti pì, ta bài ramènh pì ep dèch boh. **14** Tàng pì yóc riang pì gàu mùa òeq broq ramènh xep tadreo dèch

ka Chuaq Jêhowa, aih ep xi hadròc qmau neo adrênh xi ùnh, khoe jah pên loh dác gròq. 15 ùc dầu rai tah tam gahnàu. Aih raq ramênh xep. 16 Khoe aih, pajàu ramênh yóc moeq phàn dác khoe pên pajùm xi dầu xam gahnàu òòeq bủ broq kan bahmàng. Aih raq ramen h xep yóc ùnh dèch am ka Chuaq Jêhowa.

3 Tàng cabô enh dèch ramênh waiq kan catèm xi ỏ, yac ka calô yac ka cadrì, enh ngèa ka Chuaq Jêhowa haq ep dèch ỏ ùh i qmòe ka xít habau. **2** Mangai aih ep roh deh tì tagàu kon ramênh aih, khoe aih jêh haq tanòe trong qmang traiq taglâm; bài kon calô da Arôn aih bài pajàu, hi púc mahim aih dudan ka prang tadreo. **3** Enh nòe ramênh waiq kan catèm kô, haq aih ma hi yóc broq ramênh dèch xi ùnh ka Chuaq Jêhowa, praiq xam bòq cliac; **4** baiq toq pìl crống xam bòq haten ka poc crống èh xam bla, mangai aih ep ralah yóc pajùm tì pìl crống. **5** Bài kon calô da Arôn hi bủ bài ngè aih taprang tadreo bủ ma khoe baxù ùnh; aih la ramênh dèch xi ùnh i kan xua thùm ka Chuaq Jêhowa. **6** Tàng cabô aih dèch ka Chuaq Jêhowa ramênh bủ xi trùu, yac ka calô qnì yac ka cadì qnì, trùu aih ùh jah i xít habau. **7** Tàng ramênh aih xi kon trùu aih èh ep dèh haq enh ngèa ka Chuaq Jêhowa, **8** Roh deh tì tagàu kon ramênh aih, khoe èh jêh haq ajang trong qmang traiq taglâm; bài kon calô da Arôn hi púc mahim dudan ka prang tadreo. **9** Enh nòe ramênh waiq kan catèm kô, mangai aih ep dèch ramênh xi ùnh ka Chuaq Jêhowa, bòq xam tênh oe raq ranoh apom, pot nòe pulùch da caxênh crống, praiq xam bòq cliac. **10** baiq toq pìl crống, bòq haten ka poc, praiq clèm xam baiq toq pìl crống, mangai aih ep doeh òong bài yiniq kô. **11** Mangai pajàu hi baxù bài yiniq aih taprang tadreo; aih ramênh dèch xi ùnh ka Chuaq Jêhowa. **12** Tàng ramênh da haq aih xi kon bubi cadrì, aih ep dèch enh ngèa ka Chuaq Jêhowa, **13** roh deh tì tagàu kon ramênh, khoe èh jêh haq ajang trong qmang traiq taglâm, bài kon calô da Arôn hi púc mahim dudan ka prang tadreo. **14** Enh nòe ramênh waiq kan catèm kô, haq aih ep broq ramênh dèch xi ùnh ka Chuaq Jêhowa, aih la praiq xam bòq cliac. **15** baiq toq pìl crống i bòq haten ka poc crống xam praiq clèm, aih ep doeh pajùm ka pìl crống. **16** Mangai pajàu hi baxù bài yiniq aih taprang tadreo, aih la ramênh dèch xi ùnh i kan xua thùm. Ìq

đồng bài bòq aih ìq da Chuaq Jêhowa. **17** Aih la ramênh mòeq òòe am ka xinoo pì, yac ka pì oe taleq: pì ùh khòh acaq yac ka bòq yac ka mahim.

4 Chuaq Jêhowa doe hòm ka Môise: **2** Drah lam anoe ka mangai Isorali qmang kô: Jò leq i cabô troq broq mòeq yiniq lui tabài ranenh da Chuaq Jêhowa, troq broq trong ùh khòh broq; **3** tàng aih la mangai pajàu khoe jah xút dầu mahaq oe raq broq yiniq lui, òài aih broq ka tagop Isorali ep pòq yiniq lui, òaiq yiniq lui òeh khoe broq, haq aih ep dèch ka Chuaq Jêhowa mòeq toq kon ỏ hadròng ùh i ka xít habau, òòeq broq ramênh baxon deh yiniq lui. **4** Mangai aih aràng ỏ hadròng aih trùu ajang trong qmang da traiq taglâm eh ngèa Chuaq Jêhowa, roh deh tì tagàu ỏ aih, khoe èh pác enh ngèa ka Chuaq Jêhwa. **5** Mangai pajàu khoe chiuq xút dầu hi yóc toq bíaq mahim kon ỏ hadròng aih qmút ta traiq taglâm, **6** tàm deh hadrang tì ta mahim, da arat tapèn yàng enh ngèa Chuaq Jêhowa, enh ngèa ka bai prình nòe ìq jaq hadròeh. **7** Khoe aih, mangai pajàu hi xút mahim roc bài haki da prang bủ kan xua thùm oe ta traiq taglâm, enh ngèa Chuaq Jêhowa. Mahim ma oe i aih mangai pajàu aih hi ùc roc jènh prang tadreo bủ, oe enh ngèa ka qmang traiq taglâm. **8** Haq ep ralah òong bòq da kon ỏ òòeq broq ramênh baxon yiniq lui, aih la praiq xam bòq tanòe pù cliac. **9** Baiq toq pìl crống xam bòq ma oe ten ka poc, hla clèm, aih la bài yiniq haq ep doeh pajùm tì pìl crống. **10** Tìah ka haq ma ralah doeh bài yiniq kô da ỏ ma òòeq broq ramênh baxon yiniq lui; khoe aih mangai pajàu hi bủ bài yiniq aih ta prang tadreo bủ. **11** Mahaq akia, xam ìq òong bài jam ma oe, gàu, jo, cliac xam ìc. **12** Aih la, bài yiniq ma oe i enh kon ỏ, mangai aih ep qnoh ma khoe ka traiq lình trùu ajang nòe hreo lem, ai la nòe wì ma ùc loc, khoe hi srom ra-ùnh hu bủ òac: aih la bủ tanòe ùc loc. **13** Tàng joq tagop Isorali troq broq mòeq yiniq lui ta ranenh da Chuaq Jêhowa, broq yiniq ma ùh lòh broq, yàng cla wì haq ùh qnì, enh aih ma loh ka ep pòq yiniq lui. **14** trùu jò wì haq ma hiloq raðeh khoe broq yiniq lui, aih èh tagop Isorali ep dèch mòeq toq ỏ hadròng òòeq broq ramênh baxon yiniq lui, aràng trùu ajang qmang traiq taglâm. **15** Bài gucaq ta tagop aih ep dèch tì raðeh roh tagàu ỏ hadròng, khoe èh pác ỏ

aih enh ngèa Chuaq Jêhowa; **16** Mangai pajàu ma khoe jah xùt đầu hi qmùt mahim aih mùt ta traiq taglăm, **17** poh deh hadrang tì ta mahim, da arêh tapèh yàng enh ngèa Chuaq Jêhowa, enh ngèa ka bai prình. **18** Khoe èh, haq hi xùt mahim ta haki prang tadreo ta traiq taglăm enh ngèa Chuaq Jêhowa, khoe aih ùc mahim roc jo prang tadreo ramèn bủ, oe enh ngèa ka qmang traiq taglăm **19** Haq hadai ep xah dồng bải ramoq aràng bủ ta prang tadreo. **20** Haq tadreo dèch bủ hadròng kô hadai tiah ka haq dèch kon bủ ðoèq broq ramèn baxon yiniq lui: qmang aih, pajàu hi baxon yiniq lui ka tagop mangai Isorali èh yiniq lui da wì haq hi jah caqnaih. **21** Khoe èh, haq ep aràng bủ hadròng aih loh enh gùng ka traiq lình, bủ tiah ka haq khoe bủ kon bủ hadròng ma adroe: aih raq ramèn baxon yiniq lui ka tagop mangai Isorali. **22** Tàng joq i moeq ngai broq cla craq, troq broq yiniq lui leq tabài ramen da Chuaq Jêhowa, aiah la Boc Plinh haq, broq trong ùh lờh broq, enh aih ma loh ka pòq yiniq lui; **23** Jò wì doe ka mangai cla craq aih loq deh ka yiniq lui ðeh khoe broq, haq aih ep qnàng moeq toq bubi broq ramèn, moeq toq bubi calô ùh i xít habau. **24** Roh ðeh tì tagàu bubi calô aih, khoe èh jêh haq enh ngèa Chuaq Jêhowa tanòe wì ma jêh bải kon ramèn bủ; aih raq ramèn baxon yiniq lui. **25** Mangai pajàu tâm deh hadrang tì ta mahim kon ramèn baxon yiniq lui, xùt roc haki prang da ramèn bủ, èh ùc mahim roc nòe jo prang. **26** Khoe èh bủ ðồng bải bôq ramaq tiah ka bủ bôq ramaq da ramèn baxon yiniq lui. Qmang aih mangai pajàu hi baxon da haq yiniq lui, èh yiniq li da haq hi jah paclaih. **27** Tàng moeq ngai leq ta tagop mangai Isorali, troq broq moeq yiniq lui taqne bải ranen da Chuaq Jêhowa broq yiniq ùh khòh broq, èh loh ka pòq yiniq lui; **28** jò leq wì anoe ka haq loq deh ka yiniq lui, mangai aih taiq yiniq lui raðeh ep aràng moeq toq bubi cadri ùh i xít habau cleq, ðoèq broq ramèn, **29** roh deh tì tagàu kon ramèn baxon yiniqlui, khoe èh pác haq ajang nòe pác bải kon ramèn broq ramèn bủ. **30** Mangai pajàu hi tâm deh hadrang tì ta mahim, xùt tabài haki prang tadreo ramèn bủ, rai ùc mahim ta jo prang tadreo, **31** khoe èh ralah doeh ðồng bải bôq da ramèn waiq kan catèm, aràng lam bủ ta prang tadreo, broq ramèn i kan xua thùm ka Chuaq Jêhowa. Aih èh, mangai pajàu hibaxon da haq aih yiniq lui, qmang aih

yiniq lui haq jah caqnaih. **32** Tàng ramèn da haq aih xi kon trùu, aih ep dèch moeq toq kon trùu cadri ùh i ka xít habau, **33** roh deh tì tagàu kon ramèn baxon yiniq lui, khoe èh jêh haq tanòe ma jêh bải kon ramèn bủ. **34** Khoe aih, mangai pajàu hi tâm ðeh hadrang tì ta mahim, xùt roc haki prang tadreo bủ, rai ùc mahim roc jo prang tadreo; **35** doeh ðồng bôq tiah ka doeh da kon trùu broq ramèn waiq kan catèm, ràng bủ taprang qmang ka bải ramèn yôc ùnh ðoèq dèch ka Chuaq Jêhowa. Mangai pajàu hi baxon da haq yiniq lui, aih èh yiniq lui da haq hijah caqnaih.

5 Tàng cabô broq mangai panhìn, jò khoe tàng bâu thê haq hapah ðoèq anoe trong ðeh khoe hnoq khoe loq, mahaq haq ùh waq capoch qnoh, mangai aih ep pòq deh yiniq lui. **2** Tàng cabô bèq bải ngè leq Boc Plinh ma khoe doe ùh hruah, yac ka hanang ngè ban tahnim, yac ka hanang jam gùng, yac ka hanang bải ngè moq ti qneq, yac ka ùh xài haq to bèq, aih èh haq loh ka ùh hruah ep pòq yiniq lui. **3** ùh meh troq bèq kan ùh hruah da mangai qnoeq (kan ùh hruah aih qmang leq ùh ðeh), yac ka haq ùh qnì, mahaq atiq èh haq loq, haq aih ep pòq yiniq lui jò haq loq biac kô. **4** Tàng ùh meh loq i cabô troq hapah ùh tem hèm ðoèq broq yac ka trong dù trong lem, yac ka qmang leq, adroe aih ùh qnì, khoe atiq èh cla haq loq ðeh, mangai aih èh dua ep pòq yiniq lui yac trong kô qnì trong tau qnì. **5** Qmang aih, cabô loq ka raðeh khoe pòq moeq yiniq oe tabài yiniq lui kô, aih ep anoe qnoh raðeh khoe broq yiniq lui cleq. **6** Khoe aih taiq yiniq lui ðeh ma khoe broq, mangai aih ep aràng trùh enh ngèa Chuaq Jêhowa moeq toq trùu cadri tàng ùh meh bubi cadri, ðoèq broq ramèn baxon yiniq lui; èh mangai pajàu hi broq ramèn baxon yiniq lui ka haq. **7** Tàng pi hlát chaq loh mòeq toq trùu cadri qnì loq bubi cadri qnì, aih ep aràng ka Chuaq Jêhowa baiq toq trùu braih ùh meh baiq toq trùu kon: Moeq aih broq ramèn baxon yiniq lui, moeq aih broq ramèn bủ. **8** Haq aih ep aràng baiq toq trùu aih trùu ka mangai pajàu, mangai pajàu hi yôc toq ma adroe dèch broq ramèn baxon yiniq lui, khoe aih hrát gàu ajang ranong mahaq ùh catech loh khoe cachac **9** khoe aih da arat mahim kon ramèn baxon yiniq lui ta moeq apah prang tadreo; mahim ma oe i èh hanhot ta jèn h prang tadreo, aih raq ramèn

baxon yiniqlui. 10 Èh toq ma atiq tau, tiaq troeq ranenh ma khoe qnac adroe mangai pajàu yóc dèch broq ramènh bủh, hu baxon yiniq lui da haq, aih èh yiniq lui haq jah caqnaih. 11 Tàng ùh plàih ka baiq toq trủ braih qnủ trủ hnim qnủ, mangai aih taiq yiniq lui dẻh khoe broq, ep aràng mẻoq phàn mẻoq jàt ẻpha dằc habuàt lem dẻoq broq ramènh baxon yiniq lui, ùh khỏh ùc dằu enh qnhẻq hadai ùh jah tah gahnằu xua thủm, majah qmang aih la ramẻnh baxon yiniq lui. 12 Haq aih hi aràng dằc aih ka pajàu; mangai pajàu hi cadop mẻoq cadop dằc dẻoq broq kan bahmàng, rai baxủ ta prang tadreo qmang ka baxủ ramẻnh ma yóc ùnh dẻoq dẻch ka Chuaq Jẻhowa: aih la ramẻnh baxon yiniq lui. 13 Qmang aih, mangai pajàu hi baxon rủm yiniq lui haq ma khoe troq broq tabài ranenh kỏ. Aih èh yiniq lui haq jah caqnaih; dằc ma oe rah èh jah mangai pajàu tiah qmang ka ramẻnh xep diq. 14 Chuaq Jẻhowa anoe hỏm ka Mỏise qmang kỏ: 15 Jỏ cabỏ troq broq yiniq lui ka bài dahwẻq hadrẻh da Chuaq Jẻhowa, mangai aih èh ep taiq yiniq lui radeh, ep aràng ka Chuaq Jẻhowa mẻoq toq trủu calỏ ùh i xủt habau rủp enh calủh tẻnh tiaq maneh siaclo ẻac, tiaq jaq da siaclo da hnim hadrẻh; aih la mẻoq ramẻnh baxon yiniq lui. 16 Mangai aih ep padreo hlài ma troq jaq trai acop tam mẻoq phàn padam jaq ngẻ dẻh khoe troq tanẻ hadrẻh, khoe èh aràng ngẻ aih ka mangai pajàu. Mangai pajàu yóc trủ calỏ ma dẻoq broq ramẻnh baxon yiniq lui dẻoq broq ramẻnh baxon yiniq lui ka mangai aih, aih èh yiniq lui jah caqnaih. 17 Tàng cabỏ broq mẻoq yiniq lui oe tabài ranenh Chuaq Jẻhowa ùh lỏh broq yac ka haq ùh loq, aih dua i yiniq lui, cla haq aih dua ep pỏq dẻh yiniq lui. 18 Mangai aih taiq yiniq lui dẻh khoe broq ep aràng trủh ka mangai pajàu mẻoq toq trủu calỏ ùh i ka xủt habau rủp enh cadrong, tiaq manoh cla haq pajaq; khoe aih mangai pajàu broq ramẻnh baxon yiniq lui ka mangai khoe troq broq yiniq lui cla ma ùh qnủ, aih èh yiniq lui jah caqnaih. 19 Aih la ramẻnh baxon yiniq lui majah qmang aih mangai kỏ khoe broq yiniq ùh troq ka Chuaq Jẻhowa.

6 Chuaq Jẻhowa doe hỏm ka Mỏise: 2 Jỏ cabỏ leq broq yiniq lui xi manoh ùh hnhoh jang ka Chuaq Jẻhowa, aih la jỏ haq qnủ dẻh mangai haten hatia trong ngẻ wủ gỏe jao ka haq, ùh meh canỏm ka haq wẻq biaq da wủ, yac ka atủng

qnủ, yac ka qnủt mangai haten hatia. 3 yac ka haq toch ngẻ wủ cadằc hnhung yàng èh khoe aih haq chỏiq đằc, ùh meh haq hapah paqnủt, yac ka broq mẻoq yiniq lui troeq wủ ma xan loq broq. 4 Jỏ khoe broq yiniq lui qmang aih, haq aih ep padreo hlài dahwẻq dẻh khoe atủng qnủ, ngẻ dẻh khoe qnủt yóc qnủ, dahwẻq wủ ma khoe gỏe jao, yac ka ngẻ wủ hnhung dẻh ma khoe jah toch. 5 Yac ka bài ngẻ haq khoe hapah paqnủt dẻoq blah yóc: haq aih ep padreo hlài tỏm taih rai acop tam mẻoq phàn padam maneh jaq dẻoq am hlài da cla wủ ma i bài hang aih tằi radeh dẻch ramẻnh dẻoq baxon deh yiniq lui. 6 Tiaq manheh ìh khoe pajaq, mangai aih ep rủp dẻh ta cadrong mẻoq toq trủu calỏ ùh i xủt habau, aràng trủh ka mangai pajàu dẻoq dẻch ka Chuaq Jẻhowa dẻoq broq ramẻnh baxon deh yiniq lui. 7 Mangai pajàu hi broq ramẻnh baxon da haq aih enh ngẻa ka Chuaq Jẻhowa, aih èh yiniq lui haq jah caqnaih. 8 Chuaq Jẻhowa doe hỏm ka Mỏise: 9 Anoe hlài ka Arỏn hloe xam bài kon haq qmang kỏ: Kỏ ranenh trong ramẻn bủh: Ngẻ dẻch broq ramẻnh bủh ep oe enh crỏng ùnh taprang tadreo qngah ka mang trủh ta sroq atiq, ùnh ta prang tadreo ep wẻq dỏq jah khàng yỏt. 10 Mangai pajàu hi srằp qmủt tachac cla eo atẻnh xi bai lan habuàt xam cwỏn hanoh broq xi bai lan, khoe aih hacom yóc loc ma khoe baxủ ramẻnh bủh taprang tadreo, qnoh dẻoq haten ka prang tadreo. 11 khoe aih lẻh eo kỏ, caxủnh ỏnh eo qnoeq, aràng loc kỏ loh ùc enh gủng ka traiq lẻnh, ùc tanẻ hadrẻh lem. 12 ùnh taprang tadreo ep wẻq dỏq haq cheo yỏt yỏt, ùh khỏh pat. Rủm sroq mangai pajàu yóc ra-ủnh bủh tam ta aih, tah ramẻnh bủh enh qnhẻq, rai bủh ramaq bỏq da ramẻnh waiq kan catẻm ta-aih. 13 ùnh khàng yỏt taprang tadreo, ùh khỏh pat. 14 Kỏ ranenh trong ramẻnh xep: Bài kon calỏ da Arỏn ep dẻch ramẻnh kỏ oe enh ngẻa Chuaq Jẻhowa. 15 Wủ yóc mẻoq cadop dằc habuàt lem ta ramẻnh xep xam dằu, xam diq đỏng gahnằu enh qnhẻq aràng bủh taprang tadreo broq kan bahmàng ramẻnh i kan xua thủm ka Chuaq Jẻhowa. 16 Èh bài ma oe rah, Arỏn xam bài kon calỏ haq hi kaq ùh tah blo, oe tanẻ hadrẻh, aih la acaq ti hamlang da traiq taglằm. 17 Wủ ùh jah phiang dằc aih pajủm ka blo; aih raq phàn au am ka wủ haq, yóc enh bài ramẻnh jah dẻch xi ùnh; aih joq bài hadwẻq diq jaq hadrẻh tiah ka ranẻnh baxon yiniq lui xam ramẻnh baxon yiniq lui. 18 Waq toq mangai

aih tanòe hadròeh; aih raq ngè diq jaq hadròeh. 7 Ramènñ baxon lui ma khoe troq broq, tìaħ ka ramènñ baxon yiniq lui, hadai mòeq ranenñ tìaħ ka dabau; kon ramènñ aih jah mangai pajàu ma khoe yòng broq ramènñ baxon yiniq lui. 8 Mangai pajàu dèch ramènñ bùħ ka cabô, aih èħ jah waq ka rađeh akia da kon ranènñ aih. 9 Ramènñ xep leq yac ka pai ta tanùħ, yac ka adrènñ tagôc yac ka bùħ tagiaq, aih diq jah mangai pajàu ma khoe yòng dèch. 10 Diq đống bài ramènñ xep, yac ka khoe ùc dầu yac ka oe croh, dua ep waq ka axong taq atoq đống ka bài kon calô da Arôn. 11 Kô ranenñ da ramènñ waiq kan catèm wì ma ep dèch ka Chuaq Jêhowa. 12 Tàng cabô enh dèch ramènñ kô đòeq manè apôi, aih ep dèch pajùm ti ramènñ kô bài bènñ habàu ùħ tah blo, ùc dầu ôliu, bènñ ratang ùħ tah blo ùc dầu xam bènñ habàu broq enh dác habuàt ùc dầu. 13 Èħ ep waq ka i tam bènñ khoe tah blo đòeq dèch ajùm ti ramènñ waiq kan catèm. 14 Wì hi yôc mòeq phàn ta rìm ramènñ broq ramènñ xep dèch atôc ka Chuaq Jêhowa; ramènñ aih jah mangai pajàu ma khoe púc mahim da kon ramènñ waiq kan catèm. 15 Jam da kon ramènñ waiq kan catèm dèch đòeq manè apôi aih ep acaq waq ka diq tahi aih, ùħ khòh đòeq cleq oe srong trùħ sroq atìq. 16 Tàng ramènñ kô dèch taiq bàu waiq khàn tàng ùħ meh taiq bùi manoh enh, jam kon ramènñ aih ep acaq tahi aih raq, oe i rah aih đòeq acaq hì da-èħ. 17 Mahaq phàn ma oe rah trùħ hì piq aih èħ ep bùħ đác. 18 Tàng cabô acaq jam kon ramènñ waiq kan catèm trùħ tahi piq, ramènñ aih èħ ùħ jah ðì, ramènñ aih ùħ rèn ka haq hòm; aih la kan ùħ hruah, mangai leq acaq jam aih ep pòq dèħ yiniq lui cla. 19 Hanoh ùħ jah kaq jam khoe troq tabài ngè ùħ hruah; ep bùħ đác. Jam ma khòh acaq, cabô hruah men jah kaq. 20 Mangai khoe ùħ hruah, mahaq acaq jam ramènñ baxon yiniq lui da Chuaq Jêhowa, aih èħ ep qnoh đác enh gùng ka bài mangai da haq. 21 Tàng cabô troq kan ùħ hruah, yac ka da kon mangai yac ka da ngè aban ùħ meh kan amùa, mahaq acaq jam ramènñ waiq kan catèm da Chuaq Jêhowa, aih èħ ep hnan qnoh đác enh gùng ka bài mangai da haq. 22 Chuaq Jêhowa doe hòm ka Môise rameh: 23 Thê doe ka mangai Isorali qmang kô: ùħ khòh acaq bài bòq da bo, da triu, da bubi. 24 Bòq da ngè cachìt qnì yac ka cachìt taiq i cleq hit qnì jah đòeq waq rìm trong, mahaq pì ùħ jah kaq. 25 Majah qmang

kaq. **20** Mangai knoe un hruah, manaq acaq jam ramènh baxon yiniq lui da Chuaq Jêhowa, aih èh ep qnoh ðac enh gùng ka bài mangai da haq. **21** Tàng cabô troq kan ùh hruah, yac ka da kon mangai yac ka da ngè aban ùh meh kan amùà, mahaq acaq jam ramènh waiq kan catèm da Chuaq Jêhowa, aih èh ep hnan qnoh ðac enh gùng ka bài mangai da haq. **22** Chuaq Jêhowa doe hòmm ka Môise rameh: **23** Thê doe ka mangai Isorali qmang kô: ùh khòh acaq bài bòq da bo, da triu, da bubi. **24** Bòq da ngè cachit qni yac ka cachit taiq i cleq hit qni jah ðòeq waq rìm trong, mahaq pì ùh jah kaq. **25** Majah qmang

aih cabô acaq bôq wì ma yôc ùnh ðòeq dèch ka Chuaq Jêhowa, aih èh ep qnoh ðac enh gùng ka bài mangai da haq. 26 Rìm nòe pì oe ùh khòh acaq yac ka mahim da chìm yac ka ngè aban 27 Waq toq cabô acaq yac ka mahim cleq aih èh ep hnan qnoh khoe ka mangai da haq. 28 Chuaq Jêhowa oe doe tam ka Môise: 29 Thê doe ka mangai Isorali rameh: Cabô dèch ramènh waiq kan catèm ka Chuaq Jêhowa, cla mangai aih ep aràng ramènh ka Chuaq yôc enh kon ramènh waiq kan catèm. 30 Tì kông cla haq ep aràng phàn ma ep yôc ùnh ðòeq tadreo dèch ka Chuaq Jêhowa; aih la bôq xam canòh, canòh aih broq ramènh tacwa lam tacwa hlài enh ngèa Chuaq Jêhowa; 31 khoe aih mangai pajàu hi bùh bôq aih taprang tadreo, canòh èh jah Arôn xam bài kon calô haq. 32 Pì hanoh ep am cataih qma ka mangai pajàu ma yòng dèch ramènh waiq kan catèm. 33 Kon calô da Arôn mangai leq ma yòng dèch mahim xam bôq da kon ramènh waiq kan catèm, aih èh haq jah waq cataih pah qma. 34 Majah qmang aih enh bài ramènh waiq kan catèm da mangai Isorali, au yôc canòh wì ma dèch lam cwa lam hlài enh ngèa au, xam cataih wì dèch, ðòeq am ka Arôn mangai pajàu xam bài kon calô haq, tiaq ranenh mòeq ðòe mangai Isorali ma ep wèq tiaq. 35 Aih la phàn dahwèq yôc ùnh dèch ka Chuaq Jêhowa, jah axong am ka Arôn xam bài kon calô haq oe tahi wì haq jah padèch atôc broq mangai pajàu enh ngèa Chuaq Jêhowa; 36 Aih la bàu Chuaq Jêhowa khoe tanap thê mangai Isorali ep am ka wì haq patep pang hi wì haq chiùq ranenh xùt dàu. Aih la ranenh hloe hloe enh qnhòng kô trùh qnhòng tau. 37 Aih la ranenh trong ramènh bùh, ramènh xep, ramènh baxon yiniq lui, trùh ramènh baxon yiniq lui troq lò, trong ranenh padèch atôc broq pajàu xam ramènh waiq kan catèm. 38 Aih bài ranenh Chuaq Jêhowa khoe am ka Môise tabui wang Sina-i, jò haq tanap thê mangai Isorali dèch deh ramènh ka Chuaq Jêhowa tađùng hawit Sina-i.

8 Chuaq Jêhowa doe ka Môise rameh: 2 Aràng Arôn xam bài kon calô haq, xam eo yôh, dàu xùt, kon bo calan qniq broq ramènh baxon yiniq lui, baiq toq triu calô xam talênh bênh ùh tah blo; 3 Khoe aih tagop ðiq ðong mangai ajang qmang traiq taglâm 4 Môise broq wop qmang ka bàu Chuaq Jêhowa tanap thê, ðiq ka mangai tagop dabau ajang trong qmang traiq taglâm. 5

Môise anoe ka wì: Kô bài trong Chuaq Jêhowa khoe tanap thê broq tiaq. 6 Khoe aih, Môise thê Arôn xam bài kon calô haq thia haten, khoe aih yôc diac dahùm wì haq. 7 Haq caxùnh am eo ðeq enh dalam ka Arôn, kàt dahaq xi qnam, sráp eo yôh, caxùnh êphot rai kàt caxi atanh êphot. 8 Hây xem XuXh 28:30 Haq hadai bac am capiac bac rada rai pacap qmùt ta-aih urim xam thumim. 9 Pacui mù cajùh tagàu, enh ngèa i kàt chèang lèang wang, aih la cadoh hadròeh diac plình, wop qmang ka bàu Chuaq Jêhowa khoe tanap thê Môise. 10 Khoe ka aih, Môise yôc dàu xùt, xùt ka hnim kùh waiq ðò xam dahwèq ta-aih ðôq bài ngè aih jah hadròeh. 11 Da arat dàu tapèh yàng ta prang tadreo rai xùt dàu ka prang tadreo xam bài dahwèq khop khìp da prang tadreo, thùng xam jo haq, ðòeq broq ka bài ngè aih jah hadròeh. 12 Haq hadai ùc dàu tagàu Arôn, xùt ka haq broq haq jah hadròeh. 13 Khoe aih, Môise thê bài kon calô Arôn thia haten, caxùnh eo ðeq enh dalam, kàt atan caqnam, kui cadoh tagàu, wop qmang ka bàu Chuaq Jêhowa khoe thê Môise. 14 Haq thê aràng bo hadròng ðòeq broq ramènh baxon yiniq lui trùh haten, Arôn xam bài kon calô haq roh dèh tì tagàu bo aih. 15 Môise pác bo aih, yôc mahim, khoe aih yôc deh hadrang tì xùt mahim dudan ài aki da prang tadreo, broq ka prang tadreo aih jah hadròeh; khoe aih ùc mahim roc jo prang tadreo, qmang aih haq broq ka prang tadreo jah hadròeh, ðòeq broq ramènh baxon yiniq lui ta-aih. 16 Haq yôc ðong bài bôq, praiq clèm, baiq toq plì crông xam bôq da plì crông, khoe aih aràng bùh ta crông prang tadreo 17 Mahaq chac bo aih xam akia, jam xam cliac, aih haq lam bùh enh gùng ka traiq lình, wop qmang ka bàu Chuaq Jêhowa khoe tanap thê Môise. 18 Haq hanoh thê aràng triu calô ðòeq broq ramènh bùh trùh ka haten, Arôn xam bài kon calô haq roh dèh tì tagàu triu; 19 Khoe aih Môise jêh haq rai ùc mahim haq dudan crông prang tadreo, 20 khoe aih xah loh tang apech, aràng bùh bài gàu xam bài apech aih hloe xam bôq. 21 Haq yôc diac qnheo pù cliac xam jo, khoe aih bùh triu calô taprang tadreo; aih raq ramènh bùh i kan xua thùm, aih la ramènh yôc ùnh ðòeq dèch ka Chuaq Jêhowa, wop tiaq ka bàu Chuaq Jêhowa khoe tanap thê Môise. 22 Haq hanoh thê aràng triu calô ma atiq hòm, aih la triu calô ðòeq broq ramènh dèch atôc broq pajàu; Arôn xam bài kon calô haq roh deh tì tagàu triu

calô aih. **23** Môise pàc triu aih, yôc mahim xùt da Arôn hla don pah qma, ta hadrang kan tì pah qma xam ta hadrang kan jènh pah qma. **24** Môise hanoh the bài kon calô da Arôn thia haten, xùt mahim ta hla don bè qma da wì haq, ta hadrang kan tì qma xam hadrang kan jènh pah qma da wì haq; khoe aih, Môise pùc mahim dudan taprang tadreo. **25** Khoe aih, haq yôc ramaq, tênh, xam bài bôq, praiq clèm, baiq toq plì crông xam bôq da baiq toq plì crông xam cataih qma; **26** Khoe aih enh talênh bênh ùh tah blo ma ðeq enh ngèa Chuaq Jêhowa, haq yôc moeq toq bênh habâu ùh tah blo, moeq toq bênh habâu i dầu, xam moeq toq bênh ratang, ðeq bài bênh aih enh qnhêq ka bài bôq xam cataih qma, **27** Khoe aih tah ðong bài ngè aih ta tì Arôn xam tì bài kon calô haq; wì hnhu lam hnhu hlài enh ngèa Chuaq Jêhowa. **28** Môise yôc bài ngè aih enh tì wì haq, aràng bûh taprang ramênh bûh; aih la ramênh dèch atôc broq pajàu i kan xua thùm, aih ra ramênh yôc ùnh ðeq dèch ka Chuaq Jêhowa. **29** Môise hanoh yôc canòh da triu calô ma broq ramênh dèch atôc broq pajàu hnhu lam hnhu hlài enh ngèa Chuaq Jêhowa, aih phàn jah Môise, wop qmang ka bàu Chuaq Jêhowa khoe tanap the haq. **30** Khoe aih, Môise yôc dầu xùt xam mahim enh prang tadreo da arat tachac Arôn xam eo cwàn haq, tachac bài kon calô haq hloe ta eo cwàn wì ðeq broq hadròeh Arôn xam bài kon calô haq hloe xam bài eo cwàn ramênh wì haq **31** Khoe aih, Môise doe ka Arôn xam bài kon da haq qmang kô: Pì awih jam jang trong qmang traiq taglâm, rai acaq ta-aih xam bênh enh talênh da ramênh dèch atôc broq pajàu. Wop qmang ka au khoe tanap: Arôn xam kon haq hi kaq jam aih. **32** Mahaq pì ep bûh ðac jam xan bênh ma oe rah. **33** Ta tapèh hì pì ùh jah loh enh gùng ka qmang traiq taglâm trùh jò hì padèch atôc pì khoe jah gèh, majah qmang aih biac padèch atôc pì ep ðiq tapèh hì. **34** Rìm yiniq ma khoe broq hì kô aih ðiq Chuaq Jêhowa khoe tanap the, ðeq baxon yiniq lui ka pì. **35** Qmang aih, pì ep oe tapèh hì tapèh mang ta qmang traiq taglâm, wèq tiaq bàu Chuaq Jêhowa the, ðeq pì ùh hìaq cachit, majah qmang aih haq khoe tanap the au qmang aih. **36** Arôn xam bài kon calô haq broq tiaq rìm trong wop qmang ka bàu Chuaq Jêhowa tanap the.

9 Trùh hì rahem, Môise creo ka Arôn xam bài kon calô haq xam bài gucraq Isorali, **2** khoe aih haq doe ka Arôn: Rùp moeq toq bo calô ðeq broq ramênh baxon yiniq lui, moeq toq triu calô broq ramênh bûh, ðiq ùh ùh i ka xit habau, dèch atôc enh ngèa Chuaq Jêhowa. **3** Ìh anoe ka mangai Isorali qmang kô: pì rùp moeq toq bubi calô broq ramênh baxon yiniq lui, moeq toq bo kon xam moeq toq kon triu ùh i ka xit habau, khoe jah moeq hanam, ðeq broq ramênh bûh, **4** moeq toq bo kon, moeq toq triu calô ðeq broq rmênh waiq kan catèm, ðeq dèch atôc enh ngèa Chuaq Jêhowa, xam moeq ramênh xep i dầu; majah qmang aih hì kô Chuaq Jêhowa hi loh tì pì. **5** Qmang aih wì aràng trùh enh ngèa ka qmang traiq taglâm bài ngè Môise khoe the, khoe aih ðiq ka mangai Isorali trùh haten yòng enh ngèa Chuaq Jêhowa. **6** Môise doe: Kô bài bàu Chuaq Jêhowa tanap; aih drah broq beq aih èh kan ranhòm da Chuaq Jêhowa hiloh ka pì **7** Khoe aih Môise doe ka Arôn: Ìh thia ten ka prang tadreo dèch ramênh baxon yiniq lui xam ramênh bûh da ìh beq, ðeq baxon yiniq lui cla ìh xam ðiq da wì, dèch ramênh am ðiq ka mangai ðeq baxon dawì yiniq lui wop qmang ka Chuaq Jêhowa khoe the. **8** Arôn hi lam haten ka prang tadreo, pàc bo calô ma ðeq broq ramênh baxon yiniq lui da cla. **9** Bài kon calô haq aràng mahim trùh; haq poh deh hadrang tì, xùt roc haki taprang tadreo, khoe aih ùc mahim nòc jènh prang tadreo. **10** Haq yôc aràng bûh taprang tadreo bôq, baiq toq plì crông xam bôq ratang ajang clèm. **11** Èh wa jam wa akia aih, haq the wì qnoh bûh enh gùng ka traiq lình **12** Khoe ka aih, haq pàc kon rmênh ðeq broq ramênh bûh. Bài kon calô Arôn aràng mahim trùh, haq pùc dudan enh crông prang tadreo. **13** Wì haq hanoh aràng ka Arôn jam ramênh bûh xah loh tang haqnech xam gàu, khoe aih haq bûh ðong taprang tadreo. **14** Khoe aih haq qnheo pù cliac, xam bài jo, aràng bûh ramênh bûh taprang tadreo. **15** Khoe ka aih Arôn aràng kon ramênh ðeq dèch am ðiq ka mangai, rùp bubi calô ðeq broq ramênh baxon yiniq lui ka wì, jêh haq tadreo dèch broq ramênh baxon yiniq lui tiah ka khoe broq ka bubi adroe. **16** Haq hadai dèch ramênh bûh wop qmang ranenh khoe the. **17** Tia aih, haq aràng ramênh xep, cadop yôc bình moeq xống qnàng lam bûh taprang tadreo, enh gùng ka ramênh bûh disroq. **18** Haq

hanoh pác ぼ calô hadrông xam triu calô ðoeq broq ramênh waiq kan catêm am ðiq ka Isorali. BÀI kon calô Arôn arâng mahim trùh ka haq, èh haq púc dudan taprang tadreo. **19** Wì hadai arâng ka haq bôq ぼ xam da triu calô, tênh, bôq pù cliac, baiq toq pìl crông, bôq ratang ajang clêm; **20** ðoeq bôq kô enh qnhêq ka canôh, khoe aih bûh taprang tadreo. **21** Khoe aih, Arôn yôc canôh xam cataih jo pah qma nhu lam hnhu hlài enh ngêa Chuaq Jêhowa, wop qmang ka bàu Môise khoe thê. **22** Arôn dèch tì tangêa ta mangai Isorali waiq xôq ramot am ka wì; atiq ka dèch ramênh baxon yiniq lui, ramênh bûh xam ramênh waiq kan catêm, khoe aih haq hi cadiang loh khoe ka prang tadreo. **23** Môise xam Arôn mùt ta traiq taglâm, jò loh enh aih wa waiq xôq ramot hòm ka wì, kan ranhòm da Chuaq Jêhowa loh ti mangai Isorali: **24** moeq pla ùnh oe enh ngêa Chuaq Jêhowa blè qngah bûh cheo ðông ramênh bûh xam bôq taprang tadreo. ðiq ðông ka Isorali hnoq qmang aih rìm ngai dèh bàu lem bùi rai hacùn crâng taqneq.

10 Baiq toq kon calô da Arôn aih la Nađap xam Abihu, wa wê deh abôq, tah ùnh tah gahnàu ta-aihi rai dèch moeq yiniq ùnh crài enh ngêa Chuaq Jêhowa; ùh tiaq ranenh haq thê. **2** Moeq pla ùnh enh ngêa Chuaq Jêhowa blè qngah bûh cheo wa haq èh wa hi cachit enh ngêa Chuaq Jêhowa. **3** Môise hi doe ka Arôn: Aih raq trong Chuaq Jêhowa khoe paqnoh jò haq doe: “Taqne bài mangai thia haten ka au Au patô deh kan hadrêh; Oe enh ngêa rìm ngai Au jah kan ranhòm”. Arôn oe hatinh. **4** Môise creo ka Misa-ên xam Ênsaphan, baiq ngai kon da Uxi-ên, dùch da Arôn, haq doe: Thia ma haten tòng hanang wa oh ðaq da pì loh enh gùng khoe ka nôe hadrêh, qnoh khoe ka traiq linh. **5** Qmang aih, wì lam haten tòng hanang oe raq caxùnh eo ðêq enh dalam loh enh gùng ka traiq linh, tiaq bàu Môise khoe thê. **6** Khoe ka aih, Môise doe ka Arôn, Êlê-asa xam Ythama, baiq ngai kon calô haq rameh: Pì paq oe gàu dech hadai apaq hit deh eo, yùq èh loq ep cachit majah qmang aih Chuaq Jêhowa loq loh nôeh ðiq ka Isorali qmôh; mahaq oh ðaq pì, aih la ðiq ka mangai Isorali khôh crò hmoe taiq ùnh bûh cheo da Chuaq Jêhowa khoe plôh loh. **7** Apaq loh khoe qmang traiq taglâm, èh pì loq ep cachit qmôh; majah qmang aih ðau xùt da Chuaq Jêhowa oe ta pì. Wì hi broq tiaq

bàu Môise. **8** Khoe ka aih, Chuaq Jêhowa doe ka Arôn: **9** Jò mùt ta traiq taglâm, ìh xam bài kon ìh ùh khôh ôq alac hloe xam bài yiniq ôq ma loq bù, ùh meh ìh loq cachit- aih la ranenh moeq ðoe, enh qnhông kô trùh qnhông tau, **10** ðoeq pì loq hadro trong hadrêh xam trong ùh hadrêh, kan srêh xam kan ùh srêh, **11** rai hnài mangai isorali bài ramen Chuaq Jêhowa khoe tanap thê ajang Môise. **12** Môise doe ka Arôn, Êlê-asa xam Ythama, aih la baiq ngai kon calô da Arôn ma oe i, haq doe: Yôc bài ramênh xep ma oe i enh ramênh ma yôc ùnh ðoeq tadreo dèch am ka Chuaq Jêhowa, èh acaq beq paq tah blo, haten ka prang tadreo, majah qmang aih aih la moeq ramênh ðiq jaq hadrêh. **13** Ep acaq ramênh kô tanê hadrêh, majah qmang aih kô raq phàn da ìh xam bài kon calô ìh tabài ramênh yôc ùnh tadreo dèch ka Chuaq Jêhowa; Majah qmang aih khoe tanap ka au qmang aih. **14** Canôh ma dèch hnhu lam dèch hnhu hlài, xam cataih hnhu dèch, ìh, bài kon calô, xam bài kon cadrì ìh ep acaq tanê hadrêh, majah qmang aih bài ngê aih khoe jah ìh xam bài kon calô ìh, yôc enh bài ramênh waiq kan catêm da mangai Isorali. **15** Wì hi arâng cataih hnhu dèch xam canôh dèch hnhu lam hnhu hlài hloe xan bài bôq ma ðoeq hubùh, dèch hnhu lam hnhu hlài enh ngêa Chuaq Jêhowa. Bài ngê aih ðiq jah ìh xam bài kon calô ìh tiaq ranenh moeq ðoe, wop qmang ka bàu Chuaq Jêhowa khoe tanap thê. **16** Môise ti chaq bubi calô ma palauq ðoeq broq ramênh baxon yiniq lui, hnoq wì khoe bûh ðông, haq nôeh ka Êlê-asa wa Ythama, aih baiq toq kon calô ma oe da Arôn, haq doe: **17** Hagleg chòp ùh kaq jam kon ramênh baxon yiniq lui tanê hadrêh? Aih xài ngê ðiq jaq hadrêh Chuaq Jêhowa khoe am ka chòp, ðoeq pòq am yiniq lui da rìm ngai, ðoeq broq ramênh baxon yiniq lui ka wì enh ngêa Chuaq Jêhowa. **18** Kô, mahim haq chòp ùh i qmùt tanê hadrêh; matroq aih chòp ep kaq ramênh qmat tanê hadrêh, troeq bàu au khoe tanap thê. **19** Mahaq Arôn padreo bàu: Hì kô wa haq khoe dèch ramênh baxon yiniq lui xam ramênh bûh da cla enh ngêa Chuaq Jêhowa, mahaq kan habo khoe loh ka au qmang kô, tàng joq hì kô au acaq tam ramênh baxon yiniq lui, aih lem ka manoh Boc Plinh loq ùh? **20** Bàu aih, haq lem deh ka manoh Môise.

11 Chuaq Jêhowa doe ka wa Môise wa Arôn qmang kô: **2** Thê anoe ka mangai Isorali rameh: tabài ngè ma rih ta trong taneh, kô bài ngè pì ma khòh kaq: **3** Waq toq ngè cleq i cachop jo tawah, capiang jo talah baiq, loq tacai, aih lòh pì kaq. **4** Mahaq ùh khòh kaq ngè leq toq tacai dech, ùh meh ngè leq i toq cachop jo tawah: troeq lõcda, haq loq tacai, yàng haq ùh i cachop jo tawah; aih la ngè ùh sròeh ka pì. **5** Tiếng cội-rẻ là “arnebeth,” một thứ loài vật chúng ta biết không quả quyết, nhưng giống tựa như thỏ rừng và hay nhói, cani tagùng, haq tacai, mahaq ùh i ka cachop tawah, aih ep ngan haq aih ngè ùh sròeh; **6** tho tarôm wang; haq tacai mahaq ùh i ka cahop tawah; dài majah ngan haq ùh hruah **7** chùa, yac ka haq i cachop tawah, mahaq ùh tacai, aih ùh sròeh ka pì. **8** Pì ùh khòh acaq jam hanoh ùh khòh poh ta hanang bài ngè aih; ep ngan bài ngè aih ùh sròeh ka pì. **9** Bài ngè rih tadiac pì ma khòh kaq, aih bài ngè leq, yac ka tadiac rasiq, yac ka oe tadiac, ma i hakia i cachep. **10** Mahaq ngè leq yac ka tadiac rasiq, yac ka tadiac, aih la bài ngè xêh tadiac, mahaq ùh i ka hakia ùh i ka cachep, aih ùh lòh pì kaq, ep ngan aih la ùh sròeh ka pì. **11** Bài ngè kô, pì ep ramòt, ùh lòh acaq jam haq, ep cadròt ka hanang haq. **12** Bài ngè tadiac ma ùh i ka hakia ùh i ka cachep, pì ep ngan aih la kan ramòt ka pì. **13** Kô bài adrech chìm pì ma ep ngan haq amùà, ùh khòh kaq, aih la: cliang, cliang kèn xam cliang cliu. **14** Cliang gòh xam bài cliang gam, tiaq tang adrech da haq; **15** hloe xam bài adrech ac, **16** chìm đadiu, da-ôh, chìm diac raxiq, xam rìm adrech hatiah ka wì haq; **17** chìm da-ôh qyoh, cli koc, da-ôh kàn, **18** da-ôh taboc, da-ôh tadùng hawit, cliang diac raxiq, **19** cli koc, chìm yiac xam bài hadrech hatiah; chìm tèn panài xam racàt. **20** Bài ngè qyêq ma loq pan, lam pôn toq jènh, aih pì ep ngan haq amùà ramòt. **21** Mahaq bài ngè qyêq loq pan rai lam pôn toq jènh, pì jah acaq bài maleq i jènh aplòh ta taneh. **22** Aih la líp tiaq deh adrech haq, hadro tiaq deh adrech haq, líp tuc tiaq deh drech haq, canhenh tiaq deh adrech haq. **23** Bài ngè qyêq qnoeq loq pan i pôn toq jènh, aih pì ep ngan haq amùà ramòt. **24** Taiq bài adrech aih èh pì majah loh ka ùh hruah; cabô troq hanang bài adrech aih loh ka ùh hruah trùh dixèq clam. **25** Cabô wê hanang bài ngè aih ep rùh deh eo, èh loh ka ùh hruah trùh xèq clam. **26** Bài ngè leq ùh i ka cachop tapah, èh ùh tacai, aih diq ùh hruah ka pì; cabô bèq aih èh loh ka ùh hruah. **27** Bài ngè ma lam pôn toq jo, waq toq maleq lam xi capiang jènh, ma aih èh ùh sròeh ka pì; cabô bèq hanang ngè aih loh ka ùh hruah trùh xèq clam, **28** Cabô wê hanang ngè aih ep rùh deh eo yôh, èh amùà trùh xèq clam; bài ngè aih ùh hadròeh ka pì. **29** Bài ngè moq ta taneh, kô bài ngè ma ùh hruaq ka pì: chôn, cani, xam rìm adrech cadaq ma kàn. **30** Húc hác, tacot, cadaq, qmòq, xam bon. **31** Bài adrech ma qyoh qyêq, bài adrech aih ùh hruah ka pì; cabô bèq hanang haq aih èh loh ka ùh hruah trùh xèq clam **32** ùh deh yac ka ngè cleq, waq toq bài ngè kô cachit cìh tuc enh qnhèq, aih èh diq loh ka ùh hruah, yac ka ngè broq xi long, xi akia, eo yôh, cabàu, aih la bài dahwèq wì maloq xan waq deh yôt; ep tàm bài ngè aih tadiac, loh ka ùh hruah trùh xèq clam, khoe aih èh men jah hruah hlài. **33** Tàng moeq tabài yiniq aih tacìh troq cabi tùng, rìm dahwèq ma tah enh dalam diq loh ka ùh hruah; cabi tùng aih ep tuc đac. **34** Yac ka dahwèq acaq xam ngè ôq leq, yac ka tah ta cabi tùng taneh leq mahaq diac enh cabi tùng aih troq catôh mùt, aih èh top kan ùh hruah. **35** Yac ka ngè cleq ùh deh waq toq hanang bài yiniq aih hi tacìh troq, aih hi top kan ùh hruah; yac ka tanùh yac ka gôc awìh diq ep tuc ka padah; haq khoe ùh hruah; pì ep ngan haq ùh hruah. **36** Mahaq thông diac qnì, ùh meh moeq toq bau i bàc diac, aih dua hruah; mahaq waq toq cabô ma hi troq hanang bài ngè cachit aih èh hi top kan ùh hruah. **37** Tàng i cleq enh hanang cachit aih cìh troq ta adrech wì ma rai, adrech aih èh dua hadròeh. **38** Mahaq tàng wì puc diac ta adrech aih èh i cleq enh hanang tacìh troq, adrech aih èh loh ka pi hruah am ka pì. **39** Jò moeq toq ngè khòh broq dahwèq acaq mahaq loh ka cachit, waq toq cabô troq hanang haq aih mangai aih loh ka ùh hruah trùh jò dixèq. **40** Cabô acaq hanang jam cachit aih mangai aih ep rùh deh eo yôh, èh top kan ùh hruah trùh xèq; cabô tông hanang jam cachit aih ep rùh deh eo yôh, èh top kan ùh hruah trùh xèq clam. **41** Rìm yiniq leq ma moq ta taneh aih diq đổng ramòt am ka pì, ùh khòh kaq jam haq. **42** Qmang aih ùh khòh acaq jam bài ngè moq ta taneh, aih la bài ngè moq deh xi cliac, ngè lam xi pôn toq jo qnì lam xi bàc toq jo qnì, majah qmang aih bài aih la kan ramòt. **43** Pì apaq đòeq ka chac rađeh top kan amùà enh bài ngè kô. Apaq broq ka rađeh loh ka ùh hruah enh bài ngè kô ùh meh

đòeq ka bài ngê kô broq ka rađeh loh ùh hruah. 44 Majah qmang aih au kô raq Jêhowa Boc Plineh pì; au kô raq hadròeh, dài pì majah ep wìh wia hadròeh. Pì apaq đòeq moeq toq ngê ma ti moq ta taneh broq amùa ka chac pì. 45 Majah qmang aih au kô raq Jêhowa, Mangai khoe qnoh pì loh khoe ka gùng Êdip đòeq broq Boc Plineh pì; pì ep wìh wia hadròeh, majah qmang aih au kô raq hadòeh. 46 Aih la bài ranenh trong bài ngê aban, bài chìm ta tróc, bài ngê rih tadiac xam bài ngê moq ta taneh. 47 đòeq hadro canau ngê ùh hadròeh xam ngê hadròeh, ngê leq khòh kaq xam ngê ùh khòh kaq.

12 Chuaq Jêhowa doe ka Môise qmang kô: 2 Anoe ka mangai Isorali qmang kô: Jò moeq ngai gucadri hadròeh ò ha-uang loh moeq toq kon calò, aih loh ka ùh hruah ta tapèh hì, qmang ka jò haq i khê. 3 Trùh hì rahem wì broq ramènh kat akia ka kon nga. 4 Khoe aih mangai cadri ep gòm ta piq jàt hì jò mahim ðeh jah basròeh, ùh khòh poh ta ngê hadròeh leq hadai ùh khòh lam trùh tanòe hadròeh trùh jò basròeh jah gêh. 5 Tàng haq ha-uang kon cadri, aih ò ùh sròeh ta qne khê, qmang ka jò haq i khê; ep apàm ta tadràu jàt tadràu hì dòq mahim rađeh jah basròeh. 6 Jò basròeh rađeh yac ka ha-uang kon calò yac ka kon cadri, mangai cadri kô ep ðèch ka pajàu ramènh ajang qmang traiq taglòm moeq toq triu jah moeq hanam, đòeq broq ramènh bùm, moeq toq kon trù ùh meh moeq toq kon trù braih đòeq broq ramènh baxon yiniq lui. 7 Mangai pajàu ep ðèch bài kon ramènh aih enh ngèa ka Chuaq Jêhowa, broq ramènh baxon yiniq lui ka haq; aih ò haq jah basròeh khoe ka biac ðeh ma da hròq mahim. Aih la ranenh trong mangai gucadri jò ha-uang yac ka kon cadri qnì loq kon calò qnì. 8 Tàng haq ùh hlài i ka rađeh moeq toq triu kon, aih ep rùp baiq toq trùh braih, ùh meh baiq toq triu kon, moeq toq đòeq broq ramènh bùm, moeq toq đòeq broq ramènh baxon yiniq lui; mangai pajàu broq ramènh baxon yiniq lui ka haq, aih ò haq jah sròeh.

13 Chuaq Jêhowa doe hòm ka wa Môise wa Arôn: 2 Jò cabò ta akia haq loh ka calan, plòh pa-êh patènh, ùh meh loh ka preo taboc, tiàh gleq ka loq loh ka bacùn, aih ò wì ep qràng haq trùh ajang pajàu Arôn, tàng meh trùh ajang bài kon calò haq aih la bài pajàu. 3 Mangai pajàu hi ngan ta chac haq; tàng joq

hnoq xác jang xit aih loh ka taboc, tàng xit aih haq yeo jrùq ka akia ta chac, aih raq teo bacùn: mangai pajàu ngan ò khoe aih hi doe: mangai kô khoe ùh sròeh. 4 Tàng xit taboc ta chac mangai aih, teo aih ùh hìaq yeo jrùq ka akia, ò xác ùh hìaq loh ka taboc, aih pajàu ep padràng đòeq crài haq aih ta tapèh hì. 5 Trùh hì tapèh, mangai pajàu ngan hòm, tàng joq xit oe pang aih raq, pì lènh tam ta akia, aih ò ep lah padràng đòeq haq tam haq moeq yàng, hadai tapèh hì hòm. 6 Trùh hì tapèh, mangai pajàu ngan lauq hòm; tàng joq xit aih khoe bah, pì lènh ta akia, aih ò mangai pajàu hi doe mangai aih jah sròeh; aih la rahènh talèh. Mangai aih ep rùh ðeh eo yòh, aih ò hi jah sròeh. 7 Mahaq tàng atiq ka jò haq khoe trùh enh ngèa pajàu đòeq jah doe ðeh kô sròeh, yàng kan pa-êh haq oe plòh hlài ta akia, mangai aih ò ep trùh enh ngèa pajàu yàng atiq hòm. 8 Mangai pajàu ngan da haq, tàng joq talèh aih khoe lènh ta akia aih ep doe haq aih ùh sròeh; aih raq bacùn. 9 Jò i moeq teo bacùn tachac cabò, aih ep aràng mangai lam patò rađeh enh ngèa mangai pajàu. 10 Mangai pajàu hi ngan ka haq; tàng joq i calan taboc ta akia broq ka xác loh ka mang, ò i moeq trong xech gòh nòe calan taboc aih, 11 aih raq kan bacùn khoe dùnh ta chac mangai aih, mangai pajàu hi doe mangai kô ùh sròeh, ùh dùh padràng wì haq hòm, majah qmang aih khoe ùh hruah. 12 Manhaq tàng hnoq xit bacùn aih khoe xia jàp tachac mangai ma i teo aih, enh gàu trùh jènh, jàp nòe leq mangai pajàu jah hnoq, 13 aih ò mangai pajàu ep ngan ka haq; tàng joq hnoq xit bacùn aih khoe xia tachac, aih ò jah doe haq aih khoe hruah; haq khoe loh ka mang dong tachac, dài majah khoe sròeh. 14 Mahaq jò leq plòh loh xech gòh, mangai aih ò ùh sròeh. 15 Jò mangai pajàu hnoq xech gòh aih ep doe mangai aih la ùh sròeh, xech gòh aih la ùh sròeh; aih raq kan bacùn. 16 Mahaq tàng joq xech gòh aih loh ka bah, loh hlài ka mang, mangai aih ep lam trùh ajang mangai pajàu. 17 mangai pajàu ngan da haq, ò tàng joq xit aih khoe loh ka mang, aih ò ep doe mangai i xit aih sròeh, majah qmang aih khoe jah sròeh. 18 Jò moeq ngai leq tachac haq i teo xit pa-êh khoe brêh, 19 ò jang xit pa-êh aih plòh ka calan taboc ùh meh gòh gòh, mangai aih ep lam patò rađeh enh ngèa mangai pajàu; 20 mangai pajàu ngan da haq; tàng joq teo aih kaq yeo jrùq ka akia ò xác loh ka mang, aih ò

mangai pajàu ep doe haq aih ùh sròeh; aih raq kan bacùn khoe kaq jang xit patên. 21 Tàng joq mangai pajàu ngan, ùh hnoq xác taboc jang aih, ùh hiaq kaq yeo jrùk ka akia, èh hnoq khoe loh ka bah, aih èh ep padràng òòeq mangai aih ta tapèh hì. 22 Tàng joq teo aih lènh jàp ta akia, mangai pajàu ep doe haq aih khoe ùh sròeh; aih raq teo bacùn. 23 Tàng xit aih oe moeq nòe ùh tablòq, ùh lènh tam, aih la xit pa-èh; mangai pajàu hi doe mangai aih la hadròeh. 24 Jò cabô i xit padôc ùnh ta akia, èh nòe padôc aih loh ka taboc gòh ùh meh loh ka bah bah, 25 Mangai pajàu ngan da haq, tàng joq xit aih loh ka taboc, èh tàng nòe xit aih loh ka yeo jrùk ka akia, aih la kan bacùn plòh nòe xit padôc. 26 Tàng mangai pajàu ngan ùh hnoq xác taboc tanòe teo padôc, ùh hiaq yeo jrùk ka akia, èh hnoq khoe bah bah, aih ep padràng òòeq haq crài ta tapèh hì 27 Trùh hì tapèh mangai pajàu ngan haq, hnoq teo aih lènh ta akia, aih ep doe haq aih khoe ùh sròeh; aih raq kan bacùn. 28 Mahaq tàng xit aih ùh tablòq, ùh lènh ta akia èh khoe loh ka bah, aih la calan padôc. Mangai pajàu ep doe haq aih sròeh, aih la xit padôc. 29 Tàng jò moeq ngai calô qnì loq cadri qnì i habau tagàu, ùh meh nòe kiang, 30 aih èh mangai pajàu hi ngan habau aih. tàng habau aih kaq yeo jrùk ka akia, hon xác qyêq broq ka drinh drinh, mangai pajàu ep doe haq aih khoe ùh sròeh; aih raq teo bacùn nòe gàu ùh nòe kiang. 31 Mahaq tàng jò mangai pajàu ngan xit aih, hnoq xit aih ùh i kaq yeo jrùk ka akia, èh hnoq nòe aih ùh i ka xác gam, aih èh ep lah òòeq haq aih oe òeh crài ta tapèh hì. 32 Trùh hì apèh mangai pajàu ngan habau aih, tàng joq habau aih ùh hiaq lènh tam, ùh i ka xác drinh drinh, èh ùh hiaq yeo jrùk ka akia, 33 qmang aih mangai aih ep got xác got xác mom, mahaq ùh jah got ajang habau, èh mangai pajàu hi lah òòeq haq aih oe òeh crài ta tapèh tam moeq yàng hòm. 34 Khoe aih trùh hì tapèh, mangai pajàu hi ngan, tàng habau ùh hiaq lènh tam ta akia, ùh yeo jrùk ka akia, aih èh mangai pajàu hi doe haq aih sròeh; mangai yiniq aih ep rùh òeh eo yôh, aih èh jah sròeh. 35 Mahaq atiq ka jò khoe jah doe haq sròeh, yàng èh habau aih oe raq lènh ta akia, aih èh mangai pajàu ep ngan hòm. 36 Tàng xit habau khoe lènh ta akia, mangai pajàu pi ep chaq waq ka hnoq xác drinh drinh, mangai aih khoe ùh sròeh. 37 Mahaq tàng hnoq habau tiah ka oe pang aih raq, èh khoe plòh xác gam, xit aih khoe brêh: Haq aih khoe jah sròeh èh mangai pajàu ep doe mangai aih khoe jah sròeh. 38 Jò mangai calô qnì cadri qnì ta akia i bài xit taboc, 39 mangai pajàu hi ngan. Tàng ta akia i bài xit taboc nget, aih la teo taboc loh ta akia: haq aih dua sròeh. 40 Jò moeq ngai taluih xác, haq aih la mangai clòc gàu: haq aih dua sròeh. 41 Tàng gàu haq taluih enh ngèa, aih la mangai clòc ngòng: haq dua sròeh. 42 Mahaq tàng tanòe clòc enh ngèa qnì clòc enh rù i moeq teo taboc gòh, aih raq bacùn plòh loh jang teo clòc enh ngèa ùh enh rù. 43 Mangai pajàu ep ngan da haq; tàng joq teo calan tanòe clòc gàu enh ngèa ùh qnì ùh enh rù loh ka taboc gòh, qmang ka kan bacùn ta akia chac mangai, 44 aih mangai kô khoe bacùn, mangai pajàu ep doe haq la mangai ùh sròeh majah qmang aih khoe bacùn tagàu. 45 Qmang aih, yac ka cabô waq toq hi loh ka bacùn, òiq ep caxùnh eo cwàn hit ka hyah hyai, xác gàu caqnaih tù ta hadrò rai cachech creo: Ùh sròeh! Ùh sròeh! 46 Waq toq haq oe raq i yiniq, aih haq oe raq ùh sròeh, ep oe òeh crài enh gùng ka traiq linh. 47 Jò eo cwàn loh ka camo qmang ka xit bacùn, aih yac ka broq xi xác triu xi brai lan, 48 ùh meh yac ka yiniq cleq atên xi xác triu, xi brai lan, xi akia ùh meh yac ka broq xi akia. 49 Tàng teo aih nget nget ùh meh gòh gòh, ta cwàn eo qnì ta akia qnì, ta ngè atên ùh meh ta caxi brai ùh meh ngè ma broq xi akia, aih ep ngan aih la tiah ka bacùn, ep aràng patô ka mangai pajàu. 50 Mangai pajàu hi ngan, khoe aih lah òòeq crài ngè khoe camo aih ta tapèh hì. 51 Trùh hì tapèh, mangai pajàu ep ngan hlài; tàng joq baxit camo aih hlàng ta eo cwàn, ngè atên ùh ta caxi brai, ta akia ùh meh ngè broq xi akia, aih la kan baxit camo ùh òiq ka kan òiq; dahwèq aih la ùh sròeh. 52 Haq ep bùh òac eo cwàn, xia ma atên yac ka caxi brai xi xác triu yac ka caxi brai lan yac ka rìm dahwèq ma broq enh akia ma khoe i baxit camo, aih la baxit camo ùh catech ka kan òiq; ep bùh òac. 53 Tàng jò mangai pajàu ngan, ùh hnoq kan camo aih hlàng ta eo cwàn, ta xia atên ta caxi brai, ùh meh ta dahwèq broq xi akia, 54 aih haq ep thê wì aràng rùh ngè ma i baxit camo aih, khoe aih don òòeq crài ngè aih moeq yàng hòm ta tapèh hì. 55 Jò khoe rùh mangai pajàu ngan hòm, tàng kan camo aih ùh taclah ùh hlàng tam, ngè aih la ùh sròeh: ìh ep lam bùh òac, 56 Tàng jò khoe rùh, mangai pajàu hnoq nòe aih khoe taclah, aih ep òòeh òac haq

khoe ka cwàn eo, xia atênh khoe ka caxi brai 57
Tàng teo camo aih oe plôh hòm ta eo cwàn,
tandê xia atênh ta caxi brai, ùh meh ta ngê leq
broq xi akia, aih ep ngan tiah teo bacùn, ep bùi
đac. 58 Mahaq eo wàn, xia atênh ùh meh caxi
brai, ùh meh dahwêq leq broq xi akia ìh ma
khoe rùh, teo baxit camo khoe hnhung, aih rùh
tam moeq yàng hòm, aih èh hi sròeh. 59 Aih la
ranenh trong baxit camo tiah kan bacùn ta eo
cwàn broq xi xac trùu xi brai lan, ta xia atênh
ùh ta caxi brai ùh meh ta ngê cleq broq xi akia,
tiaq ranenh aih ðòeq hu doe haq sròeh loq ùh
sròeh.

14 Chuaq Jêhowa doe ka Môise qmang kô:
2 kô ranenh am ka mangai bacùn jò haq
jah brêh lem èh khoe jah aràng trùh enh ngêa
mangai pajàu, 3 mangai pajàu ep loh enh gùng
ka traiq linh ðòeq hu ngan. tàng joq teo bacùn
da mangai yiniq aih khoe brêh 4 Mangai pajàu
hi thê haq aih aràng baiq toq chìm oe raq rih
lem hreo, long huàng nam, xi brai gòh, xam
hamenh cachiq xôn. 5 Mangai pajàu hi thê pot
moeq toq ta baiq toq chìm aih ta griang taneh,
enh qnhêq ka diac hiu. 6 Khoe aih, rùp chìm ma
oe rih xam long huàng nam, xi brai gòh, cachiq
xôn aràng tám ta mahim da chìm ma khoe pot
ranông enh qnhêq ka diac hiu. 7 Mangai pajàu
ep da arat mahim tapêh yàng ta chac mangai
ma khoe jah hreo ka bacùn, èh doe haq aih
khoe hreo lem, khoe aih caqnaih chìm ma oe
rìh pan tagùng. 8 jah hreo hi rùh dèh eo yôh,
got dồng xac, hùm tadiac, aih èh jah hreo. Khoe
aih haq jah mùt ta traiq linh, mahaq ep oe enh
gùng tapêh hi. 9 Khoe ka tapêh hi haq got dồng
xac tachac, xac gàu, xac mat, rùh eo cwàn hùm
tadiac, aih èh hi jah hreo lem. 10 Trùh hi rahem,
haq rùp baiq toq trùu calô ùh i ka xit habau,
moeq toq trùu cadrì qnhòq tap moeq hanam,
ùh i ka xit habau, piq phần mòiêq jàt êpha dác
habuàt lem, ùc dàu, broq ramènh xep, xam
moeq lot dàu. Một ðồ lường nhỏ về vật nước:
một phần mười hai của ðồ lường “hin”, hin
ước hơn ba litres; 11 mangai pajàu broq ramènh
basròeh ka haq aràng haq aih trùh enh ngêa
ka Chuaq Jêhowa ajang qmang traiq taglâm 12
Khoe aih, mangai pajàu hi rùp moeq ta baiq
toq trùu calô dèch broq ramènh baxon yiniq
lui xam moeq lot dàu, rai dèch hnhu lam hnhu
hlài enh ngêa Chuaq Jêhowa. 13 Khoe èh, pác
kon trùu calô aih tandê wì xan loq pác bài kon

ramènh baxon yiniq lui xam ramènh bùi, aih la
nòeh hadròeh, majah qmang aih ranènh baxon
yiniq lui aih jah mangai pajàu, tiah ka kon
ramènh baxon yiniq lui kô hadai jah mangai
pajàu, aih la ngê ðiq jaq hadròeh. 14 Mangai
pajàu yóc mahim kon ramènh baxon yiniq lui
xùt ta hla don pah qma da mangai jah sròeh, ta
hadrang kan tì pah qma xam ta hadrang kan
jènh pah qma; 15 khoe aih hi yóc lot dàu ùc dèh
taxông pah qngeo. 16 tám dèh hadrang tì pah
qma radeh taxông pah qngeo, da arat tapêh
yàng enh ngêa Chuaq Jêhowa. 17 Dàu ma oe i
taxông, mangai pajàu yóc xùt don pah qma da
mangai jah hreo, ta hadrang kan tì pah qma
xam hadrang kan jènh pah qma, phần ma oe i
èh ðòeq enh qnhêq ka mahim ramènh baxon
yiniq lui. 18 Dàu oe rah taxông radeh, mangai
pajàu xùt tagàu mangai jah sròeh; qmang aih
mangai pajàu broq ramènh baxon yiniq lui am
ka haq aih enh ngêa Chuaq Jêhowa. 19 Khoe
ka aih, mangai pajàu dèch kon ramènh baxon
yiniq lui ðòeq broq ramènh baxon yiniq lui ka
mangai jah hreo deh ka kan ùh hruah. Khoe
aih èh mangai pajàu hijêh kon ramènh ðòeq
broq ramènh bùi, 20 dèch pajùm ti ramènh
xep ta prang tadreo; qmang aih mangai pajàu
broq ramènh baxon yiniq lui ka mangai kô,
aih èh mangai kô jah hreo lem. 21 Mahaq tàng
mangai aih hamoq ðeh hrìn, ùh broq qmang
leq ma plài ðeh ðòeq dèch bài ramènh kô, aih
ep rùp moeq toq trùu calô ðòeq broq ramènh
baxon yiniq lui, dèch hnhu lam hnhu hlài ðòeq
broq ramènh baxon deh yiniq lui, moeq phần
moeq jàt dác habuàt ùc dàu broq ramènh xep,
xam moeq lot dàu. 22 Mac tiaq ðeh bu hlàt, haq
aih hadai aràng baiq toq trùh braih ùh meh
baiq toq trù kon, ma kô broq ramènh baxon
yiniq lui, ma tau broq ramènh bùi. 23 Trùh
hi rahem, mangai aih ep aràng kon ramènh
ðòeq broq ramènh bahreo ka radeh, am bài ngê
kô ka mangai pajàu ajang trong qmang traiq
taglâm, enh ngêa Chuaq Jêhowa. 24 Mangai
pajàu rùp kon trùu calô ma padon ðòeq broq
ramènh baxon yiniq lui, xam moeq lot dàu,
khoe aih dèch hnhu lam hnhu hlài enh ngêa
Chuaq Jêhowa. 25 Khoe ka aih, mangai pajàu
pác kon trùu ma ðòeq broq ramènh baxon yiniq
lui, yóc mahim xùt don pah qma da mangai
jah hreo, ta hadrang kan tì pah qma xam ta
hadrang kan jènh pah qma. 26 Khoe aih, mangai
pajàu ùc dàu taxông ta tì pah qngeo radeh.

27 yóc hadrang ti bè qma tám ta dầu taxōng
bè qngeo, da arat tapèh yàng enh ngèa Chuaq
Jêhowa, 28 rai xùt ta hla don bè qma da mangai
jah hreo, ta hadrang kan ti pah qma xam ta
hadrang kan jènh pah qma, ajang nòe khoe xùt
mahim ramènh baxon yiniq lui. 29 Dầu ma oe
rah taxōng, mangai pajàu ùc tachac mangai
jah hreo, òe q broq ranènh baxon yiniq lui
ka haq enh ngèa Chuaq Jêhowa. 30 Khoe aih,
mangai pajàu hi dèch mòeq ta baiq toq trù
braih, tàng ùh meh moeq oe ta baiq toq trù kon,
mac tiaq ka kon ramènh wì ma aràng trùh. 31
Dèch ma kô broq ramènh baxon yiniq lui dèch
kon ma tau broq ramènh bùh, pajùm ti ramènh
xep. Qmang aih, mangai pajàu broq ramènh
baxon yiniq lui ka mangai jah hreo enh ngèa
Chuaq Jêhowa. 32 Aih la trong ramènh bahreo
da mangai pa jò haq loh xit bacùn. 33 Chuaq
Jêhowa doe ka wa Môise wa Arôn rameh: 34 Jò
pì mùt tagùng Cana-an, aih la gùng au am ka pì
broq kùng hang, tàng joq au caqnìh kan camo
tiàh ka habau bacùn ta hnim leq oe tagùng
pì khoe jah òe q broq kùng hang aih, 35 cla
cra q hnim aih ep lam anoe ka mangai pajàu: Au
hnoq tiàh gleq i kan baxit camo tahnim au. 36
Adroe ka mùt ngan hnim aih, mangai pajàu ep
thê wì qnoh òe q dahwèq loh enh gùng, òe q
ùh hiaq top kan ùh sròeh; jò qnoh khoe òe q,
aih èh mangai pajàu hi mùt ngan trom hnim.
37 Haq hi ngan teo aih, tàng joq teo aih oe roc
panàt i trom nget nget, ùh meh gòh gòh, yeo
jrùq ka panàt, 38 aih èh pajàu loh enh gùng nìm
padràng òe q hnim aih ta tapèh hi. 39 Hi tapèh,
pajàu wìh hlài, tàng hnoq teo aih hlàng loh ta
panàt hnim, 40 aih ep thê rèq òe q bài cato hmo
ma khoe top, khwènh enh gùng ka plài oe tanòe
amùà; 41 khoe aih thê wì koeh òe q trom hnim
xam dudan ka hnim, hacom blo wì ma koeh aih
qnoh enh gùng ka plài tanòe ma amùà; 42 khoe
èh yóc hmo neo baxia hlài jang teo dùnh, yóc
hò neo lia hlài jàp ka hnim 43 Mahaq tàng atiq
ka jò ma khoe rèq òe q bài hmo aih, koeh trom
hnim rai lia hlài, teo camo aih oe raq loh hòh,
44 aih èh mangai pajàu ep trùh ngan hòh. Tàng
hnoq camo aih kaq hlàng trom hnim, aih raq
teo bacùn. 45 Qmang aih wì ep raliang òe q hnim
aih, hmo, long xam hò, khoe èh aràng ùc òe q
enh gùng ka canàng plài tanòe ma amùà. 46 Jò
nìm padràng hnim aih, cabô mùt mangai aih
èh top kan ùh sròeh trùh jò dixèq. 47 Cabô kùì
qni, ùh meh acaq ta hnim aih ep rùh deh eo

cwàn, 48 Mahaq atiq ka jò hnim aih khoe jah lia
hlài, tàng mangai pajàu wìh hlài, ngan hnoq teo
aih ùh hiaq kaq hlàng trom hnim, aih haq ep
doe hnim aih sròeh, majah qmang aih teo aih
khoe brèh. 49 Òe q broq ramènh basròeh am ka
hnim aih, haq ep yóc baiq toq chìm, long huàng
nam, caxi brai gòh xam hamenh cachiq xôn;h;
51 khoe aih yóc long huàng nam hamenh cachiq
xôn, caxi brai gòh, xam chìm rìh, tám òe q ta
mahim chìm ma khoe pot ranòe q enh qnhèq
ka trong diac hùu, rai da arat tapèh yàng ta
hnim. 52 Qmang aih, mangai pajàu yóc mahim
chìm, diac hùu, kon chìm rìh, long huàng nam,
hamenh cachiq xôn, xam xi brai gòh òe q
broq ramènh òe q hnim aih jah basròeh. 53
Khoe aih, mangai pajàu caqnaih chìm ma oe rìh
pan loh enh gùng ka plài trùh ta òe q ruàng;
mangai pajàu broq ramènh baxon yiniq lui ka
hnim, aih èh hnim jah sròeh. 54 Aih bài ranenh
am ka bài kan bacùn xam teo xit rahenh, 55 ka
kan camo ta eo cwàn xam hnim oe, 56 xam nòe
calan, pachùng patènh, nòe taplòc, 57 hu hnài
òe q wì loq jò leq yiniq cleq ma sròeh, yiniq
leq ùh sròeh. Aih la ranenh trong yiniq bacùn.

15 Chuaq Jêhowa anoe tam ka wa Môise wa
Arôn rameh: 2 Thê anoe ka mangai Isorali
qmang kô: Waq toq mangai calò leq ta chac
haq loh jìq làuq, aih èh haq loh ka ùh hruah;
3 kan ùh hruah da haq taiq kan jìq làuq: yac
chac haq loh diac ùh wia yac khoe atàt, aih dua
mangai aih loh ka ùh hruah. 4 Juàng leq haq
aih khoe kùì, òe q loh ka ùh hruah: èh bài ngè
leq haq khoe haqngui enh qnhèq hanoh loh ka
ùh hruah. 5 Cabô ma troq bèq da haq juàng,
ep rùh dèh cwàn eo, hùm ta diac, èh loh ka
ùh hruah trùh xèq clam. 6 Cabô haqngui nòe
mangai jìq làuq aih khoe haqngui, ep rùh dèh
cwàn eo, hùm ta diac, èh loh ka ùh hruah trùh
xèq clam. 7 Cabô troq bèq chac mangai jìq làuq
aih, ep rùh dèh cwàn eo, hùm ta diac, èh loh
ka ùh hruah trùh xèq clam. 8 Tàng mangai jìq
làuq troq cachôh ka mangai ma hruah, mangai
aih èh ep rùh dèh cwàn, hùm ta diac, èh loh
ka ùh hruah trùh xèq clam. 9 Xê leq mangai
jìq làuq aih khoe haqngui aih èh òe q loh ka ùh
hruah. 10 Waq toq cabô troq bèq yiniq cleq enh
chac mangai jìq làuq aih, òe q top kan ùh hruah
trùh xèq clam. Cabô ma wê bài ngè aih, ep rùh
dèh cwàn eo, hùm ta diac, èh top kan ùh hruah
trùh xèq clam. 11 Yac ka cabô ùh dèh, waq toq

mangai jìq làuq aih ùh qnheo tì ta diac mahaq troq bèq haq aih, mangai aih èh ep rùh dèh cwàn eo ta diac, èh top kan ùh hruah trùh xèq clam. 12 Abôq taneh leq mangai aih troq bèq, ep tùq đac ka padah, ngè broq xi long, aih qnheo ta diac. 13 Jò mangai calô jìq làuq khoe jah brêh, aih ep rên patep pang hì haq jah brêh trùh tapèh hì, khoe aih rùh dèh eo cwàn ta diac hiu; khoe aih, haq hi jah hreo. 14 Trùh hì rahem, haq aih ep rùp ka rađeh baiq toq trù braih, ùh meh baiq toq trù kon, lam trùh enh ngèa Chuaq Jêhowa, jang nòe qmang traiq taglâm, èh am ka mangai pajâu. 15 Mangai pajâu dèch toq ma kô broq ramènh baxon yiniq lui, ma tau broq ramènh bahun, qmang aih mangai pajâu broq ramènh baxon yiniq lui da mangai calô kô enh ngèa Chuaq Jêhowa. 16 Jò mangai calô apô xep, ep hùm đìq ka chac ta diac, èh loh ka ùh hruah tùh xèq clam. 17 Eo cwàn xam ngè akia leq ma khoe top, ep rùh ta diac, loh ka ùh hruah trùh xèq clam. 18 Jò mangai calô xam mangai cadri waq ka dabau, aih èh ep hùm ta diac, loh ka ùh hruah trùh xèq clam. 19 Jò mangai cadri i khê, aih ep ùh hruah ta tapèh hì; waq toq cabô ma bèq haq hi loh ka ùh hruah trùh xèq clam. 20 Ngè leq haq ma kùì qnì haqngui qnì jò haq ma i khê, aih đìq top kan ùh hruah. 21 Cabô troq da haq juàng, ep rùh dèh cwàn eo, hùm ta diac, èh loh ka ùh hruah trùh xèq clam. 22 Cabô ma troq ngè leq haq ma khoe haqngui enh qnhèq, ep rùh dèh eo cwàn, hùm ta diac, èh loh ka ùh hruah trùh xèq clam. 23 Tàng loq i cleq ta juàng, ùh meh ta ngè haq haqngui, cabô ma troq poh, hi loh ka ùh hruah trùh xèq clam. 24 Tàng i moeq ngai calô waq ka gucadri aih, èh kan amùa jò i khê top ka mangai calô, aih èh mangai calô loh ka ùh hruah ta tapèh hì; juàng leq haq ma kùì đìq top kan ùh hruah. 25 Jò mangai gucadri khoe đìq dèh ka khê mahaq oe raq loh mahim bacc, ùh meh loh ka lon, aih loh ka ùh hruah tiah ka jò oe raq i mahim qmang ka jò i khê. 26 Jò i mahim, yac ka juàng leq haq khoe kùì enh qnhèq đìq tiah qmang ka juàng jò haq i khê đìq. 27 Cabô ma troq bài ngè aih đìq loh ka ùh hruah, ep rùh dèh cwàn eo, hùm ta diac, èh loh ka ùh hruah trùh xèq clam. 28 Jò mahim gucadri aih khoe atât, ep rên pang hì atât jah tapèh hì, aih èh hi jah hruah. 29 Trùh hì rahem, mangai aih rùp baiq toq trù braih, ùh meh baiq toq trù kon, aràng ka mangai pajâu ajang qmang traiq taglâm. 30 Mangai pajâu ep

dèch toq ma kô broq ramènh baxon yiniq lui, toq ma tau broq ramènh bahun; broq qmang aih haq baxon yiniq lui da gucadri tau enh ngèa Chuaq Jêhowa. 31 Qmang aih, pì jah lah mangai Isorali hangai kan ùh hruah da wì haq, yùq èh wì haq loq broq amùa ka traiq taglâm au ma xan oe taqne wì haq, ùh qmang aih èh wì haq loq ep cachit dèh ta kan ùh hruah. 32 Aih raq ranenh am ka mangai calô loh ka jìq làuq, am ka rìm ngai apô xep, 33 am ka gucadri jò haq i khê, ka rìm ngai, yac ka gucalô gucadri, ma loh ka jìq làuq, ka mangai calô jò haq waq ka gucadri jò haq i khê.

16 Atìq ka baiq ngai kon calô da Arôn cachit jò wa thia haten enh ngèa Chuaq Jêhowa, aih haq doe ka Môise, 2 rameh: Drah doe ka Arôn, daq ìh, haq paq mùt yôt nòe hadròeh oe enh dalam ka bai prình, enh ngèa ka calàp baxon yiniq lui enh crông hom, yùq èh haq loq ep cachit; majah qmang aih au oe ta yùc ma loh enh crông calàp baxon yiniq lui. 3 Arôn mùt tanòe đìq jaq hadròeh qmang kô èh: Haq ep rùp moeq toq bô calô caqmon kân, òeq broq ramènh baxon yiniq lui, èh xam moeq toq trùu calô broq ramènh bahun. 4 Haq ep caxùnh eo yôh xi bai lan, enh qneq atâc cwàn xi bai lan, kât caqnam xi bai lan rai kui tagâu moeq blah mù xèp xi bai lan. Aih la bài eo hadròeh, haq ep hùm ta diac adroe ka atâc bài ngè aih. 5 Enh nòe mangai Isorali, haq rùp yôc baiq toq kon bubi calô òeq broq ramènh baxon yiniq lui xam moeq toq kon trùu calô òeq boq ramènh bahun. 6 Arôn hi dèch moeq toq kon bô broq ramènh baxon yiniq lui ka rađeh, xam ka hnim cla. 7 Khoe aih haq rùp baiq toq bubi calô, aràng òeq enh ngèa ka Chuaq Jêhowa, ajang nòe trong qmang traiq taglâm. 8 Khoe ka aih, Arôn pài panài, moeq aih da Chuaq Jêhowa, moeq aih da Axasên. 9 Arôn hi aràng bubi calô panài ma troq da Chuaq Jêhowa lam haten rai dèch ma aih broq ramènh baxon yiniq lui. 10 Èh toq panài ma troq da Axasên, aih rong rìh enh ngèa Chuaq Jêhowa, òeq broq ramènh baxon yiniq lui ta haq, khoe aih caqnaih haq mùt tađung hawit òeq haq hlài ta Axasên. 11 Qmang aih, Arôn ep aràng bô calô aih la kon ramènh baxon yiniq lui, pác bô aih broq ramènh baxon yiniq lui ka cla xam đìq ka wì ta hnim. 12 Khoe aih yôc abôq ma buhn ngè xua thùm tah ta aih bình ngia ùnh cheo enh cabông tadreo enh

ngèa Chuaq Jêhowa, xam moeq cadop dác xua thùm, aràng mùt enh dalam ka bai prính. **13** Haq ep tah dác xua thùm aih ta-ùnh, enh ngèa Chuaq Jêhowa, dôq nhòe xua thùm glom đồng ta calàp baxon yiniq lui ma oe enh crông hom, aih èh haq ùh hiaq cachit. **14** Haq hadai ep yóc mahim kon bo aih, yóc hadrang tì da arat tapèh yàng ta calàp baxon yiniq lui, bè mahi tóç, èh tapèh yàng enh ngèa ka calàp baxon yiniq lui. **15** Khoe ka aih, pác bubi ma ðòeq broq ramènh baxon yiniq lui ka mangai Isorali; qnàng mahim aih mùt enh dalam ka bai prính; broq tiah ka haq ma khoe broq ka mahim bo calò, aih la da arat ta calàp baxon yiniq lui xam enh ngèa ka calàp baxon yiniq lui. **16** Broq qmang kô haq jah baxon yiniq lui ka nòe hadròeh taiq yiniq lui da Isorali, ùh kè ka yiniq lui wì haq qmang leq. Haq hanoh ep broq qmang aih ka traiq taglám ma oe taqne kan ùh ùh hruah da wì haq. **17** Jò mangai pajàu mùt ðòeq broq ramènh baxon yiniq lui ka nòe hadròeh trùh jò haq tawih loh, aih apaq i cabô oe ta traiq taglám; qmang aih haq broq ramènh baxon yiniq lui ka raðeh, ka hnim raðeh, xam ðiq ka Isorali. **18** Khoe aih, haq wih loh, thia ajang prang tadreo enh ngèa Chuaq Jêhowa, ðòeq broq ramènh ka prang tadreo; haq yóc mahim kon bo calò xam bubi calò, xùt dudan bài aki prang tadreo. **19** Khoe yóc hadrang tì da arat mahim tapèh yàng ta prang tadreo, broq ka prang jah hreo hadròeh, taiq bài kan ùh hruah da mangai Isorali. **20** Jò mangai pajàu khoe gèh ka broq ramènh baxon yiniq lui ka nòe hadròeh, ka prang tadreo, aih èh haq ep tadreo dèch bubi calò ma oe rih tau. **21** Arôn roh dèh baiq toq tì nòe gàu bubi calò ma oe rih, anoe qnoh bài kan ngang dù, bài kan ùh troq, aih la bài yiniq lui da Isorali, taqmòq ðiq jang gàu bubi, khoe aih thê mangai ma khoe padon ðòeq ka biac kô hnan qnoh bubi, mùt haq taðung hawit. **22** Aih èh, bubi calò aih pòq wê ta chac haq bài yiniq lui ngang dù da Isorali tanòe hawit. **23** Arôn hi wih mùt ta traiq taglám lêh eo cwàn xi bai lan habuàt ma khoe caxùnh ðòeq mùt nòe ðiq jaq hadròeh, haq ðòeq bài ngè aih ta aih. **24** Khoe aih yóc diac hùm raðeh tanòe hadròeh, caxùnh hlài dèh eo, loh enh gùng, dèch ramènh bùh ka mangai Isorali, ðòeq broq ramènh baxon yiniq lui ka raðeh xam ka wì. **25** Haq hanoh ep yóc bòq da bài kon ramènh baxon yiniq lui bùh ta prang tadreo. **26** Mangai ma tiaq qnàng bubi calò ka Axasên, ep rùh dèh

cwàn eo, hùm ta diac lem, khoe aih men jah mùt ta traiq linh. **27** Mahaq wì ep qnoh enh gùng ka traiq linh bo calò xam bubi calò ma khoe dèch broq ramènh baxon yiniq lui, mahim haq ma khoe qmùt nòe ðiq jaq Hadròeh ðòeq broq ramènh baxon yiniq lui; èh yóc bài akia xam ìc baiq toq ngè aih bùh ta-ùnh. **28** Mangai ma yòng bùh ep rùh dèh eo cwàn, hùm ta diac, khoe ka aih men jah mùt ta traiq linh. **29** Kô èh ranenh mòeq ðòe am ka pì: trùh hì mòeq jàt khê tapèh, pì ep apàm, ùh khòh broq qmòe yac ka moeq yiniq cleq, yac ka cla pì yac ka mangai diac wì ma rih oe taqne pì. **30** Majah qmang aih, ta hì aih ramènh baxon yiniq lui jah broq am ka pì, ðòeq pì jah hreo lem: joq qnàng pì jah hreo lem khoe ka yiniq lui pì enh ngèa ka Chuaq Jêhowa. **31** Aih la ramènh Sabat, mòeq hì padài am ka pì, pì ep apàm; aih la ranenh mòeq ðòe. **32** Mangai patih ma khoe jah ranenh xùt dầu ðòeq broq pajàu kàn thai dèh baq, ep caxùnh eo xi bai lan hadròeh, **33** ðòeq haq broq ramènh baxon yiniq lui ka nòe hadròeh, ka traiq taglám, ka prang tadreo, ka bài pajàu xam ðiq đồng ka rìm mangai. **34** Mòeq hanam mòeq yàng ep broq ramènh baxon yiniq lui ka mangai Isorali, ðòeq wì haq jah hreo deh ka bài yiniq lui cla wì haq; aih la ranenh mòeq ðòe am ka pì. Arôn broq qmang ka bàu Chuaq Jêhowa khoe tanap thê Môise.

17 Chuaq Jêhowa doe ka Môise qmang kô: **2** Anoe ka Arôn, xam wì kon haq xam ðiq đồng ka Isorali: Kô bàu da Chuaq Jêhowa tanap: **3** Tàng mòeq ngai calò ta Isorali pác moeq toq bo, mòeq toq triu, ùh meh mòeq toq bubi yac ka ta traiq linh qnì enh gùng ka traiq linh qnì, **4** ùh aràng trùh jang qmang traiq taglám ðòeq broq ramènh dèch ka Chuaq Jêhowa, enh ngèa ka hnim kùh waiq dò da Chuaq Jêhowa, mangai aih èh khoe pòq yiniq broq ta-ùc mahim, wì haq khoe broq ta-ùc mahim, dài majah ep hnan qnoh enh gùng ka Isorali. **5** Qmang aih dôq mangai Isorli yóc dèh ramènh ðeh ma dèch ta gùng aràng ajang mangai pajàu, enh ngèa ka Chuaq Jêhowa, jang qmang traiq taglám, ðòeq dèch broq ramènh waiq kan catèm ka Chuaq Jêhowa. **6** Mangai pajàu ùc mahim kon ramènh aih ta prang tadreo da Chuaq Jêhowa ma ðòeq ajang qmang traiq taglám, bùh bòq i kan xua thùm ka Chuaq Jêhowa. **7** Mangai Isorali hanoh pì khòh dèch deh ramènh cleq

ka kiac bubi hòm, aih la bài kiac wì haq ma xan tango yôt. Kô raq ranenh môeq đòeq ka wì haq enh qnhòng kô trùh qnhòng tau. 8 Qmang ai, ìh ep anoe ka mangai Isorali rameh: Yac ka cabô taqne mangai Isorali qnì, mangai diac wì ma rìh oe taqne wì haq qnì, dèch ramènh bùh qnì ramènh cleq qnì, 9 mahaq ùh aràng trùh ajang qmang traiq taglâm đòeq dèch ka Chuaq Jêhowa, mangai aih èh ep qnoh đac enh gùng ka Isorali. 10 Yac ka mangai Isorali yac ka mangai diac wì rìh oe taqne wì haq, acaq mahim cleq ùh dèh, aih èh au pandèh ka mangai aih, hnan qnoh đac khoe ka Isorali. 11 majah qmang aih kan rìh Nguyên-bổn rằng: Linh-hồn vẫn ở trong huyết da xech akia oe ta mahim; au khoe am ka pì mahim pùc ta prang tadreo đòeq broq ramènh baxon yiniq lui mahua yang rađeh; majah qmang aih canòm kan rìh mahim men jah baxon yiniq lui. 12 Dài aih au majah khoe doe ka mangai Isorali: Taqne pì paq i cabô kaq mahim; mangai diac wì ma rìh oe qne pì hanoh ùh khòh kaq mahim. 13 Tàng i cabô, yac ka mangai Isorali, yac ka mangai diac wì rìh oe qne wì haq, loq axan jah môeq toq jam gùng qnì môeq toq chìm ma khòh kaq jam, aih ep pot mahim haq khoe aih hi yôc taneh catùh hlài; 14 Majah qmang aih kan rìh da rìm ngè rìh, aih la mahim haq; ta mahim i kan rìh. Dài aih raq, au majah khoe doe ka Isorali: Pì ùh khòh kaq mahim rìm bài ngè rìh, majah qmang aih kan rìh da rìm ngè rìh aih la manhim haq; cabô kaq ep hnan qnoh đac. 15 ùh dèh ka cabô, yac ka ha-uang ta gùng cla, yac ka mangai diac wì, cabô acaq jam ngè cachit ùh meh ngè rôm khoe hit hanang haq, aih ep rùh dèh eo cwàn, hùm ta diac, mangai loh ka ùh hruah trùh xèq clam, khoe aih hi jah hreo hlài. 16 Mahaq tàng wì aih ùh rùh dèh eo cwàn èh ùh hùm rađeh ta diac, aih èh wì haq pòq wê deh yiniq lui.

18 Chuaq Jêhowa doe tam ka Môise: 2 Drah anoe ka Isorali: Au kô raq Jêhowa Boc Plinh pì. 3 Pì apaq broq tiaq dua wì ma broq ta Êdip, aih nòe pì khoe oe, hadai paq broq tiaq gùng Cana-an, aih la nòe au padon qnung pì mùt: paq top dua wì broq. 4 Pì ep iu tiaq bàu au thê, wèq ranenh au đòeq broq tiaq: Au kô raq Chuaq Jêhowa Boc Plinh pì. 5 Qmang aih, wèq tiaq ranenh xam bàu au thê, mangai leq broq tiaq jah canòm ka aih èh đòeq jah rìh: Au kô raq Chuaq Jêhowa. 6 Taqne pì apaq i cabô

thia ten ka gucadri oe raq hadròng cla đòeq tango: Au kô raq Chuaq Jêhowa. 7 Apaq tango deh ka miq đòeq broq kan baxep deh ka baq. 8 Paq tango deh ka miq neo, tàng broq qmang aih, aih raq kan baxep dèh baq. 9 Apaq tango ka oh daq cadri da cla, yac ka pajùm baq miq dèh hra, yac ka pajùm miq baq dèh hra, yac ka ha-uang hnim cla, yac ka ha-uang taqnoeq. 10 Apaq tango dèh ka xau cadri, yac ka xau pah nuiq, xau pah ngoaiq; tàng broq qmang aih, aih raq baxep deh cla. 11 Paq tango ka kon cadri da miq neo ha-uang enh baq cla, majah aih raq oh cadri pì. 12 Apaq tango ka bài oh daq cadri da baq pì; aih xài oh daq baq da pì. 13 Apaq tango ka wì oh daq cadri da miq pì, aih xài oh daq da miq pì. 14 Apaq tango ka mai dèh mih, ka mai da dùch pì, tàng broq qmang aih, aih xài broq ka xep oh daq da baq pì. 15 Apaq tango dèh ka kon mai, aih xài mai da kon calô pì. 16 Apaq tango ka mai dèh daq hadai apaq tango ka mai dèh oh; tàng broq qmang aih xài broq kan xep dèh ka oh daq. 17 Apaq tango ka gucadri hloe xam kon cadri haq. Paq yôc xau nuiq ùh meh xau ngoaiq haq đòeq tango ka wì aih; wì aih xài òq nang noe haten da haq, trong aih òq jaq dù. 18 Apaq yôc oh mai cla đòeq broq yang, paq kaq kù ti haq jò mai cla oe rìh, èh loq loh kan tarènh. 19 Jò gucadri i khê, paq thia haten hu waq ka haq. 20 Apaq kù ti cadri wì plài, paq broq ka rađeh loh ka ùh hruah ti mangai aih. 21 Paq rùp dèh kon đòeq tadreo dèch ka kiac Moloc, Ấy là một tà-thần của người A-mô-rít thờ, paq broq amùu ka yiniq Boc Plinh: Au kô raq Chuaq Jêhowa. 22 Apaq kaq kù ti mangai calô tiah ka wì ma kaq kù ti moeq ngai gucadri; aih xài kan pada amùu. 23 Apaq tango ti bài ngè aban, đòeq broq ka rađeh loh ka ùh hruah ti ngè aih; mangai cadri ùh jah dèch chac rađeh am ka ngè ma aban đòeq jah tango ti haq. Aih raq kan amùu ramôt. 24 Pì apaq broq yac ka môeq yiniq ta bài yiniq aih đòeq broq ka rađeh loh ka ùh hruah; majah qmang aih bài mangai diac wì au ma padon hnan đac enh ngèa pì òq khoe loh ka ùh hruah taiq wì haq broq bài yiniq aih. 25 Jaq taneh mech loh đeh ka ùh hruah taiq wì haq, kô èh au phốc yiniq lui ngang dù wì haq; taneh jah hac qnoh đac wì haq. 26 Yàng pì kô hòm, yac ka mangai ma ha-uang gùng cla yac ka mangai diac wì ma rìh oe taqne pì, ep wèq bàu xam ranenh au, paq broq kan ramôt qmang aih. 27 Taiq bài kan ramôt aih, bài mangai ma

rih tacô adroe ka pì khoe broq; èh taiq wì haq aih dài taneh majah loh deh ka ùh hruah. **28** Qmang aih, paq broq ka taneh loh ka ùh hruah, èh taneh loq hac qnoh pì, qmang ka haq khoe hac qnoh bài mangai ma oe tacô adroe ka pì qmòh; **29** Majah qmang aih cabô leq broq mòeq yiniq ta bài kan aramòt aih diq ep nhan qnoh đac khoe ka Isorali. **30** Qmang aih, pì ep wèq trong au khoe tanap thê, ðòeq ùh hìaq top dua yac ka mòeq ta bài trong acaq oe ramòt wì ma khoe broq adroe ka pì trùh, hadai paq ðòeq rađeh loh ka ùh hruah enh trong rih acaq oe ramòt aih. Au kô raq Chuaq Jêhow Boc Plinh pì.

19 Chuaq Jêhowa doe tam ka Môise: **2** Thê anoe diq ka Isorali qmang kô: Ep hadròeh, majah qmang aih, au kô, Jêhowa Boc Plinh pì aih hadròeh. **3** Rìm ngai ep loq ta-iu dèh miq baq rai wèq bài hì sabat au: Au kô raq Jêhowa Boc Plinh pì. **4** Paq tawìh ta radua qmù kiac hanoh paq broq bài radua qmù kiac: Au kô raq Jêhowa Boc Plinh pì. **5** Jò pì dèch ramènh waiq kan catèm ka Chuaq Jêhowa aih ep dèch qmang leq dôm ramènh aih jah Chuaq dì yôc, **6** aih ep acaq qmòe hì aih xam hì da-èh; rah ma oe trùh hì piq aih èh ep bùh đac. **7** Tàng wì ðòeq kaq trùh hì piq, aih la kan ramòt, ramènh aih ùh jah dì yôc. **8** Cabô ma acaq ramènh qmang aih ep pòq dèh yiniq lui, majah qmang aih haq khoe troq đac ramènh hadròeh da Chuaq Jêhowa: mangai aih ep qnoh đac khoe ka Isorali. **9** Jò pì gat dèh qmau ta ruàng, paq gat waq ka hreo lùch qmòe roc haqmai, apaq toch hlài bài hadròc ma oe lac. **10** Apaq mùt yàng baiq ta wuàn nho cla, apaq toch pìlì nho khoe hadrùih, ðòeq pìlì aih ka mangai pa xam tamoe qnoeq: Au kô raq Jêhowa Boc Plinh pì. **11** Pì apaq atùng, apaq capoch hwang, apaq qnùt dabau. **12** Pì apaq yôc yinniq au ðòeq hu hapah paqnùt, majah qmang aih pì broq amùa deh ka yiniq Boc Plinh: Au kô raq Chuaq Jêhowa. **13** Paq loq hnen mangai ten tia da pì, paq blah yôc da wì cleq. Bac baha da mangai patìh ùh khòh don ðòeq ta hnim pì trùh hì da-èh. **14** Apaq ra-òh hamaiq ka mangai cìc, paq roh ðòeq kan tawac enh ngèa mangai ùh xau broq ka haq loq cro; mahaq ep yùq crè ka Boc Plinh pì: Au kô raq Jêhowa. **15** Trong hadrah, pì apaq ùh hnhùh jang, paq yeo loq waq ka mangai pa, paq camaih ka mangai padrông; mahaq tiaq kan taq atôq ðòeq hadrah ka mangai ten tia pì. **16** Apaq lam

jàp jia ðòeq prai bàu capoch hwang ka cabô taqne mangai da pì, apaq broq cleq ma loq yat trùh kan rih da mangai ten tia pì: Au kô raq Chuaq Jêhowa. **17** Paq i manoh tagit ka mangai Isorali aih bua pì; drah cwò ka mangai ten tia, ðòeq ùh hìaq ep wiàng pòq yiniq lui wì haq. **18** Paq chaq trong hu patem chau, hadai paq ban wê manoh git ka cabô taqne mangai da pì, mahaq thê loq waq ka mangai haten hatia tia ka cla rađeh: Au kô raq Chuaq Jêhowa. **19** Pì ep wèq bài ranenh au. Paq ðòeq bài ngè aban ma crài adrech kòe dabau. Paq rai baiq yiniq adrech ta ruàng pì. Paq caxùnh eo cwàn ajip xi bacc yiniq bai. **20** Tàng joq mangai calô kùl rai tango ka mangai hapông cadri khoe têu bàu yôc mangai qnoeq, mahaq qnhòq jah baxon qnoh, qnhòq jah paclaih, wa aih èh ep jah kan baxa, mahaq toq ma ùh hìaq ep cachit, majah qmang aih mangai hapông cadri aih qnhòq jah paclaih. **21** Mangai calô ep qnàng mœq toq trùu calô trùh enh ngèa ka Chuaq Jêhowa ajang trong qmang traiq taglâm, ðeq broq ramènh baxon yiniq lui. **22** Mangai pajàu yôc trùu calô aih broq ramènh baxon yiniq lui ðeq baxnon yiniq lui ka mangai ma khoe broq, enh ngèa ka Chuaq Jêhowa, aih èh, yiniq lui haq jah caqnaih. **23** Jò pì ma hi mùt gùng Cana-an, èh jò pì khoe pìt bacc adrech long pìlì, ep ngan bài pìlì aih ùh hruah, tia ka qnhòq kat akia, ta piq hanam ep ngan haq ùh hruah; ùh dùh kaq. **24** Mahaq trùh hanam pôn, bài pìlì haq diq wìh wia hadròeh aih la ramènh apôi Chuaq Jêhowa. **25** Trùh hanam padam, pì jah acaq bài plih haq, broq qmang aih ðòeq long jah loh pìlì yeo bacc tam: Au kô raq Jêhowa Boc Plinh pì. **26** Pì paq acaq ngè leq oe i mahim, paq blaih blông, ngan tì. **27** Paq got haqmai xacc dudan ka gàu, hadai paq kat haqmai xacc mom. **28** Apaq taiq mangai cachit ma ti xah dèh chac, hadai apaq ti xam dèh chac: Au kô raq Chuaq Jêhowa. **29** Paq baxep deh kon cadri xi trong panan thê haq wia mangai tech deh chac, ðeq gùng pì ùh hìaq i kan tango anang rai bình châu kan dù. **30** Pì ep wèq hì sabat au, rai ta-iu nòe hadròeh da au: Au kô raq Chuaq Jêhowa. **31** Pì paq tawìh ta mangai waiq mahua mangai cachit hadai ùh khòh chaq mangai ngan tì; ùh khòh bòch wì aih, majah qmang aih wì haq broq ka pì loh ka ùh hruah: Au kô raq Chuaq Jêhowa Boc Plinh pì. **32** Enh ngèa mangai ko gàu, ìh ep yòng, ta-iu ka mangai craq, rai ta-iu yùq ka Boc Plinh ìh. Au kô raq

Chuaq Jêhowa. **33** Jò mangai diac wì trùh oe ðeh taqne pì, aih èh paq tabroq ka wì haq ùh i ka bè bàn. **34** Mangai diac wì ma rìh oe taqne pì hanoh jah tình tiah ka mangai ha-uang ta pì; ep loq waq ka wì haq tiah ka cla pì, majah qmang aih pì hadai khoe broq ðeh mangai rìh oe ðeh ta Êdip: Au kô raq Jêhowa Boc Plinh pì. **35** Pì paq yôc maneh ùh troq jò ti wêh ngan dang yôh, jò kìq ngan kan trap, jò ti arên **36** Pì ep i kìq ma troq joq qnàng, pì kìq ma troq maneh, mœq êpha qnàng, mœq hin joq qnàng Ê-pha là một lưỡn chừnğ 20 litres; hin là một phần sáu của ê-pha Au kô raq Jêhowa Boc Plinh pì, Mangai ma khoe qnoh pì loh khoe ka Êdip. **37** Qmang aih, pì ep wêq rai broq tiaq bài ranenh xam bàu thê da au: Au kô raq Chuaq Jêhowa.

20 Chuaq Jêhow doe ka Môise: 2 ìh doe ka Isorali qmang kô: Waq toq cabô yac ka mangai Isorali yac ka mangai diac wì rìh oe qne, wì yôc deh moeq toq kon tadreo ðèch am ka kiac Moloc, mangai aih ep jêh ðac ka cachit: pì ep ðap haq xi hmo **3** Cla au plôh nœh ka mangai aih, qnoh ðac haq loh enh gùng ka mangai da au, majah qmang aih haq khoe ðèch deh kon ka kiac Moloc, broq ka nœh hadrœh au loh ka ùh hruah rai broq amùà ka yiniq au. **4** Tàng joq mangai gùng aih caqnhp mat broq ðeh ùh hnoq, jò haq aih tadreo ðèch ðeh moeq toq kon ka kiac Moloc tàng wì ùh waq jêh ðac haq. **5** cla au kô èh tangèa ðeh hadrò ðœq tabroq ka wì xam hnim wì haq, khoe aih nnan qnoh ðac haq xam bài mangai tiaq tango ka kiac Moloc loh khoe ka mangai da au. **6** Tàng mangai leq tawih ta pajàu ngan tì xam pajàu creò bœch mahua mangai cachit, cla au kô èh tangèa ðeh hadrò ðœq tabroq ka mangai aih. **7** Pì drah broq hreo ka raðeh, rai wìh wìa hadrœh, majah qmang aih au kô raq Jêhowa, Boc Plinh pì. **8** Pì drah wêq broq tiaq ranenh au: Au kô raq Chuaq Jêhowa Boc Plinh pì. Mangai broq ka pì wìh wìa hadrœh. **9** Jò cabô hanip deh miq baq, aih èh ep jêh ðac ka cachit: haq khoe hanip deh miq baq; mahim haq dahrœq hlài chac haq. **10** Tàng cabô tango ka cadri mangai qnoeq, ùh meh tango ka cadri mangai haten hatia raðeh, mangai calô xam magai cadri aih ðiq ep cachit. **11** Tàng cabô kùti ti mai ðeh baq, aih la broq kan camaih deh ka baq, ðiq baiq wa aih èh ep cachit; mahim wa ta-ùc hlài ta chac wa. **12** Tàng cabô kùti ðeh ti kon mai, ðiq baiq ka wa ep cachit, majah qmang

aih wa haq khoe broq kan ramôt; mahim wa ta-ùc hlài chac cla wa. **13** Tàng moeq ngai gualô acaq kùti ti moeq ngai calô qnoeq, tiah ka kùti ti gucadri, ðiq baiq wa aih ep cachit, majah qmang aih wa khoe broq kan ramôt; mahim wa ta-ùc hlài ta chac wa. **14** Tàng moeq ngai calô yôc hloe xam miq xam kon broq mai, aih raq kan ngang dù; ep bùh cachit ðœng wì piq ngai aih, ðœq kan ngang dù pì hiaq oe i taqne pì. **15** Tàng moeq ngai calô tango ka ngè ma aban, haq aih ep jêh ðac ka cachit, èh hanoh jêh cachit hloe ngè aban aih. **16** Tàng mangai gucadri thia haten ka ngè aban ðœq tango ti haq, pì ep jêh ðac mangai cadri xam ngè aban aih; mahim haq ta-ùc hlài ta chac haq. **17** Tàng mangai calô yôc ðeh oh cadri, yac ka pajùm baq miq ðeh hra, ùh meh pajùm miq baq ðeh hra, acaq kùti ti dabau, aih la kan camaih; ep nnan qnoh haq aih loh enh gùng ka mangai da wì haq; majah qmang aih haq khoe broq kan camaih ðeh ka oh cadri; haq aih ep pœq ðeh yiniq lui. **18** Tàng mangai calô kùti ti mangai cadrih jò haq i khê, mangai calô aih paqnoh mahim mangai cadri, mangai cadri hadai khoe paqnoh deh mahim, ðiq baiq wa aih èh ep nnan loh loh khoe ka mangai da wì haq. **19** Apaq tango ka oh daq cadri da miq ùh da baq, bìac aih broq kan camaih ðeh ka oh daq cla; ðiq baiq ep pœq deh yiniq lui. **20** Tàng mangai calô kùti ti mai ðeh mih ùh meh ti cadri ðeh dùch, aih la broq kan camaih xep ðeh ka mih ka dùch; ðiq baiq wa ep pœq wê kan baxa da yiniq lui cla. Wa haq cachit ùh i ka xinœ. **21** Tàng mangai calô yôc mai ðeh daq ðeh oh, aih raq kan ramôt; mangai aih khoe broq kan camaih xep ðeh ka daq ka oh. Wa aih cachit ùh ka xinœ **22** Pì ep wêq rai broq tiaq ranenh xam bàu au thê, ðœq taneh au ma qmùt pì mùt oe ùh hiaq hac qnoh pì. **23** Paq broq tiaq dua da bài mangai au ma padon nnan qnoh enh ngèa pì, majah qmang aih wì haq khoe boq bài trong dù aih, au hnoq joq ma ramôt haraya. **24** Au khoe anœ ka pì: Aih la pì jah blah yôc taneh bài wì aih; au am ka pì gùng aih broq kùng hang; aih raq gùng clàng qmœ xam sùà xam diac xùt: Au kô raq Jêhowa, Boc Plinh pì, khoe lah crài pì ka mangai diac qnoeq. **25** Qmang aih, ep hadro crài bài ngè ma hadrœh khoe ka ngè ùh hruah, chìm ùh hruah khoe ka chìm hadrœh; paq broq ka raðeh loh ka ùh hruah enh bài ngè aih, majah qmang aih bài ngè pan moq ta taneh, au ma khoe hnài pì hadro qmang

ka bài adrech ngê ùh hruah. 26 Pì ep wìh wìa hadròeh, majah qmang aih au, Chuaq Jêhowa, aih la hadròeh; khoe lah ðòeq pì crài ka mangai diac qnoeq dôq pì jah da au. 27 Jò mangai calò mangai cadrìh broq mangai creo bòch mahua mangai cachit, pajàu ngan tì, aih ùh khoe ka ep hadrah jêh ðac ka cachit; wì ep yôc hmo ðàp wì haq, mahim wì haq ta-ùc hlài chac cla wì haq.

21 Chuaq Jêhowa doe hòmm ka Môise: Drah doe ka bài pajàu, aih la bài kon calò Arôn, rameh: Mangai pajàu ùh jah pataiq yac ka i cabò cachit ma broq ka raðeh loh ka ùh hruah, 2 enh gùng ka hadròng ma haten joq qnàng, qmang ka miq baq, kon calò, kon cadrì, daq calò, 3 hloe xam oh cadrì ma oe raq adrùh, qnhòq i òng ep canòm ðeh ka haq, aih haq jah taiq enh aih ðòeq broq ka raðeh loh ka ùh hruah. 4 Haq ùh jah ðòeq ka raðeh loh ka ùh hruah, taiq bài hadròng bè proe. 5 Bài pajàu ùh khòh got paclòc deh gàu; apaq got haqmai xàc mom xàc kiang, paq xah chot dèh ta akia. 6 Wì haq ep hadròeh enh ngèa ka Boc Plinh, paq broq qmèq ka yiniq Boc Plinh, majah qmang aih wì haq dèch bài ranènh bùh xi ùnh; aih la bài dahwèq da Boc Plinh wì haq: wì haq ep wìh wìa hadròeh. 7 Mangai pajàu ùh jah yôc gucadrì tech raðeh ùh meh mangai cadrì loq taqnung; hadai ùh jah yôc mangai caðac òng, majah qmang aih mangai pajàu khoe lah ðeh crài ðòeq hadròeh am dèh ka Boc Plinh. 8 Qmang aih ìh ep ngan mangai pajàu la hadròeh, majah qmang aih la mangai dèch ramènh da Boc Plinh; ep ngan wì haq la hadròeh, majah qmang aih au, Chuaq Jêhowa, la hadròeh, Mangai broq ka pì wìh wìa hadròeh. 9 Tàng joq kon cadrì da pajàu broq ka raðeh loh ka amùa taiq haq lam broq gucadrì tech raðeh, aih haq broq ka camaih dèh ka baq, ep bùh ðac haq aih ta ùnh. 10 Mangai pajàu haqnhèq jah cwìang yeo qnhèq dèh ka wì oh daq, khoe jah ùc dầu ta gàu haq, jah padèch ðòeq caxùnh eo hadròeh- ùh jah oe gàu dech ùh jah hit dèh eo. 11 Haq paq mùt nòe i hanang mangai cachit, haq ùh jah broq ka raðeh loh ka ùh hruah, yac ka taiq miq baq cla haq 12 Haq aih ùh khòh loh khoe ka nòe hadròeh, apaq broq ka nòe hadròeh da Boc Plinh loh ka amùa, majah qmang aih haq khoe jah xùt dầu hu lah ðòeq raðeh crài da Boc Plinh. Au kô raq Chuaq Jêhowa. 13 Haq aih ep yôc mangai adrùh sriu broq mai. 14 Haq ùh khòh yôc gucadrì hadrò,

gucadrì wì ma caðac, gucadrì taqnung tango, mangai cadrì tech raðeh, mahaq ep yôc mangai adrùh sriu taqne mangai da wì haq. 15 Haq ùh khòh broq amùa dèh ka yiniq xinoe haq oe taqne mangai cla wì haq, majah qmang aih au kô raq Chuaq Jêhowa broq ka haq jah wìh wìa hadròeh. 16 Chuaq Jêhowa doe hòmm: 17 Anoe ka arôn qmang kô: enh qnhòng kô trùh qnhòng tau, ùh jah i moeq ngai leq oe ta xinoe ìh, i tàc ta chac ma jah thia haten ðòeq dèch ramènh deh ka Boc Plinh. 18 Aih qmang kô: mangai lua mat, mangai liap, lip mùh, jènh tì tawech, 19 Mangai tagoh jo, tagoh kòng. 20 mangai koc trong ùh meh mangai ðeq ðeq, i cachep mat, i rahenh ðùh, i hriac ùh meh padah cleo. 21 Bài kon xau da Arôn mangai pajàu, waq toq mangai leq ma i tàc ta chac, ùh jah thia ten ðòeq dèch ramènh ma bùh xi ùnh ðòeq dèch ka Chuaq Jêhowa 22 Haq aih khòh acaq dahwèq hadròeh da Boc plinh haq, aih la dahwèq ðiq jaq hadròeh xam bài dahwèq hadròeh qnoeq; 23 mahaq taiq haq i tàc ta chac, dài haq ma jah ùh khòh thia ajang bai prình, hanoh ùh jah thia ajang prang tadreo, broq amùa ka nòe hadròeh au, majah qmang aih au, Chuaq Jêhowa broq bài nòe aih wì wìa hadròeh. 24 Môise anoe qmang aih ka Arôn xam bài kon calò haq, hloe xam ka Isorali.

22 Chuaq Jêhowa doe ka Môise qmang kô: 2 Drah anoe ka Isorali rameh: Kô bài hì ramènh au khoe patò qnoh, bài hì ramènh Chuaq Jêhowa khoe patò qnoh pì ep anoe qnoh aih la bài hì ramènh hadròeh 3 Pì abroq ta tadràu hì, mahaq trùh hì tapèh aih la hì sabat, mòeq hì padài, aih la hì tagop hadròeh; ùh ðùh abroq qmòe moeq yiniq cleq; yac ka pì oe taleq; aih la ramènh sabat da Chuaq Jêhowa. 4 Kô bài ranènh da Chuaq Jêhowa, aih la bài hì tagop hadròeh, pì ep anoe qnoh waq ka troq dèh jò ma khoe pachì. 5 Trùh hì mòeq jàt pôn khê mòeq, jò xèq clam, aih la ramènh Pan cwa da Chuaq Jêhowa; 6 Trùh hì mòeq jàt padam khê kô, aih la hì ramènh bèngh ùh wàt blo ðòeq ta- iu ka Chuaq Jêhowa; pì acaq bèngh ùh tah blo ta tapèh hì. 7 Hì baxèm pì ep wèq moeq yàng tagop hadròeh ti dabau, ùh ðùh abroq biac ma xan abroq qmang ka hì qnoeq. 8 Ta tapèh hì pì ep dèch ka Chuaq Jêhowa bài ramènh bùh; trùh hì tapèh, èh i tam moeq yàng tagop hadròeh ti dabau hòmm, pì apaq abroq moeq biac cleq qmang ka hì qnoeq. 9 Chuaq Jêhowa doe ka

Môise: 10 Doe ka mangai Isorali qmang kô: Jò pì müt gùng au ma padon am ka pì, èh trùh jò gat, aih ep aràng trùh ka pajàu moeq ha-om qmau ma ramua da pì. 11 Khoe ka hì ramènh sabat, mangai pajàu hi yóc ha-om qmau aih dèch lam dèch hlài enh ngèa Chuaq Jêhowa, waq ka ha-om qmau aih jah dì yóc. 12 Wop hi ha-om qmau jah dèch lam dèch hlài aih, pì ep dèch ka Chuaq Jêhowa mòi toq kon trùu jap mòi hanam, ùh i ka xit habau, òeq broq ramènh bùh ka Chuaq Jêhowa, 13 rai dèch tam ka Chuaq Jêhowa mòi ramènh xep broq xi baiq phàn mòi jàt dác habuàt i ùc dàu, broq ramènh bùh, i kan xua thùm ka Chuaq Jêhowa, xam mòi phàn pôn hin alac, broq ramènh diac lóc. Hây xem LeLv 14:10 và LeLv 19:36. 14 Pì paq acaq yac ka bèn, yac ka qmau adrên, ùh meh qmau oe raq ta hadròc trùh wop hi kô, aih la hì pì aràng dèch ramènh dèh ka Boc Plinh. Yac ka pì oe taleq, aih raq ranen mòi òeq òe ka bài kon xau pì. 15 Pang hi atiq ka hì sabat, aih la hì pì ma aràng dèch ha-om qmau broq ramènh dèch lam dèch hlài, pì hi rênh òeq jah wop tapèh tuàng: 16 Pì rênh padam jàt hi trùh hi atiq ka ramènh sabat yàng ma tapèh, aih ep dèch moeq ramènh xep neo ka Chuaq Jêhowa. 17 Pì aràng dèh enh hnim baiq toq bèn òeq broq ramènh dèch da-arù lam da-arù hlài; bèn aih broq enh baiq phàn mòi jàt dác qmau mì ma òeq jaq habuàt lem i wàt blo: aih raq ramènh agàu mùa dèch ka Chuaq Jêhowa. 18 Pì ep dèch pajum ti bèn kô tapèh toq kon trùu bu mòi hanam, ùh hiaq i xit habau, mòi toq òe calò hadròng, xam baiq toq trùu calò xam ramènh xep hloe xam ramènh diac lc, òeq dèch broq ramènh bùh, i kan xua thùm lem ka manoh Chuaq Jêhowa. 19 Atiq ka aih, pì hanoh ep dèch moeq toq bubi calò òeq broq ramènh baxon yiniq lui, xam baiq toq kon trùu bu mòi hanam, òeq broq ramènh waiq kan catèm. 20 Mangai pajàu dèch hnhu lam hnhu hlài baiq toq kon trùu aih broq ramènh hnhu lam hnhu hlài, xam baiq toq bèn broq xi qmau pì agàu jò gat, bài ramènh aih jah wih wia hadròeh ka Chuaq Jêhowa aih la hadròeh am ka mangai pajàu. 21 Pì ep lam creo anoe òeq i moeq kan tagop ta hì aih; ep i moeq kan tagop hadròeh, ùh jah broq qmòi yiniq cleq pì ma xan broq. Aih ranen mòi òeq am ka xinoe pì yac ka pì rih oe taleq. 22 Jò pì gat dèh qmau ta tanen ruàng pì, apaq gat waq qmòi ka hreo trùh roc haqmai ruàng, apaq

toch gop hlài qmau ma gat ùh hreo, ep òeq ma aih ka mangai pa xam mangai diac wì ma rih oe òeh tapi: Au kô raq Jêhowa Boc Plinh pì. 23 Chuaq Jêhowa doe ka Môise: 24 Thê anoe am ka Isorali qmang kô: Hì moeq khê tapèh, i moeq hì am ka pì padài, aih la moeq hì òeq tagop xam kan hadròeh xam bàu ken hlui. 25 Apaq abroq qmòi cleq; ep dèch bài ramènh bùh ka Chuaq Jêhowa 26 Chuaq Jêhowa doe ka Môise: 27 Hì mòi jàt khê tapèh kô aih la hì baxon yiniq lui; pì ep creo ka dabau tagop xam kan hadròeh ti dabau, ep apàm ka acaq rai tăt deh manoh rai dèch ramènh bùh ka Chuaq Jêhowa. 28 ùh khò abroq qmòi cleq ta hì aih; majah qmang aih, aih la hì baxon yiniq lui, hì aih kan baxon yiniq pì jah broq enh ngèa Chuaq Jêhowa, Boc Plinh pì 29 Hì aih waq toq mangai leq ùt tăt dèh manoh cliac, ep qnoh òeh enh gùng ka mangai da wì haq. 30 Èh hòm waq toq cabò abroq moeq yiniq cleq, aih èh au hi palùch òeh wì haq khoe ka mangai da wì haq. 31 Pì ùh dùh abroq mòi cleq, aih la ranen mòi òeq am ka xinoe pì, yac ka pì oe taleq. 32 Aih la hì sabat, mòi hì òeq ka pì padài; pì ep tăt deh manoh. Enh dixèq hì hachin khê aih trùh xèq clam hì atiq, pì ep wèq deh hì sabat. 33 Chuaq Jêhowa doe ka Môise:

23 Anoe ka Isorali qmang kô: Hì mòi jàt padam khê tapèh kô aih la hì ramènh traiq oe òe, òeq tapèh hì òeq padèch kan ta-iu ka Chuaq Jêhowa. 2 Hì baxèm i mòi yàng tagop hadròeh, pì ùh khò abroq qmòi cleq. 3 Ta tapèh hì ep dèch ramèn bùh ka Chuaq Jêhowa; trùh hì rahem, pì i mòi yàng tagop hadròeh hòm, hadai ep dèch ramènh bùh ka Chuaq Jêhowa. Aih la ramènh kàn, apaq abroq qmòi cleq. 4 Aih la bài ramènh kàn Chuaq Jêhowa khoe òe, pì ep ngan aih la bài hì ramènh hadròeh, òeq dèch ramènh bùh ka Chuaq Jêhowa, ramènh xep, ramènh waiq kan catèm, ramènh diac lóc, tiaq dèh tang hì. 5 Enh gùng ka aih, pì ep wèq hì sabat da Chuaq Jêhowa, dèch ka haq bài ramènh, bài ramènh pì khoe têu jò waiq khàn xam ramènh manoh cla enh. 6 Mahaq trùh hì mòi jàt padam khê tapèh, jò pì khoe gèh ka gat, aih ep wèq moeq ramènh ka Chuaq Jêhowa ta tapèh hì. Hì baxèm aih la hì padài, hì rahem hanoh hì padài. 7 Hì ma baxèm, pì raih yóc bài pì ma lem, hamen long triaq, hamen long ma cràm hla xam long juàng liu,

khoe aih lem bùi ta tapèh hì enh ngèa Chuaq Jêhowa, Boc Plinh pì. 8 Rìm hanam, trùh khê tapèh, pì ep wèq ramènkh kô ka Chuaq Jêhowa qmang aih ta tapèh hì. Aih la ramènkh mòeq òeq am ka xinoe pì. 9 Rìm ngai Isorali ep oe ta traiq oe òò ta tapèh hì, 10 Òeq bàì xinoe pì loq jò au qnoh mangai Isorali loh khoe enh Êdip, au am wì haq oe òò ta bàì traiq: Au kô raq Jêhowa, Boc Plinh pì. 11 Qmang aih, Môise anoe ka mangai Isorali loq bàì hì ramènkh Chuaq Jêhowa ma khoe òi. 12 Ìh apaq lam anoe bàu lìq, paq wiang ti mangai broq yiniq lui òeq qnoh bàu panhìn qmùt. 13 Ìh paq tiaq mangai bàc òeq hu broq hwang; jò ìh yòng panhìn ka trong tah hadrah, apaq cro tiaq pah bàc ngai òeq broq raliang trong taq atoq. 14 Ìh apaq loq gen kan ka mangai pa jò hadrah. 15 Tàng ìh loq hnoq òo qnì lùu qnì da mangai ma git ka ìh ep tiaq ahlài da cla wì. 16 Tàng ìh loq hnoq lùu da mangai ma git ka ìh pòq trap hrìn loh qmòe ka tacro, paq broq òeh ùh hnoq, ep dang òòq haq jah yeo òeh ka trap 17 Jò qnang tah hadrah paq cwaih òac bìac troq da mangai pa oe taqne ìh. 18 Ìh ep wia ka hangai bàì bàu capoch òeh, paq jêh òac mangai ùh ì òeh yiniq lui xam mangai broq troq, majaq qmang aih au blinh ùh càdac ka mangai broq dù. 19 Ìh apaq yòc ngè wì rot manoh, majah qmang aih ngè aih broq ka mat mangai qngah loh ka pùu, rai broq ka tagùt bàu da mangai hnñuh jang. 20 Ìh paq tacqa ka mòeq ngai òac wì, pì khoe loq manoh mangai oe òeh òac wì aih qmang leq, majah qmang aih pì hadai khoe broq mangai oe òeh òac wì ta Êdip. 21 Ta tadràu hanam pì rai òeh adrech taðùng, trùh jò hi gat yòc. 22 mahaq trùh hanam tapèh, ep òeq taneh oe clui òeq haq jah padài; òòq mangai pa taqne pì jah canòm òeh riang pì da taneh aih, loq oe rah bàc bìaq bàì ngè rìh tagùng go jah acaq òeh. Hanoh broq qmang aih ka wuàn nño xam long òliu. 23 Hloe ta tadràu hì pì broq gèh òeh ka bìac, mahaq trùh hì tapèh ep padài, òeq ka òo xam lùu da ìh jah padài; hloe xam bàì kon calò da hapòng cadrì ìh xam mangai òac wì jah padài òeq yòc hlài padren. 24 Ep wèq òòg rìm bàu au thê ìh ma rabiaq haq. Ùh jah creo dang yiniq da bàì kiac qnoeq. Apaq òòq bàì yiniq aih jah tàng ràu loh enh hacùng bàu ìh. 25 Mòeq hanam piq yàng ìh ep wèq ramènkh òeq ta-iu ka au. 26 Ìh ep wèq ramènkh bènkh ùh tah blo; ta tapèh hì ep kaq bènkh ùh tah blo, tiaq bàu au khoe tanap thê.

Ramènkh kô ep wèq troq òeh jò ma khoe pajaq aih la khê Awip, majah qmang aih khê aih ìh loh khoe ka Êdip. Èh apaq cabò lam tì òeh thia enh ngèa au. 27 Ìh ep wèq ramènkh jò gat, xi riang pì ma ramung da padren hiwa ìh tiaq adrech ìh ma khoe rai taðùng; rai wèq ramènkh gat ta cloh hanam, jò pì khoe gat òeh riang pì da padren hiwa raðeh taðùng. 28 Mòeq hanam piq yàng bàì mangai calò ep trùh enh ngèa Chuaq, aih la Chuaq Jêhowa. 29 Ìh paq òeh mahim da ngè tadreò au pajùm ti cleq ma ì tah blo; bòq da ngè tadreò ta bàì hì ramènkh au, ùh jah òeq trùh sroq atiq. 30 Bàì riang pì ramung gàu mùu da taneh, ìh ep aràng trùh tahnim Jêhowa Boc Plinh ìh. Ìh apaq pai bubi kon ta òac tòh kan haq. 31 Ngan kô! Au thê mòeq bình plinh lam adroe ka ìh, òeq wiang ti ìh jò lam trong, rai qmùt ìh tanòe au khoe palauq òeq. 32 Enh ngèa haq, ìh ep wèq raðeh, ep iu tiaq bàu haq, ùh òùh àu tablêq ka haq, majah qmang aih haq ùh càdac da ìh yiniq lui, pàng yiniq au oe enh òac haq. 33 Mahaq tàng ìh panim ka tamàng bàu haq, rai broq tiaq rìm nà au thê, aih èh au tablêq ka mangai ma tablêq ka ìh, chàt mangai ma chàt ìh. 34 Majah qmang aih bình plinh da au lam adroe, qmùt ìh tagùng da mangai Amòrit, mangai Hêtit, mangai Phêrêsit, mangai Cana-an, mangai Hêwit xam mangai Jêbusit khoe aih au hi palùng wì haq. 35 Ìh apaq hacùn cràng kùh waiq rai patìh ka bàì kiac da wì haq, paq top dua yiniq broq wì haq, mahaq ep palùng òòg bàì kiac aih rai tùq bahech radua qmù kiac wì haq. 36 Ìh ep kùh waiq Chuaq Jêhowa Boc Plinh ìh; Haq jah am xôq ramot ta dahwèq acaq òq ìh, rai òòg òac bàì kan yiniq tòq taqne ìh. 37 Tagùng ìh ùh ì ka gucadrì ralòeh, gucadrì xon. Au am ìh jah halinh. 38 Au thê òeh kan ramòt lam adroe, waq toq ìh trùh ta mangai gùng leq, au broq ka wì ta aih prah priang càdau lac trong, rai broq ka mangai ma git ka ìh tawìh cròng enh ngèa ìh. 39 Au thê ong chà lam adroe hnñ jêh mangai Hêwit, mangai Cana-an, mangai Hêtit khoe ka mat ìh 40 Mahaq au ùh hnñ wì haq càdau òòg ta mòeq hanam, yùq èh ta aih loq loh ka hawit, èh ngè gùng ròm loq xêh bàc, ti habò òac ka mangai; 41 mahaq au hnñ wì haq càdau loh yen yen khoe ka mat ìh, trùh jò leq mangai da ìh jah bình bauq hlàt blah yòc gùng aih broq kùng hang. 42 Au acang pajaq taneh òac ka ìh enh òac raxìq gòh trùh raxìq Philitin, enh òùng hawit trùh cròng òac

Ophorat, au jao mangai gùng aih mùt ta tì kǝng ìh, èh ìh hi nnan wì aih khoe ka mat radeh. **43** Ìh paq broq tajao cleq ka wì haq, hloe xam bài kiac da wì haq. **44** Wì haq ùh jah oe gùng da ìh, yùq èh wì haq loq patùt ìh loh yiniq lui ka au òòeq kùh waiq kiac da wì haq qmòh; trong aih loq wìa jroh hlàp ka ìh.

24 Chuaq Jêhowa doe ka Môise: **2** Anoe ka mangai Isorali aràng ka ìh dàu Oliu hliang lem, wì ma padit enh plì, òòeq bùh ðen, òòq ðen jah cheo yôt. **3** Arôn ep wèq ngan ðen aih ta traiq taglâm, enh gùng ka bai prinh hom tajao, òòq ðen aih jah cheo yôt enh dixèq trùh sroq atiq, enh ngèa ka Chuaq Jêhowa; aih ranenh mòeq òòeq am ka xinoe bài pì. **4** Arôn dèch bài ðen ta jo ðen xi wang, òòq ðen jah cheo yôt enh ngèa Chuaq Jêhowa. **5** Ìh hadai ep yòc dác qmau mì ma ha-buàt, broq mòeq jàt baiq toq bèn; mòeq toq trap baiq phàn mòeq jàt èpha.

6 Khoe aih padon loh baiq brong mòeq brong tadrâu toq ta cabông xi wang enh ngèa Chuaq Jêhowa. **7** Yòc dác gahnàu lem rac tiaq baiq brong bèn, òòeq broq kan bahmàng ta bèn, qmang ka ramènh bùh dèch enh ngèa Chuaq Jêhowa. **8** Rìm hi sabat, wì padon yôt bèn kô enh ngèa Chuaq Jêhowa, bèn kô loh enh mangai Israli, aih la tajao mòeq òòeq. **9** Bài bèn kô jah Arôn xam bài kon calô haq; wì haq ep acaq bèn aih nòe hadròeh, aih la phàn dahwèq acaq òòq jaq hadròeh, majah qmang aih dahwèq aih loh enh bài ramènh bùh dèch ka Chuaq Jêhowa. Aih la ranenh mòeq òòeq. **10** I moeq ngai kon calô, miq haq mangai Isorali, baq haq mangai Êdip, loh qne mangai Isorali, tajêh ka mangai Isorali nòe traiq linh. **12** Mangai calô aih capoch troq rai ra-òh hamaiq ka yiniq Chuaq Jêhowa; wì aràng haq trùh ajang Môise, wì clèh padràng haq, gòm trùh jò Chuaq Jêhowa doe ep hadrah mangai aih qmang leq. Yiniq miq haq Sêlomit, kom cadrì da ðipri, oe ta xinoe Ðan. **13** Khoe aih, Chuaq Jêhowa doe ka Môise: **14** Qnoh mangai khoe capoch ra-òh hamaiq aih loh enh gùng ka traiq linh, òòq ka mangai i tàng haq ep roh ti ta gàu haq, rìm ngai ep òòq haq xi hmo. **15** Khoe aih doe ka mangai Isorali qmang kô: Mangai leq capoch ra-òh hamaiq dèh ka Boc Plinh, aih èh ep pòq wè deh kan baxa enh yiniq lui cla. **16** Cabô capoch troq yiniq Chuaq Jêhowa aih èh ùh claih ep jêh ðac cachit; òòq òòq ka mangai ep òòq haq xi hmo; yac ka mangai diac

wì, yac ka mangai ha-uang gùng cla. **17** Cabô jêh cachit mòeq ngai leq, yac ka haq aih la cabô ùh dèh, dua ep hadrah ka cachit. **18** Cabô jêh cachit ka ngè wì aban, ep clih hlài da wì, aih la qnoh caxènh. **19** Jò cabô broq ka mangai haten hatia loh habau, aih èh wì ep broq ka haq loh chau habau qmang ka haq ma khoe broq: **20** Tagoh clih ka tagoh, mat clih ka mat, hanenh clih ka hanenh. Wì broq ka haq loh habau daq adàng ka haq ma khoe broq ka mangai qnoeq òòq. **21** Cabô broq cachit ka ngè aban, aih ep clih hlài da wì; mangai leq jêh ðac moeq ngai, haq aih èh ep hadrah ka cachit. **22** ùh dèh yac ka mangai diac wì yac ka mangai gùng cla, pì òòq ep tiaq pajum moeq ranenh. **23** Qmang aih Môise anoe hlài ka Isorli, thê qnoh mangai ma khoe capoch ra-òh hamaiq loh enh gùng ka traiq linh òòeq òòq haq xi hmo. Isorali broq wop qmang ka bàu Chuaq Jêhowa khoe tanap ka Môise.

25 Chuaq Jêhowa doe ka Môise ta bui wang Sina-i qmang kô: **2** Anoe ka mangai Isorali rameh: Jò pì khoe mùt gùng au ma padon am, aih èh taneh ep padài, wèq mòeq ramènh sabat ka Chuaq Jêhowa. **3** Ta tadrâu hanam, pì rai adrech ta ruàng rai git deh plì nho, rai gat bài dahwèq loh enh taneh. **4** Mahaq hanam tapèh aih la hanam sabat, òòeq taneh padài, aih la mòeq hanam sabat ka Chuaq Jêhowa; pì apaq rai adrech ta ruàng pì, hanoh paq git plì nho pì. **5** ùh khòh gat bài cleq hon ðeh atiq ka jò gat, èh hadai paq git plì nho da wuàn nho ùh i broq nhat: aih la hanam òòeq ka taneh padài. **6** Yiniq cleq loh enh taneh ta hanam sabat: aih òòeq broq dahwèq acaq ka pì, ka hapông calô hapông cadrì, ka mangai abroq patih ka pì hloe xam ka mangai diac wì rih oe qne pì, **7** hloe xam ka ngè pì ma ban ta hnim xam bài ngè rih ta rôm wang; òòq òòq yiniq cleq hon loh enh taneh òòq broq dahwèq acaq. **8** Pì hadai ep rên tapèh hanam sabat, aih la tapèh yàng tapèh hanam, òòeq tapèh hanam sabat aih jah troq pôn jàt hachin hanam; **9** khoe aih trùh hi mòeq jàt khê tapèh, aih raq hi ramènh baxon yiniq lui, pì ep hlui ken jàp jia ka gùng. **10** Pì ep broq ka hanam padam jàt wìh wìa hanam hadròeh, rai bahia kan paclaih am ka rìm ngai ta taneh diac pì. Aih raq hanam lem bùi am ka pì, rìm ngai jah hlài dèh taneh ruàng, mangai leq mangai meh jah hlài dèh ta hnim cla. **11** Hanam padam jàt kô aih la hanam lem bùi am

ka pì, ùh khòh rai adrech, ùh khòh gat qmòe cìeq ma hon ðeh enh taneh òh hanoh ùh khòh git pìi nho ùh i palauq, 12 vì là một năm hân hí, sẽ làm thánh cho các người; phải ăn những thổ sản. majah qmang aih kô la hanam lem bùi, broq ka pìi hadròeh, ep acaq toq yiniq cìeq loh enh taneh ruàng. 13 Ta hanam lem bùi kô, bài taneh ruàng ðiq jah hlài da cla wì. 14 Tầng pìi tech taneh ðeh ka mangai ten tìi ùh meh pìi rot taneh enh wì haq, aih apaq loq hnen padit wì oh daq. 15 Pìi rên pang hanam lem bùi ðòeq rot da mangai haten hatia; mangai aih hòem, ep rên pang hanam ma oe jah gat. 16 Tầng joq oe bàc hanam ðòeq jah gat, aih pìi kop atóc tam jaq; tầng oe toq biaq hanam ðòeq jah gat aih pìi hí palúa qnoh jaq. Majoq qnàng aih, tech ka pìi aih la tech sôq hanam oe jah gat. 17 Paq i cabô taqne pìi kaq jông ðeh mangai haten hatia; mahaq ep loq yùq ka Boc Plính pìi, majah qmang aih au kô raq Jêhowa, Boc Plính pìi. 18 Mahaq pìi ep broq tiaq bàu au thê, wèq rai broq tiaq ranenh au, aih òh pìi jah rih acaq ka catêm ta gùng aih. 19 Taneh jah loh dahwèq am ka pìi, òh pìi jah panác rai jah rih catêm ta gùng aih. 20 Tầng joq pìi ðoe: Tầng ùh rai adrech, ùh gat, aih òh ta hanam tapèh nhên yóc cìeq hu acaq? 21 Ta hanam tadràu, au caqnihi xôq ramot am ka pìi, ta hanam aih òh pìi jah tàu ka piq hanam. 22 Hanam rahem, pìi hí rai drech rai acaq dahwèq enh hanam ðùnh trùh jò mùa maneo da hanam hachin. 23 Tanneh ùh jah padro catech hloe; majah qmang aih taneh aih la da au, pìi oe ta taneh au, budàng mangai diac wì xam mangai tamoe. 24 Gùng pìi ma padon jah ðòeq broq kùng hang, taneh ep jah baxon yóc hlài. 25 Tầng oh daq pìi loh ka pa hamoq, ep tech ðèh moeq qnah taneh, aih òh mangai hadròng ma haten i cwiàng lam baxon yóc hlài, ep lam baxon yóc hlài taneh oh daq pìi ma khoe tech. 26 Mahaq, tầng ùh i ka cabô lam baxon yóc hlài kùng hang aih da wì haq, yàng òh ta atiq kô cla wì haq abroq kaq loq loh plàih baxon yóc hlài ðeh, 27 aih òh ep rên pang hanam ðeh khoe tech ðòeq kop tam bàc blêh koh ka mangai ma rot, aih òh hí jah hlài ðèh kùng hang. 28 Tầng cla haq chaq ùh loh cìeq ðòeq caqnaihi ðèh, taneh ma khoe tech aih oe raq cwiàng da mangai rot trùh hanam lem bùi; khoe aih taneh hí loh enh tìi kông mangai rot ðòeq wìhi hlài ta tìi cla mangai i taneh. 29 Tầng cabô tech moeq toq hnim oe ta plài ma i canàng dudan, aih haq i cwiàng

ðòeq baxon yóc hlài trùh ta moeq hanam atiq ka haq tech, cwiàng jah baxon da haq oe toq ta hanam aih raq. 30 Tầng ùh baxon yóc hlài adroe ka jah moeq hanam, hnim oe ta plài i canàng dudan aih òh jah hloe mangai ma rot xam nang noe haq, trùh hanam lem bùi hnim aih dua ùh loh enh tìi kông wì haq. 31 Mahaq tầng hnim oe ta plài ma ùh i ka canàng dudan, aih òh budàng taneh ruàng; mangai tech jah baxon yóc hlài; trùh hanam lem bùi hnim aih hí jah hlài cla mangai tech. 32 Mahaq plài da mangai Lêwì, xam hnim wì haq oe ta aih, aih òh mangai Lêwì i cwiàng baxon yóc hlài yôt. 33 Cabô rot da mangai Lêwì moeq toq hnim oe plài leq ùh ðèh, trùh hanam lem bùi ep padreo hlài da cla wì; majah qmang aih bài hnim oe ta bài plài da mangai Lêwì aih la kùng hang da wì haq taqne mangai Isorali. 34 Bài taneh go da plài mangai Lêwì ùh jah tech, aih la kùng hang mòeq ðòe da wì haq. 35 Tầng oh daq oe haten ka pìi loh ka pa, pìi hlát ban raðeh. Nguyên-bôn là: bàn tay người yếu-liệt aih ep wiàng ðồng wì haq, yac ka wì haq aih la mangai diac wì rih oe qne pìi, ðòeq wì haq jah oe yôt tìi pìi. 36 Apa q yóc bàc lòe hanoh paq yóc lòeq enh haq; mahaq ep yùq crê ka Boc Plính pìi, aih òh oh daq pìi jah oe yôt tìi pìi. 37 Paq am wì lình bàc ðòeq hu yóc lòe hanoh paq am wì lình dahwèq acaq ðòeq yóc lòe. 38 Au kô raq Jêhowa, Boc Plính pìi, Mangai khoe qnoh pìi loh enh taneh Êdíp, ðòeq am taneh Cana-an ka pìi, rai broq Boc Plính pìi. 39 Tầng oh daq oe haten ka pìi loh ka pa, aràng tech raðeh ka pìi, paq panan wì haq patih tiahi ka hapông ðic; 40 haq oe hnim pìi tiahi ka mangai patih acaq, mangai oe canòm, haq wiàng patih ka pìi trùh hanam lem bùi; 41 khoe aih haq xam wì kon haq hêq ka oe ta pìi hòem, jah hlài ðèh ta hnim cla òh jah hlài ðèh taneh diac da kan cadraq. 42 Majah qmang aih, Isorali aih la bài hapông au ma khoe qnoh ðeh enh Êdíp, ùh khòh tech wì haq qmang ka wì tech ðic. 43 Pìi apaq padit hrinh wì haq, mahaq ep loq yùq crê ka Boc Plính pìi. 44 Bài hapông cadri calô da pìi, aih ðiq loh enh bài mangai diac wì ma oe dudan ka pìi; enh wì aih pìi rot hapông cadri hapông calô. 45 Pìi jah rot hapông ðic enh bài kon da mangai diac wì ma oe ta pìi xam hadròng wì haq ma ha-uang gùng pìi; aih òh wì haq hí loh kùng hang pìi. 46 Wì haq aih, pìi jah ðòeq hlài ðèh ka kon xau broq kùng hang, ðòeq wì haq broq ðic hloe hloe. Mahaq

oh daq pì aih la mangai Isorali, ùh i cabô jah glua padit. 47 Jò moeq ngai diac wì rìh oe qne pì loh ka padröng, yàng oh daq Isorali pì ma oe ti wì loh ka pa, ep tech radeh ka mangai diac ma rìh oe qne pì aih, ùh meh ka mangai ta xinoe mangai diac wì aih, 48 atiq ka jò khoe tech radeh, cwiang ðòeq jah baxon yóc hlài haq dua oe raq i: moeq ngai oh daq haq ma haten jah lam baxon ahlài haq. 49 ùh mih ùh dùch, ùh meh kon mih kon dùch, ùh meh mangai hadröng ma haten hanoh jah baxon hlài haq; ùh meh tàng cla haq plàih, aih haq hanoh jah baxon hlài da deh. 50 Haq hatinh ka mangai ma rot pang hanam leq haq ma khoe tech radeh trùh ta hanam lem bùi; maneh ðòeq baxon hlài aih tình tiaq kùng ma baha ka mangai abroq ta bài hanam aih. 51 Tàng hanam oe raq bàc, aih hi tình tiaq sôq bài hanam kô, haq ep caqnaih ma hatroq tiaq sôq hanam ma oe i ðòeq broq maneh baxon hlài da deh. 52 Tàng hanam oe toq biaq, aih èh hatinh ka mangai ma rot tiaq bài sôq hanam kô ðòeq qnoh òac baxon hlài radeh. 53 Mangai ma rot aih ep ngan wì tìah ka mangai patih kaq tiaq hanam, mangai rot ùh khòh ùh dèh ùh dèm ka wì haq. 54 Tàng ùh jah baxon yóc hlài haq tiaq bài trong kô, trùh hanam lem bùi aih èh haq xam bài kon calô haq jah loh dech. 55 Majah qmang aih Isorli aih hapöng au, aih la hapöng au ma khoe qnoh deh enh Êdip. Au kô raq Jêhowa, Boc Plinh pì.

26 Pì paq broq bài radua qmù kan kiac; paq paqnàng radua qmù, ùh meh hmo ngè, taneh gùng pì paq dèch paqnàng hmo i pùng achiñ ðòeq kùh waiq enh ngèa haq, majah qmang aih au kô raq Jêhowa, Boc Plinh pì. 2 ep wèq hì sabat au, rai ta-iu nòe hadròeh au. Au kô raq Chuaq Jêhowa. 3 Jò blai qmau da pì ùh catech trùh jò git nho, jò git nho ùh catech trùh jò rai maq; pì jah acaq ka panàc, jah oe ka catèm dèh ta gùng cla. 6 Au caqnih kan catèm ta taneh diac, pì kùl ùh yùq ka cabô taqnùq; au hnan ðac bài ngè ngang dù loh khoe ka gùng pì, chang jaoq ùh dèch enh qnhèq ka gùng pì. 7 Pì hnan bài linh ma tabêq ka pì, wì aih jah tacro enh qneq ka chang enh ngèa pì. 8 Pì padam ngai hnan tiaq moeq hrinh; moeq hrinh hnan tiaq moeq muàn, bài linh tablêq ka pì jah tacro ka chang jao ajang ngèa pì. 9 Au hwi hlài ti pì xam kan ha-och tamèt ka pì, broq ka pì jah chèch lòe tam ka bàc, rai wèq deh tajao au ti

pì. 10 Pì jah acaq dèh qmau dùnh, èh qnoh ma dùnh ðòeq qmùt ònh maneo 11 Au jah ðòeq deh nòe oe taqne pì, mahua yiang au ùh tagit ka pì 12 Au jah lam taqne pì, broq Boc Plinh pì, èh pì broq mangai da au. 13 Au kô raq Chuaq Jêhowa, Boc Plinh pì, Mangai khoe qnoh pì loh enh Êdip, ðòeq pì ùh hiaq broq hapöng dïc. Au khoe goh long ech pì, ðòeq pì jah lam rai dèch gàu. 14 Mahaq tàng pì ùh tamàng au, ùh broq tiaq bài ranenh kô, 15 tàng jù ðac bàu au, mahua yiang pì tablêq hlài ka ranenh au, loh ka ùh broq tiaq ranenh au, tablòq ka tajao da au, 16 aih èh, kô bài trong au caqnih am ka pì: Au caqnih ka pì kan ramòt, bài kan yiniq tôq tanget, broq ka pì pùa mat, tagah lep ta mahua yiang. Qngwan ka pì rai maq, linh wì blah acaq döng. 17 Au plòh nòeh ka pì; bài linh wì jah hnan tiaq jêh pì, mangai ma tagit ka pì gen padit pì, pì cadàu amot yac ka ùh i cabô hnan tiaq. 18 Khoe qmang aih yàng pì dua ùh waq tamàng au, aih èh tiaq yiniq lui pì, au phóc tam loe tapèh yàng ðòeq hu baxa pì, 19 èh au bahech kan catèh xam kan cadoq manoh pì. Au broq ka tróc enh qnhèq ka gàu pì cadoq tìah ka ðùng, 20 padren pì lep qngwan, taneh ùh loh dahwèq ka pì, long ùh loh plì ka pì. 21 Tàng pì dua enh tablêq ka au, ùh waq tàng bàu au, aih èh ðòeq tajì ka yiniq lui pì au caqnih tam kan ranàc loe tapèh yàng. 22 Au thê bài ngè rôm wang trùh ðòeq rùp qnung kon pì, kap kaq ngè pì ma aban, jêh ðac dòq mangai pì oe palap toq biaq, ðòeq trong pì lam loh ka hawit 23 Yac ka khoe qmang aih dua pì ùh iu tiaq trong au gùt bàt, dua oe raq tablêq ka au, 24 aih èh cla au kô hadai talêq hlài ka pì, èh hòm taiq yiniq lui, au caqnih kan ranàc ka pì loe tapèh yàng hòm. 25 Au caqnih chang jaoq trùh enh qnhèq ka pì ðòeq tabroq chau pì ma khoe broq raliang da au tajao; jò pì tagop ti dabau ta than phòq pì, au caqnih kan dài trùh taqne pì, tah qmùt pì ta tì kóng mangai git ka pì, 26 jò au aràng kan pangot hrah trùh, mòeq jàt ngai adrùh bùh bênh pì ta tanùh, kìq bênh aih am hlài ka pì; pì acaq mahaq ùh panàc. Nguyên-bôn là: khi nào ta bẻ gãy cây gãy bánh của các người 27 Yac ka khoe qmang aih, pì dua ùh tamàng au, oe raq tablêq ka au, 28 aih èh kan noèh au hadai tablêq hlài ka pì, èh taiq yiniq lui pì, cla au kô èh ma phóc pì loe tapèh yàng hòm 29 Pì jah kaq jam deh kon calô cadri cla pì. 30 Au raliang

đac bài nòe haqnheq pì, raliang qnìh bài radua qmù mat mahi, ðòeq hanang pì enh qnhèq ka hanang radua qmù kan kiac pì, mahua yiang au ramòt ka pì. **31** Au broq ka nòe plài pì loh ka raliang, nòe hadròeh loh ka hatinh hatot, au pì oe waq kan xua thùm bài ramèn pì hòem. **32** Au broq ka gùng aih loh la raliang, jaq mangai ma tablêq ka pì oe ta-aih ep loh ka hamàih. **33** Au broq pì prah priang ta bài diac qnoeq rai hroe qnoh chang hnan tiaq atìq ka pì: gùng pì loh ka cadac clui, than phòq loh ka hawit. **34** Jò taneh khoe cadac clui, pì oe nòe taneh diac ma tagit ka pì, jò aih èh taneh jah padài bài hanam sabat. **35** Jò taneh jah cadac clui haq jah padài, majah qmang aih jò pì oe ta taneh aih, haq ùh jah padài ta bài hanam sabat pì. **36** Taqne pì tàng i cabô ma oe rìh, au broq ka wì haq loh ka lèu nòe taneh diac wì ma tagit ka pì; atêh hla cro xôq broq ka wì haq cadàu amot, tìaah ka cadàu ka chang jaoq, tacro mahaq ùh i cabô hnan tiaq. **37** Mangai kô cro raxon enh qnhèq ka mangai tau tìaah ka cro ajang mùh chang, ùh i cabô hnan tiaq wì haq, pì ùh nui dràng oe enh ngèa mangai ma git ka pì. **38** pì cachit lùch ta taqne bài mangai diac wì, taneh wì haq lonh yòc pì **39** Taqne pì loq i cabô ma oe rìh, wì haq jah cachit yen nòe taneh diac mangai ma tagit ka pì, aih jao yiniq lui enh wì kan cadraq dài wì haq majah ep cachit yen yen. **40** Jò aih wì haq hi canau loq deh ka yiniq lui, xam kan ngang dù da wì kan cadraq, xam kan wì haq ma àu tablêq ka au. **41** Biac aih dài au majah tablêq ka wì haq, qmùt wì haq ta taneh diac ma git ka wì haq. Jò aih tàng joq manoh cliac ùh kat akia da wì haq loq paqnoh raðeh rai iu tiaq trong au haqnauq phòc kan yiniq lui wì haq, **42** aih èh au hi hmàng hlài tajao au khoe broq ti Jacôp, ti Ysac, xam Apraham rai hmàng hlài trùh gùng kô. **43** Majah qmang aih jò taneh diac wì haq cadac clui, aih haq jah padài sabat toq aih hanam jò pì i ka wì ta aih, wì haq ep chiuq phòc dèh kan ngang dù, majah qmang aih wì haq khoe dù đac bàu au, manoh cliac wì haq khoe ramòt đac ka ranenh da au. **44** Yac ka qmang aih, jò wì haq ma oe ðeh ta taneh diac ma git ka wì haq, dua au ùh cadac wì haq, ùh i ramòt đac ka wì haq loh qmòe ep ka cachit lùch dõng, èh hadai ùh tabòq tajao au ma khoe broq ti wì haq, majah qmang aih au kô raq Jêhowa, Boc Plình wì haq. **45** Mahaq taiq wì haq, au hmàng hlài tajao ðeh ma khoe

broq ti kan cadraq wì haq ðòeq qnoh wì loh khoe enh Êdip enh ngèa bacc diac, ðòeq broq Boc Plình wì haq. Au kô raq Chuaq Jêhowa. **46** Aih la bài bàu thê, ranenh, xam trong taqmroq enh Chuaq Jêhowa thê Môise, broq loh taqne Chuaq xam mangai Isorali.

27 Chuaq Jêhowa doe hòem ka Môise: **2** Anoe ka Isorali qmang kô: Tàng mangai leq i bàu waiq dang ma yeo crài, aih la yòc mangai ðòeq dèch am ka Chuaq Jêhowa, aih pì tình maneh jaq haq, jaq aih èh jah Chuaq Jêhowa. **3** Tàng pì tình maneh jaq mangai calô pang baiq jàt trùh baiq jàt tadràu hanam, aih tình padam jàt siac lo bacc, tiaq jaq siac lo nòe hadròeh Hây xem XuXh 30:13 **4** Tàng joq kon qyoh enh padam trùh baiq jàt hanam, aih tình baiq jàt siac lo ka kon calô, èh mòeq jàt siac lo ka kon cadrì. **6** Tàng kon nga bu moeq khê trùh padam hanam, aih tình padam siac lo am ka kon calô, èh piq siac lo ka kon cadrì. **7** Tàng mangai craq pang tadràu jàt ta atôc, aih tình mòeq jàt padam siac lo bacc ka gucalô, mòeq jàt siac lo bacc ka gucadrì **8** Tàng mangai waiq khàn aih pa hamoq hrình, ùh hlàt am tiaq maneh jaq pì ma khoe qnoh, aih aràng haq trùh ajang mangai pajàu ðòeq haq tình am. Mangai pajàu hi pajaq am ka mangai i bàu waiq dang aih mac ka haq bu hlàt pang leq. **9** Tàng waiq dang têu am dèh ngè aban ðòeq broq ramèn dèch am ka Chuaq Jêhowa, ngè ma dèch aih hi wìh wìa hadròeh. **10** Wì ùh khòh yòc kon ma yeo lem hu halìh kon ma yeo qmèq, hanoh ùh jah yòc ma yeo qmèq halìh ka ma yeo lem. Tàng yòc ma kô halìh ka ma tau, aih èh ðìq baiq ðìq wìh wìa hadròeh. **11** Tàng ngè aban aih ùh hruah aih ùh khòh broq ramèn dèch ka Chuaq Jêhowa, aih ep aràng ngè aih trùh enh ngèa mangai pajàu, **12** khoe aih mangai pajàu hi mac ka ngè aban aih lem loq qmèq ðòeq hu pajaq. Wì ep tiaq maneh mangai pajàu khoe pajaq ðòeq caqnaih bacc. **13** Tàng joq enh baxon yòc hlài, aih ep kop tam mòeq phàn padam maneh jaq mangai pajàu ma khoe qnoh. **14** Tàng mangai leq enh dèch dèh hnim broq dahwèq hadròeh ka Chuaq Jêhowa, aih èh mangai pajàu ep ngan hnim aih lem loq qmèq ðòeq tình maneh jaq; wì ep yòc jaq mangai pajàu ma khoe qnoh. **15** Tàng mangai khoe dèch dèh hnim enh baxon yòc hlài, aih èh haq ep kop tam mòeq phàn padam maneh jah khoe qnoh, khoe aih hnim hi jah da

haq. 16 Tàng mangai leq lah dèh moeq phần joq halih, kon ma halih aih èh xam kon majah
 ruàng da hnim cla ðeq dèch ka Chuaq Jêhowa, halih, ðiq baiq wih wia hadròeh; ùh jah baxon
 qmang aih maneh jaq haq jah tình tiaq adrech yóc hlài. 34 Aih la bài ranenh Chuaq Jêhowa
 wì ma rai, aih la padam jàt siac lo ka moeq ôme doe Môise, ðeq anoe am ka Isorali, ta bui wang
 adrech qmau. 17 Tàng wì dèch dèh ruàng am ka Sina-i.
 Chuaq Jêhowa pang Hanam lem bùi, aih èh jah
 waq troq jaq 18 Tàng wì dèch dèh ruàng atiq ka
 Hanam lem bùi, mangai pajàu hi tình tiaq pang
 hanam ma oe i trùh ta Hanam lem bùi ðeq
 tình maneh jaq ruàng, èh lùa hlài ðac jaq ma
 khoe qnoh. 19 Tàng haq ùh baxon yóc hlài, èh
 wì khoe tech ka mangai qnoeq, aih èh haq pi
 jah baxon yóc hlài hòim. 21 Trùh Hanam lem
 bùi, ruàng loh enh tì kống mangai rot, hi wih
 wia hadròeh, tiah ka ðùng ruàng jah dèch ka
 Chuaq Jêhowa, haq hi jah broq kùng hang ka
 bài pajàu. 22 Tàng cabô dèch ka Chuaq Jêhowa
 ruàng ðeh rot, ùh xài ruàng enh cadraq, 23 aih
 mangai pajàu tình tiaq jaq taneh ma khoe ði
 trùh ta Hanam lem bùi, khoe èh wop hì aih raq
 mangai kô ep caqnaih jaq ma khoe ði, qmang
 ka ramènh hadròeh dèch ka Chuaq Jêhowa.
 24 Hanam lem bùi, ruàng aih hlài dèh ta cla
 mangai tech, aih la hlài ta cla wì. 25 Rìm yiniq
 ep tình tiaq maneh siac lo da hnim kùh waiq;
 moeq siac lo aih baiq jàt gêra. 26 Mahaq ùh
 cabô jah dèch kon ramua da bài ngè ðeh ma
 ban, yac ka ðo ka trùu, majah qmang aih bài
 ra ramua aih tiaq ranenh aih khoe da Chuaq
 Jêhowa. 27 Tàng ngè aban aih ùh sròeh, wì jah
 baxon yóc hlài tiaq maneh jaq khoe tình, ep
 kop tam mòeq phần padam maneh jaq, tàng ùh
 baxon yóc hlài aih ep tech tiaq mac ka maneh
 jaq ma khoe tình. 28 Mahaq jò cabô ma khoe
 yóc kùng hang ðeh ma i ðeq dèch ka Chuaq
 Jêhowa, yac ka mangai yac ka ngè aban, yac ka
 ruàng enh kan cadraq, aih ùh jah tech ùh jah
 baxon yóc hlài, majah qmang aih yiniq cleq
 khoe dèch aih wih wia ðiq jaq hadròeh am ka
 Chuaq Jêhowa. 29 ðiq ðống bài thèq mòeq phần
 mòeq jàt enh taneh, enh bài dahwèq trùh bài
 qmau loh enh ruàng trùh plì enh long, aih ðiq
 da Chuaq Jêhowa; aih la ngè khoe lah ðeq
 hadròeh ka Chuaq Jêhowa 31 Cabô enh baxon
 yóc hlài yiniq cleq ta thèq moeq phần moeq jàt
 aih ðiq ep kop tam moeq phần padam maneh
 jaq. 32 Phần mòeq jàt da calùh ðo ùh trùu, aih
 la bài ngè ma lam enh qneq ka long dùì, toq
 ma mòeq jàt jàt aih la hadròeh, lah ðeq crài
 ka Chuaq Jêhowa. 33 Wì ùh khòh hadro ràih
 ma lem ma qmèq, hadai ùh khòh halih. Tàng

NEW TESTAMENT



Mahaq Chuaq Jesus waiq khàn: “Waiq Baq! Ìh caqnaih da wì yiniq lui, majah qmang aih wì ùh qnì raḏeh broq cleq.” Khoe èh, wì pàih panàih hu ngan maleq majah eo haq.
LUCA 23:34

MATHIO

1 Xinoo da Jesus Christ, kon xau bùa Đawit, kon xau Apraham. **2** Apraham baq da Ysac, Ysac baq da Jacôp, Jacôp baq da Juda xam wì oh haq. **3** Juda baq da Pharê xam Sara, Thama aih miq wa haq. Pharê baq da Êch rôm, Êch rôm baq da Aram, **4** Aram baq da Aminadap, Aminadap baq da Na-ach son, Na-ach son baq da Sanh môn. **5** Sanh môn baq da Bô-ô, miq da haq aih Rahap, Bô-ô baq da Ôbet, miq da haq aih Ruto, Ôbet baq da Jêse, Jêse baq bùa da Đawit. **6** Đawit baq da Salômôn, miq haq aih mai Uri. **7** Salômôn baq da Rôbôam, Rôbôam baq da Abija, Abija baq da Asa **8** Asa baq da Jôsaphat, Jôsaphat baq da Jôram, Jôram baq da Ôxia. **9** Ôxia baq da Jôtam, Jôtam baq da Acha, Acha baq da Êxêchia. **10** Êxêchia baq da Manase, Manase baq da Amôn, Amôn baq da Jôsia. **11** Jôsia baq da Jêchônia xam wì oh haq, jò wì lam broq dîc ta Babilôn. **12** Jò khoe lam broq dîc ta Babilôn, Jêchônia baq da Sala thi-ên, Sala thi-ên baq da Xôrôbabên, **13** Xôrôbabên baq da Abi-ut, Abi-ut baq da Êliakim, Êliakim baq Axô. **14** Axô baq da Sadoc, Sadoc baq da Achim, Achim baq da Êli-ut, **15** Êli-ut baq da Êlê-axa, Êlê-axa baq da Mathan, Mathan baq da Jacôp. **16** Jacôp baq da Jôsep, ông Mari. Mari mangai ma hauang Chuaq Jesus, aih raq Christ. **17** Qmang aih, patep enh Apraham trùh Đawit, dîq dồng jah moeq jât pôn qnhòng; patep enh Đawit trùh jò lam broq dîc ta Babilôn hanoh jah moeq jât pôn qnhòng; pang jò lam broq dîc ta Babilôn trùh Chuaq Jesus Christ, hadai jah moeq jât pôn qnhòng. **18** Biac ma hauang ka Chuaq Jesus aih rameh, Mari miq haq, khoe têu bàu yôc Jôsep, mahaq qnhòq acaq oe moeq qmang ti dabau, yàng aih haq khoe hadrâp enh Yeang Hadròeh. **19** Jôsep ông haq aih mangai i manoh, ùh enh dîq haq pòq bàu qmèq, ta manoh haq khoe hèm ka cađac ma haq broq qmang leq ma ùh hiaq ta-uàng. **20** Mahaq, jò haq qnang hèm trùh trong aih, i moeq bình plình Chuaq trùh ti haq jò haq apô, doe ka haq: “Jôsep, kon xau Đawit, ìh apaq hòq ka yôc Mari broq mai, ma jah qmang aih kon haq ma hadrâp qmat trùh enh Yeang Hadròeh. **21** Haq aih èh ma hauang loh moeq ngai kon calô, ìh yiniq am ka haq Jesus. Kon calô aih èh ma jah dèch dèh mangai loh khoe ka yiniq lui. **22** Rìm yiniq khoe loh qmang aih dîq xit troeq

bàu Boc plình ma thê bài mangai pajàu haq khoe anoe: **23** “Kô oq, i mòi eq ngai adrùh sriu chuiq hadrâp, èh ha-uang mòi eq ngai kon calô, Khoe aih wì yiniq ka haq Imanuli” (aih la Boc plình oe ti bèn). **24** Jò Jôsep khoe cadrat enh kùì, haq broq tiaq bàu bình plình Chuaq ma khoe thê, ahlài Mari broq dèh mai. **25** Mahaq ùh kùì oe ti da bau trùh jò Mari ha-uang mòi eq ngai kon calô, haq hi yiniq ka kon aih la Jesus.

2 Jò Chuaq Jesus khoe ha-uang ta Bêtlêhem, gùng Judê, qnhòng aih Hêrôt broq bùa, bài bôcsi oe gùng mahi loh, trùh ta Jêrusalem **2** bôch rameh: Bùa da mangai Juda ma neo ha-uang oe taleq? Nhèn khoe hnoq halông Haq oe pah gùng mat mahi loh, kô ìq nhèn majah khoe trùh òdeq kùh waiq haq. **3** Tàng bàu aih bùa Hêrôt xam dîq mangai oe ta Jêrusalem dîq jaq crê hamài **4** Bùa creo ka bài broq cla craq pajàu xam mangai hnài ranenh ta aih, haq bôch: Christ kô ìq ha-uang taleq? **5** Wì padreo bàu: Oe ta Bêtlêhem gùng Judê majah qmang aih khoe i bàu pajàu achìh rameh: **6** “Ìh, Bêtlêhem, gùng Judê. Joq qnàng ìh ùh i yeo hamoq ka bài plài ma kàn ta gùng Judê, Majah qmang aih, enh ìh kô èh loh mòi eq ngai broq Cla craq. Haq aih ma wèq ban Isorali, aih mangai da au.” **7** Bùa Hêrôt creo atùng ka bài bôcsi, bôch panhìn halông khoe loh jò leq. **8** Khoe èh bùa thê wì aih lam ta Bêtlêhem, rai tanap: Pì drah lam beq, taboe chaq kon qyoh aih ma ro haq, jò pì khoe hnoq, patìn ka au loq dîq, dîq au hadai trùh hu kùh waiq haq. **9** Khoe ka bàu bùa thê, wì loh lam. Hatau, halông wì haq ma khoe hnoq enh gùng mat mahi loh, lam adroe ka wì haq trùh nòe kon qyoh oe men waq yòng. **10** Wì aih hnoq halông, manè oe i jaq cleq. **11** Jò khoe mùt ta hnem, hnoq kon qyoh xam Mari miq haq, tajòe qmòe wì haq hacùn cràng ta haqneq òdeq kùh waiq. Khoe aih qnoh deh hang canaq dèch am ka haq: Wang, gahnàu, dầu xua thùm. **12** Khoe aih, jò apô Boc plình doe ka wì haq apaq wìh hlài dèh ta Hêrôt, wì aih hi tawìh trong qnoeq hu bròc dèh gùng. **13** Jò wì aih khoe lam, i moeq bình plình da Chuaq trùh ti Jôsep, jò haq apô, doe rameh: “Drah yòng beq, qnung kon qyoh qmat hloe xam miq haq lam amot ta diac Êdip, oe ta aih trùh jò leq au creo ka ìh, majah qmang aih kô èh bùa Hêrôt chaq jêh đac kon qyoh qmat. **14** Jôsep drah yòng, jò oe raq damang, qnung wa miq kon lam ta diac Êdip. **15**

Haq oe ta gùng aih trùh jò Hêrôt cachit, dôq xit ka bàu Chuaq ma khoe thê dèh bài pajàu tapoch: “Au khoe creó dèh ka kon loh enh diac Êdip.” 16 Bàu Hêrôt hnoq bài bôcsi khoe qnút rađeh, haq nòeh pì ka jaq, haq thê jêh ka cachit dồng qyoh calô pang baiq hanam dang loh oe ta Bêtlêhem hloe xam diq dồng ka kon qyoh ta cròng aih. Tiaq troq hì troq khê bài bôcsi ma khoe am haq loq. 17 Qmang aih, khoe xit troeq bàu Jêrêmi pajàu Boc Plinh ma khoe anoe: 18 “Wì tàng bàu breo, cajiah. Ta-oe, hmoe tagùng Rama Aih bàu Rachen hmoe dèh ka wì kon Mahaq ùh dôq cabô alòng rađeh, majah qmang aih wì haq khoe pì i. 19 Mahaq khoe ka bùa Hêrôt cachit, i moeq bình plinh Chuaq trùh ti Jôsep jò haq apô, jò oe ta diac Êdip, thê rameh: 20 “Drah yòng beq, qnung kon qyoh hloe xam miq haq hlài tagùng Isorali, majah qmang aih mangai ma chaq jêh đac kon qyoh qmat khoe cachit.” 21 Jôsep drah yòng, qnung kon qyoh xam miq haq wìh hlài gùng Isorali. 22 Mahaq, jò tàng doe Achêla-u broq bùa thai dèh baq haq aih Hêrôt, qnang wèq gùng Juđê, Jôsep loh ka crê pì hùa hlài ta aih, qnah hòm Boc plinh khoe anoe jò haq apô, haq hi mùt ta gùng Galili, 23 lam rìh oe ta plài Naxaret. Qmang aih khoe xit troeq bàu bài pajàu Boc Plinh ma khoe anoe adroe: “Wì creó ka Haq mangai Naxaret.”

3 Jò aih, Jon Baptit trùh tanòe hawit gùng Juđê hnài bàu lem 2 rameh: “Drah loq raxach beq! majah qmang aih diac plinh trùh khoe haten” 3 Jon Baptit aih raq mangai pajàu Êsai ma khoe anoe: “I bàu creó tanòe hawit: Drah padon trong am ka Chuaq, Broq ma tamang trong da Haq”. 4 Jon caxùnh eo broq enh xac lỏcđa, kát caxy qnam broq xam akia, acaq toq líp xam diac xút ta rôm wang. 5 Jò aih, diq dồng ka mangai ma oe ta Jêrusalem, xam diq dồng mangai oe gùng Galili, hloe xam gùng trong cròng diac Jôđan trùh diq ti haq. 6 Jò wì khoe paqnoh dèh yiniq lui, wì dôq haq broq baptem ka rađeh ta cròng diac Jôđan. 7 Mahaq jò haq hnoq bacc ngai nang noe Pharisai xam mangai Sađusê trùh đòeq hu jah broq baptem, haq doe: Bài nang noe bìh plống meh, cabô hnài pì ma khoe loq wia đeh ka kan nòeh hì atiq meh? 8 Qmang qmat, thê pì loh plì lem, dôq ùh hìaq qngwan ka pì ma khoe loq raxach, 9 èh apaq catèh: “Apraham aih kan cadraq nhèn, majah qmang aih au doe ka pì, enh hmo kô, Boc plinh thê haq loh nang noe ka

Apraham dua jah. 10 Manòeq kô, chòng khoe roh đòeq jang xem long, long leq ma ùh loh plì lem, long aih èh kau hu bùh đac. 11 Da au kô, au yốc diac broq baptem am ka pì, mahaq i Mangai ma trùh atiq ka au, haq aih cwiang yeo haqnheq ka au, au kô ùh taji ka jah broq mangai wê da haq jep. Haq aih èh ma broq baptem ka pì xam Yiang Hadròeh xam ùnh. 12 Tì Haq wê tởnh đòeq hu dè palem dèh qmau ta haneh, lênh qmau Haq don đòeq ta hapom, manùh bùh ta ralùng ùnh ùh pat.” 13 Jò aih, Jesus loh enh gùng Galili trùh ti Jon oe ta cròng diac Jôđan, dôq Jon broq ka rađeh baptem. 14 Mahaq Jon hangah rameh: Au kô ma khòh dôq ìh broq baptem ka rađeh, hagleg ìh majah trùh glòq ti au? Chuaq Jesus padreo bàu: 15 Manòeq kô broq beq, bèn khòh broq ma gêh geo trong taq atôq qmang qmat. Jon hi broq tiaq bàu Chuaq Jesus. 16 Broq baptem bu khoe, Chuaq Jesus loh khoe ka diac, tajòe qmòe diac plinh tapèh, Chuaq Jesus hnoq Yiang Hadròeh Boc Plinh, tiah ka trù pan loh jráp ta chac Haq. 17 I bàu enh plinh doe: “Kô kon da au, mangai au ma loq waq dèh, lem manoh au rìm trong.”

4 Khoe aih, Yiang Hadròeh qnung Chuaq Jesus mùt tanòe gùng hawit, dôq kan kiac padô qnút Haq. 2 Chuaq Jesus apàm ka acaq pôn jàt hì, pôn jàt mang, khoe aih haq loh qmòe ka hrah. 3 Kan kiac trùh ajang Chuaq, haq doe: Tàng joq ìh kô kon Boc Plinh, thê hmo kô wia bẻnh beq. 4 Chuaq Jesus doe: “Khoe i bàu achìh rameh: Mangai rìh ùh xài canòm toq ka bẻnh, mahaq canòm rìm nà loh enh bàu Boc Plinh”. 5 Kan kiac qmút Chuaq Jesus tanòe plài hadròeh, atốc Haq nòe poc hnim kùh waiq, 6 rai doe: Tàng joq ìh kon Boc plinh, caqni h rađeh beq, ajoq khoe i bàu achìh rameh: “Chuaq thê bài bình plinh wèq ìh: Wì aih hi dèch ìh ta xống, Aih èh jẻnh ìh ùh i catoeh ka hmo”. 7 Chuaq Jesus doe: “Hadai i bàu achìh rameh: ìh ùh khòh ti qnhro ngan Chuaq aih Boc Plinh ìh.” 8 Kan kiac atốc Haq ta wang haqnheq hòm, patô ka Haq bài diac oe crống taneh xam kan rahù ranhòm bài diac aih, 9 haq anoe: Tàng joq ìh kùn cràng kùh waiq enh ngềa au, bài diac qmat au am dồng ka ìh. 10 Chuaq Jesus tapoch ka haq: “Satan wia ma khoe ka au beq, majah qmang aih i bàu khoe achìh: ìh ep kùh waiq Chuaq aih Boc Plinh ìh, rai patìh toq ka haq raq. 11 Khoe aih Kan kiac hi lam, i bình plinh trùh

haten patih ka Chuaq Jesus. **12** Jò Chuaq Jesus tàng doe wì khoe rùp clêh Jon, haq wìh hlài ta gùng Galili, **13** Haq ùh oe ta Naxaret, mahaq lam oe ta Cabênaum, haten diac raxiq, hatia ka gùng Sabulôn, gùng Neptali. **14** Dôq xit troeq bàu pajàu Êsai ma khoe doe: **15** “Taneh Sabulôn xam Neptali, Oe ti trong loh ta diac raxiq, pah tau crông diac Jôđan, Aih gùng Galili mahaq ùh xài mangai Juda..., **16** Wì aih hangui tanòe clam cluiq, Khoe jah hnoq kan qngah kàn; Xam bài mangai ma hangui enh caqnàm qmù kan cachit, Kan qngah kàn khoe tồc ka wì aih.” **17** Pang aih, Chuaq Jesus hi lam hnài: “Loq raxach beq, diac Plinh trùh khoe haten.” **18** Jò Haq qnang lam roc haqmai diac raxiq Galili, hnoq wa baiq ngai oh daq, Simôn (ma loq creo Phiero) xam oh haq Anrê, qnang tang hlàm ta diac raxiq, majah qmang aih wa aih diq mangai ranang ka. **19** Haq doe ka wa: “Lam tiaq Au beq, au hu thê chòp lam tang hlàm mangai.” **20** Tajòe qmòe wa oh daq cadac hlàm, lam tiaq Jesus. **21** Lam yeo hangai ka aih, Jesus hnoq baiq ngai wa oh daq maqnoeq hòm, Jaco kon Sêbêdê xam oh haq aih Jon, qnang hminh hlàm taboang ti Sêbêdê baq wa haq, Chuaq hi creo ka wa. **22** Tajòe qmòe wa haq hi ðòeq boang xam dèh baq wa haq, hu lam tiaq Chuaq. **23** Chuaq Jesus lam jàp gùng Galili, hnài roc hnim tagop, anoe bàu lem diac Boc Plinh, rai broq brêh ka mangai yiniq ta gùng aih. **24** Qmang aih, yiniq haq wì hia jàp jia gùng Syri, wì aràng ka haq bài mangai ùh hrôc, mangai yiniq, mangai kiac pawê, ranhù, mangai pen. Haq broq brêh diq dõng ka wì aih. **25** Èh hòm, patep enh gùng Galili, Đêcabôlo, gùng Jérusalem, enh gùng Judê, trùh hloe pah tau crông diac Jôđan, wì ti adràc dabau bacc haraya lam tiaq Jesus.

5 Jò Chuaq Jesus hnoq mangai bacc, haq hi tồc ta wang, jò haq khoe hangui, bài mangai tiaq hõc thia haten ka haq. **2** Haq hi tapoch ðòeq hnài wì: **3** Xôq ramot am ka bài mangai xalep ta manoh, majah qmang aih diac plinh aih da wì haq! **4** Xôq ramot am ka bài mangai crò hmoe, majah qmang aih wì haq jah alòng! **5** Xôq ramot am ka bài mangai loq kêm, majah qmang aih wì haq jah taneh! **6** Xôq ramot am ka bài mangai pangot kan taq atoq, majah qmang aih wì haq jah panàc! **7** Xôq ramot am ka bài mangai ma loq ha-och, majah qmang aih wì haq jah ha-och chau! **8** Xôq ramot ka bài mangai i manoh

hliang hadròeh, majah qmang aih wì haq jah hnoq Boc Plinh! **9** Xôq ramot ka bài mangai broq ka wì hatroq, majah qmang aih jah creo ka wì haq aih kon Boc Plinh! **10** Xôq ramot am ka bài mangai lam tiaq trong taq atoq, chiuq dôq qmòe wì rùp rađeh, majah qmang aih wì haq jah waq diac Plinh! **11** Xôq ramot am ka pì, jò wì hnap hnuq ka pì, rùp pani rai yõc trong dù capoch hãbo ka pì, taiq pì tiaq au. **12** Drah lem bùi rai tadèch qmòe cliac manè, qmang aih kan baha pì oe ta Plinh kàn haraya, majah qmang aih wì hadai khoe hmaq rùp bài pajàu yiang adroe ka pì qmang aih diq. **13** Pì kô boh da crông taneh, mahaq tàng boh aih pì xang, aih èh yõc cleq broq dôq haq jah xang hlài, boh aih oe broq cleq ma oe wia, ep hrôq đac enh gùng, èh wì hi jôiq đac enh caqnàm jènh. **14** Pì kô kan qngah da crông taneh kô, mòeq toq plài broq ta wang, ùh jò leq i cleq jah hanàp đac haq. **15** Hadai qmang aih, ùh i cabô bùh đen ma ðòeq enh qneq ka cadap, mahaq wì dèch ðòeq nòe haqnheq, dôq haq hu sreo qngah ka rìm ngai oe ta hnim. **16** Kan qngah pì drah sreo enh ngèa wì qmang aih diq, dôq wì jah hnoq bài kan lem enh pì, wì hu manè Baq bài pì oe ta Plinh. **17** Pì apaq hèm au trùh ðòeq hu raliang đac ranenh xam bài bàu pajàu; au trùh, ùh xài hu raliang, mahaq ðòeq hu pagêh. **18** Au doe qnàng ka pì, jò plinh crông taneh kô oe raq, yac ka moeq teo, moeq pliang chù, ma yi qyoh oe ta ranenh dua ùh hnhung, dua waq ka gòm trùh hì rìm yiniq jah gêh. **19** Qmang aih, mangai leq raliang đac mòeq yiniq ma yeo qyoh diq dõng ta bài ranenh kô, rai hnài wì qnoeq broq tiaq, mangai aih èh wì doe haq mangai yeo qyoh dõng oe ta diac plinh, mahaq mangai leq wèq ranenh aih, rai hnài wì qnoeq broq tiaq, mangai aih èh wì doe haq mangai yeo kàn tanòe diac plinh. **20** Majah qmang aih, au doe qnàng ka pì, tàng joq kan taq atoq pì ùh yeo haq nhèq ka kan taq atoq da bài thài hnài ranenh xam mangai Pharişi, pì ùh jah mùt diac plinh. **21** Pì i tàng bàu ma doe ka wì craq calah nèh: ìh ùh khòh jêh đac mangai, èh hòm cabô ma jêh đac mangai, haq aih ep pòq kan hadrah. **22** Yàng Au doe ka pì: “Waq toq cabô nèh dèh ka oh daq, haq aih khoe wia dôq ka wì tah hadrah ka haq, cabô hnap dèh ka oh daq: Raca, ep qnoh haq aih tanòe hadrah kàn dôq wì hu hadarh ka haq, cabô lech dèh ka oh daq: Ranhù, haq aih khoe khòh dôq ùnh oe ta hwinh baxa haq. (Geenna

g1067 23 Aih iq, jò leq pì aràng dèch ramènh tadreo tanòe prang, mahaq hmàng hlài oh daq i yiniq cleq ma ùh troq ka raðeh, 24 drah ðòeq ramènh aih enh ngèa ka prang tawìh hlài broq hatroq ka oh daq ðeq, khoe hi lam dèch ramènh tadreo. 25 Jò ìh lam trong ti mangai tah hadrah ka ìh, drah hatroq hòiq, tabeq haq qmùt ìh ta cwan hadrah, cwan aih aràng ìh ta cwan lình, qmang aih wì loq rùp clêh ìh, 26 Au doe qnàng ka ìh, ìh caqnaih oe thiùq moeq ðùng dua ìh qnhòq jah loh enh aih.” 27 Pì tàng bàu cò: “Ùh ðùh tango.” 28 Mahaq Au doe ka pì: “Mangai leq haqmiang mangai cadrì, ta manoh khoe hèm ùh wìa, haq aih khoe tango ta manoh. 29 Qmang aih tàng joq mat pah qma broq ka ìh loh kan yiniq lui, qngwia khwên cadac ma hangai ka ìh, ðòq haq yac ka moeq qnah ta chac ìh pì tòm, aih dua ùh hnau ðiq ka chac clìh ta hwinh. (Geenna g1067) 30 Tàng joq tì pah qma basrùq ìh broq yiniq lui, pot khwênh ðac ma hangai ka ìh ðòq haq moeq qnah ta chac ìh raliang, ùh hnau ðiq ka chac clìh ta hwinh.” (Geenna g1067) 31 I bàu doe rameh: Tàng joq mangai leq cadac mai, ep achìh jàiq ðòeq broq òò akang. 32 Mahaq au doe ka pì: “Mangai leq cadac mai, mahaq ùh xài taiq haq tango, mangai aih broq dèh ka mai loh mangai i tuiq tango, èh hòmh, cabô yóc gùcadrì wì cadac, haq aih hadai i tuiq tango.” 33 Pì tàng bàu doe ka wì craq calah nèh: ùh khòh loq hapah paqnùt, mahaq ajang Chuaq, ep wèq dèh bàu cla khoe hapah, 34 Mahaq au anoe ka pì rameh: “Ùh ðùh hapah cadèh, apaq patò tróc hu hapah, aih xài gèq Boc Plình, 35 ùh ðùh patò taneh hu hapah aih xài nòe Boc Plình roh jènh, ùh ðùh patò Jérusalem hu hapah, aih xài plài Bùu kàn. 36 Ùh ðùh patò dèh gàu hu hapah, majah qmang aih mòeq hadrang xác gàu, cla pì broq ðòq haq loh ka taboc loh ka gam dua ùh jah. 37 Mahaq pì ep doe rameh: “Jòq joq, ùh ùh”. Bàu bàu wì ma tapoch tam aih, ðiq loh enh kiác dù. 38 Pì tàng bàu doe rameh: Mat am hlài mat, hanenh am hlài hanenh, 39 Yàng au doe ka pì: “Ùh ðùh àu tablêq ka mangai dù, mahaq tàng i cabô tep tabóc pah qma, pì tawìh am hloe ka wì tabóc pah qngeo, 40 Tàng i cabô enh tah hadrah ka ìh ðòeq chaq trong lèh yóc da pì eo ðeq, ðòq haq wì yóc hloe xam eo yòh enh gùng; 41 tàng i cabô thê pì lam moeq apot trong ti wì haq, pì lam baiq apot trong ti wì. 42 Cabô bòch pì cleq, am beq, cabô enh bòch ðò da pì cleq, apaq hwi ðac ta qnoeq.” 43 Pì lah tàng

wì doe qmang kô: Thê loq waq ka mangai haten hatia ka pì, git ka mangai tablêq ka pì. 44 Yàng Au doe ka pì rameh: “Thê loq waq ka mangai git ka pì, rai waiq khàn ka mangai ma loq rùp baxa pì. 45 Dôq pì jah broq kon Baq pì oe ta plình, majah qmang aih Haq broq mat mahì tóc ðòeq sreo ka mangai dù xam mangai lem, broq mè ka mangai lem xam mangai dù. 46 Tàng pì loq waq toq ka mangai ma loq waq ka pì, aih èh pì jah baha cleq? Bàu mangai ma yóc thèq ma ùh hadai broq qmang aih? 47 Tàng pì ðìh dèh toq oh daq, aih i crài cleq ka wì qnoeq? Bàu wì enh gùng ma ùh hadai broq qmang aih? 48 Qmang aih, pì ep geo rìm trong qmang ka Baq pì oe ta plình geo rìm trong.”

6 Rabiaq oq, apaq broq biác taq ataq cla raðeh enh ajang mat wì qnoeq waq ka wì hnoq. Tàng ùh meh, Baq pì oe ta plình ùh baha ka pì cleq. 2 Qmang aih, jò pì tabàih, paq hlui taliaq enh ngèa dèh cla, troeq bàu mangai toq ti patiah ma loq broq nòe hnim tagop, waq ka wì qnoeq hnoq raðeh. Joq qnàng Au doe ka pì, wì aih khoe jah qmòe dèh kan baha. 3 Mahaq jò pì tabàih, apaq ðòq pah qngeo loq tì pah qma broq cleq, 4 ðòq kan tabàih aih jah hlèp; Baq pì, aih Mangai xau hnoq tanòe hlèp, aih èh haq ma baha ka pì. 5 Jò pì waiq khàn, apaq broq qmang ka bàu mangai toq ti patiah, wì haq enh toq yòng waiq khàn tanòe hnim tagop, tanòe trong lam, ðòeq ðiq ka phù cròng mangai hnoq ðeh hra. Joq qnàng Au doe ka pì, wì aih khoe jah qmòe dèh kan baha. 6 Mahaq jò pì waiq khàn, mùt dèh ta bluàng, clòng qmang, khoe aih hi waiq khàn dèh ka Baq pì, oe ta nòe hlèp aih, Baq pì aih Mangai xau hnoq tanòe ðiq jaq hlèp, aih èh ma baha ka pì. 7 Jò pì waiq khàn, ùh ðùh yóc bàu capoch lauq capoch clò ùh loh qmòe ranenh troeq wì enh gùng, majah qmang aih wì haq xoh ðeh capoch bác aih i mangai tamàng. 8 Qmang aih, pì apaq top dua wì haq, Baq pì khoe loq pì qnang enh cleq adroe ka pì bòch Haq. 9 Qmang aih pì waiq khàn rameh: “Waiq Baq nhèn oe ta plình; Yiniq Baq jah hadròeh; 10 Diác Baq jah trùh; Manoh Baq jah gèh, oe ta cròng taneh tiàh ka oe ta plình! 11 Am ka nhèn dahwèq acaq qnang lem ka hì kô; 12 Cadac da nhèn yiniq lui, qmang ka nhèn cadac ka mangai broq yiniq lui ka nhèn; 13 Paq ðòq nhèn clìh ta kan padò qnùt, dèch nhèn claih enh kan dù! (Majah qmang aih: diác, kan itai, kan ranhòm,

oe diq ta Baq mỏeq đõe.) **14** Majah qmang aih, tàng joq pì cađac yiniq lui mangai qnoeq ma broq ka pì, Baq pì oe ta plinh hanoh cađac yiniq lui da pì. **15** Mahaq tàng joq pì ùh cađac yiniq lui wì qnoeq, Baq pì oe ta plinh hanoh ùh cađac da pì yiniq lui. **16** Jò pì apàm ka acaq, apaq broq dèh mangò troeq bài mangai toq ti patiah, wì aih broq dèh ma haqnhuaq ta mùh mat, waq ka wì qnoeq loq ka wì haq apàm ka acaq, Joq qnàng au doe ka pì, wì aih khoe jah qmòe dèh kan baha. **17** Yàng jò ìh apàm ka acaq, xùt dàu ta gàu, qmùq mat. **18** Dôq wì qnoeq ùh hĩaq loq pì qnang apàm ka acaq, mahaq toq Baq ìh mangai ma xau hnoq tanòe, aih èh haq ma hu baha ka pì. **19** Pì apaq don đõe qùng hang oe crõng taneh, aih nòe i catia, i kan axiang loq broq haq om cađac èh mangai atùng loq kớch radua, chia panàt hu yốc atùng, **20** mahaq ep don đõe ta plinh, nòe aih ùh i ka catia, ùh i kan axiang pa-om cađac, ùh i mangai atùng chia panàt, kớch radua hu atùng. **21** Majah qmang aih, kùng hang pì oe taleq, manoh cliac pì hadai oe ta aih. **22** Mat aih đen da chac hamac. Tàng joq mat ìh qngah lem, aih diq ka chac pì jah qngah, **23** tàng mat ìh ùh lem, diq chac hamac ìh loh dõng ka clam cluiq. Qmang aih, tàng joq kan qngah oe ta ìh aih loh ka clam cluiq, aih èh kan clam kô kàn dàng leq! **24** ùh bô jah broq hapõng ka baiq toq craq, majah qmang aih haq loq git ka mangai kô èh loq waq ka mangai tau, ùh meh haq padèch mangai kô, mahaq jù cađac magai tau. Pì ùh jah rai broq hapõng Boc Plinh rai broq hapõng Mamon. **25** Aih ìq Au ma jah doe ka pì: “Apaq taiq kan rih rađeh ma lèt ka trong acaq ôq, hanoh apaq taiq chac hamac ma hu lèt ka rađeh caxùnh cleq. Kan rih ma ùh yeo kàn ka dahwèq acaq, chac hamac ma ùh xài yeo kàn ka dahwèq caxùnh? **26** Ngan chim oe ta tróc: haq ùh i rai adrech, ùh i gat, hanoh ùh i don đõe ta hapom aih dua Baq pì oe ta plinh ban haq. Pì ma ùh xài yeo canaq ùh hnau ka chìm aih? **27** Qnah hòm, taqne pì qmat i ka cabô taiq haq loq lèt ma broq ka rađeh jah halinh tam moeq ahyàc ùh? **28** Dahwèq caxùnh pì lèt dèh? Haqmiang ngan bài riang tacreo oe ta gùng honh qmang leq, ùh i abroq, ùh i caxênh brai, **29** mahaq au doe ka pì, yac ka bùa Salômôn nhòm dàng leq, dua qnhòq lah caxùnh moeq blah eo leq ma lem dàng bài riang aih. **30** Pì qmat joq mangai biaq manoh lùì, nhat oe tagùng, aih adrech hì kô oe rih, hì da èh bùh ta

ùnh. Boc Plinh dua am haq caxùnh lem qmang aih, loq ka pì! **31** Qmang aih, pì apaq lèt đõe hu doe: Bèn acaq cleq? Ôq cleq? caxùnh cleq? **32** Majah qmang aih, wì mangai enh gùng cadàu tiaq rìm yiniq aih, Baq pì oe ta plinh khoe loq pì i yiniq waq ka bài trong aih. **33** Mahaq adroe diq dõng, drah chaq diac Boc Plinh xam kan taq atoq da Haq òeq, bài yiniq aih èh, brì ka Haq baha tam ka pì. **34** Qmang aih, apaq lèt dèh ka hì da èh, hì da èh đõe da hì da èh. Kan xalep hì leq lap qmòe ka hì aih.

7 Pì apaq ti tah hadrah dèh ka wì qnoeq, dõq wì qnoeq hadai ùh hĩa tah hadrah ka pì. **2** Pì tah hadrah ka wì qnoeq qmang leq, wì hanoh tah hadrah hlài ka pì qmang aih, pì dèch ka wì dàng leq wì dèch hlài ka pì dàng aih. **3** Hagleq pì hnoq khênh ta mat oh daq, mahaq ùh hnoq long tanòng ta mat cla? **4** Gleq ma hĩa doe ka oh daq: Dõq au doeh khênh loh khoe ka mat ìh, yàng ta mat cla i qmòe long tanòng? **5** Wùih! Bài mangai toq ti patiah meh, angoe aih doeh long tanòng loh khoe ka mat cla òeq, khoe aih men xau hnoq đõe hu doeh khênh ta mat oh daq. **6** Apaq khwênh ka koq bài dahwèq hadròeh, apaq caqnìh ngốc enh ngèa ka chùa, beq haq jôiq cađac, khoe aih haq hwi hlài nhah glòq cla pì. **7** Bòch beq, aih èh hi jah, chaq beq, aih èh hi glàm, clòq qmang beq, aih èh qmang hi pèch. **8** Majah qmang aih, waq toq mangai leq bòch, mangai aih hi jah, mangai leq ti chaq mangai aih hi hnoq, mangai leq clòq qmang, qmang hi tapèch. **9** Taqne pì, i mangai leq jò kon bòch bẻnh mahaq pì am ka haq hmo? **10** Tàng ùh meh, kon bòch ka mahaq pì am bih? **11** Qmang aih, qmẻq troeq pì qmat, xôq oe loq am dèh ka kon yiniq lem, loq ka Baq pì oe ta plinh, Haq ma ùh am yiniq lem ka bài mangai leq creo bòch haqqmòh? **12** Qmang aih, trong leq pì ma enh wì qnoeq broq ka rađeh, pì ep broq trong aih am ka wì, aih raq ranenh xam bàu pajàu. **13** Drah mùt qmang ma chit, majah qmang aih qmang ma kàn xam trong ma anòh qnung trùh ta kan lùng pac. **14** Mahaq qmang qyoh, trong ùh anòh qnung trùh ta kan rih, biaq ngai raq chaq ma hnoq. **15** Ngan oq, loq i bài pajàu patiah, bài mangai caxùnh caqmoc trùu lam trùh ti pì, mahaq enh dalam aih koq yang toq ti kap hit. **16** Pì ngan pì ma canau ka haq. Aleq lah i cabô git pì nho tanòe xem yila, git pì póc tanòe xem yila cađê? **17** Qmang aih,

toq long lem men loh plì lem, long qmèq loh plì qmèq. **18** Long lem ùh jò leq loh plì qmèq, long qmèq hadai ùh jò leq loh plì lem. **19** Waq toq long leq ùh loh plì lem aih èh ep kau bùh cadac ta ùnh. **20** Aih èh, pì ngan plì haq men canau ka wì haq. **21** Ùh xài waq toq ka cabô hi creo ka au: Chuaq, Chuaq, aih òq jah mùt diac plình, mahaq toq magai leq ma broq tiaq manoh Baq au oe ta plình. **22** Hì aih èh i bàc mangai doe ka au: “Chuaq, Chuaq, ùh xài nhèn kô raq ma khoe hmaq canòm yiniq ìh òòeq tapoch pajàu? Canòm ka yiniq ìh òòeq drùh hnan kiac chòc? Canòm yiniq ìh broq bàc trong halac qmòh? **23** Jò aih èh, au hi capoch hloh ka wì haq: “Wùih bài mangai broq trong dù meh, Au qnhòq lah qnì ka pì, drah wia khoe ka Au.” **24** Qmang aih èh, mangai leq tamàng rai broq tiaq bầu au anoe kô, haq aih tìah ka mangai rabiaq broq hnem ta crông hmo talech. **25** Yac ka i mè dèh, i diac trùh, cayeo hlui, glàm caqnùt hnem aih, dua ùh raliang, majah qmang aih haq khoe broq nòe hmo cần. **26** Mahaq mangai leq khoe tàng bầu au anoe kô yàng ùh broq tiaq, haq aih budàng mangai ratùt broq hnem ta braih. **27** I mè dèh, diac trùh, cayeo hlui, glàm caqnùt ta hnem aih, hi ralài, raliang bàc oe i jaq cleq. **28** Jò Jesus bu khoe ka anoe bầu aih, bài wì òq jaq hamài, ka bầu haq hnài, **29** Majah qmang aih bầu haq hnài tìah gleq i cwiàng, ùh xài troeq da bài mangai hnài ranenh.

8 Jò Chuaq Jesus loh enh bui wang, i bài mangai pì cajaq tiaq Haq. **2** I moeq ngai bacùn thia haten rai kùh haq, rai doe: Waiq Chuaq, tàng joq ìh ma waq, ìh broq au brèh. **3** Jesus hnhu tì bèq haq, rai doe: “Au waq, brèh beq.” Tajòe qmòe jò aih raq mangai bacùn jah brèh. **4** Chuaq Jesus tanap ka haq: “Ngan oq, ùh dùh anoe ka cabô, mahaq ìh lam patô raðeh ka bài pajàu kàn, rai dèch ramènh qmang ka Môise khoe hnài, hu panhìn ka wì aih. **5** Jò Chuaq Jesus mùt ta plài Cabènaum, i moeq ngai cwan wèq lình trùh ti Haq, **6** rai creo dang: Waiq Chuaq, mangai hapông au loh ka pen, kùl mòeq nòe ta hnim au, haq jìq pì cajaq. **7** Chuaq Jesus doe: “Au lam ta aih hu broq ka haq jah brèh.” **8** Cwan aih padreo bàu: Waiq Chuaq, au kô ùh taji ka jah òh ìh mùt dèh ta hnim, mòeq nà bầu ìh tapoch raq, hapông au hi jah brèh. **9** Majah qmang aih, au oe òh enh qneq ka cwiàng wì qnoeq, au hanoh i bàl lình oe enh qneq ka au,

au thê mangai kô: lam beq! haq aih hi lam. Thê mangai qnoeq: Drah trùh jang kô mangai aih hi trùh, au thê dèh hapông: Drah broq yiniq kô, haq aih hi broq. **10** Tàng bầu aih, Chuaq Jesus loh ka hamài, haq doe ka bàl mangai ma tiaq raðeh rameh: “Jòq qnàng au doe ka pì, au qnhòq lah hnoq ta Isorali, i mangai leq i manoh lùl kàn qmang qmat. **11** Au anoe hloe ka pì, i bàc ngai enh gùng mat mahì loh, enh gùng mat ma hi cìh, trùh hangui acaq pajùm moeq aniang ti Apraham, Isac, Jacôp, tanòe diac plình. **12** Yàng bàl kon cla diac aih, wì khwènh qnoh òc enh gùng tanòe clam cluiq, ta aih èh i toq kan crò hmoe, ta- oeh, cadrit hanenh. **13** Chuaq Jesus doe ka cwan aih: “Hlài beq, ìh jah tìah dèh ka manoh ìh ma khoe lùl aih.” Wop jò aih raq, mangai hapông haq jah brèh. **14** Khoe aih, Chuaq Jesus mùt ta hnim Phiero, hnoq miq mai Phiero qnang kùl ta aniang, rai tòq tanget. **15** Chuaq Jesus yòc tì bèq mangai yiniq aih, kan tòq taqnet hi òq, khoe èh haq aih hi yòng patìh ka Chuaq Jesus **16** Trùh xèq, wì aràng ka Chuaq Jesus bàc ngai kiac chòc pawè, Chuaq Jesus yòc bầu capoch drùh qnoh bàl kiac aih, rai broq brèh òq òòeq mangai ùh hròc. **17** qmang aih òq xit troeq bầu Pajàu Êsai ma khoe anoe: Haq khoe doeh òòeq kan yiniq bèn, Pòq wè kan ùh hròc bèn. **18** Jò Chuaq Jesus hnoq bàc ngai oe dudan ka òc, haq thê tòc apah tau diac. **19** I moeq ngai hnài ranenh trùh ti Haq rai anoe: ìh lam taleq, au tiaq ta aih. **20** Jesus padreo bàu: “Bàl chia i trom, chìm i pù, mahaq Kon Mangai ùh i qmòe ka nòe hu angèn gàu. **21** Mangai qnoeq hòm doe: Waiq Chuaq, ìh òq au hlài catùh hanang dèh baq òeq. **22** Mahaq Chuaq Jesus doe ka haq: “Lam tiaq au, òq da mangai cachit catùh mangai cachit.” **23** Khoe aih, Chuaq Jesus loh ta boang, bàl mangai tiaq hóc hi tiaq haq. **24** Cadoe, ta diac raxìq loh bahùt kàn, diac lai laq yòng haqnèq enh gup qmòe boang. Mahaq Chuaq Jesus oe raq kùl. **25** Bàl mangai tiaq hóc, thia haten padriù haq, wì doe: Waiq Chuaq! ìh dang nhèn òq, nhèn cachit mandeq kô raq! **26** Jesus doe: “Bàl mangai biaq manoh lùl, hagleg pì ma yùq? Chuaq Jesus yòng tagài, ka cayeo xam diac raxìq, òq baiq hi hatinh rangep hloe. **27** òq òòeq ka wì aih hamài bòch dabau: Mangai kô òq cabô? Jaq wa cayeo wa diac dua iu bầu Haq? **28** Jò Chuaq Jesus khoe trùh pah tau ka diac, haq hnoq baiq ngai i kan kiac oe ta chac, wa aih loh enh cadràng

hanang tũh glàm Haq. Wa aih dù haraya, pi i cabô oe hùà lam pagat trong aih. **29** Wa cachech qmòe cadêh: Waiq Kon Boc Plinh, bèn kô ìq ep cleq ka dabau, ajoq ìh trũh tacô, òòeq hu baxa nhèn adroe ka jò ùh xài? **30** Wop jò aih diq, i moeq calũh chũa qnang acaq. **31** Bải kiac bôch Chuaq Jesus rameh: Tàng joq ìh nhan nhèn loh, ìh am nhèn jah mùt òeh ta bải chũa tau. **32** Haq the bải kiac: “Drah lam beq! Bải kiac loh enh wa aih, hi mùt hloe ta calũh chũa, tajòe qmòe jò aih diq òng ka calũh chũa oe enh crialang tawang clàm loh ta diac raxìq, cachit òng ta diac. **33** Bải mangai ban chũa hi cadũu lam amot, mùt taplài taqmon hlài bải yiniq wì haq hnoq, anoe hloe xam biac wa baiq ngai kiac ma pawè ka wì tàng. **34** Diq òng ka wì gũng aih loh tât Chuaq Jesus, jò wì bu hnoq haq, wì drah the haq lam taqnoeq.

9 Chuaq Jesus loh taboang wìh hlài pah tau diac raxìq, haq hlài òeh ta plài. **21** Wì tòng aràng ka haq moeq ngai pen kùl ta dra drah. Chuaq Jesus hnoq wì aih i manoh lùl, Haq doe ka mangai pen: “Ùh dùh yũq òeh kon, yiniq lui kon khoe jah caqnaih.” **3** Jò aih, i toq biaq ngai ma hnài ranenh oe ta aih, wì haq hèm ta manoh: Mangai kô capoch joq loq hanhèq. **4** Yàng Chuaq Jesus loq ka manoh wì haq hèm cleq, haq hi doe rameh: “Hagleq ta manoh pì majah hèm qmèq qmang aih? **5** Baiq nà bàu kô: moeq aih doe “Diq ka yiniq lui kon khoe caqnaih, tàng ùh meh doe drah yòng cadiang lam beq, maleq ma yeo hlàu ka tapoch? **6** Mahaq au waq ka pì loq Kon Mangai oe ta còng taneh kô i cwiang òòeq caqnaih yiniq lui”. Khoe aih, Chuaq Jesus the mangai pen: “Yòng beq, xùl da ìh dra drah qmat hlài ta hnem.” **7** Mangai pen padinh yòng hlài òeh ta hnem. **8** Diq ka phũ cròng hnoq kan halac aih, mangai leq mangai meh crè òeh hra, rai manè apôi Boc Plinh khoe am ka kon mangai cwiang itai qmang aih. **9** Jò Jesus lam khoe ka nòe aih, Haq hnoq moeq ngai yiniq haq Mathio qnang hangui tanòe hnem yòc theq, Chuaq Jesus creò ka haq: “Drah lam tiaq au”, haq aih padinh yòng, lam tiaq Chuaq Jesus. **10** Yàng jò wì qnang hangui acaq ta hnim Mathio, i bacc ngai yòc theq xam bải mangai ùh wìa trũh acaq moeq qmang ti Chuaq Jesus xam bải mangai tiaq hóc haq. **11** mangai Pharisi hnoq qmang aih, wì haq capoch ka bải tiaq hóc Chuaq Jesus: Hagleq mangai hnài da pì qmat

majah hangui acaq pajùm ti bải mangai yòc theq xam ti bải mangai ùh wìa? **12** Chuaq Jesus tàng bàu aih, haq doe ka vì: “Mangai tadêh ma i waq mangai broq jreo, mangai ùh hróc ma waq ka mangai broq jreo. **13** Lam beq, rai boq ngan bàu kô anoe cleq: Au enh kan loq waq, au ùh òng trũh ramèn tadreo. Majah qmang aih, au trũh ta kô ùh xài òòeq creò ka bải mangai taq atoq mahaq òòeq creò ka mangai i yiniq lui.” **14** Jò aih, bải mangai tiaq hóc Jon lam chaq Chuaq Jesus, wì bôch: Hagleq nhèn xam bải mangai Pharisi apàm ka acaq, yàng da bải mangai ma tiaq hóc ìh aih ùh dùh apàm ka acaq? **15** Chuaq Jesus padreo bàu: “Jò cla kon òng oe raq oe mòeq qmang ti wì bua haq lam acaq yiniang, wì aih mangò qmang leq ma wìa? Mahaq trũh hi leq wì hi qnũng òc cla kon òng, jò aih èh bua haq ma apàm ka acaq. **16** Ùh i ka cabô yòc ahyah neo òòeq clep tanòe eo kũn, tàng joq broq qmang aih haqnech maneo aih èh haq tadũng hyah hloe ka blah eo, nòe hyah aih yeo qmèq tam. **17** Hadaì qmang aih, ùh i mangai leq yòc alac neo ùc ta abòq akia dùnh, tàng broq qmang aih, abòq aih padah, alac aih ta-ùc, abòq aih hi raliang. Mahaq alac neo wì ùc ta abòq akia neo, aih èh ma hi jah wèq diq baiq. **18** Jò Chuaq Jesus qnang tapoch qmang aih, i moeq ngai wèq hnem tagop qyoh cadiang mùt, hacũn cràng enh ngèa ka Chuaq Jesus rai anoe: Kon cadrì au neo pat, au canòm òeh ka ìh trũh, yòc ti bèq chac haq, aih èh haq jah rìh hlài. **19** Chuaq Jesus hi yòng lam, bải mangai tiaq hóc hadailam ti haq aih. **20** Hanoh jò aih diq, i moeq ngai gucadrì, haq loh ka dahròq mahim khoe jah mòeq jât baiq hanam, thia haten enh rù bèq haqmai eo Chuaq Jesus. **21** Majah qmang aih, haq xan hèm yòc òeh ta manoh: Tàng joq au jah bèq òeh toq haqmai eo haq raq, au loq òeh jah brèh. **22** Chuaq Jesus wìh hlài, hnoq gucadrì aih, Haq doe: “Ùh dùh yũq, toq cajap manoh oq! Manoh lùl da kon khoe broq kon jah brèh”, mangai cadrì aih jah brèh hloe jò aih raq. **23** Jò Chuaq Jesus trũh hnim mangai wèq hnim tagop, hnoq bải mangai hlui taliaq, hnoq wì broq ma tagruàng. **24** Haq doe ka wì: “Pì loh enh gũng beq, kon cadrì qyoh kô ùh i cachit, haq qnang kùl”. Tàng bàu aih wì do halê ka Haq. **25** Jò wì aih khoe loh diq enh gũng, Chuaq Jesus thia carũp tì kon qyoh aih haq hi yòng hangui. **26** Biac kô, jàp cròng aih hĩa òeh hra. **27** Chuaq Jesus loh enh aih, i baiq ngai ùh xau

tiaq haq rai creo: Kon bùa Dawit! Ha-och ka ma diq. **28** Jò khoe mùt ta hnim, wa aih trùh, Chuaq Jesus bòch wa haq: “Chôp lùu au jah broq am ka chôp trong chôp ma nghề kô qmòh?” Wa aih padreo bàu: Joq ma lùu ìh broq jah. **29** Chuaq Jesus bèq mat wa aih rai doe: “Tiaq manoh chôp khoe lùu, chôp jah qmang aih.” **30** Mat wa haq jah xau hoq hlài. Chuaq Jesus yỏc bàu panhet wa haq: “Ngan oq, chôp ùh dùh dỏc cabỏ loq biac kỏ!” **31** Mahaq, loh bu khoe enh hnim, wa anoe yiniq Haq jàp jìa tagủng aih. **32** Jỏ qnang loh enh aih, wì arẻng ka Chuaq Jesus moeq ngai làu i kiac oe ta chac haq. **33** Jỏ Chuaq Jesus khoe drủh qnoh kiac, mangai aih jah tapoch. Bài phủ crỏng hamẻih đeh hra wì ta anoe ka da bàu: Qnhỏq lah hnoq yiniq qmang kỏ tanẻ Isorali. **34** Mahaq da mangai Pharisì doe: Haq qmat yỏc cwiang enh cla craq kan kiac đỏeq drủh kiac. **35** Chuaq Jesus lam rìm gủng, rìm plài, hnẻi roc hnim tagop qyoh, anoe ka wì loq bàu lem diac Boc plinh, rai broq brẻh bẻc ngai yiniq, ùh hrỏc. **36** Jỏ Chuaq Jesus hnoq bài mangai bẻc, ta manoh haq ha-och ka wì, majah qmang aih, wì nanxa, prah priang, tẻi ka trủu ùh i ka mangai ban. **37** Haq doe ka bài mangai tiaq hỏc rameh: Qmau kỏ bẻc, mangai gat aih toq biaoq, **38** Qmang aih, drah creo ka Cla craq qmau qnoh tam bẻnh gat loh ta ruẻng haq.

10 Chuaq Jesus creo ka moeq jẻt baiq ngai tiaq hỏc trủu ti cla haq, am ka wì cwiang drủh hnan kiac chỏc jrẻng, rai broq brẻh kan yiniq tỏq, ùh hrỏc. **2** Kỏ hiniq moeq jẻt bài ngai Tiaq cla: mangai baxẻm aih Simỏn, bẻn loq xan creo ka haq Phiero, xam Anrẻ (aih oh haq); Jaco kon Sẻbẻđẻ xam Jon oh haq, **3** Philip xam Bathẻlẻmi; Thỏma, xam Mathio (mangai yỏc thẻq); Jaco kon Aphẻ, xam Thẻđẻ, **4** Simỏn mangai Cana-an, xam Judẻ Icarẻt, mangai ma blỏq Chuaq Jesus. **5** Aih raq, moeq jẻt baiq ngai Tiaq cla, Chuaq Jesus thẻ wì loh lam rai tanap ka wì haq: “Apaq lam tanẻ ùh xẻi mangai Judẻ, ùh dùh mùt ta plài leq da mangai Samari. **6** Mahaq lam chaq bài kon trủu Isorslì ma khoe hnhung. **7** Jỏ lam ti trong pẻ anoe bàu kỏ: “Diac Plinh trủu khoe hatẻn”. **8** Broq brẻh ka mangai ùh hrỏc, broq ka mangai cachẻt rẻh hlẻi, broq ka magai bacủn jah brẻh, drủh hnan kan kiac jrẻng. Pẻ khoe jah dech pẻ hadai am dech. **9** Ta caqnam pẻ ùh dùh catỏnh wẻ đẻh ka wang, yac ka bac jẻn hadai. **10** Lam ti trong ùh dùh wẻ

ayỏp, apaq racop baiq blah eo, yac ka jep hanoh qmang aih, apaq wẻ long ka nhra, majah qmang aih, yiniq da pẻ ma abroq khỏh jah acaq. **11** Pẻ mùt gủng leq, plài leq pẻ ti chaq ngan mangai leq ma tẻi ka đẻh pẻ, khoe aih oe hnim wì haq trủu jỏ pẻ loh lam. **12** Jỏ pẻ mùt hnim leq, waiq kan catẻm am ka hnhem aih; **13** Tẻng joq hnim aih tẻi, kan catẻm enh pẻ hi loh am ka wì haq, tẻng joq ùh aih, kan catẻm pẻ hlẻi ta cla pẻ. **14** Tẻng mangai leq ùh đẻh pẻ, ùh tamẻng bàu pẻ, jỏ pẻ loh enh hnim aih, plài aih, drah hapủih blo ma top ta jẻnh pẻ. **15** Joq qnẻng Au doe ka pẻ, trủu hi hadrahẻ, gủng Sỏđỏm xam gủng Gỏmỏro pỏq kan hadrah yeo biaoq ka wì aih. **16** “Au thẻ pẻ loh lam tẻi ka trủu oe taqne calủh koq yiang. Qmang aih pẻ ep rabiaoq qmang ka bih, khun khaug tẻi ka trủ. **17** Pẻ ep hamang ngan oq, majah qmang aihẻ wì rủp qnoh pẻ tanẻ hadrah, jẻh pẻ roc hnim tagop qyoh, **18** Qnah hỏm, taiq au kỏẻh wì majah rủp qnoh pẻ enh ngẻa bài cwan bài bùa, đỏeq pẻ yẻng anoe enh ngẻa ka wì haq hloe xam bài ùh xẻi mangai Judẻ. **19** Mahaq jỏ wì rủp pẻ, apaq lẻt ka anoe qmang leq, anoe bàu cleq, gleq ma jah qmang aih, bàu leq ma troq ka anoe, trủu jỏ aihẻh hi am ka pẻ. **20** Aih ùh xẻi cla pẻ pẻ capoch đẻh ma joq qnẻng aih Yẻang Hadrẻh Baq pẻ oe enh dalam ka pẻ capoch qnoh. **21** Daq rủp đẻh oh, đỏq wì jẻh đẻc, baq rủp đẻh kon đỏq wì jẻh đẻc, mangai kon yẻng tablẻq đẻh ka miq baq, waq ka đẻq baiq wa aih cachẻt. **22** Jao yiniq au kỏẻh, đẻq ka phủ crỏng majah tagit ka pẻ, mahaq mangai leq cajak manoh trủu lủch trủu gẻh, mangai aihẻh ma jah đẻch. **23** Jỏ wì rủp pẻ ta plài kỏ, pẻ puplech lam ta plài qnoeq, joq qnẻng au anoe ka pẻ, pẻ lam qnhỏq jẻp ka plài mangai Isorali, Kon mangai khoe trủu. **24** Mangai tiaq hỏc ma lah yẻ ùh hnau ka mangai hnẻi, hapẻng malah yẻ ùh hnau ka cla wì craq. **25** Mangai tiaq hỏc jah dẻng mangai hnẻi, hapẻng jah dẻng cla wì craq aih khoe wẻi. Tẻng joq wì khoe doe ka cla wì craq ta hnim aih Bẻnxẻbun, loq ka mangai ta hnhem. **26** Qmang aih, pẻ apaq yủq, ùh i cleq cadocẻh ma ùh ep paqnoh đẻng, ùh i cleq bahlẻp atẻqẻh ma ùh loq. **27** Aih ìq raq, bàu au anoe ka pẻ ta clam, drah anoe qnoh ta qngah, bàu pẻ tẻng gẻt ajang don, drah yẻng ta kủa po hnim hu anoe qnoh. **28** Ủh dùh yủq đẻh ka mangai jah jẻh toq chac pẻ mahaq ùh jah jẻh mahua yiang pẻ; ma khỏh yủq aih Mangai jah broq hnhung xam mahua xam chac pẻ oe

ta hwinh ùnh. (Geenna g1067) 29 Baiq toq chim prùch ùh xài wì hmaq tech moeq jèn bac raq qmòh? Mahaq tàng joq ùh xài tiaq manoh Baq pì, qnhòq lah i mòeq toq chim leq ma taclih ta haqneq. 30 Xac ta gàu pì qmat hadai rành khoe diq. 31 Qmang aih, apaq yùq cleq, pì yeo canaq ùh hnau ka chìm prùch. 32 Aih iq raq, cabô ràu trùh au enh ngèa ka phù cròng, au hanoh ràu trùh haq enh ngèa ka Baq au oe ta plinh; 33 Cabô hangah đac au enh ngèa phù cròng, au hadai hangah đac haq enh ngèa ka Baq au oe ta plinh. 34 Araq xoh au trùh đòeq aràng kan catèm ta cròng taneh, au trùh ùh xài đòeq aràng kan catèm, mahaq aràng chang aràng jaoq. 35 Au trùh đòeq lah kon calô khoe ka baq haq, lah kon cadrì khoe ka miq haq, lah kon mai khoe ka yaq haq; 36 qmang aih, mangai oe ta hnim pì raq, ma tablêq hlài ka pì. 37 Cabô loq waq dèh ka miq baq ùh hnau ka au, mangai aih ùh taji đòeq hu tiaq au, cabô loq waq dèh ka kon calô kon cadrì ùh hnau ka au, mangai aih hadai ùh taji ka tiaq au, 38 Cabô ùh xùì dèh long pagat đòeq tiaq au, mangai aih hanoh ùh taji ka tiaq au. 39 Cabô àu wèq dèh toq kan rih dèh cla, haq aih èh jah hnhung, mahaq cabô chiùq cadac dèh kan rih đòeq hu tiaq au, aih èh jah chaq hnoq hlài dèh. 40 Cabô đìh pì, haq aih đìh au, cabô đìh au, haq aih đìh Mangai ma khoe thê au. 41 Cabô đìh mòeq ngai pajàu taiq mangai aih broq pajàu, haq aih jah kan baha da mangai pajàu, cabô đìh mòeq ngai taq atq, taiq mangai taq atq, aih èh haq aih jah kan baha ka mangai ta atq. 42 Cabô chiùq am ka mòeq ngai kon qyoh taqne bài kon qyoh kô, ôq moeq chròng diac hangeo, taiq mangai qyoh aih broq mangai tiaq hóc au, joq qnàng au doe ka pì, kan baha da haq aih èh ùh jò leq hnhung.

11 Khoe ka hnài dèh mòeq jàt baiq ngai tiaq hóc, Chuaq Jesus loh enh aih, lam hnài roc plài oe gùng Galili. 2 Jò Jon oe ta hnem tù, tàng wì anoe bài yiniq Chuaq Jesus Christ ma broq, haq thê dèh mangai tiaq hóc haq trùh ti Chuaq Jesus, 3 wì bòch: ìh kô raq ùh xài Mangai ma hu trùh tacô, nhèn ahiaq oe raq ep gòm mangai qnoeq ùh? 4 Chuaq Jesus padreo bàu: “Drah hlài beq, taqmon hlài ka Jon loq rìm yiniq pì ma khoe tàng, khoe hnoq: 5 Mangai ùh xau jah hnoq, mangai liap jah lam, mangai bacùn jah hreo, mangai clic don jah tàng, mangai cachit jah rih hlài, mangai nanxa jah tamàng bàu lem.

6 Xôq ramot am ka mangai leq ùh hiaq catoeh ka au. 7 Jò wì aih khoe hlài, Chuaq Jesus men anoe trùh Jon đòq wì phù cròng ma tiaq haq loq: “Pì khoe lam ngan cleq tanòe hawit? Ajoq pì lam ngan long triang niaq cayeo hlui ùh xài? 8 Pì lam ngan cleq hòm? Pì lam ngan mangai caxùnh atàc eo lem ùh xài? Hataul! wì mangai ma caxùnh eo ranhòm oe ta hnim bùa. 9 Pì lam ngan cleq hòm? Ajoq lam ngan mangai tapoch pajàu ùh xài? Joq, au doe ka pì, ùh hnau ka tapoch pajàu hòm. 10 Aih raq mangai ma khoe i bàu achih trùh haq: “Au thê dèh mangai lam adroe ka Kon, Đòeq chònh taqmroq trong Kon lam.” 11 Joq qnàng au doe ka pì, diq đống taqne bài mangai ha-uang loh enh gucadrì, ùh i cabô yeo haq nhèq ùh hnau ka Jon Baptit, mahaq yac ka mangai diq jaq hamoq oe tanòe diac plinh, dua yeo haq nhèq ùh hnau ka haq. 12 Mahaq, patep enh hì da Jon Baptit trùh manòeq, diac plinh glàm kan khech tăt, mangai khech tăt aih blah yóc diac plinh. 13 Majah qmang aih, diq đống ka bài bàu pajàu hloe xam hset ranenh ma khoe achih trùh pang qnhòng da Jon raq. 14 Tàng pì enh waq ka loq, haq aih raq êli, mangai ma ep trùh. 15 Cabô i don đòeq tamàng, tamàng beq!” 16 Au aliah nang noe kô ti cabô kô èh? Nang noe kô bu dàng kon qyoh ha qngui tanòe atech, creo dèh ka bua, 17 rameh: “Au khoe hlui taliaq ka pì, gleg pì ùh ti yòng cadòeq? Au khoe ti atoch, gleg pì ùh crò hmoe.” 18 Jon trùh ùh acaq, ùh ôq, pì doe: Kiac khoe caqnit don haq. 19 Kon mangai trùh, haq acaq, haq ôq, aih pì doe: Meh mangai plai toq ka acaq ôq, taqmùt toq ka mangai yóc thèq xam bài mangai ùh wia. Mahaq, kan rabiaq ma joq qnàng aih jah hnoq ajang nòe yiniq broq 20 Taiq bài wì ma oe tanòe plài gùng Chuaq Jesus khoe broq bàc trong halac, ùh lòm raxach, Chuaq Jesus tapoch ka wì gùng aih: 21 “Habo ka pì, plài Côrasin, habo ka pì plài Betsaida. Tàng joq bài kan halac khoe broq ta pì qmat aràng broq gùng Tyro, gùng Sidôn, baiq plài aih khoe yóc eo briang đòeq taqmàn rađeh, kui blo tanùh, raxach nèh haq raq. 22 Aih au doe ka pì, trùh hì hadrah, gùng Tyro, gùng Sidôn pòq kan hadrah yi biaq ka pì. 23 Gè kô èh, Cabênaum, gùng ma khoe jah atóc haq nhèq trùh ta plinh, kô èh jah caqnih cadac trùh ta hwinh. Tàng joq bài kan halac ma khoe broq qne gè, aràng broq ka gùng Sôđôm, gùng aih oe raq trùh manòeq. (Hadēs g86) 24 Mahaq au doe trùh hì hadrah èh, gùng Sôđôm èh jah

hadrah yeo biao ka gè. **25** Jò aih raq, Chuaq Jesus doe: “Baq! ìh broq Craq oe taplinh crông taneh, au manèh apôi ìh, majah qmang aih ìh khoe cadoe bài yiniq kô ka bài mangai rabiao, mangai loq, mahaq ìh patô am ka kon qyoh jah loq. **26** Baq ôi, joq qmang aih raq, majah qmang aih ìh khoe hnoq biac aih lem. **27** Rìm yiniq Baq khoe jao đồng ka au, enh gùng ka Baq ùh i mangai leq canau ka Kon, enh gùng ka Kon ùh i mangai leq loq ka Baq. **28** Diq đồng ka mangai tagah lep, pòq trap, drah trùh ta au beq, au jah am ka pì padài. **29** Au i manoh khun alâng loq hamuan rađeh, drah taqmac wê long ech au, hóc tiaq au, aih èh mahua yiang pì jah padài. **30** Majah qmang aih long ech da au kô hlàu, tanông da au kô hèn.

12 Jò aih, wop hì sabat, Jesus pùh pagat ðùng ruàng, bài mangai tiaq hóc pangot wì haq git kaq hadròc qmau. **2** Mangai Pharisi hnoq qmang aih, wì lam doe ka Chuaq Jesus: Ngan meh, bài mangai tiaq hóc ìh, broq trong ùh lòh ta hì Sabat. **3** Mahaq Chuaq Jeus padreo bàu ka wì aih: “Ha bùa ðawit xam mangai lam tiaq haq khoe broq jò wì haq pangot, pì qnhòq hmaq ðóc qmòh? **4** Aih ìq, bùa mùt ta hnim Boc Plinh, yóc acaq bènìh dèch ka Boc Plinh, bènìh aih bùa xam mangai lam tiaq haq ùh khòh kaq, bènìh aih ðòeq toq ka bài pajàu. **5** Hiaq pì ùh i ngan ta hset ranenh, trùh hì sabat, bài pajàu oe ta hnim kùh waiq, broq ùh troq tiaq ranenh hì aih aleq i tuiq cleq? **6** Au doe ka pì, ajang kô i moeq ngai yeo kàn ùh hnau ka hnem kùh waiq. **7** Tàng pì loq bàu kô anoe cleq: “Au tangèh ka manoh loq waq, ùh i ngèh trùh ramènìh tadreo, qmang aih pì khoe ùh hiaq capoch hăbô ðac ka bài mangai ùh i ðeh yiniq lui cleq. **8** Majah qmang aih Kon mangai aih craq hì sabat”. **9** Lam khoe ka aih, Chuaq Jesus mùt tanòe hnim tagop qyoh. **10** Ta aih i mòeq ngai, angwenh mòeq pah tì. I mangai bòch Chuaq Jesus: Hì Sabat akhòh broq brêh ka mangai yiniq ùh? Majoq qnàng aih wì qnang chaq nen ðòeq hu tah hadrah ka haq. **11** Chuaq Jesus tapoch ka wì: “Taqne pì qmat i ka mangai leq i mòeq toq kon trùh, tàng hì Sabat haq taclìh ta ralôc, pì ma ùh dèch atóc haq? **12** Mangai ma ùh yeo kàn ùh hnau ka trùh! Qmang aih hì sabat khòh broq trong lem. **13** Khoe aih, Chuaq Jesus doe ka mangai ngwenh tì: “Hnhu tì qmat” Haq aih qnhu dèh tì, tajòe qmòe tì pah kô lem hlài tiah ka tì pah tau. **14** Bài mangai

Pharisi loh enh gùng, hatinh ka dabau chaq trong hu jêh cadac Jesus. **15** Chuaq Jesus loq qmang aih, haq lam ðac taqnoeq, i bəc ngai tiaq haq, haq broq ðiq ðồng ka wì jah brêh. **16** Chuaq Jesus ùh lòh wì anoe am ka cabô loq ka haq. **17** Ðòq xit qmang ka bàu pajàu Êsai khoe anoe: **18** “Kô, hapông Au ma khoe ràih, Mangai Au ma ðiq jaq loq waq, lem manoh au rìm trong. Au am Yiang Hadròeh au oe ti haq, Haq aih èh ma anoe qnoh bàu taq atoq am ka rìm ðiac. **19** Haq ùh tarahen, ùh ðèh bàu, ùh i cabô tàng bàu haq oe ti trong **20** Haq ùh plêh ðac triang niaq khoe tagoh, ùh hlui ðac ðen khoe ten pat. Trùh jò Haq broq ka kan taq atoq jah blêq. **21** Rìm ðiac tangèh ðiq anòe yiniq Haq.” **22** Jò aih i mangai aràng ka Chuaq Jesus mòeq ngai kiac caqnit don, ùh xau hnoq rai làu, Chuaq Jesus broq brêh ka haq aih loh ka jah tapoch jah hnoq. **23** Wì hamàih ðeh hra, wì bòch dabau: Haq qmat ajoq kon xau bùa ðawit? **24** Mahaq bài mangai Pharisi hia qmang aih wì doe: Haq qmat canòm ka Bênsêbun craq kan kiac ðòeq ðrùh kiac. **25** Chuaq Jesus loq ka manoh wì, haq doe: “Moeq ðiac tàng joq cla haq hit lah rađeh, ðiac aih èh ùh khoe ka raliang, mòeq plài, mòeq hnim tàng hit lah dabau aih èh pì oe ðràng yòng. **26** Tàng joq Satan hnan Satan, aih ajoq haq hit lah ðađeh, aih èh ðiac haq yòng qmang leq ma oe keo? **27** Tàng au canòm ka Bênsêbun ðòeq hnan kan kiac, ha wì kon pì qmat èh canòm ka cabô ðòeq ðrùh hnan kan kiac? Qmang aih, wì haq aih èh ma broq mangai hu hadrah bài pì. **28** Tàng joq au canòm ka Yiang Hadròeh enh Boc Plinh ðòeq ðrùh hnan kan kiac, aih ðiac Plinh khoe trùh ta pì. **29** Qnah hòm, i ka cabô jah mùt ta hnim mangai ðèh padren hu tablah yóc da haq aih kùng hang, ma baxèm aih ùh kàt cla haq adroe oèq? Ep kàt cla haq adroe khoe èh men jah blah yóc hang ta hnim haq. **30** Cabô ùh oe ti au, haq aih mangai tablêq ka au, cabô ùh taqmùt ti au, wì aih prah priang ðồng. **31** Qmang aih au doe ka pì, rìm yiniq lui pì xam bàu tapoch qmèq ka Boc plinh, ðiq ðồng èh oe jah paclaih, mahaq bàu tapoch troq trùh Yiang Hadròeh ùh jò leq jah paclaih. **32** Tàng cabô capoch tablêq ka Kon mangai, èh oe jah paclaih, mahaq cabô tapoch bàu tablêq Yiang Hadròeh, yac ka qnhòng kô trùh qnhòng atiq èh yiniq lui aih ðua ùh jah caqnaih. (aiôn q165) **33** Long lem èh loh plì lem, long qmèq plì hadai qmèq, ngan pì ma loq ka long. **34** Wùih! Bài adrech bìh plòng

meh, pì qmat nang noe qmèq, broq qmang leq ma hloh bàu lem? Ta cliac khoe bình, men hloh bàu tapoch a hacùng. **35** Mangai lem ta dalam haq bình kan lem men jah tapoch hloh bàu lem, mangai dù ta haq bình kan dù majah tapoch hloh bàu dù. **36** Au doe ka pì, trùh ta hì hadrah, rìm ngai ep anoe qnoh đồng dèh bàu radeh ma khoe tapoch. **37** Majah qmang aih, ajang nòe bàu capoch aih raq, ma hi jah creo ka ìh mangai taq ataq, hadai ajang bàu tapoch aih raq ìh ep pòq kan baxa. **38** Khoe aih i bài mangai hnài ranenx xam bài mangai Pharisi doe ka Chuaq Jesus: Mangai hnài, nhèn enh hnoq ìh broq trong halac. **39** Chuaq Jesus padreo bàu: “Bàì caxi noe dù, loq tango kô, bòch ngan kan halac, ùh i kan halac leq am ka pì hnoq enh gùng ka kan halac troeq pajàu Jôna. **40** Majah qmang aih Jôna khoe oe ta cliac ka kàn piq hì piq mang, hanoh qmang aih èh, Kon mangai hadai piq hì piq mang oe ta taneh. **41** Trùh hì hadrah, wì ma oe ta Ninive aih èh ma yòng hu hadrah ka caxi noe kô, ma jah qmang aih wì haq tàng bàu pajàu Jôna hnài aih wì khoe raxach, mahaq ajang nòe kô, i mòeq ngai yeo haqnèq ùh hnau ka Jôna! **42** Trùh hì hadarah, bùa Cadri enh bè mahi tấc èh ma yòng hu hadrah ka nang noe kô, majah qmang aih bùa aih khoe trùh enh nòe hangai òeq hu tamàng bàu rabiaq enh nòe bùa Salômôn, mahaq anòe kô i mòeq ngai yeo haqnèq ùh hnau ka bùa Salômôn! **43** Jò kan kiac khoe loh enh moeq ngai, haq lam tanòe croh crênh chaq nhòe padài, mahaq chaq ùh jah, **44** èh haq hi doe: Au wìh hlài ta hnim au ma neo loh, jò haq hlài, hnoq hnem dech do, khwit khoe lem, khoe palauq qmòe ka alàng. **45** Haq lam hòm, ahlài tam tapèh toq kiac qnoeq yeo dù ùh hnau ka haq, hlài oe pajùm ta hnim aih, mangai aih atiq èh yeo hamoq ùh hnau ka adroe hòm. Bàì caxi noe dù kô qmang aih èh diq. **46** Jò Chuaq Jesus oe raq tapoch ka bài wì, miq haq xam bài oh haq yòng enh gùng, enh capoch ka haq, **47** I mangai trùh doe ka Chuaq Jesus: Miq ìh xam bài oh ìh yòng enh gùng, enh tapoch ka ìh **48** Haq padreo bàu: “Cabô miq au, cabô oh au?” **49** Haq patô dèh bài mangai tiaq hóc rai doe: “Hacô miq au xam bài oh daq au!” **50** Majah qmang aih, mangai leq broq tiaq manoh Baq au oe ta plình, aih raq oh daq calô, oh daq cadri xam miq au.

13 Hadai hì aih, Chuaq Jesus loh enh hnim lam hangui ta kênh diac raxiq, **2** Wì phù cròng tagop ti dabau haraya dudán ka Haq, Chuaq Jesus ep loh hangui ta boang, diq ka wì qnoeq oe ta go. **3** Chuaq Jesus yóc bəc trong allah hu hnài wì, Haq doe: “I moeq ngai lam rai adrech. **4** Jò haq rai adrech, i qnah ta clih ti trong lam, chìm loh jòh đồng. **5** Moeq qnah taclih tanòe raga, taneh toq bìa, catùh ùh jrùq, rênh plòh. **6** Mahaq jò mat mahi yòng sreo, ùh i ka riah hi loh ka croh. **7** Mòeq qnah taclih nòe xèm yila, yila rai èh ray cràm bahlac haq jôq ta aih. **8** Mòeq qnah qnoeq hòm, clih troq tanòe taneh lem, hi loh plì, mòeq pliang loh jah moeq hrinh, mòeq pliang jah tadràu jàt, mòeq jah piq jàt. **9** Cabô i don, tamàng beq! **10** Mangai tiaq hóc, thia ka haten bòch Chuaq Jesus: Gleq ìh ma jah yóc bàu allah qmang aih òeq tapoch ka wì? **11** Chuaq Jesus padreo bàu: “Majah qmang aih kan hlèp da diac plình khoe am ka pì loq, mahaq bài wì tau aih ùh òq ka wì haq loq.” **12** Majah qmang aih mangai leq ma khoe i aih jah am tam, aih èh wì hi i rah ùh diq ùh dài, mahaq mangai leq ma ùh i, aih èh doeh yóc hloe yiniq haq ma khoe i. **13** Aih iq au ma jah toq aliàh ka wì haq, yac ka wì haq ngan dua ùh xau hnoq, hadràng don mahaq ùh tàng, tamàng mahaq ùh qnì cleq. **14** Qmang aih khoe xit ka bàu pajàu Êsai jò haq ràu trùh wì qmat: Pì hadràng don tamàng, mahaq ùh qnì cleq; Haqmianh ngan mahaq ùh xau hnoq. **15** Majah qmang aih, manoh wì haq khoe cadoq; Don wì haq khoe trap, mat wì haq khoe tajip, Yùq dèh mat loq xau hnoq, don radeh loq jah tàng, Manoh da òeh loq jah loq, radeh loq wìh hlài, Èh au loq broq wì haq jah brèh qmòh. **16** Mahaq xôq ramot am ka bài pì mat jah hnoq, xôq ramot am bài pì, don ma jah tàng. **17** Joq qnàng au doe ka pì, i bəc mangai pajàu, bəc ngai taq ataq khoe ngèh ka jah hnoq trong pì hnoq, mahaq ùh jah hnoq, ngèh ka jah tàng trong pì ma jah tàng, mahaq ùh jah. **18** Pì tamàng bàu allah mangai lam rai adrech aih anoe cleq. **19** Jò mangai leq tàng bàu lem diac plình, mahaq ùh lòm qnì qmòe cleq, aih kiac dù trùh ta qmiaq yóc yiniq ma khoe jah rai ta manoh haq, aih la mangai majah adrech clih ti trong lam. **20** Mangai jah adrech clih nòe taneh raga aih mangai bu tàng bàu, khoe lem bùi drah yóc huiq. **21** Mahaq ta manoh ùh i ka riah, rìh moeq hyac raq, trùh jò glàm nanxa, khech tət,

hi tacro. **22** Mangai jah adrech clih nòe xem yila, aih mangai tàng bầu, mahaq manoh hèm toq ka qnhòng kô, ònh toq trong padròng kan, broq ka bầu aih ùh plôh ramot, hi loh ka ùh sròc. (aiōn **g165**) **23** Mahaq, mangai ma jah adrech clih tanòe taneh lem, aih mangai loq tàng, haq aih jah loh plì, moeq pliang jah qmòe moeq hrinh, pliang qnoeq jah tadrâu jàt, ma qnoeq jah piq jàt. **24** Chuaq Jesus aliah trong qnoeq hòh ka wì haq: “Diac plinh tiah ka mangai yóc adrech lem loh rai dèh ta ruàng. **25** Mahaq jò diq ka wì oe raq kùì, mangai tagit ka haq loh rai adrech nhat adròn h ta qmau aih, khoe aih hi lam đac. **26** Trùh jò qmau aih yòng kàn, loh hadròc, adròn hadai ploah loh diq.” **27** Bài mangai patih lam anoe ka wì craq ruàng aih: Wì craq, ma ùh xài ìh rai toq adrech lem ta ruàng ìh qmòh? ha nhat adròn qmat loh enh leq? **28** Wì craq padreo bầu: Aih mangai tagit ka au ma broq. Bài hapòng doe: Ìh alòh bài nhèn loh bùiq nhat aih loq ùh? **29** Wì craq padreo bầu: Hêq ùh dùh, yùq jò bùiq pì loq troq bùiq ataq qmau. **30** Dôq haq diq baiq wa yòng hloe trùh jò gat, trùh jò gat i au tanap ka bài bình gat qmau rameh: “Adroe aih, pì bùiq nhat adròn òeq, cadop tang cadop hu bùh đac, qmau aih pì don òeq da au ta hapom”. **31** Chuaq Jesus yóc trong qnoeq hòh hu aliah tam ka wì: “Diac plinh tiah adrech habài wì ma rai ta ruàng. **32** Adrech joq yi yêq đồng ka bài adrech qnoeq, mahaq jò hi jah honh, haq yeo kàn ka bài cachiq qnoeq, wìa qmòe long, jaq chím mech lam broq pù ta hamen h haq”. **33** Chuaq Jesus patiah hòh ka wì: “Diac plinh tiah ka blo alac, mangai cadri ma yóc tah ta piq cađap đac, hi trùh dèh jò đac aih hi rêu đồng.” **34** Chuaq Jesus capoch ka wì phù cròng ma tiaq Haq toq xam bầu aliah, ùh i tapoch cleq haq ma ùh aliah ka wì. **35** Waq ka xit troeq bầu pajàu ma khoe anoe: “Au dahah bầu òeq tapoch aliah. Au hu paqnoh bài kan hlep, patep enh jò broq plinh cròng taneh.” **36** Jò khoe am wì hlài, Chuaq Jesus wìh mùt ta hnìh, bài mangai tiaq hóc trùh ka haten bòch haq: Ìh anoe am ka nhèn loq bầu ìh ma aliah adrech nhat adròn oe ta ruàng aih qmang leq. **37** Jesus padreo bầu: “Mangai rai adrech lem aih Kon mangai. **38** Ruàng aih cròng taneh kô, adrech lem aih kon diac plinh, nhat adròn aih kon kiac dù, **39** mangai tagit rai adrech nhat, aih kan kiac dù, hì gat qmau aih hì pulùch da cròng taneh kô, bình gat qmau aih bình plinh. (aiōn

g165) **40** Tiah ka wì bùiq nhat adròn bùh ta ùnh qmang leq, hì cròng taneh kô diq lùch qmang aih òh diq. (aiōn **g165**) **41** Kon mangai hi thê dèh bình plinh hacom qnoh đồng bài mangai ma broq dua qmèq xam mangai broq dù loh khoe ka diac Haq. **42** Khwên h caqnìh wì aih tanòe hlòng ùnh, ta aih òh i toq kan crò hmoe rai cadrit hanen h. **43** Jò aih, bài mangai taq atoq ca-ah tiah ka qngah mahì oe tanòe diac Baq wì haq. Cabô i don, dra h tamàng. **44** Diac plinh tiah ka hang canaq catùh òeq ta ruàng, i moeq ngai chaq hnoq, haq hi cadoc òeq rai hlài rai lem bùi, tech diq đồng dèh kùng hang, òeq hu rot ruàng aih. **45** Diac plinh hadai tiah ka mangai lam padro, chaq ngóc canaq. **46** Jò chaq khoe hnoq ngóc canaq, haq tech đồng dèh kùng hang òeq rot pliang ngóc aih. **47** Diac plinh hanoh tiah ka hlàm ma tang ta hlòng, hlech rìh yiniq ka. **48** Jò khoe bình ka tanang hlàm, mangai tang hi dèch hlàm atóc tago, khoe aih hangui raih ma lem òeq crài, òh tah ta tabòng, mahaq khwên cađac đồng bài ma ùh wìa. **49** Trùh hì cròng taneh kô lùch, hanoh qmang aih diq: Jò aih, bài bình plinh trùh òeq lah bài mangai dù loh khoe ka mangai taq toq. (aiōn **g165**) **50** Khwên caqnìh bài mangai broq dù ta tanùh ùnh, oe nòe aih i kan hmoe rai cadrit hanen h. **51** Pì atem bài bầu aih? Bài mangai tiaq hóc doe: Nhèn loq tàng. **52** Chuaq Jesus hi doe: “Dài qmang aih rìh ngai hnài ranen h, jò wì haq khoe hóc loq rìh trong tanòe diac plinh, hi tiah ka wì craq hnìh qnoh đồng dèh bài hang neo xam hang dùnh loh enh gùng ka hapom. **53** Jò Chuaq Jesus khoe hêq ka capoch bài bầu aliah aih, haq hi lam taqnoeq. **54** Haq hlài dèh gùng cla, mùt hnài tanòe hnìh tagop qyoh, wì hamàih òh hra ka bầu haq, wì bòch dabau: Mangai qmat haq jah enh leq bài kan rabiaq xam kan halac qmang meh? **55** Haq qmat ma ùh xài kon mangai thòq broq long chàm qmòh? **56** Miq haq ajoq Mari? Bài oh daq haq ajoq Jaco, Jôsep, Simôn, Jiu òe? **57** Bài oh cadri haq ma ùh joq oe taqne bèn kô? Enh leq haq majah bài yiniq qmang meh? **58** Wì aih hi catoeh ka haq. Mahaq Chuaq Jesus doe ka wì: “Toq gùng cla, hnem cla raq ma hnoq mangai pajàu ùh loh cleq.” **59** Ta aih Chuaq Jesus ùh broq bàc kan halac, ma jah qmang aih ta aih wì ùh i ka manoh lùì.

14 Jò aih Hêrot (aih bùa yi enh qneq), hĩa bàu wì anoe trùh Chuaq Jesus. **2** Haq doe dèh ka bài mangai ma tiaq ka jènh ka tì ti haq: Kô raq Jon Baptit, mangai cachit rih hlài men jah broq trong halac qmang aih. **3** Aih lq rameh: Taiq Hêrôdia, aih mai da Philip, oh cla haq, dài Hêrôt majah rùp clêh Jon Baptit. **4** Majah qmang aih, Jon i tagàih ka bùa rameh: Bùa ùh jah yôc mangai cadrì qmat broq mai. **5** Bùa enh jêh đac Jon, mahaq haq ùh hũa ka wì phù crông, majah qmang aih phù crông đìq doe Jon aih mangai pajâu kân. **6** Wop hi acaq yiniang manê hi ha-uang ka bùa Hêrôt, kon cadrì da Hêrôdia muaq taqne bài mangai trùh acaq yiniang, đìq jaq troq ka manoh bùa. **7** Jaq bùa mech chùuq hapah jò ma têu bàu am ka kon cadrì aih, waq toq kon mangai aih bôch cleq dua haq am. **8** Jao miq haq patùt, kon cadrì aih hi bôch bùa: ìh yôc gàu Jon Baptit tah ta dôt kân hu am ka au. **9** Bùa mangò ta manoh, yâng haq khoe troq hapah, qnah hòm i bài mangai ma hangui acaq yiniang oe ta aih, bùa hi đôq kon cadrì aih jah troeq bàu haq bôch. **10** Bùa hi thê wì lam jêh Jon tanòe hnim clêh. **11** Khoe aih wì yôc gàu haq tah ta dôt kân qnoh am ka kon cadrì aih, haq aih hi aràng dèh ka miq. **12** Atìq ka aih, mangai tiaq hóc Jon, lam yôc hanang haq ahlài catùh. **13** Chuaq Jesus hĩa qmang aih, haq tồc ta boang wia taqnoeq, haq lam tanòe ma hawit. Yâng jò wì phù crông ma hi loq, wì loh enh bặc plài, wì lam jènh hu tiaq Haq. **14** Chuaq Jesus bu tồc enh boang, hnoq bài mangai bặc haraya harayúc, manoh haq tamèt ka wì, haq broq brêh ka wì ma yiniq. **15** Trùh jò mat mahì khoe haqneq, bài mangai tiaq hóc, thia doe ka Haq: Tanòe kô hawit, èh tróc hadai khoe ten clam, ìh am wì hlài beq, đôq wì mùt roc plài chaq rot dahwèq acaq. **16** Chuaq Jesus doe: “Wì ùh i ep lam, pì qmat raq mangai ma ep am ka wì acaq. **17** Mangai tiaq hóc doe: Tacô nhèn i padam toq bênh xam baiq pliang ka raq. **18** Chuaq Jesus doe “Aràng ka au tacô. **19** Chuaq Jesus thê wì hangui ta nhat, khoe aih, yôc padam toq bênh xam baiq pliang ka, Haq qngoc ta plình rai manê apôi, khoe èh goh bênh aih am ka bài mangai tiaq hóc, mangai tiaq hóc ti aràng ka bài wì. **20** Mangai leq mangai meh panàc deh hra, rah bênh ti toch hlài bình jah moeq jàt baiq talênh. **21** Wì ma acaq ta aih jah qnah ta padam muàn mangai, ùh rênh wì gucadrì xam kon qyoh. **22** Khoe aih Chuaq Jesus

drah bahôiq bài mangai tiaq hóc loh ta boang chôn̄h tồc pah tau, jò aih haq oe tago hu ti am wì mangai bặc hlài ta hnem. **23** Atìq ka haq khoe am wì hlài, haq tồc ta wang moeq ngai đòeq hu waiq khàn. **24** Jò aih, boang loh khoe trùh taqne diac raxìq, glàm cayeo tât qngia, i diac lai laq tep ta boang. **25** Mahaq trùh jò pôn ta mang aih, Chuaq Jesus lam jènh ti riang diac đòeq trùh ti bài mangai tiaq hóc. **26** Jò wì hnoq haq lam ti riang diac, bài mangai tiaq hóc yùq crê wì doe: Tau raq kiác chóc, khoe aih wì yùq pì cajaq wì breo wênh dên̄h. **27** Mahaq Chuaq Jesus drah creo ka wì haq: “Pì catêm beq hacô au, apaq yùq!” **28** Phiero doe: Craq au! tàng joq ìh, ìh đôq au jah lam ti riang diac hu trùh ta ìh. **29** Chuaq Jesus doe: “Lam ta kô” Phiero cadiang loh enh boang, lam ti riang diac đòeq thia ta Chuaq Jesus. **30** Yâng jò haq hnoq cayeo hlui, haq loh yùq crê, haq hi hlòp ta diac, haq drah breo cadêh: Craq au, dèch au đìq. **31** Tajòe qmòe Chuaq Jesus hn̄hu tì cadop tì haq, rai doe: “Wùih! mangai biaq hrinh manoh lùì, hagleg ìh ma toq ùh tùt qmang qmat.” **32** Jò Chuaq Jesus xam Phiero khoe tồc ta boang, cayeo hi hatinh. **33** Bài wì ma oe ta boang trùh kùn cràng enh ngêa ka Chuaq Jesus rai doe: ìh kô joq qnàng Kon calô Boc plình. **34** Jò khoe catech pah tau diac, Chuaq Jesus xam mangai tiaq hóc lam ta gùng Gênsêaret. **35** Wì gùng aih canau ka haq, drah thê mangai lam bahia jàp jia ka bài gùng du danh ta aih, wì tòng qnàng bài mangai yiniq trùh ka haq. **36** Rai bôch Chuaq Jesus am ka bài mangai yiniq jah bèq deh toq haqmai eo haq, qmang aih waq toq cabô hi bèq eo haq, hi jah brêh đong.

15 Khoe aih, i bài mangai Phariasi xam bài mangai hnài ranen̄h trùh enh Jêrusalem hu bôch Chuaq Jesus **2** Hagleg bài mangai tiaq hóc ìh ùh wèq bàu wì craq dình nêh, wì haq ùh qnheo tì adroe ka acaq. **3** Chuaq Jesus padreo bàu: “Ha pì, hagleg pì majah tiaq deh bàu qmon loh qmòe ka cadac ranen̄h Boc Plình? **4** Majah qmang aih Boc Plình i thê rameh: “Thê loq iu miq baq pì, èh bàu kô hòm: Mangai leq hnep dèh ka miq baq, haq aih ep cachit. **5** Yâng da pì aih doe: Cabô doe dèh ka miq baq rameh: Đìq đong bài yiniq cleq au jah patih ka miq baq, au khoe dèch đong ka Boc Plình, haq aih pì hĩaq ep iu deh miq baq hòm. **6** Qmang aih, pì tiaq deh bàu cla qmon mahaq cadac bàu Boc Plình.

7 Pì qmat joq mangai toq ti patiah! Êsai tapoch pajau khoe troq jò haq ràu trùh pì rameh: 8 “Wì kô yóc toq hacùng bàu kùh waiq au; Yàng manoh cliac wì haq hangai ka au raya, 9 Biac wì kùh waiq Au aih qngwan, Majah qmang aih wì haq hnài tiaq toq ranenh loh enh kon mangai.” 10 Khoe aih Chuaq Jesus creó ka bài wì mangai bác ta aih, haq doe: “Thê pì tamàng rai loq tàng. 11 Ûh xài yiniq cleq mùt ta hacùng ma broq ka pì loh ka amù, mahaq yiniq cleq loh enh bàu pì aih ma broq ka pì loh ka amù!” 12 Bài mangai tiaq hóc thia haten ka Jesus wì bóch: Ìh aloq bài mangai Pharisi tàng bàu ìh wì haq nòeh ka ìh. 13 Chuaq Jesus padreo bàu: Long leq Baq ta plình ma ùh i pít, ep bùiq cađac 14 Dôq haq: Aih raq bài mangai ùh xau broq mangai qnung trong, tàng joq mangai ùh xau qnung mangai ùh xau, điq baiq ka wa clih ta ralóc. 15 Phiero hi doe: Ìh anoe am ka nhên loq đêh bàu aliah aih điq. 16 Chuaq Jesus bóch: “Pì ùh tem bàu aih qmòh? 17 Pì qnhòq qnì cleq ma mùt ta hacùng aih èh haq hi loh hloe tacliac, khoe aih ma ùh xài lam cađac tanòe hlep qmòh? 18 Yàng bài yiniq cleq ma loh enh hacùng, aih điq loh enh manoh cliac, bài yiniq aih ma broq ka pì loh ka amù. 19 Majah qmang aih enh manoh cliac ma loh bài kan dù, jêh đac mangai, tanqngong, loq tango, atùng, tapoch qmùt, tapoch hwang. 20 Bài yiniq aih ma broq amù ka pì, mahaq acaq ùh i qnheo tì ùh i broq ka pì amù. 21 Loh enh aih Chuaq Jesus mùt ta gùng Tyro xam gùng Sidôn, 22 I mòeq ngai gucadri Cana-an oe gùng aih trùh ta Chuaq Jesus, haq creó ka Chuaq Jesus: Wì Craq! Kon bùa Đavit, ha-och ka au điq, kon cadri au kiac pawè yôt haq, joq hamoq đêh hrinh. 23 Mahaq Chuaq Jesus ùh tapoch moeq nà bàu. Mangai tiaq hóc lam haten, cali calo ka Chuaq Jesus: Ìh thê đống haq qmat hlài beq, ngan haq toq creó dang enh rù ka bèn meh! 24 Chuaq Jesus padeo bàu: “Au ma jah trùh tacô, aih đòeq hu chaq toq bài kon trùu Isorali ma khoe lam hwang.” 25 Mahaq mangai gucadri aih thia qmòe ka haten, kùh waiq Chuaq Jesus, haq doe: Wì Craq, ha-och ka au điq. 26 Chuaq Jesus padreo bàu: Ûh dùh yóc bênh kon acaq đòeq caqnih ka koq. 27 Mangai gucadri aih doe: Joq qmang aih Wì craq, mahaq bài kon koq ti kaq đêh bài hanech bênh ma tacli h enh pra wì craq. 28 Chuaq Jesus hi doe: “Mangai gucadri meh! Ìh i manoh lùl kàn, yiniq aih èh ep loh tiàh ka manoh ìh ma enh.” Wop jò aih raq kon

cadri haq jah brêh. 29 Enh aih Chuaq Jesus lam tiaq haqmai diac raxiq Galili, èh Haq hi tởc hangui tawang, 30 Jò aih i mangai pì ka jaq trùh ti haq, qnung bài mangai cwê, lua mat, lâu, mangai ngwênh xam bác ngai yiniq, đòeq wì aih ti jênh Chuaq Jesus. Chuaq Jesus broq ka wì aih jah brêh điq đống. 31 Aih, wì hnoq mangai lâu hloh tapoch, bài mangai ngwênh jah brêh, mangai liap jah cadiang lam, mangai ùh xau khoe jah qngah, wì hamàih điq jaq, điq ka wì manè apôi Boc Plình da Isorali. 32 Chuaq Jesus creó đêh ka mangai tiaq hóc trùh ajang rađeh, haq doe: “Au ha-och ka wì kô, khoe piq hi wì haq oe ti au, manòeq kô pì i ka dahwèq hu acaq. Au ùh enh dôq wì haq hlài cliac dech, èh yùq wì haq loq hrah ti trong”. 33 Mangai tiaq hóc doe: Oe tanòe ma hawit qmang kô, ma i hlàu cleq ka chaq dahwèq acaq đòeq ka mangai bác qmang qmat jah acaq ka panàc? 34 Chuaq Jesus bóch mangai tiaq hóc: “Pì i toq leq toq bênh?” mangai tiaq hóc doe: Tapèh toq bênh xam toq biaq pliang ka. 35 Chuaq Jesus thê bài wì mangai bác hangui ta taneh. 36 Khoe aih, haq yóc tapèh toq bênh xam biaq pliang ka, manè apôi, goh bênh am ka mangai tiaq hóc, wì aih ti aràng axong ka bài mangai bác tau acaq. 37 Mangai leq mangai meh panàc đêh hra, rah haq wì ti toch bình tapèh talênh. 38 Mangai acaq jah pôn muàn mangai, ùh rênh gucadri xam kon qyoh. 39 Khoe aih haq dôq wì hlài, èh haq hi loh taboang, đòeq hu tởc tagg Magadan.

16 Bài mangai Pharisi xam mangai Sadusê trùh ti Chuaq Jesus đòeq qnhro haq, wì bóch Chuaq Jesus broq kan halac loh enh plình am ka wì haq hnoq. 2 Mahaq Chuaq Jesus padreo bàu: “Jò trỏc ten xêq, pì doe: Trỏc kô èh lem, majah qmang aih trỏc gòh. 3 Yàng di sroq, aih pì doe: Hì kô èh i cayeó đêh, majah qmang aih hì kô trỏc clam ùh dai gòh. Pì loq hadro ngan trỏc qmang leq, lai pì ùh qnì hadro ngan jò! 4 Qnang noe ngang dù, tango anang kô bóch ngan moeq yiniq cleq ma halac, mahaq ùh i kan halac leq enh gùng kan halac da pajau Jôna.” Khoe aih Chuaq Jesus hi wia lam ta qnoeq. 5 Jò bài mangai tiaq hóc tởc khoe trùh pah tau diac, ùh hmàng wê bênh. 6 Chuaq Jesus doe ka wì haq: “Rabiah haq, wèq rađeh khoe ka blo da bài mangai Pharisi xam mangai Sadusê.” 7 Mangai tiaq hóc hêm ta manoh rai hatuàng ti dabau: Kô jao bèn ùh hmàng wê bênh. 8 Chuaq

Jesus loq qmang aih, haq doe ka wì: Joq bài mangai bìaq manoh lùì, hagleq pì ma hèm jao pì ùh i ka bèn? **9** Pì ma qnhòq loq, pì ma ùh hmàng padam toq bèn am ka padam muàn mangai acaq, rah haq pì toch bình jah toq leq rajo qmòh? **10** Ji laiq pì ma ùh hmàng tapèh toq bèn am ka pòn muàn mangai acaq, rah haq pì toch bình jah toq leq rajo? **11** Pì ma ùh tem? Ùh xài au enh anoe trùh bèn, mahaq pì ep ngan wèq rađeh khoe ka blo da mangai Pharisì xam mangai Sađusê. **12** Pang aih, mangai tiaq hóc hi tem bàu Chuaq Jesus, haq ùh i anoe trùh blo broq bèn, mahaq haq enh ràu trùh bàu mangai Pharisì xam mangai Sađusê ma hnài. **13** Jò Chuaq Jesus khoe mùt ta gùng Sêsarê Philip, haq bóch bài mangai tiaq hóc rameh: Tiaq bàu wì ma anoe aih, Kon mangai kô iq cabô? **14** Mangai tiaq hóc têu bàu: Qnah ngai doe ìh kô Jon Baptit, qnah ngai doe Jêrêmi, tàng ùh meh pajàu qnoeq. **15** Chuaq Jesus bóch: “Pì qmang leq? Pì doe au kô cabô.” **16** Simôn Phiero doe: ìh kô raq Christ kon Boc Plinh rìh halinh. **17** Jò aih, Chuaq Jesus doe: “Simôn kon da Jôna, ìh qmat jah xôq ramot, mahnu kô ùh xài enh xech akia enh mahim am ka ìh loq, mahaq mahnu kô loh enh nòe Baq au oe ta plinh. **18** Au hòm, au creò ka ìh: ìh kô Phiero, kô èh au dèch paqnàng dèh Tagop Hadrèh enh crông hmo kô, bài qmang kan cachit ùh jò leq hlàt blêq haq. (Hadēs g86) **19** Kô èh au am ka ìh gahlông diac plinh, waq toq yiniq cleq ìh clêngh padràng oe ta crông taneh, yiniq aih hanoh clêngh padràng ta diac plinh, èh hòm yiniq cleq ìh pèch caqnaih oe ta crông taneh, yiniq aih hanoh pèch caqnaih oe ta diac plinh.” **20** Khoe aih haq ùh lòh mangai tiaq hóc doe ka cabô loq ka rađeh aih Christ. **21** Pang aih, Chuaq Jesus men anoe ka magai tiaq hóc loq kô èh haq ep tọc ta Jêrusalem, ta aih haq ep chiùq bàc kan xalep enh tì kống bài gucra, bài pajàu kàn xam bài mangai hnài ranenh, ta aih èh wì jêh cadac haq ka cachit, trùh hì piq aih èh haq hi rìh hlài. **22** Phiero qnàng Chuaq Jesus lam takên, haq tagài: Ùh dòh Craq au, Boc Plinh ma manaq taleq, bài yiniq aih ùh i trùh ti ìh. **23** Chuaq Jesus wìh hlài rai tapoch ka Phiero: “Wia loh oe enh rù ka au! Satan, ìh qnang broq kan catoeh ka au, tagàu ìh ùh i hèm trùh trong da Boc plinh, mahaq hèm trùh toq trong da kon mangai.” **24** Chuaq Jesus doe ka bài mangai tiaq hóc: “Mangai leq enh tiaq au, ep tamùa rađeh, ep xùì dèh long pagat hu tiaq

au. **25** Majah qmang aih, mangai leq enh dồng dèh kan rìh, kan rìh aih èh hnhung, mangai leq jao au chiùq cadac qmòe rađeh, kan rìh mangai aih èh jah hlài. **26** Mangai leq jah diq dồng crông taneh kô mahaq cadac hnhung dèh mahua yang, aih jah cleq? Haq aih èh yóc cleq hu baxon yóc hlài dèh mahua yang? **27** Majah qmang aih, kô èh Kon mangai oe ta qne kan ranhòm dèh Baq, pajùm ti bài bình plinh dèeq hu loh crông taneh, jò aih èh haq baha am ka tang ngai tiaq tang yiniq wì ma khoe broq. **28** Joq qnàng au doe ka pì: Taqne bài pì ma yòng jang kô, i qnah ngai ùh cachit adroe ka jah hnoq Kon mangai trùh dèh enh diac haq.”

17 Tadràu hì atiq ka aih, Chuaq Jesus aràng Phiero, Jaco xam Jon oh Jaco, tiaq haq tọc ta wang haqnèq. **2** Ta aih haq wìh wia enh ngèa wì aih hadrò haq ka ah tiàh ka mat mahi, eo haq tabóc tiàh ka kan qngah. **3** Jò aih i Môise xam Êli trùh hatuàng ti Chuaq Jesus. **4** Phiero doe ka haq: Chuaq au! tanòe kô joq lem ka bèn oe, tàng troq ka manoh ìh, au broq piq toq hapom tacò, moeq ka ìh, moeq ka Môise, moeq ka Êli. **5** Jò haq oe raq tapoch, i kan yúc tabóc gláp dồng bài wì ma oe ta aih, i bàu tapoch loh enh yúc: “Hacô Kon calò Au, lem manoh Au rìm trong, thê tamàng bàu haq”. **6** Jò bài mangai tiaq hóc, tàng bàu aih, haq cro bla op dồng ta haqneq, wì diq jaq crè. **7** Mahaq Chuaq Jesus lam haten, bèq wì haq rai doe: “Drah yòng beq! Ùh dùh yùq cadèh.” **8** Mangai tiaq hóc qngóc ngan hnoq moeq ngai Chuaq Jesus raq. **9** Jò wì haq loh enh wang, Chuaq Jesus ùh lòh wì haq “Yiniq pì ma khoe hnoq, ùh dùh anoe hlài ka cabô, gòm trùh jò Kon mangai rìh hlài enh cachit”. **10** Mangai tiaq hóc bóch: Qmang aih hagleq bài mangai hnài ranenh doe Êli ep trùh adroe? **11** Chuaq Jesus padreo bàu “Joa, Êli ep trùh dèeq hu palauq hlài rìm trong. **12** Mahaq au doe ka pì: Êli khoe trùh, wì ùh canau ka haq, mahaq wì tabroq ka haq tiaq dèh manoh cla. Kon mangai kô èh hanoh ep pòq kan xalep enh wì aih qmang ka haq aih diq. **13** Mangai tiaq hóc hi tem bàu haq, wì loq aih haq ràu trùh Jon Baptit.” **14** Jò Chuaq Jesus xam mangai tiaq hóc wìh hlài tanòe bàc ngai, i moeq ngai thia haten, hacùn cràng enh ngèa ka Chuaq Jesus. **15** haq aih doe: Waiq Chuaq, ìh tamèt ka kon au diq, majah qmang aih haq loh ka jìq troq, jìq oe i jaq cleq, tacro yôt ta ùnh, cro yôt ta diac. **16**

Au khoe qnàng haq trùh ti bài mangai tiaq hóc ìh, mahaq wì haqnauq ùh jah. **17** Chuaq Jeus padreo bàu: “Bài nang noe ùh i manoh lùì meh, au oe jah oe ti pì trùh pang leq? Au àt ka pì trùh jò leq? Aràng kon mangai qyoh aih tacô.” **18** Khoe aih Chuaq Jesus cwò kan kiac, kiac hi loh enh gùng ka kon mangai qyoh aih, pang aih kon qyoh aih jah brêh. **19** Mangai tiaq hóc thia haten ka Haq òeq hu bòch: Hagleq nhên drùh kiac aih ma ùh jah? **20** Chuaq Jesus padreo bàu: “Jao pì biaq manoh lùì: Au anoe joq qnàng ka pì, tàng joq pì i manoh lùì toq clong cachiq habài, pì thê wang kô: Qnhac enh kô tót pah tau, haq hi qnhac raðeh, èh ùh i yiniq leq pì broq ma ùh jah. (I hset dùnh tam moeq brong) **21** Mahaq kiac qmang kô, tàng pì ùh waiq khàn rai apàm ka acaq, pì drùh haq ùh jah. **22** Jò Chuaq Jesus xam mangai tiaq hóc lam pajang gùng Galili, Haq doe ka wì: “Kon mangai kô èh mùt ta cadop tì wì. **23** Èh wì jêh caðac Haq, mahaq trùh hì piq, Haq hi rìh hlài. Bài mangai tiaq hóc mangò haraya. Chuaq Jesus am thêq **24** Jò khoe trùh ta Cabênaum, bài mangai yóc thêq ka hnem kùh waiq lam bòch Phiero: Mangai hnài da ìh qmat i am thêq ùh? **25** Haq padreo bàu: i. Jò Phiero mùt ta hnim Chuaq Jesus khoe chôngh bòch haq: “Simôn, ìh hèm qmang leq? Bài bùa oe ta crông taneh kô yóc thêq cabô? Yóc da kon cla loq yóc da wì enh gùng? **26** Phiero doe: yóc da wì enh gùng. Chuaq Jesus doe: “Tàng qmang aih bài kon calò haq ùh hiaq ep am thêq. **27** Mahaq, òeq bèn ùh hiaq broq dua qmêq ka wì haq, ìh loh ta diac axai ka, rùp pliang ka ma kap axay adroe, wah hacùng haq, ìh hnoq mòeq hliac bac oe ta dalam. Aràng bac aih hu am thêq ka ba.

18 Jò aih bài mangai tiaq hóc thia haten ka Chuaq Jesus, wì haq bòch: Ta diac plình mangai leq ma yeo haqnêq òeq ka mangai qnoeq? **2** Chuaq Jesus creò ka moeq ngai kon qyoh, òeq haq oe ta qne bài mangai tiaq hóc. **3** Haq hi doe: “Tàng joq pì ùh tablòq hlài, òeq tiah ka kon qyoh kô, aih èh ùh i mangai leq jah mùt diac plình. **4** Qmang aih mangai leq pa haqneq raðeh troeq kon qyoh kô, haq aih èh ma yeo haqnêq tanèd diac plình. **5** Èh hòmh oe enh dalam ka yiniq au mangai leq ma chiùq òeq kon mangai qyoh kô, aih haq òeq au. **6** Mahaq, mangai leq broq ka moeq ngai kon qyoh qmang kô jò haq khoe lùì au cro ta yiniq lui, yóc apau hmo ma kàn taqmac ajang ranòng haq aih, khoe

èh cadram caqnìh ta diac raxiq xan ka ùh hnau hòmh. **7** Hào ka crông taneh kô, majah qmang aih i bàc yiniq broq ka kon mangai catoeh! Hiloq waq ka i kan catoeh, mahaq joq hào ka mangai broq kan catoeh ka wì qnoeq! **8** Tàng joq tì qnì jèngh pì broq ka pì clìh ta yiniq lui, drah pot khwêngh caðac ma hangai ka pì, yac ka tapot jèngh tapot tì mahaq jah mùt tanèd kan rìh halình, ma hnau ka oe tòm baiq jèngh baiq tì mahaq wì hwêngh caqnìh tabau ùnh moeq òeq. (aiōnios g166) **9** Tàng mat pì broq ka pì clìh ta yiniq lui, drah ngwia khwêngh caðac ma hangai ka pì, majah qmang aih yac ka oe moeq apah mat raq mahaq jah mùt ta kan rìh halình, dua ùh hnau ka oe tòm baiq pah mat mahaq clìh ta bau ùnh ta hwinh. (Geenna g1067) **10** Ngan oq! Apa q jù moeq ngai kon qyoh leq oe taqne bài qyoh kô, majah qmang aih au doe ka pì, bìngh plình da wì haq qmat hnoq yót hadrò Baq au, aih Mangai oe ta plình. **12** Pì hèm qmang leq? Tàng mangai leq i moeq hrình toq trùu, yàng i mòeq toq lac hnhung, haq ma ùh òeq òeq hachình jàt hachình toq kon trùu oe ta wang òeq hu lam chaq mòeq toq kon trùu ma khoe hnhung aih qmòh? **13** Joq qnàng au anoe ka pì, tàng joq haq chaq hi hnoq hlài, haq lem bùi ka kon trùu aih ùh hnau ka hachình jàt hachình toq kon trùu ma ùh hiaq hnhung tau. **14** Hadai qmang aih diq, Baq pì oe ta plình hanoh ùh enh òeq ka mòeq ngai kon qyoh leq oe taqne bài kon qyoh kô hnhung caðac. **15** “Tàng joq oh òeq ìh troq loh yiniq ka ìh, tagàiha ka haq jò moeq ngai ìh raq oe ti haq, tàng haq tàng bàu, ìh jah hlài òeq oh òeq. **16** Tàng joq haq ùh tàng, ìh akhen tam moeq baiq ngai lam ti ìh, òeq bàu i baiq piq ngai wiang tamàng, aih èh rìmh trong men loh ka kajap. **17** Tàng joq haq ùh tamàng bàu wì aih, aih ìh hi anoe ka Tagop Hadròeh, tàng joq haq dua ùh tàng bàu Tagop Hadròeh, aih hi ngan haq tiah wì mangai enh gùng tiah ka mangai yóc thêq diq. **18** Joq qnàng, au doe ka pì, waq toq yiniq cleq pì kàt rahnit ta crông taneh kô, ta plình hanoh kàt rahnit. **19** Joq qnàng, au anoe tam ka pì, tàng joq baiq ngai taqne pì hi hatroq manoh ti dabau, yac ka waiq trong leq, Baq au oe ta plình dua am ka wa haq. **20** Majah qmang aih, tanèd leq i baiq piq ngai canòm hiniq au hu àng tagop ti dabau, ta aih au oe taqne wì haq”. **21** Phiero lam haten ka Chuaq Jesus, haq bòch: Chuaq au, tàng joq oh òeq au loh yiniq ka au, aih èh au ep caðac ka haq aih toq leq yàng?

Ajoq ta pèh yàng ùh? **22** Chuaq Jesus padreo bàu: “Au doe ka ìh ùh xài tapèh yàng, mahaq tapèh jàt yàng tapèh”. **23** Qmang aih, diac plình tiah ka bùa tau, enh hatinh dèh bac jèn ka bài mangai hapõng haq **24** Jò bùa bu ngan jàiq, wì qnàng ka haq moeq ngai pòq dèh bùa moeq jàt muàn talàng. **25** Pàng haq aih pi i qmòe cleq hu caqnaih, wì craq thê tech cla haq, cadrì kon haq xam bài dahwèq haq, òeq hu caqnaih dèh. **26** Mangai hapõng aih hi bla op ajang jènh cla craq rai waiq dang: Wì craq, ìh qnhùà ka au da adia, au hu caqnaih dõng da ìh! **27** Cla wì craq tamèt ha-och ta manoh, hi caqnaih haq hlài rai paclaih hloe dèh ka haq. **28** Mahaq jò magai aih loh hlài, glàm moeq ngai bua haq ma hadai abroq qmoeq qmang ti haq, i pòq dèh haq moeq hrinh òniê, haq it ranõng dèh bua aih rai doe: Drah caqnaih da au dèh beq! **29** Bua haq bla op haqneq, rai waiq dang: ìh qnhùà ka au adia, i au caqnaih dõng da ìh. **30** Mahaq haq aih ùh qmòe blinh, dua waq ka rùp clèh òc dèh bua ta hnem tù, trùh jò leq claih dõng ka dèh men waq hêq. **31** Bài bua haq hnoq qmang aih, wì mangò raya, lam taqmon dèh ka wì craq rìm yiniq ma khoe hnoq. **32** Cla wì craq creò ka mangai hapõng aih trùh rai doe: “Ìh qmat joq mangai hapõng ngang dù qnàng, au khoe cadac dõng dèh ka ìh, jao ìh waiq dang au. **33** Ìh ma ùh khòh loq ha-och dèh ka bua ma abroq moeq qmang ti ìh troeq au khoe loq waq ka ìh qmòh?” **34** Cla wì craq nòeh haraya, hataq haq aih ka mangai wèq hnim clèh mangai trùh jò leq haq claih dõng dèh ka dèh. **35** Tàng joq pi ùh òiq ka manoh caqnaih bài yiniq lui ka oh daq, aih èh Baq au oe ta plình hanoh broq ka pi qmang aih òiq.

19 Khoe ka hnài qmang aih, Chuaq Jeus loh enh gùng Galili lam trùh ta gùng Giudê, pah tau ka cròng diac Jôðan. **21** mangai bacc pi cacaq tiaq haq, haq broq brêh dõng ka mangai ma ùh hròc yiniq ta aih. **3** Mangai Pharisi trùh ten òeq hu qnhro haq, wì bòch: Yac ka qmang leq, qmang leq, tiaq trong ranenh, mangai calò akhòh cadac mai ùh? **4** Haq padreo bàu doe: “pi ma qnhòh lah ngan ta hset, jò baxèm Boc Plình broq moeq mangai gualò xam moeq mangai gucadrì, **5** Haq i doe: Aih iq, mangai calò ma jah talah dèh ka miq baq, hu hatop dèh ti mai, wa baiq ngai hi wìa moeq xech qmòh? **6** Pang aih, õng mai pi oe xài baiq hòh, mahaq moeq

chac raq. Qmang aih, kon mangai ùh khòh lah bài mangai Boc Plình ma khoe taqmqroq”. **7** Wì bòch hòh: Tàng joq qmang aih hagleq Môise ma jah thê achih jàiq ta cadac òeq broq bò acang, khoe aih òiq mai haq lam? **8** Chuaq Jesus doe: “Jao pi cadoq manoh Môise majah lòh pi cadac mai, mahaq jò baxèm ùh i qmang aih. **9** Au anoe ka pi, tàng joq mangai leq cadac mai, mahaq ùh xài jao haq tango, òeq hu lam yòc mai qnoeq, mangai aih loh mangai tango, èh hòh, cabò yòc cadrì wì ma cadac, mangai aih khoe i tuiq tango. **10** Mangai tiaq hòc doe: Tàng joq mangai gualò ep broq qmang aih, hêq ùh yòc dõng mai yi hnào hòh. **11** Chuaq Jeus doe: “Ùh xài rìm ngai òiq hlàt wê bàu kò, mahaq òiq toq ka mangai Boc Plình ma khoe thê qmang aih. **12** Majah qmang aih, i qnah ngai ùh yòc mai taiq jò ha-uang haq khoe qmang aih raq, i qnah ngai, ùh yòc mai jao enh tì kòng kon mangai broq, hadai i qnah ngai nhet ka diac plình, majah to broq ka radèh dech. Mangai leq hlàt wê bàu aih wê beq”. **13** Khoe aih wì aràng trùh ka Chuaq Jesus bài kon qyoh, òiq haq roh tì ta chac wì haq rai waiq khàn am ka wì haq, mangai tiaq hòc tagaih ka bài mangai ma aràng. **14** Mahaq Jeus doe: “Òiq kon qyoh jah trùh ti au, apaq tát wì haq, majah qmang aih diac plình aih da mangai leq ma tiah ka bài kon qyoh.” **15** Haq yòc tì bèq bòe kon qyoh, khoe aih haq loh lam. **16** Jò aih, i moeq ngai trùh bòch Chuaq Jeus: Mangai hnài, trong lem leq au ma ep broq òeq hu jah kan rìh mòeq òeq? (aiðnios g166) **17** Chuaq Jesus bòch: “Hagleq ìh ma jah bòch au trùh trong lem? I moeq Ngai raq malem. Tàng joq ìh enh jah kan rìh halinh moeq òeq, ìh ep wèq bài ranenh”. **18** Haq aih bòch: Bài ranenh leq? Chuaq Jesus doe: “Bài ranenh kò: Apa qjêh òc mangai, ùh dùh tango, ùh dùh atùng, ùh dùh wiang tapoch hwang, **19** loq iu loq camaih ka miq baq rai loq ha-och dèh ka mangai haten tiah ka cla ìh”. **20** Mangai radam aih doe: Au khoe wèq òiq dõng bài ranenh kò, oe i ranenh leq hòh? **21** Chuaq Jesus doe: “Tàng joq ìh enh waq ka geo gua, drah hlài tech dõng kùng hang ta hnim òeq hu am ka mangai pa, qmang aih èh ìh hi jah hang lem ta diac plình, khoe aih hi lam tiaq au”. **22** Mahaq jò mangai radam tàng bàu aih, haq loh lam rai mangò haraya, majah qmang aih haq i kùng hang bacc pi cacaq. **23** Chuaq Jesus doe ka mangai tiaq hòc: “Jòq qnàng au doe ka pi, mangai padròng mùt diac plình

joq xa haraya. 24 Au anoe hò m ka pì lỏcđa mùt trom jrùm yi hủu ka mangai padrẻng mùt diac Boc Plẻnh”. 25 Mangai tiaq hỏc tẻng bủu aih, diq jaq hamủi, wủ haq bỏch: Qmang aih mangai leq majah dẻch? 26 Chuaq Jesus ngan bủi mangai tiaq hỏc: “Trong aih kon mangai broq ủh jah mahaq Boc plẻnh broq trong leq dua jah”. 27 Phiero doe: Hỏc, nhẻn khoe cỏđac diq đẻng đẻeq tiaq ủh, aih ẻh nhẻn jah cleq? 28 Chuaq Jesus padreo bủu: “Jỏ qnẻng au anoe ka pì, trủh jỏ rỏm ka yiniq loh ka neo diq đẻng, aih jỏ Kon mangai hangui deh tagẻq ranhỏm cla haq, pủ mangai ma khoe tiaq au hadai jah hangui ta moeq jẻt baiq toq gẻq, đẻeq hu hadrah ka moeq jẻt baiq xinoe Isorali. 29 Mangai leq taiq yiniq au loh qmẻd ka cỏđac dẻh oh daq calỏ, oh daq cadri, xam kon, xam taneh ruẻng, xam hnim, mangai aih ẻh jah hủi yeo bủc ủh hnau ka aih hỏm, ẻh jah kan rỏh halẻnh moeq đẻd. (aiẻnios g166) 30 Mahaq bủc ngai adroe loh ka atiq, bủc ngai atiq loh ka adroe.

20 Majah qmang aih, diac plẻnh tẻh ka wủ craq ta hnim tau, bu padrẻ qngah khoe loh lam, chaq mangai hu mùt abroq dẻh ta wủn plẻ nỏ, 2 Jỏ haq khoe ỏ ka baha mangai patẻh, mẻeq hủ mẻeq đẻniẻ, haq hi thẻ wủ aih mùt dẻh ta wủn. 3 Qnah ta hachẻn jỏ di sroq, haq aih lam hỏm, hnoq bủi mangai qnoeq, oe dech ủh i ka yiniq broq qnang yẻng tanẻd wủ ma padro atech. 4 Haq doe ka wủ aih: Pủ mùt ta wủn plẻ nỏ au beq, au baha pủ ủh hủaq hamoq. 5 Wủ aih hi drah lam. Jỏ qne hủ trủh qnah ta piq jỏ, haq loh lam hỏm, haq hadai broq qmang aih raq. 6 Canau khoe ta padam jỏ haq lam hỏm, hnoq wủ mangai qnoeq hỏm yẻng tanẻd wủ ti padro atech, haq hi bỏch: Hagleq pủ ma jah yẻng ta kỏ xẻq ka hủ ủh dủh broq qmẻd cleq? 7 Wủ aih padreo bủu: Ủh i qmẻd ka cabỏ creo ka nhẻn broq. Haq doe ka wủ aih: Pủ hadai mùt ta wủn au beq. 8 Trủh clam, cla wủ craq wủn nỏ doe ka mangai ma wẻq ngan wủ abroq: Lam creo ka wủ ma abroq hu caqnai da wủ haq kủng, patep enh mangai ma atiq đẻng, ẻh hi trủh mangai ma adroe. 9 Wủ mangai ma abroq pang padam jỏ di xẻq jah yẻc moeq ngai moeq đẻniẻ. 10 ẻh bủi mangai ma abroq enh jỏ baxẻm trủh, hẻm dẻh canau đẻh jah yeo bủc, yẻng ẻh hadai moeq đẻniẻ. 11 Jỏ khoe yẻc kủng baha, wủ aih badrủt mamủc ka cla wủ craq, 12 wủ haq doe: Bủi mangai ma atiq qmat broq moeq

ahyẻc raq, ủh baha ka wủ haq taq atoq qmẻd ka nhẻn kỏ bủi mangai ma abroq lep xẻq ka hủ rai catẻnh tỏq. 13 Mahaq wủ craq aih, anoe ka mẻeq ngai taqne bủi wủ aih: ẻ daq, au tẻnh ka ủh ma i hamoq, ma ủh joq ủh khoe ỏ ka au moeq đẻniẻ raq qmỏh? 14 Hẻ yẻc da ủh kủng kan qmat khoe lam beq, au enh baha ka mangai ma atiq taq atoq qmang ka au khoe baha ủh diq. 15 Kủng hang cla, au ma ủh khỏh broq tiaq dẻh manoh cla qmỏh? Ahủaq hnoq au rỏh lem ka oh daq, mat ủh majah loh ka tajẻnh ủh xủi? 16 Aih, mangai atiq loh ka adoe, mangai adroe loh ka atiq, aih qmang aih. 17 Jỏ Chuaq Jesus tỏc ta Jẻrusalem, haq qnẻng dẻh moeq jẻt baiq ngai tiaq hỏc raq lam tiaq radẻh, ti trong, haq doe ka wủ: 18 “Beq, bẻn tỏc ta Jẻrusalem, Kon mangai kỏ ẻh, wủ jah rủp am ka bủi pajủu kỏn xam bủi mangai hnủi ranẻnh, wủ aih ẻh ma hatẻnh ka dabau hu chaq trong jẻh đac haq. 19 Wủ aih ẻh rủp haq am ka bủi mangai ủh xủi mangai Jủđ, đỏq wủ aih do halẻ, blai, ẻh tiang đẻnh haq ta long pagat, trủh hủ piq, haq hi rỏh hủi”. 20 Khoe aih, i mai da Sẻbẻđẻ xam wa kon haq trủh hatẻn ka Chuaq Jesus, hacủn crẻng enh ngẻa ka Chuaq Jesus đẻeq bỏch haq moeq hủniq. 21 Chuaq Jesus bỏch haq: “Ủh enh bỏch cleq?” Mangai gucadri aih doe: Ủh am wa kon au kỏ mẻeq ngai jah hangui pah qma ka ủh, mẻeq ngai jah hangui pah qngeo ka ủh oe ta diac ủh. 22 Chuaq Jesus doe: “Pủ ủh qủi ka radẻh qnang bỏch cleq, chrỏng au ma ỏq kỏ ẻh pủ ỏq ajah?” Wa aih padreo bủu: Ma ỏq jah. 23 “Jỏ chỏp kỏ ẻh ỏq chrỏng au mahaq hangui pah qma, pah qngeo ka au, aih ủh xủi au am, nẻ aih đẻeq toq ka bủi mangai Baq au khoe palauq adroe”. 24 Moeq jẻt ngai tiaq hỏc tau, tẻng bỏch qmang aih, wủ haq nẻh ka wa oh daq aih. 25 Mahaq Chuaq Jesus creo ka wủ trủh, haq doe: “Pủ loq, bủa bủi diac wủ padit đỏq wủ qnoeq patẻh ka radẻh, bủi cwan kỏn yo dẻh cwiang đẻeq hu oe enh qnhẻq ka wủ. 26 Yẻng pủ kỏ ủh xủi qmang aih, mahaq taqne pủ mangai leq enh broq kỏn, mangai aih ep broq hapỏng pủ, 27 mangai leq enh broq gủu, mangai aih ep broq đẻc pủ. 28 Qmang ka Kon mangai khoe trủh, ủh xủi đẻeq mangai qnoeq patẻh ka radẻh, mahaq đẻeq cla radẻh patẻh ka wủ, rai phủq dẻh kaxẻnh broq manẻh đẻeq hu baxỏn yẻc hủi bủc ngai. 29 Jỏ Chuaq Jesus xam mangai tiaq hỏc loh enh plủi Giẻricỏ, i mẻeq calủh mangai ra rawẻnh ti tiaq haq. 30 I baiq ngai lua mat oe kẻnh trong, tẻng

doe i Chuaq Jesus lam pagat trong aih, wa aih
creo cadêh: Waiq Chuaq, kon xau bùa Đawit,
ha-och ka ma diq! **31** Wì lech ka wa aih, thê wa
hatinh, mahaq wa aih creo yeo dêh hòm: Waiq
Chuaq, kon xau bùa Đawit, ha-och ka ma diq! **32**
Chuaq Jeus hi yòng, creo ka wa aih trùh, haq
bòch wa: “Chôp enh au broq ka chôp cleq?” **33**
Wa aih doe: Ma enh mat ma jah xau hnoq. **34**
Chuaq Jesus ta manoh ha-och ka wa. Haq bèq
mat wa, tajõe qmòe wa jah xau hnoq, èh wa hi
tiaq hloe Haq.

21 Jò Chuaq Jesus xam bài mangai tiaq hõc
khoe ten trùh ta Jérusalem, khoe trùh ta
Bêpha-giê, haq hi tõi ta wang Ôliu, khoe aih
haq thê baiq ngai tiaq hõc. **2** Haq doe: “Chôp
mùt ta plài enh ngêa ka chôp qmat, chôp hi
hnoq moeq toq lùa kan wì khoe kàt xam kon
haq, chôp caqnaih èh dùi aràng ka au tacô. **3**
Tàng i cabô doe cleq, chôp doe ka wì Chuaq
i yiniq waq ka baiq toq lùa kô, aih èh wì hi
caqnaih ka chôp tiaq”. **4** Yiniq kô loh qmang
aih ðoèq xit troeq bàu pajàu khoe anoe: **5** Anoe
ka kon cadrì Siôn, Kô, bùa pì trùh ti pì, Khun
khauc, oe enh cõng lùa Aih lùa kon, kan haq
bac long ech. **6** Mangai tiaq hõc hi loh lam
rai broq tiaq qmang ka bàu haq khoe tanap.
7 Wa dùi lùa kan xam kon haq, yõc dèh eo
hlèch enh cõng lùa, khoe aih dèch Chuaq Jesus
tõi hangui enh qnhèq. **8** Haraya cadac mangai
yõc eo hlèch ti trong lam, mangai qnoeq hòm
goh hamenh long xap ti trong. **9** Diq ka wì ma
lam adroe xam mangai lam atiq hadai creo ka
dêh: Hôsana, Kon bùa Đawit! Khòh manè Haq
mangai ma yõc Yiniq Chuaq ðoèq trùh ti bèn!
Hôsana oe tanòe ma diq jaq haqnhèq. **10** Jò khoe
mùt ta Jérusalem, diq ðõng ka wì tagùng aih
loh ka tagruàng tagrát, wì bòch dabau: Mangai
kô iq cabô? **11** Mangai bacc ta aih padreo bàu:
Kô Chuaq Jesus, Mangai pajàu oe ta Naxaret,
gùng Galili. **12** Chuaq Jeus mùt ta nòe hnem Kùh
waiq, drùh qnoh diq ðõng bài mangai padro ta
aih, hacùp cabõng bài mangai ti halih bac jèn,
caqnùt ðac gèq bài mangai tech trù hangui.
13 Haq doe ka wì: “I bàu khoe achih, hnim au
jah creo hnim waiq khàn, mahaq pì broq hnim
aih loh kòp atùng. **14** Jò aih, bài mangai ùh xau
hnoq, mangai liap, trùh ti haq tanòe hnim kùh
waiq, haq broq brèh ðõng ka wì. **15** Mahaq bài
pajàu kàn, bài mangai hnài ranenh hnoq kan
halac haq khoe broq, èh wì tàng tam bàu kon

qyoh cachech ta hnim kùh waiq: Hôsana Kon
bùa Đawit! Wì plòh nòeh, **16** wì doe ka haq: Ìh
atàng bàu bài kon qyoh anoe cleq ùh? Chuq
Jesus doe: “Au tàng. Pì qnhòq lah ðõc bàu kô ta
hset hadròeh qmòh? Chuaq khoe jah bàu manè
loh enh hacùng kon qyoh xam kon qyoh oe ùq
qmòh?” **17** Khoe èh haq hi cadac wì aih haq
mùt ta plài Bèthani, mang aih haq kùt ta aih. **18**
Sroq èh, jò wìh hlài ta Jérusalem, haq pangot.
19 Hnoq ti trong i moeq xem long põi, haq thiá
ka haten, yàng hnoq toq hla, haq cwò ka long
põi: Gè kô èh pì jò leq oe loh pì hòm! Long põi
croh qmòe jò aih raq. (aion g165) **20** Mangai tiaq
hõc hnoq qmang aih, wì haq hamài, wì bòch:
Hagleq bu moeq hyàc long põi ma khoe croh
qmang qmat? **21** Chuaq Jesus doe: Joq qnàng!
au anoe ka pì, tàng joq pì i manoh lùt ùh hiaq
rangòt, ùh xài pì broq jah toq yiniq khoe broq
ka long põi kô, yac ka pì doe ka bui wang kô:
Dèch caqnih raðeh ta diac raxiq beq, yiniq aih
broq dua jah. **22** Jò waiq khàn, pì yõc manoh lùt
ðoèq waiq khàn, yac ka pì bòch cleq, dua jah
ðõng diq. **23** Jò Chuaq Jesus khoe mùt ta hnim
kùh waiq, haq qnang hnài wì, i bài pajàu kàn
xam bài gucaq mangai Juða trùh bòch haq:
Ìh yõc cwiàng enh leq ma hu broq qmang kô,
cabô khoe am ka ìh cwiàng kô? **24** Chuaq Jesus
padreo bàu: “Au hanoh bòch pì mòeq yiniq,
tàng joq pì têu da au, au hanoh anoe am ka pì
loq au yõc cwiàng enh leq ma broq bài yiniq kô.
25 Baptem da Jon aih loh enh leq? Loh enh diac
plinh loq loh enh kon mangai?” Wì aih hatuàng
ka dabau: Tàng joq bèn doe loh enh plinh, aih
èh haq bòch bèn qmang aih gleq pì ùh lùt? **26**
Tàng bèn doe: Loh enh kon mangai, aih bèn
ùh hùu ka wì phù cròng, majah qmang aih diq
ka phù cròng mangai leq mangai meh diq doe
Jon aih pajàu. **27** Wì doe ka Haq: Nhèn ùh qnì.
Chuaq Jesus doe ka wì: “Au hadai ùh doe ka pì
loq cwiàng enh leq ma broq bòe yiniq kô”. **28** Pì
hèm qmang leq? I moeq ngai tau, haq i baiq
ngai kon calò, haq doe ka mangai kon ramua:
Kon! ìh kô kon lam broq ta wuàn nho oq. **29**
Kon aih doe: ðq baq, mahaq khoe aih haq ùh
waq lam. **30** Khoe aih, mangai baq lam ajang
kon ma hatìa, hanoh doe qmang ka adroe iq
diq. Kon ma kô doe: Au ùh enh lam. Yàng khoe
ka aih haq hèm hlài, haq hi lam. **31** Taqne wa
aih ma leq ma broq tiaq bàu dèh baq?” Wì doe:
Mangai ma atiq. Chuaq Jesus doe ka wì aih: “Jòq
qnàng au anoe ka pì, bài mangai ti yõc thèq

xam bài gucadri ti taqnung tango jah mùt diac Plinh adroe ka pì. 32 Majah qmang aih Jon khoe tiaq trong taq ataq lam trùh ta pì, mahaq pì ùh lùì haq, yàng bài mangai ti yóc thèq xam bài mangai gucadri ma taqnung tango aih khoe lùì haq, èh da pì hò m yac ka khoe hnoq qmang aih, dua ùh waq raxach òeq hu lùì haq. 33 Pì tamàng tam bàu aliah qnoeq hò m. I mòeq ngai pít wuàn nho, haq kàng canàng dudan, enh dalam haq chia moeq toq ralùng hu broq alac, èh haq broq moeq toq hapom haqnheq, khoe aih haq am ka wì muàn pít ta axong, cla haq lam gùng qnoeq. 34 Trùh jò git plì, cla haq thê dèh mangai hapóng trùh ta nòe bài mangai ma abroq ta aih, òeq hu yóc dèh plì. 35 Bài mangai pít nho rùp bài mangai hapóng aih, wì hwat mangai kô, jêh đac mangai meh, yóc hmo đap mangai tau. 36 Cla wì craq, thê hò m bài wì hapóng ma qnoeq, yeo bàc ka yàng adroe, yàng èh hadai wì tabroq ka bài hapóng kô tiàh ka bài hapóng ma adroe diq. 37 Atiq đống, cla wì craq thê dèh kon cla haq trùh ta wì aih, majah qmang aih haq hèm dèh ta manoh: Kon cla au kô, wì aih loq yi camaih. 38 Mahaq, jò bài mangai pít nho hnoq kon aih, wì haq doe ka dabau: Kô raq mangai hu jah waq đống kùng hang, beq bèn jêh đac hloe èh bèn hu blah yóc hloe hang haq. 39 Wì hi rùp mangai kon aih, qnoh enh gùng ka wuàn plì nho, jêh cadac hloe. 40 Qmang aih èh jò cla wì craq trùh haq broq ka bài mangai pít nho kô qmang leq cadèh? 41 Wì padreo bàu: Cla wì craq aih trùh haq jêh palùng đac bài ngang dù aih, èh haq yóc hlài dèh wuàn òeq am ka mangai qnoeq patìh acaq axon, aih la bài mangai waq toq hi trùh jò hi dèch am phàn da cla wì craq. 42 Chuaq Jesus doe: “Pì ma qnhòq đốc ta hset Hadròeh: Hmo bài mangai broq hnem khoe qnìh đac, khoe wìa hmo mù m hnì m. Aih yiniq Boc Plinh broq. Ma ùh joq kan halac enh ngèa bèn qmòh? 43 Aih au ma jah doe ka pì, diac Boc Plinh jah doeh yóc enh pì qmat èh òeq hu am ka mangai qnoeq aih la bài mangai ma loh plì lem am ka diac aih. 44 Cabô ma taclìh enh cởng hmo aih èh, haq hech pòh đống diq, hmo aih cìh enh qnhèq ka cabô, mangai hadai hech loh blo”. 45 Bài mangai hnài ranenh xam mangai Pharisi tàng bàu aih, wì loq Chuaq Jesus tapoch ka wì haq; 46 wì chaq yiniq hu rùp haq, mahaq yùq ka phù cởng, majah qmang aih wì phù cởng khoe doe Chuaq Jesus aih mangai pajàu.

22 Chuaq Jeus aliah tam ka wì aih: 2 “Diac plinh tiàh ka bùa tau, haq broq yiniang taqnèp dèh ka kon. 3 Bùa aih thê dèh bài hapóng lam bahmàng baàmangai ma khoe jah akhen trùh acaq yiniang mahaq wì aih ùh waq trùh. 4 Bùa thê hò m bài hapóng qnoeq lam rai tanap: Doe ka bài mangai ma khoe jah bàu akhen: Au khoe padon yiniang yinàng bô xam jam ramaq au khoe bủh, cleq clài hadai khoe padon òeq, drah trùh hu hangui acaq yiniang. 5 Mahaq wì ùh do tamàng, mangai lam dèh hra trong, mangai kô loh ta ruàng, mangai tau lam padro, 6 mangai qnoeq hò m rùp hapóng bùa aih jêh cadac. 7 Bùa nòeh haraya, thê bài lình jêh đống bài magai dù aih, bủh hloe plài wì haq. 8 Khoe aih, bùa doe dèh ka bôe hapóng: “Yiniang yinàng khoe padon, mahaq bài mangai ma khoe jah akhen aih pì tajì ka acaq. 9 Manòeq, pì loh lam roc halah trong, waq toq hnoq mangai leq, akhen ma diq lam acaq yiniang tacô. 10 Bài mangai hapóng lam jàp rìm trong ta aih, tagop diq mangai wì haq glàm, lem qmèq ùh loe, ta hnì m loh ka bìn bauq mangai hangui acaq yiniang yinàng. 11 Bùa mùt ngan mangai acaq yiniang, ka doe hnoq ta aih i mòeq ngai ùh caxùnh eo yiniang. 12 Bùa doe ka haq aih: ùìh daq, hagleq ìh mùt tacô ma ùh caxùnh eo yiniang taqnèp? Mangai aih hatinh. 13 Bùa thê baàmangai hapóng: Kàt jènh tì haq qmat, khwènh qnoh ta clam tau, tanòe ma toq crò hmoe rai cadrit haneng. 14 Majah qmang aih bàc ngai jah creo mahaq toq biaq ngai raq ma jah ràih. 15 Khoe aih, mangai Pharisi loh enh gùng hatuàng ka dabau chaq trong hu bahlac Chuaq Jesus trong bàu tapoch. 16 Wì haq thê dèh mangai tiaq hóc taqmùt ti bôe bua da bùa Hêrôt lam bôch Chuaq Jesus: Mangai hnài, nhèn loq ìh kô joq qnàng, tiaq kan taq ataq ìh hnài trong Boc Plinh, ùh wiang enh cabô, majah qmang aih ìh ùh ngan da wì toq enh gùng. 17 Doe ka nhèn loq ìh hèm qmang leq: Am thèq ka Sêsa aih troq loq ùh? 18 Chuaq Jesus loq manoh wì haq qmèq, haq doe: “Wùìh bài mangai toq ti patìah meh, hagleq pì ma bahlac dèh ka au? 19 Am au ngan hliac pì ma òeq am thèq. Wì aih am ka haq mòeq đoniê. 20 Haq bôch: “Kô ìq qmù cabô, achìh kô achìh cabô. 21 Wì doe: Sêsa. Khoe aih Haq doe ka wì: “Padreo da Sêsa yiiniq cleq da Sêsa, padreo da Boc Plinh yiniq cleq da Boc Plinh. 22 Jò khoe tàng bàu aih, wì hi loh ka lui ta manoh. Èh wì hi lam. 23 Hanoh ìh aih, mangai

sadusê, aih bài ma mangai doe ùh i ka kan rih hlài, lam haten ka Chuaq Jesus, wì bôch: **24** Mangai hnài ôi, Môise i anoe: Tàng joq mangai leq cachit mahaq ùh i ha kon, oh haq aih ep yôc cadrì dèh daq ma khoe hadrô aih. **25** Qmang aih nhèn i ta pèh ngai oh daq. Mangai daq ramua cachit, mahaq qnhòq i kon, mai haq òòeq hlài dèh ka oh. **26** Èh mangai daq ma hatia, mangai daq ma atiq trùh mangai ma atiq đồng hanoh qmang aih diq. **27** Pu lùch, mangai gucadrì aih hanoh cachit. **28** Aih èh trùh jò rih hlài, taqne wì tapèh ngai aih, mangai gucadrì aih èh broq mai cabô? Majah qmang aih diq đồng wì haq khoe yôc mangai cadrì aih broq mai. **29** Chuaq Jesus doe: “Pì hèm ùh troq, majah qmang aih pì ùh qnì ka hset Hadròeh, èh hadai ùh qnì cwiang itai Boc Plinh qmang leq. **30** Majah qmang aih, trùh jò rih hlài, kon mangai ùh yôc mai, ùh yôc ông, mahaq bài mangai rih hlài tiah ka bình plinh oe ta plinh. **31** Pì ma qnhòq ngan bầu Boc Plinh anoe trùh kan rih hlài da mangai cachit: **32** “Au kô Boc Plinh da Apraham, Boc Plinh da Ysac, Boc Plinh da Jacôp qmòh? Boc Plinh ùh xài Boc Plinh da bài mangai cachit, mahaq Boc Plinh da bài mangai rih. **33** Tàng qmang aih, wì hamàih ka bầu Haq hnài. **34** Mangai Pharisi tàng doe Chuaq Jesus khoe broq ka bài mangai Sadusê pì jah hah hacùng, wì haq tagop dabau. **35** Taqne wì aih i mòeq ngai hnài ranenh bôch Chuaq Jesus bầu kô òòeq hu qnhro ngan haq: **36** Mangai hnài ôi, oe ta hset ranenh, ranenh leq ma yeo kàn diq đồng? **37** Chuaq Jesus padreo bàu: “Ìh ep diq ka cliac, diq ka mahua yang, diq ka manoh loq waq ka Boc Plinh. **38** Aih ranenh angoe ma yeo kàn đồng ka maqnoeq. **39** Ranenh ma atiq kô hadai qmang aih: ìh ep loq waq ka mangai haten hatia ka ìh tiah ka cla. **40** Diq đồng ka ranenh xam bầu pajàu diq loh enh baiq ranenh aih. Christ kon xau Davit **41** Jò bài mangai Pharisi oe moeq qmang ti dabau, Chuaq Jesus bôch wì haq: **42** “Ràu trùh Christ, pì hèm qmang leq? Haq aih kon cabô?” wì doe: Kon bùa Đawit. **43** Haq padreo bàu ka wì aih: “Tàng qmang aih gleq bùa Đawit canòm ka Yeang Hadròeh, haq ma creo ka Christ aih Chuaq au, haq doe: **44** Chuaq doe ka Chuaq au, Hangui enh pah qma au, Trùh jò au roh bài mangai ma tablêq ka ìh enh qneq ka jènh ìh? **45** Tàng joq jò aih Đawit khoe creo ka Haq aih: Chuaq au, aih haq broq kon bùa aih qmang leq?” **46** Pì i cabô

oe jah têu mòeq nà bàu, èh hanoh pang aih, pì i cabô oe hùa bôch haq cleq hòm.

23 Khoe aih Chuaq Jesus anoe ka bài mangai ta aih hloe xam ka mangai tiaq hóc: **2** “Bàì ngai hnài ranenh xam mangai Pharisi diq hangui tagèq Môise. **3** Qmang aih pì ep broq tiaq rai wèq rìm trong wì haq khoe hnài pì, mahaq apaq top dua wì haq, majah qmang aih wì haq ùh broq tiaq dèh bầu òòeh ma hnài. **4** Wì aih yôc kan trap, kan tawac, taqmac ta plêh wì qnoeq, mahaq cla ùh wiang poh moeq hadrang tì ta aih. **5** Rìm yiniq wì haq broq aih òòeq toq ka mangai qnoeq hnoq, balet akia da wì haq wê waq ka yeo kàn, cadrì eo waq ka yôh, **6** tanòe acaq ôq wì haq enh toq hangui nòe ma rahù, ta hnìm tagop wì haq enh toq haqngui nòe yeo haqnhèq đồng, **7** enh toq mangai qnoeq kùp gàu ka raðeh taqne chòq, enh ka mangai qnoeq creo ka raðeh Rabi! **8** Mahaq pì apaq òòq wì qnoeq creo ka raðeh Rabi, majah qmang aih diq ka pì i mòeq Mangai hnài raq, diq đồng ka pì qmat aih oh daq dabau. **9** Hadai qmang aih, oe ta crông taneh kô apaq creo ka cabô aih baq raðeh, majah qmang aih pì i moeq ngai Baq raq, haq aih ta Plinh. **10** Hadai paq òòeq cabô creo ka pì mangai hnài, majah qmang aih diq ka pì i moeq Mangai hnài raq, aih Christ. **11** Mahaq taqne pì mangai yeo kàn đồng, haq aih èh jah broq hapông bài pì. **12** Mangai leq padèch raðeh ka haqnhèq, haq aih èh jah caqnhì qnoh haqneq, hadai qmang aih, mangai leq hamon raðeh ka haqneq haq aih èh jah padèch ka haqnhèq. **13** Habo ka pì, bài mangai hnài ranenh xam mangai Pharisi, bài mangai patiah toq enh gùng! Majah qmang aih pì clenq qmang diac plinh enh ngèa wì qnoeq, pì qnhòq lah mùt ta aih mahaq tàng i mangai leq enh nùt aih pì tât òòeq. **15** Habo ka pì, bài mangai hnài ranenh xam mangai Pharisi, bài mangai patiah toq enh gùng! Pì lam jàp tadiac jàp tago òòeq adràc mangai tiaq trong da pì, jò adràc khoe jah pì broq ka wì aih wìa mangai ta hwinh yi hnau cla pì baiq yàng. (Geenna g1067) **16** Habo ka pì! Bài mangai ùh xau broq mangai qnung trong, pì doe: Tàng i cabô patô hnìm kùh waiq òòeq hu hapah, aih ùh troq cleq, mahaq tàng patô wang oe ta hnìm kùh waiq òòeq hu hapah, aih èh ep hlac dèh ka bầu hapah aih. **17** Wùih! Mangai rai blùng rai lua meh, wang xam hnìm kùh waiq ma broq ka wang aih jah hadròeh, maleq ma yeo

kàn. **18** Pì anoe rameh hòh: Tàng mangai leq patô prang oe tahnim kùh waiq òeq hu hapah, aih ùh troq cleq, mahaq tàng patô ramènh tadreo oe ta prang òeq hu hapah, haq aih èh khoe hlac dèh ka bàu. **19** Wùih! mangai lua tau, ramènh tadreo, èh prang mabroq ka ramènh aih jah hadròeh, wa aih maleq ma yeo kàn? **20** Qmang aih mangai leq patô prang ta hnim kùh waiq òeq hu hapah, aih haq patô xam prang xam ramènh oe ta prang aih, **21** mangai leq patô hnim kùh waiq òeq hu hapah, aih haq patô xam hnim xam Mangai oe ta hnim kùh waiq aih, **22** mangai maleq hòh ma patô plình òeq hu hapah, aih haq patô gèq Boc Plình xam Haq ma hangui tagèq aih. **23** Kan hàbo ka pì, bài mangai hnài ranenh xam mangai Pharisi, bài mangai patiah toq enh gùng! Majah qmang aih pì dèch ka Boc Plình moeq phàn moeq jàt cachiq bōc ha, cachiq xua thùm, cachiq thila, mahaq trong ma yeo haqnèq òeq dōng ta ranenh aih pì cadac, aih la kan taq toq, kan loq waq xam manoh ùh tablòq, aih bài yiniq pì ep broq, mahaq hadai ùh jah cadac bài yiniq tau. **24** Wùih! bài mangai ùh xau broq mangai qnung trong, pì doeh ðac pliang roe qyoh mahaq lonh yōc kan o lōcđa kaiq! **25** Hàbo ka pì! bài mangai hnài ranenh xam mangai Pharisi, bài mangai patiah toq enh gùng! Majah qmang aih, òt doe pì haliang toq enh gùng, yàng enh dalam bình bauq toq kan atùng kan plai. **26** Wùih bài mangai Pharisi lua mat tau, baxèm aih xài haliang enh dalam adroe, khoe aih enh gùng òeq òeq haq hanoh jah hreo. **27** Hàbo ka pì, bài mangai rabiaq trong ranenh xam mangai Pharisi bài mangai patiah toq enh gùng! Majah qmang aih pì tiah ka ralùng hanang, palàng taboc toq enh gùng waq ka lem, mahaq enh dalam bình toq caxènh hanang xam bài kan trùq traq. **28** Pì hanoh qmang aih òeq, enh gùng aih loh mangai taq atōq, mahaq enh dalam bình toq kan loq patiah xam yiniq lui. **29** Hàbo ka pì! bài mangai hnài ranenh xam mangai Pharisi, bài mangai patiah toq enh gùng! Pì xùh hanang mangai pajàu, palàng hanang mangai taq atōq, **30** rai doe: Tàng joq bèn hadai rìh mōeq qnhòng ti wì kan cadraq nèh, bèn ùh taqmùt ka wì haq òeq hu broq ta-ùc mahim mangai pajàu. **31** Qmang aih cla pì panhìn raðeh kō joq qnàng caxì noe bài mangai khoe jèuh ðac bài mangai pajau. **32** Qmang aih drah broq beq òeq haq bình òeq ka maneh kan cadraq ma khoe patep.

33 Wùih bài bih, bài xi noe bih plōng tau, broq qmang leq pì ma claih ka kan hadrah ta hwinh. (Geenna g1067) **34** Dài aih raq, au ma jah khoe thê bài mangai pajàu, bài mangai rabiaq loq, xam mangai hnài ranenh trùh ti pì, taqne wì aih, i ngai pì jêh cadac, tiang ðinh wì haq talong pagat, i ngai pì blai wì haq tanòe hnim tagop qyoh, pì hadai ti hnan rùp wì aih enh gùng kō trùh gùng tau, **35** waq ka òeq dōng ka mahim ùh i ðeh ka yiniq lui cleq dahròq jàp ta taneh, ta-ùc hlài ta pì, enh mahim Abèn mangai taq atōq trùh mahim Xachari, kon da Barachi, mangai pì ma khoe jêh cadac ta adreo hnim kùh waiq xam prang tadreo. **36** Joq qnàng au doe ka pì, òeq dōng bài yiniq aih èh jah trùh ti caxì noe kō. **37** Jêrusalem, Jêrusalem, ìh jêh ðac wì mangai pajàu rai yōc hmo tèm bài mangai au ma khoe thê wì trùh ta pì, khoe bàc yàng au enh tagop bài kon ìh tiah ka ia kan creò deh kon trùh hu àm ta caqnàm pananh, mahaq pì ùh waq. **38** Kō èh, hnim pì cadac klui dōng! **39** Majah qmang aih, au doe ka pì, kō èh pì pì hnoq au hòh, trùh jò leq pì ma hi doe: Xôq ramot ka Mangai trùh enh dalam ka yiniq Chuaq!

24 Chuaq Jesus loh enh hnim kùh waiq, jò qnang lam ti trong, mangai tiaq hōc trùh haten ka haq òeq patô ka haq hnoq kan ranhòm ta hnim kùh waiq. **2** Chuaq Jesus bōch wì aih: “Pì i hnoq òeq dōng rìm yiniq taqmat ùh? Joq qnàng au doe ka pì, kō èh pì i moeq pliang hmu leq oe jah taraxon enh crōng hmo leq hòh, òeq ep cìh dōng taqneq. **3** Jò Chuaq Jesus hangui ta bui wang ôliu, mangai tiaq hōc thia crài ti haq, wì doe: ìh anoe ka nhèn loq òeq, bài bìac aih jò leq ma trùh? Qnah hòh i kan halac cleq mahnu jò ìh trùh, xam hì crōng taneh kō ma hu lùch. (aiōn g165) **4** Chuaq Jesus padreò bàu: “Ngan oq, paq òeq cabò padô pì. **5** Majah qmang aih bàc ngai patiah ka yiniq au òeq trùh doe: Au kō rai Christ, rai ti aluàn bàc ngai. **6** Èh pì tàng anoe trùh kan tajêh tablah, xam bàu tajêh tablah: drah wèq raðeh, apaq lèt, majah qmang aih bài yiniq aih ep trùh, mahaq kan atiq lùch qnhòq trùh. **7** Nang noe kō yòng tablêq ka nang noe tau, diac kō tablêq ka diac tau, bàc nòe i kan pangot hrah xam taneh ralàng. **8** Mahaq bòe yiniq aih bu qnang baxèm kan hàbo. **9** Jò aih èh wì rùp tah pì ta kan nanxa hu jêh ðac, rìm diac git ka pì ajang yiniq au. **10** Jò aih èh i bàc ngai cadac manoh

lùi rai blòq dabau rai git ka dabau. **11** Bacc bôe mangai pajàu patiah plòh loh rai padô qnùt bacc ngai. **12** Nah hòm taiq kan dù rai èh rai bacc dài manoh loq waq da bacc ngai majah hi loh ka rai èh rai hangeo. **13** Mahaq mangai leq cajap manoh trùh lùch trùh gèh, aih èh ma jah dèch. **14** Bàu lem da diac Boc plình kô èh jah hnài jàp tna crông taneh, ðòeq panhìn ka rìm diac. Jò aih èh kan lùch hi trùh **15** Jò pì hnoq kan amùa broq ka raliang nòe hadròeh, pajàu Ðaniên khoe anoe trùh (cabô ðóc khòh hmàng), **16** jò aih mangai leq oe gùng Jiudê drah amot tót ta wang, **17** cabô oe ta kùa po hnìm, ùh dùh loh qnhon kùng hang ta hnìm, **18** mangai leq oe ta ruàng, apaq wìh hlài ta hnìm hu yóc eo. **19** Jò aih, joq hamoq qnàng ka mangai gucadrì wê cliac xam mangai cadrì kon oe ùq! **20** Drah waiq khàn dôq pì ùh hìaq ep cadàu glàm jò ralìm, ùh hìaq glàm hì Sabat, **21** Majah qmang aih i kan nan no kàn, jaq enh jò baxèm i crông taneh trùh hloe mandeq qnhòq hmaq i qmang aih, yac ka atiq kô èh dua pì i qmang aih. **22** Tàng joq bài hì aih ùh qnhùa hlài qnah, ùh i moeq ngai leq oe rìh, mahaq taiq i pì bài mangai ma khoe jah rài, bài hì aih ma khoe jah pot hlài qnah. **23** Jò aih, tàng joq i cabô doe ka pì: Ngan! hacô raq Christ, tàng ùh meh doe: Hatau haq, apaq lùi bài aih. **24** Majah qmang aih bacc Christ patiah, pajàu patiah trùh, broq bacc kan halac, tàng majah wì aih trùh hu padô hloe pì aih mangai ma khoe jah rài. **25** Ngan oq, au khoe chôn, doe ka pì adroe. **26** Tàng i mangai leq doe ka pì: Hatau! Haq oe tanòe go hawit, pì apaq lam, tàng ùh meh wì doe: Hacô! haq oe trom hnem. ùh dùh lùi dèh. **27** Majah qmang aih tiah ka kan camlet cadàh enh gùng mahì loh cadàu trùh apah mat mahì clih, Kon mangai trùh hadai qmang aih. **28** Taleq i hanang jam om cachit, bài cliang apùq dabau ta aih. **29** Kan nanxa ta hì aih bu khoe, mat ma hì tajòe qmòe loh ka clam, mat khê hadai pì qngah, bài halong tacli hì enh plình, èh bài cleq clài ma oe ta plình hanoh dalac. **30** Jò aih èh ta tróc i kan bahian Kon Mangai loh, ðiq ka mangai oe ta crông taneh crò hmoe, jò wì haq hnoq Kon Mangai hangui tayúc, yóc ðiq ka cwàng itai xam kan ranhòm kàn, ðòeq loh ta qneq. **31** Haq thê deh bình plình yóc bàu ken dèh ðòeq hu tagop bài mangai haq ma khoe rài loh enh pôn qngèa, enh caqnàm plình kô trùh caqnàm plình tau. **32** Mandeq, pì tamàng bàu aliah trùh long póc,

jò hamen nga bu plòh ramot, aih pì loq jò padrang khoe ten trùh. **33** Hadai qmang aih ðiq, jò pì hnoq bài yiniq kô, pì loq Kon mangai trùh khoe haten. Haq qnang yòng ajang trong qmang. **34** Joq qnàng au doe ka pì: nang noe kô èh ùh lùch, jò bài yiniq tau qnhòq trùh. **35** Plình crông taneh kô èh hnhung, mahaq bàu au anoe ùh jò leq hnhung. **36** Mahaq anoe trùh hì aih, jò aih, ùh i cabô loq, yac ka bình plình oe ta plình, yac ka Kon hanoh ùh qnì, toq cla Baq raq ma loq dèh. **37** Qnhòng Nôe nêh qmang leq, jò Kon mangai hi trùh hanoh qmang aih. **38** Majah qmang aih adroe ka diac kàn, wì acaq, wì ôq, wì atóc ống mai, trùh hì Nôe mùt taboang, **39** wì haq ùh lòm qnì qmòe yiniq cleq hu lap trùh kô èh, trùh jò diac kàn trùh glua ðiq ðong, jò Kon mangai trùh hanoh qmang aih ðiq. **40** Hì aih, baiq ngai oe ta ruàng, moeq ngai jah dèch, moeq ngai ðòeq hlài; **41** baiq ngai gucadrì, qnang pèh qmau, moeq ngai jah dèch, moeq ngai ðòeq hlài. **42** Qmang aih, pì ep hamang oq. **43** Thê pì loq qmang kô, tàng joq cla wì craq ta hnem khoe loq jò leq i mangai atùng trùh, aih ajoq haq hamang ðòeq dôq mangai atùng ùh jah mùt dèh ta hnìm. **44** Pì hadai ep hamang ðòeq qmang aih ðiq, majah qmang aih Kon mangai trùh wop jò pì ùh ngèh ka haq trùh. **45** Mangai hapông leq ma ùh ta blòq manoh rai khun rabiaq, wì craq ma khoe dèch haq broq mangai wèq hapông qnoeq, ðòeq hu am ka wì aih dahwèq acaq troq jò. **46** Xôq ramot am ka haq aih, jò cla wì craq trùh hnoq haq broq qmang aih! **47** Joq qnàng au doe ka pì, haq aih èh wì craq dèch haq broq mangai wèq ðiq ðong kùng hang ta hnìm. **48** Mahaq, tàng mangai hapông qmèq, haq hèm dèh ta cliac: Jò leq wì craq men trùh, **49** aih èh haq hì jêh bài mangai hadai abroq moeq qmang ti haq, rai acaq ôq, taqmùt ti bài mangai bù ka alac. **50** Cla wì craq haq trùh troq hì haq ma ùh ùac, wop jò haq ùh hèm. **51** Cla wì craq jêh haq aih dahit dahoch rai alùh ðòeq haq oe moeq qmang ti bài mangai patiah toq enh gùng, tanòe aih i toq kan crò hmoe rai cadrìt hanen.”

25 Jò aih èh diac plình tiah ka moeq jàt ngai adrùh sriu, wê ðen lam ðih cla kon ống. **2** Ta aih i padam ngai blùng, padam ngai rabiaq. **3** Da bài mangai blùng wê toq ðen mahaq ùh waq wê dầu. **4** Da bài mangai rabiaq, wê ðen rai wê dầu ta cabi. **5** Yàng kon ống xòe trùh, wì haq

loh đồng ka gù kùì pi hmàng. 6 Trùh qne mang i bầu creo: Kô cla kon òng! Loh ãi hq beq. 7 Khoe aih ãi q đồng bài guadrùh cadrat enh kùì rai palauq ãeh ãen. 8 Bài mangai blùng doe ka mangai rabiaq: lah ka nhèn ãau pì ãaq toq biaq ãi q, ãen nhèn khoe ten pat. 9 Òh! wì aih padreo bầu, aih ãh ma oe tàu ka nhèn xam ka pì. Xan pì cãâu lam tanòe wì ma atech, hu rot ònh ãau ka cla pì, ma aih ùh hnau hòh. 10 Mahaq jò wì hq qnang lam rot ãau, cla kon òng khoe trùh. Bài mangai guadrùh ma khoe gòm qmòe jang aih, jah mùt ti hq tanòe acaq yiniang, ãh wì hi clen h qmang. 11 Khoe ka aih ãùnh wì tau hi trùh ãi q, wì hq creo: Wì cra q, wì cra q, pèh ka nhèn qmang ãi q. 12 Mahaq hq padreo bầu: “Au doe jang ka pì, au ùh qnì ka pì.” 13 Aih ãh pì ep hamang ãòeq, majah qmang aih pì ùh lo q ka hì, hadai ùh qnì ka jò. 14 Qmang kô hòh, ãiac plìn h tiah ka mangai padon lam hangai, hq creo ãeh bài hapòng trùh hu jao ãeh kùng hang ka wì aih. 15 Mangai kô hq am padam talàng, mangai tau hq am bai q talàng, mangai qnoeq hòh hq am moeq talàng, tia q cabô leq hlàt ãeh pang leq. Khoe aih hq hi lam. 16 Mangai ma khoe jah padam talàng, ãrah lam abro q jah tam padam talàng. 17 Hadai qmang aih, mangai ma jah bai q talàng abro q jah tam bai q talàng hòh. 18 Mahaq ãa mangai ma jah moeq talàng aih loh lam, chia moeq toq trom jrù q ta taneh hu catùh ãòeq hang wì cra q. 19 Ati q ka aih jo q ãùnh cla cra q wì aih wì hlài creo ka wì hq trùh ãòeq hangui hatình trong bac jèn h. 20 Mangai ma khoe jah padam talàng hi trùh, hq wè tam padam talàng qnoeq hòh rai doe: Wì cra q, ìh khoe am ka au padam talàng, hacô au khoe bro q jah tam padam talàng qnoeq hòh. 21 Cla wì cra q doe ka hq: Wia! Mangai hapòng jang lem ãi q ka manoh, ìh khoe ùh tablò q manoh ka au enh trong qyoh, au ãeh ìh bro q mangai wè q yeo bàc hòh. Trùh ta kô ãòeq beq jah lem bù ti cla cra q ìh. 22 Mangai ma khoe jah bai q talàng hanoh trùh. Hq doe: Wì cra q ìh khoe am ka au bai q talàng, ngan kô au khoe jah tam bai q talàng hòh. 23 Cla wì cra q padreo bầu ka hq: Wia! mangai hapòng jang lem ùh talò q manoh, ìh khoe ãi q manoh ka au enh trong qyoh, au ãeh ìh bro q mangai wè q yeo bàc hòh. Trùh ta kô ãòeq jah lem bù ti cla cra q ìh. 24 Khoe aih mangai ma khoe jah moeq talàng trùh ãi q, hq doe: Wì cra q, au lo q ìh kô mangai ùh jah blià, gat tanòe ìh ùh rai, tagop

toch nòe ìh ùh ca qnìh; 25 aih ì q ãài au yù q cre majah lam cadòc ka hlèp talàng ìh ta taneh. Ngan hacô hang ìh oe ra q ãa ìh. 26 Cla cra q hq padreo bầu “Ìh qmat, mangai hapòng ùh wia wa q rai aroh! ìh khoe lo q au gat tanòe au ùh rai, tagop toch tanòe au ùh ì ca qnìh? 27 lo q qmang aih, xài ìh yòc hang qmat aràng tanòe wì padro bac, qmang aih jò au wìh hlài xài au jah yòc hlài xam xem xam goe hq. 28 Hè q, yòc hlài talàng enh hq qmat am ka mangai ma khoe jah moeq jàt talàng tau. 29 Majah qmang aih, am tam ka mangai leq ma khoe ì, ãò q hq jah bìn h bau q tàu tia hloe. Mangai ma ùh ì, qnhac ka hq ì to q xit cle q ãua ãòeh yòc hlài yini q hq ma khoe jah. 30 Khoe aih mangai hapòng ma ùh wia wa q aih khwènh qnìh ãac hloe tanòe clam clui q, nòe ì to q kan crò hmoe rai cadrit hanen h.” Bubi wa trùu 31 Jò Kon Mangai ma hi trùh enh plìn h, ta qne kan ranhòm cla hq xam ãi q ka bài bìn h plìn lam tia q hq, jò aih hq hangui ãeh tagè q ranhòm cla. 32 ãi q ãòeq ka mangai tagop ãi q enh ngèa ka hq, ãh hq hi lah mangai kô loh khoe ka mangai tau tiah ka mangai ban trùu lah trùu loh khoe ka bubi. 33 Hq ãòeq trùu oe pah qma, ãh bubi hq ãòeq pah qngeo ra ãeh. 34 Khoe ka aih Bùa hi doe ka mangai oe enh pah qma hq: “Trùh tacô, pì mangai ma khoe jah Ba q au am xò q ramot, ãòeq hu yòc ãiac plìn h khoe padon ãòeq ka pì enh jò baxèm bro q plìn h cròng taneh. 35 Majah qmang aih, jò au pangot pì khoe am ka au aca q, au croh ranòng, pì khoe am ka au ô q, Au mangai tamoe ùh canau, pì khoe ãi h au mùt ãi h tnhem. 36 Au chac ãeh, pì khoe taqmàn au, au ùh hròc yini q, pì wè q au, wì clèh au pì trùh hmài h ka au. 37 Jò aih bài mangai ta q ato q hi padreo bầu ka hq: Chua q nhèn, nhèn lah hno q ìh pangot jò leq ma am ìh aca q? Nhèn lah hno q ìh croh ranòng jò leq ma ì am ìh ô q ãiac? 38 Nhèn lah hno q ìh bro q tamoe jò leq ma hu ãi h, ùh meh oe chac ãeh jò leq ma hu taqmàn. 39 Nhèn lah hno q ìh ùh hròc jò leq, lah hno q wì clèh ìh jò leq ma ì lam hmài h ka ìh? 40 Bùa hi padreo bầu: “Jo q qnàng, Au doe ka pì, yini q cle q pì khoe bro q am ka mangai leq ma yi hamo q ãòeq oe ta qne wì oh ãaq au, aih pì khoe bro q ka au.” 41 Khoe aih, hq doe ka wì ma oe enh pah qngeo hq: “Wia ma khoe ka au, pì qmat bài mangai jiang ka ramòt, lam mùt tanòe ùnh ùh pat khoe palau q ãòeq ka kiac ãù xam bua ãa hq. (aiōnios g166) 42 Majah qmang aih au pangot, pì ùh ãùh ka am au aca q qmòe

cleq, au croh ranõng pì ùh dùh am qmòe ka au
cleq hu ôq, **43** Au tamoe hangai, pì ùh ãih au
mùt ta hnìm pì, Au chac dech, pì ùh taqmàn
au cleq, au rai ùh hrõc rai oe ta hnìm tù, pì ùh
wiang wèq au.” **44** Ñìq ka wì wiang padreo bàu:
Chuaq nhèn, nhèn lah hnoq ìh pangot, croh
ranõng, ìh tamoe jò leq, ìh chac dech jò leq, yac
ka ìh oe ta hnìm tù jò leq ma ùh patìh ka ìh? **45**
Bùa padreo bàu: “Jòq qnàng au doe ka pì, yiniq
cleq pì ma ùh broq am ka mòeq mangai ma yì
hamoq ãõng oe taqne wì kô, aih pì ùh broq ka
au.” **46** Khoe èh, wì aih mùt tanðe baxa mòeq
ðõe, mahaq bài mangai taq atoq mùt tanðe kan
rìh halinh mòeq ðõe. (aiñnios g166)

26 Jò Chuaq Jesus khoe hêq ka hnài trong kô,
haq doe ðeh ka bài mangai tiaq hõc: **2** “Pì
loq oe baiq hì hòh hi trùh ramènñ Pan cwa,
Kon Mangai kô èh wì rùp, wì tiang ðinh haq
talong pagat.” **3** Jò aih bài pajàu xam bài gucraq
mangai Jùða, tagop dabau oe ta hnìm pajàu
kàn, yiniq haq Caiphe, **4** wì aih hatinh ka dabau
rùp Chuaq Jesus qmang leq ma hlèp ðòeq jêh
ðac. **5** Mahaq jò ramènñ aih ùh dùh yùq ka phù
croh ãõng tagruàng tagràt. **6** Jò Chuaq Jesus oe
ta Bèthani, ta hnìm Simôn mangai bacùn, **7** I
mòeq ngai gucadrì wê mòeq toq abòq ngõc, enh
dalam tah bình dầu xua thùm canaq bac, haq
thia haten yõc dầu aih pùc ta gàu Chuaq Jesus
jò haq qnang haqngui acaq. **8** Bài mangai tiaq
hõc hnoq qmang aih, wì nòeh haraya, wì doe:
Hagleq ma loq racaih hrìn? **9** Dầu kô tech xài
jah bàc bac, yõc bac aih ajoq jah am ka mangai
pa. **10** Chuaq Jeus loq qmang aih, haq doe ka wì:
“Hagleq pì ma tapoch ka mangai gucadrì kô?
Haq khoe broq mòeq yiniq ñìq jaq lem ka au. **11**
Jò leq ma ùh i ka manga pa oe ti pì, mahaq ma
xài jò leq pì xôq i au oe ti pì. **12** Jò haq pùc dầu
kô ta chac au, aih haq khoe padon hu lòm chac
au. **13** Jòq qnàng au doe ka pì, Bàu lem kô jah
anoè trùh pang leq ta cõrõng tanèh kô, yiniq haq
ma khoe broq ka au hì kô hadai jah anoè trùh
ðòeq hu hmàng trùh haq.” **14** Taqne moeq jàt
baiq ngai tiaq hõc, i mòeq ngai yiniq haq Jùða
Icariôt, lam tanðe bài pajàu kàn **15** Haq bòch wì:
Pì am ka au toq leq, tàng joq au rùp haq am
ka pì? Aih wì hì am ka haq pì jàt catah bac. **16**
Pang aih, Jùða toq rap chaq jò hu rùp Chuaq
Jesus am ka wì. **17** Hì baxèm ramènñ acaq bènñ
ùh tah blo, bì mangai tiaq hõc thia haten ka
Chuaq Jesus, wì bòch: ìh enh nhèn padon ka ìh

acaq ramènñ Pancwa taleq? **18** Haq padreo bàu:
“Pì mùt ta plài, glàm mòeq ngai, pì doe ka haq,
Mangai hnài nhèn doe: Jò ða au khoe ten trùh,
au xam bài mangai tiaq hõc au acaq ramènñ
Pancwa ta hnìm ìh.” **19** Mangai tiaq hõc broq
qmang ka bàu Chuaq ma khoe thê, aih wì haq
hi padon ramènñ Pancwa. **20** Jò trõc khoe clam,
Chuaq Jesus angèn nòe cabõrõng ti wì Moeq jàt
baiq ngai. **21** Jò wì qnang acaq, haq doe: “Jòq
qnàng! Au doe ka pì, i moeq ngai taqne pì kô èh
blòq au.” **22** Ñìq ãõng wì ta aih loh ka mangò,
khoe ka maleq trùh maleq bòch haq: Chuaq au!
ùh xài ìh doe au, ajoq? **23** Chuaq Jesus padreo
bàu: “Mangai ma poh tì ta chrõng kô ti au, aih
raq mangai ma hu blòq au.” **24** Kon Mangai loh
lam tìah ka bàu ma khoe achìh ðòeq ka haq.
Mahaq habo ka ðaðeh mangai ma blòq haq!
Apaq hauang loh haq aih xan ka ùh hnau hòh.
25 Jùða mangai ma blòq Chuaq Jesus hadai bòch:
Rabi! Jòq qnàng ùh xài doe au ajoq èh? Chuaq
Jesus padreo bàu: “Jòq qmang ka bàu ìh khoe
anoè.” **26** Jò qnang acaq, Chuaq Jesus yõc bènñ,
manè apôi, khoe aih goh bènñ hnñu ka mangai
tiaq hõc rai doe: “Yõc acaq beq, kô chac au!” **27**
Haq yõc chrõng, manè apôi, khoe aih qnèp ka
mangai tiaq hõc rai doe: “Ñìq ka pì ôq beq! **28**
Kô mahim au, mahim da kan tajao khoe ðahrôq
qnoh ðòq bàc ngai jah claih enh yiniq lui. **29**
Au doe ka pì, pang kô ta èh, au pì ôq ñiac pì
nho kô hòh, trùh hì au ma hi ôq ñiac pì nho
neo ti pì oe ta ñiac Baq au. **30** Khoe ka wì calêu
bàu hset hadròeh, Chuaq Jesus xam mangai
tiaq hõc tõi ta wang Ôliu. **31** Haq doe ka wì:
“Mang kô ñìq ka pì catoeh ãõng ka au! majah
qmang aih khoe i bàu achìh: Au jêh mangai
ban, Aih èh bài trùu haq hi prah hapriang ãõng.
32 Mahaq atìq ka au khoe rìh hlài, au lam mùt ta
gùng Galili adroe ka pì.” **33** Mahaq Phiero doe:
Yac ka rìm ngai tacro caðac ãõng ìh, au ðua
ùh jò leq cro. **34** Chuaq Jesus padreo bàu doe:
“Jòq qnàng au doe ka ìh, mang kô raq adroe
ka ia rõng, piq yàng ìh hangah ðeh ùh qnì ka
au.” **35** ðua Phiero doe: Yac ka au ep cachìt ti
ìh, ðua au ùh hangah raðeh ùh qnì ka ìh. Bài
mangai tiaq hõc ñìq capoch moeq bàu qmang
aih. **36** Khoe aih Chuaq Jesus xam mangai tiaq
hõc lam trùh moeq nòe, jang aih wì creò yiniq
haq Getsèmanê, haq doe ka wì: “Pì hangui a
kô, gòm au lam waiq khàn ajang tau.” **37** Haq
qnung Phiero xam baiq ngai kon calô Sèbèðe
tiaq haq, khoe aih haq loh ka mangò, ùh catèm

ta manoh. 38 Haq doe ka wì: “Ta mahua yang ka hset hadròeh bòe pajàu ma khoe achih.” Jò au bình kan mangò trùh cachit. Pì oe ajang kô aih bòe mangai tiaq hóc ma hi cadàu qníc ka hu wiang rùi ti au.” 39 Lam tam yi hangai ka aih haq. 57 Bài mangai rùp Chuaq Jesus qnung haq toq biaoq, haq bla-op hadrò ta taneh, rai waiq trùh hnim Caiphe, aih mangai pajàu kàn, bài mangai hnài ranenh xam bài gucra q khoe oe qmòe ta aih. 58 Phiero tiaq tayoe enh hangai trùh ta hamlang hnim mangai pajàu kàn, haq thia hangui pajùm ti bài mangai wèq qmang mùt loh, ðeq gòm ngan qmang leq ka ðeh. 59 Jò aih bài pajàu xam ðiq ðống ka wì oe ta hnim hadarh chaq trong tapoch patiah waq ka i nen jêh ðac Chuaq Jesus. 60 Yac ka i bác ngai tapoch qmùt oe ta aih, mahaq dua wì chaq ùh lòh qmòe moeq yiniq cleq ðeq broq nen, pulùch i baiq ngai trùh, 61 doe rameh: Mangai kô i doe: Au raliang ðac hnim kùh waiq Boc Plính khoe ka aih piq hì au hi paqnàng hlài. 62 Mangai pajàu kàn padinh yòng bóch Chuaq Jesus: Bài wì qmat tapoch ka ih qmang aih, ìh ùh tapoch hlài qmoeq nà bàu cleq qmòh? 63 Mahaq dua Chuaq Jesus hatinh. Mangai pajàu kàn doe hòh ka haq: Au thê ìh patô Boc Plính rih halinh mòeq ðoe ðeq hu hapah, anoe ka nhèn loq, ìh ajoq Christ kon BocPlính? 64 Chuaq Jesus têu bàu: “Wop qmang ka bàu aih, qnah hòh, au doe ka pì: atìq kô òh pì hi hnoq Kon Mangai hangui enh pah qma cwiang itai Boc Plính, haqngui ta yùc haq loh taqneq.” 65 Mangai pajàu kàn hit ðeh eo rai doe: Haq khoe tapoch bàu pì hòq qmang aih, bèn oe ep gòm tam cabô lam panhìn hòh? Pì khoe tàng bàu pì hòq aih, pì hèm qmang leq? 66 ðiq ka wì wiang têu bàu doe: Haq qmat troq ka cachit. 67 Wì cachôh ta hadrò haq, ramap haq, i qnah ngai tep haq. 68 Rai doe: Aleq Christ, tapoch pajàu beq, doe ka nhèn loq cabô jêh ìh? 69 Jò Phiero oe raq hangui ta hamlang, i moeq ngai hapõng cadrì thia haten, doe ka haq: ìh kô hanoh oe ti Jesus, mangai Galili. 70 Mahaq enh ngèa wì aih, Phiero hangah raðeh: Au ùh qnì tàng qmòe ìh capoch cleq? 71 Jò loh atrong qmang, i mangai hapõng cadrì qnoeq hòh hnoq haq, hi doe ka wì ta aih: Mangai kô hanoh oe ti Jesus mangai Naxaret. 72 Mahaq Phiero rai hangah rai hapah: Au joq ùh qnì qmòe ka mangai aih. 73 Mòeq ahyàc hòh, bài wì oe ta aih doe: Joq qnàng ìh hadai qmoeq bua ti wì aih, bàu tapoch ìh khoe patô qnoh ìh. 74 Phiero tapoch brùaq rai hapah cadêh: Au ma i loq ka haq aih. Dra q ðrinh hloeq jò aih raq, ia hi rông. 75 Phiero hmàng hlài ka bàu Chuaq Jesus ma khoe doe: Adroe ka ia rông, piq yàng

ih hangah deh ùh qnì ka au. Khoe aih haq hi loh enh gùng rai lam rai hmoe ra-ua.

27 Trùh sroq èh, bài pajàu xam bài gucraq Juda, hatinh ka dabau chaq trong tablêq ka Chuaq Jesus hu jêh đac haq. **2** Wì kàt aràng haq ka Philat mangai cla craq wèq điq gùng aih. **3** Jò aih, Juda mangai ma blòq Chuaq Jesus, hnoq wì khoe taqmòq yiniq lui ka Chuaq Jesus, rawòe ka radeh khoe broq qmang aih, haq wê piq jàt cachêh bac aràng padreo hlài da bài pajàu xam bài gucraq, **4** haq doe: au kô khoe broq yiniq, majah qmang aih au khoe blòq cadac mahim ùh i deh qmoè ka yiniq lui cleq! Mahaq wì aih doe: Aih iq ep cleq ka nhên? Lênh ka da ih. **5** Juda yòc bac aih khwênh qmùt ta hnim kùh waiq, khoe aih loh enh gùng, lam hanòc radeh. **6** Bài mangai pajàu toch bac aih, wì haq doe: Bac kô ùh khòh tah tanòc bac hadròeh, majah qmang aih bac kô khoe padrinh. **7** Khoe aih wì hatuàng ka dabau yòc bac aih rot ruàng mangai thòq broq padrì abòq òeq broq nòe catùh hanang mangai cachit liq. **8** Aih iq, trùh manòeq ruàng aih wì oe raq creò ruàng mahim. **9** Qmang aih ma khoe xit tiaq bàu pajàu Jêrêmi ma khoe anoe: “Wì yòc piq jàt cachêh bac, aih bac caxênh mangai Israli qnoh ka Mangai wì haq ma tah hadrah, **10** wì yòc bac aih rot ruàng mangai thòq broq abòq padrì, wop qmang ka bàu Chuaq doe ka au.” **11** Jò Chuaq Jesus yòng enh ngèa ka cwan Philat, cwan aih bòch Chuaq Jesus: ìh ajoq bàu mangai Juda? Chuaq Jesus padreo bàu: “Jòq qmang aih.” **12** Jò điq đong ka bài pajàu kàn xam bài gucraq wiang tah hadrah ka haq, haq ùh têu moeq nà bàu. **13** Philat bòch haq: wì i bacc trong tah hadrah ka ìh, ìh ma ùh tàng? **14** Mahaq Chuaq Jesus ùh têu moeq nà bàu, Philat loh ka đì qjaq hamàih. **15** Rìm hanam trùh hì ramênh Pancwa, cwan loq canaih moeq ngai wì ma rùp clêh ta hnim cadrong, tiaq manoh mangai Juda ma enh. **16** Jò aih i mòeq ngai xòc i qmoè tiang wì clêh ta hnim cadrong, yiniq haq Baraba. **17** Jò wì tagop dabau khoe bacc, Philat bòch wì haq: Pì enh au caqnaih ka pì cabò? Baraba loq caqnaih Jesus, mangai ma creò Christ aih? **18** Majah qmang aih cwan aih haq loq jao manoh wì tarênh dài wì majah rùp aràng Jesus ka haq. **19** Jò Philat qnang hangui ta gèq hadrah, cadrì haq thê wì lam anoe ka haq bàu kô: Ùh dùh troq dèh ka mangai taq atòq qmat, majah qmang aih hì kô

jao haq qmat raq dài au ma khoe ep xalep ta kan apò. **20** Mahaq bài mangai pajàu kàn xam bài wì gucraq dua àu padò bacc ngai oe ta aih, dôi wì aih bòch cwan caqnaih Baraba ka wì haq, èh jêh đac hloe Jesus. **21** Philat bòch wì haq: Wa baiq ngai kô, pì enh au caqnaih ka pì mangai leq? Wì têu bàu: Baraba, **22** Philat doe: Tàng qmang aih ha Jesus, mangai ma creò Christ kô au broq qmang leq? Điq đong ka wì aih têu: Tiang đình haq qmat talong pagat! **23** Philat bòch: Hagleq? haq kô khoe broq cleq ma dù? Mahaq wì aih cachech yeo dèh hòm: Tiang đình haq qmat talong pagat! **24** Jò Philat hnoq bàu radeh khoe pì blêq wì aih, mahaq kan tagruàng èh rai dèh, haq yòc diac qnheò dèh tì enh ngèa bài aih, haq doe: Au ùh pòq mahim mangai kô, cla pì pòq dèh! **25** Điq ka wì wiang doe: Mahim haq mat dahròq tagàu nhên xam kon nhên! **26** Khoe aih haq caqnaih Baraba ka wì, èh haq thê blai Jesus, khoe aih am ka wì lam tiang đình talong pagat. **27** Lình cwan aih qmùt Jesus ta hnim kàn, tagop dabau oe dudan ka haq. **28** Wì lèh đac eo haq, caxùnh ònh ka haq eo yòh gòh. **29** Khoe aih, wì tênh moeq toq cadoh yila, pacui tagàu haq. Wì tah moeq catoch cadia ta tì pah qma haq, wì hacùn cràng enh ngèa haq rai halê haq, wì doe: Waiq bàu mangai Juda. **30** Wì cachòh ta chac haq, yòc cadia blai tagàu haq **31** Atiq ka wì halê haq, wì lèh đac eo yòh gòh enh chac haq, caxùnh hlài eo da cla haq, khoe hì qnung haq lam òeqq tiang đình haq talong pagat. **32** Jò wì qnang lam ti trong, wì glàm moeq ngai oe ta Siren, yiniq haq Simôn, wì thê haq xùl long pagat. **33** Wì lam trùh ajang nòe wì ma creò Gôgotha (aih la go cadòh gàu). **34** Ta aih wì am Jesus ôq alac clai pajùm ka mat xang, mahaq jò Jesus liah ngan, haq ùh waq ôq. **35** Jò wì khoe tiang đình haq talong pagat, wì pàih panaih òeqq ta axong ka dabau eo yòh haq. **36** Khoe aih wì hì hangui ta aih òeqq gòm ngan haq. **37** Enh qnhêq ka gàu haq, wì òeqq moeq capiac long ban, wì achìh yiniq lui haq: KÔ RAQ JESUS, BÙA MANGAI JUDA. **38** Hanoh jò aih điq, wì tiang đình baiq ngai atùng ti haq, moeq ngai apah qma ka haq, moeq ngai apah qngeò ka haq. **39** Bài mangai lam pagat trong aih hnoq haq, wì do halê rai ngu ngiù gàu, **40** wì doe: ìh mangai ma doe dèh raliang hnem kùh waiq, èh điq piq hì raq hì broq hlài, doeh radeh beq! Tàng joq ìh kon Boc Plình, loh enh long pagat beq! **41** Bài pajàu kàn xam mangai hnài

ranenh hloe xam bài gucraq hanoh lê haq: 42 Wì doe: Haq khoe dèch bacc ngai qnoeq mahaq doeh rađeh ùh jah. Tàng ìh joq bùa mangai Israli, manđeq loh enh qmat beq, aih nhèn men lùì. 43 Haq canòm ka Boc Plình, tàng joq Boc Plình loq waq ka haq, manđeq ajoq Boc Plình khe doeh haq, majah qmang aih haq khoe doe đeh kon Boc Plình. 44 Wa mangai atùng wì ma khoe tiang đình talong pagat ti haq, hadai hnap ka haq qmang aih. 45 Pang jò qne hì, trùh piq jò xèq aih, đìq ka gùng aih trồc loh ka clam cluiq. 46 Qnah ta piq jò, Chuaq Jesus creò ka dèh: “Êli, Êli, lam-ma-sa-bat-ta-ni?” Bàu aih ìq rameh: Boc Plình au, Boc Plình au, Gleq ìh majah cađac au? 47 Wì yòng haten ka aih, tàng bàu haq, wì doe: Haq creò ka Êli. 48 Tajòe qmòe i moeq ngai tùh yóc moeq cato capaih, chùq ta diac jòq, srep agoe long cadia, dèch am ka Haq ôq. 49 Mahaq qnah ngai qnoeq doe: Dôq haq, ngan Êli i trùh dèch haq ùh? 50 Jesus creò tam moeq nà bàu dèh, khoe aih qnèp dèch dèh mahua yang ka Baq. Haq hi pat. 51 Wop jò aih, bai prình haganh ta hnìm kùh waiq dahit enh qnhèq trùh taqneq, loh baiq apah, taneh loh ka ralàng, hmo kàn padah, 52 ralùng hanang tapèch, bacc hanang mangai tiaq trong hadròeh cachit rìh hlài. 53 Atiq ka Chuaq Jesus rìh hlài, bài wì aih loh enh ralùng hanang, mùt ta Plài hadròeh, mahno rađeh ka bacc ngai jah hnoq. 54 Cla craql ình xam bài mangai oe ti haq đòeq wiang gòm hanang Chuaq Jesus, hnoq taneh ralàng, xam bacc yiniq qnoeq hòh, haq đìq jaq yùq crè, haq doe: Mangai kô, joq kon Boc Plình. 55 Bacc ngai gucadri yòng haqmiang đeh enh hangai, wì haq aih bài mangai ma tiaq Chuaq Jesus enh gùng Galili, tiaq đòeq patìh ka haq, hanoh oe ta aih. 56 Ta aih i Mari Madolen, Mari miq Jaco xam Jôsep, xam miq baiq ngai kon Sêbêdê. 57 Trùh mahi khoe haqneq, i moeq ngai padròng trùh enh gùng Arimathê, yiniq haq Jôsep, haq aih hanoh mangai tiaq hóc Chuaq Jesus, 58 haq trùh ta Philat đòeq hu bóch ahlài hanang Chuaq Jesus. Philat hi am ka haq. 59 Jôsep yóc bai taboc lom hanang Jesus. 60 Lam đòeq ta ralùng haq ma neo thê wì pùng đòeq ka rađeh tanòe hmo kàn, khoe aih, wì cadro moeq toq hmo kàn padit ajang ngah ralùng, khoe aih èh hi bróc. 61 Mari Madolen, xam bài wì qnoeq hangui tangèa ka ralùng. 62 Sroq èh rameh (aih hi atiq ka hì ma padon acaq ramènh), bài pajàu kàn x am mangai Pharisi adràc dabau lam glàm

Philat, 63 wì haq doe: Wì craql! Nhèn hmàng mangai loq qnùt kô, jò haq oe rìh i doe rameh: Atiq ka piq hì, au hi rìh hlài. 64 Manđeq kô, ìh am ình lam gòm ralùng hanang ma hagau haq, trùh piq hì, yùq bài mangai tiaq hóc haq loq lam atùng hanang, khoe aih anoe ka phù cròng: Haq khoe rìh hlài enh kan cachit. Kan qnùt yàng ma atiq kô yeo hamoq ka yàng adroe hòh. 65 Philat doe ka wì: Pì i dèh ình, lam broq tiaq dèh manoh pì ma enh beq. 66 Qmang aih, wì haq hi lam, nìm hadro ajang ngah ralùng, yóc ình đòeq gòm, cla hnoq dèh hagau haraya.

28 Atiq ka hì Sabat, hì baxèm ta tuàng ramènh, jò bu badrèh qngah, i Mari Madolen xam Mari qnoeq hòh, lam ta ralùng hanang. 2 I kan taneh ralàng dèh, majah qmang aih i mòeq bình plình Chuaq loh enh plình, trùh cadro hmo, èh haq hangui enh qnhèq ka hmo aih. 3 Hadrò haq qngah tìah ka camlet, eo haq taboc tìah ka yilóc. 4 Dài aih, bài ình gòm ralùng tarit tariang, gang tìah ka mangai cachit. 5 Mahaq bình plình doe ka wì mangai gucadri: Chòp paq yùq dèh, au loq chòp chaq Chuaq Jesus mangai wì ma tiang đình haq talong pagat. 6 Haq ùh oe tacô, haq khoe rìh hlài, tìah ka bàu haq khoe doe. Drah lam ngan nòe taqngui haq beq, 7 èh drah lam anoe ka bua Haq loq haq khoe rìh hlài. Hacô Haq lam adroe ka pì tócc ta Galili, ta aih èh pì hi hnoq haq. Aih au khoe doe ka pì. 8 Wa mangai cadri aih drah loh enh ralùng, rai yùq crè rai manè, tùh cadàu lam anoe ka bài mangai tiaq hóc. 9 Ùh xài! Chuaq Jesus loh glàm wa aih, haq doe: “Lem bùi am ka chòp!” Wa haq tùh haten ta haq, cwat jènh rai kùh waiq haq. 10 Chuaq Jesus doe: “Apaq yùq cleq, drah lam anoe ka oh daq au tócc ta Galili, ta aih èh wì jah hnoq au. 11 Jò wa mangai gucadri qnang lam roc trong, i qnah ngai ình gòm ralùng hanang mùt ta Jêrusalem taqmon hlài ka bài pajàu loq đìq dồng rìm yiniq. 12 Bài pajàu kàn tagop pajùm ka bài gucraq đòeq hu hatình ka dabau, jò khoe hatình, wì haq am ka bài mangai ình bacc, 13 wì haq tanap: Pì doe rameh oq: Damang, jò nhèn oe kùì, bài mangai tiaq hóc haq atùng yóc hanang aràng taqnoeq. 14 Tàng bàu kô loq trùh don cwan kàn, i nhèn chaq trong hu anoe ka haq, dōq pì ùh hìaq ep yùq cleq. 15 Bài ình yóc bacc, wì haq broq tiaq bàu tanap aih. Tagùng Judà, bàu aih oe raq trùh manòeq. 16 Moeq jàtt moeq ngai tiaq hóc lam

ta gùng Galili, wì haq tồc ta wang Chuaq Jesus
ma khoe thê. 17 Jò wì hnoq haq, wì kùh waiq
haq, mahaq i bìaq ngai, qnhòq dai lùì. 18 Chuaq
Jesus lam ka haten ti bài mangai tiaq hỏc, haq
doe ka wì qmang kô: “Dìq ka cwìang itai oe ta
plinh xam ta crớng taneh khoe jao đớng ka au.
19 Qmang aih, drah lam jàp crớng taneh đòeq
broq ka mangai oe rìm diac wìa đớng mangai
tiaq hỏc au, canòm ka hiniq Baq, hiniq Kon,
hiniq Yiang Hadròeh đòeq broq baptem ka wì,
20 rai hnài wì wèq rìm trong au khoe hnài pì. Kô
ềh au oe hloe ti pì trùh hì atìq lùch. (aiōn g165)

MỖC

1 Baxèm Bàu lem da Chuaq Jesus Christ, kon calô Boc Plinh. **2** Tìah ka khoe achìh tanòe hset pajàu Êsai rameh: Kô au thê dèh mangai wê bàu lam enh ngèa ka ìh, Haq aih mangai ðòeq hu palauq ka ìh trong. **3** I bàu creò tanòe hawit, Palauq ðòeq trong ka Chuaq, Pajang trong lam ka haq. **4** Jon Baptit khoe trùh tagùng hawit, hnài rai broq ka wì ramènh baptem da kan raxach, ðòq jah kan caqnaih yiniq lui. **5** Ðìq ðổng crông diac Juđa xam mangai oe ta Jêrusalem trùh ðìq ta haq. Anoe paqnoh dèh yiniq lui rai ðòq haq broq baptem ka wì ta diac Jodan. **6** Jon caxùnh eo broq enh xàc lócđá, kàt caqnam xam caxi akia, acaq toq bài lịp rai ôq diac xùt rôm wang. **7** Haq hnài rameh: Atìq ka au kô èh, I mòeq ngai i cwiàng ùh hnau ka au, au ùh taji ka jah broq ðeh mangai kùp lêh caxi jep haq, **8** au broq baptem ka pì xam diac, mahaq Haq aih èh broq baptem ka pì xam Yiang Hadròeh. **9** Jò aih Chuaq Jesus trùh enh Naxaret gùng Galili, haq ðòq Jon broq baptem ka raðeh ta diac Jodan. **10** Jò Jesus bu loh enh gùng ka diac, haq hnoq plinh tapèh èh Yiang Hadròeh tiah ka trù, loh jràp ta haq. **11** Èh i bàu loh enh plinh doe: “Kô Kon da Au loq waq ðeh, haq lem manoh Au rìm trong.” **12** Jò aih raq, Yiang Hadròeh qmùt haq tagùng hawit. **13** Èh haq oe tanòe hawit aih pôn jàt hì, ðòq Satan padô raðeh. Haq oe pajùm mòeq qmang ti bài ngè rôm, khoe èh i bình plinh trùh patìh ka haq. **14** Atìq ka wì rùp clèh Jon. Chuaq Jesus trùh ta Galili hnài Bàu lem da Boc Plinh. **15** Haq doe: “Khoe trùh jò! Diac Boc Plinh trùh khoe haten, drah raxach rai lùì Bàu lem beq. Jesus creò ka mangai tiaq hóc ma baxèm **16** Jeus lam jènh ti haqmai diac raxìq Galili, haq hnoq Simôn xam oh haq, qnang tang hlàm ta hlông, majah qmang aih wa aih ðìq mangai ranang ka. **17** “Drah tiaq Au, ðòq au hu thê chòp lam tang hlàm mangai.” **18** Jò aih raq, wa caðac ðổng dèh hlàm lam hloe ti haq. **19** Chuaq Jesus lam hi hangai ka aih toq biaq, haq hnoq Jaco kon Sêbêðê xam oh haq oe ta boang, qnang padon dèh hlàm. **20** Ùh lòm trò, Haq creò ka wa aih, èh wa oh daq aih ðòeq Sêbêðê baq wa haq, oe ta boang ti bài mangai broq acaq kùng, ðòeq tiaq haq. **21** Wì haq lam ta Cabènaum, trùh hì Sabat, Chuaq Jesus mùt tanòe hnim tagop qyoh, haq

hnài wì. **22** Ðìq ka mangai oe ta aih hamàih ka bàu haq hnài, majah qmang aih bàu haq hnài wì tiah ka mangai i cwiàng itai, ùh xài troeq da bài mangai hnài ranenh. **23** Hanoh jò aih, tanòe him tagop qyoh i moeq ngai kiac pawè, **24** haq creò: Jesus, mangai Naxaret, ìh enh broq cleq ka nhèn, ìh trùh hu palùng ðac nhèn qmòh? Au loq ìh qmat cabô: ìh, Mangai hadròeh da Boc Plinh. **25** Chuaq Jesus tapoch ka haq: “Oe ma hatinh haq! Drah loh khoe ka mangai kô!” **26** Kiac jrông rapòh mangai aih, rai cachech cadèh èh hi loh hloe enh gùng ka mangai aih. **27** Mangai leq mangai meh hamàih ðeh hra, wì bòch dabau: Cleq kô ìq wa, kô trong hnài maneo qmòh? Mangai kô joq i cwiàng, trùh kiac jrông dua iu bàu haq thê! **28** Yiniq haq wì ràu, maloq khoe jàp dudan gùng Galili. **29** Bu loh enh nòe hnim tagop, Chuaq Jesus xam mangai tiaq hóc lam ti Jaco xam Jon mùt ta hnim Simôn xam An rê. **30** Miq mai Simôn tacat qnang caqnùng ta juàng, wì drah anoe ka Chuaq Jeus loq. **31** Chuaq Jesus lam trùh nòe haq kùì, carùp tì rai dèch haq yòng. Kan tacat hi hnhung, èh haq hi patìh ka wì. **32** Xèq aih, jò mahi khoe clih, wì aràng bòe mangai ùh hróc xam bài mangai i kiac pawè trùh ka Chuaq Jesus. **33** Ðìq ðổng ka mangai oe ta plài, tagop dabau yòng ajang qmang hnim, **34** Chuaq Jesus broq bàc ngai brèh ka yiniq. Haq hadai drùh qnoh bàc kiac, mahaq Haq ùh lòh bài kiac doe cleq, majah qmang aih bài kiac aih loq ka haq. Jesus waiq khàn tanòe hawit **35** Sroeh sroq, jò tróc oe raq clam, Chuaq Jesus loh enh hnim lam tanòe hawit, haq waiq khàn ta aih. **36** Simôn xam bài bua lam chaq haq, **37** Jò hnoq Haq, wì doe: Rìm ngai qnang ti chaq ìh. **38** Chuaq Jesus padreo bàu: “Beq bèn lam taqnoeq, trùh roc plài haten ta kô, ðòq au hu hnài ta aih. Jao aih ìq raq au majah khoe trùh.” **39** Haq lam jàp gùng Galili, hnài ta hnim tagop qyoh rai drùh qnoh kan kiac. **40** I mòeq ngai bacùn trùh ti Haq, rai hacùn cràng rai waiq: Waiq Chuaq! Tàng joq ìh ma waq, ìh broq au brèh. **41** Chuaq Jesus tamèt ta manoh, haq hnho tì bèq mangai bacùn aih, haq doe: “Au waq, brèh beq.” **42** Tajòe qmòe, kan bacùn hnhung hloe haq aih hi jah brèh. **43** Chuaq Jesus thê haq aih loh enh gùng rai tanap: **44** “Ngan oq! Ùh jah anoe ka cabô loq. Mahaq ìh lam patô raðeh enh ngèa ka bài pajàu, ìh khoe jah brèh qmat, ìh dèch ramènh troeq bàu Môise thê ðòeq anoe patô ka wì.” **45** Yàng èh, loh enh gùng, haq bahia yiniq

kô, lam pang leq haq anoe pang aih, jaq Chuaq Jesus loh ka pi jah mùt ta plài ka lem, haq ep oe deh enh gùng, oe tanòe hawit, èh wì phù cròng jàp jĩa trùh ti haq.

2 Bìaq hì atìq ka aih, jò Chuaq Jesus wìh hlài ta Cabênaum, wì ta aih tàng doe haq oe ta hnem. **2** Wì tagop dabau ta aih bàc joq qnàng. Jaq ajang trong qmang dua ùh anòh oe. Haq hi hnài wì. **3** I mangai trùh, aràng ka haq mòeq mangai pen, i pôn ngai wiang tòng. **4** Mahaq mangai bàc hrìn wì haq ùh jah trùh ka haten ka Chuaq Jesus, wì haq hit kùa po hnim tajang ka nòe Chuaq Jesus hangui, jang nòe trom aih wì cadrai qnoh mangai pen. **5** Jò Chuaq Jesus hnoq kan lùì wì aih, Haq doe ka mangai pen: “Kon ôi, òìq òng yiniq lui kon khoe jah caqnaih”. **6** Mahaq i bìaq ngai hnài ranenh hangui ta aih, wì haq hèm dèh ta manoh, **7** Hagleq mangai kô majah doe qmang aih? Haq jòq pì hòq qmòe ka Boc Plình! Enh gùng ka Boc Plình oe i cabô ma jah caqnaih yiniq lui? **8** Ta jòe qmòe jò aih, Chuaq Jesus loq ka manoh wì aih hèm cleq, Haq doe ka wì: “Hagleq pì majah hèm qmang aih? **9** Manoèq kô doe ka mangai pen kô: Yiniq lui kon khoe jah caqnaih, tàng ùh meh doe: Yòng beq! Dèch da ìh dradrah qmat hlài beq! Bìaq bàu aih ma leq ma yi hlàu ka anoe? **10** Mahaq Au enh ka pì loq Kon mangai oe cròng taneh kô i cwiàng caqnaih yiniq lui”, khoe aih Chuaq Jesus doe ka mangai pen, **11** “Au thê ìh yòng beq, xùì dradrah qmat hlài ta hnim”. **12** Mangai pen padinh yòng, dèch dèh dradrah lam enh ngèa òìq òng ka wì. Òìq òng mangai leq mangai meh hamàih deh hra, wì manè apôi Boc Plình rai doe: Bèn qnhòq hmaq hnoq kan halac qmang kô! **13** Chuaq Jesus wìh hlài kênh haqmai diac raxìq hòm. Haraya mangai trùh ti haq, haq hi hnài wì. **14** Jò Haq qnang lam ti trong, haq hnoq Lêwì, kon da Aphê qnang hangui ta hnim yòc thèq. Chuaq Jesus doe ka haq: “Lam tiaq au.” Lêwì hi padinh yòng tiaq hloe haq. **15** Jò Chuaq Jesus hangui acaq ta hnem Lêwì, i bàc ngai yòc thèq xam bài mangai broq trong ùh lem hanoh hangui acaq moeq qmang ti Chuaq Jesus xam mangai tiaq hóc haq. **16** Jò mangai hnài ranenh aih bài mangai moeq bua ka mangai Pharisi hnoq Chuaq Jesus acaq ti bài mangai yòc thèq xam bài mangai broq trong ùh lem, wì bòch bài mangai tiaq hóc haq: Gleq Haq ma acaq pajùm ti bài mangai yòc thèq xam bài mangai i

yiniq lui? **17** Tàng bàu aih, Chuaq Jesus hi doe ka wì: “Mangai tadèh ùh nhet cleq ka mangai broq jreo, mahaq mangai ùh hròc ma nhet deh, au trùh ùh xài òeqq creò ka mangai taq atòq mahaq òeqq creò ka mangai i yiniq lui”. **18** Jò aih, mangai tiaq hóc da Jon xam mangai ma tiaq hóc da mangai Pharisi òìq apàm ka acaq. I mangai trùh bòch Chuaq Jesus: Hagleq mangai tiaq hóc da Jon xam mangai ma tiaq hóc da mangai Pharisi òìq apàm ka acaq, mangai tiaq hóc da ìh ma ùh apàm? **19** Chuaq Jesus doe: “Jò acaq yineang, bài bua cla Kon òng ma wìa ka apàm ka acaq jò cla kon òng oe raq ti wì? **20** Mahaq, trùh jò wì ma hi qnung cađac Haq, hì aih èh wì ma hi apàm ka acaq. **21** Ùh i mangai leq yòc ahyah neo clep qmùt ta blah eo dùnh, broq qmang aih, calep neo dùnh hyah ka eo dùnh, teo hyah aih rai hamòq ùh hnau ka adroe hòm. **22** Hanoh ùh i mangai leq yòc alac neo ùc qmùt ta abòq akia dùnh, broq qmang aih, alac broq ka abòq akia padah, alac ta-ùc, abòq akia hanoh pi oe. **23** Wop hì Sabat, Chuaq Jesus xam mangai tiaq hóc lam trong dùnh qmau, jò lam ti trong, mangai tiaq hóc git hadròc qmau hu kaq. **24** Mangai Pharisi hnoq, wì doe ka haq: ìh ngan tau, hagleq mangai tiaq hóc ìh broq yiniq ma ùh khòh broq ta hì Sabat? **25** Chuaq Jesus doe: “Pì ma qnhòq òcc ta hset, bùa Đawit broq cleq jò haq xam mangai tiaq haq pangot qmòh? **26** Qnhònh Abitha broq pajàu kàn, bùa aih mùt tanòe hnim kùh waiq Boc Plình, bùa aih acaq bènhi wì ma padon, hadai am ka wì ma lam tiaq haq acaq òìq, hì loq bènhi aih toq bài mangai pajàu ma khòh acaq?” **27** Khoe aih, Haq doe: “Tìaq kon mangai kô majah broq loh hì Sabat, ùh xài jao hì Sabat ma jah broq loh kon mangai. **28** Qmang aih, Kon Mangai broq craq hì Sabat.”

3 Yàng qnoeq, Jesus mùt tanòe hnim tagop qyoh, ta aih i mòeq ngai gualò ngwen moeq pah tì. **2** Ta aih i qnah ngai rap chaq nen hu rùp haq, wì hamrìh ngan hì sabat haq i broq brèh ka mangai aih ùh, òeqq hu tah hadrah ka Haq. **3** Chuaq Jesus doe ka mangai angwen tì: “Yòng beq! lam oe taqne kô.” **4** Khoe èh Chuaq Jesus bòch wì: “Tìaq ranenh hì Sabat, broq trong leq ma troq! Khòh broq trong lem loq khòh broq trong qmèq? khòh dèch mangai, loq khòh jèh cađac mangai?” Mahaq òìq ka wì oe hatinh òng. **5** Haq haqmiang ngan dudan ka wì, rai nòeh rai mangò ka manoh wì ma cadoq hrìn,

khoe aih haq doe ka mangai angwen ti: “Hnhu ti ìh qmat!” haq aih hi bahnho h dèh ti, aih ti haq hi brèh. **6** Bải mangai Pharisi loh hloe jò aih raq, wì drah taqmùt pajùm ti bua Hêrot òdeq hatinh ka dabau chaq trong jêh đac Jesus. **7** Chuaq Jesus xam mangai tiaq hóc wia enh aih, wì haq loh ta haqmai diac raxìq, haraya mangai trùh enh gùng Galili, Judê **8** enh Jêrusalem, gùng Ydumê, wì pah tau cròng diac Jodan, hloe xam gùng Tyro gùng Sidôn, hĩa tàng bải yiniq haq ma khoe broq, wì trùh òq ta Haq. **9** Mangai bacc pi cajaq, haq hi thê dèh mangai tiaq hóc palauq òdeq ka haq mòeq toq boang qyoh, òq wì ùh hiaq dahnen ka haq. **10** Haq khoe broq bacc ngai jah brèh ka hiniq, aih ìq bải mangai ùh hróc majah àu hnen waq ka jah bèq Haq. **11** Jò bải kiacc dù hnoq Chuaq Jesus, wì bla op anòe jènh haq, rai breo: ìh kô kon Boc Plinh! **12** Mahaq Chuaq Jesus ùh lòh wì aih anoe ka cabô loq ka haq. **13** Khoe aih, Chuaq Jesus tacc ta wang, haq creò ka bải mangai haq ma enh, wì aih hi trùh ti haq. **14** Haq hi ràih yóc moeq jàt baih ngai, òdeq hu oe ti haq, èh òdeq haq hu thê wì loh lam hnài bàu lem, **15** Haq am ka wì aih cwiang itai òdeq drùh hnan kan kiacc. **16** Kô! yiniq wì moeq jàt baih ngai tiaq cla Haq ma khoe ò: Simôn, Haq yiniq hlài Phiero, **17** Jaco xam Jon oh haq, wa aih kon Xêbêdê, Haq yiniq am ka wa Bô-anet (aih la kon calô da kan camlet kan cadah), **18** Anrê, Philip, Bathêlemy, Mathio, Thôma, Jaco kon da Aphê, Thadê, Simôn, mangai Canaan, **19** Hloe xam Juda Icarìôt, mangai ma blòq đac Haq. **20** Atiq ka aih, Chuaq Jesus mùt tanòe hnìm, i bacc ngai tagop dabau ta aih, Chuaq Jesus xam mangai tiaq hóc loh ka pi jah acaq. **21** Jò wì oh daq Haq tàng qmang aih, wì trùh òdeq hu padràng haq, majah qmang aih wì doe haq khoe rawè. **22** I bải mangai hnài ranenh loh enh Jêrusalem, wì aih doe: Mangai qmat, kiacc Bênxebun khoe mùt ta chac haq, haq qmat canòm ka cla craq kan kiacc òdeq drùh qnoh kiacc. **23** Chuaq Jesus creò ka wì aih, haq aliah ka wì: “Satan hnan cla Satan qmang leq majah? **24** Tàng joq diac leq to lah raðeh, diac aih èh pi dràng yòng, **25** Hnim leq, to lah raðeh, hnìm aih èh hadai pi dràng yòng. **26** Qmang aih, tàng joq Satan yòng tablêq ka cla raðeh, aih ajoq haq hit dadèh, haq yòng qmang leq ma oe dràng, ajoq haq khoe trùh dèh jò lùng pac. **27** Ùh i mangai leq jah mùt ta hnìm mangai dèh padren òdeq hu atùng, tàng joq ùh kàt òdeq cla mangai aih

adroe, ep kàt cla haq aih òeq, khoe aih men jah atùng yóc hang ta hnìm haq. **28** Au anoe joq qnàng ka pi, yiniq lui kon mangai òq jah caqnaih òng xam rìm nà tapoch qmèq ka Boc Plinh hanoh qmang aih. **29** Mahaq cabô tapoch qmèq ka Yiang Hadròeh, yiniq lui aih ùh jò leq jah caqnaih, haq pòq hloe dèh mòeq òde”. (aĩn g165, aĩnios g166) **30** Chuaq Jesus ma jah doe qmang aih, jao wì aih doe: i kiacc oe ta chac haq. **31** Jò miq Chuaq Jesus xam bải oh haq trùh, wì aih yòng enh gùng, thê mangai lam doe ka Haq. Bải mangai bacc dua oe raq du danh ka Haq. **32** I mangai lam doe ka Haq: Miq xam oh ìh wì oe enh gùng, wì enh chaq ìh. **33** Mahaq Haq doe ka wì: “Cabô miq au, cabô oh au?” **34** Haq ngan wì ma hangui tap dan ka haq rai doe: “Hatau miq au, xam bải oh daq au!” **35** Mangai leq broq tiaq manoh Boc Plinh, aih raq oh daq calô, oh daq ca drì, aih raq miq au.

4 Chuaq Jesus hnài hòm tanòe haqmai diac raxìq. I bacc ngai tagop ti dabau oe dudan ka haq. Haq cadiang tacc hangui ta boang, bải wì mangai bacc oe òq tago ti kènh haqmai diac. **2** Haq yóc bàu aliah hnài wì bacc trong, Jò hnài wì, haq doe: **3** “Tamàng kô, i mòeq ngai lam rai dèh adrech. **4** Jò haq qnang rai adrech, i tang qnah adrech taclih ti trong lam, khoe aih i chìm loh jôh caq òng; **5** qnah hòm taclih tanòe hmo raga, ta aih taneh toq biah, adrech aih rênh plôh, majah qmang aih taneh catùh ùh jrùq. **6** Mahaq jò mat mahi tacc haqnhèq, kan tôq jraq, haq hi cachit ka croh, majah qmang aih haq ùh i ka riah. **7** Mòeq qnah hòm taclih ta xem yila, xem yila èh rai cràm, padit cadac haq loh ka pi hróc sròc. **8** Maqnoeq taclih nòe taneh lem, jah yòng kàn, loh ka tacòn, mòeq pliang jah piq jàt, mòeq pliang jah tadràu jàt, pliang qnoeq jah moeq hrinh.” **9** Khoe aih Haq doe: “Cabô i don, tamàng beq!” **10** Jò Chuaq Jesus oe dèh moeq ngai, bải wì ma oe dudan xam mòeq jàt baih ngai tiaq hóc bòch haq bàu aliah aih anoe cleq. **11** Haq doe ka wì: “Kan hlèp oe ta diac Boc Plinh khoe patô am ka pi loq. Mahaq bải wì ma oe enh gùng tau, rìm yiniq òq anoe ka wì xam bàu aliah.” **12** Qmang aih òq wì ngan mahaq ùh hnoq cleq, tamàng aih tàng, mahaq ùh qnì cleq, ùh qmang aih wì tawih hlài ajoq wì haq jah claih dèh yiniq lui.” **13** Khoe ka aih Haq doe ka wì: “Pì ùh qnì tàng bàu aliah aih qmòh? Aih èh broq qmang leq pì ma loq

tàng rìm bàu aliah qnoeq? **14** Mangai loh rai adrech aih mangai rai bàu lem. **15** Mangai oe ti trong, aih mangai khoe jah bàu mùt ta manoh, mahaq bu tàng bàu aih, tajòe hloe jò aih raq kiac Satan trùh blah yòc hloe bàu ma khoe rai ta manoh wì haq. **16** Hadai tìah ka qmang aih diq, mangai jah adrech taclìh nòe raga, aih bài mangai bu tàng bàu khoe diq jaq lem bùi yòc ka rađeh. **17** Mahaq ta manoh cliac wì haq ùh i ka riah, rìh toq biaq hì, glàm kan tagah, kan baxa taiq bàu aih, wì tacro draq drình jò aih raq. **18** Èh da bài mangai qnoeq hòmm, tìah ka adrech clìh nòe xem yila, khoe tàng bàu, **19** mahaq loq lèt ka rìh qmòe qnhòng kò, enh waq toq ka padròngkan, xam bài yiniq qnoeq hòmm mùt ta manoh wì haq wiang padit cađac, bàu lem loh ka pi caqmon. (aiōn g165) **20** Mahaq mangai qnoeq hòmm, tìah ka adrech taclìh nòe taneh lem, aih bài mangai tàng bàu, wì wê yòc bàu aih, loh plì, mòeq pliang jah piq jàt, pliang qnoeq jah tadràu jàt, pliang qnoeq jah moeq hrình”. **21** Haq doe hòmm ka wì: “I cabô bùh ðen mahaq gúp xi cađap tàng ùh meh ðòeq ta caqnàm jàng loq ùh? Ma ùh xài ðòeq tanðe haqnheq? **22** Majah qmang aih ùh i cleq hlèp èh wì ma ùh hnoq, ùh i yiniq leq cadoc èh wì ma ùh paqnoh. **23** Tàng cabô i don, tamàng beq”. **24** Haq doe hòmm: “Rabìaq haq oq, rìm trong pì ma tàng, pì tống xam ranac leq, ranac aih raq wì ma hu tống hlài ka pì, ra-ùng haq tah tam ùh hnau ka aih hòmm. **25** Majah qmang aih, bři ka am tam ka mangai leq khoe i, mahaq mangai leq ma qnhòq i, doeh yòc hloe yiniq haq ma khoe i”. **26** Haq anoe hòmm: “Diac Boc Plình tìah ka mangai rai adrech ta taneh, **27** yac cla haq aih kùì, yac cla haq riu, dahì damang ardech aih dua plòh ðeh, cla haq ma i loq qmang leq. **28** Majah qmang aih taneh broq ðeh ka long aih loh plì, baxèm aih loh long, atiq aih loh riang, khoe aih riang loh plì. **29** Jò plì hi dùm, haq hi qnoh pla haiq, majah qmang aih khoe trùh jò gat.” **30** Haq doe hòmm: “Bèn yòc cleq hu aliah ka diac plình kò èh, yòc kan patìah leq ðòeq hu paqnoh? **31** Diac aih tìah ka adrech habài: Jò wì rai haq aih yeo qyoh ðìq ðong ka adrech qnoeq. **32** Mahaq jò khoe rai, haq hi jah plòh, haq yeo kàn ðong ka cachìq qnoeq, loh hamenh kàn, jaq chìm met lam broq qmòe pù ta aih.” **33** Haq yòc bàc trong aliah qmang aih, ðòeq hu hnài wì rìm trong, tiaq ðeh wì bu loq tàng ðàng leq. **34** Yac ka jò leq hnài wì dua haq yòc bàu aliah ðòeq hu hnài,

mahaq jò ùh i ka mangai qnoeq, haq hi capoch ka hloh ðòq bài mangai tiaq hóc loq tàng. **35** Hì aih jò mahì khoe haqneq, haq doe ka bài mangai tiaq hóc: “Beq bèn tócc apah tau.” **36** Jò Haq khoe the bài mangai bàc hlài, haq tócc ta boang, bài mangai tiaq hóc chùng boang qnung haq lam, i bài boang qnoeq hadai lam tiaq. **37** I kan bahùt kàn, lai laq ðeh tep ta boang, diac ten bình qmòe ta boang. **38** Mahaq oe enh cloh boang, Chuaq Jesus anğen gàu ajang gòiq haq kùì. Mangai tiaq hóc tùh padriu haq: Mangai hnài! bèn cachìt mandeq raq ìh ùh lèt qmòh? **39** Haq hi yòng, lech ka cayeo rai tagàiha diac: “Hatình beq, rangep beq!” Cayeo hi ðìq, diac loh ka hatình hatot hloe. **40** Khoe aih Haq bòch mangai tiaq hóc: “Hagleq pì ma yùq, pì qnhòq i manoh lùì qmòh?” **41** Wì mangai tiaq hóc tarìt qmòe rai bòch dabau: Òq mangai kò ìq cabô? Jaq trùh cayeo, trùh lai laq diac raxìq, ðìq iu bàu haq!

5 Chuaq Jesus xam mangai tiaq hóc tócc trùh tago apah tau diac, tagùng Jêrasê. **2** Haq bu cadiang loh enh boang, tajòe qmòe i moeq ngai kiac khoe pawè, tùh loh enh nòe cadràng hanang lam ajang ngèa Chuaq Jesus. **3** Mangai aih haq rìh toq roc nòe cadràng hanang, yac ka wì kàt haq xam caxi datoeq dua ùh ðràng. **4** Majah qmang aih khoe bàc yàng wì clang jènh tì haq dua haq goh wah cađac, pi cabô oe blèq haq. **5** Xèq ka hì qngah ka mang haq rangòt roc ralùng hanang xam ta wang, cachech, cajiah yòc hmo xah ðeh ta chac. **6** Oe enh hangai haq hnoq Chuaq Jesus, haq cađau tùh kùn cràng ajang ngèa Chuaq Jesus, **7** rai breo ka ðeh: Jesus, kon da Boc Plình ma haqnheq, ìh enh broq cleq ka au? Au canòm yiniq Boc Plình hu doe ka ìh apaq baxa ðeh ka au! **8** Majah qmang aih Chuaq Jesus i doe ka haq: “Kiac dù meh, drah loh enh gùng ka mangai kò.” **9** Chuaq Jesus bòch haq hòmm: “Gè qmat yiniq cleq?” Haq aih doe: yiniq au bài lình, majah qmang aih nhèn bàc haraya, **10** èh haq toq cali calo ka Chuaq Jesus apaq hnau qnoh wì haq loh enh gùng aih. **11** I moeq calùh chùà qnang acaq ta hidroe wang haten ta aih. **12** Kiac aih bòch Chuaq Jesus: ìh am nhèn trùh ajang calùh chùà tau, ðòq nhèn mùt ta bài chùà tau. Chuaq Jesus òq bàu. **13** Bài kiac aih hi loh enh mangai aih, mùt ta chac calùh chùà, bài chùà oe enh bùc haqnheq hadrùc loh ta hlòng, jah qnah ta baiq muàn toq chùà cachìt

ta diac raxiq. **14** Bài mangai ban chùa cadàu amot, wì haq anoe hlài yiniq kô jàp ka gùng ka plài ta aih. Dìq ka mangai ta gùng aih dahrôq loh ngan yiniq aih. **15** Jò wì haq trùh ajang nòe Chuaq Jesus, wì haq hnoq mangai ma i calùh kiac oe ta chac, qnang hangui, atàc eo kwàn, gàu ngoc haq khoe talang, wì dìq jaq crè. **16** Bài mangai ma khoe hnoq yiniq aih, anoe hlài ka wì qnoeq tàng yiniq ma khoe trùh ka mangai i kiac mùt ta chac, anoe hloe yiniq ma khoe loh ka calùh chùa. **17** Khoe aih dìq ka mangai ta aih hi pi lờh Chuaq Jesus mùt dèh ta gùng. **18** Jò Chuaq Jesus bu cadiang tồc ta boang, mangai adroe nêh kiac ma khoe pawè, haq bôch tiaq. **19** Chuaq Jesus ùh am haq tiaq, mahaq Chuaq Jesus doe ka haq: “Hlài ta hnim ìh beq, anoe ka oh daq ìh loq Chuaq khoe broq am ka ìh yiniq kàn dăng leq, haq khoe loq waq ka ìh qmang leq.” **20** Mahaq mangai aih loh lam anoe jàp moeq jàt baiq plài oe ta crông aih. Haq taqmon hlài yiniq kàn dăng leq Chuaq Jesus khoe broq am ka rađeh, Dìq ka mangai tàng hamàih dèh hra. **21** Jò Chuaq Jesus xam mangai tiaq hóc loh ta boang tồc pah tau, i bài mangai bacc tagop ti da bau oe dudan ka haq, haq oe ti haqmai diac ra xiq. **22** Ta wì mangai ma broq gàu hnim tagop qyoh, i mòeq ngai yiniq haq Jairu, trùh ti Chuaq Jesus, jò bu hnoq Chuaq Jesus haq hacùn cràng ajang nòe jènh Chuaq Jesus. **23** Haq anoe: Kon cadrì au ma qyoh, ten cachit, au canòm dèh ka ìh trùh bèq chac haq, dōq haq hu jah rih hlài. **24** Chuaq Jesus lam ti haq, bài mangai bacc hadai lam, wì ti dahren ka haq. **25** Ta aih i mòeq ngai gùcadrì da hrôq mahim khoe moeq jàt baiq hanam, **26** khoe bacc hanam haq xalep ta ti kōng bài mangai broq jreo, khoe òq dōng dèh ka bacc jèn kùng hang, dua ùh yeo, mahaq yiniq aih èh rai hrin tam. **27** Haq tàng wì anoe trùh Chuaq Jesus, haq thia dèh enh rù, pachiu taqne mangai bacc òeq hujah bèq eo Chuaq Jesus. **28** Majah qmang aih haq doe: Tàng joq au jah bèq dèh toq haqmai eo haq raq, aih au loq dèh brêh. **29** Tajòe qmòe jò aih, mahim hi atàt, haq tàng dèh ta chac khoe brêh. **30** Jò aih raq, Chuaq Jesus loq i padren khoe loh dèh enh chac, haq hwi hlài taqne mangai bacc haq bôch: “Khoe bèq au?” **31** Bài mangai tiaq hóc doe: ìh hnoq bài mangai bacc qmang qmat dahren ka ìh, ìh ma oe bôch: Cabô bèq eo au? **32** Mahaq dua Chuaq Jesus hwi dudan hu chaq mangai leq khoe broq qmang aih. **33** Mangai gùc cadrì loq yiniq leq

ma khoe trùh ka rađeh, rai yùq crè, haq hacùn cràng enh ngia Chuaq Jesus rai anoe paqnoh dìq dōng. **34** Chuaq Jesus doe ka haq: “Yôiq kon cadrì au, manoh kon lùì khoe broq kon jah brêh. Lam beq lam ka catèm brêh ka yiniq.” **35** Chuaq Jò Jesus oe raq tapoch, i mangai trùh enh hnim Jairu, mangai broq gàu tanòe hnim tagop qyoh, wì aih doe: Kon ìh khoe cachit, ìh oe pangài dèh ka haq qmat? **36** Mahaq Jesus ùh tamàng bầu aih, haq doe ka Jairu: “Apaq yùq, ìh rap toq lùì raq.” **37** Chuaq Jesus ùh am mangai leq tiaq haq enh gùng ka Phiero, Jaco xam Jon oh Jaco. **38** Jò khoe trùh ta hnim mangai broq gàu nòe hnim tagop qyoh, Haq hnoq wì broq ma tagràng, qnah ngai hmoe, qnah ngai cajiah. **39** Jò khoe mùt ta hnim, Haq doe ka wì: “Gleq pì ma jah tagruàng qmang qmat? Kon qyoh kô ùh xài cachit, qmat xài haq kùì”. **40** Wì do rai halê Haq. Haq thê wì loh dìq dōng, òeq toq miq baq kon qyoh aih xam mangai tiaq Haq, hanoh wì haq hi mùt tanòe tangùì kon qyoh aih. **41** Haq rùp tì kon qyoh aih rai doe: “Ta-li-tha-Cu-mi.” (bầu aih doe rameh: Yôiq kon cadrì qyoh, Au thê gè yòng beq.) **42** Kon mangai qyoh aih padinh yòng rai cadiang lam, majah qmang aih haq khoe jah moeq jàt baiq hanam. Wì dìq jaq hamàih. **43** Haq panhet wì ùh dũh am ka cabô loq yiniq aih, khoe èh Haq thê wì am kon qyoh aih acaq.

6 Chuaq Jesus loh enh aih hlài dèh tagùng, bài mangai tiaq hóc hadai lam ti Haq. **2** Trùh hì Sabat, haq hi hnài tanòe hnim tagop qyoh, tàng bầu haq hnài, wì dìq jaq hamàih, wì bôch dabau: Bài yiniq kô haq jah dèh enh leq? Kan rabiaq meh ìq qmang leq? Jaq bài trong halac qmang meh haq broq dua jah haq qmat? **3** Qmat ùh joq mangai thòq broq long, kon da Mari, daq bài Jaco, Jôsep, Juda, Simôn qmòh? Bài oh cadrì haq ma ùh xài oe taqne bèn kô qmòh? Wì hi catoeh ka haq. **4** Mahaq Chuaq Jesus doe ka wì: “Mangai pajàu toq tagùng cla, oh daq cla, hnim cla raq ma ùh ta-iu ka haq.” **5** Ta aih Haq ùh broq kan halac cleq, enh gùng ka yôc tì bèq biaq ngai ùh hrôc dōq wì aih jah brêh. **6** Haq loh ka hamàih majah qmang aih hnoq manoh wì ùh lùì. Khoe aih haq lam jàp plài ten aih hu hnài wì. **7** Haq creò dèh ka moeq jàt baiq ngai Tiaq cla, thê wì lam tang racop baiq ngai, haq am ka wì aih cwiàng drùh qnoh kiac chóc. **8** Haq tanap ka wì lam ti trong apaq wê cleq enh

gùng ka mỏeq toq long canhra, yac ka bẻnh yac ka ayỏp, apaq wẻ bẻc ta caqnam, **9** enh gùng ka tẻc jep, ẻh dẻh wẻ racop baiq blah eo. **10** Haq doe ka wẻ: Jẻ pẻ mẻt ta hnim cabỏ, pẻ hi oe hloe ta aih trẻh hẻ pẻ loh lam. **11** Tẻng i nẻo leq ẻh waq đẻh pẻ, ẻh tamẻng bẻu pẻ, drah loh enh aih rai hapẻh blo ma khoe top ta jẻnh pẻ, đẻoq broq acang ka wẻ hnoq. **12** Moeq jẻt baiq ngai Tiaq cla loh lam anoe hnẻi đỏc rẻm ngai loq raxach, **13** đrẻh hnẻn qnỏh bẻc kiẻc chẻc, xẻt dẻu am ka bẻc ngai yiniq rai broq bẻnh ka wẻ. **14** Bẻu Hẻrỏt tẻng wẻ anoe trẻh Chuaq Jesus, (majah qmang aih yiniq Chuaq mangai khoe loq đẻh hra jẻp jẻi) haq doe: Jon mangai broq bẻtem, cachẻt khoe rẻh hẻi, ha-aiẻh haq men jah broq bẻc trong halac. **15** Mangai qnoeq hỏm doe: Aih ẻli, qnah ngai qnoeq doe: Aih mangai pajẻu dẻnh qnhỏng calah nẻh. **16** Mahaq da bẻu Hẻrỏt doe: Aih raq Jon, mangai au khoe thẻ pot ranỏng, haq khoe rẻh hẻi. **17** Majah qmang aih, Hẻrỏt i thẻ wẻ rẻp clẻh Jon ta hnim cadrong, xem goe haq oe ajẻng nẻo bẻu Hẻrỏt yẻc Hẻrỏ-đẻi aih cadrẻi da Philip oh cla bẻu Hẻrot raq, đẻoq broq mai. **18** Jon i bẻu ẻh loh haq rameh: Bẻu ẻh khỏh yẻc cadrẻi đẻh oh broq mai. **19** Aih ẻi, Hẻrỏdia majah git ka Jon, enh chaq trong jẻh cadẻc haq. **20** Mahaq ẻh jah jẻh, majah qmang aih Hẻrot crẻ ka Jon, loq Jon kỏ aih mangai hadrẻh, mangai taq atoq. Bẻu chaq trong wẻq Jon, jẻ khoe tẻng bẻu Jon, ta manỏh bẻu toq manẻi, mahaq dua bẻu enh tamẻng. **21** Yẻng ẻh taqnẻi, wop glẻm hẻi acaq ỏq manẻ hẻi ha-uang bẻu Hẻrot, bẻu akhen ka bẻi cwan kẻn, cwan wẻq bẻi lẻnh, xam đẻq đẻng gucraq ta gùng Galili. **22** Kon adrẻh da Hẻrỏdia mẻt muaq ta aih, lem ka manỏh bẻu Hẻrot xam bẻi mangai acaq ỏq hẻi aih. Bẻu doe ka kon mangai adrẻh aih: Drah bẻch beq enh waq cleq, au hu am. **23** Bẻu hapah ka haq aih rameh: Waq toq hi bẻch cleq, dua au am, pah axon taneẻ diẻc kỏ ẻh loe. **24** Mangai cadrẻi aih loh enh gùng, hatẻang đẻh ka miq: Au bẻch cleq ma yeo troq kỏ? Miq haq doe: Bẻch gẻu Jon Baptit. **25** Mangai cadrẻi aih drah mẻt ajẻng bẻu, haq doe: Au enh ẻh yẻc gẻu Jon Baptit tah ta đẻt kẻn am ka au manẻq raq. **26** Bẻu mangỏ pi ka jaq, mahaq khoe troq hapah, ẻh qnah hỏm enh ngẻa bẻc ngai acaq ỏq ta aih, bẻu pi xẻp hangah ka haq. **27** Bẻu hi thẻ đẻh lẻnh lam jẻh cadẻc Jon khoe aih arẻng gẻu haq ta aih. **28** Mangai lẻnh aih lam pot ranỏng Jon ta hnim cadrong, khoe ẻh haq tah gẻu aih ta đẻt

kẻn arẻng am ka kon mangai cadrẻi, ẻh mangai kon cadrẻi aih arẻng đẻh ka miq. **29** Mangai tiaq hỏc Jon hẻi qmang aih, wẻ lam yẻc đẻh hanang haq hẻi catẻh. **30** Moeq jẻt baiq ngai Tiaq cla tagop dabau oe dẻdẻn ka Chuaq Jesus, anoe hẻi ka haq rẻm yiniq wẻ haq ma khoe broq khoe hnẻi. **31** Haq doe đẻh ka bẻi mangai tiaq cla: “Beq bẻn lam tanẻo ma hawit hu padẻi toq biaq.” Majah qmang aih tacỏ mangai lam hẻi bẻc hrẻn, jaq haq xam bẻi mangai tiaq cla met pi đẻh jah acaq. **32** Wẻ haq hi loh ta boang đẻoq hu lam tanoẻ ma yeo hawit. **33** Mahaq bẻc ngai hnoq wẻ haq lam, wẻ canau loq, bẻi mangai oe bẻc plẻi ta gùng aih cadẻu trẻh adroe tanẻo Chuaq Jesus xam bẻi mangai tiaq cla lam. **34** Jẻ Chuaq Jesus cadiẻng tẻc enh boang, haq hnoq bẻc mangai oe ta aih, haq tadẻch qmẻo nẻh, haq tamẻt ka wẻ aih, majah qmang aih bẻi wẻ aih tẻh ka trẻu ẻh i ka mangai ban. Haq hi hnẻi wẻ bẻc trong **35** Trẻh jẻ mat mahẻ khoe haqneq, mangai tiaq hỏc thẻi hatẻn ka Chuaq, wẻ anoe: Tacỏ hawit, ẻh qnah hỏm trẻc khoe ten xẻq, **36** ẻh am wẻ bẻc, đỏc wẻ ti mẻt roc plẻi ten tacỏ hu rot dahwẻq acaq. **37** Haq padreo bẻu: “Pẻ kỏ raq mangai am ka wẻ acaq.” Mangai tiaq hỏc anoe: Qmang aih nhẻn ep đẻq loe qne hanam bẻc kẻng abroq hu rot bẻnh am ka wẻ acaq qmỏh? **38** Haq bẻch: “Pẻ i toq leq toq bẻnh? lam ti ngẻn beq!” Mangai tiaq hỏc lam ti ngẻn, khoe ẻh wẻ doe: Padam toq bẻnh xam baiq plẻng ka. **39** Haq doe ka bẻi mangai tiaq hỏc thẻ wẻ hangui tang apẻq tanẻo nhat. **40** Wẻ hangui tiaq tang brong, i brong moeq hrẻnh, brong padam jẻt. **41** Jesus yẻc bẻnh xam baiq plẻng ka, haq qngỏc ta plẻnh, manẻ apẻi, khoe aih haq goh bẻnh qnẻp am ka mangai tiaq hỏc đỏc wẻ lam am ka wẻ ma hangui ta nhat acaq, Haq hanỏh axong baiq plẻng ka qmang aih ka wẻ. **42** Rẻm ngai acaq đẻq jaq panẻc, **43** mangai tiaq hỏc toẻh hẻi rah bẻnh moeq jẻt baiq talẻnh haqnech bẻnh xam ka. **44** Toq gualỏ ma acaq hẻi aih khoe padam muẻn mangai. **45** Khoe ka aih, Haq parẻaq mangai tiaq hỏc drah loh ta boang, hu tẻc pah tau adroe ka haq, tangẻa qnah ta gùng Bẻtsaẻi, jẻ haq thẻ bẻi mangai bẻc hẻi. **46** Atẻq ka haq talah ka wẻ, haq tẻc ta wang đẻoq hu waiẻ khẻn. **47** Trẻh damang, boang khoe oe taqne diẻc, cla haq oe moeq ngai tago. **48** Haq hnoq bẻi mangai tiaq hỏc chẻu boang đẻq jaq xalep, majah qmang aih glẻm cayẻo tẻt ngẻa wẻ haq. Trẻh ten qngẻh, haq lam jẻnh ti riẻng

diac hu trùh ti wì, haq enh lam adroe ka wì. **49** Mangai tiaq hóc hnoq haq lam ti riang diac, xoh kiac chóc, wì cajiah, **50** Majah qmang aih wì diq hnoq haq, ùh i cabô ma ùh crê. Mahaq haq drah creo capoch ka wì, haq doe: “Paq yùq, hacô Au kô, apaq yùq.” **51** Haq cadiang tót ta boang ti bài mangai tiaq hóc, tajòe qmòe jò aih cayeo hi hatinh hloe. Bài mangai tiaq hóc hamàih ùh hnau adroe ka aih hòm. **52** Majah qmang aih, manoh wì haq cadoq yac ka wì khoe hnoq kan halac jò haq broq bênh, dua wì qnhòq qnì cleq. **53** Jò Chuaq Jesus xam mangai tiaq hóc khoe tót apah tau, trùh ta Gênesaret, wì mùt ta aih. **54** Jò bu cadiang loh enh boang, wì gùng aih khoe canau ka Chuaq Jesus. **55** Wì drah cadàu jàp gùng aih wì tòng aràng mangai ùh hróc kùì ta dradrah, waq toq wì hia haq oe taleq, wì tòng qnàng trùh ta aih. **56** Haq lam trùh taleq, yac ka plài qyoh, plài kàn, yac ta gùng leq, wì taqngùì mangai ùh hróc tanòe chòq, wì bóch haq am ka wì jah bèq ðeh toq haqmai eo haq, mangai leq khoe jah bèq eo haq diq jah brêh.

7 I mangai Pharisì xam biaq ngai hnài ranenh, wì aih loh enh Jêrusalem, wì oe dudan ka Jesus **2** Wì aih hnoq i mangai tiaq hóc, acaq xam ti ùh sròeh, aih i q wì acaq mahaq ùh qnheo ti. **3** Mangai Pharisì xam diq ðồng mangai Jùđa wèq yôt bàu wì craq ðình nêh qmon, **4** tàng jòq qnhòq qnheo ti ka lem, ùh jò leq wì haq acaq, jò wì haq hlài enh nòe padro atech, tàng joq qnhòq qnheo dua wì ùh acaq. Wì haq oe tiaq bàc bàu qmon qnoeq hòm, troeq haliang doe mông, abòq broq xam taneh, gổc diac. **5** Aih i qmang aih, dài mangai Pharisì xam mangai hnài ranenh majah bóch Chuaq Jesus: Hagleq mangai tiaq hóc ìh ùh wèq tiaq bàu wì craq ðình nêh haq khoe hnài, gleq wì majah acaq ùh ðùh qmòe ka qnheo ti. **6** Haq padreo bàu doe: “Wùih! Bài mangai patiah toq enh gùng meh, bàu pajàu Êsai ràu trùh pì nêh joq khoe troq, qmang ka bàu khoe achìh: Wì kô yòc toq bàu kùh waiq au, Mahaq manoh wì haq hangai ka au. **7** Wì haq kùh waiq au aih joq qngwan, majah qmang aih, wì haq hnài tiaq toq ranenh loh enh bàu kon mangai. **8** Pì cadác ranenh Boc Plính, mahaq wèq tiaq bàu kon mangai qmon!” **9** Haq doe ka wì: “Pì cadác ðồng ranenh Boc Plính, ðòeq hu wê tiaq bàu cla qmon. **10** Majah qmang aih Môise i doe: Thê pì loq iu ðêh miq baq, òh qnah hòm: Cabô hanip ra-òh ðêh ka miq

baq, mangai aih ep cachìt. **11** Mahaq da pì aih doe: Mangai leq doe ðêh ka miq baq: Rìm yiniq au ðòeq wiang ban chòp au khoe còban (bàu aih rameh: au khoe ðêch ðồng ka Boc Plính.) **12** Qmang aih mangai aih pì ep wèq ngan miq baq. **13** Qmang aih pì yòc bàu cla raðeh qmon ðòeq hu cadác bàu Boc Plính. Oe i bàc trong qnoeq hòm pì hadai broq qmang aih.” **14** Haq creo ka bài mangai bàc ma oe ta aih, haq doe: “Thê pì rai tamàng rai loq tàng, **15** ùh i ka yiniq cleq oe enh gùng mùt ta chac pì, broq ka pì ùh sròeh, mahaq bài yiniq enh dalam ka chac pì loh enh gùng, yiniq aih òh ma broq ka pì ùh sròeh.” **16** Tàng cabô i don, tamàng beq (Bàu kô ta hset ðình nêh ùh i). **17** Jò Haq khoe mùt ta hnìm, jò khoe hangai ka bài mangai bàc, mangai tiaq hóc bóch haq bàu aliah aih. **18** Haq padreo bàu: “Pì ma ùh i ka manoh loq hêm? Ùh i ka yiniq leq oe enh gùng mùt ta chac mangai, jah broq ka mangai loh ka amùa, bàu aih pì ma qnhòq qnì tàng? **19** Majah qmang aih bài yiniq aih ùh i mùt ta manoh mangai, mahaq bài yiniq aih loh hloe ta padúc, khoe aih hi loh enh gùng. Qmang aih haq doe: Yiniq acaq aih diq lem. **20** Haq doe tam: “Yiniq leq loh enh chac mangai aih ma broq ka mangai ùh sròeh! **21** Joq qnàng aih enh dalam ka mangai ma jah loh manoh dù, loq taqnung, loq atùng, loq jêh ðac mangai. **22** Tango anang, daiq plai, ratauq, gôpla, ùh qnì camaih, ta grính, tapoch ðech ka wì, panhòm, tapoch blùng. **23** Bài kan qmêq aih diq loh enh manoh, aih ma broq ka mangai loh ka ùh sròeh. **24** Chuaq Jesus loh enh aih haq lam ti kênh gùng Tiro, Haq mùt ta moeq toq hnìm aih, ùh enh am cabô loq haq oe ta aih, mahaq ùh hlèp. **25** Bu mùt ta aih, i moeq ngai gucadrì haq aih i moeq toq kon cadrì qyoh i kiac mùt ta chac, jò haq hia tàng Chuaq Jesus, haq aih mùt pacro ðaðeh nòe jênh Chuaq Jesus. **26** Gucadrì aih mangai Gorec, ha-uang ta gùng Siro Phênisì. Haq canòm ðeh ka Chuaq Jesus hnân qnoh kiac loh enh chac kon haq. **27** Chuaq Jesus doe ka haq: “Adroe aih, ðòeq ða cla wì yoh acaq ka panàc ðeq, majah qmang aih yòc bênh wì qyoh acaq caqnìh am ka koq aih ùh troq!” **28** Gucadrì aih padreo bàu: Waiq Chuaq, khoe joq qmang aih raq, mahaq bài kon koq oe ðeh ta caqnàm jah acaq ðeh cràc bênh kon qyoh ma taclìh. **29** Khoe aih Chuaq Jesus doe ka mangai cadrì: “Pàng ìh khoe doe qmang aih, kiac majah khoe loh enh chac kon ìh, hlài beq”. **30** Mangai

gucadrì aih hlài dèh ta hnim, haq hnoq dèh kon oe ta juàng, kiác khoe loh. **31** Atiq ka aih, Chuaq Jesus pi oe ta kênh gùng Tiro hòm, haq lam pajang trong gùng Sidôn rai dang jù loh diác raxiq Galili, khoe aih Haq mùt ta cròng Đêcaboli. **32** Wì tòng aràng ka haq moeq ngai clic don rai tapoch ùh hloh, wì canòm ðeh ka Chuaq Jesus yóc ti bèq mangai aih. **33** Chuaq Jesus qnung haq aih lam ti radeh, hangai ka mangai bàc tau, Chuaq Jesus yóc hadrang ti ðoeq ajang don haq aih, rai yóc diác hai xùt rapet haq aih. **34** Chuaq Jesus qngóc ta plinh, haq hihèm cadrùq, haq doe: “Ephata, (bàu aih rameh: Ta pèch beq!) **35** Tajde qmòe jò aih raq, don mangai aih hi tapèch, rapet haq aih hadai jah raðah ka lem, mangai aih hi hloh tapoch. **36** Chuaq Jesus ùh am wì anoe ka cabô loq, mahaq haq ùh am dàng leq, wì anoe yeo hnau ka aih hòm. **37** Bài mangai tàng yiniq aih, wì hamàih oe i jaq cleq, wì doe: Haq broq rìm yiniq ðiq loh ka lem đồng, broq ka mangai clic don jah tàng, mangai lâu jah hloh tapoch.

8 Bài hi aih, i bàc mangai qnoeq hòm lam tiaq Chuaq Jesus, jò wì aih pi i cleq hu acaq hòm, Chuaq Jesus creo ka mangai tiaq hóc trùh ajang da ðeh, Haq doe: **2** “Au ha-och ka bài mangai bàc kô, wì haq oe ti au khoe jah piq hi kô, ùh i ka yiniq acaq. **3** Tàng joq au thê wì haq hlài ta hnim rai pangot, wì haq loq tacro ti trong majah qmang aih wì haq trùh enh nòe hangai”. **4** Mangai tiaq hóc padreo bàu: Mahaq tanðe hawit qmang kô, cabô qnì chaq enh leq ma i bênh tàu ka wì acaq? **5** Jesus bòch: “Pì i toq leq toq bênh?” mangai tiaq hóc doe: i tapèh toq! **6** Haq thê bài mangai bàc aih haqngui ta taneh; khoe aih Haq yóc tapèh toq bênh, manè apôi Boc Plinh, haq goh bênh aih khoe èh qnèp ka mangai tiaq hóc, ðoeq wì haq lam axong ka mangai bàc acaq, mangai tiaq hóc lam axong ka wì. **7** Mangai tiaq hóc hanoh i bíaq pliang kon ka qyoh, haq manè apôi Boc Plinh khoe èh thê mangai tiaq hóc lam axong qmang ka yàng adroe ðiq. **8** Mangai leq mangai meh acaq qmòe ka tàu joq qnàng. Khoe aih mangai tiaq hóc toch hlài bài hanech oe rah jah qmòe tapèh talênh bình. **9** Bài mangai acaq hi aih jah qnah ta pôn muàn. **10** Atiq ka khoe am wì hlài, haq tót ta boang ti mangai tiaq hóc, lam ta gùng Đama-nutha. **11** Bài mangai Pharisi trùh bòch Chuaq Jesus, ðoeq hu chaq trong bahlac haq, wì

thê haq am wì hnoq kan halac enh plinh, ðoeq hu qnhro Haq. **12** Chuaq Jesus hi hèm cadrùq, rai doe: “Hagleq xinoe kô majah bòch ngan kan halac. Au anoe joq qnàng ka pì, ùh i kan halac leq hu am ka pì.” **13** Haq hi caðac wì, tót hlài dèh taboang ðoeq hu tót pah tau. **14** Mangai tiaq hóc ùh hmàng wê bênh, taboang i mòeq toq bênh raq. **15** Haq pariaq mangai tiaq hóc: “Ngan oq, pì ep wèq radeh ma khoe ka blo da mangai Pharisi xam blo bài bua da Hêrot”. **16** Mangai tiaq hóc doe ka dabau: Aih jao bèn ùh i wê bênh. **17** Loq ka trong wì ta hatuàng, Chuaq Jesus bòch wì haq: “Gleq pì ma jah hatuàng ti dabau bèn ùh i ka bênh? Pì ma qnhòq tàng, pì ma qnhòq tem raq qmòh? Manoh pì dua oe raq cadoq yôt qmòh? **18** Pì i mat mahaq gleq ma ùh hnoq? I don mahaq gleq ùh tàng? Pì ùh hmàng qmòh? **19** Jò au goh padam toq bênh am ka padam muàn mangai acaq, haqnech haq pì toch hlài jah toq leq rajo?” Wì doe: Moeq jàt baiq rajo. **20** Ha yàng au goh tapèh toq bênh am ka pôn muàn mangai acaq, pì toch hlài jah toq leq rajo? Wì doe: tapèh rajo. **21** Haq doe: “Pì dua oe raq qnhòq qnì qmòh?” **22** Chuaq Jesus xam mangai tiaq hóc lam trùh ta plài Bêtsaida. Wì aràng ka haq mòeq mangai lua mat wì canòm ðeh ka haq yóc ti bèq haq aih. **23** Chuaq Jesus carùp ti mangai aih, tíc qnoh enh gùng ka plài, xùt diác hai ta mat haq aih, yóc ti bèq haq aih rai bòch: “Ìh i hnoq cleq ùh?” **24** Mangai lua mat qngoc ta haqnhèq rai padreo bàu: Au hnoq mangai wì haq lam tìah taiq ka long. **25** Chuaq Jesus yóc ti bèq mat mangai aih mòeq yàng hòm, aih mat haq hi tapèh, jah qngah, haq hnoq rìm yiniq ðiq jaq hliang. **26** Chuaq Jesus thê haq aih hlài dèh ta hnim rai tanap: “Ùh dùh mùt dèh ta plài.” **27** Chuaq Jesus xam mangai tia hóc loh enh aih, wì lam ta roc plài haten ka Sêsare philip. Jò lam ti trong haq bòch wì: “Wì doe au kô iq cabô?” **28** Wì padreo bàu: Qnah ngai doe Jon Baptit, tang ngai doe Êli, mangai qnoeq hòm doe ìh qmat moeq ngai pajàu ðình calah nèh. **29** Haq bòch: “Ha pì doe au kô iq cabô?” Phiero padreo bàu: Ìh kô raq Christ! **30** Chuaq Jesus panhet mangai tiaq hóc ùh jah anoe ka mangai qnoeq loq ka haq. **31** Pang aih, haq hi hnài ka mangai tiaq hóc rameh “Kon Mangai ep xalep bàc trong, bài wì gucraq, bài pajàu kàn xam bài mangai hnài ranenh kên qnoh ðac haq, haq ep cachit, atiq ka piq hi haq hi rìh hlài.” **32** Haq anoe hloh trong aih ka mangai tiaq hóc.

Phiero qnàng Haq lam ta kênh rai tagàih haq. 33 Mahaq Chuaq Jesus hwi ngan mangai tiaq hóc rai tapoch ka Phiero: “Wùih Satan meh! Dra h wia oe enh rù ka au beq. Majah qmang aih ìh ùh i hèm trùh trong da Boc Plính, mahaq hèm toq trong kon mangai.” 34 Khoe aih haq creo ka bài mangai bác xam mangai tiaq hóc trùh ajang haq. Haq doe: “Tàng cabô enh tiaq au, haq aih ep cadac radeh, xùì dèh long pagat ðòeq hu tiaq au. 35 Majah qmang aih cabô ù wèq dèh kan rìh, aih èh hnhung, mahaq mangai leq taiq au taiq bàu lem chiuc cadac dèh kan rìh, mangai aih èh jah dèch. 36 Mangai leq i ðìq dõng cõng taneh kô mahaq cadac hnhung dèh ka mahua yang, aih haq jah cleq? 37 I ka cabô jah yõc cleq ðòeq hu halìh yõc hlài dèh mahua yang ùh? 38 Oe taqne nang noe loq taqnung tango, broq toq yiniq lui kô, tàng cabô xep camaih ka yiniq au, camaih ka bàu au, Kon Mangai hadai camaih xep ka mangai aih, jò haq oe taqne kan ranhòm enh Baq haq hu trùh, xam bài bình plính hadròeh.”

9 Èh Haq doe ka mangai taq hóc: “Joa qnàng Au doe ka pì, pì ma yòng ajang kô i ngai ùh cachit adroe ka jah hnoq diac Boc Plính yõc cwiang itai hu trùh. 2 Atiq ka tadràu hì, Chuaq Jesus aràng Phiero, Jaco xam Jon tiaq haq tõi ta wang haqhèq, ùh i ka mangai qnoeq ta aih, toq wì haq raq. Ta aih Haq wìh wia enh ngèa wì piq ngai. 3 Eo Haq loh ka taboc camla ðìq jaq, ùh i mangai leq oe ta cõng taneh broq taboc jah qmang aih. 4 Êli xam Môise loh hatuàng ti Haq. 5 Phiero doe ka Chuaq Jesus: Rabi! Bèn oe ta kô lem joq qnàng, beq broq piq toq randh, moeq toq ka ìh, moeq toq ka Môise, moeq toq hòmh ka Êli. 6 Phiero ùh qnì qmòe ðeh doe cleq, majah qmang aih ðìq ka wì haq yùq crè pi ka jaq. 7 khoe aih i moeq cato yùc kàn glàp wì haq, enh yùc aih i bàu doe: “Kô raq Kon calò da Au, mangai Au ma loq waq dèh, thê pì tamàng bàu haq.” 8 Jò aih, bài mangai tiaq hóc hwi ngan dudan, cadoe pì hnoq cabô, enh gùng ka moeq ngai Chuaq Jesus raq ma oe ti wì. 9 Jò wì loh enh wang, haq ùh lòh mangai tiaq hóc anoe hlài ka cabô loq bài yiniq wì haq ma khoe hnoq, trùh jò leq Kon Mangai khoe rìh hlài enh cachit. 10 Mangai tiaq hóc wê bàu aih, wì bòch dabau: Cachit rìh hlài, aih ìq haq doe cleq? 11 Mangai tiaq hóc bòch haq: Hagleq bài mangai hnài ranenh ma doe Êli ep trùh adroe? 12 Chuaq

Jesus padreo bàu: “Joa Êli ep trùh adroe, ðòeq hu palauq hlài rìm trong. Aih ìq hagleq majah i bàu achìh Kon Mangai ep xalep bác trong, wì halê cadac haq? 13 Mahaq au doe ka pì Êli khoe trùh, wì tabroq ka haq tiaq dèh manoh wì ma enh, wop troeq bàu ma khoe achìh trùh haq.” 14 Jò Chuaq Jesus xam piq ngai aih lam trùh ajang nòe bài mangai hanoh tiaq hóc, hnoq mangai bác pi ka jaq oe dudan ka wì aih, èh i mangai hnài ranenh tarahen ka bài mangai tiaq hóc aih. 15 Bài mangai bác aih bu hnoq haq wì khoe hamàih, wì tũh ta haq. 16 Haq bòch wì: “Pì rahen ka mangai tiaq hóc au yiniq cleq?” 17 I moeq ngai ta aih têu bàu: Mangai hnài! Au aràng dèh kon trùh ka ìh, kiac lâu khoe pawè haq, 18 yac ka qnang oe taleq, jò kiac hi mùt ta haq broq ka haq loh ka troq kênh, loh toq diac hai camùh, cadrit hanenh, haq loh ka gang got hloe, au canòm ðeh ka mangai tiaq hóc drùh qnoh kiac aih, mahaq ùh jah. 19 Chuaq Jesus doe: “Wùih! nang noe ùh qnì lùì tau, Au oe jah oe ti pì trùh pang leq? Au ep àt ka pì trùh jò leq hòmh? Qnàng kon mangai qyoh aih ka au”. 20 Wì hi qnàng kon qyoh aih ka haq. Kon qyoh aih bu hnoq Chuaq Jesus, kiac khoe rapôh haq, haq tacro ta taneh, cadro cadria hacùng loh toq diac hai. 21 Chuaq Jesus bòch baq haq: “Haq loh ka qmang kô dũnh neo?” Baq haq têu: enh qyoh nèn raq. 22 Kiac khoe bác yàng khwênh qnìh haq ta ùnh, ta diac, hu jêh ðac haq, mahaq ìh broq cleq jah, ìh ha-och rai broq bìaq ka ma ðìq! 23 Chuaq Jesus doe: “Hagleq ìh majah doe: Tàng ìh broq jah? Waq toq cabô hi lùì rìm yiniq ðìq jah”. 24 Baq kon mangai qyoh aih dra h doe: au lùì ìh, Waiq Chuaq! ìh wiang bìaq da au ajang kan ùh qnì lùì aih. 25 Jò Chuaq Jesus hnoq mangai bác trùh, Haq lech ka kiac aih rai thê: “Kiac cìc rai lâu meh, au thê gè loh enh kon mangai qyoh kô, pang kô ta èh pì jah pawè haq hòmh”. 26 Kiac rai cajiah rai rapôh kon qyoh aih cadêh, khoe kiac hi loh, kon mangai aih tiah qmòe ka khoe cachit, bác ngai crè wì doe: haq khoe cachit. 27 Mahaq Chuaq Jesus rùp tì dèch haq hi yòng. 28 Jò Chuaq Jesus khoe mùt ta hnìmh, mangai tiaq hóc thia haten wì chop bòch: Gleq nhèn drùh kiac aih ùh jah? 29 Haq doe: “Tàng ùh waiq khàn ùh i cabô drùh qnoh kiac aih jah.” 30 Khoe aih Chuaq Jesus xam mangai tiaq hóc loh enh aih, lam pagat trong Galili, Haq ùh enh ðòq ka cabô loq wì haq qnang oe taleq. 31 Majah qmang aih haq khoe hnài dèh mangai

tiaq hõc, haq doe: “Kon mangai kô èh mùt ta ti wì, wì jêh cađac, haq cachit piq hi khoe èh rih hlài. 32 Mahaq mangai tiaq hõc ùh tem bàu aih, wì ùh hùà bõch haq trong aih. 33 Wì haq trùh ta Cabênaum. Jò khoe oe ta hnim, haq bõch wì: “Jò lam ti trong ìq pì tarahen cleq ka dabau? 34 Mahaq wì hatinh majah qmang aih oe ti trong wì tarahen ka dabau: Taqne bèn kô cabô ma yeo kàn? 35 Chuaq Jesus hangui, creo đồng moeq jàt baiq ngai tiaq hõc, Haq doe: “Mangai leq enh broq gàu, haq aih ep oe atiq lùch, ep broq hapõng patih ka wì qnoeq.” 36 Haq yõc moeq toq kon qyoh, tah taqne mangai tiaq hõc, khoe aih haq caqmìn kon qyoh aih rai doe ka wì: 37 “Cabô jao Yiniq Au chiùq ãih moeq ngai kon qyoh qmang kô, aih haq ãih au, cabô ãih au, aih ùh xài haq ãih au, mahaq ãih Mangai ma khoe thê au.” 38 Jon doe ka Haq: Mangai hnài, nhèn khoe hmaq hnoq i mangai yõc yiniq ìh ãeq drùh kan kiac, nhèn khoe ùh lòh haq, majah qmang aih wì aih ùh tiaq bèn. 39 Chuaq Jesus doe: “Apaq tát dèh, ùh i mangai leq rai yõc yiniq au broq kan halac rai tapoch qmèq ka au. 40 Majah qmang aih, mangai leq ùh hiaq tablêq ka bèn haq aih hanoh ti bèn. 41 Cabô jao yiniq au kô èh ma am ka pì moeq doe chrõng diac, majah qmang aih taiq pì aih mangai da Christ, Joq qnàng au doe ka pì haq aih ùh hnhung dèh kan baha. 42 Mahaq mangai leq broq ka mõe eq ngai taqne bài wì qyoh kô khoe lùì au cùh ta yiniq lui, yõc apau hmo ma kàn kàt rãõng haq aih lam cadram ta diac raxiq aih ùh hnau hòh. 43 Tàng joq tì ìh broq ka ìh loh yiniq, pot ãac tì aih, yac ka moeq apah tì mahaq jah mùt ta kan rih, ùh hnau tòm baiq apah tì mahaq taclìh ta hwinh, ta bàu ùnh ùh pat. (Geenna g1067) 45 Tàng jènh ìh broq ka ìh loh yiniq, pot cađac jènh aih, moeq apah jènh mahaq jah mùt ta kan rih, ùh hnau tòm baiq apah jènh mahaq wì khwênh qnìh ta bau ùnh. (Geenna g1067) 47 Tàng joq mat ìh broq ka ìh loh yiniq, bõc ãac mat aih beq, oe moeq apah mat ma haq jah mùt ta diac BocPlinh, ùh hnau tòm baiq pah mat mahaq ta cùh ta hwinh, (Geenna g1067) 48 aih la nòe i hrai ma kaq wì haq, hrai aih ùh kachit, tanðe ùnh ùh jò leq pat. 49 Rìm ngai ta aih jah paqn hòq xi ùnh. 50 Boh aih ngè lem, mahaq tàng boh aih pi xang, aih èh yõc cleq hu broq haq xang hlài. ãiq ka pì ep i boh oe ta manoh, ep hatroq ti dabau”.

10 Chuaq Jesus loh enh aih, trùh ta cròng Judê, tõi pah tau ka diac Jođan, mangai bàc tagop dabau trùh hòh ti haq, tiaq dèh ma khoe hmaq yõt, haq hi hnài wì. 2 Bài mangai Pharisi lam haten bõch ãeq hu chaq trong bahlac haq: Mangai gucalô akhòh cađac mai? 3 “Mõise khoe thê pì qmang leq?” Haq bõch wì. 4 Wì aih padreo bàu: Mõise lòh mangai calô achìh moeq ara q jàiq broq bò acan tacadac, khoe aih caqnaih deh cadri loh lam. 5 Chuaq Jesus padreo bàu: “Aih jao pì cadoq manoh Mõise ma jah achìh ranenh aih. 6 Mahaq enh jò baxèm broq plinh crõng taneh, Boc Plinh broq moeq ngai calô, moeq ngai cadri. 7 Aih ìq mangai calô majah talah dèh miq baq ãeq taqmùt dèh ti mai, 8 wa baiq ngai hi wìa moeq xech akia. Pang aih, õng mai pi xài baiq hòh, mahaq khoe loh moeq xech akia. 9 Qmang aih, kon mangai ùh jah lah bài mangai leq Boc Plinh ma khoe acop”. 10 Jò oe ta hnim, mangai tiaq hõc bõch hòh trong aih, 11 Haq padreo bàu: “Cabô cađac mai èh yõc mangai cadri qnoeq broq mai, haq khoe wìa mangai tango ka mangai cadri tau, 12 tàng joq mangai cadri cađac dèh õng, yõc õng qnoeq, aih hanoh loh mangai tango. 13 Wì aràng kon qyoh trùh ti Chuaq Jesus ãeq ka haq yõc tì bèq wì qyoh, mahaq mangai tiaq hõc lech ka wì. 14 Jò Chuaq Jesus hnoq qmang aih, haq nòeh ka mangai tiaq hõc, haq doe: “Đõq haq kon qyoh trùh ti au, apaq tát wì haq, majah qmang aih diac Boc Plinh am bài mangai leq ma tiàh ka kon qyoh. 15 Joq qnàng au doe ka pì, mangai leq ùh ãih yõc diac plinh qmang kon qyoh qmat, haq aih ùh jò leq jah mùt ta diac plinh”. 16 Khoe aih, haq caqmìn kon qyoh rai waiq am xõp ramot ka wì qyoh. 17 Chuaq Jesus qnang hu loh lam, i moeq ngai cadàu tũh hacùn cràng enh ngèa ka haq, rai bõch: ìh kô mangai hnài lem linh, au ep broq cleq ãeq hu jah kan rih halinh? (aiõnios g166) 18 Chuaq Jesus doe: “Hagleq ìh majah doe au mangai lem linh? Ùh i mangai leq lem linh, enh gũng ka Boc Plinh”. 19 ìh loq bài ranenh kô: “Apaq tango, apaq jêh ãac mangai, apaq atùng, apaq yòng tapoch dech ka cabô, apaq qnùt bô, loq ta-iu dèh miq baq” 20 Mangai aih padreo bàu: Mangai hnài, enh jò au oe qyoh nèh raq au khoe wèq ãiq bài raneng kô. 21 Chuaq Jesus ngan mangai aih rai ha-õch ka haq, Chuaq Jesus doe: “Ìh qnhòq i moeq yiniq hòh, hlài tech ãiq ãeq kùng hang ìh, am ka mangai pa, aih èh ìh hi i kùng hang canaq

oe ta diac Plinh. Khoe aih hi lam tacô ðoeq hu tiaq au”. 22 Jò aih hadrò mangai guradam aih hnoq qmòe kan haq mangò ka bàu aih, majah qmang aih, kùng hang haq bàc haraya. 23 Chuaq Jesus ti ngan dudan rai doe ka mangai tiaq hóc: “Mangai padrông ùh hlàu cleq ka jah mùt diac Plinh!” 24 Mangai tiaq hóc hamàih ka bàu aih. Mahaq Chuaq Jesus doe hòmm: “Wì kon! mangai padrông yo ðeh kan ðoeq mùt diac plinh aih joq xa qnàng! 25 Lócda mùt trom jrùm yi hlàu ka mangai padrông mùt diac Boc Plinh.” 26 Mangai tiaq hóc hamàih ùh hnau hòmm, wì hatuàng ti dabau: Tàng qmang aih òh mangai leq ma oe jah ðèch? 27 Chuaq Jesus ngan wì haq rai doe: “Yiniq aih kon mangai broq trong ùh jah, mahaq Boc Plinh ùh qmang aih, Boc Plinh broq jah rìm yiniq”. 28 Phiero anoe ka haq: Hacô nhèn khoe cađac rìm yiniq hu lam tiaq ìh. 29 Chuaq Jesus padreo bàu: “Joa qnàng au anoe ka pì, ùh i moeq ngai leq cađac ðeh hnim, oh daq calô, oh daq cadrì, cađac miq baq hloe xam bài kon xam ruàng pràm, ðoeq tiaq au xam trong Bàu lem, 30 manòeq kô raq, qnhòng kô raq haq aih ma ùh jah yóc hlài hloe ka hrinh yàng bòe hnim, oh daq calô, oh daq cadrì, miq kon, taneh ruàng, hloe xam bài kan nanxa xam kan rìh halinh qnhòng atiq kô òh. (aiōn g165, aiōnios g166) 31 Mahaq bàc ngai oe adroe loh ka atiq, mangai atiq loh ka adroe”. 32 Jò Chuaq Jesus xam mangai tiaq hóc qnang lam ti trong tócc ta Jérusalem, Haq lam adroe, bài mangai tiaq hóc ði q jaq yùq, bài mangai lam tiaq hadai crè. Haq qnung moeq jàtt baiq ngai tiaq hóc lam crài ti haq hòmm rai anoe ka wì loq yiniq padon trùh ka wì haq. 33 Haq doe: “Bèn qnang tócc ta Jérusalem, Kon Mangai kô òh mùt ta ti bài pajàu kàn xam bài mangai hnài ranenh. Wì aih hi taqmòq ka haq yiniq cachìt, wì aih aràng jao haq am ka wì enh gùng. 34 Wì hi halè haq, cachòh ka haq, mahaq piq hi ònh òh haq hi rìh hlài.” 35 Atiq ka aih, Jaco xam Jon (kon Sêbede thia ajang Haq), wa doe: Mangai hnài, ìh broq am ka ma yiniq ma enh bòch ðeh. 36 Haq doe: “Chòp enh Au broq ka chòp cleq?” 37 Wa aih pa dreo bàu: Jò leq ìh jah kan ranhòmm òh, ìh am ka ma moeq ngai haqngui apah qma, moeq ngai apah qngeo ka ìh. 38 Chuaq Jesus padreo bàu: “Chòp ùh qnì ka rađeh qnang bòch cleq, doe chrông au ôq, chòp ahlàt ôq, baptem hu broq ka au, chòp ahlàt broq ùh?” 39 Wa aih têu: Ma hlàt. Chuaq Jesus anoe ka wa: “Doe

chrông au ôq kô òh chòp hanoh ôq, baptem hu broq ka au kô òh chòp hadai jah broq, 40 mahaq hu hangui apah qma, apah qngeo ka au aih ùh xài au am, ajang aih ðoeq da bài mangai leq nòe aih khoe padon ðeh adroe”. 41 Jò wì moeq jàtt ngai tau tàng qmang aih, wì haq nòeh ka wa Jaco wa Jon. 42 Chuaq Jesus creò ka wì haq oe qmoeq qmang ti dabau, haq doe: “Pì loq mangai ma broq gàu wì enh gùng, thê wì qnoeq iu rađeh, cwan kàn aih haq yo ka rađeh ðoeq padit mangai qnoeq, 43 pì ùh xài qmang aih, mahaq tapì mangai leq enh broq kàn, mangai aih ep broq hapông, 44 mangai leq enh broq gàu, haq aih ep broq ðic rìm ngai. 45 Majah qmang aih, Kon Mangai trùh ùh xài ðoeq wì patìh ka haq, mahaq ðoeq haq patìh glòq ka wì, rai cađac kan rìh rađeh ðoeq hu ðèch bàc ngai”. 46 Khoe aih, Chuaq Jesus xam mangai tiaq hóc trùh ta Jêrico. Jò wì haq hloe xam bài mangai bàc qnang loh enh aih, i moeq ngai lua mat yiniq haq Batimê, (kon daTimê) qnang haqngui ti trong hu axin. 47 Jò haq tàng wì doe: aih Chuaq Jesus mangai Naxaret, haq drah creò cadêh: waiq Chuaq Jesus, Kon bùa Đawit, xa-och ka au ði! 48 Bàc ngai tapoch hnep ka haq, thê haq chaq oe ma hatinh, mahaq haq ka creò tam yeo ðeh hòmm: Kon Đawit, xa-och ka au ði! 49 Chuaq Jesus yòng jang aih rai doe: “Creò ka haq lam ajang kô”. Wì creò ka mangai ùh xau aih rai doe ka haq: Cajap manoh, yòng beq, Haq creò ka ìh. 50 Mangai lua mat aih lèh ðeh eo enh gùng, tùh thia ajang Chuaq Jesus. 51 Chuaq Jesus bòch haq: “Ìh enh au broq ka ìh cleq?” Mangai lua mat aih padreo bàu: Rabi, au enh jah hnoq. 52 Chuaq Jesus doe ka haq: “Lam beq! Kan lùì ìh khoe broq ìh brêh.” Tajòe hloe jò aih haq jah hnoq, haq hi lam tiaq ti Chuaq Jesus.

11 Jò khoe ten trùh Jérusalem, tanòe plài Bêphajê xam plài Bêthani tajang ka wang Oliu, Chuaq Jesus thê baiq ngai tiaq hóc, 2 Haq doe ka wa: “Mùt ta plài enh ngèa ka chòp, jò mùt ta aih hnoq moeq toq lùà qyoh wì kàtt ta aih, qnhòq i cabô lah tócc crông haq, chòp canaih haq khoe aih tiaq ahlài tacô ka au. 3 Tàng i mangai leq loq bòch: Gleq ma jah broq qmang qmat? Chòp doe ka wì: Chuaq i yiniq waq, aih òh wì hi ðòq chòp tiaq ahlài”. 4 Wa aih hi lam, hnoq kon lùà qyoh qnang kàtt enh gùng tajang ka trong qmang, wa hi lèh canaih. 5 Wì ma oe ta aih i qnah ngai oe ta aih bòch: Chòp

caqnaih kon lù qyoh qmat hu broq cleq? 6 Wa aih padreo bàu qmang ka Chuaq Jesus khoe tanap, wì hi canaih wa lam. 7 Wa tiaq ahlài kon lù aih ka Chuaq Jesus, yỗc dềh eo hłềch enh crỗng lù aih, khoe aih Chuaq Jesus hi tỗc enh crỗng. 8 Bằc ngai lềh dềh eo hłềch ti trong lam, i qnah ngai loh ta ruàng goh hamenh long xap roc trong. 9 Mangai lam adroe, mangai lam atiq ãiq moeq bàu cadềh: Hỗsana! Khỗh manề ka Mangai trùh enh dalam ka yiniq Chuaq! 10 Xôq ramot am ka ãiac padon trùh kỗ ềh, aih raq ãiac bừa Đawit, kan cadraq bèn! Hỗsana oe ta Plinh haqnềq. 11 Chuaq Jesus mùt ta Jêrusalem, haq lam ta hnim kùh waiq. Haq ti ngan rìm yiniq dudan ta aih, jò mat mahì khoe haqneq, haq xam moeq jàt baiq ngai tiaq hỏc loh enh aih lam ta plài Bềthani. Long pỏc croh 12 Sroq atiq, jò khoe loh enh plài Bềthani, aih Haq pangot. 13 Hnoq enh hangai i moeq xềm long pỏc i hla, Haq lam ngan long aih i ka plì ùh, jò trùh haten ka xềm long hnoq toq hla, majah qmang aih ùh xài jò plì. 14 Haq tapoch ka long aih: “Pang kỗ ềh pì i cabô oe kaq plì enh gề hòm.” ãiq ãớng mangai tiaq hỏc ãiq tàng bàu aih. (aiōn g165) 15 Jò trùh ta Jêrusalem, Haq mùt ta hnim kùh waiq, ãrùh qnoh bài mangai padro ta aih, blỏq cabỗng mangai ma halìh bằc hloe xam gềq wì ma atech trù. 16 Haq ùh am cabô wề cleq jah lam pagat trong aih. 17 Khoe aih haq hnài wì: “Ajq i bàu achìh, Hnim au jah creo hnim waiq khàn ka rìm taneh ãiac? Mahaq pì khoe broq haq loh pù bài mangai atùng.” 18 Bài pajàu xam bài mangai hnài ranenh tàng bàu aih, hi chaq trong hu jềh cadac haq, wì ùh hù a ka haq, majah qmang aih ãiq ãớng phừ crỗng mangai leq mangai meh hamài h ãềh hra ka bàu haq hnài. 19 Jò trỏc khoe ten clam, Chuaq Jesus xam mangai tiaq hỏc loh enh aih. 20 Sroq atiq, jò lam trong aih, wì haq hnoq long pỏc khoe croh trùh ta riah. 21 Phiero hi hmàng hlài haq ãoe ka Chuaq Jesus, Rabi, ìh ngan tau, long pỏc ìh tapoch ka haq hi nềh khoe croh. 22 Chuaq Jesus ãoe: “Thê pì i manoh lù Boc Plinh. 23 Au ãoe qnàng ka pì, tàng cabô ãoe ka búi wang kỗ: lam caqnìh rađềh ta ãiac raxìq beq, ta manoh haq aih ùh i kan rangỏt, mahaq lù troeq bàu rađềh ma khoe anoe, haq jah qmang ãềh ka bàu. 24 Aih ìq au majah ãoe ka pì: Rìm yiniq pì bỏch jò pì waiq khàn, ãrah lù pì khoe jah, aih ềh pì hijah yiniq aih. 25 Jò pì yỏng waiq khàn, tàng joq pì oe i yiniq cleq ùh hatroq ka

cabô, ãrah cadac yiniq aih ka wì beq, aih ềh Baq pì oe ta plinh hanoh cadac ãa pì yiniq lui. 26 (hset ãừnh) Tàng pì qnhỏc cadac ãa wì yiniq lui, Baq pì oe ta plinh hadai qnhỏc cadac ãa pì.” 27 Chuaq Jesus xam mangai tiaq hỏc wìh ta Jêrusalem hòm, jò Chuaq Jesus qnang cadiang lam ta hamlang hnim kùh waiq, bài pajàu kàn, bài mangai hnài ranenh hloe xam bài gucraq thia ajang haq. 28 Wì aih bỏch: ìh yỗc cwiang enh leq ma broq qmang kỗ? Cabô ma khoe thê ìh broq? 29 Chuaq Jesus padreo bàu: “Au hanoh bỏch pì moeq bàu. Pì padreo bàu au, aih ềh au hadai ãoe ka pì loq au yỗc cwiang enh leq hu broq bài trong kỗ. 30 Baptem ãa Jon aih loh enh Plinh, loq loh enh kon mangai? Anoe ka au beq!” 31 Wì aih hatuàng ti dabau, wì ãoe: Tàng joq bèn ãoe loh enh plinh aih ềh haq bỏch bèn: Meh pì ma ùh lù Jon? 32 Mahaq tàng bèn ãoe: loh enh kon mangai? Wì ùh hù a ka mangai ta aih, majah qmang aih, mangai ta aih ãiq lù Jon aih mangai pajàu joq qnàng. 33 Aih ìq wì haq majah hi ãoe ka Chuaq Jesus: Nhèn ùh qnì. Chuaq Jesus ãoe ka wì haq: “Au hadai ùh anoe ka pì loq au yỗc cwiang enh leq hu broq yiniq kỗ”.

12 Khoe aih, Chuaq Jesus hi tapoch aliah ka wì haq: “I mỏeq ngai pít mỏeq wuàn plì nho, haq broq canàng dudan, taqne wuàn haq broq mỏeq toq nỏ ãỏeq ãadit yỗc ãiac plì nho, haq broq mỏeq toq hapom ka haqnềq, khoe aih, haq am ka wì ãatìh axong, ềh cla haq lam ta gùng qnoeq. 2 Trùh jò, cla haq thê ãềh mỏeq ngai hapỗng lam trùh ti bài mangai pít nho, ãỏeq hu yỗc plì wì ma axon ãa haq. 3 Mahaq, wì rùp jềh hapỗng aih, khoe qnat haq brỏc tì ãềh. 4 Haq thê ãềh hapỗng qnoeq hòm, mahaq wì blai gàu haq aih rai hanip broq ka haq ãiq jaq camaih. 5 Haq thê hapỗng qnoeq hòm, wì jềh ca ãac mangai aih, Haq thê bằc ngai qnoeq hòm trùh, qnah ngai wì blai, qnah ngai jềh cadac. 6 Yàng atiq pulùch, haq i ãềh mỏeq ngai kon calỏ raq haq ma loq waq ãềh ãiq jaq, haq hi thê kon aih lam, cla haq hềm ãềh: Yì lai q wì ma ùh iu kon au. 7 Mahaq bài mangai pít nho ta hatinh ka dabau: Kỗ raq kon cla wì craq, mangai ma hu jah waq ãớng kùng hang, beq bèn jềh ãac haq, aih ềh kùng hang haq hi jah ãớng bèn. 8 Wì hi rùp jềh cadac kon calỏ aih, khoe ềh khwềnh qnoh enh gùng ka wuàn plì nho. 9 Khoe aih cla wì craq wuàn nho broq qmang

leq? Haq trùh hu jêh cađac đổng bài mangai pít nhỏ aih, khoe êh yốc wuàn aih am ka wì qnoeq. 10 Pì akhoe lah đốc bầu kô ta hset hadròeh: “Hmo, bài mangai broq hñem ma ràiñ qnoh cađac, Khoe wìa hmo mùm hñim; 11 Boc Plinh khoe broq qmang kô, Aih ajoq kan halac enh ngèa ka mat bèn?” 12 Bài mangai pajàu kàn, bài mangaih hnài ranenh, xam bài gucraq, chaq trong hu rùp Chuaq Jesus, majah qmang aih wì loq bầu haq ma aliah aih anoe trùh wì. Mahaq wì pì lènh hùà ka bài mangai bàc ta aih, êh wì haq hi lam đac taqnoeq. 13 Atiq ka aih, wì thê bài bua da mangai Pharisai xam bài bua da Hêrôt trùh ti Chuaq Jesus đòeq rùp haq ajang nòe bầu tapoch. 14 Wì aih trùh ti haq rai doe: Mangai hnài, nhèn loq ìh kô mangai taq atoq, ùh i yùq ka cabô, majah qmang aih ngan mangai, ìh ùh i ngan toq enh gùng, mahaq hnài trong Boc Plinh tiaq bầu joq qnàng. Am thèq ka Sêsa aih troq loq ùh? Nhèn i ep am thèq ka sêsa? 15 Mahaq Chuaq Jesus loq kan patiah wì aih, haq bôch: “Gleq pì ma ti àu chaq trong bahlac au? Drah qnàng ka au ngan moeq hliac bac beq”. 16 Wì aràng ka haq moeq hliac bac, Haq bôch wì: “Qmù kô qmù ka cabô, yiniq dacabô?” Wì padreo bầu: Da Sêsa. 17 Chuaq Jesus doe ka wì: “Padreo hlài da Sêsa yiniq cleq da sêsa, padreo hlài da Boc Plinh yiniq cleq da Boc Plinh.” Dìq ka wì hamàiñ deh hra ka bầu Haq. 18 Mangai Sađusê, aih bài mangai ma doe ùh i ka kan rìh hlài, wì haq thia haten bôch Chuaq Jesus: 19 Wì doe: Mangai hnài! Môise i achìh ka nhèn ranenh rameh: Tàng moeq ngai tau, i oh daq haq cachit, đòeq hlài dèh mai mahaq ùh i ka kon, mangai aih ep yốc gucadrì hadrô aih, đòeq taqmot hlài caxi noe daq haq. 20 Mandeq kô wì oh daq aih i ta pèh ngai. Mangai ramua yốc mai, khoe aih haq cachit, ùh i ha kon. 21 Mangai ma hatia, yốc mangai cadrì hadrô aih, khoe aih haq cachit, hadai ùh i ka kon, êh mangai ma atiq hanoh qmang aih. 22 Dìq đổng ka wì ta pèh ngai aih, ùh i mangai leq i kon. Pulùch, mangai cadrì aih hadai cachit. 23 Trùh jò rìh hlài, taqne wì ta pèh ngai oh daq aih, mangai cadrì aih broq mai cabô? Majah qmang aih dìq đổng ka wì haq, hanoh khoe yốc gucadrì aih broq mai. 24 Chuaq Jesus padreo bầu: “Ma ùh joq pì khoe hèm hwang? Majah qmang aih pì ùh qnì ka bầu Hset dadròeh xam kan itai Boc Plinh. 25 Jò mangai cachit rìh hlài, wì ùh i yốc mai, hadai ùh yốc òng, mahaq bài mangai rìh hlài aih rìh

tiah ka bình plinh oe ta diac plinh. 26 Anoe trùh bài mangai cachit rìh hlài aih, ta hset Môise i achìh bầu Boc Plinh capoch ka haq tanòe xem yila rameh: Au kô Boc plinh da Apraham, Boc Plinh da Ysac, Boc Plinh da Jacôp, pì ma qnhòq đốc? 27 Haq ùh xài Boc Plinh da bài mangai cachit, mahaq Boc Plinh da bài mangai rìh! Pì qmat joq khoe hèm lìq”. 28 I mòeq ngai hnài ranenh tàng bầu wì tarahen, haq hnoq Chuaq Jesus têu bầu dìq jaq rabiaq, haq aih thia ka haten hu bôch: Dìq đổng ka bài ranenh, ranenh maleq ma yeo kàn đổng? 29 Chuaq Jesus padreo bầu: “Kô ranenh ma yeo kàn: Dìq ka mangai Isorali tamàng kô! Chuaq aih Boc Plinh da bèn, i moeq Chuaq raq. 30 Loq waq ka haq dìq ka cliac, dìq ka mahua yang, dìq ka manoh, dìq ka padren hiwa. 31 Kô ranenh ma atiq, thê loq waq ka magai haten hatia qmang ka cla pì. ùh i ka ranenh leq yeo kàn ùh hnau ka baiq ranenh kô”. 32 Mangai hnài ranenh doe: ìh anoe troq joq qnàng! I mòeq Boc Plinh raq, enh gùng ka haq pì i ma qnoeq hòm; 33 joq ep loq waq ka Haq dìq ka cliac, dìq ka manoh, dìq ka padren hiwa, rai loq waq ka mangai haten hatia tiah dèh cla, aih lem ùh hnau ka tadreo bùi, ùh hnau ka hang tadreo ma qnoeq. 34 Chuaq Jesus hnoq haq aih padreo bầu qmang ka mangai rabiaq, Chuaq Jesus doe: “Ìh pì hangai ka diac Boc Plinh”. Pang aih pì i cabô oe hùà bôch Haq cleq hòm. 35 Jò Chuaq Jesus yòng hnài wì tanòe hñim kùh waiq, haq bôch: “Hagleq bài mangai hnài ranenh doe Christ aih kon Đawit? 36 Cla Đawit jò Yang Hadròeh mahno, haq doe: Chuaq khoe doe ka Craq au: Hangui enh pah qma au, trùh jò au roh bài mangai tablêq ka ìh enh qneq ka jènh ìh.” 37 Cla Đawit khoe creo ka Haq: Craq au! aih wìa ka haq oe broq kon Đawit qmang leq? Bài mangai ma bàc ta aih dìq jaq enh tamàng bầu haq rai lem bùi. 38 Jò hnài wì, Chuaq Jesus doe: “Ngan oq, pì ep wèq radeh ma khoe ka bài mangai hnài ranenh, bài mangai enh toq caxùnh eo yôh lam bayrât, enh waq toq mangai qnoeq kùh gàu ka radeh taqne nòe padro, 39 tanòe hñim tagop xam nòe acaq yiniang enh hangui toq nòe ma rahù, 40 wì haq lonh apom hñim mangai cadrì hadrô, mahaq broq dèh waiq khàn waq ka yôh, trùh jò hadrah wì aih êh ep pòq kan baxa yeo trap hòm. 41 Chuaq Jesus hangui tangèa ka nòe đòeq tah bac, rai ngan wì ta aih tah dèh bac qmang leq. Bàc ngai padròng tah qmòe cabàc. 42 Mahaq i

moeq ngai gucadrì hadrô pa, lam tah baiq hliac bac, **43** Chuaq Jesus creò dèh ka bài mangai tiaq hóc trùh, haq doe: “Jòq qnàng au anoe ka pì, mangai cadrì hadrô kô haq pa, mahaq khoe tah yeo bàc ùh hnau diq dồng ka wì qnoeq. **44** Majah qmang aih, bài mangai qnoeq yóc toq rah dōeq tah tacô, yàng da mangai hadrô kô, haq diq jaq pa, mahaq haq khoe tah diq dồng dèh hliac bàc dōeq huban rađeh.”

13 Jò Chuaq Jesus bu loh enh hnim kùh waiq, i mōeq ngai tiaq hóc doe ka Haq: ìh ngan tau, bòe hmo ta hnim meh lem dāng leq! **2** Chuaq Jeus padreo bàu: “ìh hnoq bài hnim kàn kô qmòh? Kô òh pì i moeq toq hmo leq tacô oe jah raxon enh qnhèq ka hmo qnoeq hòm, diq dōng tacìh taqneq.” **3** Jò Chuaq Jesus hangui ta wang Oliu, tajang ka ngèa hnim kùh waiq, jò ùh i ka mangai qnoeq, Phiero, Jaco, xam Jon thia bòch haq: **4** ìh anoe ka nhèn loq òh diq, jò leq men loh bài yiniq aih? Èh i cleq patô am ka nhèn hu canau khoe trùh jò pagêh? **5** Chuaq Jesus doe ka wì: “Ngan oq! Paq dōq cabô trùh qnùt pì. **6** ì bàc ngai yóc yiniq au dōeq trùh ta pì, wì doe: Au kô raq Christ! Èh wì qnùt bàc ngai. **7** Jò pì tàng kan tajêh poh, pì hia trùh trong tablah, ta manoh pì ùh dùh lèt. Bài yiniq aih ep trùh, mahaq hì pulùch qnhòq trùh. **8** Gùng tamoe kô yòng tablêq ka gùng tamoe tau, Diac kô yòng tablêq ka Diac tau. Bàc nōe taneh loh ka rālàng, bàc nōe loh ka pangot hrah. Aih bu diang kan baxêm jìq hauang. **9** Pì ep wèq rađeh, wì loq rùp qnoh pì tanòe hadrah rai blai pì tanòe hnim tagop. Jao au kô òh pì majah ep yòng enh ngèa bài cwan kàn, bài bùa, dōeq hu panhìn ka wì. **10** Mahaq adroe diq dōng, Bàu lem ep waq ka jah anoe jàp ka mangai òeq. **11** Jò wì rùp qnong pì, apaq yùq òh ep anoe cleq, mahaq hì trùh dèh jò, pì toq tapoch tiaq bàu ma am ka pì, aih ùh xài cla pì tapoch dèh bàu, mahaq Yiang Hadròeh tapoch. **12** Jò aih òh, oh daq blòq dèh oh daq ka cachit, baq blòq dèh kon, bài kon tablêq dèh ka miq baq, waq ka wa cachit. **13** Jao au kô òh diq ka phù cròng wiang git ka pì, mahaq mangai leq ma cajap manoh trùh lùch haq aih òh ma jah dèch. **14** Jò pì hnoq kan raliang, kan pada broq tanòe ma ùh khòh broq (cabô òc ep loq), jò aih mangai leq oe ta gùng Judê drah cadàu tōc ta wang, **15** mangai leq oe ta kùa po hnim ùh dùh loh dèh, ùh dùh mùt ta hnim hu qnhon qnoh dahwèq,

16 mangai leq oe ta gùng apaq wìh hlài hu yóc eo. **17** Jò aih, habo ka bài mangai gucadrì qnang oe jiang hloe xam bài magai kon oe ùq! **18** Drah waiq khàn dōq bài yiniq aih ùh hiaq trùh glàm jò rālìm. **19** Majah qmang aih bài hì aih i kan ranàc kàn, enh jò Boc Plình baxêm broq plình cròng taneh trùh manòeq qnhòq lah i qmang aih, trùh hloe ta atìq kô òh dua ùh i qmang aih. **20** Tàng joq Boc Plình ùh pot qnah bài hì aih dōq haq yì òeq, pì i cleq ma oe rìh. Mahaq taiq bài mangai haq ma khoe ràih haq majah khoe broq ka bòe hì aih yì òeq. **21** Jò aih tàng joq i cabô doe ka pì: Hác Christ oe ta kô, ùh meh wì doe: Haq oe ta tau, pì apaq lùì. **22** Bàc Christ patiah, pajàu patiah trùh, broq bàc trong halac, tàng majah wì haq enh padô qmòe mangai ma khoe jah ràih raq. **23** Ngan oq wèq rađeh, Au khoe anoe ka pì loq adroe. **24** Oe ta bài hì aih, atìq ka kan nanxa, mat mahì loh ka clam, mat khê pì sreo qngah hòm, **25** bài halang ta tróc tacìh ka rađeh, chac plình hanoh loh ka dalàc. **26** Jò aih wì ma hì hnoq Kon Mangai trùh enh yùc plình xam kan cwàng itai kàn, kan ranhòm kàn. **27** Haq hì thê dèh bình plình trùh gop bài mangai khoe jah ràih enh pòn bè ta cròng taneh, enh caqnàm plình kô trùh caqnàm plình tau. **28** Tamàng rai hóc bàu aliah trùh long póc: Jò hamenh haq bu plòh hamóng loh ramot, aih pì loq khoe ten trùh jò padrang. **29** Hanoh qmang aih diq, jò pì hnoq bài yiniq aih trùh, pì loq, Kon Mangai trùh khoe haten, haq oe ajang trong qmang. **30** Joq qnàng au doe ka pì: caxi noe kô ùh hnhung adroe ka bài yiniq aih trùh. **31** Plình cròng taneh kô òh hnhung, mahaq bàu au ùh jò leq hnhung. **32** Mahaq hì mang jò aih, ùh i cabô loq, yac ka bình plình oe ta plình, yac ka Kon, moeq ngai cla Baq raq ma loq dèh. **33** Thê pì wèq ra òh, pì hmàng hamang oq, majah qmang aih pì ùh qnì jò leq yiniq aih trùh. **34** Yiniq aih tiaq ka moeq ngai lam hangai, Haq cadac dèh hnim, thê òh bài hapóng broq moeq ngai moeq yiniq, haq hanoh i thê mangai riu gòm qmang. **35** Qmang aih, pì ep riu gòm, majah qmang aih pì ùh loq cla wì craq hnim hlài jò leq, jò mahì wìh, jò qne mang, jò ia rōng, loq jò bu qngah, **36** beq rayeq cla wì craq hlài hlaiq, glàm jò pì qnang oe raq kùì. **37** Bàu au anoe ka pì kô, au hadai anoe ka bàc ngai qnoeq: Hmàng hamang oq!”

14 Baiq hi adroe ka hi ramènh pan cwa xam ramènh acaq bênh ùh wàt blo, bài pajàu kàn xam bài mangai hnài ranènh hatinh ka dabau chaq trong rùp Chuaq Jesus ka hlep hu jêh cadac. **2** Wì doe: ùh khòh broq yiniq kô ta hi ramènh, yùq ka phù cròng loq loh ka tagruàng. **3** Jò Chuaq Jesus oe ta plài Bêthani, ta hnim Simôn, mangai bacùn, haq qnang hangai acaq, i moeq ngai gucadrì trùh, tì haq wê moeq toq cabi broq xam hmo ngòc, enh dalam tah bình đầu xua thùm canaq bac, haq tùq padah cabi đầu aih, èh ùc đầu xua thùm ta gàu Chuaq Jesus. **4** I bìaq ngai ta aih nòeh ka haq, wì anoe ka dabau: Hagleq maloq racaih ka đầu canaq qmang meh? **5** Tech đầu qmat jah loe piq hrinh ðoniê, yôc bac aih ajoq jah am ka mangai pa? Khoe ka aih wì tapoch ka mangai gucadrì aih oe loh cleq. **6** Mahaq Chuaq Jesus doe ka wì: “Apaq troq haq, hagleq pì ma tapoch ka haq? Haq qmat khoe broq moeq yiniq lem ka au. **7** Majah qmang aih yac ka jò leq dua i mangai pa oe dudan ka pì, pì enh broq trong lem ka wì aih jò leq ma ùh jah, mahaq au ùh i oe yôt ti pì. **8** Mangai gucadrì kô khoe broq trong haq jah broq. Haq xùt dầu ta chac au adroe ðòeq hu padon catùh hanang au. **9** Joq qnàng au doe ka pì: ðiq ka cròng taneh kô, waq toq nòe leq Bàu Lem jah hnài, trong haq ma khoe broq kô èh hadai jah ràu qnoh, ðòeq hu hmàng trùh haq. **10** Taqne wì moeq jàt baiq ngai, i moe ngai yiniq haq Juda Icarìôt, lam trùh ta bài mangai pajàu kàn ðòeq hu tech Chuaq Jesus ka wì. **11** Tàng bàu aih wì aih ðiq jaq manè, wì têu bàu am ka haq ðac. Pang aih Juda rap gòm toq jò leq bu taqnài, haq hi rùp Chuaq Jesus am ka wì. **12** Hì baxèm da ramènh kaq bênh ùh wàt blo, aih hi jêh kon trùu broq tadreo ka ramènh Pan cwa, bài mangai tiaq hóc bòch haq: ìh enh nhèn lam padon ka ìh kaq ramènh Pan cwa taleq? **13** Haq thê baiq ngai tiaq hóc lam, haq tanap: “Mùt ta plài qmat, chòp hnoq moeq ngai qnang kôi abòq ðiac, chòp tiaq haq aih. **14** Haq aih mùt hnim leq, chòp doe ka cla wì craq hnim aih: Mangai hnài bòch: “Aleq nòe aniang au hu acaq ramènh Pan cwa dèh ti mangai tiaq hóc? **15** Haq aih hi patô ka chòp nòe aniang anòh oe enh qnhèq, rìm yiniq ta aih khoe palauq qmòe. Padon ka bèn ta aih èh.” **16** Wa mangai tiaq hóc hi lam, wa mùt ta plài, glàm tiah ka bàu troeq bàu Haq thê, wa hi padon ramèng Pan cwa. **17** Xèq aih, Jesus sam bài mangai tiaq hóc trùh ta

aih. **18** Jò ðiq ðòng wì haq qnang hangui acaq, Haq doe “Au anoe joq qnàng ka pì, i moeq ngai oe taqne pì kô, haq acaq moeq qmang ka au mahaq haq blòq ðac au.” **19** Bài mangai tiaq hóc mangò pì cajaq, khoe ka maleq trùh maleq, wì bòch haq: A hìaq au? **20** Chuaq Jesus doe: “Moeq ngai oe taqne pì moeq jàt baiq ngai, mangai ma chùq bênh pajùm ti au ta doe kô. **21** Majah qmang aih Kon mangai kô èh loh lam, tiah ka bàu khoe achìh ka haq, mahaq hăbô ka mangai ma blòq haq, apaq ha-uang qnoh haq aih xan ka ùh hnau hòm”. **22** Jò qnang acaq, Chuaq Jesus yôc bênh, manè apôi, khoe aih haq goh, qnèp dèh ka bài mangai tiaq hóc, rai doe: “Drah yôc beq, kô chac au.” **23** Haq rùp doe chròng, manè apôi, khoe èh am dèh ka bài mangai tiaq hóc, maleq ðiq ôq enh chròng aih. **24** Haq doe ka wì: “Kô mahim au, mahim da kan tajao dahrôq qnoh ka bəc ngai. **25** Au anoe joq qnàng ka pì, au pì ôq pì ðiac nho kô hòm, trùh hi au ôq pì nho niu oe ta ðiac Boc Pình.” **26** Jò khoe calêu hset hadròeh, Chuaq Jesus xam bài mangai tiaq hóc lam təc ta wang Ôliu. **27** Chuaq Jesus doe ka mangai tiaq hóc: “Điq ka pì tacro ðòng, majah qmang aih i bàu khoe achìh: Au hi jêh cla mangai ban trùu, trùu haq hi paclac ðiq ðòng. **28** Mahaq jò au rìh hlài èh, au lam trùh ta Galili adroe ka pì.” **29** Phiero haq doe qmòe: Yac ka ðiq ðòng rìm ngai tacro, au dua ma ùh. **30** Chuaq Jesus padreo bàu: “Joq qnàng au anoe ka ìh, hi kô, qmang kô raq, adroe ka ìa ròng baiq yàng, ìh khoe piq yàng hangah ðeh ùh qnì ka au.” **31** Mahaq dua Phiero doe: Yac ka au ep cachit ti ìh, dua au ùh hangah ðeh ùh qnì ka ìh. ðiq ðòng ka wì qnoeq hadai anoe moeq bàu qmang aih. **32** Khoe aih, wì lam trùh moeq nòe, ta aih wì creo Gêtsemane, Chuaq Jesus doe ka bài mangai tiaq hóc: “Pì hangui ajang kô, gòm au waiq khàn.” **33** Haq qnung Phiero, Jaco, xam Jon tiaq haq, aih èh Haq hi loh ka cadròt rai mangò. **34** Haq doe ka wì piq ngai: “Mahua yiang au mangò haraya trùh cachit, pì oe tacô, hmàng riu gòm oq.” **35** Khoe èh, Haq lam yeo hangai toq ðiaq, bla op raðeh ta taneh rai waiq khàn rameh tàng jah, ðôq jò kô cwa ðac ðòng khoe ka raðeh. **36** Haq creo: “Aba, waiq Baq, rìm yiniq ìh broq jah ðiq ðòng, au waiq ìh dèch ðac doe chròng kô ma khoe ka au, mahaq apaq tiaq manoh au enh, tiaq manoh Baq ma enh.” **37** Khoe aih, Haq wìh hlài, hnoq piq ngai khoe kùì, haq doe ka Phiero: “Simôn,

ih kùì qmòh! Moeq jò ih riu ma ùh jah? 38 Riu rai waiq khàn beq, dōq pì ùh hiaq taclìh ta kan padô aluàn, manoh aih enh raya mahaq chac aih ùh nèn”. 39 Haq lam hòh, rai waiq khàn qmang ka yàng adroe. 40 Haq tawìh hlài, hnoq mangai tiaq hōc oe raq kùì, majah qmang aih mat wì haq pì jah tablêch qmòe, wì loh ka pì qnì têu haq mang leq. 41 Haq tawìh hlài yàng piq, doe ka bài mangai tiaq hōc: “Mandeq kô pì oe raq kùì rai padài qmòh! Hêq, kô khoe trùh jò, Kon Mangai oe toq ma hì mùt ta tì kōng bài mangai broq dù. 42 Yòng beq! Hatau, mangai ma blòq au trùh khoe ten”. 43 Haq oe raq anoe, tajòe qmòe, Juda mangai ma hadai oe ti wì moeq jàt baiq ngai tiaq cla khoe trùh, lam moeq qmang ti haq i bacc ngai wê chang xam bài long dùì, wì aih trùh enh nòe bài pajàu kàn, bài mangai hnài ranenh, enh wì gucraq. 44 Mangai ma blòq Chuaq Jesus, khoe tanap ka wì qmang kô: Au hìp mangai leq, mangai aih raq, pì rùp qnung ma rabiaq oq. 45 Qmang aih, jò bu trùh Juda thia ka haten ka Chuaq Jesus, haq doe: Rabi! khoe aih haq hìp Chuaq Jesus. 46 Wì aih hi rùp Chuaq Jesus. 47 I mōeq ngai oe ten aih, dot qnoh pla chang yôh, jêh hapōng pajàu kàn, koh taclìh hla don mangai aih. 48 Chuaq Jesus tapoch ka wì: “Pì wê chang wê long dùì lam rùp au tìah ka mangai atùng. 49 Rìm hì au oe taqne pì, hnài ta nòe hnim kùh waiq, gleq pì ùh rùp au? Mahaq yiniq kô loh qmang kô òeq xit ka bàu Hset hadròeh”. 50 Jò aih rìm ngai khoe cadàu amot, cadac dōng haq. 51 I mōeq ngai radam lam tiaq Chuaq Jesus, haq taqmàn radêh xi moeq blah mù briang, jò wì rùp haq. 52 Haq cadac hloe dèh mù briang, cadàu qmòe rahòng. 53 Wì aràng Chuaq Jesus trùh nòe pajàu haqnheq, bài mangai pajàu kàn i òiq ta aih, bài gucraq, bài mangai hnài ranenh hadai tagop ti dabau ta aih. 54 Phiero tiaq Chuaq Jesus, haq ti tayoe enh hangai, trùh tanòe hamlang hnim pajàu haqnheq. Haq hangui ti bài mangai lình rai qnhia ùnh pajùm ti wì ta aih. 55 Bài pajàu kàn, xam òiq ka craq hadrah wiang chaq trong hu tablêq ka Chuaq Jesus, òeq hu jah jêh ðac haq, mahaq wì haq chaq ùh loh. 56 Bacc ngai wiang yòng tapoch qmùt ka haq, mahaq bàu wì aih tapoch ùh tacap ka dabau. 57 Atiq ka aih i bìa ngai yòng tapoch dech ka haq: 58 wì doe: Nhèn i tàng haq doe: Kô èh au raliang cadac hnim kùh waiq tì kōng kon mangai ma khoe broq kô, khoe aih piq hì au broq ònh hnim kùh

waiq qnoe, ùh xài broq xam tì kōng kon mangai. 59 Mahaq bàu kô, dua wì haq tapoch ùh hatroq ka dabau. 60 Khoe aih, pajàu haqnheq yòng enh ngia wì aih, haq bòch Chuaq Jesus: Ìh ùh têu hlài moeq nà bàu cleq trong wì ma tapoch ka ìh qmòh? 61 Mahaq Chuaq Jesus oe hatinh, ùh têu mōeq nà bàu. Mangai pajàu haqnheq bòch hòh: Ìh qmat Christ, kon Boc Plình ma khòh manè apôi joq ùh? 62 Chuaq Jesus padreo bàu: “Joa Au raq! atiq èh pì hi hnoq Kon Mangai hangui apah qma ka Boc Plình òiq jaq haqnheq i cwiang itai, hangui taqne yùc plình òeq loh ta crōng taneh”. 63 Jò aih, mangai pajàu haqnheq hìc dèh eo rai doe: Bèn oe ep chaq dèh yiniq qnoeq hòh? 64 Pì akhoe tàng bàu haq ùh hòq qmòe ka Boc Plình? Pì hèm qmang leq? Rìm ngai doe: Haq qmat troq ka cachit. 65 I ngai cachôh ka Chuaq Jesus, srùp hadrò haq, rai tuc rai doe ka haq: Tapoch pajàu beq. Bài lình yōc long tong haq. 66 Phiero qnang hangui ta hamlang, i moeq ngai gucadri hapōng pajàu kàn trùh jang aih, 67 hnoq Phiero oe hangui qnhia ùnh, haq chrìh ka haten khoe èh haq doe: Ìh hadai oe moeq qmang ti Jesus, mangai Naxaret. 68 Mahaq Phiero hangah: Au ùh qnì, hadai ùh loq tàng ìh anoe cleq. Khoe aih haq yòng loh enh gùng ka hamlang, ia hi rōng. 69 Mangai hapōng cadri aih hnoq haq, doe hòh ka wì ta aih: Mangai kô hadai bua wì tau raq. 70 Mahaq Phiero hangah hòh. Moeq ahyac hòh, wì ma oe ta aih doe ka Phiero: Hì loq ka ìh moeq bua ti wì tau, majah qmang aih ìh hadai mangai Galili. 71 Phiero hapha rai doe: Joq au ùh lòm canau ka mangai ìh ma anoe aih! 72 Adrình hloe jò aih, ia hi rōng yàng baiq, Phiero hmàng hlài ka bàu Chuaq Jesus khoe anoe adroe ka radêh: Adroe ka ia rōng baiq yàng, ìh piq yàng hangah dèh ùh qnì ka au. Hèm ka bàu aih, haq toq moe.

15 Bu qngah, bài pajàu kàn hatinh ti bài gucraq, bài mangai hnài ranenh xam òiq ka mangai oe ta hnim hadrah, jò khoe kàt wì hi qnung Chuaq trùh ka Philat. 2 Philat bòch haq: Ìh kô raq bùa da mangai ùh xài? Chuaq Jeus têu bàu: Wop qmang ka bàu aih.” 3 Bài mangai pajàu kàn ta qmòq ka haq bacc trong. 4 Philat bòch hòh: Ìh ùh têu moeq nà bàu cleq qmòh? Ngan! Wì ta qmòq ka ìh bacc trong! 5 Mahaq Chuaq Jesus dua pì têu tam moeq bàu cleq hòh, Philat loh ka hamài. 6 Khoe hmaq, rìm hanam trùh hì ramènh Pan cwa cwan caqnaih moeq

ngai broq yiniq lui loh enh hnim tù, tiaq bàu wì
bòch. 7 Jò aih i moeq ngai yiniq haq Banaba,
wì clêh pajùm ti bài mangai yòng tablêq ka
chênh phù, majah qmang aih jò yòng tablêq,
wì haq i jêh đac mangai. 8 Mangai Judà trùh,
wì haq bòch Philat caqnaih ka wì haq moeq
ngai qmang hmaq caqnaih rìm hanam. 9 Philat
padreo bàu: Pì enh au caqnaih bùa Judà ka pì
ùh? 10 Majah qmang aih Philat loq wì mangai
pajàu kàn majah rùp Chuaq Jesus aih jao wì tajìq
ka haq. 11 Mahaq bài pajàu kàn basrùq mangai
Judà bòch Philat caqnaih Banaba ka wì haq. 12
Philat bòch hòm: Tàng qmang aih manđeq kô pì
enh au broq qmang cleq ka mangai pì ma doe
haq Bùa mangai Judà? 13 Wì cajiah cadêh: Drah
tiang haq talong pagat! 14 Philat doe ka wì:
Mahaq mangai kô khoe broq cleq ma dù? Kiang
wì cachech cadêh ùh hnau hòm: Tiang đình haq
talong pagat! 15 Philat enh broq lem ka manoh
mangai Judà, haq hi caqnaih Banaba, èh thê wì
blai Chuaq Jesus, khoe aih đòq wì qnung Chuaq
Jesus lam tiang đình talong pagat. 16 Bài lình
aràng Chuaq Jesus mùt ta blàng kàn, aih nòe
đòeq hu hadrah, creò đìq ka lình ta aih tagop ti
dabau. 17 Wì paclùm ka haq moeq blah eo gòh,
wì tênh moeq toq cadoh yila pacôi ta gàu haq,
18 wì tapoch ka Chuaq Jesus: Waiq bùa Judà! 19
Wì yóc long dùì tong gàu haq, cachôh ka haq
rai hacùn cràng kùh waiq haq, wì broq qmang
aih bacc yàng. 20 Khoe ka wì halê do ka haq
qmang aih, wì lèh đac eo gòh, caxùnh hlài eo da
cla haq, khoe aih aràng haq lam hu tiang đình
talong pagat. 21 I mòeq ngai Siren, yiniq haq
Simôn, baq da wa Alet-san-đo xam Ruphu, hlài
enh ruàng, lam trong aih, wì rùp haq thê haq
xùì long pagat. 22 Wì qnung Chuaq Jesus trùh
nòe go wì ma creò Gôgotha (bàu aih la cadôh
gàu). 23 Wì am ka haq ôq alac clai pajùm ka jan
long xua thùm, mahaq haq ùh waq ôq. 24 Khoe
ka tiang đình Haq talong pagat, wì ta axong ka
dabau eo yòh haq, wì pàih panàih đòeq ngan
maleq jah waq yiniq cleq. 25 Jò wì tiang đình
haq, aih bu hachìn jò di sroq. 26 Capiac long ban
qyoh enh gàu long pagat, wì achìh bàu đòeq
taqmòq yiniq lui ka haq: BÙA MANGAI JUDA. 27
I baiq ngai atùng wì hadai tiang đình wa aih
ti haq, mòeq ngai talong pagat apah qma ka
Haq, moeq ngai talong pagat apah qngeo ka
haq. (I qnah hset noeq tam brong) 28 “Qmang
aih wì khoe alùh haq pajùm ka bài mangai dù.”
29 Bài mangai lam pagat trong aih halê do haq,

wì ngù ngù gàu doe: Ùih! Ìh mangai doe đeh
raliang cadac hnim kùh waiq, piq hì broq ònh
hi gêh, 30 doeh radêh, loh enh long pagat qmat
beq. 31 Bài mangai pajàu kàn xam mangai hnài
ranenh hadai ta anoe ka dabau qmang aih, wì
halê haq qmang aih: Haq doeh mangai qnoeq
mahaq doeh radêh ùh jah! 32 Aleq! Christ bùa
Isorali, loh enh long pagat qmat beq, đòq nhèn
hnoq, aih èh nhèn hu lùì. Wa baiq mangai wì
ma tiang đình ti haq hadai halê haq. 33 I kan
clam cluiq jàp đòng gùng aih, enh qne hì trùh
piq jò di xêq. 34 Trùh piq jò di xêq, Chuaq Jesus
creò bàu đêh: “Ê-lo-i, Ê-lo-i, lam-ma-sa-bat-ta-
ni.” Bàu aih rameh: Boc Plình au, Boc Plình au.
Hagleq Ìh majah cadac au? 35 I wì ma yòng ta
aih, wì doe: Tamàng aih, Haq qnang creò ka Êli.
36 I mòeq ngai oe ta aih cadàu yóc capaih chùq
ta diac jòq, đòeq ajang goe long dèch am ka
haq ôq rai doe: Đòq haq! Đòeq bèn ngan Êli i
trùh doeh haq ùh? 37 Mahaq Chuaq Jesus creò
moeq nà bàu cadêh, khoe aih haq pat hihêm. 38
Bai prình ta hnim kùh waiq dahic broq baiq
enh qnhêq trùh ta qneq. 39 Cla craq bài lình
oe tajang ka Chuaq Jesus, hnoq haq pat qmang
aih, haq doe: Mangai kô joq Kon Boc Plình. 40 I
bài mangai gucadrì yòng ngan đeh enh hangai.
Ta wì aih i Mari madolen, Mari miq da wa Jaco
qyoh xam Jôsep, xam Salomê. 41 Aih piq ngai
ma khoe tiaq patìh ka haq jò oe ta Galili, hanoh
i bacc ngai gucadrì qnoeq hòm, aih bài mangai
khoe tiaq haq tởc ta Jérusalem. 42 Hì aih wop
hì padon, hì adroe ka hì Sabat, wì trỏc khoe
ten clam, 43 I mòeq ngai oe ta Arimathê, yiniq
haq Jôsep mangai broq kàn tanđe bài mangai
broq gàu Judà, haq aih hadai xan tangêh gòm
diac Boc Plình. Haq pacraq dèh manoh thia
ta Philat đòeq hu bòch hanang Chuaq Jesus.
44 Philat hamàih haraya tàng doe Chuaq Jesus
cachit rênh qmang aih, haq creò ka mangai
cwan bài lình hu bòch Chuaq Jesus cachit a
khoe dùnh. 45 Bu tàng cla craq bài lình anoe,
haq hi am Jôsep yóc hanang Chuaq Jesus. 46
Jôsep khoe rot đòeq bai hu lòm hanang, qnoh
hanang Chuaq Jesus loh enh long pagat, haq
yóc bai lòm chac Chuaq Jesus khoe aih đòeq ta
ralùng hanang haq ma khoe pùng tanđe hmo
kàn. Khoe èh, cadro hmo kàn padit ajang ngah
ralùng. 47 Mari madolen, xam Mari miq Jôse,
hanoh hnoq nòe catùh Chuaq Jesus.

16 Bu khoe ka hì Sabat, Mari madolen, Mari miq da Jaco, xam Salomê, rot đầu xua thùm lam hu qnheo hanang Chuaq Jesu. **2** Hì gàu tuàng, sroeh sroq jò mat mahì butốc, wì piq ngai aih lam ta ralùng, **3** wì rai tanoe ka dabau: Cabô ma cadre hmo padit ajang ngah ralùng ka bèn kô êh? **4** Jò wì haq ngan, hnoq hmo aih khoe cadre, hmo aih kàn haraya. **5** wì haq mùt trom ta ralùng, hnoq moeq ngai radam hangui pah qma, caxùnh eo yôh taboc, wì haq crê pi cajaq. **6** Mahaq mangai aih doe ka wì haq: Apa q yùq dềh, pì chaq Chuaq Jesus mangai Naxaret, Mangai wì makhoe tiang đình talong pagat, Haq khoe rìh hlài, Haq pi i oe tacô, trùh ngan nòe wì ma khoe taqngui haq beq. **7** Mahaq drah lam anoe ka mangai tiaq hốc haq hloe xam Phiero, Haq lam adroe ka pì mùt ta Galili. Ta aih èh pì hnoq Haq, qmang ka bàu Haq khoe anoe ka pì. **8** Bài mangai gucadrì aih loh enh ralùng hanang, cadàu amot rai yùq rai hamàih, ùh hùà anoe ka cabô cleq, majah qmang aih wì haq crê pi cajaq. **9** (note: The most reliable and earliest manuscripts do not include Mark 16:9-20.) Chuaq Jesus khoe rìh hlài sroeh sroq oe ta hì baxèm gàu tuàng, angoe aih haq mahno radeh ka Mari Madolen, aih mangai haq ma khoe drùh qnoh tapèh toq kiac dù. **10** Mangai gucadrì aih lam patình ka bài mangai adroe aih ma khoe tiaq Chuaq Jesus, mahaq mandeq qnang mangò crò hmo. **11** Mahaq jò wì aih tàng mangai gucadrì aih doe Chuaq Jesus khoe rìh hlài, èh radeh khoe hnoq haq, wì ùh lùì. **12** Atìq ka aih, Chuaq Jesus yốc chac qnoeq hòmm òdeq hu mahno radeh ka baiq ngai tiaq hốc, jò wa aih qnang hlài dềh gùng. **13** Wa aih drah lam patình ka wì qnoeq loq diq, mahaq dua ùh i cabô lùì. **14** Atìq hòmm, haq mahno radeh ka moeq jàt moeq ngai tiaq hốc jò wì aih qnang acaq, Haq i tapoch cwò ka wì ma ùh i manoh lùì, manoh ma cadoq, ùh lùì bàu bài mangai ma khoe hnoq haq rìh hlài. **15** Haq thê wì aih: “Drah lam jàp òđi crống taneh, anoe Bàu lem ka rìm ngai. **16** Mangai leq lùì rai chiuiq broq baptem haq aih jah dềch, mangai leq ùh lùì haq aih èh jah pòq yốc kan hadrah. **17** Bài mangai ma lùì aih èh jah kan halac kô: Wì jah yốc yiniq au òdeq drùh qnoh kiac dù, jah tapoch bàu neo. **18** Cadop bìh ta tì, tàng ôq yiniq ma ùh khòh, dua ùh hìà troq cleq, yốc tì bèq mangai ùh hrốc, mangai ùh hrốc jah brềh.” **19** Atìq ka Chuaq Jesus anoe ka wì qmang aih, khoe èh haq jah

LUCA

1 Wì craq Thêopilo, i bàc ngai khoe òi q ka manoh achìh hu taqmon hlài bài yiniq broq ma khoe gèh oe taqne nhèn, **2** tiaq wì ma hnoq qmòe enh baxèm, manòeq khoe loh mangai ma patìh ka Bàu lem khoe anoe hlài ka bèn, **3** qmang aih jò khoe ngan hlài ka rabiaq rìm trong enh jò baxèm, au hèm khòh tiaq qmòe tang cadiang hu achìh hlài ka ìh, **4** òq ìh loq qmòe ka cajak bàu ìh ma khoe jah hóc aih joq qnàng. **5** Qnhòng Hêrôt broq bùa diac Judê, i mòeq ngai pajàu yiniq haq Xachari, tiaq dèh apah Abija, Êlisabet mai haq hadai nang noe Arôn. **6** Boc Plinh ngan hnoq òi baiq ka wa aih mangai taq atòq, wèq gèh geo rìm ranenh hloe xam rìm ramènh Boc Plinh thê. **7** Wa ùh i ka kon majah qmang aih Êlisabet haq xon, èh òi baiq ka wa khoe bàc hanam. **8** Jò Xachari tiaq dèh wì ma ta axong, khoe troq jò òi haq broq pajàu dèch ramènh tadreo am ka Boc Plinh. **9** Tiaq dèh trong bài pajàu kàn xan broq, Xachari pàih panàih troq ka haq mùt ta hnim kùh waiq òeq bùh gahnàu xua thùm ka Boc Plinh. **10** Trùh jò bùh gahnàu, bài mangai bàc oe òi enh gùng waiq khàn. **11** Moeq bình plinh loh enh ngèa ka Xachari, yòng enh pah qma ka nòe prang bùh gahnàu. **12** Jò Xachari hnoq bình plinh, haq loh ka lèt rai yùq crè. **13** Mahaq bình plinh doe ka haq: Xachari, ùh dùh yùq, bàu ìh waiq khàn khoe jah tamàng, Êlisabet cadri ìh, haq aih èh ha-uang ka ìh moeq ngai kon calô, ìh yiniq ka aih Jon. **14** Kon calô aih èh broq ka ìh jah lem bùi, bàc ngai qnoeq hadai manè jò ha-uang qnoh haq. **15** Enh ngèa Boc Plinh, kon qyoh aih wia gucraq, yac ka alac plì nho, yac ka cleq ma loq bù dua haq ùh òq, haq aih jah bình halùih Yiang Hadròeh jò haq oe raq ta cliac miq. **16** Haq qnung bàc ngai Isorali wìh hlài trùh ti Chuaq aih Boc Plinh wì haq. **17** Èh haq lam enh ngèa ka Chuaq tiaq manoh xam kan itai qmang da Êli, òeq broq manoh baq wìh hlài dèh ta kon, èh mangai ùh qnì iu wìh hlài ta kan rabiaq da mangai taq atòq, hu padon òeq ka Chuaq moeq nang noe khoe palauq òeq ta manoh. **18** Xachari bòch bình plinh: Broq qmang leq au ma loq ka bàu ìh aih joq qnàng? Au khoe craq, mai au khoe bàc hanam. **19** Bình plinh doe: Au kô Gapriên, yòng enh ngèa ka Boc Plinh. Haq khoe thê au trùh bahia

kan lem bùi kô. **20** Manòeq kô, ìh loh ka lâu, pi hloh tapoch trùh ìh loh bài yiniq qmang bàu au khoe anoe, majah qmang aih ìh ùh lùì bàu au, aih la bàu trùh dèh jò hi xit. **21** Jò aih òi qmang bài wì mangai bàc oe enh gùng gòm Xachari òi qmang hamàih, majah qmang aih haq oe ta hnim kùh waiq dùnh hrìn. **22** Jò Xachari loh enh gùng, haq tapoch ùh jah, aih wì ma hi loq haq i hnoq kan mahno tanòe hnim kùh waiq, haq yóc ti ti patiah ka wì, mahaq oe raq lâu. **23** Jò haq khoe òi dèh ka hi patìh, haq hlài dèh ta hnim. **24** Toq biaq atiq ka aih, Êlisabet, mai haq hi hadràp, haq cadoc radeh padam khê **25** haq doe: Chuaq khoe broq yiniq kô ka au, haq khoe haqmiang ngan au, òeq lèh kan camaih au oe taqne mangai bàc. **26** Jò Êlisabet oe jiang khoe jah tadràu khê, Boc Plinh thê bình plinh Gapriên trùh ta plài Naxaret, gùng Galili. **27** Lam glàm mangai adrùh sriu yiniq haq Mari, khoe têu bàu yóc moeq ngai radam yiniq haq Jòsep, caxi noe Ðawit. **28** Bình plinh trùh ajang nòe mangai adrùh aih rai doe: Manè am ka ìh, mangai jah xôq ramot! Chuaq oe ti ìh. **29** Tàng bàu aih Mari haq hamàih, haq hèm bàu hangah qmang aih ìq qmang leq? **30** Bình plinh doe: Mari ùh dùh yùq dèh, majah qmang aih ìh khoe jah kan tamèt enh nòe Boc Plinh. **31** Kô èh ìh hadràp èh ha-uang loh moeq ngai kon calô, ìh yiniq ka haq Jesus **32** Haq aih èh wia gucraq, jah creo Kon Yiang Òi qmang Haqnhèq. Chuaq aih Boc Plinh jah am ka haq gèq enh kan cadraq haq aih Ðawit. **33** Haq aih èh ma wèq cwiang enh qnhèq ka nang noe Jacòp trùh mòeq òeq, diac da haq ùh lùch. (aiôn g165) **34** Mari padreo bàu: Au qnhòq lah qnì ka gucalô leq, wia ka i qmang aih? **35** Bình plinh doe: Yiang Hadròeh trùh enh qnhèq ka ìh èh kan itai Yiang Òi qmang Haqnhèq taqmàn ìh tayàp haq, dài aih ìq raq, kon hadràp aih ha-uang loh majah ep creo kon Boc Plinh. **36** Hatau, Êlisabet mangai hadròng ìh, hanoh oe jiang jò haq khoe craq, rìm ngai khoe loq ka haq aih xon, yàng manòeq kô haq oe jiang khoe jah tadràu khê. **37** Majah qmang aih, ùh i cleq Boc Plinh ma broq ùh jah. **38** Mari padreo bàu: Au kô mangai hapòng Chuaq, waiq bàu ìh anoe ka au aih jah gèh! Khoe aih bình plinh hi lam. **39** Ta bài hi aih, Mari haq drah lam trùh ta plài ma oe ta wang nòe gùng Judê, **40** ta aih haq mùt ta hnim Xachari rai dèch bàu manè lem bùi ka Êlisabet. **41** Êlisabet bu tàng bàu Mari, kon nga oe ta cliac khoe canhroh, Êlisabet khoe jah bình

Yiang Hadròeh, 42 Haq dèch bàu anoe: Taqne diq dǝng ka mangai gucadri, ìh kô mangai i xôq ramot, kon qyoh oe ta cliac hadai jah xôq ramot. 43 Enh leq kô ìq au majah kan tamèt qmang kô, miq da Chuaq au trùh hmàih ka au? 44 Majah qmang aih don au butàng bàu ìh, kon nga ta cliac au khoe canhroh rai lem bùi. 45 Xôq ramot ka ìh mangai khoe lúi bàu Chuaq anoe, aih bàu trùh dèh hì jah xit. 46 Mari doe rameh: Manoh au manè apôì Chuaq, 47 Mahua yiang au lem bùi tanòe Boc Plinh aih Chuaq dèch au, 48 Majah qmang aih haq khoe hqmàng hnoq kan hamoq au, mangai hapǝng haq. Pang kô ta èh, rìm qnhòng diq anoe au kô mangai i xôq ramot; 49 Majah qmang aih, Yiang diq jaq haqnheq, khoe broq biac kàn ka au. Yiniq haq aih hadròeh, 50 Haq loq waq ka mangai loq iu haq enh qnhòng kô trùh qnhòng tau. 51 Haq yǝc dèh tì kǝng ðeq patô qnoh deh kan itai; Rai raliang ðac trong da mangai i manoh loq padèch raðeh. 52 Haq khoe caqnìh qnoh mangai i cwìang clih enh gèq cla wì haq, Rai dèch atǝc mangai loq hamon raðeh 53 Haq khoe broq ka mangai pangot jah bình dahwèq jiang, Hnan mangai kan hlài tì dech. 54 Haq khoe wiang ti Isorali, hapǝng haq ðeq bahmàng hlài dèh kan loq waq haq, 55 Tìah ka bàu haq khoe doe ka kan cadraq bèn. (aiǝn g165) 56 Mari oe ti Êlisabet jah ta piq khê, khoe aih hi wìh hlài dèh ta hnìm. 57 Jò khoe trùh dèh khê Êlisabet hi ha-uang, haq ha-uang moeq ngai kon calô. 58 Plài pla xam bài oh daq hia Chuaq khoe diq jaq tamèt ka Êlisabet wì wiang trùh lem bùi ti haq. 59 Trùh rahem hì, diq ka wì lam ta aih ðeq broq ramèn kat akia, wì yiniq ka kon qyoh aih Xachari tiaq yiniq dèh baq. 60 Mahaq miq haq doe: Ûh, ep yiniq ka haq Jon. 61 Wì doe: Diq dǝng ka nang noe ìh ùh i ka cabô leq i yiniq aih. 62 Wì yǝc tì ti patiah hu bòch baq haq enh yiniq dèh ka kon yiniq cleq. 63 Xachari thê wì yǝc capiac long ban qyoh, haq achih: yiniq haq Jon. Mangai leq mangai meh hamàih ðeh hra. 64 Wop hloe jò aih raq, rapet haq jah raðah, haq tapoch rai manè apôì Boc Plinh. 65 Diq ka wì taplài cadròt ðeh hra, diq ka gùng wang Galili wì anoe ka dabau toq trong aih. 66 Cabô tàng bàu aih hanoh wê ðeq ta manoh rai doe: Kon nga aih èh qmang leq cadèh oq? Majah qmang aih tì Chuaq oe ti haq. 67 Jò aih, Xachari baq kon nga aih jah bình Yiang Hadròeh, haq tapoch pajàu rameh: 68 Manè apôì Chuaq aih Boc Plinh

Isorali, majah qmang aih ìh khoe trùh hmàih, rai baxon yǝc hlài Isorali mangai da ìh, 69 ìh khoe paqnàng ka nhèn, ta hnìm ðawit hapǝng ìh, moeq Ngai dèch nhèn i kwìang itai! 70 Tìah ka ìh khoe yǝc bàu wì mangai pajàu hadròeh qnhòng calah nèh, (aiǝn g165) 71 ìh dèch nhèn khoe ka mangai tablêq, khoe ka nòe tì kǝng wì ma tagit ka nhèn; 72 ìh paqnoh kan loq waq am ka kan cadraq nhèn, rai hmàng bàu tajap hadròeh cla ìh, 73 Tìah ka ìh ma khoe hapah ka Apraham kan cadraq nhèn, 74 ìh khoe tèu bàu dèch nhèn claih enh tì kǝng mangai tagit ka nhèn, ìh am ka nhèn sôq ramot malem, ti ngèa ìh. 75 ðeq yǝc kan hadròeh, kan taq atoq hu patih ka ìh, diq ka qnhòng cla ùh hòq qmòe cleq. 76 Kon oq! kô èh wì creo kon aih pajàu da Yiang Haqnheq; Kô èh kon lam enh ngèa ka Chuaq, padon trong ka haq, 77 Ðôq ka mangai da haq ajang nòe yiniq lui wì haq jah caqnaih aih hu canau loq kan dèch am dech. 78 Majah qmang aih Boc Plinh nhèn tamèt ta manoh, Mat mahì enh qnhèq jah sreo qngah ka nhèn, 79 Ðeq sreo ka mangai hangui tanòe clam cluiq xam mangai hangui ta yàp qmù kan kachit, Rai qnung jènh nhèn lam ta trong catèm. 80 Kon qyoh aih yòng kàn, mahua yiang tadèh, rìh oe tanòe hawit trùh hì paqnoh raðeh ka mangai Isorali.

2 Jò aih Auguto, bùa kàn qnoh bàu thê diq ka Lamah, aih taneh diac kàn diq jaq, ep ti rèn ngan hlài mangai ta aih jah toq leq. 2 Aih yàng baxèm wì ti rèn ngan hlài, wop qnhòng da Quiniri-u broq cla craq bài cwan tagùng Siri. 3 Mangai hlài ðeh hra ta gùng cla ðeq achih qmùt dèh yiniq. 4 Jòsep aih caxi noe ðawit, haq hanoh lam enh Naxaret, gùng Galili, loh ta gùng Judê trùh ta Bêt-le-hem. 5 Hu achih qmùt dèh yiniq raðeh xam yiniq Mari, mangai khoe òq bàu yǝc haq, qnang oe jiang. 6 Jò wa qnang oe ta aih, khoe trùh hì Mari ha-uang. 7 Haq ha-uang kon calô ramua, yǝc mù taqmàn deh kon, ta qngùì ta atong nhat, majah qmang aih ta hnìm padài khoe diq ka nòe. 8 Hadai gùng aih, i bài mangai ban trùu oe tagùng, rìu qngah ka mang ðeq wèq dèh trùu. 9 Moeq bình plinh da Chuaq trùh ten ka wì, kan ranhòm Chuaq qngah qngiang dudan wì haq, wì crè pi cajaq 10 Bình plinh doe: Ûh yùq cleq! Hacô au bahia ka pì moeq Bàu lem, aih raq kan lem bùi am diq ka mangai oe ta crǝng taneh; 11 Hì cò ta plài ðawit

khoe ha-uang ka pì moeq Ngai dèch mangai, aih Christ, aih Chuaq pì. **12** Kô oq kan hadro dôq pì hu canau ka Haq, pì hnoq moeq ngai kon qyoh taqmàn xi mù, kùl ta atong nhat. **13** Tajòe qmòe jò aih, raya rayùc linh plinh xam bình plinh aih calêu manè apôi Boc Plinh rameh: **14** Qngah yiniq Boc Plinh oe taplinh haqnêq, Catêm tanòe haqneq am ka bài mangai haq loq waq! **15** Jò wì bình plinh khoe talah ka wì haq hu wìh hlài ta plinh, bài mangai ban triu doe ka dabau: Beq bèn lam ta Bêtlehem hu ngan yiniq neo loh kô, Chuaq ma khoe doe ka bèn loq. **16** Qmang aih wì haq drah lam ka nhet, hnoq Mari xam Jôsep xam kon qyoh qnang kùl ta atong nhat. **17** Jò khoe hnoq wì anoe hlài bàu bình plinh anoe trùh kon qyoh, wì haq ma khoe jah tàng. **18** Dìq ka mangai tamàng hamàih deh hra ka bàu bài mangai ban triu anoe ka wì haq. **19** Mahaq Mari wê dìq dõng bài bàu aih rai hèm yôt dèh ta manoh. **20** Bài mangai ban triu tawih hlài, rai broq qngah yiniq rai manè apôi Boc Plinh trong wì haq khoe tàng xam yiniq wì haq khoe hnoq joq tiah ka bàu ma khoe anoe ka wì haq. **21** Trùh rahem hì, aih hì ep broq ramèn kat akia ka kon qyoh, wì yiniq ka haq Jesus, aih yiniq bình plinh ma khoe yiniq adroe qmòe ka jò hadràp. Dèch Jesus ka Boc Plinh **22** Khoe dìq ka hì basròeh, tiaq ranenh Moise, Jôsep xam Mari atóc kon qyoh ta Jêrusalem òdeq dèch ka Boc Plinh, **23** qmang ka khoe achih ta hset ranenh haq: “Rim ngai kon calô ramua, ep dèch ka Chuaq”, **24** dèch tam baiq toq trù braih ùh meh baiq toq kon trù qyoh, qmang ka ranenh Chuaq khoe thê. **25** Jò aih, ta Jêrusalem i moeq ngai rih lem rih taq atoq, yiniq haq aih Simêon, haq aih toq gồm kan alòng trùh ka Isorali, Yiang Hadròeh oe ti haq. **26** Yiang Hadròeh khoe anoe ka haq loq haq ùh cachit adroe ka jah hnoq Christ da Boc plinh. **27** Qmang aih, haq tiaq Yiang Hadròeh qnung, haq mùt ta hnim kùh waiq wop troq jò wa miq baq aràng Chuaq Jesus ta aih, hu pagêh ka haq rim trong ramenh khoe thê. **28** Haq aih hì caqmìn kon qyoh aih, haq manè apôi Boc Plinh rameh: **29** Waiq Chuaq! Manòeq kô lh am au jah cachit ka catêm tiaq troeq bàu lh; **30** Majah qmang aih mat au khoe hnoq kan dèch kon mangai trùh enh nòe lh, **31** lh ma khoe palauq qmòe dèh, òdeq broq kan qngah enh ngèa rim diac, **32** kan qngah sreo jàp ka phù cròng, broq ka Isorali lh jah kan ranhòm. **33**

Wa miq baq kon qyoh aih dìq jaq hamàih ka bàu wì anoe trùh dèh kon. **34** Simêon waiq xôq ramot am ka wa òng mai, haq doe ka Mari miq kon qyoh aih rameh: I bàu khoe têu òdeq am ka Kon qyoh kô, haq broq nen ka bàc ngai Isorali tacro, èh hadai broq ka bàc ngai jah yòng, khoe têu òdeq dôq haq wìa teo ka bàc ngai tarahen; **35** da lh hòem, i moeq pla chang pác hlùh ta cliac ih. Aih èh bàc yiniq oe ta manoh bàc ngai jah paqnoh. **36** Èh hòem i mangai pajàu cadri, yiniq haq An-ne, kon da Phanu-ên, caxi noe Ase, joq khoe bàc hanam. Enh jò haq oe raq adrùh sriu, atiq ka aih haq oe dèh ti òng jah tapèh hanam, **37** khoe aih haq hi hadrô. Jò aih haq khoe jah rahem jàt pôn hanam, oe toq ta hnim kùh waiq, dahì damang patih ka Boc Plinh, apàm ka acaq rai waiq khàn. **38** Hanoh jò aih dìq, haq trùh ta aih, manè apôi Boc Plinh rai anoe trùh kon qyoh ka bài mangai qnang tangèh gồm Jêrusalem jah dèch paclaih. **39** Jò Jôsep xam Mari khoe broq gèh ka trong ranenh Boc Plinh thê, wa haq tawih hlài ta Galili, trùh dèh ta Naxaret plài cla. **40** Kon qyoh aih yòng kàn, rai tadêh, jah bình kan rabiaq, xôq ramot Boc Plinh oe ti Haq. Jò Jesus jah moeq jàt baiq hanam **41** Rim hanam wa miq baq Haq tóc ta Jersalem, òdeq lam tagop ta hì ramèn Pancwa. **42** Jò khoe jah moeq jàt baiq hanam haq lam tiaq dèh wa miq baq tóc ta aih hu hadai tagop ta hì ramèn qmang ka xan hmaq broq. **43** Khoe dìq ka hì ramèn, wì haq wìh hlài dìq tagùng, Chuaq Jesus oe hlài ta aih mahaq miq baq haq ùh qnì. **44** Hèm deh haq lam ti bài bua ta aih, khoe moeq hì lam trong aih men ti bòch wì oh daq xam bài mangai canau; **45** jò chaq haq khoe pi hnoq, wa wìh hlài ta Jerusalem òdeq chaq. **46** Piq hì wa men hnoq haq tanòe hnim kùh waiq, qnang hangui taqne bài mangai hnài, rai tamàng rai bòch hlài wì aih. **47** Rim ngai tàng bàu rai hnoq kan rabiaq haq wì dìq loh ka hamàih jò haq bòch wì. **48** Jò hi hnoq haq, wa miq baq dìq jaq hamàih. Miq haq doe: A kon! Hagleq ma jah habo ka ma qmang kô, ma khoe lèt oe i jaq cleq? **49** Haq bòch: “Aih chòp chaq dèh ka au? Chòp ma ùh loq au ep oe patih dèh ta hnim Baq qmòh?” **50** Mahaq wa aih ùh tem bàu haq anoe ka raðeh cleq. **51** Khoe aih haq hlài ta Naxaret ti wa miq baq rai iu broq tiaq bàu wa, mahaq bàu da haq miq haq wê dõng ta manoh. **52** Chuaq Jesus rai èh rai rabiaq tam,

chac rai èh rai kàn, kiang èh kiang lem manoh
Boc plình xam kon mangai.

3 Hanam moeq jàt padam qnhòng Tibêro broq
bùa kàn, jò aih Bônso-philat broq cla craq
bài cwan ta gùng Judê, Herôt broq bùa qyoh ta
gùng Galili, Philip oh haq broq bùa qyoh ta gùng
Yturê xam tracôni, Lysa-nia broq bùa qyoh ta
gùng Abilen, **2** Anne xam Caiphe broq pajàu
kàn, aih i bàu Boc Plình thê Jon kon Xacahri
tanòe gùng hawit. **3** Jon ti lam dudan jàp ka rìm
gùng cròng diac Jôđan, hnài wì broq ramènh
baptem da kan loq raxach cađac trong dù ðòeq
hu jah caqnaih yiniq lui, **4** tiah ka bàu khoe
achih ta hset pajàu Êsai: I bàu creo tanòe hawit:
Drah palauq trong ka Chuaq, pajang trong da
haq. **5** Nòe jrùq tàc dōq haq bình, Roc bui wang,
roc nòe haqnheq qnoh dōq haq haqneq; Trong
tawech pajang dōq haq hnhoh, Trong qnhèq
qneq broq dōq haq tamang. **6** Điq đōng kon
mangai jah hnoq kan dèch enh Boc Plình. **7** Jon
anoe ka mangai bàc qnang trùh ta aih ðòeq
jah broq baptem: Nang noe bìh tau, cabô ma
hnài pì loq wia ka kan nòeh hì atiq? **8** Qmat èh,
drah wia malem dōq ùh qngwan ka pì khoe loq
raxach, ùh dùh doe Apraham aih kan cadraq
nhèn, majah qmang aih au doe ka pì Boc Plình
broq bài hmo kô loh nang noe ka Apraham jah.
9 Chòng khoe roh qmòe ajang xem long, waq
toq long leq ùh loh pì lem, long aih èh koh
ðòeq hu bùh cađac. **10** Wì bōch Jon: Aih èh nhèn
ep broq qmang leq? **11** Haq padreo bàu: Cabô
i baiq blah eo, yōc moeq blah am ka mangai
chac dech, dahwèq acaq hadai qmang aih. **12**
I bàc ngai yōc thèq trùh hu broq baptem, wì
aih bōch: Ha nhèn ep broq cleq? **13** Haq doe ka
wì: Apa q yōc yeo bàc ka maneh khoe pajaq. **14**
Bàì mangai lình hanoh bōch: Ha nhèn kô hòm
ep broq cleq? Haq doe: apaq tacaq ka cabô,
apaq qnùt cabô, jèn baha pì pang leq, pì waq
dèh pang aih. **15** Majah qmang aih wì qnang
tagòm ngèh, wì hèm dèh ta manoh ahiaq Jon
kô raq Christ, **16** aih iq Jon majah doe ka wì:
Au broq ka pì baptem xi diac mahaq Mangai
trùh atiq ka au cwiang yeo haqnheq ka au, au
mech qnhòq wia broq ðeh magai doeh da haq
caxi jep. Haq aih èh ma broq ka pì baptem xi
Yiang Hadròeh xi ùnh. **17** Tì Haq wê cađap hu
dè dèh qmau ta hanèh ka hreo, lènh qmau haq
tah ta hapom, manùh haq bùh ta ùnh ùh jò leq
pat. **18** Jò Jon anoe Bàu lem, haq hadai hnài wì

bàc trong qnoeq, **19** Mahaq Hêrôt bùa qyoh, Jon
khoe i tapoch ùh lòh haq yōc Hêrôđia mai oh
haq, hloe xam bài trong dù bùa ma broq, **20** haq
broq tam moeq yiniq dù hòm, aih haq rùp clêh
Jon ta hnim tù. **21** Jò ðiq ka mangai ta aih khoe
jah broq baptem, Chuaq Jesus hanoh jah broq
baptem, plình tapèh qmòe jò haq qnang waiq
khàn, **22** Yiang Hadròeh yōc chac trù loh jràp
ta chac haq, tajòe qmòe jò aih i bàu enh plình
doe: “Ìh kô kon au, mangai au loq waq deh, kon
lem ka manoh au rìm trong.” **23** Jò Chuaq Jesus
baxèm broq dèh trong haq broq, jò aih haq bu
jah qnah ta piq jàt hanam. Tiaq manoh wì hèm
haq aih kon Jòsep, Jòsep kon Hêli, **24** Hêli kon
Matat, Matat kon Lêwi, Lêwi kon Mên chi, Mên
chi kon Jane, Jane kon Jòsep **25** Jòsep kon Mata-
thia, Mata-thia kon Amôt, Amôt kon Nahum,
Nahum kon Êt-li, Êt-li kon Na-gê, **26** Na gê kon
Ma at, Ma at kon Mata-lia, Mata-lia kon Sê-me-
in, Sê-me-in kon Jô-et, Jô-et kon Jô-đa, **27** Jô-
đa kon Jô-anan, Jô-anan kon Rêsa, Rêsa kon
Xôro-baben, Xôro-baben kon Sala-thien, Sala-
thien kon Nêri, **28** Nêri kon Mênchi, Mênchi kon
A ði, A ði kon Kôsam, Kôsam kon Ên-mađan,
Ên-mađan kon Ero, **29** Ero kon Jêsu, Jêsu kon
Êli-ese, Êli-ese kon Jôrim, Jôrim kon Ma-that,
Ma-that kon Lêvi, **30** Lêvi kon Si-mê-on, Si-mê-
on kon Juda, Juda kon Jòsep, Jòsep kon Jôn-
am, Jôn-
am kon Êli-akim, Êli-akim Mê-lea, **31** Mê-
lea kon Mên-
a, Mên-
a kon Mata-tha, Mata-tha
kon Nathan, Nathan kon Đawit, **32** Đawit
kon Jêse, Jêse kon Jôbet, Jôbet kon Bo-ô, Bo-ô kon
sala, Sala kon Nach-son, Nach-son kon Ami-na-
đap, **33** Ami-na-đap kon Amin, Amin kon Arôni,
Arôni kon Et-rôm, Et-rôm kon Pharê, Pharê
kon Juda, **34** Juda kon Jacôp, Jacôp kon Ysac,
Ysac kon Apraham, apraham kon Tharê, Tharê
kon Nacô, **35** Nacô kon Sêruc, Sêruc kon Ragao,
Ragao kon Phalet, Phalet kon Hêbe, Hêbe kon
Sala, **36** Sala kon Canam, Canam kon Abasac,
Abasac Sem, Sem kon Noê, Noê kon Lêmec, **37**
Lamec kon Mêtu-sela. Mêtu-sela kon Hênoc,
Hênoc kon Jaret, Jaret kon Mêle-le-en, Mêle-le-
en kon Cainam, **38** Cainam kon Enot, Enot kon
Sêt, Sêt kon Adam, Adam kon Boc plình.

4 Chuaq Jesus bình Yiang Hadròeh, hlài enh
cròng diac Jôđan, Yiang Hadròeh aràng haq
mùt tagùng hawit. **2** Ta aih kiac padô aluàn haq
pôn jàt hì, Ta bài hì aih haq ùh lòm acaq qmòe
cleq, ðiq dèh ka jò haq loh qmòe ka hrah. **3** Kan

kiac doe ka haq: Tàng joq ìh kon Boc Plình, the hmo kô wia bênh beq. 4 Chuaq Jesus padreo bàu: “Khoe i bàu achìh, kon mangai rìh ma xài canòm toq ka bênh.” 5 Kiac atóc haq tanòe haqnhèq, qmoeq rahyàc raq haq khoe patô ka Chuaq Jesus òq òng ka bài diac ta crông taneh; 6 haq doe ka Chuaq Jesus: òq òng ka cwiang xam ka ranhòm taqmat, khoe am òng ka au, au enh am ka cabô leq am. 7 Tàng ìh kùh waiq au, aih hi jah ìh. 8 Chuaq Jesus pareo bàu: “I bàu achìh rameh: ìh ep kùh waiq Boc plình ìh rai patìh toq ka haq raq” 9 Kiac aràng haq trùh ta Jêrusalem rai dèch atóc haq oe tanòe òq jaq haqnhèq ta bui hnim kùh waiq, haq doe: Tàng joq ìh kon Boc plình, hadrúc beq, 10 majah qmang aih khoe i bàu achìh: Haq the dèh bìn plình wèq ìh, 11 Wì aih dèch ìh tó taxōng wì haq, aih èh dōq jènh ìh ùh hìaq catoeh ka hmo. 12 Chuaq Jesus padreo bàu: “I bàu khoe achìh: Ùh khòh qnhro Chuaq aih Boc Plình ìh”. 13 Kan kiac òq ka trong òòeq hu padô Chuaq Jesus, haq hi wia òò hōeq. 14 Chuaq Jesus jah bìn cwiang atai enh Yiang Hadròeh, haq wìh hlài ta Gallì, jàp gùng dudan aih khoe hìaq tàng yiniq haq. 15 Haq hnài tanòe hnim tagop qyoh, mangai mannè òeh hra. 16 Haq trùh ta Naxaret, nòe haq yòng kàn. Tìah dèh Haq hmaq broq, trùh hì Sabat haq mùt hnim tagop qyoh, èh hi yòng òc. 17 Wì am ka haq hset pajàu Êsai, haq pèh jang nòe khoe achìh: 18 Yiang Boc Plình oe ti au; Majah qmang aih haq khoe xùt òau ka au, òòeq hu anoe Bàu lem ka mangai pa; 19 Haq khoe the au trùh paclaih mangai oe ta hnim tù jah loh enh gùng, Mangai ùh xau jah hnoq, Mangai wì tacaq ka haq jah claih; Rai bahìa hanam catèm da Chuaq. 20 Khoe aih haq don hlài hset padreo am da ka mangai patìh ta aih khoe èh haq hi hangui. Rìm ngai ta hnim tagop qyoh aih òq haqmiang ngan haq. 21 Haq doe ka wì: Bàu hset hadròeh pì ma tamàng aih, hì kô khoe xit. 22 Òq ka mangai ta aih maleq ma meh òq anoe trùh haq, wì hamàih ka bàu rabiaq loh enh haq, wì doe: Haq qmat ajoq kon Jôsep? 23 Haq doe ka wì: “Canau pì yóc bàu cachôi qmang kô hu anoe ka au: Mangai broq jreo, haqnauq dèh cla òeq, aleq bài yiniq ìh broq ta Cabênaum nhèn ma khoe tàng, broq nòe gùng cla kô beq.” 24 Haq doe ka wì: “Joa au doe ka pì, qnhòq lah i mangai pajàu leq jah gùng cla manè. 25 Au anoe qnàng ka pì, qnhòng òli, jò tróc padàng piq hanam qne, òq òng ka gùng loh ka pangot hrah, tanòe mangai Isorali i bàu mangai hadrò; 26 yac ka qmang aih, aleq i the òli trùh hnim cabô taqne bài aih, mahaq the haq lam ta hnim mangai cadri hadrò oe ta Sarepta gùng Sidôn. 27 Qnhòng da pajàu Êlìsè mangai Isorali loh ka bacùn ma i palap cleq, mahaq ma i mangai leq jah brèh, enh gùng ka Na-aman, mangai Siri. 28 Maleq ma meh oe ta hnim tagop qyoh tàng bàu aih, wì nòeh pì ka jaq cleq. 29 Wì padinh yòng, hua qnoh haq loh enh gùng ka plài, qnung haq tóe ta bui wang nòe wì broq plài òòeq hu caqnùt qnìh òac haq. 30 Yàng haq pagat ti ngèa wì èh hi lam taqnoeq. 31 Haq loh ta Cabênaum, oe ta gùng Gallì, hnài ta hì Sabat. 32 Rìm ngai tamèt ta manoh jò tàng bàu haq hnài, majah qmang aih bàu haq i ang. 33 Tanòe hnim kùh waiq i moeq ngai ta dalam chac haq i kiac mùt, breo cadèh: Jesus mangai Naxaret, 34 ìh enh broq ka nhèn cleq kô òq? ìh trùh hu raliang cadac nhèn qmòh? ìh qmat cabô, au loq: Mangai Hadròeh da Boc plình! 35 Mahaq Chuaq Jesus capoch nhang ka haq aih: “Oe ma hatinh haq! Drah loh enh mangai qmat”. Hloe jò aih, taqne mangai bàu kiac rapòt mangai aih ta haqneq, èh hi loh, ùh hìaq broq ka haq aih loh habau. 36 Mangai leq mangai meh haglènh òeh hra, wì ta anoe ka dabau: Bài bàu kô qmang leq òq! Haq yóc cwiang yóc kan òeh enh leq ma drùh qnoh kiac, kiac ma loh hloe qmang meh. 37 Òq òng gùng dudan ta aih wì loq òeh hra ka Haq. 38 Chuaq Jesus loh enh hnim tagop qyoh, haq lam ta hnim Simôn. Miq mai Simôn qnang tōq tanget hlac raya. Wì canòm ka Chuaq Jesus broq brèh ka haq. 39 Chuaq Jesus cachình chac ta mangai aih, haq tapoch ka kan tanget, kan tanget hi òq. Mangai aih hi padinh yòng patìh. 40 Jò mat mahì clìh, mangai yiniq qmang leq, mangai ùh hróc qmang leq wì aràng trùh òq ta haq, haq yóc tì bèq tang ngai hu broq brèh ka wì. 41 Bàu kiac cadàu loh enh bàu ngai rai cajiah: ìh qmat kon Boc Plình. Mahaq Chuaq Jesus lech ùh am wì haq tapoch, majah qmang aih kiac loq ka haq aih raq Christ. 42 Buqngah, Chuaq Jesus loh lam tanoè hawit. Bàu mangai lam ti chaq haq. Jò hnoq haq, wì padràng haq oe, wì ùh enh dōq haq lam taqnoeq. 43 Mahaq haq doe ka wì: “Au ep lam anoe Bàu lem da Boc Plình ka wì ta qnoeq hòm, aih raq majah khoe the au trùh.” 44 Haq ti hnài roc hnim tagop qyoh da mangai Juda.

5 I mòeq hì, jò Chuaq Jesus yòng ti haqmai hlông Gêne-saret, bài mangai bác raya oe dudan dahren dabau hu tamàng bàu Boc Plinh. **2** Haq hnoq i baiq toq boang oe ti haqmai diac, cla mangai ranang khoe loh qnheo hlàm ta diac. **3** Baiq toq boang aih haq hi tồc ta moeq toq, aih boang da Simôn, thê haq qnoh tadrùq toq biaq, èh haq hangui ta boang òdeq hu hnài wì. **4** Jò khoe hêq ka hnài haq thê Simôn: “Chùng boang qnoh tanòe diac jrùq tau òdeq caqnìh hlàm hu rùp ka.” **5** Simôn padreo bàu: Mangai hnài, nhên broq khoe lep qngah moeq mang iq, ùh lòm jah qmòe cleq. Mahaq ìh khoe doe qmang aih, òq nhên tang hlàm. **6** Wì caqnìh hlàm ta diac jah ka pì cajaq, hlàm wì haq ten tapot, **7** aih wì haq hi gwaìh tì dèh ka bua oe ta boang qnoeq trùh, òdeq wiang ti wì haq, ka bình baiq toq boang, boang loh qmòe ka enh cram. **8** Jò Simôn hnoq qmang aih, haq hacùn cràng enh ngèa ka Chuaq Jesus: Chuaq au! ìh wia hangai ka au beq, au kô mangai bình toq yiniq lui. **9** Majah qmang aih haq xam bài dèh bua oe ti haq, hnoq jah hrìn ka, maleq mameh loh ka crè dõng. **10** Chuaq Jesus doe ka Simôn: “Apaq yùq cleq, pang kô ta èh, ìh jah wia mangai tang hlàm mangai”. **11** Khoe ka atồc boang tago, wì hi cađac òq dõng òdeq hu tiaq haq. **12** Jò Chuaq Jesus qnang oe tanòe plài tau, i moeq ngai bacùn òq tachac, trùh bla op dèh hadrò taqneq rai dang: Waiq Chuaq, tàng ìh ma waq broq, ìh broq au brêh. **13** Chuaq Jesus hnhu tì bèq haq aih, rai doe: “Au enh, brêh beq!” Tajòe hloe jò aih kan bacùn hi brêh. **14** Chuaq Jesus tanap ka haq: “Paq anoe ka cabô loq, mahaq ìh khoe brêh qmat drah lam patô rađeh ka bài pajàu, rai dèch ramènìh tiaq bàu Môise khoe thê, òdeq patô ka wì hnoq.” **15** Yiniq Chuaq Jesus chàc rai èh rai hangai, bác mangai trùh hu tamàng, rai òdeq haq broq ka wì jah brêh ka yiniq. **16** Mahaq Chuaq Jesus xan lam tanòe hawit òdeq hu waiq khàn. **17** I mòeq hì, Chuaq Jesus qnang hnài, i biaq ngai Pharisi xam bài mangai hnài ranenh trùh hangui ta aih, wì haq loh enh bài plài tagùng Galili, gùng Judê xam Jêrusalem. Cwìang itai Boc Plinh oe ti Chuaq Jesus broq brêh ka mangai yiniq. **18** Jò aih, i wì tòng aràng moeq ngai pen kùi ta dradrah, chaq trong òdeq qmùt haq enh ngèa Chuaq Jesus. **19** Mahaq taiq mangai bác hrìnìh, pì qnì qmùt qmòe trong leq, dài wì majah àu atồc haq aih ta crõng hnìm, doeh kùa po, qnhùa qnoh haq aih oe ta dradrah taqne wì mangai bác ta aih, tajang hloe ka ngèa Chuaq Jesus. **20** Chuaq Jesus hnoq manoh lùì wì aih, haq doe ka mangai pen: “Yòiq kon, yiniq lui kon khoe jah caqnaih.” **21** Bài mangai hnài ranenh xam mangai Pharisi hèm dèh ta manoh: Cleq meh iq cabô, mangai tapoch ùh hòq, enh gùng ka Boc Plinh oe i cabô majah bacłaih yiniq lui? **22** Chuaq Jesus loq ka manoh wì hèm cleq, haq bòch “Hagleq pì majah hèm qmang aih ta manoh? **23** Manòeq kô doe: Yiniq lui ìh khoe jah caqnaih, tàng ùh meh doe yòng lam beq, aih maleq ma yi hlàu ka capoch? **24** Mahaq au òq pì loq Kon Mangai oe ta crõng taneh i cwìang caqnaih yiniq lui.” Haq doe ka mangai pen “Au thê ìh, yòng, dèch dra drah qmat hlài ta hnìm beq.” **25** Mangai pen padinh yòng enh ngèa ka wì hloe jò aih raq, bình dèh dradrah haq ma kùi hlài ta hnìm, rai manè apôi Boc Plinh. **26** Rìm ngai tadèch qmòe nòeh rai manè Boc Plinh rai crè tarìt wì doe: Hì kô joq bèn khoe hnoq trong joq òq jaq halac! Acaq moeq qmang ti mangai i yiniq lui **27** Atìq ka aih, Chuaq Jesus loh enh gùng, hnoq moeq ngai, broq mangai yỏc thèq, yiniq haq Lêwi, qnang haqngui tanòe hnìm yỏc thèq. Haq creo ka mangai aih: “Lam tiaq au.” **28** Lêwi cađac òq dõng, padinh yòng tiaq Chuaq Jesus. **29** Lêwi broq yiniang kàn ta hnìm rađeh padon ka Chuaq Jesus, i bác ngai yỏc thèq xam bài mangai qnoeq haqngui acaq pajùm. **30** Bài mangai Pharisi xam mangai hnài ranenh mamùc ka mangai tiaq hỏc Chuaq Jesus: Hagleq pì ma acaq pajùm ti mangai yỏc thèq xam mangai i yiniq lui? **31** Chuaq Jesus doe ka wì: “Mangai tadèh ma i nhèt ka chaq mangai broq jreo, mangai ùh hrỏc ma nhèt.” **32** Au ùh xài trùh òdeq creo ka mangai taq atoq, mahaq creo ka mangai i yiniq lui. **33** Wì anoe ka haq: Mangai tiaq hỏc da Jon xan apàm ka acaq òdeq waiq khàn, èh mangai tiaq hỏc da mangai Pharisi hadai, ùh xài qmang ka mangai tiaq hỏc da ìh toq acaq toq ôq. **34** Haq padreo bàu: “Jò cla kon ỏng oe raq dèh ti bua, trùh lem bùi hì yiniang haq, wia ka pì ma thê wì apàm ka acaq? **35** Mahaq trùh hì wì ma qnùng kon ỏng lam hangai ka wì, bài hì aih èh wì men apàm ka acaq.” **36** Haq aliah ka wì qmang kô: “Ừh i cabô hit mòeq calep eo neo òdeq clep ka eo dừnh. Tàng broq qmang aih, eo neo loh ka hyah, èh haqnech maneo hadai ùh tajì ka eo dừnh. **37** Hadai ùh i cabô ùc alac neo ta bàu akia dừnh, broq qmang aih, alac neo broq ka bàu

akia dũnh hadah, alac tauc, ̃au akia hadai pi wia waq. 38 Alac neo ep uc ta ̃au akia neo. 39 Hanoh ũh i mangai leq khoe ôq alac dũnh èh bõch alac neo, majah qmang aih haq doe: alac dũnh yeo jiang”.

6 I moeq yàng, wop hi sabat Chuaq Jesus lam pagat trong ruàng qmau, mangai tiaq hõc git hadrõc qmau rai tuta hu kaq. 2 Bải mangai Pharisi bõch: Hagleq pì majah broq trong ũh troq ta hi Sabat? 3 Chuaq Jesus doe ka wì: “Pì ma qnhòc đõc ̃awit broq cleq jò haq xam mangai tiaq haq hadai pangot qmõh? 4 Haq mùt ta hnim Boc Plĩh, yõc bẽnh ta aih qnoh acaq rai am dẽh ka bua, bẽnh aih toq pajàu ma khõh acaq. 5 Haq doe hòmh: Kon Mangai aih Chuaq hi Sabat”. 6 Hi sabat qnoeq hòmh, Chuaq Jesus mùt hnài ta hnim tagop qyoh. Ta aih i moeq ngai angwenh tì pah qma. 7 Bải mangai hnài ranenh xam mangai Pharisi qnang ti chaq yiniq đõeq rùp Chuaq Jesus, wì ti ngan ta hi sabat haq i broq brẽh ũh. 8 Mahaq Chuaq Jesus loq ka wì aih qnang hẽm trong leq, haq doe ka mangai angwenh tì: “Yòng beq, yòng oe taqne kô.” Mangai aih hi yòng oe taqne wì ta aih. 9 Aih èh Chuaq Jesus hi doe: “Au bõch pì: Maleq ranenh ma am broq tahì sabat, khõh broq trong lem loq broq trong qmẽq? jẽh đac mangai loq dẽch mangai?” 10 Haq ti ngan dudan diq ka wì ta aih, khoe èh haq doe ka mangai angwenh tì: “Bahnhoh tì ìh qmat.” Mangai aih broq tiaq qmang bàu, tì haq hi jah brẽh. 11 Mahaq mangai Pharisi xam mangai hnài ranenh wì nẽh pi cajaq, wì bõch dabau broq qmang leq ka Jesus kô èh. 12 Oe ta bải hi aih Chuaq Jesus tõi ta wang waiq khàn, haq riu qngah ka mang aih đõeq waiq khàn ka Boc Plĩh 13 Trũh qngah sroq èh, haq creo dẽh mangai tiaq hõc, haq ràih moeq jàt baiq ngai, đõeq broq mangai Tiaq cla: 14 Haq yiniq ka Simõn aih Phiero, Anrẽ oh Simõn, Jaco xam Jon, Philip xam Bathẽ-lemi, 15 Mathio xam Thõma, Jaco kon Aphẽ, Simõn wì ma creo Xẽlot, 16 Juđe kon Jaco, xam Juđa Ica-riõt, mangai ma blòc Chuaq Jesus atiq kô èh. 17 Khoe aih, Chuaq Jesus xam mangai tiaq hõc loh enh wang, wì oe tanòe tamang, ta aih i bacc ngai tiaq hõc xam bacc ngai trũh enh gũng Juđẽ, Jẽrusalem, xam trong diac Tiro, Sidõn, trũh tamàng bàu haq hnài rai dõq haq broq wì jah brẽh kan yiniq tõi. 18 Bải mangai kiac mùt ta chac hadai jah brẽh đõng. 19 Diq đõng ka

mangai bacc ta aih ti àu bẽq haq, majah qmang aih i kan itai loh enh chac haq, broq ka bacc ngai jah brẽh. 20 Chuaq Jesus ngan dẽh mangai tiaq hõc, rai doe: “Xõq ramot am ka mangai pa, majah qmang aih diac Plĩh aih da pì. 21 Xõq ramot am ka mangai qnang pangot, majah qmang aih pì jah panac, Xõq ramot ka qnang crò hmoe, majah qmang aih pì jah do lem bùi! 22 Xõq ramot am ka pì, jò wì git ka pì, hnan qnoh pì, hnap hnuq ka pì, cadac yiniq pì tiah kan amù! Taiq pì tiaq au! 23 Hi aih, thẽ pì lem bùi, ti aplõh rai manẽ, majah qmang aih kan baha pì oe ta Plĩh èh kàn haraya: Majah qmang aih, kan cadraq wì haq calah nẽh hadai khoe tabroq ka bải mangai pajàu qmang aih diq. 24 Mahaq hãbo ka pì mangai ma padrõng, majah qmang aih pì khoe jah qmòe dẽh kan alòng! 25 Hãbo ka pì, mangai qnang panac, majah qmang aih pì jah pangot! Hãbo ka pì mangai qnang lem bùi, majah qmang aih pì jah hmoe ta-oe h ka kan cachit. 26 Hãbo ka pì mangai qnang jah bacc ngai tapoch manẽ, majaq qmang aih kan cadraq wì haq calah nẽh hadai broq ka bải pajàu patiah qmang aih diq. 27 Mahaq au doe ka pì aih bải mangai qnang tamàng bàu au: Thẽ loq waq ka mangai tablẽq ka pì, broq lem ka mangai git ka pì. 28 Waiq xõq ramot am ka mangai hanip pì, waiq khàn am ka mangai tapoch qmẽq ka pì. 29 Cabõ tep da pì tabõc pah kô, hnũh hloe ka wì haq tabõc pah tau, cabõ hrũiq da pì eo enh gũng, đõq haq wì yõc hloe da pì eo enh dalam. 30 Tàng cabõ bõch cleq, drah am, tàng i cabõ blah yõc da pì cleq, apaq bõch yõc hlài. 31 Pì enh wì broq ka radẽh qmang leq, pì ep broq ka wì qmang aih. 32 Tàng pì loq waq toq mangai ma loq waq ka pì, aih ma ep pòq dõeh cleq? Mangai i yiniq lui hadai loq waq ka mangai loq waq ka haq. 33 Tàng pì toq hanò ka magai loq hanò ka pì, aih ma i pòq dõeh cleq? Mangai broq yiniq lui hadai qmang aih diq. 34 Tàng pì am đõ ka wì qnoeq cleq, mahaq toq ngẽh ka wì am hlài, aih ma i pòq dõeh cleq? Mangai i yiniq lui hadai am ka mangai i yiniq lui ti lĩh, đõeq hu jah yõc hlài xam xẽm xam goe. 35 Mahaq thẽ pì loq waq ka mangai tablẽq ka pì, loq hanò ka wì, loq am ka wì, apaq ngẽh ka yõc hlài cleq enh wì. Aih èh kan baha ka pì kàn joq qnàng, aih pì jah broq kon da Mangai diq Jaq haqnẽh, majah qmang aih haq hanò ka mangai gõpla xam mangai broq dù. 36 Thẽ pì loq waq tia h ka Baq pì aih Mangai ma xan loq waq. 37 Apa q ti

hadrah dèh cabô, èh pì ùh hìaq pòq kan hadrah, apaq taqmòq yiniq lui ka cabô, aih wì hadai ùh hìaq taqmòq yiniq lui ka pì. Thê cađac da wì qnoeq yiniq lui, aih wì hadai cađac da pì yiniq lui. **38** Am beq, aih èh wì hadai am hlài ka pì, èh wì yõc cađap kàn, xàu dõq haq nhet, tống qmòe ka bình, tah tam ta eo pì, majah qmang aih pì dèch ka wì maneh leq, wì hadai dèch hlài maneh aih. **39** Haq hadai capoch aliah hu hnài wì rameh: “Mangai ùh xau qnung mangai ùh xau ajah? Ùh xài đìq baiq ka wa aih clih ta ralùng qmòh?” **40** Mangai tiaq hõc ùh yeo haqnheq ka mangai hnài, mahaq mangai tiaq hõc leq ma gêh geo, aih èh haq jah tiah dèh mangai hnài. **41** Gleq ìh hnoq ciah ta mat oh daq ìh, mahaq ùh hnoq long ban ta mat cla? **42** ìh doe dèh ka oh daq: Aleq dõq au doeh ciah ta mat ìh, mahaq ùh hnoq dèh long ban ta mat cla! pì capoch dèh qmang leq majah? Wùih! bài mangai patiah toq enh gùng meh! doeh long ban loh enh mat cla qmat adroe, aih èh men xau hnoq hu doeh ciah ta mat oh daq. **43** Long loh pì qmèq aih ùh xài long lem, long loh pì lem aih ùh xài long qmèq **44** majah qmang aih ngan pì ma canau ka long. Ùh i cabô git pì póc ta yila, ùh i cabô git pì nho ta brech. **45** Mangai ta manoh haq bình trong lem, hloh bàu rangot lem, mangai dù ta manoh bình trong dù, hloh bàu dù, majah qmang aih khoe bình ta manoh men hloh ajang bàu. **46** Hagleq pì creo ka au: Chuaq, Chuaq, mahaq ùh dùh ka broq tiaq bàu au? **47** Kô au patô ka pì loq mangai trùh ti au, tamàng bàu au, broq tiaq bàu au, aih èh haq tiah ka cabô. **48** Haq aih tiah ka mangai broq hnem, chĩa jrang cajrùq, dèch hnem enh crõng hmo talech: Diac tõi, diac dèh glàm ta hnim aih, mahaq ùh dalàc, majah qmang aih broq khoe cajap. **49** Yàng mangai leq tàng bàu au mahaq ùh broq tiaq, haq aih tiah ka mangai broq hnim ta taneh ùh i ka xèm, diac dèh glàm ta hnim aih, moeq ayàc raq khoe ralaih, raliang đìq dõng.

7 Jò khoe hêq ka hnài bàu aih, Chuaq Jesus mùt ta Cabênaum. **2** Cwan lình tagùng aih i moeq ngai hapõng haq đìq jaq loq waq, qnang ùh hrõc ten cachit, **3** tàng wì anoe i Chuaq Jesus trùh, cwan thê wì gucraq mangai Judà lam canòm ka Chuaq Jesus broq brêh dèh ka hapõng. **4** Wì aih trùh ti Chuaq Jesus, wì doe: Cwan kô troq ka ìh đi bàu haq, **5** majah qmang aih haq

loq waq ka mangai bèn, khoe broq am ka nhèn hnim tagop. **6** Chuaq Jesus lam ti wì aih. Jò ten trùh hnim, cwan aih thê dèh bua lam anoe ka Chuaq Jesus: Waiq Chuaq! ìh ùh dùh baxa hrìn rađeh, majah qmang aih au ùh tajì ka đìh ìh mùt dèh ta hnim. **7** Au hadai khoe hèm rađeh kô qnhòq tajì ka trùh ti ìh. Mahaq ìh tapoch toq bàu raq brì ka hapõng au brêh. **8** Majah qmang aih au kô hadai oe enh qneq ka cwiang wì qnoeq, au hanoh i lình enh qneq ka cwiang au đìq, au doe ka mangai kô: Lam beq! haq aih hi lam, thê mangai qnoeq: Trùh tacô! haq hi trùh, au thê dèh hapõng: Broq yiniq kô! haq hi broq. **9** Jò Chuaq Jesus tàng bàu aih, hamaih dèh ta manoh, Haq hwi ngan bài mangai lam tiaq rađeh, haq doe: “Au doe ka pì, oe ta Isorali, au qnhòq lah hnoq mangai leq i kan lùì kàn dằng kô.” **10** Khoe aih, bài mangai cwan ma thê wì lam aih, wìh hlài ta hnim, hnoq mangai hapõng khoe brêh. **11** Hì atìq, Chuaq Jesus lam ta plài Na-in, mangai tiaq hõc xam bəc mangai lam tiaq haq. **12** Jò haq bu trùh gàu plài, hnoq wì tòng qnoh moeq ngai cachit, aih kon calô gucadrì hadrô ta plài aih, haq i dèh moeq toq kon aih raq, bəc ngai ta plài aih wiang lam ti mangai hadrô aih. **13** Jò Chuaq Jesus hnoq, tamanoh haq ha-och ka mangai miq aih, haq doe: “Apaq hmoe.” **14** Khoe aih, Chuaq Jesus thĩa haten, haq bèq hom, bài mangai tòng hanang hi yòng. Haq hi doe: “Mangai radam meh, au thê oh yòng beq.” **15** Mangai cachit padinh hangui rai tapoch tàng, khoe aih Chuaq Jesus hi am da miq haq. **16** Mangai leq mangai meh crê đeh hra, rai manê apôi Boc Plình rameh: I moeq pajàu kàn khoe loh taqne bèn. Boc Plình khoe trùh đòeq wiang dèh ti mangai da Haq. **17** Bìac aih, wì anoe jàp cròng Judê xam gùng dudan ta aih. **18** Mangai tiaq hõc da Jon taqmon đìq đõng bài yiniq aih ka Jon. **19** Jon creo dèh wa baiq ngai ma tiaq hõc rađeh, thê wa lam trùh ta Chuaq Jesus hu bõch: ìh ajoq mangai đòeq trùh tacô, nhèn ahiq ep gòm mangai qnoeq hòm? **20** Jò wa aih trùh ta Chuaq Jesus, wa doe: Jon Baptit thê ma trùh bõch: ìh ajoq mangai đòeq trùh tacô loq nhèn ep gòm mangai ma qnoeq? **21** Wop jò aih Chuaq Jesus broq brêh bəc ngai yiniq, ùh hrõc, mangai i kiac dù mùt ta chac, rai broq bəc ngai ùh xau jah hnoq. **22** Chuaq Jesus padreo bàu ka wa: “Hlài anoe ka Jon loq rìm yiniq chõp khoe hnoq, khoe tàng: Mangai ùh xau jah hnoq, mangai liap jah lam, mangai

bacùn jah hreo, mangai cùc jah tàng, mangai cachit jah rih hlài, mangai pa jah tamàng Bàu lem. **23** Xôq ramot ka mangai leq ùh hĩaq catoeh ka au.” **24** Jò wa aih khoe lam, Chuaq Jesus hi anoe trùh Jon dỏq bài mangai bàc ma lam tiaq haq tàng: “Pì khoe lam ngan cleq taqnỏe hawit? Pì lam ngan triang nĩaq cayeo ma hlui qmỏh? **25** Ùh qmang ai pì lam ngan cleq hỏm? Ngan mangai caxủnh eo lem qmỏh? Hatau wì ma caxủnh eo canaq, mangai oe acaq rahủ diq oe ta hnim bũa. **26** Mahaq pì lam ngan cleq hỏm? Mangai pajàu qmỏh? Joq au anoe ka pì ùh hnau ka pajàu hỏm. **27** Kỏ raq mangai ma khoe i bàu achih trùh haq: Kỏ au the dẻh mangai wẻ bàu lam adroe ka ìh, Haq aih ẻh ma palauq da ìh trong enh ngẻa ka ìh. **28** Au anoe ka pì, diq đởng ka bài mangai gucadrì ma hauang qnoh, ùh i mangai leq yeo kản ùh hnau ka Jon, mahaq oe ta diac Boc Plinh, mangai yac ka qyoh dảng leq, dua haq yeo kản ùh hnau ka Jon. **29** Diq đởng ka bài mangai ta aih hloe xam mangai yỏc theq khoe jah Jon broq baptem, wì tàng bàu Chuaq Jesus hnài, mangai leq mangai meh diq doe Boc Plinh aih taq atỏq. **30** Mahaq mangai Pharisi xam mangai hnài ranenh chàih cađac trong Boc Plinh enh taqmroq ka wì haq, majah qmang aih wì ùh waq Jon broq baptem ka dađeh. **31** Chuaq Jesus doe: Au alĩa wì qnhỏng kỏ tĩa ka cabỏ? **32** Wì haq tĩa ka wì qyoh hangui ta nỏe atech, doe ka dabau: Nhẻn khoe hlui talĩaq, gleg pì ma ùh ti cađoeq, nhẻn khoe ti calẻu atoch gleg pì ùh crỏ hmoe. **33** Jon khoe trùh, haq ùh acaq bẻnh ùh ôq alac, aih pì doe: I kiac dù oe ta chac haq. **34** Kon Mangai trùh, haq acaq haq ôq, aih pì doe: Meh mangai plai toq ka acaq, daiq ka ôq, taqmủt ti bài mangai yỏc theq xam bài mangai i yiniq lui. **35** Mahaq kan khun rabĩaq aih jah creo ka haq taq atỏq canỏm ajang yiniq broq da wì haq.” **36** I moeq ngai Pharisi akhen ka Chuaq Jesus trùh acaq dẻh ta hnim, jỏ khoe mủt ta hnim, Chuaq Jesus hi hangui. **37** Tagủng aih, i moeq ngai gucadrì rih ùh wĩa, hĩa doe Chuaq Jesus qnang hangui acaq ta hnim mangai Pharisi, haq arẻng moeq toq cabi ngỏc tabỏc enh dalam tah bẻnh dầu xua thủm. **38** Haq yỏng đẻh enh rủ ajang nỏe jẻnh Chuaq Jesus, crỏ hmoe, diac mat taclìh ta jẻnh Chuaq Jesus, khoe ẻh haq yỏc dẻh xỏc gầu hi xủt, ẻh haq híp jẻnh Chuaq Jesus, khoe aih haq xủt dầu ta jẻnh Chuaq Jesus. **39** Mangai Pharisi ma akhen ka Chuaq Jesus, hnoq qmang aih, haq hẻm dẻh ta

manoh: Mangai kỏ tàng haq joq pajàu, aih wĩa ka haq ùh loq ka mangai gucadrì ma bẻq rađeh aih cabỏ, wĩa ka haq ùh loq ka gucadrì qmat mangai qmang leq, qmat xỏi mangai bẻnh toq yiniq lui. **40** Chuaq Jesus doe ka haq: “Simỏn, au i bĩaq nỏ anoe ka ìh.” Simỏn padreo bàu: Mangai hnài, ìh anoe beq. **41** “I moeq ngai aih, i baiq ngai pỏq dỏeh haq: moeq ngai pỏq padam hrinh đỏiẻ, moeq ngai pỏq padam jỏt. **42** Diq baiq ka wa ùh i cleq hu caqnaih dỏeh, cla wì craq hi cađac đởng ka wa. Taqne wa baiq ngai aih, maleq ma loq waq ka wì craq yi bẻc?” **43** Simỏn hi tẻu: Au hẻm mangai leq ma khoe jah cađac yeo bàc aih, haq aih loq waq yi bẻc. Chuaq Jesus doe: “Ìh hẻm troq.” **44** Khoe aih, haq wìh ta gucadrì rai doe ka Simỏn: “Ìh i hnoq mangai gucadrì kỏ? Au mủt ta hnim ìh, ìh ùh qnoh qmỏe diac qnheo jẻnh, mahaq gucadrì kỏ yỏc dẻh diac mat srủh jẻnh au, khoe ẻh yỏc dẻh xỏc gầu hu xủt. **45** ìh ùh híp au, mahaq haq kỏ patep haq mủt hnim ìh, haq híp jẻnh au ùh hẻq. **46** ìh ùh xủt dầu ta gầu au, yẻng da haq kỏ yỏc dầu xua thủm xủt ta jẻnh au. **47** Aih ìq au majah doe ka ìh, yiniq lui mangai gucadrì kỏ bàc joq qnẻng, khoe jah caqnaih diq đởng, majah qmang aih haq khoe loq waq yeo bàc, yẻng da mangai jah caqnaih yeo bĩaq, haq loq waq yeo bĩaq.” **48** Chuaq Jesus doe ka mangai gucadrì: “Yiniq lui ìh khoe jah caqnaih đởng.” **49** Bài wì ma hadai hangui acaq moeq qmang ta aih hẻm ta manoh: Mangai kỏ ìq cabỏ ma doe rađeh i cwiang caqnaih yiniq lui? **50** Mahaq Chuaq Jesus doe ka mangai gucadrì aih: “Kan lủi ìh khoe dẻch ìh, lam ka catẻm oq.”

8 Atìq ka aih, Chuaq Jesus lam enh gủng kỏ trùh gủng tau, enh plài kỏ trùh plài qnoeq, anoe hnài Bàu lem lem da diac Boc Plinh. I moeq jỏt baiq ngai tiaq cla oe ti haq. **2** ẻh hadai i wì gucadrì lam tiaq haq, aih la bài mangai khoe jah paclaih enh kiac dù, khoe jah brẻh ka yiniq: Mari, wì ma creo Mađolen, tapẻh toq kiac dù loh enh chac haq, **3** Jan-no, cadrì da Chu-sa, aih cwan wẻq ta hnim bũa Hẻrỏt, Su-sana xam bàc ngai qnoeq hỏm wiang dẻch bac jẻnh ka haq. **4** Jỏ bài mangai bẻc tagop ti dabau xam mangai enh rìm plài trủh diq ta Chuaq Jesus, haq hi yỏc bàu alĩa hu hnài wì: **5** “I moeq ngai lam rai dẻh adrech. Jỏ rai, moeq qnah clìh ti trong, aih wì hi troq jỏiq ẻh chìm enh qnhẻq loh jỏh đởng. **6** Moeq qnah clìh ta taneh raga, bu hon ma loq

khoe croh majah qmang aih ùh i ðeh toq biaq hnhà kan da-ìm. 7 Maqnoeq taclih taqne xem yila, haq hon pajum ti yila, haq toq hlac loh ka pi jah kàn. 8 Adrech ma qnoeq clih tanòe taneh lem. Haq hon lem, loh hadròc, moeq jah moeq hrinh. Jò anoe qmang aih haq doe: “Mangai leq i don, tamàng beq.” 9 Mangai tiaq hóc bóch haq bàu àliàh aih anoe cleq. 10 Haq doe: “Kan hlèp tanòe diac Plinh khoe am pi loq, yàng wì qnoeq aih yóc bàu àliàh hu anoe, dòq wì ngan manhaq ùh hnoq cleq, tamàng mahaq ùh qnì tàng. 11 Bàu àliàh aih rameh: Adrech aih bàu Boc Plinh 12 Adrech taclih ti trong, aih bài mangai tàng bàu, yàng atìq ka aih kan kiac trùh tablah yóc bàu ta manoh cliac wì haq, yùq wì haq lùì èh loq jah dèch qmòh. 13 Adrech taclih nòe raga, aih bài mangai bu tàng bàu khoe lem bùi yóc bàu aih, mahaq ùh i ka riah. Wì lùì moeq rayàc, jò i kan khech tât, wì haq hi talùi. 14 Adrech taclih ta yila, aih bài mangai tàng bàu, mahaq tiaq ðeh manoh kan loq lèt kan padròng kan rih qmòe ka hlàu toq taqnhòng kô, broq ka bàu aih pi jah chet, pi loh qmòe pli ma yi wia. 15 Mahaq adrech taclih tanòe taneh lem aih bài mangai i manoh cliac lem joq qnàng, bài mangai tàng bàu, rai cajap manoh wèq bàu aih hi jah loh pli. 16 Ùh i cabô bùh ðen èh yóc griang gùp cadac, tàng ùh meh cadoc ta caqnàm, mahaq dèch tanòe haqnèq, dòq cabô mùt ta hnìm ðiq jah hnoq kan qngah. 17 Majah qmang aih ùh i cleq hlèp, èh ma ùh hnoq, ùh i cleq cadoc èh wì ma ùh loq, ma ùh hia ep patò qnoh. 18 Qmang aih pi ep tamàng ma rabiaq bàu pi tàng majah qmang aih mangai khoe i, èh jah am tam, mangai leq ùh i, aih èh jah doeh yóc hloe yiniq cleq haq xoh ðeh khoe i.” 19 Jò aih, miq da Chuaq Jesus xam wì oh haq lam chaq haq. Yàng mangai bàc hrinh, ùh jah thia haten ka haq. 20 I mangai lam anoe ka haq: Miq ìh xam wì oh ìh oe enh gùng, enh glàm ìh. 21 Mahaq Chuaq Jesus padreo bàu “Miq au xam oh daq au aih bài mangai tàng bàu Boc Plinh rai broq tiaq bàu aih”. 22 I moeq hi, Chuaq Jesus loh taboang ti mangai tiaq hóc, haq doe: “Beq bèn tócc pah tau hlòng”; khoe wì hi lam. 23 Jò boang qnang cadàu, Chuaq Jesus kùì. I bahùt trùh ta hlòng aih, diac bình taboang, qnang jò yat ðiq jaq. 24 Mangai tiaq hóc tùh padriu haq: Mangai hnài, mangai hnài, bèn cachit mandeq kô raq! Mahaq jò haq bu yòng, haq tagàih ka cayeo xam diac dòq wa hatinh, aih wa hi hatinh hatot hloe. 25 Haq doe ka mangai tiaq hóc: “Manoh lùì pi taleq hòm.” Mangai tiaq hóc rai crè rai hamàih, bóch dabau: Mangai kô ìq cabô, jaq cayeo xam diac ðiq iu dồng bàu haq? 26 Khoe aih wì trùh tagùng mangai Jêrasê,ajang ka gùng Galili. 27 Jò Chuaq Jesus tócc tago, tagùng aih i moeq ngai bàc kiac tachac haq. Khoe dùnh, haq pi lah caxùnh eo, pi lah oe ta hnìm, mahaq oe ta cadràng hanang. 28 Bu hnoq Chuaq Jeus, haq aih cajiah ta gruàng, rai pacro ðadeh anòe jènh Chuaq Jesus, haq tapoch qmòe cadêh: ìh enh broq ka au cleq kô ìq, Chuaq Jesus kon da Boc Plinh haqnèq au waiq ìh ùh dùh baxa au ðeh. 29 Majah qmang aih, Chuaq Jesus i thê kiac dù aih loh ma khoe ka mangai kiac rùp khoe dùnh aih. Yac ka wì tât haq, kât, clang jènh ti haq, dua haq hrât cadac caxi mem, wah cadac long clang, kiac qmùt haq tanòe hawit. 30 Chuaq Jesus bóch haq: “Gè yiniq cleq?” haq padreo bàu: Bài linh, majah qmang aih bàc toq kiac khoe mùt tachac haq. 31 Wì haq cali calo ka Chuaq Jesus apaq caqnìh wì haq kòe jrùq. (Abyssos g12) 32 Jò aih i meq calùh chùa qnang acaq tawang. Bài kiac bóch Chuaq Jesus am wì haq jah mùt ðeh ta calùh chùa aih, Chuaq hi am. 33 Bài kiac loh enh mangai aih, mùt ta calùh chùa, calùh chùa oe enh bùc haqnèq cadàu hatàp gàu ta hlòng cachit ðiq dồng. 34 Bài mangai ban chùa hnoq qmang aih, drah cadàu lam amot, rai anoe yiniq aih jàp rìm gùng rìm plài ta aih. 35 Wì dahròq loh ngan, jò wì haq trùh tanòe Chuaq Jesus, hnoq mangai kiac neo loh enh haq aih qnang hangui nòe jènh Chuaq Jesus, sràp eo cwàn, gàu ngoc prau prinh, wì yùq pi cajaq. 36 Bài mangai ma khoe hnoq kan halac aih, anoe ka hlài jàp ka phù cròng loq mangai kiac rùp aih khoe jah brêh qmang leq. 37 ðiq dồng mangai oe ta gùng Jêrasê cali calo doe ka Chuaq Jesus ðòeq haq lam ðac tagùng qnoeq, majah qmang aih wì crè pi cajaq. Haq loh taboang wih hlài pah tau. 38 Mahaq mangai kiac ma khoe cadàu loh enh chac, haq bóch tiaq Chuaq Jesus, mahaq Chuaq Jesus thê haq hlài, Chuaq Jesus doe ka haq: 39 “Hlài ta hnìm hu anoe ka wì dòq wì loq Boc Plinh khoe broq am ka ìh cleq.” Qmang aih, haq hi lam rai anoe hlài rìm yiniq Boc Plinh khoe broq am ka ðadeh jàp rìm gùng. 40 Jò wì wìh hlài, i bàc ngai ðih Chuaq Jesus, majah qmang aih mangai leq mangai meh ngèh ðeh hra ka haq. 41 I moeq ngai wèq hnìm tagop qyoh yiniq haq Jairu trùh bla op nòe jènh Chuaq Jesus,

cali calo canòm ka Chuaq trùh dèh ta hnim. **42** Majah qmang aih haq i moeq ngai kon cadrì moeq jàt baiq hanam khoe ten cachit. Jò Chuaq Jesus lam ti trong bài wì dahnen dudan ka haq. **43** Jò aih i moeq ngai gucadrì yiniq khoe moeq jàt baiq hanam dahrôq mahim, bac jènh haq khoe yam diq dõng ka bài mangai broq jreo, **44** haq trùh enh rù bèq haqmai eo Chuaq Jesus, tajòe qmòe mahim haq hi xõt. **45** Chuaq Jesus doe: “Cabô khoe bèq au?” mangai leq mangai meh haqngah deh hra, Phiero xam bua haq doe: Mangai hnài, mangai bác ti dudan rai hnen ih. **46** Chuaq Jesus doe: “I mangai khoe bèq au, au tàng i padren loh enh chac au. **47** Mangai cadrì aih hnoq dađeh cadõc pi hlèp, haq tarit thia bla op dađeh ta haqneq ajang nõde jènh Chuaq Jesus enh ngèa mangai bác, haq anoe dõng hagleq deh majah bèq haqmai eo Chuaq Jesus, èh manòeq rađeh khoe jah brêh qmang leq. **48** Mahaq Chuaq Jesus doe ka haq: “Yôiq kon cadrì au, manoh lùì kon khoe broq kon jah brêh, lam ma catèm beq.” **49** Chuaq Jesus oe raq capoch, i mangai loh enh hnim Jairu, craq wèq hnimtagop qyoh doe ka haq: Kon cadrì ih khoe cachit, oe pangài dèh ka haq qmat hòem. **50** Tàng bàu aih, mahaq Chuaq Jesus doe ka Jairu: “Apaq yùq! toq lùì raq, aih èh kon ih hi jah brêh.” **51** Jò khoe trùh ta hnim, Chuaq Jesus am toq Phiero, Jaco, Jon xam wa miq baq kon qyoh aih mùt tiaq haq. **52** Jò meh diq ka mangai ta aih ta-oeh ti atoch ka kon mangai aih, Chuaq Jesus doe: “Hêq pi dùh hmoel! Kon mangai kô ùh xài haq kachit, haq qnang kùì.” **53** Wì do ka haq, majah qmang aih wì loq kon mangai aih joq khoe cachit. **54** Mahaq Chuaq Jesus carùp tì kon cadrì qyoh aih rai doe “Kon au, yòng beq!”. **55** Mahua yang mùt hlài tachac, haq hi padinh yòng. Khoe aih Chuaq Jesus thê wì qmi kon qyoh aih acaq. **56** Miq baq kon qyoh aih diq jaq hamàih ta manoh, mahaq Chuaq Jesus ùh lòh wa anoe ka cabô loq yiniq aih.

9 Chuaq Jesus creo ka wì moeq jàt baiq ngai, haq am ka wì padren cwiang itai ðeõq drùh hnan kiác chõc, broq brêh ka mangai yiniq, **2** khoe aih haq thê wì loh lam anoe hnài trong diac Boc Plinh rai broq ka mangai ùh hrõc jah brêh. **3** Haq tanap ka wì: “Jò pì lam ùh dùh wê cleq, yac ka long dùì, yac ka ayõp, yac ka bèn, bác jènh, apaq wê racop baiq blah eo.” **4** Pì mùt

hnim leq, pì oe ta aih trùh jò loh enh plài aih, **5** tàng wì ùh ðìh ùh pachùh pì, loh enh plài aih pì hapùih blo top tajènh pì ðeõq broq kan pagau am ka wì haq hnoq.” **6** Moeq jàt baiq ngai tiaq cla, loh lam enh plài kô trùh plài tau, anoe Bàu lem rìm nõde rai broq ka bác ngai jah brêh ka yiniq. **7** Jò aih, bùa Herôt hìa wì anoe rìm yiniq Chuaq Jesus ma khoe broq, haq loh ka rawè, hèm pi hlùh, majah qmang aih i ngai doe: aih Jon, khoe rìh hlài enh cachit; **8** mangai qnoeq doe: Êli khoe loh, mangai qnoeq hòem doe: taqne bài pajàu dùnh calah nèh i moeq ngai khoe rìh hlài. **9** Mahaq Hêrôt doe: Au khoe thê wì põt ranõng Jon, mangai kô aih cabô hòem, gleg au ma jah tàng bác trong haq broq? Bùa Herôt hi ti chaq nen hu glàm Chuaq Jesus. **10** Moeq jàt baiq ngai tiaq cla wìh hlài taqmon ka Chuaq Jesus rìm yiniq wì haq khoe broq, haq qnong wì aih tiaq haq, wì lam deh crài haten ka plài Bêtsaida. **11** Mahaq bài mangai ta aih wì tàng, wì hi lam tiaq haq. Chuaq Jesus ðìh wì aih, hnài ðõq wì loq ka diac Boc Plinh rai broq ka mangai yiniq jah brêh. **12** Trùh mat mahì ten clih, mòeq jàt baiq mangai tiaq cla thia haten ka Chuaq, wì doe: Ìh thê wì hlài beq, ðõq wì haq ti mùt roc gùng roc plài ten dudan tacô, hu chaq nõde padài rai chaq dahwèq acaq, majaq qmang aih bèn kô qnang oe tanòe hawit. **13** Mahaq haq doe ka wì: “Pì raq mangai hu qmi ka wì acaq!” Moeq jàt baiq ngai tiaq cla têu: Tàng joq nhèn ùh lam rot dahwèq acaq am diq ka wì tacô, nhèn i padam toq bèn, xam baiq pliang ka raq, **14** (Jah padam muàn mangai gucalô ta aih) Chuaq Jesus doe ka mangai tiaq hõc: “Thê wì hangui tang brong padam jàt ngai.” **15** Mangai tiaq hõc broq tiaq bàu aih, thê diq dõng wì hangui. **16** Èh Chuaq Jesus yõc padam toq bèn, xam baiq pliang ka, haq qngõc ngan ta plinh, manè apôi Boc Plinh khoe aih goh bèn. Haq am ka mangai tiaq hõc ti axong ka mangai ta aih. **17** Mangai leq mangai meh acaq panàc deh hra, wì toch hlài bài haqnech rah jah moeq jàt baiq rajo. **18** I moeq hi, jò Chuaq Jesus qnang waiq khàn deh moeq ngai, mangai tiaq hõc tagop dudan ka haq. Haq bòch: “Diq ka bài mangai bác doe au kô ìq cabô?” **19** Wì padreo bàu: Mangai kô doe Jon Baptit, mangai tau doe Êli, mangai qnoeq hòem doe moeq ngai pajàu qnhòng calah nèh rìh hlài. **20** Haq bòch hòem “Ha pì, pì doe au cabô?” Phiero doe: Ìh kô Christ, kon da Boc Plinh. **21** Chuaq Jesus ùh lòh wì mangai tiaq hõc

anoe yiniq aih ka cabô loq, 22 Haq doe tam ka wî: “Kon mangai ep glàm bacc kan xalep, bài wî gucraq, bài pajàu xam mangai hnài ranenh kêh qnoh cadac haq, wî jêh cadac haq, piq hi êh haq hi rîh hlài. 23 Khoe aih, haq doe: “Tàng mangai leq enh tiaq au, ep cadac rađeh, rîm hi xùi dèh long pagat lam tiaq au.” 24 Majah qmang aih, cabô enh wèq dèh kan rîh, aih êh hnhung, mangai leq cadac dèh kan rîh ðoèq tiaq au, haq aih êh jah dèch. 25 I jah cleq ka mangai jah ðiđ đống crông taneh kô mahaq cla haq aih raliang hnhung. 26 Mangai leq camaih đac ka au xam bàu au, aih êh Kon mangai hadai camaih chau ka wî aih, jò haq trùh hangui dèh ta kan ranhòm cla haq, kan ranhòm Baq xam kan ranhòm bình plînh hadròeh. 27 Joq qnàng au doe ðiđ ka pì mangai qnang yòng tacô, i ngai ùh cachit adroe ka wî jah hnoq diac plînh”. 28 Qnah ta rahem hi atiq ka anoe bàu aih, Chuaq Jesus qnong Phiero, Jon xam Jaco tiaq haq tồc tawang ðoèq waiq khàn. 29 Jò qnang waiq khàn, hadrò haq loh ka crài, eo haq loh ka taboc camla. 30 I Môise xam Êli oe ta kan ranhòm loh hatuàng ti haq. 31 Wî hatuàng trùh bìa Chuaq Jesus cachit, aih trong haq ep broq gêh ta Jérusalem. 32 Phiero xam bua haq enh kùi pi cajaq, mahaq jò bu cadrat, wî hnoq kan ranhòm Chuaq Jesus xam baiq ngai qnang yòng ti haq. 33 Jò wa aih bu talah ka Chuaq Jesus, Phiero doe ka haq: Mangai hnài, bèn oe tacô lem joq qnàng, beq bèn broq piq toq hapom tacô, moeq toq ka ìh, moeq toq ka Môise, moeq toq ka Êli. (Haq ùh qnì ka rađeh khoe anoe cleq) 34 Jò haq oe raq anoe, i moeq cato yùc trùh glom ðiđ ka wî haq, bài mangai tiaq hóc crè pi cajaq. 35 Jò aih i bàu enh yùc doe: “Kô Kon da au, Mangai au khoe ràiđ dèh, drah tamàng bàu haq”. 36 Jò bàu aih atêh loh, wî haq hnoq moeq ngai Chuaq Jesus raq. Mangai tiaq hóc oe aiq hatinh, ùh anoe ka cabô loq đeh khoe hnoq cleq. 37 Hi atiq, jò wî loh enh bui wang, pi cajaq mangai lam ðiđ haq. 38 Ta aih i moeq ngai creo cadêh: Mangai hnài! au cali calo đeh ka ìh, lam ngan biaq da au kon, au i dèh moeq toq haq aih raq. 39 Moeq toq kiacc rùp haq oe hi cachech cachaiq cadêh, kiacc aih rapôh rapât haq ðiđ jaq, hacùng loh toq diac hai camùh, chac haq hech hoch men waq loh. 40 Au khoe canòm ka mangai tiaq hóc ìh drùh qnoh kiacc aih, mahaq wî drùh ùh jah. 41 Chuaq Jesus doe: “Wùih! caxi noe ùh qnì lùì rai gôpla tau, au oe ti pì, au àt ka pì

trùh pang leq kô êh? Drah aràng kon ìh lam acô”. 42 Mangai kon calô aih bu thia haten, kiacc caqnùt haq tacro ta haqneq, rai ranhùq haq. Mahaq Chuaq Jesus lech ka kiacc aih, khoe êh haq broq brêh ka kon qyoh aih êh hi am hlài da baq haq. 43 Mangai leq mangai meh hamàiđ đeh hra kan itai Boc Plînh. Jò ðiđ ka wî ta aih oe raq manè trong Chuaq Jesus ma broq, haq doe dèh ka mangai tiaq hóc: 44 “Pì tamàng ma rabiaq haq bàu au anoe ka pì kô êh: Kon mangai kô êh mùt ta tì kông wî.” 45 Mahaq mangai tiaq hóc ùh qnì tàng, bàu aih khoe cadoc ka wî haq ðôq wî haq ùh loq, wî hadai ùh hùà bôch haq bàu aih. 46 Bài mangai tiaq hóc tarahen ti dabau hu ngan taqne wî haq kô êh mangai leq ma yeo kàn đống. 47 Mahaq Chuaq Jesus loq ta manoh bài mangai tiaq hóc, haq yôc moeq ngai kon qyoh ðoèq oe haten ka haq, 48 Haq doe: “Enh dalam ka yiniq au cabô ðiđ kon qyoh kô, aih haq ðiđ au, cabô leq ðiđ au, aih haq ðiđ Mangai khoe thê au. Majah qmang aih taqne pì mangai leq ma yeo qyoh đống, aih raq mangai ma yeo kàn đống.” 49 Jon doe: Mangai hnài, nhèn i hnoq mangai yôc yiniq ìh ðoèq hnan qnoh kan kiacc, nhèn khoe tât haq, majah qmang aih haq ùh pajùm moeq qmang ti bèn. 50 Chuaq Jesus padreo bàu: “Apaq tât haq, majah qmang aih mangai leq ùh tablêq ka pì, aih haq hatroq ti pì”. 51 Khoe ten trùh dèh jò Chuaq Jesus pi oe ta crông taneh, dua haq waq ka tồc ta Jerusalem. 52 Haq thê mangai lam bahia adroe. Wî aih loh lam, mùt ta plài mangai Samari ðoèq hu padon hnim padài ka haq. 53 Mahaq mangai Samari ùh waq ðiđ haq, majah qmang aih haq tồc ta Jerusalem. 54 Jò mangai tiaq hóc aih la Jaco xam Jon, hnoq qmang aih, wa doe: Chuaq au, ìh i enh ma creo ka ùnh enh plînh loh bùh đac wî qmat loq ùh? 55 Mahaq Chuaq Jesus tawih ta wa, haq tagàiđ: “Chôp ùh qnì cleq ma jrôp chiu rađeh qmat.” 56 Khoe aih haq xam mangai tiaq hóc hi lam ta plài qnoeq. 57 Jò qnang lam ti trong, i mangai doe ka haq: Waiq Chaq, ìh lam pang leq au tiaq pang aih. 58 Chuaq Jesus têu haq: “Chôn i cabôc, chìm i pù, mahaq Kon mangai ùh i nòe hu angèn gàu.” 59 Haq doe ka mangai qnoeq hòm: “Ìh lam tiaq au beq!” Mangai aih têu bàu: ìh ðôq au hlài catùh hanang deh baq ðeq. 60 Mahaq Chuaq Jesus doe: “Đôq da mangai cachit catùh dèh mangai cachit, ìh lam tiaq au hu anoe trong diac Plînh.” 61 Mangai qnoeq hòm doe: Bři ka au tiaq ìh,

mahaq adroe aih ìh dòq au hlài hangah dèh kan cadraq òeq. **62** Chuaq Jesus padreo bàu: “Cabô ti khoe cadop long kai ma oe raq hwi ngan enh rù, mangai ùh tajì ka diac Boc Plình.”

10 Atìq ka aih, Chuaq Jesus raih yóc tapèh jàt ngai tiaq hóc maqnoeq hòmh, khoe èh haq thê wì lam racop baiq ngai, baiq ngai, lam adroe ka raðeh, trùh rìm nõe haq padon lam. **2** Haq doe ka mangai tiaq hóc: “Qmau trùh khoe bàc, yàng mangai gat aih toq biaq. Qmang aih, drah bòch cla wì craq qnoh tam bìngh gat hòmh. **3** Drah lam beq, meh au thê pì lam, i crài cleq ka kon trùu oe qne koq yang. **4** Apa q wê cayôp bac, apa q wê bau, jai, roc trong apa q kùh gàu ka cabô. **5** Jò pì mùt hnìmh cabô, adroe aih pì doe: waiq kan catèm am ka hnìmh kô! **6** Tàng joq hnìmh aih i mangai tajì ka jah kan catèm, aih èh kan catèm enh pì loh oe ti mangai aih, tàng ùh qmang aih, kan catèm wìh hlài ta cla pì. **7** Pì oe ta hnìmh aih, acaq dahwèq wì qnoh ka pì, majah qmang aih mangai patìh ùh qngwan ka jah kùng baha. Apa q rangòt lam hawàt enh hnìmh kô trùh hnìmh tau. **8** Jò pì mùt gùng leq, wì gùng aih pachùh adràc, wì padon cleq, pì acaq ka aih. **9** Broq brèh ka mangai yiniq ta aih, rai doe ka wì: Diac Boc Plình trùh khoe haten ti pì. **10** Mahaq jò pì mùt ta plài leq, yàng wì ta aih ùh ãh pì mùt, pì loh roc trong rai doe: **11** Pì ngan kô, blo plài pì ma top ta jèngh, nhèn ha pùih ãc ãeq chôngh pariaq pì hnoq, mahaq pì ep loq rameh Diac plình khoe trùh haten ka pì. **12** Au doe ka pì, trùh hì ma atìq lùch èh, gùng Sôdom pòq kan hadrah yi biaq ka gùng aih. **13** Habo ka gè, Côrasin. habo ka gè Bêtsaida, majah qmang aih tàng joq kan halac khoe broq taqne pì qmat aràng broq ta gùng Tiro xam Sidôn, wa aih khoe caxùnh eo briang, kui blo tanùh, khoe raxach, tawìh hlài khoe dùnh. **14** Aih èh, trùh hì hadrah, plài Tiro xam Sôdom pòq kan hadrah yi biaq ka pì. **15** Da gè hòmh, Cabènaum, gè jah dèch atóc trùh ta plình qmòh? Ùh dòh, gè qmat èh jah qnìh cadac trùh qmòe ta hwinh. (**Hadēs 986**) **16** Cabô tamàng pì, aih tamàng au, cabô cadac pì, aih cadac au, cabô cadac au aih ca ãc Mangai ma khoe thê au.” **17** Tapèh jàt ngai tiaq hóc wìh hlài rai lem bùi rai doe: Chuaq! Enh dalam yiniq ìh, jaq kan kiac dua iu bàu nhèn. **18** Chuaq Jesus padreo bàu: “Au hnoq Satan clìh tìah ka kan camlet enh plình. **19** Au khoe am ka pì cwàng itai hu jôiq padit bìh, agôt hloe xam

cwàng mangai tagit ka pì. Ùh i mangai leq hlàt broq ka pì raliang. **20** Qmang aih, ùh dùh lem bùi jò kiac iu bàu pì, mahaq lem bùi jò yiniq pì khoe jah achìh ta diac plình.” **21** Jò aih, Chuaq Jesus ãq jaq lem bùi ta Yiang Hadròeh, haq doe: “Waiq Baq! Cra q da plình cròng taneh, au manè apôi ìh, majah qmang aih ìh khoe cadoc yiniq kô ka mangai rabiaq, mangai i hóc, mahaq patô qnoh ka kon qyoh. Baq ôi, joq qnàng qmang aih, majah qmang aih ìh khoe hnoq biac aih lem. **22** Baq khoe jao ãng rìmh yiniq ka au, enh gùng ka Baq ùh i cabô loq ka Kon, enh gùng ka Kon, xam mangai leq qnìh kon enh mahno am, hadai ùh i mangai leq loq ka Baq aih cabô.” **23** Khoe aih, Chuaq Jesus hwi ngan mangai tiaq hóc rai doe: “Xôq ramot ka mat jah hnoq trong pì hnoq! **24** Majah qmang aih au anoe ka pì, bàc ngai pajàu xam bùa tangèh jah hnoq trong pì hnoq, mahaq ùh jah hnoq, tangèh ka jah tàng trong pì tàng mahaq ùh jah tàng.” **25** I moeq ngai hnài ranenh, yòng bòch ãeq hu qnhro ngan Chuaq Jesus, haq doe rameh: Mangai hnài, au ep broq cleq ãeq hu jah kan rìh halình mðeq ãeq? (**aiōnios 9166**) **26** Chuaq Jesus bòch: “Ta hset ranenh achìh cleq? ìh ãeq cleq ta aih?” **27** Haq aih têu bàu: ìh ep ãq ka manoh, ãq ka mahua yang, ãq ka padren, ãq ka gàu ngoc loq iu Chuaq aih Boc Plình ìh, rai loq waq ka mangai haten hatia ka ìh. **28** Chuaq Jesus doe ka haq: “ìh têu khoe troq, broq qmang aih beq, ìh hi jah rìh.” **29** Mahaq mangai hnài ranenh aih enh doe raðeh aih mangai taq atoq, haq bòch Chuaq Jesus: Mangai haten hatia ka au aih cabô? **30** Chuaq Jesus padreo bàu: “I moeq ngai enh Jêrusalem loh ta Jêrico, ti trong glàm bài mangai atùng, wì blah yóc ãq ãng da haq bac jèn, jèh haq habau habua ta chac, khoe cla wì hi lam cadac haq oe ti aih ten cachìt ten rìh. **31** Jò aih, i moeq ngai pajàu loh trong aih, hnoq mangai aih, haq wia pah tau trong èh lam hloe. **32** Èh hòmh, i moeq ngai Lêwi hadai trùh jang aih, thia haten, ngan hnoq qmang aih, èh hanoh lam hloe. **33** Mahaq i moeq ngai samari lam ti trong, thia haten hnoq qmang aih, ta manoh haq ha-och ka mangai aih. **34** Haq yóc ãau, yóc alac qnheo teo habau, khoe èh ti kàt palauq, khoe aih, dèch atóc enh cròng lùa aràng trùh hnìmh padài, hu wèq ngan. **35** Trùh hì atìq, yóc baiq ãniè am ka cra q hnìmh padài rai tanap: ìh wèq ngan mangai kô oq, tàng loq yam ùh hnau, jò au wìh hlài i au caqnaih. **36** Taqne piq ngai

aih, ìh hèm beq, mangai leq ma haten hatia ka mangai wì ma atùng aih?” **37** Mangai hnài ranenhi aih padreo bàu: Aih mangai ma khoe i manoh loq waq, khoe loq hanò ka haq. Chuaq Jesus doe: “Drah lam beq, broq tiaq qmang aih” **38** Jò Chuaq Jesus xam mangai tiaq hóc lam ti trong, trùh ta plài tau, i moeq ngai gucadri yiniq haq Mathê ðih Chuaq Jesus mùt dèh ta hnim. **39** Haq aih i moeq ngai oh cadri, yiniq haq Mari, haqngui nòe jènèh Chuaq Jesus hu tamàng bàu Chuaq. **40** Mathê toq ti hawet jiang patih, trùh anoe ka Chuaq Jesus: Chuaq au! oh au ðòeq au patih ðeh moeq ngai, ìh doe ka haq wiang patih ti au diq. **41** Chuaq Jesus padreo bàu: “Mathê, Mathê, ìh chiùq lep rai hèm bàc trong; **42** mahaq i moeq yiniq raq ma nhét. Mari khoe ràih yóc ka dadeh yiniq aih, ùh i cabô jah blah yóc da haq”.

11 I moeq hì, Chuaq Jesus qnang waiq khàn tanòe aih, jò khoe hêq ka waiq khàn, moeq ngai tiaq hóc doe ka haq: Chuaq ôi, ìh hnài nhèn waiq khàn qmang ka Jon khoe hnài dèh mangai tiaq hóc diq. **2** Chuaq Jesus doe: “Jò waiq khàn pì anoe qmang kô: Waiq Baq, Yiniq Baq jah hadrèh, diac Baq jah trùh, **3** Am ka nhèn dahwèq acaq hì leq qnang lem hì meh, **4** Caqnaih da nhèn yiniq lui, majah qmang aih nhèn hadai caqnaih yiniq lui ka mangai ma broq yiniq ka nhèn, ùh dùh aràng nhèn tanòe padô qnùt”. **5** Khoe aih, haq doe ka wì mangai tiaq hóc: “Tàng taqne pì i moeq ngai i dèh bua qne mang trùh creò: Ê daq, am ðò ka au piq toq bènhi, **6** majah qmang aih i bua au neo trùh enh hangai, au ùh i ka dahwèq hu qnoh ka haq acaq. **7** Tàng joq mangai oe ta hnim doe: Apa q pangài ka au, qmang khoe clênhi, wì kon xam cla au ðiq khoe kùh, ùh jah yòng yóc bènhi ka ìh; **8** au doe ka pì, yac ka mangai ùh enh yòng yóc bènhi am dèh ka bua, mahaq pàng mangai aih xan bòch yôt, èh dua haq yòng am dèh ka bua haq rìm yiniq bua haq qnang nhét ka waq. **9** Au anoe tam ka pì: Bòch beq, yiniq aih jah am ka pì, chaq beq pì hi hnoq, clôq beq qmang hi tapèh am ka pì. **10** Majah qmang aih mangai leq bòch, mangai aih jah, mangai leq chaq, mangai aih hnoq, èh mangai leq clôq, qmang hi ta pèch am ka mangai aih. **11** ðiq ka pì ma broq baq qmat, i cabô jò kon cla bòch bènhi yàng aih am hmo? Ùh meh bòch ka mahaq am bìh? **12** Tàng ùh meh bòch catap mahaq am agôt? **13** Qmang aih,

pì qmat mangai qmèq mahaq oe loq am dèh ka kon yiniq lem, ùh dùh dèh ka Baq pì oe ta plinh ma ùh am Yiang Hadrèh ka mangai creò dang haq!” **14** Chuaq Jesus hnàn qnoh moeq toq kiác lâu, jò kiác khoe loh, mangai lâu aih hi jah capoch. Mangai leq mangai meh hamàih ðeh hra. **15** Mahaq i qnah ngai doe: Mangai kô canòm ka Bê-en xêbun, cra q kiác ðòeq drùh kiác. **16** Mangai ma qnoeq hòmh enh qnhro ngran haq, wì bòch haq am wì hnoq kan halac loh enh plinh. **17** Chuaq Jesus loq ka manoh wì, haq doe: “Diac leq to hit raðeh, diac aih raliang, hnim leq cla to lah dabau, hnim aih èh tacro. **18** Qmang aih tàng joq kiác Satan hit raðeh, diac haq ma oe dràng, majah qmang aih pì doe au canòm ka Bê-en xêbun ðòeq drùh qnoh kan kiác? **19** Tàng joq au canòm ka Ben xê bun ðòeq drùh kiác, aih èh kon pì canòm ka cabô ðòeq drùh kiác? Aih ìq raq, kon pì ma jah broq mangai hadrah cla pì. **20** Mahaq tàng joq au canòm ka hadrang tì Boc Plinh ðòeq drùh hnàn kan kiác, aih diac Boc plinh trùh khoe haten ka pì. **21** Jò mangai dèh padren wê ranac wèq dèh hnim cla, aih èh kùng hang ta hnim haq jah cajap. **22** Yàng i mangai ma yeo dèh ka haq, trùh blêq haq, blah yóc ranac haq ma canòm xam ðiq kùng hang haq aih. **23** Mangai leq ùh oe ti au, mangai aih tablêq ka au, mangai leq ùh pajùm ti au, mangai aih èh haprah hapriang. **24** Jò kiác dù loh enh chac moeq ngai, haq lam rangòt tanòe croh crênhi ti chaq nòe padài. Chaq ùh jah, haq hi doe: Hêh au hlài dèh tanòe au ma neo loh. **25** Haq wih hlài, hnoq hnim hwit khoe hreo, rìm yiniq ta hnim khoe don palauq qmòde calem, **26** haq hi lam adràc tam tapèh toq kiác qnoeq yeo dù ùh hnau ka haq mùt oe ta hnim aih, aih èh, mangai aih yeo hamoq ùh hnau ka adroe hòmh. **27** Jò Chuaq Jesus qnang anoe bàu aih, i moeq ngai gucadri oe taqne mangai bàc ta aih dèh bàu doe: Xôq ramot ka mangai miq khoe ha-uang ìh, ma khoe ta-ùq ìh. **28** Chuaq Jesus padreo bàu: “Mangai leq tàng bàu Boc plinh rai iu bàu aih, jah xôq ramot ùh hnau ka aih hòmh.” **29** Bài mangai tagop dabau ta aih èh rai bàc, Chuaq Jesus doe: “Caxi noe kô xinoe dù, wì haq bòch ngran teo halac, mahaq ùh am ka wì haq teo halac qnoeq enh gùng ka teo halac da Jôna. **30** Majah qmang aih, Jôna aih raq kan halac ka plài Ninive, hadai qmang aih, Kon mangai hadai kan halac am ka xinoe kô. **31** Trùh hì tah hadrah, bùa cadri enh pah qma mat mahi loh,

yòng hadrah ka xinoe kô, majah qmang aih haq oe enh gùng haqmai lùch crông taneh khoe trùh hu tamàng bàu rabiaq da bùa Salomôn, mahaq, oe tacô i moeq Ngai kàn ùh hnau ka Salomôn. **32** Trùh hi tah hadrah, mangai oe ta Ninive wì haq yòng pajùm hu hadrah caxi noe kô, majah qmang aih wì haq tàng bàu Jôna, wì haq khoe loq raxach, mahaq, ajang kô i moeq Ngai yeo kàn ùh hnau ka Jôna. **33** Ùh i cabô bùh ðen mahaq ðoeq tanðe hanàp, tanðe caqnàm, mahaq wì ðèch ðoeq tanðe haqnèq, ðòq mangai mùt ta hnim jah hnoq kan qngah. **34** Mat aih ðen ta chac hamac, tàng joq mat ìh tadèh, ðiq ka chac ìh jah qngah, tàng joq mat ìh ùh nèn, ðiq ka chac ìh oe ta clam. **35** Qmang aih, ngan oq, kan qngah ta pì loq loh kan clam. **36** Tàng joq ðiq tachac pì qngah qngai, ùh i nòe leq clam jah qngah ðiq ðõng, aih hadai tiàh ka jò i ðen sreo qngah am ka pì ðiq.” **37** Jò Chuaq Jesus anoe bàu aih bu ðiq, i moeq ngai Pharisi akhen ka Chuaq Jesus hlài acaq ðèh ta hnim. Chuaq hangui acaq. **38** Mangai Pharisi hnoq Chuaq Jesus ùh qnheo tì adroe ka acaq, haq hamàih. **39** Chuaq Jesus doe ka haq: “Ðiq ka bài pì aih mangai Pharisi, pì haliang ðòt doe hreo toq enh gùng, mahaq enh dalam bình toq kan atùng xam kan dù. **40** Wùih! mangai ratùt, Mangai ma khoe broq enh gùng, ma ùh joq haq broq hloe enh dalam qmòh? **41** Xan pì yõc ðèh hang pì ma i aih, ti am ka mangai pa, aih èh rìm yiniq hi lem hreo am ka pì. **42** Mahaq, habo ka pì, mangai Pharisi, majah qmang aih pì ðèch ka Boc Plinh mòeq phàn mòeq jàt cachiq bõc ha, cachiq xang, xam rìm bài cachiq qnoeq, mahaq trong taq atòq, trong loq iu Boc plinh aih pì caðac! Aih bài yiniq pì ma ep broq, mahaq hadai ùh dùh caðac bài yiniq tau. **43** Habo ka pì, mangai Pharisi, majah qmang aih pì enh haqngui nòe yeo haqnèq tanðe hnim tagop, enh mangai qnoeq kùh gàu ka raðeh taqne nòe padro! **44** Habo ka pì, majah qmang aih pì tiàh ka ralùng hanang khoe caðac klui, wì jòiq enh qnhèq mahaq ùh canau!” **45** I moeq ngai hnài ranenh doe: Mangai hnài, ìh capoch qmang aih ma ùh joq ìh broq ka nhèn kan xep. **46** Chuaq Jesus padreo bàu: “hadai habo ka ìh qmang aih ðiq, mangai rabiaq toq ka hnài ranenh, pì ðèch taqmòq ka mangai qnoeq kan trap, kan tawac, cla pì aih ùh tadroq qmòe moeq hadrang tì! **47** Habo ka pì, majah qmang aih pì bìn ralùng hanang wì pajàu kan cadraq pì ma khoe jèh ðac

nèh haq! **48** Qmang aih ajoq pì patô qnoh pì khoe mòeq manoh ðèh ka trong kan cadraq pì broq, majah qmang aih wì haq khoe jèh caðac pajàu Boc Plinh, pì aih mangai bìn ralùng. **49** Aih ìq raq, kan rabiaq Boc plinh i doe: Au the ðèh mangai pajàu xam mangai pòq bàu trùh ti wì haq, wì haq jèh caðac mangai kô rùp mangai tau, **50** Ðòq mahim rìm ngai pajàu khoe ta-ùc enh jò baxèm broq plinh crông taneh, jah taboe ðiq ka nang noe kô, **51** Patep enh mahim da Abèn trùh mahim Xachari, mangai wì ma khoe jèh caðac ta adreo prang tadreo xam hnim kùh waiq, joq, au anoe ka pì, mahim wì aih èh, bõch hlài ðiq ajang nang noe kô èh. **52** Habo ka pì, mangai hnài ranenh, majah qmang aih pì ta qmiaq yõc long gahlòng da kan rabiaq, cla pì aih ùh waq mùt, mangai qnoeq aih enh mùt, aih pì ùh lòh!” **53** Jò Chuaq Jesus khoe loh enh gùng, mangai Pharisi xam mangai hnài ranenh ðiq jaq àu tablêq ka haq, wì bõch bàc trong hu dakhwàiq haq, **54** chaq trong ðoeq bahlac haq ta bàu tapoch.

12 Jò aih, mangai ta aih tagop ti dabau hi bình qmòe ka mùan, loh qmòe ka tajòiq dabau, Chuaq Jesus chônñ anoe ðèh ka mangai tiaq hõc: “Ngan oq! wèq raðeh apaq top blo da mangai Pharisi, aih kan ti patiah toq enh gùng. **2** Ùh i cleq cadoc èh ma ùh hnoq, ùh i yiniq cleq hlèp èh wì ma ùh qnì. **3** Qmang aih rìm trong pì anoe tanðe clam cluiq, jah tàng ðiq tanðeh qngah qngai, rìm yiniq pì ta bahech tabluàng hlèp, aih èh jah paqnoh ta kùa po. **4** Au anoe ka pì aih mangai bua da au, apaq yùq ka mangai jèh ðac toq chac pì khoe aih pì jah broq cleq hòm. **5** Mahaq au patô am ka pì khòh yùq ka cabô: Khòh yùq crè ka Mangai jò khoe jèh caðac chac hamac, èh haq i cwiang tèm caqnìh ta hwinh, joq qnàng au doe ka pì: aih Mangai pì ep yùq crè! (Geenna g1067) **6** Ma ùh joq padam toq chìm xê wì tech baiq hliac bac raq qmòh? Mahaq moeq toq ta aih dua Boc plinh ùh hèt. **7** Xàc ta gàu pì qmat hadai rènñ khoe ðiq. Apa q yùq ðèh! Majah qmang aih pì canaq ùh hnau ka chìm xê. **8** Au anoe ka pì: mangai leq doe ðeh canau loq ka au enh ngèa wì phù cròng, aih èh Kon mangai hadai doe ðeh canau loq ka yiniq haq enh ngèa ka bình plinh Boc plinh. **9** Mahaq mangai leq hangah ðeh ùh canau ka au enh ngèa phù cròng, aih èh enh ngèa ka bình plinh da Boc plinh, au hadai doe ðeh ùh qnì ka yiniq

haq aih. **10** Mangai leq tapoch tablêq ka Kon mangai, yiniq lui aih oe jah caqnaih, mahaq mangai leq tapoch ùh hòq ka Yiang Hadròeh, yiniq lui haq aih èh pì oe jah caqnaih. **11** Jò wì aràng pì trùh enh ngèa hnim tagop, qnoh pì enh ngèa cwan hadrah, cwan wèq cwiàng, aih pì apaq hèm dèh anoe qmang leq, anoe cleq hu cwaih doeh raðeh, **12** majah qmang aih, wop jò aih raq Yiang Hadròeh hnài pì bàu ma troq ka tapoch. **13** Jò aih, taqne mangai bàc i moeq ngai dèch bàu doe: Mangai hnài, ìh anoe biaq ka daq au dōq haq axong kùng hang ka au diq. **14** Mahaq Chuaq Jesus padreo bàu: “Wùih mangai meh, cabô dèch au broq mangai hadrah yiniq, broq mangai axong da pì kùng hang?” **15** Khoe aih, haq doe ka wì ta aih: “Rabiah haq oq! apaq daiq cadèh, mangai kô rih ùh xài canòm ajang nòe bàc kùng hang”. **16** Haq aliah ka wì bàu kô: “I moeq ngai padròng, ruàng haq jah qmau pì cajaq, **17** haq aih hèm dèh ta manoh: Au broq qmang leq kô èh? Pì i qmòe ka nòe anòh hu don ðeq qmau, **18** Haq doe dèh raq: Au broq qmang kô èh, raliang dōng hapom ma dùnh, broq ònh ma qnoeq yi kàn, tah ðeq qmau xam bài dahwèq ta aih, **19** khoe aih anoe dèh ka mahua yiang cla: Gè i qmau khoe bàc, hu acaq bàc hanam, hêq, padài beq, acaq, ôq, rai bùi hyòq diq. **20** Mahaq Boc plính doe ka haq: Wùih mangai blùng, mahua yiang gè au yōc hlài mang kô raq. Aih èh kùng hang gè khoe padon ka daðeh qmat èh jah cabô? **21** Mangai leq toq ti gop ðeq ka raðeh mahaq ùh padròng kan nòe Boc plính, qmang aih èh diq.” Trong loq lèt **22** Chuaq Jesus doe dèh ka mangai tiaq hōc: “Qmang aih, au doe ka pì, apaq crè ka kan rih pì kô èh acaq cleq, hadai ùh dùh yùq ka chac pì kô èh caxùnh cleq. **23** Kan rih yeo kàn ka dahwèq acaq, chac hamac yeo kàn ka dahwèq caxùnh atàc. **24** Haqmiang ngan ac: haq ùh i rai adrech, ùh i gat, hadai ùh i ka bùaq, ùh i ka hapom, mahaq dua Boc plính wèq ban haq, pì aih ajoq yeo canaq ùh hnau ka ac? **25** I ka cabô oe taqne pì qmat canòm kan loq lèt majah broq ka raðeh halinh tam toq biaq ùh? **26** Tàng biac qyoh dàng aih pì broq ùh jah, meh pì oe lèt dèh trong qnoeq? **27** Ngan riang tacreo hon qmang leq? Haq ùh i abroq xalep, hadai ùh i caxènh brai, mahaq au doe ka pì: Qnhac ka bùa Salomôn ranhòm dàng leq, jah ùh jah caxùnh eo lem tiaq ka bài riang aih. **28** Wùih! Bài mangai biaq kan lùì, tàng joq bài

nhat oe ta gùng aih hì kô oe rih, hì da èh bùh ta ralùng, mahaq Boc plính oe am haq caxùnh lem qmang aih, ùh dùh dèh ka pì! **29** Qmang aih, manoh cliac pì paq hèm acaq cleq, ôq cleq, ùh dùh lèt dèh trong aih. **30** Majah qmang aih, wì mangai enh gùng oe ta crōng taneh kô jò leq ma ùh cadàu tiaq bài yiniq aih, èh Baq pì oe ta plính khoe loq pì nan dèh ka bài yiniq aih. **31** Mahaq chaq diac Haq ðeq, bài yiniq aih troq jò èh brì ka haq am tam ka pì. **32** Yōiq wì kon qyoh, apaq yùq cadèh, majah qmang aih Baq pì khoe lem manoh hu am ka pì Diac plính. **33** Tech kùng hang pì beq hu am ka mangai ma hamoq, palauq ðeq ka raðeh balet tah bac ma ùh hiaq loq hyah xam kùng hang canaq ùh hiaq loq racòch oe ta plính, aih nòe ùh i ka mangai atùng jah thia haten, ùh i ka hadrùng, ùh i catia kap bahech. **34** Majah qmang aih kùng hang pì oe taleq, manoh cliac pì hadai oe ta aih. **35** Caxi caqnam pì ep kàt, ðen bùh dōq haq qngah yōt. **36** Qmang ka magari hapōng gòm dèh wì craq hnim hlài enh acaq yiniang, waq toq wì craq hi clōq qmang, haq khoe drah pèh qmòe carènh. **37** Xôq ramot ka mangai hapōng aih, jò wì craq hlài hnoq wì haq hmàng riu gòm! Joq qnàng au doe ka pì, craq aih kàt dèh caxi caqnam, am mangai hapōng hangui ti cabōng, khoe haq hi patìh hlài ka wì. **38** Joq xôq ramot am ka mangai hapōng jò wì craq hlài hnoq wì haq riu gòm qmang aih, yac ka jò qne mang, yac ka jò ia rōng. **39** Loq maro qmang kô! tàng joq cla wì craq hnim khoe loq jò leq i mangai atùng trùh, aih èh haq hamang ðeq hu rap, ùh dōq mangai atùng chia da haq panàt hnim. **40** Pì hadai qmang aih diq, hmàng gòm rap qmòe oq, majah qmang aih Kon mangai trùh wop qmòe jò pì ùh ùac ngèh.” **41** Phiero bòch: Chuaq au, bàu aliah kô ìh anoe ka nhèn, loq ìh anoe xam mangai qnoeq? **42** Chuaq Jesus doe: “Cabô ma i manoh ùh hiaq gōpla rai rabiah ka taqmroq, craq hnim dèch haq broq mangai wèq diq ka hapōng ta hnim, ðeq trùh jò hu ti axong ka wì aih dahwèq acaq? **43** Xôq ramot ka mangai hapōng aih jò wì craq wìh hlài, hnoq haq broq qmang aih! **44** Joq qnàng au anoe ka pì, aih èh craq hnim am haq wèq diq kùng hang ta hnim. **45** Mahaq tàng joq mangai hapōng aih hèm dèh ta manoh: Craq au oe dùnh men trùh, èh haq ti jêh bài mangai hapōng calô, hapōng cadrì, rai acaq ôq bù bia, **46** aih èh craq haq trùh wop hì haq ùh tangèh, wop qmòe jò haq ta ùac, yōc

long roe blai haq hyah hyoch ka akia, khoe aih cadac haq oe moeq qmang ti bài mangai manoh gôpla. **47** Mangai hapông kô khoe loq ka manoh cla wì craq, mahaq ùh padon ùh broq tiaq manoh aih, haq jah jìq yeo bàc. **48** Yàng mangai hapông ma ùh qnì ka manoh cla wì craq, haq broq ùh troq ka manoh wì craq, aih èh jah jìq yeo biaq. Majah qmang aih mangai leq khoe jah am yeo bàc, aih èh wì craq bòch hlài yeo bàc, mangai leq khoe jah jao yeo bàc èh wì craq bòch hlài yeo bàc hòm. **49** Au khoe trùh hu caqnìh ùnh ta crông taneh, tàng joq haq khoe jah cheo cadêh, aih au oe tangêh cleq loe ka aih hòm! **50** I moeq baptem au ep pòq, au mangò xalep oe i jaq cleq men trùh hì baptem aih jah gêh! **51** Pì xoh au trùh au trùh hu aràng kan catèm ka crông tanenh qmòh? Au anoe ka pì: ùh! mahaq aràng kan talah. **52** Majah qmang aih, pang kô ta èh, tàng padam ngai oe pajùm moeq hnim, bài aih èh talah ka dabau, piq ngai tablêq ka baiq ngai, baiq ngai tablêq ka piq ngai, **53** baq tablêq dèh ka kon calô, kon calô tablêq dèh ka baq, miq tablêq dèh ka kon cadrì, kon cadrì tablêq dèh ka miq, yaq tablêq dèh ka kon mai, kon mai tablêq dèh ka yaq.” **54** Haq doe ka bài mangai bàc ta aih: “Jò pì hnoq yùc yòng enh apah mat mahì clìh, pì doe: Hì kô èh loq i mè, èh joq qnàng qmang aih. **55** Èh i cayeo hlui enh pah qma mat mahì loh pì doe: Hì kô èh tòq, èh joq i qmang aih. **56** Wùih! bài mangai patiah toq enh gùng tau! Pì loq hadro ngan ta tróc, hadro ngan ta taneh, òq hagleq pì ùh qnì hadro ngan qnhòng kô? **57** Hagleq cla pì ùh ti ngan deh trong leq ma taq atòq? **58** Qmang aih, jò pì lam ti bài mangai ma qnoh pì tanè hadrah, roc trong drah àu hatroq ka wì, yùq èh wì dùì pì trùh enh nèga cwan hadrah, cwan aih qmùt pì tanè cwan wèq hnim cadrong, cwan aih clêh pì. **59** Au doe ka pì: Pì caqnaih yac ka oe pòq moeq hliac raq dua pì qnhòq jah loh enh aih”.

13 Hadai jò aih raq, i bài mangai anoe hlài ka Chuaq Jesus loq Philat khoe jêh đac toq leq ngai Galili, yóc mahim clai ta ngè tadreo. **2** Chuaq Jesus doe ka wì haq: “Pì xoh deh bài mangai Galili aih broq yiniq lui cleq yeo qmèq ùh hnau ka mangai Galili qnoeq qmòh, dài wì majah glàm kan hăbo qmang aih? **3** Au doe ka pì loq: ùh xài, mahaq tàng pì ùh qnì raxach, èh đìq ka pì hanoh lùng pac qmang aih đìq. **4** Tàng ùh qmang aih, moeq jàt rahem ngai cachit ka

hnim haqnêq Silôê tùc, aih pì hèm wì haq broq yiniq lui yeo qmèq ka mangai oe ta Jêrusalem qmòh? **5** Au doe ka pì: ùh! Mahaq tàng pì ùh raxach, đìq ka pì hadai cachit lùch qmang aih èh. **6** Khoe aih haq hi aliah bàu kô: “I moeq ngai pìt dèh ta wuàn pìl nho moeq xem long póc, haq loh chaq git pìl ta aih mahaq chaq ùh lòm hnoq, **7** Haq doe ka bài wì mangai pìt nho: Khoe piq hanam au loh git pìl nòe xem long póc kô mahaq ùh lah i qmòe pìl, kau cadac long qmat, gleq majah òeq haq tawac ngwan toq ka taneh? **8** Mangai pìt nho padreo bàu: Wì craq, ìh òeq tam moeq hanam kô hòm, òq au bôc dudan taxèm haq khoe aih tah phàn. **9** Broq braiq atìq èh haq loh pìl, ùh qmang aih èh ìh hi koh cadac. **10** I moeq hì sabat, Chuaq Jesus mùt hnài tanè hnim tagop qyoh. **11** Ta aih i moeq ngai gucadrì, loh ka pen khoe moeq jàt rahim hanam, majah qmang aih kiác rùp baxa haq. Haq kôc crông ùh jah yòng ka qnhoh. **12** Bu hnoq haq, Chuaq Jesus khoe creo doe: “Yôiq! mangai gucadrì tau, ìh khoe jah brêh ka yiniq”, **13** Chuaq Jesus hi yóc tì bèq chac haq. Tajòe hloe, haq aih jah yòng cajang, rai dèch bàu manè apôi Boc plình. **14** Jò aih, mangai wèq hnim tagop qyoh hnoq Chuaq Jesus broq brêh ka mangai yiniq ta hì sabat, haq aih tapoch hloe ka mangai bàc ta aih: I tadrâu hì hu abroq, pì trùh ta bài hì aih òeq hu jah broq brêh ka yiniq ùh hróc, ùh dùh trùh dèh hì sabat. **15** Mahaq Chuaq Jesus têu haq: “Wùih! Mangai patiah toq enh gùng tau, hì sabat pì ma ùh caqnaih bô, caqnaih lùà loh enh cadrong hu tiaq aràng haq lam ôq diac qmòh? **16** Kon cadrì da Apraham kô, satan khoe rùp kàt haq moeq jàt rahim hanam, ta hì sabat ma ùh khòh lèh caqnaih haq qmòh?” **17** Haq tapoch qmang aih bài mangai ma tagit ka haq loh òeq ka camaih, yàng da mangai bàc ta aih lem bùi ka trong halac haq khoe broq. **18** Chuaq Jesus doe: “Diac Boc plình qmang leq, au yóc cleq hu aliah? **19** Diac aih tiàh ka moeq pliang clong habài, i moeq ngai aih haq rai deh ta wia, jah hon hì wia long kàn, chìm trùh broq pù ta hamenh haq.” **20** Haq anoe hòm: “Au aliah diac Boc plình ti cleq kô hòm? **21** Diac aih tiàh ka blo, i moeqngai gucad rì yóc jrâu ta piq cađap dác, trùh dèh jò dác hi rêu òeq.” **22** Khoe aih Chuaq Jesus tót ta Jêrusalem, haq lam pagat enh bài plài qyoh trùh plài kàn, rai lam haq hnài wì. **23** I mangai bòch haq: Waiq Chuaq! Ajoq toq biaq

ngai raq ma jah dèch qmòh? **24** Haq doe ka wì: lô qyoh, tàng ùh meh i dèh moeq toq bo clìh ta “Ep ran diq ka paden òdeq àu mùt ta qmang ralùng, pì ma ùh drah loh dèch qmòh?” **6** Trong chit, majah qmang aih au doe ka pì, bàc ngai àu aih wì têu ùh jah. **7** Jò haq hnoq bài mangai ma chaq trong hu mùt mahaq ùh jah.” **25** Jò cla wì craq ta hnìm yòng clenh qmang, pì yòng enh gùng clòq qmang rai creò: waiq Chuaq! pèh ka nhèn qmang diq. Mahaq cla wì craq doe: Au ùh qnì ka pì trùh enh leq. **26** Jò aih èh pì doe: Nhèn khoe acaq, khoe ôq pajùm ti ìh, ti trong ti chòq ìh khoe hnài nhèn. **27** Mahaq wì craq doe hòm: Au doe ka pì, au ùh qnì ka pì trùh enh leq, diq dồng bài mangai broq dù tau, drah wia dồng ma khoe ka au beq! **28** Jò aih èh, pì hnoq Apraham, Ysac xam Jacôp hloe xam diq dồng bài mangai pajàu tanòe diac Boc plìn, mahaq pì èh jah khwênh qnoh cađac enh gùng, tanòe aih toq crò hmoe xam cadrit hanenh. **29** Yàng èh, enh gùng mahì loh, enh gùng mahì mùt, enh gùng pah qma, enh gùng pah qngeò, wì trùh hangui ta aniang hu acaq yiniang ta diac Boc Plìn. **30** Aih èh, i mangai atiq jah loh angoe, mangai adroe jah loh ka atiq.” **31** Hadai jò aih, i mangai Pharisi lam doe ka Chuaq Jesus: Ìh pì dùh oe tacô chaq lam taqnoeq beq, Herôt enh jêh đac ìh, **32** Chuaq Jesus padreo bàu: “Lam anoe ka chôn aih: Hì kô, hì da èh, au oe drùh hnàn kan kiac rai broq brêh kan hiniq tôq, trùh hì mòe, aih èh qnhòng rìh da au hì diq. **33** Mahaq hì kô, hì da èh, xam hì mòe au ep lam, majah qmang aih wia ka mangai pajàu ma cachit enh gùng ka Jêrusalem. **34** Wùih! Jêrusalem, Jêrusalem, gè jêh cađac bài mangai pajàu, yóc hmo hibùq bài mangai wê bàu trùh ti gè, bàc yàng au enh hacom haqmon pì qmang ka ia kan creò àm dèh kon ta panan, mahaq pì ùh waq! **35** Kô èh, hnìm pì wia hnìm catù. Au doe qmòe ka pì, kô èh pì pì hnoq au hòm trùh hì ma hì doe: Xôq ramot am ka Mangai trùh enh dalam ka Yiniq Chuaq.”

14 I moeq hì sabat, Chuaq Jesus mùt acaq ta hnìm mangai gucraq Pharisi, bài mangai ta aih ti achop ngan haq. **2** I moeq ngai liu ten padah oe enh ngèa haq. **3** Chuaq Jesus bòch mangai Pharisi xam mangai hnài ranenh: “Tiaq qmang ka ranenh ta hì sabat akhòh broq brêh ka mangai yiniq, loq ùh khòh?” **4** Mahaq wì oe hatinh ùh padreo bàu. Chuaq Jesus dèch mangai yiniq yòng, broq brêh ka haq, khoe aih thê haq hlài. **5** Khoe aih haq bòch wì: “taqne pì qmat i ka mangai leq wop hì sabat, i dèh moeq ngai kon

lô qyoh, tàng ùh meh i dèh moeq toq bo clìh ta ralùng, pì ma ùh drah loh dèch qmòh?” **6** Trong chit, majah qmang aih au doe ka pì, bàc ngai àu aih wì têu ùh jah. **7** Jò haq hnoq bài mangai ma chaq trong hu mùt mahaq ùh jah.” **25** Jò cla wì craq ta hnìm yòng clenh qmang, pì yòng enh gùng clòq qmang rai creò: waiq Chuaq! pèh ka nhèn qmang diq. Mahaq cla wì craq doe: Au ùh qnì ka pì trùh enh leq. **26** Jò aih èh pì doe: Nhèn khoe acaq, khoe ôq pajùm ti ìh, ti trong ti chòq ìh khoe hnài nhèn. **27** Mahaq wì craq doe hòm: Au doe ka pì, au ùh qnì ka pì trùh enh leq, diq dồng bài mangai broq dù tau, drah wia dồng ma khoe ka au beq! **28** Jò aih èh, pì hnoq Apraham, Ysac xam Jacôp hloe xam diq dồng bài mangai pajàu tanòe diac Boc plìn, mahaq pì èh jah khwênh qnoh cađac enh gùng, tanòe aih toq crò hmoe xam cadrit hanenh. **29** Yàng èh, enh gùng mahì loh, enh gùng mahì mùt, enh gùng pah qma, enh gùng pah qngeò, wì trùh hangui ta aniang hu acaq yiniang ta diac Boc Plìn. **30** Aih èh, i mangai atiq jah loh angoe, mangai adroe jah loh ka atiq.” **31** Hadai jò aih, i mangai Pharisi lam doe ka Chuaq Jesus: Ìh pì dùh oe tacô chaq lam taqnoeq beq, Herôt enh jêh đac ìh, **32** Chuaq Jesus padreo bàu: “Lam anoe ka chôn aih: Hì kô, hì da èh, au oe drùh hnàn kan kiac rai broq brêh kan hiniq tôq, trùh hì mòe, aih èh qnhòng rìh da au hì diq. **33** Mahaq hì kô, hì da èh, xam hì mòe au ep lam, majah qmang aih wia ka mangai pajàu ma cachit enh gùng ka Jêrusalem. **34** Wùih! Jêrusalem, Jêrusalem, gè jêh cađac bài mangai pajàu, yóc hmo hibùq bài mangai wê bàu trùh ti gè, bàc yàng au enh hacom haqmon pì qmang ka ia kan creò àm dèh kon ta panan, mahaq pì ùh waq! **35** Kô èh, hnìm pì wia hnìm catù. Au doe qmòe ka pì, kô èh pì pì hnoq au hòm trùh hì ma hì doe: Xôq ramot am ka Mangai trùh enh dalam ka Yiniq Chuaq.”

19 Mangai qnoeq doe: Au i rot moeq jàt toq bo, au ep lam ngan qmang leq cadèh, apaq da yo oq. **20** Mangai maqnoeq hòm doe: Au neo yóc mai, au lam ùh jah. **21** Mangai hapông wih hlài anoe dèh ka wì craq. Khoe aih craq hnìm aih plòh nòeh, thê dèh hapông: “Drah loh roc trong, roc hanom taplài, aràng bài mangai pa, mangai angwenh, mangai lua xam mangai cwê mùt tacô.” **22** Khoe aih, hapông anoe: Wì craq bàu ìh thê nhèn khoe broq, mahaq nòe rah oe raq bàc. **23** Mangai craq hnìm doe deh ka hapông: “Loh lam roc plài roc gùng, hnoq mangai leq, pa-àu wì mùt, aih đòq haq bình

ka hnim au. **24** Majah qmang aih au doe ka pi: Diq dõng ka mangai ma khoe jah akhen adroe, aih ùh i mangai leq ma oe jah acaq yiniang ta hnim au”. **25** I bài mangai bàc haraya lam ti tiaq, haq hwi ngan wì aih rai doe. **26** “Tàng joq i mangai leq trùh ti au mahaq ùh git deh ka miq baq, cadri, kon, oh daq cadri, calô, git hloe kan rìh deh cla, haq aih ùh jah broq mangai tiaq hõc au. **27** Mangai leq ùh xùl deh long pagat tiaq au mangai aih hadai ùh wìa broq mangai tiaq hõc au. **28** I mangai leq oe taqne pi enh broq moeq toq hnim haqnheq kàn. Ma ùh joq baxèm aih haq hangui òeq hu ngan diq toq leq, òeq ngan raðeh atàu bac òeq pagêh hnim aih ùh? **29** Majah qmang aih jò haq khoe broq xèm èh ùh lènh gêh ka chac hnim, aih rìm ngai hnoq ajoq wì loq do, **30** wì doe: Mangai kô khoe broq, mahaq ùh lènh gêh”. **31** I ka bùa leq lam tajêh ka bùa qnoe, ma ùh dùh hangui hatinh ngan òeq, òeq ngan raðeh qnung moeq muàn linh, ahlàt tablêq ka bùa tau ma wê baiq muàn linh loq ùh? **32** Tàng joq haq hnoq ðeh ùh blêq, jò bùa tau oe raq hangai haq khoe thê deh mangai hadrah chôn timer lam òeq ti alia aclai chaq trong hatroq. **33** Hadai qmang aih, tàng joq pi ùh cadac dèh rìm yiniq pi ma i, pi ùh jah broq mangai tiaq hõc Au. **34** Boh aih lem, mahaq tàng haq hnhung dèh kan xang, aih yõc cleq broq dôq haq xang hlài hòmm? **35** Yac ka qnoh ta ruàng dua pi wìa, broq phàn dua piloh cleq; wì ep ùc qnoh cadac enh gùng. Cabô i don tamàng, drah tamàng beq!”

15 Diq dõng ka bài mangai yõc thêq xam bài mangai i yiniq lui thia haten ka Chuauq Jesus hu tamàng bàu haq hnài. **2** Mahaq mangai Phariasi xam bài mangai hnài ranenh, bahech ka dabau: Mangai kô ðih toq bài mangai i yiniq lui rai acaq moeq qmang ka wì! **3** Haq hi aliah ka wì: **4** “Taqne pi qmat, mangai leq ma i moeq hrinth toq trùu mahaq hnhung moeq toq raq, haq ma ùh òeq dèh hachin hachin toq oe tanòe hawit, òeq hu chaq trùu ma hnhung aih waq qmòe ka hnoq qmòh? **5** Èh jò khoe hnoq, haq bùi pi cajaq, binh dèh trùu aih taplêh; **6** hlài ta hnim. Khoe aih, haq creo deh ka bài bua xam wì plài, haq doe: Beq lem bùi ti au, majah qmang aih kon trùu au ma hnhung, au chaq hoe hnoq deh. **7** Au doe ka pi: Hadai qmang aih diq, ta plinh lem bùi jò moeq ngai i yiniq lui loq raxach, ùh hnau ka hachin jàt hachin ngai taq

atoq ùh ep raxach. **8** Patiah haq, i moeq ngai gucadri i moeq jàt hliac bac, hnhung moeq hliac bac raq, haq ma ùh bùh ðen, hwi hnim rai chaq qmòe ka da adia waq qmòe ka hnoq qmòh? **9** Èh trùh jò haq chaq khoe hnoq, haq creo deh ka bua xam wì plài haten, haq doe: Lem bùi ti au beq, majah qmang aih bac au ma hnhung au chaq khoe hnoq. **10** Au doe ka pi: Enh ngèa binh plinh Boc Plinh hadai qmang aih, wì lem bùi ka mangai i yiniq lui loq raxach.” **11** Haq anoe hòmm: “I moeq ngai tau haq i baiq ngai kon calô. **12** Mangai kon ma qyoh doe deh ka baq: Baq, hang leq ma axong ka au, am da au. Mangai baq hi axong deh kùng hang am ka wa kon. **13** Atiq ka aih biaq hì, mangai oh yõc dõng deh kùng hang, lam ka hangai, ta aih, haq rìh loh ka pi wìa cleq, acaq racaih hreo dõng deh kùng hang. **14** Jò haq racaih khoe diq dõng kùng hang, gùng aih i kan pangot kàn, haq loh ka nan pa, **15** haq hi lam patih ka wì gùng aih, wì thê haq lam ban chùa tagùng. **16** Haq enh yõc ðeh caqnah tòh òeq chem chùa hu acaq ðeh ka panàc, mahaq dua wì ùh am. **17** Jò aih haq men cadrat don, haq doe: Ta hnim baq au, oe i jaq cleq mangai patih jah acaq ùh diq ùh dài, tacô aih au cachit ka hrah. **18** Au kô èh yòng hu wìh hlài dèh ta baq rai anoe ka haq: Baq! Au khoe broq yiniq lui ka plinh xam ka ih. **19** Au pi oe wìa creo kon ih hòmm, ih ngan au tiah ka wì ma patih ka ih diq. **20** Haq hi padinh yòng hlài dèh ta baq. Jò oe raq enh hangai, hnoq deh kon baq haq tadèch qmòe nòeh, tũh loh yõc ti kwat dèh kon raih hip haq. **21** Haq doe deh ka baq: Baq! au khoe i yiniq lui ka trõc ka ih, pi oe wìa ka creo kon ih hòmm. **22** Mahaq baq haq doe ka bài mangai hapõng: Rên timer haq! Drah aràng eo ma diq jaq lem caxùnh am ka haq, asràng nhàn ajang hadrang ti haq, tõi ka haq jep. **23** Drah rùp kon bo ma bit lem hu broq jam. Beq! bèn acaq lem bùi, **24** majah qmang aih kon au kô khoe cachit mahaq mandeq khoe rìh hlài, khoe hnhung mahaq mandeq kô khoe hnoq hlài. Khoe aih, diq ka wì hi lem bùi. **25** Jò aih, mangai daq ramua qnang oe ta gùng, jò haq hlài ten trùh hnim, tàng atêh broc tàng bàu calêu, **26** haq hi creo ka moeq ngai hapõng hu bõch ngan i yiniq cleq. **27** Hapõng aih padreo bàu: Oh ih khoe hlài, aih iq baq ih majah khoe bùh kon bo bit, majah qmang aih, hnoq oh ih hlài jah tadèh. **28** Mangai kon ramua plõh nòeh, pi waq mùt ta hnim. Baq haq hi loh padô haq

mùt. **29** Mahaq haq doe: Ngan kô, au patih ka ih khoe toq leq hanam, qnhòq lah i yàng leq broq ùh troq ka manoh ih, aleq ih malah am ka au moeq toq kon bubi qyoh au hu acaq lem bùi deh ti bua. **30** Yàng manòeq kô, kon ih mangai ma khoe racaih dõng kùng hang ih ti bài gucadrì hadòh, manòeq haq wìh hlài aih ih bùh qmòe kon bo bit. **31** Baq haq doe: Akon! Kon oe yôt ti baq, diq dõng kùng hang baq aih xài kùng hang kon. **32** Mahaq bèn joq khòh acaq yiniang lem bùi, majah qmang aih oh kon khoe cachit mahaq manòeq khoe rih hlài, khoe hnhung mahaq khoe hnoq hlài.”

16 Chuaq Jesus anoe hòm ka bài mangai tiaq hõc “Mangai padrõng tau i moeq ngai hapõng wèq da haq kùng hang, i wì lam anoe ka haq: Wì craq! haq aih racaih dõng hang wì craq. **2** Aih wì craq hi creo ka mangai aih mùt rai bòch: Ìh broq cleq! hagleq au majah tàng wì anoe qmang aih i? Ìh wèq kùng hang qmang leq, anoe beq! Majah qmang aih, pang kô èh ìh pì oe jah wèq kùng hang au hòm. **3** Mangai wèq kùng hang aih hèm: Wì craq pì am au broq hòm, broq qmang leq kô èh? abèq ruàng au ùh i ka padren, lam chaq acaq aih camaih hrìn. **4** Au khoe loq broq qmang leq, dòeq jò wì craq pì am broq, oe i mangai ãhìh ahlài au ta hnìm. **5** Haq hi creo ka tang ngai pòq dòeh wì craq trùh, haq bòch mangai adroe: Ìh pòq dòeh craq au toq leq? **6** Mangai aih doe: Moeq hrinh thùng dàu. Mangai wèq kùng hang thê: Drah yõc jàiq hangui aqmat achìh beq: Padam jàt. **7** Èh haq bòch mangai tau: Ha ìh qmat pòq dòeh craq au toq leq? Haq padreo bàu doe: Moeq hrinh ateo qmau. Mangai wèq kùng hang doe: Drah achìh jàiq dòeh: Rahem jàt. **8** Craq haq hi manè mangai wèq kùng hang loq gòpla trong haq rabiaq ka broq qmang aih. Majah qmang aih kon da qnhòng kô yeo rabiaq ùh hnau ka kon da kan qngah trong taqmùt ti dabau. (aiōn g165) **9** Au anoe ka pì: Yõc ma diq ka hang gòpla aih hu taqmùt chaq bua beq, dòq jò hang aih khoe diq, wì hu ãhìh qmùt pì tanòe oe hlòe. (aiōnios g166) **10** Mangai leq ùh tablòq manoh trong yiniq qyoh, haq aih hadai ùh tablòq manoh trong yiniq kàn, mangai leq gòpla trong yiniq qyoh, hadai gòpla trong yiniq kàn. **11** Qmang aih tàng kùng qnhòng kô, pì khoe ùh diq ka manoh, aih èh cabô ma tùt am ka pì wèq kùng hang joq qnàng ta diac plinh? **12** Tàng joq khoe pì wìa

ka lùì pì trong kùng hang mangai qnoeq, aih cabô oe dòq pì jah wèq deh kùng hang clà? **13** Ùh i ka hapõng leq jah patih ka baiq toq craq, majah qmang aih haq loq waq ka mangai kô mahaq git ka mangai tau, diq manoh ka mangai kô mahaq hnoq mangai tau ùh loh cleq. Pì ùh jah broq hapõng Boc hlinh rai broq hapõng Mamôn hòm.” **14** Mangai Pharisi aih bài ma plai ka bac jèn, tàng diq bàu aih, wì haq halè Jesus. **15** Haq tapoch ka wì: “Pì broq deh taq atòq dòq mangai qnoe ùh qni, mahaq Boc plinh loq ka manoh pì, majah qmang aih trong leq kon mangai pì hnoq ãhìh lem, aih kan amùa ramòt enh ngèa ka Boc plinh. **16** Ranenh xam bàu pajàu trùh pang qnhòng da Jon raq hi diq, pang aih Bàu lem diac da Boc Plinh jah anoe qnoh, mangai leq mangai meh ep àu diq ka padren hujah mùt ta aih. **17** Plinh crõng taneh kô hnhung yi hlàu ùh hnau ka cadac moeq chù, moeq teo yi qyoh ta hset ranenh. **18** Cabô cadac deh mai lam yõc cadrì qnoeq, mangai aih pòq yiniq lui tango, mangai leq yõc gucadrì õng haq cadac, hadai pòq yiniq lui tango. **19** I moq ngai padrõng kan, caxùnh toq eo gòh drinh broq xi bai lem, rìh hì rìh acaq oe ta kan rahù. **20** I moeq ngai pa yiniq haq Laxaro, kùì ajang qmang ngo mangai padrõng aih, tachac haq xia dõng kan talèh bachùng. **21** Haq toq ngèh ãhìh jah toch acaq chiac bài crac taclih enh cabõng mangai padrõng, hadai i koq liah da haq rahenh. **22** Trùh jò mangai pa cachit, bình plinh aràng haq qmùt oe ta achong Apraham. Mangai padrõng hadai cachit, wì lam catùh. **23** Mangai padrõng oe tanòe mangai kachit, qnang chiuq salep, enh hangai haq qngoc ngan, hnoq Laxaro oe ta achong Apraham, (Hadēs g86) **24** haq drah creo cadèh: Apraham kan cadraq au! Ha-och ka au diq, thê Laxaro lùac hadrang tì tadiac dòeq broq ka rapet au jah hangèp deh toq biaq, majah qmang aih au tòq lep pì cajaq ta ùnh kô. **25** Mahaq Apraham doe: A kon! Hmàng hlài beq, jò oe rìh kon khoe jah waq deh kan lem, yàng Laxaro aih glàm toq trong qmèq, Yàng manòeq oe tacô haq jah alòng, da kon jah oe tanòe baxa. **26** Qnah hòm, ta adreo bèn i moeq toq kòe jrùq, yac ka i cabô oe pah kô enh tõi pah qmat dua ùh jah, cabô enh pah qmat enh tõi pah kô hadai ùh jah. **27** Mangai padrõng aih anoe: Kan cadraq au! Ìh thê Laxaro lam ta hnìm baq au, **28** majah qmang aih au i padam ngai oh ãhìh, dòeq haq doe ka wì loq yiniq kô, tàng ùh

qmang aih, yùq èh wì hadai loh tanòe xalep jàt ngai jah brêh ðong qmòh? Hachin ngai tau kô diq. **29** Apraham padreo bàu: Wì haq khoe i taleq hòmh? **18** Hagleq ùh i moeq ngai leq wìh hlài manè apôi Boc plinh enh gùng ka mangai diac wì kô”. **19** Khoe èh, haq doe ka mangai aih: “Yòng lam beq! manoh lùl ìh khoe broq ìh brêh lem.” **20** Mangai Pharisi bòch Chuaq Jesus jò leq diac Plinh ma trùh, haq padreo bàu “Diac plinh trùh ùh tiah ka yiniq jah hnoq xam mat, **21** ùh i cabô jah doe: Oe tacô loq oe hatau, majah qmang aih diac plinh oe ta pì.” **22** Haq doe deh ka mangai tiaq hóc: “Kô èh i jò pì ma tangèh jah hnoq ðeh mòi q hì da Kon mangai, mahaq ùh jah. **23** Èh i wì doe ka pì: Haq oe tacô loq oe ta tau, mahaq apaq lam, paq tiaq wì. **24** Majah qmang aih tiah ka camlet enh caqnàm plinh kô trùh ta caqnàm plinh tau qmang leq, Kon Mangai trùh ðèh hì cla haq hanoh qmang aih. **25** Mahaq adroe aih, Kon mangai ep xalep bàc trong, èh kon mangai qnhòng kô kwaih ùh waq ðac haq. **26** Biac ma khoe loh ta hì Noê nêh qmang leq, hì da Kon Mangai trùh hadai qmang aih: **27** Wì acaq, ôq, ban òng, yóc mai, trùh hì Noê hì mùt ta boang, diac kàn trùh, palùng ðiq ðong phù cròng. **28** Yiniq ma khoe loh ta hì da Lot nêh hadai, wì acaq ôq, wì tapadro, wì pìt, wì broq hnim. **29** Mahaq hì Lot loh khoe enh gùng Sôdom, aih i mè ngia ùnh cìh enh plinh jêh ðong mangai ta plài aih. **30** Hì Kon mangai loh hadai qmang aih. **31** Hì aih èh, cabô oe ta kùa po, i dahwèq ta hnim, ùh dùh loh qnhon, cabô oe tagùng, hanoh ùh dùh wìh hlài ðèh. **32** Hmàng hlài cadrì Lot beq! **33** Mangai leq chaq trong hu ðèch ðèh kan rih, aih èh hnhung, mangai leq cađac deh kan rih, aih èh jah yóc hlài. **34** Au doe ka pì, mang aih, baiq ngai kùl moeq aniang, mòi q ngai jah ðèch atóc, mòi q ngai rong ðòeq hlài. **35** Baiq ngai gucadrì pèh pajùm mòi q toq apau qmau, mòi q ngai jah ðèch atóc, mòi q ngai jah rong ðòeq hlài. **36** Baiq ngai gucalô oe tagùng, mòi q ngai jah ðèch atóc, mòi q ngai jah rong ðòeq hlài.” **37** Mangai tiaq hóc bòch: Chuaq nhèn! yiniq aih èh loh taleq? Haq padreo bàu: “Taleq i hanang cachit, cliang kèn tagop dabau ta aih”.

17 Chuaq Jesus doe ka magai tiaq hóc: “Bàl yiniq ðòeq broq ka mangai qnoeq catoeh tacro aih ùh jê, mahaq habô ka rađeh mangai ma broq trong aih. **2** Tàng joq mangai leq broq ka moeq ngai kon mangai qyoh kô cro ta yiniq lui, yóc apau hmo kàt ajang ranòng haq aih hu khwêh caqnìh cađac ta diac raxìq aih xan ka ùh hnau hòmh. **3** Pì ep wèq rađeh. Tàng joq i oh daq ìh broq yiniq lui ka ìh, drah tagàiha ka haq, tàng joq wì haq loq raxach, drah cađac yiniq lui ka wì haq. **4** Yac ka moeq hì, wì loh yiniq ka ìh tapèh yàng, tapèh yàng wì haq wìh hlài doe: Au raxach, aih drah caqnaiha yiniq lui wì haq. **5** Bàl mangai tiaq cla doe ka haq: Tam ka nhèn manoh lùl. **6** Chuaq Jesus doe: “Tàng joq pì i manoh lùl qyoh budàng clong habài, pì doe ka long pôh kô: Tabùiq enh kô hu loh pìt tadiac raxìq chàmh, aih dua haq iu bàu **7** Taqne pì qmat i mangai leq i hapòng lam kai ruàng, lam ban triu, jò haq hlài enh gùng pì doe ka haq: Drah thia hangui tacô hu acaq qmòh? **8** Ma ùh xài pì thê haq: Padon ka au acaq, kàt caxi caqnàm patih ka au hòeq, trùh jò leq au hêq ka acaq, khoe aih pì hi acaq diq qmòh? **9** Hapòng iu tiaq bàu, craq haq i ep cleq ka manè haq? **10** Pì hadai qmang aih, jò broq gèh trong thê pì broq, pì doe rameh: Nhèn kô bàl hapòng ùh loh cleq, nhèn broq toq trong nhèn ma ep broq.” Mòi q jàt ngai bacùn **11** Mandeq Chuaq Jesus qnang lam trong tót ta Jérusalem, Haq lam tiaq roc acang taqne gùng Samari xam gùng Galili. **12** Wop jò haq mùt taplài aih, i moeq jàt ngai bacùn ðih haq, wì haq yòng enh hangai, **13** wì creó: Wì craq! ha-och ka nhèn diq. **14** Jò bu hnoq wì aih, Chuaq Jesus doe: “Lam beq! lam patô rađeh ka bàl pajàu.” Jò wì aih qnang lam, ðiq ka wì haq jah brêh. **15** I moeq ngai, hnoq rađeh jah brêh, haq wìh hlài, rai ðèh bàu manè apôi Boc plinh; **16** mangai aih caqnìh rađeh ajang jènh Chuaq rai manè haq. Kô aih mangai Samari. **17** Chuaq Jesus bòch: “Ùh xài moeq

jàt ngai jah brêh ðong qmòh? Hachin ngai tau taleq hòmh? **18** Hagleq ùh i moeq ngai leq wìh hlài manè apôi Boc plinh enh gùng ka mangai diac wì kô”. **19** Khoe èh, haq doe ka mangai aih: “Yòng lam beq! manoh lùl ìh khoe broq ìh brêh lem.” **20** Mangai Pharisi bòch Chuaq Jesus jò leq diac Plinh ma trùh, haq padreo bàu “Diac plinh trùh ùh tiah ka yiniq jah hnoq xam mat, **21** ùh i cabô jah doe: Oe tacô loq oe hatau, majah qmang aih diac plinh oe ta pì.” **22** Haq doe deh ka mangai tiaq hóc: “Kô èh i jò pì ma tangèh jah hnoq ðeh mòi q hì da Kon mangai, mahaq ùh jah. **23** Èh i wì doe ka pì: Haq oe tacô loq oe ta tau, mahaq apaq lam, paq tiaq wì. **24** Majah qmang aih tiah ka camlet enh caqnàm plinh kô trùh ta caqnàm plinh tau qmang leq, Kon Mangai trùh ðèh hì cla haq hanoh qmang aih. **25** Mahaq adroe aih, Kon mangai ep xalep bàc trong, èh kon mangai qnhòng kô kwaih ùh waq ðac haq. **26** Biac ma khoe loh ta hì Noê nêh qmang leq, hì da Kon Mangai trùh hadai qmang aih: **27** Wì acaq, ôq, ban òng, yóc mai, trùh hì Noê hì mùt ta boang, diac kàn trùh, palùng ðiq ðong phù cròng. **28** Yiniq ma khoe loh ta hì da Lot nêh hadai, wì acaq ôq, wì tapadro, wì pìt, wì broq hnim. **29** Mahaq hì Lot loh khoe enh gùng Sôdom, aih i mè ngia ùnh cìh enh plinh jêh ðong mangai ta plài aih. **30** Hì Kon mangai loh hadai qmang aih. **31** Hì aih èh, cabô oe ta kùa po, i dahwèq ta hnim, ùh dùh loh qnhon, cabô oe tagùng, hanoh ùh dùh wìh hlài ðèh. **32** Hmàng hlài cadrì Lot beq! **33** Mangai leq chaq trong hu ðèch ðèh kan rih, aih èh hnhung, mangai leq cađac deh kan rih, aih èh jah yóc hlài. **34** Au doe ka pì, mang aih, baiq ngai kùl moeq aniang, mòi q ngai jah ðèch atóc, mòi q ngai rong ðòeq hlài. **35** Baiq ngai gucadrì pèh pajùm mòi q toq apau qmau, mòi q ngai jah ðèch atóc, mòi q ngai jah rong ðòeq hlài. **36** Baiq ngai gucalô oe tagùng, mòi q ngai jah ðèch atóc, mòi q ngai jah rong ðòeq hlài.” **37** Mangai tiaq hóc bòch: Chuaq nhèn! yiniq aih èh loh taleq? Haq padreo bàu: “Taleq i hanang cachit, cliang kèn tagop dabau ta aih”.

18 Chuaq Jesus aliah ka mangai tiaq hóc mòi q yiniq, ðôq wì loq ep waiq khàn yôt, ùh dùh tagah lep: **2** Tagùng aih, i mòi q ngai cwan ùh yùq ka Boc Plinh, rai ùh camaih qmòe ka cabô. **3** Tagùng aih hadai i mòi q ngai gucadrì hadrô, trùh anoe ka cwan: Au canòm chiac ka

ih, hadrah taq atoq am ka au xam mangai tagit ka au. 4 Cwan aih ùh tamàng khoe dùnh. Yàng khoe ka aih haq hèm: Hiloq ka au ùh yùq ka Boc plinh, ùh camaih qmòe ka cabô, 5 mahaq mangai gucadri kô lam pangài yôt qmòe ka au, hêq au tamàng dõng ka haq kan taq atoq, dõq haq pi hiaq trùh yôt broq ka au loh qmòe ka jiq gàu. 6 Khoe aih, haq bòch wì: “Pì atàng bàu cwan hadrah ùh taq atoq aih khoe anoe cleq ùh? 7 Qmang aih yilaiq Boc plinh ma ùh hadrah taq atoq ka mangai ma khoe jah raih, aih bài mangai dahì damang toq creo dang haq, wìa ka haq xòe ka trùh hu dèch wì aih qmòh? 8 Au doe ka pì: Haq drah rênh tamàng kan taq atoq ka wì. Mahaq èh jò Kon mangai hi trùh haq i hnoq manoh lùì oe ta crõng taneh loq ùh? 9 Haq aliah bàu kô ka bài mangai loq doe raðeh taq atoq èh hnoq mangai qnoeq ùh loh cleq: 10 “I baiq ngai tõi ta hnim kùh waiq hu waiq khàn: mòi eq ngai Phari si, mòi eq ngai yõi thèq. 11 Mangai Phari si yòng waiq khàn ta manoh qmang kô: Waiq Boc plinh, au manè apôi ih, majah qmang aih au ùh hiaq tiah ka wì qnoeq: loq atùng, broq dù, loq tango, ùh hiaq tiah ka mangai yõi thèq meh. 12 Mòi eq tuàn au apàm ka acaq baiq yàng, tarim yiniq au i, mòi eq jàt phàn au dèch mòi eq. 13 Mahaq mangai yõi thèq yòng chiac enh hangai, haq ùh lùì qngoc taplinh, haq tùc dèh rada rai anoe: Boc plinh, ha-och ka au diq, au mangai i yiniq lui! 14 Au doe ka pì, enh ngèa ka Boc plinh, mangai kô wih hlài deh ta hnim jah kan taq atoq ùh hnau ka mangai tau. Majah qmang aih, mangai leq chaq trong padèch atõi raðeh, aih èh jah caqnìh qnoh haqneq, mangai leq paqnoh raðeh, aih èh jah dèch atõi ka haqnèh”. Bòe kon qyoh 15 Wì hadai aràng bài kon qyoh trùh ti Chuaq Jesus, dõq haq yõi ti bèq wì qyoh aih. Mangai tiaq hõi hnoq qmang aih, hi lech ka bài mangai aràng. 16 Mahaq Chuaq Jesus crêu anoe ka wì: “Dahaq wì qyoh trùh ti au, apaq tàt, majah qmang aih mangai hatiah bài kon qyoh qmat majah diac Boc plinh. 17 Joq qnàng au doe ka pì, cabô ùh waq yõi diac Boc plinh tiah ka mòi eq ngai kon qyoh, haq aih ùh jah mùt diac Plinh”. 18 Jò aih i mòi eq ngan cwan bòch Chuaq Jesus: Mangai hnài lem, au ep broq cleq òeq hu jah kan rih halinh mòi eq òeq? (aiōnios g166) 19 Haq padreo bàu: “Hagleq ih majah creo ka au mangai lem. Ùh i ka mangai leq lem enh gùng ka mòi eq ngai Boc plinh. 20 Ih khoe loq bài ranenh kô: Ih apaq tango, apaq jêh ðac mangai,

apaq atùng, apaq wiang yòng òeq capoch dech ka mangai qnoeq. Ep i loq hèm dèh ka miq baq”. 21 Mangai aih doe: Diq dõng rìm yiniq aih au khoe wèq qmòe enh jò oe qyoh nèn raq. 22 Chuaq Jesus tàng qmang aih, hi doe ka haq: “Ih oe raq i mòi eq yiniq hò m. Tech dõng kùng hang ih beq, axong am ka mangai pa èh ih hi jah hang oe ta plinh, khoe aih ih trùh, hu lam tiaq au.” 23 Jò tàng qmang aih, mangai radam aih loh ka mangò, majah qmang aih haq padrõng pi cajaq. 24 Chuaq Jesus ngan ta haq rai doe: “Mangai padrõng mùt diac Boc plinh joq xa. 25 Lõcda mùt trom jrùm yeo hlàu ka mangai kan mùt diac Plinh!” 26 Bài mangai tàng bàu aih, wì bòch: Qmang aih èh cabô majah dèch? 27 Haq padreo bàu: “Trong leq mangai broq ùh jah, aih Boc plinh broq jah.” 28 Phiero bòch: Hacô nhèn khoe cadac diq dõng yiniq nhèn i òeq hu tiaq ih, aih èh nhèn jah cleq? 29 Chuaq Jesus padreo bàu: “Joa qnàng au doe ka pì, mangai leq taiq diac Plinh loh qmòe ka cadac deh hnim, miq baq, oh daq, cadrì kon, 30 oe ta qnhòng kô haq jah hlài yeo bacc, qnhòng atiq jah kan rih halinh mòi eq òeq.” (aiōn g165, aiōnios g166) 31 Chuaq Jesus qnong wì mòi eq jàt baiq ngai lam crài ti raðeh, haq doe ka wì: “Kô èh bèn tõi ta Jêrusalem, rìm yiniq bài pajàu ma khoe achih trùh Kon mangai èh hi jah xit. 32 Majah qmang aih wì rùp haq am ka mangai diac wì. Wì halè haq, hanip haq rai cachõh ka haq. 33 Khoe ka wì blai haq wì hi jêh cadac haq. Trùh hi piq, haq hi rih hlài.” 34 Mahaq bài mangai tiaq hõi qnì tàng, bàu aih enh anoe cleq majah qmang aih khoe cadoc ka bài mangai tiaq hõi, dài wì haq majah ùh qnì Chuaq Jesus anoe cleq. 35 Jò Chuaq Jesus ten trùh ta Jêrico, i mòi eq ngai lua mat hangui ti trong òeq hu ti axin acaq. 36 Jò haq tàng i bài mangai bacc lam trong aih, haq bòch i yiniq cleq. 37 wì doe ka haq: Chuaq Jesus mangai Naxaret lam trong kô. 38 Haq crêu cadêh: Waiq Kon bùa Ðawit, ha-och ka au diq! 39 Bài mangai lam adroe lech thê haq chaq oe ma hatinh haq; yàng aih kiang haq creo yeo dèh hò m: Kon bùa Ðawit ha-och ka au diq! 40 Chuaq Jesus hi yòng rai thê wì aràng mangai aih trùh. Jò mangai lua mat trùh ten jang aih, haq hi bòch: 41 “Ih enh au broq ka ih cleq?” mangai aih doe: Waiq Chuaq! au enh jah xau hnoq! 42 Chuaq Jesus doe ka haq: “Xau hnoq hlài beq! Manoh lùì da ih khoe broq brêh ka ih. 43 Tajòe qmòe jò aih raq, haq jah xau hnoq hlài, haq hi lam tiaq Chuaq

Jesus rai manè apôl Boc plînh. Dîq ka mangai hnoq qmang aih wî hadai manè apôl Boc plînh.

19 Chuaq Jesus mùt ta Jêrico, haq pagat ti trong. 2 Ta aih i mîeq ngai yiniq haq Xachê, broq gàu bài mangai yôc thêq, padrông pi cajaq. 3 Haq aih enh hnoq Chuaq Jesus aih mangai qmang leq, mahaq ùh jah, majah qmang aih mangai bác hrînh, èh haq aih mangai dêq. 4 Haq cadâu adroe, heo tồc goe long pồc đòeq hu jah ngan Chuaq Jesus, majah qmang aih Chuaq Jesus lam trong aih. 5 Chuaq Jesus trùh ajang aih, qngoc ngan rai crêu: “Xachê! drah loh beq, majah qmang aih hì kô au mùt hnîm ìh.” 6 Xachê drah loh qmòe ka rênh, rai đìh Chuaq Jesus rai lem bùi. 7 Dîq đổng mangai hnoq qmang aih, wî bahech ka dabau: Mangai kô ka doe mùt oe ta hnîm mangai i tuiq. 8 Mahaq Xachê padinh yông rai anoe: Waiq Chuaq! Au yôc deh moeq haqne hang cla au hu đòeq axong ka mangai pa, tàng joq au i broq hâbô ka cabô yiniq cleq ùh loe, au padreo hlài loe pôn yâng. 9 Chuaq Jesus doe: “Hì kô, kan dèch khoe mùt ta hnîm kô, majah qmang aih haq kô hadai kon xau Apraham. 10 Majah qmang aih Kon mangai trùh hu chaq dèch mangai ma khoe hnhung”. Aliah trùh bác 11 Jò wî oe raq tamàng bàu aih, Chuaq Jesus tam mîeq aliah ka wî hòm, majah qmang aih haq khoe ten trùh Jêrusalem, wî xoh dèh diac Boc plînh loh hloe draq drînh jò aih raq. 12 Haq doe rameh: “I mîeq ngai kon bùa lam hangai đòeq hujah dèch broq bùa khoe èh hì wîh hlài; 13 haq hì crêu dèh moeq jât ngai hapông, am ka wî aih moeq jât capiac bac, rai tanap: Yôc bác kô abroq dôq haq loh tam trùh hì au wîh hlài. 14 Mahaq mangai gùng aih git ka haq, wî thê mîeq mangai wê bàu atiq ka haq hu doe: Nhên ùh enh mangai kô broq bùa wêq nhên. 15 Jò haq khoe jah dèch broq bùa, haq wîh hlài, crêu ka bôe mangai khoe yôc bác trùh ta haq, đòeq hu ngan mîeq ngai wî broq jah toq leq. 16 Mangai adroe trùh doe: Wî craql bác ìh khoe loh tam mîeq jât capiac qnoeq hòm. 17 Wî craq doe: Joq wîa qnàng, mangai hapông lem da au, trong qyoh ìh khoe dîq ka manoh, ìh kô èh jah wêq mîeq jât gùng. 18 Hapông ma hatia trùh doe: Wî craql bác ìh am, au khoe broq jahtam padam capiac hòm. 19 Wî craq doe: ìh jah wêq padam gùng. 20 Mangai qnoeq hòm trùh doe: Wî craql Hácô bác ìh, au khoe caxop don đòeq ta mù, 21 majah qmang aih au crê ka

ìh, au loq ìh kô mangai nhang ùh palap cleq, yôc tanòe ìh ùh i đòeq, gat tanòe ùh i rai. 22 Wî craq doe: Wùih! mangai hapông dù tau, au tiaq bàu cla ìh raq đòeq hu hadrah ka ìh, ìh khoe loq ka au mangai nhang, yôc toq taqnòe ùh i đòeq, gat toq tanòe ùh i rai, 23 hagleg ùh yôc bác aih tah ta hnîm padro bác? jò au hlài au hu yôc dèh xam xêm xam goe. 24 Wî craq doe ka bài mangai ma yông ta aih: yôc bác haq qmat, am ka mangai ma khoe i moeq jât capiac bac. 25 Wî doe: Wî craql haq aih khoe jah mîeq jât capiac bac. 26 Au doe ka pì: mangai leq khoe i, aih èh jah am tam, mangai leq ùh i, aih èh yôc hloe cleq wî haq ma khoe i. 27 Mahaq bài mangai leq ma tagit ka au, ùh enh ka au broq bùa enh qnhêq ka wî haq, qnoh wî haq tacô, jêh cadac enh ngèa au kô.” 28 Atiq ka Chuaq Jesus tapoch qmang aih, haq lam enh ngoe ka wî, tồc ta Jerusalem. 29 Jò haq ten trùh ta plài Bêpha-jê xam plài Bêthani ajang wang Ôliu, haq thê deh baiq ngai tiaq hóc lam, 30 rai tanap: “Lam ta plài enh ngèa chốp qmat, jò mùt ta plài chốp hnoq mîeq toq lùa kon wî kât, qnhòq lah i cabô kôe, caqnaih caxi dùi ahlài tacô ka au. 31 Tàng i cabô bôch chốp: gleq chốp majah caqnaih haq? Chốp doe: Chuaq i yiniq waq ka haq”. 32 Baiq ngai loh lam, glàm tiah ka bàu Chuaq Jesus khoe doe. 33 Jò qnang caqnaih lùa kon aih, cla mangai ban lùa aih bôch: Hagleg majah caqnaih lùa mat, 34 wa padreo bàu: Chuaq i yiniq waq. 35 Wa aih tiaq lùa aih ahlài ka Chuaq khoe èh yôc deh eo hlêch ta cồng lùa, dèch Chuaq tồc hangui enh qnhêq. 36 Jò Chuaq Jesus qnang tồc ti trong, bác ngai qyôc dèh eo hlêch ti trong lam. 37 Jò ten trùh ciang Ôliu, dîq đổng mangai tiaq hóc manè pi cajaq, wî dèh bàu manè apôl Boc plînh rîm trong halac wî haq ma khoe hnoq. 38 “Xôq ramot am ka bùa trùh ma trùh enh dalam ka Yiniq Chuaq Kan catêm tanòe diac Plînh, kan ra nhòm tanòe dîq jaq haqnêq” 39 I bài mangai Pharisi oe ta mangai bác ta aih anoe ka Chuaq Jesus: Mangai hnài, ìh tagài bài mangai hóc tiaq ìh qmat. 40 Chuaq Jesus padreo bàu: “Au doe ka pì, tàng joq wî qmat hatinh, bài hmo qmat èh hì cachech”. 41 Jò Chuaq Jesus haten ngan hnoq Jêrusalem, haq hmoe ka Jêrusalem. 42 Haq doe: “Au ngèh hì kô, gè loq yiniq cleq aràng am ka gè kan catêm, mahaq yiniq aih hì kô khoe gahnáp, mat gè ùh xau hnoq.” 43 Majah qmang aih i mîeq hì trùh ti gè, jò wî ma tagit ka gè bôc lî wa wênh ka gè, dudan ka gè tap

bè; 44 wì raliang jêh cađac đìq đống, xam cla xam wì kon ma oe taqne gè qmat. Wì ùh đòeq mòeq pliang hmo leq oe jah raxon enh qnhèq ka dabau, majah qmang aih, gè khoe ùh canau jò Boc plình trùh ti dađeh". 45 Jò Chuaq Jesus mùt ta hamlang hnim kùh waiq, haq drùh qnoh đống bài mangai padro ta aih. 46 Haq doe: "I bàu achih: Hnim au kô hnim waiq khàn, mahaq pì broq haq wìa pù atùng." 47 Rìm hì haq hnài ta hnim kùh waiq. Bài pajàu kàn, bài mangai hnài ranenh xam bài gucra q gùng aih, chaq trong jêh đac haq; 48 Mahaq wì ùh qnì chaq trong leq, majah qmang aih đìq đống mangai ta aih ùh talic ka tamàng bàu haq.

20 I mòeq hì ta bài hì aih Chuaq Jesus qnang hnài wì tanđe hnim kùh waiq rai anoe ka wì trong Bàu lem, i bài pajàu kàn, bài mangai hnài ranenh, taqmùt ti bài gucra q trùh ta haq, 2 wì bòch: Anoe ka nhèn cwiang enh leq ìh majah broq qmang kô, cabô ma am ka ìh cwiang aih? 3 Haq padreo bàu: "Au hanoh bòch pì mòeq bàu. Drah anoe ka au: 4 Baptem da Jon trùh enh Plình loq loh enh mangai? 5 Wì aih ta hatinh ka dabau: Tàng bèn doe: Trùh enh Plình, aih èh haq bòch bèn: Qmang aih gleq pì ma ùh lùì bàu haq? 6 Tàng bèn doe: Loh enh mangai, aih èh đìq ka mangai bàc wì yóc hmo đap bèn, majah qmang aih wì khoe lùì Jon aih joq mangai pajàu. 7 Qmang aih wì padreo bàu doe: Nhèn ùh qnì haq loh enh leq. 8 Chuaq Jesus doe: "Au hadai ùh doe ka pì loq cwiang enh leq au ma broq bòe yiniq kô." 9 Haq aliah hloe ka wì qmang kô: "I mòeq ngai pìt mòeq wuàn pìi nho, am ka wì broq axong wuàn nho aih khoe èh cla haq lam gùng hangai dình hì. 10 Trùh jò git pìi, cla haq thê deh mòeq ngai hapông trùh ta bài pìt nho hu ta axon yóc pìi, mahaq bài mangai pìt nho jêh hapông aih, hnan haq hlài tì dech. 11 Wì cra q thê hapông maqnoeq hò m, mahaq wì hadai jêh, hanip, èh hnan haq aih hlài tì dech. 12 Wì cra q thê hapông yàng piq, wì hadai jêh haq aih loh habau rai hnan đac. 13 Cra q wuàn nho aih doe: Au broq qmang leq kô? Au thê deh kon calô au ma loq waq, lam, broq braiq wì camaih iu ka haq." 14 Mahaq jò bài mangai pìt nho hnoq kon calô aih trùh, wì hatuàng ka dabau: Hatau mangai kon majah waq đống kùng hang, beq bèn jêh cađac haq, aih èh kùng hang haq jah đống bèn. 15 Wì hì khwênh qnoh haq enh gùng ka wuàn nho rai jêh cađac hloe.

Aih èh cra q wuàn nho broq cleq ka bài aih? 16 Haq trùh jêh đống bài mangai pìt nho aih khoe èh yóc wuàn aih am ka mangai qnoeq abèq. Bài mangai ma tàng bàu aih wì doe: Boc Plình ùh i manaq taleq! 17 Chuaq Jesus ngan wì haq rai bòch: "Tàng qmang aih bàu ma achih: Hmo mangai thòq broq hnim cađac, Khoe wìa hmo mùm hnim, bàu aih anoe cleq? 18 Mangai leq ta clih ta hmo kô èh, hech loh đac, hmo kô tuc troq cabô, mangai aih èh hech hoch đống. 19 Wop jò aih, bài pajàu kàn xam bài mangai hnài ranenh chaq trong jêh cađac haq, majah qmang aih wì loq bàu Chuaq Jesus aliah aih anoe trùh wì haq raq. Mahaq wì ùh hù a ka bài mangai bàc ta aih. 20 Wì ti hanhoe ngan haq, wì thê bài mangai ti rinh broq patìah mangai khôn khuq, đòeq chaq trong hu goh haq ajang bàu tapoch, hu rùp haq am ka bài mangai i cwiang, mangai gàu bài cwan. 21 Wì aih bòch Chuaq Jesus bàu kô: Mangai hnài! Nhèn loq trong bàu tapoch, trong hnài da ìh tiaq trong jang, ùh loq waq tang ngai, yóc bàu joq qnàng đòeq hnài trong Boc plình. 22 Nhèn akhòh am thèq ka Sêsa ùh? 23 Mahaq Chuaq Jesus loq ka manoh wì, haq doe: 24 "Am ka au ngan mòeq đò-ni-ê beq, Kô ìq qmù cabô, yiniq cabô?" Wì padreo bàu: Sêsa. 25 Haq doe ka wì: "Padreo da Sêsa yiniq cleq da Sêsa, am da Boc Plình yiniq cleq da Boc Plình." 26 Enh ngèa mangai bàc wì bahlac bàu haq ùh jah. Toq hamàih ka bàu haq ta hatêu, wì hì loh ka hatinh. 27 I qnah ngai Sađusê, aih bài mangai loq doe ùh i kan rìh hlài, wì trùh haten ka Chuaq Jesus rai bòch: 28 Mangai hnài, Môise khoe đòeq ka nhèn ranenh qmang kô: Tàng mangai i daq yóc mai, khoe haq cachit, ùh i đêh kon, mangai oh aih ep yóc mai deh daq aih đòeq haqmot hlài xinoe ka daq haq. 29 Qmang aih, i tapèh ngai oh daq. Mangai daq ramua yóc mai, èh cachit qnhòq i kon. 30 Mangai hatia yóc mai aih, 31 èh trùh mangai atìq, đìq đống wì tapèh ngai đìq yóc mangai aih, wì đìq cachit mahaq ùh lòm i kon. 32 Pulùch, mangai cadrì aih hanoh cachit. 33 Qmang aih èh trùh hì rìh hlài gucadrì aih broq mai cabô? Majah qmang aih đìq đống tapèh ngai aih hanoh khoe yóc gucadrì aih broq mai. 34 Chuaq Jesus doe: "Mangai qnhòng kô yóc ổng yóc mai, (aiñ g165) 35 mahaq bài mangai ma khoe troq ka jah kan rìh hlài qnhòng atìq, jò rìh hlài enh kan cachit, aih pì i yóc ổng yóc mai hò m. (aiñ g165) 36 Majah qmang aih wì haq pì cachit

hòm, wì haq tiah ka bình plinh, wì haq aih kon Boc Plinh, aih kon da kan rih hlài. 37 Mahaq da mangai cachit rih hlài aih Môise khoe am loq jò anoe hlài ùnh cheo ramù yila, jò haq doe Chuaq aih Boc Plinh da Apraham, Boc Plinh da Ysac, Boc Plinh da Jacôp. 38 Haq ùh xài Boc Plinh da mangai cachit, mahaq da mangai rih, majah qmang aih rìm ngai diq rih ka haq.” 39 I bài mangai hnài ranenh anoe ka haq: Mangai hnài, bàu ìh anoe diq jaq troq. 40 Wì pi hùà bòch tam haq mòeq bàu leq hòm. 41 Khoe aih Chuaq Jesus bòch wì haq: “Hagleq wì ma doe Christ aih kon bùa Đawit? 42 majah qmang aih cla Đawit raq khoe anoe ta hset calêu plinh rameh: Boc Plinh doe ka Chuaq au: Hangui enh apah qma ka au, 43 Trùh jò au rùp mangai tagit ka ìh broq radua roh jènh ìh. 44 Đawit khoe crêu ka haq aih Chuaq, atiq ka aih haq wìa kon Đawit qmang leq?” 45 Jò diq dồng ka wì ta aih qnang tamàng, Chuaq Jesus doe ka mangai tiaq hóc: 46 “Ngan oq! bài mangai hnài ranenh, aih bài mangai enh toq caxùnh eo yôh, ti lam dauq hawàt, enh wì kùh gàu ka rađeh taqne chòq, ta hnim tagop enh toq hangui nòe yi haqnheq, jò acaq yiniang enh toq hangui enh qnhèq; 47 waiq khàn broq deh waq ka yôh, mahaq lòngh apom hnim gucadri hadrô. Bài aih èh Boc plinh taqmòq kan baxa ka wì haq yeo bàc.”

21 Jò Chuaq Jesus haqmiang ngan, hnoq bài mangai padrông tah bác ta hnim kùh waiq, 2 èh hadai hnoq mòeq ngai gucadri hadrô tah baiq hliac bac. 3 Haq doe: “Jòq qnàng au doe ka pì, mangai hadrô pa qmat tah yeo bàc dồng ka wì qnoeq. 4 Majah qmang aih bài mangai padrông tau tah toq bác rah, yàng mangai hadrô qmat joq nan pa, mahaq khoe tah dồng deh bác òeq haq ban rađeh.” 5 I qnah ngai anoe trùh hnim kùh waiq, xam bài hmo lem xam bài dahwèq dèch ka Boc Plinh. Chuaq Jesus doe: 6 “Tàngêa kô èh, rìm yiniq pì ngan hnoq qmat èh taclih dồng diq pi oe i mòeq pliang hmo leq oe jah raxon crông hmo leq. 7 Wì hi bòch haq: Mangai hnài, bài yiniq aih jò leq men trùh? I cleq pateo ka am ka mangai loq bài yiniq aih khoe ten trùh? 8 Haq padreo bàu: “Pì ngan oq! apaq dōq wì padô qnùt pì, majah qmang aih i bàc ngai patiah yiniq au, trùh doe ka pì: Au kô raq Christ! Jò atiq lùch khoe ten trùh. Ùh dùh tiaq wì haq. 9 Jò pì tàng ràu trùh trong tajêh tablah, apaq yùq hrìn, majah qmang aih

bài yiniq aih ep trùh adroe, mahaq kan atiq lùch qnhòq trùh hloe draq drinh.” 10 Khoe aih haq anoe ka wì: “Gùng kô yòng tagit gùng tau. Diac kô tagit ka diac tau. 11 Èh i kan ralàng kàn, pangot hrah, xam bàc kan jìq dài, i bài kan ramòt halac kàn oe ta tróc. 12 Mahaq adroe ka bài yiniq aih trùh, taiq yiniq au kô èh wì phù crông majah ti canàt rùp baxa pì, aràng pì ta hnim tagop rai clêh pì, qnoh pì yòng enh ngèa ka bùa xam mangai broq craq cwan. 13 Aih òeq pì yòng anoe dōq wì loq ka au. 14 Qmang aih pì ep hmàng ta gàu, apaq lèt kô èh òeq anoe cleq hu aclai ka rađeh. 15 Majah qmang aih, i au am ka pì bàu capoch xam kan rabiaq òeq mangai git ka pì ùh hlàt tablêq, ùh i trong hu goh pì. 16 Kô èh, ra-ùng haq, miq baq, daq oh, hadròng, trùh hloe bùa cla pì hadai blòq pì, broq ka bàc ngai taqne pì ep cachit. 17 Taiq au kô èh rìm ngai majah git ka pì. 18 Mahaq mòeq hadrang xác tagàu pì dua ùh hnhung. 19 Yòng ma cajap haq oq, aih èh pì jah kan rih. 20 Jò pì hnoq bài linh canàt tap danh ka Jêrusalem, aih pì loq kan raliang da haq khoe ten trùh. 21 Jò aih cabô oe ta gùng Judê drah cadàu tóc tawang. Cabô oe ta plài drah ca dầu loh enh gùng. Cabô oe tagùng ùh dùh wih mùt taplài. 22 Majah qmang aih bòe aih jò òeq hu patem chau, dōq xit qmang ka rìm bàu khoe achih. 23 Bài hì aih èh, habo ka mangai cadrì oe jiang xam gucadri ta-ùq kon! I kan ranàc kàn, kan pandèh ka mangai gùng kô. 24 Wì haq cro enh qneq ka pla chang, èh wì rùp qnong wì haq lam broq díc ta diac qnoeq. Èh mangai diac qnoeq jòiq padit Jêrusalem, trùh jò da mangai diac qnoeq jah gêh. 25 Èh i kan halac ta mat mahi, mat khê xam bài halǒng, bài mangai ta taneh loh ka mangò yùq crê majah qmang aih diac raxiq loh atêh tagruàng tagrât. 26 Jò aih kon mangai hnoq trong dù trùh ta crông taneh, loh ka pi i qmòe mahua yiang, majah qmang aih bài cwiang ta tróc tì hadai ka dalàc. 27 Jò aih èh phù crông ma hi hnoq Kon Mangai yóc cwiang yóc kan ranhòm kàn hangui taqne yùc plinh hu trùh. 28 Jò bài yiniq kô bu trùh, drah yòng majang, gàu rai qngóc, hì baxon yóc ahlài pì trùh khoe ten 29 Haq aliah ka wì qmang kô: Pì ngan long póc xam bài long qnoeq; 30 jò haq plôh hamǒng, pì hnoq qmang aih, pì loq òeq khoe ten trùh jò padrang. 31 Hadai qmang aih, jò hnoq khoe loh bài yiniq kô, aih pì loq diac Boc Plinh khoe ten trùh. 32 Au anoe qnàng

ka pì, nang noe kô ùh lùch adroe ka bài yiniq aih trùh. **33** Plinh crông taneh kô èh hnhung, mahaq bàu au anoe kô èh ùh jò leq hnhung. **34** Qmang aih ep wèq rađeh, yùq èh trong acaq ôq, trong bù bia xam kan loq lèt taqnhòng kô broq ka manoh pì loh ka pi hmàng, èh hì aih trùh tapì tiah taiq ka jeo gùp; **35** majah qmang aih, hì aih hadai trùh ka rìm ngai oe ta crông taneh. **36** Qmang aih pì ep hamang rai waiq khàn yôt, dōq pì jah puplech ka bài kan ranàc aih, hu jah yòng enh ngèa Kon mangai.” **37** Rìm hì haq hnài ta hnim kùh waiq, rìm mang haq tōc ta wang Oliu kùl padài ta aih. **38** Èh bu qngah bài mangai bàc khoe trùh ta hnim kùh waiq hu tamàng bàu haq.

22 Hì Ramènh Bènh ùh tah blo, aih la hì ramènh Pancwa. **2** Bài pajàu kàn xam bài mangai hnài ranenh chaq trong hu jêh cadac Chuaq Jesus, majah qmang aih wì ùh hùà ka mangai bàc ta aih. **3** Kiac Satan khoe mùt enh dalam ka Judà, ma creò Icarì-ôt, haq hadai mangai oe ta Mòeq jàt baiq ngai, **4** haq lam chaq bài mangai pajàu kàn xam bài craq lình ma wèq hnim kùh waiq, haq ta hatình ti wì hu chaq trong leq òeq rùp Chuaq Jesus am ka wì. **5** Wì aih manè pì cajaq, òq ka wì wiang òq bàu am ka haq bàc. **6** Haq khoe mòeq manoh ka wì, chaq jò hatroq hu rùp Chuaq Jesus am ka wì, mahaq ùh dōq mangai bàc loq. **7** Trùh hì Ramènh acaq bēnh ùh tah blo, hì aih ep jêh kon trùh broq tadreo hì ramènh Pancwa, **8** Chuaq Jesus thē xam Phiero xam Jon lam rai tanap: “Lam padon ka bèn acaq ramènh Pancwa.” **9** Wa aih doe: ìh enh nhèn padon ramènh aih taleq? **10** Haq padreo bàu: “Jò chōp mùt taplài, hnoq mòeq ngai wē abōq diac, chōp drah tiaq haq aih mùt ta hnim, **11** chōp doe ka craq hnim aih, Mangai hnài nhèn doe ka ìh: Aniang kàn nòe au acaq ramènh pajùm deh ti mangai tiaq hōc oe taleq? **12** Craq hnim aih hì patō am ka chōp mòeq adùq kàn oe enh qnhèq, ta aih rìm yiniq khoe palauq qmòe, pì padon ta aih”. **13** Wa aih hì lam, joq qnàng wa glàm tiah ka bàu Chuaq Jesus khoe doe, wa hì padon ramènh Pancwa ta aih. **14** Trùh jò, Chuaq Jesus xam bài mangai tiaq cla hangui acaq ti haq. **15** Haq doe: “Au òq jaq enh acaq ramènh Pancwa kô ti pì adroe ka au chiuiq xalep. **16** Majah qmang aih, au pì acaq ramènh kô hòm trùh hì ramènh aih jah gēh ta diac Boc Plinh”. **17** Khoe aih haq dēch

doe chrōng, manè apōi, hì khoe haq doe: “Yōc chrōng kô pì qnēp ka dabau. **18** Majah qmang aih au doe ka pì, pang kô ta èh au pì òq diac plì nho kô hòm trùh jò leq diac Boc Plinh jah trùh”. **19** Khoe aih, haq yōc bēnh, manè apōi, khoe èh goh bēnh axong am ka mangai tiaq hōc, rai doe: “Kô chac au, khoe am ka pì, pì broq qmang kô hu hmàng trùh au.” **20** Acaq hì khoe, hanoh qmang aih, haq yōc chrōng qnēp ka mangai tiaq hōc rai doe: “Doe chrōng kô aih tajao maneo oe ta mahim au, mahim khoe ta ùc qnoh am ka pì... **21** Mahaq tì kōng da mangai ma padon blōq au hadai oe ta cabōng kô ti ti au. **22** Kon Mangai kô èh lam, tiah ka bàu khoe thē. Mahaq hābo ka mangai ma blōq haq.” **23** Mangai tiaq hōc bōch dabau, taqne wì haq mangai leq ma broq trong aih. Mangai tiaq hōc tarahen **24** Mangai tiaq hōc tarahen ti dabau, òeq hu ngan mangai leq ta wì haq èh majah broq yeo kàn dōng. **25** Chuaq Jesus doe ka wì: “Bài bùa diac wì yōc deh cwiang enh cla òeq hu hmet mangai qnoeq, bài mangai broq gàu yōc cwiang padit mangai qnoeq, mahaq creò ka rađeh aih mangai broq lem. **26** Mahaq pì ùh dùh qmang aih, taqne pì mangai leq ma yeo kàn ep tiah qmang ka mangai yeo qyoh, mangai leq broq gàu ep broq tiah ka mangai patih. **27** Majah qmang aih moeq ngai haqngui acaq xam moeq ngai yòng patih mangai maleq ma yeo kàn? Axài mangai haqngui acaq loq ùh? Mahaq oe taqne pì au tiah ka mangai patih. **28** Pì bài mangai ma khoe cajap manoh yòng ti au jò wì tah hadrah ka au, **29** aih èh au am ka pì diac au, tiah ka Baq au ma khoe am ka au, **30** dōq pì jah acaq ôq pajùm ti au ta diac au, jah hangui ta gèq hu hadrah mòeq jàt baiq xinoe Isorali. **31** Simôn, Simôn! Kiac Satan khoe bàc yàng bōch ùm ìh tiah ka ùm qmau. **32** Mahaq au khoe waiq khàn ka ìh, dōq manoh lùl ìh ùh hiaq capòch. Qmang aih, jò ìh khoe hwi hlài, drah broq ka cajap manoh oh daq”. **33** Phiero doe: Chuaq au! yac ka wì rùp clēh au, yac ka au cachit, dua au tiaq ìh. **34** Chuaq Jesus padreo bàu: “Phiero, au doe ka ìh, hì kô èh, adroe ka ia rōng ìh khoe piq yàng hangah òh ùh qnì ka au.” **35** Khoe aih Chuaq Jesus bōch wì haq: “Jò au thē pì lam ùh wē bàc, bàu, ùh i qmòe ka jep, pì ahiaq thiuiq cleq ùh?” Wì padreo bàu: ùh hiaq! **36** Haq doe ka wì: “Mahaq manòeq kô, tàng pì i bàc, wē beq, maleq i bau, hadai qmang aih. Maleq ùh i ka chang, lam tech eo yōh qmat

đoeq hu rot. 37 Majah qmang aih, kô au anoe ka pì loq, i bàu khoe achiñ rameh: wì alùh haq pajum ti bài mangai dù. Bàu aih ep xit trùh ka au. Joq qmang aih, rìm yiniq khoe patô trùh au qnang jah xit.” 38 Mangai tiaq hóc doe: ìh ngan kô, nhèn i baiq pla chang. Haq doe: “Toq aih khoe qnang lem.” 39 Khoe aih, Chuaq Jesus tóc ta wang Ôliu, qmang ka haq ma loq lam deh yôt, bài mangai tiaq hóc lam tiaq deh haq. 40 Jò khoe trùh nòe, haq doe ka mangai tiaq hóc: “Waiq khàn beq, dōq pì ùh hìaq tacliñ ta kan padô qnùt. 41 Khoe aih haq lam yeo hangai bu mōeq atēm hmo, rai hacùn cràng rai waiq khàn 42 rameh: “Waiq Baq! Tàng joq lem manoh ìh, dèch chrōng kô khoe ka tì au. Hnoq doe qmang aih apaq dī manoh au mahaq tiaq manoh ìh.” 43 I mōeq bình plinh loh enh plinh trùh jang haq, tam padren ka haq. 44 Jò dīq jaq mangò aih, haq waiq khàn yeo cīaq hòm, pa-ùh haq loh tiah qmòe ka mahim, catōh ta taneh. 45 Hēq ka waiq khàn haq wìh hìai ajang nòe bài mangai tiaq hóc hnoq wì kùì pì hmàng ta kan mangò. 46 Haq bòch wì: “Hagleq pì majah kùì? Drah yòng beq hu waiq khàn dōq pì ùh hìaq clih ta kan padô qnùt.” 47 Jò haq oe raq anoe, mōeq calùh mangai trùh, Judà haq hadai oe ta mōeq jàt baiq ngai, lam qmòe adroe hu qnong wì. Judà trùh ka haten hìp Chuaq Jesus. 48 Mahaq Chuaq Jesus bòch haq: “Judà, ìh blòq cadac Kon mangai xi mōeq qmang hìp kô raq qmòh?” 49 Jò mangai tiaq Chuaq Jesus hnoq khoe padon loh yiniq, wì bòch: Nhèn yóc chang nhèn jēh khòh ùh? 50 I mōeq ngai ta bōe mangai tiaq hóc jēh mangai hapōng pajàu haqnēq, pot catech da haq aih don pah qma. 51 Mahaq Chuaq Jesus doe: “Hēq pì dūh broq qmang kô.” Èh Haq yóc tì bèq don mangai aih rai broq brēh. 52 Khoe aih Chuaq Jesus tapoch ka bài pajàu kàn, bài cwan wèq hnīm tagop xam bài gucra q ma lam rùp haq “Pì wē chang, wē long lam rùp au tiah ka lam rùp mangai atùng. 53 Rìm hì au oe tì pì tanòe hnīm kùh waiq, pì ùh rùp au. Mahaq mandeq kô jò da pì, jò da diac clam cluiq”. 54 Khoe aih wì hì rùp Chuaq Jesus, qnong haq trùh hnīm mangai pajàu haq nhēq, Phiero ti taqyoe enh hangai. 55 Jò aih i qnah ngai patep ùnh qne hamlamg, wì hangui qnhia ùnh ti dabau, Phiero hadai hangui ti wì aih. 56 I mōeq ngai hapōng cadrì hnoq Phiero hangui qnhia ùnh, haq chrìh ngan ka haten rai doe: Mangai kô hadai mōeq bua ti haq tau. 57 Mahaq Phiero

hangah: Mangai cadrì meh, au ma i loq ka haq aih. 58 Atiq ka aih mōeq ahyàc, i mangai qnoeq hnoq Phiero, haq doe: ìh hadai taqmùt ti haq tau. Phiero doe: Cleq kô! Au ùh i taqmùt ti wì aih. 59 Jah mōeq jò atiq ka aih, i mangai qnoeq hòm doe: Cleq kô, hì loq ka mangai taqmùt ti haq tau, majah qmang aih ìh kô mangai Galili. 60 Phiero padreo bàu: Mangai kô! Au ùh qnì tàng ìh doe cleq. Jò Phiero qnang anoe, ia rōng hloe jò aih raq. 61 Chuaq Jesus hwi enh rù rai ngan tajang ka Phiero. Aih Phiero ma hì hmàng hlài bàu haq ma khoe doe ka rađeh: “Hì kô èh, adroe ka ia rōng, ìh khoe piq yàng hangah ðeh ùh loq ka au.” 62 Haq hì loh enh gùng rai hmoe ua ac. 63 Bài mangai ti rap ngan Chuaq Jesus halê rai jēh haq; 64 wì bàng mat haq raih bòch: Tapoch pajàu beq! cabô jēh ìh! 65 Wì hnáp ka haq bàc trong qnoeq hòm. 66 Qngah sroq eh, bài gucra q gùng aih xam bōe mangai pajàu kàn hloe xam bài mangai hnài ranenh, wì tagop ti dabau, thē qnoh Chuaq Jesus loh enh ngēa wì haq. 67 Wì doe: Tàng joq ìh qmat Christ, ìh drah anoe ka nhèn beq! Haq padreo bàu: “Yac ka au doe cleq, dua pì ùh lùì, 68 tàng joq au bòch pì, aih dua pì ùh tēu bàu. 69 Mahaq pang kô ta èh, Kon mangai hì hangui pah qma cwiàng itai Boc Plinh”. 70 Rìm ngai wiàng bòch: Tàng qmang aih ìh qmat ma kon Boc Plinh qmòh? Haq padreo bàu: “Pì raq khoe doe au kon haq” 71 Khoe aih wì doe: Bèn ep gòm cabô anoe cleq ka bèn hòm? Bèn khoe tàng qmòe bàu enh cla haq qmat raq.

23 Khoe aih dīq dōng mangai wiàng tah hadrah padinh yòng aràng haq trùh enh ngēa Philat. 2 Wì tapoch bàu hu taqmòq yiniq lui ka haq: Nhèn khoe hnoq mangai kô patùt mangai bèn broq ùh troq, ùh lòh am thēq ka Sēsa, haq doe rađeh kô Mēsia, aih la bùa. 3 Philat àu bòch haq: ìh kô ajoq bùa mangai Judà? Chuaq Jesus padreo bàu: “Jò qmang ka bàu ìh khoe doe”. 4 Philat doe ka bài pajàu kàn xam dīq ka mangai ta aih: Au ùh i hnoq qmòe mangai kô i yiniq lui cleq. 5 Mahaq dua wì àu waq ka jah: Haq kô baxrùq dīq ka mangai ta gùng Judà xi bàu haq hnài. Haq baxēm qmòe enh gùng Galili trùh hloe ta kô. 6 Tàng bàu aih, Philat bòch: mangai kô ajoq mangai Galili? 7 Jò Philat khoe loq Chuaq Jesus oe tanòe cwiàng bùa Hērot, hì aràng haq trùh ta bùa Hērot, jò aih bùa Hērot hadai oe ta Jérusalem. 8 Jò Hērot

hnoq Chuaq Jesus, haq manè pi cajaq, majah qmang aih haq ngèh ka jah hnoq Chuq Jesus khoe dùnh. Haq khoe tàng wì anoe trùh Chuaq Jesus, haq enh hnoq kan halac. **9** Hêrot bòch bàc trong, mahaq Chuaq Jesus ùh tèu. **10** Bài pajàu kàn xam mangai hnài ranenh yòng ta aih, chaq trong taqmòq yiniq lui ka haq nhang haraya. **11** Jò aih Hêrot xam bài linh haq, ngan Chuaq Jesus ùh loh cleq, toq ti halê haq, caxùnh ka haq eo yôh lem khoe hi padreo ahlài da Philat. **12** Nèh haq, wa Philat wa Hêrot tagit ka dabau, mahaq pang hi aih wa hi loh ka hatroq. **13** Philat creo ka bài pajàu kàn xam bài cwan hadrah xam diq ka mangai ta aih oe mòeq nòe, **14** haq doe ka wì: Pì aràng ka au mangai kô pì doe haq baxrùq wì hu yòng tablêq ka Sêsa; enh ngèa ka pì au khoe ti bòch haq, au ùh hnoq haq i yiniq lui cleq tìah bàu pì ma anoe; **15** yac ka bùa Hêrot hadai, majah qmang aih, hacô haq khoe padreo ahlài mangai kô ka bèn, pì hanoh hnoq. Mangai kô ùh i yiniq lui cleq ma troq ka cachit, **16** qmang aih au thê wì blai haq khoe èh hi caqnaih haq **18** Diq ka wì wiang cachech: Jêh cadac mangai kô, caqnaih da nhèn Baraba! **19** (Baraba aih mangai pagàu yòng tablêq ka Sêsa, haq i jêh đac mangai.) **20** Philat enh caqnaih Chuaq Jesus, haq majah bòch hòm wì. **21** Mahaq kiang wì cachech cadêh: Tiang đình haq talong pagat beq! Tiang đình haq talong pagat beq! **22** Philat doe hòm yàng piq: Mahaq mangai kô khoe broq cleq ma dù? Au ùh i hnoq haq i qmòe yiniq lui cleq ma troq ka cachit. Qmang aih au blai haq khoe èh caqnaih haq. **23** Mahaq dua wì àu cachech cadêh: Ep tiang đình haq talong pagat; bàu cachech wì haq jah blêq. **24** Philat hi thê broq tiaq qmang ka bàu wì bòch. **25** Philat caqnaih mangai haq ma khoe clêh, aih mangai jêh đac mangai rai baxrùq wì yòng tablêq ka Sêsa, tiaq bàu wì bòch, khoe aih am Chuaq Jesus ka wì haq tiaq manoh wì ma enh. **26** Jò bài linh qnong Chuaq Jesus lam, hnoq mòeq ngai gùng Siren, yiniq haq Simôn hlài enh ruàng. Wì rùp haq aih thê xùl long pagat lam atiq ka Chuaq Jesus. **27** Raya mangai lam tiaq Chuaq Jesus, i qnah ngai gucadri rai tùc dèh nòeh rai crò hmoe ka haq. **28** Chuaq Jesus hwi ngan rai doe ka wì haq: “Yôiq bài kon gucadri Jérusalem, ùh dùh hmoe dèh ka au, hmoe ka cla pì xam bài kon pì. **29** Majah qmang aih ta ngèa kô èh jò pì ma hi doe: Xôq ramot ka gucadri xon, xôq ramot ka cliac ma ùh lah hauang xam tôh ma ùh

lah ta-ùq! **30** Jò aih èh wì doe ka bui wang: Ta-ùc enh qnhêq ka nhèn kô beq! doe ka go: Gùp enh qnhêq ka nhèn beq! **31** Tàng joq wì broq bài yiniq aih ka long rih, long croh èh qmang leq?” **32** Wì hadai qnong baiq ngai qnoeq hòm, wa aih mangai atùng, ðòeq hujêh pajùm ti haq. **33** Jò wì khoe trùh tanòe wì ma creo go Cadôh, ta aih wì tiang đình haq talong pagat ti wa mangai atùng – mòeq ngai apah qma, mòeq ngai apah qngeo. **34** Mahaq Chuaq Jesus waiq khàn: “Waiq Baq! Ìh caqnaih da wì yiniq lui, majah qmang aih wì ùh qnì raðeh broq cleq.” Khoe èh, wì pàih panàih hu ngan maleq majah eo haq. **35** Wì mangai bàc yòng haqmiang ngan ta aih. Wì mangai ma i cwiang do halê haq. Wì doe: Haq khoe dèch mangai qnoeq, tàng joq haq qmat Mêsia Boc Plinh ma khoe ràih, dôq cla haq doeh raðeh beq! **36** Bài linh hadai racaih blìa ka haq, lam haten ka haq yôc diac panhòq am haq ôq, **37** rai doe rameh: Tàng ìh joq bùa Juda, doeh raðeh beq! **38** Enh qnhêq ka gàu haq wì achih: Mangai kô bùa Juda. **39** Mòeq ngai atùng wì ma tiang đình hadai hnap ka haq: Ìh qmat ùh xài Christ qmòh? Dèch raðeh beq khoe aih dèch nhèn diq! **40** Mahaq mangai matau lech ka mangai aih, haq doe: Ìh hadai khoe qmang qmat, gleq ma ùh crê ka Boc Plinh **41** Da ba kô, khoe troq tiaq kan taq atoq, kan baxa ba ùh i qngwan ka trong dù ba broq, mahaq mangai kô haq ùh lah broq qmòe yiniq cleq ma qmêq. **42** Khoe èh, haq doe: Chuaq Jesus! jò ìh hlài dèh diac Plinh, hmàng trùh au diq. **43** Chuaq Jesus doe ka haq: “Jòq qnàng au doe ka ìh, hi kô raq ìh jah oe ta au ta Paradi.” **44** Jò aih wop qne hi, diq ta gùng aih loh dõng ka clam trùh hloe piq jò dixêq. **45** Mat mahi loh ka clam cluiq, èh bai prinh ta hnim kùh waiq loh ka dahit broq baiq apah. **46** Chuaq Jesus creo cadêh: “Baq! au qnèp deh mahua yang ta ti kông ìh.” Atiq ka bàu aih, haq hi pat hi hèm. **47** Cla craq bài linh hnoq qmang aih, haq dèch bàu manè apôi Boc Plinh, haq doe: Kô joq mangai taq atoq joq qnàng! **48** Diq dõng bài mangai lam ngan, wì hnoq qmang aih wì rai hlài rai tùc deh rada. **49** Mahaq bài mangai canau ka Chuaq Jesus xam bài mangai gucadri ma khoe tiaq haq enh gùng Galili, diq yòng enh hangai hu haqmiang ngan. **50** I mòeq ngai yiniq haq Jôsep, hadai broq cwan hadrah, haq aih mangai taq atoq. **51** haq ùh mòeq manoh èh haq ùh wiang jò wì ma hadrah Chuaq Jesus. Haq oe ta Ari-mathê, gùng Judê, toq tangèh ka

diac Boc Plinh. **52** Haq lam ta Philat bòch yõc hanang Chuaq Jesus. **53** Jò khoe qnoh hanang Chuaq Jesus enh long pagat, haq yõc bai lòm hanang, taqngui hanang ta trom ralùng wì khoe pùng ðõe tanòe hmo kàn. Ralùng aih qnhòq lah tah cabô. **54** Hì aih hì padon, èh hì sabat khoe ten trùh. **55** Bài mangai gucadri khoe lam ti Chuaq Jesus enh gùng Galili, tiaq Jôsep hu ngan ralùng rai ngan wì ta qngui hanang Chuaq Jesus qmang leq. **56** Wì haq wìh hlài ta hnim, padon diac jreo xam dầu xua thùm. Mahaq hì sabat, tiaq deh ranenh wì haq padài.

24 Hì baxèm tuàng lè, buqngah bài mangai gucadri wê diac jreo xam dầu xua thùm wì haq ma khoe palauq aràng trùh ta ralùng. **2** Wì haq hnoq hmo padit qngah ralùng khoe cadro taqnoeq; **3** mahaq, mùt enh dalam ùh hnoq hanang Chuaq Jesus. **4** Wop jò wì haq qnang hamàih trong kô, i baiq ngai calô caxùnh eo tìah ka camlet, loh yòng enh ngèa wa haq. **5** Wa haq qnang crè ðìq jaq, toq kùp hadrò ta haqneq, wa aih doe: Hagleq pì majah chaq mangai rìh tanòe mangai cachit? **6** Haq pi oe tacô, haq khoe rìh hlài. Hmàng hlài beq, jò oe ta Galili haq doe ka pì qmang leq? **7** Haq khoe doe: “Kon mangai mùt ta tì kóng mangai yiniq lui, wì tiang ðình haq talong pagat, hì piq haq hì rìh hlài.” **8** Aih wì men hmàng hlài bàu Chuaq Jesus ma khoe anoe. **9** Jò wì haq wìh hlài enh ralùng hanang, wì haq anoe hlài yiniq kô ka mòeq jàt mòeq ngai tiaq cla, xam ðìq ka wì qnoeq. **10** Bài gucadri aih: Mari-mađolen, Jano, Mari miq da Jaco xam bài gucadri qnoeq, ma hadai i lam, wì aih anoe hlài yiniq kô am ka bài mangai tiaq cla Chuaq Jesus. **11** Mahaq wì ùh lùlì bàu bài mangai gucadri aih anoe, majah qmang aih bàu wì haq tìah taiq ka bàu tapoch hwang. **12** Hnoq doe qmang aih, Phiero yòng cadàu tùh loh ta ralùng, haq kùp chri ngan, hnoq toq bai lom hanang oe jang aih, khoe aih haq hì hlài rai hamàih ta manoh ka biac aih. **13** Hì aih raq, i baiq ngai hadai tiaq hõc, qnang ti trong trùh ta plài Em-mau, enh aih trùh ta Jêrusalem tadràu jàt Êtado; **14** wa hatuàng ka dabau bài yiniq neo loh khoe toq leq hì kô. **15** Jò wì haq qnang ta anoe rai hatình ka dabau, cla Chuaq Jesus trùh rai lam ti wa. **16** Mahaq mat wa haq ùh canau ka Chuaq. **17** Haq bòch wa aih: “Jò chòp lam ti trong iq, chòp qnang ta anoe ka dabau cleq?” Wa aih hi yòng, hadrò wa mangò ðìq

jaq. **18** Ta wa aih i mòeq ngai yiniq haq Clê-oba, bòch haq: Ahiaq toq ìh kô raq qmòh, mangai enh gùng hangai trùh ta Jêrusalem ma ùh dùh ka loq yiniq neo loh ta aih bu baiq piq hì kô? **19** Haq bòch wa: “yiniq cleq aih?” Wa aih doe: Aih Chuaq Jesus, mangai gùng Naxaret, haq aih mangai pajàu itai enh yiniq broq trùh bàu capoch, enh ngèa Boc Plinh xam enh ngèa kon mangai; **20** ùh qnì hagleq bài pajàu kàn xam bài cwan hadrah majah rùp haq am ka wì jêh ðac, èh tiang ðình haq talong pagat. **21** Nhèn nghè haq aih èh raq mahu dèch mangai Isorali, nhèn oe nghè ùh hnau ka aih hòm, yiniq kô loh khoe piq hì kô. **22** Taqne nhèn, i bài mangai gucadri broq ka nhèn hamàih, sroeh sroq kô wì haq lam ta ralùng, **23** mahaq chaq ùh hnoq hanang haq. Wì aih hlài doe ka nhèn i bìnìh plình loh doe haq khoe rìh hlài. **24** Khoe aih i bua nhèn lam trùh ta ralùng hnoq rìm yiniq tìah ka bàu bài gucadri khoe anoe, cla haq aih ùh hnoq. **25** Chuaq Jesus doe ka wa haq: “Chòp kô joq ùh qnì, hagleq majah adia ka lùlì ðìq ka bàu wì pajàu ma khoe anoe! **26** Ùh joq Mangai Mêsia ep xalep qmang aih, khoe aih men jah deh kan ranhòm qmòh?” **27** Khoe aih, haq yõc qmòe enh Môise trùh ðìq ðõng bài pajàu hu anoe ðõq wa loq ðìq ðõng bàu ta hset hadròeh, aih ðìq anoe trùh haq. **28** Jò ten trùh ta plài wì haq ma ta-en lam, Chuaq Jesus tìah gleq enh lam tam yeo hangai. **29** Mahaq wa aih àu padràng haq, wa aih doe: ìh oe tacô ti ma, majah qmang aih trõc khoe ten clam. Qmang aih, haq hi oe ti wa. **30** Jò haq hangui acaq ti wa, haq yõc bènìh, manè apôi, khoe èh goh axong ka wa. **31** Wa hi tapèch mat, canau ka haq, yàng aih haq khoe hnhung hnhaiq. **32** Wa doe ka dabau: ìq haq jò oe ti trong, haq capoch tuàng ti ba rai anoe bahloh hset Hadròeh, ma ùh joq manoh ba tõi tìah qmòe ka ùnh qmòh? **33** Jò aih raq, wa drah yòng, wìh hlài ta Jêrusalem, glàm mòeq jàt mòeq ngai tiaq cla xam bài mangai tiaq hõc maqnoeq qnang tagop ti dabau, **34** wa doe: Hi loq! Chuaq Jesus khoe rìh hlài, haq khoe mahno raðeh ka Simôn. **35** Khoe aih wa hi anoe yiniq wa khoe hnoq ti trong, qmang leq wa ma khoe canau ka Chuaq Jesus jò haq goh bènìh. **36** Mangai tiaq hõc qnang anoe ti dabau, cla Chuaq Jesus loh taqne wì haq rai doe: “Catèm am ka pì.” **37** Bài mangai tiaq hõc haglènìh, tarit tariang, majah qmang aih wì haq xoh ðeh hnoq kiac chõc. **38** Haq doe: “Gleq pì majah yùq, gleq

pì majah ùh lùì qmang qmat? **39** Ngan jènh tì au, joq au raq. Pì bèq au beq, ngan beq, kiac chóc ùh i ka xech akia, ùh i ka caxènh, mahaq au i.” **40** Jò haq anoe qmang aih, haq patô dèh xam tì xam jènh ka wì aih hnoq. **41** Mahaq bài mangai tiaq hóc lem bùì hrìn, wì loh ka hamàih qnhòq dai lùì, haq hi doe ka wì: “Tacô pì i cleq acaq ùh?” **42** Mangai tiaq hóc qnèp ka haq haqnech ka bùì. **43** Haq hi yóc acaq enh ngèa ka wì. **44** Khoe aih, haq doe: “Kô raq yiniq au khoe anoe ka pì loq jò au ma oe ti pì: Rìm yiniq ta ranenh Môise, xam bài pajàu xam hset calêu plính khoe achih trùh au ep waq ka gèh”. **45** Khoe aih, haq pèh gàu ngoc wì, aih wì ma hi loq ka bàu Hset hadròdeh. **46** Haq doe ka wì: “I bàu achih: Mangai Mêsia ep xalep qmang aih, trùh hì piq haq hi rìh hlài enh kan cachit, **47** aih èh wì hi yóc Yiniq Haq hu lam anoe ka rìm ngai, rìm diac dòq wì loq raxach ðòeq hujah caqnaih yiniq lui, patep enh Jêrusalem. **48** Pì lam anoe hlài yiniq aih, kô èh Au am ka pì yiniq Baq au ma khoe tèu, **49** mahaq pì ep oe gòm ta Jêrusalem trùh jò pì jah caxùnh cwiang itai loh enh qnhèq.” **50** Khoe aih haq qnong bài mangai tiaq hóc trùh nòe haten ka plài Bêthani, haq dèch tì am xôq ramot ka wì. **51** Qnang jò am xôq ramot, haq hi talah ka wì rai jah dèch tót ta plính. **52** Mangai tiaq hóc kùh waiq haq, khoe aih wì wìh hlài ta Jêrusalem rai lem bùì ðiq jaq. **53** Mangai tiaq hóc oe yôt ta hnim kùh waiq, manè apôi Boc Plính.

JON

1 Baxèm i Bàu, Bàu aih oe ti Boc Plinh, èh Bàu aih raq Boc plinh. **2** Haq oe ti Boc Plinh enh jò baxèm. **3** Rìm yiniq khoe jah broq loh enh haq, ùh i yiniq cleq ma i deh enh gùng ka haq. **4** Ta haq i kan rih, èh kan rih aih raq kan qngah am ka kon mangai. **5** Kan qngah sreo ta clam mahaq kan clam ùh waq kan qngah. **6** I moeq ngai Boc Plinh the haq trùh, yiniq haq Jon. **7** Haq trùh hu anoe panhin ka kan qngah aih, dôq mangai lùì deh hra. **8** Cla haq aih ùh xài kan qngah, mahaq anoe am ka kan qngah. **9** Kan qngah kô, aih raq joq kan qngah joq qnàng, jò haq trùh crông taneh kô sreo qngah ka rìm ngai. **10** Bàu aih oe crông taneh kô, crông taneh kô loh enh haq, crông taneh kô ùh canau ka haq. **11** Haq khoe trùh ta gùng cla, mahaq wì ta aih ùh waq ka haq. **12** Mahaq waq toq cabô hi lùì haq, aih haq hi am ka mangai aih cwiang òdeq hu wìa kon Boc Plinh. **13** aih bài mangai ùh xài loh enh mahim jan, ùh xài loh enh ông mai, enh manoh mangai, mahaq loh enh Boc Plinh. **14** Bàu khoe wìh wìa xech akia, oe ta qne bèn, bình halùih kan tabàih xam trong joq qnàng, bèn khoe haqmiang hnoq kan ranhòm haq, joq kan ranhòm da Kon mòeq loh enh Baq. **15** Jò anoe trùh Haq, Jon dèh bàu doe: Kô raq Mangai au khoe ràu trùh jò au doe: Haq mangai trùh atiq ka au, mahaq ùh hnau ka au, majah qmang aih haq i adroe ka au. **16** Aih iq, jao kan bình halùih ta haq bèn majah kan tabàih yeo bəc hòm. **17** Majah qmang aih, ranenh khoe paqnoh enh Môise, yàng kan tabàih xam trong joq qnàng aih trùh enh Jesus Christ. **18** Qnhòq i cabô hmaq hnoq Boc Plinh, enh gùng ka Kon mòeq oe ta manoh Baq, Haq aih raq Mangai mahnu Baq am ka bèn. **19** Kô bàu Jon paqnoh, jò mangai Juda the bài mangai pajàu, bài mangai Lêwì enh Jêrusalem trùh bəc haq: Ìh kô iq cabô? **20** Haq tapoch hloh ùh hangah moeq nà cleq, doe rađeh ùh xài Christ. **21** Wì bəc hòm: qmang aih ìh qmat kabô? Ìh qmat Êli ùh xài? Haq padreo bàu: Ùh xài! Ìh qmat pajàu ùh xài? Haq padreo bàu: Ùh xài. **22** Wì hi bəc: Qmang aih ìh kô iq cabô? Dôq nhèn loq òdeq nhèn hu anoe hlài ka mangai ma the nhèn lam. Ìh doe rađeh cabô? **23** Haq padreo bàu: Au kô bàu mangai creo ta gùng hawit: “Pajang trong ka Chuaq.” **24** Bài mangai wì ma the trùh ta Jon,

aih òiq mangai Pharisi. **25** Wì bəc clò hòm: Tàng joq ìh ùh xài Christ, ùh xài Êli, ùh xài pajàu, òq hagleg ìh ma jah broq baptem ka wì? **26** Jon doe: Au broq baptem xi diac, mahaq i moeq ngai oe ta qne pì mahaq pì ùh canau. **27** Aih raq Mangai trùh atiq ka au, au qnhòq tajì ka jah broq mangai kùp doe h caxi jep haq. **28** Bài yiniq kô òiq loh ta gùng Bêthani, apah tau crông diac Jôđan, nòe Jon broq baptem. **29** Trùh hi atiq, Jon hnoq Chuaq Jesus trùh ti rađeh, haq doe: Hatau, Kon trùu da Boc Plinh, Mangai ma hu dèch òng yiniq lui ta crông taneh! **30** Haq qmat raq mangai au ma khoe doe i Mangai trùh atiq ka au, mahaq yiloe ka au, majah qmang aih haq i adroe ka au. **31** Cla au ùh qnì ka Haq, mahaq au khoe trùh broq baptem xam diac dôq Haq jah mahnu qnoh ka mangai Isorali. **32** Jon anoe am hòm: Au khoe hnoq Yiang Hadròeh enh plinh tìah ka trù loh jràp Haq. **33** Au joq ùh qnì ka Haq, mahaq Yiang ma the au broq baptem xi diac i doe ka au rameh: Mangai ìh ma hnoq Yiang Hadròeh loh jràp oe ti haq, aih raq Mangai broq baptem xi Yiang Hadròeh. **34** Au khoe hnoq, au majah doe: Haq aih raq kon Boc Plinh. **35** Hi da èh rameh, Jon oe ta aih ti baiq ngai tiaq həc haq. **36** Hnoq Chuaq Jesus pagat trong aih, haq doe: Hatau, Kon trùu Boc Plinh. **37** Baiq ngai tiaq həc tàng bàu aih, wa hi lam tiaq Chuaq Jesus. **38** Chuaq Jesus wìh ngan, hnoq wa aih lam tiaq òdeh, haq bəc: “Chòp chaq cleq?” Wa aih padreo bàu: Rabi (aih mangai hnài). Ìh oe ta leq? **39** Chuaq Jesus têu wa: “Lam ngan beq!” Wa aih hi lam, hnoq nòe Chuaq Jesus oe, wa haq hi oe ti haq, jò aih qnah ta pôn jò di xèq. **40** Wa baiq ngai ma tàng bàu Jon doe, èh lam tiaq hloe haq, aih moeq ngai yiniq haq Anrê, oh Simôn Phiero. **41** Angoe aih, haq lam chaq deh òiq haq aih Simôn, haq hi anoe: Nhèn khoe glàm Mêsi (Mêsi aih Christ). **42** Haq hi qnung Simôn trùh ti Chuaq Jesus. Bu hnoq Simôn, Chuaq Jesus doe: “Ìh kô Simôn kon Jôna, pang kô èh jah creo ka ìh Sêpha” (aih Phiero). **43** Trùh hi atiq hòm, Chuaq Jesus təc ta gùng Galili, chaq Philip, haq creo: “Drah tiaq au.” **44** Philip aih oe gùng Bêtsai-đa, moeq gùng ka wa Anrê wa Phiero. **45** Philip chaq Nathanaên, haq doe: Nhèn khoe hnoq Mangai Môise ma achìh ta hset ranenh nèn, bài pajàu hanoh ràu trùh, aih Chuaq Jesus mangai ta Naxaret, kon da Jôsep. **46** Nathanaên bəc: A lah i cleq ma wìa loh enh gùng Naxaret ùh? Philip doe:

Trùh ngan beq. 47 Jò Chuaq Jesus hnoq Natha-naên trùh ti dàdeh, haq doe: “Kô, majoq mangai Isorali joq qnàng, enh dalam ka haq ùh i qmòe mòeq yiniq cleq jùh jùn”. 48 Natha-naên bòch: Enh leq ìh ma jah loq ka au? Chuaq Jesus padreo bàu: “Adroe ka Philip creo ka ìh, au khoe hnoq ìh jò ìh oe anòe xem long pòc. 49 Natha-naên hi doe: Rabi! ìh kô joq kon calò Boc Plinh! 50 Chuaq Jesus doe: “Au khoe doe au hnoq ìh oe anòe xem long pòc ìh majah lùì, kô èh ìh jah hnoq trong ùh hnau ka aih. 51 Haq anoe hòh: “Jòq qnàng, au anoe diq ka pì, kô èh pì jah hnoq plinh tapèch, xam bài bình plinh Boc Plinh tọc loh ajang Kon mangai.

2 Pìq hì atìq ka aih, i wì acaq yiniang ta Cana, trong gùng Galili, miq da Chuaq Jesus i mat ta aih. 2 Chuaq Jesus xam mangai tiaq hóc hanoh jah akhen. 3 Jò wì bu diq ka alac, miq Chuaq Jesus doe ka haq: Wì pì i ka alac! 4 Chuaq Jesus padreo bàu: “Mangai gucadrì meh, yiniq cleq ka ba? Jò da au qnhòq lap trùh! 5 Miq Haq tanap ka bài mangai patih: Haq i thê cleq, pì broq tiaq diq dồng. 6 Ta aih i tadrâu toq padri hmo, padon òeqq hu qnheo jènh ka mangai Juda, moeq toq jah padam ùh ta drâu jàt lit diac. 7 Chuaq Jesus thê wì ùc diac bình ta aih, wì ùc bình trùh ta ngah. 8 Chuaq Jesus doe: “Manòeq pì qmùc diac qmat beq, aràng am ka mangai ma ngan acaq ôq hì kô”. Wì hi qnàng ka haq aih. 9 Jò haq aih ôq diac khoe wìa alac (haq ùh qnì alac kô loh enh leq, toq mangai patih ma i qmùc diac aih ma loq) haq creo ka cla kon ống, 10 rai doe: Da mangai qnoeq qnoh alac jiang adroe, jò wì ôq khoe bàc, èh qnoh alac qnang lem. Da ìh kô aih don òeqq alac jiang trùh manòeq. 11 Aih ìq oe ta Cana, gùng Galili, Chuaq Jesus baxèm broq trong halac, rai mahno kan ranhòm dàdeh, bài mangai tiaq hóc hi lùì haq. 12 Khoe aih, Chuaq Jesus xam miq haq xam bài oh daq haq xam mangai tiaq hóc, diq loh ta Cabènaum, wì oe ta aih biaq hì raq. 13 Hì ramènh Pan cwa da mangai Judà khoe ten trùh, Chuaq Jesus tọc ta Jérusalem. 14 Tanòe hamlang hnem kùh waiq, haq hnoq bài wì qnang tapadro: òo, trùu, trù, qnah mangai qnoeq hòh qnang hangui ti halih bac jèn. 15 Chuaq Jesus òènh moeq hadrang long roe caxi, haq hnan qnoh dồng enh gùng ka nòe hnem kùh waiq, xam òo xam trùu, ùc cadac bac mangai ma padro bac jèn, hacùp hloe da wì aih cabống. 16 Haq doe ka mangai atech

trù: “Qnoh ma diq bài cleq qmat loh enh gùng ka nòe kô, apaq broq ka hnem Baq au loh nòe padro baxen. 17 Mangai tiaq hóc hmàng hlài i bàu ma khoe achih: “Kan nhét dèh ka hnim Baq khoe bùh cheo au”. 18 Bài mangai Judà rahen ka haq: ìh broq qmang qmat, ìh i òq nhèn hnoq kan halac leq ùh, òeqq nhèn ma hu loq ìh cwiang broq qmang kô? 19 Chuaq Jesus padreo bàu: “Raliang hnem kô beq! Pìq hì raq, au hi paqnàng hlài”. 20 Mangai Judà doe: Wì broq hnem kùh waiq kô diq qmòe pôn jàt tadrâu hanam, aih ìh ma doe ra òeqq dèch haq pìq hì raq? 21 Mahaq hnim kùh waiq Chuaq Jesus ma anoe aih chac cla haq. 22 Khoe ka Chuaq Jesus rìh hlài enh kan cachìt, mangai tiaq hóc hèm hlài haq i anoe bàu aih, aih wì ma hi lùì bàu hset hadròeh xam bàu Chuaq Jesus ma khoe tapoch. 23 Hì ramènh Pan cwa, Chuaq Jesus qnang oe ta Jérusalem, bàc ngai hnoq kan halac haq broq, wì hi lùì yiniq haq. 24 Mahaq Chuaq Jesus ùh òq radèh mùt ta ti kóngwì, majah qmang aih haq loq ka manoh rìm ngai. 25 ùh ep i cabô doe, majah qmang aih haq loq òeqq rìm yiniq oe ta manoh mangai.

3 Taqne bài mangai Pharisi, i moeq ngai yiniq haq Nicòdem, haq aih hanoh broq craq wèq mangai Juda. 2 Damang, mangai kô trùh ti Chuaq Jesus haq doe: Rabi, nhèn loq ìh kô mangai hnài trùh enh Boc Plinh, majah qmang aih bài trong halac ìh ma khoe broq, tàng joq Boc Plinh ùh oe moeq qmang, ùh i cabô broq jah. 3 Chuaq Jesus padreo bàu: “Jòq nàng, joq qnàng, au doe ka ìh, ùh i mangai leq jah hnoq Diac Plinh, tàng joq mangai aih ùh ha-uang lauq moeq yàng hòh. 4 Nicòdem bòch: Mangai khoe craq, ha-uang lauq qmang leq ma oe jah? Haq wìa ka oe jah mùt ta cliac miq òeqq hu ha-uang lauq moeq yàng hòh? 5 Chuaq Jesus doe: “Jòq qnàng au doe ka ìh, ùh i mangai leq jah mùt Diac Boc Plinh, tàng joq mangai aih ùh canòm ka diac xamYiang Hadròeh òeqq ha-uang lauq. 6 Xech akia ha-uang loh xech akia, mahaq Yiang ha-uang loh yiang. 7 ùh dùh hamàih bàu au anoe ka ìh: Pì ep ha-uang lauq moeq yàng hòh. 8 Cayeo enh taleq haq hlui tameh, pì tàng atêh, mahaq pì ùh qnì cayeo trùh enh leq, haq lam taleq. Mangai leq ha-uang loh enh Yiang Hadròeh hadai qmang aih”. 9 Nicòdem bòch: Broq qmang leq majah qmang aih? 10 Chuaq Jesus padreo bàu: “Ìh

qmat mangai hnài mangai Isorali, lai q ih ma ùh qnì tàng bàu aih? **11** Joq qnàng, joq qnàng au doe ka ih: nhèn anoe trong nhèn loq, nhèn patô trong nhèn khoe hnoq, mahaq dua pì ùh di yôc bàu nhèn khoe anoe patô. **12** Tàng joq au anoe ka pì trong oe crông taneh kô, dua pì qnhòq lùì, loq ka au anoe ka pì yiniq ma oe ta plinh, aih pì lùì qmang leq majah? **13** Qnhòq i cabô tót ta plinh, enh gùng ka Mangai ma loh enh plinh, aih raq Kon mangai ma oe deh ta plinh. **14** Nèh haq Môise dèch paqnàng bìh tanòe hawit croh crènh qmanag leq, Kon mangai èh hadai ep wì dèch paqnàng haq qmang aih diq, **15** mahaq waq toq cabô hi lùì haq, hi jah kan rih halinh mòeq ðòe. (aiōnios g166) **16** Pàng Boc plinh loq waq ka crông taneh, loh qmòe ka khoe am dèh Kon moeq cla haq, ðòeq cabô lùì Kon aih ùh hìaq raliang hnhung mahaq jah kan rih halinh mòeq ðòe. (aiōnios g166) **17** Aih iq, Boc Plinh khoe thê dèh Kon haq loh crông taneh kô, ùh xài ðòeq hu tah kan hadrah ka crông taneh, mahaq ðòeq ka crông taneh kô canòm ka Kon aih hujah dèch. **18** Cabô hi lùì haq mangai aih pì ep pòq kan hadrah hòm, cabô ùh lùì khoe pòq qmòe kan hadrah, majah qmang aih pàng haq ùh lùì yiniq Kon mòeq Boc Plinh. **19** Kan hadrah aih rameh: Kan qngah khoe trùh crông taneh, mahaq kon mangai bèn kan clam cluiq ùh hnau ka kan qngah, majah qmangai yiniq wì haq broq diq qmèq. **20** Mangai broq qmèq, diq git ka kan qngah, ùh hùà thia ta kan qngah, yùq yiniq ðeh khoe broq loq pì hlep. **21** Mahaq mangai leq rih tiaq bàu joq qnàng aih, haq trùh ti kan qngah, ðòq diq ðong yineq haq khoe broq jah paqnoh majah qmang aih haq khoe broq enh nèga ka Boc Plinh. **22** Khoe aih, Chuaq Jesus xam bài mangai tiaq hóc lam trùh ta gùng Judà, haq oe ta aih ti wì, rai broq baptem. **23** Jò aih Jon hanoh broq baptem ta Ênon, haten ka Salim, majah qmang aih ta aih bacc diac, wì bacc ngai trùh hu jah broq baptem. **24** Jò aih wì qnhòq rùp clèh haq. **25** Mangai tiaq hóc Jon i tarahen ka mangai Judà trong ramènh basròeh. **26** Wì lam anoe ka Jon rameh: Rabi, hatau mangai ih ma khoe ràu trùh, mandeq haq qnang broq baptem, mangai trùh ðeh hra ta haq. **27** Jon doe: Tàng joq ùh xài enh plinh am, ùh i cabô jah cleq. **28** Cla pì raq ma khoe wiang tàng bàu au doe: Au kô ùh xài Christ, mahaq au kô khoe jah thê lam enh nèga haq. **29** Cabô neo yôc

mai, aih raq cla kon òng, bòe bua haq oe ten aih tàng bàu haq, jò wì jah tàng bàu cla kon òng wì diq jaq lem bùì, aih raq kan lem bùì da au. **30** Haq aih jah padèch ka haqnhèq, au kô èh ep paqnoh ðac ta haqneq. **31** Mangai trùh enh qnhèq, haq aih yeo haqnhèq diq ðong rìm trong, mangai loh enh taneh, haq aih da taneh, haq tapoch hadai tiah ka mangai loh enh taneh. Mangai loh enh plinh, haq aih ma yeo nhèq diq ðong rìm trong. **32** Haq anoe trong haq ma khoe hnoq khoe tàng, mahaq ùh i cabô di bàu haq. **33** Mangai leq khoe rùp bàu haq, mangai aih hadai wiang panhìn ka cajap bàu Boc Plinh aih joq qnàng. **34** Majah qmang aih Mangai Boc Plinh ma khoe thê, haq aih trùh anoe toq bàu Boc Plinh, majah qmang aih Boc Plinh khoe am ka haq Yiang Hadròeh oe i jaq cleq. **35** Baq loq waq dèh Kon, khoe qnèp diq ðong rìm yiniq ta ti Kon. **36** Mangai leq lùì Kon, jah kan rih halinh mòeq ðòe, mangai ùh lùì Kon, ùh i hnoq kan rih taleq, mahaq kan mahau nèh da Boc Plinh oe raq enh qnhèq ka mangai aih. (aiōnios g166)

4 Jò Chuaq Jesus hìa bàu doe mangai Pharisi i tàng haq creo broq baptem jah bacc ngai ùh hnau ka Jon, **2** (Ùh xài cla Jesus, ma joq qnàng aih mangai tiaq hóc haq). **3** Chuaq Jesus cadac gùng Judê wìh hlài ta Galili. **4** Jò aih, haq ep pagat trong Samari. **5** Qmang aih, Haq trùh ta mòeq plài gùng Samari, plài aih wì creo Sikha, haten tanòe taneh Jacôp ma am ka Jôsep aih kon haq. **6** Ta aih i moeq toq diac adràm Jacôp, khoe lep ka trong hangai Chuaq Jesus hangui haten ka adràm aih, jò aih khoeqne hi. **7** Mòeq ngai gucadri samari loh qnình diac. Chuaq Jeus doe: “Am au ôq diac. **8** (Bài mangai tiaq hóc khoe mùt ta plài ðòeq chaq rot dahwèq acaq). **9** Mangai cadri aih padreo bàu: Ûih! ìh qmat mangai Judà, gleq ma jah bòch ôq da au diac (majah qmang aih mangai Judà ùh taqmùt ka mangai Samari). **10** Chuaq Jesus doe: “Tàng joq ìh maloq ka yiniq Boc Plinh ma khoe am, rai loq ka magai ma doe ka ih: Am au ôq ðeh diac aih cabô, aih ìh khoe bòch haq am ka ìh ôq, aih èh haq aih hi am ka ìh diac kan rih.” **11** Mangai gucadri aih doe: Wì Craql ìh ùh i cleq ðòeq hu qmùc, diac adràm kô aih jrùq, ìh jah diac rih aih enh leq? **12** Kan cadraq nhèn aih Jacôp khoe ðòeq hlài ka nhèn diac adràm kô, cla haq hanoh ôq adràm kô, hloe xam bài kon xau haq, hloe xam bài kùng hang haq ban, ìh ma yeo kàn ùh

hnau ka Jacôp? **13** Chuaq Jesus padreo bàu ka haq: “Cabô ôq diac kô dua oe raq croh ranöng, **14** mahaq mangai leq ôq diac au am, mangai aih êh pi jò leq croh ranöng hòm. Diac au ma am aih êh wia tamöc plôh enh chac mangai aih trùh ta kan rìh halinh mòeq ðõe. (aiōn g165, aiōnios g166) **15** Mangai gucadri aih doe: Wì Craq, ìh am ka au diac aih diq, dôq au ùh hiaq croh ranöng, dôq au pi hiaq ep lam qmùc diac ta kô hòm. **16** Chuaq Jesus doe ka haq: “Lam beq! creó ka öng ìh, khoe aih wìh hlài ta kô.” **17** Mangai gucadri aih doe: Au ùh i ka öng. Chuaq Jesus anoe hòm: “Ìh doe ðeh ùh i ka öng aih joq khoe troq, **18** ìh khoe padam yàng yóc öng, mahaq mangai yàng kô aih ùh xài öng ìh, ma aih joq ìh khoe tapoch ðeh joq qnàng. **19** Mangai gucadri aih doe: Wì Craq, au hnoq ìh kô mangai pajàu joq qnàng. **20** Kan kadraq nhèn khoe kùh waiq tanòe bui wang kô, yàng da mangai Judà aih doe nòe ma troq ka kùh waiq aih oe ta Jêrusalem. **21** Chuaq Jesus doe ka mangai gucadri: “Drah lùl bàu au, hi trùh jò êh, pì kùh waiq Baq, ùh xài ta bui wang kô, hanoh ùh xài ta Jerusalem. **22** Pì kùh waiq bàiyiniq pì ùh qnì, nhèn kùh waiq yiniq nhèn ma khoe loq, majah qmang aih kan ðech loh enh mangai Judà. **23** Mahaq jò mahi trùh, manòeq kô khoe trùh, jò wì mangaima kùh waiq joq qnàng yóc manoh xam bàu joq qnàng ðòeq kùh waiq, aih raq bàl mangai kùh waiq Baq ma enh. **24** Boc Plinh aih Yeang, cabô kùh waiq haq ep yóc manoh xam bàu joq qnàng ðòeq kùh waiq. **25** Mangai gucadri doe: Au loq, Mangai Mèsi (aih bèn creó Christ) ep trùh, jò haq trùh, haq hi anoe rìm trong am ka bèn. **26** Chuaq Jesus doe: “Au, mangai qnang capoch ti ìh, au kô raq Mangai aih”. **27** Jò aih, wì mangai tiaq hóc hlài hi trùh, wì haq haglènh jò wì hnoq Chuaq Jesus capoch tuàng ti mangai gucadri, mahaq ùh i mangai leq bòch: ìh anoe ka haq qmat yiniq cleq? Ùh meh hagleg ìh majah hatuàng ti haq? **28** Mangai gucadri aih hi ðòeq ðac ðeh abôq ta aih wìh mùt ta plài, doe ka wì ta aih: **29** Drah loh ngan, i mòeq ngai khoe anoe ðöng da au rìm trong au ma khoe broq, aih ma ùh xài Christ qmòh? **30** Wì hi loh enh plài trùh ti Chuaq Jesus. **31** Mahaq, wì mangai tiaq hóc ti àu yôt haq: Rabi, ìh acaq diq. **32** Haq padreo bàu: “Au i ðeh dahwèq ðòeq hu ban raðeh mahaq pì ùh qnì. **33** Aih ìq, mangai tiaq hóc majah bòch dabau: Ahiaq i mangai leq khoe aràng ka haq dahwèq acaq ùh xài? **34** Chuaq Jesus

doe: “Dahwèq acaq da au aih broq tiaq manoh Mangai ma khoe thê au trùh, rai pagêh da haq yiniq broq. **35** Ma ùh xài pì doe oe pôn khê ònh êh men trùh jò gat qmòh? Mahaq au doe ka pì: “Haqmiang beq! rai ngan ta ruàng khoe ðùm yrùng ðöng, oe toq hu gat raq. **36** Mangai gat khoe yóc ðeh kùng baha rai don ðòeq qmau ta kan rìh halinh mòeq ðõe, dôq xam mangai rai adrech xam mangai gat hadai jah lem bùl ti da bàu. (aiōnios g166) **37** Kô êh wì jah doe: “Mangai kô rai, mangai tau gat, aih joq khoe wop. **38** Au khoe thê pì trùh gat tanòe pì ùh i abèq, mangai qnoeq ma khoe broq, pì mùt ta aih toq yóc haqnauq padren mangai qnoeq” **39** I bàc ngai Samari ta aih lùl haq, tiaq bàu mangai gucadri ma doe: Haq qmat khoe anoe ðöng rìm trong au ma khoe broq. **40** Qmang aih, bàl mangai Samari ma khoe trùh ti haq, àu thê haq mùt padài ðeh ta plài, Haq padài ta aih baiq hì. **41** Jò khoe tàng bàu haq, mangai lùl haq rai bàc tam. **42** Wì aih doe ka mangai gucadri: Kô pi oe xài enh bàu ìh ma khoe anoe am ka nhèn taleq, nhèn ma lùl, manòeq kô nhèn khoe tàng qmòe enh cla haq, êh nhèn loq haq kô joq Mangai hu ðech diq cröng taneh kô. **43** Atiq ka aih baiq hì Chuaq Jesus loh enh aih lam ta Galili. **44** (Aih ìq cla Haq raq khoe doe mangai pajàu ùh i jò leq jah mangai gùng cla manè). **45** Jò khoe trùh ta gùng Galili, wì gùng aih ðih haq diq ðeh ka manoh, majah qmang aih wì gùng aih khoe hnoq rìm yiniq Haq broq ta hì ramèh jò oe ta Jêrusalem, majah qmang aih wì aih hanoh i lam hàu hì ramèh aih. **46** Haq trùh ta plài Cana, ta gùng Galili, nòe Haq ma khoe broq diac hangeo wia alac. Oe ta plài Cabènaum, i moeq ngai cwan kàn, kon calò haq aih hiniq. **47** Cwan aih tàng doe Chuaq Jesus enh gùng Judê khoe trùh ta Galili, haq drah trùh chaq rai creó dang Chuaq Jesus loh ta hnem raðeh hu haqnauq ðeh kon haq khoe ten cachit. **48** Chuaq Jesus doe: “Tàng joq pì ùh hnoq kan halac, kan hamài, ùh jò leq pì lùl”. **49** Cwan aih doe: Wì Craq, au canòm ðeh ka ìh loh ta hnim au jò kon au qnhòq hiaq cachit! **50** Chuaq Jesus doe ka haq: “Lam beq, kon ìh rìh.” Mangai aih lùl bàu Chuaq Jesus khoe anoe ka raðeh, haq hi lam. **51** Jò haq oe raq lam titrong, wì mangai hapöng loh ðih haq, wì doe: Kon calò ìh khoe rìh. **52** Haq bòch wì aih kon haq khoe blinh jò leq. Wì aih padreo bàu: Hì nèh, jò mòeq jò, kan tanget khoe brèh. **53** Mangai baq aih kanau loq aih raq jò Chuaq

Jesus doe ka haq: Kon ìh rìh, pang aih haq aih xam òiq ka wì ta hnem hi lùì. **54** Aih kan halac yàng baiq Chauaq Jesus broq, jò haq tawìh enh gùng Judè hlài ta Galili.

5 Khoe aih, i mòeq hì ramèn h ta wì mangai Juda, Chuaq Jesus tǒc ta Jêrusalem. **2** Jò aih ta Jêrusalem, haten ka qmang Triu, i mòeq toq hlǒng, bàu Hêbru creo Bêtetda, dudan ta aih i padam toq qmang. **3** Bàc haraya bài mangai yiniq, mangai ùh xau hoq, mangai angwenh, mangai pen kùì ta aih, (rap gòm jò diac lai laq), **4** majah qmang aih i mòeq bình plinh dùnh dùnh loh lai laq diac ta hlǒng aih, jò diac khoe lai laq, mangai leq loh ta hlǒng adroe, yac ka haq yiniq qmang leq dua brêh). **5** Ta aih i mòeq ngai ùh hrǒc khoe piq jàt rahem hanam. **6** Chuaq Jesus hnoq haq aih caqnùng, loq ka haq aih yiniq khoe dùnh, Haq doe: “Ìh i enh brêh ùh? **7** Mangai yiniq aih padreo bàu: Wì Craq! au ùh i òeh ka mangai hu wiang caqnìh qnoh au ta diac. Jò au qnang ti àu loh òeh, i mangai qnoeq khoe loh adroe ka au. **8** Chuaq Jesus doe: “Drah yòng, òeh da ìh hadòng qmat lam beq.” **9** Wop hloe jò aih raq, mangai aih jah brêh. Hì aih hanoh wop hì Sabat. **10** Bài ma broq gàu mangai Juda tapoch ka mangai ma khoe jah brêh: Kò xài hì Sabat, tiaq troq ranenh ìh ùh khòh xùi hadòng lam qmang qmat. **11** Haq padreo bàu ka wì: Cla mangai ma broq ka au brêh thê: Òeh da ìh hadòng qmat lam beq. **12** Wì bòch haq: Mangai ma thê òeh da ìh hadòng qmat lam beq, haq aih ìq cabô? **13** Mahaq mangai khoe jah broq brêh aih haq pi qnì qmòe ka cabô, majah qmang aih Chuaq Jesus khoe alùh pajùm ti bài mangai cràm jang aih raq. **14** Atiq ka aih, Chuaq Jesus hnoq haq aih tanòe hnim kùh waiq hì doe ka haq: “Meh oq, ìh khoe brêh pi dùh broq yiniq lui hòm, beq loq i yiniq cleq mềq trùh ti ìh.” **15** Haq aih lam anoe ka mangai Juda: Hatau raq Chuaq Jesus mangai khoe broq raðeh jah brêh. **16** Aih ìq, dài mangai Juda majah tirùp baxa Chuaq Jesus, majah qmang aih haq broq yiniq kò hi Sabat. **17** Mahaq Chuaq Jesus doe ka wì aih: “Baq au abroq trùh manòeq kò, au kò hadai broq qmang aih òiq. **18** Ajang aih raq mangai Juda majah chaq trong hu jêh òac hloe haq, ùh xài aq toq poh hì Sabat hi hêg, yàng haq oe doe Boc Plinh aih Baq raðeh rai broq ka raðeh daq dàng ka Boc Plinh. **19** Chuaq Jesus hi anoe ka wì haq: “Jòq qnàng, jòq qnàng, au anoe

ka pì, Kon ùh broq òeh cleq jah, Kon broq toq yiniq cleq kon hnoq òeh Baq broq, Kon hadai broq tiaq qmang aih. **20** Baq loq waq ka kon rai mahno òiq òòng rìm yiniq Baq broq: Baq oe mahno tam ka Kon yiniq kàn ùh hnau ka bài yiniq broq kò hòm, òòq pì hu hamàih. **21** Hanoh, qmang ka Baq broq mangai cachit rìh hlài rai am kan rìh ka wì aih qmang leq, Kon kò òh hadai am kan rìh ka mangai kon ma enh qmang aih òiq. **22** Baq hadai ùh hadrah ka cabô, mahaq khoe òòq òiq ka Kon cwiàng hadrah, **23** òòeq òiq òòng rìm ngai jah òeh kan ranhòm ka Kon, tiah ka wì ma padèch kan ranhòm ka Baq. Mangai leq ùh òeh kan ranhòm ka Kon, aih haq ùh òeh kan ranhòm ka Baq, aih Mangai ma khoe thê Kon trùh. **24** Jòq qnàng, jòq qnàng, au doe ka pì, mangai leq tàng bàu au, òh lùì Mangai ma khoe thê au, mangai aih jah kan rìh mòeq òòe, ùh hiaq ep trùh tanòe hadrah, mahaq khoe claih enh kan cachit òòeq trùh ta kan rìh. (aĩōnios g166) **25** Jòq qnàng, jòq qnàng, au anoe ka pì, tangèa kò òh, manòe kò hanoh khoe troq jò, jò bài mangai cachit hujah tàng bàu Kon Boc Plinh, mangai jah tàng aih òh hi jah rìh. **26** Tiah troeq Baq i kan rìh enh dalam, Baq hadai khoe am ka Kon i kan rìh enh dalam qmang aih. **27** Baq khoe am òiq òòng cwiàng òòeq hu hadrah ta tì Kon, majah qmang aih Kon kò Mangai. **28** Ùh dùh hamàih òeh trong aih, kò òh jò wì ma oe ta ralùng tàng bàu haq, wì jah loh enh aih, **29** mangai leq broq trong lem aih òh rìh hlài òòeq hu jah kan rìh, mangai leq khoe broq dù, aih òh rìh hlài òòeq hu jah kan hadrah. **30** Cla Au ùh broq cleq ma hlàt, au hadrah tiaq au trong tàng, qmang aih kan hadrah au aih taq toq, majah qmang aih au ùh chaq trong manoh cla ma enh, mahaq chaq trong Mangai ma khoe thê au. **31** Tàng jòq au capoch panhìn ka cla raðeh, bàu panhìn aih ùh wia ka pì lùì òeh. **32** I mangai qnoeq capoch panhìn am ka au, òh au loq bàu haq aih anoe khòh lùì. **33** Pì khoe thê mangai trùh ti Jon, haq khoe anoe panhìn ka pì trùh bàu jòq qnàng. **34** Da Au hòm, bàu panhìn au jah ùh xài trùh enh kon mangai, mahaq au anoe qmang aih, òòq pì jah òeh. **35** Jon aih, tiah ka hadreo khoe bùh khoe qngah, kan qngah òò aih lem manoh pì, pì hyòq ajang nòe qngah haq aih. **36** Mahaq i mòeq bàu capoch panhìn trùh au, bàu aih yeo haqnèq ùh hnau ka bàu Jon, majah qmang aih trong leq Baq khoe thê, au broq gèh, bài yiniq

au broq aih patô am ka pì loq Baq khoe thê au. 37 Cla Baq, aih Mangai ma khoe thê au, hanoh wiang panhìn am ka au. Pì qnhòq hmaq tàng bàu Haq, qnhòq lah hnoq hadrò Haq, 38 èh bàu Haq ùh oe enh dalam ka pì, majah qmang aih pì ùh lùì Mangai Haq ma khoe thê trùh. 39 Pì chèh chaq ta hset Hadròeh, pì hèm dèh canau ajang aih majah kan rìh halinh mòeq dde: Aih Hset hadròeh mahno trùh au. (aĩōnios g166) 40 Pì ùh enh trùh ti au òdeq hu jah kan rìh! 41 Au ùh chaq kan ranhòm loh enh kon mangai, 42 mahaq au loq enh dalam pì ùh i ka kan loq waq ka Boc Plinh. 43 Au khoe trùh tacô enh dalam ka yiniq Baq au, pì ùh waq ka au. Tàng joq i mangai qnoeq yôc dèh yiniq cla haq hu trùh ti pì, aih èh pì ma òdih yôc haq. 44 Pì toq enh canòm kan ranhòm dabau, ùh chaq kan ranhòm trùh enh Boc Plinh, qmang aih thê pì lùì qmang leq majah. 45 Apa q hèm au yòng enh ngèa Baq òdeq patô da pì yiniq lui, mangai ma yòng patô da pì yiniq lui aih Môise, mangai pì ma tangèh canòm. 46 Aih iq, tàng joq pì lùì bàu Môise, pì hadai lùì bàu au, majah qmang aih bàu haq ma khoe achìh aih, haq achìh trùh au. 47 Mahaq tàng joq pì ùh lùì bàu haq, pì lùì bàu au qmang leq?

6 Atiq ka aih toq bìa, Chuaq Jesus tóe apah tau diac raxìq Galili, (mòe kô aih haqmai gùng Tèbiriati, 2 Moeq calùh mangai bàc haraya tiaq haq, majah qmang aih wì aih hmaq hnoq bàc trong halac haq broq brèh ka bàì mangai yiniq. 3 Mahaq, Chuaq Jesus tóe ta wang, hangui ta aih ti bàì mangai tiaq hóc. 4 Hì ramèn Pancwa da mangai Judà khoe ten trùh. 5 Jò Chuaq Jesus haqmiang ngan hnoq wì aih qnang thia ta haq, haq doe ka Philip: “Bèn chaq rot bèn taleq òdeq hu am ka wì acaq?” 6 Haq bòch qmang aih hu nhro ngan Philip, majah qmang aih ta manoh qah khoe loq òeh padon broq cleq. 7 Philip padreo bàu: Yôc baiq hrinh òe-ni-ê, rot bèn hu ùh rìm mòeq ngai toq bìa. 8 I mòeq ngai tiaq hóc yiniq haq Anrê, oh Simôn doe: 9 Hác ô i mòeq ngai kon calô qyoh, i padam toq bèn mi xam baiq pliang ka qyêq, mahaq mangai bàc qmang qmat i jàp pang leq? 10 Chuaq Jesus doe: “Thê wì hangui”. Tanòe aih bàc nhat, wì hi hangui. Jah qnah ta padam muàn mangai. 11 Chuaq Jesus yôc bèn manè apôi Boc plinh, khoe aih axong am ka bàì mangai hangui, haq hadai yôc baiq pliang

ka axong am ka wì, mac ka cabô enh toq leq toq meh. 12 Jò òiq ka wì khoe panàc, haq thê mangai tiaq hóc: “Ti toch hlài bòe rah, apaq cađac yac ka toq xit.” 13 Mangai tiaq hóc toch hlài haqnech rah padam toq bèn atiq ka wì khoe panàc jah mòeq jàt baiq rajo. 14 Wì ta aih, hnoq kan halac Chuaq Jesus broq, wì doe ka dabau: Kô raq Pajàu! mangai mahu loh ta crông taneh. 15 Chuaq Jesus loq ka wì enh trùh òdeq pa-àu rađeh broq bàu, Haq wia enh aih, tóe òe òeh mòeq ngai ta wang. 16 Jò mat mahi khoe ten clih, mangai tiaq hóc loh ta haqmai diac. 17 Wì loh ta boang pajang tóe pah tau, ngèa qnah ta plài Cabèna-um. Tróc khoe clam mahaq Chuaq Jesus qnhòq trùh ti wì haq. 18 Cayeo hlui tagruàng tagràt, diac lai laq òeh pì cajaq. 19 Jò aih wì chùng boang khoe jah qnah ta baiq jàt padam ùh piq jàt èta-đo, hnoq Chuaq Jesus lam tiriang diac, ten trùh ti boang, wì loh ka crê crep. 20 Mahaq Chuaq Jesus doe: “Kô raq Au, apaq yùq.” 21 Jò aih mangai tiaq hóc hi òdih Chuaq Jesus tóe boang ti wì, dra q drinh hloe jò aih boang khoe trùh tago wì ma padon lam. 22 Hì atiq, bàì mangai bàc oe tago patau hlóng hnoq mòeq toq boang ta aih raq, loq Chuaq Jesus ùh i tóe taboang ti bàì mangai tiaq hóc, toq mangai tiaq hóc lam ka rađeh. 23 Khoe aih i bìa toq boang enh Tèbi-ri-at trùh tanòe bàì wì ma acaq bèn atiq ka Chuaq Jesus ma manè apôi Boc plinh. 24 Wì hnoq Chuaq Jesus ùh i oe ta aih, mangai tiaq hóc hadai ùh hnoq, wì dra loh taboang hu lam ta Cabèna-um òdeq chaq Chuaq Jesus. 25 Jò wì bu hnoq Chuaq Jesus tago apah tau diac, wì bòch Haq: Rabi! Ìh trùh tacô jò leq? 26 Chuaq Jesus doe: “Jò qnàng Au doe ka pì, pì ti chaq au ùh xài taiq pì khoe hnoq trong halac au khoe broq, mahaq taiq pì khoe jah acaq bèn ka panàc. 27 Apa q abroq hu chaq toq dahwèq acaq hi òiq hi hnhung, mahaq chaq dahwèq ma oe hloe mòeq dde. (aĩōnios g166) 28 Khoe aih wì bòch Haq: Nhèn ep broq qmang leq men jah broq yiniq Boc plinh ma thê? 29 Chuaq Jesus doe: “Yiniq broq da Boc plinh thê, aih pì lùì Mangai Boc plinh ma khoe thê haq trùh.” 30 Wì bòch haq: “Tàng joq qmang aih, ìh broq trong halac leq òq nhèn hnoq òdeq nhèn hu lùì? Kô èh ìh broqcleq? 31 Boc yaq nhèn nèh khoe acaq mana oe ta gùng hawit, tiaq ka bàu khoe achìh: Haq am ka wì acaq bèn enh plinh. 32 Chuaq Jesus padreo bàu: “Jò qnàng, joq qnàng au doe ka pì: Môise qnhòq lah am

ka pì bēnh enh plīnh, mahaq Baq au ma am ka pì bēnh joq qnàng, aih bēnh loh enh plīnh. **33** Majah qmang aih, bēnh da Boc plīnh aih bēnh loh enh plīnh, am kan rih ka crōng taneh. **34** Wì doe: Waiq Chuaq, ìh am ka nhēn bēnh aih yōt oq! **35** Chuaq Jesus doe ka wì: “Au kō raq bēnh kan rih, mangai leq trùh ti au haq aih pì hìaq pangot hòmh, mangai leq lùu au, haq aih pì hìaq croh ranōng hòmh. **36** Mahaq au khoe anoe: Pì khoe hnoq au, mahaq pì ùh lùu. **37** Dìq dōng mangai leq Baq khoe am ka au aih èh wì trùh ti au, mangai leq trùh ti au, ùh jò leq au khwēnh qnoh đac enh gùng. **38** Majah qmang aih au khoe loh enh plīnh ùh xài đòeq broq tiaq deh manoh, mahaq broq tiaq manoh Mangai ma khoe thē au. **39** Kō manoh Mangai ma khoe thē au: mangai leq Haq khoe am ka au, aih au apaq cadac hnhung, mahaq au ep broq haq rih hlài ta hì pulùch èh. **40** Kō manoh Baq au: Mangai leq ngan Kon rai lùu kon aih mangai aih jah kan rih halīnh mōeq đòe, hì atiq lùch au broq haq aih rih hlài.” (aiōnios g166) **41** Jò aih, mangai Judā mumùc ka haq, majah qmang aih haq i doe: Au kō raq bēnh loh enh Plīnh.” **42** Wì aih doe: Kō ma ùh joq Jesus kon da Jōsep, bēn ma ùh qnì ka miq baq haq qmòh? Aih hagleq haq ma wìa ka doe: Au khoe loh enh plīnh? **43** Chuaq Jesus doe: “Pì apaq mumùc ti dabau. **44** Tàng joq Baq, aih Mangai ma khoe thē au, ùh aràng ka au, ùh i cabô jah trùh ti au, hì atiq èh au jah broq ka mangai aih rih hlài. **45** Hset pajàu i achih rameh: kō èh rīm ngai dīq jah tàng Boc Plīnh hnài. Mangai leq hi jah tàng bàu Baq rai hōc tiaq dua haq, mangai aih èh trùh ti au. **46** ùh i mangai leq hmaq hnoq Baq, enh gùng ka mōeq ngai loh enh Baq, toq haq aih ma khoe hnoq Baq. **47** Joq qnàng au doe ka pì: waq toq mangai leq hi lùu, mangai aih hi jah kan rih halīnh mōeq đòe. (aiōnios g166) **48** Au kō bēnh kan rih. **49** Boc yaq pì acaq mana tanòe gùng hawit, èh dua khoe cachit. **50** Mahaq hacô bēnh ma loh enh plīnh, waq toq cabô hi acaq bēnh kō mangai aih ùh cachit. **51** Au kō bēnh kan rih loh enh plīnh. Mangai leq hi acaq bēnh kō hi jah kan rih halīnh mōeq đòe. Bēnh am dīq ka mangai đòeq wì hu jah kan rih aih xech cla au kō raq.” (aiōn g165) **52** Aih ìq dài bai mangai Judā majah tarahen: Wìa ka mangai kō yōc deh xech hu am ka bēn acaq qmòh? **53** Chuaq Jesus doe ka wì haq: “Joa qnàng, oq qnàng, au doe ka pì, tàng joq pì ùh acaq xech Kon Mangai,

ùh ôq mahim haq, aih èh ta pì ùh i kan rih. **54** Mangai leq acaq xech, ôq mahim au, aih èh jah kan rih halīnh mōeq đòe, tahì pulùch au broq haq aih jah rih hlài. (aiōnios g166) **55** Majah qmang aih xech au kō dahwèq acaq joq qnàng, mahim au kō dahwèq ôq joq qnàng. **56** Mangai leq acaq xech au ôq mahim au, mangai aih oe enh dalam ka au, au hadai oe enh dalam ka haq aih. **57** Tiah ka Baq rih halīnh, khoe thē au trùh, au hadai rih xi Haq, hanoh qmang aih, mangai leq acaq xech au, hadai rih xi au dīq. **58** Kō bēnh loh enh plīnh. Bēnh aih ùh xài qmang ka bēnh mana kan cadraq pì ma khoe acaq, èh dua cachit, mangai leq acaq bēnh kō aih èh jah kan rih halīnh mōeq đòe. (aiōn g165) **59** Chuaq Jesus anoe bàu aih, jò haq hnài nòe hnim tagop qyoh ta Cabēna-um. **60** Tàng bàu aih, bàc ngai tiaq hōc doe: Bàu kō joq xa ka tàng, Cabô ma hlàt tamàng? **61** Loq ka bai mangai tiaq hōc mumùc ka bàu kō, Chuaq Jesus doe ka wì haq: “Bàu kō broq ka manoh pì catoeh qmòh?” **62** Tàng joq pì hnoq Kon Mangai jah dèch atōc tanòe haq ma oe dēh enh nēh, aih èh qmang leq? **63** Aih ìq, yiang ma broq ka rih, chac mac ùh i loh cleq. Dìq dōng bàu au ma anoe ka pì aih dīq yiang xam kan rih. **64** Mahaq taqne pì i mangai ùh lùu. Majah qmang aih enh jò baxēm raq, Chuaq Jesus khoe loq ka mangai ma ùh lùu, mangai leq ma blòq cadac haq. **65** Haq anoe hòmh: “Aih ìq raq, au majah doe ka pì tàng joq Baq au ùh am, ùh i mangai leq jah trùh ti au.” **66** Pang aih, bàc ngai tiaq hōc taluì pì tiaq haq hòmh. **67** Chuaq Jesus bòch wì mōeq jàt baiq ngai: “Aleq, pì ahiaq enh ta lùu dīq?” **68** Simôn Phiero doe: Chuaq! Nhēn tiaq đeh cabô? ìh i bàu kan rih halīnh mōeq đòe; (aiōnios g166) **69** nhēn khoe lùu, nhēn khoe loq ìh raq Kon mōeq Hadròeh da Boc plīnh. **70** Chuaq Jesus doe: “Ajoq Au khoe ràih pì mōeq jàt baiq ngai? Mahaq moeq ngai aih kiac dù.” **71** Bàu aih, Haq anoe trùh Judā, kon da Simôn I-cari-ot, majah qmang aih taqne wì mōeq jàt baiq ngai, haq aih mangai atiq kō èh ma blòq Jesus.

7 Atiq ka aih, Chuaq Jesus lam dudan gùng Galili. Haq ùh enh lam tagùng Judē, majah qmang aih mangai Judā toq chaq trong hu jēh đac haq. **2** Mahaq hì Ramēnh hla da mangai Judā khoe ten trùh. **3** Wì oh Chuaq Jesus doe ka haq: Drah loh enh kō hu lam tagùng Judā beq, đòeq mangai tiaq hōc jah hnoq yiniq ìh

broq. 4 Jò enh ka mangai qnoeq loq ka rađeh, ùh i cabô cadoc deh yiniq broq ta nòe hlep. Patep pang hì ìh ma broq bài biac aih, drah lam paqnoh rađeh am ka phù cròng beq. 5 Majah qmang aih wì oh haq hadai ùh lùì haq. 6 Aih ìq Chuaq Jesus majah doe ka wì haq: “Jò da au qnhòq troq, da pì jò leq ma ùh troq.” 7 Wì phù cròng ùh i tagit ka pì, mahaq git ka au, majah qmang aih au anoe patô qnoh trong da wì haq broq aih trong dù. 8 Pì tồc hâu ramènñ aih beq, au qnhòq tồc ta ramènñ aih majah qmang aih qnhòq troq jò da au. 9 Atiq ka anoe bàu aih, haq dua oe raq ta Galili. 10 Hnoq anoe qmang aih, khoe ka wì oh haq lam hâu ramènñ, haq hanoh lam, haq lam lai q ka hlep, ùh đôq cabô loq. 11 Oe tanòe ramènñ, bôe gucraq Juđa ti rinh chaq Chuaq Jesus, wì bôch dabau: Taleq haq? 12 Tanòe mangai bacc i bàu wì ta anoe ka dabau. Qnah ngai doe: Haq aih mangai lem, qnah ngai doe: Ùh! haq aih mangai toq ti qnùt wì phù cròng. 13 Mahaq ùh i cabô hùà anoe hloh trùh Chuaq Jesus, majah qmang aih wì crè ka bài gucraq Juđa. Jesus hnài jò Ramènñ 14 Qne ramènñ, Chuaq Jesus tồc hnài ta hnim kùh waiq. 15 Mangai Juđa ta aih ñiq jaq hamàih wì bôch dabau: Mangai kô qnhòq lah hóc, gleq haq majah rabiaq ka hset Hadròeh qmang meh? 16 Chuaq Jesus doe: “Bàu au hnài ùh xài loh eh cla au, mahaq loh enh Mangai ma khoe thê au. 17 Mangai leq broq tiaq manoh Boc Plinh, aih èh hi canau bàu au ma hnài loh enh Boc Plinh loq loh enh cla au. 18 Mangai leq capoch tiaq deh manoh, aih haq chaq kan ranhòm toq ka dađeh, mahaq mangai leq broq ka Mangai ma thê dađeh jah ranhòm, aih mangai ma joq qnàng, tanòe haq ùh i yiniq cleq jùh jùn. 19 Ma ùh joq Môise khoe am ka pì ranenh? I cabô leq taqne pì broq tiaq ranenh! Hagleq pì chaq trong hu jêh cađac au? 20 Bài wì doe: Ìh qmat kiac khoe pawè, cabô ma chaq jêh đac ìh? 21 Chuaq Jesus padreo bàu: “Au khoe broq mòi q yiniq, pì mangai leq mangai meh hamàih ñeh hra. 22 Môise thê pì wèq ranenh kat akia (ranenh aih ùh i loh enh Môise, mahaq loh enh wì kan cadraq) pì broq ranenh aih ka mangai gualô ta hì Sabat! 23 Tàng joq mangai gualô kat akia ta hì Sabat waq ka hatroq tiaq ranenh Môise, aih hagleq pì majah nòeh ka au jò au broq ka chac mangai yiniq jah brêh ta hì Sabat? 24 Apa q ngan toq enh gùng ñoeq hu hadrah mangai qnoeq, mahaq ep hadrah tiaq trong ma taq toq.

25 I qnah ngai oe ta Jêrusalem doe: Meh raq ùh xài mangai wì ma chaq jêh cađac? 26 Ngan meh haq ma i capoch rai amot, atàng i cabô tapoch mòi q nà bàu cleq ka haq. Ahiaq bài cwan khoe doe haq meh raq Christ joq qnàng? 27 Mahaq mangai meh trùh enh leq bèn loq, Yàng jò Christ hi trùh, i cabô maloq haq trùh enh leq. 28 Jò aih Chuaq Jesus oe raq hnài tanòe hamlang hnim kùh waiq, Haq capoch qmòi cađêh: “Pì canau ka au, loq ka au trùh enh leq, ùh xài au trùh ñeh ajang kô, mahaq Mangai ma khoe thê au aih joq qnàng. Pì ùh qnì ka haq, 29 mahaq au loq ka haq, majah qmang aih au loh enh haq, haq khoe thê au”. 30 Aih ìq raq, wì majah ti àu chaq trong rùp Chuaq Jesus, mahaq ùh i mòi q ngai leq hùà poh ta chac Jesus, majah qmang aih jò da haq qnhòq trùh; 31 mahaq i bacc ngai lùì haq. Wì doe: Jò Christ trùh, haq i broq bacc trong halac ùh hnau ka mangai kô ùh? 32 Mangai Pharisi tàng bacc ngai ta aih ta hatuàng trùh Chuaq Jesus ti dabau. Aih, wì haq hi mòi q manoh ka bài pajàu kàn wiang thê bài linh wèq hnim kùh waiq lam rùp haq. 33 Chuaq Jesus doe: “Au oe ti pì toq biaq hòm, khoe aih au hi hlài ñeh ta Mangai ma khoe thê au. 34 Pì hi ti chaq au, mahaq ùh hnoq au, èh hòm tanòe au ma oe, ta aih pì trùh ùh jah”. 35 Mangai Juđa doe ka dabau: Mangai kô enh lam taleq haq ma doe bèn chaq ùh hnoq haq? Ahiaq haq lam trùh ti bài mangai bèn ma haprah priang taqne mangai Gorec, ñoeq hu hnài mangai Gorec qmòi? 36 Haq khoe doe: Pì ti chaq au, mahaq ùh glàm au, èh hòm tanòe au oe pì enh trùh ta aih ùh jah, bàu aih qmang leq? 37 Hì atiq pulùch, aih hi ma yeo nhiet ñiq ñong ta hì ramènñ, Chuaq Jesus yòng rai tapoch bàu ñêh: “Mangai leq croh ranòng, drah trùh ti au hu ôq. 38 Mangai leq lùì au, qmang ka bàu Hset Hadròeh khoe anoe: cròng diac kan rih plôh loh qmòi enh dalam ka wì haq”. 39 Bàu aih, Haq anoe trùh Yiang Hadròeh mangai leq ma lùì haq atiq kô èh hi jah, jò aih qnhòq ùc qnoh Yiang Hadròeh, majah qmang aih Chuaq Jesus qnhòq jah ranhòm. 40 Ta aih bacc ngai tàng, wì doe: Mangai kô pajàu joq qnàng. Mangai qnoeq doe: Qmat raq Christ. 41 Mangai qmòi q hòm doe: Wìà ka Christ ma loh enh gùng Galili? 42 Ma ùh joq hset Hadròeh doe: Christ ep loh enh nang noe Dawit, enh plài Bêtlehem aih plài da bùa qmòi? 43 Taiq ajang nòe Chuaq Jesus, wì haq majah talah đac dabau. 44 Qnah ngai enh rùp

haq, mahaq ùh i cabô hua hnho deh mœq apah tì ta chac haq. **45** Qmang aih, bài linh tawih hlài nœ bài pajâu kàn xam bài mangai Pharisi. Wì aih bœch: Hagleq pì ma ùh ahlài mangai aih tacô? **46** Bài linh padreo bàu: Qnhòq lah i cabô capoch tìah ka mangai kô. **47** Mangai Pharisi goh bàu bài aih: Ahiaq haq aih khoe padô hloe xam pì qmòh? **48** I ka cwan leq, mangai Pharisi leq lùì haq aih ùh? **49** ùh! mahaq bài mangai bình qmœ ka calùh chàmm joq ùh lòm loq qmœ ka ranenh cleq, joq jiang toq ra òh hamaig! **50** Nicôđem (mangai adroe ka aih i trùh ti Chuaq Jesus, haq hanoh oe mœq bua ti bài aih) doe: **51** Ranenh da bèn ma rùp mangai leq bèn qnhòq bœch, qnhòq qnì ka yiniq haq aih broq qmòh? **52** Wì doe ka haq: ìh kô ma hadai mangai Galili qmòh? ìh ngan beq! ìh hi hnoq ùh lah i mangai pajâu leq ma loh enh gùng Galili. **53** Khoe aih, ñiq ka wì hi hlài deh hra ta hnim.

8 Mahaq Chuaq Jesus tœc ta bui wang Oliu. **2** Bu qngah, haq wìh hlài ta hnim kùh waiq, ñiq ðœng ka mangai ta aih trùh tapdan ka haq. Haq hangui hu hnài wì. **3** Jò aih bài mangai hnài ranenh xam bài mangai Pharisi aràng trùh ka haq mœq ngai cadrì wì jah rùp jò haq qnang tango. Wì thê haq yòng taqne mangai bàc ta aih. **4** Wì bœch Chuaq Jesus: Mangai hnài, mangai gucadrì kô nhèn rùp jò haq qnang tango, **5** ta ranenh da Môise thê bèn hachùq ðac xam hmo mangai qmang kô, ha da ìh doe qmang leq? **6** Wì bœch qmang aih ðœq hu bahlac haq, ðœq chaq nen hu tah hadrah ka haq. Mahaq Chuaq Jesus kùp ta haqneq, yœc hadrang tì achìh ta taneh. **7** Jò wì xan bœch yôt, haq padinh yòng rai doe ka wì: “Đôq ka mangai leq taqne pì qmat tàng ðađeh ùh hiaq i yiniq lui cleq, mangai aih yœc hmo hachùq adroe beq” **8** Haq hi kùp achìh hòm ta taneh. **9** Jò wì tàng qmang aih, wì hi lam, mangai craq lam adroe, trùh jò oe mœq ngai Chuaq Jesus ta aih, xam mangai gucadrì oe raq yòng. **10** Chuaq Jesus yòng bœch haq: “Mangai gucadrì meh, wì taleq hòm? ùh i ca bô taqmòq ka ìh yiniq lui cleq qmòh? **11** Haq padreo bàu: Waiq Chuaq, ùh i ka cabô. Chuaq Jesus doe: “Au hadai ùh taqmòq ka ìh yiniq lui, lam beq pì ðùh broq yiniq hòm”. **12** Chuaq Jesus doe hòm ka wì: “Au kô raq kan qngah ka crœng taneh kô, mangai leq tiaq au, haq aih ùh hiaq lam ta kan clam, mahaq i kan qngah da kan rìh. **13** Mangai Pharisi rahen: ìh yòng jang

kô anoe cla rađeh, bàu aih ùh wia ka lùì. **14** Chuaq Jesus doe: “Yac ka cla au anoe rađeh, bàu aih dua khòh lùì, majah qmang aih au loq ðeh khoe trùh enh leq, loq ðeh padon lam taleq. Mahaq pì ùh qnì ka au trùh enh leq, ùh qnì au lam taleq. **15** Pì tah hadarh tiaq ranenh da kon mangai, au ùh tah hadrah ka cabô. **16** Mahaq tàng joq au hadrah ka cabô, au hadrah troq joq qnàng, majah qmang aih au ùh i yòng ðeh mœq ngai, au yòng ðeh ti Baq ma khoe thê au. **17** Tanœ ranenh pì khoe achìh: bàu baiq ngai wiang anoe patô, bàu aih joq qnàng. **18** Au panhìn ka rađeh, Baq ma khoe thê au trùh, hadai wiang anoe panhìn ti au”. **19** Wì bœch haq: Aleq baq ìh? Chuaq Jesus doe: “Pì ùh canau ka au, ùh qnì ka Baq au, tàng joq pì khoe canau ka au, aih pì hadai khoe loq ka Baq au”. **20** Chuaq Jesus tapoch bàu kô jò yòng hnài tanœ hamlang hnim kùh waiq, haten ka nœ hnim don ðœq kùng hang ma ðech am ka hnim kùh waiq, ùh i mangai leq rùp haq majah qmang aih haq qnhòq trùh ðeh jò. **21** Chuaq Jesus noe tam ka wì haq: “Au kô òh lam, pì ti chaq au, pì qmat òh cachit ðeh ta yiniq lui. Nœ Au lam pì ùh jah trùh”. **22** Mangai Judá anoe: Haq doe nœ au lam pì ùh jah trùh, qmang aih haq lam cachit qmòh? **23** Mahaq Chuaq Jesus tapoch hòm: “Pì qmat loh enh qneq, au loh enh qnhêq. Pì qmat da crœng taneh kô, au ùh xài da crœng taneh kô. **24** Au khoe doe pì cachit ðeh ta yiniq lui cla, tàng joq pì dua ùh lùì au kô raq, joq qnàng pì cachit ðeh ta yiniq lui cla”; **25** wì bœch: ìh qmat ìq cabô? Chuaq Jesus padreo bàu: “Qmang ka bàu au khoe doe ka pì enh baxèm raq, **26** Au i bàc trong anoe, bàc trong hu hadrah pì, mahaq Mangai khoe thê au trùh aih ma joq qnàng, au tàng cleq enh Haq, aih au hi anoe hlài ka crœng taneh kô. **27** Wì ùh qnì tàng aih haq anoe trùh ðeh Baq. **28** Aih ìq Chuaq Jesus majah doe: “Jò pì hi atua Kon Mangai, aih òh pì men loq au kô cabô, loq yac ka moeq yiniq cleq dua au ùh broq ðeh, mahaq au anoe toq trong Baq khoe hnài au. **29** Mangai khoe thê au trùh dua oe yôt ti au, qnhòq lah ðœq au oe ðeh mœq ngai, majah qmang aih yac ka jò leq dua au broq lem manoh Haq”. **30** Chuaq Jesus anoe qmang aih i bàc ngai lùì bàu haq. **31** Chuaq Jesus doe ka mangai Judá ma khoe lùì haq: “Tàng joq pì wêq bàu au hnài, aih pì joq mangai tiaq hœc au; **32** pì jah loq bàu joq qnàng, bàu joq qnàng jah lèh caqnaih pì”. **33** Mangai Judá doe: Nhèn kô nang

noe Apraham, qnhòq lah broq díc hapõng cabô, gleg ìh ma doe: jah lêh caqnaih nhèn? **34** Chuaq Jesus doe ka wì: “Jòq qnàng, jòq qnàng au doe ka pì, mangai leq broq yiniq lui aih broq díc yiniq lui. **35** hapõng díc majah oe hloe ta hnim, mahaq toq Kon raq majah oe hloe ta aih. (aiõn g165) **36** Qmang aih tàng jòq Kon lêh caqnaih pì, aih pì jòq khoe jah paclaih jòq qnàng. **37** Au loq pì nang noe Apraham, mahaq pì toq chaq trong jêh cadac au, majah qmang aih bàu au ùh i nòe ta manoh ciac pì. **38** Au anoe yiniq au hnoq enh ngèa Baq au, pì broq trong pì top dua baq pì.” **39** Wì doe: Apraham aih baq da nhèn, Chuaq Jesus doe: “Tàng jòq pì kon Apraham, aih pì broq tiaq Apraham. **40** Mahaq mandeq kô pì chaq trong jêh đac au, mangai ma khoe yõc bàu jòq qnàng enh Boc Plinh đòeq anoe ka pì. Apraham ùh i broq qmang aih! **41** Pì qmat broq yiniq baq pì broq.” Wì aih padreo bàu: Nhèn ùh xài kon tango, nhèn i mòeq ngai baq raq, aih Boc Plinh. **42** Chuaq Jesus doe: “Tàng jòq Boc Plinh aih baq pì, pì loq waq ka au, majah qmang aih au loh enh Boc Plinh, au trùh enh Haq, au ma i trùh đeh tacô, Haq aih ma khoe thê au. **43** Hagleg pì ma ùh qnì tàng bàu au? Aih ìq taiq pì ùh qnì trong da au. **44** Pì loh enh kan kiac aih kan cadraq da pì, pì enh broq gêh trong baq pì enh. Enh baxèm raq haq aih mangai jêh đac mangai, ùh cajap manoh wèq bàu jòq qnàng, majah qmang aih ùh i ka bàu jòq qnàng enh dalam ka haq. Jò haq amòng, haq capoch tiaq deh khoe hmòt, majah qmang aih haq mangai loq amòng broq baq mangai loq amòng. **45** Mahaq pàng au anoe bàu jòq qnàng, dài pì majah ùh lùu au. **46** Taqne pì qmat i cabô patô jah yiniq lui da au ùh?... Tàng au anoe bàu jòq qnàng gleg pì ma ùh lùu au? **47** Mangai da Boc Plinh aih tàng bàu Boc Plinh. Pì majah ùh tàng bàu Boc Plinh, pàng pì ùh xài mangai da Boc Plinh.” **48** Mangai Judà doe: Nhèn doe ìh qmat mangai Samari kan kiac khoe pawè, aih ma ùh troq? **49** Chuaq Jesus pa dreo bàu: “Au ùh xài mangai kiac pawè au, mahaq au ta iu Baq au, da pì aih enh poch qmèq ka au. **50** Au ùh chaq kan nhòm ka dađeh, mahaq i mòeq Mangai chaq, haq aih èh mangai hadrah. **51** Jòq qnàng, jòq qnàng au doe ka pì, mangai leq iu tiaq bàu au, haq aih èh ùh hnoq kan cachit”. (aiõn g165) **52** Mangai Judà doe: Manòeq kô nhèn khoe loq jòq qnàng, ìh qmat jòq mangai kiac khoe pawè. Apraham khoe cachit, diq đồng bài

pajàu hadai, yàng ìh aih doe mangai leq iu tiaq bàu ìh ùh jò leq glàm kan cachit. (aiõn g165) **53** ìh ma yeo kàn ùh hnau ka baq nhèn? Aih la Apraham mangai khoe cachit. Bài pajàu hadai khoe cachit, ìh qmat patiah đeh broq cabô? **54** Chuaq Jesus padreo bàu: “Tàng jòq au padèch kan ranhòm ka rađeh, kan ranhòm aih ùh loh cleq, Baq au, mangai pì doe deh Baq, aih mangai broq ka au jah kan ranhòm. **55** Pì ùh qnì ka Haq, au loq ka Haq. Tàng au doe đeh ùh qnì ka Haq, aih au hadai loq qnùt tiaq ka pì diq, mahaq au loq ka Haq rai broq tiaq bàu haq. **56** Baq pì aih Apraham, calah nèh haq tadèch qmòe qnòeh jò haq hnoq hì da au, khoe jah hnoq haq diq jaq lem bùi.”. **57** Wì têu ka haq: ìh qnhòq jah padam jàt hanam ìh ma khoe hnoq Apraham. **58** Chuaq Jesus padreo bàu: “Jòq qnàng, jòq qnàng au doe ka pì, adroe ka i Apraham, khoe i au.” **59** Jò aih wì toch hmo đòeq hibùq haq, mahaq Chuaq Jesus cadoc dađeh loh hnim kùh waiq, lam taqnoeq.

9 Chuaq Jesus bu lam ti trong, hnoq mòeq ngai lua qmòe enh jò baxèm ha-uang. **2** Mangai tiaq hõc bõch: Rabi, cabô ma khoe i yiniq lui, cla haq loq miq baq haq, hagleg haq bu ha-uang ma khoe lua qmang qmat? **3** Chuaq Jesus doe: “Qmat ùh xài claq haq hadai ùh xài miq baq haq khoe i yiniq lui, mahaq qmat đòeq yiniq Boc Plinh broq jah paqnoh ajang haq. **4** Jò oe raq qngah da hì, au ep broq gêh ka yiniq Mangai ma khoe thê au trùh, jò trõc clam ùh i cabô oe jah broq cleq. **5** Jò au oe raq ta crõng taneh, au raq kan qngah ka crõng taneh.” **6** Khoe ka capoch bàu aih, haq cachôh ta taneh, jràu diac hai ta blo dõq haq wia tráp, èh haq xùt ta mat mangai lua aih. **7** Khoe haq doe: “Lam beq, lam ta bau diac Siloê đòeq hu qnheo (Siloê aih la Jah thê)”; haq hi lam trùh ta bau aih, qnheo, khoe èh wìh hlài, hi jah xau hnoq qmòe lem lech. **8** Wì plài mangai lua aih xam bài mangai nèh haq hmaq hnoq mangai lua kô rih ka axìn, wì doe: Ûih! kô ajoq mangai xan hangui axìn ùh xài? **9** Qnah ngai doe: hi loq haq qmat raq! Mangai qnoeq doe: Ûh xài, mangai tah hatiah ka haq. Mahaq cla haq doe lam doe hlài: Hi loq ka au kô raq! **10** Wì bõch: Hagleg mat gè khoe jah tapèch? **11** Haq têu bàu: Mangai yiniq haq Jesus leo tráp xùt ta mat au. Haq thê au lam ta bau diac Siloê hu qnheo. Au hi lam qnheo, mandeq au khoe jah xau hnoq. **12** Wì bõch haq: Taleq

mangai aih? Haq doe: au ùh qnì. **13** Wì qnong mangai neh haq ma lua mat trùh ajang ngèa mangai Pharisì. **14** Hì Jesus ma leo tráp broq ka mangai lua mat jah brêh aih, wop hì Sabat. **15** Mangai Pharisì bôch hòm hagleg haq ma khoe jah xau hnoq. Haq doe: Mangai aih xùt tráp ta mat au, au lam qnheo khoe hì jah hnoq. **16** Qnah ngai Pharisì doe: Mangai kô ùh xài loh enh Boc Plình, hacô haq ùh wèq hì Sabat. Mahaq mangai qnoeq hòmdoe: Mangai i yiniq lui majah broq kan halac qmang qmat? Pì tahatroq, wì hì loh ka talah ka dabau. **17** Khoe aih wì haq tawìh hlài ajang mangai lua, wì bôch: Mandeq kô mangai ma khoe broq ka ìh jah xau hnoq qmat ìh doe qmang leq? Mangai aih padreo bàu: Haq aih mangai pajàu. **18** Mahaq mangai Judà ùh lùì haq aih nêh lua mat yàng mandeq khoe jah hnoq, trùh wì ma hì creò ka miq baq haq. **19** Wì àu bôch: Kô ajoq kon calô chôp ma xan doe haq lua qmòe enh jò ha-uang nêh raq? Òq hagleg mandeq haq majah xau hnoq? **20** Wa miq baq haq doe: Ma canau haq qmat joq kon ma, lua qmòe enh jò ha-uang nêh raq, **21** yàng mandeq kô hagleg haq jah xau hnoq, ma hadai ùh loq, ma hanoh ùh qnì ka cabô khoe pèch da haq mat. Bôch cla haq, haq khoe kàn, cla haq doe ðeh. **22** Miq baq haq majah anoe qmang aih, wa haq crê ka bài gucraquJudà, wì aih khoe doe waq toq cabô doe Jesus aih raq Mêsia, mangai aih èh wì hnan qnoh ðac enh gùng ka hnim tagop qyoh. **23** Aih wa miq baq haq majah doe: Haq khoe troq hanam, bôch cla haq. **24** Mangai Pharisai creò ka mangai nêh haq lua mat aih tam mòeq yàng hòmdoe, wì doe: Drah manê apôi Boc Plình beq, nhên loq mangai aih i yiniq lui; **25** mangai aih doe: au ùh qnì mangai aih i yiniq lui loq ùh, au loq mòeq yiniq, nêh au lua mahaq mandeq au jah qngah. **26** Wì bôch hòmdoe: Haq khoe broq ka gè cleq, haq pèch da gè mat qmang leq? **27** Haq padreo bàu: au khoe doe ka pì, pì ùh ta mâng. Gleq pì majah enh tàng hòmdoe? Ahiaq pì enh broq mangai tiaq hóc haq aih diq qmòh? **28** Wì hnap hnuq ka haq rai doe: Gè qmat òq mangai tiaq hóc haq, nhên kô mangai tiaq hóc Môise. **29** Nhên loq Boc Plình khoe doe ka Môise, mahaq mangai kô nhên ùh qnì qmòe ka haq loh enh leq. **30** Haq aih padreo bàu: Mangai aih khoe pèch da au mat, aih pì doe ùh qnì haq loh enh leq, aih joq ma halac! **31** Bèn loq Boc Plình malah tamàng bàu mangai i yiniq lui, mahaq tàng cabô loq yùq iu bàu Boc

Plình, broq tiaq manoh Haq, bàu mangai aih Haq tamàng. **32** I cabô lah tàng doe i mangai pèh mat mangai lua qmòe enh qyoh. (aiôn q165) **33** Tàng joq mangai kô ùh loh enh Boc Plình, haq ùh broq cleq majah. **34** Wì têu haq: Gè qmat catàm ta yiniq lui enh jò ha-uang nêh raq, broq deh hnài nhên! khoe aih wì hnan qnoh haq enh gùng. **35** Chuaq Jesus tàng doe wì khoe hnan qnoh cadac mangai aih loh enh gùng, jò hnoq mangai aih, haq doe: “Ìh alùì Kon Mangai?” **36** Mangai aih bôch: Wì Craql anoe ka au loq haq aih cabô, ðòeq au hu lùì. **37** Chuaq Jesus doe: “Mandeq kô ìh khoe hnoq haq, joq qnàng, hacô haq mangai qnang hatuàng ti ìh.” **38** Mangai aih doe: Waiq Chuaql! au lùì ìh. **39** Chuaq Jesus doe: “Au khoe trùh ta crông taneh ðòeq broq kan tah hadrah qmang kô: mangai ùh xau èh jah hnoq, mangai hnoq èh loh ka ùh xau.” **40** Mangai Pharisì ma yòng ti haq tàng anoe qmang aih, wì bôch: ìh doe cleq? Nhên ma hadai lua mat? **41** Chuaq Jesus doe: “Tàng joq pì hadai lua, aih pì ùh ka yiniq lui cleq, mahaq mandeq pì doe ðeh qngah, ðài aih raq yiniq lui pì majah oe.”

10 “Jòq qnàng qnàng au doe ka pì mangai, mangai leq thia ta cadrong triu ma ùh mùt trong qmang, mahaq heo trong qnoeq, aih mangai atùng. **2** Mangai leq mùt ti trong qmang, aih majoq mangai ban triu. **3** Mangai gòm qmang pèh ka haq qmang, triu tàng ðeh bàu mangai ban, haq creò yiniq ðeh triu hu tiaq qnoh enh gùng. **4** Jò haq khoe qnoh triu loh ðiq enh gùng, cla haq lam adroe, triu lam atìq, majah qmang aih triu canau ka bàu haq. **5** Mahaq ùh jò leq triu tiaq mangai ùh canau, majoq qnàng aih triu loh ka cadàu amot, majah qmang aih haq ùh canau ka bàu mangai aih. **6** Chuaq Jesus aliah bàu aih, mahaq bài mangai Pharisì ùh qnì tàng haq anoe cleq. **7** Aih ìq Chuaq Jesus majah anoe hòmdoe: “Jòq qnàng au anoe ka pì, au kô raq qmang triu. **8** Bài mangai trùh adroe ka au ðiq bài mangai atùng, mahaq triu ùh tamàng bàu wì aih. **9** Au kô raq qmang, mangai leq mùt jang au mangai aih jah ðèch. Wì haq jah mùt loh, jah glàm nhac. **10** Mangai atùng trùh ðòeq toq hu atùng, jêh rai palùng ðac. Mahaq au khoe trùh ðòeq triu jah rìh, rai jah kan rìh tàu tia. **11** Au kô raq mangai ban triu khun rabiaq, mangai ban khun rabiaq haq cadac qmòe raðeh ðòq triu jah kan rìh. **12** Mangai ban acaq baha aih ùh xài mangai ban joq qnàng,

triu hadai ùh xài triu haq, tàng haq hnoq koq gùng trùh, haq cađac triu hu cadàu claih toq ka dađeh. Koq gùng blah yỏc triu rai broq ka triu haprah priang. **13** Mangai ban baha cadàu toq ka dađeh, haq ùh i hèm trùh triu. **14** Au kỏ raq mangai ban khun rabiaq, au loq deh ka triu, ẻh triu au hadai loq ka au. **15** Tẻi ka Baq loq ka au, au loq ka Baq – Au cađac rađeh am ka triu. **16** Au oe raq i calủh triu qnoeq ùh xài ta cadrong kỏ; au ep tiaq ahlẻi haq. Triu aih ẻh hadai jah tàng bẻu au, jah wẻa mỏeq calủh, ẻh mỏeq ngẻi ban raq. **17** Hagleq Baq majah loq waq au, aih au phủq deh kan rẻh đỏeq hu jah yỏc hẻi. **18** ùh i cabỏ doeh yỏc da au kan rẻh, mahaq cla au phủq đẻh, au i cẻiẻng cađac deh kan rẻh hadai i cẻiẻng yỏc hẻi. Baq khoe thẻ qmang aih. **19** Mangai Judẻ tàng bẻu aih, wẻ loh qmỏe ka talah ka dabau. **20** Qnah ngẻi doe: Haq qmat kiac pawẻ haq khoe loh ka rawẻ, tamẻng đẻh ka bẻu haq? **21** Qnah ngẻi doe: Bẻu kỏ ùh xài bẻu mangai kiac khoe caqnit don. Kiac wẻa ka jah pẻh mat mangai ùh xau? **22** Trủh hẻ Ramẻnh đẻch hnim kủh waiq ta Jẻrusalem. Aih troq jỏ ralẻm, **23** Chuaq Jesus oe ta hamlang hnim kủh waiq, haq ti dauq roc canhiang qmang Salomỏn. **24** Mangai Judẻ ti dudan ka haq rai bỏch: ẻh đỏeq nhẻn rangỏt yỏt qmang kỏ trủh jỏ leq? Tẻng joq ẻh kỏ raq Mẻsia, anoe ka nhẻn ma hloh haq. **25** Chuaq Jesus padreo bẻu: “Au khoe doe ka pẻ, mahaq pẻ ùh lủi. Bẻi yiniq au broq enh dalam ka yiniq Baq au, khoe wiang panhẻn ka au; **26** mahaq pẻ ùh lủi, majah qmang aih pẻ ùh xài triu au. **27** Triu da au tamẻng bẻu au, Au loq ka wẻ haq, wẻ haq tiaq au. **28** Au am ka wẻ haq kan rẻh halẻnh mỏeq đỏe, wẻ haq ùh jỏ leq cachẻt, ùh i cabỏ jah hrủiq yỏc wẻ haq enh tẻ au. (aiủn g165, aiủnios g166) **29** Baq au Mangai ma khoe am triu aih ka au, Haq yeo kẻn điq đỏng. ùh i cabỏ jah hrủiq yỏc wẻ haq enh tẻ Baq au. **30** Au xam Baq aih mỏeq raq. **31** Mangai Judẻ tỏch hmo hu hibủq haq hỏm. **32** Chuaq Jesus doe: “Au khoe broq ka pẻ hnoq bẻc yiniq lem loh enh Baq. Yiniq cleq pẻ majah tỏch hmo hu đẻp au.” **33** wẻ doe: ùh xài ẻh broq lem nhẻn majah đẻp ẻh, mahaq taiq ẻh capoch haqnẻq bẻu ùh hỏq qmỏe cleq, ẻh qmat xài mangai, aih ẻh ma doe rađeh Boc Plẻnh. **34** Chuaq Jesus padreo bẻu: Ta Hset ranẻnh pẻ ùh xài i achẻh: Au khoe creo ka pẻ aih yiang qmỏh? **35** Tẻng Hset Ranẻnh creo ka bẻi mangai jah bẻu Boc Plẻnh aih yiang, tàng joq bẻu Hset Hadrẻh ùh jah cađac, **36** ha

mangai Baq ma khoe đỏeq đẻh crẻi, khoe thẻ loh ta cỏng taneh kỏ? Hagleq pẻ majah doe au haqnẻq bẻu jỏ au doe au kon Boc Plẻnh.” **37** Apaq lủi, tàng joq au ùh broq yiniq Baq broq. **38** Mahaq tàng au broq, yac ka pẻ ùh lủi au, pẻ lủi bẻi yiniq au broq, aih pẻ hi canau loq Baq oe enh dalam ka au, au hadai oe enh dalam ka Baq.” **39** Wẻ ù rủp haq hỏm, mahaq haq wẻa cađac. **40** Khoe aih Chuaq Jesus wẻh hẻi apah tau cỏng điac Jỏđan, trủh ta nỏe Jon ma baxẻm broq baptem nẻh. Haq oe ta aih, **41** bẻc ngẻi trủh ta haq. Wẻ doe: Yac ka Jon qnhỏq hmaq broq cleq ma halac, mahaq rẻm nẻ Jon anoe trủh mangai kỏ aih điq wỏp đỏng. **42** Ta aih, i bẻc ngẻi lủi Chuaq Jesus.

11 I mỏeq ngẻi ùh hrỏc yiniq haq Laxaru, oe ta Bẻthani, plẻi Mari xam Mathẻ daq haq. **2** Mari aih mangai ma khoe xủt dẻu xua thủm ka Chuaq Jesus, rẻi yỏc deh xẻc gẻu xủt jẻnh Jesus, daq haq Laxaru qnang ùh hrỏc. **3** Wa thẻ mangai lam patẻn ka Chuaq Jesus: Waiq Chuaq! Mangai ẻh ma loq waq khoe ùh hrỏc. **4** Jỏ Chuaq Jesus tàng qmang aih, haq doe: “Yiniq kỏ ùh i ma doe cachẻt, mahaq đỏeq ka Boc Plẻnh jah kan ranhỏm, aih ẻh yiniq Kon haq hadai jah qngah qngẻi”. **5** Chuaq Jesus loq waq ka Mathẻ, loq waq ka oh haq xam Laxaru. **6** Jỏ Haq tàng doe Laxaru ùh hrỏc, haq oe tam ta aih baiq hẻ. **7** Khoe aih haq doe ka mangai tiaq hỏc: “Beq bẻn wẻh hẻi ta Judẻ”. **8** Mangai tiaq hỏc doe: Rabi! Neo ta adreo kỏ nẻh, mangai Judẻ kỏ yỏc hmo hu hacam đẻp ẻh, ẻh oe wẻh hẻi ta aih hỏm qmỏh? **9** Chuaq Jesus padreo bẻu: “Dẻi ma ùh xài i mỏeq jẻt baiq jỏ qmỏh? Mangai cadiang lam jỏ dẻi aih ùh catoeh, majah qmang aih kan qngah ta cỏng taneh kỏ broq ka haq xau hnoq. **10** Mahaq tàng cabỏ cadiang lam jỏ damang, haq catoeh majah qmang aih haq ùh i ka kan qngah”. **11** Atiq ka anoe bẻu kỏ, Chuaq Jesus doe: “Laxaru bẻa bẻn qnang kủi, mahaq au trủh ta aih hu padriủ haq.” **12** Mangai tiaq hỏc doe: Tẻng joq haq jah kủi, aih ẻh haq rẻnh brẻh. **13** Chuaq Jesus anoe bẻu aih hu doe Laxaru khoe cachẻt mahaq mangai tiaq hỏc xoh đẻh haq kủi joq qnẻng. **14** Haq hi anoe hloh hloe ka wẻ: “Laxaru khoe cachẻt”. **15** Au lem bủi am ka pẻ, ùh i ka au ta aih, đỏeq pẻ hu lủi, beq bẻn lam ta haq.” **16** Khoe aih Thỏma (Qnah ngẻi creo Đẻ đẻm) doe: Beq bẻn hanoh lam, hu cachẻt pajủm ti haq.” **17** Jỏ trủh ta aih, Chuaq Jesus loq Laxaru

oe ta râlùng khoe jah pôn hì. **18** Adreo Bêthani trùh Jêrusalem bu mòeq jât padam êtado. **19** I bàc ngai Judá trùh ta aih hu alòng Mathê xam Mari jò daq wa khoe pi i. **20** Jò Mathê tàng doe i Chuaq Jesus trùh, haq tùh loh, mahaq Mari oe raq ta hnim. **21** Mathê doe: Waiq Chuaq! Tàng i ìh tacô, daq au ùh cachit. **22** Mahaq mandeq kô au loq, ìh bòch cleq dua Boc Plinh am. **23** Chuaq Jesus doe ka haq “Daq ìh jah rìh hlài.” **24** Mathê padreo bàu: Au loq trùh jò mangai cachit rìh hlài hì atìq pulùch èh, haq jah rìh hlài. **25** Chuaq Jesus doe ka haq: “Au kô raq kan rìh xam kan rìh hlài. Mangai leq lùì au haq aih jah rìh hlài, yac ka haq khoe cachit. **26** Èh hòmh, mangai oe rìh lùì au, haq aih ùh cachit. ìh alùì qmang aih?” (aiôn g165) **27** Mathê padreo bàu: Waiq Chuaq, au lùì ìh kô raq Christ, Kon calô Boc Plinh, Mangai òdeq trùh ta crông taneh kô. **28** Khoe ka doe qmang aih, haq hlài chop anoe deh ka Mari oh haq: Mangai hnài qnang oe tacô, haq creo chaq oh. **29** Jò Mari tàng qmang aih, haq drah yòng lam trùh ta Chuaq Jesus. **30** Jò kô Jesus qnhòq mùt taplài, oe raq yòng tanòe Mathê ma loh òdih haq. **31** Mangai Judá qnang oe ta hnim ti Mari òdeq alòng haq, jò hnoq haq loh lam, wì drah tiaq haq majah qmang aih wì hèm canau haq loh hmoe ta râlùng. **32** Jò Mari trùh ajang nòe Chuaq Jesus yòng, bu hnoq Haq, Mary hacùn cràng nòe jènh Chuaq Jesus rai anoe: Waiq Chuaq! Tàng joq ìh oe tacô, daq au ùh i cachit. **33** Jò Chuaq Jesus hnoq Mary hmoe, èh hnoq bõe mangai Judá ma lam tiaq haq hanoh hmoe, Chuaq Jesus tamèt ta manoh, haq bòch: “Pì catùh hanang haq taleq?” **34** Dìq ka wì doe: Waiq Chuaq! ìh lam hu ngan. **35** Chuaq Jesus hmoe. **36** Mangai Judá ta anoe: Ngan mehl! Kan haq loq waq ka Laxaru qnì dàng leq. **37** Mahaq i qnah ngai doe: Mangai khoe jah pèch mat mangai lua, laiq ma hadai broq mangai kô ùh cachit qmòh? **38** Jò aih, Chuaq Jesus haq jìq tam ta manoh, haq lam trùh ta râlùng (Râlùng aih kòp i mòeq toq hmo kàn padit ajang ngah). **39** Haq doe: “Cadro hmo qmat lam taqnoeq”. Mathê oh mangai cachit aih doe: Waiq Chuaq! mandeq kô khoe xua, majah qmang aih haq oe ta râlùng khoe pôn hì. **40** Chuaq Jesus doe hòmh: “Au ma qnhòq lah doe ka ìh tàng joq ìh lùì, ìh hi jah hnoq kan ranhòm Boc plinh?” **41** Qmang aih, wì hi cadro òac hmo. Khoe aih Chuaq Jesus qngoc ngan ta plinh rai doe: “Baq, au manè apôi ìh khoe tamàng bàu au, **42** au loq

yac ka jò leq dua ìh tamàng bàu au, mahaq au majah anoe qmang aih òdq wì ma yòng dudan tacô jah tàng, òdeq ka wì haq jah loq ìh khoe thê au trùh”. **43** Khoe ka anoe qmang aih, haq creo cadêh “Laxaru! loh beq”. **44** Mangai cachit hi cadiang loh, bai lòm hanang oe raq kât da haq jènh tì, mù oe raq tù da haq hadrò. Chuaq Jesus doe ka wì: “Lêh òdng bai qmat, òdq haq jah lam”. **45** Bàc ngai Judá ma trùh òdeq hu alòng Mari hnoq yiniq Chuaq Jesus broq, wì hi lùì haq. **46** Mahaq i qnah ngai lam chaq bài mangai Pharisi anoe ka wì aih loq yiniq Chuaq Jesus khoe broq. **47** Bòe pajàu kàn xam mangai Pharisi tagop ti dabau ta hnim hadrah, wì doe: Mangai kô broq bàc kan halac, bèn broq qmang leq kô èh? **48** Tàng joq bèn xan òdq haq broq yôt qmang kô, trùh wì ma lùì òdng haq, jò aih èh hnim kùh waiq xam taneh diac bèn, mangai Rôma trùh tacô raliang òac òdng. **49** Khoe aih i mòeq ngai yiniq haq Caiphe, hanam aih haq broq cla craq pajàu kàn, haq doe: Pì ùh lòm qnì qmòe cleq! **50** Pì ùh hèm tàng mòeq ngai cachit am òdìq òdng ka mangai aih ajoq yeo lem ùh hnau òdìq ka taneh diac kô lùng pac òdng. **51** Bàu aih ùh xài cla haq anoe òeh, mahaq hanam aih haq broq cla craq pajàu kàn, haq tapoch pajàu trùh Chuaq Jesus padon cachit am òdìq òdng ka mangai, **52** èh ùh xài toq ka taneh diac aih mahaq xam òdìq òdng ka kon Boc plinh ma khoe prah priang, òdeq hu tagop ahlài wì haq òdq wì haq wia mòeq. **53** Pang hi aih wì hi chaq trong jêh cadac haq. **54** Dài aih ìq, Chuaq Jesus lam ta gùng Judá, mahaq pi am bàc ngai loq, Chuaq Jesus cadac ta aih haq lam mùt tagùng haten ka òdng hawit, trùh ta plài Epra-im haq hi oe ta aih òdèh ti bõe mangai tiaq hòc. **55** Hì ramènh Pan cwa da mangai Judá ten trùh, bàc ngai tòc ta Jerusalem adroe ka hì ramènh basròeh. **56** Wì haq ti chaq Chuaq Jesus, oe ta hnim kùh waiq wì haq bòch dabau: Pì hèm qmang leq cadêh? Haq aih ma ùh tòc hàu ta hì ramènh kô qmòh? **57** Mahaq bài pajàu kàn xam mangai Pharisi khoe tanap bàu waq toq cabô hnoq Chuaq Jesus oe taleq, mangai aih ep lam anoe ka wì haq loq òdeq wì haq hu rùp Chuaq Jesus.

12 Tadràu hì adroe ka ramènh Pancwa, Chuaq Jesus mùt ta plài Bêthani, aih nòe Laxaru, mangai Chuaq Jesus khoe broq haq rìh hlài enh kan cachit. **2** Wì padon yiniang ka Chuaq Jesus acaq ta aih, Mathê ti patih, Laxaru hadai hangui

ti wì ma acaq pajùm aniang ti haq. **3** Mari yõc qne lit đầu xua thùm canaq bac, haq pùc đầu aih ta jènh Chuaq Jesus èh yõc deh xác gàu xùt da haq jènh. Ta hnim aih bìn dõng kan xua thùm. **4** Mahaq i mõe qngai tiaq hõc, yiniq haq Juda, mangai atiq kô èh ma blõq Chauq Jesus, haq doe: **5** Hagleq ma ùh tech đầu kô hu yõc bac òeq am ka mangai pa? Dầu qmat mõe hanam abroq men plài. **6** Haq anoe qmang aih ùh xài haq loq hèm trùh mangai pa, mahaq haq aih mangai loq atùng, haq mangai wèq bac jèn xan bõc yõc atùng bac wì tah ta aih. **7** Chuaq Jesus doe: “Paq troq dèh ka haq, haq khoe palauq dầu qmat òeq trùh hì hu lòm hanang au. **8** Jò leq ma ùh i ka mangai pa oe dudan ti pì, mahaq au ma i oe yõt ti pì”. **9** Jò aih haraya mangai Juda loq ka Chauq Jesus oe ta aih, wì trùh ùh xài òeq hnoq toq Chuaq Jesus, mahaq hu ngan hloe xam Laxaru, mangai Chuaq Jesus khoe broq rih hlài enh kan cachit. **10** Bài mangai pajàu kàn hadai chaq trong jèh cadac hloe xam Laxaru. **11** Ajang Laxaru aih raq majah i bác ngai Juda rai trùh rai lùì Chuaq Jesus. **12** Hì atiq, pì cajaq mangai tõi hàu Ramèn Pancwa, tàng doe Chuaq Jesus qnang tõi ta Jêrusalem. **13** Wì hlèh hla triaq, tùh loh ta Chuaq Jesus rai cachech: Hòsana! Xôq ramot am ka mangai trùh enh dalam yiniq Chuaq. Xôq ramot ka bùa Isorali! **14** Chuaq Jesus hnoq mõe toq lùa qyoh, Haq tõi hangui enh cõng lùa aih, qmang ka bàu khoe achih: **15** “Kon adrùh Siôn! Apa q crè, Ngan meh, bùa pì qnang trùh, Hangui enh cõng lùa qyoh.” **16** Jò baxèm aih, mangai tiaq hõc ùh qnì bài biac kô. Trùh atiq ka jò Chuaq Jesus khoe jah ranhòm wì haq men hmàng hlài bài bàu aih khoe achih trùh haq, wì broq qmang aih dõq xit ka bàu aih gèh. **17** Bài mangai ma oe ti Chuaq Jesus jò haq creo ka Laxaru loh enh ralùng rai broq ka haq rih hlài, hadai ùh hêq ka anoe yõt biac aih. **18** Bào ngai khoe tàng doe Chuaq Jesus broq trong halac kô, aih iq bài wì majah loh ãh Chuaq Jesus. **19** Mangai Pharisì ta anoe ka da bau: Pì ahnoq raðeh ùh broq cleq jah, ngan tau, ãq ka phù cõng tiaq dõng haq! **20** Jò wì ma tõi kùh waiq ta hì Ramèn, ta aih i mangai Gorec, **21** trùh ajang Philip mangai Bet-saida gùng Galili, wì haq doe: wì cra q! nhèn enh hnoq ãh Chuaq Jesus! **22** Philip lam doe ka Anrê, Anrê xam Philip lam anoe ka Chuaq Jesus. **23** Chuaq Jesus padreo bàu: “Jò Kon Mangai jah kan ranhòm khoe trùh. **24** Joq qnàng, joq qnàng

au anoe ka pì, tàng joq pliang adrech qmau tau ùh cachit, atiq ka jò haq khoe jah rai ta taneh aih èh haq oe mõe dèh qmang aih raq. Mahaq tàng joq haq cachit, aih èh haq men jah loh qmõe ka bác. **25** Mangai leq loq waq dèh toq kan rih cla, aih èh hnhung, mangai leq git deh kan rih cla ta qnhòng kô, haq aih èh jah wèq hlài dèh trùh ta qnhòng rih halinh mõe òeq. (aiōnios g166) **26** Mangai leq patih ka au, ep tiaq au, èh au oe taleq mangai patih hadai ep oe ta aih, tàng cabõ patih ka au, Baq au ta-iu ka mangai aih... **27** Mande q kô mahua yang au ma nhài ùh catèm, au anoe cleq kô èh? Waiq Baq! dèch kon khoe ka jò kô! mahaq taiq jò kô raq kon majah khoe trùh. **28** Baq! broq ka cla yiniq ìh jah qngah qngai.” Wop jò aih, i bàu enh plinh doe: Au khoe broq qngah qngai yiniq au, au oe raq broq dõq qngah qngai hòm! **29** Wì ma oe ta aih tàng bàu aih wì doe: Trõi hìlùng, i qnah ngai doe: I bình plinh loh hatuàng ka haq. **30** Chuaq Jesus doe: “Bàu kô ùh xài am ka au, mahaq òeq am ka pì. **31** Mande q kô i kan hadrah ka cõng taneh kô, hanoh mandeq kô raq bùa cõng taneh kô ep drùh qnoh ãc. **32** Yàng da au kô hòm, jò chac au jah dèch atua khoe ka taneh, aih èh au hi aràng ãq ka mangai trùh ti au”. **33** Haq doe bàu kô òeq hu anoe raðeh cachit qmang leq. **34** Bài mangai ta aih doe: Nhèn i hõc ta hset ranenh doe Christ rih mõe òeq, wìa ka ìh doe: Kon Mangai ep dèch atua haqnhèq? Kon mangai aih iq cabõ? (aiōn g165) **35** Chuaq Jesus padreo bàu: “Kan qngah oe taqne pì toq biaq hòm, cadiang lam jò oe raq i kan qngah, adroe ka kan clam trùh enh qnhèq ka pì. Mangai cadiang lam ta clam ùh qnì ka raðeh qnang lam taleq. **36** Pì qnang i kan qngah, dra h lùì kan qngah aih, dõq pì wìa kon da kan qngah”. Jò khoe hêq ka capoch qmang aih, Chuaq Jesus puplech hangai ka wì. **37** Yac ka Chuaq Jesus khoe broq bác trong halac enh ngèa wì, dua wì ùh lùì haq. **38** Qmang aih dõq xit qmang ka bàu pajàu Êsai khoe doe: Chuaq! cabõ ma khoe lùì bàu nhèn anoe Tì Chuaq khoe paqnoh am ka cabõ? **39** Wì majah ùh lùì, taiq ajang qnoeq Êsai i doe: **40** Haq khoe broq ka mat wì ùh xau hnoq, manoh wì cadoq, Yùq mat wì loq hnoq, manoh wì loq tàng, Wì haq wìh hlài, èh au loq broq wì haq jah brèh qmòh! **41** Êsai capoch bàu kô, haq anoe trùh Chuaq Jesus majah qmang aih haq khoe hnoq kan ranhòm Chuaq Jesus. **42** Hnoq anoe qmang aih,

jò aih taqne bài cwan ma broq gàu i bacc ngai lù Chuahq Jesus, mahaq wì haq ùh hù anoe qnoh, majah qmang aih wì crè ka bài mangai Pharisi loq nhan qnoh wì haq enh gùng ka hnim tagop. **43** Aih iq, wì haq enh waq kan ranhòm da kon mangai ùh hnau kan ranhòm da Boc Plinh. **44** Khoe aih, Chuahq Jesus tapoch qmòe cadêh: “Cabô lù au ùh xài lù mòeq ngai au, mahaq lù Mangai ma khoe thê au; **45** mangai leq hnoq au, aih hnoq Mangai thê au. **46** Au khoe trùh ðeq ka broq kan qnah ta crông taneh, ðôq ka mangai leq lù au pì hiaq oe raq ta kan clam cluiq hòmh. **47** Tàng mangai leq tamàng bàu au, mahaq ùh wèq tiaq bàu aih, au ùh i tahadrah ka haq aih, majah qmang aih au trùh ùh xài hu hadrah crông taneh kô, mahaq hu dèch crông taneh kô. **48** Khoe i kan hadrah ka mangai leq ma cwaih cadac au, ùh ði yôc bàu au, bàu au khoe capoch, bàu aih raq ma hadrah wì haq ta hì pulùch. **49** Majah qmang aih ðiq ka bàu au anoe, ùh xài au anoe tiaq deh manoh cla, mahaq Baq khoe thê au trùh. Haq khoe am bàu ðeq au hu anoe hu hnài. **50** Au loq bàu Haq thê, aih kan rìh halinh mòeq ðoe. Qmang aih, bàu au anoe, aih anoe tiaq bàu Baq au khoe thê”. (aiōnios g166)

13 Adroe ka hì ramènh Pancwa, Chuahq Jesus loq khoe ten trùh jò raðeh padon cadac crông taneh ðeq hu hlài deh ti Baq, haq khoe loq waq deh ka mangai da haq oe ta crông taneh kô aih haq loq waq trùh lùch trùh gèh. **2** Qnang jò acaq ði xèq, kan kiac baxrùq manoh Juda icariôt, kon Simôn ðeq haq blòq Chuahq Jesus. **3** Chuahq Jesus loq Baq khoe jao ta tì daðeh rìm yiniq, majah qmang aih haq khoe trùh enh Boc Plinh, manòeq padon wìh hlài ta Boc Plinh, **4** Jò acaq, haq padinh yòng, lêh deh eo enh gùng, yôc mù kàt ajang caqnam. **5** Èh haq ùc diac ta khai hì qnheo jènh mangai tiaq hóc, khoe aih haq yôc mù ma kàt ti caqnam hi xùt waq ka srènh. **6** Haq trùh ajang Simôn Phiero, Phiero doe: Chuahq au! Wia ka ìh qnheo jènh au qmòh? **7** Chuahq Jesus padreo bàu: “Manòeq kô ìh qnhòq qnì trong au ma qnang broq, mahaq atiq èh ìh hi loq”. **8** Phiero doe: Ùh ðòh! ùh jò leq au ðôq ìh qnheo da au jènh. Chuahq Jesus doe: “Tàng joq au ùh qnheo jènh ìh, aih èh ìh ùh i pajùm cleq ti au”. (aiōn g165) **9** Simôn padreo bàu: Chuahq au! Tàng qmang aih, ùh xài toq qnheo jènh, ìh qnheo hloe xam tì xam gàu au ðiq. **10** Chuahq

Jesus doe: “Mangai khoe hùmh, qnheo toq jènh raq hi hreo, pì khoe jah hreo, mahaq ùh xài rìm ngai”. **11** Majah qmang aih Chuahq Jesus loq cabô ma padon blòq haq, ðài haq majah doe: “Ùh xài rìm ngai khoe jah hreo”. **12** Jò qnheo da wì jènh hi khoe, Chuahq Jesus caxùnh dèh eo, lam hangui hlài dèh anòe acaq, haq bòch wì: “Pì aloq yiniq au ma neo broq am ka pì qmat? **13** Pì doe au: Mangai hnài, creò au Chuahq pì, aih troq, au joq qmang aih, **14** tàng au Chuahq pì, mangai hnài pì, khoe qnheo jènh pì, qmang aih pì hadai ep qnheo jènh da bàu. **15** Majah qmang aih, au khoe broq dua ðeq pì hnoq, ðôq pì hadai broq qmang ka au khoe broq ka pì.” **16** Joq qnàng, joq qnàng au doe ka pì, hapōng ùh yeo kàn hnau cla wì craq, mangai loh lam ùh yeo kàn hnau ka mangai thê lam. **17** Tàng pì loq bài yiniq kô rai broq tiaq aih èh pì jah xôq ramot. **18** Au ùh i anoe ka pì rìm ngai, au loq dèh mangai leq au khoe ràih, mahaq waq ka jah xit qmang ka bàu Hset Hadròeh: Mangai hmaq acaq bènhi au, dèch lùn jènh blòq au. **19** Manòeq kô au chônhi anoe adroe ka pì jò bài yiniq aih qnhòq trùh, ðeq jò yiniq aih trùh, pì hu jah loq au kô raq Mangai aih. **20** Joq qnàng, joq qnàng au anoe ka pì, cabô ðih mangai au thê, aih ðih au, cabô ðih au aih ðih Mangai thê au”. **21** Atiq ka anoe bàu aih, Chuahq Jesus manhài ùh catèm ta manoh, Haq doe: “Jòq qnàng, joq qnàng au doe ka pì, taqne pì i mòeq ngai padon blòq au”. **22** Mangai tiaq hóc ti ngan dabau, ùh qnì qmòe haq ràu trùh cabô. **23** Taqne mangai tiaq hóc i mòeq ngai Chuahq Jesus ma loq waq, jò aih haq hangui hatia ka Chuahq Jesus. **24** Simôn Phiero kùh gàu ka haq thê haq aih bòch ngan Chuahq Jesus enh anoe trùh cabô. **25** Haq chinh raðeh angèn ajang rada Chuahq, haq hi bòch: Chuahq au! aih iq cabô? **26** Chuahq Jesus padreo bàu “Aih mangai au padon am ka haq haqnech bènhi au khoe chùq diac kô”. Èh Chuahq Jesus yôc mòeq haqnech bènhi chùq ta diac khoe aih am ka Juda, kon da Simôn Icarìôt. **27** Dra qdrinh hloe jò Juda hnhu tì yôc bènhi, Satan mùt enh dalam ka haq. Chuahq Jesus doe ka haq: “Ìh broq deh cleq, dra h broq beq”. **28** Mahaq ðiq ka wì hangui acaq ta aih, ùh i mangai leq qnì hagleq Chuahq Jesus majah thê haq qmang aih. **29** Majah qmang aih Juda mangai wèq bac, qnah ngai hèm Chuahq thê haq lam rot dahwèq palauq ðeq ka hì ramènh, tàng ùh meh yôc bac ti am ka mangai pa. **30** Juda yôc bènhi hi loh lam. Jò aih tróc khoe clam.

31 Jò Juda khoe lam, Chuaq Jesus doe: “Manòeq kô khoe trùh jò Kon Mangai jah ranhòm, Boc Plinh hadai jah kan ranhòm enh dalam ka haq. 32 Tàng joq Boc Plinh ranhòm enh dalam ka haq, aih èh Boc plinh hadai dèch kan ranhòm ka Kon Mangai enh dalam cla Boc Plinh, Boc Plinh broq qmòde manòeq kô raq. 33 Yôiq yôiq wì kon! Au oe tam ti pì toq biaq hòh, kô èh pì ti chaq au, tiah ka au anoe ka mangai Juda: Nòe au lam pì lam ùh jah, manòeq au hadai anoe ka pì bàu aih. 34 Au am ka pì ranenh neo: aih pì ep loq waq ka dabau! tiah ka au khoe loq waq ka pì qmang leq, pì hadai loq waq ka dabau qmang aih”. 35 Tàng joq pì loq waq ka dabau, ajang aih èh wì phù cròng ma canau pì joq qnàng mangai tiaq hóc da au”. 36 Simôn doe: Chuaq au! ìh lam taleq? Chuaq Jesus padreo bàu: Nòe au lam, manòeq ìh tiaq ùh jah, mahaq hì atiq èh ìh ma tiaq au”: 37 Phiero bòch: Chuaq au! Hagleq manòeq au ma ùh jah tiaq ìh? Au hùà tamùà hu tiaq ìh. 38 Chuaq Jesus padreo bàu: “Ajoq ìh hùà tamùà hu tiaq au? Joq qnàng, joq qnàng, au doe ka ìh jò ia qnhòq rǝng ìh khoe piq yàng hangah ðeh ùh qnì ka au”.

14 Manoh pì ùh dùh manhài dèh, pì lùì Boc Plinh, pì hadai ep lùì au. 2 Hnim Baq au i bàc nòe oe, tàng ùh qmang aih, ajoq au khoe doe ka pì au lam adroe ðòeq padon ka pì mòeq nòe oe? 3 Jò au khoe lam padon ka pì nòe, aih èh au wìh hlài ðòeq hu aràng pì oe ti au, dòq au taleq pì hadai oe ta aih. 4 Pì loq au lam taleq, pì hadai loq trong lam. 5 Thôma bòch Chuaq Jesus: Chuaq au! nhèn ùh qnì ìh lam taleq, aih broq qmang leq nhèn ma loq ka trong lam? 6 Chuaq Jesus padreo bàu: “Au kô raq trong lam, bàu joq qnàng xam kan rìh”. Enh gùng ka au ùh i cabô jah trùh ti Baq. 7 Tàng joq pì loq ka au, pì hadai loq ka Baq au. Pang kô ta èh pì loq ka Haq, pì hadai khoe hnoq haq. 8 Philip doe: Chuaq au! ìh patô am ka nhèn hnoq ðeh Baq diq, toq aih raq khoe hêq. 9 Chuaq Jesus padreo bàu: “Philip, au oe ti pì khoe dùnh, pì qnhòq qnì ka au! Cabô khoe hnoq au aih khoe hnoq Baq. Gleq ìh majah doe: Patô am nhèn jah hnoq ðeh Baq?”: 10 ìh ma ùh lùì au oe enh dalam ka Baq, Baq oe enh dalam ka au qmòh? Dìq ka bàu au anoe ka pì, aih ùh xài cla au capoch ðeh mahaq aih Baq rìh enh dalam ka au, cla Haq abroq gèh ðeh biac da haq. 11 Jò au doe au oe ti Baq, Baq oe enh dalam ka au, pì drah lùì

au, ùh meh lùì bài yiniq au khoe broq. 12 Joq qnàng au doe ka pì, cabô lùì au, hadai jah broq yiniq au ma broq èh broq kàn ùh hnau ka aih hòh, majah qmang aih au hlài dèh ta Baq. 13 Pì canòm ka yiniq au ðòeq bòch cleq, dua au am ka pì, waq ka Baq jah kan ranhòm ajang Kon. 14 Pì canòm ka yiniq au yac ka bòch cleq, dua au broq am ka pì”. 15 Tàng joq pì loq waq ka au, aih pì wèq bàu au khoe thê. 16 I au bòch Baq ðòq haq am ka pì Yiang alòng maqnoeq ðòeq hu oe hloe ti pì, (aion g165) 17 aih Yiang bàu joq qnàng. Cròng taneh kô ùh jah yóc haq, majah qmang aih wì ùh xau hnoq haq, wì hadai ùh qnì ka haq. Mahaq pì loq ka haq, majah qmang aih haq rìh ti pì, oe enh dalam ka pì. 18 Au ùh cađac pì tiah lac lai. Au trùh ti pì; 19 oe toq biaq hòh, mangai oe cròng taneh kô pì jah hnoq au, mahaq pì jah hnoq au, majah qmang aih au rìh pì hadai jah rìh. 20 Hì aih, pì hì canau au oe enh dalam ka Baq au, pì oe enh dalam ka au, au oe enh dalam ka pì. 21 Mangai leq i ranenh au rai wèq tiaq, aih mangai ma loq waq ka au. Mangai leq ma loq waq ka au, Baq au hadai loq waq chau ka haq aih, au hanoh loq waq ka haq rai patô rađeh ka wì haq. 22 Juda, (ùh xài Ica-riot) doe: Chuaq au! Hagleq ìh majah doe ìh mahnu rađeh am ka nhèn mahaq ùh mahnu rađeh ka mangai cròng taneh kô? 23 Chuaq Jesus padreo bàu: “Mangai leq loq waq ka au, mangai aih iu bàu au hnài. Baq au loq waq ka haq aih, diq ka nhèn trùh rai oe ti haq. 24 Mangai leq ùh loq waq ka au, mangai aih ùh tiaq bàu au hnài. Dìq ka bàu pì tàng aih ùh xài bàu cla au, mahaq loh enh Baq, haq aih mangai ma thê au trùh. 25 Dìq ka bài yiniq aih au khoe anoe jò au oe raq oe ti pì. 26 Mahaq jò Yiang alòng, aih la Yiang Hadrèh, Baq canòm ka yiniq au ðòeq thê trùh. Haq aih èh jah hnài pì rìm trong, bahmàng pì hmàng hlài rìm yiniq au anoe ka pì. 27 Au ðòeq ka pì kan catèm, au am ka pì kan catèm da au, kan catèm au am ka pì ùh xài qmang da cròng taneh am. Manoh pì apaq rawè hadai apaq yùq. 28 Pì khoe tàng au doe: Au padon lam hangai khoe aih au tawìh hlài ta pì. Tàng pì loq waq ka au, aih èh pì lem bùi jò au hlài ðeh ta Baq, majah qmang aih Baq yeo kàn ka au. 29 Manòeq kô au chônñ anoe am ka pì, adroe ka bài yiniq aih trùh, ðòeq jò bài yiniq aih trùh pì hu lùì. 30 Au pì anoe ka pì cleq bàc hòh, majah qmang aih bùa da cròng taneh kô qnang padon trùh. Haq aih ùh i cwiang cleq enh qnhèq ka au; 31

mahaq ðoëq ka cröng taneh kô loq au loq waq deh ka Baq, au broq troq tiaq bâu Baq au the. Drah yòng! beq bèn loh khoe enh kô.”

15 Au kô raq rangâu nho joq qnàng, Baq au Mangai pit. 2 Hamenh leq ta au ma ùh loh plì, Haq sri dōng, Haq trêh palauq bài hamenh ma loh plì dōq plì top ùh hnau hòm. 3 Pì khoe jah sròeh canòm ka bâu au khoe doe ka pì. 4 Pì ep oe yôt enh dalam au tiah ka au hadai oe enh dalam ka pì. Tiah ka hamenh nho tàng joq haq ùh hatop ajang rangâu tùn nho, aih haq ùh loh plì, hadai qmang aih tàng joq pì ùh oe yôt enh dalam ka au, pì hadai ùh loh plì. 5 Au kô raq tùn nho, pì aih hamenh. Mangai leq oe yôt enh dalam ka au, au oe enh dalam ka haq aih èh loh plì ma bàc, majah qmang aih enh gùng ka au, pì ùh i broq cleq jah. 6 Tàng joq mangai leq ùh oe yôt enh dalam ka au, haq aih èh ep khwênh qnoh cađac enh gùng, tiah ka hamenh nho, hamenh hi croh, wì toch khwênh ta ùnh haq hi cheo. 7 Tàng pì oe yôt enh dalam ka au èh bâu au hadai oe yôt enh dalam ka pì, bòch beq yiniq cleq pì enh aih pì hi jah. 8 Ajang kô ma broq ka yiniq Baq au jah qngah: Aih pì loh plì bàc, qmang aih èh mangai tiaq hōc da au. 9 Tiah ka Baq khoe loq waq ka au qmang leq, au hadai loq waq ka pì qmang aih. Mandeq kô the pì oe hloe ta kan loq waq au. 10 Tàng pì wèq ranenh au the, aih pì jah oe hloe ta kan loq waq da au, tiah ka au wèq deh ranenh Baq au the, au hanoh jah oe yôt ti kan loq waq Haq. 11 Au anoe ka pì bài yiniq kô, ðoëq kan lem bùi da au jah oe enh dalam ka pì, dōq kan lem bùi pì jah tōm xrôm. 12 Kô ranenh au the: Pì loq waq ka dabau qmang ka au khoe loq waq ka pì. 13 Ùh i kan loq waq leq ma yeo kàn ùh hnau kan loq waq chiuq cachit am deh ka bua. 14 Tàng joq pì broq tiaq bâu au hnài, aih pì joq bua au. 15 Au pì creo pì hapōng hòm, majah qmang aih hapōng ùh qnì wì craq broq cleq, mahaq au khoe doe pì kô bua au, majah qmang aih au khoe anoe ka pì loq rìm yiniq au tàng deh enh Baq au. 16 Aih ùh xài pì khoe raih au, mahaq au ma khoe raih rai dèch paqnàng pì, ðoëq pì loh lam, dōq plì da pì jah top hloe, èh Baq hadai am tam ka pì rìm trong pì canòm ka yiniq au ðoëq bōch Haq. 17 Kô ranenh au the: Pì ep loq waq ka dabau. 18 Tàng wì phù cròng tagit ka pì, aih pì loq wì khoe git ka au adroe ka pì. 19 Tàng pì mòeq bua ka cròng taneh kô, aih èh

cròng taneh kô loq waq deh ka bua, mahaq au khoe raih pì taqne cròng taneh kô pì ùh mòeq bua ka wì haq, aih i q dài cròng taneh kô majah git ka pì. 20 Ep hmàng bâu au khoe anoe ka pì: Hapōng ùh yeo kàn ùh hnau ka cla wì craq, tàng wì khoe rùp pani baxa au, wì hadai rùp pani baxa pì. Tàng wì iu bâu au hnài aih èh wì hadai iu bâu pì hnài. 21 Mahaq taiq yiniq au, wì yōc bài trong aih hu baxa pì, majah qmang aih wì qnì ka Mangai khoe the au trùh. 22 Tàng joq au ùh trùh hu hnài wì haq, aih wì haq ùh i ka yiniq lui cleq, mahaq manòeq kô wì haq pì jah aclai dèh yiniq lui hòm. 23 Cabô git ka au hadai git ka Baq au. 24 Tàng joq au ùh broq taqne wì haq trong qnhòq hmaq i cabô broq, aih wì haq ùh i ka yiniq lui cleq, mahaq manòeq wì haq khoe hnoq, mahaq dua wì haq git ka au xam Baq au. 25 Mahaq ajang kô aih dōq xit qmang ka bâu khoe achih ta hset ranenh wì haq: Wì git ka au ùh i qmòe ka yiniq. 26 Jò Yiang alòng hi trùh, aih Yiang enh Baq, au the haq trùh ta pì, aih Yiang da bâu joq qnàng loh enh Baq, Haq aih èh ma yòng anoe panhìn am ka au; 27 xam bài pì, hadai yòng anoe panhìn am ka au, majah qmang aih pì khoe oe qmòe ti au enh jò baxèm.

16 Au khoe anoe ka pì ðìq ka bài yiniq kô, dōq pì ùh hiaq cateoh cro. 2 Wì hnan qnoh cađac pì loh enh gùng ka hnim tagop qyoh, ma joq qnàng tangèa kô èh jò wì jêh cađac pì, aih cla wì xoh dèh wì qnang dèch ramènh patih ka Boc Plinh. 3 Wì majah broq qmang aih, taiq wì ùh qnì ka Baq, wì hadai ùh canau ka au. 4 Au khoe doe ka pì bài yiniq kô, ðoëq trùh jò da wì, pì jah hmàng hlài au khoe anoe ka pì. Enh baxèm au ùh doe ka pì bài yiniq kô majah qmang aih au oe raq oe ti pì. 5 Mandeq kô au padon hlài dèh ta Mangai khoe the au trùh, pì ùh i cabô leq bōch au: Ìh padon lam taleq? 6 Mahaq au anoe bài yiniq kô ta manoh pì bình bauq kan mangò. 7 Mahaq au doe qnàng ka pì: Au lam aih troq ka pì. Tàng au ùh lam, Yiang alòng ùh trùh ta pì, mahaq tàng au lam, au jah the Haq trùh ta pì. 8 Jò Haq trùh, haq broq ka cròng taneh kô canau deh kan yiniq lui, kan taq toq xam kan hadrah; 9 kan yiniq lui aih taiq wì haq ùh lùì au, 10 kan taq toq, aih taiq au hlài dèh ta Baq, aih èh pì pì hnoq au hòm, 11 kan hadrah, aih taiq bùa cròng taneh kô khoe pòq kan hadrah. 12 Au oe i bàc yiniq hu anoe ka pì, mahaq bài yiniq aih mandeq kô padren pì

qnhòq hlàt wê. **13** Mahaq jò Yiang da Bàu joq qnàng hi trùh, Haq aih èh ma hu ajèn qmùt pì tarim bàu joq qnàng, majah qmang aih Haq ùh capoch ðeh, mahaq anoe yiniq haq ma khoe tàng, rai anoe am ka pì loq bài yiniq padon trùh ta ngèa kô èh. **14** Haq aih èh ma paqngah Yiniq au, majah qmang aih Haq yóc bài yiniq enh au ðòeq hu anoe am ka pì. **15** ðìq rìm yiniq Baq i, aih jah au, ðài au majah doe: Haq yóc bài yiniq enh au ðòeq hu anoe am ka pì loq. **16** Chuaq Jesus anoe hòm: “Oe toq biaq hòm pì pi hnoq au, khoe ka aih toq biaq pì hi jah hnoq au”. **17** Jò aih, i toq biaq ngai tiaq hóc hatuàng ka dabau: Oe toq biaq hòm pì pi hnoq au, khoe ka aih toq biaq, pì hi jah hnoq hlài au, aih haq doe: Au hlài dèh ta Baq. Qmang aih i qmang leq? **18** Mangai tiaq hóc tabòch yôt dabau: Oe toq biaq hòm aih i q haq doe cleq? Bèn ùh qnì tàng qmòe haq anoe cleq. **19** Jesus hnoq wì enh bòch, Haq doe ka wì: “Ajoq pì bòch dabau au anoe cleq jò au doe: Oe toq biaq hòm pì pi hnoq au hòm, èh khoe ka aih toq biaq pì hi jah hnoq hlài au? **20** Joq qnàng, joq qnàng au doe ka pì, kô èh pì jah crò hmoe, wì crông taneh jah lem bùi, pì jah kan mangò mahaq kan mangò da pì jah wìh wìa kan bùi lem. **21** Mangai gucadri jò hauang aih jìq pì cajaq, majah qmang aih khoe trùh dèh jò, yàng jò kon khoe jah clih enh cliac, haq pi hmàng dèh kan jìq hòm, toq lem bùi jò hnoq ðeh khoe jah hauang qnoh mòeq ngai ta crông taneh kô. **22** Qmang ka pì mandeq kô qnang mangò, mahaq au jah hnoq hlài pì, jò aih pì hi lem bùi, ùh i cabò jah qnung yóc da pì kan lem bùi aih. **23** Hì aih èh pì pi oe bòch au cleq hòm. Joq qnàng, joq qnàng au doe ka pì, enh dalam ka yiniq au pì bòch cleq dua Baq am ka pì. **24** Trùh manòeq kô pì qnhòq canòm ka yiniq au ðòeq hu bòch cleq. Bòch beq aih pì hi jah, ðòq kan lem bùi pì jah gèh geo. **25** Au khoe aliah ka pì bài yiniq aih. Kô èh au pi yóc bàu aliah ðòeq anoe ka pì hòm, mahaq au capoch hloh ðòq pì loq ka Baq. **26** Hì aih èh, pì hi yóc yiniq au ðòeq hu bòch. Au ùh i doe au bòch am ka pì. **27** Ùh! Cla Baq raq ma loq waq ka pì, majah qmang aih pì khoe loq waq ka au rai lùì au trùh enh Baq. **28** Au khoe loh enh Baq ðòeq trùh ta crông taneh, mandeq kô au cadac crông taneh kô ðòeq hu hlài dèh ta Baq. **29** Mangai tiaq hóc doe: Mandeq kô ìh khoe capoch hloh, pi hìaq capoch aliah hòm. **30** Mandeq kô nhèn loq ìh loq rìm trong, ùh ep ka cabò bòch ìh, ajang

aih nhèn loq ìh loh enh Boc Plinh. **31** Chuaq Jesus doe “Ajoq mandeq kô pì khoe lùì? **32** Khoe ten trùh jò, majoq qnàng aih khoe trùh, aih jò ðìq ka pì mangai haprah hapriang ðeh hra, cadac au oe ðeh mòeq ngai, mahaq au ùh oe ðeh mòeq ngai, majah qmang aih Baq oe ti au. **33** Au khoe anoe ka pì qmang aih ðòq manoh pì jah kan catèm ta au. Pì glàm bacc kan ranac kàn ta crông taneh kô, mahaq cajap manoh oq, au khoe blêq crông taneh kô.”

17 Atiq ka anoe bàu kô, Chuaq Jesus qngoc ngan ta plinh rai waiq khàn: “Baq! khoe trùh jò, ìh broq ðòq on jah kan ranhòm, ðòeq kon hadai jah dèch kan ranhòm ka baq; **2** ma jah qmang aih baq khoe am ka kon cwiang enh qnhèq ðìq ðong ka rìm ngai, ðòeq Kon jah am kan rih halinh mòeq ðòeq ka mangai ìh ma khoe am ka kon. (aiōnios g166) **3** Mandeq kô, kan rih halinh mòeq ðòeq aih i q: Canau ka Baq rai loq toq ìh raq Boc Plinh joq qnàng, xam Jesus Christ mangai ìh khoe thê trùh. (aiōnios g166) **4** Kon khoe dèch kan ranhòm ka baq ta crông taneh, broq gèh trong baq thê broq. **5** Mandeq kô Baq! ìh broq ka kon jah ranhòm enh ngèa ka ìh xi kan ranhòm kon khoe i qmòe anòe ìh, adroe ka jò i crông taneh. **6** Kon khoe paqnoh yiniq ìh am ka bài mangai ìh ma khoe am ka kon taqne crông taneh kô, wì haq mangai da Baq, ìh khoe am ka kon, wì haq khoe wèq bàu ìh. **7** Mandeq kô, wì haq khoe loq rìm yiniq ìh am ka kon aih ðìq trùh enh Baq. **8** Majah qmang aih, au khoe am hlài ka wì bàu baq ma am ka kon, wì haq khoe wèq yóc bàu aih. Wì haq loq joq qnàng Baq khoe thê kon trùh. **9** Kon waiq khàn ka wì haq, ùh xài waiq khàn ka crông taneh kô, mahaq waiq khàn ka mangai baq khoe am ka kon, majah qmang aih wì haq mangai da ìh. **10** Rìm yiniq da kon i aih da Baq, rìm yiniq da baq i aih da kon. Èh ajang wì haq kon jah kan ranhòm. **11** Kon pi oe dùnh ta crông taneh kô hòm, mahaq wì haq oe raq ta crôngtaneh kô, kô èh kon bròc ta baq. Baq Hadròeh, ìh wèq wì haq ta yiniq cwiang i tai da ìh, yiniq ìh ma khoe am ka kon, ðòq wì haq wìa mòeq tiaq ka bèn aih mòeq. **12** Jò kon oe raq ti wì haq, kon khoe wèq wì haq jah catèm ta yiniq baq, aih yiniq ìh am ka kon. Enh gùng ka mòeq ngai kon da kan lùng pac, ta qne wì haq ùh hnhung mòeq ngai, ðòq bàu Hset Hadròeh jah xit. **13** Mandeq kon hlài ta baq, mahaq kon

anoe bài bầu kô jò kon oe raq ta crông taneh, đôq ta manoh cliac wì haq jah bình kan lem bùi da kon **14** Au khoe am ka wì haq bầu ìh, crông taneh kô tagit ka wì haq, majah qmang aih wì haq pì xài mangai da crông taneh kô tìah ka kon hadai ùh xài mangai da crông taneh kô. **15** Kon ùh waiq ìh dèch wì haq loh khoe crông taneh kô mahaq waiq Baq wèq wì haq khoe ka mangai dù. **16** Wì haq ùh oe xài mangai da crông taneh qmang troeq kon hadai ùh xài mangai da crông taneh kô. **17** Waiq Baq yốc bầu joq qnàng broq wì haq jah hadròeh, bầu ìh aih bầu joq qnàng. **18** Qmang ka ìh khoe thê kon ta crông taneh kô, au hadai thê wì haq ta crông taneh kô. **19** Taiq wì haq kon majah broq rađeh hadròeh, đòeq wì haq hadai canòm ka bầu joq qnàng hu jah wìh wìa hadròeh. **20** Ùh xài kon waiq khăn am toq ka wì haq, mahaq waiq khăn hloe ka bài mangai ma lùì kon jò tàng bầu wì haq anoe, **21** đôq rìm ngai jah wìa mòeq, tìah ka Baq oe enh dalam ka kon òh kon hadai oe enh dalam ka Baq, đòeq wì haq hadai oe enh dalam ka bèn, waq ka crông taneh kô lùì cla Baq khoe thê kon. **22** Kon khoe am ka wì haq kan ranhòm Baq ma khoe am ka kon, đòeq wì hadai pajùm broq mòeq tìah ka bèn kô dua mòeq raq: **23** Kon oe enh dalam ka wì, Baq oe enh dalam ka kon, qmang aih wì jah wìa mòeq gêh geo ti dabau. Aih òh crông taneh kô hu jah ngan loq ìh thê au, au hadai khoe loq waq ka wì haq tìah ka ìh khoe loq waq ka au. **24** Baq! Kon enh cla kon oe taleq bài mangai ìh khoe am ka kon hadai jah oe ti kon ta aih, đòeq wì haq jah ngan hnoq kan ranhòm da kon, aih kan ranhòm Baq khoe am ka kon, majah qmang aih Baq khoe loq waq ka kon adroe ka broq loh crông taneh. **25** Baq tatoq ôi! Yac ka crông taneh kô ùh lòm qnì ka ìh, mahaq kon loq ka ìh, wì kô hadai loq ìh khoe thê kon. **26** Kon khoe paqnoh yiniq Baq am ka wì haq loq, òh kon oe raq paqnoh hòh, đôq kan loq waq Baq ma loq waq ka kon jah oe dalam wì haq, òh cla kon hadai oe enh dalam ka wì haq.

18 Khoe ka waiq khăn, Chuaq Jesus xam mangai tiaq hóc pùh tồc apah tau thông diac Xê-t-rôn. Ta aih i mòeq toq wuàn, Chuaq Jesus xam mangai tiaq hóc mùt đổng ta aih. **2** Juda mangai ma blòq Chuaq Jesus hadai loq nòe aih, majah qmang aih Chuaq Jesus xam mangai tiaq hóc bàc yàng tagop dabau ta aih. **3** Juda qnung mòeq calùh linh, xam bài mangai enh wì

pajàu kàn xam bài mangai Pharisi thê lam, wì haq wê hadreo xam ranac mùt ta aih. **4** Chuaq Jesus khoe loq i yiniq padon trùh ka dađeh, haq cadiang trùh bòch: “Pì chaq cabô?” **5** Wì aih padreo bầu: Nhèn chaq Jesus mangai Naxaret. Chuaq Jesus doe: “Au kô raq!” Juda mangai blòq Chuaq Jesus hadai yòng ti wì ta aih. **6** Jò Chuaq Jesus doe: “Au kô raq” wì aih talùì tacro đổng ta taneh. **7** Chuaq Jesus bòch hòh: “Pì enh chaq cabô?” Wì padreo bầu: Chaq Jesus mangai Naxaret! **8** Chuaq Jesus doe hòh: “Au khoe doe ka pì hacô raq au, tàng joq pì chaq rùp au, pì ep caqnaih wì kô lam. **9** Qmang aih đôq xit troeq bầu cla haq doe: “Au ùh cadac hnhung mòeq ngai leq ìh ma khoe am ka au.” **10** Simôn Phiero i mòeq rala chang, haq doeh chang jêh mangai hapđổng da pajàu kàn, koh catech da mangai aih don pah qma. Mangai hapđổng aih yiniq haq Manchu. **11** Mahaq Chuaq Jesus thê Phiero: “Qmùt chang qmat ta caqnop beq, chrông Baq qnèp ka au wìa ka au ùh ôq qmòh?” **12** Khoe aih bài linh xam cla craq, hloe xam điq đổng bài mangai loh enh mangai Juda wiang rùp kàt Chuaq Jesus. **13** Baxèm aih, wì aràng Chuaq Jesus trùh jang Anne, majah qmang aih haq aih baq mai da Caiphe, hanam aih haq qnang broq craq pajàu haqnghèq. **14** Caiphe aih raq mangai ma khoe doe ka mangai Juda rameh: Đôq mòeq ngai raq cachit am điq đổng ka mangai qnoeq, ma aih yeo troq. **15** Simôn Phiero xam mòeq ngai tiaq hóc ma qnoeq lam tiaq atiq ka Chuaq Jesus. Mangai tiaq hóc aih i canau ka craq pajàu haqnghèq, aih iq haq jah mùt ti Chuaq Jesus ta hamlang hnim craq pajàu kàn. **16** Mahaq phiero aih haq yòng gòm enh gùng, haten ka trong qmang. Mangai tiaq hóc mangai ma i canau ka craq pajàu haqnghèq loh poch tuàng ka mangai hapđổng cadrì ma gòm qmang, khoe aih haq hi qmùt Phiero mùt điq. **17** Mangai hapđổng cadrì ma gòm qmang aih bòch Phiero: ìh kô, hadai mangai tiaq hóc mangai tau, joq ùh? Mahaq Phiero doe: Au ùh xài. **18** Trồc tanget, điq ka bài hapđổng xam bài linh baxù tanùh ùnh, wì yòng dudan qnhia ka hatôq. Phiero hadai yòng qnhia ti wì. Craq pajàu haqnghèq bòch Jesus **19** Craq pajàu haqnghèq ti àu bòch trùh bài mangai tiaq hóc xam trong Chuaq Jesus loq hnài. **20** Chuaq Jesus doe: “Au hmaq anoe hloh yôt am ka wì phù crông, jò leq au ma ùh hnài ta hnim tagop xam hnim kùh waiq, aih nòe điq ka mangai Juda tagop ti dabau, au qnhòq lah capoch cadoc

qmòe yiniq cleq. **21** Hagleq pì ma ti àu bòch au? Drah lam bòch bòe mangai ma khoe lah tàng au hnài beq, wì aih loq au anoe cleq. **22** Jò Chuaq Jesus doe qmang aih, i mòeq ngai patih ta hnim cwan yòng ten aih, dèch tì tep haq rai doe: Ìh hùà hatèu ka craq pajàu haqnèq qmang aih ayòq? **23** Chuaq Jesus doe: “Tàng joq au capoch ajang leq ùh troq, patò beq, tàng au anoe troq gleq ìh ma jêh au? **24** Khoe aih, jò wì oe raq kàt, Anne thê wì aràng Jesus trùh ta hnim Caiphe aih craq pajàu haqnèq. **25** Jò aih Simôn Phiero oe raq yòng qnhà ùnh, i mangai bòch haq: Ìh kò hadai mangai tiaq hóc haq tau joq ùh? Phiero hangah: Au ùh xài. **26** I mòeq ngai hapõng da craq pajàu haqnèq, hadròng ka mangai Phiero ma koh catech da haq don, doe: Ma ùh joq au hnoq ìh oe ta wuàn ôliu ti haq tau qmòh? **27** Mòeq yàng hòm Phiero hangah cadac hloe, wop jò aih raq ia hi rông. **28** Khoe aih, bài gucraq Juda qnung Chuaq Jesus enh hnim Caiphe trùh tanòe hnim hadarh Rôma. Jò aih oe raq sroeh sroq. Cla wì haq ùh waq mùt tanòe hadrah, wì waq ka dađeh jah sròeh ðòeq hu acaq ramènh Pancwa. **29** Qmang aih, Philat cadiang loh bòch wì: Pì tah hadrah ka haq kò yiniq lui cleq? **30** Wì padreo bàu: Tàng haq kò ùh xài mangai dù, nhèn ùh aràng haq trùh ta ìh. **31** Philat doe ka wì: Cla pì rùp ahlài hadrah tiaq deh ranenh da cla pì beq. Wì padreo bàu: Nhèn ùh i cwiang hadrah jêh đac cabô. **32** Qmang aih waq ka xit qmang ka bàu Chuaq Jesus khoe anoe đeh cachit qmang leq. **33** Philat wìh mùt tanòe hadrah, creò ka Chuaq Jesus hu bòch haq: Ìh kò ajoq bùa mangai Juda? **34** Chuaq Jesus bòch: “Aih ìq cla ìh capoch tiaq deh manoh, loq khoe i cabô anoe ka ìh loq ka au? **35** Philat padreo bàu: Au kò ìq ma mangai Juda qmòh? Mangai cla pì xam bài pajàu kàn rùp ìh aràng ka au. ìh khoe broq yiniq lui cleq? **36** Chuaq Jesus doe: “Diac au ùh xài oe ta crông taneh kò, tàng joq diac au oe ta crông taneh kò, bài bua au khoe tajêh ðòeq tât bài gucraq Juda ùh đòq wì aih rùp au. Mahaq mandeq kò diac au ùh oe ta crông taneh kò”. **37** Philat bòch hòm: Tàng qmang aih ìh kò bùa joq qnàng qmòh? Chuaq Jesus têu: “Jòq qmang ka bàu ìh doe, au kò bùa, aih ìq raq au majah ha-uang loh ta crông taneh kò ðòeq hu anoe bàu joq qnàng. Mangai leq mòeq bua da bàu joq qnàng, mangai aih èh tàng bàu au.” **38** Philat bòch: Bàu joq qnàng aih qmang leq? Khoe aih haq loh hòm enh gùng doe ka bài

mangai Juda: Au ùh i hnoq qmòe haq kò i yiniq lui cleq. **39** Mahaq pì khoe hmòt, waq toq trùh hì Ramènh Pancwa, au hì caqnaih ka pì mòeq ngai loh enh hnim clêh, qmang aih pì i enh au caqnaih da pì bùa Juda ùh? **40** ðìq đống ka wì cajiah cadêh: Apa q caqnaih haq qmat, mahaq caqnaih da nhèn Baraba! Baraba aih mangai loq ti atùng.

19 Khoe aih, Philat thê wì rùp qnung lam blai Chuaq Jesus. **2** Bài linh broq mòeq toq cadoh yila, dèch pacôi ta gàu Chuaq Jesus, rai taqmàn ka haq mòeq blah eo gòh. **3** Khoe èh, wì thia haten doe ka haq: Waiq bùa Juda. Khoe èh wì dèch tì tep haq. **4** Philat loh enh gùng doe hòm ka mangai Juda ma oe ta aih: Ngan kò! Au qnoh haq enh gùng, đòq pì loq au khoe chaq ùh lòm hnoq qmòe haq kò i yiniq lui cleq. **5** Jò Chuaq Jesus loh enh gùng gàu haq kò cadoh yila, chac haq caxùnh eo gòh, Philat doe ka wì: Pì ngan mangai kò! **6** Mahaq jò bài pajàu kàn xam bài mangai ma tiaq wì haq bu hnoq Chuaq Jesus, wì khoe cachech: Drah tiang đình haq qmat talong pagat! drah tiang đình haq qmat talong pagat! Phi lat doe ka wì: Cla pì rùp tiang đình mangai kò talong pagat beq, majah qmang aih au ùh lòm hnoq haq kò i yiniq lui cleq. **7** Mangai Juda doe: Nhèn i dèh ranenh, tiaq ranenh aih haq qmat ep cachit, majah qmang aih haq doe đeh Kon Boc Plinh. **8** Jò Philat tàng qmang aih, kiang haq crè ùh hnau hòm. **9** Philat wìh mùt hlài tanòe hadrah bòch Chuaq Jesus: Ìh trùh enh leq? Mahaq dua Chuaq Jesus ùh têu. **10** Philat doe: Ìh ùh waq têu au, ìh ma ùh qnì au i cwiang caqnaih, i cwiang tiang đình ìh qmòh? **11** Chuaq Jesus padreo bàu: “Tàng ùh xài enh qnhèq khoe am ka ìh cwiang aih, ìh ùh i cwiang cleq enh qnhèq ka au, qmang aih mangai ma rùp au aràng ka ìh, mangai ma i tuiq yeo kàn. **12** Pang aih Philat toq chaq trong hu caqnaih Chuaq Jesus, mahaq mangai Juda cajiah yeo dèh hòm: Tàng joq ìh caqnaih mangai qmat, ìh pì xài mòeq bua ka Sêsa hòm, majah qmang aih cabô doe radeh kò bùa, mangai aih enh yòng tablêq ka Sêsa! **13** Philat tàng bàu qmang aih, haq hi qnoh Chuaq Jesus loh enh gùng, haq hangui ta gèq hadrah, ajang aih wì creò dèh Pawi (bàu Hebru creò Gabatha). **14** Hì aih wop hì padon ka Ramènh Pancwa, jò aih khoe qne hì, Philat doe ka mangai Juda: Kò bùa pì. **15** Mahaq wì cajiah

cadêh: Jêh đac haq beq! jêh đac haq beq! tiang đing haq talong pagat beq! Philat doe ka wì: Au tiang đing bùa pì talong pagat qmòh? Bải pajau kàn doe: Enh gùng ka Sêsa, nhên ùh i ka bùa ma qnoeq. **16** Pulùch aih, Philat hi am ka wì Chuaq Jesus đòeq wì qnung lam tiang đing haq talong pagat. Qmang aih wì hi rùp qnung Chuaq Jesus. **17** Chuaq Jesus xùi dèh long pagat trùh ajang nòe ta aih wì creò go Cadôh, (bàu Hebru aih creò Gogôtha). **18** Wì tiang đing haq ta aih, i baiq ngai qnoeq hòh mì haq, mòeq apah mòeq ngai, Chuaq Jesus oe taqne wa. **19** Philat broq mòeq capiac long ban, đòeq enh gàu ka long pagat. Ta aih i achih: JESUS MANGAI NAXARET, BỪA DA MANGAI JUDA. **20** Bằc ngai Juda đóc bàu kô majah qmang aih nòe tiang đing Chuaq Jesus haten ka plài, èh bàu aih achih tiaq bàu Hebru, bàu Latin xam bàu Gorec. **21** Bải pajau kàn da mangai Juda lam anoe ka Philat: Apa q achih bùa da mangai Juda, mahaq achih mangai kô doe rađeh kô bùa mangai Juda. **22** Philat doe: Bàu au achih cleq, au khoe achih. **23** Jò bải linh khoe tiang đing Chuaq Jesus talong pagat, wì lêh yỏc da haq eo đòeq hu lah axong broq pôn phàn, mòeq ngai mòeq phàn ka wì haq, wì hadai yỏc da haq eo yỏh. Mahaq eo yỏh kô ùh i ka trong jìp, khoe jah atênh mòeq yàng enh qnhòq trùh taqneq. **24** Wì haq doe ka dabau: Apa q hit eo kô, beq bèn pài h paqnàih, troq ka magai leq, mangai hi jah. Qmang aih, waq ka xit qmang ka bàu Hset hadròeh achih: Wì ta axong ka dabau eo au, Pài h paqnàih hu yỏc eo yỏh au. Aih biac da bải linh ma khoe broq. **25** Hatèn ka long pagat da Chuaq Jesus, miq haq xam daq miq haq yòng jang aih, i Mari cadrì da Clê-ôba, hloe xam Mari Mađolen hòh. **26** Chuaq Jesus hnoq deh miq xam mangai tiaq hỏc đeh ma loq waq yòng tìa aih, haq doe deh ka miq: Mangai cadrì meh, qmat kon ìh. **27** Èh Chuaq Jesus doe ka mangai tiaq hỏc: “Qmat miq ìh.” Pang hi aih, mangai tiaq hỏc aih hi ahlài miq da Chuaq Jesus ta hnim đòeq hu wèq ban. **28** Khoe aih, loq rìm yiniq khoe jah gêh, èh bàu Hset hadròeh hadai khoe jah xit, Chuaq Jesus doe: “Au croh ranỏng. **29** Ajang aih i mòeq toq abỏq diac jỏq, wì yỏc cato capaih tàm ta diac aih, kàt cato aih ajang goe long dèch ta hacùng Chuaq Jesus. **30** Jò Chuaq Jesus khoe jah diac jỏq aih, haq hi doe: “Rìm yiniq khoe jah gêh.” Haq wech gàu, mahua yiang haq hi loh. **31** Hì aih wop hì padon ramènh Pancwa, hì atiq aih troq hì

Sabat, yàng hì Sabat kô aih diq jaq kàn, dài aih bải gucraq mangai Juda ùh enh đòq ta hì Sabat bải hanang oe raq ta long pagat. Wì haq trùh bỏch Philat am wì tỳq tagoh caxènh tangong đòeq hu qnoh bải hanang enh long pagat loh ta haqneq. **32** Qmang aih, linh trùh tong tagoh caxènh tangong mangai baxèm, èh trùh mangai ma tau diq, aih wa mangai wì tiang đing pajùm ti Chuaq Jesus. **33** Jò bải linh trùh ajang Chuaq Jesus, hnoq haq khoe cachit, wì pì hiaq tỳq tagoh da haq tangong hòh; **34** mahaq i mòeq ngai linh yỏc jaoq bit da haq yimìa cabỏng, tajỏe qmòe xam mahim xam diac dahrỏq loh. **35** Mangai ma khoe jah hnoq bải yiniq aih haq hi taqmon hlài (bàu haq anoe aih joq qnàng, cla haq loq ka dađeh anoe joq qnàng) đòeq pì hadai lùì. **36** Bải yiniq kô, khoe loh qmang aih đòq xit tiaq bàu kô ta Hset hadròeh: “Ùh i mòeq toq caxènh leq da haq tagoh”. **37** Èh i bàu kô hòh ta Hset hadròeh: “Wì jah hnoq mangai wì ma khoe bit”. **38** Atiq ka aih, Jỏsep mangai oe ta Arimathê, haq aih mangai tiaq hỏc Chuaq Jesus mahaq haq cadoc rađeh majah qmang aih haq crẻ ka bải gucraq Juda. Haq trùh ajang Philat bỏch yỏc hanang Chuaq Jesus. **39** Nicỏdem aih mangai nẻh haq hadai khoe trùh ti Chuaq Jesus jỏ damang, jỏ aih haq hanoh trùh, haq aràng jah piq jàt pôn kìq jan xua thùm jràu pajùm ti gahnàu. **40** Wa aih qnoh hanang Chuaq Jesus yỏc bai xam diac jreo xua thùm lom hanang Chuaq Jesus tiaq ranẻh mangai Juda. **41** Jỏ aih, tandẻ wì ma tiang đing Chuaq Jesus i mòeq toq wuàn, ta wuàn aih i mòeq toq ralùng oe raq neo, ralùng aih qnhỏq lah catùh cabỏ. **42** Wa taqngủi hanang Chuaq Jesus ta aih, majah qmang aih, hì aih hì padon da mangai Juda, èh qnah hòh ralùng hanang haten hloe ta aih.

20 Sroeh sroq hì baxèm tuàng ramẻnh, trỏc bu badrẻh badrah oe raq clam, Mari Mađolen lam ta ralùng hanang, hnoq hmo padit qngah ralùng khoe cadro taqnoeq. **2** Haq drah cadàu chaq Simỏn Phiero xam mangai tiaq hỏc maqnoeq, aih mangai Chuaq Jesus ma loq waq, haq doe: Wì khoe qnoh hanang Chuaq Jesus lam taqnoeq, ùh qnì wì đòeq haq taleq. **3** Wa Phiero xam mangai tiaq hỏc maqnoeq drah tỳh loh ta ralùng hanang. **4** Diq baiq ka wa cadàu, mahaq mangai matau cadàu yeo đẻh ka Phiero haq trùh ta ralùng adroe. **5** Haq aih ki ngan hnoq bai oe ta haqneq, mahaq haq ùh mùt. **6** Simon

Phiero trùh diq, mùt hloe ta ralùng, hnoq bai oe ta haqneq. 7 Mù gàu xam bai lom hanang ùh oe pajùm ti dabau, mahaq khoe canua òdeq crài taqnoeq. 8 Jò aih mangai ma trùh adroe, hadai cadiang mùt, hnoq qmang aih haq hi lùl diq. 9 Majah qmang aih wa aih diq qnhòq tem bàu Hset Hadròeh anoe: Jesus ep rìh hlài enh mangai cachit. 10 Khoe ka aih, wa mangai tiaq hóc hi hlài deh tahnim. 11 Mahaq Mari yòng òeh enh gùng, haten ka ralùng hanang rai hmoe. Haq rai hmoe rai kùp ngan ta ralùng. 12 Haq hnoq baiq bình plính caxùnh eo taboc, mòeq ngai haqngui enh gàu, mòeq ngai hangui enh jènh, ajang nòe taqngui hanang Chuaq Jesus. 13 Baiq bình plính bòch: Mangai gucadri meh, gleq ìh majah crò? Haq padreo bàu: Wì khoe qnhac Chuaq au taqnoeq, au ùh qnì wì òdeq haq taleq? 14 Capoch bu khoe, haq hwi ngan hnoq Chuaq Jesus yòng ajang aih, mahaq haq ùh canau. 15 Chuaq Jesus bòch: Mangai gucadri meh, hagleg ìh majah hmoe? Ìh chaq cabô? Hèm deh aih canau mangai broq wuàn, haq doe: Wì daq, tàng joq ìh khoe qnung hanang Haq taqnoeq, ìh anoe biaq ka au loq, òdq au lam yóc ahlài. 16 Chuaq Jesus creo ka haq: “Mari.” Mari drah hwi ngan, haq capoch bàu Hebru: Rabuni (aih la mangai hnài)! 17 Chuaq Jesus doe: “Apaq bèq au, majah qmang aih au qnhòq təc deh ta Baq, mahaq drah lam anoe ka bài oh daq au, doe ka wì loq au təc òeh ta Baq au, aih hadai Baq pì, təc ti Boc Plính au, aih hadai Boc Plính pì. 18 Mari Mađolen lam anoe ka bài mangai tiaq hóc: Au khoe hnoq Chuaq Jesus. Rai taqmon ka wì diq òong rìm yiniq Chuaq Jesus anoe ka haq. 19 Hì aih raq jò khoe xèq, aih hì baxèm ta gàu tuàng, bài qmóc qmang nòe bài mangai tiaq hóc oe, diq clenh clòng ka cajap, majah qmang aih wì crè ka mangai Juda, Chuaq Jesus loh yòng taqne wì haq rai doe: “Catèm ka pì! 20 Doe qmang aih hi khoe, Haq am ka wì ngan xam tì xam yimìa haq. Mangai tiaq hóc diq jaq lem bùi jò jah hnoq Chuaq Jesus. 21 Haq doe hòm: “Catèm am ka pì, Baq khoe thê au qmang leq, au hadai thê pì qmang aih.” 22 Èh Haq hlui qmùt hi hèm ka wì rai doe: “Drah yóc Yiang Hadròeh beq. 23 Tàng pì caqnaih da cabô yiniq lui, yiniq lui wì aih èh jah claih, tàng joq pì ùh caqnaih da wì yiniq lui, yiniq lui wì aih ùh jah claih.” 24 Mahaq jò Chuaq Jesus trùh, Thôma wì macreo Đì òim, aih mangai hadai oe ti wì mòeq jàt baiq ngai, ùh i ka mat ta aih ti bòe mangai

tiaq hóc. 25 Wì mangai tiaq hóc qnoeq anoe ka haq: Nhèn khoe hnoq Chuaq Jesus. Mahaq haq doe: Tàng joq au ùh hnoq qmòe teo òinh ta capiang ti haq, rai tah hadrang ti ajang habau aih, tàng joq au ùh bèq yimìa haq, ùh jò leq au lùl. 26 Rahem hì atiq ka aih, mangai tiaq hóc Chuaq Jesus oe hòm ti dabau ta hnim, Thôma hadai oe ti wì ta aih. Jò qmang hnim oe raq clòng, Chuaq Jesus mùt yòng taqne mangai tiaq hóc rai doe ka wì: “Catèm am ka pì.” 27 Khoe aih Haq doe ka Thôma: “Yóc hadrang ti ìh tah ajang kò, èh ngan capiang ti au, hnhu tì bèq ti yimìa au, apaq cadoq manoh, mahaq toq lùl raq.” 28 Thôma doe: Waiq Chuaq au aih Boc Plính au! 29 Chuaq Jesus doe: “Pàng ìh khoe hnoq au ìh majah lùl. Xòq ramot am ka mangai qnhòq hmaq hnoq mahaq khoe lùl.” 30 Chuaq Jesus oe broq bàc kan halac enh ngèa mangai tiaq hóc mahaq ùh i achìh ta hset kò. 31 Mahaq bài yiniq kò khoe achìh, òdq pì lùl Chuaq Jesus aih raq Mèsi, Kon da Boc Plính, òdeq jò pì lùl, canòm ka yiniq haq aih èh òdeq hu jah kan rìh.

21 Atiq ka aih, Chuaq Jesus loh mahno ràdeh hòm ka mangai tiaq hóc ta haqmai diac raxiq Tèbi-riat. Bìac aih rameh: 2 Simôn Phiero, Thôma (wì creo Đì òim), Natha-na-ên mangai Cana gùng Galili, kon da Sèbedê xam baiq ngai tiaq hóc qnoeq hòm oe ti dabau. 3 Simôn Phiero doe ka wì: Au lam ranang ka, wì padreo bàu: Nhèn hadai lam ti ìh. Qmang aih wì loh ta boang, mahaq mang aih ranang ùh jah qmòe cleq. 4 Trùh sroeh sroq, Chuaq Jesus yòng tago mahaq bài mangai tiaq hóc ùh canau ka haq. 5 Haq creo ka wì: “Yòiq bài bua au, Pì ajah ka ùh?” Wì doe: Ùh jah cleq. 6 Haq doe ka wì: “Caqnìh hlàm enh pah qma ka boang qmat aih pì hi jah ka.” Jò wì aih caqnìh hlàm, wì jah ka bàc haraya, loh qmòe ka pì hlàt òèh òèh hlàm. 7 Mangai tiaq hóc Chuaq Jesus ma loq waq doe ka Phiero: Hatau raq Chuaq. Jò Simôn Phiero tàng doe: Aih raq Chuaq, haq drah yóc caxùnh òèh eo yòh (majah qmang aih haq oe chac òèh) rai hadrùc ta diac. 8 Bài mangai tiaq hóc maqnoeq chùng boang atəc tago rai chua hlàm khoe bình bài ka, majah qmang aih wì haq ùh hìaq hangai ka go, loq jah bu baiq hrinh hagat. 9 Jò mangai tiaq hóc khoe təc tago, hnoq ta aih i ka phiang ta ngia ùnh, bènha hadai i. 10 Chuaq Jesus doe ka wì haq: “Aràng ka pì neo ranang tacô”. 11 Simôn Phiero cadiang loh

ta boang, rai hua hlàm hlech jah mòeq hrinh au hèm òiq òng ka crõng taneh kô ùh anòh
 padam jàt piq pliang ka kàn atõc tago, mahaq òòeq hset wì ma achìh aih.
 yac ka hnoq jah bàc qmang aih, hlàm dua ùh
 hyah. **12** Chuaq Jesus doe ka wì: “Thia tacô hu
 acaq di sroq.” Ùh i moeq ngai tiaq hõc leq hù
 bòch: Ìh kô ìq cabô? Wì loq aih raq Chuaq Jesus.
13 Chuaq Jesus lam haten yõc bèn h yõc ka am
 ka mangai tiaq hõc. **14** Aih yàng piq Chuaq Jesus
 mahnu raðeh am ka mangai tiaq hõc hnoq,
 atiq ka haq rìh hlài enh mangai cachit. **15** Jò wì
 khoe hêq ka acaq, Chuaq Jesus doe ka Simôn
 Phiero: “Simôn kon da Jôna, ajoq ìh loq waq ka
 au ùh hnau ka wì kô ùh? Phiero doe: Chuaq au,
 joq ìh loq au loq waq ka ìh. Chuaq Jesus doe:
 “Qmi da au trùu kon acaq. **16** Chuaq Jesus doe
 hòm yàng baiq: “Simôn kon da Jôna, ajoq ìh
 loq waq ka au ùh hnau ka wì kô ùh?” Phiero
 padreo bàu: Chuaq au, joq ìh loq au loq waq
 ka ìh. Chuaq Jesus doe: “wèq da au trùu oq.”
17 Yàng piq Haq anoe ka Simôn hòm: “Simôn
 kon da Jôna, ajoq ìh loq waq ka au?” Phiero òiq
 jaq mangò ta manoh majah qmang aih Chuaq
 Jesus bòch haq piq yàng: “Ajoq ìh loq waq ka
 au?” Phiero doe: Chuaq au, ìh loq rìm trong, ìh
 loq au loq waq ka ìh. Chuaq Jesus doe ka haq:
 “Qmi da au trùu.” **18** Joq qnàng au anoe ka ìh, jò
 ìh oe raq radam, cla ìh kàt dèh kaxi caqnam,
 enh lam taleq lam, mahaq trùh jò ìh hi craq, ìh
 hnau tì am ka wì kàt da ìh kaxi caqnam qnung
 ìh trùh tanòe ìh ùh enh lam. **19** Chuaq Jesus
 anoe bàu kô òòeq patô ka Phiero haq loq raðeh
 kô èh cachit qmang leq òòq ka Boc Plinh jah
 kan ranhòm. Khoe aih haq doe ka Phiero: “Lam
 tiaq au.” **20** Phiero hwi ngan hnoq mangai tiaq
 hõc Chuaq Jesus ma loq waq qnang tiaq wa, aih
 mangai mang wì haq ma acaq ramèn Pancwa,
 haq ma angèn ta rada Chuaq Jesus rai bòch:
 Chuaq au, cabô ma blòq ìh? **21** Jò hnoq mangai
 aih, Phiero bòch: Chuaq au! ha mangai meh èh
 qmang leq? **22** Chuaq Jesus padreo bàu: “Tàng
 joq au enh ka haq qmat oe rìh yôt trùh hì au
 wìh hlài, aih ep cleq ka ìh?” mahaq ìh kô ep
 tiaq au. **23** Aih ìq taqne oh òiq majah i bàu
 doe: Mangai tiaq hõc aih ùh cachit. Mahaq ùh
 xài Chuaq Jesus doe haq aih ùh cachit, haq toq
 doe: “Tàng joq au enh ka haq qmat oe rìh yôt
 trùh hì au wìh hlài, aih ep cleq ka ìh?” **24** Cla
 mangai tiaq hõc kô raq ma rai anoe rai achìh
 hlài bài yiniq kô, bèn loq bàu haq ma anoe aih
 joq qnàng. **25** Oe i bàc yiniq qnoeq Chuaq Jesus
 khoe broq, tàng joq achìh hlài òiq tang yiniq,

BÌAC YIANG HADRÒEH

1 Wì craq Thiôpi, oe ta hset adroe au khoe anoe rìm trong Chuaq Jesus ma khoe broq rai hnài qmòe enh jò baxèm, **2** trùh hi haq jah dèch atóc ta plình, atìq ka haq khoe canòm ka Yiang Hadròeh òòeq hu hnài deh bài mangai tiaq cla haq ma khoe ràihi. **3** Atìq ka haq khoe pòq kan xalep, enh ngèa ka bài mangai tiaq cla haq yóc bàc trong òòeq patô ka wì loq haq kô rih, èh haq oe ti bài tiaq cla pôn jàt hì, anoe ka wì trong diac Boc plình. **4** Jò oe ti bài mangai tiaq cla, haq tanap: Apa q loh enh gùng ka Jêrusalem, mahaq pì ep oe ta aih raq gòm yiniq Baq ma khoe têu am ka pì, aih yiniq pì khoe tàng au doe. **5** Majah qmang aih Jon khoe broq ka pì baptem xi diac, mahaq toq biaq hì hòm, pì jah broq baptem xi Yiang Hadròeh. **6** Bài mangai ma tagop ta aih bòch: Waiq Chuaq! manòeq kô raq ùh xài ih ma dèch paqnàng hlài diac Isorali? **7** Haq padreo bàu “Hì leq jò leq toq cla Baq khoe loq deh, trong aih pì ùh khòh loq. **8** Mahaq jò Yiang Hadròeh jràp enh qnhèq ka pì, aih èh pì hi jah yóc kan cwiang itai òòeq hu lam anoe òòq wì loq ka au, ta Jêrusalem, jàp hloe gùng Judê, gùng Samari trùh jàp jia crông taneh. **9** Khoe ka anoe qmang aih, haq jah dèch atóc ta plình, jò wì ta aih qnang ngan qngoc haq, i yùc glom qnung haq lam, pì hnoq hòm. **10** Jò wì ta aih oe raq haqmiang ngan haq jah dèch atóc ta tróc i baiq ngai gucalô caxùnh eo taboc loh enh ngèa wì haq, **11** rai doe: “Wùih mangai Galili, pì yòng ajang kô hanhoe dèh ta tróc qmang qmat i q? Jesus kô khoe jah dèch atóc ta tróc enh ngèa ka pì, èh haq hadai wih hlài qmang ka pì khoe hnoq haq tót ta tróc diq.” **12** Khoe aih, wì haq enh nòe wang Ôliu hlài ta Jêrusalem, wang aih hangai ka Jêrusalem lam bu mòeq hì sabat. **13** Jò wì haq hlài khoe trùh, drah tót talàu aih nòe Phiero, Jon, Jaco, Anrê, Philip, Thôma, Bathêlemi, Mathio, Jaco kon da Aphê, Simôn Silot, Jiude kon da Jaco loq oe. **14** Diq òòg ka wì aih cajap mòeq manoh waiq khàn pajùm ti bài mangai gucadri, Mari miq da Chuaq Jesus xam wì oh haq. **15** Ta bài hì aih, Phiero yòng taqne oh daq tagop ti dabau – bài mangai tagop ta aih jah mòeq hrinh baiq jàt ngai, haq doe: **16** “Dìq òòg oh daq calô xam oh daq cadri,

bàu Yiang Hadròeh ma khoe canòm ka hacùng Đawit capoch pajàu tanòe Hset Hadròeh anoe trùh Juda mangai khoe ajèn trong òòq wì rùp Chuaq Jesus, aih khoe xit. **17** Majah qmang aih haq hanoh oe ti bèn, hadai khoe jah broq mangai tiaq cla qmang ka bèn. **18** Haq aih yóc bàc baha kan dù da raðeh rot moeq haqnech ruàng, ta aih haq taclìh hatàp gàu padah loh òòg cliac. **19** Bìac aih diq ka Jêrusalem mangai loq òòh hra, wì loh qmòe ka creo ka ruàng aih tiaq bàu wì haq aih Haèndama, aih ruàng mahim. **20** Ta hset Calêu plình i achih: “Xoeq diq nòe da haq oe loh ka clui hawit Apa q i cabô oe ta aih. Èh hòm: Xoeq diq i mangai mùt yóc ajang nòe da haq. **21** Aih i q, taqne mangai ma khoe tiaq bèn enh jò Chuaq Jesus baxèm oe ti bèn, **22** pang Jon ma broq baptem trùh hi Chuaq Jesus jah dèch atóc khoe ka bèn, taqne wì aih ep i mòeq ngai hu wiang lam anoe ti bèn trong Chuaq Jesus khoe rih hlài. **23** Mangai tiaq hóc ràihi baiq ngai: Jôsep aih Basaba, tang jò creo Juctu, xam Mathia, **24** khoe aih wì waiq khàn: Waiq Chuaq, ìh loq manoh cliac rìm ngai, ìh patô am ka nhèn loq wa baiq ngai kô ìh khoe òòh deh maleq, **25** òòeq hu broq mangai tiaq cla, hu qmùt hlài ajang nòe da Juda ma khoe caðac hu lam oe dèh tanòe. **26** Khoe aih, wì pàihi panaih, hi troq ka Mathia, haq hi jah qmùt ajang mòeq jàt mòeq ngai tiaq cla.

2 Trùh Ramènh hì padam jàt, mangai tiaq hóc tagop dabau mòeq nòe. **2** Cadoe i atêh loh enh plình qmang atêh ka cayeo hlui, jàp jia ta hnim mangai tiaq hóc hangui. **3** Wì haq hnoq i tang pla ùnh tiah ka rapet, loh jràp tang ngai ta wì haq. **4** Rìm ngai jah bình Yiang Hadròeh, pang aih wì hi capoch bài bàu qnoeq, tiaq qmang ka Yiang Hadròeh am ka raðeh capoch. **5** Jò aih, ta Jêrusalem bài mangai Juda ma loq iu yùq ka Boc plình enh rìm diac oe ta caqnàm plình trùh ta aih. **6** Jò wì haq tàng atêh bàu aih, wì tùh loh ngan, mangai leq mangai meh hi haglènh òòh hra majah qmang aih wì haq tàng bài mangai tiaq hóc capoch bàu gùng wì haq. **7** Wì haq yùq pì cajaq rai bòch dabau: Diq òòg ka wì qmat ma ùh xài mangai Galili qmòh? **8** Tàng joq qmang aih, hagleq bèn majah tàng wì haq tapoch bàu gùng bèn? **9** Bài magai Bathê, Mêdi, Êlamit, mangai oe ta Mêsôbôtami, Jiu òò, Capbaðoc, Bong, Asi, **10** Phirigi, Bam phili, Êdip, Libi ma haten ka gùng Siren, mangai trùh

enh Rôma, 11 mangai Jiuda hloe xam mangai maneo tiaq trong mangai Jiuda, mangai Coret, mangai Arập, nhên tàng wì haq capoch bàu gùng nhên ðoeq anoe kan haqnheq kân kaiq da Boc Plinh. 12 Wì hamaih loh ka pì qnì hèm cleq, wì tabòch dabau: Yiniq kô ìq qmang leq? 13 Mahaq i bài mangai ma loq ti halê doe: Wì qmat bù ka alac neo. 14 Jò aih Phiero yòng pajùm ti mòi qjật mòi qngai tiaq cla, dèch bàu anoe ka mangai bacc ta aih: “Oh daq Jiuda xam diq ka mangai oe ta Jérusalem, dôi q au anoe ka pì qmang kô, pì tamàng ma adia haq. 15 Wì kô ùh i bù qmang ka pì xoh, majah qmang aih manòeq kô bu hachin jò di sroq. 16 Mahaq kô raq yiniq Jôen mangai pajàu Boc Plinh ma khoe anoe: 17 Boc Plinh doe: Tahì atiq kô èh, Au ùc qnoh Yiang au am diq ka kon mangai; Kon calò xam kon cadrì pì diq jah tapoch pajàu, Bài guradam jah hnoq kan mahno, Mangai craq jah hnoq apô. 18 Joq qnàng tabài hì aih èh, au ùc qnoh Yiang au jàp ka mangai hapông calò xam hapông cadrì, Diq ka wì haq jah capoch bàu pajàu; 19 Au mahno tam ka wì haq kan halac oe ta plinh, Xam ta crông taneh; Aih la mahim, Jesus kô mangai pì ma khoe tiang ðinh haq talong pagat broq Christ broq Chuaq.” 37 Jò wì tàng bàu kô, wì tadèch qmòi ta manoh, wì bôch Phiero xam bài mangai tiaq cla: Wì daq! nhên ep broq qmang leq? 38 Phiero padreo bàu: thê pì loq raxach, rìm ngai ep canòm ka yiniq Chuaq Jesus ðoeq jah broq baptem, dôi yiniq lui pì jah caqnaih, khoe aih hì jah yôc Yiang Hadròeh. 39 Majah qmang aih bàu ma khoe têu aih jah pì xam bài kon da pì, xam diq ka bài mangai oe hangai, aih bài mangai Boc Plinh bèn ma khoe padon creo”. 40 Phiero yôc tam bacc trong ðoeq rai hnài rai pariaq wì, haq doe: “Pì drah doeh raðeh claih enh xinoe ngang dù kô”. 41 Mangai ma tamàng bàu haq diq jah broq baptem, hì aih i tam piq muàn mangai jah qmùt tanò Tagop Hadròeh. Mòi manoh ka dabau 42 Wì aih diq ka manoh wèq bàu bài mangai tiaq cla hnài, hatroq ka dabau, wèq Ramèn goh bèn wèq trong waiq khàn. 43 Rìm ngai i manoh iu yùq, majah qmang aih i bacc kan halac loh enh tì kông mangai tiaq cla. 44 Diq ðông mangai ma lui Chuaq Jesus, pajùm mamoh ti dabau, yôc rìm yiniq broq hang pajùm. 45 Tech ðông dèh bài kùng hang, taneh ruàng ðoeq hu axong ka dabau, tiaq dèh tang ngai ma i yiniq nan ka waq pang leq. 46 Hì leq hì meh panim ka tôte ta hnim kùh waiq. Jò oe ta hnim wì haq diq

29 Diq ka oh daq Isorali, au anoe qnàng ka pì, Ðawit aih kan cadraq bèn, haq khoe cachit, wì khoe catùh, manòeq kô ralùng hanang haq oe raq taqne bèn. 30 Mahaq, haq aih mangai pajàu, haq loq Boc plinh khoe hapah ðoeq têu bàu ka haq, aih ta xinoe haq Boc plinh dèch mòi qngai ðoeq hangui tanò gèq bùa haq, 31 aih haq khoe chôn hnoq yiniq ma padon trùh, chôn anoe trùh kan rih hlài da Christ rameh: Haq ùh oe hloe tanò kan cachit, chac haq hadai ùh hech ùh hnhung. (Hadēs 986) 32 Boc Plinh khoe broq ka Chuaq Jesus kô rih hlài, diq ka nhên hadai wiang hnoq. 33 Jò haq khoe jah dèch atôc hangui apah qma Boc Plinh, enh nòe Baq haq khoe jah yôc Yiang Hadròeh Baq ma khoe têu am, haq hì ùc qnoh Yiang Hadròeh, aih yiniq pì ma qnang hnoq qnang tàng kô. 34 Majah qmang aih Ðawit qnhòq lah tôte ta plinh, mahaq cla haq raq doe: Chuaq khoe doe ka Chuaq au: Hangui enh qma ka au, 35 Trùh jò au roh mangai git ka ìh oe enh qneq ka ìh, ðoeq broq radua ròh jèn h ka ìh. 36 Qmang aih diq ka mangai Isorali pì ep loq qmang kô Boc Plinh khoe dèch Chuaq Jesus kô mangai pì ma khoe tiang ðinh haq talong pagat broq Christ broq Chuaq.” 37 Jò wì tàng bàu kô, wì tadèch qmòi ta manoh, wì bôch Phiero xam bài mangai tiaq cla: Wì daq! nhên ep broq qmang leq? 38 Phiero padreo bàu: thê pì loq raxach, rìm ngai ep canòm ka yiniq Chuaq Jesus ðoeq jah broq baptem, dôi yiniq lui pì jah caqnaih, khoe aih hì jah yôc Yiang Hadròeh. 39 Majah qmang aih bàu ma khoe têu aih jah pì xam bài kon da pì, xam diq ka bài mangai oe hangai, aih bài mangai Boc Plinh bèn ma khoe padon creo”. 40 Phiero yôc tam bacc trong ðoeq rai hnài rai pariaq wì, haq doe: “Pì drah doeh raðeh claih enh xinoe ngang dù kô”. 41 Mangai ma tamàng bàu haq diq jah broq baptem, hì aih i tam piq muàn mangai jah qmùt tanò Tagop Hadròeh. Mòi manoh ka dabau 42 Wì aih diq ka manoh wèq bàu bài mangai tiaq cla hnài, hatroq ka dabau, wèq Ramèn goh bèn wèq trong waiq khàn. 43 Rìm ngai i manoh iu yùq, majah qmang aih i bacc kan halac loh enh tì kông mangai tiaq cla. 44 Diq ðông mangai ma lui Chuaq Jesus, pajùm mamoh ti dabau, yôc rìm yiniq broq hang pajùm. 45 Tech ðông dèh bài kùng hang, taneh ruàng ðoeq hu axong ka dabau, tiaq dèh tang ngai ma i yiniq nan ka waq pang leq. 46 Hì leq hì meh panim ka tôte ta hnim kùh waiq. Jò oe ta hnim wì haq diq

ka manoh lem bùi goh bênh acaq ôq ti dabau, 47 rai manè apôi Boc Plinh, wì haq jah lem ka manoh phù cròng. Rìm hi Chuaq qmút tam mangai jah dèch ta Tagop Hadrèh.

3 I mòeq hi, wa Phiero wa Jon tót ta hnim kùh waiq, hu waiq khàn, jò aih khoe jah piq jò dixèq. **2** Ta aih, i mòeq ngai pen enh jò haq clih enh cliac, rìm hi wì aràng pagui òdeq haq ta hnim kùh waiq ajang nòe qmang wì ma creó Qmang lem, hu axìn enh bài mangai ma mùt ta hnim kùh waiq. **3** Hnoq wa Phiero wa Jon mùt, haq hnhu tì bòch òeh bac wa aih. **4** Phiero xam Jon chrìh ngan haq, èh Phiero doe: Ngan ma kô. **5** Mangai aih hi ngan òeh wa ja cajoq, xoh òeh ta manoh canau loq jah òeh toq xit toq ciah cleq. **6** Yàng èh, Phiero doe ka haq: Au ùh i ka bac wang, mahaq au i cleq au am ka ìh ka aih: Canòm ka yiniq Chuaq Jesus Christ, mangai Naxaret, cadiang lam beq! **7** Phiero rùp tì pah qma dèch haq yòng. Tajòe qmòe jò aih, capiang jènh xam mat ka haq loh ka qnhrang. **8** Haq hi padinh yòng tiaq wa mùt ta hnim kùh waiq, rai lam rai aplòh calêu manè appôi Boc Plinh. **9** Wì ta aih òiq hnoq haq lam rai manè apôi Boc Plinh. **10** Wì canau meh raq mangai ma hangui ajang Qmang lem hu axìn, wì loh òng haglèh rai hamàih jò hnoq kan halac loh ka haq qmang aih. **11** Haq aih qnang carùp tì Phiero xam Jon, bài mangai ta aih hamàih pi cajaq, rìm ngai tùh loh ngan wì aih, ajang nòe wì ma creó radua qmang Salômôn. **12** Phiero hnoq qmang aih, haq doe ka mangai ta aih: Òiq ka oh daq Isorali, hagleg pì majah hamàih ka yiniq kô? Hagleg pì majah chrìh ma qmang qmat, tiah gleq ma khoe canòm kan itai, kan taq atòq da cla ma òdeq broq ka mangai kô jah cadiang lam? **13** Boc Plinh da Apraham, Ysac, Jacôp, Boc Plinh da kan cadraq bèn khoe broq ka hapông haq aih Chuaq Jesus jah ranhòm, aih Mangai pì khoe rùp, khoe ùh waq òac ka haq enh ngèa Philat, jò Philat enh caqnaih haq. **14** Pì khoe cadac Mangai Hadrèh, Mangai taq atòq òdeq hu bòch caqnaih ka raðeh mòeq ngai jèh òac mangai, **15** pì khoe jèh òac Yiang kan rìh, mahaq Boc plinh khoe broq haq rìh hlài enh kan cachit. Nhèn kô mangai khoe hnoq trong aih. **16** Mangai kô haq lùl yiniq Chuaq Jesus, yiniq Chuaq Jesus khoe broq ka mangai pì ma hnoq ma canau loq kô jah brèh, aih la kan lùl enh Chuaq Jesus khoe am haq kô jah brèh lem

enh ngèa ka pì. **17** Manòeq kô oh daq Isorali au loq pì xam bài cwan, pàng pì ùh qnì dài ma khoe broq qmang aih. **18** Mahaq Boc plinh khoe broq qmang aih raq òdeq xit qmang ka bàu haq tapoch qnoh enh hacùng bài pajàu: Christ da haq ep glàm bac kan xalep. **19** Dra h loq raxach rai tawih hlài ta Boc Plinh, òq òiq òng yiniq lui jah caqnaih, **20** òdeq trùh jò kan padài loh enh Chuaq, aih èh haq thê òeh Christ ma khoe tèu am ka pì, aih la Chuaq Jesus, **21** mangai Tròc ep òih ahlài òeh gòm trùh jò òiq òng rìm yiniq jah paneo hlài, aih jò Boc plinh ma khoe anoe adroe enh hacùng bài pajàu hadrèh haq. (aiôn g165) **22** Môise i doe: Chuaq aih Boc Plinh bèn dèch paqnàng taqne oh daq mòeq Ngai pajàu qmang ka au, pì ep broq tiaq rìm bàu haq thê. **23** Waq toq cabô ùh tamàng bàu Pajàu aih, mangai aih ep hnan qnoh òac enh gùng ka oh daq. **24** Joq òiq òng bài pajàu enh Samuên xam bài wì ma atiq ka haq, òiq khoe anoe adroe trùh bài hi kô. **25** Pì qmat xinoo da bài pajàu, xam bàu tajao Boc plinh khoe jap ka kan cadraq bèn, jò haq doe ka Apraham: Òiq ka mangai oe ta cròng taneh canòm ka xinoo ìh kô èh majah xôq ramot **26** Boc plinh khoe dèch paqnàng òeh hapông cla haq, adroe aih thê haq aih loh am xôq ramot ka pì, òdeq tìc ahlài rìm ngai oe taqne pì wìh cadac òeh trong dù.

4 Jò Phiero xam Jon qnang capoch tuàng ka wì ta aih, i bài pajàu, cwan wèq hnim tagop xam mangai Sadusê trùh. **2** Wì nòeh pi cajaq jò hnoq wa haq hnài rai doe enh dalam ka Chuaq Jesus i kan rìh hlài da mangai cachit. **3** Bài aih rùp clèh wa haq ta hnim cadrong trùh sroq atiq, majah qmang aih tròc khoe clam. **4** Yac ka qmang aih, i bac ngai lùl jò khoe tàng bàu wa aih hnài, mangai lùl tót jah padam muàn. **5** Sroq atiq, bài cwan, bài gucraq xam bài mangai hnài ranenh tagop ti dabau ta Jérusalem, **6** xam Anne, aih pajàu haqnèq, Caiphe, Jon, Alexando xam òiq òng bài nang noe pajàu haqnèq. **7** Wì rùp qnoh wa Phiero wa Jon yòng enh ngèa wì haq, wì bòch: Yóc cwàng enh leq, tàng ùh meh canòm ka yiniq cabô chòp ma broq qmang kô? **8** Jò aih, Phiero, bình halùih Yiang Hadrèh, haq doe: “Òiq òng bài cwan xam bài gucraq, **9** tàng joq hi kô pì creó ka ma yòng ajang kô òdeq hu tah hadrah ma, taiq ma khoe broq lem ka mangai pen, èh bòch ma broq qmang leq haq ma khoe jah brèh. **10** aih òiq ka pì xam

bài mangai Isorali khòh loq rameh aih canòm ka yiniq Chuaq Jesus Christ mangai Naxaret, Mangai pì khoe tiang đình talong pagat, Boc plình khoe broq haq rìh hlài enh mangai cachit, canòm ka haq aih mangai kô khoe jah brêh lem, mandeq kô qnang yòng enh ngèa ka pì. **11** Chuaq Jesus aih: “Hmo bài pì mangai broq hnìmh ma khoe khwênh cadac, Khoe wìa hmo mùm hnìmh.” **12** Ûh ìh kan dèch dech ajang cabô qnoeq, majah qmang aih enh caqnàm plình kô, ùh ì ka yiniq ma qnoeq am ka mangai đòeq bèn ep canòm ajang aih hu jah dèch”. **13** Jò wì hnoq kan tanoq da Phiero xam Jon, loq ka wa aih mangai blùng ùh qnì dèh cleq, wì toq hamàih, èh wì loq wa aih hmaq oe ti Chuaq Jesus. **14** Mahaq patep pang jò wì hnoq mangai khoe jah brêh yòng pajùm ti wa ta aih, wì pì oe jah tapoch cleq. **15** Wì hi thê wa aih loh enh gùng ka nòe hadrah, wì hatình ka dabau: **16** “Wa kô èh bèn broq qmang leq? Đìq ka Jêrusalem mangai loq dèh hra wa kô khoe broq kan halac kàn, yac ka bèn enh cadoc dua ùh jah. **17** Mahaq đòq yiniq kô pì hìaq prai tam yi hangai, bèn taqnhiq hacam ka wa haq, ùh lòh wa haq, pang kô ta èh pì jah yóc yiniq aih đòeq hu hnài cabô hòmh. **18** Wì hi creo ka wa mùt hòmh, wì doe: Pì jah ràu yiniq Chuaq Jesus đòeq anoe đòeq hnài cabô hòmh. **19** Mahaq Phiero xam Jon padreo bàu: Cla pì hèm beq, maleq ma yeo troq enh ngèa ka Boc plình, tamàng bàu pì, loq tamàng bàu Boc plình? **20** Majah qmang aih da nhèn kô, ùh jah tàng ùh anoe trùh yiniq nhèn ma khoe hnoq khoe tàng!” **21** Aih iq, wì hi taqnhiq hacam tam ka wa, khoe hi caqnaih, pì chaq trong hu rùp wa hòmh, majah qmang aih mangai ta aih đìq hnoq kan halac neo loh, mangai leq mangai meh manè apôi dèh hra Boc plình. **22** Mangai ma khoe jah brêh aih khoe loe pôn jàt hanam. **23** Loh enh aih, wa bróc dèh ti bài oh daq, taqmon hlài đìq đổng bàu bài pajàu kàn xam bài gucraq ma anoe ka wa. **24** Jò đìq ka wì tàng bàu aih, wì mòeq bàu ti dabau waiq khàn ka Boc plình: “Boc Plình ma đìq jaq haqnèq, ìh khoe broq plình, taneh, diac rasiq xam rìm yiniq oe ta aih. **25** ìh khoe canòm ka Yiang Hadròeh, tapoch ajang hacùng kan cadraq nhèn, aih bùa Đawit hapõng ìh, rameh: “Hagleq rìm diac ma plòh nòeh, Hagleq phù cròng wiang hatình trong ùh loh qmòe cleq? **26** Bài bùa ma padình yòng. Bài cwan hangui pajùm ti dabau, Đòeq hu tablêq ka Chuaq aih Mangai ìh khoe xùt dầu” ... **27** Joq

qnàng Herôt xam Bônso Philat, mangai diac wì xam mangai Isorali khoe tagop ti dabau ta kô đòeq hu tablêq ka Hapõng hadròeh ìh aih la Chuaq Jesus ìh ma khoe xùt dầu, **28** đòeq hu broq rìm yiniq ti kống xam manoh ìh khoe thê deh adroe. **29** Mandeq kô, ìh tamàng bàu wì ma khoe hacam aih, am ka mangai hapõng ìh bìnìh manoh tanoq đòeq hnài trong da ìh. **30** Hnhu qnoh ti kống ìh đòeq broq brêh kan yiniq, broq kan halac canòm ajang nòe yiniq hapõng hadròeh ìh aih la Chuaq Jesus. **31** Khoe ka waiq khàn, nòe wì haq tagop loh qmòe ka ralàng. Mangai leq mangai meh jah bìnìh halùih Yiang Hadròeh, ùh lòm yùq qmòe cleq ka anoe trong da Boc Plình. **32** Đìq đổng ka bài mangai ma lùì, wì mòeq manoh mòeq cliac ti dabau. Pì cabô oe arènh kô dahwèq da au, mahaq đìq đổng ka dahwèq wì pajùm đổng ti dabau. **33** Bài tiaq cla yóc kan itai kàn hu anoe kan rìh hlài da Chuaq Jesus Christ; đìq ka wì jah xòq ramot kàn. **34** Taqne wì ma lùì Chuaq Jesus pì oe ì cabô leq nan cleq hòmh, majah qmang aih ì ruàng ì hnìmh, wì tech đổng, jah toq leq dua wì wê **35** aràng đòeq ajang jènh bài mangai tiaq cla, khoe aih cabô nan pang leq axong pang aih. **36** Ì mòeq ngai yiniq haq Jôsep, bài mangai tiaq cla yiniq ònh ka haq aih Banaba (Banaba aih la kon calô da kan alòng), xinoe Lêwi, gùng Chipro, **37** ì mòeq haqnech ruàng, haq tech ruàng aih yóc bac aràng đòeq ajang nòe jènh bài mangai tiaq cla.

5 Mahaq ì mòeq ngai yiniq haq Anania, pajùm manoh dèh ti mai haq aih la Saphira, tech dèh kùng hang, **2** bac aih wa đòeq hlài mòeq qnah, khoe aih mòeq qnah wa aràng đòeq ajang jènh bài mangai tiaq cla. **3** Phiero doe: Anania, aih hagleq Satan ma khoe bìnìh ta manoh ìh, ìh loh qmòe ka qnùt Yiang Hadròeh, bac tech ruàng gleq ìh khoe lah đòeq qnah? **4** Jò ìh qnhòq tech aih ma ùh joq ruàng ìh? Jò khoe tech ìh đòeq dèh bac aih ma ùh jah? Trong aih mùt ta manoh ìh qmang leq? kô aih ùh xài ìh qnùt kon mangai, mahaq ìh qnùt Boc Plình. **5** Jò Anania tàng qmang aih haq tabùng cro ta haqneq cachit hloe, đìq đổng mangai ma loq ka biac aih crè pì cajaq. **6** Khoe aih bài guradam hi trùh lom hanang haq aih, èh wì hi aràng lam catùh. **7** Jah piq jò atìq ka aih, mai haq mùt đìq, haq ùh qnì neo loh ì yiniq cleq. **8** Phiero doe ka haq: Anoe ka au beq, ajoq chòp Anania

tech taneh jah toq kô? Saphira padreo bàu: Joq, jah toq qmat raq. 9 Phiero doe: Hagleq chôp mahùà mòeq manoh ti dabau òòeq hu nhro ngan Yiang Hadròeh da Chuaq? 10 Draq drình jò aih Saphira cro cachit hloe ajàng jènh Phiero. Bàu wì guradam hlài enh gùng, hnoq haq khoe cachit, wì hi tòng lam catùh haq hatia ralùng dèh òng. 11 Dìq dõng ka Tagop Hadròeh crè pi cajaq, yac ka wì qnoeq hìa hanoh qmang aih. 12 Jò aih i bàc kan halac broq loh enh tì kống mangai tiaq cla, òiq ka mangai tiaq hóc tagop ti dabau tanòe hawài qmang ngo Salòmôn. 13 Ùh i cabò hùà taqmùt ti mangai tiaq hóc, yac ka phù cròng dèh bàu manè apôi. 14 Mangai tiaq Chuaq èh rai bàc tam, gualô xam gucadri hanoh bàc. 15 Wì loh qmòe ka tòng aràng bài mangai yiniq òòeq ti trong lam, taqngùì ta dria, ta racoh, òòeq jò Phiero lam pagat trong aih, loq qmang leq òòeq qmù haq jah pagat òeh toq biaq biaq ngai hnha. 16 Wì ma oe gùng ten aih hadai qnung dabau tõi ta Jérusalem, aràng bài mangai ùh hróc, mangai kiac pawè, òiq dõng jah broq brêh. 17 Jò aih, pajàu haqnheq xam bài mangai tiaq haq (aih mangai Sàdusê) ta manoh wì haq bình kan tajìq, 18 rùp clêh bài mangai tiaq cla. 19 Mahaq jò damang i mòeq bình plình da Chuaq pèh qmang qnoh mangai tiaq cla loh enh gùng. 20 Bình plình doe: Lam beqì lam yòng tanòe hamlang hnim kùh waiq, anoe ka wì ta aih loq rìm bàu kan rih kô. 21 Mangai tiaq cla tàng toq aih nà, bu qngah wì haq mùt ta hnim kùh waiq, hi hnài wì ta aih. Mahaq, Pajàu haqnheq xam bài bua haq trùh, wì creò ka dabau tagop ta hnim hadrah, hloe òiq dõng xam bài gucra q mangai Isorali. Wì thê lình lam ta hnim cadrong rùp qnoh bài mangai tiaq cla loh enh gùng am ka wì haq. 22 Mahaq jò bài lình trùh ta hnim cadrong, ùh hnoq bài mangai tiaq cla ta aih, wì hlài doe: 23 Nhèn hnoq qmang oe raq clen h cajap, bài lình rap oe raq yòng ajàng trong qmang, mahaq jò pèh qmang enh dalam ùh i hnoq cabô. 24 Cwan wèq hnim tagop xam bài pajàu tàng doe qmang aih, wì nòeh rai hamàih ùh qnì hagleq majah qmang aih. 25 Mahaq i mangai trùh doe: Hatau bài mangai pì cwan ma khoe rùp clêh, manòeq kô wì haq quang yòng ta hnim kùh waiq, hnài wì ta aih. 26 Cwan wèq hnim kùh waiq xam bài bua haq, hi lam rùp ahlài mangai tiaq cla, mahaq ùh hùà dalam ka wì aih majah qmang aih wì haq crè ka mangai bàc ta aih loq

hachùq wì haq xi hmo. 27 Wì qnung mangai tiaq cla mùt yòng tanòe hadrah, Pajàu Haqnheq bòch bài mangai tiaq cla: 28 Nhèn khoe ùh lòh pì blinh ùh jah hnài yiniq Jesus am ka cabô, aih kiang pì hnài jàp jìa broq ka Jérusalem bình dõng trong da pì, pì enh taqmòq ka nhèn mahim mangai aih òòeq haq dahròq hlài ta nhèn qmòh? 29 Phiero xam mangai tiaq cla maqnoeq padreo bàu: Nhèn ep iu tiaq bàu Boc Plình ùh hnau ka bàu kon mangai. 30 Boc Plình da boc yaq nhèn khoe broq ka Chuaq Jesus, Mangai pì ma khoe tiang ònh jêh cadac talong pagat rih hlài. 31 Boc plình khoe dèch atóc haq aih oe enh qma Boc Plình, broq Bùà, broq Chuaq, òòeq am manoh loq raxach xam kan paclai h yiniq lui ka mangai Isorali. 32 Nhèn kô mangai panhìn hlài trong aih, tìah ka Yiang Hadròeh Boc Plình ma khoe am ka mangai iu bàu haq. 33 Jò tàng bàu aih, wì cadrit qmòe haninh, nòeh pì cajaq, wì hatinh ka dabau chaq trong jêh cadac bài mangai tiaq cla. 34 Mahaq i mòeq ngai Pharisì, yiniq haq Gamalien, mangai hnài ranenh, haq aih bàc ngai iu camaih ka haq, yòng taqne nòe hadrah, thê wì qnoh bài mangai tiaq cla loh enh gùng mòeq ahyac. 35 Khoe aih, haq doe: Dìq ka mangai Isorali, pì ep rabiaq haq oq trong pì padon tabroq ka wì kô. 36 Adroe kô nêh, i mòeq ngai yiniq haq Thêuda, yòng doe òeh kô mangai broq gàu, ten jah pòn hrinh ngai tiaq haq: Wì jêh haq cachit, òiq dõng mangai tiaq haq hi pac lac dõng, pulùch èh pì loh cleq. 37 Atìq ka aih, i mòeq ngai yiniq haq Jiuda, mangai Galilì, yòng pagàu, aih wop jò bùa thê rên hlài mangai ta òiac haq jah toq leq, haq aih adràc bàc ngai tiaq raðeh, haq aih èh hanoh cachit, mangai tiaq haq hadai haprah hapriang. 38 Manòeq kô au doe ka pì: Wia ma hangai ka wì kô, òòeq da wì haq. Majah qmang aih tàng joq trong kô loh enh kon mangai, aih èh haq raliang òeh, 39 mahaq tàng loh enh Boc Plình, pì ùh i broq cleq ka wì haq jah, aih budàng pì tamùà raðeh hu tajêh ka Boc Plình. 40 Wì tiaq bàu haq, creò ka bài mangai tiaq cla mùt ta hnim, thê mangai blai wì aih, khoe èh blinh ùh am qmòe wì haq yõi yiniq Chuaq Jesus òòeq hnài cabô hòh, khoe èh hi caqnaih wì lam. 41 Bài mangai tiaq cla loh enh nòe hadrah, lem bùi ka raðeh khoe tajì ka jah broq mangai pòq kan xalep ka yiniq Chuaq Jesus. 42 Hì leq hì meh, ta hnim kùh waiq, enh hnim kô trùh hnim tau, bài mangai

tiag cla toq anoe hnài yôt Bàu lem da Chuag Jesus, aih raq Christ.

6 Jò aih, mangai tiaq èh rai bàc, dài haq mangai Hêlenit mamùc ka mangai Hêbru, majah qmang aih wì ùh hmàng axong ka bài mangai hadrô da wì haq dahwèq acaq. **2** Wì Mòeq jàt baiq ngai creo tagop diq dõng bài mangai tiaq hõc, wì doe: Cadac trong hnài bàu Boc Plinh ðeq hu patih trong ranenh acaq aih joq ùh troq. **3** Manðeq kô oh daq ràih yõc taqne cla pì qmat tapèh ngai ma i tiang, bình Yiang Hadròeh, i kan rabiaq, khoe aih nhèn hi ðeq wì haq patih trong kô. **4** Aih èh nhèn jah toq waiq khàn jah diq ka manoh broq dèh biac. **5** Bàu kô hatroq manoh diq dõng oh daq, wì hi patô Êtien, aih mangai bình manoh lùl xam Yiang Hadròeh, Philip, Bôcoro, Nicanô, Timôn, Bàmèna xam Nicôla, aih mangai Antiôt neo wìh tiaq trong mangai Juda; **6** wì aràng tapèh ngai aih loh enh nèa bài mangai tiaq cla. Bài mangai tiaq cla waiq khàn khoe aih roh tì ta wì aih. **7** Bàu Boc Plinh chàc rai èh rai hangai, ta Jêrusalem mangai tiaq rai bàc. I bàc ngai pajàu hanoh tiaq. **8** Jò aih, Êtien jah bình xôq yiang xam cwiàng itai, broq bàc trong halac taqne phù cròng. **9** Mahaq i toq biaq ngai enh hnim tagop wì ma creo dèh: Tagop da mangai pi tawac, xam bài mangai ta Siren, mangai gùng Alecxando, xam mangai Juda oe ta Silisi, gùng Asi, bài aih yòng tarahen ka Êtien. **10** Mahaq wì ùh blêq kan rabiaq enh Yiang Hadròeh am ka haq jò haq capoch. **11** Aih i q wì hi lam baxrùq wì qnoeq, rameh: Nhèn khoe tàng haq kô tapoch qmèq ka Môise xam Boc Plinh. **12** Wì patùt bài phù cròng, bài gucraq xam bài mangai hnài ranenh, khoe aih wì hi clàm cadèh mùt rùp Êtien, aràng haq loh yòng enh nèa nõe hadrah. **13** Wì hi qnoh dèh bài mangai yòng tapoch qmùt ka haq, bài aih doe rameh: Mangai kô toq capoch troq nõe hadròeh xam ranenh. **14** Majah qmang aih nhèn khoe tàng haq doe: Jesus mangai Naxaret raliang cadac nõe kô èh rai broq tablòq hlài ranenh rih acaq Môise ma khoe ðeq hlài ka bèn. **15** Jò aih bài mangai hangui tanòe hadrah diq chrìh ngan Êtien, hnoq hadrò haq tiah ka hadrò bình plinh.

7 Craq pajàu haqnhèq bòch Êtien: Ajoq qmang aih loq ùh? **2** Êtien padreo bàu: Wì daq xam bài baq, pì tamàng au anoe kô! Boc plinh da kan ranhòm khoe mahno raðeh ka kan cadraq

bèn aih Apraham jò haq oe raq ta gùng Mèso-bôtami, adroe ka haq rih ta Charan. **3** Boc plinh doe: “Drah cadac gùng kô cadac hloe xam oh daq ìh hu lam trùh tanòe au patô am ka ìh. **4** Jò aih haq hi loh enh Kan-ðê lam trùh ta Charan. Atìq ka baq haq cachit, enh aih Boc plinh qnung haq trùh ta gùng pì qnang oe manðeq. **5** Boc plinh ùh am ka haq cleq ta gùng kô, mòeq haqnech taneh toq capiang jènh dua ùh i, mahaq Boc plinh i têu am ka haq xam xinoe haq gùng kô, yac ka jò aih haq qnhòq i kon. **6** Boc plinh doe ka haq rameh: Xinoe ìh broq ðeh tamoe tanòe taneh diac wì qnoeq. Gùng aih rùp wì haq broq hapõng dicit rai baxa pani wì haq pôn hrinh hanam. **7** Boc plinh doe: Mahaq au tahadrah ka bài mangai ma khoe rùp xinoe ìh broq hapõng dicit aih, khoe èh wì haq loh enh gùng aih ðeq kùh waiq au tanòe kô. **8** Khoe aih Boc plinh am ka haq tajao ramènh kat akia. Aih i q, jò Apraham khoe i ka Ysac, haq broq ramènh kat akia ka Ysac jò khoe jah rahem hì. Ysac broq ramènh kat akia ka Jacôp, èh Jacôp broq ramènh aih ka mòeq jàt baiq ngai kan cadraq. **9** Mòeq jàt baiq ngai kan cadraq tajènh ka Jòsep, wì rùp tech haq broq hapõng ta gùng Êdip. Mahaq Boc plinh oe ti haq. **10** Rai paclaih haq khoe kan nanxa, broq ka haq jah kan tamèt, kan rabiaq enh nèa Pharaôn, bùa Êdip, bùa aih dèch haq broq cla craq cwan wèq diq dõng tagùng aih wèq hloe xam hnim bùa. **11** Qnhòng aih, i kan pangot kàn ta gùng Êdip xam gùng Cana-an, nanxa joq qnàng, kan cadraq bèn chaq ùh loh qmòe dahwèq acaq. **12** Jacôp hĩa gùng Êdip i qmau, haq hi thê kan cadraq bèn loh ta aih yàng adroe. **13** Yàng atìq, bài oh daq hi canau ka haq, aih Pharaôn men loq ka xinoe Jòsep. **14** Atìq ka aih, Jòsep thê wì ðih qnoh dèh baq xam wì ta hnim diq dõng jah tapèh jàt padam ngai. **15** Jacôp loh oe ta Êdip, haq cachit ta aih, bài cadraq bèn hadai qmang aih, **16** Atìq ka aih èh, jah ahlài ta Sichem catùh tanòe ralùng Apraham ma khoe yõc bac rot hlài enh nang noe Hêmo oe ta Sichem. **17** Mahaq ten trùh jò Boc plinh hu pagèh deh bàu haq ma khoe têu ka Apraham, bài mangai bèn oe ta gùng Êdip èh rai bàc. **18** Trùh jò gùng aih i mòeq ngai bùa qnoeq ùh loq ka Josep. **19** Haq aih chaq trong hu palùng ðac xinoe Isorali rai baxa kan cadraq bèn, thê wì cadraq bèn tèm cadac kon qyoh neo hauang, ðoq cachit ðac dõng. **20** Môise hanoh jah hauang jò aih diq;

haq yeo alàng ka kon qyoh qnoeq, jah ban dèh ta hnim baq piq khê. **21** Trùh hì wì ma ep cađac haq, kon cadri da Pharaôn hì dèch haq tồc enh diac, ban broq deh kon. **22** Môise hỏc yỏc đổng kan rabiaq da mangai Êđip, enh bàu capoch trùh yiniq broq đìq rabiaq. **23** Mahaq jò haq pôn jàt hanam, ta manoh haq hmàng enh lam hmàih deh ka oh daq aih mangai Isorali. **24** Môise hnoq i mangai baxa mỏeq ngai oh daq ta aih, haq wiang deh ti oh daq jêh cachit mangai Êđip đõeđ hu patem chau. **25** Haq hêm dèh oh daq loq Boc plĩnh khoe yỏc haq đõeđ dèch paclaih wì, mahaq wì ùh qnì. **26** Trùh hì atiq, jò wì qnang tajêh dabau, Môise thia haten hu plah, haq doe: Òq wa, oh daq wìa ka jêh hrin dabau qmang qmat? **27** Mangai ma jêh deh bua caqnhùt đac Môise rai doe: Cabô khoe dèch ih broq cwan đõeđ hadrah nhèn? **28** Ahiaq ih enh jêh đac nhèn qmang ka mangai Êđip hì nêh? **29** Môise bu tàng qmang aih haq drah cadàu amot tagùng Mađi-an, ta aih haq i baiq ngai kon calô. **30** Atiq ka aih, pôn jàt hanam, mỏeq bình plĩnh loh ta haq, tanòe hawit trong wang Sina-i, taqne pla ùnh cheo xem yila. **31** Môise hnoq qmang aih, hamàih pi cajaq, haq thia ka haten đõeđ hu ngan, haq tàng bàu Chuaq doe: **32** “Au kô raq Boc plĩnh da Apraham, da Ysac, da Jacôp. Môise crê pi cajaq, ùh hùà blêch ngan. **33** Chuaq doe: “Drah lêh jai ih qmat, majah qmang aih nòe ih yòng qmat, aih nòe taneh hadròeh. **34** Au joq khoe hnoq kan nanxa mangai da au oe ta gùng Êđip, au khoe tàng bàu wì haq hràng, hacô au khoe loh hu paclaih wì haq. Mandeq lam tacô, au hu thê ih hlài ta Êđip. **35** Môise aih mangai wì khoe qnoh đac, wì doe: Cabô khoe dèch ih broq cwan đõeđ hadrah nhèn? Aih raq mangai Boc plĩnh khoe thê broq gàu broq mangai paclaih, canòm ka mỏeq bình plĩnh loh doe ka haq ta xem yila. **36** Aih raq mangai khoe qnung wì haq loh enh Êđip, broq bacc teo halac kan hamàih ta gùng Êđip, ta diac Raxiq gòh, xam pôn jàt hanam tanòe braih kàn. **37** Môise kô raq ma khoe anoe ka mangai Isorali: Atiq kô êh Boc Plĩnh paqnàng taqne pi oh daq, mỏeq ngai pajàu tìa ka au **38** Aih raq Mangai khoe oe ti Isorali tanòe braih kàn, oe ti bình plĩnh yang ma khoe capoch tuàng ka haq xam yaq boc bèn ta bui wang Sina-i. Haq khoe yỏc bàu kan rih đõeđ hu am hlài ka bèn. **39** Aih raq mangai yaq boc bèn ùh iu qmòe blĩnh bàu haq, cađac haq đõeđ hu ta ngèa dèh manoh ta gùng Êđip, **40** wì

anoe ka Arôn: Broq bẻ kiac hu lam adroe ka nhèn beq, majah qmang aih Môise mangai ma khoe qnoh nhèn loh enh gùng Êđip, pi qnì haq khoe glàm yiniq cleq taleq hnha. **41** Ta bài hì aih, wì broq mỏeq toq radua qmù bẻ kon, dèch ramèn ka radua qmù rai lem bùi dèh ka yiniq broq loh enh tì kổng cla. **42** Boc plĩnh hi cađac wì haq, đởq da wì haq kùh waiq mat mahì, mat khê xam bài halởng ta trỏc, qmang ka bàu khoe achih ta hset pajàu rameh: Đìq ka mangai Isorali, pôn jàt hanam nẻ braih kàn, Pì i hmaq dèch ka au ramènhi tadreo leq ùh, **43** Jỏ pi tòng ranòh da Molỏc, Xam halỏng da kiac Rom phan, Aih bài radua qmù cla pi broq loh đõeđ hu kùh waiq qmòh? Qmang aih êh au hadai lam palac pi ta gùng Babilỏn. **44** Hnim ranòh kùh waiq oe ti yaq boc bèn tanòe hawit, qmang ka Chuaq khoe thê Môise broq tiaq dua haq khoe hnoq. **45** Atiq ka aih, yaq boc bèn khoe aràng hnim ranòh kùh waiq aih, tiaq Josuê mùt tagùng wì haq ma khoe blah yỏc enh tì kổng bài mangai diac wì, Boc plĩnh ma khoe hnan qnoh enh ngèa wì haq, hnim ranòh kùh waiq aih oe yỏt ta aih trùh qnhỏng bừa Đawit, **46** aih mangai jah xôp ramot enh ngèa Boc plĩnh, haq bẻch mỏeq nẻ hu đõeđ ka Boc plĩnh da Jacôp oe. **47** Khoe aih, bừa Salomỏn broq am ka Chuaq mỏeq toq hnim. **48** Mahaq Yiang Đìq Jaq Haqnẻh ùh oe ta hnim broq enh tì kổng kon mangai, tìa ka bàu pajàu khoe doe: **49** “Chuaq doe: Trỏc aih gẻq au, Taneh aih nẻ au roh jẻh. Hnim qmang leq pi broq ka au, I nẻ leq đởq ka au padài? **50** Ma ùh joq tì kổng au broq loh đìq đổng rim yiniq kỏ qmòh?” **51** Wùih, bài mangai cadoq ranỏng, manoh xam don qnhỏq kat akia meh! Pì àu tablẻq yỏt ka Yiang Hadrẻh, kan cadraq pi qmang leq, pi hadai qmang aih! **52** I pajàu leq kan cadraq pi ùh rùp? Wì hadai khoe jẻh cađac bài mangai pajàu anoe trùh Mangai taq ataq, manẻq kỏ pi raq khoe rùp jẻh cađac Mangai aih; **53** pi khoe yỏc ranenh anoe qnoh xi bàu bình plĩnh, mahaq pi ùh wẻq tiaq ranenh aih! **54** Wì tàng bàu aih, ta manoh nẻh pi cajaq, wì cadrit qmẻe hanenh ka Êtien. **55** Mahaq Êtien jah bình Yiang Hadrẻh, haq qngoc ngan ta plĩnh, hnoq kan ranhỏm Boc plĩnh, hnoq Chuaq Jesus yòng enh apah qma Boc plĩnh; **56** haq doe: Hatau, au hnoq Diac plĩnh tapẻh, i Kon mangai yòng apah qma Boc plĩnh. **57** Jỏ aih, bài wì cajiah cadẻh rai bằg don, wì glàm ta haq, **58** hua qnoh Êtien enh gùng ka plài, wì yỏc

hmo đap rachùq haq. Bài mangai yòng capoch dech ka Êtien yóc deh eo yòh ðòeq ajàng nòe jènh mòeq ngai guradam yiniq haq aih Saulo. 59 Jò wì oe raq đap haq, Êtien waiq khàn: Waiq Chuaq Jesus ìh đìh yóc mahua au. 60 Khoe aih, haq kùn cràng rai capoch cadêh: Waiq Chuaq, apaq taqmòq yiniq lui kô ka wì! Bu khoe ka bàu aih, haq hi kùì.

8 Êtien cachìt aih troq ka manoh Saulò, jò aih Tagop Hadrèh ta Jêrusalem glàm kan habo kàn, enh gùng ka bài mangai tiaq cla, ðìq ðổng ka mangai lùì Chuaq ep cadàu prah priang jàp gùng Judê xam gùng Samari. 2 Mahaq, bài mangai ðìq ka manoh iu yùq ka Boc plình catùh hanang Êtien rai crò hmoe ka haq. 3 Mahaq pang aih, Saulo àu raliang đac Tagop Hadrèh. Lam enh hnim kô trùh hnim tau haq ti hua qnoh rùp clêh gualô xam gucadrì. 4 Bài mangai ma khoe cadàu paclac trùh taleq anoe Bàu lem ta aih. 5 Philip hadai qmang aih, haq cadàu loh ta Samari rai anoe Chuaq Jesus Christ ka wì ta aih, 6 wì ta aih tàng bàu haq hnài rai hnoq kan halac haq broq, ðìq ka wì mòeq manoh tamàng bàu haq, 7 i bôe kiac chóc breo cadêh cadàu loh enh chac bàc ngai, mangai cwê jah brêh hanoh bàc. 8 Dài aih, ta gùng aih i kan lem bùi kàn. 9 Jò aih, gùng aih i mòeq ngai yini haq Simôn, broq pajàu tadreo, ðìq ka mangai Samari hamàih ðeh hra ka haq. Haq doe raðeh kô mangai i tiàng i bang. 10 Enh guqyoh trùh gucraq ðìq manè ðèh haq, wì doe: Mangai kô raq kan itai kàn da Boc plình, 11 Wì tiaq haq, majah qmang aih khoe ðùnh wì hamàih ta manoh jò wì hnoq trong haq ti blàih blống. 12 Yàng jò wì ma hi lùì Philip aih mangai hnài Bàu lem Diac plình, lùì yiniq Chuaq Jesus, mangai gualô xam gucadrì ðìq jah broq baptem. 13 Simôn hadai lùì Chuaq, atiq ka jah broq baptem haq hi oe hloe ti Philip, hnoq bài kan halac, haq hamàih pi cajaq. 14 Mòeq jàt baiq ngai tiaq cla dua oe raq ta Jêrusalem, hì ta gùng Samari khoe yóc bàu Boc plình, wì haq thê Phiero xam Jon trùh ta aih. 15 Wa trùh ta aih, waiq khàn ka mangai neo tiaq, ðòq wì aih jah yóc Yiang Hadrèh. 16 Majah qmang aih Yiang Hadrèh qnhòq loh ti cabô taqne wì aih, wì haq toq canòm ka yiniq Chuaq Jesus ðòeq jah broq baptem. 17 Wa Phiero wa Jon roh ti ta chac mangai neo tiaq, ðìq ka wì hi jah yóc Yiang Hadrèh. 18 Simôn hnoq wa mangai tiaq cla ðòeq ti ta chac cabô mangai aih hi jah Yiang

Hadrèh, haq hi yóc bəc ðèch ka wa rai doe: 19 Am ka au kan itai aih ðìq, ðòeq mangai leq au roh ti haq aih hi jah Yiang Hadrèh. 20 Mahaq Phiero doe: Bəc ìh qmat thê haq hnhung lùch tiaq cla ìh, majah qmang aih ìh hèm ðèh yóc bəc canau plàih rot kan tabàih enh Boc plình! 21 ìh ùh jah pajùm cleq ti nhèn, majah qmang aih manoh ciac ìh ùh hnhuh lem enh ngèa Boc plình. 22 Drah loq raxach cadac deh kan dù qmat ðòeq hu waiq khàn ka Boc plình, ðòq kan qmèq ta manoh ìh jah caqnaih. 23 Majah qmang aih, au hnoq ìh quang rìh oe ta clong mat xang, talong clang kan dù. 24 Simôn padreo bàu: Au ngèh ðeh ka chòp raq waiq khàn Boc plình am ka au, ðòq au ùh hìaq glàm ðeh bài yiniq chòp ma anoe aih. 25 Atiq ka wa anoe hnài bàu Boc plình rai paqnoh Chuaq Jesus am ka wì, wa Phierò wa Jon hi wìh hlài ta Jêrusalem, rai lam rai hnài Bàu Lem ta bəc plài da mangai Samari. 26 Jò aih, i mòeq bìngh plình da Chuaq doe ka Philip: “Drah yòng beq! lam trong apah qma enh Jêrusalem loh ta Gaxa. Trong aih hawit.” 27 Haq padinh yòng hi lam. Ti trong lam haq hnoq mòeq ngai cwan khoe xon Êthiopi, cwan patìh ka Candac, aih bùa cadrì diac Êthiôpi, cwan aih wèq ðìq ðổng kùng hang bùa aih. Haq khoe təc kùh waiq ta Jêrusalem, 28 Jò dang hlài haq hangui ta xê, ðóc ta hset pajàu Êsai. 29 Yiang Hadrèh doe ka haq: “Drah lam haten tem xê axêh tau.” 30 Philip cadàu ka haten, tàng mangai Êthiopi aih ðóc hset Êsai, aih haq hi bóch: ìh aloq tàng bàu ìh ma ðóc aih ùh? 31 Cwan aih doe: Ùh i cabô anoe ka au broq qmang leq au maloq tàng? Cwan aih hi pachùh Philip təc hangui tia cla haq. 32 Cwan aih ðóc ajang kô ta hset Hadrèh: “Wì khoe hua haq tìah ka kon trùu trùh nòe xah jam Tìah kon trùu lâu enh ngèa mangai got xəc, Haq ùh dahah hacùng, 33 Jò haq loh ðeh ka hamoq aih kan taq atoq da haq wì khoe cadac. Oe i cabô ma qmon hlài qnhòng da haq? Majah qmang aih kan rìh haq ta crống taneh wì khoe ðèch đac”. 34 Cwan khoe xon aih doe: Au bóch ìh, pajàu aih anoe trùh cabô? Ahìaq haq anoe cla raðeh, ùh meh haq anoe trùh mangai leq? 35 Philip hi patep ajang nòe Hset Hadrèh cwan ma ðóc aih ðòeq hu anoe Chuaq Jesus am ka cwan aih loq. 36 Wa qnang lam ti trong, glàm nòe i diac, cwan aih bóch: Hacô diac kô, i hìaq i cleq khech tăt au broq baptem loq ùh? 37 Philip doe: Tàng joq ìh ðìq ka manoh lùì aih jah. Cwan khoe

xon aih doe: Au lùì Chuaq Jesus Christ aih Kon Boc plình. **38** Haq the xê axêh yòng ajang aih, diq baiq wa loh ta diac, Philip hi broq baptem am ka cwan jang aih. **39** Jò tồc enh diac, Yiang Hadròeh da Boc plình hi aràng Philip taqnoeq, cwan pi oe hnoq haq hòm, mahaq dua rai hlài rai lem bùi. **40** Yàng Philip aih wì hnoq haq ta Axôt, enh aih haq lam ta Sêsarê, trùh pang leq haq hnài Bàu Lem ta aih.

9 Jò aih, Saulo ùh hêq ka hacam ti chaq jêh cađac mangai tiaq Chuaq Jesus, haq trùh ti mangai pajau haqnheq, **2** bôch jàiq enh haq aih hu aràng roc hnim tagop qyoh ta gùng Đamat, waq toq hnoq magai leq tiaq Trong bàu lem yac ka mangai calô, mangai cadri, kât ahlài diq ta Jêrusalem. **3** Mahaq jò Saulo qnang lam ten trùh ta Đamat, ka doe i kan qngah enh plình sreo qngah du danh ka haq. **4** Haq cro ta haqneq rai tàng bàu tapoch ka rađeh: “Saulo, Saulo, hagleg ìh majah ti chaq rùp au?” **5** Haq bôch: Waiq Chuaq, ìh cabô? Bàu aih têu: “Au kô raq Jesus mangai ìh ma chaq rùp baxa; **6** mahaq mandeq kô yòng beq, mùt ta plài, i mangai anoe ka ìh trong ìh ma ep broq. **7** Diq ka mangai lam mòeq qmang ti haq, yòng ta aih hi haglên pi jah tapoch qmòe cleq, wì tàng bàu tapoch mahaq ùh i hnoq qmòe cabô. **8** Saulo àu yòng enh taneh, mat aih blêch mahaq ùh xau hnoq qmòe cleq. Wì carùp tì haq qnung haq mùt ta Đamat **9** haq oe ta aih piq hì, mat ùh xau hnoq cleq, ùh dùh ka acaq ùh dùh ka ôq. **10** Jò aih ta Đamat i mòeq ngai tiaq hóc yiniq haq Ana-nia, ta kan mahno Chuaq creó ka haq: “Anania!” Haq padreo bàu: Chuaq au! hacô au kô. **11** Chuaq doe ka haq: “Drah yòng beq, lam ta trong wì ma creó Trong jang, chaq Saulo mangai Tacso, oe ta hnim Judá, majah qmang aih haq qnang waiq khàn”, **12** haq khoe hnoq i mòeq ngai yiniq Ana-nia, mùt ta hnim yóc tì bèq ta chac haq, dôq haq mat haq jah qngah hlài. **13** Anania padreo bàu: Waiq Chuaq au! Au tàng bác ngai anoe hlài mangai kô khoe broq kan hăbô ka bác ngai hadròeh ìh ta Jêrusalem. **14** Mandeq haq lam tacô, haq jah dồng cwiang enh wì mangai pajau haqnheq, ðòeq rùp kât diq dồng mangai ma creó dang yiniq ìh. **15** Mahaq Chuaq doe ka Ana-nia: “Drah lam beq, majah qmang aih au khoe ràihi mangai kô ðòeq broq ranac da au, hu anoe yiniq au ka mangai diac wì, ka bải bùa, hloe xam mangai Isorali, **16** Au jì doe dôq haq

loq kô èh taiq yiniq au haq ep chiúq xalep dàng leq cadêh. **17** Ana-nia hi yòng lam, haq mùt ta hnim, khoe aih haq yóc tì roh ta chac Saulo rai doe: Daq Saulo, Chuaq aih Jesus ma khoe loh ti ìh ti trong jò ìh lam tacô, khoe the au trùh, dôq mat ìh jah qngah hlài rai jah bình Yiang Hadròeh. **18** Tajòe qmòe jò aih i cleq tìah ka cachep cìih enh mat Saulo aih mat haq hi hnoq. Haq padinh yòng dôq wì broq baptem ka rađeh. **19** Jò haq khoe acaq aih haq hi tadêh hlài. Saulo oe ta Đamat toq biaq hì ti bải mangai tiaq hóc. **20** Haq drah hnài roc him tagop qyoh: Chuaq Jesus aih kon Boc Plình. **21** Bải mangai tàng bàu haq aih, diq loh ka hamàihi, wì doe: Ma ùh xài haq qmat raq mangai yòng rùp baxa diq dồng ka oh daq ta Jêrusalem ma creó dang yiniq kô, ma ùh joq haq lam tacô hu rùp kât ahlài wì ka bải mangai pajau kân qmòh? **22** Mahaq Saulo rai èh rai cajap manoh, haq goh bàu bải mangai Judá ma oe ta Đamat, haq doe ka wì: Chuaq Jesus aih raq Christ. **23** Bâc hì atiq ka aih, bải mangai Judá hatinh ka dabau chaq trong jêh cađac Saulo. **24** Mahaq i mangai bahia ka Saulo loq trong mangai Judá ma ta hatinh. Wì tât diq dồng roc qmang ngo ðòeq hu gòm jêh đac Saulo. **25** Yàng èh jò damang, bải mangai tiaq hóc yóc rajo kân cadrai qnoh haq loh enh gùng ka panát canàng. **26** Jò Saulo khoe trùh ta Jêrusalem, haq enh taqmùt ti mangai tiaq hóc ta aih, mahaq wì hòq ka haq, ùh lùì haq hadai khoe broq mangai tiaq hóc. **27** Banaba hi ajên haq, qnung haq trùh enh ngêa bải mangai tiaq cla rai taqmon dôq wì aih loq ti trong Chuaq Jesus khoe loh anoe ka Saulo qmang leq, ta Đamat haq khoe hnài yiniq Chuaq Jesus, ùh lòm yùq crê qmòe cleq. **28** Pang aih, Saulo thia lam hlài ti mangai tiaq hóc ta Jêrusalem. **29** Canòm ka yiniq Chuaq Jesus haq capoch tuàng ùh yùq qmòe cleq. Haq hadai tarahen ka mangai Hêlênit, mahaq wì aih chaq trong hujêh cađac haq. **30** Jò oh daq hia qmang aih, wì aràng haq trùh ta Sêsarê, èh the haq lam ta gùng Tacso **31** Qmang aih, diq ka Tagop Hadròeh tagùng Judê, gùng Galili xam gùng Samari jah kan lem bùi catêm, jah hagau, rìh ta kan loq iu Chuaq, canòm ka Yiang Hadròeh wiang, mangai tiaq èh rai bác tam. **32** Jò aih, Phiero lam jáp gùng, haq trùh hmàihi ka mangai oh daq ta Chuaq tagùng Lyđa. **33** Ta aih i mòeq ngai pen yiniq haq Ênê, kùì mòeq nòe ta racoh khoe rahim hanam. **34** Phiero doe ka haq: Daq Ênê! Chuaq Jesus Christ

broq ka ìh jah brêh, drah yòng beq, ti don da ìh racoh ìh ma kùì qmat. Drah adrình hloe jò aih, haq padình yòng. **35** Dìq ka mangai ta Lyða xam gùng sarôn hnoq qmang aih wì hi tawìh hlài ta Chuaq. **36** Oe ta Jopbê, taqne mangai tiaq hóc, i mòeq ngai cadrì yiniq haq Tabitha, (bàu Gorec aih Đôca), haq broq bacc yiniq lem rai loq ti am ka mangai pa. **37** Jò aih, haq ùh hróc èh hi cachit. Wì ti ti qnheo hanang haq, khoe hi ta qngùì haq tabluàng talàu qnhèq. **38** Mangai tiaq hóc tàng doe Phiero qnang oe ta Lyða, haten ka Jopbê, wì hi thê baiq ngai lam akhen ka haq, wa doe: Ìh drah lam rênh haq. **39** Phiero hi yòng lam ti wa aih. Jò trùh ta aih, wì atóc haq ta bluàng haqnèq, òq dõng bài mangai cadrì hadrô yòng dudan ka haq rai hmoe, wì patô ka haq ngan bài eo yôh xam bài eo hlaq, Đôca khoe jìp am ka wì jò haq oe rìh. **40** Phiero thê wì loh dõng enh gùng, khoe aih haq hacùn cràng hu waiq khàn, haq wìh tajang ka hanang, rai doe: Tabitha, yòng beq! Mangai gucadrì aih hi blèch mat hnoq Phiero, haq drah yòng qmòe ka rênh. **41** Phiero hnhu tì ka haq carùp hu dèch haq yòng, èh haq ti creò ka wì ma lùì Chuaq ta aih, hloe xam bài mangai cadrì hadrô, dõq wì hnoq haq aih khoe rìh hlài. **42** Yiniq aih tagùng Jopbê wì hìa òq dõng. Aih ìq, majah i bacc ngai lùì Chuaq. **43** Phiero oe ta Jopbê bacc hì, haq oe ta hnìm mangai thòq broq akia yiniq haq Simôn.

10 Tagùng Sêsarê, i mòeq ngai yiniq haq aih Kot-nai, broq cla craq wèq mòeq hrình ngai lình Italia. **2** Cla haq xam cadraq haq òq rìh rabiaq alàng loq iu yùq Boc Plình, loq tabàih am ka mangai hamoq, waiq khàn ka Boc plình ùh lah catech. **3** I mòeq hì, wop qnah ta piq jò òq xèq, ta kan mahno haq hnoq i mòeq bình plình enh Boc plình trùh doe ka haq: “Kot-nai!” **4** Mat haq ngan ta bình plình rai tarit tariang, haq padreo bàu: Waiq chuaq! Ahiaq i yiniq cleq ùh? Bình plình doe: “Bàu waiq khàn xam kan tabàih da ìh am ka mangai hamoq tóc khoe trùh ta Boc plình, Haq khoe hmàng da ìh. **5** Mandèq kò drah thê mangai lam ta Jopbê, akhen ka mòeq ngai yiniq haq Simôn, mangai wì ma creò Phiero aih. **6** Mandèq kò haq oe ta hnìm Simôn, aih mangaih thòq broq akia, hnìm haq ten kênh diac raxìq.” **7** Jò bình plình ma tapoch ka haq khoe lam, Kot-nai hi creò deh baiq ngai hapõng xam mòeq ngai lình ma òq dèh manoh ka haq, **8** haq anoe hlài ka

wì tàng òq dõng, khoe aih haq hi thê lam ta Jopbê. **9** Hì atìq wì piq ngai qnang lam ti trong, jò qne hì wì lam ten trùh ta Jopbê, Phiero tóc enh kùì po hnìm hu waiq khàn. **10** Haq loh ka pangot enh acaq, jò wì qnang padon qnoh ka haq acaq, haq loh ka pì hmàng pì hmat. **11** Haq hnoq plình tapèh i cleq tìah taiq ka blah mù kàn wì ma rùp dèch pôn toq mùm cadrai loh ta taneh. **12** Haq hnoq ta aih i rìm ngè rìh i pôn toq jènìh, rìm yiniq rìh loq rai pan rai moq ta taneh, xam chìm ta tróc. **13** Khoe aih i bàu doe ka haq: “Phiero! drah yòng beq, broq jam qmat hu acaq”. **14** Mahaq Phiero padreo bàu: Chuaq au! ùh òq dõh, majah qmang aih au ùh lah acaq adrech cleq ma ùh hruah. **15** Bàu aih doe tam ka haq: “Yiniq cleq Boc plình khoe broq haq hadròeh, aih paq ngan haq oe raq ùh hruah”. **16** Bàu aih doe ka haq piq yàng, khoe èh cleq aih hi dèch atóc hlài ta plình. **17** Jò Phiero oe raq hèm trùh kan mahno òq deh ma khoe hnoq aih, bài mangai Kot-nai thê lam, chaq khoe hnoq hnìm Simôn, khoe yòng qmòe ajang trong qmang. **18** Wì creò bòch: Simôn wì ma creò Phiero aih ajoq oe ta hnìm kò loq ùh? **19** Phiero oe raq hèm yòt ta kan mahno, Yiang Hadròeh doe ka haq: “Hatau i piq ngai chaq ìh. **20** Drah yòng loh lam ti wì beq! Apaq rangòt, majah qmang aih au kò ma khoe thê wì haq.” **21** Phiero hi loh ta wì, haq doe: Hacò au kò, mangai pì ma qnang chaq, pì trùh i yiniq cleq ùh? **22** Wì padreo bàu: Claq craq nhèn Kot-nai, aih mangai taq atòq loq yùq crè ka Boc plình, mangai Juda òq capoch lem ka haq, i mòeq bình plình hadròeh anoe ka haq, thê nhèn lam tacò akhen waq qmòe ka jah ìh hlài deh ta hnìm haq, òq tamàng bàu ìh hnài. **23** Phiero pachùh wì mùt ta hnìm, mang aih haq òq wì oe kùì ta aih. Sroq èh, Phiero yòng lam ti wì, i bìaq ngai oh daq ta Jopbê hanoh tiaq haq. **24** Hì atìq wì trùh ta Sêsarê, cla Kot-nai loh òq, rai kùh rai bla op nòe jènìh Phiero; **25** Phiero bu mùt, aih cla Kot-nai loh òq, rai kùh rai bla op nòe jènìh Phiero. **26** Mahaq Phiero dèch haq yòng rai doe: Ìh yòng beq, au kò hanoh mangai. **27** Phiero capoch tuàng tì Kot-nai, jò mùt ta hnìm haq hnoq i bacc ngai khoe tagop ti dabau ta aih. **28** Haq doe ka wì: Mangai Juda ùh khòh ta qmùt ti mangai diac wì, hadai ùh khòh thia ta hnìm wì. Mahaq Boc plình khoe mahno ka au loq ùh jah ngan mangai leq amùà ùh sròeh. **29** Aih ìq jò mangai ìh thê lam chaq au bu trùh, au hadai ùh hòq cleq ka trùh tacò.

Aleq au bòch, i yiniq cleq pì majah akhen ka au trùh tacò? **30** Kot-nai padreo bàu: Khoe pòn hi ta adreo kô, qnah ta piq jò dì xèq, au qnang oe ta hnim waiq khàn, cadoe i mòeq ngai caxùnh eo tabòc ka-ah ka-iang yòngg enh ngèa au, **31** mangai aih doe: Kot-nai! bàu waiq khàn ìh khoe jah dì, yiniq ìh ma ti tabàih ka mangai pa Boc Plinh khoe hmàng da ìh. **32** Manèq kô ìh thê mangai lam ta Jobbê, akhen ka Simôn wì ma creo Phiero aih lam tacò: Haq qnang oe ta hnim Simôn thòq broq akia, hnim aih ten kènh diac raxiq. **33** Au hi drah thê lam chaq ìh, ìh trùh tacò aih joq troq. Manèq kô, diq dōng ka nhèn qnang oe enh ngèa Boc plinh, hu tamàng bàu haq khoe tanap ka ìh òòeq anoe hlài ka nhèn. **34** Phiero hi anoe: Joq qnàng, au loq Boc plinh ùh loq waq tang ngai, **35** mahaq diq dōng ka mangai ta crōng taneh, waq toq cabò loq iu yùq ka haq rai broq trong taq atoq, mangai aih jah lem manoh haq. **36** Aih la bàu haq khoe anoe ka mangai Isorali, jò hnài Bàu lem da kan catèm enh Chuaq Jesus Christ, aih Chuaq diq dōng da kon mangai. **37** Yiniq aih baxèm enh Galili khoe aih jàp tagùng Judê, atiq ka aih Jon khoe hnài broq baptem, aih pì hanoh khoe loq, **38** Boc plinh khoe xùt dầu ka Chuaq Jesus mangai Naxaret xi Yiang Hadròeh, khoe aih haq hi lam enh gùng kô trùh gùng tau ti am xòq ramot rai paclaih ka bài mangai kiac padit, majah qmang aih Boc Plinh oe ti haq. **39** Nhèn mangai hnoq rìm yiniq haq broq tagùng mangai Juda xam ta Jêrusalem. Wì khoe taqmac haq talong hu jêh cadac. **40** Mahaq trùh ìh piq, Boc plinh khoe broq haq rìh hlài rai paqnoh haq. **41** Ùh xài paqnoh am diq dōng ka mangai hnoq, mahaq am toq ka mangai hu lam panhìn, bài mangai Boc plinh ma khoe ràih qmòe enh baxèm, aih nhèn kô mangai ma khoe acaq ôq pajùm ti haq, atiq ka haq rìh hlài enh kan cachit. **42** Haq khoe thê nhèn hnài rai anoe dōq rìm ngai loq haq aih raq Mangai Boc plinh ma khoe xùt dầu òòeq hu hadrah mangai rìh xam mangai cachit. **43** Diq dōng bài mangai pajàu hanoh khoe anoe trùh haq, wì doe: waq toq mangai leq lùl haq, aih hi jah claih diq ka yiniq lui taiq canòm ka yiniq haq. **44** Jò Phiero oe raq anoe, aih Yiang Hadròeh loh oe diq dōng ti mangai ma tamàng bàu. **45** Bài mangai khoe broq ranenh kat akia, aih la bài mangai ma lam ti Phiero, wì hamàih pì cajaq majah qmang aih wì hnoq Boc plinh hadai ùc am Yiang Hadròeh ka mangai diac

qnoeq. **46** Majah qmang aih wì tàng bài aih tapoch bàu crài òòeq manè apôi Boc Plinh. **47** Jò aih Phiero hi doe: Wì kô hadai khoe jah Yiang Hadròeh qmang ka bèn, cabò hùà tăt wì haq jah broq baptem xi diac hòm? **48** Haq hi thê broq baptem ka wì, canòm ka yiniq Chuaq Jesus. Wì àu padràng haq oe tam ti wì toq biaq hi.

11 Bài mangai tiaq cla xam oh daq oe ta Judê hia doe mangai diac wì hanoh khoe tawih tiaq trong Boc plinh. **2** Jò Phiero khoe wih tōc ta Jerusalem, bài mangai lùl mahaq khoe broq tiaq ranenh kat akia i tapoch ka haq rameh: **3** ìh khoe mùt hnim bài mangai qnhòq broq ranenh kat akia, rai acaq pajùm ti wì! **4** Mahaq Phiero yōc rìm yiniq ma khoe loh òòeq taqmon hlài ka wì tiaq tang yiniq i xem goe, rameh: **5** Jò au qnang waiq khàn ta Jobbê aih au loh ka pi hmàng, ta kan mahno au hnoq i cleq tiah ka mòeq blah mù kàn, pòn toq mùm haq aih yinh atōc, qnhùà qnoh enh plinh clih enh ajang qngèa au. **6** Au ngan ka nhìn ta aih, hnoq ta aih i bài ngè i pòn toq jènh, bài jam gùng, bài yiniq ma loq ti pan loq ti moq ta taneh xam bài chìm pan ta trōc. **7** Khoe aih, au tàng i bàu doe ka au: “Phiero! drah yòngg beq, broq jam qmat hu acaq.” **8** Au padreo bàu: Chuaq au! Ùh òòh, majah qmang aih ùh lah i cleq amùà ùh sròeh mùt ta hacùng au. **9** Bàu enh plinh doe hòm ka au yàng baiq: “Bài yiniq cleq Boc Plinh ma khoe basròeh ùh dùh doe haq oe raq amùà.” **10** Bàu aih capoch lauq piq yàng, khoe aih, diq dōng bài yiniq aih hi jah dèch atōc hlài ta plinh. **11** Meh oq, draq drinh hloe jò aih, piq ngai enh Sêsare wì ma thê lam ta au, khoe trùh qmòe ajang qmang hnim au ma oe. **12** Yiang Hadròeh thê au lam ti wì aih, apaq hòq cleq. Hacô, tadràu ngai oh daq kô hanoh lam ti au, èh hadai diq dōng ka nhèn mùt ta hnim Kot-nai. **13** Haq aih hi anoe hlài ka nhèn haq i hnoq mòeq bình plinh loh ta hnim haq qmang leq rai thê: “Drah thê mangai lam ta Jobbê, akhen ka Simôn wì macreo Phiero aih trùh tacò. **14** Haq aih hi anoe ka pì, òòeq canòm ajang bài bàu aih, ìh xam diq ka cadraq ìh jah dèch.” **15** Au bu qnang anoe, aih i Yiang Hadròeh enh qnhèq loh ti wì, tiah ka jò baxèm haq khoe loh ti bèn diq. **16** Aih au hi hmàng hlài bàu Chuaq Jesus khoe doe: “Jon khoe broq baptem xi diac, mahaq kô èh pì jah baptem xi ùnh. **17** Qmang aih, tàng joq Boc Plinh khoe am ka wì hadai

jah kan tabàih qmang ka bèn aih bài mangai ma khoe lùì Chuaq Jesus Christ, qmang aih au kô iq cabô mahùà tât Boc Plình? **18** Jò wì khoe tàng qmang aih, òi ka wì pi oe tablêq ka haq hòmh, wì manè apôì Boc Plình rameh: Qmang aih, Boc Plình hadai khoe am ka wì kan loq raxach dôq mangai diac wì hanoh jah kan rih!
19 Bài mangai ma khoe cadàu haprah priang ka kan baxa jò wì ma jêh ãac Êtien, wì trùh ta Phênixi, Chipro xam Antiôt, wì anoe bàu lem am toq ka mangai Juda. **20** Mahaq ta wì aih i biaq ngai gùng Chipro, gùng Syren, wì lam trùh ta Antiôt, wì hanoh hadai anoe am ka mangai Gorec, hnài Bàu lem da Chuaq Jesus ka wì. **21** Tì Chuaq oe ti wì aih, dài mangai lùì rai tawih hlài ta Chuaq majah bacc haraya. **22** Tagop Hadròeh ta Jêrusalem hia bàu aih, wì thê Banaba lam ta Antiôt. **23** Jò trùh ta aih hnoq xôq ramot Boc Plình haq mannè pi cajaan rai toq ti alòng oh daq ep cajan manoh tiaq Chuaq. **24** Banaba aih mangai lem manoh qnàng, bình Yiang Hadròeh xam kan lùì. Jò aih mangai tiaq Chuaq rai bacc.
25 Khoe aih, Banaba lam ta gùng Tacso, hu chaq Saulo, **26** Jò khoe glàm, hi ahlài ta Antôt. Wop jah mòeq hanam, wa aih tagop pajùm ti Tagop Hadròeh rai hnài bacc ngai. Oe tagùng Antiôt wì ma hi creo ka mangai tiaq hóc aih Corê-tien. **27** Oe ta bài hi aih, i wì mangai pajàu loh enh Jêrusalem trùh ta Antiôt. **28** Taqne wì aih i mòeq ngai yiniq haq Agabut padinh yòng, Yiang Hadròeh am haq capoch pajàu: “Kô êh i kan pangot hrah jàp ta còng taneh”; Joq qnàng qmang aih, kan pangot hrah kô troq qnhòng da Colôt broq bùa. **29** Mangai tiaq hóc hatinh ka dabau, rìm ngai tiaq deh hra padren, padon ãoq hliac jènh hu tabàih ka oh daq tagùng Judê. **30** Mangai tiaq hóc broq gêh trong aih, canòm ka Banaba xam Saulo aràng dahwèq aih am ka bài gucraq.

12 Hanoh qnhòng aih, bùa Hêrôt rùp toq biaq ngai ta Tagop Hadròeh. **2** Bùa yóc chang jêh cãac Jaco, aih daq da Jon, **3** Haq hnoq broq qmang aih lem ka manoh mangai Juda, haq hi thê rùp hloe xam Phiero hòmh. Jò aih wop troq jò ramènh kaq bèn ùh tah blo. **4** Bùa rùp clêh haq, thê pôn calùh lình gòm rap, mòeq calùh i pôn ngai lình. Bùa hèm dèh gòm khoe ka hi ramènh pancwa, aih êh hi rùp Phiero loh yòng enh ngèa òi ãong ka mangai ta aih. **5** Qmang aih, wì jrong Phiero ta hnim cadrong, mahaq

Tagop Hadròeh òi q jaq waiq khàn am ka haq. **6** Mang adroe ka hi Hêrôt ma hu padon qnoh haq loh yòng nòe hadrah, Phiero oe raq kùì i caxy datoq kàt haq taqne baiq ngai lình, ajang trong qmang i bài lình gòm rap. **7** Cadoe i mòeq bình plình da Chuaq trùh, i kan qngah sreo qngah ta hnim cadrong clam cluiq aih. Haq tep ta yimìa Phiero, padriu haq yòng, bình plình òe: “Drah yòng.” Caxy datoq kàt ti haq taclih ãong haqneq. **8** Khoe aih bình plình òe “Rìt hlài caxy qnam qmat, tócc jep beq.” Phiero broq tiaq bàu. Bình plình òe hòmh “Drah caxùnh eo enh gùng qmat hu tiaq au.” **9** Phiero tiaq haq loh enh gùng, ùh qnì aih joq qnàng, haq xoh deh kan mahno. **10** Wa lam khoe catech ka nòe rap ma adroe êh nòe ma atiq, aih hi trùh ajang qmang mem, aih nòe ma hu mùt ta phòq. Qmang aih tapèch ãeh am ka wa, wa hi lam trong aih, tócc ta trong kàn, aih bình plình hi cãac haq. **11** Khoe aih Phiero ma hi cadrat don, haq òe: Manòeq kô au ma hi loq Boc Plình joq khoe thê deh bình plình loh caqnaih au claih enh ti Hêrôt xam trong mangai Juda ma tangêh. **12** Haq hèm hlài bài yiniq aih, khoe aih haq lam ta hnim Mari, miq da Jon wì ma creo Móc, ta aih i bacc ngai qnang tagop waiq khàn. **13** Haq clôq qmang, i mòeq ngai hapòng yiniq haq Rôdo loh pèch qmang, **14** canau ka bàu Phiero haq manè pi cajaan, loh ka pi ãoh pèch qmang, haq ãrah cadàu mùt òe: Phiero qnang yòng ajang trong qmang! **15** Wì òe: Gè khoe rawê. Mahaq dua haq òe hi loq. Wì òe: Aih bình plình da haq. **16** Mahaq Phiero clôq yót qmang. Jò pèh qmang, hnoq Phiero, òi ãong ka wì hamàih ãeh hra. **17** Mahaq Phiero ãèch ti, patìah ka wì thê wì hatinh, haq hi anoe ka wì loq Chuaq khoe qnoh haq loh enh gùng ka hnim cadrong qmang leq, khoe aih haq tanap: Òe ka Jaco xam òi ka oh daq loq yiniq kô. Khoe aih haq hi lam taqnoeq. **18** Trùh qngah sroq êh, taqne bài lình i kan tagruàng kàn: Majah qmang aih wì haq ùh qnì ka Phiero lam taleq. **19** Bùa Hêrôt thê wì ti chaq jaq ka joq, mahaq wì chaq ùh hnoq, Hêrôt ti creo bôch qmòe tang ngai lình, khoe aih thê wì qnung lam jêh ãac bài aih. Khoe ka aih Hêrôt loh ta Sêsare, haq oe hlài ta aih. **20** Bùa Hêrôt git ka mangai ta Tyro xam mangai ta Sidôn. Majah qmang aih, wì aih khoe jah manoh Balatut aih mangai cwan patih oe ka jènh ka ti ti bùa, bùa ma tùt ãeh, wì pajùm mòeq manoh ka dabau trùh glàm bùa Hêrôt ãoq hu bôch broq hatroq

ka bùa, majah qmang aih gùng wì haq acaq canôm ðeh dahwêq enh taneh diac bùa. **21** Trùh hì aih, Hêrôt caxùnh eo bùa, haqngui tagèq bùa, capoch tuàng qne nòe mangai bacc. **22** Bài mangai ta aih doe: Aih bàu da kiacc, ùh xài bàu da mangai! **23** Tajòe qmòe jò aih, i bình plình da Chuaq jêh bùa Hêrôt, majah qmang aih Hêrôt enh blah yôc kan ranhôm da Boc Plình, khoe aih bùa loh ka hrai kaq, haq hi cachit. **24** Mahaq bàu Boc Plình hlàng trùh rai èh rai jàp jia. **25** Banaba xam Saulo broq gêh ðeh ka biacc, wa haq hi loh enh Jêrusalem hlài ta Antiôt, qnong Jon wì ma creò ðeh Móc lam ti wa.

13 Oe ta Tagop Hadròeh Antiôt có bacc ngai pajàu xam mangai hnài, aih Basaba, Simeôn wì macreo ðeh Nijê, Lusi-ut mangai gùng Syren, Manahem aih (oh ban da Hêrôt bùa qyoh), xam Saulo. **2** Jò oh daq qnang kùh waiq Chuaq rai apàm ka acaq, Yang Hadròeh thê: “Lah ðòeq crài Banaba xam Saulo ðòeq wa hi broq trong Au khoe creò wa broq. **3** Atiq ka apàm ka acaq rai waiq khàn, oh daq roh tì enh qnhêq ka wa, khoe aih hi thê wa lam. **4** Qmang aih, Jò Yang Hadròeh khoe thê Banaba xam Saulo lam, wa loh ta Sêloxi, enh aih wa tócc boang lam ta pleo Chipro. **5** Jò wa khoe trùh ta Salamin, wa hnài trong Boc plình ta hnim tagop qyoh da mangai Juda, Jon hadai lam hu wiàng patih ka wa. **6** Wa lam ðiq ka pleo aih trùh hloè ta Baphô, wa glàm mòeq ngai Juda, mangai aih i canàih, aih mangai pajàu qnùt, yiniq haq Bajêsu, **7** oe ti mangai tình truàng yiniq haq Sêjut-Phaulut, mangai tình truàng kô khun rabiaq ðiq jaq. Haq akhen ka Banaba xam Saulo trùh, haq enh bòch tamàng ðeh trong Boc Plình. **8** Mahaq Êlima, mangai pajàu i canàih (aih ngiah yiniq haq), tât wa aih, ti àu chaq trong ðôq cwan tình truàng ùh lùì. **9** Khoe aih, Saulo wì ma loq creò Phaulô bình ha lùih Yang Hadròeh, ngan tajang ka Êlima rai doe: **10** “Wùih, mangai bình baq kan gôpla, kan dù meh, kon da kiacc chóc jròng, tablêq ka kan taq atôq, ìh ùh hêq ka enh toq troq ðac trong jang da Chuaq qmòh? **11** Manòeq kô Chuaq ðèch kóng tablêq ka ìh, kô èh ìh jah lua mat, pi hnoq mat mahì toq biaq hì.” Tajòe hloè jò aih raq, i kan clam cluiq gúp ðông haq, haq ti tawih dudan ðòeq chaq mangai tic raðeh. **12** Jò cwan tình truàng hnoq qmang aih, haq hi lùì, haq hamàih ðiq cajaq ka bàu da Chuaq. Oe ta Antiôt gùng Bisidi **13**

Phaulô xam ðeh bùa tócc boang enh Baphô lam ta Betjê trong gùng Bampih-li. Mahaq Jon caðac wa, ðòeq hlài ta Jêrusalem. **14** Wa aih hòmh, loh Betjê wa boe trong lam trùh Antiôt gùng Bisi-ði, Troq hì Sabat, wa mùt haqngui ta hnim tagop qyoh. **15** Bu hêq ka ðóc ta hset ranenh xam bài hset pajàu, wì craq wêq hnim tagop qyoh doe ka wa haq: “Wa daq! Tàng joq loq i biaq nà bàu ðòeq anoe hnài oh daq, anoe beq.” **16** Phaulô hi yòng, gwaìh tì ka oh daq, haq doe: “Ðiq ka oh daq Isorali xam mangai loq iu yùq Boc Plình, tamàng kô! **17** Boc Plình da mangai Isorali kô, khoe ràih kan cadraq bèn, broq ka wì aih chèch lòe jò wì haq oe ðeh tanòe taneh diac wì, aih diac Êðip, yôc cwiàng itai kàn qnoh wì loh enh gùng aih. **18** Jah ta pôn jât hanam, haq chiùq àt ka kan ùh wia da wì aih nòe braih kàn. **19** Jò khoe raliang qnìh caðac tapèh diac ta Cana-an, yôc taneh wì aih aq am ðeh ka mangai da haq. **20** Khoe èh, qnah ta pôn hrinh padam jât hanam tia aih, Boc Plình am ka wì aih bài mangai hadrah trùh hloè ta qnhòng pajàu Samuên. **21** Jò aih wì bòch ka haq am ka wì mòeq ngai broq bùa, Haq am ka wì Saulo kon da Kit, nang noe Bêjamin, broq bùa wêq wì haq aih pôn jât hanam. **22** Khoe èh haq caðac bùa aih, ðèch Ðawit broq bùa, anoe trùh Ðawit Boc plình doe: “Au khoe chaq hnoq Ðawit kon da Jêse, aih mangai lem ka manoh au, haq aih èh ma broq tiaq rìm yiniq au enh thê haq broq. **23** Tiaq qmang ka bàu khoe têu ðòeq adroe, enh nang noe haq aih èh Boc Plình ma hi padèch am ka magai Isorali mòeq Ngai Dèch, aih Chuaq Jesus Christ. **24** Adroe ka Chuaq Jesus trùh, Jon khoe hnài ranenh ðaptem da kan loq raxach am mangai Isorali. **25** Jò Jon qnang pagêh ðeh yiniq broq, haq doe: “Pì xoh au kô ìq cabô? Au ùh xài mangai pì qnang ti chaq. Mahaq i mòeq ngai trùh atiq ka au, au ùh tajì ka jah broq ðeh mangai lêh caxy jep haq aih.” **26** Yôi oh daq bèn kô aih mangai kon xau da Apraham xam mangai ma loq iu yùq ka Boc Plình, bàu bahìa trùh kan ðèch kô khoe anoe am ka bèn. **27** Majah qmang aih xam cwan xam mangai oe ta Jêrusalem ùh canau loq ka Chuaq Jesus kô, aih ìq raq jò wì ma tahadrah ka haq, wì haq khoe broq gêh bàu bài mangai pajàu wì haq ma loq ðóc ta hì Sabat. **28** Yac ka wì chèh chaq ta haq wì ùh loh qmòeq yiniq lui cleq ma troq ka cachit, mahaq dua wì àu bòch ðôq Philat jêh caðac haq. **29** Jò wì broq khoe xit rìm trong

ma khoe achih trùh haq, wì hi qnoh haq enh long pagat, èh catùh hanang haq ta ralùng. **30** Mahaq Boc Plinh khoe broq haq rìh hlài enh kan cachit. **31** Bài mangai ma tiaq haq enh Galili tồc trùh Jêrusalem jah hnoq haq bàc hì, wì aih manoèq kô qnang anoe hu panhìn haq am ka mangai bèn. **32** Da nhèn kô hòm, anoe am ka oh daq bàu lem, aih la bàu Boc Plinh ma khoe têu am ka kan cadraq bèn rameh: **33** Boc Plinh khoe broq ka Chuaq Jesus rìh hlài, qmang aih khoe xit bàu haq ma têu am ka bèn, aih bài kon xau da kan cadraq bèn, wop qmang ka bàu khoe achih ta hset Calêu Plinh: “Kon kô kon calô da au, hì kô au khoe hauang kon.” **34** Boc Plinh broq ka Chuaq Jesus rìh hlài enh kan cachit, qmang aih dôq chac haq ùh jò leq om hnhung hòm, qmang ka Boc Plinh khoe doe: “Au am ka pì bàu hadrèh cajap, am xôq ramot au ma khoe têu ka Đawit.” **35** Ajang brong qnoeq hòm doe: “Ìh ùh dôq dèh Mangai Hadrèh ìh hnoq kan om taleq.” **36** Jò Đawit oe rìh, broq tiaq bàu Boc Plinh thê, khoe aih cachit, haq khoe jah catùh dèh ti kan cadraq, hanang haq khoe om. **37** Mahaq Mangai Boc plinh ma broq ka haq rìh hlài enh kan cachit ùh om taleq. **38** Qmang aih, oh daq au, bèn khòh loq rameh: Canòm ka Chuaq Jesus aih raq, kan baclaih yiniq lui khoe jah anoe am ka pì; **39** èh canòm ka haq aih raq waq toq cabô lui aih hi jah kan taq atoq, rìm trong tiaq ranenh da Môise ùh broq ka mangai leq jah kan taq atoq. **40** Aih ìq, drah wèq raèh dôq bàu khoe achih ta hset pajàu ùh hiaq trùh ka pì: **41** “Wùih! mangai ma loq halê meh, ngan beq, drah loq crê rai lùng pac beq; Majah qmang aih au padon broq mòièq yiniq oe ta qnhòng da pì, Yac ka i cabô anoe hlài ka pì, dua pì ùh lui.” **42** Wa aih cadiang loh enh hnim tagop qyoh, wì akhen ka wa trùh hì Sabat atìq hnài tam bàu aih. **43** Jò khoe hêq enh tagop, i bàc ngai neo tiaq trong Juda, tiaq Phaulô xam Banaba, wa capoch tuàng ti wì rai pariaq wì oe ma cajap ta kan loq waq Boc Plinh. **44** Hì sabat atìq, wì ta aih tagop ten diq ka dabau òèq ta mòng bàu Chuaq. **45** Yàng bài mangai Juda hnoq mangai bàc qmang aih ta manoh wì bình châu kan tagit, wì haq tành cadac bàu Phaulô rai capoch qmèq hloe ka haq. **46** Phaulô xam Banaba hi doe hloe ka wì: Nhèn ep hnài bàu Boc Plinh ka pì adroe òeq, mahaq pì khoe ùh tamàng, pì hnoq raèh ùh taji òèq jah kan rìh halinh mòièq òèq, kô èh nhèn tawih ta mangai

diac wì. (aiōnios g166) **47** Majah qmang aih Chuaq i thê nhèn rameh: “Au dèch pì broq kan qngah am bàc diac, Dôq pì aràng kan dèch trùh jàp caqnàm plinh”. **48** Mangai diac wì tàng anoe qmang aih wì toq lem bùi manè apôi bàu da Chuaq, mangai leq ma khoe jah padon òèq ka kan rìh halinh mòièq òèq, diq lui òèq. (aiōnios g166) **49** Trong da Chuaq hlàng jàp gùng aih. **50** Mahaq mangai Juda baxrùq bài mangai gucadri padròng kan tagùng aih xam bài mangai ratauq, tirùp Phaulô xam Banaba, khoe aih hnan òac wa loh khoe dèh ka gùng. **51** Wa aih tangèa ta wì, hapùih caqnih blo top ta jo wa, Khoe hi lam ta Ycôni. **52** Wì mangai tiaq hóc jah ùc bình kan lem bùi xam Yiang Hadrèh.

14 Oe ta Ycôni, Phaulô xam Banaba mùt ta hnim tagop qyoh da mangai Juda, wa capoch hnài qmòièq diq jaq, loh qmòièq ka i bàc ngai Juda xam mangai Gorec lui tiaq. **2** Mahaq mangai Juda ma qnhòq waq lui xan toq patah rai baxrùq manoh cliac bài mangai cla gùng aih òèq hu tablêq ka wì oh daq. **3** Yac ka qmang aih, Phaulô xam Banaba oe ta aih dùnh diq wa bình manoh lui, anoe Chuaq am ka wì, ùh lòm yùq qmòièq cleq. Chuaq yóc tì kòng wa broq bàc kan halac, òèq panhìn ka cajap trong loq waq da Haq. **4** Mangai ma oe ta phòq aih talah broq baiq: Qnah ngai tiaq pah magai Juda, qnah ngai tiaq wa. **5** Jò mangai diac wì xam mangai Juda hloe xam bài cwan mòièq manoh ti dabau yòng tablêq rai enh yóc hmo òèq wa, **6** mahaq wa khoe loq adroe, wa hi wia enh aih lam puplech tagùng Lycôni aih phòq Lit tro, Đetbo, xam bài gùng ten aih, **7** rai hnài Bàu lem. **8** Oe ta Lit tro i mòièq ngai pen, liap qmòièq enh jò baxèm hauang, ùh jah cadiang. **9** Haqngui tamàng bàu Phaulô hnài. Phaulô ngan mat haq, hnoq haq i manoh lui òèq jah broq brêh, **10** Phaulô hi capoch cadêh: “Ìh yòng beq, yòng ma nhoh haq.” Haq aih aplòh mòièq qmang, khoe aih hi cadiang lam. **11** Wì ta aih hnoq yiniq Phaulô khoe broq, wì tapoch xam bàu Lycôni: Bài kiac khoe yóc chac mangai òèq loh ti bèn. **12** Wì creo ka Banaba aih kiac Jupite, Phaulô aih wì creo kiac Mecuro, majah qmang aih haq mangai broq gàu yòng hnài. **13** Cra q pajàu da kiac Jupite i hnim tadreo ajang qmang ngo mùt ta phòq, aràng mòièq toq òo qniq xam riang trùh ajang trong qmang, enh pajùm mòièq manoh ti wì ta aih hu dèch mòièq ramènh tadreo. **14** Mahaq jò

Banaba xam Phaulô aih mangai tiaq cla, tàng qmang aih, wa haq hit deh eo rai tùh loh ta mangai bàc, rai doe cadêh: **15** Wùih oh daq! gleq majah broq qmang qmat? Ma hadai mangai tiah ka oh daq, ma aràng Bàu lem am ka pì, dôq pì cadác bài kiác ùh loh cleq tau, hu hlài ti Boc Plinh rih halinh mòeq dỏe, Haq aih ma broq loh plinh crông taneh, diac raxìq xam rìm yiniq ta aih. **16** Qnhòng calah nẻh, haq dôq rìm diac mangai leq mangai meh tiaq deh hra trong, **17** mahaq dua haq patô radeh yôt ka wì, aih la haq am xỏq ramot, caqnìh mẻnh plinh, jỏ mùa am ka wì jah qmau jah plì, dahwẻq acaq ùh diq, xam kan lem bủi. **18** Mahaq yac ka wa anoe qmang aih, bu qnang lem tạt wì ùh hìaq dẻch ka wa ramẻnh tadreo. **19** Khoe ka aih, i mangai Juda trủh ẻnh Antiôt xam Ycôni lam padỏ wì ta aih, wì yỏc hmo hibủq Phaulô, xoh dẻh haq khoe cachìt, wì hua qnoh haq ẻnh gủng ka phỏq. **20** Mahaq jỏ mangai tiaq hỏc ta aih qnang tagop dabau oe dudan ka haq, haq padinh yỏng mùt ta phỏq. Hì atìq, haq lam ti Banaba trủh ta Đetbo. **21** Wa anoe Bàu lem ta aih, broq ka bàc ngai wìh wìa mangai tiaq hỏc, wa hi hlài ta Litro, Ycôni xam Antiôt. **22** Pariaq mangai tiaq hỏc ep cajap manoh lủi, anoe ka wì loq qmẻ adroe ep glẳm bàc kan xalep men jah mùt diac Boc Plinh. **23** Jỏ wa khoe rảnh bài mangai dỏe hu broq gucraq ka rìm Tagop Hadrẻh ta aih, khoe ka apẳm ka acaq rai waiq khẳn, dẻch wì aih ka Chuaq wa haq ma khoe lủi dẻh. **24** Khoe aih, wa lam catech ka gủng Bisidi, trủh tagủng Bampily. **25** Atìq ka hnài ta Betjẻ, wa hi loh ta Atali. **26** ẻnh aih, wa lam boang hlài ta Antiôt, aih raq nẻw wa ma khoe loh lam, ma khoe jah jao am ka kan loq waq Boc Plinh, dỏe hu broq rìm yiniq wa neo broq gẻh. **27** Trủh nẻw, wa creo ka Tagop Hadrẻh tagủng aih, wa hi taqmon rìm yiniq Boc Plinh khoe broq ajang tì kỏng wa, Boc Plinh khoe pẻh mẻq toq qmang kan lủi am ka mangai diac wì qmang leq cadẻh. **28** Mangai tiaq hỏc ta aih bàc hì.

15 I bìaq ngai ẻnh gủng Judẻ trủh hnài oh daq rameh: Tẻng joq pì ùh broq ramẻnh kat akia tiaq ranẻnh da Môise, aih pì ùh jah dẻch. **2** Aih iẻ dài Phaulô xam Banaba majah loh ka tarahren kẳn ka wì aih, wì waq qmẻ ka Phaulô xam Banaba lam ti wì haq tỏc ta Jẻrusalem, glẳm bài mangai tiaq cla xam gucraq ta aih dỏe bỏch yiniq kỏ. **3** Qmang aih, jỏ Tagop Hadrẻh

khoe thẻ wì haq, wì lam trong gủng Phẻnisi gủng Samari, taqmon biac mangai diac wì khoe wìh hlài ti Bàu lem qmang leq, broq diq dẻng ka oh daq lem bủi diq jaq. **4** Bu trủh ta Jẻrusalem, Tagop Hadrẻh xam mangai tiaq cla, hẻw wì gucraq ta aih đỉh wì haq ka alẻng. Wì anoe hlài Boc Plinh khoe thẻ wì haq broq cleq. **5** Mahaq i bài mangai mẻq bua ti mangai Pharisì hadai khoe tiaq, padinh yỏng doe: Ep broq ranẻnh kat akia ka mangai diac wì rai thẻ wì aih ep wẻq tiaq ranẻnh Môise. **6** Wì Mangai tiaq cla xam gucraq hi haqngui ti dabau dỏe hu hatinh trong kỏ. **7** Khoe ka hatinh Phiero hi yỏng anoe ka wì: “Dìq ka oh daq, pì loq rameh ẻnh jỏ baxẻm, Boc Plinh khoe rảnh au taqne oh daq, dôq mangai diac wì jah tamẻng Bàu lem loh ẻnh hacủng au dỏe wì hu lủi tiaq. **8** Boc Plinh loq ka manoh cliac kon mangai, haq paqnoh radeh khoe đỉ yỏc mangai diac wì, ajang nẻw am ka wì Yiang Hadrẻh tiah ka bẻn diq. **9** Haq ùh i ngan bẻn xam mangai diac wì crẳi ka dabau, majah qmang aih haq khoe yỏc kan lủi broq ka manoh wì jah hadrẻh. **10** Mandẻk kỏ hagleq oh daq majah ti qnhro ngan Boc Plinh, taqmac ta ranẻng oh daq mangai diac wì long ech yac ka cadraq bẻn, yac ka bẻn ẻnh nẻh trủh mandẻk qnhỏ lah hlẳt pỏq? **11** Majoq qnẻng aih, bẻn lủi rameh canỏm kan am dech ajang Chuaq Jesus, bẻn jah dẻch qmang ka mangai diac wì diq.” **12** Dìq ka mangai tagop ta aih loh ka hatinh dẻng, tamẻng Banaba xam Phaulô anoe hlài bàc trong bàc kan halac Boc Plinh khoe broq ajang wa am ka mangai diac wì hnoq. **13** Khoe ka wa anoe, Jaco hi doe: “Dìq ka oh daq tamẻng kỏ! **14** Simỏn i taqmon hlài ka bẻn yẻng baxẻm, Boc Plinh khoe ha-och ka mangai diac wì qmang leq, ẻnh aih rảnh yỏc mẻq xinỏw hu dẻch ka yiniq cla haq. **15** Biac aih, hatroq troeq bàu wì pajầu, majah qmang aih i bàu achỉh rameh: **16** Atìq ka aih, au wìh hlài, Broq hlài hnim ranẻh da Dawit ma khoe tacỉh raliang; Au palẻng hlài nẻw ma khoe tacỉh, Au dẻch paqẻng hlài haq; **17** Dỏq bài mangai ma oe rah, jah chaq Chuaq Xam diq dẻng mangai diac wì ma creo dang yiniq au. Chuaq, Mangai ma broq loh bài yiniq kỏ i anoe qmang aih; **18** ẻnh calah nẻh raq, haq khoe loq bài biac kỏ. (aiỏn g165) **19** Qmang aih, troeq manoh au, ùh dủh baxa oh daq mangai diac wì ma khoe wìh hlài ti Boc Plinh, **20** mahaq toq achỉh jàiq tanap ka wì haq ep dẻnh apaq acaq dahwẻq khoe tadreo am ka kiác qmủ, paq

tango anang, apaq acaq jam cachit ka ùh jah hi hèm, apaq acaq mahim. **21** Majah qmang aih enh nèn trùh mandeq, yac ka taleq dua i mangai hnài ranenh Môise, rim hi sabat, oe ta hnim tagop qyoh wi i đốc ranenh aih. **22** Khoe ka aih, bài mangai tiaq cla xam wì gucraq xam diq dōng ka Tagop Hadrèh raih biaq ngai ta aih, khoe èh thê wì aih lam ti Phaulô xam Banaba trùh ta Antiôt. Wì raih Jude aih mangai wì xan creò dèh Basaba xam Sila, aih baiq ngai broq gàu wì oh daq; **23** khoe aih am ka wa aih jàiq i achih rameh: Bài mangai tiaq cla, xam wì gucraq xam oh daq i bàu hmàih trùh oh daq mangai diac wì ma oe ta Antiôt, gùng Siri xam gùng Silisi! **24** Nhèn khoe tàng doe i biaq ngai enh nhèn, wì aih ùh i yōc mōeq nà bàu nhèn, wì aih yōc bàu deh cla broq ka manoh oh daq loh ka manhài ùh catèm, **25** aih ìq diq ka nhèn majah mōeq manoh raih biaq ngai hu lam ti wa bua bèn aih Phaulô xam Banaba, đōeq trùh ta oh daq. **26** Wa aih khoe tamùà radeh am ka yiniq Jesus Christ aih Chuaq bèn. **27** Aih raq nhèn majah thê Jude xam Sila trùh đōeq anoe xi bàu waq ka oh daq loq trong aih: **28** Qmang aih Yiang Hadrèh xam nhèn khoe hadai pi taqmōq tam ka oh daq kan trap leq hòm enh gùng ka yiniq ma khòh nhet, **29** aih oh daq ep dēnh: apaq acaq bòe dahwèq khoe tadreo ka kiac qmù, mahim, jam cachit ka ùh jah hi hèm, èh apaq tango anang; aih raq bài yiniq oh daq ep dēnh, ep wia ka hangai. Waiq kan catèm ka oh daq! **30** Wì aih loh lam ta trùh ta Antiôt, creò tagop diq dōng ka oh daq, khoe hi am jàiq aih. **31** Wì đốc jàiq aih, rim ngai lem bùi majah qmang aih wì khoe jah tàng bàu alōng. **32** Jude xam Sila wa aih raq mangai pajàu, wa hadai yōc bàc trong hnài hu pariaq manoh oh daq tadēh. **33** Oe ta aih toq biaq hì, oh daq wiang waiq kan catèm ka wa khoe aih dōq wa hlài dēh ti mangai khoe thê wa trùh. **35** Mahaq Phaulô xam Banaba diq oe hlài ta Antiôt, hnài Bàu lem rai hnài trong da Chuaq am ka bàc ngai qnoeq hòm. **36** Atiq ka aih toq biaq, Phaulô hatuàng ka Banaba: Beq ba hlài hmàih diq dōng ka oh daq oe roc gùng ba ma khoe anoe ka wì trong Chuaq enh adroe kô nèn, ngan wì haq mandeq kô qmang leq cadēh. **37** Banaba enh qnung Jon ma creò Mōc lam tiaq. **38** Mahaq Phaulô ùh waq qnung Mōc lam diq, majah qmang aih tagùng Bampihili, haq khoe cadac wa, pi abroq pajùm ti wa. **39** Ajang aih, wa haq majah loh kan tarahen

kàn, loh qmòe ka talah ka dabau, Banaba qnung Mōc tōc boang lam ta pleo Chipro. **40** Phaulô raih Sila, canòm ka oh daq waiq khàn dēch wa haq ta kan loq waq da Chuaq, khoe aih wa hi lam. **41** Phaulô lam trong gùng Siri, Silisi, broq ka bài Tagop Hadrèh ta aih jah hagau.

16 Phaulô lam trùh ta Đetbo xam Litro. Ta aih i mōeq ngai tiaq hōc yiniq haq Timothê, miq haq aih mangai Juda khoe lùì, baq haq aih mangai Gorec. **2** Oh daq oe ta Litro xam Ycōni diq capoch lem ka haq. **3** Phaulô enh qnung haq tiaq, mahaq mangai Juda oe ta aih diq loq baq da Timothê aih mangai Gorec, aih ìq Phaulô majah broq ramēnh kat akia ka Timothê. **4** Wì thia phōq leq, wì toq ti tanap oh daq ep wèq tiaq ranenh mangai tiaq cla xam bài gucraq ta Jérusalem khoe paqnoh. **5** Qmang aih, bài Tagop hadrèh jah cajap manoh lùì, mangai tiaq rai èh rai bàc. **6** Khoe aih, lam catech trong gùng Phirigi xam taneh gùng Galati, majah qmang aih Yiang Hadrèh khoe ùh lōh wì haq lam anoe Bàu lem ta cròng Asi. **7** Ten trùh gùng Misi, wa padon mùt tagùng Bithini, mahaq Yiang Hadrèh da Jesus ùh am, **8** wa drah lam khoe ka gùng Misi, èh wa loh ta Trō-ach, **9** Jò damang, Phaulô hnoq kan mahno, i mōeq ngai Maxêdoan yòng eh ngēa radeh, cali calo ka haq rameh: “Drah trùh ta Maxêdoan hu dēch nhèn diq.” **10** Atiq ka Phaulô hnoq kan mahno aih, nhèn hi drah lam padon lam ta Maxêdoan, majah qmang aih nhèn loq Boc Plinh khoe creò ka nhèn lam anoe Bàu lem ta aih. **11** Qmang aih, enh Trō-ach nhèn tōc bong pajang trùh ta Samōtra, hì atiq nhèn trùh ta Napôli; **12** enh aih, nhèn trùh ta Philip, gùng aih khoe jah diac Roma, aih phōq basēm da tình Masêdoan. Nhèn oe ta aih toq biaq hì. **13** Trùh hì sabat, nhèn loh enh gùng ka phōq, lam roc kēnh cròng diac, nhèn hēm dēh wì tagop dabau ta aih đōeq hu waiq khàn, nhèn hi hangui, khoe aih hi ta hatuàng ti bài mangai cadrì oe ta aih. **14** I mōeq ngai ta aih tamàng bàu nhèn, yiniq haq Lydi, mangai gùng Thia-tiro, haq aih mangai padro bai gòh. Haq aih mangai loq iu yùq ka Boc Plinh. Chuaq pēh manoh, haq diq jaq tamàng bàu Phaulô. **15** Jò haq xam diq ka hnim haq khoe jah broq baptem, haq doe: “Tàng joq pì khoe doe au kô mangai diq manoh ka Chuaq, aih pì ep mùt oe padài ta hnim au”; khoe aih haq hi àu pachùh waq qmòe ka jah. **16** I mōeq hì, nhèn

lam waiq khàn, glàm mòeq ngai hapõng cadri i kiac Phitôn mùt oe enh dalam ka haq, haq loh ka loq blàih blõng, broq ka cla craq haq jah bac jènh haraya. **17** Haq ti tiaq Phaulô xam diq ka nhèn, rai cachech cadêh rameh: Bâi wì kô, aih diq hapõng Boc plính haqnheq, anoe am ka pì trong jah dèch claih. **18** Bàc hì haq broq qmang aih, Phaulô loh ka mahèu, haq hwi doe ka kiac: “Au canòm ka yiniq Chuaq Jesus Christ thê gè loh enh gùng ka mangai cadri kô.” Kiac loh qmòe jò aih raq. **19** Mahaq cla craq da mangai gucadri aih, wì hnoq deh pì oe jah bac jèn enh mangai hapõng aih, wì rùp Phaulô xam Sila, hua wa trùh tanòe broq biac, enh ngèa bàì mangai cwan, **20** khoe èh aràng wa ta cwan haqnheq hòim, wì doe: Wa kô diq mangai Juda, broq ka gùng bèn loh dõng ka manhài. **21** Hnài toq trong bèn ùh khòh tamàng yõc, ùh khòh broq tiaq, majah qmang aih bèn kô mangai Rôma. **22** Bàì mangai ta aih hanoh wiang yòng tablêq ka wa, jò cwan haqnheq khoe thê hich da wa haq eo, haq hì thê wì tong wa aih. **23** Jò wì tong wa khoe bàc, wì hì lam clêh wa, rai tanap ka cwan wèq hnim clêh aih ep ngan wa ja cajoq. **24** Jah bàu aih, cwan aih hì clêh wa haq ta cadrong clam rai clang da wa jènh. **25** Qnah ta qne mang, Phaulô xam Sila qnang waiq khàn, calêu manè apôi Boc Plính, bàì mangai wì ma clêh ta aih hadai tàng dõng. **26** Ùh xài oq, taneh loh ka ralàng kàn, xàn hnim ma clêh wì haq loh ka dalác, adrinh hloe mòeq yàng bàì qmóc qmang tapèh dõng, bàì caxi datoeq clìh diq haqneq. **27** Mangai wèq hnim clêh rarì cadrat, hnoq qmóc qmang khoe tapèch dõng, haq hèm ta manoh bàì wì cadàu khoe diq, haq hroe qnoh deh chang hu pác đac rađeh. **28** Mahaq Phaulô creò cadêh: “Apaq broq cleq ti habo ka rađeh, nhèn oe diq tacô.” **29** Mangai wèq hnim clêh drah creò ka wì qnoh đen, haq rai tùh rai crè, hacùn cràng ajang jènh Phaulô xam Sila. **30** Khoe aih, haq qnoh wa loh enh gùng rai bõch: Wì craq! au ep broq cleq men jah dèch? **31** Wa padreò bàu: “Drah lùì Chuaq Jesus, aih èh ìh xam diq ka hnim ìh hì jah dèch.” **32** Wa hì hnài ka haq xam rìm mngai ta hnim haq trong Boc plính, **33** Mang aih, hloe jò aih raq mangai wèq hnim clêh qnoh wa aih, qnheò da wa habau, khoe aih xam cla haq xam mangai oe ta hnim haq diq jah broq baptem. **34** Khoe aih, akhen ka wa hlài deh ta hnim, padon qnoh ka wa acaq, cla haq xam diq ka mangai ta hnim lem bùi

ka rađeh jò wì khoe jah tiaq trong Boc Plính. **35** Trùh qngah, cwan enh qnhèq thê linh lam anoe ka mangai wèq hnim clêh rameh: Drah caqnaih wa beq. **36** Haq aih anoe ka Phaulô: Bàì cwan enh qnhèq khoe thê au caqnaih chòp lam, chòp loh beq, lam ma catèm haq oq. **37** Mahaq Phaulô doe ka mangai linh: “Nhèn kô mangai diac Rôma, qnhòq loq ma i yiniq lui cleq, wì khoe blai ma qne mangai òng đăm, khoe aih clêh ma ta hnim cadrong, manòeq kô aih wì haq caqnaih atùng ma qmòh? Qmang aih ùh jah. Cla bàì cwan ep lam jang kô hu caqnaih ma, xài qmang aih ma troq.” **38** Bàì cwan enh qnhèq tàng linh anoe hlài qmang aih, loq ka wa haq aih mangai Rôma, wì haq yùq pì cajoq. **39** Wì lam alia èh hì caqnaih wa, rai cali calo dõq wa loh khoe gùng wì haq. **40** Jò khoe jah caqnaih, wa lam ta hnim Liđy, hmài ra pariaq, khoe aih wa men lam.

17 Phaulô xam Sila pagat trong gùng Amphi-bôlìt xam gùng Abôloni, khoe aih wa trùh ta Têsalonica, ta aih mangai Juda i mòeq toq hnim tagop qyoh. **2** Phaulô tiaq dèh cla khoe hmaq, ta piq hì sabat haq mùt ta aih hu rahen ka wì. **3** Yõc Hset Hadròeh patô ka hloh dõq wì loq Christ ep xalep, khoe aih rìh hlài enh kan cachit. Haq doe: “Chuaq Jesus au ma khoe anoe ka pì kô aih raq Christ.” **4** Taqne mangai Juda, aih i bìaq ngai lùì tiaq bàu rai taq mùt ti Phaulô xam Sila, èh hadai i bàc ngai Gorec loq iu yùq ka Boc plính hloe xam bàì mangai gucadri padròng ta aih. **5** Mahaq mangai Juda toq tajìq, ti adrác bàì mangai lam ròe ratauq roc trong rai baxrùq mangai gùng aih broq kan manhài ta phòq aih. Wì haq clàm mùt ta hnim Jasôn, ti chaq Phaulô xam Sila òeq hu rùp qnoh taqne mangai òng đăm ta aih. **6** Chaq ùh hnoq, wì haq hì hua qnoh Jasôn xam bìaq ngai oh daq loh enh ngèa bòe cwan wèq gùng aih, wì cachech: Kô raq bàì mangai khoe broq ka phù cròng loh toq kan manhài, manòeq wì haq khoe trùh tacô diq. **7** Jasôn khoe òh wì haq mùt oe dèh ta hnim! Wì haq kô diq bàì mangai yòng tablêq ka Sêsa, majah qmang aih wì haq doe oe i mòeq toq bùa qnoeq, yiniq haq aih Jesus. **8** Tàng bàu aih diq ka mangai ta aih hloe xam bàì cwan loh dõng ka rawè. **9** Mahaq jò cwan khoe thê Jasôn xam bua haq ep clìh ka bac, aih hì caqnaih wì haq lam. **10** Ùh batrò, mang aih raq oh daq drah thê Phaulô xam Sila

lam ta Bêrê. Trùh ta aih, wa mùt ta hnim tagop qyoh da mangai Juda. 11 Mangai Bêrê i manoh ùh hnau ka mangai Têsalônica, majah qmang aih wì haq toq enh tamàng yôc bàu hnài, hi leq hì meh toq ti ngan ta Hset hadrêh ðòeq hu ngan bàu Phaulô xam Sila hnài ajoq troq ùh. 12 Ta aih i bàc ngai Juda lùì tiaq, i bàc ngai gucadrì Gorec ma padrông, i bàc ngai gualô hanoh lùì tiaq. 13 Mahaq jò mangai Juda oe ta Têsalônica tàng doe Phaulô anoe trong Boc Plinh ta Bêrê, wì haq drah trùh ta aih hu rai kan manhài ðòeq baxrûq mangai ta aih. 14 Oh daq drah thê Phaulô lam trong diac raxiq, mahaq Sila xam Timôthê oe raq ta Bêrê. 15 Bâi oh daq ma ajèn Phaulô wì aràng haq trùh ta Athen, èh wì hi bròc, ahlài bàu ka Sila xam Timôthê, thê wa drah rênh trùh ti Phaulô. 16 Phaulô oe ta Athen gòm wa aih trùh, haq jiq qmòe ta manoh majah qmang aih haq hnoq ta aih bình toq qmù dua kan kiac. 17 Qmang aih, ta hnim tagop qyoh haq rahen ka mangai Juda xam mangai Gorec ma loq iu yùq ka Boc Plinh, xam mangai haq glàm rìm hì tanðe padro atech. 18 I bài mangai hóc tiaq trong da Êpicurien xam trong da Stocien, hadai wiang ta rahen ka haq. Qnah ngai doe: Cleq bàc bàu kô haq enh anoe cleq? Qnah ngai doe: Tiah gleq haq enh anoe ka bèn bài kiac diac wì. (Majah qmang aih Phaulô qnang anoe trùh Chuaq Jesus xam trong rìh hlài enh kan cachit am ka wì). 19 Wì rùp aràng haq trùh ta Arêoba, wì bôch: Nhèn ajah loq trong ìh neo hnài aih ùh? 20 Majah qmang aih ìh hnài ka nhèn trong joq halac, nhèn enh loq qmang leq ka dèh. 21 (Diq ka mangai Athen xam mangai diac wì ma oe ta aih enh toq tamàng rai ta anoe trong maneo ma halac.) 22 Jò aih, Phaulo mahi yòng taqne Arêoba, haq doe: “Mangai Athen tamàng kô, au hnoq yac ka trong leq dua pì loq nhét pì cajaq. 23 Majah qmang aih au lam dudan tanðe pì, au ngan qmòe ka adia hnoq bài ngè pì kùh waiq, ta aih mòeq toq prang i achih: KÙH WAIQ KIAC NHÈN QNHÒQ QNÌ, mandeq kô Yiang au qnang anoe ka pì, aih raq Mangai pì qnhòq qnì mahaq khoe kùh waiq. 24 Boc Plinh ma khoe broq loh plinh crông taneh xam rìm yiniq rìh oe ta aih, aih raq Chuaq da plinh crông taneh. Haq ùh oe ta hnim kùh waiq broq loh enh tì kông kon mangai. 25 Haq hadai ùh ep waq ka i tì kon mangai patih ka raðeh, tiah taiq ka haq ma i nan no cleq, majah qmang aih haq raq ma am ka rìm ngai jah kan rìh, hiwa rìh,

xam hloe rìm yiniq qnoeq. 26 Haq khoe broq diq ka phù crông ha-uang loh enh mòeq ngai raq, am wì oe jàp crông taneh, pajaq adroe qnhòng rìh rai acang ka wì nòe oe. 27 Boc Plinh khoe broq qmang aih ðôq kon mangai loq chaq haq, àu qmòe diq ka padren waq ka jah bèq, yac ka haq ùh i oe hangai ka bèn. 28 Majah qmang aih enh dalam ka haq, bèn jah rìh, jah tadroq, jah i, tiah ka calah nèh taqne pì bài mangai ma loq cachôi i doe: Bèn kô hadai xinoe haq. 29 Qmang aih, bèn kô xinoe Boc plinh, apaq hèm haq tiah taiq ka wang, bac, ka hmo, tiah ka qmù broq loh enh tì kông mangai ma rabiaq. 30 Enh nèh, Boc Plinh khoe cadac da wì kan blùng aih, mandeq haq thê diq ðông kon mangai oe rìm nòe ep loq raxach, 31 Majah qmang aih Boc plinh khoe ràih ðòeq dèh mòeq hì, yôc kan taq atoq hu hadrah crông taneh xi mangai haq ma khoe ði deh adroe, Boc Plinh khoe broq ka haq aih rìh hlài enh kan cachit, ðòeq panhìn ka cajap trong kô. 32 Jò wì tàng anoe trùh mangai cachit rìh hlài, qnah ngai aih hi halê haq, qnah ngai doe: Hêq trong aih yàng qnoeq èh nhèn tamàng ònh. 33 Aih ìq Phaulô majah cadiang loh khoe ka wì haq. 34 Mahaq i biaq ngai tiaq haq wì hi lùì Chuaq Jesus, ta aih i ðêni, mangai cwan hadrah ta Arêoba, i tam mòeq ngai gucadrì yiniq haq ðamari xam bài mangai qnoeq

18 Khoe èh, loh enh Athen Phaulô lam ta Côrintô. 2 Ta aih haq glàm mòeq ngai Juda, yiniq haq Aquila mangai gùng Bông xam Bêritsin aih mai haq, wa aih neo trùh tacô majah qmang aih bùa Kolôt i thê diq ðông mangai Juda ep loh ma khoe ka Rôma, Phaulô hi taqmùt ti wa. 3 Haq hanoh mangai ajip traiq qmang ka wa, aih ìq Phaulô majah oe mòeq hnim ti wa ðòeq hu abroq pajùm ti dabau. 4 Rìm hì Sabat Phaulô hnài ta hnim tagop qyoh, pariaq mangai Juda xam mangai Gorec. 5 Jò Sila xam Timôthê enh gùng Maxêðoan trùh ta aih, aih Phaulô hi cadac ka ajip ðòeq toq ti hnài. Anoe patô ka mangai Juda loq Chuaq Jesus aih raq Christ. 6 Mahaq wì tablêq rai jù cadac haq, aih ìq haq majah da arù deh eo rai doe: Mahim pì da hrôq hlài tagàu cla pì! Au ùh pòq, pang kô èh au lam trùh ti mangai diac wì. 7 Loh enh aih Phaulô mùt ta hnim mòeq ngai yiniq haq Titu Juptu, aih mangai loq iu yùq ka Boc Plinh, hnim haq aih pajùm panàt ka hnim tagop qyoh. 8 Koritbu mangai broq gàu hnim tagop qyoh,

xam diq ka hnim haq lùì dǝng Chuaq Jesus. Khoe èh i bacc ngai Cǝrintǝ khoe hmaq tǝng Phaulǝ hnài, hadai lùì rai chùuq broq Baptem. 9 I mǝdeq mang Chuaq doe ka Phaulǝ ta kan mahno: “Apaq yùq cleq! anoe beq! apaq hatinh; 10 au oe ti ìh, ùh i cabǝ jah dèch tì broq habo cleq ka ìh, majah qmang aih au i bacc ngai oe tacǝ.” 11 Phaulǝ oe ta aih mǝdeq hanam tadrǝu khê, hnài ka wì trong Boc Plinh. 12 Jǝ Galiǝn qnang broq cwan kǝn tagùng Achai, mangai Juda mǝdeq manoh wiang ti dabau hu tablêq ka Phaulǝ wì rùp arǝng haq trùh ajang nǝde hnim hadrah, 13 wì doe: Haq kǝ toq ti baxrùq mangai tagùng bèn kùh waiq Boc Plinh ùh troq tiaq ka ranenh. 14 Phaulǝ qnang hah bàu hu hatèu, Galiǝn khoe doe ka mangai Juda: Dìq ka mangai Juda pì tamǝng kǝ, tǝng joq i cleq ma ùh troq, tǝng joq loq i yiniq lui cleq, ma aih au troq ka hangui tamǝng pì. 15 Mahaq tǝng joq tarahen trong bàu tapoch, trong yiniq creo, trong ranenh da pì, aih cla pì hadrah deh, au ùh tamǝng trong qmang aih. 16 Haq hi hnan qnoh đac wì loh enh gùng ka hnim hadrah. 17 Jǝ aih, wì hi tawìh rùp ataq Sǝthen, mangai broq craq hnim tagop qyoh, tong rachùq haq aih enh ngèa hnim hadrah, mahaq dua Galiǝn ùh waq tamǝng. 18 Phaulǝ oe tam ta Cǝrintǝ toq biaq hì, khoe aih haq hangah ka oh daq, haq tǝc boang ti Bèritsin xam Aquila wì haq lam tagùng Syri, atìq ka haq got gǝu ta Sencǝrê, majah qmang aih haq khoe i bàu haph deh adroe; 19 khoe aih wì piq ngai trùh ta Êphêsǝ, Phaulǝ dǝq deh bua oe ta aih. Cla haq aih mùt ta hnim tagop qyoh, capoch tùang ti mangai Juda. 20 Jǝ wì aih enh àu haq oe tam ti wì toq biaq hì hòm, haq ùh òq bàu. 21 Haq hangah ka wì aih rameh: Tǝng joq Boc plinh thê, yǝng qnoeq hòm au hi trùh ti pì, khoe aih enh Êphêsǝ haq tǝc boang lam. 22 Jǝ boang khoe trùh ta Sêsarê, haq tǝc ta Jérusalem, hmàih ka Tagop hadrǝeh, khoe ka aih, haq loh hòm ta Antiǝt. 23 Oe ta aih toq biaq hì, haq lam hòm, haq lam jǝp jǝa ka gùng Galati hloe xam gùng Phirigi, broq diq dǝng ka mangai tiaq hǝc cajap manoh. 24 Jǝ aih i mǝdeq ngai Juda, yiniq haq Abǝlǝ, gùng haq oe ta Alecxantri, haq aih mangai rabiaq ka tapoch tùang rai rabiaq ka Hset hadrǝeh, haq trùh ta Êphêsǝ. 25 Haq khoe hǝc trong Chuaq, dài haq majah diq ka manoh anoe rai hnài rìm trong da Chuaq Jesus, yac ka haq bu loq đeh toq Baptem da Jon. 26 Qmang aih, enh jǝ baxèm haq khoe

hùà hnài qmǝde ka hagau hagình ta hnim tagop qyoh. Bèritsin xam Aquila tǝng haq hnài, wa ahlài haq hlài ta wa, anoe trong Boc Plinh dǝq haq loq tam ùh hnau hòm. 27 Jǝ Abǝlǝ padon lam ta Achai, diq dǝng oh daq wiang parǝng haq rai achìh jǝiq tanap ka mangai tiaq hǝc ta aih ep đìh haq ka alǝng. Jǝ haq khoe trùh ta aih, canòm ka kan loq waq jah dech enh Boc Plinh haq broq lǝeq ka oh daq ma khoe lùì. 28 Haq diq cacaq bàt hlài mangai Juda qne mangai bacc, yǝc Hset Hadrǝeh đǝeq mahnu ka wì loq Chuaq Jesus aih ra Christ.

19 Jǝ Abǝlǝ oe ta Cǝrintǝ, Phaulǝ lam khoe jǝp ta bàì gùng enh qnhêq, khoe aih haq loh ta Êphêsǝ, ta aih haq glǝm toq biaq ngai tiaq hǝc. 2 Haq bǝch wì: “Pang jǝ oh daq khoe lùì, akhoe jah yǝc đeh Yiang Hadrǝeh ùh?” Wì padreo bàu: “Ùh! Nhèn qnhòq lah tǝng doe i Yiang Hadrǝeh. Phaulǝ bǝch hòm: “Tǝng qmang aih Baptem leq pì khoe jah? 3 Wì doe: “Baptem da Jon aih.” 4 Phaulǝ doe: “Baptem da Jon aih baptem da kan loq raxach dèh ka yiniq lui, rai thê wì lùì Mangai ma trùh atìq ka haq, aih lùì Chuaq Jesus. 5 Wì tǝng qmang aih, wì hi broq baptem canòm ka yiniq Chuaq Jesus. 6 Jǝ Phaulǝ roh tì ta chac wì haq, Yiang Hadrǝeh loh ta wì haq, am wì haq capoch bàu qnoeq xam bàu pajǝu. 7 Dìq ka wì aih jah ta mǝdeq jǝt baiq ngai. 8 Phaulǝ mùt ta hnim tagop qyoh, ta piq khê haq ùh hòq qmǝde ka hnài wì ta aih, mahnu ka wì loq bacc trong da Diac Plinh đǝeq hu pariaq mangai ma tamǝng haq. 9 Mahaq ta aih i qnah ngai cadoq manoh, wì tǝih đac ùh waq lùì, enh ngèa phù crǝng wì haq tapoch halê trong Boc Plinh, aih iq Phaulǝ majah hi lah radèh, tagop deh crài mangai ma tiaq hǝc, rìm hì haq hnài ta truǝng Tiranu. 10 Baiq hanam qmang aih, rìm ngai oe ta crǝng Asi, yac ka mangai Juda, yac ka mangai Gorec, diq tǝng trong Boc plinh. 11 Boc Plinh broq bacc biac halac anǝde tì kǝng Phaulo, 12 wì yǝc mù yǝc eo haq ma khoe caxùnh taqmǝn ka bàì mangai ùh hrǝc, diq ka wì aih loh ka jah brêh, jah paclaih enh kiac dù. 13 I bàì mangai Juda, lam dudan enh gùng kǝ trùh gùng tau, wì haq patiah radèh canòm yiniq Chuaq Jesus đǝeq drùh qnoh kan kiac, wì doe: “Au canòm ka Yiniq Chuaq Jesus, aih la mangai Phaulǝ ma hnài, au thê gè loh beq! 14 Tapèh ngai ma broq qmang aih diq kon calǝ da Sêwa, haq aih

hanoh mangai broq pajàu kàn ta mangai Juda. 15 I mòeq hì, kiac dù tèu bàu: Chuaq Jesus, au loq, Phaulô aih cabô au hadai loq, mahaq pì kô iq cabô? 16 Mangai kiac ma rùp aih, glàm ta wì aih, haq blêq dõng wì, haq jêh pani rachùq wì, wì habau habùà dõng tachac, loh qmòe ka cadàu qmòe rahòng khoe ka hnim aih. 17 Jò mangai Juda xam mangai Gorec rìh oe ta Êphêsô hìa qmang aih, wì yùq crê dìq jaq, yiniq Chuaq Jesus jah dèch ka haqnheq. 18 Bacc ngai ma khoe lùì, lam paqnoh dèh yiniq lui, anoe dõng rìm trong wì haq ma khoe broq. 19 Bacc ngai adroe ka aih broq pajàu tadreo aràng bũh dèh hset enh ngèa ka phũ cròng, wì boq hset aih tàng tech jah padam mùan hliac bac. 20 Qmang aih, Bàu lem hlàng hangai jàp jĩa rai èh rai cajap. 21 Atiq ka bài yiniq aih, Phaulô enh pagat trong gũng Maxêdoan xam Achai dõeq hu lam ta Jérusalem. Haq doe: “Jò au khoe hmàih ta aih, au hadai ep lam hmàih ta Rôma dìq. 22 Haq thê Timôthê xam Êrat, aih baiq ngai ma wiang ti haq chõnh lam ta Maxêdoan, cla haq oe raq ta Asi biaq hì hòm. 23 Jò aih i kan manhài kàn enh tablêq ka Bàu lem. 24 I mòeq ngai thòq bacc yiniq haq aih Êmêtriu, haq yõc bacc broq loh radua qmũ kiac cadri Ði-an, broq ka bacc ngai thòq ma patih ka haq jah bacc kũng hang, 25 haq gop bài wì aih, haq doe: “Oh daq bèn loq, bèn jah padrõng kan enh biac abroq kô, 26 pi hadai hnoq, hadai tàng, ùh xài toq ta Êphêsô, mahaq ten dìq hloe ka cròng Asi, Phaulô padô broq ka bacc ngai khoe tawih manoh, haq doe kiac loh enh ti kõng kon mangai aih dìq ùh xài kiac. 27 ùh xài bèn toq yùq ka yiniq abroq da bèn kô èh wì loq halê, mahaq bèn hadai yùq ka hnim kũh waiq da Ði-an kiac cadri kàn kaiq kô èh wì loq jù đac, èh kan ranhòm kiac cadri da bèn oe tagũng Asi xam dìq crõng taneh kô loq lũch.” 28 Tàng toq aih bàu, tagrũang qmòe wì plõh nõeh, wì cachech cadêh: “Kàn oe i jaq cleq Ði-an kiac cadri da mangai Êphêsô.” 29 Dìq ka Êphêsô loh dõng ka manhài, wì rùp Gai-ut xam Aritac, mangai gũng Maxêdoan, wa aih hanoh lam pajùm ti Pahulô, mòeq manoh ka dabau wì hua wa aih qmũt ta hnim kon hat. 30 Phaulô enh cla rađeh loh yòng enh ngèa wì ta aih, mahaq mangai tiaq hõc ùh am. 31 Èh hadai i bài cwan kàn ta Asi aih bua haq, thê mangai lam doe ka haq ùh dùh lam ta hnim kon hat. 32 Qnah ngai cajiah qmang kô, qnah ngai cachech qmang tau, nõe wì tagop loh ka tagrũang, bacc

ngai ùh qnì hagleq rađeh majah wiang lam tagop dèh tacô. 33 Wì dũì qnoh Alexando loh enh gũng ka mangai dũng đam, mangai Juda caqnũt haq loh yòng enh ngèa, haq hnhê ti enh ngèa ka wì hu capoch hu cwaih rađeh. 34 Mahaq jò wì bu canau ka haq aih mangai Juda, beq meh dìq ka wì wiang cachech tagrũang jah baiq jò dũng hõ: “Kàn dìq jaq! Ði-an kiac cadri da mangai Êphêsô!” 35 Jò aih i cwan thu kĩa ta phõq aih, loh pagat wì haq waq ka hatinh, haq doe: “Oh daq mangai Êphêsô! Dìq ta crõng taneh kô, cabô ùh loq đeh hra gũng Êphêsô bèn kô raq mangai wèq hnim tadreo da Ði-an kiac cadri ma dìq jaq kàn, radua qmũ haq aih khoe loh qmòe enh trõc ti qmõh? 36 Yiniq aih ùh ep rahen dèh, pì oe ma hatinh haq, apaq tem broq cleq loh yiniq, 37 Majah qmang aih bài mangai pì ma khoe aràng trũh tacô ùh i atũng cleq ta hnim tadreo, wì haq hadai ùh i tapoch qmèq cleq trũh kiac cadri da bèn. 38 Manòeq kô, tàng joq Êmêtriu xam bài thòq ma abroq ka haq, i yiniq enh tah hadarh ka cabô, hnim hadrah pèch qmang rìm hì, cwan kàn hanoh oe ta aih. Dõq ka da wì tah hadrah ka dabau. 39 Tàng joq pì i enh bõch tam cleq, pì lam trũh ta wì mangai hadrah, dõq wì haq hadrah troq tiaq ranenh. 40 Majah qmang aih, yùq loq habo ka bèn tàng joq wì bõch hagleq bèn majah rèu ka broq liq hì kô, bèn chaq ùh loh trong dõeq hutèu. 41 Haq capoch toq aih bàu, khoe aih haq thê wì hlài.

20 Jò kan manhài khoe jah hatinh, Phaulô creo ka bài mangai tiaq hõc trũh, khoe ka pariaq oh daq, haq hangah ka wì dõeq lam tagũng Maxêdoan. 2 Haq lam jàp gũng aih, haq anoe bacc trong dõeq pariaq mangai lùì; khoe aih haq lam ta diac Gorec, 3 oe ta aih piq khê. Taiq mangai Juda khoe hatinh chaq trong hu jêh đac haq jò haq bu tõi boang lam ta Syri, aih iq haq majah hì wĩh trong Maxê đõan dõeq hu hlài. 4 Sõbate, kon da Biru, mangai gũng Berê, lam ti haq, i tam Aritac xam Sacundu mangai gũng Têsalônica, Gai-ut, gũng Ðecbo xam Timôthê, Tichico xam Trõphim dìq gũng Asi. 5 Wì kô lam adroe, gòm nhèn ta Trõ-ach. 6 Atiq ka hì ramènh acaq bẽnh ùh wàt blo, nhèn tõi boang enh Philip, padam hì atiq nhèn glàm dabau ta Trõ-ach, èh nhèn oe ta aih tapèh hì. 7 Hì baxèm tagàu tuàng, nhèn tagop dabau dõeq goh bẽnh, Phaulô ep lam hì da èh, dài haq majah hatuàng ka oh daq rai hnài hloe trũh qne

mang, 8 I bác toq đen talau nòe nhèn ma qnang tagop dabau. 9 I mòeq ngai radam yiniq haq Ôtic, hangui ajang trong qmôc, Phaulô hnài xòe hêq haq aih loh ka gù kùì, jò kùì pi hmàng haq taclih enh lâu piq, wì loh dèch hnoq haq khoe cachit. 10 Mahaq, Phaulô cadiang loh chinh deh chac ta mangai aih, yôc tì kwat chac haq rai doe: “Apaq lèt, mahua oe raq tachac. 11 Phaulô tócc hlài taqnêq, goh acaq bênh; rai anoe hnài hòmm trùh qngah men lam. 12 Mangai radam oe rìh, wì tòng ahlài haq ta hnim, yiniq aih broq ka wì jah lông haraya. 13 Bải nhèn hòmm, chôngh lam adroe, tócc boang lam ta Asôt, aih nòe nhèn ma hu glàm Phaulô; haq khoe taqmroq deh qmang aih, majah qmang aih haq enh lam jènh. 14 Nhèn glàm Phaulô ta Asôt, khoe aih haq tócc boang ti nhèn, hadai nhèn trùh ta Mitilen. 15 Khoe enh aih, tiaq trong diac raxiq, sroq eh nhèn trùh tajang ka pleo Chi-ô. Hì atiq hòmm nhèn padòh mùt ta plài Samôt, mòeq hì hòmm hi trùh ta Milê. 16 Phaulô khoe di deh ta manoh, haq chôngh lam adroe ta Êphêsô, mahaq ùh padài ta aih yùq loq trò ta cròng Asi. Haq haqnan lam waq ka trùh ta Jêrusalem tem ramêngh Hì padam jât. 17 Yàng aih, Phaulô thê wì ma oe ta Milê lam ta Êphêsô akhen ka wì gucraq broq gàu Tagop Hadrêh lam glàm haq. 18 Jò wì aih khoe trùh tagop ti haq, haq anoe “Enh jò au baxèm trùh ta Asi, au acaq oe qmang leq qne pì, oh daq loq. 19 Au qnoh rađeh đìq jaq haqneq hu patih ka Chuaq, loh bác diac mat, bác yàng mangai Juda khoe qnhro ngan rai chaq trong jêh đac au. 20 Oh daq loq, au ùh lòmm ra-đeq đeq anoe ka oh daq loq trong leq ma lem ka pì, ùh lòmm cadoc qmòe toq xit cleq, èh hòmm pì loq au khoe hnài taqne nòe mangai bác, ùh meh enh hnim kô trùh hnim tau, 21 hnài ka mangai Juda xam mangai Gorec kan loq raxach đeq hu wìh hlài ta Boc Plinh, xam kan lùì enh dalam ka Chuaq Jesus Christ aih Chuaq bèn. 22 Manòeq kô Yiang Hadrêh khoe panan, thê au lam ta Jêrusalem, qnhòq qnì i yiniq cleq trùh ka au ta aih èh, 23 Mòeq yiniq raq Yiang Hadrêh khoe anoe ka au loq: enh phòq kô trùh phòq tau, kaxi datoeq xam kan nanxa khoe gòm đeq au. 24 Mahaq au ùh i adêngh ka rađeh, toq ran broq qmang leq au cadàu magêh dèh ka trong, broq gêh yiniq Chuaq Jesus ma khoe thê au, lam panhìn Bàu lem aih kan am dech da Boc Plinh. 25 Manòeq kô, taqne oh daq au ma khoe trùh anoe hnài diac Boc Plinh, kô èh pi

i cabô oe hnoq hadrò au hòmm. 26 Aih iq raq, dài hì kô au majah doe đìq ka mahim oh daq au pi pòq. 27 Majah qmang aih au ùh lòmm i ra-đeq đeq anoe ka oh daq jah loq manoh da Boc Plinh ma enh. 28 Oh daq ep wèq rađeh, èh wèq hloe xam bải Yiang Hadrêh ma khoe dèch oh daq broq mangai wèq, đeq ban Tagop Hadrêh da Boc Plinh haq ma khoe rot deh xi mahim cla. 29 Au loq khoe ka au loh lam kô èh, i koq yiang ngang dù mùt taqne pì, haq ùh i adêngh ka oh daq. 30 Taqne oh daq hòmm imangai yòng tapoch bàu patah, àu padò mangai tiaq hóc cadàu tiaq wì haq. 31 Qmang aih, drah loq hamang, hmàng hlài khoe piq hanam rìm hì rìm mang au loh diac mat đeq hu pariaq rìm ngai oh daq. 32 Manòeq kô au jao oh daq đìq ta tì kống Boc Plinh ta kan loq waq haq ma am dech ka bèn, aih jao oh daq ka Mangai broq ka oh daq jah cajap rai am kùng hang ka oh daq pajum ti mangai jah hadrêh. 33 Au ùh i lòmm daiq ka bác, wang, eo yôh cabô. 34 Cla pì oh daq loq, baiq toq capiang tì kô khoe broq loh dahwèq ka cla au xam bải bua au. 35 Au khoe hnài yôt, oh daq ep panim ka abroq qmang aih, đeq hu wiang tabài h ka mangai hamoq, rai hmàng hlài ka bàu Chuaq Jesus i doe: hnhu am aih i xôq ramot ùh hnau ka hnhu yôc. 36 Khoe ka capoch qmang aih, Phaulô hacùn cràng waiq khàn pajum ti wì. 37 Mangai leq mangai meh hmoe dèh hra, rai kwat ranông Phaulô rai híp haq, 38 wì mangò pi cajaan jò tàng haq doe: kô èh oh daq pi hnoq hadrò rađeh hòmm. Khoe aih, wì qnoh haq tócc boang.

21 Atiq ka talah ka wì aih, nhèn tócc boang lam trùh hloe ta Kôt, hì atiq trùh ta Ruđo enh aih nhèn trùh ta Batara. 2 Ta aih nhèn hnoq mòeq toq boang padon lam ta Phênisi; nhèn hi tócc boang aih đeq hu lam. 3 Jò khoe hnoq pleo Chipro, nhèn hi puplech apah qma, tiaq trong lam ta Siri, boang hi yòng majah qmang aih boang ep qnoh hang ta aih. 4 Nhèn chaq hnoq bải mangai tiaq hóc, nhèn hi oe ti wì tapèh hì. Mangai tiaq hóc ta aih jah Yiang Hadrêh pariaq, wì aih padràng Phaulô apaq tócc ta Jêrusalem. 5 Mahaq jò khoe đìq ka hì padài, nhèn hi lam dèh hòmm; bải mangai tiaq hóc xam cadrì kon wì haq wiang lam ti nhèn loh enh gùng ka aih, đìq ka wì haq hacùn cràng tago, waiq khàn ti da bau. 6 Atiq ka hangah ka dabau, nhèn loh ta boang, bải mangai tiaq hóc

hlài deh ta hnim. 7 Nhèn lam trong diac enh Tiro trùh ta Bêtolêmai, hmàihi ka oh daq èh oe ti wì mòeq hi. 8 Hì da èh loh enh aih nhèn trùh ta Sêsarê, mùt ta hnim Philip mangai hnài Bàu lem, (mòeq ngai patìh ta tapèh ngai) nhèn oe ta aih. 9 Haq i pôn ngai kon cadrì oe raq sriu, loq capoch pajàu. 10 Nhèn oe ta aih khoe jah toq leq hì, i mòeq ngai pajàu loh enh gùng Judê yiniq haq Agabut. 11 Haq thia hmàihi ka nhèn, khoe aih haq doeh caxi caqnam Phaulô, kàt dèh jènhi tì, rai doe: “Kô bàu Yiang Hadròeh doe: Ta Jêrusalem, mangai Juda kàt mangai ma i caxi qnam kô qmang kô diq, òeq rùp haq hu am ka mangai diac wì.” 12 Jò khoe tàng toq aih nà, oh daq tiaq hóc ta aih xam bài nhèn wiang cali calo ka Phaulô ùh dùh tót ta Jerusalem. 13 Mahaq Phaulô padreo bàu: “Oh daq hmoe broq cleq, qnang ti broq ka au loq mangò? Ùh xài toq dōq wì kàt radeh, yac ka cachit ka yiniq Chuaq Jesus ta Jêrusalem dua au lènh.” 14 Haq ùh òi bàu pagàt, nhèn hi hêq, nhèn doe: Waiq dōq manoh da Chuaq jah gèh. 15 Khoe aih nhèn hi padon lam tót Jerusalem. 16 I bài mangai tiaq hóc oe ta Sêsarê hadai lam ta aih ti nhèn, aràng nhèn mùt ta hnim Manason, mangai gùng Chipro, haq aih hadai mangai tiaq khoe dùnh, haq am nhèn padài ta hnim cla haq. 17 Trùh ta Jêrusalem, oh daq ta aih òi nhèn bùi ka diq jaq. 18 Hì atiq, Phaulô lam ti nhèn trùh ta hnim Jaco, diq dōng bài gucra q khoe tagop òeq ta aih, 19 Phaulô ti bōch hmàihi wì haq, khoe èh haq hi taqmon hlài tang yiniq Boc plinh khoe broq taqne nòe mangai diac wì ajang tì kōng radeh. 20 Tàng qmang aih, wì dèch bàu manè apōi Boc plinh. Khoe aih, wì doe ka haq: “Ê daq! Ìh jì hnoq, toq leq jàt muàn mangai Juda khoe lùì, diq ka wì aih mangai leq ma ùh nhèt pi cajaq trong ranenh. 21 Wì hì, ìh khoe hnài diq ka mangai Juda, ma rìh ta mangai diac wì ep cadac Môise, apaq broq ramènh kat akia deh ka bài kon, ùh dùh rìh acaq tiaq wì craq qmon. 22 Kô èh bèn broq qmang leq? Wì loq ìh khoe trùh tacò. 23 Manòeq ìh broq tiaq bàu nhèn ma anoe ka ìh, ta nhèn kô i pôn ngai khoe hlac dèh ka bàu hapah; 24 aràng wì aih lam ti ìh, broq ramènh basròeh ka wì xam ka cla ìh hloe, bāc wì haq ma got xác gàu aih, ìh caqnaihi. Aih èh wì hi loq òeh hra bàu wì haq ma tàng anoe trùh ìh aih ùh xài, wì hi jah loq joq qnang ìh hanoh rìh tiaq ranenh. 25 Èh da mangai diac wì ma khoe lùì aih, i nhèn achih jàiq ka wì haq loq trong nhèn ma khoe òi:

Aih ep dènh ùh khòh acaq dahwèq ma khoe tadreo ka kiac, mahim xam jam cachit ka ùh jah hi hèm. 26 Phaulô hi qnong wì pôn ngai ti haq, trùh hì atiq, haq broq ramènh basròeh ti wì, khoe aih lam ta hnim kùh waiq hu patình ka wì loq trùh hì leq ramènh basròeh men gèh òeq tang ngai jah dèch ramènh. 27 Jò tapèh hì khoe ten diq, i bài mangai Juda, gùng Asi hnoq Phaulô oe ta hnim kùh waiq, wì baxrùq diq dōng mangai ta aih rùp haq, 28 wì cachech creo: Diq dōng ka manai Isorali, drah tùh wiang tacò! Haco raq mangai ma ti hnài jàp jia ka phù cròng òeq tablêq ka mangai bèn, tablêq ka ranenh, tablêq hloe ka nòe kô, jaq haq mech aràng bài mangai Gorec mùt hloe ta hnim kùh waiq broq ka nòe hadròeh ko loh ka pi hruah. 29 Wì majah doe qmang aih, adroe ka aih wì i hnoq Trôphim mangai Êphêsô lam ti Phaulô, wì xoh deh Phaulô khoe qnung haq aih mùt ta hnim kùh waiq. 30 Diq ka mangai gùng aih loh ka tagràng tagrèt, wì tùh loh tagop ti dabau, rùp Phaulô, hrùiq haq qnoh enh gùng ka hnim kùh waiq, khoe èh drah clenh clòng dōng qmōc qmang. 31 Wì qnang ti chaq trong hu jêh òac haq, bàu aih hì trùh don mangai cla craq linh Rôma: Diq ka Jêrusalem khoe manhài dōng. 32 Cla craq linh Rôma drah creo ka linh xam bài cwan tùh lam ngan. Bu hnoq mangai cla craq xam linh haq, wì hi hêq, pi jêh Phaulô hòem. 33 Craq linh hi thia rùp Phaulô, haq thê wì yōc baiq hadrang caxi datoqeq kàt Phaulô, khoe èh haq bōch: Mangai kô ìq cabò? Haq khoe broq loh yiniq cleq? 34 Qnah ngai doe qmang kô, qnah ngai cachech doe qmang tau, hnoq kan manhài qmang aih, haq pi qnì maleq ma joq troq, haq hi thê linh ahlài Phaulô ta òn. 35 Jò Phaulô bu cadiang tót haqmai hnim, linh ep tòng haq majah qmang aih bài wì ta aih xōc hrìn. 36 Pi cajaq cadac mangai ma ti tiaq enh rù, rai tiaq rai cachech: Jêh òac, jêh òac mangai qmat. 37 Jò Phaulô khoe mùt ta òn, haq anoe ka cla qraq linh: “Au ajah anoe òeh toq biaq nà ka ìh? Cla craq linh bōch: “Ìh loq capoch bàu Gorec qmōh? 38 Tàng qmang aih ìh kô ùh xài mangai Êdiptô nèn haq ma broq lîq rai qnung pôn muàn mangai atùng cadàu mùt ta braih kàn qmōh? 39 Phaulô padreo bàu doe: “Au kô mangai Juda, gùng Tatso, oe ta Silisi aih gùng ma i bang i tiang, ìh dōq au jah tapoch biaq bàu ka wì tau. 40 Jò khoe jah bàu enh cla craq linh, Phaulô yòng ajang caloeh hnim, haq hnhè ti

thê wì tamàng. Dìq ka wì oe hatinh, haq capoch ka wì xi bàu Hêbru:

22 “Wì daq xam wì baq, tamàng au anoe hu palem rađeh”. 2 Jò wì tàng haq capoch ka wì xi bàu Hêbru, wì loh đống ka hatinh. Khoe aih Phaulô doe: 3 “Au kô mangai Juda, hauang ta Tatso, trong gùng Silisi mahaq jah yòng kan tacô. Au hóc enh qneq ka Gamalien, tiaq troq ka ranenh boc yaq bèn. Nèh haq, au dìq jaq nhet trong Boc Plinh, qmang ka pì hi kô dìq. 4 Au hmaq ti rùp jêh cadac ka cachit bài mangai ma tiaq Trong kô, rùp clêh gualô xam gucadrì, 5 dìq ka pajàu haqnheq xam wì craq hadrah wiang loq. Au khoe jah jàiq enh wì aih achìh ka oh daq oe ta Đamat, aih nòe au padon lam òeđeq rùp kàt bài mangai ta aih ahlài ta Jérusalem hu baxa wì haq. 6 Au qnang lam ti trong, wop qne hì jò au ten trùh ta Đamat, aih cadoe i kan qngah enh plinh sreo dudan ka au. 7 Au tacro ta taneh, au tàng i bàu capoch ka au: Saulo, Saulo! Hagleq ìh majah rùp baxa au? 8 Au bòch: Chuaq au, ìh kô ìq cabô? Haq padreo bàu: Au raq Jesus mangai Naxaret, mangai ìh qnang ti chaq rùp baxa kô. 9 Wì ma lam ti au hanoh hnoq kan qngah mahaq ùh tàng bàu Mangai ma tapoch ka au. 10 Au bòch: Chuaq au, mandeq kô au ep broq qmang leq? Chuaq doe: drah yòng, mùt ta Đamat, ta aih èh i mangai anoe ka ìh loq rìm trong au ma khoe thê ìh broq. 11 Kan qngah aih qngah picajaq, au loh ka pi xau hnoq, bài bua au ep rùp ti tìc au trùh ta Đamat. 12 I mòeq ngai yiniq haq Anania trùh chaq au, haq aih mangai dìq ka manoh wèq tiaq ranenh, mangai Juda oe ta Đamat dìq manè haq; 13 haq yòng enh ngèa au rai doe: Daq Saulo, qngah hlài mat beq, jò aih raq au jah hnoq hloe Anania. 14 Haq doe ka au: Boc Plinh da kan cadraq bèn, khoe ràih dōq ìh jah loq manoh Chuaq enh, jah hnoq Mangai Taq atōq, èh jah tàng hloe bàu loh enh hacùng haq. 15 Majah qmang aih, kô èh ìh jah yòng enh ngèa bacc ngai hu anoe rìm yiniq ìh ma khoe hnoq khoe tàng, dōq wì loq ka haq, 16 Mandeq kô ìh oe batrò dèh? Ùh drah yòng creo dang yiniq Chuaq òeđeq hu jah baptem hu jah broq hreo deh yiniq lui beq. 17 Jò au ta wìh hlài ta Jérusalem, au qnang waiq khàn ta hnim kùh waiq, au loh ka pi hmàng ka don 18 hnoq Chuaq doe ka au: “Drah loh enh gùng ka Jérusalem ma rênh haq! Majahq qmang aih, bàu ìh ma anoe trùh au mangai tacô

ùh waq tamàng”. 19 au padreo bàu: “Chuaq! mangai gùng kô loq au hmaq lam enh hnim tagop qyoh kô trùh ta hnim tagop qyoh tau rùp clêh rai jêh mangai leq ma lui ìh. 20 Èh hòm jò mahim Êtien, mangai ma lam anoe panhìn dōq wì loq ka ìh, ma ta-ùc au yòng ta aih wiang mòeq manoh ti wì rai wê eo bài mangai jêh đac haq aih. 21 Chuaq doe ka au: “Lam beq, Au thê ìh lam trùh ta mangai diac wì”. 22 Wì aih tàng Phaulô anoe pang aih, wì padinh yòng rai cachech: “Hêq mangai qmang qmat pi oe rong rìh dèh ta crông taneh kô! Haq pi troq ka rìh dèh hòm”. 23 Wì cachech, lèh hwênh dèh eo, caxaiq blo ta haqnheq. 24 Cla craq linh drah thê wì qmùt Phaulô ta đôn. Haq thê wì yóc long roe blai Phaulô òeđeq bòch ngan hagleq bài mangai bacc enh gùng tau majah cachech hrìn ka haq qmang aih. 25 Jò wì qnang hua qnoh Phaulo òeđeq hu blai, Phaulô bòch mangai wèq linh yòng ajang aih: “Tiaq ranenh ìh akhòh jêh mangai Rôma, mangai pì qnhòq chaq hnoq haq aih i qmòe yiniq lui cleq loq ùh? 26 Jò mangai wèq linh tàng qmang aih, haq lam ajang nòe ka mangai cla craq thê haq, haq bòch: “Wùih! ìh qnang padon broq cleq kô ìq? Mangai kô mangai Rôma. 27 Cla craq linh tàng qmang aih, haq lam trùh ajang Phaulô, haq bòch: “Anoe ka au loq, ìh kô ajoq mangai Rôma? Phaulô têu “Jòq”. 28 Mangai cla craq linh doe: “Au cìh ka bacc bacc haraya men jah rot cwiang broq mangai Rôma”. Phaulô têu: “Jò bu hauang au kô khoe mangai Rôma”. 29 Dìq ka mangai ma blai haq, tàng doe qmang aih wì drah wia ka hangai, cla craq linh jò loq ka rađeh khoe kàt mangai diac Rôma, haq crè pi cajaq cleq. 30 Sroq atiq, cla craq linh enh loq ka nhìn hagleq mangai Juda majah enh tah hadah ka Phaulô, haq thê wì lèh caqnaih phaulô, creo dìq ka bài pajàu kàn xam bài craq hadrah trùh ta aih, khoe èh haq qnoh Phaulô loh yòng enh ngèa wì.

23 Phaulô ngan tajang tanòe hadrah rai doe: “Wì oh daq! enh ngèa Boc Plinh au khoe acaq oe dìq ka manoh loq yùq loq iu trùh mandeq. 2 Mahaq Anania, mangai pajàu haqnheq thê wì ma yòng haten aih tep hacùng Phaulô. 3 Phaulô hi capoch ka haq: “Wùih panàt xòn taboc meh, Boc Plinh jêh ìh, ìh hangui òeđeq hu hadrah au tiaq trong ranenh, mahaq ìh ngan ranenh ùh loh cleq, aih ka ìh thê wì jêh au. 4 Bài mangai yòng kênh aih doe: ìh hùà hnáp ka

pajàu Boc plình qmòh! 5 Phaulô padreo bàu: Mangai cla craq linh rùp tì mangai radam aih
 “Wì oh daq, au ùh qnì ka haq qmat broq pajàu lam ta kênh rai bòch: “ìh enh patinh ka au yiniq
 haqnhèq, majah qmang aih khoe i bàu achih: cleq?” 20 Mangai aih doe: “Mangai Juda khoe
 ìh ùh dùh capoch qmèq ka mangai ma wèq mòeq manoh ti dabau òdeq wiang bòch ìh, hì da
 mangai bèn. 6 Phaulô loq ka wì ta aih, qnah aih èh am Phaulô lam yòng enh ngèa nòe hadrah,
 mangai Sadusê, qnah aih mangai Pharisi, haq hi broq tiah qmang ka wì haq ma i yiniq enh bòch
 creo cadêh: “Wì oh daq! au kô mangai Pharisi, panhìn dōq hu loq tam. 21 Mahaq ìh apaq lùì,
 nang noe da mangai Pharisi. Gleq au majah majah qmang aih i loe pôn jàt ngai khoe hatinh
 yòng ajang kô? Aih taiq au lùì i kan rih hlài enh ti dabau chaq trong jêh cadac Phaulô, wì aih
 mangai achih? 7 Haq tapoch qmang aih bu hêq, khoe hapah ka dabau adroe ka jah jêh cadac
 mangai Pharisi xam mangai Sadusê hi loh ka Phaulô, wì haq blinh ùh acaq ùh ôq qmòe cleq,
 tarahen, bài mangai hadrah hi lah broq baiq manoeq kô wì haq khoe padon òdeq gôm toq ìh
 pah. 8 Majah qmang aih mangai Sadusê doe: òq bàu. 22 Cwan cla craq linh am kon mangai
 ùh i ka kan rih hlài, ùh i ka bình plình, ùh i ka radam aih hlài rai tanap: “Apaq anoe ka cabô
 kan kiac taleq, yàng da mangai Pharisi diq lùì i loq bàu ìh neo bahia ka au.” 23 Khoe aih, haq
 trong aih. 9 Bàu tagruàng tagrât èh rai dêh. I creo ka baiq ngai ðaiq ðoiq rai tanap ka wa:
 bài mangai hnài ranenh nang noe da mangai “Hachìn jò mang kô, padon òdeq baiq hrinh
 Pharisi yòng tarahen ka mangai qnoeq, wì doe: ngai linh, tapèh jàt linh kòe axêh, baiq hrinh
 “nhèn ùh hnoq mangai kô i broq cleq ma ùh linh wê jaoq, hu lam ta Sêsarê; 24 padon am
 troq. Cabô ma qnì, broq braiq qnì i kiac i bình ka Phaulô axêh, dōq jah qnung lam ka catèm
 plình qnì khoe capoch tuàng ka haq? 10 kan trùh ta Phêlit cwan haqnhèq. 25 Haq achih ka
 tarahen rai èh rai dêh, cla craq linh yùq trùh cwan aih mòeq araq jàiq, rameh: 26 “Kôlot-
 wì ma hit cadac Phaulô loh baiq, haq thê deh Lysia, achih ka Phêlit cwan haqnhèq, waiq ka ìh
 linh drah loh blah yóc Phaulô enh ti wì aih hu jah kan catèm! 27 Mangai Juda khoe rùp mangai
 ahlài ta đôn. 11 Mang atiq Chuq yòng haten kô hujêh cadac, mahaq au khoe qnung linh lam
 ka Phaulô rai doe: “Apaq yùq! ta Jérusalem ìh blah yóc haq claih enh wì aih, majah qmang aih
 khoe anoe dōq wì loq ka au qmang leq, ta Rôma au tàng doe haq kô mangai diac Rôma. 28 Au
 ìh hadai ep anoe dōq wì loq ka au qmang aih enh loq hagleq wì majah tah hadrah ka mangai
 diq. 12 Trùh qngah, mangai Juda khoe hatinh kô, aih ìq au hi qnoh haq tanòe hadrah da cla
 ti dabau, diq dōng ka wì haq hapah ti dabau wì haq. 29 Au hnoq mangai kô wì tah hadrah ka
 ùh acaq, ùh ôq trùh jò leq khoe jah jêh cadac haq tiaq toq trong ranenh da cla wì aih, mahaq
 Phaulô. 13 Loe pôn jàt ngai ma hatinh qmang ùh lòm i ajang leq ma doe mangai kô troq ka
 aih. 14 Wì lam chaq bài mangai pajàu kàn xam cachit qnì troq ka rùp clêh qnì. 30 Yàng aih au
 bài gucraq wì doe: “nhèn khoe hapah ti dabau hia i wì hatinh chaq trong hu jêh cadac mangai
 ùh acaq qmòe blinh trùh jò leq nhèn jah jêh kô, aih ìq au majah thê haq drah trùh ta ìh. Au
 cadac Phaulô. 15 Mandeq kô xam pì xam wì hadai khoe thê bài mangai tah hadrah ka haq
 craq hadrah, trùh bòch cwan cla craq linh, dōq kô enh anoe cleq aih trùh ajang ìh.” 31 Bài linh
 haq qnoh Phaulô yòng enh ngèa ka pì broq tiah iu tiaq bàu, mang aih raq qnung Phaulô tiaq
 ka pì ma i yiniq enh bòch dōq hu loq tam, èh wì haq trùh ta Anti-batri. 32 Sroq atiq wì dōq
 nhèn khoe rap qmòe ti trong jò haq qnhòq trùh toq linh kòe axêh lam ti haq, bài linh qnoeq
 tacô nhèn khoe jêh cadac. 16 Mahaq, i kon calô aih hi wih hlài ta đôn. 33 Jò linh kòe axêh khoe
 mangai daq cadri da Phaulô loq ka wì hatinh trùh ta Sêsarê, wì yóc jàiq aih dèch am ka cwan
 qmang aih, haq mùt ta đôn, anoe ka Phaulô loq haqnhèq rai jao hloe Phaulô ka haq. 34 Cwan
 adroe. 17 Phaulô creo ka mòeq ngai broq ðaiq haqnhèq ngan jàiq, khoe aih haq bòch Phaulô
 ðoiq, haq doe: “Aràng kon mangai radam kô oe ta tình leq, jò haq bu loq ka Phaulô oe ta tình
 trùh glàm cwan cla craq linh, haq kô i yiniq Silisi, 35 aih haq hi doe: “Jò leq bài mangai tah
 enh patin ka cwan aih. 18 Haq hi qnong mangai hadrah aih trùh tacô, aih èh bři ka au tamàng
 radam aih lam glàm cwan cla craq linh. Mangai ìh. Khoe aih haq thê wì rùp padràng Phaulô ta
 ðaiq ðoiq doe: “Phaulô mangai ma qnang oe tù hnim Hêrot.
 i creo ka au thê au aràng kon mangai radam kô trùh ta ìh, haq kô i yiniq enh anoe ka ìh. 19

24 Atiq ka aih padam hi, Anania mangai pajâu haqnheq xam biaq ngai gucraq lam pajum ti mõe q ngai rabiaq ka capoch acaq, yiniq haq Tectulu, am ka cwan haqnheq jaiq wi haq khoe achi h ðõe q tah hadrah ka Phaulô. **2** Jò khoe cre o ka Phaulô mùt, Tectulu hi doe: **3** “Cwan haqnheq Phêlit, canòm ðeh ka ih nhèn ma khoe jah rih catèm rìm trong, canòm kan rabiaq, kan loq hnoq hangai enh ih bài kan qmè q khoe wia kan lem am ka nhèn, jò leq jò meh yac ka oe taleq dua nhèn toq hmàng toq manè ih. **4** Mahaq ðõe q ùh hiaq pangài hrin ðeh ka ih, broq qmang leq ih hai tamàng da nhèn biaq nà. **5** Nhèn hnoq haq kô mangai enh chaq toq yiniq, toq ti jrô q chiu mangai Juða jà p ta cởng tane h. Haq pagàu bài bua mangai Naxaret, **6** Haq hadai khoe hwaq broq kan amù a ta hnim kùh waiq, dài nhèn ma jah rùp haq, nhèn enh hadrah haq qmat tiaq ranenh cla nhèn. **7** Mahaq Lysia, cwan cla cra q linh, haq aih ngang haraya khoe blah mangai qmat enh tì kởng nhèn. **8** Thê ði q ka mangai hadrah lam glàm qmõe cla ih, manõe q kô cla ih bõch haq qmat beq, aih ih hi loq gle q nhèn majah qnang tah hadrah ka haq. **9** Bài mangai Juða hadai wiang mõe q bầu ka Tectulu, wì doe hiloq qmang aih raq. **10** Cwan haqnheq hnhè tì thê Phaulô capoch, Phaulô padreo bầu: “Au loq ih broq cwan hadrah ta tane h ðiac kô khoe bàc hanam, aih i q dài au majah lem bùi hu capoch cwai h ra ðeh. **11** Ìh ti bõch beq, ih hi loq au neo tởc ta Jerusalem ðõe q kùh waiq, qnhò q tem jah mõe q jàt bai q hi. **12** Wì qnhò q hma q hnoq au tan ðe hnim kùh waiq, tan ðe hnim tagop qyoh, ta roc phò q, tarahen ka cabô ðõe q jrô q chiu thê wì broq manhài. **13** Manõe q kô wì ùh yỏc cle q ale q hu patô am ka ih hnoq ðõe q panhìn bầu wì ma tah hadrah ka au. **14** Enh ngề a cwan, au ùh hangah ra ðeh jo q au kùh wai q Boc Plinh boc ya q nhèn ma lùì ðeh enh nẻh, au lùì rìm bầu achi h ta hset ranenh xam hset pajâu, **15** au hadai lùì tiah qmang ka wì haq ma lùì nẻ ðe Boc Plinh ði q, aih lùì i kan rih hlài da mangai ta q at o q xam mangai ðù. **16** Dài aih i q ra q, enh ngề a Boc Plinh enh ngề a kon mangai au majah àu wẻ q ðeh manoh cliac ðo q haq jah hliang lem. **17** Au arù hangai khoe bàc hanam, au hlài ta Jêrusalem hu qnàng dahwẻ q tabài h am ka oh da q au bài mangai ma pa ðeh, rai ðẻch ramẻnh ka Boc plinh. **18** Jò aih, i bài mangai Juða oe ta gùng Asi hnoq au qnang broq ramẻnh basrẻ ðeh ka ra ðeh ta hnim kùh waiq, ùh i broq cle q lỳ q làn, ùh i mangai enh leq ma bàc. **19** Tàng jo q wì aih i yiniq cle q enh tah hadrah ka au, aih ajo q wì haq trùh anoe enh ngề a cwan kô ma troq. **20** Tàng ùh meh, bài pì ma yòng tacô ep doe beq, pì khoe hnoq au i broq yiniq cle q ùh troq jò au yòng tan ðe hadrah da mangai Juða, **21** enh gùng ka mõe q bầu au ma khoe capoch ðẻh enh ngề a wì haq: Hì kô au majah ep yòng ajang kô tamàng bầu pì bõch aih tai q au lùì kan rih hlài da mangai cachit. **22** Phêlit khoe loq Trong Phaulô ma anoe aih, dài haq majah taqnhù a, haq doe: “Hẻ q gỏm jò leq Lysia mangai cla cra q linh trùh tacô, bừi ka au tamàng yiniq kô”. **23** Khoe aih, Phêlit thê mangai ðai q ðôi q rùp ðõe q Phaulô maha q ep am haq jah lam hlài ðeh toq biaq, apa q tàt bài bua Phaulô jò wì lam hmài h rai aràng ka haq dahwẻ q haq ma i yiniq wa q. **24** Bia q hì atiq ka aih, Phêlit xam ðorusi cadrì haq, aih mangai Juða, trùh thê wì cre o ka Phaulô, tamàng haq anoe trùh kan lùì nẻ ðe Chua q Jesus Christ. **25** Mahaq jò tàng Phaulô anoe trùh kan ta q at o q, kan loq wẻ q ra ðeh xam kan hadrah hì atiq, Phêlit cre ð picaja q, haq doe: “Hẻ q hì kô anoe pang kô ra q, gỏm hì qnoe q au ðòh au hi cre o ònh”. **26** Phêlit hadai toq tangẻh ka Phaulô am ka haq bàc jẻn, dài haq majah ti hawet cre o capoch tuàng yỏt ka Phaulô. **27** Bai q hanam atiq ka aih, Bôti u-Phêtu trùh broq thai ka Phêlit. Tai q Phêlit enh yỏc manoh mangai Juða dài haq majah ùh caqnai h Phaulô.

25 Phêtu broq tình truang bujah pi q hi, haq loh enh Sẻsarẻ tởc ta Jerusalem. **2** Ta aih, i bài mangai pajâu kàn, bài gucraq da mangai Juða trùh enh ngề a haq hu tah hadrah ka Phaulô, **3** Wì haq àu bõch cwan Phêtu caqnai h Phaulô hlài ta Jêrusalem, majah qmang aih wì haq khoe hatinh ka dabau jẻh ca ðac Phaulô jò haq qnang lam ti trong. **4** Mahaq Phêtu doe “Phaulô, wì oe ra q clẻh ta Sẻsarẻ”, cla au kôẻh hadai ep haqn an ka hlài ta aih, **5** manõe q kô pì yỏc bia q ngai gầu gucraq lam ti au, tàng jo q mangai aih i broq cle q ùh troq, aih pì hi paqnoh. **6** Phêtu oe ti wì loq jah rahem hì ùh mỏe q jàt hì, khoe aih haq ta wìh loh Ta Sẻsarẻ, sro q atiq haq hangui nẻ ðe hnim hadrah, haq thê wì qnoh Phaulô loh yòng enh ngề a haq. **7** Phaulô bu trùh, bài mangai Juða ma loh enh Jêrusalem khoe tùh yòng ðudan ka haq, wì yỏc bàc trong tapoch cheo ðõe q taqmỏ q yiniq

lui ka haq, mahaq ùh i cleq òdeq hu panhìn bài bàu aih. **8** Khoe aih Phaulô hi anoe òdeq cwaih raðeh: “Au qnhòq lah broq cleq ùh troq, broq cleq ma pagau ka ranenh mangai Juda, pagau ka hnim kùh waiq, pagau ka Sêsa.” **9** Mahaq Phêtu enh lem ka manoh mangai Juda haq bòch Phaulô: “Ìh i enh tồc ta Jêrusalem òdeq hadrah bài yiniq kô enh ngêa ka au loq ùh?” **10** Phaulô padreo bàu doe: “Mandeq kô au yòng nòe hadrah yiniq da Sêsa, au waq ka jah hadrah ta aih, au ùh i broq yiniq lui cleq ka mangai Juda, yac ka ìh hadai khoe loq. **11** Tàng joq au i broq yiniq lui cleq ma troq ka cachit, au ka ùh chuiq ka cachit. Mahaq tàng joq bàu wì mangai Juda ma tah hadrah ka au ùh joq qnàng, ùh i cabô jah rùp au am ka wì haq. Au dang trùh ta Sêsa.” **12** Phêtu hatinh ka bài mangai wiang hadrah, khoe aih haq hi doe: “Ìh khoe creo dang Sêsa, aih èh ìh jah trùh ta Sêsa”. **13** Bìaq hì atiq ka aih, bùa Aripba xam Bêrêsit, wa lam trùh ta Sêsarê òdeq hmàih ka Phêtu. **14** Wa haq oe ta aih bacc hì, Phêtu hi anoe ka bùa loq trong yiniq da Phaulô. Haq doe: “Tacc i mòeq ngai cwan Phêlit khoe clêh òdeq. **15** Jò au tồc ta Jêrusalem, bài mangai pajàu kàn xam bài gucraq da mangai Juda trùh hu tah hadrah ka haq aih, wì àu thê au dèch taqmòq tuiq ka haq. **16** Au hi doe: Mangai Rôma ùh taqmòq yiniq lui ka cabô, jò mangai aih qnhòq yòng enh ngêa bài mangai tah hadrah ka haq òdeq hu capoch cwaih raðeh. **17** Jò wì aih lam tiaq au trùh tacô, au hadai ùh batrò, sroq atiq au khoe thê qnoh mangai aih òdeq hu hadrah. **18** Bài mangai ma tah hadrah khoe tòm dõng, mahaq ùh lòm i qmòe yiniq cleq ma wìa ka taqmòq ka haq tuiq troeq au ma hèm dèh ta manoh. **19** Wì toq tapoch rahen ka haq toq trong ðaoq da cla wì, èh ràu trùh mòeq ngai khoe cachit yiniq haq Jesus, mahaq Phaulô dua rahen: Haq aih oe rih. **20** Wì tarahen deh qmang aih, au pì qnì tiaq da ma leq, dài au ma hì bòch cla Phaulô i enh tồc ta Jêrusalem òdeq tamàng wì hadrah ta aih loq ùh. **21** Mahaq cla Phaulô khoe dang waq ka jah wì hadrah haq enh ngêa ka Sêsa. Au khoe thê wi clêh haq òdeq gòm trùh hì aràng haq ka Sêsa. **22** Bùa Aripba anoe ka Phêtu: “Au hadai enh tamàng bàu mangai aih.” Phêtu doe “Sroq èh ìh hì jah tamàng haq aih”. **23** Sroq atiq bùa Ariba xam Bêrêsit nhòm nhình cadiang mùt ta hnim hadrah hangui ti bài cwan linh xam wì gucraq gùng aih, Phêtu hi thê wì qnoh

Phaulô. **24** Khoe aih Phêtu doe: “Bùa Ariba xam ðiq ka pì i mat tacô, pì ðiq hnoq mangai kô, taiq haq kô ðiq ka mangai Juda oe ta Jêrusalem xam mangai oe tacô majah khoe lam canòm ka au, wì doe: “Apaq ðôq haq rih hòm”. **25** Mahaq au khoe ti chaq ngan ùh hnoq haq i yiniq lui cleq ma troq ka cachit, cla haq hadai khoe creo dang trùh ta Sêsa, Au hèm kô èh au aràng haq ka Sêsa. **26** Mahaq au ùh qnì yóc cleq òdeq achih hu anoe ka Sêsa, hì kô au qnoh haq loh enh ngêa pì, ajang kô i bùa Ariba, aih joq pì i cleq yeo loe hòm, òdeq bòch haq, khoe aih au men i yiniq òdeq hu achih ka Sêsa. **27** Majah qmang aih, au hèm qnung mòeq ngai broq yiniq lui mahaq ùh anoe hloh trong wì ma tah hadrah ka haq, aih ajoq kan taliq talàn.

26 Khoe aih bùa Ariba doe ka Phaulô: “Ìh jah capoch òdeq hu cwaih raðeh”. Phaulô qnhè tì ka wì, khoe aih haq anoe qmang kô: **2** “Bùa Ariba, joq lem ka au hì kô jah yòng enh ngêa ìh òdeq hu capoch palem raðeh khoe ka rìm trong mangai Juda ma tah hadrah ka au, **3** majah qmang aih ìh loq joq qnàng trong mangai Juda rih acaq xam kan wì haq loq tarahen dàng leq. Aih ìq au majah ngèh ìh ran àt hu tamàng au anoe. **4** Enh qyoh nèh raq, au rih acaq qmang leq, mangai Juda oe tagùng cla au xam mangai Juda oe ta Jêrusalem ðiq loq. **5** Wì loq ka au khoe dùnh tàng joq wì ma waq anoe biaq ka au, au kô mangai Phariasi, au tiaq ðaoq aih yeo nhet ðiq dõng ka wì qnoeq. **6** Mandeq kô, taiq tangèh ajang bàu Boc Plinh ma khoe têu am ka boc yaq nhèn au majah ep yòng nòe hadrah kô, **7** Mòeq jàt baiq xinoe Isorali nhèn yóc ðiq ka manoh kùh waiq Boc Plinh, xam dahì xam damang, toq tangèh ka bàu aih jah pagèh. Bùa Ariba ôi! taiq kan tangèh aih mangai Juda majah tah hadrah ka au. **8** Wùih! Ji lai q pì mahèm Boc plinh broq mangai cachit rih hlài ùh jah qmòh? **9** Au hadai khoe lah hèm ta manoh ep broq bacc trong òdeq hu tablêq hlài ka yiniq Jesus mangai Naxaret. **10** Joq qnàng au khoe broq qmang aih ta Jêrusalem. Au jah cwiang enh bài pajàu kàn, au rùp clêh bacc ngai hadrèh, èh hòm jò wì ma jêh cadac bài mangai aih, au hadai mòeq manoh ti wì. **11** Bacc yàng au lam enh hnim tagop qyoh kô trùh hnim tagop qyoh tau, hujêh wì, thê wi tapoch qmèq ka Boc plinh. Au nòeh oe i jaq cleq au ti chaq rùp wì haq trùh hloeh tanòe diac wì. **12** Qmang aih, jah cwiang enh bài pajàu kàn, au

tốt ta Đamat, jò qnang lam ti trong, **13** wop qne hì, au hnoq i kan qngah loh enh plình, qngah ùh hnau ka mat mahì sreo dudan ka au xam bua au. **14** Điq ka nhèn tacro đống ta taneh, au tàng i bầu capoch ka au xi bầu Hêbru: “Saulo, Saulo! hagleg ìh majah ti rùp baxa dèh ka au? ìh đaq ta long hin aih habo ka cla. **15** Au padreo bầu “Craq au! ìh kô cabô”. Haq doe” Au kô Jesus mangai qnang ti chaq rùp. **16** Mahaq drah rai yòng beq! Majah qmang aih au khoe loh ti ìh òeq thê ìh broq mangai patih rai anoe đq wì qnoeq loq rìm yiniq ìh ma khoe hnoq xam bài yiniq au padon patô ka ìh. **17** I au caqnaih ìh loh khoe ti kống mangai gùng kô xam mangai diac wì nòe Au thê ìh lam, **18** òeq hu pèch mat wì haq, đq enh nòe clam cluiq wì haq jah atóc tanòe qngah qngai, enh caqnàm Satan wì haq jah trùh ti Boc plình, jò manoh wì haq lùì ajang au wì haq jah kan caqnaih yiniq lui, hadai jah kùng hang ti bài mangai khoe jah barsòeh. **19** Pang aih, bùa Ariba ôi, au pi hùà tablêq ka kan mahnu enh plình, **20** baxèm aih au anoe ka mangai oe ta Đamat, atiq aih anoe ka mangai oe ta Jérusalem, xam điq đống gùng Jiudê, khoe aih trùh mangai diac wì, au hnài wì ep loq raxach òeq hu tawìh hlài ti Boc Plình, khoe aih broq trong lem òeq patô joq qnàng wì haq khoe raxach. **21** Aih iq, dài haq mangai Juda majah rùp au ta Hnim kùh waiq rai àu jêh cadac hloe au. **22** Mahaq rìm hì Boc plình wèq, trùh hì kô au jah yòng ajang kô òeq anoe panhìn ka mangai qyoh xam mangai gucraq, au ùh anoe cleq enh gùng ka bầu bài pajàu xam Môise khoe anoe bài bầu aih jah trùh. **23** Aih Christ ep xalep, haq rìh hlài adroe điq đống ka mangai cachit, aràng am kan qngah ka mangai bèn xam mangai diac wì.” **24** Phaulô qnang cwaih rađeh qmang aih, Phêtu tapoch cadêh òeq pot bầu haq: “Phaulô ìh qmat hóc bəc hrìn khoe loh ka ranhùà.” **25** Phaulô padreo bầu: “Cwan kàn Phêtu, au ùh i ranhùà, bầu au anoe aih điq troq điq joq qnàng”. **26** Yac ka bùa hadai loq trong kô, dài au ùh xa cleq anoe ka ìh, majah qmang aih i cleq bùa ùh qnì, rìm yiniq aih ùh i broq ta hanàp clam. **27** Bùa Ariba, ìh alùì bài pajàu ùh? Au loq ma joq qnàng aih ìh lùì”. **28** Bùa Ariba doe ka Phaulô “Oe toq xit hòm ìh khoe thê au wìa mangai tiaq hóc da Christ”. **29** Phaulô doe: “Waiq Boc Plình, ùh rênh èh adia, ùh xài mòeq ngai bùa mahaq điq đống ka mangai tamàng au hì kô, jah wìa tiaq ka au,

enh gùng ka hadrang kaxi datoeq kô raq”. **30** Bùa padinh yòng, cwan tình truàng, Bêñêphit xam điq ka wì ma haqngui ta aih hanoh qmang aih. **31** Jò khoe loh enh gùng, wì haq ta anoe ka dabau: “Mangai kô ùh i broq cleq ma troq ka cachit troq ka clêh haq.” **32** Bùa Ariba doe ka Phêtu: “Mangai kô troq ka caqnaih, apaq haq ma khoe creò dang trùh ta Sêsa”.

27 Jò khoe hatinh, nhèn ep lam trong diac raxiq òeq trùh ta diac Itali, wì hi jao Phaulô xam bài mangai oe tù maqnoeq hòm ka mòeq ngai cwan lình yiniq haq Juliut, aih cla craq lình wèq bùa kàn. **2** Nhèn tót mòeq toq boang trùh enh Atramit padon lam bəc tình ti kênh diac raxiq Asi, loh lam enh aih i Aritac mangai Maxêđoan oe ta Têsalônica lam ti nhèn. **3** Hì atiq nhèn trùh ta Sidôn, Juliut aih mangai lem manoh, haq am Phaulô lam hmài h dèh bài bua, đq wì aih jah taqmroq palauq ka Phaulô bài dahwèq haq ma qnang nan. **4** Enh aih, nhèn lam tiaq haqmai pleo Chipro, majah qmang aih glàm cayeo tăt qngèa. **5** Jò nhèn lam khoe catech diac raxiq Silisi xam Bampihili, nhèn trùh ta Mira oe ta Lysi. **6** Ta aih, cwan lình hnoq mòeq toq boang enh Alecxantri lam pagat gùng Itali, haq am nhèn tót boang aih. **7** Boang cadàu adia, bəc hì men trùh ta Conit. Cayêu dèh hrìn boang ùh jah mùt tago, nhèn ep lam ti haqmai pleo Coret, tangèa ka Samôn. **8** Lam qmòe caxa roc haqmai diac qmang aih. Nhèn men trùh mòeq nòe wì creò dèh “Vinh boang lem”, haten ka Lasê. **9** Bəc hì boang cadàu glàm kan yat (khoe điq ka jò apàm ka acaq), Phaulô pariaq bài mangai taboang, **10** haq doe: “Oh đaq! Au hnoq bèn lam boang yàng kô glàm kan yat, ùh xài hnhung toq ka hang ka boang mahaq yat hloe trùh cla. **11** Mahaq mangai cwan lình lùì bầu mangai wèq boang ùh hnau ka bầu Phaulô. **12** Ta aih ùh lem ka boang achàt oe clech ka ralim, bəc ngai wiang hatinh ep loh ma khoe enh aih, hèm dèh ran trùh ta Phênit oe ta aih clech ka ralim, aih nòe achàt boang da pleo Corêt, nòe kô i baiq trong boang hu mùt mòeq aih ta ngèa pah qma mahì loh, mòeq aih pah qngo mahì clìh. **13** Jò cayêu enh apah qma mahì loh bu hlui, wì hèm dèh jah trùh tanòe wì ma enh lam, wì drah dèch glêh boang, lam tiaq haqmai pleo Corêt. **14** Atiq ka aih toq biaq, i kan cayeo bahùt dèh, yiniq cayeo Aquilôn rapàt cadêh tót ta pleo. **15** Bahùt hlui

boang talùi ka hangai, ùh hlàt tablêq ka cayeo nhên hi mac maiq ka cayêu qnung. 16 Cayêu qnung boang trùh ta mòeq toq pleo qyoh yiniq haq Clôđa, xalep haraya men jah dèch boang qyoh atôc ta boang kân. 17 Jò khoe jah dèch atôc, nhên yôc kaxi griaq tap dan caqnam haq ka cajap. Khoe aih yùq boang loq hlac nòe braih Siroto, nhên hi caqnih glêh boang ta diac, khoe aih dôq daiq cayeo tàih boang taleq tameh. 18 Trùh hi da èh, bahùt dèh mòeq jaq, wì khwênh caqnih bài hang ta diac rasiq. 19 Trùh hi piq, tì kông cla nhên caqnih bài hang ta diac. 20 Bâc hi qmang aih ùh i ka mat mahi, ùh i ka halông, bahùt ùh dùh ka rangep, nhên loh ka pi i cabô ma oe ùac ka jah rih. 21 Wì ùh acaq khoe dùnh, Phaulô yòng enh ngèa wì aih, haq doe: “Dìq ka oh daq, adroe nêh tàng pì waq tamàng bàu au, apaq loh enh Corêt, aih bèn khoe ùh hiaq glàm kan habo qmang kô. 22 Mahaq mandeq kô au anoe dôq pì ùh hiaq yùq, majah qmang aih dìq ka pì ùh i cabô cachit, toq boang ko èh ma hnhung. 23 Mang ìq, mòeq bình plình da Boc plình au ma patih i loh doe ka au: 24 Phaulô apaq yùq! ìh ep yòng enh ngèa Sêsa, hacô Boc Plình khoe am ka ìh kan rih da bài mangai ma lam ti ìh. 25 Qmang aih, dìq capì cajap manoh oq, majah qmang aih au i kan lùì Boc Plình, kô èh rìm yiniq wop tiah ka bàu haq khoe anoe”; 26 bèn jah tồc tapleo leq qnhòq qnì. 27 Khoe mòeq jàt pôn mang, boang nhên oe raq hiu liq làn ta diac raxiq Adri-atic, trùh qne mang, wì xoh òeh khoe ten trùh tago. 28 Wì caqnih mòeq hadrang caxi òeq nhro ngan, hnoq jrùq oe jah baiq jàt plaih, hangai tam toq biaoq, wì caqnih hòm hnoq jrùq bu mòeq jàt padam plaih. 29 Jò aih yùq boang loq glàm hmo, enh cloh boang wì caqnih pôn toq glêh mem loh ta diac, khoe aih toq waiq ka trôc drah qngah. 30 Mahaq, ta boang i mangai enh cadàu claih toq ka radeh, wì haq enh caqnih boang qyoh patiah òeh lam ngan glêh mem enh ngèa boang, 31 Phaulô doe ka cwan craq lình: “Tàng joq bài mangai qmat ùh oe taboang, dìq ka pì ùh i mangai leq jah rih. 32 Bài lình kat cadac caxi grap boang qyoh dôq haq clìh tadiac. 33 Jò oe gòm trôc qngah, Phaulô pariaq wì acaq. Haq doe: “Hì kô khoe mòeq jàt pôn hì pì toq ngèh gòm ùh dùh i acaq toq xit cleq. 34 Mandeq au pariaq pì drah acaq, broq qmang aih dôq pì i padren, majah qmang aih dìq ka pì ùh i mòeq ngai leq ma hnhung mòeq hadrang xac gàu. 35 Anoe qmang aih hi

khoe, haq yôc bênh, manè apôi Boc plình èh hi goh hu acaq. 36 Qmang aih, mangai leq mangai meh jah kan alông, wì hi paran dabau acaq. 37 Dìq ka nhên ma oe ta boang jah baiq hrinh tapèh jàt tadrâu ngai. 38 Jò khoe panàc dìq jaq, wì caqnih dõng dahwèq acaq ta diac dôq boang pi hiaq trap. 39 Jò trôc hi qngah, wì ùh canau ka radeh oe ta taneh leq, mahaq hnoq vình i braih ta kênh, wì hatinh ka dabau tàng jah chaq trong qmùt boang ta aih. 40 Qmang aih wì hi kat caqnih ðac caxi kàt boang tadiac raxiq, lêh caxi wì ma kàt long loeq boang, hi khoe ka aih caqnih bai boang dôq cayeo hlui boang tồc tago. 41 Mahaq boang cadàu glàm ataq nòe diac ma daxrùp, boang hi hlac, mùh haq hatàp ta braih pi jah tadroq, diac lai laq dèh tep ta cloh boang padah padech dõng. 42 Bài lình enh jêh ðac dõng mangai tù, majah qmang aih yùq i mangai ma loq glài èh wì loq claih. 43 Mahaq mangai cla cwan lình, enh wèq Phaulô, dài haq majah tât ðac trong aih. Haq thê dìq ka mangai leq loq glài aih chôn hadrùc ta diac hu glài mùt tago, 44 mangai ma qnoeq aih capùng ka capiac long ban, ka hanech boang. Qmang aih rìm ngai jah tồc tago ka catèm.

28 Jò khoe jah tồc tago ka catèm qmang aih, nhên men loq pleo aih yiniq haq Manta. 2 Mangai ta pleo aih ðìh nhên joq laq alàng joq qnàng. Wì haq baxù tanùh ùnh, pachùh dìq ka nhên qnhia majah qmang aih trôc mè rai tanget. 3 Phaulô yôc moeq ha-om ra-ùnh tah ta tanùh, i moeq toq bìh plông, loh enh ra-ùnh tôq aih ðuban tì haq. 4 Mangai ta pleo aih hnoq bìh kap atua ta kông Phaulô, wì doe ka dabau “Mangai kô joq mangai jêh mangai joq qnàng, hacô yac ka khoe jah dèch enh diac raxiq, mahaq trôc ma taq ataq dua ùh rong haq rih”. 5 Mahaq Phaulô da arêh bìh aih clìh ta ùnh, cla haq ùh i troq cleq. 6 Wì hèm kông haq aih èh ðic tablù cadeh, tàng ùh meh dìq tacro taqneq cachit hloe, mahaq gòm khoe dùnh ùh i hnoq haq troq cleq, ta manoh wì hèm trong qnoeq hòm, wì doe ka haq kan kiac. 7 Ten aih i ðùng ruàng da Bupliu, cla craq pleo aih, haq aih ðìh nhên mùt deh ta hnim, qmì nhên acaq piq hì. 8 Baq haq ùh hrôc ta aniang, rai tacat rai jìq cliac keo. Phaulô mùt tìn haq, khoe ka waiq khàn yôc tì bèq chac haq òeq broq brêh ka haq. 9 Hnoq qmang aih, bài mangai ùh hrôc ta aih dìq trùh ti Phaulô, dìq ka wì hadai jah

brêh. 10 Wì loq ta- iu nhên bacc trong, trùh jò padon lam, wì palauq am ka nhên bacc dahwèq nhên ma nhet ka waq. 11 Piq khê atiq ka aih, nhên tacc boang trùh enh Alecxantri, jò ralim boang kô khoe oe ta pleo aih, yiniq boang kô Điolkua. 12 Trùh ta Sira-cuso, nhên oe tacô piq hì. 13 Enh aih, nhên boe tiaq roc haqmai diac raxiq Siliso, trùh ta Rêgium. Hì da èh rameh, i cayêu enh pah qma mat mahì loh hlui dèh, dài haq baiq hì hòm nhên hi trùh ta Buxôlo. 14 Ta aih, bài oh daq pachùh nhên oe ti wì tapèh hì, khoe aih nhên hi trùh ta Rôma. 15 Oh daq ta aih hìa nhên trùh, enh nòe hangai wì haq lam trùh ta Phôrum Abiu lam ajang nòe Piq Hnim ðeqq hu ðih nhên. Bu hnoq oh daq, Phaulô manè apôi Boc Plinh, manoh haq jah tam kan cajap. 16 Jò nhên trùh ta Rôma, wì am Phaulô jah oe crài, i mòeq ngai lình wèq haq. 17 Piq hì atiq ka aih, haq creô ka bài gucraq mangai Juda trùh tagop ti haq, jò wì khoe trùh haq doe: “Oh daq au. Yac ka au qnhòq lah broq cleq ðeqq tablêq hlài ka mangai bèn, broq cleq ma pagau hlài ka trong ranenh rih acaq da kan boc yaq bèn, mahaq ta Jêrusalem wì rùp au am ka mangai Rôma. 18 Wì aih khoe hadrah ngan au, wì enh caqnaih au, majah qmang aih au ùh lòm i broq qmòe yiniq lui cleq ma troq ka cachit. 19 Mahaq mangai Juda ùh waq qmang aih, dài au majah dang trùh ta Sêsa, ùh xài au enh tah hadrah ka mangai bèn. 20 Dài aih raq, au majah enh glàm ðeh pì oh daq ðeqq hu anoe ðeh ka pì, taiq kan tangèh da mangai Isorali au majah ep bac wê caxi dateoq kô”. 21 Wì aih têu bàu: “Nhên qnhòq i hnoq moeq araq jàiq leq enh Judê trùh ta nhên, ùh i cabô lam anoe cleq ka nhên, èh hadai ùh i mangai leq capoch qmèq cleq ka ìh. 22 Mahaq nhên enh jah loq ìh hèm qmang leq, majah qmang aih nhên loq ðiq ka mangai oe taleq tameh qnang tablêq ka ðaoq kô”. 23 Khoe tanap hì ka haq, wì bacc ngai trùh tanòe haq oe, enh sroeh sroq trùh clam, haq toq anoe patô rai hnài wì loq ka diac Boc Plinh, yôc enh ranenh Môise xam bài pajàu ðeqq hu àu waq ka wì lùl Chuaq Jesus. 24 I mangai lùl bàu haq anoe, i ngai ùh lùl. 25 Pi mòeq manoh ka dabau wì hi loh hlài, dài qmang aih Phaulô capoch tam bàu kô: “Bàu Yeang Hadròeh khoe anoe joq troq, jò haq canòm ka pajàu Êsai ðeqq hu doe ka boc yaq pì 26 Drah trùh nòe bài mangai kô ðeqq hu doe: Pì yôc don tamàng mahaq ùh qnì tàng cleq; Yôc mat ngan mahaq ùh hnoq cleq. 27 Majah

qmang aih, wì haq khoe trap manoh; Wì caxet don, Caqnhip clong mat. Yùq ðeh mat loq hnoq, Don cla loq tàng, Manoh loq hèm, Wì wih hlài Èh Au loq broq ka wì jah brêh qmòh. 28 Qmang aih, au enh pì loq kan ðèch ðech da Boc Plinh khoe aràng am ka mangai diac wì, wì aih èh ma tamàng, 29 Khoe ka Phaulô capoch qmang aih, mangai Juda loh enh gùng rai tarahen ka dabau oe i jaq cleq. 30 Phaulô oe wop baiq hanam, ta hnim haq ma clih ka bac ðeqq hu oe ðò. Haq ðih ðiq ðong mangai leq lam glàm haq. 31 Haq cajap manoh ðeqq anoe ka wì diac Boc Plinh, hnài wì loq ka Chuaq Jesus Christ, pi oe i cabô khech tât hòm.

RÔMA

1 Phaulô hapõng da Jesus Christ, khoe jah creo broq mangai Tiaq cla, khoe jah lah ðòeq crài hu anoe Bàu lem da Boc Plinh, **2** aih Bàu lem enh nèh raq Boc Plinh khoe têu adroe ajang wì pajàu ta hset hadròeh, **3** ràu trùh kon da haq, tiaq xech akia aih hauang loh enh nang noe bùa Ðawit, **4** tiaq yang da kan hadròeh, taiq haq khoe rìh hlài enh kan cachit, aih ma khoe jah nhìn haq joq kon Boc Plinh i cwiàng i tai, aih raq Chuaq Jesus Christ, Chuaq da bèn, **5** canòm ka haq xam yiniq haq aih, nhèn ma khoe jah waq kan tabàih dech, jah broq mangai tiaq cla, ðòeq creo ðiq ka mangai rìm diac qnoeq trùh ajang kan loq iu da manoh lùì, **6** ta bài mangai aih, oh daq hanoh khoe jah creo enh cla Chuaq Jesus Christ; **7** gòe ðiq ka mangai Boc Plinh ma loq waq deh oe ta Rôma, jah creo broq mangai hadròeh. Waiq ðiq ka oh daq jah waq kan tabàih dech, jah kan catèm enh Boc Plinh, aih Baq bèn, xam enh nòe Chuaq Jesus Christ! **8** Adroe ðiq ðõng aih, canòm ka Chuaq Jesus Christ, au manè apôi Boc Plinh majah qmang aih manoh lùì da oh daq khoe jah anoe hlài jàp jĩa ta cõng taneh. **9** Boc Plinh au ma patih ðiq dèh ka manoh ti ajang anòe au ma anoe Bàu lem da kon haq, hadai wiang panhìn au ùh lah hêh ka ràu trùh oh daq. **10** Rìm yàng jò au waiq khàn, au waiq khàn tàng ùh manòeq kô dua hì atiq èh tiaq manoh Boc Plinh, pèh am trong au jah trùh ta oh daq. **11** Joq qmang aih, au toq tangèh jah trùh hmàih ka oh daq, ðòeq hadai jah pajùm kan tabàih yang ti oh daq, ðòq oh daq rai èh rai cajap, **12** aih iq, au oe qne oh daq, ðòeq hadai bèn wiang parõng manoh dabau jah tadèh pajùm ta manoh lùì bèn, aih manoh lùì da oh daq xam da au. **13** Au ùh enh ðòq oh daq ùh qnì, bacc yàng au khoe padon lam hmàih ka oh daq ðòeq hu jah wiang git plì ti oh daq xam mangai diac wì mahaq i kan khech tât au trùh manòeq. **14** Au pòq dòeh mangai Gorec xam mangai ùh xài mangai Gorec, mangai rabiaq xam mangai blùng. **15** Aih iq dài au majah toq enh anoe Bàu lem am ka pì oh daq, aih mangai ma rìh oe ta Rôma. **16** Joq au ùh camaih ka Bàu lem majah qmang aih, aih raq kan itai da Boc Plinh ðòeq dèch rìm ngai ma i manoh lùì, adroe aih ka mangai Juda atiq aih ka mangai Gorec; **17** Majah qmang aih, enh

trong ka Bàu lem kô khoe mahnu kan taq atòq da Boc Plinh, xi manoh lùì men jah, èh ajèn trùh ta kan lùì hòm, qmang ka bàu ma khoe achih: “Mangai taq atòq rìh xi manoh lùì”. **18** Qmang aih, kan nòeh da Boc Plinh khoe mahnu enh plinh tablêq hlài ka rìm trong ùh qnì iu yùq xam kan ùh taq atòq da bài mangai yòc kan ùh taq atòq ðòeq padit trong joq qnàng. **19** Majah qmang aih, yiniq cleq hu ðòq wì jah loq ka Boc Plinh, ðiq khoe paqnoh ka wì, Boc Plinh khoe patò ka wì, **20** majah qmang aih kan geo da haq mat bèn ùh xau hnoq, aih la kan itai mòeq ðòe xam manoh haq, enh jò baxèm broq plinh cõng taneh khoe dayinh qmòe tiah ka mat hnoq, jò wì ti ngan yiniq broq da haq. Aih iq dài wì ma pi jah aclai raðeh, (aïdios g126) **21** majah qmang aih yac ka wì loq ka Boc Plinh mahaq wì ùh waq broq qngah yiniq haq aih Boc Plinh, èh hadai ùh waq manè apôi haq, ti tiaq toq trong ùh loh cleq xam manoh blùng bình toq kan clam cluiq. **22** Wì doe ðeh rabiaq, mahaq loh ka ratùt. **23** Wì haq khoe halih kan ranhòm ùh lùch da Boc Plinh yòc radua qmù loq hnhung lùch da kon mangai, da chìm, da ngè rìh tagùng, da ngè loq moq ta taneh. **24** Aih iq, Boc Plinh majah ðòq da wì haq clih deh ta kan amùa qmang ka manoh cla wì haq ma enh, loh qmòe ka broq kan camaih hloe deh ka chac cla. **25** Wì haq halih trong joq qnàng da Boc Plinh, ðòeq yoc kan amòng, kùh waiq rai patih ka bài ngè Boc Plinh ma broq loh, ùh kùh waiq Boc Plinh ma broq loh bài ngè aih, aih Boc Plinh bèn ma khòh manè apôi mòeq ðòe! Amen. (aïon g165) **26** Taiq ajang raq Boc Plinh majah hi ðòq da wì haq tiaq trong tango anang jiang ka camaih, taqne wì haq, gucadrì pi rìh hatiaq ma troq trong, wìh tiaq trong ùh troq. **27** Gucalô hadai qmang aih cadac trong gucadrì gucalô, tiaq trong ùh troq aih toq ti enh ka dabau, hadai gucalô aih waq ka dabau, èh cla wì haq hi ep pòq dèh kan baxa aih. **28** Ùh hnau ka aih hòm, pàng wì haq ùh nhet chaq canau ka Boc Plinh, aih iq Boc Plinh majah cadac wì tiaq dèh manoh ùh wia, ðòeq broq toq trong ùh loh cleq. **29** Wì bình toq kan ùh taq atòq, kan ðuc, kan plai, ratauq, toq kan tagit, jêh ðac mangai, talech, loq qnùt, loq nòeh; **30** tapoch dech, tapoch qmèq ka dabau, git ka Boc Plinh, da hadiàc, padèch raðeh, catèh, rabiaq trong dù, ùh iu bàu miq baq; **31** blùng, ùh qnì wèq dèh bàu, ùh qnì tamèt, ùh i manoh loq waq. **32** Yac

ka wì loq ka Boc Plình taq ataq i doe: mangai leq broq bài yiniq qmang aih troq ka cachit, aleq ma xài toq wì haq broq hi hêq, mahaq wì ti baxrùq tam mangai qnoeq broq qmang aih diq.

2 Qmang aih, ìh qmat mangai ma toq ti tah hadarah tau, yac ka ìh qmat cabô ùh dèh, waq toq ìh hi hadrah mangai qnoeq aih èh ìh pi jah cwaih rađeh hòm, majah qmang aih jò ìh tah hadrah ka wì qnoeq, aih ìh hadai tah hadrah ka cla rađeh, ìh tah hadrah ka wì mahaq cla ìh hadai broq qmang ka wì. **2** Manđeq kô, bèn loq kan hadrah da Boc Plình am ka bài mangai broq yiniq qmang aih, aih joq troq tiaq bàu joq qnàng. **3** Wùih! mangai ma toq ti hadrah ka bài mangai broq qmang aih, mahaq cla hadai broq ùh troq, pì loq xoh cla pì claih ka kan hadrah enh Boc Plình qmòh? **4** Ahiaq ìh ùh dèh dèm đac kan loq waq bình halùih, kan loq àt, kan ùh manaq da haq, loh ka pi qnì canau kan loq waq da Boc Plình ma aràng ìh trùh ajang kan loq raxach ùh xài? **5** Taiq manoh ìh cadoq, ùh raxach, aih ìh chàu pabình đòeq ka rađeh kan nòeh ta hì mahau atiq kô èh, jò kan hadrah taq ataq da Boc Plình mahi trùh, **6** jò aih, Boc Plình hi am hlài da tang ngai tiaq tang yiniq wì ma broq: **7** Mangai leq cajap manoh broq trong lem, chaq kan qngah, kan ranhòm xam kan ùh hìaq loq lùch. Boc Plình am ka wì kan rìh halình mòeq đòe; (*aiōnios g166*) **8** mangai leq i manoh toq àu tablêq, ùh tiaq trong joq qnàng, mahaq iu tiaq kan ùh taq ataq, aih èh Boc plình patem ka wì kan nòeh xam kan mahau. **9** Kan ùh catèm kan nanxa ka mangai broq dù, adroe aih ka mangai Judà, khoe aih ka mangai Gorec; **10** mahaq kan qngah, kan ranhòm, xam kan catèm am ka rìm ngai broq lem, adroe aih ka mangai Judà atiq aih ka mangai Gorec. **11** Majah qmang aih, Boc Plình ùh loq waq ka apah. **12** Mangai leq broq yiniq lui, yac ka haq ùh qnì ka ranenh haq aih dua hnhung lùch, magai leq loq ka ranenh mahaq broq yiniq lui, aih èh ep đòeq da ranenh hadrah haq; **13** majah qmang aih ùh xài mangai leq tàng đóc ranenh aih hi wìa mangai taq ataq enh ngèa Boc Plình, mahaq mangai ma broq tiaq ranenh aih majah broq mangai taq ataq. **14** Ma joq qnàng, mangai diac wì ùh i đeh ka ranenh Môise, jò wì haq broq đeh trong ranenh ma thê, bài mangai aih yac ka ùh i ka ranenh, dua khoe broq ka rađeh i ranenh. **15** Wì haq patô

qnoh trong ranenh ma thê aih khoe achih đeh ta manoh cliac wì haq: Manoh da cla panhìn am ka ranenh, gàu ngoc da cla i jò bahmàng i jò palem deh cla. **16** Aih la bài yiniq padon trùh ta hì da Boc Plình enh dalam ka Chuaq Jesus Christ hu hadrah kan hlèp ta manoh kon mangai, wop qmang ka Bàu lem au ma khoe anoe. **17** Manđeq, ìh doe rađeh kô mangai Judà, kùì padài enh qnhèq ka ranenh, catèh đeh loq ka Boc Plình, **18** loq ka manoh haq, canau trong leq troq, trong leq ùh, majah qmang aih ranenh khoe hnài ìh; **19** catèh đeh broq mangai ajèn trong ka mangai lua mat, broq kan qngah ka mangai oe ta clam, **20** broq mangai hnài bài mangai blùng, bài mangai qnhòq gèh manoh, majah qmang aih ta hset ranenh i kan rabiaq xam trong joq qnàng, **21** qmang aih ìh hnài mangai qnoeq mahaq ùh hnài cla rađeh qmoh? ìh hnài apaq atùng, mahaq ìh atùng! **22** ìh doe: ùh khòh tango, mahaq ìh tango! ìh git ramòt ka bài radua qmù, mahaq ìh blah yóc da haq dahwèq. **23** ìh hnhè rađeh wèq tiaq ranenh, mahaq ìh ùh broq tiaq ranenh, dài aih raq ìh ma khoe broq kan xep ka Boc Plình! **24** Taiq pì raq, wì mangai enh gùng majah tapoch qmèq ka yiniq Boc plình, tìah qmang ka bàu ma khoe achih. **25** Joq! tàng pì broq tiaq ranenh, ramènh kat akia aih ùh hìaq ngwan, mahaq tàng pì broq ùh troq tiaq ranenh, yac ka pì broq ramènh kat akia aih bu diang ùh. **26** Qmang aih, tàng mangai qnhòq broq ramènh kat akia wèq tiaq bàu ranenh hnài, aih ma ùh tìah ka khoe kat akia qmòh? **27** Mangai ùh broq ramènh kat akia, mahaq wèq gèh geo tiaq bàu ranenh, mangai aih èh ma hadrah bài pì, aih bài mangai yac ka i ranenh, i broq ramènh kat akia, mahaq ùh lènh broq tiaq ranenh. **28** Qmang aih mangai leq toq enh gùng haq broq mangai Judà, aih ùh xài mangai Judà, ramènh kat akia toq enh gùng, aih ùh xài ra mènèh kat akia; **29** mahaq mangai Judà ma joq qnàng aih mangai Judà enh dalam, ramènh kat akia ma joq qnàng aih ramènh kat akia enh dalam xi Yiang hadròeh, ùh xài tiaq toq bàu achih. Mangai Judà qmang aih ma tajì ka manè, khòh jah padèch, ùh xài enh kon mangai mahaq enh Boc Plình.

3 Tàng qmang aih kan yeo loe da mangai Judà aih qmang leq, ùh meh ramènh kat akia ajah cleq? **2** Jah bàc trong. Adroe aih rameh: Aih xài bàu Boc Plình khoe am ka mangai Judà. **3**

Mahaq tàng ta wì aih i biaq ngai loq tablòq manoh ka Boc Plinh, kan loq blòq manoh da wì haq ahiaq broq ka kan ùh tablòq manoh clac da Boc Plinh loh qngwan qngwaiq ùh? 4 Ùh i qmang aih! Boc Plinh aih joq qnàng, kon mangai kô ma loq qnùt, tìah ka khoe achìh “Wì jah creo ka ìh mangai taq atoq, jò ìh capoch, Jah blêq jò wì tah hadarah ka ìh”. 5 Mahaq tàng kan ùh taq atoq da bèn jah patô qnoh kan taq atoq da Boc Plinh, aih èh bèn anoe qmang leq? Boc Plinh ma ùh taq atoq jò haq qnoh kan pandèh ka bèn qmòh? (Au capoch troeq wì ma dîh loq rahen) 6 Joq ùh lòm, tàng qmang aih èh Boc Plinh hadrah crông tneh kô qmang leq? 7 Mahaq tàng bàu joq qnàng da Boc Plinh jah kan ranhòm haqnèq ajang nòe bàu tapoch qnùt da au, aih hagleq au majah oe ep pòq kan hadrah tìah ka mangai broq yiniq lui? 8 Tàng qmang aih hagleq bèn ùh broq trong dù òeq jah trong lem, tìah ka mangai loq patah khoe capoch dech ka nhèn doe nhèn hnài trong aih? Kan hadrah baxa taqmòq ka wì haq aih taq atoq. 9 Aih qmang leq, bèn i cleq ma yeo lem ka wì? Ùh lòm i, hacô bèn khoe anoe panhìn yac ka mangai Juda yac mangai Gorec òeq oe enh qneq ka cwiàng yiniq lui. 10 qmang ka khoe achìh: “Ùh i cabô taq atoq, yac ka mòeq ngai dua ùh, 11 Ùh i cabô i mamoh loq hèm, Ùh i cabô ti chaq Boc Plinh. 12 Wì haq òeq khoe lam hwang, òeq khoe pi loh cleq; Ùh i mòeq ngai broq trong lem, yac ka mòeq ngai dua ùh. 13 Hông wì haq da hah tìah ka ngah ralùng hanang; Yôc dèh rapet òeq qnùt wì qnoeq; Bli hacùng wì haq i nóc bìh tùa. 14 Hacùng wì haq toq nà hanip xam kan pagau. 15 Jènh wì haq darènh toq ka broq ta ùc mahim. 16 Trong lam da wì haq toq kan raliang xam nanxa, 17 Wì ùh lah qnì ka trong ma catèm. 18 Enh ngèa wì haq ùh i kan loq iu yùq Boc Plinh. 19 Manòeq kô bèn loq, rìm yiniq ranenh ma anoe, aih anoe ka rìm ngai oe enh qneq ka ranenh, dòq rìm toq hacùng òeq ep caqnhip, òeq ka phù crông ep pòq yiniq lui enh ngèa Boc Plinh; 20 majah qmang aih ùh i ka cabô broq tiaq ranenh ma jah creo ka haq aih taq atoq enh ngèa Boc Plinh, majah qmang aih ranenh patô dòq wì loq dèh ka yiniq lui. 21 Mahaq manòeq kô, kan taq atoq enh Boc Plinh, Hset ranenh xam bài pajàu ma khoe wiang panhìn, khoe patô qnoh enh gùng ka ranenh: 22 Aih la kan taq atoq da Boc Plinh oe ajang nòe bèn lùì Chuaq Jesus Christ, am òeq ka rìm

ngai ma lùì. Ùh i cleq crài ka dabau, 23 majah qmang aih rìm ngai òeq khoe broq yiniq lui, khoe capòch ka kan ranhòm da Boc Plinh, 24 mahaq canòm kan tabàih enh Boc Plinh, wì jah dech kan taq atoq, majah qmang aih kan baxon hlài khoe jah broq gèh enh dalatm ka Chuaq Jesus Christ, 25 aih la Mangai Boc Plinh khoe dèch haq broq ramènh baxon hlài, xi manoh lùì ta mahim haq aih, Boc Plinh rangep ka kan pandèh, ajang aih haq paqnoh dèh kan taq atoq. Majah qmang aih, haq khoe caqnaih da wì yiniq lui ma broq enh nèh, 26 Haq khoe broq qmang aih òeq taqnòng kô haq patô dèh kô taq atoq òeq creo ka mangai leq ma lùì Chuaq Jesus jah kan taq atoq. 27 Qmang aih, kan catèh oe jang leq? Pi i, khoe cadac, cadac ajang ranenh leq? Tiaq ranenh da yiniq broq? Ùh xài, mahaq tiaq ranenh da manoh lùì; 28 majah qmang aih bèn doe kon mangai jah kan taq toq ajang nòe manoh lùì, ùh xài ajang broq tiaq ranenh. 29 Ahiaq Boc Plinh aih Boc Plinh toq da mangai diac Juda? Ma ùh xài hadai Boc Plinh da mangai diac wì òeq? 30 Majah qmang aih i mòeq Boc Plinh raq, aih Yiang broq ka mangai kat akia jah taq atoq tiaq manoh lùì, hanoh broq ka mangai ùh kat akia jah kan taq atoq tiaq manoh lùì. 31 Tàng qmang aih, canòm ka manoh lùì bèn ka cadac ranenh qmòh? Joq ùh lòm i qmang aih! Yeo hnau ka aih bèn broq ka ranenh jah cajap.

4 Qmang aih bèn anoe qmang leq Apraham cadraq bèn. Tiaq xech akia haq khoe jah lòeq cleq? 2 Joq qmang aih, tàng joq haq khoe jah kan taq atoq tiaq yiniq broq, aih i nòe òeq haq jah padèch raðeh, mahaq enh ngèa ka Boc Plinh ùh xài qmang aih. 3 Majah qmang aih, Hset Hadrèh hnài cleq? Apraham lùì Boc Plinh, biac aih raq khoe broq ka haq jah kan taq atoq! 4 Manòeq kô mangai abroq, hliac jènh baha aih ùh xài kan tabàih, mahaq tìah ka dòeh, 5 mangai ma ùh dùh i broq qmòe cleq, mahaq lùì Boc Plinh aih Yiang broq ka mangai pòq yiniq lui jah kan taq atoq, manoh lùì da haq aih majah creo ka haq aih taq atoq. 6 Đawit hanoh anoe qmang aih, jò haq ràu trùh xôq ramot ka mangai jah Boc Plinh am ka haq kan taq atoq ùh tiaq trong yiniq abroq, rameh: 7 “Joa xôq ramot qnàng ka bài mangai lui haq jah caqnaih, Yiniq lui haq jah gahnàp! 8 Joq xôq ramot qnàng ka mangai Boc Plinh pi arèn da haq yiniq lui”. 9 Bàu anoe trùh xôq ramot aih, ma anoe toq

ka mangai ma kat akia qmòh? Hadai am ka mangai ma ùh kat akia. Majah qmang aih bèn doe ameh: Manoh lùì da Apraham khoe jah tình ka haq taq atòq. **10** Mahaq jah tình qmang leq? Atìq ka haq broq ramènñ kat akia loq adore ka haq broq ramènñ kat akia? Aih ùh xài atìq ka haq broq ramènñ kat akia, mahaq adroe. **11** Qmang aih, haq khoe jah yóc teo xít kat akia, tìah ka teo da kan taq atòq haq ma khoe jah dèh adroe xi manoh lùì, jò haq qnhòq broq ramènñ kat akia, òeq hu broq baq òìq òng bòi mangai lùì mahaq ùh broq ramènñ kat akia, òq wì aih hadai jah kan taq atòq. **12** Èh hadai broq baq bòi mangai broq ramènñ kat akia, aih baq da bòi mangai ùh xài toq kat akia hi hêq, mahaq hadai cadiang tiaq teo manoh lùì manoh lùì da Apraham kan cadraq bèn, ma khoe jah dèh adroe ka haq broq ramènñ kat akia. **13** Qmang aih, bàu ma tèu am ka Apraham xam nang noe haq jah yóc òìq cròng taneh kò broq kùng hang, ùh xài loh enh ranenh, mahaq loh enh kan taq atòq da manoh lùì. **14** Majah qmang aih, tàng tiaq ranenh men jah kùng hang, aih èh manoh lùì hi loh ka qngwan qngwaiq, bàu tèu am hadai khoe cađac. **15** Majah qmang aih, ranenh plòh loh toq kan pandeh, mahaq taleq ùh hìaq i ranenh, ta aih hadai ùh i mangai broq ùh troq ka ranenh. **16** Qmang aih, canòm ka manoh lùì kon mangai ma hi jah waq kùng hang, bòi yiniq aih òìq jah xi kan tabàih dech, òeq bàu tèu jah cajap ka nang noe Apraham, ùh xài am toq ka nang noe oe enh qneq ka cwiang da ranenh, mahaq hadai am ka nang noe i manoh lùì da Apraham, kan cadraq bèn, **17** wop qmang ka bàu ma khoe achih: Au khoe dèch ìh broq baq bàc diac. Haq aih joq baq da bèn oe enh ngèa ka Boc Plình, aih Mangai haq ma khoe lùì, aih Boc Plình ma am kan rìh ka mangai cachit, creò ka bòi yiniq qnhòq i tìah gleq khoe i. **18** Haq taqngèh gòm jò pi qmòe ka dua hu gòm tangèh, mahaq dua haq lùì, aih haq ma hijah wìa baq bàc diac, tiaq qmang ka bàu khoe doe ka haq: “Nang noe ìh jah qmang aih èh”. **19** Haq hnoq dèh chac khoe craq, majah qmang aih khoe ten hrinh hanam, hnoq Sara pi oe jah ha-uang, mahaq manoh lùì da haq dua ùh xùch. **20** Haq ùh lòm rangòt, hadai ùh hìaq ùh tìn bàu Boc Plình, mahaq kan lùì haq èh rai dèh rai toq manè apòi Boc Plình. **21** Majah qmang aih haq lùì trong leq Boc Plình khoe tèu, Boc Plình i cwiang òeq broq gèh trong aih. **22**

Aih ìq, dài manoh lùì da haq khoe broq ka haq jah kan taq atòq. **23** Bàu ma doe: “Manoh lùì da haq khoe broq ka haq jah kan taq atòq”, aih ùh xài anoe toq ka mòeq ngai cla haq, **24** mahaq hadai anoe am ka bèn, manoh lùì hadai broq ka bèn jah kan taq atòq, majah qmang aih bèn lùì Boc Plình aih Mangai khoe broq ka Chuaq Jesus, Chuaq da bèn rìh hlài enh kan cachit. **25** Taiq yiniq lui bèn wì rùp jêh đac haq, haq rìh hlài òeq broq ka bèn jah kan taq atòq.

5 Qmang aih patep pang jò khoe jah creò ka bèn mangai taq atòq tiaq manoh lùì, aih bèn khoe jah hatroq ti Boc Plình, canòm ka Chuaq Jesus Christ da bèn. **2** Aih Mangai broq ka bèn jah mùt ta kan tabàih dech kò, aih raq kan tabàih ma broq ka bèn jah yòng cajap mandeq, èh bèn hadai catèh rađeh ajang nòe tangèh gòm kan ranhòm da Boc Plình. **3** Ma xài toq aih hi òìq, bèn hadai catèh rađeh ta kan nanxa òìq, majah qmang aih bèn loq kan nanxa men loh kan loq kèmm, **4** kan loq kèmm men loh kan qnhrang, kan qnhrang men loh kan tangèh. **5** Kan tangèh ùh broq ka bèn ep camaih xep, majah qmang aih kan loq waq da Boc Plình khoe púc jàp ta manoh bèn xi Yiang Hadròeh ma khoe am ka bèn. **6** Joq qmang aih, jò bèn oe raq ùh nac canèn, tiaq troq dèh jò ma SaSt 17:5 SaSt 15:5 pajaq adroe, Christ khoe cachit am ka mangai i yiniq lui. **7** Biaq ka i mangai chiùq cachit am ka mangai taq atòq, dùnh dùnh ji loq i mangai cachit am ka mangai lem. **8** Mahaq Boc Plình mahno kan loq waq haq am ka bèn, jò bèn oe raq mangai i yiniq lui, aih Christ khoe cachit am ka bèn. **9** Mandeq kò bèn khoe canòm ka mahim haq òeq jah kan taq atòq, aih èh hadai canòm ka haq raq òeq hu jah dèch claih khoe ka kan mahau kàn enh Boc Plình dàng leq hòmm! **10** Majah qmang aih jò bèn oe raq tablêq ka Boc Plình, mahaq khoe jah hatroq hlài ka haq canòm ajang nòe kon haq khoe cachit am ka bèn, loq ka mandeq kò jò khoe jah hatroq, bèn jah canòm kan rìh da Kon aih raq òeq bèn jah dèch dàng leq hòmm! **11** Ùh xài toq aih hi òìq, mahaq enh dalam ka Chuaq Jesus Christ bèn jah catèh rađeh ta Boc Plình, canòm ka haq aih bèn khoe jah hatroq ka Boc Plình. **12** Qmang aih, taiq mòeq ngai raq yiniq lui ma khoe mùt ta cròng taneh kò, taiq yiniq lui majah i kan cachit, hadai qmang aih kan cachit khoe trùh ta rìm ngai, majah qmang aih taiq rìm ngai òìq

khoe i yiniq lui. **13** Majah qmang aih, adroe ka i ranenh, yiniq lui khoe i ta crông taneh kô, mahaq qnhòq i ranenh, dài aih yiniq lui hadai qnhòq taqmòq ka cabô. **14** Hnoq anoe qmang aih, patep enh Adam trùh ta Môise, rìm ngai diq khoe oe enh qneq ka cwiang da kan cachit, hloe xam mangai ùh broq ðeh yiniq lui tiah ka yiniq lui da Adam, aih mangai ma broq dua ðoèq ka Mangai hu padon trùh. **15** Mahaq yiniq lui crài ka kan tabàih dech. Majah qmang aih, tàng joq taiq mòeq ngai raq ma broq yiniq lui mahaq mangai qnoeq ep cachit ata, loq ka kan loq waq da Boc Plinh xam kan am dech da haq canòm ajang mòeq ngai Chuaq Jesus khoe ùc bình halùih ka rìm ngai! **16** Èh hòh, kan am dech kô haq crài ka biac loh enh mòeq ngai ma broq yiniq lui: Mòeq yiniq lui raq, mahaq kan hadrah khoe taqmòq kan cachit, mahaq da kan am dech aih: atiq ka jò yiniq lui khoe bàc aih cadoe aràng am ka bèn kan taq atoq. **17** Majah qmang aih, tàng joq taiq yiniq lui da mòeq ngai raq kan cachit khoe jah wèq cwiang enh mangai aih, loq ka bài mangai jah ùh diq ùh dài kan tabàih enh Boc Plinh xam kan am dech da kan taq atoq, wì haq jah canòm ka mòeq ngai Chuaq Jesus Christ ðoèq jah cwiang ta kan rìh yeo hnau ka aih hòh! **18** Qmang aih, taiq mòeq yiniq lui raq kan hadrah baxa khoe taqmòq ka rìm ngai qmang leq, hadai qmang aih mòeq ngai raq broq taq atoq, kan taq atoq aih am kan rìh hadai jàp ka rìm ngai. **19** Majah qmang aih, taiq kan ùh iu da mòeq raq, dài mangai qnoeq diq loh ðong ðeh mangai i tuiq, hadai qmang aih diq, taiq kan loq iu da mòeq ngai raq dài mangai qnoeq diq loh ðong mangai taq atoq. **20** Ranenh khoe plah raðeh taqne, ðôq yiniq lui èh rai bàc, mahaq taleq yiniq lui khoe rai bàc, ta aih kan tabàih dech bàc yeo hnau hòh, **21** qmang aih, yiniq lui wèq cwiang ta kan cahit qmang leq, kan tabàih dech wèq cwiang ta kan taq atoq hanoh qmang aih ðoèq hu am kan rìh halinh mòeq ðoe enh dalam ka Jesus Christ aih Chuaq bèn. (aiōnios g166)

6 Qmang aih bèn oe anoe qmang leq hòh? Ajoq bèn oe catàm yôt ta yiniq lui ðôq kan tabàih dech jah ùh diq ùh dài qmòh? **2** Ùh lòm qmang aih, bèn khoe cachit ka yiniq lui, ji lai q bèn ma oe rìh ta yiniq lui hòh? **3** Ahiaq oh daq ùh qnì, diq ðong ka bèn khoe jah baptem enh dalam ka Chuaq Jesus Christ, aih baptem enh

dalam kan cachit da haq qmòh? **4** Bèn khoe jah catùh ti haq xi baptem enh dalam kan cachit haq, ðoèq tiah ka Chuaq Jesus Christ canòm kan ranhòm enh nòe Baq jah rìh hlài enh kan cachit qmang leq, bèn hadai jah rìh hlài ta kan rìh maneo qmang aih. **5** Tàng joq bèn khoe pajùm mòeq ti haq ta kan cachit qmang ka haq, aih èh joq qnàng bèn hadai jah pajùm mòeq ti haq ta kan rìh hlài tiah qmang ka haq: **6** majah qmang aih bèn loq kon mangai dùnh da bèn khoe jah tiang talong pagat ti haq, ðôq chac ma patih ka yiniq lui kô jah lùch ðac ðong, aih èh bèn pi ep broq hapông ka yiniq lui hòh. **7** Majah qmang aih, mangai leq khoe cachit haq aih khoe jah claih ka yiniq lui. **8** Manoèq kô, tàng joq bèn khoe cachit ti Christ, bèn loq aih èh raðeh hadai jah rìh hlài ti haq, **9** majah qmang aih bèn loq, pang jò Chuaq Jesus Christ khoe rìh hlài enh kan cachit, haq pi cachit hòh, kan cachit pi i cwiang cleq enh qnhèq ka haq hòh. **10** Haq cachit aih cachit ka yiniq lui, cachit mòeq yàng am ka diq ðong, mahaq manèq kô haq rìh aih rìh ka Boc Plinh. **11** Hadai qmang aih diq, oh daq drah ngan raðeh hadai khoe cachit ka yiniq lui mahaq rìh ka Boc Plinh enh dalam ka Chuaq Jesus Christ. **12** Apa q ðôq yiniq lui oe i cwiang cleq ta chac hamac ma loq cachit da oh daq, apa q tiah trong haq ma ònh. **13** Apa q ðèch chac hamac cla am ka yiniq lui, ðoèq broq ranac patih ka kan dù, mahaq drah ðèch chac cla oh daq ka Boc Plinh qmang ka mangai khoe cachit mahaq manèq kô khoe rìh hlài, ðèch rìm yiniq ta chac cla am ka Boc Plinh ðoèq broq ranac patih am ka kan taq atoq. **14** Majah qmang aih yiniq lui ùh i cwiang cleq ta oh daq; taiq oh daq pi i oe enh qneq ka ranenh mahaq oe enh qneq kan tabàih dech. **15** Khoe aih qmang leq! Taiq bèn pi oe enh qneq ka ranenh, mahaq oe enh qneq ka kan tabàih dech aih èh bèn khòh broq yiniq lui qmòh? Ùh qmang aih! **16** Oh daq ma ùh loq! Tàng joq oh daq khoe ðèch cla raðeh ðoèq hu iu tiah cabô, aih axài broq ðic mangai bèn ma iu, broq ðic da yiniq lui ajèn trùh ta kan cachit loq broq ðic da kan loq iu ðoèq hujah kan taq atoq? **17** Mahaq manè apôi Boc Plinh, majah qmang aih atiq ka oh daq broq ðic ka yiniq lui, mahaq manèq kô khoe diq ka manoh wìh hlài iu tiah Trong ma khoe hnài ðoèq broq maneh ka raðeh! **18** Qmang aih oh daq khoe claih enh yiniq lui, khoe jah wia hapông kan taq atoq. **19** Au anoe troeq bàu wì malòq doe, majah

qmang aih kon mangai da oh daq ùh i nèn cleq. Qmang aih oh daq khoe hmaq òèq dèh chac hamac broq hapõng díc kan amùà ratauq broq dù qmang leq, manòeq kô oh daq hadai dèch dèh chac broq hapõng kan taq atòq qmang aih diq. 20 Jò oh daq oe raq broq díc ka yiniq lui, oh daq ùh i tawac cleq ka trong taq atòq. 21 Aih oh daq jah cleq? Ajoq manòeq kô oh daq jah toq kan camaih, majah qmang aih pulùch da bài yiniq aih xài kan cachit. 22 Mahaq manòeq kô oh daq khoe jah claih enh yiniq lui khoe jah wia hapõng Boc plinh, aih oh daq jah yõc ka raðeh kan hadrèh òèq pulùch èh jah kan rih halinh mòeq òè. (aiōnios g166) 23 Majah qmang kan baha da yiniq lui aih kan cachit, mahaq kan am dech enh Boc Plinh aih kan rih halinh enh dalam ka Chuaq Jesus Christ, Chuaq da bèn. (aiōnios g166)

7 Oh daq ma ùh loq (Au doe ka mangai ma loq ka ranenh) ranenh i cwìang toq jò mangai oe rih qmòh? 2 Tìah ka gucadri i òng, waq toq òng haq oe rih pang leq, ranenh panan haq tiaq deh òng pang aih, mahaq tàng òng haq cachit haq jah claih enh ranenh ma khoe kàt haq ti òng. 3 Qmang aih, tàng joq òng haq oe rih, mai haq lam yõc mangai qnoeq, aih ep creo ka haq mangai gucadri tango, mahaq tàng joq òng haq khoe cachit, aih haq khoe claih ka ranenh, yac ka haq yõc mangai qnoeq, haq ùh xài mangai tango. 4 Yôiq oh daq da au! oh daq hanoh qmang aih, xam chac da Christ oh daq hadai khoe cachit ka ranenh, òèq hu jah yõc mangai qnoeq, aih mangai ma khoe rih hlài enh kan cachit, dòq bèn jah loh pli ka Boc Plinh. 5 Majah qmang aih jò bèn oe rih tiaq kan loq ònh da xech akia nèh, ranenh khoe parèu bài kan qmèq tabroq ta chac bèn dòq loh pli ta kan cachit. 6 Mahaq manòeq kô tiaq ranenh ma xan rùp padràng yôt bèn, bèn khoe cachit, bèn khoe jah claih khoe ka ranenh, òèq hu patih ka Boc Plinh tiaq trong neo da Yiang Hadrèh, pi oe tiaq trong dùnh da bàu achih. 7 Qmang aih bèn oe anoe cleq hòmh? Ranenh aih iq yiniq lui qmòh? Joq ùh lòm i qmang aih! Mahaq taiq ranenh au men jah loq dèh ka yiniq lui, tàng joq ranenh ùh doe: “Ìh ùh khòh daiq”, aih au khoe ùh qnì ka kan daiq. 8 Aih iq, yiniq lui khoe dahòiq ajang ranenh òèq xêh qnoh bài kan loq ònh daiq ta cliac au: Ùh hìaq i ranenh, aih yiniq lui cachit. 9 Nèh haq, qnhòq i ranenh aih au rih, yàng jò ranenh hi trùh aih yiniq lui rih, au

loh ka cachit glòq hòmh. 10 Au ma hi hnoq, lèh gèh haq ranenh òèq broq ka au rih, cadoe tìc aràng au trùh ta kan cachit. 11 Majah qmang aih yiniq lui khoe dahòn yõc ranenh òèq hu padò au, ti ajang aih raq au majah cachit. 12 Qmang aih, ranenh aih hadrèh, bàu thê hanoh hadrèh, diq lem rai taq atòq. 13 Wùih kan lem qmang aih khoe loh nen dòq au cachit qmòh? Ùh lòm i qmang aih! Mahaq yiniq lui ma khoe broq ka au cachit, haq yõc kan lem broq au cachit, òèq haq jah patò raðeh aih yiniq lui, aih iq yiniq lui cachit ajang ranenh majah loh ka xòc diq jaq. 14 Bèn loq ranenh aih yang, mahaq manoh da au kô aih xech akia, khoe tech òèq broq díc ka yiniq lui. 15 Majah qmang aih, au ùh qnì dèh broq cleq: Au ùh lòm broq trong cla ma enh, mahaq broq toq trong cla ma git. 16 Mahaq tàng au broq trong au ma git, aih au canau loq ranenh joq qnàng lem. 17 Jò aih au mahi loq, ùh xài au broq bài yiniq aih, mahaq yiniq lui rih oe enh dalam ka au. 18 Au loq kan lem ùh oe ta au, aih iq rameh: haq ùh oe ta manoh au, majah qmang aih au enh broq trong lem mahaq ùh hlàt broq ka gèh; 19 au ùh broq trong lem au ma enh, mahaq broq trong qmèq cla ma ùh enh. 20 Manòeq kô tàng joq au broq trong au ùh enh, aih pi xài au broq mahaq yiniq lui ma rih oe enh dalam ka au ma broq trong aih. 21 Qmang aih au hnoq i ranenh kô enh dalam ka au: Jò au enh broq trong lem, kan qmèq hatiaq hloe au jò aih raq. 22 Majah qmang aih tiaq kon mangai enh dalam, au lem bùi ka ranenh Boc Plinh; 23 mahaq au loq dèh ta chac i mòeq ranenh qnoeq tablêq ka ranenh ta gàu au, panan thê au broq hapõng ranenh da yiniq lui, aih ranenh ma qnang tabroq ta chac au. 24 Joq hãbò ka au! Cabô mahu dèch au claih khoe ka chac hamac loq cachit kô èh? 25 Manè apôi Boc Plinh, canòm ka Chuaq Jesus Christ, aih Chuaq da bèn! Qmang aih, cla au yõc dèh gàu ngoc patih ka ranenh da Boc Plinh, mahaq xech akia au broq hapõng díc ka ranenh da yiniq lui.

8 Qmang aih, manòeq kô khoe pi i kan hadrah ka mangai oe ta Chuaq Jesus Christ; 2 majah qmang aih ranenh da Yiang Hadrèh kan rih khoe canòm ka Chuaq Jesus Christ òèq caqnaih au loh khoe ka ranenh da yiniq lui xam kan cachit. 3 Majah qmang aih yiniq cleq ranenh ma ùh hlàt broq, taiq xech akia broq ka ranenh loh ka pi nèn, aih Boc Plinh khoe broq: Taiq

yiniq lui haq majah khoe thê dèh kon yóc xech akia qmang ka xech akia yiniq lui da bèn, èh khoe hadrah yiniq lui ta xech akia aih, 4 dōq kan taq atoq da ranenh ma panan broq jah gēh enh dalam bèn, aih la bài mangai ma ùh tiaq dua da xech akia mahaq tiaq dua da Yiang Hadròeh. 5 Mangai rih tiaq xech akia gàu ngoc wì haq haqmiang chaq toq trong xech akia ma enh, mangai rih tiaq Yiang Hadròeh manoh haq haqmiang chaq toq trong da Yiang Hadròeh. 6 Chaq toq trong da xech akia enh aih èh loh kan cachit, chaq trong Yiang Ha droèh aih èh loh kan rih xam kan catèm. 7 Majah qmang aih haqmiang chaq toq trong da xech akia aih tablêq hlài ka Boc Plinh, majah qmang aih haq ùh tiaq ranenh da Boc Plinh, yeo hnau ka aih hòm haq tiaq ùh jah. 8 Bài mangai rih tiaq xech akia, ùh jò leq lem ka manoh Boc Plinh. 9 Hnoq anoe qmang aih, tàng joq Yiang Hadròeh da Boc Plinh rih oe enh dalam oh daq, oh daq ùh rih tiaq xech akia hòm mahaq rih tiaq Yiang Hadròeh, tàng cabô ùh i ka Yiang Hadròeh da Christ, aih ùh xài mangai da haq. 10 Qmang aih, tàng joq Christ oe enh dalam oh daq, yac ka chac oh daq cachit ka yiniq lui, mahaq yiang aih rih taiq kan taq atoq. 11 Èh hòm, tàng joq Yiang da Boc Plinh ma khoe broq ka Chuaq Jesus rih hlài enh kan cachit oe ti oh daq. Haq ma broq ka Chuaq Jesus rih hlài enh kan cachit aih hadai canòm ka Yiang da haq ma oe ta dalam oh daq dōeq broq ka chac mac ma loq cachit da oh daq jah rih hlài. 12 Qmang aih, diq ka oh daq bèn pi oe pòq doèh xech akia dōeq hu rih tiaq haq. 13 Joq qmang aih, tàng joq oh daq rih tiaq xech akia, aih èh ep cachit, mahaq tàng canòm ka Yiang Hadròeh dōeq haq broq cachit dōng bài kan qmèq da chac hamac aih èh oh daq rih. 14 Majah qmang aih, diq dōng mangai leq i Yiang Hadròeh da Boc Plinh qnung trong, aih diq kon Boc Plinh. 15 Yiang Hadròeh oh daq ma khoe jah aih ùh dōq oh daq broq hapōng dic dōeq rih ta kan yùq crè hòm, mahaq khoe am ka oh daq jah i manoh da kon ban, canòm ajang aih bèn mahi jah creo: “Aba- Baq!” 16 Yiang Hadròeh raq ma khoe panhìn ta manoh bèn loq ðeh kô kon Boc Plinh. 17 Manoèq kô, tàng joq bèn kon Boc Plinh, aih bèn hadai mangai wiang jah kùng hang. Mangai wiang jah kùng hang enh Boc Plinh, mangai wiang jah kùng hang ti Christ, waq toq bèn hadai wiang nanxa ti haq, aih èh bèn hadai wiang jah kan ranhòm ti haq. 18 Au hèm, kan nanxa manòeq kô ùh tajì dōeq hu tawêh ti kan ranhòm padon trùh ta bla èh, aih la bài kan ranhòm hu padon qnoh am ka bèn. 19 Joq qnàng qmang aih, rìm yiniq diq toq tangèh gòm hnoq bài kon Boc Plinh jah paqnoh. 20 Majah qmang aih, rìm yiniq Boc Plinh broq loh diq khoe oe enh qneq ka kan cachit lùch, ùh xài cla enh qmang aih mahaq enh Mangai ma broq loh bài yiniq aih. 21 Rìm yiniq khoe jah broq loh aih hadai tangèh ka raðeh jah dèch claih khoe ka kan cachit lùch, dōeq hu hanoh jah oe ta kan ranhòm ti kon Boc Plinh. 22 Bèn loq rìm yiniq hadai toq hràng xalep trùh manòeq; 23 ùh xài toq bài ngè khoe jah broq loh aih, mahaq xam bài bèn aih bài mangai ma i plì ramua da Yiang Hadròeh, hadai hràng ta manoh cliac, jò bèn qnàng gòm dōeq hu jah broq kon ban, aih la kan baxon hlài chac hamac bèn. 24 Ta kan tangèh gòm kô raq bèn ma khoe jah dèch, jò wì khoe jah trong raðeh ma tangèh gòm, aih ma oe tangèh cleq hòm, bèn khoe jah hnoq aih oe tangèh gòm dèh hòm? 25 Mahaq tàng bèn tangèh yiniq ðeh qnhòq hnoq, aih ajoq bèn gòm qmòe rai àt, 26 Hadai qmang aih, Yiang Hadròeh wiang da bèn trong ma ùh nèn. Bèn ùh qnì ka raðeh ep bòch cleq dōeq waiq khàn ka hatroq, mahaq Yiang Hadròeh yóc kan pi atêh hràng enh bèn dōeq hu waiq khàn am ka bèn. 27 Mangai ma sreò ta manoh mangai loq ka manoh Yiang Hadròeh, aih la tiaq manoh Boc Plinh enh haq ma waiq khàn am ka bài kon da Boc Plinh. 28 Bèn loq rìm yiniq Boc Plinh ma broq aih diq dōeq jah lòeq ka bài mangai loq waq ka haq, aih bài mangai haq ma khoe ði dèh adroe. 29 Majah qmang aih, mangai haq ma khoe loq dèh adroe, haq khoe ta qmroq dōeq hu jah tìah ka Kon Haq, dōq Kon aih jah broq Kon ramua oe taqne oh daq; 30 mangai haq ma khoe ta qmroq dèh adroe, aih haq khoe creo, mangai haq khoe creo, aih haq khoe doe dèh mangai taq atoq, mangai haq khoe doe dèh taq atoq aih haq khoe broq dōq jah kan ranhòm. 31 Khoe qmang aih bèn doe qmang leq? Tàng joq Boc Plinh wiang ti bèn, oe i cabô hu tablêq ka bèn? 32 Haq khoe ùh adènh dèh Kon cla, mahaq khoe am dōng ka bèn, oe i cleq hòm haq ma ùh am hlòe ka bèn ajang Kon aih? 33 Cabô ma aràng kan tah hadrah ka mangai Boc Plinh ma khoe ràih dèh? Boc Plinh aih Mangai ma doe dèh wì aih jah kan taq atoq. 34 Cabô ma taqmòq yiniq lui ka wì aih? Ùh i ka cabô. Chuaq Jesus

Christ aih Mangai khoe cachit, manoeq khoe rih hlai, haq qnang haqngui enh qma Boc Plinh doe q waiq khàn ka bèn. **35** Cabô jah lah bèn loh khoe kan loq waq da Christ? Kan mangò, kan nanxa, kan canàt rùp, pangot hraha, hyah hyai, kan yat, chang jaoq ùh xài? **36** Qmang ka bàu khoe achih: “Tiaq ìh, nhèn glàm kan cachit xèq ka hi, Wì ngan nhèn bu dàng trùu òeòq xah jam”. **37** Mahaq ùh xài, ta rìm yiniq aih bèn canòm ka Mangai ma loq waq ka bènThi Tv 44:22, òeòq jah blèq yeo hnau ka aih hò. **38** Au cajap manoh rameh: Yac ka kan cachit, kan rih, yac ka bình plinh, yac ka kiac dù, yac ka mangai i cwiang, yac ka manòeq, yac ka yiniq padon trùh ta bla èh, **39** kan haqnhèq kan jrùq, ùh i cleq jah lah bèn loh khoe ka kan loq waq Boc Plinh khoe am ka bèn oe enh dalam ka Chuahq Jesus Christ, aih Chuahq da bèn.

9 Enh dalam ka Christ, au ùh qnùt, manoh cliac au hadai wiang panhìn ka au xam Yiang Hadròeh: **2** Au mangò pi cajaq, manoh au jò leq ma ùh jìq. **3** Au khoe hmaq ngèh òq au chiùq òq kan wì git, òq au kò dahlèh khoe ka Christ thai ka oh daq ma pajum mahim jan ka au, **4** aih la mangai Isorali, aih bài mangai jah broq kon ban da Boc Plinh, jah kan ranhòm, bàu tajao, ranenh, jah kùh waiq xam bàu khoe têu am; **5** aih bài mangai ha-uang loh enh wì kan cadraq tiaq mahim jan aih raq nang noe ha-uang qnoh Christ, aih Mangai enh qnhèq òq òng rìm ka yiniq, aih raq Boc Plinh ma khòh manè apôi mòeq òe Amen. (aiòn q165) **6** Aih ùh xài bàu Boc Plinh khoe loh ka qngwan qngwaiq. Majah qmang aih ùh xài mangai leq ha-uang loh enh nang noe Isorali aih òq mangai Isorali. **7** Èh ùh xài hi loh enh nang noe da Apraham aih òq kon haq, mahaq i bàu achih: “Enh Ysac aih èh ìh men i mòeq nang noe creo tiaq yiniq ìh”; **8** bàu aih rameh: Kon kaiq enh xech akia aih ùh xài kon Boc Plinh, mahaq kon da bàu haq khoe têu òeòq dèh adroe aih men joq kon da Apraham. **9** Kò raq bàu ma khoe chònh doe òeòq adroe: “Kò èh jah mòeq hanam, Au hi wìh hlai tacò, èh Sara hi i kon calò”. **10** Ma xài toq aih hi òq, da Rêbeca hò. jò haq hadràp kon camia, kon da Ysac kan cadraq bèn, hanoh qmang aih. **11** Majah qmang aih, jò wa kon qnhòq ha-uang loh, qnhòq i broq trong lem trong dù òq hu jah cajap tiaq manoh Boc Plinh ma khoe ò adroe tiaq manoh cla haq enh (ùh xài tiaq yiniq broq,

mahaq tiaq manoh Mangai ma creo) **12** aih khoe i bàu doe ka miq wa kon qyoh: “Mangai ma daq ep broq hapõng dèh oh”; **13** qmang ka bàu khoe achih: “Au ha-och ka Jacôp, mahaq git ka Êsau”. **14** Qmang aih bèn anoe qmang leq? Ahiaq i kan ùh taq ataq ta Boc Plinh? ùh i qmang aih! **15** Majah qmang aih, haq doe ka Môise: “Au ha-och deh ka mangai au loq waq, Au ùh manaq deh ka mangai au ma ha-och”. **16** Trong aih ma xài cabô hi tangèh hi àu hi jah, mahaq oe ajang kan loq waq da Boc Plinh. **17** Ta Hset Hadroèh hadai i doe ka Pharaôn: “Hagleq au majah khoe dèch paqnàng ìh, òeòq ajang aih hujah patô qnoh cwiang itai au, òq yiniq au jah anoe jàp crõng taneh”. **18** Qmang aih, Haq ha-och deh ka mangai haq enh ha-och, enh broq cadoq manoh bô haq broq. **19** Qmang aih ìh bòch au: Hagleq Boc Plinh oe cwò dèh ka nhèn? Oe i cabô hlàt tablèq ka manoh haq enh qmòh?... **20** Mahaq ìh qmat cabô, ìh ma hùah rahen ka Boc Plinh? Abòq taneh wia ka tarahen ka mangai broq loh abòq: “hagleq ìh majah broq loh au qmang kô? **21** Mangai thòq môt taneh ma ùh xài haq i cwiang yeo hnau ka taneh, hadai taneh aih qnah haq broq loh abòq lem òeòq hu tah hang canaq, qnah haq broq òeòq hu tah dahwèq hwòt hwat qmòh? **22** Tàng joq Boc Plinh enh am hnoq deh kan nòeh rai broq òeòq hnoq kan cwiang itai haq, mahaq haq àt deh manoh khoe dùnh am ka bài abòq ma troq toq ka nòeh troq ka raliang cadac, **23** haq broq qmang kô am ka bài abòq haq ma loq waq, haq ma khoe palauq òeòq ka wì jah hnoq kan padrõng ranhòm da haq, aih bèn oe jah anoe tam cleq hò. **24** Aih au anoe trùh bèn, bài mangai haq khoe creo deh, ùh xài toq ta mangai Judà, mahaq hloe xam bài mangai diac wì. **25** Qmang ka haq anoe ta hset Ôse: “Mangai ùh xài da au, au creo deh mangai da au, Mangai au ùh ha-och, au doe deh mangai au ha-och”; **26** Èh hò, tanoè haq ma doe ka wì: “Pì ùh xài mangai da au, Hadai ta aih raq wì ma hi jah creo kon Boc Plinh halinh mòeq òeòq”. **27** Da Êsai jò haq ràu trùh mangai Isorali, haq creo rai hmoe cadèh: “Yac ka mangai Isorali bàc tiah ka braih diac rasixq, mahaq toq rah ròp da haq majah dèch; **28** majah qmang aih Boc Plinh haqnan ka broq òq xit rìm bàu haq ta crõng taneh. **29** Èh hò Êsai khoe doe: “Tàng Boc Plinh òq jaq haqnhèq, ùh rong òeòq ka nang noe bèn mòeq toq hamõng, Aih bèn hadai khoe tiah ka Sôdôm tiah ka Gómôro òq”. **30** Aih èh

bèn doe cleq hòmh? Mangai diac wì ùh chaq kan taq ateq, aih khoe jah kan taq ateq, mahaq kan taq ateq loh enh manoh lùì; **31** mangai Isorali chaq ranenh da kan taq ateq, diq khoe capòch ka ranenh aih. **32** Hagleq? Taiq wì haq ùh chaq xi manoh lùì, mahaq chaq xi yiniq broq. Wì haq khoe catoeh ka hmo, **33** qmang ka bàu khoe achih: “Kô! Au òòeq ta Siôn mòeq toq hmo, aih hmo kàn broq ka wì catoeh, mangai leq lùì haq, ùh hiaq ep camaih.

10 Wùih diq ka oh daq, kan tangèh ta manoh au hloe xam bàu au waiq khàn ka Boc Plinh, au waiq khàn deh ka oh daq au, aih la mangai Isorali òòeq diq ka wì jah dèch. **2** Au wiang capoch panhin wì haq joq i manoh nhet joq qnàng trong da Boc Plinh mahaq kan nhet aih ùh tiaq manoh rabiaq. **3** Majah qmang aih, wì haq ùh canau kan taq ateq da Boc Plinh wì haq àu chaq ònh ònh trong qnoeq òòeq broq ka ràdeh jah taq ateq, ùh iu tiaq kan taq ateq da Boc Plinh; **4** majah qmang aih, Christ aih kan atiq lùch da ranenh, òòeq diq ka mangai lùì hujah kan taq ateq. **5** Anoe trùh kan taq ateq loh enh ranenh, Môise achih qmang kô: “Bàì mangai leq ma broq tiaq trong aih, canòmh dèh aih raq òòeq hujah rih”. **6** Mahaq kan taq ateq da manoh lùì, aih achih rameh: “Manoh ih apaq capoch qmang kô: Cabô ma tōc ta Plinh? Òòeq hu qnoh Christ loh; **7** tàng ùh aih: Cabô ma hu loh ta hwin jrùq òòeq hu dèch atōc Christ enh kan cahit”? (*Abyssos g12*) **8** Mahaq doe qmang leq? Bàu oe ten ka ìh, oe ta hacùng ìh, oe ta manoh ìh. Aih raq bàu da manoh lùì nhèn qnang anoe hnài. **9** Qmang aih tàng joq hacùng ìh anoe qnoh Chuaq Jesus Christ, manoh ìh lùì Boc Plinh khoe broq ka haq rih hlài enh kan cachit, aih èh ìh jah dèch; **10** majah qmang aih, lùì ta manoh aih jah kan taq ateq, mahaq anoe qnoh ajang hacùng bàu aih èh jah dèch. **11** Qmang ka Hset Hadròeh anoe: “Mangai leq ma lùì haq, aih ùh hiaq xep. **12** Majah qmang aih yac ka mangai Juda yac ka mangai Gorec ùh i cleq crài ka dabau. Wì hanoh i pajum mòeq Chuaq bình halùih xōq ramot ka mangai creò dang haq. **13** Majah qmang aih, mangai leq creò dang yiniq Chuaq, aih hi jah dèch.” **14** Mahaq, wì qnhòq lùì haq, aih wì creò dang qmang leq majah? Qnhòq lah i cabô anoe trùh haq aih broq qmang leq wì ma lùì? Èh broq qmang leq wì ma hia tàng joq ùh i cabô lam doe ka wì? **15** Mahaq tàng ùh

i ka mangai ma khoe jah thê loh lam, aih èh hnài qmang leq? Tiah ka bàu ma khoe achih: “Capiang jènh òòeq bàì mangai aràng Bàu lem, aih lem i jaq clceq”. **16** Mahaq ùh xài rìm ngai diq lùì Bàu lem, majah qmang aih Êsai khoe doe: “Waiq Chuaq! cabô ma lùì bàu nhèn anoe?” **17** Qmang aih, manoh lùì trùh, jò wì hi jah tàng, wì jah tamàng jò bàu da Christ jah anoe hnài. **18** Mahaq au bòch: Ahiaq wì qnhòq tàng? Majoq qnàng wì khoe tàng: “Bàu wì anoe khoe trùh rìm cròng, Bàu wì khoe jàp cròng taneh”. **19** Au bòch hòmh: “Tàng qmang aih mangai Isorali ùh lòm qnì cleq qmòh? Môise khoe doe: “Au broq ka pì tagrinh ka mangai diac wì; Au broq ka pì plòh nòeh ka mangai ùh qnì qmòe cleq”. **20** Êsai khoe ùh yùq ka anoe: “Bàì mangai ma ùh chaq au, aih khoe hnoq au, Au mahno ràdeh ka mangai ma ùh lah bòch trùh au”. **21** Ràu trùh mangai Isorali aih haq doe: “Au khoe hnhu tì xèq ka hì tangèa ta nang noe ma cadoq manoh loq capoch gôplà”.

11 “Khoe aih au bòch hòmh: Boc Plinh i cađac dèh mangai da haq? Ùh i, majah qmang aih; au hadai mangai Isorali, kon xau Apraham, nang noe da Bênjamin. **2** Boc Plinh qnhòq hmaq cađac dèh mangai haq ma khoe loq deh adroe. Oh daq ma ùh qnì ajang noè Hset Hadròeh ma achih trùh Êlì? Jò haq àu bòch waq ka Boc Plinh tabroq ka mangai Isorali, haq doe: **3** Waiq Chuaq! wì khoe jèh đac đong da ìh pajàu, raliang caqnìh đac da ìh prang tadreo; oe mòeq ngai au raq, dua wì chaq jèh đac hloe”. **4** Mahaq Boc Plinh têu qmang leq? “Au khoe padon òòeq ka ràdeh tapèh muan mangai gualô ùh hacùn cràng enh ngèa ka Ba-an. **5** Mandeq hadai, i mòeq qnah oe xrong hlài tiaq kan tabàih ma ràih dèh. **6** Mahaq tàng joq hi tiaq kan tabàih dech aih pi tiaq trong yiniq broq hòmh, ùh qmeh kan tabàih ma oe xài kan tabàih hòmh? **7** Aih qmang leq? Aih iq mangai Isorali chaq ùh jah trong wì haq ma chaq, mahaq mangai majah ràih aih khoe jah, mangai ma qnoeq aih loh ka cadoq manoh, **8** qmang ka bàu ma khoe achih: “Boc Plinh khoe broq ka wì loh ka clam cluiq, Mat ùh xau hnoq, don ùh xau tàng, Trùh hloe mandeq”. **9** Dawit hanoh doe: “Xoeq diq, yiniang yinàng da wì haq wìa jroh wìa hlàp, Wìa kan catoeh òòeq hu patem chau ka wì haq; **10** Xoeq diq mat wì haq loh ka clam cluiq, dōq wì haq ùh xau hnoq, Cròng wì haq kōc hloe

mòeq òde"! 11 Au bòch hòmh: Mangai Isorali catoeh qmang aih ahiaq òdeq hu cro hloeh ùh xài? Ùh xài qmang aih! Mahaq taiq yiniq lui wì haq kan dèch majah khoe trùh ka mangai diac wì, òdeq broq ka wì haq tagrinh. 12 Mahaq tàng yiniq lui wì haq khoe broq ka crõng taneh jah kan padrõng, kan capòch da wì haq khoe broq ka mangai diac wì jah padrõng kan, loq ka kan padrõng da wì haq! 13 Au anoe ka pì oh daq mangai diac wì: Enh nêh trùh manòeq, au broq mangai Tiaq Cla am ka mangai diac wì, au àu broq òdq trong au ma patih jah ranhòm, 14 òdeq ka manoh cliac oh daq mangai diac cla nhên tajênh, òdq wì loq ran òeh diq, òdeq i òeh mœq qnah ngai ta wì haq jah dèch. 15 Tàng joq kan hlêh òch da wì haq khoe broq ka phu crõng jah hatroq, aih èh jò wì haq wih hlài ta kan tabàih dech, aih ma ùh xài rih hlài enh kan cachit qmòh? 16 Tàng plì gàu mùa hadròeh, aih diq ka òùng hanoh hadròeh, tàng riah haq hadròeh, aih diq ka hanenh hanoh hadròeh. 17 Tàng i mòeq baiq hamenh ma khoe sri òch, aih èh ih qmat long ôliu gàng khoe jah srep qmùt ajang bài teu hamenh aih òdeq jah pajum òeh ka jan, òeh ka riah da long ôliu, 18 apaq catêh ràðeh kô yeo loe ka bài hamenh aih. Tàng joq loq enh catêh, ih ep hêm qmang kô: Ùh xài ih tagah lep ka riah, ma joq qnàng riah ma tagah lep ka ih. 19 Aih èh ih hi doe: Bài hamenh qnoeq khoe sri òch òdeq ka au jah srep qmùt ajang teu bài aih. 20 Joq qmang aih, bài hamenh aih khoe sri càdach taiq wì haq ùh lùì, ih canòm ka manoh lùì majah keo oe, apaq catêh ràðeh mahaq thê ih loq iu yùq. 21 Majah qmang aih tàng joq Boc Plinh khoe ùh adênh ka bài hamenh cla long aih, aih èh haq hadai ùh i adênh cleq ka ih. 22 Qmang aih, ngan beq, ngan kan loq hanò xam kan ùh jah blìa da Boc Plinh: Kan ùh jah blìa ka wì aih bài mangai khoe tacro, kan loq hanò am ka ih, waq toq ih loq wèq ràðeh ta kan loq waq da haq, ùh meh ih hadai ep sri càdach. 23 Da wì aih, tàng wì ùh hiaq catàm yòt ta kan ùh lùì, aih èh wì hadai jah srep qmùt majah qmang aih Boc Plinh i cwiang srep qmùt wì haq. 24 Mahaq tàng ih khoe jah pot enh long ôliu gàng òdeq hu srep qmùt talong ôliu lem, aih loq ka bài wì aih hamenh da cla long ma ùh jah srep qmùt ta xem cla qmòh! 25 Qmang aih, au ùh enh ka oh daq ùh qnì kan hlèp kô, yùq èh oh daq loq doe òeh kô rabiaq: Aih iq, mòeq qnah raq mangai Isorali ma khoe loh ka cadoq manoh,

gòm trùh jò leq mangai diac wì khoe jah qmùt òdq haq tòm òeq; 26 khoe aih èh diq ka mangai Isorali hi jah dèch, qmang ka bàu khoe achih: "Mangai paclaih loh enh Si-ôn, Dèch òch kan ngang dù loh khoe ka Jacòp; 27 Aih kan tajao au broq ka wì, jò au dèch càdach ka hangai yiniq lui wì haq". 28 Tàng hatuàng trùh Bàu lem, wì aih khoe loh mangai tagit ka pì, mahaq tàng hatuàng trùh kan ràih enh plinh wì haq aih raq mangai jah kan loq waq taiq ajang boc yaq, 29 majah qmang aih bài biac Boc Plinh ma am xam bàu creò da haq ùh jò leq tablòq. 30 Qmang ka enh adroe nêh oh daq khoe ùh iu Boc Plinh, yàng manòeq kô taiq kan ùh iu da wì aih oh daq ma khoe loh ka jah kan ha-och, 31 hanoh qmang aih, manòeq kô wì haq khoe ùh iu, òdeq hu hadai jah kan ha-och troeq kan ha-och khoe am da oh daq. 32 Majah qmang aih, Boc Plinh khoe clêh diq òong ta kan ùh qnì iu òdeq hu ha-och diq òong rìm ngai. (eleēsē g1653) 33 Wùih! joq jrùq qnàng kan padrõng, kan rabiaq, kan loq da Boc Plinh! Kan hadrah da haq cabò ma hlàt tem, trong da haq cabò ma hlàt qnhro! 34 Aleq i cabò loq ka manoh da Chuahq? Cabò ma khoe wiang hatinh ti haq? 35 Cabò khoe am ka haq cleq adroe òdeq hu jah haq padreo hlài? 36 Majah qmang aih rìm yiniq diq loh enh haq, canòm ka haq, tangèa diq ta haq. Kan ranhòm mòeq òde ùh lùch oe diq òong ta haq! Amen. (aiōn g165)

12 Qmang aih, au yòc kan loq waq da Boc Plinh, pariaq diq ka pì oh daq dèch qmòe chac cla pì òdeq broq ramênh rih, hadròeh lem ka manoh Boc Plinh, aih raq kan kùh waiq ma troq da oh daq. 2 Apaq top dua qnhòng kô, mahaq wih wia tiaq manoh oh daq ma khoe jah paneo, òdeq hujah qnhro loq trong lem manoh xam kan geo gù da Boc Plinh aih qmang leq càðeh. (aiōn g165) 3 Qmang aih, tiaq kan tabàih dech ma khoe am ka au, au anoe ka tang ngai oh daq apaq hêm ràðeh kô haqnèq hrin, mahaq ep i manoh hêm bu qnang lem tiaq maneh kan lùì Boc Plinh ma khoe am ka tang ngai. 4 Majah qmang aih, tiah ka mòeq toq chac raq mahaq ta aih i bàc yiniq, bài yiniq aih i òeh hra trong abroq crài ka dabau; 5 hadai qmang aih, enh dalam ka Christ bèn kô bàc ngai mahaq khoe loh mòeq chac, bài bèn kô aih hamenh da dabau. 6 Majah qmang aih bèn i bài kan tabàih crài ka dabau, tiaq kan tabàih dech khoe

am ka tang ngai, mangai leq jah am tapoch pajau, aih asràm tapoch hatiaq dèh manoh lù; 7 cabô jah creò hu broq mangai patih, aih ep kàt racop raðeh ti biac patih, cabô broq mangai hnài, aih ep hnài; 8 cabô broq mangai pariaq, aih pariaq, cabô broq mangai ti tabàih am, aih tabðeh am majoq qnàng haq, cabô broq mangai qnung ngoe, panim haq ðoq hu qnung ngoe, cabô broq mangai loq ha-och, drah lem bùi ka broq. 9 Kan loq waq ep ma joq qnàng haq. Ep git ka trong dù bēh trong lem. 10 Drah yóc kan loq waq laq alàng ðoq ha-och ka dabau tiah ka oh daq, ngan wì qnoeq ùh hnau ka cla raðeh. 11 Drah panim apaq aroh, ep i manoh loq nhèt: ep patih ka Chuaq. 12 Drah loq bùi ta kan tangèh, loq àt ta kan nanxa, cajap manoh ðoq hu waiq khàn. 13 Drah lah axong dahwèq am ka mangai da Boc Plinh jò wì haq i ðeh yiniq nhèt ka waq, ðiq ka manoh loq ðih tamoe; 14 waiq am xôq ramot ka mangai rùp oh daq, waiq am xôq ramot ùh dùh hanip. 15 Wiang lem bùi ti mangai lem bùi, crò ti mangai crò. 16 Oh daq ep acaq oe ma hatroq ti dabau, apaq enh toq ka rahù rahòm, mahaq loq haqmuan raðeh. Apaq doe ðeh rabiaq. 17 Apaq yóc kan dù ðoq hu patem chau ka cabô, mahaq enh ngèa rìm ngai, ep hèm ngan trong leq malem. 18 Tàng jah, yóc ðiq dèh ka padren hiwa ðoq àu hatroq ka rìm ngai. 19 Yôi yôi oh daq da au, cla pì apaq patem chau ka cabô, mahaq ðôq daiq ka kan nòeh da Boc Plinh, majah qmang aih i bàu khoe achih: “Kan patem chau aih oe ta au, i au tabroq chau.” 20 Qmang aih tàng joq mangai tagit ka pì haq hrah, qmì haq acaq, tàng joq haq croh ranöng, drah am haq ôq, broq qmang aih tiah ka pì tah ngia ùnh tagàu wì”. 21 Apaq ðôq trong dù blêq pì, mahaq ðôq trong lem blêq trong dù.

13 Rìm ngai ep iu tiaq mangai wèq cwiàng enh qnhèq ka raðeh, majah qmang aih ùh i ka cwiàng leq ma ùh trùh enh Boc Plinh, bàì cwiàng aih ðiq Boc Plinh thê. 2 Qmang aih, cabô tablêq hlài ka mangai wèq cwiàng, aih haq tablêq hlài ka bàu Boc Plinh khoe thê, mangai tablêq qmang aih haq taqmac yóc ka raðeh kan hadrah. 3 Majah qmang aih, mangai wèq cwiàng ùh xài ðôq ka mangai broq lem crè mahaq ðoq ka mangai broq dù crè. Ìh ngèh ka ùh hiaq ep yùq crè ka mangai i cwiàng ajoq? Aih drah broq trong lem beq ðoq hujah wì haq manè baha ìh; 4 majah qmang aih wì haq

aih hapöng Boc Plinh ðoq i lòeq ka pì. Mahaq tàng ìh broq trong qmèq, aih khòh lèt, majah qmang aih mangai wè chang ùh lah wè waiq ùh i ka yiniq, wì haq aih ranac da Boc Plinh ðoq hadrah mangai broq dù. 5 Aih ìq dài majah ep iu, ùh xài crè toq ka loq phóc hi hêq, mahaq hadai taiq deh manoh cliac. 6 Aih ìq raq oh daq majah ep caqnaih thèq, majah qmang aih mangai wèq cwiàng aih hapöng Boc Plinh ðoq hu broq trong kô. 7 Ep caqnaih da rìm ngai ðoeh oh daq ma khoe pòq: Caqnaih thèq ka mangai ìh ep thèq, wiang tagop ka mangai khòh wiang gop, crè ka mangai khòh crè, ta iu ka mangai khòh ta iu. 8 Apaq pòq ðoeh bô yac ka yiniq cleq, enh gùng kan loq waq ka dabau, majah qmang aih cabô loq waq dèh ka mangai ma haten hatia aih haq khoe broq gèh ranenh. 9 Hacô bài ranenh aih qmang kô: ìh apaq tango, apaq jêh ðac mangai, apaq atùng, apaq daiq plai hloe xam bài ranenh qnoeq, yac ka ranenh leq ðiq yùp ta mòeq bàu kô: ìh ep loq waq ka mangai haten hatia tiah ka cla ìh. 10 Kan loq waq ùh broq habo ka mangai ten tia. Qmang aih kan loq waq broq gèh geo ranenh. 11 Drah acaq oe qmang aih, majah qmang aih bèn loq manòeq: Khoe ten trùh jò, oh daq ma kùì rù beq, majah qmang aih kan dèch da bèn trùh khoe ten, ùh hnau ka jò bèn ma baxèm lùì. 12 Mang khoe jrùq, hì khoe ten trùh, qmang aih bèn drah lêh cadac bài yiniq broq da kan clam cluiq ðoq hu taqmac wè ranac da kan qngah qngai. 13 Drah cadiang lam ma qnhrang qmang ka dahì. Apaq ðôq raðeh tacro catàm ta kan ôq bù haqnhròch, taliq talàn xam kan tajêh; 14 mahaq caxùnh yóc Chuaq Jesus Christ rai apaq hèm ðoq chaq trong hu patih bài biac xech akia ma rahèh. XuXh 20:13-17 PhuDnl 5:17-21

14 Drah lem manoh ðoq hu ðih wì oh daq manoh lùì ma yeo hamoq ðeh, ùh dùh rahen dèh trong haq ma qnhòq dài lùì. 2 Mangai kô lùì rìm yiniq ðiq khòh acaq, mangai manoh lùì ma yeo biac tau acaq ðeh toq cachiq. 3 Mangai acaq apaq jù dèh ka mangai ùh acaq, mangai ùh acaq apaq ti hadrah dèh ka mangai ma acaq, majah qmang aih Boc Plinh khoe ðih yóc dèh haq. 4 Ìh qmat ìq cabô gleq ma hùà hadrah hapöng da mangai qnoeq? Haq yòng qnì haq cro qnì aih mac da cla craq haq mahaq haq yòng, majah qmang aih Chuaq i cwiàng am ka haq qnhrang. 5 Managai kô hèm hi kô ùh

hnau ka hì qnoeq, mangai tau hèm yac ka hì leq hanoh daq adàng, mangai leq mangai meh lùì cajak dèh ta gàu ngoc. **6** Mangai ma wèq hì aih, dài Chuaq haq majah wèq, mangai ma acaq aih dài Chuaq haq men acaq, majah qmang aih wì haq manè apôi Boc Plinh, mangai ma ùh acaq aih hanoh dài Chuaq wì haq majah ùh acaq, wì haq hanoh manè apôi Boc Plinh. **7** Majah qmang aih taqne bèn kô ùh i mangai leq rih toq ka rađeh, èh hòm taqne bèn hanoh ùh i mangai leq ma cachit ka rađeh, **8** tâng bèn rih aih rih ka Chuaq, tâng bèn cachit aih cachit ka Chuaq. Qmang aih yac ka bèn rih yac ka bèn cachit, aih diq ta Chuaq. **9** Christ khoe cachit mahaq khoe rih hlài aih òđeq hu broq Chuaq da mangai cachit xam mangai rih. **10** Mahaq gleq ìh majah hadrah dèh oh daq? Da ìh hòm, hagleg ìh loq jù đac dèh oh daq? Majah qmang aih, bèn kô èh diq ep yòng enh ngèa ka gèq Boc Plinh haqngui hadrah bèn. **11** Majah qmang aih i bàu khoe achih rameh: “Chuaq doe: Joq qnàng troeq au kô rih halinh, rìm toq cràng diq ep hacùn enh ngèa au, rìm toq rapet jah manè apôi Boc Plinh”. **12** Aih èh, ajang ngèa Boc Plinh bèn diq ep taqmon hlài rìm yiniq bèn ma khoe broq. **13** Qmang aih bèn pi dùh ti hadrah dèh ka dabau, yac ka qmang leq dua bèn ùh roh hmo ti qngèa oh daq, ùh broq ka wì haq tacro. **14** Au loq rai lùì joq qnàng ta Chuaq Jesus ùh i cleq ma ùh hruah, toq rameh raq cabô hèm dahwèq kô ùh hruah aih haq ùh hruah toq ka mangai aih. **15** Tâng joq mòeq dahwèq acaq ìh broq ka oh daq ep mangò, qmang aih ìh pi oe broq tiaq kan loq waq hòm. Ùh dùh òđeq dahwèq acaq da ìh broq raliang đac mangai Christ ma khoe cachit am. **16** Qmang aih apaq đôq i yiniq cleq ìh loq haq lem mahaq loh nen òđeq ka wì capoch qmèq. **17** Majah qmang aih diac Boc Plinh aih ùh xài ajang nòe acaq ôq mahaq ajang kan taq atoq, catèm, lem bùi trùh enh Yiang Hadròeh. **18** Mangai leq tiaq trong aih òđeq patih ka Christ aih jah lem manoh Boc Plinh, jah wì manè. **19** Qmang aih, bèn drah chaq trong broq qmang leq hujah hatroq ti dabau ma òđeq broq dua qngah ka dabau. **20** Ùh dùh òđeq trong acaq raliang đac bìac Boc Plinh ma broq. Rìm dahwèq acaq aih diq hruah, bèn acaq mahaq broq ka mangai qnoeq catoeh ataq, aih raq kan dù. **21** Ma yeo lem, aih ùh acaq jam, ùh ôq alac rai ùh broq qmòe cleq đôq ka oh daq bèn catoeh cro. **22** Bại trong kô, ìh i dèh

manoh lùì pang leq, ìh wèq ka rađeh pang aih enh ngèa ka Boc Plinh. Xôq ramot ka mangai leq ma ùh taqmac yiniq lui ka rađeh tiaq trong cla haq ma khoe dì dèh. **23** Mahaq mangai leq oe raq i manoh qnhòq dai tùt ka dahwèq đeh ma acaq aih haq khoe taqmòq ka rađeh yiniq lui, majah qmang aih haq ùh acaq tiaq manoh lùì, yac ka broq cleq mahaq ùh tiaq manoh lùì aih raq yiniq lui.

15 Qmang aih bèn mangai ma tadèh, ep wiang pòq blòh kan trap ka mangai ma ùh i đeh ka padren, apaq broq waq ka lem toq ka manoh deh cla. **2** Rìm ngai bèn ep broq lem manoh ka mangai haten hatia bèn, òđeq i loèq ka wì hu broq dua lem ka wì. **3** Majah qmang aih, yac ka Christ hadai ùh broq lem toq manoh dèh cla, qmang ka bàu khoe achih: “Bàu bài mangai capoch qmèq khoe ta ùc enh qnhèq ta chac au”. **4** Majah qmang aih, rìm yiniq enh nèh khoe achih hlài òđeq hnài bèn, đôq enh kan loq àt xam kan alòng da Hset Hadròeh hnài, bèn jah i kan tangèh. **5** Waiq Boc Plinh aih xem da kan loq àt xam kan alòng am ka oh daq jah mòeq manoh oe ti dabau qmang ka Chuaq Jesus Christ. **6** Òđeq ka oh daq jah mòeq manoh mòeq bàu ti dabau hu manè apôi Boc Plinh, aih Baq da Chuaq Jesus Christ bèn. **7** Qmang aih, oh daq drah đih dabau, qmang ka Christ khoe đih EsIs 45:23 oh daq, đôq Boc Plinh jah kan ranhòm. **8** Majah qmang aih au anoe ka oh daq, Chuaq Jesus Christ khoe broq mangai patih tanòe bài mangai kat akia, òđeq hu patô qnoh Boc Plinh ùh gôpla, rai broq ka cajak bàu ma khoe têu am ka kan cadraq bèn; **9** qnah hòm đôq mangai diac wì jah manè apôi Boc Plinh taiq kan loq waq haq, tìah ka bàu ma khoe achih: “Aih raq, au majah manè apôi Boc Plinh taqne mangai diac wì, Calêu padèch yiniq haq”. **10** Èh i achih hòm: “Dìq ka mangai diac wì, lem bùi ti mangai da Chuaq beq. **11** Èh hòm: “Dìq ka mangai diac wì, Drah manè apôi Chuaq, rìm ngai khòh manè haq”. **12** Êsai hanoh doe: “Enh rangàu riah da Jêse, jah plòh loh hamenh Moèq ngai ma hu yòng wèq diq ka mangai diac wì, Mangai diac wì jah tangèh đeh ta haq aih”. **13** Waiq Boc Plinh da kan tangèh, broq ka oh daq jah lem bùi rìm trong xam rìm kan catèm ta kan lùì, òđeq ka oh daq canòm ka cwiang itai da Yiang Hadròeh jah bình bauq kan canòm. **14** Dìq đổng oh daq da au, au lùì oh daq i bình kan loq hanò,

bình kan rabiaq, èh loq hnài dabau. **15** Joq au khoe yõc diq dèh ka manoh ùh hòq ka achìh jàiq òdeq anoe ka oh daq trong kô trong tau, aih òdeq broq ka oh daq hmàng, kan tabàih Boc Plinh khoe am ka au **16** jah wìa mangai patih da Chuaq Jesus Christ am ka mangai diac wì, broq pajàu Bàu lem da Boc Plinh, òdeq mangai diac wì jah wìa ramènìh lem ka manoh Boc Plinh, jah kan hruah enh Yiang Hadròeh. **17** Aih èh enh da lam ka Jesus au i nen hu catèh rađeh ti ajang nòe au ma khoe patih ka Boc Plinh. **18** Majah qmang aih, au ùh hùà capoch cleq yeo loe ka bài trong Christ ma khoe thê au broq òdeq mangai diac wì jah iu tiaq haq, enh bàu capoch trùh yiniq broq, **19** enh noè cwiàng itai xam kan halac, tiaq kan itai enh Yiang Hadròeh da Boc Plinh, patep enh Jêrusalem xam bài gùng dudan aih trùh hloe tagùng I-lyri, au aràng Bàu lem da Christ lam jàp jĩa. **20** Manoh da au toq enh anoe trong Bàu lem tanòe leq yiniq Chuaq Jesus Christ qnhòq lah i cabô ràu trùh, òdeq au ùh hĩaq broq hnìh enh qnhèq ka xàn hnìh wì qnoeq, **21** qmang ka bàu khoe achìh: “Bài mangai qnhòq lah hĩa trùh haq, aih jah hnoq haq, Bài mangai qnhòq lah tàng anoe trùh haq, aih jah loq ka haq”. **22** Kô iq raq kan khech tăt, broq ka au khoe bəc yàng ùh jah trùh hmàih ka oh daq. **23** Mahaq manòeq kô pi oe i cleq tăt padràng au oe ta bài gùng kô, qnah hòm khoe toq leq hanam, au toq ngèh ka jah trùh ti oh daq; **24** qmang aih tàng au jah lam tagùng Ypha-nho, au diq enh troq trong hu hmàih hloe ka oh daq, khoe ka jah oe lem bùi ti oh daq au hadai enh canòm ka oh daq qnung au lam. **25** Hnoq anoe qmang aih, manòeq kô au qnang ti trong trùh ta Jêrusalem òdeq hu patih ka bài mangai hadròeh ta aih. **26** Majah qmang aih mangai ta Maxêdoan xam mangai tagùng Achai khoe lem bùi ta manoh wiang tagop bac jèn hu tabàih ka ba mangai hadròeh da Chuaq ta Jêrusalem ma qnang hamoq. **27** Wì lem manoh broq qmang aih, majoq qnàng wì pòq òdeh mangai Judà, tàng joq mangai diac wì khoe jah wiang pajùm xôq ramot ti mangai Judà, aih wì haq ep yõc dèh kùng hang qnhòng kô òdeq hu wiang am ka mangai Judà. **28** Qmang aih, gòm jò au broq gèh ka biac kô, jò au loq ka joq qnàng wì khoe jah bài dahwèq aih, au hi lam hmàih ka oh daq, èh au hi lam ta Ypha-nho. **29** Jò au trùh ti oh daq, au aràng bình halùih xôq ramot da Christ ka oh daq. **30** Qmang aih,

canòm ka Chuaq Jesus Christ da bèn xam kan loq waq loh enh Yiang Hadròeh, au enh oh daq wiang pajùm ti au trong bàu waiq khàn am ka au enh ngèa Boc Plinh. **31** Òdeq au jah claih enh ti kống bài mangai ùh lùì tagùng Judê, òdeq bài dahwèq au ma wê aràng kô wì oh daq hadròeh ta Jêrusalem jah òi yõc. **32** Aih èh, au hi jah lem bùi òdeq hu trùh ta oh daq, canòm tiaq manoh Boc Plinh enh, èh diq ka bèn hadai jah padài ti dabau. **33** Waiq Boc Plinh kan catèm oe ti oh daq! Amen.

16 Au thê mòeq ngai gucadrì yiniq haq Phêbê trùh ta pì, aih hanoh oh daq bèn, haq aih mangai wiang patih ti tagop oe ta Sencorê. **2** Qmang aih, enh dalam ka Chuaq pì òh haq ma taji qmang ka mangai hadròeh rai am ka haq bài dahwèq haq ma i òeh yiniq nhèt ka waq, majah qmang aih haq hanoh khoe loq wiang am ka bəc ngai qnoeq ta aih hadai i hloe xam au. **3** Au bəc hmàih Bêritsin xam Aquila, wa aih mangai hadai wiang patih ka Chuaq Jesus Christ ti au. **4** Wa khoe tamùà cla rađeh òdeq hu òng kan rìh au, ùh xài mòeq ngai au manè wa mahaq xam Tagop Ha dròeh da mangai diac wì. **5** Hadai bəc hmàih trùh ka Tagop Hadròeh ma tagop ta hnìh wa aih. Bəc hmàih ka Êbai-net, aih bua ma diq jaq haten hatia ka au, oe tagùng Asi, haq aih mangai ma baxèm tawìh tiaq Christ. **6** Au bəc hmàih ka Mari, mangai ma khoe xalep ka oh daq. **7** Au bəc hmàih ka Antrô-nica xam Juni-a, mangai mòeq gùng ti au, mangai hadai oe tu ti au. Taqne bài mangai Tiaq cla, wa aih mangai i tiàng i bang, wa aih oe ta Chuaq adroe ka au. **8** Bəc hmàih ka Amlì-a, bua au oe ta Chuaq. **9** Bəc hmàih ka Uroban, mangai abroq ti au oe ta Chuaq xam Êtachi, bua lem da au. **10** Bəc hmàih ka Abêlo, mangai khoe lem manoh Christ. Bəc hmàih ka oh daq oe ta hnìh Arit-tôbu. **11** Bəc hmàih trùh Herôdi-ôn, mangai mòeq gùng ka au. Bəc hmàih ka oh daq oe ta hnìh Naxit, aih bài mangai oe ta Chuaq. **12** Bəc mành trùh Triphêno xam Triphôso, aih bài mangai gucadrì abroq patih ka Chuaq. Bəc hmàih ka Betsidô, aih bua au mangai khoe broq bəc biac ka Chuaq. **13** Bəc hmàih ka Ruphu, mangai Chuaq khoe ràih dèh, xam miq haq mangai hadai khoe wìa miq au diq. **14** Bəc hmàih ka Asincôrich, Pholêgon, Het me, xam oh daq oe ti wì aih. **15** Bəc hmàih ka Philo-Lojò xam Juli, Nêre xam daq cadrì haq, Ôlìm

xam diq dǝng mangai hadrǝh ma oe ti wǝ haq. **16** Diq ka oh daq yǝc kan hǝp lem hadrǝh đǝeq hmǝih ka dabau. Diq dǝng ka Tagop Hadrǝh da Chuaq tanap bǝu bǝch hmǝih trǝh oh daq. **17** Mandeq kǝ au pariaq diq ka pǝ oh daq khǝh hamang ka bǝi mangai ma loq ti jrǝq chiu waq oh daq talah ka dabau, broq dua qmǝq, crǝi ka bǝu oh daq ma khoe jah hǝc. Drah wia ma hangai ka wǝ aih. **18** Majah qmang aih wǝ haq ùh i patih ka Christ, Chuaq da bèn, mahaq patih dèh ka trom hǝng, yǝc bǝu rangot tiaq ka diac cadrot đǝeq aluǝn padǝ manoh cliac mangai ma ùh qnǝ đeh cleq. **19** Kan loq iu da oh daq, mangai leq mangai meh khoe loq deh hra, aih ìq dài au majah manè oh daq, mahaq au toq ngèh ka oh daq rabiaq ka trong lem, ùh rabiaq ka trong dù. **20** Boc Plinh kan catèm kǝ èh rǝnh jǝiq padit Satan enh caqnàm jènh oh daq. Waiq kan loq waq da Chuaq Jesus bèn oe ti oh daq! **21** Timǝthǝ, mangai hadai patih ti au bǝch hmǝih trǝh oh daq, Lusi-ut, Jasǝn xam Sobatǝ, aih hadai mangai Judǝ troeq ka au bǝch hmǝih trǝh oh daq. **22** Au kǝ Tec-tiu mangai ma achih jǝiq kǝ, bǝch hmǝih ka oh daq enh dalam ka Chuaq. **23** Gai-ut mangai khoe đǝih au xam Tagop Hadrǝh, bǝch hmǝih oh daq. **24** Êrat mangai aih cwan wèq kho bac ta phǝq xam Karǝtu, oh daq bèn hadai i bǝu bǝch hmǝih trǝh ohdaq. **25** Manè apǝi Boc Plinh ma i cwǝang broq ka oh daq cajap manoh qmang ka Bǝu Lem au ma anoe xam bǝu da Chuaq Jesus Christ ma khoe hnǝi, tiaq kan mahnu bǝi kan hlèp ma khoe cadoc enh qnhǝng calah nèh, (aiǝnios g166) **26** mandeq kǝ khoe jah patǝ qnoh, tiaq bǝu Boc Plinh rǝh halǝnh thǝ, canòm ka bǝi hset pajǝu pèh am ka rǝm ngai diac wǝ jah loq đǝeq hu ajènh aràng wǝ haq trǝh ajang kan loq iu da manoh lùì, (aiǝnios g166) **27** ajang Chuaq Jesus Christ, waiq kan ranhòm hlǝi diq ta Boc Plinh toq haq raq ma rabiaq, halǝnh mǝeq đǝe! Amen. (aiǝn g165)

I CORINHTO

1 Paulo, tiaq manoh Boc Plinh khoe jah creo broq mangai Tiaq cla da Jesus Christ, pajum ka Sothen oh daq bèn, **2** achih am ka Tagop Hadròeh da Boc Plinh oe ta Corinto, aih boè mangai khoe jah basròeh enh dalam ka Jesus Christ, khoe jah creo mangai hadròeh, sam ka rim ngai creo dang yiniq Jesus Christ, aih Chuaq da bèn sam da wì aih yac ka wì oe taleq. **3** Waiq ka oh daq jah kan tabòeh dech sam kan catèm enh Boc Plinh, Baq bèn, sam Jesus Christ. **4** Au ùh hêq ka manè apôi Boc Plinh, majah qmang aih kan tabòeh dech Haq khoe am ka oh daq enh dalam ka Jesus Christ, **5** majah qmang aih enh dalam ka Haq oh daq khoe jah padrông rim trong, enh bàu capoch trùh kan rabiaq, **6** qmang ka bàu nhèn anoe trùh Christ khoe jah cajap taqne oh daq. **7** Oh daq ùh i blat qmòe mòeq kan tabòeh leq enh Yiang Hadròeh jò oh daq qnang ngèh gòm Jesus Christ bèn trùh. **8** Haq aih ma broq ka oh daq jah cajap manoh trùh lùch trùh gêh, dôq trùh hì Jesus Christ da bèn oh daq ùh hiaq i qmòe ajang leq ma ep cwò. **9** Boc Plinh aih ùh tablòq manoh, Haq khoe creo ka oh daq jah taqmùt ti Jesus Christ kon Haq, aih raq Chuaq da bèn. **10** Au canòm ka yiniq Jesus Chuaq da bèn, òeq hu pariaq diq ka oh daq ep pajum mòeq bàu, apaq lah ðac dabau mahaq ep mòeq manoh mòeq cliac ka dabau. **11** Majah qmang aih, enh bòe mangai oe ta hnim Ko-lo-ê, au i hia bàu doe taqne oh daq i kan tagrình ka dabau. **12** Au enh doe taqne oh daq i mangai doe qmang kô: “Au tiaq Paulo”; qnah ngai qnoeq doe: “Au tiaq Abo-lo”; mangai qnoeq doe: “Au tiaq Sepha”, maqnoeq hòem doe: “Au tiaq Christ”. **13** Aleq Christ khoe pah broq baiq qmòh? Ahiaq Paulo khoe chiuiq tiang ðình talong pagat am ka oh daq, tàng ùh meh oh daq khoe canòm ka yiniq Paulo òeq broq baptem ajoq? **14** Au manè apôi Boc Plinh majah qmang aih enh gùng ka Korit-bu sam Gai-ut, taqne oh daq au qnhòq lah broq baptem am ka cabô, **15** dôq ùh hiaq i cabô doe oh daq khoe yòc yiniq au òeq broq baptem. **16** Joq au i broq baptem ka mangai ta hnim Sepha-na, enh gùng ka hnim aih au pi hmàng ðeh khoe broq batpem am ka cabô hòem. **17** Majah qmang aih Christ thê au trùh ùh xài òeq hu broq baptem, mahaq òeq hu anoe hnài Bàu lem, hadai ùh

hnài sam hacùng bàu rabiaq da kon mangai, dôq kan i cwiang itai long pagat da Jesus Christ ùh hia hnhung ðac. **18** Majah qmang aih, bòe mangai ma hnhung lùch wì doe bàu ma hnài trùh long pagat aih kan ratùt, mahaq da bèn mangai ma khoe jah ðèch aih raq cwiang itai da Boc Plinh. **19** Majah qmang aih i bàu khoe achih: “Au raliang ðac kan rabiaq da mangai rabiaq, Au palùng ðac kan loq da mangai loq”. **20** Mangai rabiaq oe taleq? Mangai hnài ranen nh taleq? Mangai rabiaq ka hadrah qnhòng kô oe taleq? Ajoq Boc Plinh khoe broq kan rabiaq da crông taneh kô loh ka ratùt ùh? (aiôn q165) **21** Majah qmang aih taiq crông taneh kô canòm ðèh kan rabiaq cla, ùh canòm kan rabiaq da Boc Plinh òeq hu canau ka Boc Plinh, dài Haq majah lem bùi ðèch bòe mangai i manoh lùlì ajang bàu hnài da mangai blùng qmang ka nhèn. **22** Jò mangai Juda bòch toq kan halac, mangai Gorec chaq toq kan rabiaq, **23** mahaq nhèn anoe toq Christ tiang ðình talong pagat, aih kan catoeh ka mangai Juda, mangai diac wì doe aih kan blùng; **24** mahaq da bèn mangai ma khoe jah creo yac ka mangai Juda yac ka mangai Gorec Christ aih kan itai sam kan rabiaq da Boc Plinh. **25** Majah qmang aih kan blùng da Boc Plinh aih rabiaq yeo hnau kan rabiaq da mangai, kan ùh nèn da Boc Plinh aih yeo ðèh ka padren mangai. **26** Hèm beq! taqne pì oh daq ma khoe jah creo, tiaq qnhòng kô pì ùh i bacc ngai rabiaq, ùh bacc ngai i cwiang, ùh bacc ngai rahù ranhòm. **27** Mahaq Boc Plinh khoe yòc kan blùng ta crông taneh òeq broq ka mangai rabiaq camaih, Boc Plinh yòc kan ùh nèn ta crông taneh òeq baxep ka mangai tadêh. **28** Boc Plinh khoe yòc kan ùh cra, kan wì ma jù lê cadac, sam bòe yiniq ùh i hnoq, òeq broq bòe yiniq xau hnoq loh ka pi i hnoq, **29** dôq ùh i mangai leq jah padèch ràdeh enh ngèa Boc Plinh. **30** Qmang aih, canòm ka Haq oh daq ma khoe jah oe ta Jesus Christ aih Mangai Boc Plinh ma khoe broq Haq wia kan rabiaq, kan taq ataq, kan hadròeh sam kan ðèch diq ka bèn; **31** òeq tiàh ka bàu ma khoe achih: “Cabô catèh ràdeh, ep catèh enh dalam ka Chuaq”.

2 Jò au trùh ti pì, au ùh yòc bàu haqnèh bàu rabiaq òeq hu hnài oh daq, dôq oh daq jah loq trong da Boc Plinh ma khoe ði. **2** Majah qmang aih, au khoe qnac òeq ðèh ta manoh: oe taqne oh daq, au ùh qnì cleq loe enh gùng

ka Jesus Christ, èh Jesus Christ khoe tiang đình talong pagat. 3 Jò oe taqne oh daq, au joq pi nac canèn, yùq crè rai tarit. 4 Enh bàu ta hatuàng trùh bàu hnài da au ùh xài loh enh kan rabiaq ka padô, mahaq loh enh kan mahno da Yiang Hadrèh sam cwiàng itai; 5 dôq oh daq ùh hiaq òeq dèh manoh lùì ajang kan rabiaq kon mangai, mahaq ajang kan itai da Boc Plinh. 6 Hnoq anoe qmang aih, nhèn hnài kan rabiaq am ka bòe mangai khoe gèh mangai, mahaq ùh xài enh kan rabiaq ta qnhòng kô, ùh xài kan rabiaq enh mangai wèq qnhòng kô, aih bòe mangai padon raliang hnhung. (aiōn g165) 7 Nhèn hnài kan rabiaq da Boc Plinh, aih raq kan hlèp ma khoe cadôc enh bòe qnhòng adroe, Boc Plinh ma khoe palauq òeq am da kan ranhòm bèn. (aiōn g165) 8 Mangai ma wèq cwiàng ta qnhòng kô ùh i mòeq ngai leq ma loq trong aih, majah qmang aih tàng joq wì loq wì khoe ùh tiang đình Chuaq ranhòm talong pagat. (aiōn g165) 9 Mahaq i bàu achih rameh: “Aih bòe yiniq mat qnhòq hnoq, don qnhòq tàng, Manoh mangai hadai qnhòq hèm trùh. Mahaq Boc Plinh khoe padon qmòe bòe yiniq aih, òeq am dèh ka mangai loq waq ka Haq”. 10 Boc Plinh khoe canòm ka Yiang Hadrèh òeq mahno ka bèn bòe yiniq aih, majah qmang aih Yiang Hadrèh sreo loq đồng rìm yiniq, loq sam bòe kan hlèp ta manoh Boc Plinh. 11 Majah qmang aih, tàng joq ùh xài yiang oe ta cliac manoh mangai, aih cabô ma loq ta manoh cliac mangai qmang leq? Hanoh qmang aih, ùh i cabô loq ka manoh Boc Plinh enh gùng ka Yiang Hadrèh da Boc Plinh. 12 Yiang bèn ma khoe jah mandeq kô ùh xài loh enh crông tanèh, mahaq bèn khoe jah yôc enh Yiang Hadrèh da Boc Plinh, òeq bèn loq canau ka bòe kan tabòeh bèn ma jah enh Boc Plinh; 13 anoe trùh kan tabòeh aih, nhèn ùh yôc kan rabiaq kon mangai òeq hu hnài trong aih, mahaq canòm kan rabiaq enh Yiang Hadrèh, yôc bàu yiang anoe hnài trong yiang. 14 Mangai ùh i ka Yiang Hadrèh ùh lùì bòe yiniq trùh enh Yiang Hadrèh, majah qmang aih haq aih hnoq trong aih budàng kan ranhùà, ùh hlàt loq majah qmang aih ep hadro ngan tiaq trong yiang. 15 Mahaq mangai i yiang aih haq hadro ngan rìm yiniq, cla haq hadai ùh hiaq ep dèh ka cabô hadrah ka raðeh. 16 Majah qmang aih, mangai leq ma khoe loq ta manoh Boc Plinh, òeq hu hnài Haq? Mahaq da bèn aih i manoh da Christ.

3 Qmang aih, oh daq cadri sam oh daq calô, au enh capoch tuàng ka pi qmang ka mangai rih tiaq Yiang Hadrèh mahaq ùh jah, mahaq qmang ka mangai oe raq xech akia, tiah ka kon hin enh dalam ka Christ. 2 Au yôc diac tôh qmi oh daq, ùh qmi sam dahwèq cadoq, majah qmang aih oh daq ùh hlàt acaq, trùh mandeq dua qnhòq hlàt, majah qmang aih oh daq oe raq qnhòq waq. 3 Joq, enh dalam pi oh daq oe raq i kan tagit, talech aih ma ùh joq oh daq oe raq ta xech akia rih tiah ka mangai crông tanèh kô qmòh? 4 I qnah ngai doe: “Au tiaq Phaulo, qnah ngai doe: Au tiaq Abolo, qmang aih pi i crài cleq ka mangai qnoeq qmòh? 5 Abolo aih cabô? Èh Phaulo aih cabô? Aih bòe mangai hapōng, enh wa aih oh daq khoe jah lùì, wa mangai broq dèh hra trong Chuaq khoe thê. 6 Au khoe pìt, Abolo khoe pùc mahaq Boc Plinh ma broq ka yòng kàn. 7 Qmang aih, mangai pìt mangai pùc òeq ùh loh cleq, mahaq Boc Plinh ma broq ka yòng kàn. 8 Mangai pìt sam mangai pùc òeq adàng ka dabau, mangai jah dèh hra kan baha mac deh wa ma khoe broq pang leq. 9 Nhèn kô hanoh mòeq bua wiàng patih ka Boc Plinh, oh daq aih rùang da Boc Plinh abèq, hnim da Boc Plinh broq. 10 Tiaq kan tabòeh Boc Plinh am, au khoe tàc xàn hnim qmang ka mangai thòq rabiaq, i mangai qnoeq trùh broq enh qnhèq ka aih, mahaq mangai leq mangai meh ep rabiaq òeh hra yiniq leq wì ma broq enh qnhèq ka xàn aih. 11 Majah qmang aih, ùh i cabô jah broq ònh xàn qnoeq enh gùng ka xàn ma khoe tàc: aih Jesus Christ. 12 Tàng i cabô yôc wang, bac, hmo ngôc, long, nhat croh, hri croh òeq broq enh qnhèq ka xan aih. 13 Yiniq broq da tang ngai thòq òeq jah paqnoh hnoq đồng. Majah qmang aih hi trùh Hì bòe yiniq broq aih hi jah qnoh đồng taqngah, haq jah paqnoh ta ùnh, ùnh èh ma qnhro ngan yiniq broq da tang ngai. 14 Tàng yiniq broq da cabô khoe broq enh qnhèq ka xàn aih ùnh ùh hiaq cheo, aih èh haq hi jah dèh kan baha. 15 Tàng yiniq wì haq khoe broq ùnh cheo đồng, aih pi jah baha cleq. Cla haq aih èh jah dèh, mahaq tiah ka bu clech ka ùnh. 16 Oh daq ma ùh qnì raðeh raq hnim kùh waiq Boc Plinh, Yiang Hadrèh da Boc Plinh oe enh dalam ka oh daq qmòh? 17 Tàng i cabô raliang òeq hnim kùh waiq da Boc Plinh, aih èh Boc Plinh raliang òeq mangai aih. Majah qmang aih, hnim kùh waiq da Boc Plinh aih hadrèh, oh daq raq hnim kùh waiq. 18 Ngan oq, apaq qnùt dèh raðeh:

Taqne oh daq tàng loq i mangai leq xoh deh rabiaq top dua qnhòng kô, thê drah wia mangai ùh qnì òòeq hu jah rabiaq, (aiôn q165) 19 majah qmang aih rabiaq tiaq top dua qnhòng kô, enh ngêa Boc Plinh aih kan blùng. Qmang ka bàu khoe achi: “Chuaq rùp mangai rabiaq ta kan rabiaq cla wì”. 20 Èh hò: “Chuaq loq ka manoh mangai rabiaq, Haq loq trong wì hèm aih òi ùh loh cleq”. 21 Qmang aih, pi òùh catèh cabò broq mangai qnong ngoe pì hò! Rìm yiniq oe òi ta oh daq. 22 Yac ka Phaulo, yac ka Abolo, yac ka Sepha yac ka crông tanèh kô, yac ka kan cachit, yac ka yiniq mandeq kô, yac ka bòe yiniq tabla kô èh; aih òi da oh daq, 23 oh daq aih da Christ, Christ aih da Boc Plinh.

4 Òi òng ka oh daq, thê pì ngan nhèn qmang ka hapông da Chirst, mangai wèq kan hlèp da Boc Plinh. 2 Mandeq kô, wì ma ngèh mangai wèq kan hlèp aih ep ùh hiaq loq gôpla. 3 Cla au mandeq kô yac ka oh daq tah hadrah ka au, yac ka hnim hadrah da kon manai hadrah au, dua au ùh lèt cleq, cla au hadai ùh hadrah raðeh. 4 Majah qmang aih au ùh i hnoq raðeh i yiniq lui cleq, mahaq au ùh canòm ajang aih òòeq hu jah taq atòq: Chuaq aih Mangai ma hadrah au. 5 Qmang aih, yac ka i yiniq cleq apaq rênh hadrah hrinh thê gòm Chuaq trùh, Haq jah paqnoh taqngah yiniq wì ma cadoc ta clam, mahnu trong wì ma qnac ta manoh, jò aih èh cleq ma troq ka manè, tang ngai hi jah dèh hra enh Boc Plinh. 6 Òi ka oh daq cadri oh daq calô, mande au majah anoe trùh cla au sam Abolo aih taiq oh daq, waq ka oh daq ngan dua ma: “Apaq cadiang loe ka bàu khoe achi”, èh apaq i manoh loq cateh, tiaq mangai kô hu tajraq ka mangai qnoeq. 7 Majah qmang aih, cabò ma khoe lah ìh yeo crài ka mangai qnoeq. I yiniq cleq ìh ma qnhòq jah yòc deh qmòh? Tàng joq ìh khoe jah yòc òng deh, meh ìh oe raq cateh tiaq ka raðeh qnhòq hmaq jah qmòe cleq? 8 Oh daq khoe tàu rìm yiniq, khoe jah panac, padrông, ùh i canòm ka nhèn, oh daq khoe wia tiaq ka bùa, joq ngèh ka oh daq jah wia bùa òng nhèn hadai jah wia bùa ti oh daq! 9 Majah qmang aih au hèm Boc Plinh khoe yòc qnoh ma broq mangai Tiaq cla atiq òng ka mangai qnoeq, tiaq ka mangai i tuiq wì rùp clèh gòm toq hi cachit, tiaq kan racaih ka crông tanèh kô, òòeq ka bình plinh sam kon mangai wiang ngan hnoq. 10 Nhèn blùng dèh

ka Christ, mahaq oh daq jah rabiaq enh dalam ka Christ, nhèn ùh nèn oh daq jah tadèh, oh daq wia gucraq nhèn loh ka hamoq. 11 Trùh mandeq nhèn oe raq pangot hrah croh ranông, hyah hyai, wì tep da nhèn tabòc, gàu nhèn ùh i mòeq toq kua po òòeq ha nhàng. 12 Nhèn yòc deh tì kông hu patih abroq, jò wì ra òh hamaiq ka nhèn, nhèn caxoeq sôq ramot ka wì, jò wì ti rùp nhèn chiuq àt, 13 jò wì tapcoch dech ka nhèn, nhèn têu lem laq alàng, trùh mandeq nhèn tiaq ka kan padùih tiaq taiq ka cràc ta crông tanèh. 14 Au achi qmang kô ùh xài waq ka oh daq camaih mahaq òòeq pariaq oh daq qmang ka kon cla au ma ha-och dèh. 15 Majah qmang aih, yac ka enh dalam ka Christ oh daq i mòeq jàt mùan mangai hnài, mahaq oh daq ùh i bàc ngai baq, majah qmang aih au khoe yòc Bàu lem òòeq hauang oh daq ta dalam ka Jesus Christ. 16 Au yòc yiniq aih pariaq oh daq: Drahtop dua au”. 17 Aih iq, au majah khoe thê Timothe, haq aih mangai au loq waq deh, mangai kon òi ka manoh ti au ta Chuaq, trùh ti oh daq, òòeq bahmàng hlài ka oh daq loq trong da au enh dalam ka Christ, hloe sam bàu au khoe hnài qmang leq roc Tagop Hadròeh oe jàp jà. 18 I bòe mangai enh dèch ka hnhè raðeh, hèm dèh au loq pi trùh ta oh daq hò. 19 Mahaq tàng lem ka manoh Chuaq, au rênh trùh ti oh daq, òòeq ngan waq ka loq, ùh xài ngan toq bàu capoch bòe mangai loq ka hnhè aih, mahaq òòeq ngan padren wì haq dàng leq cadèh. 20 Majah qmang aih, diac Boc Plinh ùh xài toq ajang bàu capoch mahaq oe ajang paren. 21 Oh daq enh maleq? Enh au wê long òùh trùh ti oh daq loq au qnàng kan loq waq sam manoh lem hu trùh ti pì?

5 Au i hia bàu anoe jàp jà, wì doe taqne oh daq i kan tango anang, tango qmang aih yac ka wì mangai enh gùng ji ùh lòh: Aih taqne oh daq i ngai tango ka cadri dèh baq. 2 Aih cadoe oh daq oe ka hnhè raðeh! Oh daq ùh i ha-on mangò, òq jah hnan qnoh òac mangai tango aih loh ma khoe ka oh daq! 3 Au kô, yac cadoe chac au hangai mahaq oe ti yiang au oe ti pì. Au khoe dèch taqmòq tuiq ka mangai broq qmang aih tiaq ka au hadai oe ti pì, 4 qmang aih jò pì tagop ti dabau enh dalam ka yiniq Jesus Chuaq bèn, yiang au pajùm ti pì, cwàng itai Jesus Chuaq bèn oe ta aih 5 canòm ka cwàng aih, bèn jao mangai kô ka Satan raliang òac chac

haq, dōq trùh hì da Chuaq mahua yiang mangai kô jah dèch. **6** Oh daq ka hnhè rađeh ùh i lem cleq! Oh daq ma ùh loq toq crah blo broq bìn̄h ka cađap dác rêu đōng qmòh? **7** Drah broq ka rađeh hreo ka blo dùnh beq, đoeq oh daq jah tìah ka dác neo ùh hìah tah blo qmang ka oh daq aih benh ùh i blo. Majah qmang aih, Christ aih kon triu ramèn̄h Pancwa da bèn, wì khoe jêh. **8** Qmang aih bèn wèq ramèn̄h, apaq wê blo dùnh, blo ngang dù mahaq sam bèn̄h ùh tah blo, bèn̄h da trong lem jang sam trong joq qnàng. **9** Ta jàiq yàng adroe au achìh ka oh daq i tanap apaq taqmùt ka mangai loq tango, **10** aih ùh xài au anoe pajùm hloe sam angai loq tango anang, mangai daiq plai, mangai loq lùac sam mangai kùh waiq kiác qmù ta qnhòng kô. Tàng joq qmang aih ajoq oh daq ep cađac crōng taneh kô. **11** Mahaq au achìh đoeq doe ka oh daq apaq broq bua ti mangai doe hadai bèn, mahaq tango, daiq plai, kùh waiq kiác qmù, xoc hanip, bù bia, loq lùac đac mangai qnoeq, ùh acaq pajùm ti mangai qmang aih. **12** Mangai enh gùng aih ep cleq ka au ti hadrah? Ma ùh joq oh daq ep hadrah mangai enh dalam qmòh? **13** Mangai enh gùng i Boc Plinh hadrah wì haq. Drah qnoh đac mangai dù loh khoe ka oh daq.

6 Jò oh daq loh yiniq ti dabau, gleg majah hùah qnoh ka mangai ùh taq atōq hadrah, ma ùh đoeq ka mangai hadrèh hadrah. **2** Oh daq ma ùh loq bõe mangai hadrèh kô èh ma hu hadrah ñiq crōng taneh qmòh? **3** Oh daq ma ùh qnì bèn kô èh hadrah bõe bìn̄h plinh qmòh? Loq ka bõe yiniq qnhòng kô. **4** Qmang aih, jò oh daq loh bàu ka dabau tiaq bõe yiniq ta qnhòng kô, hagleg majah yōc bõe mangai rìh ùh loh qmòe cleq enh ngèa Tagop Hadrèh broq mangai hadrah! **5** Au doe qmang aih doq oh daq camaih. Enh dalam ka oh daq ma ùh i ka mangai yeo rabiaq đoeq hadrah taqne oh daq bèn qmòh? **6** Mahaq jò oh daq loh yiniq, cađoe qnoh enh ngèa ka mangai ùh lù! **7** Joq qmang aih, oh daq tah hadrah ka dabau aih khoe pì blêq. Hagleg ma ùh waq àt, aih xài yeo lem? Hagleg ùh waq da haq dōq wì hnen rađeh aih xài yi hnau! **8** Mahaq cla oh daq raq broq ùh troq trong, ti habo đac ka wì, khoe aih tah hadrah glòq ka oh daq. **9** Oh daq ma ùh qnì bõe mangai ùh taq atōq i ka jò leq jah diac Boc Plinh? **10** Cla apaq qnùt rađeh: Mangai loq rùp tango, kùh waiq dua qmù, mangai taqngong

ka wì, mangai gucalô waq ka hadai gucalô, mangai gucadrì waq hadai gucadrì, mangai atùng, mangai daiq plai, mangai bù bia, mangai toq hanip, mangai loq ta atam, ñiq đōng ùh maleq jah diac Boc Plinh. **11** Nèh haq, taqne oh daq hadai i qnah ngai rìh qmang aih, mahaq canòm ka yiniq Jesus sam Yiang Hadrèh da Boc Plinh bèn, oh daq khoe jah qnheo hreo, jah hadrèh, khoe jah creo mangai taq atōq. **12** Pì doe “Rim yiniq au ñiq jah broq”, mahaq ùh xài rim yiniq ñiq i lōeq; “Au jah broq ñiq rim yiniq”, mahaq au ùh dōq yiniq cleq jah panan au. **13** Dahwèq acaq đoeq ka cliac, cliac đoeq ka dahwèq acaq, mahaq èh Boc Plinh raliang đac ñiq baiq. Mahaq chac hamac ùh xài palauq đoeq ka tango anang, mahaq đoeq ka Chuaq, èh Chuaq đoeq ka chac hamac. **14** Boc Plinh khoe broq ka Chuaq rìh hlài, èh Haq yōc deh cwiang aih raq đoeq broq ka bèn hadai rìh hlài. **15** Oh daq ma ùh qnì chac hamac bèn aih xài jèn̄h tì da Chirst qmòh? Qmang aih bèn akhòh yōc jèn̄h tì da Christ đoeq taqmùt broq mōeq ti mangai broq ñi ùh? ùh jò leq! **16** Oh daq ma ùh qnì cabô taqmùt ti mangai broq ñi, aih khoe wìa mōeq xech ti haq? Majah qmang aih khoe i bàu doe rameh: “Wa jah wìa mōeq xech akia”. **17** Mangai leq taqmùt pajùm ti Chuaq aih èh haq jah wìaq mōeq manoh yiang ti Haq. **18** Drah wia ka trong tango anang, yac ka wì broq yiniq lui cleq, aih ñiq enh gùng ka chac hamac cla, mahaq cabô caqnìh rađeh ta kan tango anang aih i tuiq ka chac cla. **19** Oh daq ma ùh qnì deh ka chac hamac aih raq hnim kùh waiq da Yiang Hadrèh, Yiang qnang oe enh dalam ka oh daq, Yiang oh daq ma khoe jah enh Boc Plinh? Chac oh daq pì oe xài da cla hòm? **20** Oh daq khoe jah baxon yōc hlài ñiq jaq canaq. Qmang aih, yōc chac hamac oh daq đoeq dèch kan ranhòm ka Boc Plinh beq.

7 Anoe trùh bõe yiniq oh daq khoe achìh jàiq bōch au, au hèm gucalô ùh yōc mai aih yeo lem. **2** Mahaq waq ka jah wia ka rim trong tango anang, mangai gucalô ep yoc mai, mangai cadrì ep yoc ong. **3** Gucalô ep gêh yiniq ong mai deh ka cadrì, cadrì haq hadai qmang aih. **4** Mangai mai ùh i ka cwiang cleq ta chac cla rađeh, mahaq đoeq dèh ka ong. Hadai qmang aih, mangai broq ong hanoh ùh i ka cwiang cleq ta chac cla rađeh mahaq dōq dèh ka mai. **5** Apaq blah yoc da dabau cwiang aih, enh gùng

ka jò cla wa baiq ngai khoe mòeq manoh ti dabau oe đồ hòeq, ðòeq hu waiq khàn, khoe aih drah tawih hlài ti dabau, yùq èh Satan loq padô qnùt jò oh daq wèq raðeh ùh jah. **6** Au caqnaih qmang aih, ùh xai au thê broq. **7** Au ma enh aih rìm ngai jah tìah qmang ka au, mahaq Boc Plình khoe am dèh hra tang ngai, mangai kô qmang kô, mangai tai qmang tau. **8** Qmang aih, au anoe ka mangai qnhòq yoc ong mai sam mangai hadrô: aih yeo lem ka pì tàng jah oe qmang ka au. **9** Mahaq tàng wèq raðeh ùh jah, pì khòh yoc ong mai beq, aih ùh hnau ka ðòeq kan enh tachac bùh pì qmang ka ùnh. **10** Anoe truh mangai koe yoc ong mai, aih au, mahaq uh xài au, ma joq aih Chuaq, thê mai ùh jah caðac ong, **11** (mahaq tàng khoe caðac, haq khòh oe qmang aih raq, apaq yoc ònh ong qnoeq, ùh meh ep hatroq hlài dè h ti ong) yac ka ong hadai ùh khòh caðac deh mai. **12** Mangai ma qnoeq hòh, uh xài Chuaq, mahaq au ma doe: Tàng cabô leq i mai ùh pajùm manoh lùì tìoh daq, mahaq chiùq rìh pajùm trùh lùch ka qnhòhng ti raðeh, aih ùh jah caðac. **13** Gucadri hadai qmang aih, i ong ùh pajùm mòeq manoh lùì ti raðeh mahaq chiùq rìh pajùm lùch ka qnhòhng ti raðeh, aih èh mai hadai ùh jah caðac ong. **14** Majahq qmang aih, ong ùh lùì Chuaq mahaq haq jah hadròeh hatiaq dèh mai, mai ùh lùì Chuaq mahaq haq jah hadròeh hatiaq deh ong, ùh qmang aih dèh, boè kon oh daq nèh ùh i hadròeh, yàng manòeq ðìq khoe hadròeh. **15** Tàng mangai ùh lùì enh ta caðac, aih hi ðòq haq caðac: Jò aih yac ka oh daq calô, oh daq cadrì ùh ep tawac cleq. Boc Plình khoe creô ka oh daq rìh ka catèm. **16** Mangai broq mai, ìh maloq broq braiq ìh jah dèch deh ong? Mangai broq ong, ìh maloq broq braiq ìh jah dèch dèh mai? **17** Hnoq anoe qmang aih, rìm ngai ðìq ep rìh qmang ka Chuaq khoe am kac daðeh, tiaq qmang ka Boc Plình khoe creô. Aih bàu au ma khoe hnai ðìq dong rìm Tagop Hadròeh. **18** I mangai leq khoe broq ranenh kat akia, atiq ka aih jah Chuaq creô? wèq deh qmang aih raq. I ka mangai leq qnhòq broq ranenh kat akia mahaq jah creô? Ùh dùh broq ranenh kat akia. **19** Kat akia ùh i hagleq, yac ka ùh kat akia hadai ùh i hagleq, trong ma khòh nhét aih wèq ranenh da Boc Plình thê. **20** Mangai leq jò majah creô nèh haq oe caloeh leq, ep oe dèh caloeh aih raq. **21** Ìh jah creô jò ìh qnang broq hapong ùh xài? Apaq lèt dèh, mahaq tàng i dua jah claih ka broq ðic, aih apaq batrò. **22** Majah qmang aih, mangai qnang broq hapong jah Chuaq creô, aih Chuaq khoe caqnaih haq, hadai qmang aih ðìq, mangai qnang oe ùh i tawac cleq mahaq jah creô, aih haq ep broq hapong da Christ. **23** Oh daq khoe jah rot hlài ðìq jah canaq, apaq broq hapong cabô hòh. **24** Jò jah creô oh daq oe caloeh leq, oh daq ep oe qmang aih raq enh ngèa Boc Plình. **25** Anoe trùh mangai ùh yoc ong yoc mai, au ùh i jah bàu leq enh Chuaq thê; mahaq canòh ka kan loq waq enh Haq, au khoe wia mangai ùh ngwan ka lùì, ðài au majah i bàu hnài. **26** Taiq kan nansa padon trùh, au hèm mangai gucalô oe deh qmang aih raq ma yeo troq. **27** Ìh khoe yoc mai ajoq? Apaq ti chaq trong hu caðac, ìh qnhq yoc mai ajoq? Apaq chaq mai. **28** Mahaq tàng ìh yoc mai, ùh i troq cleq, tàng mangai gucadri sriu yoc ong hadai uh troq cleq. Mahaq manai yoc ong mai i kan salep ta chac, au enh oh daq claih trong aih. **29** Au enh anoe ka oh daq qmang kô, bèn oe crong tanèh ùh dùnh. Pang kô ta èh magari i mai khòh ka mangai ùh i ka mai; **30** mangai qnang hmoe khòh tiah mangai ùh hmoe, mangai qnang bùì, khòh tiah ka magari ùh bùì, mangai qnang rot khòh qmang ka mangai ùh rot jah cleq; **31** managai i kùng hang ta crong tanèh khòh qmang ka mangai ùh i cleq, majah qmanga aih crong tanèh bèn ma hnoq kô èh hi hnhung. **32** Au enh ðìq ka oh daq ùh bakènh tawac qmòe cleq. Mangai leq ùh yoc mai aih haq jah patih toq ka Chuaq, chaq trong broq lem manoh Chuaq. **33** Mangai leq khoe yoc mai aih èh haq patih ka yiniq broq ta qnhòhng kô, chaq trong broq lem manoh deh mai. **34** Mangai gucadri i ong sam mangai sriu hadai crài ka dabau: Mangai ùh yoc ong, aih haq jah patih toq ka Chuaq, mahaq da mangai ma i ong aih haq patih toq boè yiniq broq ta qnhòhng kô, waq ka lem manoh deh ong. **35** Au anoe qmang aih ðòeq i lòeq ka oh daq, ùh xài au khech tât pì, mahaq ðòeq yong oh daq tiaq trong matroq ðòq oh daq ùh hiaq rangòt ta manoh jò patih ka Chuaq. **36** Tàng joq i mangai leq hèm ðeh kô ùh troq, khoe ðòq ka mangai ðq bàu yoc dabau ep gòm raðeh loh qmòe ka craq hadrang, manòeq ko haq enh yoc deh mangai aih, aih ðòq wa yoc dabau, qmang aih troq. Haq ùh i ka tuiq cleq. **37** Mahaq tàng mangai aih khoe qnac ta manoh blinh ùh yoc mai majah qmang aih haq blêq dèh chac, qnah hòh haq hèm brì ùh yoc mangai ðeh ma khoe tèu bàu, haq aih

broq troq. **38** Mangai yoc gucadri aih broq troq mahaq mangai ma ùh yoc gucadri aih broq yeo troq hòh. **39** Ong oe rih pang leq, cadri haq ep tiaq dèh ong pang aih, tàng ong cachit, cadri haq pi tawac cleq, waq toq hatroq ka manoh Chuaq, haq enh yoc cabô ùh loe. **40** Mahaq, tiaq manoh da au, tàng majah haq oe qmang aih raq yeo hlàu. Au loq jò au anoe qmang kô i Yiang Hadròeh da Boc Plinh ta au.

8 Ta anoe trùh dahwèq tadreo kan kiác, bèn doe òeh kô òiq mangai loq. Mahaq kan loq broq ka mangai loq ka hnhè raðeh, yàng da kan loq waq aih ma broq dua lem. **2** Tàng i cabô doe òeh kô mangai loq, joq qnàng mangai aih qnhòq loq qmang ka raðeh khòh loq. **3** Mahaq tàng i mangai leq loq waq ka Boc Plinh, Boc Plinh loq ka mangai aih. **4** Qmang aih, anoe trùh trong acaq dahwèq khoe tadreo ka kiác qmù, bèn loq kiác qmù ta trong tanèh kô aih dech do, i toq Boc Plinh raq, enh gùng ka aih ùh i kiác leq hòh. **5** Joq wì doe i bàc kiác, qnah oe ta troc qnah oe ta haqneq (aih dài wì majah tadreo bàc kiác), **6** da bèn ma loq, i mòeq Boc Plinh raq, aih Baq bèn, rìm yiniq loh òiq enh Haq, bèn òiq rih enh Haq, èh hòh i mòeq Chuaq raq, aih Jesus Christ, rìm yiniq loh òiq enh Haq, bèn òiq rih enh Haq. **7** Mahaq ùh xài rìm ngai òiq loq qmang aih. I qnah ngai oe raq hèm i kan kiác, dài jò wì acaq dahwèq tadreo; kan ùh dràng aih broq ka manoh wì haq loh ka pi hadròeh. **8** Mahaq ùh xài dahwèq acaq broq bèn jah lem ka manoh Boc Plinh, tàng bèn acaq dua ùh jah cleq, ùh dua ùh hnhung cleq. **9** Rabiaq haq, apaq òòq kan ùh tawac da bèn broq ka mangai ùh dràng catoeh ata. **10** Majah qmang aih, mangai ma ùh dràng hnoq oh daq mangai ma i kan loq haqngui cacaq ta hnim tadreo kan kiác, aih wì ùh top dua acaq òeh òiq qmòh? **11** Aih ajoq ih yoc dèh kan loq, broq raliang òac mangai ùh dràng, aih bòe oh daq Jesus Christ ma khoe cachit am ka wì. **12** Jò pì broq yiniq luiq dèh ka oh daq qmang aih, manoh wì haq khoe ùh nèn loh ka habau tam, aih pì khoe broq yiniq lui ka Christ. **13** Dài haq, tàng joq dahwèq acaq broq ka oh daq au tacro, blinh au ùh acaq jam, òòeq au ùh hìaq wì nen ka oh daq catoeh.

(aiñ g165)

9 Au ma ùh i cwiàng cleq qmoh? Au ma ùh xài mangai Tiaq cla? Au ma qnhòq hmaq hnoq Jesus Chuaq bèn ùh xài? Oh daq ma ùh xai yiniq

broq da au enh dalam ka Chuaq qmòh? **2** Patiah òac haq, tàng joq au ùh broq mangai Tiaq cla am ka mangai qnoeq, dua au broq mangai Tiaq cla ka oh daq, majaq qmang aih oh daq raq teo abroq da au enh dalam ka Chuaq. **3** Aih bàu au capoch cwaih raðeh enh ngèa mangai enh tah hadrah ka au. **4** Nhèn ma ùh i cwiàng acaq òq? **5** Nhèn ma ùh khòh qnong mòeq ngai gucadri broq mai hu lam ti nhèn qmang ka bòe mangai Tiaq cla qnoeq, qmang ka oh daq ta Chuaq, qmang ka Sepha khoe broq loq ùh xài? **6** Ahiaq toq au sam Banaba raq ma ep abroq hu jah acaq? **7** Alah i cabô acaq pua enh hnim cla hu lam tajèh? Alah i cabô pìt wùan nho mahaq ùh jah acaq plì. Alah i cabô ban trùu mahaq ùh yoc diac tòh haq hu ban raðeh. **8** Au anoe qmang aih, ma xài qmang ka wì ma loq capoch yòt? Hset Ranenh ma uh anoe qmang aih? **9** Majah qmang aih ta Ranenh Moise i achih: “Ìh apaq sròp mong bo qnang len qmau”. Boc Plinh lèt ka bo ùh xài? **10** Haq anoe bàu aih ka bèn loq ùh xài? Joq! Qmang ka ma khoe achih ka bèn rameh: “Mangai cai ta rùang ep jah tangèh men cai, mangai len qmau, ngèh ka jah òeh òiq men len”. **11** Tàng nhèn khoe rai ka oh daq adrech trong mahua yiang, nhèn gat hlài dahwèq enh pì, aih i cleq ma ùh troq? **12** Mangai qnoeq khòh broq qmang aih enh qnhèq ka oh daq, loq ka nhèn? Hnoq anoe qmang aih, nhèn ùh yoc cwiàng kô, xan cla nhèn raq chiuiq xalep rìm trong, òòeq uh hìaq i cleq khech tât Bàu lem da Christ. **13** Oh daq ma ùh qnì, cabô patih ta hnim kùh waiq, aih haq acaq ra mèn wì ma dèch ta hnim kùh waiq qmòh? Cabô patih ajang prang tadreo, aih ajoq haq wiang jah axong enh aih qmòh? **14** Hadai qmang aih, Chuaq i doe: “Mangai leq hnài Bàu lem, aih haq jah ban raðeh sam Bàu lem”. **15** Mahaq au qnhòh lah yoc cwiàng aih hu thè oh daq, au achih jàiq kô ùh xài òòeq bòch cwiàng aih, kô raq nen au jah catèh deh, au chiuiq cahit kan au ùh òòeq ka cabô blah yoc da au. **16** Majah qmang aih, jò au lam anoe Bàu lem, au ùh i ka nen jang leq òòeq hu catèh. Aih raq yiniq au au ep broq, ùh anoe Bàu lem aih majoq kan habo ka au. **17** Tàng joq au lem bùi broq yiniq aih, au jah waq baha, tàng joq au uh enh broq, aih dua khoe thè au. **18** Aih èh au jah baha au cleq? Qmang kô! Au ùh yoc cwiàng au ma khoe i qmang ka mangai anoe Bàu lem qnoeq, mahaq jò au anoe Bàu lem, au anoe qmòe dech ùh yoc baha. **19** Au

ùh tawac ùh ep broq tiaq bàu cabô, mahaq au khoe broq rađeh wia hapong rìm ngai, ðòeq hu jah tam yeo bằc ngai. 20 Oe ti mangai Juda, au tiah ka mangai Juda, waq ka jah mangai Juda, ti mangai enh qneq ka ranenh, (hiloq ka au ùh oe enh qneq ka ranenh) au hadai tiah ka mangai enh qneq ka ranenh, ðòeq au hujah mangai enh qneq ka ranenh; 21 oe ti mangai ùh i ranenh, (Yac ka enh ngêa Boc Plinh au ùh xài mangai ùh i ranenh, majah qmang aih au oe enh qneq ka ranenh da Christ), mahaq au hadai oe tiah ka mangai ùh i tiaq ranenh, ðòeq hu jah mangai ùh tiaq ranenh. 22 Oe ti mangai ùh nèn, au hadai ùh nèn, ðòeq hujah mangai ùh nèn, au khoe wia rìm trong am ka rìm ngai, ðòeq hujah dèch yac ka toq biaq ngai broq qmang leq dua au lènh. 23 Au broq rìm yiniq kô aih ðiq broq ka Bàu Lem, ðòeq au hadai wiang jah ta axong sôq ramot ta aih. 24 Oh daq ma ùh loq, tanòe wì ta cadàu cadêh, ðiq ka wì cadàu, mahaq toq biaq ngai raq majah waq baha qmòh? Qmang aih, oh daq cadàu qmang leq ðòeq hujah waq baha oq. 25 ðiq ka mangai ta cadàu cadêh aih, wì haq dènh ka rađeh bằc trong, wì broq qmang aih ðòeq jah kui cadoh riang loq om. Mahaq da bèn ðòeq hujah kui cadoh riang ùh jò leq om. 26 Aih iq, dài au ùh cadàu taliq, au jêh ùh xài au jêh cayeo; 27 mahaq au tabroq dèh ka chac cla au ùh palap cleq, thê haq broq hapong au, ùh qmang aih broq braiq atiq ka au hnài wì qnoeq, yàng cla au aih cadac rađeh qmòh.

10 Majah qmang aih, au ùh enh ðòq ka oh daq ùh qnì kan cadraq bèn ðiq khoe oe enh qneq ka yùc, ðiq ka wì khoe lam pagat ka diac raxiq, 2 ðòeq Môise broq ðaptem ka wì haq enh dalam ka yùc xam enh qneq ka diac raxiq. 3 ðiq ka wì khoe acaq dahwèq yiang, 4 rai ôq diac yiang, majah qmang aih wì haq ôq enh nòe hmo yiang ma tiaq wì haq, hmo aih aih raq Christ. 5 Mahaq taqne wì haq ja ka mangai ùh lem manoh Boc Plinh, dài bằc ngai wì haq majah khoe tacro cachit tanòe braih kàn. 6 Bòe yiniq kô khoe loh qmang aih, ðòeq broq dua hu hnài bèn, ðòq bèn ùh hiaq ònh tiaq trong dù qmang ka wì aih khoe broq. 7 Êh hadai pi dùh kùh waiq radua qmù kiac qmang ka wì aih hòmh, tiah ka bàu khoe achih: “Wì haqngui acaq ôq, khoe aih padinh yòng pagôq racaih”. 8 Bèn apaq ti taqngong tango qmang ka wì aih ma khoe broq, taiq aih raq mòeq hi

majah i baiq jàt piq mùan mangai cachit. 9 Bèn hadai apaq qnhro Christ qmang ka wì ma khoe qnhro, taiq aih raq wì haq majah cachit ka bih kap. 10 Êh hadai apaq mamùc tiah ka wì khoe mamùc, taiq aih raq wì haq majah ep cachit enh tì kòng bìn plinh palùng. 11 Bài yiniq kô khoe loh ka wì qmang aih ðòeq broq dua am ka bèn, khoe achih hlài ðòeq hu pariaq bèn aih bài mangai ma rih ta bài qnhòng atiq pulùch (aiōn g165) 12 Qmang aih, cabô loq xoh rađeh kô yòng cajap, rabiaq haq oq loq tacro. 13 Bài kan padô qnùt trùh ka oh daq, ùh i ka yiniq leq ma yi ðòch ka padren kon mangai. Boc Plinh ùh tablòq manoh, haq ùh ðòq ka oh daq glàm kan padô qnùt yeo loe ka padren oh daq, mahaq ta kan padô aih haq pèch trong ka oh daq hu jah loh, ðòeq oh daq hlàt dràng. 14 Qmang aih oh daq da au, drah wia ka hangai trong kùh waiq radua qmù. 15 Au anoe ka oh daq aih au anoe ka bài mangai i manoh rabiaq, pi boq bàu au anoe kô: 16 Chròng xôq ramot bèn manè apôi kô ma ùh xài khoe pajùm ti mahim da Christ qmòh? Bênh bèn ma goh kô aih ma ùh joq pajùm ka chac da Christ qmòh? 17 Majah qmang aih ðiq deh mòeq toq bênh raq, dài bèn yac ka bằc ngai dua mòeq chac raq majah qmang aih bèn ðiq pajùm ta mòeq toq bênh raq. 18 Ngan mangai Isorali beq! Bài mangai acaq jam tadreo aih ma ùh alùh pajùm ti prang tadreo qmòh? 19 Au anoe qmang aih au anoe cleq? Dahwèq ma dèch tadreo am ka qmù kiac aih i loh ranenh cleq, radua qmù kiac aih i loh cleq ùh? 20 Blinh ka ùh, mahaq dahwèq mangai enh gùng tadreo aih wì tadreo ka kiac chòc, ma xài wì tadreo ka Boc Plinh. Qmang aih au ùh enh oh daq wiang taqmùt ti kiac chòc. 21 Oh daq ùh jah ôq doe chròng da Chuaq khoe aih ôq doe chròng da kan kiac, oh daq ùh jah acaq pajùm aniang ti Chuaq rai pajùm aniang ti kan kiac. 22 Ahiaq bèn enh broq ka Chuaq tarènh? Bèn ma yeo dèh ka haq? 23 Pì doe “Rìm yiniq au ðiq khòh broq”, mahaq ùh xài rìm yiniq ðiq i lòeq; “Rìm yiniq au ðiq khòh broq”, mahaq ùh xài rìm yiniq ðiq broq dua lem. 24 Apaq i cabô hèm jah toq ka rađeh, mahaq mangai leq mangai meh hadai ep hèm ka mangai qnoeq ðiq. 25 Rìm dahwèq atech tanoe tech jam, ðiq khòh rot acaq ðòng, apaq tàng ðeh yùq ta manoh ðòeq bòch dèh; 26 majah qmang aih, cròng taneh kô xam rìm yiniq ta aih ðiq da Chuaq. 27 Tàng loq i mangai ùh lùì akhen ka oh daq, oh daq enh

lam, aih yac ka wì padon qnoh cleq, oh daq acaq cameh, apaq tàng ðeh yùq ta manoh ðoëq hu bòch ðèh. **28** Mahaq tàng i mangai doe ka oh daq: “Ma kô khoe tadreo”, aih apaq acaq, ðoëq lem ka manoh cla oh daq xam mangai ma khoe doe ka oh daq: **29** Au ùh anoe trùh manoh oh daq, mahaq anoe trùh manoh mangai tau. Wia ka trong au loq ðeh khòh broq mahaq ðôq ka manoh mangai qnoeq ep hadrah ataq? **30** Tàng khoe manè apôi au men acaq, aih ji lai q dàng mòeq nà acaq au ma ðôq ka wì qnoeq cwò ka raðeh? **31** Qmang aih, oh daq yac ka acaq, yac ka ôq, yac ka broq cleq, ðiq broq ðoëq Boc Plinh jah ranhòm. **32** Apaq roh ka cabô kan catoeh, yac ka mangai Judà, mangai Gorec, yac ka Tagop Hadrèh da Boc Plinh; **33** drah qmang ka au kô, àu broq rìm trong ðôq jah lem ka manoh bàc ngai, ùh chaq trong lem toq ka cla raðeh mahaq chaq trong lem am ka mangai qnoeq, ðoëq wì haq hadai jah ðèch.

11 Drah tiaq dua au, qmang ka cla au tiaq dua Christ. **2** Au manè oh daq loq hmàng ka au rìm trong, loq wèq bàu au ma khoe hnài oh daq. **3** Mahaq au enh oh daq loq Christ aih gàu da rìm ngai gualô, mangai gualô aih gàu da mangai cadrì, Boc Plinh aih gàu da Chirst. **4** Rìm ngai guca lô yac ka wì haq waiq khàn, yac ka capoch bàu pajàu tàng wì haq paclùm ðèh gàu, aih wì haq baxep ðèh gàu. **5** Mahaq mangai gucadrì yac ka haq waiq khàn, yac ka haq capoch bàu pajàu, tàng haq ùh yôc mù paclùm ðèh gàu, aih haq baxep ðèh gàu: ùh i crài cleq ka haq khoe got gàu ta nguah. **6** Tàng mangai gucadrì ùh yôc mù paclùm ðèh gàu, aih drah got ta nguah ðong beq. mahaq tàng gucadrì hnoq got xac gàu aih loq camaih, aih ep baculum gàu. **7** Mangai gualô ùh dùh yôc mù paclùm gàu majah qmang aih, haq aih qmù da Boc Plinh, kan ranhòm da Boc Plinh. **8** Majah qmang aih gualô ùh loh enh gucadrì, mahaq gucadrì ma loh enh gualô. **9** Èh hadai ùh xài taiq gucadrì majah broq loh gualô, mahaq gucadrì aih ka gualô. **10** Aih iq, taiq bòe bình plinh, dài haq gucadrì majah ep waq ka i teo tagàu ðoëq hu hadro cwàng raðeh ma canòm. **11** Mahaq enh dalam ka Chuaq, gucadrì ùh xài enh gùng ka gualô, gualô ùh xài enh gùng ka gucadrì. **12** Qmang ka gucadrì khoe loh enh gualô, aih gualô hadai hauang loh enh gucadrì, ðiq baiq loh enh Boc Plinh. **13** Cla pì oh daq boq qmang

kô beq: Gucadrì waiq khàn ka Boc Plinh mahaq ùh waq yôc mù baculum gàu aih atroq? **14** Ùh xài bèn khoe loq ðeh: Tàng mangai gualô rong xac yôh aih ajoq kan camaih? **15** Mahaq, tàng mangai gucadrì rong xac yôh aih ma ùh xài kan ranhòm da haq? Majah qmang aih khoe am ka haq xac yôh, bu dàng mù clùm gàu ðiq. **16** Tàng loq i cabô tarahen trong kô, nhèn ùh hmaq qmang aih, Tagop Hadrèh da Boc Plinh hadai ùh hmaq qmang aih. **17** Au anoe ka oh daq bàu kô, ùh xài ðoëq manè oh daq, majah qmang aih jò oh daq tagop ti dabau, ùh i lòm broq ka pì yeo lem tam mahaq kiang broq ka pì yeo hamoq tam. **18** Angoe aih, au i tàng jò oh daq Tagop, i kan loq ti lah ðac dabau, au ði broq ka lùì bàu aih. **19** Majah qmang aih, taqne oh daq hi loq ka i kan loq ti lah ðac dabau, aih ðoëq hu canau ka mangai leq ma joq qnàng ðiq ka manoh. **20** Aih iq, jò oh daq tagop oe mòeq nòe ti dabau, aih pi oe xài acaq Pua Hadrèh da Chuaq hòh. **21** Majah qmang aih, jò haqngui acaq mangai dahuiq acaq ðèh hra, qnah ngai pangot ðeh, qnah ngai panac loh ka bù bia. **22** Oh daq ma ùh i ðèh hnim hu acaq? Ahiaq pì dù ðac Tagop Hadrèh Boc Plinh, enh broq ka mangai ma ùh i ðeh ep camaih ka raðeh? Au anoe ka pì qmang leq kô? Au i khòh manè pì loq ùh? Trong kô joq au ùh lòm manè oh daq! **23** Majah qmang aih au khoe jah enh Chuaq trong au ma hnài oh daq: Chuaq Jesus mang wì ma blòq ðac haq, yôc bèn, **24** jò haq khoe manè apôi, haq goh bèn aih rai doe: “Kô chac au, chac ma khoe am ka pì, broq qmang kô ðoëq hu hmàng trùh au” **25** Hadai qmang aih, khoe ka acaq ði xèq, Haq ðèch doe chrông rai doe: “Chrông kô aih tajao maneo oe ta ma him au, jò pì ôq broq qmang kô ðoëq hu hmàng trùh au. **26** Aih iq jò leq oh daq acaq bèn kô, ôq doe chrông kô, pì anoe kan cachit da Chuaq trùh hloe hi haq wih hlài. **27** Qmang aih mangai leq ùh tajì ka acaq bèn ùh tajì ka ôq chrông da Chuaq, aih èh haq ep pòq yiniq lui ka chac ka ma him Chuaq. **28** Aih iq rìm ngai majah ep ngan hlài raðeh adroe ka acaq bèn kô, ôq chrông kô; **29** majah qmang aih, mangai leq pì qnì canau ka chac Chuaq mahaq dua acaq bèn rai ôq chrông aih, aih haq acaq ôq kan hadrah ka raðeh. **30** Aih raq, dài taqne oh daq majah i bàc ngai ùh hróc yiniq, xam bàc ngai cachit. **31** Mahaq tàng bèn loq tiboq hlài raðeh, aih bèn khoe ùh ep pòq kan hadrah. **32** Mahaq jò Chuaq hadrah bèn, aih

haq bàt bèn, òòeq bèn ùh hiaq pòq yiniq lui pajùm ka mangai ta crông taneh kô. **33** Qmang aih, oh daq da au jò pì tagop dabau hu acaq pajùm, ep gòm dabau. **34** Tàng i cabô pangot, aih haq chôn h acaq dèh ta hnim, òòq oh daq ùh hiaq tagop dabau òòeq hu pòq wê kan hadrah. Yiniq qnoeq èh, jò au trùh au hi taqmroq hlài.

12 Manòeq kô, au ùh enh ka oh daq ùh qnì qmòeq cleq ajang kan tabàih yang. **2** Oh daq loq jò bèn oe raq mangai enh gùng, yac ka trong leq òòq khoe tùi tiaq radua qmù lâu, mac màiq ka wì enh qnong taleq tameh. **3** Aih raq dài au majah anoe ka oh daq, ùh i cabô i Yiang Hadròeh Boc Plinh ma ti doe: “Chua Jesus troq ka ra-òh, hamaiq”. Tàng joq ùh i ka Yiang Hadròeh hadai ùh i cabô doe ka Jesus aih Chuaq. **4** I bàc kan tabàih crài ka dabau, mahaq dua mòeq Yiang Hadròeh raq. **5** I bàc yiniq patih crài ka dabau, mahaq hadai mòeq Chuaq raq. **6** I bàc trong abroq crài ka dabau, mahaq dua mòeq Boc Plinh, aih raq Mangai broq rìm yiniq oe enh dalam ka rìm ngai. **7** Yiang Hadròeh patô am enh dalam rìm ngai, òòeq mangai leq mangai meh hadai jah lòeq pajùm. **8** Mangai kô canòm ka Yiang Hadròeh haq jah màiq bàu rabiaq, mangai meh hadai canòm ka Yiang Hadròeh aih jah màiq bàu capoch i kan loq. **9** Enh Yiang Hadròeh, mangai kô jah manoh lù, hadai enh Yiang Hadròeh aih mangai tau jah màiq broq brèh ka mangai yiniq. **10** Qnah ngai jah màiq broq kan halac, qnah ngai jah capoch bàu pajàu, qnah ngai loq hadrò bài kiac, qnah ngai jah tapoch bài bàu craq crài ka dabau, qnah ngai jah màiq loq anoe hlài bàu aih. **11** Bài yiniq aih òòq loh enh mòeq Yiang Hadròeh, tiaq dèh manoh haq enh lah axong am ka tang ngai. **12** Tìah ka chac aih mòeq raq, mahaq i bàc hamenh, tìah ka hamenh ta chac yac ka bàc mahaq dua wia pajùm mòeq chac raq. Christ i crài cleq qmang aih. **13** Majah qmang aih bèn yac ka mangai Juda, yac ka mangai Gorec, yac ka mangai broq hapông, yac ka mangai broq òòc cabô, òòq khoe baptem pajùm ta mòeq Yiang Hadròeh òòeq wia mòeq chac raq, èh hòh bèn òòq hadai khoe ôq pajùm mòeq Yiang Hadròeh. **14** Chac hadai ùh xài i palap mòeq hamenh, mahaq bàc hamenh. **15** Tàng jèn h doe: “Au ùh xài tì dài au majah ùh i pajùm cleq ka chac”, ma xài taiq nen aih haq ma ùh hatop ka chac. **16** Tàng don doe: “Au ùh xài mat, dài

au ùh wiang pajùm cleq ta chac”, ma xài taiq nen aih haq majah pi pajùm ta chac. **17** Tàng chac aih òòq mat òòg, aih èh bèn tàng xi cleq? Tàng òòq ta chac aih toq don, aih èh bèn xua xi cleq? **18** Mahaq manòeq kô Boc Plinh khoe taqmroq bài hamenh ta chac bèn, am mòeq yiniq oe dèh mòeq nòe, qmang ka cla haq hnoq dèh lem tiaq manoh haq khoe òò. **19** Tàng mòeq hamenh raq aih èh chac oe ajang leq? **20** Qmang aih yac ka bàc hamenh mahaq dua mòeq chac raq. **21** Mat ùh hòh doe ka capiang tì: “Au ùh i ep cleq ka gè”. Gàu ùh hòh doe ka jèn h “Au ùh i ep cleq ka pì”. **22** Majoq qnàng aih, yiniq cleq ta chac bèn hnoq haq ma yeo ùh nèn òeh, ma aih raq ma yeo hòh nhét. **23** Ta chac bèn hamenh leq bèn hèm haq ma yi ùh cra, ma aih raq bèn ma yeo hòh ngan, maleq ma ùh lem, ma aih raq bèn ma palàng. **24** Maleq ma khoe lem, ma aih ma oe ep palauq cadèh. Mahaq Boc Plinh ma khoe taqmroq ta chac mangai bèn, hamenh leq ma yi hamoq aih òòeq haq jah caqmùh caqmàm, **25** òòeq ta chac ùh hiaq i kan talah òòc ka dabau, mahaq maleq ma meh loq wiang hèm ka dabau. **26** I maleq ta chac bèn ma jìq, aih ma qnoeq hadai wiang jìq, maleq majah caqmùh caqmàm aih èh maqnoeq hadai wiang lem bù. **27** Manòeq kô, oh daq aih raq chac da Christ, oh daq aih la hamenh ta chac, mangai leq mangai meh i dèh hra nòe. **28** Boc Plinh khoe broq ta Tagop Hadròeh, adroe aih mangai Tiaq cla, atiq aih mangai pajàu, khoe aih mangai hnài, tia aih mangai broq kan halac, èh hòh mangai i màiq broq brèh ka mangai yiniq, mangai loq hanò, mangai òòeq ti ranenh, mangai capoch bài bàu craq crài. **29** Rìm ngai aih òòq mangai tiaq cla òòg qmòh? Rìm ngai aih òòq pajàu òòg qmòh? Rìm ngai aih òòq mangai hnài òòg qmòh? Rìm ngai òòq broq kan halac òòg qmòh? **30** Rìm ngai òòq i màiq broq brèh kamangai yiniq qmòh? Rìm ngai òòq capoch bàu halac qmòh? Rìm ngai òòq loq anoe hlài bàu halac aih doe cleq qmòh? **31** Drah tangèh òòeq jah kan tabàih ma yi kàn òòg. Manòeq kô èh, au padon patô ka oh daq trong ma yeo lem hòh.

13 Yac ka au loq tapoch òòq òòg ka bàu kon mangai xam bàu bình plinh, mahaq ùh i kan loq waq, aih au bu òàng chìn h ja atèh, qmang ka hatùq gòc lòe bàu. **2** Yac ka au i màiq loq capoch pajàu, yac ka loq òòq òòg ka kan

hlèp, loq diq kan rabiaq, yac ka au i manoh lùl jah qnhac hloe bùi wang, mahaq ùh ka kan loq waq, aih dua au ùh loh cleq. **3** Yac ka au axong dõng dèh kùng hang ðoèq hu ban mangai pa, yac ka chac cla au dõq hloe wì bùi, mahaq tàng ùh i kan loq waq, bài yiniq aih dua ùh i broq ka au jah lòeq cleq. **4** Kan loq waq loq dràng àt, kan loq waq loq hanò, kan loq waq ùh tajènh, ùh catèh ràdeh, **5** ùh broq trong ùh troq, ùh chaq jah lòeq toq ka ràdeh ùh rènh nõeh, ùh hèm qmèq ka cabô, **6** ùh bùi ka trong ùh taq atõq, mahaq bùi ta trong joq qnàng. **7** Kan loq waq loq grom gri rìm trong, lùl rìm trong, loq tangèh rìm trong, loq àt rìm trong. **8** Kan loq waq ùh jò leq hnhung lùch. Bàu pajàu èh diq, biac am màiq tapoch bàu halac èh lùch, kan rabiaq loq èh hadai pi i. **9** Majah qmang aih kan loq da bèn qnhòq gèh geo, capoch pajàu dua qnhòq gèh geo. **10** Mahaq jò kan gèh geo hi trùh, jò aih èh bài yiniq leq ma qnhòq gèh geo hi cađac. **11** Jò au oe raq kon qyoh, au tapoch tiah ka wì qyoh, manoh hèm tiah ka wì qyoh, boq ngan tiah ka wì qyoh, jò au khoe wìa mangai kàn, au hi cađac bài trong da wì qyoh. **12** Mandeq kô tiah ka bèn ngan ta gùang, hnoq bu badrèh badrah, trùh hi bèn hi jah hnoq baiq hadrò tangèa ti dabau, hi kô au loq qnhòq jàp. Trùh jò aih èh, au hi jah loq qmang ka Chuah khoe loq ka au. **13** Dài haq mandeq oe i piq yiniq kô: Manoh lùl, kan tangèh, kan loq waq, mahaq oe ta piq yiniq aih, kan loq waq aih ma yeo kàn dõng.

14 Drah ti tiaq chaq kan loq waq. Hadai drah tangèh ka bài kan tabàih enh Yiang, ta aih màiq capoch pajàu aih joq yeo nhét. **2** Majah qmang aih cabô capoch bàu halac, aih ùh xài haq capoch ka kon mangai mahaq haq capoch ka Boc Plình, ma joq qnàng aih ùh i cabô qnì tàng (majah qmang aih enh dalam ka Yiang mangai aih capoch bàu hlèp); **3** da mangai capoch pajàu aih haq capoch ka kon mangai ðoèq broq wì jah ka cajap, hu pariaq rai ti alõng. **4** Mangai capoch bàu halac, aih haq broq ka cla ràdeh jah cajap, yàng da mangai capoch pajàu aih haq paqnhrang Tagop Hadròeh. **5** Au nègh ka oh daq diq capoch bàu halac, mahaq au ma yeo nègh aih oh daq capoch pajàu. Mangai capoch pajàu aih yeo kàn ka mangai capoch bàu halac mahaq ùh i ka cabô anoe hlài dõq Tagop Hadròeh jah loq tàng ðoèq hu jah qnhrang. **6**

Mandeq kô, diq ka oh daq, tàng joq au trùh ti oh daq, au capoch bài bàu halac, mahaq bàu aih ùh i paqnoh am ka oh daq loq kan hlèp, ùh i kan rabiaq, ùh i bàu pajàu, ùh i hnài oh daq loq qmòe cleq, aih ajah cleq ka oh daq? **7** Yac ka ranac croh pi i kan rìh mahaq loh atêh qmang ka taliaq, qmang ka broc, tàng ùh i bàu ma crài ka dabau ðoèq hu hadro aih broq qmang leq ma canau ka taliaq hlui cleq, broc rawèh cleq? **8** Tàng ken hlui ma nhài aih èh cabô ma hu padon lam tajèh? **9** Oh daq hanoh qmang aih, tàng joq ùh yõc rapet tapoch ma hloh dõq wì tàng, broq qmang leq wì maloq oh daq anoe cleq? Aih oh daq capoch ka cayeo. **10** Oe crõng taneh i bacc bàu capoch, ùh i bàu leq ma ùh i ka ranenh. **11** Qmang aih, tàng au ùh qnì tàng qmòe ranenh bàu mangai ma qnang anoe, ajoq mangai aih ngan au budàng mangai diac wì, au hanoh hnoq haq qmang ka mangai diac wì diq. **12** Qmang aih oh daq drah nègh drah ti chaq bài kan tabàih da Yiang Hadròeh. Chaq ma yeo bacc ðoèq hu paqnhrang Tagop Hadròeh. **13** Dài aih, mangai capoch bàu halac, drah waiq khàn ðoèq hu jah anoe hlài dõq wì loq bàu aih. **14** Majah qmang aih, tàng au waiq khàn xi bàu halac, aih yiang da au waiq khàn mahaq gàu ngoc au ùh qnì cleq. **15** Aih èh au broq qmang leq? Au waiq khàn tiaq yiang, mahaq au hanoh waiq khàn tiaq gàu ngoc. Au calêu tiaq yiang, mahaq hadai calêu tiaq gàu ngoc. **16** Ùh qmang aih, tàng ìh toq manè apôi tiaq yiang, èh mangai ma ùh qnì haq haqngui tamàng, ùh qnì ìh capoch cleq, broq qmang leq haq maloq tiaq bàu manè aih ðoèq hu doe “Amen”? **17** Hi loq ka bàu manè apôi da ìh aih joq lem, mahaq mangai qnoeq ùh jah canòm ka bàu aih ðoèq hujah qnhrang ðeh diq. **18** Au manè apôi Boc Plình, au khoe jah capoch bàu halac yeo bacc dõng ka pi oh daq, **19** mahaq oe ta hnim Tagop Hadròeh, au enh yõc padam nà bàu ma loq tàng ðoèq hu jah hnài mangai qnoeq aih yeo hnau ka yõc mòeq mùan bàu halac. **20** Pì oh daq pi ðùh hèm tiah ka manoh kon qyoh hòm. mahaq trong dù aih ma khòh tiah ka kon qyoh. Trong rabiaq loq drah tiah ka mangai khoe gèh mangai. **21** Ta hset ranenh i achìh: Chuah doe “Au canòm ka mangai capoch bàu halac xam hacùng bàu mangai diac wì, ðoèq hu tapoch ka bài mangai kô; Mahaq qmang aih dua wì ùh tamàng au”. **22** Qmang aih, bài bàu capoch aih teo, ùh xài ka mangai lùl mahaq ðoèq ka mangai ma ùh

lùi Chuaq. Yàng da bầu pajàu aih teo, ùh xài ka mangai ùh lùi, mahaq ðoeq ka mangai lùi Chuaq. **23** Qmang aih jò Tagop Hadròeh tagop ti dabau, tàng rìm mangai tapoch ðeh hra bầu halac, yàng i mangai ùh qnì ðeh cleq, èh i mangai ùh lùi Chuaq mùt diq, aih wì ma ùh hìaq doe ka pì ranhùà qmòh? **24** Mahaq tàng i mangai ùh lùi Chuaq i mangai ùh qnì cleq mùt, wì tàng rìm ngai pì qnang tapoch bầu pajàu, bầu aih tabroq ta manoh, bầu aih hadrah ka wì haq, **25** ðòe kan hlep ta manoh wì haq khoe jah paqnoh loh, aih èh wì ma ùh bla-op ðeh hadrò ta taneh ðoeq kùh waiq Boc Plình, rai doe: Joq qnàng i Boc Plình oe taqne oh daq! **26** Atiq ka aih bèn anoe qmang leq hòmh oh daq? Jò oh daq tagop ti dabau, enh dalam pì, tàng mangai leq i ðai calêu hadròeh, i bầu hnài, i kan mahnu, tàng i mangai tapoch bầu halac, tàng loq i mangai anoe hlài bầu aih. Rìm yiniq aih ep broq ma gèh ðong ðoeq rìm ngai diq jah paqnhrang. **27** Tàng loq i mangai tapoch bầu halac, aih baiq piq ngai tapoch raq hêq, mahaq ep tagòm dabau, ep waq ka i mangai anoe hlài. **28** Tàng ùh i ka mangai anoe hlài, mangai aih ep oe hatinh ta hnim Tagop, cla tapoch deh ka cla xam ka Boc Plình. **29** Mangai capoch bầu pajàu hadai palap baiq piq ngai raq hêq, mangai qnoeq hèm rai boq ka bầu aih. **30** Mahaq tàng i mangai leq qnang hangui ta aih hnoq kan mahnu, aih èh mangai ma adroe ep hatinh. **31** Majah qmang aih diq ka oh daq khoe ka maleq trùh maleq diq jah capoch bầu pajàu, ðoeq rìm ngai jah hóc jah alòng. **32** Yiang da pajàu iu tìaq mangai pajàu. **33** Majah qmang aih Boc Plình aih ùh xài Boc Plình da kan manhài, mahaq Boc Plình da kan catèm. Drah broq tìah diq ka ðai Tagop Hadròeh da mangai hadròeh, **34** gucadrì ep oe ma hatinh ta hnim tagop, wì haq ùh jah capoch ta aih, mahaq ep iu tìaq qmang ka bầu hset ranenh hnài. **35** Tàng wì haq loq i yiniq enh bòch waq ka loq, wì haq ep bòch ðeh òng jò wì oe ta hnim, majah qmang aih gucadrì capoch ta hnim tagop aih raq kan camaih. **36** Ahìaq bầu Boc Plình loh enh oh daq, tàng ùh meh haq trùh toq ta oh daq raq ùh xài? **37** Tàng loq i cabò hèm ðeh kô pajàu, ðeh kô jah kan loq enh Yiang Hadròeh sreo am, mangai aih khòh loq rameh: Rìm yiniq au achìh ka pì kô diq bầu Boc Plình thể. **38** Tàng mangai leq ùh enh tamàng aih mac da wì haq! **39** Qmang aih, oh daq drah nghè chaq màiq capoch bầu pajàu, èh hadai apaq tât trong capoch bầu halac. **40** Mahaq rìm yiniq ep broq troq ðèh bè rai waq ka i atiq adroe.

15 Manòeq kô, au enh bahmàng hlài ka oh daq Bầu lem au ma khoe hnài, oh daq ma khoe jah yóc, ma khoe jah yòng cajak ta bầu aih, 2 canòm ka bầu aih raq oh daq ma khoe jah ðèch, waq toq oh daq wèq wop qmang ka bầu au khoe hnài, tàng ùh qmang aih qngwan ka oh daq khoe lùi. **3** Adroe diq ðong, au khoe hnài oh daq bầu cla au ma khoe jah, aih iq Christ khoe cachit ka yiniq lui da bèn tiaq bầu Hset Hadròeh. **4** Wì khoe catùh haq, trùh hì piq, haq rìh hlài tiaq bầu Hset Hadròeh; **5** Haq khoe mahnu raðeh ðòq Sêpha hnoq, atiq ka aih haq am ka wì Mòeq jât baiq ngai hnoq haq. **6** Khoe aih, ta mòeq yàng haq mahnu raðeh am ka loe padam hrinh ngai hnoq, ta aih bàc ngai manòeq kô oe rìh, i biaq ngai khoe kùì. **7** Atiq ka aih haq mahnu raðeh am ka Jaco, khoe aih ka mangai tiaq cla haq. **8** Atiq ðong ka wì aih, haq hadai mahnu raðeh am ka au, bu ðiang am ka kon hin. **9** Majah qmang aih, taqne wì mangai tiaq cla, au kô joq yeo hamoq ðong, ùh ta jì ðoeq hu jah creo mangai tiaq cla, majah qmang aih au khoe ti tât rùp baxa Tagop Hadròeh da Boc Plình. **10** Yàng manòeq kô au jah qmang kô, aih diq canòm ka kan tabàih enh Boc Plình, kan tabàih haq am ka au aih joq ùh hìaq qngwan. Au patìh yeo bàc ðong ka mangai qnoeq, ma joq qnàng ùh xài au mahaq kan tabàih da Boc Plình khoe oe ti au. **11** Qmang aih, yac ka nhèn, yac ka wì qnoeq, aih raq ðai yiniq nhèn hnài, aih raq trong oh daq khoe lùi. **12** Tàng anoe hnài Christ khoe rìh hlài enh kan cachit, meh hagleq taqne oh daq majah i qnah ngai doe mangai cachit ùh rìh hlài? **13** Tàng mangai cachit ùh rìh hlài, aih Christ hadai khoe ùh rìh hlài. **14** Tàng joq Christ khoe ùh rìh hlài, aih ajoq bầu nhèn hnài aih hi qngwan qngwaiq, èh manoh lùi da oh daq hadai qngwan diq. **15** Èh hòmh, tàng joq qnàng mangai cachit ùh rìh hlài, aih Boc Plình khoe ùh broq ka Christ rìh hlài, qmang aih nhèn khoe wiang capoch liq ka Boc Plình jò nhèn doe haq khoe broq ka Christ rìh hlài, lèh gèh haq nhèn capoch amòng ka Boc Plình. **16** Majah qmang aih, tàng joq mangai cachit ùh rìh hlài, aih Christ hadai khoe ùh rìh hlài. **17** Èh hòmh tàng joq Christ khoe ùh rìh hlài, kan lùi da oh daq loh ka qngwan, oh daq oe raq deh ta kan yiniq

lui cla. **18** Qmang aih, mangai ma kùì ta Christ hadai hnhung lùch hloe mòeq òe. **19** Tàng joq bèn tangèh ka Christ qmòe toq ka qnhòng kô, aih ta crõng taneh kô joq òìq toq bèn raq mangai ma yeo jàng ka ha-och òeh. **20** Mahaq manòeq kô, Christ khoe rih hlài enh mangai cachit, haq aih plì ramua da bài mangai ma kùì. **21** Majah qmang aih, taiq mòeq ngai majah i kan cachit, èh hadai taiq mòeq ngai majah hi i kan rih hlài da mangai cachit. **22** Tìah ka enh dalam rìm ngai òìq ep cachit, hadai qmang aih, enh dalam ka Christ rìm ngai èh òìq jah rih hlài, **23** mahaq rìm ngai ep tiaq òeh atiq adroe: Christ aih plì ramua, hi haq ma hi trùh, bài mangai da haq hi rih hlài. **24** Khoe aih èh kan lùch men trùh, jò haq ma hi òeh diac am hlài da Baq aih Boc Plinh, atiq ka haq khoe raliang òng bài diac padròng kan, bài mangai i cwiang xam rìm padren, **25** majah qmang aih haq ep wèq cwiang trùh jò khoe roh òng bài mangai ma tablèq ka haq enh caqnàm jènh haq. **26** Mangai haq ma palùng òac atiq òng aih kan cachit. **27** Majah qmang aih: “Boc Plinh khoe òeq rìm yiniq enh caqnàm jènh haq”. Jò doe “rìm yiniq òìq oe enh caqnàm haq”, aih khoe anoe ka hloh ta aih ùh xài i hloe xam cla Boc Plinh aih Mangai ma khoe òeq rìm yiniq òìq enh qneq ka Christ. **28** Jò rìm yiniq òìq khoe iu haq, jò aih èh cla Kon hadai iu tiaq Mangai ma khoe òeq rìm yiniq òìq oe enh qneq ka raðeh, òq Boc Plinh broq rìm yiniq oe enh dalam rìm yiniq. **29** Manòeq kô tàng joq ùh i kan rih hlài, mangai broq baptem thai ka mangai cachit wì ngèh cleq? Joq mangai cachit ùh rih hlài hagleg wì ma broq baptem thai ka wì aih? **30** Èh nhèn hadai qmang aih, hagleg nhèn jò leq dua toq tamùà raðeh ta kan yat? **31** Wùih oh daq! au taqnòq ka kan cachit hi rìm hi, joq qnàng tìah ka au ma xan catèh òeh pì oh daq enh dalam ka Jesus Christ aih Chuaq da bèn. **32** Tàng au tiaq dua kon mangai qnhòng kô òeq tajèh ka bài kiac dù ta gùng Êpheso, aih au khoe jah cleq? Tàng joq mangai cachit ùh rih hlài: “Bèn chaq acaq beq, chaq ôq beq, majah qmang aih hi da èh bèn hi cachit!” **33** Apaq òq wì qnùt raðeh: “Bài bua qmèq broq raliang manoh da mangai lem”. **34** Drah hamang òeq hu canau tiaq trong taq atòq, pì dùh broq yiniq lui hòh, majah qmang aih i mangai pì lòm qnìq qmòe ka Boc Plinh, au anoe qmang aih òq oh daq loq hèm ka camaih. **35** Mahaq i mangai ma doe:

Mangai cachit aih rih hlài qmang leq? Yòc chac leq òeq rih hlài? **36** Wùih mangai ma blùng tau, adrech pì ma rai, tàng joq haq ùh cachit adroe hòeq, aih haq majah hon? **37** Adrech pì ma rai aih ma xài chac ma hu wìa ònh, aih bu òàng pliang adrech, qmang ka pliang qmau, qmang ka pliang adrech qnoeq. **38** Boc Plinh am ka haq chac hamac lem tiaq troq manoh cla Boc Plinh ma khoe òì òeh adroe, rìm pliang adrech òì i òeh hra chac hamac. **39** Ùh xài xech akia leq òìq ta hatiah òng ka dabau, xech akia da mangai i òeh crài, xech akia da jam gùng i òeh crài, da chìm i òeh crài, ka hanoh i òeh crài. **40** Èh i chac da diac plinh, i chac da crõng taneh, mahaq kan ranhòm chac hamac da diac plinh, da crõng tanheh crài ka dabau. **41** Kan qngah da mahi crài, qngah da mat khè crài, da halòng crài, qngah da halòng kô xam halòng qnoeq hadai crài ka dabau. **42** Kan rih hlài da mangai cachit hadai qmang aih. Chac hamac ma rai qnoh kô loq hech hnhung, mahaq hi rih hlài aih pì hech hnhung; **43** jò ma rai qnoh aih rai ta kan xep, mahaq jò ma rih hlài aih ta kan ranhòm; jò ma rai qnoh aih hamoq, mahaq jò rih hlài aih òeh; **44** jò ma rai aih xech akia mahaq, jò rih hlài aih chac yiang. Tàng khoe i chac hamac xam xech akia, èh hanoh i chac hamac xam yiang; **45** tìah ka bàu ma khoe achi: “Mangai ma adroe aih Adam khoe wìa mangai rih i mahua rih, Adam ma atiq aih Mangai am kan rih”. **46** Mahaq ùh xài chac hamac yiang i adroe, mahaq chac xech akia adroe khoe aih chac hamac yiang trùh atiq. **47** Mangai adroe loh enh taneh aih da taneh, mangai ma atiq aih loh enh plinh. **48** Mangai da taneh qmang leq aih èh bài mangai da taneh òìq hadai qmang aih òìq, mangai da plinh qmang leq, aih èh bài mangai da plinh hadai qmang aih òìq. **49** Qmang ka bèn khoe wè qmù dua kon mangai da taneh, aih èh bèn hadai jah wè qmù dua da kon mangai da plinh. **50** Manòeq kô au doe ka pì oh daq: Xech akia xam mahim ùh jah mùt ta diac Boc Plinh, kan loq hech hnhung ùh jah waq ka kan ùh qnì hech hnhung. **51** Kô au paqnoh ka pì loq kan ma òìq jaq hlèp: òìq ka bèn kô èh ùh i kùì òng, mahaq òìq òng ka bèn jah wìh wìa ma qnoeq. **52** Ta mòeq rahyàc raq, mòeq caqlmài mat, jò bàu ken ma atiq lùch. Majah qmang aih bàu ken jah hlui, mangai cachit hi rih hlài, jah kan pì hìaq hech hnhung hòh, aih èh òìq ka bèn jah wìh wìa chac maneo. **53**

Majah qmang aih chac ma loq hech hnhung kô ep caxùnh yôc kan ùh hech hnhung, chac ma loq cachit kô ep caxùnh kan ùh qnì cachit. 54 Jô leq chac malôq hech hnhung jah caxùnh yôc kan ùh hech hnhung, chac loq cachit kô caxùnh yôc kan ùh cachit, aih êh jah xit qmang ka bàu Hset Hadrêh ma doe rameh: “Kan blêq khoe lonh kan cachit”. 55 “Kan cachit! aleq da gè kan blêq? Aleq nóc da gè?” (Hadrês 986) 56 Nóc da kan cachit aih yiniq lui, kan dêh da yiniq lui aih ranenh. 57 Mahaq manê apôi Boc Plinh khoe am ka bèn kan blêq enh dalam ka Chuaq Jesus Christ, Chuaq da bèn. 58 Qmang aih oh daq da au, yòng ma cajap haq, apaq dalâc, drah patih ka Chuaq ma bacc haq, majah qmang aih bèn loq kan xalep da pì oh daq enh dalam ka Chuaq aih ùh qngwan.

16 Mandeq kô, anoe trùh trong tagop bac jên ðòeq wiang am ka mangai hadrêh ma qnang nan, aih oh daq broq qmang ka au ma khoe anoe ka bài Tagop Hadrêh oe ta Galati. 2 Oe ta hi gàu tuàng, rìm ngai oh daq tiaq ðàdêh bu hlât tagop jah pang leq, ðòeq qmòe dèh ta hnim raq, ðôq ùh hiaq ep gòm jò nhên trùh men ti tagop ònh. 3 Jô au trùh, au hi thê bài mangai oh daq ma khoe ràih wê jàiq au ma achih xam bac oh daq ma tagop aràng ta Jerusalem. 4 Tàng troq ka au lam, wì aih hi lam ti au. 5 Atiq ka au lam khoe ka Maxê-đoan, au hi trùh hmàih ka oh daq, majah qmang aih au ep thia ta Maxê-đoan. 6 Canau au loq oe ti oh daq ùh dùnh, tàng ùh meh clech ka ralim, ðòeq oh daq jah ajên aràng au lam tanoè au enh lam. 7 Yàng kô ùh xài au toq enh glâm oh daq hi hêq, mahaq tàng Chuaq lờh, au ngèh jah oe ti oh daq. 8 Mahaq yàng kô au oe ta Êpheso trùh ramênh Hì padam jât, 9 majah qmang aih, ta aih i mòeq toq qmang kân khoe pèch ðòeq ka au hu abroq, mahaq hadai i bacc ngai enh tablêq ka au. 10 Tàng Timothê trùh hmàih ka oh daq, pì hmàng ngan apaq ðòeq haq i cleq ma ep crê jò haq oe ti pì: Majah qmang aih haq hanoh patih ka Chuaq tiah ka au diq. 11 Apat i cabô jù ðac haq, ahlài haq ma catêm, ðòeq haq jah trùh ta au, majah qmang aih au qnang gòm haq hloe xam oh daq qnoeq. 12 Yàng mandeq kô, Abolô aih oh daq da bèn, au bacc yàng àu thê haq lam tiaq wì oh daq kô ðòeq lam trùh ta oh daq, mahaq haq qnhôq lap lam. Mahaq haq lam jò leq haq hi dòh. 13 Oh daq hmàng hamang, yòng

cajap manoh lùì, ma hagau, ma tadêh haq oq. 14 Rìm yiniq oh daq broq, ðiq broq ta kan loq waq. 15 Manoeq kô, oe i moeq bàu tanap hòm: Oh daq loq hnim Sêphana aih plì ma ramua ta gùng Achai, pì diq loq mangai ta hnim aih ðiq ka manoh patih ka mangai da Chuaq. 16 Khòh loq ta iu bài mangai qmang aih, khòh ta iu ðiq ðồng bài mangai hanoh patih xalep ti bèn. 17 Sêphana, Photu-na xam Achaico trùh ta kô, au bùi haraya, wì aih khoe aràng am ka au bài dahwêq oh daq ùh i aràng. 18 Wì aih khoe broq ka manoh au xam manoh oh daq jah blinh hlài. Khòh padêch bài mangai qmang aih. 19 Bài Tagop Hadrêh oe ta gùng Asi bôch hmàih trùh pì, enh dalam ka Chuaq, Aquila xam Bêritsin tanap bàu hmàih trùh pì, Tagop Hadrêh oe ta hnim wa aih hanoh. 20 ðiq ðồng oh daq ta kô bôch hmàih ka pì. Drah yôc kan hip hadrêh ðòeq hmàih da bau. 21 Au kô Phaulo, ti kông cla au achih jàiq kô bôch hmàih oh daq. 22 Tàng mangai leq ùh ta iu ka Chuaq, mangai aih ep pòq kan “Anathem”! Maranatha! 23 Waiq kan tabàih da Chuaq oe ti pì oh daq! 24 Kan loq waq da au oe ti rìm ngai oh daq enh dalam yiniq Chuaq Jesus Christ.

II CORINHTO

1 Au kô Phaulô, tiaq manoh Boc Plinh jah broq mangai tiaq cla da Chuaq Jesus Christ, xam Timôthê aih oh daq da bèn, achih am kaTagop Hadrêh oe ta Côrintô xam diq ka mangai hadrêh oe jâp tagùng Achai: **2** Waiq ka oh daq jah kan tabâih xam kan catêm enh Boc Plinh, Baq bèn, hloe xam enh Chuaq Jesus Christ. **3** Manê apôi Boc Plinh, aih Baq da Chuaq Jesus Christ bèn, aih Baq ma loq tamêt, aih Boc Plinh am rîm kan alông. **4** Haq alông nhên ta kan nanxa, dôq kan alông haq ma khoe alông nhên, aih êh nhên hadai jah alông mangai qnoeq jò wî haq glâm kan nanxa! **5** Qmang ka nhên khoe wiang pòq wê kan jîq da Chuaq Jesus Christ qmang leq, aih êh kan alông da nhên loh enh Chuaq Jesus Christ hadai bình qmang aih. **6** Tàng nhên glâm kan mangò aih ðeq ka oh daq jah alông jah dèch, yac ka nhên jah kan alông aih ðeq ka oh daq jah alông, kan alông aih jah hnoq jò oh daq ùh tagah lep ta kan nanxa qmang ka da nhên. **7** Nhên cajap manoh ngêh ta oh daq, majah qmang aih nhên loq oh daq khoe jah wiang nanxa, aih êh oh daq hanoh wiang jah kan alông. **8** Nhên ùh enh ðeq ka oh daq ùh qnì ðeh cleq kan nanxa khoe trùh ka nhên ta crông Asi, wî khoe qmet hrin nhên, joq yeo loe ka padren nhên, nhên ma oe tangêh ka ðeh rih. **9** Joq qmang aih, nhên tiah ka mangai wî ma khoe taqmac ka nhên kan cachit, dôq nhên pi canôm dèh cla, mahaq canôm ka Boc Plinh aih Mangai broq ka mangai cachit rih hlài. **10** Haq khoe dèch nhên claih ka kan cachit kân qmang aih, êh oe raq dèch hòm, joq, nhên oe tangêh ka haq dèch nhên hòm. **11** Qmang ka cla oh daq yôc deh bàu waiq khân ðeq hu wiang ti nhên, dôq bác ngai wiang waiq khân aih êh nhên hu jah xôp ramot, ðeq nhên wia nen am ka bác ngai jah manê apôi Boc Plinh am ka nhên. **12** Manêq kô yiniq ma broq ka nhên jah catêh raðeh aih manoh cliac nhên wiang panhìn nhên khoe yôc kan hadrêh xam manoh lem jang loh enh Boc Plinh ðeq hu acaq oe ta crông taneh kô ti pì oh daq, kiang ma ùh hnau ka aih hòm nhên ùh tiaq kan rabiaq da xech akia mahaq canôm kan tabâih enh Boc Plinh. **13** Majah qmang aih nhên ùh achih ka oh daq bài yiniq cleq broq ka oh daq ùh hlât ðoc, ùh hlât tàng. Au toq nghe qmang aih, **14** tiah ka oh daq

khoe jah loq ðeh ka nhên toq biaq, êh oh daq jah loq qmòe ka lêh gêh rameh hòm aih nhên broq ka oh daq jah ranhôm, qmang ka oh daq broq ka nhên jah kan ranhôm oe ta hì da Chuaq Jesus. **15** Au lûi dèh joq qnàng trong aih, adroe kô nêh au khoe enh trùh hmâih ka oh daq, ðeq broq ka oh daq jah lòeq yeo hnau tam ka aih. **16** Au ma enh jò au lam ta Maxêdoan, au thia ta oh daq adroe, êh enh Maxêdoan au wih hlài ta oh daq, enh aih oh daq qnong au lam ta gùng Jiudê; **17** jò au qnac dèh ta manoh qmang aih au kô ahiaq mangai taleq ùh lênh? ùh meh ahiaq au tiaq deh xech akia ðeq hu hatinh ka raðeh, dài au majah i jò: “Òq òq, i jò ùh ùh”? **18** Mahaq qmang ka Boc Plinh ma ùh tablòq manoh, bàu da nhên anoe ka oh daq hadai ùh xài i jò troq i jò ùh. **19** Kon da Boc Plinh aih Chuaq Jesus Christ, diq ka nhên, ta aih i au xam Sinwan xam Timôthê ma khoe anoe hnài ka pì, aih ùh xài: “I joq i ùh”. Mahaq ta Haq aih toq joq raq. **20** Majah qmang aih diq ka bàu Boc Plinh ma khoe têu enh da lam ka haq aih joq diq ðong, êh enh dalam ka haq nhên majah doe: “Amen” ðeq broq qngah yiniq Boc Plinh. **21** Manêq kô Boc Plinh aih Mangai ma khoe broq ka nhên xam oh daq jah yông cajap enh dalam ka Christ, khoe xùt dầu am ka nhên; **22** Haq khoe yôc dèh teo hadro ðeq pateo ka nhên rai am ka nhên hang panhìn aih Yiang Hadrêh oe ta dalam nhên. **23** Au creo dang Boc Plinh ngan hnoq ta manoh au, taiq au camaih ka pì dài au ma qnhòq wih hlài ta Côrintô, **24** ùh xài nhên enh broq gàu manoh lûi da oh daq, mahaq nhên enh wiang dôq kan lem bùi da oh daq jah rai êh rai bác tam, majah qmang aih oh daq khoe cajap manoh lûi.

2 Aih iq dài au ma khoe qnac ta manoh ùh wih hlài ta oh daq, aih blinh ùh xài ðeq hu broq ka oh daq mangò; **2** majah qmang aih tàng au broq ka pì mangò aih êh broq qmang leq au ma oe tangêh jah kan lem bùi enh bài mangai au khoe broq ka wî haq mangò? **3** Au khoe achih ka oh daq qmang aih ðeq jò au trùh, au ùh hiaq ep mangò ka pì oh daq aih bài mangai broq ka au jah lem bùi. Au lûi diq ðong ka oh daq, mangai leq mangai meh diq yôc kan bùi au ðeq broq kan lem bùi ka raðeh. **4** Aih, wop ta jò nanxa hlac hlai, catech cliac clêm, diac mat da dahrac, au achih ka oh daq, ùh xài ðeq ka oh daq mangò, mahaq ðeq ka oh daq

loq manoh da au ha-och ka oh daq dàng leq. Mangai i lui jah caqnaih. **5** Tàng i mangai leq broq kan mangò aih ùh xài haq broq toq ka au mangò, mahaq broq dìq ka oh daq mangò ðeh hra yac ka bàc biaq, au ùh i enh tapoch hrìn broq cleq, **6** taqne oh daq khoe i bàc ngai cwo lech ka haq, toq aih raq brì ka khoe lap. **7** Hêq mandeq kô oh daq cađac pi dũh dayo, rai padô alòng ðeq haq ùh hĩaq mangò hrìn loh hloe ka tacro. **8** Qmang aih, au cali calo ka oh daq paqnoh ðeh kan loq waq pi ka mangai aih. **9** Aih iq raq au majah achih ka oh daq, ðeq hu qnhro ngan rìm trong oh daq i iu loq ùh. **10** Oh daq khoe caqnaih da mangai leq yiniq lui, au hadai caqnaih. Tàng au caqnaih, aih enh ngèa ka Christ taiq oh daq au majah caqnaih; **11** dõq Satan ùh hĩaq jah blêq bèn, majah qmang aih ùh xài bèn ùh loq ka manoh da haq. **12** Mandeq kô jò au khoe trũh ta Trô-ach ðeq anoe Bàu lem da Christ, yac ka ta aih Chuaq khoe pèh ka au qmang, **13** mahaq dua au ùh catèm ta manoh, majah qmang aih, ta aih au qnhòq hnoq Tit aih oh daq au. Aih iq, dài au majah hangah ka oh daq gũng aih ðeq hu lam ta Maxêđoan. **14** Mahaq manè apôi Boc Plinh, haq broq ka nhèn jah blêq hloe hloe enh dalam ka Chirst, èh haq yõc nhèn ðeq hu rai kan xua thùm trong canau loq ka haq rìm nõe. **15** Majah qmang aih enh ngèa Boc Plinh, nhèn kô kan xua thùm da Chuaq Jesus Christ, oe ta adreo mangai jah ðech xam mangai hnhung lùch: **16** Am ka mangai kô xua kan cachit broq ka cachit, am ka mangai tau xua kan rih broq ka rih. Cabô ma taji ðeq hu broq bài yiniq kô? **17** Nhèn ùh ti lam padro bàu Boc Plinh hu chaq acaq tiah ka wì qnoeq. Mahaq nhèn yõc ðeh manoh joq qnàng, bàu loh enh Boc Plinh qmang leq, oe enh dalam ka Christ nhèn anoe hlài qmang aih enh ngèa Boc Plinh.

3 Ahĩaq nhèn khoe wìa mangai loq pliang rađeh? Hĩaq khoe tiah ka wì qnoeq ep waq ka i mangai achih jàiq tanap ka oh daq, ùh meh canòm ka jàiq enh oh daq anoe trũh nhèn qmòh? **2** Cla pi oh daq qmat raq thò tanap da nhèn, achih ta cliac manoh nhèn, rìm ngai jah loq, jah ðõc. **3** Joq qnàng oh daq qmat thò da Christ, nhèn kô ma achih, ùh xài achih xi mùc mahaq achih xi Yiang da Boc Plinh rih halinh, ùh xài achih ta capiac hmo mahaq ta capiac xech akia, aih ta manoh da oh daq. **4** Canòm ka

Christ nhèn cajap manoh lùì qmang aih enh ngèa ka Boc Plinh. **5** Ùh xài cla nhèn hlàt hèm loh yiniq cleq ðeq hu broq, mahaq kan hlàt da nhèn dìq loh enh Boc Plinh. **6** Haq khoe am ka nhèn kan hlàt ðeq nhèn hu patih ka tajao maneo, ùh xài tajao da chũ achih, mahaq tajao da Yiang Hadrèh, majah qmang aih da chũ achih broq ka cachit, yàng da Yiang Hadrèh broq ka rih. **7** Tàng joq mangai patih ka tajao da kan cachit, achih chũ ta cachèh hmo, aih ji khoe jah ranhòm raya, jaq mangai Isorali loh qmòe ka pi jah chri hadrò Môise, majah qmang aih i kan canhia ta hadrò haq, yac ka ðoe kan canhia kô rênh dìq. **8** Loq ka mangai patih da Yiang Hadrèh ma ùh ranhòm yeo hnau ka aih! **9** Qmang aih, patih ka trong ti taqmòq yiniq lui aih xõq khoe jah kan ranhòm, loq ka patih trong aràng kan taq ataq aih èh jah kan ranhòm dàng leq hòml! **10** Majah qmang aih, kan ranhòm da tajao ma adroe khoe hnhung ta kan ranhòm yeo hnau da tajao ma atiq, **11** tàng yiniq ma ep hnhung lùch aih ji i jò jah kan ranhòm, loq ka yiniq ma cajap mòeq ðe aih èh jah ranhòm dàng leq hòml! **12** Nhèn i kan tangèh qmang aih, dài nhèn majah ùh hòq qmòe cleq. **13** Nhèn ùh broq qmang ka Môise, yõc bai prinh ðeh hadrò, dõq mangai Isorali ùh hĩaq hnoq jò kan qngah dìq lùch. **14** Mahaq manoh wì haq khoe cadoq, dài trũh mandeq, jò wì ðõc tajao dùnh, bai prinh aih oe raq qnhòq taclih, majah qmang aih enh dalam ka Christ bai prinh aih men hnhung. **15** Dài aih, trũh hi kô, jò wì ðõc ta hset Môise bai aih oe raq ta manoh wì haq. **16** Jò leq wì haq wih hlài ta Chuaq, aih èh bai aih ma hi taclih. **17** Mandeq kô Chuaq aih Yiang Hadrèh, Yiang Hadrèh da Chuaq oe taleq, kan paclaih oe ta aih. **18** Dìq ðõng bèn jah yõc ðeh hadrò ralênh ðeq hu ngan kan ranhòm da Chuaq qmang ka ta gùang, aih èh bèn jah wih wìa mòeq dua tiah ka haq, enh kan ranhòm trũh ta kan ranhòm, qmang ka Chuaq aih Yiang Hadrèh.

4 Majah qmang aih, canòm kan loq waq khoe am, nhèn men jah broq mangai patih qmang kô, dài aih nhèn majah ùh cro manoh, **2** Ùh hnau ka aih hòml, nhèn cađac ðõng rìm biac jiang ka camaih cadoc hlèp. Nhèn ùh tiaq kan padô qnùt, hadai ùh ti gùt bàt bàu Boc Plinh, mahaq nhèn patô qnoh bàu joq qnàng, ðeq jah bàu manè apôi enh manoh cliac oh daq enh

ngèa ka Boc Plinh. 3 Tàng Bàu lem da nhèn oe i kan gahnàp, aih gahnàp toq ka bài mangai ma hu hnhung lùch; 4 craq kiác da qnhòng kô khoe bâng manoh cliác bài mangai ma ùh lùì, dài wì haq majah pi hnoq kan ranhòm qngah qngai ta Bàu lem da Christ aih la qmù dua da Boc Plinh. (aiōn g165) 5 Qmang aih, nhèn ùh ràu trùh cla radeh, mahaq nhèn anoe trùh Jesus Christ aih Chuaq da bèn, taiq kan loq waq enh haq aih nhèn majah doe radeh kô hapōng oh daq. 6 Majah qmang aih, Boc Plinh i doe: “Kan qngah ep sreo loh enh qnòe clam!” Haq khoe broq kan qngah haq jah qngah qngai ta manoh nhèn am nhèn loq kan ranhòm haq sreo qngah ta hadrò da Christ. 7 Mahaq nhèn khoe don òòeq hang canaq kô ta abōq taneh, òòeq hu mahnu qnoh cwiàng itai kàn aih òiq loh enh Boc Plinh, ùh xài loh enh nhèn. 8 Wì khoe padit nhèn bacc trong, mahaq ùh hiaq hech, glàm kan tagah lep mahaq nhèn ùh tacro manoh. 9 Wì rùp canàt nhèn mahaq Boc Plinh ùh cađac nhèn lac lai, wì jêh nhèn khoe tacro mahaq ùh hiaq cachit. 10 Nhèn xan pòq wê kan cachit da Chuaq Jesus Christ ta chac nhèn, òòeq kan rih da haq hadai jah hnoq ta chac nhèn. 11 Qmang aih, nhèn kô mangai oe raq rih mahaq khoe tah am ta kan cachit, òòeq hujah lòeq ka Chuaq Jesus, òq kan rih haq hadai jah paqnoh enh chac hamac ma loq cachit da nhèn. 12 Qmang aih, kan cachit abroq enh dalam nhèn, kan rih abroq ta oh daq. 13 Pàng nhèn ma khoe pajùm mòeq manoh lùì, wop qmang ka bàu Hset Hadròeh doe: “Au khoe lùì dài au majah anoe”. Hanoh qmang aih òiq, nhèn lùì dài nhèn majah anoe, 14 majah qmang aih, nhèn loq Mangai ma broq ka Christ rih hlài aih èh hanoh broq ka nhèn rih hlài ti Chuaq Jesus, broq ka nhèn xam oh daq jah yòng enh ngèa ka haq. 15 Rìm yiniq kô aih òiq òòeq ka oh daq jah lòeq, òq kan tabài h jah rai èh rai bacc, èh rai bacc ngai jah manè apôi, òòeq hutam ka Boc Plinh kan ranhòm. 16 Aih iq dài nhèn majah ùh tagah lep manoh, yac ka hnoq mangai enh gùng rai èh rai pi nèn, mahaq kon mangai enh dalam rai èh rai wìh wia maneo. 17 Majah qmang aih, kan xalep òò, bu hwòt hwat da bèn kô broq ka bèn jah kan ranhòm ranhinh mòeq òòeq oe i jaq cleq, (aiōnios g166) 18 qmang aih, bèn ùh ngan chaq yiniq ma hnoq xi mat, mahaq haqmiang chaq yiniq ma ùh xau hnoq, majah qmang aih yiniq ma hnoq xi mat

kô mòeq rahyàc raq, yàng yiniq da mat ma ùh hnoq ma aih ma mòeq òòeq. (aiōnios g166)

5 Majah qmang aih bèn loq, tàng joq hnim bèn oe òò ta crōng taneh kô haq loh ka bùc raliang, aih èh bèn i hnim mòeq òòoe ta ta plinh, Boc Plinh ma broq, ùh xài broq loh enh ti kōng kon mngai. (aiōnios g166) 2 Manòeq kô joq bèn qnang hràng ta hnim oe òò kô, bèn òiq jaq ngèh ka jah caxùnh yōc hnim da bèn oe ta plinh, 3 majah qmang aih jò bèn khoe jah caxùnh pi hiaq oe hnoq bèn rahòng. 4 Jò bèn oe ta hnim oe òò kô, bèn hràng enh qneq ka kan trap da haq, bèn ùh ngèh loh ka ralènh, mahaq bèn ngèh ka jah caxùnh yōc hlài hnim oe ta plinh, òòeq bài yiniq maloq cachit ta chac bèn jah kan rih lonh òac. 5 Manòeq kô, Mangai ma padon palauq ka bèn jah bài yiniq kô aih la Boc Plinh, khoe am ka bèn Yiang Hadròeh òòeq hu broq hang pacap ajang aih. 6 Aih iq raq, yac ka jò leq dua bèn lùì rai canòm, majah qmang aih bèn loq jò bèn qnang oe ta chac kô aih bèn hangai ka Chuaq, 7 majah qmang aih bèn cadiang lam xi manoh lùì, ùh xài bèn cadiang lam xi mat hnoq. 8 Bèn bình manoh lùì qmang aih dài au majah doe: loh khoe ka chac kô òòeq hujah oe pajùm ti Chuaq, ma aih ma yeo enh. 9 Qmang aih, dài bèn yac ka oe, yac ka bèn loh enh chac kô, dua bèn àu òiq ka padren waq ka jah lem manoh Chuaq. 10 Majah qmang aih, kô èh bèn rìm ngai òiq ep yòng enh ngèa gèq hadrah da Chirst, òòeq rìm ngai jah waq deh hra tiaq trong lem trong qmèq bèn ma khoe broq jò bèn oe raq ta xech akia kô. 11 Pang aih, nhèn i manoh loq iu yùq ka Chuaq, nhèn àu ti chaq trong òòeq hu broq ka mangai qnoeq òiq lùì, Boc Plinh loq ka nhèn, nhèn hadai ngèh ta manoh cliác oh daq loq ka nhèn. 12 Nhèn ùh capoch manè radeh enh ngèa oh daq hòm, mahaq nhèn enh am ka pi oh daq jah nen hu capoch manè nhèn, òòeq oh daq jah hatèu ka bài mangai ma ti catèh biac lem toq enh gùng, mahaq enh dalam aih dech do. 13 Tàng joq nhèn loh ka ranhùà (qmang ka bàu qnah ngai ma doe), aih nhèn ranhùà ka Boc Plinh, tàng nhèn clang, aih clang ka oh daq. 14 Majah qmang aih kan loq waq da Christ tamèt ta manoh nhèn, nhèn hèm haiq tàng joq i mòeq ngai cachit am ka rìm ngai, aih èh rìm ngai hanoh cachit. 15 Chuaq khoe cachit am rìm ngai, òq mangai ma oe rih pi xài rih toq ka radeh hòm mahaq rih am ka Mangai khoe

cachit èh khoe rih hlài ka rađeh. **16** Qmang aih, pang kô ta èh, nhèn pi top dua crông taneh kô ðoeq hu canau loq ka cabô hòm, yac ka adroe kô nèn nhèn hmaq tiaq dua crông taneh ðoeq hu canau ka Christ, mandeq kô nhèn pi ngan haq qmang aih hòm. **17** Qmang aih, tàng cabô oe enh dalam ka Christ, haq aih mangai khoe jah paneo hlài, bài yiniq ma dùnh khoe ðiq, mandeq rìm yiniq ðiq jah paneo. **18** Rìm yiniq aih ðiq loh enh Boc Plinh, haq khoe broq ka bèn jah canòm ka Christ ðoeq hujah hatroq hlài ti haq, èh haq khoe am nhèn wia mangai anoe hnài trong ta hatroq aih. **19** Majah qmang aih, enh dalam ka Christ, Boc Plinh khoe broq ka kon mangai jah hatroq hlài ti cla haq, pi taqmòq yiniq lui ka wì hòm, haq khoe thê nhèn anoe hnài trong hatroq aih. **20** Nhèn kô mangai da Christ thê, tiaq ka Boc Plinh hadai ajang nhèn hu bahmàng oh daq. Nhèn canòm yiniq da Christ ðoeq pariaq oh daq: Drah hatroq ka Boc Plinh. **21** Taiq bèn, Boc Plinh majah khoe broq ka Mangai ùh lòm i qmòe yiniq lui, loh ka pòq dõng yiniq lui, ðoq bèn canòm ka haq aih, ðoeq hujah kan taq ateq da Boc Plinh.

6 Mandeq, nhèn kô mangai abroq pajùm ti Chuaq, dài nhèn àu anoe ka oh daq ma khoe jah kan tabài enh Boc Plinh apaq ðoq haq loh ðac ka qngwan. **2** Majah qmang aih haq doe: “Au khoe tamàng bàu pi jò troq ðeh jò, Au khoe wiang ka pi oe ta hì dech paclaih. Au doe ka pi mandeq kô raq jò troq ðeh jò, mandeq kô raq hì ðech paclaih!” **3** Nhèn ùh broq kan catoeh ka cabô, ðoq ùh hiaq i mòeq nà bàu leq capoch qmèq trong nhèn ma patih. **4** Mahaq rìm trong nhèn broq ka rađeh jah tajì ka mangai hapõng Boc Plinh: Nhèn chiuiq àt jaq cajoq: ta kan nan tũng, kan pangot hrah, kan xalep; **5** jò wì jêh, jò wì clêh, jò loh ka manhài, jò tagah lep, qngah ka mang ùh jah kùi, cliac pangot; **6** ta kan hliang lem, kan qnì loq, ta kan loq àt, ta kan loq hanò, ta Yiang Hadrèh, ta kan loq waq joq qnàng. **7** Ta manoh hnhoj jang, ta cwiàng itai da Boc Plinh, oe ta tì kõng pah qma pah qngeo, nhèn cadop wê ranac da kan taq ateq. **8** Yac ka jah nhòm, yac ka pòq bàu qmèq, yac ka jah bàu lem, **9** hnoq tiaq gleq ùh cabô loq mahaq bàc ngai loq, hnoq tiaq gleq ten cachit mahaq oe rih trùh mandeq, hnoq tiaq ka mangai wì baxa mahaq ùh hiaq jêh ðac; **10** hnoq tiaq gleq mangò mahaq jah yôt kan lem bùi, hnoq tiaq

gleq pa mahaq broq ka bàc ngai jah padrõng, tiaq gleq ùh i qmòe cleq mahaq i rìm yiniq. **11** Yôiq yôiq mangai Còrintô, hacùng bàu nhèn anoe jang, manoh nhèn pèch rùng ka oh daq. **12** Ùh xài nhèn canit ka pi mahaq cliac manoh cla pi khoe broq ka rađeh loh ka canit. **13** Drah i chau manoh ka nhèn qmang aih ðiq, aih nhèn anoe ka pi tiaq ka kon cla nhèn. **14** Apa qajùm long ech ti mangai ùh lùì. Majah qmang aih, kan taq ateq xam kan dù i jah pajùm ti dabau? Kan qngah xam kan clam wia ka jah taqmùt ka dabau? **15** Christ xam Bêlian wa i pajùm cleq ka dabau, mangai lùì i wiang jah cleq ti mangai ùh lùì? **16** Hnim kùh waiq Boc Plinh awia ka pajùm ti radua qmù kan kiac? Majah qmang aih bèn kô raq hnim kùh waiq da Boc Plinh rih halinh, qmang ka Boc Plinh doe: “Au oe ti wì haq, lam hlài taqne wì haq. Au broq Boc Plinh wì haq, wì haq broq mangai da au”. **17** Dài aih, Boc Plinh majah doe: “Drah loh ma khoe enh wì haq beq, rai lah ðeh crài ka wì haq, Apa q poh ta dahwèq ùh srèh, Aih èh au hi ðih yõc pi”: **18** Khoe èh, Au broq Baq pi, Pi jah broq kon calô, kon cadrì da au, Chuaq i cwiàng itai rìm trong doe qmang aih”.

7 Mandeq kô, ðiq dõng ka oh daq da au, patep pang jò bèn khoe jah bài bàu têu qmang aih, drah broq ka rađeh hreo ðiq ka kan amùa enh chac cla xam ta mahua yiang, yõc manoh loq iu yùq ka Boc Plinh ðoeq kan hadrèh bèn rai èh rai jah pageo. **2** Drah pèh manoh oh daq am ka nhèn: Nhèn ùh i broq habo ka cabô, nhèn ùh i qnùt cabô, ùh i blah acaq da cabô cleq. **3** Au anoe qmang aih, ùh xài ðoeq hu taqmòq yiniq lui ka oh daq, majah qmang aih adroe ka aih au khoe doe oh daq oe ta manoh cliac nhèn, yac ka cachit yac ka rih ðiq hanoh qmang aih. **4** Au ùh i camaih cleq ka anoe ka oh daq, ta oh daq au i bàc yiniq ðoeq jah catèh rađeh, qne kan nanxa au jah bàc kan alòng, jah kan lem bùi haraya. **5** Majah qmang aih, jò nhèn trùh tagùng Maxêđoan, chac hamac nhèn ùh dùh ka jah padài. Nhèn nanxa bàc trong: Enh gùng glàm toq kan tablah tablêq, enh dalam glàm toq kan yùq crê. **6** Mahaq Boc Plinh aih Mangai alòng mangai tagah manoh, khoe alòng au majah qmang aih Tit khoe jah trùh ta aih; **7** ùh xài toq cla haq trùh, mahaq hloe xam kan alòng haq khoe jah enh oh daq. Haq anoe ka nhèn loq oh daq toq tangèh, crò hmoe, manoh

oh daq joq loq nhet trùh au joq qnàng, aih iq dài au majah lem bùi yeo hnau hòim. **8** Hi loq tajàiq au ma achih ka oh daq, khoe broq ka oh daq mangò, mahaq au ùh i rawòe cleq, (tàng adroe ka aih au i rawòe, majah qmang aih au hnoq ta jàiq aih au i broq ka oh daq mangò toq biaq), **9** mahaq mandeq kô au lem bùi, ùh xài lem bùi ka oh daq khoe ep mangò, mahaq lem bùi majah qmang aih kan mangò da oh daq broq ka oh daq i manoh loq raxach. Joq qnàng, oh daq khoe mangò tiaq manoh Boc Plinh enh, qmang aih nhèn ma i habo ka oh daq cleq. **10** LeLv 26:12; XuXh 29:45; Exe Ed 37:27; Gie Gr 31:1 Majah qmang aih kan mangò tiaq manoh Boc Plinh broq ka bèn loq raxach, kan raxach aràng bèn trùh kan dèch claih mahua yiang, trong aih ùh broq ka bèn ep rawòe, yàng kan mangò tiaq da cởng taneh kô qnung bèn trùh ajang kan cachit. **11** Ngan beq, kan mangò tiaq manoh Boc Plinh khoe broq ka oh daq jah kan alàng dàng leq, kan enh broq hreo ka rađeh, mangò noèh, loq yùq crè kan loq nhet, loq haqnan. Oh daq khoe am mangai hnoq ðeh hra ðiq ðong ta bài yiniq aih oh daq joq hreo hliang. **12** Qmang aih tàng joq au khoe achih jàiq ka oh daq, aih ùh xài achih ka mangai ma broq ùh troq, hadai ùh xài ka mangai khoe pòq ðeh kan habo, mahaq ðòq ka manoh da oh daq ma loq waq ka nhèn jah bacc ngai hnoq enh ngèa Boc Plinh, **13** bài yiniq aih khoe alòng ðiq ka nhèn. Nhèn bùi yeo loe ka aih hòim jò nhèn jah hnoq kan lem bùi da Tit, majah qmang aih ðiq ka pì khoe broq ka mahua yiang haq jah blinh hlài. **14** Au khoe catèh ka Tit loq trùh pì oh daq, ùh i cleq au ma ep xep, EsIs 52:11 majah qmang aih bàu nhèn ma anoe aih ðiq joq qnàng, dài haq bàu nhèn ma capoch manè oh daq ka Tit aih ðiq bàu joq qnàng. **15** Jò haq hmàng trùh kan loq iu da oh daq, oh daq khoe ðih haq ðiq ka manoh, rai loq iu loq yùq, aih èh manoh loq waq haq am ka oh daq kiang rai bacc tam. **16** Au ðiq jaq lem bùi, majah qmang aih rìm trong au ðiq khoe khòh lùì oh daq.

8 Mandeq kô, nhèn enh anoe ka oh daq loq xôq ramot Boc Plinh khoe am ka bacc Tagop Hadrèh oe tagùng Maxêdoan: **2** Wop jò bacc kan ranàc kàn trùh ðòeq hu qnhro wì haq, aih manoh cliac da wì haq dua lem bùi pì cajaq, yac ka wì haq pa hamoq mahaq manoh cliac da wì haq dua loq hamah. **3** Kô au anoe ka oh daq loq:

Cla wì aih khoe creo adracc dabau wiang tagop bacc jèn tiaq ðeh padren hlàt pang leq, qnah ngai loe ðeh ka padren, **4** khoe aih cali calo àu bòch nhèn am wì haq jah wiang ðeh moeq qnah ðòeq tabàih ka mangai da Chuaq qnang nanxa. **5** Wì haq broq yeo loe ka manoh nhèn ma ngèh, adroe aih cla wì haq khoe ðèch rađeh ka Chuaq, khoe aih ka nhèn, tiaq manoh Boc Plinh ma enh. **6** Aih iq dài nhèn majah hi thê Tit aràng ka wì oh daq, ðòeq hu pagèh trong lem kô, qmang ka haq khoe patep broq enh adroe. **7** Mandeq kô, bacc trong oh daq khoe jah yeo loe: aih trong manoh lùì, bàu tapoch, trong loq iu, trong loq nhet, kan loq waq ka nhèn, aih èh pì hadai khòh ngan khòh nhet ka broq ma yeo loe trong yiniq broq lem qmang kô. **8** Anoe aih ùh xài au toq ti thê pì, mahaq wì qnoeq khoe broq dua lem, aih au hadai enh qnhro ngan kan loq waq da oh daq haq joq pang leq. **9** Majah qmang aih, oh daq loq kan tabàih ðeh enh Chuaq Jesus Christ bèn, haq aih padròng, mahaq taiq oh daq haq majah broq ka rađeh loh ka pa, ðòeq canòm kan pa da haq, oh daq jah padròng. **10** Au achoh bàu ka oh daq qmang aih, trong aih jah ka pì raq, majah qmang aih bacc hanam adroe, oh daq raq mangai ma qnong ngoe, ùh xài toq broq yiniq lem qmang kô mahaq pì broq qmòe rai lem bùi. **11** Qmang aih mandeq kô, oh daq broq ðòq haq gèh trong aih beq, qmang ka oh daq khoe padon hanuq ðeh ta manoh qmang leq, hi broq tiaq ðeh padren pang aih. **12** Majah qmang aih, tàng joq bèn yòc manoh lem ðòeq hnhu am, dahwèq aih men jah ðì, haq jah ðì tiaq dahwèq bèn i, ùh xài ðì tiaq dahwèq wì ma ùh i. **13** Au ùh thê oh daq chiùq pangot hrah ðòeq i dahwèq hu tabàih am ka mangai qnoeq, mahaq au enh i kan taq atoq. **14** Qmang ka mandeq kô, oh daq i rah aih tah am ka mangai ma capòch ðeh, ðòeq jò wì haq loq i rah èh hadai tah hlài ka oh daq jò oh daq ma capòch ðiq, qmang aih hi jah taq atoq, **15** tiaq qmang ka bàu khoe achih: “Mangai jah ma bacc, aih hadai ùh i ka rah, mangai jah ðeh biaq, aih hadai ùh hiaq hamoq.” **16** Manè apôi Boc Plinh khoe broq Tit ðiq manoh ka pì oh daq, tiaq ka au ðiq manoh ka oh daq; **17** majah qmang aih, haq khoe broq tiaq bàu au hnài, haq hadai i manoh loq nhet, dài haq ma lam hmài ðeh ka oh daq. **18** Nhèn i thê tam mòeq ngai oh daq wiang lam ti haq, bacc Tagop Hadrèh i bàu manè mangai aih, majah qmang aih mangai aih khoe broq bacc yiniq lem ka Bàu

lem. **19** Qnah hòm Tagop Hadròeh khoe dì haq aih, broq bua lam ti nhèn òdeq hu wiang wê bài dahwèq tabàih kô, nhèn broq waq ka gêh òdeq hu patô qnoh kan qngah qngai da Chuaq, khoe aih òdeq hu patô qnoh manoh lem da cla nhèn. **20** Dôq ajang aih nhèn hujah claih ka bàu qmèq jò nhèn wê bac jèn oh daq wiang tagop bàc qmang kô; **21** majah qmang aih, ùh xài nhèn chaq trong òdeq lem toq enh ngèa Chuaq mahaq chaq lem xam enh ngèa kon mangai. **22** Nhèn i yóc mœq ngai oh daq oe taqne cla nhèn hu lam tam ti wì aih, haq aih hadai i manoh loq nhet haraya, bàc yàng bàc trong nhèn khoe qnhro ngan, hnoq haq aih broq cleq dua òq dèh manoh, yàng kô haq hadai yeo nhet ka enh lam ta oh daq majah qmang aih joq haq lùì dèh pì joq qnàng. **23** Qmang aih, anoe trùh Tit, aih bua au, mangai abroq pajùm ti au taqne pì, anoe trùh wa baiq ngai tau, wa aih mangai wê bàu da Tagop Hadròeh, aih raq kan ranhòm da Christ. **24** Qmang aih, enh ngèa bài wì kô oh daq drah paqnoh deh manoh loq waq beq, patô qnoh hloe bài nen nhèn ma khoe hùà catèh dèh pì oh daq enh ngèa bàc Tagop Hadròeh.

9 Qnah hòm, biac ti tabàih am ka mangai da Chuaq, aih au pì ep achih cleq tam ka oh daq. **2** Majah qmang aih au loq oh daq khoe padon qmòe deh ta manoh, au khoe catèh dèh pì oh daq enh ngèa mangai Maxêdoan, au doe: Mangai Achai khoe padon òdeq dahwèq hu tabàih enh hanam adroe raq, manoh loq nhet da oh daq khoe jah parông manoh cliac bàc ngai. **3** Mahaq au khoe thê bài oh daq tau trùh ti pì, òdeq ùh hìà qngwan ka bàu au ma manè oh daq, waq ka pì chôn padon òdeq qmang ka bàu au khoe anoe. **4** Au hòq èh mangai Maxêdoan trùh ti au yàng aih hnoq oh daq qnhòq i padon qmòe dahwèq cleq, aih èh kan wì haq ma lùì wìh wia kan camaih ka nhèn, oh daq aih pì anoe hòm majah qmang aih taiq nhèn khoe lùì oh daq. **5** Dài aih au majah hèm ep pariaq oh daq tau chôn lam trùh ta pì adroe ka nhèn, hu palauq adroe dahwèq pì ma khoe têu am, òqq bài dahwèq aih khoe jah padon òdeq adroe tiaq deh manoh oh daq ma i deh joq qnàng, ùh xài ep pa àu. **6** Hmàng qmang kô oq: Mangai leq rai biaq aih gat biaq, mangai leq rai bàc aih jah gat bàc. **7** Rìm ngai ep tiaq deh manoh ma khoe qnac deh adroe òdeq hu am, ùh xài am ka ùh wia hadai ùh xài taiq i bô panan, majah qmang

aih Boc Plình loq waq ka mangai tabàih am ta kan lem bùì ta manoh. **8** Boc Plình i cwiang am ka oh daq xôq ramot ùh òq ùh dài òdeq oh daq ùh hìàq capòch qmòeq cleq, mahaq loh qmòe ka i rah òdeq oh daq hu broq trong lem, **9** qmang ka bàu khoe achih: “Mangai khoe rai dèh kùng hang, khoe am ka mangai pa, Kan taq ataq da haq oe hloe mœq òde”. (aiōn g165) **10** Boc Plình ma am adrech ka mangai rai adrech xam bèn òdeq broq dahwèq acaq, aih èh haq hadai am ka oh daq pliang adrech rai broq òq adrech aih chềh lœ tam yeo bàc hòm. Haq tam pì kan taq ataq da oh daq jah yeo bàc hòm. **11** Qmang aih rìm trong oh daq òq jah padrông, òdeq jah broq bàc trong lem, èh mangai ma jah dahwèq da pì oh daq enh tì kông nhèn wì haq jah manè apôi Boc Plình. **12** Kùng hang oh daq ma tabàih aih, ùh xài broq toq ka mangai da Chuaq yiyeo òeh ka nan, mahaq haq broq ka bàc ngai i tam manoh loq manè apôi Boc Plình. **13** Ajang yiniq broq kô wì haq hnoq manoh oh daq joq loq hamah, aih èh wì ma hijah manè apôi Boc Plình majah qmang aih hnoq oh daq khoe iu tiaq Bàu lem da Christ, manoh oh daq loq waq ka wì haq hloe xam ka rìm ngai. **14** Jò wì haq waiq khàn ka pì, manoh wì haq bēh ta pì oh daq, majah qmang aih xôq ramot Boc Plình am ka oh daq joq bàc haraya. **15** Manè apôi Boc Plình majah qmang aih kan tabàih da haq rèn ùh òq.

10 Tiaq kan loq hamon xam kan laq alàng da Christ au doe ka oh daq, au kô Phaulô joq mangai hamoq òeh qnàng jò yòng enh ngèa ka pì, hnoq jò arù ka oh daq au broq dèh tiaq gleq ma tanoq raya! **2** Au cali calo ka pì oh daq apaq òdeq jò au trùh ti pì, au ep broq nhang ka pì qmang ka au ma padon broq ka bài mangai ma xoh nhèn loq rìh tiaq dua cởng taneh kô. **3** Majah qmang aih yac ka nhèn oe rìh ta cởng taneh kô, mahaq nhèn ùh tablêq ùh tablah qmang ka wì ta cởng taneh kô. **4** Ranac da nhèn òdeq hu tablêq aih ùh xài ranac da kon mangai, mahaq loh enh padren da Boc Plình cwiang itai, òdeq hu qnhroh qnìh òc òqq bài òn wì ma chắt. **5** Canòm ka bài ranac aih nhèn goh òqq bàu rahen da bài mangai loq padèch rađeh òdeq hu enh tablêq ka kan rabiaq da Boc Plình, nhèn khech rùp rìm manoh hèm òq wì haq broq òq hạpông ka Christ. **6** Jò pì oh daq òq khoe iu tiaq bàu, nhèn hadai yóc ranac aih raq òdeq hu tabroq ka bài mangai ma

ùh iu tiaq bàu. 7 Oh daq ngan toq enh gùng qmòh? Tàng i mangai leq doe ðeh kô mangai da Christ, nhên kô hadai mangai da Christ. 8 Yac ka i jô au loq capoch catèh cla raðeh toq biaoq trong cwiàng itai Chuaq am ka nhên ðoèq hu grom gri oh daq, ùh xài ðoèq broq ka raliang dài au ma blinh ùh camaih cleq; 9 au ùh enh taqnùq pì oh daq xi jàiq au ma achih kô. 10 I mangai doe: “Jô ma achih jàiq Phaulô capoch nhang raya mahaq trùh jô i cla aih, haq ùh i lènh nèn cleq, bàu haq capoch hanoh ùh loh cleq”. 11 Mangai capoch qmang aih khòh hèm: Jô nhên arù bàu tajàiq qmang leq, jô i cla, nhên hanoh broq qmang aih. 12 Joq nhên ùh hùà daq adàng ka cabô, ùh enh wêh raðeh ti bài mangai loq pliang raðeh. Mahaq cla wì wêh dèh cla, cla wì ngan deh ajang cla, qmang aih cla wì raq patô raðeh ùh lènh i kan rabiaq. 13 Da nhên hòh, nhên ùh catèh raðeh yeo loe ka acang ma pajaq, tiaq pang aniang Boc Plinh khoe pajaq am ka nhên, tiaq acang pajaq aih nhên majah trùh ta oh daq. 14 Nhên ùh cadiang loe dèh ka acang jô nhên trùh ta pì oh daq, majah qmang aih oh daq oe ta acang aih. Joq nhên raq ma khoe aràng Bàu lem da Christ trùh tanòe pì adroe ðong. 15 Nhên ùh pajiang hrìn raðeh, hadai ùh catèh ataq yiniq da mangai qnoeq ma broq, mahaq nhên ngèh ka manoh lùì da oh daq èh rai tōc tam, aih ðoq biac nhên ma patih taqne oh daq hujah yòng kàn diq, tiaq acang ma khoe pajaq am ka nhên; 16 qmang aih èh ðoèq nhên jah aràng Bàu lem yeo hangai ka gùng da pì oh daq, majah qmang aih nhên ùh enh catèh raðeh tanòe acang taneh da mangai mangai qnoeq abroq oe toq hi gèh. 17 Mahaq tàng cabô catèh raðeh, drah catèh raðeh enh dalam ka Chuaq. 18 Majah qmang aih, ùh xài mangai leq pliang raðeh aih ðiq khòh jah manè, mahaq toq mangai da Chuaq ma thê dèh raq.

11 Joq qnàng! Au ngèh ðeh pì oh daq àt chiùq da au kan blùng toq biaoq! Ma joq qnàng, oh daq khòh àt chiùq. 2 Au qnang tarènh ka pì tiaq kan tarènh enh plinh, majah qmang aih au khoe capoch ka pì mòeq ngai ổng raq, ðoèq au jah patô pì oh daq qmang ka mangai gu adrùh hliang sriu ðoèq dèch am ka Christ. 3 Mahaq au yùq qmang ka calah nèh bih ma khoe padô Êva qmang leq, èh manoh cliac da oh daq hadai loq loh ka pi wia, hnhung ðac kan hliang lem ka Christ qmang aih ðiq. 4 Majah qmang aih

tàng loq i mangai qnoeq trùh hnài ònh ka oh daq mòeq Jesus ma qnoeq, crài ka Chuaq Jesus nhên ma khoe hnài, mòeq yang ma qnoeq crài kaYang Hadrèh pì ma khoe jah, ùh meh mòeq Bàu lem qnoeq crài ka Bàu lem oh daq ma khoe jah, aih èh canau pì waq! 5 Mahaq au hèm yac ka bài mangai tiaq cla aih loq haqnèq dàng leq, au dua ùh yi hamoq ka wì aih yac ka toq biaoq hnha! 6 Trong bàu tapoch, au ùh rabiaq, mahaq au i kan loq, nhên khoe patô ka oh daq jah hnoq trong aih rìm hì. 7 Au anoe hnài Bàu lem da Boc Plinh ka pì, au hnài ðeh dech, au caqnih raðeh ka haqneq ðoèq oh daq jah dèch ka haqnèq. Qmang aih, au ahiaq i yiniq lui cleq loq ùh? 8 Au khoe yōc baha, hatùh hatah dahwèq enh Tagop Hadrèh qnoeq ðoèq hu wiàng patih ka pì. 9 Jô oe ti pì oh daq, glàm kan nanxa, au ùh pangài ka cabô, majah qmang aih oh daq enh gùng Maxêdoan trùh, khoe aràng ka au dahwèq au ma nhet ka i yiniq waq. Au khoe wèq raðeh ðoèq au ùh hiaq wia kan trap ka oh daq. Tangèa kô èh dua qmang aih raq. 10 Kan joq qnàng da Christ oe enh dalam ka au, dài aih tagùng Achai ùh i mangai leq jah tāt da au kan catèh aih. 11 Hagleq qmang aih? Ahiaq au ùh qnì waq ka pì oh daq ùh xài? Khoe i Boc Plinh loq! 12 Mahaq trong au khoe broq, dua au oe raq broq, majah qmang aih au ùh enh ðoq wì tau jah nen hu catèh, wì doe yiniq broq da wì haq hadai daq adàng ka da nhên. 13 Majah qmang aih bài mangai qmang aih, ùh xài mangai tiaq cla joq qnàng, wì haq patih ka kan qnùt, ti patiah ðeh broq mangai tiaq cla da Christ. 14 I cleq ep hamàih, cla Satan ji patiah ðeh broq bình plinh qngah qngai. 15 Qmang aih, bài mangai patih ka haq ti patiah ðeh broq mangai patih ka kan taq atoq, ùh i cleq ma ep hamàih, mahaq kan pulùch da wì haq jah tajì wop tiaq yiniq wì haq ma khoe broq. 16 Au anoe tam: Apa q i cabô ngan au qmang ka mangai blùng. Mahaq tàng loq i mangai leq hèm qmang aih, pì ðoq au blùng beq, aih raq au hujah catèh raðeh toq biaoq. 17 Bàu au ma anoe kô, aih au anoe tiaq deh cla au loq ka raðeh, ùh xài anoe tiaq da Chuaq, mahaq qmang ka da mangai blùng. 18 Bacc ngai tiaq xech akia ðoèq hu catèh raðeh, au hanoh catèh ðeh diq. 19 Majah qmang aih, oh daq aih mangai rabiaq mahaq lem bùi ka tamàng mangai blùng. 20 Joq, oh daq xan ðoq yôt wì rùp raðeh broq ðic hapōng, ðoq hloe wì lonh apom, ðoq wì blah

yôc da oh daq, dôq wì padèch raðeh ðòeq hu halè rai tep ta tabôc oh daq. **21** Au broq ka nhên kan camaih jò anoe bàu kô, nhên joq khoe ùh hùà trong aih. Mahaq tàng cabô i yiniq cleq hùà catèh raðeh, au anoe troeq mangai blùng; Au hanoh hùà. **22** Wì haq mangai Hêbru ùh xài? Au hadai. Wì haq mangai Isorali ùh xài? Au hadai. Wì haq nang noe Apraham ùh xài? Au hadai. **23** Wì haq mangai patih ka Christ ùh xài? (capoch qmang ka mangai ùh qnì) Ôq! Au kiang ma yi loe! Au khoe xalep yi hnau ka wì, oe tù yi bəc, wì blai yi bəc. Bəc yàng au hwaq cachit, **24** padam yàng mangai Juda hwat au xi long roe, rìm yàng tam moeq qmang blai hòmm hí bình pôn jàt. **25** Piq yàng wì tong xi long dùì, moeq yàng wì ðàp xi hmo, piq yàng cram boang. Au khoe ðòng mòeq hí mòeq mang ta diac raxìq. **26** Bəc yàng au lam ti trong, yat ti cròng diac, yat ka mangai atùng, yat qne hadai mangai Juda, yat ka mangai diac wì, yat ta plài, yat tanòe hawit, yat ta diac raxìq, yat ka oh daq ma loq ti gôpla. **27** Au khoe abroq xalep, bəc yàng riu qngah ka mang, pangot croh ranông, ja ka oe rôn, au khoe hmaq tanget hmaq oe chac dech. **28** Qnhòq rên yiniq qnoeq hòmm, aih rìm hí au ðiq ep lèt ka rìm Tagop Hadròeh. **29** I cabô ùh nèn, au ma ùh tàng tiah qmòe cla au ùh nèn? Cabô tacro au ma ùh tàng tiah gleq i ùnh bùh ta cliac clèm au qmòh? **30** Tàng joq ep catèh au enh catèh toq ðeh kan hamoq da au. **31** Boc Plinh aih Baq da Chuaq Jesus Christ, haq aih ma khòh manè apôi mòeq ðòe mòeq tui, haq loq ka au ùh capoch qnùt. (aiôn g165) **32** Oe ta ðamat, cwan kàn da bùa Arêta thê wì rap ta aih hu rùp au. **33** I oh daq yôc rajông cadrai qnoh au enh ti qmôc gàu tiaq haqmai panàt canàng plài aih, meh au hí claih enh tì kông haq aih.

12 Au ep catèh raðeh yac ka ùh jah cleq. Au anoe trùh bài yiniq au hnoq ta kan mahnu enh Chuaq. **2** Au loq mòeq ngai da Christ, adreo kô khoe mòeq jàt pôn hanam adroe, khoe jah ðèch atôc caloeh tróc ma piq (ta chac cla haq, qnì enh gùng ka chac cla haq, au ùh loq, i Boc Plinh loq). **3** Au loq mangai aih (ùh qnì ta chac haq, qnì enh gùng ka chac haq, au ùh loq, i Boc Plinh loq); **4** jah atôc ta Baradi, ta aih tàng bàu mahaq ùh jah doe hlài, hadai ùh lòh ka cabô capoch qnoh. **5** Au jah catèh trùh mangai aih, mahaq da cla au, au ùh catèh, catèh ðèh toq kan ùh nèn raq hêq. **6** Yac ka au enh catèh raðeh,

au dua ùh xài mangai ratùt, majah qmang aih au anoe joq qnàng, mahaq au ùh anoe dôq ùh hìaq i cabô doe au capoch yeo ðòch ka yiniq wì ma hnoq au broq xam bàu wì ma tàng ajang au. **7** Qmang aih, yùq au loq padèch hrìn raðeh ajang nòe ðeh hnoq mahnu kàn kaiq qmang kô, ðài majah khoe thê mòeq toq yila padom ta xech akia au, aih mangai da Satan, ðòeq hu jêh au, ðòeq broq ka au apaq ðèch raðeh; **8** khoe piq yàng au waiq khàn ka Chuaq thê yiniq aih loh hangai enh chac au. **9** Mahaq Chuaq padreo bàu doe: “kan tabàih dech Au am ka ìh khoe lap, majah qmang aih padren da Au jah geo ta kan hamoq ìh”. Aih ìq ðài au majah lem bùi enh toq catèh ðeh kan ùh nèn, dôq kan ðèh da Christ oe enh dalam ka au. **10** Qmang aih, ðòeq jah lòeq Christ ðài au majah bùi ka oe ta kan ùh nèn, ta bàu capoch qmèq, xalep, khech rùp, nanxa. Majah qmang aih, jò au ùh nèn aih raq jò au tadêh. **11** Au majah khoe blùng aih pàng oh daq panan au, oh daq manè au aih ma troq, yac ka au ùh loh cleq, au ma i yeo hamoq cleq ka bài mangai tiaq cla ma kàn tau. **12** Jò au oe taqne pì, au khoe paqnoh dôq pì hnoq au kô joq qnàng mangai tiaq cla da Christ, ajang kan au loq kêm rìm trong, hloe xam teo hamàih xam kan halac. **13** Manòeq kô, enh gùng ka au ma ùh pangài ka pì oh daq, aih oe i yiniq cleq pì ma ùh diang Tagop Hadròeh qnoeq? Ajang kan ùh taq atôq aih, pì apaq tamrua ka au oq! **14** Yàng kô aih yàng piq, au padon lam ta oh daq, au ùh pangài cleq ka pì, majah qmang aih ùh xài au chaq da pì dahwèq, mahaq chaq qmòe cla pì qmat raq, joq ùh xài kon ep atech ðòeq dahwèq ka miq baq, mahaq miq baq ma atech ðòeq am deh ka kon, ma aih ùh hnau hòmm; **15** da au hòmm, au toq enh am deh kùng hang am hloe xam cla au ka mahua yiang oh daq, tàng au loq waq ka pì rai èh rai bəc qmang aih, wìa ka pì loq waq ka au rai èh rai biaq qmòh? **16** Mahaq i mangai doe, yac ka au qnhòq lah pangài ka pì cleq, mahaq au kô magai tai cliac khoe yôc deh kan rabiaq ðòeq rùp padràng pì. **17** Au alah thê cabô lam padô alùn yôc da oh daq cleq ùh? **18** Yàng adroe nèn au khoe thê Tit lam hmàih ka oh daq, yôc tam mòeq ngai taqne nhên ðòeq wiang lam ti haq. Ahìaq Tit khoe padô yôc da pì cleq ùh? Ma ùh xài nhên hadai canòm mòeq Yiang Hadròeh ðòeq hadai cadiang tiaq mòeq teo jènh raq qmòh? **19** Enh nèn trùh manòeq, pì toq hèm nhên chaq trong ðòeq aclai ka raðeh enh

ngèa pì oh daq. Mahaq enh dalam ka Christ, oe enh ngèa Boc Plinh, nhèn doe bài bầu kô, rìm yiniq kô ãiq ãoẽq ka oh daq jah ãẽh qnhrang. **20** Majah qmang aih, au hòq jò au trũh ta oh daq au ùh hnoq tiah ka manoh ma ngẽh, oh daq hadai hnoq au ùh tiah ka manoh pì enh. Au yùq taqne oh daq loq oe i kan talech, tagrinh, tandeh, ùh hatroq, capoch dech, capoch qmẽq ka dabau, catẽh xam kan manhài. **21** Au yùq hòm, jò au trũh ta oh daq, Boc plinh au loq broq ka au ep camaih xep enh ngèa pì oh daq, ãh au ep crò hmoe ka mangai khoe broq yiniq lui enh nèh trũh mandeq mahaq ùh ãũh qmòe ka loq raxach trong amũa, tango taqnung, xam trong talìq talàn tiah wì haq ma khoe broq.

13 Kô ãh yàng piq au padon trũh ta oh daq. Rìm yiniq jah ãi tiah bầu baiq piq ngai ma wiang panhìn. **2** Jò au trũh hmài h ka oh daq yàng baiq nèh, au khoe doe ka mangai adroe kô nèh ma khoe broq yiniq lui hloe xam ka mangai qmoeq, mandeq kô au yac ka au arù, mahaq dua au chõnh doe hòm: Jò au trũh au pì oe taqnũa cleq ka cabô hòm. **3** Patep pang jò oh daq bòch waq ka loq i nen cleq ãoẽq hu panhìn joq Christ i capoch hnài ajang au. Haq aih ùh xài mangai ùh loh cleq taqne pì, mahaq ãẽh haraya. **4** Majah qmang aih, haq khoe tiang ãĩnh talong pagat ta kan ùh nèn, mahaq haq khoe rìh ta cwiàng i tai Boc Plinh, hanoh qmang aih, nhèn ùh nèn enh dalam ka haq, mahaq nhèn rìh ti haq enh dalam cwiàng itai da Boc Plinh, ãoẽq hu abroq taqne oh daq. **5** Cla pì oh daq ngan hlài deh chiac beq, ãoẽq hu loq ãẽh i manoh lúi loq ùh? Nhro ngan rađẽh beq, oh daq ma ùh hnoq i Chuaq Jesus Christ oe enh dalam ka oh daq ùh? Waq toq oh daq ùh hĩaq khoe troq ka cađac. **6** Nhèn ngẽh ka oh daq canau hnoq nhèn kô ùh xài mangai troq ka cađac. **7** Mandeq kô nhèn waiq khàn ka Boc Plinh ãoq oh daq ùh broq trong qmẽq, ùh xài ãoẽq ka wì loq nhèn kô mangai khoe qnhrang ta kan qnhro, mahaq ãoq pì oh daq jah broq trong lem, yac ka hnoq nhèn tiah gleq mangai khoe troq ka qnoh ãac. **8** Majah qmang aih, nhèn ùh jah broq cleq ma pagau hlài ka bầu joq qnàng, mahaq toq hatroq tiah bầu joq qnàng. **9** Yac ka nhèn ùh nac canèn, mahaq waq toq oh daq jah tadẽh aih nhèn khoe lem bùi raya, bầu nhèn waiq khàn aih waq ka oh daq jah gẽh geo rìm trong. **10** Aih ãq ãài jò arù, au majah achìh ka oh daq bài

trong kô, ãoẽq jò i mat au taqmat, au ùh hĩaq ep broq nhang tiah cwiàng Chuaq ma am ka au, aih cwiàng ãoẽq hu ãẽh paqnhrang ùh xài ãoẽq hu raliang ãac. **11** Pulùch, oh daq dra h bùi beq, dra hnan tiah kan gẽh geo, alòng dabau, pajùm mõe q manoh oe ma hatroq ti dabau, aih ãh Boc Plinh da kan loq waq xam kan catẽm oe ti pì. **12** Yõc nà híp hadròẽh ãoẽq hu hmài h dabau. **13** ãiq ãõng mangai da Boc Plinh tagùng kô i bầu bòch hmài h ka oh daq. **14** Waiq kan tabài h ãẽh da Chuaq Jesus Christ, kan loq waq da Boc Plinh, kan taqmũt da Yiang Hadròẽh oe ãiq ti oh daq.

GALATI

1 Phaulô broq mangai Tiaq cla da Christ ùh xài enh kon mangai, hadai ùh i canòm qmòe ka cabô thê, mahaq enh cla Chuaq Jesus Christ xam Boc Plinh aih Baq, Mangai ma broq ka Chuaq Jesus khoe rih hlài enh mangai cachit. **2** Xam diq dõng oh daq oe pajùm ti au, achiìh am ka bài Tagop Hadròeh oe gùng Galati. **3** Waiq ka oh daq jah kan catèm xam kan tabàih dech enh Boc Plinh aih Baq xam enh Chuaq Jeus Christ aih Chuaq da bèn. **4** Haq aih mangai khoe cachit am ka yiniq lui bèn, òeq hu dèch bèn jah claih enh qnhòng ngang dù kô, wop qmang ka manoh Boc Plinh, aih Baq bèn, (aiñ **g165**) **5** Kan ranhòm mòeq òeq ùh lùch jah diq ta haq! Amen. (aiñ **g165**) **6** Au hamàih ka oh daq ma rênh ka cadac mangai ma creò ka oh daq trùh rih ta kan tabàih dech da Christ, òeq hu cadàu tiaq bàu lem ma qnoeq. **7** Joq qnàng ùh i ka bàu lem ma qnoeq, mahaq i toq bài mangai enh broq ka oh daq loh ka manhài ta manoh, rai enh raliang đac Bàu lem da Christ. **8** Mahaq tàng i cabô, yac ka cla nhèn, yac ka bình plinh oe ta plinh, hnài ka oh daq bàu lem ma qnoeq crài ka Bàu lem da nhèn ma khoe hnài oh daq, mangai aih khoe khòh ka Anathem. **9** Au khoe doe, kô au anoe hòm: Tàng joq loq i cabô hnài ka oh da bàu lem ma qnoeq crài ka Bàu lem oh daq ma khoe jah, mangai khòh ka Anathem đac hloe! **10** Manòeq kô, au àu òeq yóc manoh kon mangai, loq òeq jah manoh Boc Plinh? Tàng joq au oe raq enh broq lem manoh kon mangai, au pi xài hapõng da Christ. **11** Manòeq kô au anoe òeq pi oh daq loq rameh: Bàu lem au khoe hnài, aih ùh xài loh enh kon mangai; **12** majah qmang aih au ùh i tàng, ùh i yóc Bàu lem aih enh cabô, mahaq au khoe jah qmòe enh cla Chuaq Jesus Christ mahnu am ka au. **13** Majah qmang aih, oh daq hmaq tàng adroe nèn au tiaq trong da mangai Judà, au rih acaq qmang leq cadèh, au ti khech rùp rai ti raliang đac Tagop Hadròeh da Boc Plinh oe palap cleq; **14** hadai nhèn mangai mòeq lóp mòeq diac ma hanoh tiaq trong da mangai Judà au yi loe dõng ka wì qnoeq, au nhét pi cajaq trong wèq tiaq bàu boc yaq nhèn ma qmon enh nèn. **15** Mahaq apang jò Boc Plinh haq ma khoe ràiìh òeq au enh jò au oe raq ta cliac miq, yóc kan tabàih dech òeq creò ka au. **16** Haq khoe lem manoh òeq mahnu dèh

kon haq am ka au, òeq au jah anoe Kon aih am ka mangai diac wì, tajòe qmòe au pi gòm hatình ka wa xech wa akia. **17** Au hadai ùh tóe ta Jerusalem, òeq glàm bài mangai Tiaq cla ma adroe ka au, mahaq au lam tagùng Arabi, atìq ka aih au hlài ta Đamat. **18** Khoe èh piq hanam atìq ka aih, au tóe ta Jerusalem, òeq ta canau ka Sêpha, au oe ti haq mòeq jàt padam hì, **19** mahaq au ùh hnoq qmòe mangai qnoeq enh gùng ka Jaco aih oh da Chuaq. **20** Joq qnàng enh ngèa Boc Plinh, rìm yiniq au achiìh ka oh daq kô au ùh qnùt. **21** Khoe aih au lam ta cròng Siri xam gùng Silisi, **22** jò aih bài Tagop Hadròeh da Christ tagùng Judè qnhòq lòm canau ka au. **23** Wì haq toq hĩa tàng doe: Mangai ma toq ti chaq rùp bèn adroe kô nèn, manòeq kô haq aih qnang hnài trong haq ma àu raliang đac nèn haq. **24** Aih ìq, nen ajang au wì haq majah toq manè apôi Boc Plinh.

2 Khoe aih, mòeq jàt pôn hanam, au tóe hòm ta Jerusalem ti Banaba, i qnong Tit lam tiaq ma. **2** Au iu tiaq bàu mahnu, tóe ta aih òeq taqmon hlài Bàu Lem au khoe hnài ka mangai diac wì òeq oh daq jah loq, mahaq au taqmon hlài toq ka wì ma broq gàu Tagop Hadròeh, majah qmang aih au waq ka jah panhìn òeq biac cadàu da au enh nèn trùh mamòeq ùh hĩaq ngwan. **3** Yac kaTit, mangai ma lam tiaq au aih mangai Gorec, mahaq dua ùh hĩaq ep broq ramèn kat akia. **4** Nhèn majah broq qmang aih, taiq i bìa ngay patiah òeh hanoh broq oh daq, mùt taqne nhèn hu ti achop rinh ngan cwiang da nhèn jah enh dalam ka Chuaq Jesus Christ, òeq rùp nhèn broq òeq broq hapõng. **5** Nhèn ùh talùi ka wì haq yac ka toq xit hnha, blinh qmòe nhèn ùh oe enh qneq ka cwiang da wì haq, òeq kan joq qnàng da Bàu lem jah hagau taqne oh daq. **6** Anoe trùh mangai ma i bang tiàng ma haqnèq wì ma iu camaih dèh raya (yac ka enh nèn wì haq mangai qmang leq, aih dua ùh ep cleq ka au, Boc Plinh ùh i yi loq waq ka cabô) wì aih hanoh ùh tam mòeq nà bàu cleq ta bàu hnài da au. **7** Majoq qnàng aih, wì haq hnoq biac hnài Bàu lem ka mangai ùh broq ramèn kat akia Chuaq khoe thê au, tiaq ka biac hnài Bàu Lem ka mangai broq ramèn kat akia ma khoe thê Phiero diq **8** Majah qmang aih, Boc Plinh ma khoe broq ta manoh cliac Phiero, òeq thê haq broq mangai tiaq cla am ka mangai kat akia hadai broq ta manoh cliac

đòeq thê au broq mangai tiaq cla am ka mangai diac wì 9 jò Jaco, Sêpha, Jon, aih bài mangai wì ma ngan tiah dèh ka long jrang kàn, wì canau kan tabàih dech khoe jah am ka au, wì hnhu kǝng pah qma hu carùp tì ka ma Banaba, đòeq ma lam trùh ta mangai diac wì, wì haq aih lam trùh ta mangai khoe broq ramènñ kat akia. 10 Wì aih toq tanap ka au ep hmàng trùh mangai pa, trong aih au hadai khoe nhet ka broq haraya. 11 Mahaq jò Sêpha trùh ta Antiôt, au i tagàih enh ngèa ka haq, majah qmang aih haq broq joq khoe ùh troq. 12 Jò mangai Jaco thê lam qnhòq i trùh, aih haq acaq pajùm ti mangai diac wì, yàng jò wì bu trùh haq padinh yòng lah ðeh oe crài, majah qmang aih haq yùq ka bài mangai khoe broq ramènñ kat akia. 13 Bài mangai Juda qnoeq hadai top dua ùh wìa qmang aih, jaq Banaba hadai loh qmòe ka broq tiaq kan ùh wìa da bài aih. 14 Mahaq jò au hnoq wì haq lam ùh jang tiaq kan joq qnàng da Bàu lem, enh ngèa bacc ngai, au doe ka Sêpha: “Tàng ìh kô mangai Juda, mahaq acaq oe hadai hatiah ka mangai diac wì, ùh tiaq ranenh da mangai Juda, aih hagleg ìh majah thê mangai diac wì tiaq ranenh da mangai Juda? 15 Nhèn kô jò ha-uang loh aih khoe mangai Juda, ùh xài mangai i yiniq lui loh enh mangai diac wì. 16 Yac ka qmang aih, bèn loq kon mangai jah kan taq atoq, ùh xài canòm ka broq tiaq trong ranenh thê, mahaq canòm ka manoh lùì enh dalam ka Christ, ðài haq nhèn majah khoe lùì Chuaq Jesus Christ, đòeq hujah wìa mangai taq atoq tiaq manoh lùì enh dalam Christ, ùh xài canòm ka broq tiaq trong ranenh thê, majah qmang aih ùh i cabô broq tiaq trong ranenh thê ma jah kan taq atoq. 17 Mahaq, tàng joq nhèn qnang chaq broq qmang leq hujah kan taq atoq enh dalam ka Christ, yàng wì doe nhèn mangai i yiniq lui, tàng qmang aih Christ aih ma hapǝng da yiniq lui qmòh? Ùh lòm qmang aih! 18 Joq, tàng au ðech paqnàng hlài yiniq au ma khoe raliang ðac, aih ajoq cla au raq doe ðeh kô khoe ùh troq ka ranenh. 19 Majah qmang aih, tiaq ranenh, au khoe cachit am ka ranenh, đòeq hu rìh ka Boc Plinh. 20 Au khoe tiang ðinh pajùm ti Christ ta long pagat, manòeq kô au rìh, aih pi xài au rìh hòm, mahaq Christ rìh oe enh dalam ka au, manòeq au rìh ta xech akia kô, aih au rìh ta mannoh lùì kon Boc Plinh, haq ma loq waq ka au, chiuq cadac raðeh hu cachit am ka au. 21 Au ùh enh ðòq kan tabàih dech da Boc Plinh

loh ðac ka qngwan, tàng broq tiaq ranenh men jah kan taq atoq, qmang aih Christ cachit hi qngwan qngwaiq.

3 Wùih! mangai Galati ma blùng tau, cabô khoe tah ka pì canàih, bài mangai adroe kô nèn loq ka Jeus Christ khoe tiang ðinh talong pagat tiah gleq hnoq qmòe ajang mat? 2 Au bòch pì moèq bàu qmang kô: Aih ìq canòm ka broq tiaq trong ranenh thê, loq canòm ka anòe tàng èh lùì oh daq ma khoe jah Yiang Hadròeh? 3 Gleq oh daq majah blùng hrin qmang aih? Adroe aih khoe canòm ka Yiang Hadròeh hagleg manòeq kô aih ma hi loh ka canòm ka xech akia đòeq hu pagèh? 4 Oh daq chiuq bacc xalep qmang aih đòeq hu dech do qmòh? Tàng qmang aih joq hi qngwan! 5 Boc Plinh am Yiang Hadròeh rai broq bacc kan halac qne oh daq, aih tiaq trong ranenh thê loq taiq oh daq lùì bàu oh daq ma khoe tàng? 6 Tiah ka Apraham lùì Boc Plinh, aih hi jah creò ka haq mangai taq atoq. 7 Qmang aih oh daq khòh loq rameh: Bài mangai leq i manoh lùì, aih ma joq kon xau joq qnàng da Apraham. 8 Hset Hadròeh khoe loq adroe Boc Plinh hanoh creò ka mangai diac qnoeq jah kan taq atoq tiaq manoh lùì, ðài haq majah chònh doe ka Apraham Bàu lem kô: “Rim taneh diac ðiq canòm ka ìh hujah xôq ramot”. 9 Qmang aih, waq toq cabô lùì, haq hi wiang jah xôq ramot ti Apraham aih mangai i manoh lùì. 10 Majah qmang aih, rim ngai ma canòm ka biac broq da ranenh, aih ðiq oe enh qneq ka kan hamaiq, majah qmang aih i bàu achìh rameh: “Joq ra-ðh hamaiq qnàng ka bài mangai ma ùh cajúp manoh ta rim yiniq khoe achìh ta hset ranenh đòeq broq tiaq bài yiniq aih”. 11 Joq qnàng ùh i ka cabô broq tiaq ranenh mahaq jah kan taq atoq enh ngèa Boc Plinh, trong aih joq wop, majah qmang aih mangai taq atoq rìh tiaq manoh lùì. 12 Ranenh ùh pajùm ti manoh lùì, mahaq ranenh achìh rameh: “Mangai leq iu tiaq ranenh hi rìh canòm tiaq ðeh aih raq”. 13 Christ khoe baxon ahlàì bèn claih enh kan hamaiq da ranenh, majah qmang aih Haq khoe wìa kan ra-ðh hamaiq am ka bèn majah qmang aih i bàu achìh: “Joq ra-ðh hamaiq qnàng ka mangai wì ma atua tǝc talong.” 14 Đòq xôq ramot ma am ka Apraham canòm ka Chuaq Jesus Christ jah ta ùc jáp jìa ka mangai diac qnoeq, qnah hòm đòeq bèn canòm ka manoh lùì hujah yǝc Yiang Hadròeh, ma khoe têu am.

15 Yôiq oh daq, au capoch tiaq bàu kon mangai ma loq doe: Jò wì khoe gêh ka jàiq tajao, pi i bô oe jah raliang, oe jah tah tam cleq ta aih hòh. 16 Mandeq kô, bài bàu têu am khoe jah am ka Apraham xam nang noe haq. Hset Hadròeh ùh xài doe: “am ka bài nang noe kon mangai”; tiah am ka bàc mangai, mahaq doe: “am ka nang noe da ìh”, qmang ka anoe trùh mòeq ngai raq, aih Chuaq Jesus Christ. 17 Qmang aih au doe aih rameh: Pôn hrinh piq jàt hanam atiq men i hset ranenh, dài ma ùh jah raliang đac Bàu tajao Boc Plinh broq khoe gêh deh adroe ka aih, ranenh hadai ùh broq ka bàu têu am loh đac ka qngwan qngwaiq. 18 Majah qmang aih, tàng joq tiaq ranenh bèn jah kùng hang, aih pi oe tiaq bàu ma têu am. Mahaq Boc Plinh am ka Apraham kùng hang tiaq bàu Haq khoe têu deh adroe. 19 Tàng qmang aih ranenh đòeq broq cleq hòh? Ranenh neo qnoh ònh atiq, taiq kon mangai broq toq yiniq lui, gòm jò Kon da nang noe jah trùh, aih Mangai ma khoe i bàu têu deh adroe, ranenh khoe jah qnoh am enh bài bình plinh òh jah anoe hlài xi mòeq ngai oe taqne. 20 Mangai taqne aih ùh xài taqne ka mòeq apah raq, mahaq Boc Plinh aih i mòeq raq. 21 Tàng qmang aih, ranenh pagau hlài ka bàu Boc Plinh ma têu am qmòh? Ùh lòm qmang aih! Tàng joq khoe qnoh am ranenh hlàt dèch kon mangai jah kan rìh, aih òh kan taq atoq hadai loh enh ranenh. 22 Mahaq Hset Hadròeh khoe clêh rìm yiniq oe enh qneq ka yiniq lui, dōq bàu ma khoe têu, enh dalam ka Christ jah am ka mangai lùì. 23 Jò kan lùì qnhòq trùh, bèn điq oe enh qneq ka ranenh, hu gòm kan lùì jah paqnoh. 24 Qmang aih ranenh tiah ka mangai hnài đòeq hu ajèn aràng bèn trùh ta Christ, đòeq canòm ka manoh lùì bèn jah wìa kan taq atoq. 25 Qmang aih jò manoh lùì khoe trùh, bèn pi ep oe enh qneq ka cwiang da mangai hnài aih hòh. 26 Aih ìq, enh dalam ka Chuaq Jesus Christ, bèn điq jah broq kon Boc Plinh. 27 Oh daq điq khoe jah baptem enh dalam ka Christ, điq khoe jah caxùnh yōc Chuaq Jesus Christ. 28 Qmang aih, pi i ka mangai Juda, pi i ka mangai Gorec hòh, pi i mangai broq đic, pi i mangai broq dèh cla hòh, pi i gualô gucadri hòh, majah qmang aih enh dalam Christ oh daq wìa mòeq raq. 29 Tàng joq oh daq joq qnàng mangai da Christ, oh daq aih nang noe da Apraham, aih bài mangai wiang jah hang tiaq bàu ma khoe têu am.

4 Mandeq kô au doe rameh, mangai wiang jah kùng hang yac ka haq broq craq điq dōng kùng hang aih jò haq oe raq qyoh ùh i crài cleq ka hapōng. 2 Haq ep oe enh qneq ka cwiang mangai ma ranenh am, trùh jò baq haq ma khoe pajaq đòeq adroe. 3 Bèn hanoh qmang aih, jò oe raq kon qyoh, ep iu tiaq ranenh da crōng taneh. 4 Yàng jò ma pajaq khoe jah gêh. Boc Plinh thê dèh Kon haq ha-uang loh enh mòeq ngai gucadri, ha-uang loh enh qneq ka ranenh, 5 hu baxon yōc bài mangai oe enh qneq ka ranenh, am bèn jah broq kon ban da haq. 6 Taiq oh daq aih kon haq, dài Boc Plinh majah khoe thê Yiang Hadròeh da Kon haq mùt ta manoh cliac bèn, Yiang aih creo: Aba! Baq! 7 Qmang aih oh daq pi xài hapōng đic hòh, mahaq khoe wìa kon, tàng khoe wìa kon, aih òh hadai wìh wìa mangai jah kùng hang canòm enh kan tabàih dech da Boc Plinh. 8 Nèh haq, ùh qnì ka Boc Plinh, oh daq broq đic bài kiac mahaq ùh xài kan kiac. 9 Yàng mandeq kô khoe jah loq ka Boc Plinh, Boc Plinh hadai loq ka oh daq, aih hagleq majah oe tawìh hlài hu broq đic, iu tiaq bài ranenh ùh loh cleq aih? 10 Oh daq oe raq wèq ranenh hì, khê, jò, hanam qmòh? 11 Au loq yùq am ka pì, au yùq qngwan ka au khoe abroq xalep taqne pì. 12 Au cali calo ka pì oh daq, thê pì tiah ka au, majah qmang aih au hadai tiah ka pì. Oh daq ùh i broq habo cleq ka au. 13 Oh daq loq jò chac au ma điq jaq ùh nèn au khoe aràng Bàu lem ka oh daq yàng baxèm, 14 pàng chac hamac au ùh nèn dài majah khoe tiah ka nen hu qnhro oh daq, yac ka oh daq ùh i jù lê au, ùh chàih cadac au, mahaq đìh au tiah ka bình plinh da Boc Plinh, tiah qmòe cla Jesus Christ. 15 Mandeq aih, kan lem bùi da oh daq nèh khoe taleq? Au anoe ka oh daq loq, nèh haq oh daq loq waq ka au, tàng majah aih oh daq chiùq bōc dèh clong mat am ka au. 16 Au yōc bàu joq qnàng anoe hnài oh daq, hagleq au majah loh mangai tablêq hlài ka oh daq? 17 Bài wì aih, hnoq wì ma nhet ka oh daq, aih ùh xài wì lem manoh cleq ka pì, mahaq wì enh oh daq talah ka nhèn, dōq oh daq nhet ka wì haq. 18 I mannoh loq nhet ka bàc lem aih troq, jò leq hadai qmang aih, ùh xài toq jò i mat au. 19 Yôiq wì kon, taiq pì kon au majah chiùq kan jìq da mangai ha- uang, trùh jò leq Christ jah gêh ta dalam oh daq, 20 Au ngèh mandeq kô, chop au jah oe ti pì đòeq hujah hatuàng ka pì majah qmang aih

pì broq ka au joq xa ka hèm qnàng. **21** Anoe ka au beq, pì oh daq mangai ma enh rih enh qneq ka ranenh, pì ùh qnì tàng ranenh anoe cleq qmòh? **22** Majah qmang aih i bàu achih rameh Apraham i baiq ngai kon calô: Mòeq aih kon da mangai gucadrì broq ðeh hapõng, mòeq aih da mangai gucadrì broq ðeh cla. **23** Mahaq kon da mangai broq hapõng aih ha-uang tiaq xech akia, kon da mangai gucadrì broq ðeh cla aih ha-uang tiaq bàu Boc Plinh khoe têu am adroe. **24** Dìq baiq ðòeq aliah rameh: Baiq ngai gucadrì aih baiq bàu tajao, mòeq aih bàu tajao ta wang Sina-i, ha-uang kon ðòeq hu broq ðic hapõng, aih da Aga. **25** Manòeq kô, Aga aih wang Sina-i, oe tagùng Arabi, ùh i crài cleq ka Jêrusalem manòeq, plài aih xam kon da haq ðiq broq ðic. **26** Mahaq Jêrusalem enh qnhèq aih ùh broq ðic cabô, haq aih miq da bèn. **27** Majah qmang aih i bàu achih: “Yôiq gucadrì ma xon tau, ìh mangai ma ùh ðùh ðeh ka ha-uang, drah lem bùi beq; ìh mangai qnhòq lah hmaq jìq ha-uang, drah ðiq manoh lem bùi drah do ma ðeh haq, Majah qmang aih, kon da mangai cadri wì ma khoe cadac, jah yeo bàc ùh hnau ka da mangai cadri ma i õng”. **28** Manòeq kô oh daq, bèn tiaq ka Ysac, aih kon da bàu khoe têu am. **29** Mahaq qmang ka calah nèn, mangai ha-uang loh tiaq xech akia ti khech rùp mangai ha-uang loh tiaq cwiang da Yiang Hadròeh qmang leq, yac ka manòeq kô hadai qmang aih. **30** Mahaq Hset Hadròeh anoe cleq? Drah hnan qnoh ðac mangai gucadrì ma broq ðic qmat hloe xam kon da haq, majah qmang aih kon calô da mangai broq ðic ùh jah wiang pajùm kùng hang ti kon da mangai cadri broq ðeh cla. **31** Qmang aih, ðiq ka oh daq bèn ùh xài kon da mangai gucadrì ma broq hapõng mahaq bèn kô kon da mangai gucadrì ùh i broq hapõng cabô.

5 Christ khoe paclaih ðòeq bèn pi broq ðic, qmang aih drah yòng ma cajap, apaq ðòq raðeh oe enh qneq ka long ech hapõng ðic hòm. **2** Au kô Phaulô au doe ka pì oh daq, tàng oh daq broq ramèn kat akia, aih èh Christ ùh i lòeq cleq ka pì hòm. **3** Au doe ka mangai ma broq ramèn kat akia, wì haq ep wèq ðiq ðong ka ranenh. **4** Tàng pì ðiq enh canòm ka ranenh ðòeq hujah kan taq atq, qmang aih oh daq khoe talah enh gùng ka Christ, khoe hnhung kan tabàih. **5** Da nhèn aih, canòm manoh lùì xam Yiang Hadròeh nhèn men jah tangèh gòm

kan taq atq. **6** Majah qmang aih, enh dalam ka Chuaq Jesus Christ, yac kat akia, yac ka ùh, ðiq baiq ùh i loh cleq, toq manoh lùì abroq enh dalam kan loq waq ma aih ma joq i lòeq joq qnàng. **7** Oh daq rabiaq ka cadàu, cabô khoe khech tàt ùh am oh daq iu tiaq trong joq qnàng? **8** Kan baxrùq aih ùh loh enh Mangai ma creo ka oh daq. **9** Toq xit blo broq rêu ðong ka cadap ðac. **10** Enh dalam ka Chuaq, manoh au lùì qmang kô, oh daq ùh baiq manoh, mahaq mangai ma broq ka oh daq loh ka rawè, ùh ðeh ka cabô, haq aih jah pòq ðeh kan baxa aih. **11** Wùih oh daq, tàng joq au oe raq hnài trong ramèn kat akia, hagleq wì ma oe ti chaq rùp au? Tàng joq qmang aih, long pagat ma oe xài kan catoeh? **12** Au ngèh ðiq ðong bài mangai ma rai kan rawè taqne oh daq, wì haq pot ðac raðeh aih yi ùh hnau hòm! **13** Dìq ka pì oh daq da au, khoe jah creo trùh ta kan pi tawac, mahaq apaq yóc kan pi tawac aih hu broq nen ðòeq hu rih tiaq xech akia, mahaq drah yóc manoh cliac loq waq ðòeq broq hapõng dabau. **14** Majah qmang aih, ðiq ðong ka ranenh yùp hlài ta mòeq bàu kô “ìh ep loq waq ka mangai haten hatia qmang ka cla. **15** Mahaq tàng oh daq hit qnhah dabau, ep ngan oq, yùq èh mangai kô loq cachit ka mangai tau. **16** Aih au majah doe: Drah cadiang tiaq Yiang Hadròeh, apaq pagèh tiaq trong xech akia ma enh. **17** Majah qmang aih, xech akia i ðeh manoh enh crài ka trong Yiang Hadròeh enh, Yiang Hadròeh enh trong crài ka trong xech akia enh, wa tablòq ka dabau qmang aih, ðài oh daq majah ùh khòh broq tiaq trong ðeh enh broq. **18** Mahaq tàng oh daq canòm ka Yiang Hadròeh ajèn qnung, aih ùh hiaq oe enh qneq ka ranenh. **19** Yiniq broq da xech akia aih hnoq qmòe a mat: Taqnon tango, trong ùh sròeh, kan manhài, **20** kùh waiq radua qmù, wê canàih, tagit, tablêq, tarèn, tanèh, talech, ùh hatroq ka dabau, lah ðac dabau, **21** da khwàiq, bù bia, plai toq ka acaq xam bàc yiniq qnoeq hatiah qmang aih. Au anoe adroe ka oh daq qmang ka au ma khoe doe: Mangai leq broq ðòe yiniq qmang aih, haq aih ùh jah waq diac Boc Plinh. **22** Mahaq plì da Yiang Hadròeh aih: Loq waq, lem bùi, catèm, loq kèm, laq alàng, khun khuq, ùh tabòq manoh, tabat, loq amàn. **23** ùh i ranenh leq ma ùh lòh bài trong aih. **24** Bài mangai oe ti Chuaq Jesus Christ khoe tiang ðinh ðeh xech akia xam kan tango anang talong pagat. **25** Tàng bèn rih canòm ka

Yiang Hadròeh, aih hadai ep cadiang tiaq Yiang Hadròeh. 26 Apa q cadau chaq bang tiang ùh loh cleq ta qnhòng kô ðòeq hu dakhwàiq rai tagit dabau. broq ka au ep hèm hò m, majah qmang aih ta chac au khoe pòq wê teo da Chuaq Jesus Christ. 18 Waiq kan tabàih dech da Chuaq Jesus Christ bèn oe ti mahua yiang oh daq! Amen.

6 Wì oh daq! Tàng loq i cabô troq broq yiniq lui cleq, oh daq aih mangai ma i Yiang Hadròeh, dra h yòc manoh tabat ðòeq hu bàt hlài wì haq, cla oh daq hadai ep wèq raðeh diq, yùq oh daq hadai loq clìh ta kan padô qnùt. 2 Dra h wiang blòh kan trap ka dabau, qmang aih oh daq jah broq gèh ka ranenh da Christ. 3 Majah qmang aih, tàng loq i mangai ùh loh cleq, mahaq xoh raðeh kô canau gau ginh, aih mangai qnùt dèh cla. 4 Rìm ngai ep ngan hlài deh yiniq broq, aih hi hnoq kan catèh aih ajoq taiq cla, ùh xài taiq mangai qnoeq. 5 Majah qmang aih mangai ep gènh dèh hra. 6 Mangai leq jah wì hnài ka raðeh Bàu Chuaq, ep yòc rìm ta kùng hang ðeh ma i ðòeq hu lah axong ka mangai hnài aih. 7 Apa q qnùt raðeh, Boc Plình ùh jah blìa racaih, majah qmang aih cabô rai adrech cleq ep gat dèh adrech aih. 8 Mangai rai ka xech akia, enh xech akia aih haq jah gat kan om hech. Mahaq mangai leq rai ka Yiang Hadròeh, enh Yiang Hadròeh haq gat kan rìh halình mòeq ðòe. (aiônios g166) 9 Apa q tagah ka broq biac lem, majah qmang aih tàng joq bèn ùh hìaq patrò, waq toq hi trùh jò bèn hi jah gat. 10 Qmang aih, jò bu taglòm, dra h broq yiniq lem ka rìm ngai, adroe aih am ka oh daq bèn ma hadai pajùm ta manoh lùì. 11 Ngan tacô tì kǝng cla au achìh am ka oh daq, pliang chù joq gròq qnàng. 12 Dìq ðǝng bàì wì ma enh broq ðòeq lem manoh kon mangai tiaq trong da xech kia, wì haq panan oh daq kat akia, ðòeq ùh hìaq taiq long pagat da Christ i mangai ti rùp wì haq. 13 Majah qmang aih, yac cla wì haq khoe kat akia dua wì haq ùh i wèq tiaq ranenh taleq, mahaq wì enh oh daq kat akia ðòeq wì haq jah catèh raðeh ta chac oh daq. 14 Da au kô hò m, au ùh catèh raðeh enh gùng ka catèh toq long pagat da Chuaq Jesus Christ bèn, taiq long pagat aih, crǝng tane h kô au hnoq bu dàng khoe tiang ðình, crǝng tane h kô hnoq au hadai bu dàng aih! 15 Majah qmang aih trong ma yeo nhèt aih ùh xài taiq kat akia loq ùh kat akia, wìh wìa kon mangai maneo aih trong ma yeo nhèt. 16 Waiq kan catèm, kan loq waq trùh ti oh daq aih bàì mangai broq tiaq bàu kô, trùh hloe ti Isoralì aih mangai da Boc Plình. 17 Pang kô ta èh, au ngèh apa q i cabô

ÊPHÊSÔ

1 Phaulô, tiaq manoh Boc Plinh thê, broq mangai tiaq cla da Chuaq Jesus Christ, achih ka mangai hadròeh da Boc Plinh oe ta Êphêsô, ka mangai ma ùh tablòq manoh enh dalam ka Chuaq Jesus Christ. **2** Waiq kan tabàih dech xam kan catèm enh Boc Plinh, Baq bèn xam enh Chuaq Jesus Christ jah am ka oh daq. **3** Manè apôi Boc Plinh, Baq da Chuaq Jesus Christ bèn, enh dalam ka Christ, haq khoe ùc qnoh rìm xôq ramot yiang enh plinh am ka bèn, **4** adroe ka broq plinh crõng taneh, haq khoe ràih bèn enh dalam ka Christ, òeq hu broq bèn wia kan hadròeh pi i qmòe ajang leq hu cwò enh ngèa ka Boc Plinh, **5** majah qmang aih kan loq waq haq khoe taqmroq adroe dòq bèn jah wia kon ban da haq enh dalam Chuaq Jesus Christ, tiaq manoh lem cla haq, **6** òeq hu manè apôi kan ranhòm da kan tabàih haq khoe am dech ka bèn enh dalam Kon cla haq ma loq waq dèh. **7** Enh dalam ka Christ, bèn jah dèch jah rot hlài xi mahim haq, jah caqnaih da bèn yiniq lui, tiaq kan tabàih dech ùh òiq ùh dài da Boc Plinh. **8** Haq khoe ùc bình bui ka bèn rìm kan rabiaq xam kan qnì loq, **9** dòq bèn jah loq kan hlèp ta manoh haq, tiaq manoh cla haq khoe padon deh adroe ta kan loq waq haq **10** òeq broq trong haq ma khoe padon deh adroe aih ta jò atiq lùch tagop òiq òng rìm yiniq hlài ta dalam ka Christ, hloe xam yiniq oe ta tróc xam ta taneh. **11** Aih, enh dalam ka Christ bèn hadai khoe jah ràih òeq wia mangai wiang jah kùng hang, ma khoe palauq qmòe adroe tiaq manoh Boc Plinh aih Mangai broq gêh rìm yiniq tiaq manoh cla enh. **12** Òeq bèn kô mangai ma adroe òng khoe canòm ka Christ jah calêu manè apôi kan ranhòm da haq. **13** Hadai enh dalam ka haq, oh daq khoe jah tàng trong joq qnàng, aih raq Bàu lem hu dèch oh daq, jò oh daq khoe lùì haq oh daq jah pateo xi Yiang Hadròeh ma khoe tèu am, **14** Yiang aih broq ka cajap kùng hang da bèn, trùh jò baxon hlài bài mangai haq khoe jah hu manè apôi kan ranhòm haq. **15** Taiq qmang aih, jò au khoe tàng manoh lùì da oh daq enh dalam ka Chuaq Jesus Christ xam manoh oh daq loq waq ka mangai da Boc Plinh, **16** au ùh hêq ka manè apôi oh daq, jò waiq khàn au ràu trùh yôt oh daq. **17** Au waiq Boc Plinh da Chuaq Jesus Christ bèn aih Baq

qngah qngai, am ka oh daq Yiang da kan rabiaq xam kan mahnu ka oh daq òeq pì canau loq ka haq. **18** Khoe aih sreo qngah mat ta manoh cliac oh daq, òeq hu loq trong bèn ma tangèh canòm aih qmang leq, kan padrõng haq am ka bài mangai hadròeh aih dàng leq, **19** èh loq ka cwiang itai pi cajaq da haq am ka bèn mangai ma lùì aih kàn dàng leq, tiaq cwiang itai aih. **20** Haq khoe paqnoh ta Christ, jò broq ka Christ rih hlài enh mangai cachit rai am haqngui pah qma raðeh oe tanòe Plinh, **21** Yeo haqnèq òiq òng ka bài cla craq, bài i cwiang, bài padren, bài bùa xam bài i bang i tiang, ùh xài toq ta qnhòng kô, mahaq hloe xam qnhòng atiq hòh. (aiõn g165) **22** Haq khoe roh rìm yiniq oe òiq enh qneq ka jènh da Christ, rai am ka Christ broq gàu Tagop Hadròeh, **23** Tagop Hadròeh aih chac da Christ, aih la kan bình halùih da Mangai ma broq bình rìm yiniq oe ta rìm trong.

2 Adroe nèh oh daq khoe cachit ta yiniq lui xam kan ngang dù da cla, **2** aih òiq bài yiniq oh daq khoe top dua crõng taneh kô, iu tiaq bùa ma wèq cwiang ta caqnàm plinh, aih raq kiac qnang tabroq enh dalam manoh bài mangai ma ùh iu. (aiõn g165) **3** Ta aih hadai i bèn, nèh haq rih tiaq dèh trong xech akia ma ònh, cadàu tiaq rìm yiniq xech akia xam manoh cla ma enh, qmang aih hi wia kon da kan mahau qmang ka wì qnoeq. **4** Mahaq Boc Plinh haq aih padrõng manoh loq waq, haq khoe yóc deh manoh loq waq kàn òeq ha-och ka bèn, **5** dài haq jò bèn qnang cachit dèh ta yiniq lui, haq broq ka bèn jah rih pajùm ti Christ – aih òiq canòm ka kan tabàih dech oh daq ma khoe jah dèch. **6** Haq broq ka bèn jah rih hlài jah haqngui pajùm ta Plinh enh dalam ka Chuaq Jesus Christ. **7** Dòq ta bài qnhòng atiq èh, haq jah paqnoh òeq ka wì hnoq kan tabàih dech ùh òiq ùh dài da haq, enh manoh loq waq haq khoe ha-och ka bèn enh dalam ka Chuaq Jesus Christ. (aiõn g165) **8** Qmang aih canòm kan tabàih dech, canòm manoh lùì oh daq ma khoe jah dèch, yiniq aih ùh xài loh enh oh daq, mahaq loh enh kan am dech da Boc Plinh. **9** Aih ùh xài loh enh bài yiniq broq cla bèn, òeq ùh hiaq i cabò padèch raðeh; **10** majah qmang aih, bèn kô biac broq loh enh ti haq, khoe jah paqnàng enh dalam Chuaq Jesus Christ òeq broq trong lem Boc Plinh ma khoe palauq adroe dòq bèn hu broq tiaq. **11** Qmang aih, hmàng hlài enh adroe, tiaq xech akia pì

oh daq aih mangai diac qnoeq, wì ma kat akia enh tì kǝng kon mangai creo đac ka pì la bài mangai ùh kat akia. **12** Jò aih nēh oh daq ùh i ka Christ, ùh jah pajùm cwiang ti mangai Isorali, ùh pajùm bàu tajao ma khoe chǝnh tēu am, oe ta crǝng taneh kǝ ùh i kan canǝm, ùh i ka Boc Plinh. **13** Mahaq enh dalam ka Chuaq Jesus Christ, oh daq aih mangai nēh haq hangai, yàng mandeq kǝ canǝm ka mahim da Christ khoe jah haten. **14** Majah qmang aih, haq raq kan hatroq da bèn, khoe broq ka baiq apah jah wìa pajùm mǝeq, raliang qnih đac panàt ma hagan, **15** aih la kan tagit ka dabau majah qmang aih, haq khoe yǝc deh chac cla hu raliang cadac bài bàu hnài ma khoe achih wìa ranenh. Qmang aih jò broq ka wa hatroq ti dabau, haq enh yǝc đìq baiq đòeq broq loh mǝeq ngai maneo enh dalam ka haq, **16** hadai taiq long pagat haq khoe bahnhung đac kan tagit kan ùh hatroq, canǝm long pagat aih haq broq ka wa wih wìa mǝeq chac đòeq hu hatroq ti Boc Plinh. **17** Haq khoe trùh anoe hnài kan catèm ka pì oh daq aih mangai ma oe đeh hangai, xam kan catèm ka mangai oe haten, **18** canǝm ka haq đìq baiq ka bèn jah thia haten ka Baq, hadai pajùm enh dalam mǝeq Yiang Hadrǝh raq. **19** Qmang aih, oh daq pi oe xài mangai enh gǝng hòm, hadai pi xài tamoe ùh canau hòm, mahaq pajùm mǝeq diac ti mangai da Boc Plinh, mangai hnim da Boc Plinh. **20** Oh daq khoe jah dēch paqnàng enh qnhǝk ka xàn hnim aih la bài mangai tiaq cla xam bài pajàu, cla Chuaq Jesus Christ aih raq hmo mùm hnim. **21** Đìq ka hnim jah dēch paqnàng enh qnhǝk ka hmo aih, ta carùp ka dabau, đòeq broq loh mǝeq toq hnim kùh waiq hadrǝh enh dalam ka Christ. **22** Qmang aih, hadai canǝm ka haq oh daq men jah taqmùt đeh đìq ta hnim aih, đòeq hu wìa hnim da Boc Plinh enh dalam ka Yiang Harǝh.

3 Ajang aih raq, au kǝ Phaulǝ, taiq oh daq aih mangai diac wì dài au majah ep broq mangai oe tù ka Chuaq Jesus Christ... **2** Oh daq hìa loq Boc Plinh thē au, aih kan tabàih dech haq jao ka au đòeq anoe ka oh daq, **3** aih la kan hlǝp khoe jah mahnu am au loq, tìah ka au khoe achih biaq nà ka pì oh daq. **4** Đǝc jàiq aih, aih èh, pì men canau au khoe jah loq kan hlǝp da Christ, **5** aih la kan hlǝp enh qnhǝng nēh qnhòq hmaq am ka cabǝ loq, yàng mandeq kǝ jah Yiang Hadrǝh khoe paqnoh am ka bài mangai tiaq

cla hadrǝh xam bòe pajàu da haq. **6** Kan hlǝp aih rameh: Canǝm ka Bàu Lem, mangai diac wì hadai wiang jah kùng hang ti mangai Isorali, aih hadai hamenh ta mǝeq chac, hanoh wiang jah waq bàu ma khoe tēu adroe ti bèn enh dalam ka Chuaq Jesus Christ. **7** Au khoe wìa mangai patih da Bàu Lem kǝ, tiaq kan tabàih dech da Boc Plinh, canǝm ka ajang biac broq da cwiang itai haq. **8** Joq, kan tabàih aih khoe am ka au aih mangai ma yeo qyoh đǝng đeh ka mangai hadrǝh qnoeq, đòeq au anoe ka mangai diac qnoeq loq kan padrǝng raya rayùc da Christ, **9** hu sreo am ka rìm ngai jah hnoq kan đìq jaq hlǝp enh qnhǝng baxèm calah nēh ma khoe cadoc hlǝp enh dalam Boc Plinh aih Mangai broq loh rìm yiniq ta plinh crǝng taneh. (aiǝn g165) **10** Qmang aih, mandeq kǝ, kan rabiaq loq rìm trong da Boc Plinh ajang Tagop Hadrǝh jah paqnoh am bài mangai broq gàu, xam bài wǝq cwiang ta trǝc. **11** Tiaq manoh cla haq khoe qnac dēh enh baxèm nēh, mandeq khoe jah broq gēh enh dalam ka Chuaq Jesus Christ, aih Chuaq da bèn, (aiǝn g165) **12** enh dalam ka haq, bèn canǝm ka manoh lùì trùh haq đòeq pi hìa i kan tawac, đòeq jah kan cajap manoh hu thia haten ka Boc Plinh. **13** Au hadai cali calo ka oh daq apaq hnoq au qnang glàm nanxa ma loh ka cro manoh, xài aih raq kan ranhòm ka oh daq. **14** Taiq aih ìq raq dài au majah hacùn cràng enh ngēa Baq, **15** canǝm ka haq rìm toq hnim oe ta plinh xam ta haqneq ma khoe jah yiniq am, **16** au waiq khàn mac tiaq kan padrǝng ranhòm da haq broq ka oh daq jah cwiang itai enh Yiang Hadrǝh đòeq jah tadēh ta manoh cliac; **17** qmang aih Christ jah oe ta manoh oh daq ajang manoh lùì. Èh au waiq khàn dǝq oh daq jah plǝh riah cajap manoh ta kan loq waq; **18** jah pajùm ti bài mangai hadrǝh đòeq hu loq ka dang gat, dang yǝh, dang haqnǝq, dang jrùq da kan loq waq aih, **19** rai jah hnoq kan loq waq da Christ, aih yeo loe đìq đǝng ka kan loq maqnoeq, đǝq oh daq jah bính halùih kan ùh đìq ùh dài da Boc Plinh. **20** Mandeq kǝ, Boc Plinh tiaq dēh cwiang itai haq, tabroq ta manoh bèn yeo loe ka yiniq bèn ma bòch, ma hèm. **21** Đòeq Haq jah kan ranhòm tanǝ Tagop Hadrǝh, xam enh dalam ka Chuaq Jesus Christ, hloe ta rìm qnhǝng, mǝeq đòe, ùh đìq ùh lùch! Amen. (aiǝn g165)

4 Dài ajang aih, au kô mangai oe tù da Christ, pariaq pì oh daq ep rih acaq qmang leq dōq haq taji ka bàu creó pì ma khoe jah. **2** Rih ep diq jaq loq hamon rađeh, diq jaq laq alàng, loq kêm, yōc kan loq waq đōeq hu yong dabau, **3** yōc hadrang caxi catêm đōeq hu àu wèq kan pajùm mōeq da Yiang Hadròeh. **4** I mōeq toq chac, mōeq Yiang Hadròeh raq, qmang ka oh daq khoe jah creó trùh mōeq kan tangèh raq, **5** i mōeq Chuaq, mōeq manoh lùì raq, mōeq ramènh baptem. **6** Mōeq Boc Plinh aih Baq da rìm ngai, haq aih enh qnhèq diq dōng rìm ngai, taqne rìm ngai, oe enh dalam rìm ngai. **7** Mahaq kan tabàih khoe am ka bèn tiaq maneh da Christ am. **8** Aih ìq majah i bàu doe: “Haq khoe tōc tanđe haqnèq, qnung haraya mangai wì ma rùp clèh, Haq tabàih am ka mangai da haq”. **9** Mandeq kô: “Haq khoe tōc” bàu aih doe cleq, aih ma ùh xài doe haq hadai khoe loh nōe haqneq ta crōng taneh qmòh? **10** Haq ma khoe loh aih raq haq ma khoe tōc tanđe ma haqnèq diq jaq ta trōc, đōeq hu broq bình rìm yiniq. **11** Cla Haq aih raq ma khoe am ka mangai kô broq mangai tiaq cla, mangai tau broq pajàu, mangai qnoeq broq mangai anoe Bàu lem, mangai qnoeq hòm broq mangai wèq tagop xam mangai hnài, **12** đōeq bài mangai hadròeh jah geo gua ta yiniq abroq patih, dōq chac da Christ jah èh rai kàn, **13** gòm trùh jò bèn hi jah pajùm mōeq ta manoh lùì xam ta kan canau loq Kon Boc Plinh, jah wìa mangai gèh mangai, jah chac hamac geo gua qmang da Christ. **14** Haq enh ka bèn pì hiaq tiah kon qyoh hòm, cađac wì qnùt rađeh, dōq wì padô đac rađeh loh ka tablòq manoh đōeq cadàu tiaq trong ùh troq, **15** mahaq enh ka bèn yōc manoh loq waq hu anoe qnoh bàu joq qnàng, dōq yac ka trong leq dua bèn jah yòng kàn tam enh dalam ka Christ aih Mangai ma broq gàu Tagop. **16** Canòm ka haq aih diq dōng ta chac bèn jah ta carùp cajap ti dabau xam bōe atap bōe caxi qngwen, broq ka tang yiniq tiaq deh hra padren jah taqmùt ti dabau hu broq ka chac jah rai èh rai kàn hu ta paqnhrang ta kan loq waq. **17** Kô bàu au doe, bàu au canòm ka yiniq Chuaq hu anoe ka oh daq, pì pi dùh rih acaq tiah ka wì enh gùng hòm, wì haq tiaq trong ùh loh cleq enh manoh cla, **18** majah qmang aih kan blùng oe enh dalam wì haq, taiq manoh wì gang got dài haq gàu wì majah khoe loh ka clam cluiq, hangai ka kan rih da Boc Plinh. **19** Wì haq khoe

pi qnì kan camaih aih qmang leq, cađac rađeh rih ta kan manhài, manoh ònh pi hêq ta kan amùa. **20** Mahaq oh daq hōc đōeq huloq trùh Christ aih ùh xài qmang aih, **21** majah qmang aih oh daq khoe jah tàng Trong da Haq, khoe jah hnài enh dalam ka Haq, wop qmang ka bàu joq qnàng enh dalam ka Chuaq Jesus Christ aih Chuaq da bèn, **22** aih oh daq ep cađac trong rih acaq enh calah qnèh, cađac kon mangai dùnh aih kon mangai khoe pi wìa taiq manoh cla loq ònh, **23** ep broq neo hlài ta gàu ngoc cla, **24** caxùnh yōc kon mangai neo, aih raq mangai khoe jah broq dōq hatiah ka Boc Plinh ta kan taq atoq xam kan sròeh da bàu joq qnàng. **25** Qmang aih, rìm ngai oh daq ep cađac kan loq capoch amòng, ep capoch jang ka mangai haten hatia, majah qmang aih bèn kô diq hamenh ta mōeq chac raq. **26** Tàng joq oh daq qnang nòeh, aih apaq broq yiniq lui, apaq pandèh trùh mahi clih, **27** apaq am ka Satan jah dahôn. **28** Mangai loq atùng pi dùh atùng hòm, mahaq ran abroq, yōc tì kōng cla patih trong ma lem, đōeq i dahwèq hu wiang tabàih am ka mangai pa, aih ma yeo troq. **29** Apaq i mōeq nà bàu qmèq hloh enh hacùng oh daq, mahaq jò ma troq ka capoch, aih capoch biaq nà bàu rangot đōeq hu wiang i lōeq ka mangai tamàng. **30** Oh daq apaq broq mangò ka Yiang Hadròeh da Boc Plinh, majah qmang aih canòm ka haq oh daq men jah panhìn trùh ta hì baxon dèch. **31** Ep cađac kan tapagau, tamahau, kan tanòeh, talech, dahnap hloe xam trong dù ma qnoeq. **32** Acaq oe ti dabau ma laq alàng haq, bình kan loq ha-och, caqnaih yiniq kui ka dabau qmang ka Boc Plinh khoe caqanaih yiniq lui ka oh daq enh dalam ka Christ.

5 Qmang aih oh daq drah wìa mangai loq top dua Boc Plinh qmang ka kon loq waq da haq; **2** drah cadiang lam ta kan loq waq, qmang ka Christ khoe loq waq ka bèn, taiq bèn haq majah chiùq yōc chac rađeh đōeq hu broq ramènh tadreo i kan xua thùm rahùt dèch ka Boc Plinh. **3** Kan taqnung tango, ùh hadròeh, kan daiq plai, hadai apaq ràu trùh cadèh taqne oh daq, dōq haq jah taji ka bài mangai hadròeh. **4** Apaq capoch brùaq, capoch blùng, capoch blia hrinh hrai, aih diq trong ùh troq, mahaq manè apôi Chuaq ma aih yi hnau. **5** Majah qmang aih, pì ep loq rameh: Mangai tanung tango, ùh hadròeh, mangai daiq plai, aih raq mangai

kùh waiq radua qmù kiác, wì aih ùh i cabô jah waq diác da Christ xam da Boc Plính. **6** Apa q đòeq mangai jiang bàu padô qnùt oh daq, taiq bài yiniq kô raq dài haq kan pandêh da Boc Plính majah hrôq ta nang noe ùh qnì iu. **7** Qmang aih, ùh dùh taqmùt dèh ti wì haq yac ka trong leq. **8** Nèh haq, oh daq oe raq ta kan clam cluiq, mahaq manêq kô khoe wìa mangai qngah qngai enh dalam ka Chuaq. Drah cadiang lam tiah kon da kan qngah; **9** majah qmang aih, plì da kan qngah aih oe ajang noè: broq trong lem, taq atôq xam kan joq qnàng. **10** Ti boq chaq trong leq ma lem ka manoh Chuaq. **11** Apa q taqmùt dèh yiniq broq ùh loh cleq da kan clam, mahaq xan ma anoe patô qnoh bài yiniq aih ma aih yi lem; **12** majah qmang aih toq ràu trùh biác wì ma broq ta clam, aih ji khoe camaih pi cajaq. **13** Mahaq rìm yiniq khoe jah anoe paqnoh ta qngah, aih diq khoe jah wìa kan qngah. **14** Dài haq majah khoe i bàu achih: “Mangai ma qnang kùì, drah rìu beq drah padinh yòng enh taqne bài mangai cachit aih èh Christ hi sreo qngah ka ìh.” **15** Qmang aih, khòh wèq ma rabiaq haq trong rìh acaq da oh daq, apaq broq ðeh tiah ka mangai blùng, mahaq tiah qmang mangai rabiaq. **16** Drah haqnan rìm jò ma taqnàih, majah qmang aih bài hì aih diq qmèq. **17** Qmang aih apaq wìa mangai blùng, mahaq ep loq manoh Chuaq ma enh. **18** Apa q bù ka alac, majah qmang aih alac broq ka pi wìa rìm trong, mahaq ep bình Yiang Hadrêh. **19** Hatêu ti dabau xi bàu calêu plính, calêu hadrêh, xam bàu calêu enh Yiang Hadrêh, rai diq ka manoh hu calêu manè apôi Chuaq. **20** Rìm trong diq ep canòm ka yiniq Chuaq Jesus Christ aih Chuaq da bèn, đòeq manè apôi Boc Plính, aih Baq bèn. **21** Drah iu crè ka Christ đòeq hu ta-iu dabau. **22** Mangai broq cadrì, ep iu tiaq deh ông qmang ka iu Chuaq, **23** majah qmang aih, ông aih gàu mai haq, i crài cleq ka Chuaq aih gàu da Tagop Hadrêh, Tagop Harêh aih chac da haq, èh haq aih Mangai ma dèch tagop hadrêh. **24** Qmang aih, tagop hadrêh iu enh qneq ka Christ qmang leq, rìm trong gucadrì hadai ep iu tiaq deh ông qmang aih. **25** Mangai broq ông, drah loq ha-och deh ka cadrì, tiah ka Christ khoe ha-och ka tagop hadrêh, cadac qmòe cla radeh am ka tagop aih, **26** đòeq broq ka tagop jah hadrêh, jò khoe yóc diác qnheo, haq yóc bàu broq ka tagop jah hliang hreo, **27** đòeq hu paqnoh kan qngah

qngai da tagop hadrêh, ùh i ka xit, ùh i ka habau, ùh i cleq ma hatiah qmang aih, mahaq hliang hadrêh pi i qmòe nòe hu cwò enh ngèa cla haq. **28** Hanoh qmang aih, ông ep loq waq deh ka mai qmang ka chac cla. Cabô loq waq dèh ka mai aih budàng loq waq deh ka cla diq. **29** Majah qmang aih, ùh lah i cabô git dèh chac cla, mahaq qmì palàng haq tiah ka Chirst broq ka tagop hadrêh diq, **30** majah qmang aih bèn kô diq hamenh oe ta chac haq. **31** Taiq ajang aih, gualô majah ep talah deh ka miq baq đòeq hu hatop deh ti mai, wa baiq ngai loh mòeq xech. **32** Kan hlep aih kàn haraya, mahaq aih au anoe trùh Christ xam tagop hadrêh. **33** Qmang aih rìm ngai oh daq ep ha-och dèh ka mai, mangai broq mai ep loq iu dèh ông.

6 Mangai broq kon! Ep iu tiaq bàu miq baq enh dalam ka Chuaq, aih trong matroq. **2** Ep i manoh loq ta-iu tamèt dèh miq baq (aih ranenh ma adroe, i bàu têu baha hatiaq ka aih), **3** đòeq ka ìh jah xôq ramot, jah rìh halính ta crông taneh. **4** Mangai broq baq! Apa q da khwàiq waq ka kon loh nêh, mahaq ep yóc kan loq hnài, loq bàt enh Chuaq đòeq hu wèq ban wì haq. **5** Mangai broq hapông, ep loq crè, ep yóc manoh hnhoj jang đòeq iu mangai ma broq cla cra q radeh oe ta crông taneh qmang ka iu tiaq Chuaq diq, **6** ùh xài iu toq enh ngèa haq, tiah ka wì chaq toq trong aluàn yóc manoh mangai qnoeq, mahaq ep tiah ka hapông da Christ, yóc manoh lem hu broq tiaq manoh Boc Plính enh. **7** Yóc deh manoh loq camet đòeq hu patìh dèh ka wì cra q, tiah ka patìh ka Chuaq, ùh xài qmang ka patìh ka mangai, **8** majah qmang aih yac ka mangai broq hapông, mangai broq cla cra q, mangai jah deh hra enh Chuaq tiaq tang yiniq ðeh ma khoe broq. **9** Oh daq ma broq cla cra q, pì hadai ep ngan deh hapông qmang aih diq, apa q ti hacam ka wì haq, majah qmang aih loq radeh kô xam wì haq hanoh pajùm mòeq ngai Cla cra q oe ta plính. Haq aih ùh loq waq tang ngai. **10** Pulùch aih, oh daq ep broq ka radeh jah hagau enh dalam ka Chuaq canòm ka padren xam cwàng itai da haq. **11** Drah padon wê bài ranac da Boc Plính, đòeq yòng ka cajap hu tablêq ka bài kan kiác. **12** Majah qmang aih, ùh xài bèn tablêq ka xech akia xam mahim, mahaq tablêq ka bài wèq cwàng, ka bài padren ùh xau hnoq xam cla cra q da crông taneh clam cluiq kô hloe bài kiác ngang dù ta

caqnàm plình. (aiōn g165) **13** Qmang aih, drah yǒc bài ranac da Boc Plình ðòeq ta hì clam cluiq, oh daq hlàt tablêq, trùh jò khoe blêq rìm yiniq, oh daq jah yòng cajap. **14** Drah yòng ma hagau, yǒc Bàu Joq qnàng broq caxi caqnàm, caxùnh kan taq atōq broq eo cađàm, **15** yǒc kan catèm da Bàu lem ma palauq qmòe ðòeq hu broq jai. **16** Ep yǒc tam manoh lùì ðòeq broq khian, ðòeq oh daq jah plah ðac bài rang ùnh da kiac dù. **17** Yǒc kan dèch claih broq cadoh, rai cadop wê chang da Yiang Hadròeh aih Bàu Boc Plình. **18** Yac ka jò leq dua canòm ka Yiang Hadròeh hu waiq khàn hu creo dang ka rìm trong, rìm yiniq. Yǒc kan ùh tagah lep ðòeq hu hamang trùh trong aih, rai hmàng waiq khàn am ðìq dǒng ka bài mangai hadròeh. **19** Hadai hmàng trùh au hu waiq khàn ka au ðìq, ðòeq jò au anoe, Chuaq am ka au bàu capoch ðôq au ùh hìaq yùq crè jò au anoe qnoh kan hlèp da Bàu lem, **20** taiq aih raq au ma jah wìa mangai wê bàu taqne caxi datoq, ðòeq au jah capoch ka hagau hagin̄h qmang ka au ep capoch. **21** Kô aih, enh ðôq ka pì oh daq jah loq mandeq kô au qmang leq, qnang broq cleq, i Tichico, oh daq ma haten hatìa, mangai hapǒng ðìq manoh ka Chuaq, haq aih èh hì taqmon hlài ka pì rìm yiniq. **22** Au khoe thê haq lam, waq ka oh daq loq nhèn mandeq kô qmang leq cadèh, ðòeq hu alòng oh daq. **23** Waiq ka oh daq jah kan catèm, kan loq waq, jah manoh lùì enh Boc Plình aih Baq, enh Jesus Christ aih Chuaq bèn. **24** Kan tabàih dech oe ðìq ti oh daq aih bài mangai ma khoe yǒc manoh ùh taclah ðòeq loq waq ka Chuaq Jesus Christ aih Chuaq bèn!

PHILIP

1 Phaulô xam Timôthê, hapông da Chuaq Jesus Christ, achìh ka ñìq ñồng mangai hadròeh da Chuaq Jesus Christ oe ta Philip, hloe xam ka mangai wèq tagop xam bài mangai patìh: **2** waiq oh ñaq jah kan catèm jah kan tabàih dech enh Boc Plình aih Baq bèn hloe xam enh dalam ka Chuaq Jesus Christ! **3** Jò hmàng trùh oh ñaq, au hi manè apôi Boc Plình au, **4** èh rìm yàng leq waiq khàn ka oh ñaq, au toq waiq khàn xi manoh lem bùi, **5** majah qmang ai enh baxèm trùh manòeq, oh ñaq khoe jah pajùm ta kan yòng kàn da Bàu lem enh aih trùh manòeq; **6** au loq qmòe rameh: Mangai ma khoe broq yiniq lem enh dalam oh ñaq, aih èh haq broq waq ka gèh trùh ta hi da Chuaq Jesus Christ. **7** Au hèm trùh ñìq ñồng oh ñaq, qmang aih troq, majah qmang aih oh ñaq oe ta manoh cìac au, yac ka oe taqne caxi ñatoeq wì ma kàt au, yac ka jò au capoch cwaih ñađeh rai anoe Bàu lem, aih oh ñaq hadai i pajùm ta kan tabàih dech Boc Plình ma am ka au. **8** Boc Plình wiang panhìn au yóc manoh loq waq da Chuaq Jesus Christ ñoèq hu loq waq ka oh ñaq. **9** Qnah hòm, biac au creò ñang jò waiq khàn, aih broq qmang leq manoh loq waq da oh ñaq rai èh rai bàc oe enh dalam kan rabiaq xam kan hèm loq, **10** ñoèq hu loq hadro ngan trong leq ma yeo lem, ñoèq oh ñaq jah hliang hreo pì i qmòe ka ñoè leq hu cwò ta hi da Christ, **11** jah bình bauq plì taq atòq loh enh Chuaq Jesus Christ, ñoèq hu broq qngah rai manè apôi Boc Plình. **12** Manòeq kô, au enh pì oh ñaq loq, biac au qnang glàm manòeq kô khoe wiang broq ka Bàu lem jah chàc yi hangai. **13** Jaq ñìq ñồng bài lình ma wèq ta hnim hadrah xam wì qnoeq ñìq jah loq au tiaq Christ ñài wì ma jah yóc caxi ñatoeq kàt au qmang kô. **14** Bàc ngai ta oh ñaq hnoq jò au qnang oe qne caxi ñatoeq qmang kô, kiang wì haq i tam manoh lùì yeo bàc hòm enh dalam ka Christ, hùà lam anoe trong da Boc Plình ùh lòm yùq qmòe cleq. **15** Joq, i qnah ngai taiq manoh tajênh tagrìn ñài wì haq majah lam anoe hnài mangai qnoeq loq ka Christ, mahaq hadai i mangai yóc manoh lem ñoèq hu lam anoe. **16** Bài mangai ma atìq kô broq xam manoh loq waq, wì loq Boc Plình khoe ñì au ñoèq hu wiang paqnhrang Bàu lem. **17** Da bài wì ma adroe tau, taiq kan plai, kan amùc toq ka ñađeh, ùh ñìq ka manoh, xoh ñèh

canau tam ka au kan xalep. **18** Mahaq ùh troq cleq! Yac ka qmang leq, yac ka patiah, yac ka joq qnàng, yiniq da Christ ñua khoe jah lam anoe, aih iq ñài manòeq kô au qnang lem bùi, khoe aih oe raq lem bùi hòm. **19** Majah qmang aih au loq, canòm ka oh ñaq waiq khàn xam canòm ka Yiang Hadròeh da Chuaq Jesus Christ wiang ti au, biac aih èh broq ka au rênh jah caqnaih. **20** Au cajap manoh lùì qmang aih, yac ka trong leq ñua au ùh i camaih cleq, mahaq jò leq tiah ka jò leq, rìm trong au ùh i crè cleq ka anoe, qmang aih, yac ka au rìh yac ka au cachit, ñua Christ jah qngah ta chàc au. **21** Majah qmang aih, Christ aih kan rìh da au, cachit aih kiang yeo troq ka au. **22** Patiah haq, au oe rìh yôt ta chàc kô, aih i lòeq tam ka yiniq au broq, ñài au ùh qnì rài trong leq. **23** Au rahnhua taqne, enh lam oe ti Christ, aih ma yeo troq, **24** mahaq au oe raq ta chàc kô aih nhet ka pì. **25** Au lùì qmang aih, au loq ñađeh kô èh oe raq ti pì oh ñaq, ñoèq wiang broq ka oh ñaq jah lem bùi, jah kàn tam manoh lùì; **26** ñoq jò leq au trùh hòm ti pì oh ñaq, pì oh ñaq jah yóc au hu broq nen ñoèq jah catèh ñađeh yôt enh dalam ka Chuaq Jesus Christ. **27** Toq rameh raq, oh ñaq ep acaq oe ma tajì ka Bàu lem da Christ, ñoèq yac ka jò au trùh hmài h ka oh ñaq, yac ka jò au arù, ñua au jah loq oh ñaq moèq manoh yòng cajap ti dabau, moèq manoh ñoèq hadai wiang paqnhrang manoh lùì da Bàu lem, yac ka trong leq ñua apaq ñoèq ka mangai ma tablêq ka oh ñaq taqnhrùq ñađeh: **28** Aih raq ñoè hu patò wì aih èh hnhung lùch, mahaq oh ñaq jah ñèch, bài yiniq aih trùh enh Boc Plình, **29** enh dalam ka Christ, Boc Plình am ka oh ñaq xôq ramot, ùh xài ñoèq toq hu lùì haq hi ñìq mahaq ñoèq oh ñaq wiang chiùq xalep ti haq, **30** aih èh pì oh ñaq hadai ep wiang chiùq kan tabroq tablêq qmang ka pì ma qnang hnoq, qnang hia ajang au manòeq.

2 Qmang aih, enh dalam ka Christ tàng loq i cleq hu alòng dabau, tàng enh manoh loq waq loq i cleq ñoèq wiang ñèch dabau, loq i cleq axong ka dabau enh dalam Yiang Hadròeh, tàng loq i manoh loq ha-och xam kan tamèt, **2** pì oh ñaq khòh mòeq bàu ti dabau, hadai qmòeq kan loq waq, hadai pajùm mòeq ta Yiang Hadròeh, qmang aih broq ka au jah lem bùi hi gèh. **3** Apaq broq cleq enh manoh tajênh, toq bang tàng ùh loh cleq, mahaq loq hamon ñađeh,

ngan mangai qnoeq yeo haqnhèq ka rađeh. **4** Rìm ngai ta oh daq apaq enh jah toq ka rađeh mahaq ep ngan lòeq ka wì qnoeq diq. **5** Drah hadai i mòeq manoh tiah ka Christ ma khoe i, **6** Haq daq adàng ka Boc Plinh enh baxèm raq, mahaq ùh ngan kan daq adàng ka Boc Plinh aih biac ep rùp ka cajap, **7** cla haq raq khoe cađac rađeh, yóc chac da mangai hapông, ðòeq wia kon mangai. **8** Haq khoe rih tiah ka mangai, haq paqnoh rađeh ka haqneq, iu bàu trùh ma cachit, mech cachit qmòe talong pagat. **9** Dài aih raq, Boc Plinh majah khoe dèch haq ka haqnhèq, am ka haq yiniq yeo haqnhèq dồng ka yiniq ma qnoeq, **10** waq toq hi tàng yiniq Chuaq Jesus, rìm toq cràng ta tróc, ta taneh, enh qneq ka taneh, diq dồng ep hacùn, **11** rìm toq rapet diq creo ka Chuaq Jesus Christ aih Chuaq, rai dèch kan ranhòm ka Boc Plinh aih Baq. **12** Qmang aih, yôiq oh daq da au ma loq waq deh, tiah ka pì khoe iu yôt bàu au, ùh xài toq jò au i mat ta qmat, mahaq manòeq kô jò au arù, thê ùh hnau ka aih hòh, yóc manoh yùq crê tarit ðòeq hu broq kan dèch claih ka cla. **13** Majah qmang aih Boc Plinh tamèt ta manoh cliac oh daq rai enh rai broq tiaq manoh lem haq. **14** Yac ka broq cleq apaq rangòt rai mumùc, **15** ðòeq oh daq rih taqne nang noe ngang dù kô, jah wia kon da Boc Plinh, ùh i ka xit, ùh i habau, ùh i nòe leq ðòeq hu cwò, taqne nang noe aih, oh daq wèq Trong kan rih, sreo qngah tiah ka hadreo ta crông taneh; **16** ðòeq trùh hì da Christ, au jah catèh khoe ùh hiaq qngwan ka rađeh ma cadàu, ùh qngwan ka ðeh ma xalep. **17** Yac ka mahim au, ep pùc enh qnhèq ka ramènh tadreo xam bài dahwèq enh manoh lùì da oh daq, dua manoh au lem bùì, rai lem bùì pajùm ti oh daq. **18** Oh daq hanoh lem bùì trong aih, rai lem bùìti au. **19** Au ngèh enh dalam ka Chuaq Jesus, drah thê Timôthê rênh lam ta oh daq, ðòeq au jah loq pì oh daq qmang leq, dōq manoh au jah catèm. **20** Joq qnàng, au ùh i ka cabò ma tiah ka haq aih mòeq manoh ti au ðòeq diq ka manoh wiang patih ka pì oh daq; **21** mangai leq mangai meh, chaq waq ka jah toq ka rađeh, ùh chaq ka Chuaq Jesus Christ. **22** Mahaq oh daq loq haq aih mangai ùh tablòq manoh, haq khoe pajùm manoh wiang patih ka Bàu lem ti au, tiah qmòe kon oe deh ti baq. **23** Aih iq, au majah enh rênh thê haq lam ta oh daq, jò au bu loq ka rađeh kô èh qmang leq; **24** enh dalam ka Chuaq cla au lùì dèh qmang kô hòh: cla au hadai jah rênh trùh.

25 Mahaq manòeq kô, au hèm au ep thê Êpha-Phôđit hlài ta oh daq, haq aih hadai oh daq au, mangai abroq pajùm ti au, mòeq bua ka au haq aih mangai wê bàu, mangai oh daq khoe thê haq trùh hu patih am yiniq cleq au qnang nan. **26** Majah qmang aih, haq toq tangèh jah glàm diq dồng ka pì oh daq, haq toq mangò, majah qmang aih haq tàng doe pì oh daq khoe loq ka haq ùh hróc. **27** Joq qnàng haq ùh hróc ten cachit, mahaq Boc Plinh khoe ha-och ka haq, èh ùh xài toq ka haq mahaq khoe xam ka au, ðòeq au ùh hiaq khoe mangò loh tam ka mangò hòh. **28** Qmang aih au khoe thê haq drah lam, dōq oh daq hnoq haq oh daq hujah manè, au hadai jah yeo ka mangò. **29** Qmang aih oh daq khòh yóc diq ka manoh lem bùì, hu ðih mangai ta Chuaq, thê pì i manoh loq ta-iu ka bài mangai qmang aih; **30** majah qmang aih, taiq patih ka Christ dài haq majah hwaq cachit, haq pi dèh ðèm qmòe dèh kan rih, ðòeq hu akop hlài bài yiniq oh daq ma khoe ùh jah wiang ka au.

3 Yeo loe ka aih hòh, oh daq drah lem bùì enh dalam ka Chuaq, au ùh i cleq ma ep hòq jò achih tam bài yiniq kô ka pì oh daq, majah qmang aih ðòeq wèq dōq pì jah catèm. **2** Ep ngan loq i bài koq, ep ngan loq i bài mangai patih ngang dù, ep ngan ramènh kat akia patiah. **3** Majah qmang aih, bèn kô mangai broq ramènh kat akia joq qnàng, aih taiq bèn canòm ka Yiang Haròeh da Boc Plinh ðòeq hu patih ka Boc Plinh, catèh ðađeh toq enh dalam ka Chuaq Jesus Christ, qnhòq lah hmaq canòm ka xech akia jò leq. **4** Qmang aih, ùh xài au ùh i ka nòe hu catèh rađeh ta xech akia kô. Tàng joq mangai qnoeq xoh rađeh kô i nen hu catèh tiaq xech akia kô, au kiang ma yiloe ka aih! **5** Ha-uang bu rahem hì au khoe broq ramènh kat akia, au kô mangai Isorali, nang noe da Bêjamin, mangai Hêbru, kon da mangai Hêbru, tiaq ranenh, au mòeq bua ka mangai Pharisi; **6** tiaq kan panim nhet, au kô mangai ti rùp Tagop Hadròeh, tiaq trong ranenh au kô taq atōq ùh i ka nòe cwò. **7** Mahaq, taiq Christ au ngan trong i lòeq aih, budàng kan qngwan diq. **8** Au hadai ngan rìm yiniq, budiang kan qngwan, majah qmang aih, jah loq ka Chuaq Jesus Christ aih ùh hnau dồng ka yiniq qnoeq, Haq aih Chuaq au, au hadai pi adènh rìm trong ma i lòeq aih, ðòeq hu tiaq haq. Joq, au hnoq bài yiniq aih budàng bài aròm, ðòeq au jah Chuaq

Jesus Christ 9 hujah oe enh dalam ka haq, jah qmang aih ùh xài canòm kan taq ataq cla au jah enh ranenh, mahaq taiq au lùì Chuaq Jesus Christ, aih kan taq ataq enh Boc Plinh khoe jah paqnàng enh qnhèq ka manoh lùì; 10 dôq au jah loq ka haq, loq cwiàng itai kan rih hlài da haq, jah pajùm kan xalep ti haq, broq ka au jah tiah ka haq ta kan cachit haq, 11 au ngèh rađeh jah rih hlài enh mangai cachit. 12 Anoe aih ùh xài au khoe jah bài yiniq kô, hanoh ùh xài au khoe trùh ta kan gèh geo, mahaq au qnang cadâu waq ka jah bài yiniq aih, majah qmang aih, cla au kô khoe jah Chuaq Jesus Christ dùng yôc. 13 Au anoe ka pì oh daq, cla au kô, au ùh hèm đeh khoe jah clech trùh nòe, 14 mahaq dua au broq deh mòeq trong raq: hèt đac đổng bài yiniq enh rù, đòeq cadâu tiaq yiniq enh ngèa, dôq hujah yôc kan baha enh Boc Plinh oe ta plinh khoe creò ka au enh dalam ka Chuaq Jesus Christ. 15 Qmang aih, đìq ka bèn mangai ma khoe kàn gèh, ep i manoh aih, tàng joq oh daq hèm trong qnoeq, dua Boc Plinh yôc trong kô raq đòeq sreo qngah ka oh daq. 16 Toq rameh raq: bèn khoe jah pang maneh leq, bèn hadai ep lam qmang aih. 17 Manđeq kô pì oh daq, drah top dua au rai ngan bài mangai rih acaq tiaq dua oh daq ma hnoq taqne nhèn. 18 Majah qmang aih, au khoe anoe yôt ka oh daq, manđeq kô au rai hmoe rai anoe hòm: bàc ngai rih tiah qmòe ka mangai tagit ka long pagat da Christ. 19 Atìq pulùch da wì haq aih cachit nhnhung, wì yôc dèh cliac broq bùa cla wì haq, yôc deh kan camaih broq kan rahù, hèm toq trong ta crống taneh kô. 20 Mahaq bèn kô mangai da diac plinh, enh aih bèn ma tangèh gòm dèh Mangai dèch bèn aih Chuaq Jesus Christ, 21 Haq broq ka chac mac ùh nèn da bèn wìh wìa tiah ka chac mac ranhòm da haq, wop tiaq cwiàng itai da haq khoe i đòeq broq rìm yiniq ep iu tiaq.

4 Manđeq kô, đìq đổng pì oh daq, aih bài mangai au đìq jaq loq waq dèh enh nèn, pì aih kan lem bùi da au, cadoh ranhòm da au, pì ep yòng ma cajap enh dalam ka Chuaq oq. 2 Au pariaq Êvôđi xam Santicô ep mòeq manoh ta Chuaq. 3 Joq au anoe dèh ka ìh, mangai bua joq qnàng da au, ìh wiàng ti wa baiq ngai gucadri aih đìq, majah qmang aih wa aih hanoh khoe wiàng xalep ka Bàu lem ti au xam Côleman, xam bài bua bèn maqnoeq, aih la bài mangai yiniq wì haq khoe jah achih ta hset kan rih. 4

Drah lem bùi yôt ta Chuaq. Au anoe hòm: drah lem bùi beq! 5 Dôq rìm ngai jah hnoq kan loq bùi da oh daq. Chuaq khoe haten. 6 Ùh dừh lèt dèh, mahaq tarim trong yôc bàu waiq khàn, creò dang, xam kan manè apôì đòeq hu dèch bài yiniq rađeh ma enh waiq dang Boc Plinh. 7 Kan catèm da Boc Plinh yeo haqnèq ka rìm trong bèn ma loq, jah wèq cliac manoh oh daq enh dalam ka Chuaq Jesus Christ. 8 Pulùch aih, yôi yôiq đìq đổng ka oh daq, trong leq ma joq qnàng, trong leq khòh padèch, trong leq khòh manè, trong leq taq ataq, trong leq lem hreo, trong leq khòh waq, trong leq i bàu lem, trong leq ma tajì, aih pì oh daq ep hèm trùh. 9 Trong leq oh daq khoe hóc khoe jah, khoe tàng, khoe hnoq ajang au, broq beq, aih èh Boc Plinh da kan catèm hi oe ti oh daq. 10 Enh dalam ka Chuaq au jah lem bùi haraya, majah qmang aih manđeq kô oh daq khoe hmàng trùh au hòm, trong aih dua oh daq khoe hèm trùh yôt, mahaq qnhòq glàm jò hu paqnoh. 11 Ùh xài au enh anoe dèh qnang nan, majah qmang aih, au khoe axràm yac ka glàm qmang leq, manoh au dua lem bùi. 12 Au loq rih jò ma dahènh, hadai loq rih jò ma tàu tia. Rìm trong, rìm nòe au đìq axràm, yac ka panàc yac ka pangot, yac ka i rah yac ka ùh, dua ùh troq cleq. 13 Au broq jah rìm yiniq aih canòm ka Chuaq tam padren ka au. 14 Mahaq oh daq khoe wiàng hanò ka au jò nan no, aih raq khoe broq biàc lem. 15 Đìq ka oh daq oe ta Philip, pì hadai loq jò au baxèm hnài Bàu lem, jò au loh khoe ka Maxêdoan, enh gùng ka Tagop Hadròeh da pì, aih ùh i Tagop leq waq taqmùt ti au, đòeq hu wiàng nhnu am qmòeq cleq; 16 majah qmang aih, jò au oe raq ta Têsalônica, oh daq khoe mòeq baiq yàng gòe aràng dahwèq au ma qnang nan. 17 Anoe aih, ùh xài au ngèh ka dahwèq, mahaq au ngèh enh dahwèq aih oh daq jah loh pì yeo bàc hòm. 18 Qmang aih, manđeq kô au khoe jah tòm taih, qnang ùh đìq ùh dài, au khoe tàu tia, majah qmang aih au khoe jah đổng dahwèq pì gòe aràng ka au ajang Êpbaphôđit tiah qmòe kan xua thùm, aih la ramènh Boc Plinh ma khoe òi rai lem manoh. 19 Èh Boc Plinh da au, broq ka oh daq jah tàu tia rìm yiniq oh daq ma nhèt ka waq wop tiaq kan padròng da haq oe tanòe ranhòm enh dalam ka Chuaq Jesus Christ. 20 Waiq kan ranhòm hlài đìq ta Boc Plinh, aih Baq da bèn mòeq đòeq ùh lùch! Amen. (aiôn g165) 21 Au i bàu hmàih ka đìq đổng mangai hadròeh

da Chuaq Jesus Christ, oh daq qnang oe pajùm
ti au hadai tanap bàu hmàih trùh oh daq. **22**
Dìq dǝng mangai hadròeh gùng kô hadai i bàu
hmàih ka oh daq, bài mangai oe ta hnim Sêsa
aih kiang ma yeo nhet. **23** Waiq kan tabàih da
Chuaq Jesus Christ jah oe ta dalam oh daq.

CÔLOSE

1 Phaulô tiaq manoh da Boc Plinh enh, jah
creo broq mangai tiaq cla da Chuaq Jesus
Christ xam Timothê aih oh daq bèn, **2** achih ka
oh daq bèn ma oe ta Cólôse aih ka bài mangai
hadròeh rai ùh tablòq manoh ta Chríst, waiq
kan tabòeh dech xam kan catèm enh Boc pl ình
aih Baq bèn trùh ta oh daq **3** Jò waiq khàn am
ka oh daq, nhèn ùh hêq ka manè apôi Boc pl ình
aih Baq da Chuaq Jesus Christ bèn. **4** Majah
qmang aih nhèn khoe hì trùh manoh lùì da
oh daq ta Chuaq Jesus Christ xam manoh oh
daq loq waq ka mangai da Boc pl ình, **5** manoh
xam kan loq waq aih plòh loh enh kan tangèh
ma khoe padon òeq ka oh daq ta pl ình, aih la
bài yiniq enh adroe kô nêh oh daq khoe canòm
ka trong Bàu lem joq qnàng òeq canau loq. **6**
Trong Bàu lem aih khoe trùh ta oh daq, hanoh
qmang aih diq trong Bàu lem khoe caqmon loh
pli rai yòng kàn jàp ta cởng taneh. Patep pang
hì oh daq khoe jah tàng kan tabàih dech da Boc
Plinh rai hóc waq ka jah loq qmòe ka joq qnàng
kan tabòeh dech aih. **7** Wop qmang ka Êphapra
aih mangai abroq qmoeq qmang ma haten hatia
ti nhèn khoe hnài oh daq, haq wiang ka nhèn
qmang ka mangai patih ùh tablòq manoh ka
Christ. **8** Haq hadai khoe anoe ka nhèn loq
manoh loq waq da oh daq ma khoe chiuiq enh
Yiang Hadròeh. **9** Aih iq, nhèn hanoh qmang
aih, patep pang hì nhèn hia trùh oh daq, nhèn
ùh hêq ka waiq khàn am ka pì. Nhèn waiq Boc
Plinh ùc bình ka oh daq kan rabiaq loq trong
manoh haq ma enh, tiaq ajang kan rabiaq kan
loq da Yiang Hadròeh am. **10** Òeq oh daq rìh
acaq ma tajì ka Chuaq, jah lem manoh haq rìm
trong, loh rìm yiniq broq lem, èh rai yòng kàn
ta kan loq ka Boc Plinh, **11** canòm kan i cwiàng
itai ranhòm da haq, jah padren rìm trong, òeq
oh daq i kan loq kêm dràng àt bàc trong. **12**
Rai dèch kan manè apôi am ka Baq, aih mangai
ma khoe broq ka oh daq tajì ka jah kùng hang
ti bài mangai hadròeh ta diac qngah qngai. **13**
Haq khoe paclaih bèn loh khoe ka cwiàng da
kan clam cluiq, broq ka bèn jah qnhac atóc ta
diac Kon haq ma diq jaq loq waq dèh, **14** enh
dalam Kon aih bèn i kan baxon dèch, aih la kan
caqnaih yiniq lui. **15** Haq aih raq dua qmù da
Boc Plinh ùh jah hnoq, aih la Mangai i adroe
dông ka rìm yiniq ma khoe jah broq loh. **16**

Majah qmang aih rìm yiniq diq khoe jah broq
loh enh dalam ka haq, yac ka ta tróc yac ka ta
taneh, ngè xau hnoq ngè ùh xau hnoq, yac ka
bùa, yac ka bài cla craq, bài wèq cwiàng, rìm
yiniq diq khoe jah broq loh enh dalam ka haq
rai òeq ka haq. **17** Haq i adroe ka rìm yiniq èh
rìm yiniq yòng cajap enh dalam ka haq. **18** Èh
hadai Haq aih raq gàu da chac hamac, aih la gàu
da Tagop Hadròeh. Haq la baxèm la kon ramua
da bài mangai rìh hlài enh kan cachit, òeq
ta rìm yiniq haq yòng qmòe adroe. **19** Majah
qmang aih Boc Plinh khoe bùì manoh broq rìm
yiniq ma bình bauq ta rađeh jah oe ta haq, **20**
èh xi mahim haq talong pagat, khoe jah broq
loh kan hatroq, òeq rìm yiniq ta taneh ta troc
diq canòm ka haq òeq jah hatroq ka cla Boc
Plinh. **21** Da oh daq hòm hì adroe nêh hangai ka
Boc Plinh, manoh tablêq hlài ka haq ajang nòe
trong dù da rađeh ma broq, **22** mahaq manòeq
kô Boc Plinh khoe canòm kan cachit da Kon
haq ma khoe chiuiq ta chac hamac xech akia
òeq broq oh daq hatroq, òeq broq oh daq jah
hadròeh yòng enh ngeà haq, ùh i ka xit, ùh i ka
nòe hu cwo; **23** waq toq oh daq cajap manoh lùì
Chuaq ùh talùì ùh talic enh kan tangèh khoe
jah anoe qnoh xi trong Bàu lem oh daq ma khoe
jah tàng, aih la trong khoe jah anoe qnoh taqne
rìm yiniq jah broq loh ta caqnàm pl ình, hloe
xam au, Phaulô, la mangai patih ka trong aih.
24 Manòeq kô au lem bùì ta kan xalep dèh ma
khoe jah patih ka oh daq, pàng Tagop Hadròeh
aih la chac da Christ, dài au majah yóc deh
chac hamac òeq pòq wê rìm yiniq ma oe i
ta kan xalep da haq. **25** Au broq mangai patih
ka Tagop Hadròeh aih tiaq bàu Boc pl ình ma
khoe taqmroq axong, aih la Mangai khoe thê au
anoè hnài trong Chuaq ka oh daq ma gêh geo,
26 aih la kan hlèp ma khoe cadoc enh qnhòng
calah nêh, yàng manòeq kô khoe jah paqnoh ka
mangai da Boc pl ình. (aiôn q165) **27** Majah qmang
aih Boc Plinh khoe raih wì haq òeq broq ka
mangai diac wì jah loq kan padrông ranhòm
da kan hlèp aih. Aih la Christ oe qne oh daq,
aih raq kan tangèh trùh ta kan ranhòm. **28** Haq
aih raq nhèn ma anoe, yóc rìm kan rabiaq òeq
pariaq rìm ngai, hnài rìm ngai, òeq paqnoh
rìm ngai jah geo lem enh dalam ka Christ enh
ngeà Boc Plinh. **29** Aih iq raq dài au ma abroq,
canòm ka padren haq wiang òeq hu tablêq aih
la padren qnang abroq i cwiàng ta au.

2 Au enh oh daq loq dăng leq cadêh au khoe diq jaq tablêq am ka oh daq, ka mangai ma oe ta laodixê xam ka wì oh daq ma ùh hnoq hadrò au, **2** dôq manoh wì aih jah prarông hujah pajùm mỏeq ta kan loq waq, ðõe q tangeà trùh ta kan qnì loq tôm taih ùh diq ùh dài ka cajap cajinh, loh qmòe ka jah loq kan hlèp da Boc Plinh, aih la Christ, **3** enh dalam haq khoe cadoc hlèp rìm hang ma canaq da kan rabiaq, qnì loq. **4** Au doe qmang aih, dôq ùh hiaq i cabô yõe bàu padô ðõe q hu qnùt oh daq. **5** Majah qmang aih yac ka chac au hangai, mahaq mahua yiang au dua oe ti oh daq, hnoq oh daq oe ti dabau i xèm goe rai cajap manoh lùl trùh Christ, aih joq au bùi raya. **6** Oh daq khoe lùl Chuaq Jesus Christ qmang leq, drah cadiang lam enh dalam ka haq qmang aih; **7** drah grap riah rai bìn xèm enh dalam ka haq, yõe manoh lùl broq ka cajap, tiaq qmang ka oh daq ma khoe jah hnài rai ùh diq ùh dài ta kan manè apôi. **8** Ngan oq, apaq dôq wì yõe bàu atac rabiaq xam bàu dech, tiaq bàu taqmon da kon mangai, ranenh da qnhông kô, ùh tiaq trong da Christ, ðõe q rùp oh daq iu tiaq. **9** Majah qmang aih enh dalam ka Christ khoe tôm yiang da Boc Plinh tiaq gleq i qmòe chac. **10** Êh hòm enh canòm ka Christ oh daq khoe jah trùh ta kan tàu tia, majah qmang aih haq aih raq gàu da rìm cwiang xam rìm padren dêh. **11** Oh daq hadai chiùq kat akia enh dalam haq, ùh xài kat akia enh ti kông kon mangai, mahaq ramênh kat akia da Christ, aih la lèh cadac kon mangai dùnh. **12** Oh daq khoe jah catùh ti haq xi ramênh baptem, aih hadai jah rìh hlài ti haq xi manoh lùl ta cwiang itai Boc Plinh, aih la mangai khoe broq ka haq rìh hlài enh kan cachit. **13** Jò oh daq khoe cachit dèh ka yiniq lui radeh xam xech akia ma ùh kat akia, aih Boc plinh khoe broq ka oh daq jah rìh hlài ti Christ, majah qmang aih khoe lèh caqnaih dồng da bèn yiniq lui. **14** Haq khoe xùt ðac jàiq dèh achih ðõe q hu tablêq ka bèn xam bõe ranenh ma pagau ka bèn, hit hloe jàiq dèh aih rai tiang ðinh talong pagat. **15** Haq khoe caqnih ðac bõe cwiang ma broq gàu, xam bõe padren dêh, yõe long pagat ðõe q blêq wì aih rai patô qnoh dôq ka mangai hnoq ðeh hra ta phù crông. **16** Qmang aih paq i cabô hadrah oh daq trong acaq ôq, tàng ùh meh hì ramênh, hì khê neo, hì Sabat, **17** aih diq qmù da yiniq ma padon trùh, chac aih oe ta Christ. **18** Apaq ðõe q bõe wì tau atùng yõe da oh daq kan baha, aih la

bài mangai enh patiah ðeh kô ùh qnhêq qneq mahaq enh kùh waiq bình plinh. Wì haq tiaq bài trong ðeh hnoq, xam kan daiq da xech akia wì haq loh ka padêch radeh ùh loh cleq, **19** ùh i hatop ka gàu, canòm ka gàu aih diq ka chac men jah taqmroq hatop xi bài atap, jah kan yòng kàn enh Boc Plinh. **20** Tàng joq oh daq hadai cachit ti Christ khoe jah claih ka ranenh da kon mangai, aih hagleq majah oe dôq bài yiniq kô panan radeh tiaq taiq ka oh daq oe rìh tiaq crông taneh kô. **21** Ùh khòh wê, ùh khòh liah, ùh khòh bèq? **22** Diq ka bài yiniq aih waq toq hi troq aih hi loh ka raliang tiaq bàu da kon mangai ma hnài, **23** yac ka enh gùng aih hnoq tiaq gleq rabiaq, aih la kùh waiq tiaq ðeh manoh cla, ùh qnhêq qneq rai baxa dèh chac hamac, yàng ùh i jah cleq ðõe q hu tablêq ka trong xech akia ma enh.

3 Qmang aih tàng joq oh daq jah rìh hlài ti Christ, drah chaq bài yiniq oe ta plinh, aih noè Christ haqngui enh qma Boc Plinh. **2** Drah tangèa manoh ta bài yiniq oe ta plinh, apaq ngèa manoh ta bài yiniq oe ta crông taneh, **3** majah qmang aih oh daq khoe cachit kan rìh dadeh khoe jah cadoc ti Christ oe ta dalam Boc Plinh. **4** Jò leq Christ aih kan rìh da oh daq hi trùh, jò aih èh oh daq hadai jah trùh ti haq ta kan ranhòm. **5** Qmang aih, drah broq dôq haq cachit bài yiniq da crông taneh kô oe ta chac oh daq, aih la trong taqnung tango, ùh hruah, manoh loq ònh, enh trong qmêq, daiq plai, daiq plai ùh crài cleq ka kùh waiq radua qmù: **6** taiq bài yiniq aih Boc Plinh majah caqnih kan nòeh ka wì kon ma ùh iu; **7** adroe nèh oh daq rìh ta bài kan qmêq aih rai acaq oe qmang aih. **8** Mahaq mandeq kô ep cadac dồng bõe yiniq aih, aih la kan nòeh, kan mahau xam kan dù. Apaq capoch troq cabô, ùh dùh i mỏeq nà brùaq loh enh bàu oh daq. **9** Apaq qnùt dabau majah qmang aih khoe lèh ðac kon mangai dùnh xam yineq broq da haq, **10** ðõe q caxùnh yõe mangai neo aih la mangai qnang wìh wìa neo tiaq dua da Mangai ma broq loh haq aih, ðõe q hujah trùh ta kan loq gêh geo. **11** Tacô pi i ka mangai Gorec, mangai Juda, mangai khoe kat akia, mangai dù, mangai Sythe, mangai broq hapông dic, mangai broq cla, mahaq Christ aih rìm yiniq ta rìm yiniq. **12** Qmang aih oh daq la mangai khoe jah ràihi da Boc Plinh, mangai hadrèh haq ma diq jaq loq waq dèh, thê i

manoh loq ha-och. Drah sráp yóc kan loq waq, kan alàng, loq hamuan, khun khauq, 13 tàng cabô taqne oh daq i cleq ùh troq ka dabau, aih thê taqnùh ka dabau rai lêh caqnaih yiniq lui ka dabau: Tìah ka Chuaq ma khoe lêh caqnaih yiniq lui ka oh daq qmang leq, oh daq hadai caqnaih yiniq lui ka dabau qmang aih diq. 14 Mahaq enh qnhèq diq đồng ka bài yiniq aih, ep caxùnh yóc kan loq waq, aih la caxi achauq bài kan lem geo. 15 Drah ðòeq kan catèm da Christ wèq ta manoh oh daq, oh daq hadai khoe jah creo trùh ta kan catèm aih oe ta mòeq chac, drah paqnoh manoh loq manè apôi. 16 Drah ðòeq bàu da Christ bình bauq taqne oh daq ðòq oh daq ùh ðiq ùh dài ta kan rabiaq. Drah yóc calêu plính, bài calêu hadrèh, calêu enh Yiang Hadrèh ðòeq hnài rai pariaq dabau, pàng khoe jah bình kan tabàih dech enh haq dài oh daq majah ep ðiq ka manoh calêu manè apôi Boc Plính. 17 Yac ka oh daq capoch yac ka oh daq abroq, ðiq ep canòm ka yiniq Chuaq Jesus ðòeq hu broq rìm trong, canòm ka haq ðòeq manè pôi Boc Plính, aih la Baq. 18 Bài mangai broq mai, drah iu tiaq deh ðng, qmang aih tajì troq ta Chuaq. 19 Bài mangai broq ðng, ep loq waq deh ka mai, apaq hadrùq hadriang ka wì haq. 20 Bài mangai broq kon, rìm trong ep iu tiaq miq baq, majah qmang aih trong aih lem ka manoh Chuaq. 21 Mangai broq baq ùh ðùh jròq chiu ðòq deh kon nòeh, yùq èh wì haq loq tagah tagôi ta manoh. 22 Bài mangai broq hapông, ta rìm trong ep loq iu tiaq bàu ðèh cla craq ta qnhòng kô, ùh xài patìh toq enh ngèa wì haq qmang ka mangai enh aluàn yóc manoh wì, mahaq jao manoh iu yùq ka Chuaq, ep patìh xi manoh hnhuh jang. 23 Yac ka broq cleq dua ep ðiq ka manoh hu broq, tìah broq ka Chuaq ùh xài broq ka kon mangai, 24 majah qmang aih ep loq rameh ðèh kô èh jah kùng hang baha enh Chuaq. Oh daq qnang broq hapông ka Christ aih Chuaq. 25 Majah qmang aih cabô broq trong qmèq haq aih jah patem hlài trong qmèq ðèh ma khoe broq, ùh rong cabô.

4 Bài mangai ma broq cla craq, drah aràng am kan taq atoq hnhuh jang ðèh ka bài hapông, majah qmang aih oh daq loq ðèh hadai i mòeq ngai Cla craq oe ta plính. 2 Ep cajap manoh rai loq hmàng trong waiq khàn rai ep tam kan manè apôi. 3 Hadai waiq khàn am ka nhèn, ðòeq Boc Plính pèch qmang ka trong bàu nhèn

anoe hnài, qmang aih nhèn jah anoe qnoh kan hlèp da Christ, jao aih raq au majah oe qne caxi ðatoeq. 4 Waiq khàn ðòeq au jah anoe ka hloh kan hlèp aih, troeq au ep anoe. 5 Ep rabiaq ta trong pì acaq oe ti wì enh gùng, waq toq jò bu taqnàih. 6 Bàu da oh daq ma capoch tuàng jò leq xu ep bình kan la alàng, ep tah tam boh, ðòeq oh daq loq cabè padreo bàu ka tang ngai qmang leq cadèh. 7 Tichicô aih la oh daq nhèn ðiq jaq loq waq deh, mangai hapông ùh taclah manoh da Chuaq, bua abroq ti au. Haq jah patìn ka oh daq loq rìm yiniq da au. 8 Au thê haq trùh ta oh daq, ðòq pì loq nhèn mandeq kô qmang leq, ðòeq haq jah alòng manoh cliac pì. 9 Haq lam ti Ônesim aih la mangai ùh taclah manoh nhèn ma loq waq ðèh qnàng, haq aih mangai mòeq gùng ka pì. Wa aih jah doe ka pì rìm yiniq qnang loh tacô. 10 Aritac aih bua hanoh oe tù ti au, i bàu hmàih ka oh daq, Mốc aih kon oh kon daq ka Banaba hadai, (oh daq khoe jah bàu tanap trùh haq, tàng haq trùh ta oh daq, pì ep ðìh haq ka alàng). 11 Jêsu wì ma creo Juctu hadai i bàu hmàih ka oh daq. Taqne wì ma kat akia, toq wì piq ngai aih raq ma wiang patìh ka diac Boc Plính ti au, wì haq aih raq kan alòng manoh au. 12 Ephapra, mangai mòeq gùng ka oh daq, hapông da Chuaq Jesus Christ i bàu hmàih oh daq, haq ùh hêq ka tabàt am ka oh daq jò waiq khàn, ðòq oh daq jah geo gua rai ðiq manoh iu tiaq manoh Boc Plính ma enh. 13 Au anoe ðòeq pì loq haq aih khoe abroq xalep ka pì oh daq xam ka mangai Laodixê hloe xam ka mangai Hi-êrabôli. 14 Luca, bua da bèn haq aih bôcsi xam Êdema bòch hmàih oh daq 15 Au tanap bàu hmàih trùh oh daq ta Laodixê xam Nimpha hloe xam Tagop Hadrèh ma tagop ta hnim haq. 16 Oh daq ðóc jàiq kô khoe èh am ka Tagop Hadrèh Laodixê ðóc ðiq, oh daq hadai ep ðóc jàiq enh Laodixê gòe trùh ðiq. 17 Doe ka Achip rameh: Ep rabiaq trong patìh haq ma khoe canòm ka yiniq Chuaq ðòeq nhàn yóc, ðòeq hubroq ka gêh geo. 18 Tì kông cla au, Phaulô, achìh hmàih ka oh daq. Hmàng trùh caxi ðatoeq da au ðiq. Waiq kan tabàih dech oe ti pì.

I TÊSALÔNICA

1 Phau lô, Timôthê xam Sila, achih ka Tagop Hadrêh oe ta Têsalônica, Tagop oe enh dalam Boc Plinh aih Baq, xam enh dalam ka Jesus Christ aih Chuaq da bèn, waiq kan tabàih xam kan catêm trùh ti oh daq. **2** Nhên toq manè apôi Boc Plinh am ka oh daq, jò waiq khàn nhên ùh hêq ka ràu trùh oh daq. **3** Majah qmang aih enh ngèa Boc Plinh, aih Baq, nhên hmàng yôt yiniq broq loh enh manoh lùì da oh daq, kan xalep ta manoh loq waq da oh daq xam kan oh daq khoe cajap manoh ngèh gòm ta Chuaq Jesus Christ bèn. **4** Nhên loq, Boc Plinh khoe loq waq ka oh daq, haq khoe ràih pì. **5** Majah qmang aih, Bàu lem nhên khoe anoe ka pì ùh xài toq xi bàu dech, mahaq xam cwiang itai, xam Yiang Hadrêh xam kan cajap da manoh lùì hòm. Majah qmang aih oh daq loq taqne pì nhên rih qmang leq, manoh nhên loq waq ka oh daq dăng leq. **6** Oh daq khoe tiaq dua nhên, tiaq dua da Chuaq, jò oe qne kan nan no, oh daq yôc kan lem bùì da Yiang Hadrêh òòeq òòeq yôc bàu hnài, **7** oh daq khoe wìa dua lem ka mangai lùì oe tagùng Maxêdoan xam Achai. **8** Majah qmang aih bàu da Chuaq enh nòe oh daq ùh xài haq trùh palap pang gùng Maxêdoan xam Achai hi òòeq, mahaq manoh lùì da oh daq i enh dalam ka Boc Plinh khoe jah anoe jàp jia, jaq nhên loh ka pì ep anoe tam cleq hòm. **9** Majah qmang aih cla wì ta aih raq anoe hlài ka nhên loq oh daq khoe òòeq nhên qmang leq, khoe tawìh hlài ti Boc Plinh qmang leq cadèh, khoe cadac radua qmù òòeq hu kùh waiq Boc Plinh ma joq qnàng, **10** òòeq hu gòm Kon da haq enh plinh, aih Chuaq Jesus mangai haq ma khoe broq rih hlài enh kan cachit, aih raq Mangai hu dèch bèn claih ka kan panòeh hì atiq.

2 Majah qmang aih cla pì oh daq raq ma loq dèh, nhên khoe trùh ta pì oh daq, aih joq ùh hìaq qngwan; **2** atiq ka nhên glàm kan nanxa xam kan camaih xep ta Philip, qmang ka oh daq ma khoe loq, mahaq dua nhên canòm ka Boc Plinh, nhên ùh hòq ka anoe am ka pì Bàu lem da Boc Plinh yac ka nhên tajraq ka kan ranàc kàn. **3** Majah qmang aih, bàu nhên anoe hnài ùh xài loh trong liq làn, ùh xài loh enh manoh ùh hliang lem, hadai ùh i kan padô qnùt. **4** Mahaq pàng Boc Plinh ma khoe qnhro ngan, hnoq nhên kô tajì òòeq haq thê nhên lam

anoe Bàu lem, aih i q dài nhên majah hùà anoe, ùh xài hu lem ka manoh kon mangai, mahaq òòeq lem ka manoh Boc Plinh, aih Mangai ma khoe qnhro ngan da nhên manoh. **5** Oh daq loq, nhên ùh lòm yôc bàu hu pajiang hadai ùh i ka manoh hèm waq ka jah toq ka raðeh, ma aih i Boc Plinh loq. **6** Yac ka nhên i cwiang thê pì iu nhên, majah qmang aih nhên kô mangai tiaq cla da Christ, mahaq nhên ùh chaq kan ranhòm enh kon mangai, yac ka enh pì oh daq yac ka enh wì qnoeq. **7** Mahaq taqne oh daq nhên khoe qmang ka kon qyoh, tiaq ka mangai miq wèq ban dèh kon laq alàng. **8** Majah qmang aih, pàng manoh cliac nhên loq waq hrin ka oh daq, dài nhên majah enh axong am ka pì ùh xài toq Bàu lem da Boc Plinh, mahaq hloe xam kan rih da cla nhên, majah qmang aih pì khoe wìa manngai mòeq cliac mòeq clèm ti nhên. **9** Joq qnàng, pì oh daq oe raq hmàng kan xalep nhên, jò nhên ma anoe hnài Bàu lem ka oh daq, aih nhên khoe patih abroq xam dahì xam damang, òòeq ùh hìaq ep pangài qmòe ka cabò taqne pì oh daq. **10** Oh daq hnoq, Boc Plinh hadai wiang hnoq trong nhên acaq oe ti pì oh daq aih bài mangai ma i manoh lùì, joq hliang lem, taq atiq, ùh i ajang leq oe jah cwò. **11** Oh daq hadai loq nhên rih ti rìm ngai taqne pì tiaq ka baq rih dèh ti kon, **12** toq ti pariaq, alòng, ti àu dòq pì jah rih acaq ma tajì ka Boc Plinh, aih Mangai ma creò ka oh daq trùh ta diac haq xam ta kan ranhòm haq. **13** Aih i q, dài nhên majah ùh hêq ka manè apôi Boc Plinh, jò pì khoe òòeq yôc bàu Boc Plinh loh enh nhên, pì ùh ngan aih bàu loh enh kon mangai, mahaq ngan aih bàu Boc Plinh, joq bàu da Boc Plinh hadai abroq ta oh daq ma i manoh lùì. **14** Majah qmang aih, oh daq joq khoe wìa mangai loq tiaq dua bài Tagop da Boc Plinh oe tagùng Jiudê, aih bài Tagop Hadrêh enh dalam Chuaq Jesus Christ, majah qmang aih pì khoe chiùq xalep enh ti kòng mangai gùng cla, tiaq ka bài Tagop aih hadai khoe chiùq xalep enh ti kòng mangai Juda, **15** aih bài mangai ma khoe jêh òòeq Chuaq Jesus xam bài pajàu, khoe ti hnan rùp nhên, wì haq broq ùh troq tiaq manoh Boc Plinh rai enh tablêq ka rìm ngai, **16** wì aih toq ti khech tât ùh am nhên anoe hnài bài mangai diac qnoeq dòq wì aih jah dèch òòeq diq, qmang aih wì haq qmình tam dèh yiniq lui dòq haq bình halùih. Mahaq pulùch èh kan nòeh da Boc Plinh khoe trùh ta wì haq. **17** Mahaq oh daq!

Yac ka hnoq bla kô nêh nhên khoe talah hangai
 ka pì toq biao, (chac talah manoh ùh talah), aih
 kiang nhên enh toq broq qmang leq hudrah jah
 hnoq hadrò oh daq òeq brêh kan hmàng. **18**
 Aih iq, dài haq khoe baiq yàng, òiq ka nhên,
 (ta aih nhang qmòe au) enh trùh hmàihi ka oh
 daq, mahaq kiac Satan khoe khech tât nhên.
19 Majah qmang aih, kan tangêh, kan lem bùi
 xam cadoh diac plinh ranhôm da nhên aih cleq,
 aih ma ùh xài oh daq jah yòng cajap enh ngêa
 Chuaq Jesus aih Chuaq bèn jò haq trùh qmòh?
20 Joq! pì oh daq aih raq kan ranhôm xam kan
 lem bùi da nhên.

3 Qmang aih, pi oe dòh gòm dài nhên majah
 dòq cla oe hlài ta Athên, **2** nhên thê Timôthê,
 aih bua nhên, haq aih hapông da Boc Plinh,
 mangai patih ka Bàu lem da Christ, lam ta oh
 daq, òeq broq ka oh daq jah cajap rai wiang
 parông manoh lùì ta oh daq, **3** òeq ta bàikan
 nanxa qmang aih ùh hìaq i mangai leq dalàc,
 majah qmang aih cla oh daq hanoh loq trong
 aih khoe têu òeq adroe ka bèn. **4** Ma joq qnàng
 aih, jò oe ti oh daq, nhên khoe doe: kô êh ep
 chiùq bàc kan nanxa, bài trong aih mandeq kô
 khoe trùh, oh daq khoe hnoq. **5** Qmang aih
 pi dòh gòm hòm, au majah thê Timôthê lam,
 òeq huloq ka tình manoh lùì da oh daq qmang
 leq, au yùq mangai padô quít loq khoe padô
 oh daq, aih êh qngwan qngwaiq ka nhên khoe
 abroq xalep òeh. **6** Mahaq Timôthê hlài enh
 nòe oh daq i anoe ka nhên loq bài tình lem da
 manoh lùì xam manoh loq waq da oh daq. Haq i
 anoe oh daq hmàng yôt trùh nhên, toq ngêh ka
 jah glàm nhên, hadai qmang ka nhên ngêh ka
 jah glàm oh daq. **7** Qmang aih, oe taqne kan
 xalep khech rúp da nhên, nhên khoe jah kan
 alòng enh manoh lùì oh daq. **8** Majah qmang
 aih, mandeq kô nhên rìh aih taiq oh daq yòng
 cajap ta Chuaq. **9** Qmang aih, broq qmang leq
 nhên ma tòm bàu òeq hu manê apôi Boc Plinh
 ka oh daq, xam òiq bài kan lem bùi nhên jah
 enh oh daq ajang ngêa Boc Plinh nhên? **10** Dahi
 damang, nhên àu waiq dang haq caqnaihi am
 nhên jah glàm hòm oh daq, rai qmình tam ajang
 leq manoh lùì da pì oe raq capòch. **11** Waiq cla
 Boc Plinh, aih Baq bèn, xam Jesus Chuaq bèn
 qnung aràng nhên jah trùh ta oh daq! **12** Waiq
 Chuaq broq kan loq waq da pì tadêch tam rai
 bình halùih kan loq waq ka dabau, ka rìm ngai,
 tiàh qmang kan loq waq da nhên am ka oh daq,

13 dòq manoh oh daq jah cajap, jah hadròeh lem
 ùh i ka nòe cwo enh ngêa Boc Plinh, aih Baq
 bèn, jò Chuaq Jesus bèn xam òiq òeq mangai
 hadròeh haq trùh.

4 Qmang aih, oh daq khoe hóc dua enh nhên ep
 rìh qmang leq òeq jah lem manoh Boc Plinh,
 trong aih oh daq khoe broq, mandeq nhên
 canòm ka yiniq Chuaq Jesus òeq cali calo oh
 daq ep tiaq yôt trong aih yi hnao hòm. **2** Majah
 qmang aih oh daq loq, bài ranenh nhên ma
 hnài oh daq aih òiq òeq nhên canòm ka Chuaq
 Jesus. **3** Majah qmang aih manoh Boc Plinh
 enh broq ka oh daq jah hadròeh: Aih oh daq
 ep wia hangai trong tango anang, **4** rìm ngai
 ep loq wèq òeq chac hamac jah hadròeh troq
 ka manê, **5** apaq cro tiaq trong tango taqnung
 qmang ka wì enh gùng, aih bài mangai ùh qnì
 ka Boc Plinh. **6** Trong kô ùh cabô khòh broq,
 hadai ùh khòh patùt hăbô cadêh ka oh daq
 qnoeq, majah qmang aih Chuaq, haq patem
 chau ka bài mangai broq trong aih, tiàh ka nhên
 ma khoe anoe pariaq qmòe adroe. **7** Majah
 qmang aih Boc Plinh ùh creò ka bèn trùh ta kan
 amùa, mahaq trùh ta kan hadròeh. **8** Qmang aih
 mangai leq ùh tamàng bàu nhên anoe kô aih ùh
 xài haq jù òeq kon mangai mahaq jù òeq Boc
 Plinh aih Mangai ma am deh Yiang Hadròeh ka
 oh daq. **9** Anoe trùh trong oh daq loq waq ka
 dabau, trong aih nhên pì ep achihi cleq tam ka
 pì hòm, majah qmang aih cla oh daq khoe hóc
 enh nòe Boc Plinh ep loq waq ka dabau. **10** Ma
 joq qnàng haq, trong aih pì khoe broq am òiq
 òeq ka oh daq oe tagùng Maxêdoan. Mahaq
 dua nhên panhet tam oh daq broq rai êh rai
 yeo loe ka aih hòm. **11** Àu axràm rìh acaq ma
 hatinh haq, panim trong yiniq broq da cla, yòc
 ti kông cla patih, qmang ka nhên khoe tanap
 thê oh daq, **12** qmang aih pì jah rìh laq alàng
 enh ngêa ka wì enh gùng, êh pì ùh hìaq ep nan
 qmòe cleq. **13** Mandeq kô nhên ùh enh dòq oh
 daq ùh qnì biac mangai ma khoe kùì, òeq oh
 daq ùh hìaq mangò hrin tiàh ka mangai ma ùh i
 nòe canòm. **14** Majah qmang aih, tàng joq bèn
 lùì Chuaq Jesus khoe cachit êh khoe rìh hlài,
 aih hadai qmang aih, Boc Plinh jah aràng bài
 mangai kùì ta Chuaq Jesus trùh ti haq. **15** Majah
 qmang aih, tiaq bàu Boc Plinh, nhên anoe ka pì
 loq bèn mangai ma rìh, oe raq gòm hì Chuaq
 trùh, aih bèn ùh təc adroe ka mangai khoe kùì.
16 Majah qmang aih, jò i bàu creò òeq enh bình

plình kàn xam bàu ken da Boc Plình, aih èh cla Chuaq hi loh enh plình, jò aih bài mangai cachit enh dalam ka Christ, jah rih hlài adroe diq dõng. 17 Khoe aih bèn mangai ma rih, ma oe raq, èh hadai jah dèch atõc pajùm ti wì aih qne yùc ta trõc ðòeq hu glàm Chuaq, aih èh bèn hi jah oe hloe ti Chuaq. 18 Qmang aih, oh daq khòh yõc bàu kô ðòeq hu alòng dabau.

5 Mandeq kô, anoe trùh jò xam qnhòng leq, nhèn ùh ep achih dèh ka pì oh daq hòh; 2 majah qmang aih, cla pì oh daq khoe loq deh joq quàng hì da Chuaq trùh tiah taiq ka mangai atùng jò damang. 3 Jò wì doe: “Catèm rai ùh troq cleq”, aih èh kan raliang trùh traiq qmang ka gucadri wê cliac aih èh ùh cabô claih taleq. 4 Mahaq oh daq, aih ùh xài mangai oe ta clam, dài hì aih majah ùh hìaq trùh traiq qmang ka mangai atùng. 5 Oh daq aih diq kon da kan qngah, kon da dahì. Bèn ùh xài da damang, hadai ùh xài da kan clam cluiq. 6 Qmang aih, bèn apaq kùì canùu qmang ka wì qnoeq mahaq ep loq hmàng rai loq hamang. 7 Majah qmang aih mangai kùì aih kùì damang, mangai bù aih bù damang. 8 Yàng bèn aih mangai da dahì, dài majah loq hamang, yõc manoh lùì xam kan loq waq broq eo cadàm, yõc kan ngèh ka jah dèch broq cadoh. 9 Majah qmang aih, Boc Plình ùh i tèo ðòeq ka bèn clìh ta kan pandeh, mahaq waq ka bèn jah kan dèch claih enh Chuaq Jesus Christ aih Chuaq dabèn. 10 Haq mangai khoe cachit am ka bèn, dõq bèn yac ka mangai ma oe riu yac ka mangai khoe kùì, diq jah rih pajùm ti haq. 11 Qmang aih, oh daq drah hnài dabau, paqnhrang dabau, qmang ka oh daq hmaq broq yõt. 12 Mandeq kô, nhèn thê pì oh daq i manoh loq ta-iu ka mangai ma patìh xalep ðeh taqne pì, aih mangai ma iu tiaq bàu Chuaq ðòeq hu qnung trong rai ti hnài pì oh daq. 13 Thê diq jaq loq waq ka wì haq taiq yiniq wì haq khoe broq. Thê pì oe acaq ma hatroq ti dabau. 14 Mahaq, nhèn pariaq pì oh daq ep anoe hnài bài mangai ma aroh, alòng mangai ma loq yùq crè, paqnhrang mangai ma ùh nèn, apaq hõnh ka cabô. 15 Ngan oq, apaq yõc kan dù ðòeq patem chau ka trong dù, mahaq thê ti chaq toq trong lem ka dabau yac ka taqne oh daq yac ka ti wì qnoeq. 16 Ep loq lem bùi yõt, 17 ùh hêq ka waiq khàn, 18 yac ka glàm trong leq dua ep manè apôi Chuaq, majah qmang aih, enh dalam ka Chuaq Jesus Christ, manoh Boc Plình enh ka pì

oh daq qmang aih raq. 19 Apaq plah ðac Yiang Hadròeh; 20 ùh dùh halê ðac bài bàu pajàu; 21 mahaq ti boq ngan rìm trong, trong leq lem aih wèq tiaq. 22 Yiniq cleq hnoq tiah gleq dù, aih ep wia ma hangai. 23 Waiq Boc Plình kan catèm broq ka oh daq jah hadròeh rìm trong, ðòeq enh manoh, mahua yang trùh chac hamac oh daq pi i canòe hu cwò, jò Chuaq Jesus Christ bèn trùh! 24 Mangai ma khoe creò ka oh daq aih mangai ùh tablòq manoh, cla haq aih èh ma broq dèh trong aih. 25 Oh daq waiq khàn am ka nhèn diq. 26 Thê pì yõc manoh hliang lem ðòeq hip hmàih ka dabau. 27 Au canòm ka yiniq Chuaq Jesus Christ bèn, thê pì ðõc jàiq kô ðòeq rìm ngai diq jah tàng. 28 Waiq kan tabàih enh Jesus Christ aih Chuaq da bèn, oe ti pì oh daq.

II TÊSALÔNICA

1 Phaulô, Siwan xam Timôthê achih ka Tagop Hadroèh oe ta Têsalônica, aih Tagop oe enh dalam Boc Plinh, Baq da bèn, xam enh dalam ka Jesus Christ aih Chuaq bèn: **2** waiq ka oh daq jah kan tabàih dech xam kan catèm enh nòe Boc Plinh, Baq bèn xam enh nòe Chuaq Jesus Christ. **3** Nhèn ep manè apôi yôt Boc Plinh am ka oh daq, trong aih troq, majah qmang aih manoh lùì da oh daq rai èh rai tadèch, kan oh daq loq waq ka dabau rai èh rai bàc. **4** Qmang aih, oe qne Tagop ma qnoeq da Boc Plinh nhèn hadai jah catèh dèh pì oh daq, khoe cajap manoh, khoe qnhrang kan lùì oe qne kan ranàc pì qnang glàm mandeq. **5** Aih khoe tôm ka yiniq òeq panhìn kan tah hadarah da Boc Plinh aih troq. Haq enh broq dôq ka oh daq jah tajì ka diac da haq, taiq diac aih oh daq majah ep xalep. **6** Tiaq kan taq atôq da Boc Plinh, aih èh haq yôc kan nanxa òeq patem hlài ka mangai ma baxa oh daq, **7** khoe aih am ka pì oh daq mangai qnang xalep jah padài ti nhèn, jò Chuaq Jesus Christ loh enh plinh taqne ùnh ma adrènh xam bài bình plinh i cwiang itai da haq, **8** baxa chau bài mangai ma ùh canau ka Boc Plinh, ùh iu tiaq Bàu lem da Chuaq Jesus Christ aih Chuaq da bèn. **9** Wì aih ep chiuiq kan raliang hnhung mòeq òeq, hangai ka hadrò Chuaq xam kan ranhòm da kan itai haq, (aiônios g166) **10** Aih la hi haq trùh òeq jah kan ranhòm oe taqne bài mangai hadròeh, òeq jah bàu manè apôi da rìm ngai ma lùì, ta aih i oh daq, majah qmang aih pàng oh daq khoe lùì bàu nhèn anoe. **11** Aih iq, dài nhèn majah ùh hêq ka waiq khàn am ka oh daq, òeq Boc Plinh bèn broq ka oh daq jah tajì ka bàu haq khoe creo, òeq haq yôc dèh padren hu broq gêh ta oh daq rìm kan loq tamèt oe ta manoh loq waq da haq hloe xam bài yiniq broq loh enh manoh lùì; **12** qmang aih èh, yiniq Jesus Christ Chuaq da bèn jah qngah qngai tanòe oh daq, oh daq oe enh dalam haq, tiaq kan tabàih dech enh Boc Plinh bèn xam da Chuaq Jesus Christ bèn.

2 Hatuàng trùh hi Jesus Christ Chuaq da bèn trùh, hloe xam jò bèn jah tagop pajùm ti haq, **2** aih nhèn doe ka oh daq, apaq rênh ka rawè rênh ka lèt yac ka i bàu cabò doe òeq kô i kiac mahno, yac ka loh enh bàu hnài, yac ka loh enh jàiq achih tiah ka da nhèn doe hi da Chuaq

ten trùh. **3** Yac ka wì broq qmang leq broq, apaq òeq wì qnùt pì. Majah qmang aih, ep waq ka loh kan manhài adroe, èh magari da kan ngang dù, aih kon da kan raliang hnhung trùh òeq, **4** aih la mangai ma tablêq rai padèch raðeh enh qnhêq òiq òeq rìm yiniq kon mangai ma kùh waiq ma creo dèh kiac, haq mùt haqngui qne hnim kùh waiq Boc Plinh, cla haq doe òeq kô raq Boc Plinh. **5** Oh daq ma ùh hmàng jò oe ti oh daq, ajoq au khoe anoe trùh trong kô? **6** Mandeq kô oh daq loq biac cleq qnang tât padràng haq, aih iq waq haq loh troq dèh jò! **7** Majah qmang aih mandeq kô kan hlèp da cwiang ngang dù khoe tabroq. Mahaq Mangai ma tât padràng oe raq pagàt haq, mahaq Mangai aih èh ep loh lam. **8** Aih èh mangai ma tabêq hlài ka ranenh tau hi loh, Chuaq Jesus hi yôc dèh hi hèm enh hacùng òeq hu jêh òeq mangai aih, yôc dèh kan qngah qngai jò haq trùh òeq palùng òeq hloe mangai aih. **9** Mangai aih yôc cwiang enh Satan òeq hu trùh, broq bàc kan halac, kan hamài xam kan qnùt, **10** yôc bàc trong ùh taq atôq hu padò bài mangai ma raliang hnhung, majah qmang aih wì aih khoe ùh yôc ka raðeh kan loq waq da bàu joq qnàng òeq hu jah dèch. **11** Aih iq dài Boc Plinh majah òeq wì haq hleç ta kan liq làn, aih trong ma broq ka wì haq lùì kan padò aluàn, **12** òeq òiq òeq ka mangai ma ùh lùì bàu joq qnàng, mahaq enh toq trong ùh taq atôq, òiq ep oe enh qneq ka kan hadrah da haq. **13** Mahaq pì oh daq aih mangai Chuaq ma loq waq, nhèn toq manè apôi Boc Plinh am ka pì, dài majah qmang aih Boc Plinh khoe ràih qmoè pì enh jò baxèm òeq hu am ka pì kan dèch claih, òeq hu basròeh pì xi Yiang Hadròeh xam manoh lùì bàu joq qnàng. **14** Aih iq dài haq majah yôc Bàu lem da nhèn hu creo ka pì oh daq, òeq pì oh daq jah kan ranhòm enh Chuaq Jesus Christ bèn. **15** Qmang aih, pì oh daq, ep yòng ma cajap, ep wèq tiaq bài trong nhèn ma khoe hnài, yac ka xam bàu xam jàiq nhèn ma achih am ka pì. **16** Waiq cla Jesus Christ aih Chuaq da bèn, xam Boc Plinh, Baq bèn aih Mangai ma khoe loq waq ka bèn, khoe yôc dèh kan tabàih enh haq òeq hu am ka bèn kan alòng mòeq òeq xam kan tangèh lem linh, (aiônios g166) **17** alòng manoh oh daq broq ka oh daq jah cajap ta rìm trong lem xam bàu tapoch lem.

3 Atiq hòmh, oh daq hmàng waiq khàn am ka nhèn òeq, òeq trong da Chuaq rênh jah anoe

aràng jàp jia, jah qngah qngai tiah ka taqne pì
oh daq, 2 waiq khàn dōq nhèn jah claih enh tì
kōng mangai ngang dù, majah qmang aih ùh
xài rìm ngai dīq i manoh lùì. 3 Mahaq Chuaq ùh
tablòq manoh, haq aih ma hi broq ka oh daq jah
cajap hagau rai wèq oh daq claih ka Mangai dù.
4 Enh dalam ka Chuaq, joq nhèn i dèh kan lùì
rameh: manòeq kô oh daq qnang broq, tangèa
èh dua pì oe broq hòim trong nhèn ma khoe
tanap thê. 5 Waiq Chuaq sreo aràng manoh pì
oh daq trùh ta kan loq waq da Boc Plinh xam
kan loq kềm da Christ. 6 Canòm ka yiniq Chuaq
Jesus Christ bèn, nhèn pariaq pì oh daq ep wia
ka hangai mangai leq khoe lùì mahaq aroh, rih
manhài trài ùh lam tiaq bàu hnài pì ma khoe
jah enh nhèn. 7 Cla pì oh daq loq dèh trong
leq rađeh ma ep broq òdeq hu tiaq dua nhèn,
majah qmang aih jò nhèn oe ti pì nhèn ùh i oe
dech, 8 qnhòq hmaq acaq dech da cabô cleq,
mahaq dahì damang nhèn abroq xalep, òdeq ùh
hìaq broq kan trap qmòe ka cabô taqne pì oh
daq. 9 Aih ùh xài nhèn ùh i cwiang aih, mahaq
nhèn enh broq dua ka oh daq hnoq, òdeq oh
daq tiaq dua nhèn. 10 Jò nhèn oe ti pì oh daq
nhèn khoe doe ka pì: Mangai leq ùh abroq,
aih apaq acaq. 11 Majah qmang aih nhèn hìa,
taqne pì oh daq i mangai aroh, ùh dùh qmòe ka
abroq, toq ti halang chaq yiniq da wì qnoeq. 12
Canòm yiniq Chuaq Jesus Christ, nhèn thê rai
pariaq mangai aih ep oe ma hatinh haq, chaq
abroq òdeq hu jah acaq dèh dahwèq enh cla
broq loh. 13 Mahaq pì oh daq apaq tagah lep ka
broq trong lem. 14 Tàng loq i mangai leq ùh iu
tiaq bàu nhèn achìh ta jàiq kô, aih pì hmàng oq!
Apaq taqmùt ti wì aih, dōq wì haq loq hmàng
ka camaih. 15 Mahaq apaq ngan wì aih tiah ka
mangai tagit, mahaq ti àu pariaq hnài wì aih
qmang ka oh daq cla. 16 Manòeq kô waiq Chuaq
da kan catèm, am ka oh daq kan catèm rìm hì,
rìm trong! Waiq Chuaq oe dīq dōng ti pì oh daq.
17 Au kô Phaulô, tì kōng cla au ma achìh bàu
hmài kô ka pì, ta rìm araq jàiq da au ma achìh,
au dīq achìh qmang aih, òdeq broq teu hadro
ka pì canau ka au. 18 Waiq kan tabàih da Chuaq
Jesus Christ bèn oe ti oh daq!

I TIMÔTHÊ

1 Phau lô, iu tiaq bàu Boc Plinh aih Chuaq da bèn thê, xam Chua Jesus Christ aih kan tangêh da bèn, broq mangai Tiaq cla da Chuaq Jesus Christ, **2** achiñ am ka Timôthê, aih joq kon da au oe ta manoh lui: waiq ka kon jah kan tabâih dech, kan tamêt hloe xam kan catêm loh enh Boc Plinh, Baq da bèn hloe xam enh nêe Chuaq Jesus Christ, Chuaq da bèn. **3** Mandêq kô au bahmâng hlâi bàu au ma khoe pariaq kon, jô au ma lam tagùng Maxêdoan, kon ep oe hlâi ta Êphêsô, ðêeq hu doe ka bài mangai tau apaq hnâi ðnh trong ma qnoeq, **4** apaq tamâng dêh ka bàu qmon liq lân xam bàu taboe caxy noe ùh qnì lùch, aih raq bài yiniq loq loh kan tarahen, ùh lôm wiang broq ka trong Boc Plinh thê jah tapêch, aih la trong jah broq gêh xi manoh lui. **5** Nen kon majah ep hnâi aih taiq kan loq waq loh enh kan hliang hreo, enh manoh lem xam manoh lui joq qnâng. **6** I toq biaq ngai khoe cađac nen aih, ti tangêa chaq ðnh bàu ùh loh qmòe ranenh; **7** wì haq enh broq mangai hnâi ranenh mahaq ùh qnì qmòe rađêh qnang capoch cleq hadai ùh loq ma joq qnâng aih rađêh kô aih qnang lui trong leq. **8** Mahaq bèn loq ranenh aih ðiq lem tàng mangai leq broq ma troq, **9** bèn hadai loq ranenh aih ùh xâi ðêeq ka mangai taq atoq, mahaq ðêeq ka bài mangai ùh broq tiaq ranenh, ka mangai enh tablêq, majah qmang aih bài mangai ùh lui, broq yiniq lui, mangai ùh hadròeh, capoch qmêq ka Chuaq mangai jêh đac deh miq baq, mangai jêh mangai, **10** majah qmang aih bài mangai loq tango, mangai hatiaq hadai kon calô, mangai tech đic, mangai loq amông, loq ti capoch habo xam rìm yiniq pagau ka trong lem. **11** Aih raq bài biac da Bàu lem ranhôm enh Boc Plinh xôq ramot hnâi, bài yiniq aih haq khoe jao ka au ðêeq hu hnâi hlâi. **12** Au manê apôi Jesus Christ aih Chuaq da bèn aih Mangai khoe tam padren ka au, haq khoe hnoq au kô ðiq ka manoh ka haq, dêch au jah broq mangai patih; **13** yac ka enh adroe kô nêh au mangai capoch ùh hòq ka Boc Plinh, loq ti rùp, loq ngang dù, mahaq haq khoe loq waq ka au majah qmang aih au broq bài yiniq aih jô au oe raq blùng qnhòq i manoh lui. **14** Kan tabâih dech da Chuaq bèn khoe bình halùih enh dalam ka au, xam manoh lui xam kan loq waq oe ta dalam Chuaq

Jesus Christ. **15** Chuaq Jesus Christ khoe trùh ta crông taneh ðêeq hu dêch mangai pòq yiniq lui, aih raq bàu joq qnâng, khòh yôc manoh gêh geo hu lui, oe ta qne wì aih au kô gàu. **16** Mahaq taiq aih raq dài au khoe jah kan loq waq, ðôq Chuaq Jesus Christ jah mahnu dêh kan loq kêm da haq enh dalam ka au, aih mangai ma bacc yiniq lui yeo hnau ðông ka mangai qnoeq, yôc au ðêeq broq dua ka bài mangai lui haq hujah kan rih halinh mông ðêe. (aiñnios g166) **17** Waiq kan rahù ranhôm hlâi ðiq ta Bùa ma halinh mông ðêe, ùh raliang hnhung, ùh xau hnoq aih Boc Plinh i mông raq! Amen. (aiñn g165) **18** Timôthê, kon da au, au am ka kon bàu pariaq hnâi kô, tiaq bài bàu pajàu ma khoe anoe trùh kon, aih kon ep canôm ka bài bàu aih ðêeq hu tajêh ka geo gua, **19** wêq dêh kan lui xam manoh cliac lem. Bài mangai ma khoe cađac manoh cliac aih, manoh lui da wì haq khoe cram: **20** ta aih i Himê-nê, xam Alec-sađo, au khoe phùq ka kiac Satan, ðôq wì haq jah hóc ðêeq pi hiaq capoch ùh hòq hòm.

2 Qmang aih, adroe ðiq ðông ka rìm yiniq qnoeq au tanap ka kon ep ðiq jaq waiq khàn, waiq khàn am ka rìm ngai, manê apôi Boc Plinh am ka rìm ngai, **2** am ka bài bùa, am ka ðiq ðông mangai i cwiang, ðêeq bèn hujah rih ka catêm, ka hatinh tiaq trong iu yùq ka Chuaq ta kan hadòreh. **3** Aih raq kan lem troq ka manoh Boc Plinh, aih Chuaq dêch bèn. **4** Haq enh ka rìm ngai jah dêch rai jah loq ka bàu joq qnâng. **5** Majah qmang aih i mông Boc Plinh xam mông Ngai ma taqne raq, oe ta adreo Boc Plinh xam kon mangai, aih raq Chuaq Jesus Christ, aih la mangai, **6** Haq khoe phùq chac cla haq broq maneh hu baxon yôc hlâi rìm ngai. Aih ðêeq hu patô hnoq Boc Plinh enh ka rìm ngai ðiq jah dêch. **7** (Au anoe joq qnâng, ùh qnùt) qmang aih raq dài au ma khoe jah ði ðêeq broq mangai hnâi, broq mangai Tiaq cla am ka mangai diac wì ðêeq hu hnâi wì haq loq trong manoh lui xam bàu joq qnâng. **8** Qmang aih, au ngêh ka gualô oe rìm nêe dêch ti hadròeh ðêeq waiq khàn, ùh dùh nêeh, ùh dùh talech. **9** Au hadai enh ðiq ka gucadrì caxùnh atàc ma laq alâng haq, anì qnang lem bu hatroq tiaq ka cla rađêh, ùh dùh broq hrin xac, asràng wang, ngôc, apaq caxùnh cwàn eo canaq bac. **10** Mahaq broq trong lem, ðôq hatroq tiaq qmang ka mangai gucadrì ma doe đêh kô loq iu yùq ka Chuaq.

11 Gucadrì ep oe hatinh tamàng hnài, èh hòm ep loq iu tiaq rìm trong. 12 Au ùh lòh mangai gucadri hnài, hadai ùh jah i cwiang enh qnhèq ka gualô, mahaq haq ep oe hatinh 13 Majah qmang aih Adam mangai jah broq loh adroe, khoe aih men trùh Êva. 14 Êh hòm ùh xài Adam ma bìq padô qnùt adroe, mahaq gucadri ma bìq padô qnùt ma tacro ta yiniq lui. 15 Mahaq gucadri jah dèch jò haq ha- uang kon – waq toq haq loq wèq radeh cajap ta manoh lui, ta kan loq waq, xam ta kan hadròeh.

3 Tàng i cabô enh ngèh ka jah broq mangai wèq Tagop, enh qmang aih lem joq qnàng. 2 Qmang aih mangai wèq Tagop ep geo ùh i qmoè ka nòe hu cwò, haq aih ống mòeq ngai mai raq, loq wèq radeh, i kan rabiaq, i kan tajì, loq ãh tamoe loq ti hnài. 3 Ùh ãh ònh ka alac, hadai apaq ngang dù, mahaq ep khun khuq, èh hadai ùh ònh trong hliac jèn; 4 ep rabiaq ka wèq dèh ta hnim cla, wèq dèh wì kon loq iu rai rih gèh geo jang lem; 5 majah qmang aih tàng i mangai ùh qnì wèq dèh hnim cla, aih èh broq qmang leq ma loq wèq Tagop Hadròeh da Boc Plinh? 6 Mangai neo lui, ùh jah broq mangai wèq Tagop, majah qmang aih haq loq hnhè radeh èh taclih ta kan hadrah qmang ka kiac jròng. 7 Mangai wèq Tagop hadai waq ka i bàu wì enh gùng wiang capoch lem ka haq, aih èh haq ùh hiaq ep camaih xep, ùh hiaq hlech rajôiq kiac jròng 8 Bài mangai patih hadai ep gèh geo, ùh capoch baiq bàu, ùh jah ònh ka alac, ùh jah plai ka kùng hang ma ùh troq trong, 9 mahaq ep yóc manoh cliac hliang lem wèq tiaq kan joq qnàng da manoh lui. 10 Bài wì aih hadai ep jah qnhro adroe òeq, tàng geo pi ka nòe cwò aih èh men wìa broq mangai patih. 11 Cadri da mangai patih hadai ep laq alàng, ùh khòh loq capoch qmèq, hadai loq raih bàu capoch, yac ka trong leq dua ãq dèh ka manoh. 12 Bài mangai patih hadai broq ống mòeq ngai mai raq, loq wèq dèh wì kon xam hnim cla. 13 Mangai leq rabiaq geo trong ãh ma patih jah wì manè iu xam kan hagau manoh lui enh dalam ka Chuaq Jesus Christ. 14 Au ngèh ka jah rênh trùh hmàih ta kon mahaq au achih jàiq kô, 15 yùq au loq xòe trùh aih ãq kon hu loq ãh ep broq qmang leq oe ta hnim Boc Plinh, aih la Tagop Hadròeh da Boc Plinh rih halinh, aih raq jrang xam nòe cachàt da bàu joq qnàng. 16 Rìm ngai doe kan halac da manoh lui aih kàn

joq qnàng: Haq khoe jah paqnoh ta xech akia, Khoe jah Yiang Hadròeh creò ka haq mangai taq atòq, Jah bình plinh ngan hnoq, Jah anoe ka mangai rìm diac, Jah ãq ka phù cròng canòm lui, Jah dèch atóc ta kan ranhòm.

4 Yiang Hadròeh anoe hloh, taqnhòng atìq èh, i bài mangai cadac manoh lui ãeq cadàu tiaq bài kiac qnùt xam trong da kiac dù, 2 lam hwang tiaq kan patiah toq enh gùng da thài paqnùt, mahaq aih la bài mangai khoe tagôi ta manoh cliac, 3 wì haq ùh lòh trong yóc ống mai, thê ãhnh ka acaq bài dahwèq Boc Plinh ma khoe broq am ka mangai i manoh lui, mangai loq ka bàu trong joq qnàng, loq manè apôi ãeq hu acaq. 4 Rìm yiniq Boc Plinh broq loh aih ãq lem, ùh i cleq ma ep cadac, waq toq bèn acaq xi manoh manè apôi; 5 majah qmang aih canòm ka bàu Boc Plinh xam bàu waiq khàn dahwèq aih majah loh ka hadròeh. 6 Kon anoe hnài ka wì oh ãq loq trong aih, broq qmang aih kon men joq qnàng wìa mangai patih hnhoh lem da Chuaq Jesus Christ, jah ban xi bàu joq qnàng da manoh lui xam trong lem kon ma tiaq hóc enh nêh. 7 Bài bàu capoch talìq talàn tiaq ka bàu bài yaq craq ti poch hwang, aih cadac, ti axràm ka radeh trong loq iu yùq. 8 Majah qmang aih axràm wèq dèh chac hamac ùh i jah taq atam cleq pang leq, mahaq trong loq iu yùq aih jah lòeq rìm trong, majah qmang aih khoe i bàu têu ãeq taqnhòng kô hloe xam taqnhòng atìq hòm. 9 Aih la bàu cajap joq qnàng, khòh ãq ka manoh lui hu rùp yóc. 10 Aih ãq ãq ãq bèn majah ep xalep hu blah yóc, taiq bèn khoe ãeq dèh mannòh lui ta dalam Boc Plinh rih halinh, haq aih Chuaq dèch da rìm ngai, yiloe hòm, ka mangai ma lui. 11 Aih bài trong kon ma ep anoe hnài. 12 Apa q ãq wì jù ãq kon oe raq qyoh neo, mahaq ep yóc bàu capoch, yiniq broq, kan loq waq, manoh lui xam kan hliang lem ãeq broq dua ka mangai lui. 13 Panim ka ngan hset, ka pariaq, ti hnài trùh hi au trùh taqmat. 14 Apa q hêt kan tabàih ãh khoe am ka kon, aih kan tabàih kon ma khoe jah tiaq bàu pajàu jò wì gucra q Tagop Hadròeh yóc tì roh ta chac kon hu waiq khàn. 15 Ep panim ti ngan wèq bài trong aih, ãq ãq phù cròng jah hnoq kon, ãeq wì hnoq kon rai èh rai yòng kàn. 16 Wèq radeh hloe xam bài bàu kon hnài ma jaq cajoq, rìm trong apaq tagah lep manoh, broq qmang

aih xam cla kon hloe xam mangai tamàng kon diq jah dèch.

5 Apa qapoch grèh ka mangai cra q, mahaq ep alòng hnài tiah dèh ka baq, ti gu qyoh aih tiah ka oh daq, **2** gucadrì bàc hanam aih tiah dèh ka miq, gucadrì adrùh tiah dèh ka oh daq cadrì, manoh ep qngah hliang joq qnàng. **3** Ep loq ta-iu mangai gucadrì hadrô cra q ma hadrô dèh joq qnàng. **4** Mahaq tàng mangai cadrì cra q hadrô aih i kon xau, adroe diq dōng wì aih ep loq i manoh broq trong lem dèh ka mangai ta hnim cla, i manoh broq trong lem dèh ka miq baq yaq boc, majah qmang aih trong aih lem ka manoh Boc Plinh. **5** Mangai hadrô ma nan dèh joq qnàng, rih dèh mōeq ngai, haq khoe diq ka manoh canòm toq ka Boc Plinh, dahì damang cajap manoh waiq khàn creò dang. **6** Mahaq da mangai hadrô ma oe raq ònh ka rih tiaq trong bùi hyòq ta qnhòng kô, ma aih yac oe rih tiah gleq khoe cachit. **7** Ep anoe bahmàng hlài bài trong aih, dōq wì gèh geo pi i qmòe ajang leq hu cwò. **8** Tàng cabô ùh qnì hanò dèh ka hadròng hadrech, yeo hnau ka aih hòm, ùh hanò qmòe dèh mangai ta hnim cla, aih mangai khoe cađac deh manoh lùì, yeo qmèq hnau ka mangai ma qnhòq lùì. **9** Đòeq hu jah achih qmùt yiniq ta hset mangai cra q hadrô, mangai cadrì ep jah tadràu jât hanam, enh nèh dua mōeq ngai òng raq, **10** èh waq ka i bàu wì manè bài trong lem haq ma khoe broq: qmang ka khoe rabiaq ka ban kon, loq ãh tamoe ùh, qnheo jènh bài mangai ma tiaq Chuaq, loq hanò ka mangai pa ma hamoq dèh, rai broq bàc trong lem qnoeq hòm. **11** Mahaq apaq achih qmùt yiniq mangai hadrô ma oe raq qyoh hanam, majah qmang aih jò chac hamac wì troq hyòq, loq qnung wì hangai ka Chuaq, wì loh ka enh yòc òng, **12** cađac dèh bàu ma adroe, taqmòq yòc ka rađeh kan tah hadrah. **13** Majah qmang aih, taiq wì haq hmòt oe ùh i ka yiniq toq ti lam ha-ia enh hnim kô trùh hnim tau, ma xài toq oe pagôq dech, wì haq toq ti bàc bàu liq làn enh toq anoe trùh trong ma ùh khòh. **14** Qmang aih au enh thê bài gucadrì hadrô oe raq qyoh hanam yòc òng, ha-uaq kon, wèq ngan deh ta hnim cla, dōq ùh hiaq broq nen ka mangai ma tagit jah nòe hu tapoch qmèq. **15** Majah qmang aih khoe i qnah ngai cadrì hadrô tawih tiaq Satan. **16** Tàng cabô leq i mangai cadrì cra q hadrô oe deh ta hnim, aih èh ep wèq ban haq, òeq ùh hiaq

ep ka Tagop Hadròeh, dōq Tagop Hadròeh jah wèq ban toq mangai ma hadrô dèh joq qnàng. **17** Bài wì cra q ma rabiaq ka wèq Tagop Hadròeh aih bèn ep loq iu camaih ka wì haq yeo bàc, mangai ma anoe hnài bàu Chuaq aih kiang yeo bàc hòm. **18** Majah qmang aih Hset Hadròeh i achih rameh: lh apaq sròp mung òo qnah len qmau, èh hòm mangai ma patih aih troq ka jah kùng baha. **19** Apa q di jài q ma achih òeq hu tah hadrah ka mōeq ngai gucraq leq tàng joq ùh i ka baiq pi qngai panhìn. **20** Mangai ma broq yiniq lui, ep cwò lech ka haq haq enh ngèa bàc ngai, òeq broq ka wì qnoeq hu loq yùq. **21** Enh ngèa Boc Plinh, enh ngèa Chuaq Jesus Christ xam enh ngèa bình plinh jah ràih, au thê kon ep wèq òe bàu hnài kô, yac ka broq cleq dua apaq gen kan, paq loq waq ka apah. **22** Apa q rênh roh ti enh qnhèq ka cabô, apa q wiang poh ta yiniq lui cabô, ep wèq rađeh jah hliang lem. **23** Apa q ôq toq diac dech, mahaq ep ôq toq ãiaq alac, majah qmang aih gàu padùc kon ùh nèn, kon xan loq xa ka oe. **24** I ngai aih yiniq lui haq rênh jah paqnoh qmòe adroe ka hi haq ma ep chi uq kan hadrah, i qnah ngai atiq ka hadrah aih men hnoq. **25** Bài yiniq broq lem hanoh qmang aih: i qnah jah paqnoh qmòe, i mōeq qnah aih ùh paqnoh qmòe, mahaq atiq èh yac ka cadoc dua ùh hlèp.

6 Diq dōng mangai broq dèh hapōng ep loq hèm ka camaih iu dèh ka wì cra q rìm trong, dōq yiniq Boc Plinh xam bàu nhèn ma hnài ùh hiaq i cabô jah capoch racaih. **2** Cabô ma i cla cra q tiaq Chuaq, aih apa q yòc nen hadai oh daq òeq ùh iu camaih ka haq, mahaq kiang ep patih yeo bàc hòm, majah qmang aih mangai ma jah da bèn padren aih mangai tiaq Chuaq, mangai ten tia ka bèn. Aih trong kon ma ep pariaq hnài wì. **3** Tàng loq i mangai hnài trong qnoeq, ùh tiaq bàu da Chuq Jesus Christ bèn ma hnài, aih bàu hnài dōq bèn loq iu yùq ka Boc Plinh. **4** Mangai aih dèch catèh rađeh, ùh i qnì cleq, mahaq haq khoe òeq enh toq tarahen, toq ti goh bàu capoch, dài aih majah loh kan tagit, tajènh, capoch patah, hèm qmèq ka dabau, **5** xam bài bàu tarahen ùh loh qmòe cleq da bài mangai i manoh qmèq, ùh dùh dèh ka i kan joq qnàng, wì ngan trong iu yùq ka Chuaq aih bu dāng trong chaq acaq diq. **6** Mahaq kan iu yùq xam manoh lem bùi, aih raq hang kàn. **7** Majah qmang aih bèn clih enh cliac ùh i wè

cleq, bèn cachit hadai ùh jah aràng cleq. **8** Qmang aih waq toq bu lap ka acaq, lap ka atàc, aih ep lem bùi manoh, **9** da mangai ma enh toq ka padrǝng kan, ùh khoe ka taclih ta kan padô qnùt, hlech rajôiq, cro ta kan plai daiq ùh troq qmòe trong, aih raq bài yiniq broq ka kon mangai cram ta kan lùng pac cachit lùch. **10** Majah qmang aih kan plai ka bac jèn aih raq tagùq riah plòh loh bài trong dù, i ngai cadàu tiaq bac jèn dài majah loh ka cadac dèh manoh lùì, taqmòq yǝc ka rađeh kan xalep mangò. **11** Mahaq kon, aih mangai da Boc Plình, drah wia bài trong aih, ðòeq chaq trong taq atoq, iu yùq, manoh lùì, loq waq, loq kèmm, kan laq alàng. **12** Yǝc manoh lùì hu tablêq qmòe ka lem, carùp yǝc kan rih halình mòeq ðòe, aih raq dài kon ma khoe jah creò, dài kon majah khoe paqnoh dèh chiac enh ngeà bàc ngai wiang hnoq. (aiōnios g166) **13** Enh ngeà ka Boc Plình aih Mangai am kan rih ka rìm yiniq, xam enh ngeà Chuaq Jesus Christ aih Mangai jah i bàu lem ajang Bônso-Philat, au pariaq kon, **14** ep wèq tiaq ranenh kô, acaq oe apaq loh xit habau, dōq pi i qmòe ajang leq hu cwò, gòm hì Chuaq Jesus Christ da bèn trùh, **15** Haq trùh wop troq dèh jò Boc Plình ma khoe qnac ðòeq, Boc Plình aih Cla Craq xōq ramot, i mòeq raq, aih Bùa enh qnhèq ka rìm bùa, Craq enh qnhèq rìm craq. **16** Mòeq ngai haq raq ma ùh cachit, oe ta kan qngah ùh jah thia haten, qnhòq i cabô hmaq hnoq haq, hadai ùh i mangai leq jah hnoq haq, kan ranhòm kan itai mòeq ðòe oe ðiq ta haq! Amen. (aiōnios g166) **17** Drah hnài bài mangai ma kan padrǝng ta qnhòng kô, apaq loq dèch rađeh, èh hadai paq i manoh canòm ka kùng hang ùh cajap, mahaq canòm ka Boc Plình, aih Mangai ma rìm hì am ka bèn jah dahwèq ùh ðiq ùh dài. (aiōn g165) **18** Hnài thê wì haq broq trong lem, broq ma bàc yiniq lem, loq axong dahwèq ðeh ma i, **19** qmang aih wì haq chàu ðòeq ka rađeh mòeq hapom hang canaq lem, broq ðòeq ka rađeh nòe cachat hagau haghình bla èh, ðòeq jah kan rih joq qnàng. **20** Timôthê, kon ep wèq rìm yiniq au ma khoe thê kon, wia ma hangai ka bài bàu taphò taphuàng, bàu tarahen broq ðeh lech loq mahaq ùh loq cleq. **21** Taiq enh axràmm bài bàu aih, dài majah i mangai cadac dèh manoh lùì. Waiq kan tabàih dech enh Boc Plình oe ti oh daq.

II TIMÔTHÊ

1 Au kô Phaulô, tiaq manoh Boc Plinh thê broq mangai Tiaq cla da Chuaq Jesus Christ, ðòeq hu lam anoe bàu kan rih ma khoe têu am enh dalam ka Chuaq Jesus Christ, **2** achih ka Timôthê, aih kon au ma ha-och dèh ðiq jaq: Waiq ðòq kon jah kan tabàih dech, kan loq waq, kan catèm enh Boc Plinh, aih Baq, xam enh Jesus Christ aih Chuaq da bèn. **3** Au manè apôi dèh Boc Plinh au ma patih xi manoh hliang lem qmang ka qnhòng boc yaq au khoe broq, xam dahì xam damang au ùh hêq ka hmàng trùh kon jò au waiq khàn. **4** Majah qmang aih au hmàng qmòe ka diac mat kon, enh toq lam hmàih ka kon, ðòeq manoh cliac au jah lem bùi. **5** Au hadai hmàng trùh manoh lùì joq qnàng da kon, aih manoh lùì nêh haq khoe oe ta Lo-it, yaq apah miq da kon xam enh dalam Ônit, aih miq da kon, au loq mandeq kô joq qnàng haq hadai oe ta dalam kon. **6** Taiq aih au majah pariaq kon trùt hlài bàì kan tabàih Boc Plinh khoe am, kon ma khoe jah jò canòm ka au roh tì enh qnhèq chac kon. **7** Majah qmang aih Boc Plinh ùh i am ka bèn manoh toq crè camaih ka raðeh, mahaq am ka bèn manoh hagau haghình, kan loq waq, kan loq bàt raðeh. **8** Qmang aih, kon apaq camaih ka ep anoe trùh Chuaq, hadai apaq yóc nen wì khoe rùp clêh au hu camaih, mahaq ep canòm ka cwiang itai Boc Plinh ðòeq hu wiang chiuiq xalep ti Bàu lem. **9** Boc Plinh khoe dèch bèn, khoe yóc kan hadròeh hu creo ka bèn, ùh xài tiaq bàì bìac broq da bèn, mahaq tiaq manoh cla haq ma khoe ði dèh, tiaq kan tabàih haq khoe am ka bèn enh dalam ka Chuaq Jesus Christ enh calah calinh nêh raq, (aiōnios g166) **10** trùh mandeq kô men ja paqnoh canòm ajang Jesus Christ aih Chuaq dèch bèn loh cróng taneh, haq khoe raliang ðac kan cachit, yóc Bàu lem hu aràng kan rih xam kan ùh cachit hòmh loh taqngah. **11** Taiq Bàu lem aih au ma khoe jah ði ðòeq broq mangai lam bahia, mangai Tiaq cla, hloe xam mangai hnài, **12** aih iq dài au majah chiuiq xalep. Mahaq au ùh xep, majah qmang aih au loq ðeh khoe lùì cabô, au loq dèh joq qnàng haq aih i cwiang wèq ðiq ðong rìm yiniq au ma khoe jao trùh ta hì aih. **13** Drah ep yóc manoh lùì xam kan loq waq enh dalam ka Chuaq Jesus Christ ðòeq hu wèq tiaq dua bàì bàu hnài joq qnàng, kon khoe jah tamàng enh

au. **14** Ep canòm ka Yiang Hadròeh qnang oe enh dalam bèn ðòeq wèq bàì yiniq lem ma khoe jao ka kon. **15** Kon loq wì ma oe ta cròng Asia khoe caðac au, ta aih i Phigen xam Hetmòghen. **16** Waiq Chuaq tamèt ka hnim da Ônêsi-phôro, majah qmang aih haq khoe bàc yàng alòng au, ùh hìaq camaih yac ka hnoq wì rùp kàt au. **17** Èh hòmh, jò bu trùh ta Rôma, haq khoe drah chaq waq qmòe ka hnoq au. **18** Waiq Chuaq am ka haq jah hnoq kan tamèt da Chuaq ta hì aih èh! Kon loq ùh hnau ka mangai qnoeq, jò oe ta Êphêsô haq aih khoe patih ka au rìm yiniq.

2 Qmang aih, kon ep canòm kan tabàih enh dalam ka Chuaq Jesus Christ ðòeq broq ka raðeh tadêh. **2** Bàì yiniq cleq kon khoe tàng ajang au enh ngèa bàc ngai wiang hnoq, kon jao hlài ka bàì mangai ùh ta blòq manoh cliac, hadai rabiaq ka loq hnài mangai qnoeq. **3** Drah wiang chiuiq xalep ti au qmang ka mangai linh ma tanoq da Chuaq Jesus Christ. **4** Jò mangai linh lam tajêh, aih pi ðòq bàì yiniq ta qnhòng kô broq ka raðeh tawac, haq broq qmang aih ðòeq lem manoh mangai ma creo ka raðeh. **5** Hanoh qmang aih, mangai cadàu tacadêh tanòe cadàu, ep cadàu troq tiaq dèh ranenh aih èh men jah waq cadoh da mangai blêq. **6** Mangai abèq ruàng ep xalep adroe ðeq, men jah gat. **7** Ep hèm ma tem bàu au ma anoe ka kon, èh cla Chuaq men am ka kon kan rabiaq ta rìm yiniq. **8** Ep hmàng rameh Chuaq Jesus Christ, ha-uang loh enh nang noe bùa Ðawit, khoe rih hlài enh mangai cachit, tiaq Bàu lem da au ma hnài. **9** Taiq Bàu lem aih dài au majah ep xalep, ra-ùng haq wì kàt au tiah qmòe ka mangai broq trong dù, mahaq bàu da Boc Plinh ùh i cabô jah kàt. **10** Aih iq dài au majah chiuiq ðong rìm yiniq am ka bàì mangai ma khoe jah ràih, ðòq wì haq hadai jah dèch enh dalam ka Chuaq Jesus Christ hloe xam kan ranhòmh mòeq ðòe. (aiōnios g166) **11** Bàu kô cajak joq qnàng: “Tàng joq bèn cachit ti haq, Aih èh bèn hadai rih ti haq. **12** Tàng joq bèn hlàt chiuiq qnhro Aih èh bèn hadai jah wèq cwiang ti haq, Tàng bèn hangah ðac ka haq Aih èh Haq hadai hangah ðac chau ka bèn. **13** Tàng bèn loq tablòq manoh Haq dua ùh tablòq manoh, majah qmang aih haq aclai ka raðeh ùh jah.” **14** Kô bàì yiniq kon ma ep bahmàng rai hnài enh ngèa Boc Plinh: ep wia ka hangai kan tarahen trong bàu capoch, trong aih ùh i jah cleq, habo toq ka mangai ma tàng ðeh. **15**

Drah diq jaq loq àu òđeq hujah lem ka manoh Boc Plinh qmang ka mangai path lem geo, yóc manoh hnhuh jang hu hnài bàu joq qnàng. **16** Mahaq ep cađac bài bàu capoch lech loq, majah qmang aih bài mangai capoch trong aih rai èh rai pi qnì iu yùq Boc Plinh, **17** bàu wì haq lènh tiah ka ra-om habau. Ta aih i Himênê xam Philêt, **18** wì khoe cađac trong joq qnàng, wì doe kan rih hlài khoe trùh, wì haq raliang đac manoh lùì da qnah ngai qmang aih. **19** Mahaq xèm cạp da Boc Plinh ma broq dèh dua oe raq ùh i tachriah, i bàu parit qmang kô: “Chuaq loq dèh mangai da haq”, qnah hòm: “Mangai leq ma creo dang ka Chuaq, ep wia ka trong dù.” **20** Oe ta hnim kàn, ùh xài i toq bài cabi wang cabi bac, mahaq hadai i tang qnah broq xi long xi taneh, qnah aih palauq hu tah hang canaq, qnah aih palauq hu tah hang hwòt hwat. **21** Aih èh cabô loq wèq rađeh claih ka bài trong qmèq qmang aih, haq jah tiah qmang ka cabi lem, jah basròeh, i lòeq ka cla wì craq, jò leq jò meh toq padon broq yiniq lem. **22** Hadai ep wia trong mangai radam ma enh, òđeq hu ti chaq trong taq ataq, manoh lùì, loq waq, ti chaq hatroq ti bài mangai yóc manoh hliang creo dang ka Chuaq. **23** Apaqa taqmùt ka bàu tarahen blùng ratùt, majah qmang aih haq loh toq kan talech. **24** Mangai hapông da Chuaq apaq enh ka trong tajènh: mahaq ep acaq oe ma laq alàng ti rìm ngai, loq hnài, ùh hiaq loq hònh, **25** yóc kan tabat òđeq hu băt hnài bài mangai ma enh tablêq, ngèh ka Boc Plinh am ka wì haq kan loq raxach òđeq canau loq trong joq qnàng, **26** èh wì jah clang òđeq hu doeh rađeh claih ka hlàm kan kiac, majah qmang aih kiac khoe rùp padit òđeq thê wì broq tiaq manoh haq.

3 Mahaq ep loq qmang kô, oe ta hì atiq lùch kô èh i bəc jò nanxa. **2** Majah qmang aih kon mangai wì loq waq toq ka rađeh, loq waq toq ka bac jènh, toq panhòm, ratauq, capoch qmèq, ùh iu miq baq, ùh qnì manè cabô, ùh rih tiaq manoh Boc Plinh, **3** ùh ha-och, xa ka hatroq, capoch cheo, ùh loq palap, ngang dù, git ka mangai broq lem, **4** gôpla, loq nòeh, padèch toq rađeh, enh toq trong pagôq ta qnhònh kô yi hnao ka loq waq ka Boc Plinh, **5** enh gùng aih broq deh wèq tiaq trong lem, yàng enh dalam aih wì cađac cwàng itai da trong lem aih. Bài mangai qmang aih kon wia ma hangai haq. **6** Ta wì aih i ngai ti achop mùt da wì ta hnim, ti

padô alùn bài mangai gucadrì ùh wia cleq bài mangai ma bình bauq toq yiniq lui, bài mangai khoe òđq kan qmèq qnung rađeh, **7** yac ka hóc yôt mahaq dua ùh loq ka bàu joq qnàng. **8** Calah nèh Ja-net, xam Jambe tablêq ka Môise dàng leq, bài wì kô hadai tablêq ka bàu joq qnàng dàng aih: gàu ngoc wì haq khoe om ech, manoh lùì wì haq khoe pi dràng qnhro. **9** Mahaq wì pi broq jah tam pang leq hòm, majah qmang aih kô èh kan ratùt da wì haq rìm ngai jah hnoq òđq tiah ka da wa tau diq. **10** Mahaq da kon aih, kon khoe tiaq dua bàu au hnài, tiaq dua rih acaq, manoh enh, manoh lùì, loq kèm, ùh tagah lep ka trong loq ha-och da au, **11** bài kan khech rùp, nanxa ma khoe trùh ka au ta Antiôt ta Ycôni ta Lit-tro. Bài kan khech rùp aih au chiùq diq òđq mahaq Chuaq khoe dèch paclaih au yôt. **12** Ma joq qnàng aih, rìm ngai enh rih lem alàng enh dalam ka Chuaq Jesus Christ, diq ep glàm kan khech rùp baxa. **13** Mahaq bài mangai ngang, mangai patiah toq enh gùng kiang rai èh rai cram ta kan dù, ti qnùt mangai qnoeq èh qnùt hloe xam cla. **14** Da kon hòm, ep yòng ma cạp ta bài yiniq kon ma khoe hóc, ma khoe lùì dèh joq qnàng, majah qmang aih kon loq òđeh khoe hóc bài yiniq aih ajang cabô, **15** qnah hòm, patep enh oe nga kon khoe loq ka Hset Hadròeh jah broq ka kon rabiaq òđeq jah dèch claih xi manoh lùì enh dalam ka Chuaq Jesus Christ. **16** Diq ka Hset Hadròeh aih diq jah Boc Plinh hi hèm qmùt, i lòeq òđeq hu hnài, gùt băt, ti palauq, hnài mangai trong taq ataq. **17** Òđq mangai da Boc Plinh jah geo gua, jah padon òđeq hu broq bài yiniq lem.

4 Au yòng enh ngèa ka Boc Plinh xam Chuaq Jesus Christ aih Mangai ma hu hadrah mangai rih xam mangai cachit, jò haq trùh xam diac da haq, au tanap thê kon: **2** Ep anoe hnài bàu Chuaq, ti àu pariaq, yac ka glàm jò yac ka ùh glàm jò, yóc manoh kèm òđeq hu gùt băt, ti padô alòng, tagaih lech, apaq hêq ka hnài. **3** Majah qmang aih i jò wì ma ùh enh tamàng trong lem, mahaq wì enh toq ti tamàng bàu jiang ka tàng, tiaq kan ònh dèh cla òđeq hu ti tagop bài màngai hnài dudan ka rađeh, **4** bàng don ùh tamàng bàu joq qnàng, mahaq ti tamàng bàu ùh i qmòe ka rinh. **5** Mahaq kon ep loq palap rìm trong, chiùq xalep òđeq broq biac da mangai hnài Bàu lem, rìm yiniq kon ma patih kon ep broq waq ka gêh geo. **6** Majah qmang

aih au khoe ten ta-ùc broq diac lóc, hì cachit da au trùh khoe ten. 7 Au tajêh khoe geo, au cadàu khoe gêh, khoe wèq dèh manoh lúi. 8 Manòeq kô cadoh da kan taq atoq khoe taqmroq òdeq ka au, Chuaq aih mangai hadrah taq atoq hì aih èh hi am ka au, ùh xài toq ka au hi hêq mahaq hadai am ka bài mangai ma khoe òq ka manoh ngèh gòm haq trùh. 9 Drah haqnan trùh ta au ma rênh haq, 10 majah qmang aih Òema khoe cadac au, taiq haq ònh ka qnhòng kô, haq khoe lam ta Têsalônica. Coretxen khoe lam ta Galati, Tit khoe lam tagùng Đamati. (aiôn g165) 11 Toq Luca raq ma oe ti au. Ajèn Mốc lam ti kon, majah qmang aih haq aih i lòeq ka au haq jah wiang patìh ka au bàc trong. 12 Au khoe thê Tichico tóc ta Êphêsô. 13 Jò kon trùh hmàng wê da au eo ma caxùnh enh gùng, au ma òdeq ta hnim Cabut oe ta Trô-ach, hloe xam bài hset, ta aih bài hset broq xi akia aih yeo nhet. 14 Alecxando, thòq òùng, haq aih ti broq hăbô ka au bàc joq qnàng, mahaq tiaq tang yiniq haq khoe broq, i Chuaq patem hlài da haq. 15 Kon hadai ep hmàng hamang ngan haq aih, majah qmang aih mangai aih òq cajaq enh tablêq ka bèn. 16 Jò au capoch cwaih rađeh yàng ma adroe, ùh i mangai leq wiang ti au, wì cadac òng au. Waiq bài yiniq lui aih apaq ta-ùc ka wì haq! 17 Mahaq Chuaq khoe yòng ti au rai tah tam ka au padren, òdeq canòm ajang aih raq Bàu lem hu jah anoe ka gêh òdeq mangai diac wì òq jah tàng, au hadai khoe jah claih enh kiang baco. 18 Chuaq hadai jah doeh au claih ka trong dù rai dèch au tóc ta diac plinh da haq. Waiq kan ranhòm hlài òq ta Chuaq mòeq òde ùh lùch! Amen. (aiôn g165) 19 Au tanap bàu hangah hmàih ka Bôrica xam Aquila, hloe xam bài mangai oe ta hnim Ônêsiphôra. 20 Êrat haq oe hlài Côrintô, Trôphim qnang ùh hróc au òq haq oe ta hlài ta Milê. 21 Kon àu òq qmòe cajaq òdeq jah trùh tacô adroe ka ralim oq! Ôbulu, Bufen, Linut, Claudia xam oh òq òq tanap bàu hmàih trùh kon. 22 Waiq Chuaq oe ti mahua yiang kon! Waiq kan tabàih oe òq ti oh òq!

TIT

1 Au kô Phaulô, hapông da Boc Plinh, broq mangai Tiaq cla da Chuaq Jesus Christ, hu qnung bài mangai Boc Plinh ma khoe raih, ðòeq wì haq i manoh lùì rai loq bàu joq qnàng, aih trong ajèn wì trùh ta kan loq iu yùq, **2** hu tangèh gòm kan rih halinh, aih kan rih da Boc Plinh Mangai ma ùh jò leq capoch qnùt, khoe tèu am enh qnhòng calah baxèm. (aiōnios g166) **3** Trùh jò ma khoe pajaq, Boc Plinh qnoh dèh bàu loh ta qngah ajang bàu hnài aih la biàc ma khoe jao am ka au tiaq bàu thê da Boc Plinh aih Chuaq dèch bèn. **4** Au achih jàiq kô ka Tit, aih joq kon da au oe ta manoh lùì pajùm: waiq kan tabàih xam kan catèm trùh enh Boc Plinh, aih Baq, xam enh Jesus Christ, aih Chuaq dèch bèn. **5** Au ðòeq kon oe ta Coret, ðòeq hu palauq hlài bài yiniq ma qnhòq jah taqmroq, tiaq bài bàu au khoe hnài kon ðòeq dèch paqnàng bài gucraq ta rìm phòq. **6** Rìm ngai gucraq ep geo ùh i qmòe ajang leq hu cwò, aih òng da mòeq ngai mai raq, wì kon haq ep lùì Chuaq, ùh i cabô trùh doe wì haq rih ùh lem, ùh iu. **7** Majah qmang aih, mangai wèq oh daq aih mangai wèq ta hnim Boc Plinh haq ep ùh i qmòe ajang leq hu cwò. Ùh khòh catèh, nòeh, bù bia, ngang dù, ònh ka bac jènh, **8** mahaq ep panim ka ðih tamoe, broq bua ti mangai khun khuauq, rabiaq, taq atoq, hadròeh, i kan amàn, **9** Haq wèq cajap yôt trong joq qnàng qmang ka haq khoe jah tamàng, ðòeq haq jah boe tiaq trong lem ðòeq hu pariaq alòng mangai qnoeq rai loq hatèu hlài bài mangai ma enh tablêq. **10** Majah qmang aih i bacc ngai, ta aih ma yi hlòm aih bài mangai ma tiaq ranenh kat akia, wì haq ùh waq iu, ja capoch liq làn rai toq ti padô qnùt, troq ka ep bâng ðac hacùng wì haq aih. **11** Pàng wì haq daiq toq ka trong bac jènh dài majah hnài trong ùh khòh hnài, ti raliang ðac hnim mangai qnoeq. **12** Taqne wì aih i mòeq ngai, haq aih mangai pajàu da wì aih, doe rameh: Mangai Coret loq amòng, aih bài tìah ka ngè plai toq ka acaq mahaq aroh. **13** Bàu anoe aih troq. Qmang aih ep lech ka wì haq ja cajoq, ðòq wì haq jah i manoh lùì ma joq qnàng, **14** apaq tamàng dèh bàu ùh i xem goe da mangai Judà, xam ranenh da bài mangai ma ùh waq tiaq bàu joq qnàng. **15** Rìm yiniq ðiq lem hreo ka mangai lem hreo, mahaq ka bài mangai ma amùa ma ùh lùì, aih

ùh i cleq ma hadròeh, majah qmang aih gàu ngoc xam manoh cliac wì haq khoe amùa. **16** Wì doe ðeh loq ka Boc Plinh, mahaq tiaq biàc broq aih ðiq chàih caðac haq, joq jiang toq ka git, ùh qnì iu, pi jah broq qmòe yiniq cleq ma lem.

2 Mahaq kon ep hnài trong ma hatroq tiaq trong lem. **2** Pariaq mangai craq loq amàn, rih laq alàng, rabiaq, i manoh lùì, i manoh loq waq, loq kèmm rìm trong. **3** Bài craq cadri hanoh qmang aih, ep rih ma hatroq tiaq kan hadròeh, apaq capoch qmèq, apaq ôq hrin alac, ep yôc kan rabiaq ðòeq hu ti hnài trong leq ma lem, **4** aih èh wì haq jah pariaq bài gucadri oe raq qyoh hanam loq waq dèh ka òng ka kon, **5** loq wèq raðeh, i manoh hliang lem, loq wèq ngan bài yiniq ta hnim, acaq oe khun khuauq, loq iu dèh òng, ðòeq trong da Boc Plinh ùh hiaq i mòeq nà bàu capoch qmèq. **6** Hadaì ep pariaq hnài mangai radam acaq oe i kan amàn. **7** Yôc qmòe cla kon xam manoh hnhoh jang, laq alàng ðòeq broq dua lem ka wì, **8** capoch bàu loq hèm, ðòq ùh hiaq i ajang leq hu cwò, ðòeq mangai ma tagit ka bèn loh ka xep, ðòq wì ùh jah capoch qmèq qmòe ka bèn yac ka trong leq. **9** Hnài bài mangai broq hapông ep iu dèh cla craq, rìm yiniq ep broq lem manoh wì craq, apaq rahen, **10** apaq atùng da wì cleq, mahaq ep paqnòh yôt ðeh kô ðiq ka manoh jang lem, ðòeq broq ka qngah trong da Boc Plinh, aih dèch Chuaq da bèn, oe ta rìm trong. **11** Majah qmang aih, kan tabàih da Boc Plinh ðòeq dèch rìm ngai khoe jah trùh. **12** Kan tabàih aih hnài bèn ep loq caðac trong ùh iu yùq ka Boc Plinh xam trong cròng taneh kô ma ònh, rih taqnòh kô ep loq wèq raðeh, taq atoq, loq hanò, (aiōn g165) **13** jò qnang tangèh gòm xôq ramot da bèn xam kan ranhòm da Boc Plinh haqhèq xam Dèch Chuaq da bèn aih Chuaq Jesus Chirst trùh. **14** Haq aih Mangai khoe caðac raðeh ðòeq baxon ahlài bèn claih enh yiniq lui rai broq ka bèn jah hreo, yôc bèn hu broq moeq nang noe crài da haq, aih nang noe i manoh nhét ka broq trong lem. **15** Drah hnài bài yiniq aih, yôc ðiq dèh ka cwiang ðòeq pariaq, tagàih. Apaq caðac cabô jù halê kon.

3 Ep bahnàng ka bài oh daq ep iu bài mangai i cwiang, mangai broq gàu, ep tamàng bàu wì aih, yac ka jò leq dua padon raðeh ðòeq hu broq trong lem, **2** apaq capoch qmèq ka cabô, apaq tajènh, ùh taqmrua, ep i manoh laq alàng

ka rìm ngai, **3** Majah qmang aih, enh nèn bèn hadai blùng, ùh qnì iu, cađac wì qnùt đac rađeh, broq đic ka bác trong đeh ma enh, rih tiaq kan dù, tajì ka wì ma git, yac ka cla bèn hanoh tagit ka dabau. **4** Mahaq pang jò kan laq alàng da Boc Plinh, aih dèch Chuaq bèn xam kan loq ha-och da haq, khoe jah paqnoh am ka bèn, aih haq hi dèch bèn, **5** ùh xài tiaq kan taq atoq cla bèn khoe broq, mahaq tiaq deh kan loq waq da haq. Haq dèch bèn ajang kan qnheo hreo rai ha-uang hlài bèn, paneo hlài bèn xi Yiang Hadròeh **6** Haq ma khoe ùc qnoh ka bèn ùh đìq ùh dài, xam Jesus Christ, aih Dèch Chuaq da bèn; **7** ðòeq bèn canòm kan tabàih haq ðòeq hujah broq mangai taq atoq, wìa kon hatìa hu wiang jah tangèh kan rih halinh mòeq ðòe. (aiōnios g166) **8** Bàu kô joq qnàng, au enh kon anoe parìt yiniq kô, ðòeq bài mangai ma khoe lùì Boc Plinh panim ka broq lem. Bài yiniq kô đìq lem rai jah lòeq ka rìm ngai. **9** Mahaq ep wia ka hangai kan tarahen blùng ratùt, kan taboe nang noe, tarahen trong ranenh, majah qmang aih bài yiniq aih đìq lùch lùà ùh i jah cleq. **10** Jò bèn khoe cwò ka mangai ma broq kan talah jah mòeq yàng baiq yàng, khoe ka aih chaq wia ka hangai, **11** bèn loq bài mangai qmang aih khoe pi hnhoh jang, broq toq yiniq lui, cla taqmòq ka rađeh kan hadrah. **12** Trùh jò au thê Atêma tàng ùh meh Tichicô lam ta kon, kon haqnàn ka tồc tagùng Nicôbôli ti au, majah qmang aih au khoe ùac ka oe ta aih clech ka ralim. **13** Drah ti àu padon palauq ka Xêma aih mangai hnài ranenh xam Abôlô, apaq ðòeq wa aih nan ka dahwèq cleq jò wa aih loh lam. **14** Mangai tiaq trong da bèn ep đìq ka manoh hỏc broq trong lem, ðòeq wiang tabàih am ka mangai qnoeq jò wì nan đeh, ðòeq wì ùh hìaq rih mahaq ùh loh plì. **15** Đìq đổng wì ma oe ti au tanap bàu hmàih trùh kon. Bỏch hmàih bài mangai ma loq waq ka bèn ta manoh lùì. Waiq kan tabàih oe ti oh daq!

PHILÊMÔN

1 Phaulô mangai tù da Chuaq Jesus Christ, xam Timôthê, oh daq bèn achìh ka Philêmôn, mangai bua ma haten hatia, mangai ma hadai abroq dèh mòeq qmang ti bèn, **2** hloe ka Apbi, aih mangai oh daq cadrì da bèn, Achip aih mangai bua da bèn ma hadai wiang tajêh, xam ka Tagop Hadrèh ma tagop ta hnim ìh: **3** waiq dôq ìh jah kan tabàih xam kan catèm enh Boc Plinh, aih Baq da bèn, hloe xam enh nòe Chuaq Jesus Christ! **4** Au xan manè apôi yôt dèh Boc Plinh, jò au hmàng trùh ìh tabàu waiq khàn, **5** majah qmang aih au hia tàng manoh lùì xam kan ìh loq waq ka bài mangai hadròeh. **6** Au waiq khàn dôq ìh jah pajùm manoh lùì ti nhèn òeq broq ka ìh jah loq tam yeo bàc hòm bài xôq ramot enh dalam ka Chuaq Jesus Christ. **7** Kan loq waq ìh khoe broq ka au jah lem bùì kàn xam kan alòng, majah qmang aih canòm ka ìh, manoh bài mangai hadròeh da Chuaq khoe jah blình hlài. **8** Qmang aih enh dalam ka Christ, yac ka au i cwiàng thê ìh broq trong ìh ma ep broq, **9** mahaq jao kan loq waq da ìh dài au majah enh cali calo ka ìh, broq qmang aih ma yeo lem Au kô Phaulô, khoe craq, yàng mandeq kô taiq Chuaq Jesus Christ loh tam ka oe tù hòm, **10** au cali calo deh ka kon aih Ônèsim, mangai khoe wia kon au jò au oe qne rawiang caxi datoeq; **11** enh nèh, haq ùh i lòeq cleq ka ìh, yàng mandeq kô lòeq ka ìh bàc trong lòeq hloe xam ka au: au thê haq hlài ta ìh, **12** haq tìah ka cliac clèm au diq. **13** Au enh padràng haq oe hlài tacô ti au, òeq hu blòh ìh patìh ka au jò au qnang oe taqne rawiang caxi datoeq taiq Bàu lem. **14** Mahaq au ùh enh broq qmòe yac ka yiniq cleq jò qnhòq jah bàu ìh, dôq trong lem ìh ma broq aih ùh xài taiq kan panan, mahaq diq loh enh manoh hnhoh jang. **15** Canau haq khoe talah òe ka ìh toq bìa q òeq ìh jah hlài haq hloe hloe, (aiōnios g166) **16** pi hiaq ngan haq qmang ka hapǫng díc hòm, mahaq ngan haq ùh hnau ka hapǫng díc, tìah ka oh daq ma haten hatia, ma yeo loe aih haten hatia ka au, loq ka ìh aih kiang ma yeo hnau, enh chac hamac trùh enh dalam ka Chuaq. **17** Qmang aih tàng joq ìh ngan au tìah dèh ka bua ìh, ìh òeh yóc haq tìah ka cla au diq. **18** Tàng joq haq i broq cleq habo ka ìh, i pòq dòeh ìh cleq, ìh taqmòq òeq ka au beq. **19** Au kô Phaulô, tì kǫng cla

au achìh ka ìh bàu kô: I au caqnaih da ìh da ìh hòm ìh pòq dòeh au qmòe chac cla ìh raq, mahaq ma aih ùh ràu dèh. **20** Joq ê daq, au toq tangèh jah kan lem bùì kô ajang ìh oe enh dalam ka Chuaq, enh dalam ka Christ ìh drah broq ka au jah tìah dèh ka manoh enh beq. **21** Au achìh jài q kô ka ìh, au khoe lùì joq ìh loq iu bàu, au loq ìh broq ùh hnau ka bàu au ma anoe kô. **22** Èh tam mòeq yiniq hòm, ìh ngan padon òeq ka au hnim padài, majah qmang aih au lùì rameh canòm ka bàu oh daq waiq khàn, au jah hlài ti oh daq. **23** Êphap-ra, aih bua oe tù ti au enh dalam ka Chuaq Jesus Christ, tanap bàu bòch hmài h ka ìh, **24** Mòc, Aritac, Đêma xam Luca bua abroq pajùm ti au hanoh qmang aih. **25** Waiq kan tabàih dech enh Jesus Christ aih Chuaq bèn oe ti mahua yang pì!

HÊBRU

1 Calah nêh, Boc Plînh khoe yôc bài pajâu ðòeq hu hnài bài boc yaq bèn bác yàng bác trong, **2** khoe aih trùh ta bài hi atiq kô, haq hnài bèn xi kon cla haq, aih Kon, haq ma khoe ðèch paqnàng hujah ðồng rìm yiniq, èh hadai ajang Kon aih raq haq ma khoe broq loh Plînh crông taneh; (aiôn g165) **3** Kon aih la kan qngah qngai da Boc Plînh, aih raq radua qmù da haq, yôc bầu i cwiang itai haq ðòeq ðèch paqnhrang rìm yiniq, jò Kon khoe broq hreo ðồng yiniq lui, jah haqngui enh qma Boc Plînh, oe tanòe ðiq jah haqnêq, **4** qmang aih yiniq haq jah yi haqnêq ðồng ka yiniq bình plînh ðàng leq aih èh haq jah yeo haqnêq ðồng ka wì ðàng aih ðiq. **5** Majah qmang aih Boc Plînh alah doe ka bình plînh leq rameh: “Ìh kô Kon au, Hì kô au khoe ha-uang qnoh ìh? Alah i jò leq Haq doe: “Kô èh au broq baq ìh, ìh broq kon au”? **6** Mahaq jò Boc Plînh qmùt ðèh Kon ramua ta crông taneh, aih haq doe rameh: “Ðiq ðồng bình plînh da Boc Plînh ep kùh waiq Kon”. **7** Ràu trùh bình plînh haq doe: “Boc Plînh broq ka bình plînh da haq tiah ka cayeo, Broq ka hapõng da haq tiah ka pla ùnh”. **8** Mahaq anoe trùh ðeh Kon, haq doe: “Boc Plînh ôi, gèg bùa da ìh oe yôt enh qnhòng kô trùh qnhòng tau, Cwiang ðiac da ìh aih cwiang da kan taq atôq. (aiôn g165) **9** ìh enh trong taq atôq, git trong dù; Aih ìq, Chuaq ôi, Boc Plînh da ìh yôc ðầu lem bùi xùt ka ìh, Broq ka ìh yeo qnhêq ðồng ka bua ìh. **10** Boc Plînh doe hòh: “Chuaq ôi, adroe ðiq ðồng ìh khoe broq xem taneh, Trôc hadai loh enh tì kông ìh. **11** Plînh crông taneh èh raliang lùch, mahaq ìh oe yôt; Plînh crông taneh èh kùn tiah ka ahyah eo; **12** ìh canua haq bu ðàng blah eo yôh, Khoe aih plînh crông taneh hi tablòq, Mahaq ìh dua mòeq jaq, Bài hanam da ìh ùh lùch. **13** Boc Plînh alah doe ka bình plînh leq rameh: “Haqngui enh qma ka au, Trùh jò au roh bài mangai ma tagit broq radua enh qneq ka jènh ìh? **14** Ðiq ka bình plînh aih ma ùh xài bài yang patìh ka Boc Plînh, khoe jah thê loh ta crông taneh ðòeq patìh ka bài mangai ma padon jah kan ðèch qmòh?

2 Qmang aih, kiang bèn ep wèq ka cajap trong bèn khoe jah tàng, ðôq ùh hiaq hiu ðac taqnoeq. **2** Majah qmang aih, tàng joq bầu da bình plînh anoe aih khoe cajap cajinh, cabò ùh

iu ùh tiaq bầu aih khoe jah hnoq kan patem qmòe amat, **3** tàng bèn toq patrò kan ðèch kàn kaiq qmang aih, broq qmang leq bèn ma claih? kan ðèch kô Chuaq anoe qnoh adroe, i mangai ma tàng, anoe panhìn hlài ka nhèn. **4** Boc Plînh hadai yôc bác trong bác kan halac, yôc kan tabàih ðèch enh Yiang Hadròeh axong tiaq manoh cla haq enh, ðòeq hu panhìn ka wì aih. Jesus broq radeh wia kon mangai **5** Qmang aih, crông taneh ma padon trùh nhèn ma qnang anoe kô, Boc Plînh ùh ðòeq haq oe enh qneq ka cwiang bình plînh. **6** Mahaq i ngai khoe doe rameh: “Kon mangai kô ìq cleq, Chuaq ma hmàng trùh? Kon mangai kô ìq cabò, Chuaq ma palàng? **7** Chuaq khoe ðòeq haq yi qneq ka bình plînh toq biao, Pa kui am ka haq kui cadoh plînh ranhòm lem **8** Chuaq roh ðòeq rìm yiniq enh qneq ka jènh haq”. Boc Plînh broq ka rìm yiniq ðiq ep oe enh qneq ka Chuaq Jesus, qmang aih ðôq ùh i mòeq cleq ùh iu haq, yàng manòeq kô bèn qnhòq hnoq rìm yiniq ðiq iu haq. **9** Mahaq Chuaq Jesus kô, ma khoe oe qneq ka bình plînh toq biao, bèn hnoq haq manòeq kô khoe jah pacui cadoh ðiac plînh lem ranhòm, pàng haq khoe chiuiq cachit. Qmang aih, taiq kan tabàih da Boc plînh, Chuaq Jesus majah khoe cachit am rìm ngai. **10** Joq Boc plînh la mangai ma rìm yiniq ngea ðiq ta haq rai canòm ka haq, pàng enh aràng bác ngai kon trùh ta kan qngah qngai, aih haq broq joq khoe troq jò haq broq ka Chuaq Jesus aih xem kan ðèch da wì kon aih, jah gèh geo ajang kan chiuiq xalep. **11** Qmang aih, Mangai ma broq ka hadròeh xam mangai jah hadròeh, aih ðiq loh enh mòeq Baq raq. Aih ìq, Chuaq Jesus majah ùh camaih ka creo ka wì aih oh ðaq, **12** jò Haq doe: “Au jah anoe yiniq ìh ka oh ðaq au, Oe taqne Tagop au calêu manè ìh”. **13** Haq doe hòh: “Au hataq radeh ka Chuaq. Èh hòh: “Kô au xam bài kon Boc Plînh ma khoe am ka au” **14** Qmang aih, taiq wì kon i xech i mahim ðài cla Chuaq Jesus majah hadai waq ka i qmang aih ðiq, ðòeq jò cachit, haq jah raliang ðac mangai ma wèq cwiang kan cachit aih Satan, **15** rai paclaih am ka rìm ngai taiq crè ka kan cachit ðài majah ep broq ðeh hapõng lùch ka qnhòng. **16** Joq qnàng, haq trùh ùh xài ðòeq hu wiang ka bài bình plînh, mahaq ðòeq hu wiang ka nang noe da Apraham, **17** Aih ìq, ðài rìm trong haq majah ep broq tiah ðèh ka oh ðaq, ðòeq enh ngèa Boc Plînh jah wia Pajâu haqnêq, loq ha-och, ùh tablòq manoh, ðòeq

cachit ka yiniq lui da kon mangai. 18 Pàng cla haq khoe chiùq nanxa ta kan padò qnùt, dài haq majah i cwiang dèch bài mangai jò wì glàm kan padò qnùt.

3 Qmang aih, ôi oh daq hadròeh, aih bài mangai hadai jah bàu creò enh plính, drah hèm trùh Mangai wê bàu, Mangai pajàu haqnèq bèn ma khoe lùì tiaq, aih Chuaq Jesus. 2 Haq ùh tablòq manoh dèh ka Mangai ma thê haq, tiah ka Môise ùh tablòq manoh ka hnim Chuaq. 3 Majah qmang aih, Chuaq Jesus khoe jah ranhòm jah haqnèq ùh hnau ka Môise, tiah ka mangai broq hnim ranhòm ùh hnau ka chac hnim. 4 Majah qmang aih, rìm toq hnim diq i mangai broq loh; mahaq Mangai ma broq loh rìm yiniq aih Boc Plính. 5 Môise, haq ùh tablòq manoh ta hnim Chuaq tiah ka mangai hapông khoe jah creò òeq hu panhìn ka bài bàu Boc Plính ma anoe ta hì atìq kô èh. 6 Mahaq Christ aih ùh tablòq manoh qmang ka cla kon calò wèq cwiang ta hnim Boc plính; yàng aih bèn kô raq hnim Boc plính, waq toq bèn cajap manoh lùì xam kan canòm trùh lùch, yóc biac aih raq broq deh kan ranhòm ka bèn. 7 Aih iq, qmang ka Yiang Hadròeh i doe: “Hì kô tàng pì tàng bàu haq, 8 Aih apaq cadoq manoh qmang ka pì khoe broq jò àu yòng tablêq ka haq, Aih hì pì ma qnhro Boc Plính tanoè braih kàn. 9 Aih nòe boc yaq pì khoe hnoq yiniq au broq ta pôn jàt hanam, Mahaq dua oe raq enh ti qnhro ngan au! 10 Qmang aih, Au majah nòeh ka nang noe aih, Au doe: Manoh da wì haq toq lam liq, Qnhòq lah qnì ka trong da au. 11 Kô bàu au hapah ta kan pandèh: wì haq blinh ùh jah mùt ta kan padài da au”. 12 Oh daq rabiaq oq, òeq qne oh daq ùh hìaq mangai leq i manoh dù rai ùh lùì, loh qmòe ka cađac Boc Plính halính qmòh. 13 Mahaq rìm hì ep ti pariaq dabau, jò ma oe raq jah creò: “Hì kô” òeq diq dõng oh daq ùh hìaq i mangai leq cađac yiniq lui padò radeh loh ka cadoq manoh. 14 Majah qmang aih, bèn khoe wiang jah pajùm ti Christ, waq toq bèn wèq deh manoh lùì enh jò baxèm cajap trùh lùch, 15 jò oe raq doe: “Hì kô tàng pì tàng bàu haq, apaq cadoq manoh, Qmang ka pì khoe broq, jò àu yòng talêq ka haq”. 16 Qmang aih, cabò tàng bàu haq khoe èh hì àu yòng tablêq hlài, aih ma ùh xài bài mangai ma canòm ka Môise qnung wì haq loh enh gùng Êjip qmòh? 17 Boc Plính khoe pandèh ka cabò ta pôn jàt

hanam aih? Ajoq nòeh ka bài mangai ma broq yiniq lui, hanang wì haq ma khoe tacro ta nòe braih kàn qmòh? 18 Haq hapah ka cabò jò ma doe: Blinh wì ùh jah mùt tanòe padài da haq? Ajoq ka bài mangai ma ùh iu bàu? 19 Qmang aih, bèn hnoq dài wì aih ma ùh jah mùt, aih taiq wì haq ùh lùì.

4 Qmang aih, qnang jò oe raq i bàu têu am jah mùt ta kan padài da Chuaq, bèn drah loq crè, tabeq loq i mangai leq taqne oh daq loq ùh jah mùt qmòh. 2 Majah qmang aih Bàu lem kô khoe jah anoe am ka bèn hadai tiah qmang ka wì aih; bài bàu wì haq ma khoe tàng aih ùh i lòeq cleq, majah qmang aih jò tamàng, wì ùh yóc manoh lùì òeq hujah bàu aih ka radeh. 3 Yàng da bèn aih bài mangai ma khoe lùì, aih jah mùt ta kan padài, wop qmang ka Boc Plính khoe doe: “Kô bàu au hapah ta kan pandèh, Wì haq blinh ùh jah mùt ta kan padài da au”. Hnoq anoe qmang aih, biac broq da haq khoe gèh qmòe enh jò baxèm broq plính crõng taneh. 4 Majah qmang aih, anoe trùh hì ma tapèh, i bàu achih rameh: “Hì tapèh Boc Plính padài dõng ka yiniq broq”. 5 Ajang qnoeq hòem, achih rameh: “Wì haq blinh ùh jah mùt ta kan padài da au”. 6 Qmang aih, khoe palauq òeq ka qnah ngai jah mùt ta kan padài aih, mahaq bài mangai ma khoe tàng Bàu lem aih angoe nèh khoe ùh jah mùt taiq wì haq ùh iu, 7 khoe aih dùnh haraya, ta bàu calêu da Đawit, Chuaq i pajaq ònh mòeq hì qnoeq hòem hadai creò “Hì kô” tiah ka bàu ma taboe enh ngoe iq: “Hì kô tàng pì tàng bàu haq, apaq cadoq manoh”. 8 Tàng joq Jòsuê khoe am wì kan padài, atìq ka aih Boc Plính ma oe ràu trùh mòeq hì ma qnoeq hòem. 9 Qmang aih oe i mòeq hì padài ka mangai da Boc Plính. 10 Majah qmang aih cabò mùt ta kan padài da Boc Plính, mangai aih jah padài dèh ka yiniq broq, qmang ka Boc Plính padài deh ka yiniq broq. 11 Qmang aih, bèn ep àu diq ka padren òeq jah mùt ta kan padài aih, dõq ùh hìaq i cabò taqne bèn cro tiaq dua bài mangai ma ùh iu tau. 12 Majah qmang aih bàu da Boc Plính aih bàu rih, bàu xit, hin ùh hnau ka chang baiq mán, pác jrùq ta bèn, loh qmòe ka jah ralah mahua, yiang, atap, tangau, chèh ngan ta gàu ngóc xam yiniq khoe qnac ta manoh cliac. 13 Ûh i cleq jah cadoc hlèp enh ngèa ka Boc plính, diq dõng ep paqnoh ralènh enh ngèa haq, aih Mangai bèn ma ep taqmon hlài rìm yiniq bèn ma khoe

broq. 14 Qmang aih, pàng bèn i mòeq ngai Pajàu haqnèq khoe tōc ta plinh, aih la Chuaq Jesus Christ kon da Boc Plinh, dài bèn majah ep wèq ka cajap trong bèn ma khoe lùì tiaq. 15 Majah qmang aih, bèn ùh i ka pajàu haqnèq ma ùh dùh qmòe ka ha-och kan ùh nèn da bèn, mahaq bèn i mangai Pajàu khoe chiuiq qnhro ta rìm yiniq qmang ka bèn, mahaq ùh jò leq broq yiniq lui. 16 Qmang aih bèn drah cajap manoh thia haten rangàu xōq ramot, òeq hujah kan tamèt rai chaq jah kan tabàih dech òeq hu wiang ti bèn jò bèn ma i yiniq nheth òeh ka waq.

5 Rìm ngai pajàu haqnèq, ma khoe jah raih enh kon mangai, wì dèch haq aih òeq broq mangai patih am ka wì enh ngeà ka Boc Plinh, òeq dèch ngè tadreo xam ramèn cachit am ka yiniq lui. 2 Haq aih hadai ùh nèn rìm trong, dài haq majah loq ha-och ka mangai ma lam hwang ùh qnì òeh cleq. 3 Taiq kan ùh nèn aih dài haq majah ep dèch ngè tadreo ka ràdeh, hloex xam yiniq lui da mangai qnoeq. 4 Èh hòmh, ùh i mangai leq jah blah yōc kan ranhòm aih ka ràdeh; mahaq waq ka jah Boc Plinh creot tiah ka Arōn nèn. 5 Hadai qmang aih, Christ ùh padèch òeh broq Pajàu haqnèq; Mahaq Boc Plinh khoe doe ka haq: “Ìh kō Kon au, Au khoe ha-uang ìh hì kō”. 6 Ajang qnoeq hòmh i doe ka haq rameh: “Ìh broq pajàu mòeq òe, Tiaq apah da Menchixèdech”. (aiōnios g165) 7 Jò Chuaq Jesus Christ oe raq rih ta cōng taneh, haq khoe òeh bàu crò hmoe òeq dèch bàu waiq khàn àu bòch Mangai ma i cwiang dèch haq jah claih ka cachit, bàu haq khoe jah tamàng. 8 Majah qmang aih, yac ka haq aih Kon, mahaq khoe hōc yōc kan loq iu enh bài kan xalep òeh ma glàm, 9 jò khoe jah gēh geo, hì wia rangàu da kan dèch claih mòeq òe ka mangai iu bàu haq, (aiōnios g166) 10 èh i Boc Plinh doe haq broq Pajàu haqnèq tiaq apah da Menchixèdech. 11 Anoe trùh trong aih, bèn i bàc yiniq hu anoe, mahaq ùh hlàu cleq ka anoe òeq oh daq jah loq ka hlōh, majah qmang aih oh daq khoe loh ka pi dài qnì tàng. 12 Majoq aih oh daq broq mangai hnài khoe dùnh, yàng mandeq kō aih oe raq waq ka i mangai yōc bài yiniq bu hwang hwòt enh baxèm da bàu Boc Plinh hu hnài oh daq, oh daq oe raq ôq diac tōh, qnhòq hlàt acaq dahwèq cadoq. 13 Qmang aih, mangai leq rih canòm toq ka diac tōh, haq ùh qnì ka trong taq atoq, majah qmang aih haq oe raq kon hin. 14

Mahaq dahwèq acaq ma gang cadoq aih òeq ka mangai đang kàn, am ka mangai loq i manoh àu axràm òeq canau ka trong lem xam trong dù.

6 Qmang aih, bèn ep clech enh tau ka bài bàu hnài baxèm Bàu lem da Chirst, òeq trùh ta kan gēh geo, pi dùh tàc hlài xàn hnìmh hòmh, aih ìq rameh: cadac bài biac cachit, lùì Boc Plinh, 2 trong hnài ramèn baptem, trong roh tì ta chac wì, trong mangai cachit rih hlài, trong hadrah mòeq òe. (aiōnios g166) 3 Tàng joq Boc Plinh lòh, aih èh bèn hì broq bài trong aih. 4 Majah qmang aih, bài mangai ma khoe jah sreo qngah mòeq yàng, khoe hmaq loq kan am dech enh plinh, hadai khoe wiang jah Yiang Hadròeh, 5 loq kan nhim da bàu Boc Plinh xam kan itai ta qnhòng atìq, (aiōn g165) 6 tàng oe tacro, aih pi oe jah broq ka wì haq raxach hlài hòmh, majah qmang aih wì haq khoe tiang òeh Kon Boc Plinh talong pagat ka ràdeh mòeq yàng hòmh, rai baxep haq òeq mangai hnoq òeh hra. 7 Majah qmang aih, taneh i diac mè yōt men loh long loh nhath, i òeq ka mangai ma abèq, taneh aih jah xōq ramot enh Boc Plinh. 8 Mahaq taneh leq ma hon toq yila, toq cadê, taneh aih èh wì cadac, jah toq bàu ra-òh hamaiq, pulùch èh ep bùh òac. 9 Hnoq nhèn doe qmang aih, yōiq wì oh daq da au, dua nhèn oe tangèh gòm yiniq ma yeo lem ta pì, aih bài yiniq aràng pì trùh ta kan jah dèch. 10 Boc Plinh ma i ùh taq atoq, haq ùh hèt yiniq broq xam manoh loq waq da oh daq khoe paqnoh ka yiniq haq jò oh daq patih am ka mangai da haq, trùh mandeq kō dua pi oe raq patih. 11 Mahaq nhèn ngèh rìm ngai tapì òiq i manoh loq nheth qmang aih òeq kan tangèh da oh daq jah broq gēh trùh lùch. 12 Qmang aih oh daq ùh hiaq loh ka ra-òeq, mahaq top dua bài mangai i manoh lùì xam kan loq kēm men khoe jah waq kùng hang tiaq bàu Chuaq ma khoe tēu am. 13 Jò Boc Plinh tēu bàu ka Apraham, pàng pi i qmòe cabò ma yeo haqnèq loe, dài haq majah patò cla ràdeh òeq hapah ka Apraham. 14 Haq doe rameh: Kō èh Au am ka ìh xōq ramot bàc joq qnàng rai broq ka xinoe ìh jah ha-uang tam ka bàc. 15 Qmang aih, Apraham chiuiq àt chiuiq gòm, aih men jah bàu ma khoe tēu am ka ràdeh. 16 Kon mangai wì yōc yiniq mangai ma yeo kàn ka ràdeh òeq hu hapah, tàng loq i yiniq tarahen, wì yōc bàu hapah aih òeq hu panhìn ka cajap. 17 Boc Plinh hadai qmang aih, enh broq ka bài mangai majah waq bàu haq ma

tèu am loq ka haq ùh tablòq manoh, dài aih haq majah yóc bàu hapah; **18** ðòeq canòm ka baiq yiniq ma ùh jò leq tablòq aih, baiq yiniq aih Boc Plính ðiq ùh capoch qnùt, bèn chaq jah kan alòng kàn, bèn aih mangai khoe cadàu tùh tanòe hanhàng, jah cadop yóc kan tangèh ma khoe ðòeq enh ngèa bèn. **19** Bèn wèq kan tangèh aih tiah ka long tanàp da mahua yang, cajap cajinh mùt trùh enh tau ka bai prính, **20** aih nòe hadròeh, Chuaq Jesus tiah ka Mangai pèh trong khoe lam adroe ka bèn, majah qmang aih haq khoe broq Pajàu haqnèq mòeq ðòe tiaq apah da Mênchixêdec. (aiôn g165)

7 Mênchixêdec aih bùa da Salem, pajàu kàn da Boc Plính ma ðiq jaq haqnèq, khoe loh ðih Apraham rai waiq am xôq ramot jò haq tawih hlài enh nòe haq tajèh khoe blêq bài bùa; **2** Apraham yóc mòeq ta mòeq jàt phàn kùng hang radèh ðòeq dèch ka bùa. Mênchixêdec ngiah ma adroe aih la: bùa da kan taq atq, ngiah atiq ka aih hòm bùa da Salem aih bùa da kan catèm; **3** haq ùh i ka baq ka miq, ùh i ka nang noe, ùh i ka hì baxèm ha-uang, ùh i ka hì cachit, qmang ka Kon Boc Plính broq pajàu mòeq ðòe. **4** Hèm beq, jaq cla Apraham aih kan cadraq bèn khoe yóc mòeq ta mòeq jàt phàn ma ðiq jaq lem tabài dahwèq haq khoe jah blah yóc ðòeq dèch ka bùa, aih bùa aih haq haqnèq dàng leq. **5** Tiaq ranenh bài xinoe Lêwi ma broq pajàu, i cwiàng tigop yóc mòeq ta mòeq jàt phàn enh mangai jàn, aih la enh hadròng cla majah qmang aih cla wì haq hadai loh enh Apraham. **6** Yac ka Mênchixêdec ùh xài xinoe da Lêwi, mahaq haq jah yóc mòeq ta mòeq jàt phàn da Apraham rai waiq xôq ramot ka mangai ma jah waq bàu tèu am da Boc Plính. **7** Manòeq kô mangai ma yeo haqnèq waiq xôq ramot ka mangai ma yeo haqneq, trong aih pi ep rahen dèh. **8** Loq ka ajang kô, bài mangai ma tigop yóc mòeq ta mòeq jàt aih ðiq bài mangai loq cachit: yàng ajang tau hòm, aih mangai ma i bàu panhìn doe haq qnang rìh. **9** Qmang aih bèn jah doe qmang kô: Lêwi aih mangai tigop yóc mòeq ta mòeq jàt phàn, cla haq hadai khoe dèch mòeq phàn mòeq jàt tiaq ajang Apraham; **10** majah qmang aih, jò Mênchixêdec loh ðih Apraham, jò aih Lêwi oe raq ta chac Apraham. **11** Tàng ma loq jah kan lem geo canòm ka mangai Lêwi broq pajàu (majah qmang aih Ranenh khoe jah am ka kon mangai jò wì haq oe raq enh qneq

ka cwiàng da pajàu), aih hagleq ma oe waq ka padèch ònh mòeq ngai pajàu qnoeq, tiaq apah da Mênchixêdec, ùh tiaq xinoe da Arôn? **12** Qmang aih, khoe halih pajàu aih èh ranenh hadai ep waq ka halih ðiq. **13** Mangai bài bàu aih ma anoe trùh, oe ta xinoe qnoeq, xinoe aih qnhòq hmaq i cabô patih nòe prang tadreo. **14** Majah qmang aih, Chuaq da bèn loh enh xinoe Jiuda, xinoe aih Môise ùh i ràu trùh trong broq pajàu. **15** Trong aih yeo ro hòm, jò bèn hnoq i mòeq ngai pajàu qnoeq jah dèch paqnàng, tiah ka Mênchixêdec, **16** dèch paqnàng ùh tiaq ranenh da kon mangai, mahaq tiaq cwiàng itai da kan rìh halinh ùh jò leq hnhung lùch. **17** Hácô bàu panhìn ka haq: “Kon broq pajàu mòeq ðòe. Tiaq apah da Mênchixêdec”. (aiôn g165) **18** Qmang aih, ranenh ma adroe nèn ùh i ka cwiàng ùh i ka lòeq cleq dài majah khoe cadac; **19** majah qmang aih, ranenh ùh broq gèh qmòe cleq, èh hòm i mòeq kan canòm qnoeq, ma yeo lem aràng am ka bèn, kan canòm kô ma broq ka bèn jah haten ka Boc Plính. **20** Yeo hnau ka aih hòm i bàu hapah, wì ma qnoeq broq pajàu ùh i ka bàu hapah, **21** yàng haq khoe jah dèch paqnàng xi bàu hapah, jò Boc Plính doe ka haq: “Chuaq khoe hapah, èh pi jò leq haq tablòq manoh, Kon broq pajàu mòeq ðòe”. (aiôn g165) **22** Qmang aih, Chuaq Jesus khoe wìa Mangai broq ka cajap bàu tajao maneo lem yeo hnau ka ma dùnh. **23** Èh hòm, bài mangai broq pajàu aih bəc, mahaq kan cachit khech tăt dài wì haq ma ùh jah broq hloe. **24** Yàng Chuaq Jesus aih halinh yôt, dài haq jah broq pajàu mòeq ðòe. (aiôn g165) **25** Qmang aih, haq majah i cwiàng dèch ðiq dǒng bài mangai canòm ka haq ðòeq hu thia ten ka Boc Plính, majah qmang aih haq rìh halinh ðòeq waiq khàn am ka wì aih. **26** Aih ma joq pajàu haqnèq ma troq ka bèn, hadròeh, ùh i ka yiniq lui, hliang lem, lah deh crài ka mangai i tuiq, jah dèch atóc yeo haqnèq ka tróc: **27** ùh tiah ka bài pajàu haqnèq ma qnoeq, ep dèch ramènhd tadreo rìm hì, angoe aih ka yiniq lui da cla, atiq aih ka yiniq lui mangai qnoeq; Haq dèch ramènhd mòeq yàng raq khoe gèh geo hloe, dèch chac cla haq broq ramènhd tadreo. **28** Majah qmang aih, ranenh yóc bài mangai ma ùh nèn dèh dùnh broq pajàu haqnèq; mahaq bàu hapah ma i atiq ka hset ranenh aih ði cla Kon, aih Mangai ma gèh geo mòeq ðòe. (aiôn g165)

8 Bải yiniq nhèn maneo anoe kô, ma palênh aih rameh: Bèn i mòeq ngai Pajâu haqnêq, haqngui enh qma gèq Bùa Haqnêq ta diac plinh, 2 qnang broq Mangai patih tanòe hadròeh xam ta hnim ranòh joq qnàng, broq loh enh tì kông Chuaq ùh xài loh enh tì kông kon mangai. 3 Rìm ngai ma khoe jah dèch tởc broq pajâu haqnêq aih ðòeq dèch ramèn xam ngè tadreo, qmang aih haq kô ep dèch ramèn cleq. 4 Tàng haq oe raq ta crông taneh, aih haq ùh xài pajâu haqnêq, majah qmang aih ta crông taneh i bacc ngai pajâu dèch ramèn tadreo tiaq bàu ranen thê, 5 wì patih ta hnim kùh waiq, mahaq hnim kùh waiq aih broq dua qmù da bài yiniq oe ta plinh, tiàh ka jò Môise padon broq hnim ranòh, Boc Plinh i pariaq haq: “Rabiah oq, broq rìm yiniq troq tiaq dua au khoe patô ka ìh ta bui wang”. 6 Yàng mandeq kô, yiniq broq da Chuaq Jesus khoe yeo haqnêq ka da wì qnoeq, majah qmang aih haq aih mangai taqne da tajao ma yeo lem, tajao aih loh enh bàu têu am ma yeo lem. 7 Majah qmang aih, tàng joq tajao ma adroe ùh hiaq thiùq qmòe cleq, aih ma i ka nòe hu broq tajao ma atiq. 8 Mahaq Boc Plinh cwò ka mangai Jiuda, haq doe: “Chuaq doe, tabài hi ma padon trùh kô èh, Aih jò au pagêh tajao maneo ka hnim Isorali xam hnim Jiuda, 9 Ùh tiàh ka tajao au ma broq ti bôc yaq wì haq, Aih hi au ma cadop kông wì haq, ajèn wì loh enh diac Êdip. Pàng wì haq ùh cajap manoh wèq tajao da au, Dài au majah ùh blèch ngan wì, aih bàu Chuaq doe”. 10 Chuaq doe hòm: “Kô bàu tajao au am ka hnim Isorali, Atiq ka hi aih: Au ðòeq ranen da au ta gàu wì; Achih qmùt ta cliac wì haq, Au broq Boc Plinh wì, Wì haq jah broq mangai da au. 11 Taqne wì haq, pi i ka cabô oe ep hnài dèh mangai haten hatia, Xam oh daq da cla rameh: Drah canau loq ka Chuaq; Majah qmang aih ðiq dõng ka wì haq; Enh mangai ma ðiq jaq hamoq trùh mangai ma ðiq jaq kàn ðiq jah loq ka au, 12 Majah qmang aih, au caqnaih dõng kàn dù wì haq, Pi hmàng trùh yiniq lui wì haq hòm”. 13 Creo ka ma kô aih “tajao maneo”, qmang aih haq khoe broq ka tajao ma adroe khoe wìa ma dùnh, qmang aih yiniq cleq ma khoe dùnh, khoe tagô, aih èh hi padon hnhung lùch deh.

9 Tajao adroe nèn hadai i bài ranen kùh waiq xam moeq nòe hadròeh oe ta crông taneh. 2 Qmang aih, mòeq toq hnim ranòh kùh

waiq khoe jah broq, hagan adroe creo dèh nòe hadròeh, i jèn ðen, cabõng xam bèn padon ta aih, 3 khoe aih trùh hagan enh dalam ka bai prìn, aih nòe ðiq jaq hadròeh, 4 ta aih i prang kùh waiq broq xi wang, xam hom tajao, ðiq jah glom xi wang. Ta hom aih i mòeq toq cabi broq xi wang ta aih tah bình mana, mòeq toq long dù da Arôn, baiq capiac hmo tajao, 5 enh crông calàp hom i baiq chêrubim qngah qngai hlia panan, qmù haq yàp ðiq tanòe baxon yiniq lui. Mahaq kô aih ùh xài jò arèn taqmon ka hloh bài trong aih. 6 Rìm yiniq khoe jah taqmroq qmang aih, rìm hi bài pajâu mùt ta hagan ma adroe ta hnim kùh waiq ðòeq pagêh trong ramèn kùh waiq; 7 mahaq, ta hagan baiq, aih mòeq hanam mòeq yàng, mòeq ngai cla pajâu haqnêq raq ma jah mùt, ùh jò leq ma ùh wê mahim hu dèch ramèn ka yiniq lui cla xam yiniq lui ðiq ka mangai. 8 Yiang Hadròeh yỏc ajang aih ðòeq mahnu: waq toq oe raq i hnim ranòh kùh waiq ma adroe, aih èh trong mùt tanòe ðiq jaq hadròeh qnhòq jah pèch. 9 Aih ðòeq hu aliah ka bèn qnhòng mandeq, ðòeq hu patô bài trong kùh waiq xam ramèn tadreo aih ùh broq ka manoh mangai kùh waiq jah geo lem. 10 Aih xài bài ranen da chac hamac. Ta aih toq bài dahwèq acaq xam dahwèq ôq xam bài ranen qnheo crài ka dabau. Gòm trùh hi broq ònh tajao maneo. 11 Mahaq jò Christ khoe trùh broq pajâu haqnêq da bài kan lem ma atiq kô; Haq khoe mùt ta hnim ranòh kùh waiq ma yi kàn, ma yi geo, ùh xài broq loh enh tì kông kon mangai, hadai ùh xài taqnòng kô. 12 Haq khoe mùt tanòe ðiq jaq hadròeh mòeq yàng raq khoe lap am ka ðiq dõng, ùh wê mahim bubi xam mahim kon ðo, mahaq yỏc qmòe mahim cla, ðòeq hujah baxon hlài yiniq lui mòeq ðòe. (aiônios g166) 13 Tàng joq mahim bubi calô, ðo calô xam loc ðo adrùh wì ma yỏc chùi ta chac mangai ma ùh sròeh aih xôq jah broq ka xech akia wì jah hadròeh, 14 loq ka mahim da Christ, aih Mangai ma canòm ka Yiang Hadròeh halinh mòeq ðòe, yỏc chac cla raðeh ma ùh i qmòe ka xit ka habau dèch am ka Boc Plinh, qnheo hreo manoh cliac bèn pi hiaq oe patih ka kan cachit hòm, ðòeq hujah patih ka Boc Plinh ma rìh halinh, aih dàng leq! (aiônios g166) 15 Ajang aih raq, Haq aih mangai taqne da tajao maneo, ðôq jò haq khoe chiùq cachit haq jah baxon bài yiniq lui ma khoe broq jò oe enh qneq ka tajao ma dùnh, aih èh mangai ma jah

creo jah trùh yǒc kùng hang mòeq òde ma khoe tǝu am ka raðeh. (aiǝnios g166) 16 Majah qmang aih jò khoe achih jàiq tanap, aih èh ep gòm mangai ma tanap cachit hòeq. 17 Jàiq tanap aih i cwiang atiq ka jò mangai tanap cachit, majah qmang aih waq toq mangai tanap oe rih, jàiq aih ùh i cwiang cleq. 18 Qmang aih tajao ma adroe hadai yǒc mahim hu broq. 19 Jò Môise khoe anoe diq òng bǝi bǝu ranenh thê am diq ka mangai tamàng, haq i yǒc mahim kon bǝ xam mahim bubi calò, pajùm xam diac, haq yǒc caxy capaih gòh xam hamenh cachiq xǝnh ta da arat ta hset xam diq òng ka mangai, 20 haq doe: Kò mahim tajao Boc Plinh ma khoe thê pì wèq tiaq. 21 Khoe aih haq yǒc mahim aih da arat ta hnim ramòh kùh waiq xam rìm yiniq oe ta aih. 22 Tiaq ranenh: rìm yiniq diq canòm ka mahim men jah hadròeh, ùh ta-ùc mahim ùh i kan paclaih yiniq lui. 23 Qmang aih, tàng joq rìm radua qmù òeq patiah ka bǝi yiniq ma oe ta plinh ep qmang aih men jah basròeh, aih èh chac bǝi yiniq ma oe ta plinh kiang ma ep canòm ka ramèn ma yeo lem men jah hadròeh. 24 Majah qmang aih Christ ùh mùt tanòe hadròeh loh enh tì kǝng kon mangai ma broq tiaq dua da nòe hadròeh joq qnàng, mahaq mùt qmòe ta plinh, òeq manòeq kò haq yòng am ka bèn enh ngèa Boc Plinh. 25 Aih ùh xài haq mùt ta aih òeq dèch raðeh broq ramèn hadreo bǝc yàng tiah ka bǝi pajàu haqnheq mòeq hanam mòeq yàng mùt tanòe diq jaq hadròeh òeq hu dèch mahim mahaq ùh xài mahim claj; 26 tàng ùh qmang aih, enh jò baxèm broq plinh crǝng taneh trùh manòeq, haq khoe ep xalep bǝc yàng. Mahaq manòeq kò ta qnhòng ma atiq lùch, haq khoe loh qmòeq yàng raq, yǒc cla raðeh broq ramèn hadreo òeq hu paclaih òng bǝi yiniq lui. (aiǝn g165) 27 Tiah ka ma khoe pajaq, kon mangai ep cachit mòeq yàng, khoe aih ep chiuiq kan hadrah, 28 hanoh qmang aih, Christ khoe dèch raðeh broq ramèn hadreo mòeq yàng raq òeq dèch yiniq lui da bǝc ngai; Haq hadai trùh hòh yàng baiq, ùh xài òeq dèch yiniq lui hòh, mahaq òeq am kan dèch paclaih ka mangai ma gòm haq.

10 Ranenh aih qmù da biac lem hì atiq, ùh i ka chac joq qnàng, dài ma canòm ka ramèn hadreo rìm hanam qmang aih, ùh jò leq broq ka mangai ma thia haten ka Boc Plinh jah lem geo. 2 Tàng loq jah, aih bǝi mangai kùh waiq mòeq

yàng raq khoe jah hreo manoh cliac wì haq ma oe qnì ka yiniq lui hòh, ajang aih ajoq wì khoe hēq ka dèch ramèn hadreo qmòh? 3 Majoq qnàng, bǝi ramèn hadreo rìm hanam aih òeq bahmàng da wì haq yiniq lui. 4 Majah qmang aih, mahim bǝ calò xam mahim bubi calò ùh jah lēh caqnaih yiniq lui. 5 Dài qmang aih, jò Christ loh ta crǝng taneh kò, haq i doe: “Boc Plinh ùh enh bǝi kùng hang xam ramèn hadreo. Mahaq khoe palauq òeq ka au mòeq toq chac. 6 Boc Plinh ùh waq, Yac ka tadreo bǝh, tadreo baxon. 7 Khoe aih, au hì doe: Hacò au khoe trùh, ta dèch deh chac broq ramèn mòeq yàng raq khoe lap am ka diq òng. 11 Bǝi pajàu maqnoeq rìm hì yòng patih rai dèch hlài mòeq ramèn tahatiah, aih ramèn ma ùh jò leq jah dèch òeq yiniq lui, 12 yàng da Pajàu kò, taiq diq òng yiniq lui haq dèch ramèn mòeq yàng raq, khoe aih hì haqngui mòeq òe enh qma Boc Plinh, 13 pang aih ta atiq, gòm toq trùh hì bǝi mangai ma tablèq ka haq ep jah roh broq radua enh qneq ka jèn haq. 14 Canòm ka ramèn hadreo dèch mòeq yàng aih raq, Chuaq broq ka mangai ma lùl haq jah hadròeh gēh geo mòeq òe. 15 Yiang Hadròeh hadai wiang panhìn ka bèn; majah qmang aih atiq ka bǝu doe: 16 Chuaq doe: “Kò tajao au broq ka wì haq, Atiq ka bǝi hì aih èh, Au òeq ranenh da au ta cliac wì haq Achih òeq ta gàu wì haq.” 17 Èh doe hòh: “Au pì hmàng trùh yiniq lui ngang dù da wì haq hòh.” 18 Manòeq kò, nòe leq yiniq lui khoe jah caqnaih, aih pì ep dèch ramèn hadreo ka yiniq lui hòh. 19 Qmang aih, oh daq da au, taiq bèn khoe canòm ka mahim Chuaq Jesus, dài ma pì hòq ka mùt tanòe diq jaq hadròeh, 20 tiaq trong neo, trong rih haq ma khoe pèch pagat enh tau ka bai prìn, aih la pagat ka hanang cla haq, 21 qnah hòh, bèn i mòeq ngai Pajàu kàn khoe jah dèch paqnàng broq mangai wèq hnim Boc Plinh, 22 dài bèn majah ep drah yǒc kan lem jang, manoh lùl cajap cajinh, xam manoh cliac

khoe jah qnhreo hreo ka trong qmèq, chac mac jah qnheo xi diac hliang, ðòeq hu thia haten ka Chuaq. **23** Bèn hadai ep wèq cajak ùh dàlác ðèh bàu bèn ma khoe anoe qnoh deh kan tangèh, majah qmang aih Mangai ma khoe tèu bàu am ka bèn aih ùh tablòq manoh. **24** Mangai leq mangai meh ep hmàng ngan dabau ðòeq hu pariaq dabau trong manoh loq waq xam trong broq yiniq lem; **25** apaq cadac biac tagop ti dabau tiah ka bài mangai ma khoe hmòt broq, mahaq ep alòng dabau, oh daq hnoq hi aih khoe haqnap dăng leq kiang oh daq ep nhét dăng aih. **26** Majah qmang aih tàng bèn khoe loq ka bàu joq qnàng, yàng oe raq to broq yiniq lui, aih èh pi i ka ramèn h leq ðòeq hu baxon hlài yiniq lui hòm, **27** mahaq rap gòm toq kan ramòt ta hi hadrah xam ùnh khàng dra adrèn h bũh cheo mangai ma enh tablêq ka Boc Plinh. **28** Mangai leq broq ùh troq ka ranen h Môise, tàng i baiq piq ngai wiang panhìn, aih èh ep jêh đac ka cachit ùh adên h, **29** loq ka mangai ma jôi q padit Kon da Boc Plinh, ngan mahim tajao, aih mahim ðeh ma canòm ðòeq hu jah hadròeh, capoch halê đac ka Yiang Hadròeh ma am kan tabài h dech, oh daq ma xoh mangai aih claih ka kan hadrah baxa yi hnau qmòh? **30** Majah qmang aih bèn loq Mangai ma doe: “Kan patem ðiq oe ta au, bri ka au patem chau”. Èh doe hòm: “Chuaq hadrah bài mangai da haq”. **31** Taclih ta ti kông Boc Plinh rih halinh aih joq ramòt qnàng! **32** Drah hmàng hlài jò baxèm, aih atiq ka pi khoe jah kan qngah, aih hi i kan tablah nanxa kàn; **33** tang qnah aih chiuiq kan camaih, kan baxa budàng broq kan racaih ka phũ cròng ngan, i jò aih wiang chiuiq kan xalep ka bài oh daq qnang hadai glàm trong qmang aih. **34** Oh daq khoe ha-och ka mangai ma wì ma rùp clêh, manoh oh daq dua lem bùi jò wì ma blah yóc da pì kùng hang, majah qmang aih oh daq loq rađeh i kùng hang ma yeo lem, ùh ðiq ùh hnhung. **35** Qmang aih apaq cadac manoh cajak caji nh da rađeh, majah qmang aih i kan baha kàn khoe palauq ðòeq ka oh daq. **36** Oh daq ep chiuiq àt, ðòeq jò khoe jah broq tiaq trong manoh Boc Plinh, aih èh oh daq hi jah waq bàu haq ma khoe tèu am. **37** Majah qmang aih: “Oe toq biaoq hòm, joq toq biaoq hòm, Mangai ma padon trũh hi trũh; Haq ùh patrò. **38** Mangai taq atoq da au rih xi manoh lùì, Tàng loq talùì, aih èh mahua yiang au joq ùh bùi ka haq”. **39** Yàng da bèn kô, ùh xài mangai talùì

ðòeq hu hnhung lùch mahaq mangai wèq deh manoh lùì ðòeq mahua yiang jah ðèch claih.

11 Manòeq kô, manoh lùì aih la kan loq deh joq qnàng ta biac bèn qnang ngèh, aih kan panhìn da bài yiniq bèn ma qnhòq hnoq. **2** Canòm ka manoh lùì dài wì craq dùnh calah nèh ma khoe jah bàu manè enh. **3** Xam manoh lùì, bèn loq cròng taneh khoe jah broq loh enh bàu Boc Plinh, qmang aih bài yiniq xau hnoq ðiq loh enh yiniq ùh xau hnoq. (aion g165) **4** Xi manoh lùì, Abèn khoe ðèch ka Boc Plinh mòeq ramèn h tadreo yeo lem da Ca-in. Ajang aih majah creo ka haq mangai taq atoq, jò Boc Plinh capoch manè enh rai di yóc ramèn h da haq, canòm ka manoh lùì yac ka khoe cachit dua haq oe raq capoch. **5** Xi manoh lùì, Hênoc jah ðèch atóc, ùh hiaq hnoq kan cachit; pi i cabô oe hnoq haq taleq hòm, majah qmang aih Boc Plinh khoe ðih atóc haq. Majah qmang aih adroe ka jah ðèch atóc, khoe i bàu manè haq aih mangai rih lem ka manoh Boc Plinh. **6** Ùh i manoh lùì ùh broq qmang leq majah lem ka manoh Boc Plinh; majah qmang aih mangai thia haten ka Boc Plinh ep lùì i Boc Plinh, èh hòm haq aih mangai loq baha ka cabô ti chaq haq. **7** Xi manoh lùì, Nô-ê jah Boc Plinh patin ka haq loq bài yiniq qnhòq i hnoq; haq aih mangai ðiq ka manoh iu yùq, broq mòeq toq boang kàn ðòeq hu ðèch deh hnim cla; haq patô qnoh yiniq lui da cròng taneh, qmang aih haq jah wia mangai taq atoq trũh enh manoh lùì. **8** Xi manoh lùì, Apraham iu bàu Chuaq creo lam tagùng haq hujah ðòeq broq deh kùng hang: Haq lam mahaq ùh qnì ðeh lam taleq. **9** Xi manoh lùì haq rih tagùng ma khoe tèu am ka haq, tiah taiq ka mangai ma oe ðeh ta diac wì, rih ðeh roc hnim ranòh tiah ka Ysac tiah ka Jacôp, aih la bài mangai hadai jah bàu tèu am tiah ka haq. **10** Majah qmang aih haq gòm mòeq toq plài i xèm cajak Boc Plinh ma khoe broq loh. **11** Hadai xi manoh lùì, Sara yac ka khoe bàc hanam, mahaq dua i padren ha-uang kon, majah qmang aih haq loq Mangai ma tèu bàu ka rađeh, haq aih ùh tablòq manoh. **12** Qmang aih, enh mòeq ngai craq khoe ten cachit, jah ha-uang loh kon xau ma raya, cràm tiah ka halông ta tróc, bàc qmang ka braih diac raxiq, pi ðiq rên. **13** Wì aih ðiq cachit ta manoh lùì, qnhòq jah waq yiniq ma khoe tèu am ka wì haq, toq hnoq rai prôn h ðeh enh hangai, doe ðeh kô tamoe hangai, mangai lam clòh ta

crông taneh. **14** Bài mangai ma anoe qmang aih, aih wì doe deh kô qnang ti chaq deh gùng. **15** Tàng wì hèm trùh deh gùng, aih nòe wì haq ma khoe loh enh aih, aih èh i hì wì tawih hlài, **16** mahaq wì bêh mòeq toq gùng ma yeo lem, aih gùng ma oe ta plìn; aih lq dài Boc Plìn ma ùh camaih ka doe deh kô Boc Plìn da wì aih, majah qmang aih Boc Plìn khoe padon òeq ka wì haq mòeq toq plài. **17** Xi mnòh lùì jò Boc Plìn qnhro Apraham, haq dèch Ysac aih kon mòeq da haq broq ramènh tadreo: aih kon haq ma khoe jah enh bàu têu am. **18** kon aih raq Boc Plìn ma i doe: “Enh dalam Ysac kô èh men i mòeq nang noe wê yiniq ìh”. **19** Haq hèm deh ta manoh Boc Plìn i cwiang broq ka mangai cachit rih hlài; qmang aih i crài cleq ka haq jah hlài dèh kon enh mangai cachit. **20** Xi manoh lùì, Ysac waiq xôq ramot am ka Jacôp xam Êsau ta bài yiniq padon trùh tangèa kô èh. **21** Xi manoh lùì Jacôp jò ten cachit, waiq xôq ramot ka baiq ngai kon da Jôsep. Khoe aih haq rai cachat deh ajang long canhra rai kùh waiq. **22** Xam manoh lùì, jò ten cachit Jôsep haq anoe trùh biac mangai Isorali jah loh enh Êjip rai tanap ka wì trùh biac catùh caxènh da haq. **23** Xi manoh lùì, jò Môise bu ha-uang, miq baq haq cadôc haq piq khê, majah qmang aih wa hnoq kon aih lem alàng, wa pi yùq qmòe ka bùa loq nòeh. **24** Xi manoh lùì, Môise jò khoe radam, pi dôq wì creo ka rađeh kô kon calô da kon cadri da Phara-ôn, **25** wiang nan xa pajùm ti mangai da Boc Plìn aih haq yi lènh ùh hnau ka lem bùi hyòq mòeq rahyàc ta trong yiniq lui: **26** haq ngan kan chiùq xep ka Christ aih yeo khòh ùh hnau ka hang canaq da Êjip, majah qmang aih mat haq haqmiang gòm yôt dèh kan baha. **27** Xi manoh lùì haq cadac gùng Êdip ùh crè ka bùa nòeh, majah qmang aih haq yòng cajap tiah gleq hnoq qmòe Mangai ma ùh xau hnoq. **28** Xi manoh lùì, haq wèq ramènh Pancwa rai broq ramènh pùc mahim, dôq kiac palùng ùh hiaq jèh đac kon ramua da mangai Isorali. **29** Xi manoh lùì, mangai Isorali lam pagat diac Rasiq gòh tiah ka lam ta taneh croh, yàng mangai Êdip àu lam diq, hi cram đong ta aih. **30** Xi manoh lùì, bài panàt plài Jêricô hrùq taclìh đong, atiq ka wì khoe lam dudan ka haq tapèh hì. **31** Xi manoh lùì, Rahap (aih mangai gucadri tech rađeh) ùh cachit pajùm ti bài mangai ùh lùì, majah qmang aih haq lem manoh đìh bài mangai ma lam rinh ta aih. **32** Au oe anoe cleq

hòm? Majah qmang aih khoe pi tem tàng joq au enh anoe trùh Gidê-ôn, Barac, Jephthê, Dawit, Samu-ên xam bài pajàu qnoeq. **33** Wì aih, xi manoh lùì khoe jah blêq bài diac qnoeq, broq kan taq atoq, jah waq bài bàu têu am, bàng hacùng baco, **34** plah pat pla ùnh khàng ma nga angèn, claih ka pla chang, tablêq ka yiniq, paqnoh dèh kan tanoq tanè tajêh tablah, broq ka bài lình diac wì ep cadàu amot. **35** I mangai cadri khoe jah deh mangai ta hnim cachit rih hlài, i ngai chiùq kan xa-ep diq jaq, mahaq ùh dôq cabô paclaih rađeh, òeq hujah waq kan rih hlài ma yeo lem. **36** I ngai chiùq dôq wì do halê rađeh, chiùq blai, chiùq clang, chiùq clêh. **37** Chiùq dôq wì đap rađeh xi hmo ka cachit, pot loh baiq xi kùa, pác xam chang; pac lac jàp jia, caxùnh deh bài akia trùu, akia bubi, ùh i deh rìm ka yiniq, chiùq wì hnen glua, baxa padit. **38** Crông taneh kô ùh taji ka wì haq rih, ep pac lac tagùng hawit, tawang, takòp, roc hàm ta taneh. **39** Diq đong wì aih khoe jah bàu capoch manè ka manoh lùì da wì haq, mahaq wì haq qnhòq lòm jah waq yiniq ma khoe têu am ka rađeh. **40** Majah qmang aih Boc Plìn i palauq òeqq bài yiniq ma yeo lem hu am ka bèn, dôq wì aih pajùm ti bèn òeqq hadai jah geo lem.

12 Qmang aih, pàng bèn jah bacc ngai ngan hnoq qnang oe dudan bèn tiah ka cato yùc kàn, bèn hadai ep khwènh đong bài kan trap xam yiniq lui ma loq tawac ka bèn, yôc manoh ùh tagah lep òeqq cadàu tiaq trong ma khoe padon am ka bèn, **2** mat bèn ngan toq dua Chuaq Jesus, aih mangai ma baxèm rai pagêh da bèn manoh lùì, pàng kan lem bùi khoe òeqq qmòe enh ngèa cla, haq chiùq cachit talong pagat, ùh dèh ka kan camaih, manòeq kô haqngui enh qma ka gèq Boc Plìn. **3** Qmang aih, oh daq ep hèm trùh Mangai ma khoe chiùq kan tablêq enh bài mangai yiniq lui, òeqq oh daq ùh hiaq lep tagah manoh. Boc Plìn hnài mangai da Haq **4** Oh daq tablêq ka yiniq lui qnhòq hiaq ep ta-ùc mahim; **5** oh daq ma khoe hêt đong ka bàu ma pariaq oh daq tiah ka bàu baq ma hnài deh kon qmòh? bàu aih rameh: “Kon da au, apaq jù đac bàu hnài enh Chuaq, Èh jò Chuaq cwò, apaq talùi manoh; **6** Majah qmang aih Chuaq hnài dèh mangai haq maloq waq, Mangai leq Haq ma đì broq dèh kon aih haq blai xi long roe”. **7** Tàng oh daq chiùq kan hnài, aih Boc Plìn ngan oh daq tiah dèh ka

kon cla, majah qmang aih i kon leq baq ma ùh lech hnài? **8** Mahaq tàng oh daq jah claih ka kan lech hnài mangai qnoeq ma chiuiq deh hra, oh daq aih la kon tango, ùh xài kon joq qnàng. **9** Baq ta taneh kô tiaq deh manoh cla lech hnài, aih diq bèn loq iu bàu, loq ka Baq da mahua yiang, aih ma ùh joq bèn khòh iu yùq ma yeo hnau hòmm òdeq hujah kan rih qmòh? **10** Baq ta taneh kô, tiaq trong wì haq ma hèm dèh lem òdeq hnài ò ò bèn ùh i dùnh, yàng Boc Plinh gút băt bèn aih òđq jah òlèq ka bèn, òdeq bèn hujah kan hadròeh ti haq. **11** Joq qnàng kan gút băt jò baxèm aih hnoq tiah gleq broq nen ka bèn mangò, ùh xài kan lem bùi, mahaq atìq èh caqmon loh plì taq atoq, catèm am ka bài mangai ma khoe axràmm qmang aih. **12** Qmang aih, oh daq drah dèch dèh capiang tì ma ùh nèn, hloe xam cràng ma khoe tabat. **13** Drah palauq trong òdeq jèngh oh daq jah cadiang lam, òđq yac ka mangai cwè dua ùh hiaq lac trong mahaq jah kan broq brèh. **14** Drah àu rih hatroq ti rìm ngai, rai chaq tiaq kan hadròeh, majah qmang aih tàng joq ùh wìh wìa hadròeh ùh cabô jah hnoq Boc Plinh. **15** Ep rabiaq jaq cajoq, yùq loq i mangai capòch ka kan tabàih dech da Boc Plinh, beq rayeq riah xang plòh loh, broq kan manhài xam kan ùh sròeh ka bàc ngai. **16** Ngan oq, taqne oh daq apaq i mangai loq tango taqnung, hadai paq i cabô loq blìa racaih qmang ka Êsau, mòeq nà acaq raq mahaq chiuiq tech deh cwìang kon ramua. **17** Joq oh daq loq, atìq ka aih haq enh jah bài xòq ramot aih ka ràdeh, yàng khoe pi jah; majah qmang aih yac ka haq crò hmoe creo dang, dua khoe pi jah blòq hlài manoh baq haq ma khoe ò. **18** Oh daq ùh i trùh haten ka bui wang kon mangai jah bèq, hadai ùh trùh haten ka ùnh khàng ma adrènh, hadai ùh xài thia haten kan clam cluiq, ta yùc gam, tanòe cayeo kàn, **19** tanòe ken atèh bàu dèh, tanòe bàu ma cadròt, jaq mangai leq magai meh tàng bàu aih diq cali calo ka bàu aih pi dùh capoch ka ràdeh tàng hòmm; **20** majah qmang aih wì haq ùh nui tàng bàu kô: “Yac ka bòe ngè rih loq tadroq, tàng thia ten ka wang kô diq ep yòc hmo òđp òđac ka cachit”. **21** Ta wang jò aih hnoq ramòt joq qnàng, jaq Môise loh qmòe ka doe: “Au crè joq qnàng, loh òđg ka tarit”. **22** Mahaq oh daq khoe trùh haten ka Wang Si-ôn, ten ka plài da Boc Plinh rih halinh, aih la Jérusalem oe ta plinh, haten ka nòe bình plinh loe ka jàt muàn tagop ti dabau, **23** haten

ka Tagop Hadròeh da bài kon ramua ma khoe jah achih yiniq ta plinh, haten ka Boc Plinh, aih cwan hadrah da rìm ngai, haten mahua yiang da bài mangai lem taq atoq. **24** ten ka Chuaq Jesus, aih Mangai taqne da tajao maneo, haten ka mahim ma khoe pùc qnoh, mahim aih lem yeo hnau ka mahim da Abèn. **25** Oh daq ep rabiaq haq oq! apaq tàih òđac bàu Mangai ma qnang anoe ka òdeh; tàng joq bài wì tau tablèq hlài ka bàu Mangai ma anoe bàu pariaq ta cròng taneh, aih diq khoe ùh claih, loq ka bèn, tàng joq bèn rahen ka Mangai anoe bàu enh plinh, aih èh kiang ma ùh claih. **26** Jò aih nèh bàu Haq aih ralàng diq ka cròng taneh, yàng mandeq kô hòmm haq doe: “Oe mòeq yàng hòmm, ùh xài au broq ka ralàng toq ta taneh, mahaq ralàng hloe xam ta tróc”. **27** Mandeq kô, bàu ma doe: “Oe tam mòeq yàng hòmm” aih la rameh: bài yiniq ma loq òlác, aih la bài yiniq ma khoe jah broq loh, aih èh ep òdeh òđac, òdeq toq bài yiniq ma ùh hiaq òlác jah oe hlài. **28** Qmang aih, pang jò bèn ma khoe jah waq Diac ma ùh òlác, bèn khòh manè apòh òđq i manoh loq iu yùq hu patih ka Boc Plinh òdeq jah lem ka manoh haq. **29** majah qmang aih Boc Plinh bèn aih ùnh loq ti bùh cheo.

13 Ep i manoh loq waq yòt ka dabau tiah ka oh daq. **2** Apaq hèt ka biac òđh tamoe, i ngai broq biac aih, mahaq ùh qnì ràdeh khoe jah òđh bình plinh. **3** Ep hmàng trùh ka oh daq wì ma qnang rùp clèh, tiah cla bèn hadai qnang wiang chiuiq clèh clang ti wì haq, hadai ep hmàng trùh bài mangai ma qnang oe òđeh ta kan baxa, majah qmang aih chac bèn hadai tiah ka chac da wì. **4** Rìm ngai ep loq ta-iu trong ống mai, ta aniang ống mai ùh jah i kan ùh sròeh, majah qmang aih Boc Plinh tah hadrah ka mangai taqnung xam mangai tango. **5** Apaq òđq ka bac jèngh, drah lem bùi ka bài yiniq òđeh ma qnang i, majah qmang aih cla Boc Plinh khoe doe: “Au ùh talah ka kon, au ùh cãdac kon”. **6** Aih èh bèn jah cajap manoh lùì, hu doe: “Chuaq wiang ti au, au ùh yùq cleq. Kon mangai qnhòng kô broq cleq ka au jah?” **7** Ep hmàng trùh mangai ma ajèn qnung ràdeh, khoe hnài ka ràdeh trong Boc Plinh, boq ngan jò pulùch qnhòng da wì haq rih, òdeq tiaq dua manoh lùì da wì haq. **8** Chuaq Jesus Christ hì nèh, hì kô, trùh hloe tabla èh dua ùh tablòq. (aiōn g165) **9** Oh daq apaq òđq bài bàu hnài liq

làn qnoeq padô raðeh; manoh loq canòm ka Itali hadai tanap bàu hmàih trùh pì. **25** Waiq kan tabàih dech ðòeq jah cajap aih lem, ùh kan tabàih dech oe ti pì oh daq rìm ngai. xài canòm ka dahwèq acaq, aih bài yiniq ùh i jah taq atam cleq ka mangai broq qmang aih.

10 Bèn i mòeq toq cabõng tadreo, bài mangai patìh ta hnim ranòh kùh waiq ùh khòh yõc cleq enh aih hu acaq. **11** Mangai pajàu haqnèq yõc mahim da ngè tadreo wê mùt tanòe ðìq jaq hadrèh ðòeq broq ramènñ tadreo baxon yiniq lui, yàng chac haq aih bùh enh gùng ka traiq lình. **12** Chuaq Jesus hadai chiùq xalep enh gùng ka plài ðòeq yõc deh mahim hu broq ka mangai jah hadrèh. **13** Bèn ep loh enh gùng ka traiq lình, ðòeq lam trùh ta haq, ðòeq hu wiang chiùq pajùm kan camaih. **14** Majah qmang aih ta crõng taneh kô, bèn ùh i ka plài ma cajap yôt mòeq ðòe, mahaq bèn chaq plài ma padon trùh kô èh. **15** Qmang aih drah canòm ka Chuaq Jesus ðòeq hu dèch yôt ramènñ tadreo xam bàu manè apôi ka Boc Plình, aih la caqmon riang da hacùng bàu khoe anoe qnoh yiniq haq. **16** Paq hèt ka broq trong lem rai loq ti tabàih axong ka wì qnoeq ðìq, majah qmang aih, bài ramènñ qmang aih lem ka manoh Boc Plình. **17** Ep loq iu bàu mangai qnung ajèn oh daq hadai ep enh qneq ka cwiàng wì haq, majah qmang aih wì haq rìu ka mahua yiang oh daq, wì haq mangai ma ep anoe hlài bìac da pì oh daq ka Chuaq, ðòeq wì lem bùi ðeh ka patìh, ùh hìaq i cleq ep mangò, majah qmang aih trong aih ùh lòeq cleq ka oh daq. **18** Waiq khàn am ka nhèn ðìq, majah qmang aih nhèn loq manoh cliac nhèn kô lem enh acaq oe hnhuh jang rìm trong. **19** Au cali calo ka oh daq waiq khàn beq, ðòq au rênñ jah trùh ti oh daq. **20** Waiq Boc Plình catèm, aih la Mangai taiq mahim tajao mòeq ðòe khoe broq ka Chuaq Jesus aih Mangai ban trùu kàn jah rìh hlài enh kan cachìt, (aiōnios g166) **21** ajang nòe Jesus Christ, Haq broq ka oh daq jah geo ta rìm trong lem, ðòeq broq gèh yiniq haq ma enh, broq loh kan lem manoh haq oe ta taqne bèn, kan ranhòm troq ka hlài ðìq ta haq mòeq ðòe! Amen. (aiōn g165) **22** Manòeq kô, au pariaq pì oh daq, drah lem bùi ka tiaq bàu hnài kô; au khoe achìh palap ka oh daq qmang aih raq. **23** Au enh pì loq mangai oh daq bèn aih Timôthê khoe jah caqnaih, tàng haq rênñ trùh, aih èh ma hi lam hmàih ka oh daq. **24** Au tanap bàu hmàih trùh bài mangai broq craq tagop xam ðìq ðõng mangai da Chuaq. Wì oh daq ma oe ta

JACO

1 Jaco, hapõng da Boc Plinh xam da Chuaq Jesus Christ, achil ka mòeq jàt baiq xinoo oe paclac. Waiq kan catèm jah am ka oh daq. **2** Diq dõng ka oh daq, khòh ngan kan qnhro bàc trong trùh ka pì oh daq aih bu dàng kan lem bùi gêh geo. **3** majah qmang aih bèn loq kan qnhro manoh lùì oh daq broq loh kan loq kềm. **4** Mahaq kan loq kềm hadai waq ka gêh dèh ka yiniq broq da haq, dõq oh daq hadai jah geo lem, ùh ta chriah qmòe ajang leq. **5** Tàng joq taqne oh daq i mangai ùh dai rabiaq ðeh, haq drah creò dang Boc Plinh aih Mangai ma am ùh ðiq ùh dài ka rìm ngai, ùh lech ka cabô, aih èh haq aih hi jah. **6** Mahaq ep yõc manoh lùì hu creò dang, apaq rangòt, majah qmang aih mangai rangòt tiah ka lai laq diac raxìq cayeo hlui tacô tatau. **7** Mangai qmang aih apaq xoh ðeh loq jah cleq enh Boc Plinh: **8** aih mangai taleq ùh lènh, broq cleq dua ùh gêh. **9** Oh daq leq ma oe ðeh tanòe haqneq hamoq, aih haq drah catèh dèh kan haqnèq da haq beq, **10** mangai padrõng hadai catèh dèh kan haqmoq beq, majah qmang aih ðeh kô èh hadai hnhung lùch tiah ka riang nhat. **11** Mat mahi tõi, tõi ðeh, nhat croh, riang hadrùih, kan lem hnhung, mangai padrõng èh hadai croh qmang aih ta yiniq abroq haq. **12** Xôq ramot am ka mangai jò haq glàm ðeh kan padô qnùt, majah qmang aih jò haq khoe jah dràng ta kan qnhro, aih èh haq jah waq cadoh kan rìh diac plinh, Boc Plinh ma khoe tèu am ka mangai ma loq iu yùq ka haq. **13** Jò qnang glàm kan padô qnùt, apaq i cabô doe: Kô Boc Plinh padô au, majah qmang aih ùh i kan dù leq jah padô Boc Plinh, yac ka cla haq hadai ùh padô aluàn cabô. **14** Mahaq rìm ngai glàm kan padô qnùt jò haq dõq dèh manoh cla patùt raðeh. **15** Jò manoh cla hadràp khoe trap, haq xêh loh yiniq lui, jò yiniq lui hi jah gêh, haq xêh loh kan cachit. **16** Oh daq da au, apaq qnùt raðeh, **17** rìm kan tabàih lem geo aih ðiq trùh enh qnhèq, loh enh nòe Baq qngah qngai, ta dalam haq ùh i kan tablòq, hadai ùh i ka wòch kan talic. **18** Cla Haq khoe tiaq deh manoh, khoe yõc bàu joq qnàng hauang loh bèn ðòeq bèn jah wia pli ma ramua ta rìm yiniq haq ma broq loh. **19** ðiq ka oh daq da au, pì loq hmàng qmang kô: rìm ngai ep rènh ka tamàng mahaq adia ka capoch, adia ka nòeh; **20** majah qmang aih kan

nòeh da kon mangai ùh broq loh kan taq atòq da Boc Plinh. **21** Qmang aih, ep cadac kan trùq amùa xam kan ngang dù ma oe raq i, pahaqneq dèh manoh hu ðìh yõc bàu khoe pìt ta manoh oh daq, aih la bàu jah dèch mahua yiang oh daq. **22** Drah broq tiaq bàu aih, apaq toq tamàng ðech huqnùt dèh cla. **23** Majah qmang aih, tàng i cabô tàng bàu mahaq ùh broq tiaq, aih i crài cleq ka mangai sreo dèh hadrò ta guàng, **24** khoe èh hi lam, hèt dèh ka hadrò qmang leq. **25** Mahaq mangai leq ma ngan qmòe ka ja cajoq ta ranenh geo lem, aih ranenh da kan paclaih, rai kềm ka hèm trùh, ùh xài toq tàng khoe hi hèt ðac, mahaq ðiq ka manoh wèq tiaq ranenh aih, mangai aih haq jah xôq ramot tiaq trong raðeh ma iu bàu. **26** Mahaq tàng loq i mangai leq hèm ðeh kô mangai tiaq trong Chuaq mahaq ùh tạt padràng dèh rapet toq ti qnùt dèh manoh cla, kan tiaq Chuaq qmang ka da wì aih hi qngwan qngwaiq. **27** Tiaq ðaoq ma lem geo ùh i ka xit, ùh i ka habau enh ngèa Boc Plinh, Baq da bèn aih: thia hmàih ka mangai lac, ka mangai hadrò jò wì haq hadac khoc, rai wèq cla raðeh claih ka kan amùa da crõng taneh.

2 Theo nguyên-bổn tiếng Gờ-réc, trong câu này cũng nói “thử thách” được như trong câu 2, vì chữ này trong tiếng Gờ-réc có hai ý Oh daq da au, oh daq khoe lùì Chuaq Jesus Christ, aih Chuaq ranhòm qngah qngai da bèn, aih apaq loq waq ka tang ngai. **2** Patiah ðac, i mangai asràng wang, caxùnh eo cwàn lem, mùt tanòe tagop oh daq, èh i mòeq ngai caxùnh cwàn eo hyah hyai hadai mùt; **3** tàng oh daq ngan mangai caxùnh eo lem, rai pachùh: Haqngui ajang kô! nòe ma yeo lem, èh doe ka mangai ma pa: Yòng aqmat raq, ùh meh hangui ta haneq qmat ajang jènh au, **4** qmang aih ajoq oh daq khoe lah ðac dabau, khoe wia cwan hadrah i manoh qmèq? **5** Oh daq da au, pì tamàng kô: Ma ùh xài Boc Plinh khoe ràih bài mangai pa ta qnhòng kô ðòeq broq wì haq jah wia mangai padrõng kan ta manoh lùì, ðòeq wì jah waq diac da haq ma tèu am ka mangai ma loq waq ka haq ùh xài? **6** Hagleq oh daq majah jù ðac mangai pa! Ma ùh xài mangai padrõng raq ma khoe padit oh daq, hua qnoh oh daq trùh ta cwan hadrah? **7** Ma ùh joq wì haq raq ma capoch ùh hòq ðac ka yiniq lem ma khoe yõc ðòeq hu hiniq ka pì qmòh? **8** Tàng joq oh daq wèq ka geo lem ranenh da hnim Bùa tiaq bàu Hset Hadròeh

hnài: Ep loq waq ka mangai haten hatia tiah ka cla, qmang aih oh daq acaq oe khoe lem. **9** Mahaq tàng oh daq loq waq ka apah, aih khoe i tuiq, ranenh hi taqmòq yiniq lui ka oh daq tiah ka bài mangai broq ùh troq tiaq ranenh. **10** Majah qmang aih mangai leq wèq òq òq dōng ta ranenh mahaq ùh troq moeq yiniq raq, aih hadai tiah gleq ùh troq òq òq dōng. **11** Majah qmang aih Mangai ma doe: “Ìh ùh khòh tango”, hadai i doe: “Ìh ùh khòh jêh ðac mangai.” Tàng ìh ùh hiaq tango mahaq jêh ðac mangai, qmang aih ìh ajoq mangai broq ùh troq tiaq ranenh. **12** Drah capoch rai broq tiah ka mangai ma padon chìuq ranenh hadrah ka raðeh, aih la ranenh da kan ùh tawac. **13** Kan hadrah ùh tamèt ka mangai ùh broq loh kan tamèt, mahaq kan loq ha-och jah blêh kan hadrah. **14** Maleq ma yeo lem, oh daq da au, tàng mòeq ngai doe ðeh kô i manoh lùì mahaq ùh i ka yiniq broq? Manoh lùì qmang aih ajah ðèch haq? **15** Patiah ðac, i mòeq ngai oh daq calò qnì, oh daq cadrì qnì ùh i qmòe ka ahyah caxùnh, rìm hì ùh i ka dahwèq acaq, **16** mahaq taqne oh daq i mòeq ngai doe ka wì aih: Drah lam ka catèm, qnhia ka hatôq rai acaq ðeh ka panàc oq! Mahaq ùh i qnèp qmòe dahwèq cleq ka chac wì aih ma qnang nan, aih i jah cleq? **17** Manoh lùì hanoh qmang aih, tàng manoh lùì ùh loh yiniq broq aih èh haq cachit. **18** Tàng ùh meh i mangai doe: ìh i manoh lùì, au i yiniq broq. Patô manoh lùì ùh i ka yiniq broq da ìh am au ngan, khoe èh au hì patô ka ìh manoh lùì loh enh yiniq broq da au. **19** Ìh lùì i mòeq Boc Plinh raq, ìh lùì khoe troq, kan kiac hadai lùì qmang aih, mahaq rai tarit yùq. **20** Mahaq wùih! mangai blùng tau, ìh enh waq ka nhìn manoh lùì ùh i ka yiniq broq aih ajoq qngwan ùh xài? **21** Apraham, kan cadraq da bèn, jò haq ðèch Ysac aih kon haq tōc ta prang tadreo, aih ma ùh joq haq canòm ka yiniq broq ðòeq hu jah creò ka haq mangai taq atoq? **22** Qmang aih, ìh i hnoq manoh lùì xam yiniq broq wa abroq pajum ti dabau, canòm ka yiniq broq manoh lùì men jah gêh geo. **23** Qmang aih jah xit bàu Hset Hadrèh doe: “Apraham lùì Boc Plinh, trong aih majah doe ka haq mangai taq atoq”; èh jah creò ka haq aih bua da Boc Plinh. **24** Ajang aih oh daq jah loq kon mangai canòm ka yiniq broq men jah kan taq atoq, ùh xài canòm toq ka manoh lùì. **25** Hadai qmang aih, Rahap mangai gucadrì broq bac, haq cadoc bài mangai lam rinh, èh patô ka wì aih tiaq

trong qnoeq ðòeq hu hlài, aih ma ùh xài canòm ka yiniq broq men jah doe ka haq mangai taq atoq qmòh? **26** Majah qmang aih, chac ùh i ka mahua aih èh cachit, manoh lùì ùh i ka yiniq broq hadai cachit qmang aih.

3 Tapì oh daq ùh ðùh i bàc ngai ðèch ðeh broq mangai hnài, majah qmang aih bèn loq raðeh ep pòq wê kan hadrah yeo nhang hòm. **2** ðiq ka bèn catoeh bàc trong. Tàng mangai leq ùh hiaq catoeh ðèh trong hacùng bàu, aih raq mangai khoe geo, loq tât pagràng raðeh. **3** Bèn qmùt mem ta kiang axêh, waq ka haq iu tiaq bèn, dài bèn men jah thê ðiq ka chac haq iu tiaq bèn. **4** Ngan bài boang kàn: Yac ka haq kàn dàng leq kàn, yac ka cayeo qnung haq taleq ùh ðèh, mòeq toq blênh wech qyoh dua khoe jah wech haq, tiaq manoh mangai wèq haq ma enh. **5** Hadai qmang aih, ta chac bèn rapet aih qyoh, mahaq jah catèh bài trong ma kàn. Ngan rôm wang yac ka kàn dàng leq, mahaq toq xit ngia ùnh dua hlât bùh ðòq haq cheo ðong! **6** Rapet hadai tiah ka ùnh, aih raq nòe apùq ðiq ðong kan ðùe ta chac bèn, broq amùà ðiq ðong chac bèn, bùh cheo ðiq ka qnhòng bèn, yac cla rapet hadai ùnh ta hwin khoe bùh. (Geenna **g1067**) **7** ðiq ðong bài ngè ta gùng, bài chim, bài hadrùng, bài ngè rìh ta diac raxiq ðiq jah bùc, èh hòm kon mangai khoe bùc bài ngè aih; **8** mahaq rapet, ùh i cabô jah bùc haq, aih raq kan ðùe kon mangai ma tât pagràng ùh jah, haq bình bàuq bài nōc cachit ka mangai. **9** Xi rapet bèn manè apôi Boc Plinh, Baq da bèn, hadai ajang rapet bèn ra-òh hamaiq ka kon mangai ma khoe jah broq loh tiaq radua qmù Boc Plinh. **10** Hadai mòeq toq hacùng aih raq mahaq loh bàu manè xam bàu ra-òh hamaiq. Oh daq da au! ùh khòh qmang aih. **11** Pajum mòeq tamōc diac ma wia ka loh diac nhim xam diac xang qmòh? **12** Oh daq da au, long pōc wia ka jah loh plì ôliu, long nho loh plì pōc jah loq ùh? Tamōc diac xang hadai ùh jah loh diac nhim. **13** Tapì oh daq cabô ma i kan rabiaq? Drah yōc ðèh trong rìh acaq lem linh ðòeq hu mahnu ðèh biac broq ma loh enh kan rabiaq kan loq kêm. **14** Mahaq tàng joq oh daq i kan tagrinh ta pagau ka dabau xam kan tajênh ta manoh cla, aih apaq padèch raðeh hadai apaq capoch amòng pagau ka bàu joq qnàng. **15** Kan rabiaq qmang aih ùh xài loh enh qnhèq, mahaq da taneh, da xech akia xam da kan kiac. **16** Majah qmang aih taleq i kan tajiq

tajênh, ta aih i kan manhài xam rìm kan dù. 17 Mahaq kan rabiaq ma loh enh qnhèq angoe aih hadròeh lem, atiq kan hatroq, loq amàn, loq kềm, bình kan loq waq xam plì lem, taq atoq, hnhuh jang. 18 Mangai broq kan hatroq haq jah gat plì taq atoq ma khoe rai ta kan hatroq

4 Bài kan loq tajênh tarahen taqne pì aih loh enh leq? ma ùh xài loh enh kan loq ònh da manoh cla ma xan àu tablêq yôt ta chac oh daq raq qmòh? 2 Oh daq ònh mahaq ùh jah trong ðeh ma enh, oh daq jêh ðac mangai, tarênh mahaq dua ùh jah cleq, oh daq i kan ta pagìq taqmiaq. Oh daq majah ùh jah cleq pàng oh daq ùh waiq bòch Boc Plình. 3 Oh daq waiq bòch mahaq ùh jah cleq, pàng pì bòch ùh troq trong, ðeq toq racaih tiaq manoh cla enh. 4 Wùih bài mangai ja tango tau! pì ma ùh qnì taqmut ti crõng taneh kô aih pì tablêq hlài ka Boc Plình? Dài qmang aih, cabô enh broq bua ka crõng taneh kô, haq aih loh mangai tablêq ka Boc Plình. 5 Ahiaq pì hèm Hset Hadròeh capoch ðech ùh loh lùa cleq qmòh? Yiang Hadròeh da Boc Plình ma thê oe ta manoh cliac bèn, haq bêh bèn loh qmòe ka tarênh, 6 mahaq Haq tam ka bèn kan tabàih yeo kàn hòm. Dài qmang aih Hset Hadròeh majah achih: “Boc Plình tablêq ka mangai loq catèh raðeh, mahaq am xôp ramot ka mangai loq hamon raðeh.” 7 Qmang aih thê drah iu Boc Plình. Drahaq tablêq hlài kan kiac aih èh haq hi wia hangai ka oh daq. 8 Drahaq thia haten ka Boc Plình aih èh Haq hi thia haten ka oh daq. Mangai ma i yiniq lui drahaq qnheo hreo ðeh ti kông beq, cabô baiq manoh, drahaq broq hreo ðeh manoh beq, 9 drahaq hnoq ðeh kan habo, drahaq ta-oe hmoè, drahaq halih bàu do loh bàu crò hmoè, halih kan lem bùi loh kan mangò. 10 Drahaq caqnìh raðeh enh ngèa Chuaq, aih èh haq hi ðech atóc oh daq. TT 11 Oh daq ùh dùh capoch qmèq ka dabau. Cabô capoch troq ðeh oh daq qnì, ti hadrah ðeh oh daq qnì, haq aih capoch qmèq ka ranenh, tah hadrah ka ranenh. Tàng pì hadrah hlài ka ranenh, aih pì ùh xài mangai iu tiaq ranenh, mahaq mangai hadrah ranenh. 12 Dìq ðeh mòeq Ngai raq broq loh ranenh, mòeq Ngai raq ma hadrah ranenh aih la Mangai ðech di jah, jêh ðac hadai jah. Mahaq ìh kô ìq cabô, gleq majah hùa hadrah ðeh mangai haten hatia? 13 Tamàng kô, ìh mangai ma doe: Hì kô tàng ùh meh hì da èh, au lam ta gùng tau, oe ta aih mòeq hanam, ti

padro hi jah bac jênh, 14 mahaq hì da èh qmang leq, oh daq ma loq! Majah qmang aih, qnhòng rih da oh daq aih cleq? Bu dàng ðiac ngom, i ðeh mòeq hyàc raq hi hnhung. 15 Oh daq khòh doe qmang kô ma troq: Tàng joq Chuaq ma enh, tàng joq au ma oe rih, aih èh au jah broq yiniq kô, yinq tau. 16 Aih ìq, oh daq ðech bàu catèh ðeq hu panhòm! Catèh panhòm qmang aih ðìq qmèq. 17 Dài haq, cabô loq trong lem mahaq ùh waq broq tiaq, aih i tuiq.

5 Mandeq tamàng kô, pì mangai ma padrõng kan! Drahaq crò hmoè, breo ma ðeh haq, majah qmang aih kan ranàc kàn padon ta-ùc ka pì. 2 Kùng hang pì bùc om, eo yòh pì catia kaq. 3 Wang bac pì loh ka axiang, axiang aih raq kan panhìn ðeq tablêq hlài ka pì, jrêh chac pì tiah ka ùnh cheo. Oh daq khoe don ðeq bac jênh ta hì atiq lùch! 4 Hatau, kùng baha da bình gat ta ruàng oh daq, oh daq ma khoe yóc ðech da wì, wì haq creo dang, bàu wì haq khoe trùh ta don Chuaq i cwiang itai. 5 Oh daq rih ta crõng taneh kô khoe jah acaq ôq racaih ka lem bùi, oh daq khoe broq bit cla raðeh ta hì broq jam; 6 oh daq khoe wiang acop bàu taqmòq yiniq ðeq hu jêh cadac mangai taq atoq, yac ka haq ùh i tablêq hlài ka pì. 7 Qmang aih, oh daq ep cajap manoh gòm hì Chuaq trùh. Ngan mangai ma abèq ruàng: wì haq cajap manoh gòm dahwèq lem loh enh taneh trùh qmòe jò khoe jah mè enh gàu jò gat trùh ðìq jò gat. 8 Oh daq hanoh qmang aih, hadai ep loq kềm rai cajap manoh, majah qmang aih hì da Chuaq trùh khoe haqnap. 9 Oh daq pì dùh ti padrùt ka dabau ðeq ùh hiaq ep pòq kan hadrah, hatau, Mangai ma hadrah khoe yòng ajang qmang hnim! 10 Oh daq da au, pì ngan bài wì mangai pajàu ma khoe canòm ka yiniq Chuaq hu capoch, ðeq top dua trong chiuiq xalep xam kan loq kềm ka raðeh. 11 Oh daq loq bài magai ma loq kềm jò nanxa, aih bèn doe wì haq jah xôp ramot. Oh daq hmaq tàng doe Jop khoe kềm dàng leq, rai khoe jah hnoq jò atiq lùch Chuaq taqmroq am ka haq, majah qmang aih Chuaq bình kan loq tamèt ha-och. 12 Adroe ðìq ðõng, oh daq ùh dùh hapah ðeh, apaq patô tróc, patô taneh, hadai apaq patô yiniq qnoeq ðeq hu hapah, tàng joq aih doe joq, ùh aih doe ùh, ðeq ùh hiaq ep pòq kan hadrah. 13 Taqne oh daq i cabô chiuiq ka xalep qmòh? Mangai aih waiq khàn beq. Cabô i kan lem bùi qmòh?

Drah calêu manè apôi beq. **14** Taqne oh daq i cabô yiniq ùh hrôc qmôh? Drah akhen ka bài gucraq Tagop Hadrôeh trùh, jò khoe canòm ka yiniq Chuaq òòeq xùt dàu ka mangai yiniq, khoe aih wì craq hi waiq khàn am ka haq. **15** Bàu waiq khàn xi manoh lùì jah broq brêh ka mangai yiniq. Chuaq jah dèch haq aih, tàng mangai yiniq loq i yiniq lui cleq, aih èh dua jah caqnaih. **16** Qmang aih, drah paqnoh deh yiniq lui ti dabau, dôq oh daq jah brêh ka yiniq: mangai taq atoq yôc manoh nhet òòeq waiq khàn aih joq xit bacc. **17** Êli aih mangai hadai ùh nèn qmang ka bèn. Haq waiq khàn, cali calo dôq trôc apaq mè, aih trôc ùh mè ta crông taneh piq hanam qne. **18** Khoe aih haq waiq khàn hlài, trôc hi mè, aih taneh hi loh dahwèq. **19** Oh daq da au, taqne oh daq loq i mangai leq lam hwang hangai ka trong joq qnàng, yàng i mangai broq ka haq tawih hlài, **20** haq khòh loq rameh: mangai leq broq ka mangai i yiniq lui wih hlài, cadac dèh trong ùh troq, aih haq dèch da wì mahua yang claih ka cachit, rai gahnàp đac bacc yiniq lui.

I PHIERO

1 Phiero mangai tiaq cla da Chauq Jesus Christ, achih ka bài mangai rih paclac tagùng Bong, Galati, Capbadoc, Asi xam gùng Bithini, aih bài mangai khoe jah raih, **2** tiaq kan loq dèh adroe da Boc Plinh, aih Baq, jah kan basròeh enh Yiang Hadròeh, hu iu tiaq Chuaq Jesus Christ òeq jah hadai wiang rai mahim haq: waiq kan tabàih dech xam kan catèm jah rai èh rai bàc ka oh daq. **3** Manè apôi Boc Plinh, Baq da Jesus Christ aih Chuaq bèn, haq khoe yóc manoh loq waq kàn kaiq òeq broq bèn jah ha-uang lauq, dōq bèn canòm kan rih hlài enh mangai cachit da Chuaq Jesus Christ òeq hu jah kan tangèh rih, **4** aih raq kùng hang ùh raliang hnhung, ùh axiang, ùh lùch khoe padon ta plinh òeq am ka oh daq, **5** aih bài mangai i manoh lùl canòm ka cwiang itai da Boc Plinh wèq am, òeq hu jah kan dèch claih, ma khoe ten loh ta hì atiq lùch. **6** Oh daq lem bùi ka biac aih, yac ka mandeq kô oh daq glàm kan qnhro bàc trong broq ka oh daq ep mangò òeh toq biaq, **7** bài kan qnhro aih broq ka manoh lùl da oh daq jah yeo lem ùh hnau ka wang aih hang ma loq om hech yac ka khoe bùh xi ùnh, dōq oh daq jah bàu manè, jah padèch ta kan qngah qngai jò Chuaq Jesus Christ loh ta cởng taneh. **8** Haq aih Mangai oh daq ùh hnoq mahaq camet, yac ka mandeq kô oh daq qnhòq hnoq haq, mahaq oh daq lùl haq, rai lem bùi pi cajaq ta kan ranhòm: **9** jah kan baha ka manoh lùl da oh daq aih la kan dèch mahua yiang oh daq. **10** Anoe trùh kan dèch aih, bài mangai pajàu khoe ti hamrìh ti boq chaq, khoe capoch bàu pajàu trùh kan tabàih ma khoe taqmroq òeq ka oh daq: **11** aih wì chaq waq ka jah loq qnhòng leq, qmang leq cadèh Yiang Hadròeh da Christ ma oe ta wì haq khoe mahnu, jò chônñ anoe panhìn kan xalep da Christ xam kan ranhòm tiaq atiq ka aih. **12** Wì aih, khoe loq ùh xài wì haq patìh ka cla rađeh mahaq ka oh daq, aih bài biac mandeq kô ma khoe anoe qnoh ka oh daq, loh enh bài mangai ma canòm ka Yiang Hadròeh enh plinh, òeq hnài Bàu Lem am ka pì; bài bình plinh hadai tangèh jah hnoq bài yiniq kô. **13** Qmang aih, oh daq ep cachang òeq ta gàu ngoc tiah ka rìt caqnam, loq amàn, yóc òiq ka manoh ngèh òeq gòm kan tabàih jah am ka rađeh jò Chuaq Jesus Christ trùh. **14** Oh daq khoe wìa

wì kon ma loq iu bàu, aih apaq broq tiaq kan dù enh nèh, jò pì oe raq qnhòq qnì cleq. **15** Mahaq tiah ka Mangai ma creo ka oh daq aih hadròeh, aih èh ta rìm trong acaq oe, oh daq hadai ep hadròeh, **16** majah qmang aih i bàu achih rameh: “Ep hadròeh, majah qmang aih au kô hadròeh”. **17** Tàng oh daq creo ka Mangai ma ùh hìaq loq waq ka apah, mahaq hadrah ka tang ngai tiaq tang yiniq wì haq ma broq, aih Baq, qmang aih drah yóc manoh loq iu yùq òeq hu rih acaq taqnhòng rih òò kô, **18** majah qmang aih, bèn loq ùh xài canòm bài dahwèq ma loq om loq bùc qmang ka bac ka wang oh daq ma khoe jah baxon claih ka trong rih acaq ùh loh cleq da kan cadraq ma khoe òeq hlài ka bèn, **19** mahaq xi mahim canaq da Christ, tiah ka mahim kon trùu ùh i ka xit ùh i ka habau, **20** ma khoe padon qmòe enh adroe ka broq plinh cởng taneh, khoe jah paqnoh taqnhòng atiq lùch kô am ka oh daq, **21** aih bài mangai khoe canòm ajang Chuaq Jesus Christ òeq lùl Boc Plinh, aih Mangai ma khoe broq ka Chuaq Jesus Christ enh mangai cachit rih hlài rai am ka haq kan ranhòm, òeq manoh lùl xam kan tangèh da oh daq canòm òiq ka Boc Plinh **22** Mandeq kô oh daq khoe canòm ka bàu joq qnàng òeq broq hreo dèh mahua yiang, òeq i manoh loq waq ka dabau joq qnàng, loq ha-och ka dabau òiq ka manoh; **23** oh daq khoe jah hauang lauq, ùh xài xi adrech loq om hech, mahaq xi adrech ùh om ùh hech, aih xi bàu kan rih cają cajiñh da Boc Plinh. (aiōn g165) **24** Majah qmang aih: Rìm xech akia bu diang nhat, Kan nhòm da Rìk bu diang riang nhat. Nhat croh, riang hadrùih. **25** Mahaq bàu da Chuaq oe mòeq òde. Aih raq Bàu lem khoe anoe qnoh ka oh daq. (aiōn g165)

2 Qmang aih, oh daq khoe cadac rìm trong ngang dù, kan loq qnùt, kan ti patiah, manoh loq tajèñh xam bàu capoch troq, **2** aih drah bèh diac tōh yiang, tiah ka kon qyoh neo hauang, dōq oh daq canòm ajang aih hu jah yòng kàn òeq jah dèch dèh mahua yiang, **3** tàng oh daq khoe loq Chuaq Jesus aih lem. **4** Drah thia ten ka haq, aih hmo rih mahaq tì kống kon mangai khoe khwèñh òac, mahaq khoe jah raih jah òi wìa hmo canaq enh ngèa Boc Plinh, **5** oh daq hadai tiah ka hmu rih, jah broq hnim yiang, broq pajàu hadròeh, òeq hu dèch ramèñh yiang, canòm ka Chuaq Jesus Christ òeq jah lem ka manoh Boc Plinh. **6** Majah qmang aih

ta Hset Hadròeh i achìh rameh: “Ngan kô! Au òeq ta Siôn, mòeq toq hmo mùm hnim canaq khoe jah ràih, cabô lùì Haq aih, ùh jò leq ep camaih”. 7 Qmang aih, ka oh daq ma khoe lùì, aih hmo canaq, mahaq ka mangai ma ùh lùì, aih hmo thòq broq hnim khoe tèm ðac, Mahaq khoe wìa hmo mùm hnim, aih hmo: “broq ka mangai kan catoeh, hmo broq ka tacro”; 8 wì catoeh ka hmo aih taiq wì ùh iu tiaq Bàu, trong aih khoe têu òeq ka wì haq enh adroe. 9 Mahaq oh daq aih adrech ma khoe jah ràih, aih la pajàu da hnim bùa, aih xinoe hadròeh, aih mangai da Boc Plinh, òeq ka oh daq lam anoe kan loq waq da Boc Plinh aih Mangai ma khoe creó ka oh daq loh enh noè clam cluiq, trùh ta kan ðiq jaq qngah qngai da haq; 10 oh daq nêh haq ùh xài mòeq xinoe, yàng manòeq kô aih xinoe da Boc Plinh, nêh haq ùh jah kan loq waq, yàng manòeq kô jah ka loq waq. 11 Yôi yôiq oh daq da au, oh daq bu ðàng mangai enh ðiac qnoeq, mangai lam ka trong, au pariaq oh daq ep wìa ka hangai bài yiniq xech akia ma ònh, aih bài yiniq ma tablêq hlài ka mahua yiang pì. 12 Ep rìh lem jang taqne mangai ðiac wì, òq wì haq aih mangai ma toq capoch qmèq ðac ka oh daq tìahtaiq ka mangai ngang dù, hnoq yiniq broq lem da oh daq, aih èh hì Chuac ma trùh hmàih ka bèn, wì haq jah manè apôi Boc Plinh. 13 Taiq Chuac, pì majah ep iu tiaq ranenh kon mangai paqnoh, yac ka bùa, aih mangai i cwàng haqnêq, 14 yac ka bài cwan, aih mangai bùa ma thê haq trùh òeq baxa mangai ma broq dù, òeq manè mangai broq lem. 15 Majah qmang aih, manoh Boc Plinh ma enh aih oh daq broq trong lem òeq bàt hacùng bàu bài mangai blùng ratùt. 16 Drah rìh tìahtaiq mangai ma pì tawac, mahaq apaq yóc kan ùh tawac aih hu broq bai prình kan dù, ep ngan raðeh kô hapõng ðic da Boc Plinh. 17 Khòh loq ta-iu ka rìm ngai, loq waq ka oh daq, iu yùq ka Boc Plinh, loq iu bùa. 18 Mangai hapõng, ep yóc manoh ðiq jah loq iu yùq ka Boc Plinh òeq iu tiaq ðeh cla craq, ùh xài toq ka cla craq ma khun khuq loq hèm ka oh daq, mahaq hløe xam cla craq ma ùh taq ataq. 19 Majah qmang aih joq khòh manè, tàng cabô taiq manoh loq yùq ka Boc Plinh ðài haq majah ep chiùq ðeh kan xalep ta kan ùh taq ataq. 20 Tàng oh daq broq qmèq, oh daq chiùq àt jò wì jêh, aih i cleq hu catêh? Mahaq tàng oh daq broq lem, yàng ep chiùq kan xalep, aih raq xòq ramot enh ngèa

Boc Plinh. 21 Oh daq khoe jah creó trùh jang aih, majah qmang aih Christ khoe chiùq xalep ka oh daq, òeq broq dua ka oh daq hnoq, òq oh daq hu tiaq teo jènhaq; 22 Haq qnhòq i broq qmòe yiniq lui cleq, ta hacùng haq ùh i mòeq nà bàu paqnùt; 23 Jò wì hnap hnuq, haq ùh da hnap hlài, chiùq nanxa haq ùh hacam hlài ka wì, mahaq phùq raðeh ka Boc Plinh aih Mangai hadrah taq ataq; 24 Haq pòq wê ðong yiniq lui bèn ta chac haq tanòe long pagat, òq bèn mangai khoe cacìht ta yiniq lui, jah rìh ka kan taq ataq; canòm ka teo rabàn ta chac haq bèn jah brêh ka yiniq. 25 Majah qmang aih oh daq tìahtaiq lac, yàng manòeq khoe jah hlài ti Mangai ban trùu xam Mangai wèq mahua yiang pì.

3 Hadai qmang aih, mangai broq mai ep iu tiaq ðeh òng, òeq tàng loq i mangai òng leq ùh tiaq trong Chuac, yac ka ùh anoe xi bàu, yàng hnoq trong mai haq rìh acaq, aih èh haq hì tiaq ðiq, 2 majah qmang aih, haq hnoq trong acaq oe da pì aih hliang lem loq iu. 3 Ùh ðùh chaq dahwèq òeq anì toq enh gùng, qmang ka broq xac, asràng wang, atàc toq eo cwan lem canaq; 4 mahaq ti chaq kan palàng enh dalam, aih kan hliang lem ùh hnhung lùch ùh atêh atong da manoh laq alàng, aih trong lem enh ngèa Boc Plinh. 5 Majah qmang aih bài gucadri hadròeh calah nêh, tàng canòm ka Boc Plinh, chiùq iu tiaq ðeh òng, ðiq palàng raðeh qmang aih; 6 qmang ka Sara iu tiaq Apraham, creó ka Apraham aih craq da raðeh, tàng pì broq trong lem, ùh i yiniq cleq broq ka pì ep yùq crè ta manoh, aih èh pì hì wìa kon ađrùh da Sara. 7 Hanoh qmang aih, mangai broq òng, drah mahnu ðeh kan rabiaq ta trong rìh acaq ðeh ti cadri, ep loq hèm ka wì haq, majah qmang aih wì haq yeo ùh nèn ðeh, qnah hòm wì haq hadai wiang jah xôq ramot kan rìh ti oh daq, ðài majah ep ta-iu ka wì, òq ùh hìaq i yiniq cleq broq ka pì manhài jò waiq khàn. Chiùq xa-ep jò broq trong lem 8 Pulùch, ðiq ðong oh daq ep mòeq manoh bình kan loq tamèt xam kan loq waq ka dabau, i manoh loq hanò rai loq hacom hamon raðeh. 9 Apaq yóc kan dù òeq patem chau kan dù, apaq yóc bàu qmèq hu patem ka bàu qmèq, mahaq ep waiq xôq ramot ka wì, taiq ajang aih raq oh daq ma khoe jah creó òeq hu jah xôq ramot. 10 Èh hòm, Mangai leq bèn kan rìh, Enh jah hnoq hì lem. Haq aih

ep wèq dèh hacùng bàu, Apa q capoch trong dù xam bàu loq qnùt; **11** Ep wia ka trong dù, broq trong lem, Chaq kan catèm ðeq hnan tiaq, **12** Majah qmang aih mat da Chuaq haqmiang ngan mangai taq atoq, Don Haq ti tamàng bàu waiq khàn da wì aih, Mahaq hadrò Chuaq tablêq hlài ka mangai broq dù. **13** Tàng oh daq nhet ka broq lem, aih ma i cabô ma broq qmèq ðeq habo hlài ka oh daq? **14** Tàng oh daq broq troq mahaq ep chiuiq kan xalep, aih oh daq jah xôq ramot. Apa q yùq ka bàu wì hacam, hadai apa q hlè ta manoh; **15** mahaq ta manoh oh daq ep padèch Christ broq Cla cra q raðeh. Yac ka jò leq dua padon ðeq hu padreo bàu ka mangai ma bôch trùh kan tangèh da oh daq, mahaq ep khun khuq rai loq ta-iu, **16** ep i manoh hliang lem, dôq bài mangai ma halè trong rih acaq lem linh da oh daq ta dalam ka Christ, ep camaih dèh ka bàu wì haq ma capoch troq oh daq; **17** tàng manoh Boc Plinh khoe enh dèh qmang aih, ôq, bèn chiuiq xalep jò broq trong lem aih yeo lem ka chiuiq xalep ka broq trong qmèq. **18** Majah qmang aih Christ hadai khoe chiuiq cachit ka yiniq lui mòeq yàng, haq aih kan taq atoq am ka mangai ùh taq atoq ðeq aràng bèn trùh ti Boc Plinh, yac ka chac hamac da haq khoe cachit, mahaq mahua yiang da haq oe rih. **19** Xi mahua yiang aih haq lam anoe ka bài mahua yiang ma qnang oe tù, **20** aih bài mangai enh qnhòng nèh khoe ùh iu tiaq Boc Plinh, ta qnhòng da Nô-ê, aih jò Boc Plinh khoe chiuiq àt chiuiq gòm trùh jò boang jah broq gèh, i toq biaoq ngai raq jah dèch claih khoe ka diac kàn, ta aih rahem ngai dech do. **21** Diac hanam aih, broq qmù ramèn ðaptem mandeq kô ðeq dèch oh daq, ramèn aih ùh xài ðeq qnheo hreo kan amùda da chac hamac, mahaq tiah ka bàu hatèu lem hloh enh manoh qngah hliang da oh daq am ka Boc Plinh, canòm ajang kan rih hlài da Chuaq Jesus Christ, **22** aih Mangai ma khoe hlài ta plinh, mandeq kô qnang haqngui enh qma Boc Plinh, bài bình plinh, bài bùa, xam bài wèq cwiang ðiq enh qneq ka Haq.

4 Qmang aih, tiah ka chac hamac da Christ khoe chiuiq xa chiuiq jiq, oh daq hadai padon dèh manoh qmang aih ðiq, majah qmang aih mangai leq chiuiq jiq chiuiq xalep ta chac hamac aih khoe jah claih ka yiniq lui, **2** waq toq oe rih ta chac kô pang leq, aih pi ðùh tiaq cadèh hòm trong kon mangai ta cớng taneh kô ma

òngh, mahaq ep tiaq manoh Boc Plinh enh. **3** Nèh haq oh daq khoe rih tiaq kan qmèq da wì enh gùng: tuàng buàng, enh toq trong mèq, bù bia, acaq ôq pi palap, pagôq racaih, kùh waiq kiac qmù. **4** Wì hnoq oh daq ùh broq tiaq wì haq trong tango anang, aih wì loh ka hamàih rai jù lê oh daq. **5** Mahaq wì haq ep taqmon hlài ka Mangai ma padon hadrah mangai rih xam mangai cachit. **6** Taiq aih raq, Bàu Lem majah khoe ep anoe ka mangai cachit, ðeq atiq ka jò wì haq khoe ep pòq kan hadrah tiaq chac da kon mangai, mahua yiang wì haq jah rih ti Boc Plinh. **7** Kan atiq lùch da rìm yiniq khoe haqnap, ep rabiaq rai loq hamang ðeq waiq khàn. **8** Adroe aih, rìm ngai ep i manoh nhet ka loq waq ka dabau joq qnàng, majah qmang aih kan loq waq jah gahnàp bàc yiniq lui. **9** Mangai kô xam mangai tau ep ðih dabau ma laq alàng apa q mamùc. **10** Rìm ngai ep yóc dèh kan tabàih ðeh ma khoe jah ðeq wiang hanò ka dabau, tiah ka mangai wèq kùng hang ma ùh tablòq manoh, wèq bài kan tabàih dech crài ka dabau da Boc Plinh. **11** Tàng loq i cabô broq mangai hnài, aih ep capoch wop qmang ka bàu ma loh enh Boc Plinh; tàng loq i cabô patìh trong leq, haq ep patìh xi padren Boc Plinh tah am, ðeq yiniq Boc Plinh jah qngah rìm trong ajang Chuaq Jesus Christ; aih Mangai jah kan ranhòm, cwiang itai mòeq ðoe ùh lùch. Amen. (aiôn g165) **12** Oh daq da au, jò pì oe ta tanùh ùnh kan qnhro, apa q hamàih tiah taiq ka raðeh glàm bài kan lah halac. **13** Mahaq oh daq wiang jah nanxa ti Christ pang leq, aih drah lem bùi pang aih, ðeq hì ranhòm da Christ trùh, oh daq hadai wiang jah kan lem bùi ðiq jaq. **14** Tàng joq taiq yiniq Chuaq Jesus Christ wì jù lê capoch qmèq ðac ka oh daq, aih pì jah xôq, majah qmang aih kan ranhòm xam Yiang Hadròeh da Boc Plinh jràp enh qnhèq ka pì. **15** Taqne oh daq apa q cabô chiuiq xa tiah ka mangai jêh ðac mangai, tiah ka mangai atùng, tiah ka mangai ratauq, tiah ka mangai ti chaq baxrùq yiniq mangai qnoeq. **16** Mahaq cabô chiuiq xa taiq ðeh tiaq Chuaq, aih apa q camaih, mahaq drah manè apôi Boc Plinh taiq raðeh khoe jah pòq wê yiniq haq aih. **17** Majah qmang aih khoe trùh jò, aih jò kan hadrah jah baxèm qmòe enh hnim Boc Plinh, tàng baxèm enh bèn, kan pulùch da bài mangai ma ùh iu tiaq Bàu Lem da Boc Plinh aih èh qmang leq cadèh? **18** Tàng joq mangai taq atoq ùh i hlàu cleq ka

jah dèch, aih èh bài mangai ùh i ka Boc Plinh, qmang aih. 14 Oh daq ep yóc kan loq waq ðòeq bài mangai i yiniq lui qmang leq cadèh? 19 híp hmàih ka dabau. Waiq kan catèm oe ðiq ti Qmang aih bài mangai chiùq xalep tiaq manoh oh daq ma oe ta Chuaq Jesus Christ! Boc Plinh enh, apaq tagah ka broq trong lem ðòeq phùq dèh mahua yiang ka Mangai broq plinh crõng taneh ma ùh jò leq tablòq manoh.

5 Au tanap bàu ka bài gucraq ma oe qne oh daq, au kô hadai gucraq qmang ka wì aih, au kô mangai ma khoe hnoq qmòe kan jìq kan xalep da Christ, mangai ma hadai wiang jah kan ranhòm ma padon trùh kô èh: 2 drah wèq ban tagop da Boc Plinh ma khoe thê oh daq, broq yiniq aih ùh xài i cabô panan mahaq taiq kan lem bùi ta manoh, ùh xài ðòeq hu yóc kùng baha ùh hadrèh, mahaq taiq ðiq dèh manoh, 3 ùh xài ðòeq hu broq bùa bài kon triu enh qneq ka cwiang oh daq, mahaq ðòeq broq dua lem ka wì. 4 Jò Mangai ma broq gàu bài mangai ban triu trùh, aih èh oh daq hi jah cadoh diac plinh qngah lem, ùh jò leq brôq croh. 5 Hadai qmang aih bài mangai qyoh hanam, ep iu tiaq wì gucraq. Rìm ngai ep caxùnh yóc kan loq hamon ràdeh, majah qmang aih Boc Plinh tablêq ka mangai loq padèch ràdeh, mahaq am xôq ramot ka mangai loq hamon ràdeh. 6 Qmang aih, drah qnoh ràdeh enh qneq ka tì kống i cwiang itai da Boc Plinh, ðòeq trùh jò dèh jò, haq hi dèch atóc oh daq. 7 Drah qnèp dõng ka haq kan yùq crè ta manoh, majah qmang aih haq mangai ma wèq ban pì. 8 Drah loq kèn rai loq clang ka ràdeh: Mangai mangai ma tagit ka pì tiah ka baco ka ùm, ti lam dudan ka pì ðòeq ti chaq ngan mangai leq haq jah lonh. 9 Ep yòng cajap ta manoh lùì ðòeq hu tablêq ka haq, majah qmang aih bèn loq oh daq bèn jàp jà ta crõng taneh kô hadai glàm nan no tiah ka bèn. **10** Boc Plinh aih xèm da rìm kan tabàih khoe creo ka oh daq trùh ta kan ranhòm mòeq ðòe da haq enh dalam ka Jesus Christ, jò oh daq khoe chiùq xalep ðò toq biaq, aih èh cla haq raq broq ka oh daq jah gèh geo, hagau hagình rai tah tam paden ka oh daq. (aiōnios g166) 11 Waiq kan i cwiang itai hlài ðiq ta haq, mòeq ðòe ùh ðiq ùh lùich! Amen. (aiōn g165) 12 Au canòm ka Sinwan, mangai oh daq ùh tablòq manoh, au achìh toq biaq nà kô ðòeq hu pariaq oh daq, hu panhìn ka oh daq loq aih joq kan tabàih dech enh Boc Plinh, oh daq ep yòng cajap ta aih. 13 Tagop Hadrèh da bài mangai jah ràih oe ta Babylôn, i bàu hmàih ka oh daq, kon da au aih Mốc hanoh

II PHIERO

1 Simôn Phiero, mangai hapõng xam mangai Tiaq cla da Chuaq Jesus Christ, achiñ am ka bài mangai ma hadai khoe jah manoh lùì lem lình qmang ka da nhèn, canòm ajang kan taq atòq da Boc Plính xam da Chuaq Jesus Christ, aih Chuaq dèch bèn: **2** waiq kan tabàih dech xam kan catèm jah am tam ka oh daq rai èh rai bàc, majah qmang aih pàng mandeq kô oh daq khoe loq ka Boc Plính xam Chuaq Jesus Christ, aih Chuaq da bèn. **3** Cwìang itai da Boc Plính khoe am rìm yiniq bèn ma waq ka i ta kan rih loq iu yùq. Broq bèn loq ka Mangai yõc kan ranhòm xam kan loq hanò òdeq creò ka bèn, **4** èh hadai taiq kan ranhòm xam kan loq hanò aih haq am tam bàu têu hòm ka bèn tabài yiniq ma òq jaq kàn òq jaq lem, canòm ajang aih òdeq bèn jah claih ka kan om ech loh enh manoh cla ma loq ònh, òdeq wia mangai i kan rih da Boc Plính. **5** Aih iq, dài oh daq majah ep àu òq ka padren òdeq tam ka manoh lùì kan lem manoh, tam ka kan lem manoh kan hõc loq, **6** tam ka kan hõc loq kan amàn, tam ka kan amàn kan loq kềm, tam ka kan loq kềm kan loq iu yùq, **7** tam ka kan loq iu yùq kan loq waq ka oh daq, tam ka kan loq waq oh daq kan àlàng. **8** Tàng joq rìm yiniq kô tòm taih ùh òq ùh dài ta oh daq, bài yiniq kô blinh ùh òdeq ka oh daq oe dech ùh loh plì ta kan canau loq ka Chuaq Jesus Christ bèn. **9** Mahaq tàng cabò ùh i ka bài yiniq kô, haq loh mangai hnoq ùh hangai, loh mangai ùh xau, hèt ka raðeh khoe jah broq hreo dèh ka yiniq lui enh nèh. **10** Qmang aih, oh daq ep àu òdeq broq ka cajap trong Chuaq ma khoe creò khoe ràih pì. Tàng oh daq broq bài yiniq kô, aih èh oh daq ùh hiaq catoeh cro; **11** aih èh, oh daq jah òq qmòè ka laq àlàng mùt ta diac halinh mòeq òde da Jesus Christ aih Chuaq da bèn, aih Mangai dèch bèn. (aiōnios g166) **12** Qmang aih, yac ka oh daq khoe loq khoe cajap deh trong joq qnàng kô, mahaq dua au ùh hêq ka bahmàng hlài bài biac kô ka oh daq. **13** Mahaq waq toq au oe raq ta hnim ranòh kô pang leq, au ngan trong au ma yõc bàu anoe òdeq hu pariaq oh daq aih trong au ep broq; **14** majah qmang aih au loq raðeh ep rênh loh khoe ka hnim ranòh kô, wop tiañ qmang ka Jesus Christ aih Chuaq da bèn khoe doe ka au. **15** Au àu broq òq dèh ka padren òdeq atiq ka jò au khoe loh lam, oh daq

ùh hèt ka bài yiniq au khoe anoe kô. **16** Qmang aih, jò nhèn broq ka oh daq loq cwìang itai xam biac Chuaq Jesus Christ bèn trùh, aih ùh xài nhèn rabiaq ka qmon lìq, mahaq mat cla nhèn khoe hnoq qmòè kan ranhòm haq. **17** Majah qmang aih Haq khoe jah kan ranhòm xam kan qngah qngai enh Boc Plính, aih Baq da haq, jò Boc Plính ma òq jaq haqnèq doe ka haq: “Kô Kon au ma loq waq dèh, lem manoh au rìm trong.” **18** Cla nhèn hadai tàng qmòè bàu aih loh enh plính, jò nhèn ma oe ti haq ta wang hadròeh. **19** Aih iq, kiang nhèn lùì tam bàu bài pajàu ùh hnau hòm, oh daq khòh hmàng ka bàu aih, tìañ ka hadreo sreo tanòe clam cluiq, trùh jò dahi hi loh, trùh jò halõng sroq tõi ta manoh plì. **20** Adroe òq òq òq oh daq ep loq rameh, ùh i bàu pajàu leq ta hset Hadròeh kô bèn jah yõc manoh da cla òdeq hu anoe hnài. **21** Majah qmang aih, ùh i ka bàu pajàu leq ma loh enh manoh cla kon mangai, mahaq aih jao Yiang Hadròeh mahnu ta manoh wì haq, dài wì ma khoe capoch qnoh bàu Boc Plính.

2 Yac ka qmang aih, enh nèh raq khoe i bài mangai pajàu patiañ oe taqne oh daq, aih èh hadai i mangai hnài patiañ oe taqne oh daq, wì haq hnài trong patiañ òdeq ti habo, caðac Chuaq ma khoe baxon hlài raðeh, taqmac yõc ka raðeh kan raliang ùh tem hnoq. **21** bàc ngai top dua wì haq ta trong rih acaq ma jiang ka camaih, jao bài aih dài wì majah halè patah òde trong joq qnàng. **3** Wì haq tiaq deh kan plai ta manoh, yõc bàu pajiang òdeq aluàn oh daq òdeq hujah lòeq, mahaq kan tah hadrah gòm òdeq wì haq khoe òdeq, kan raliang da wì haq ùh i panoc. **4** Majah qmang aih, tàng joq Boc Plính khoe ùh adèñh ka bài bình plính broq yiniq lui, mahaq khwènñ caqnìh bài aih ta hwin jrùq, yõc xaxi datoeq kàt òdeq bài aih tanòe clam cluiq òdeq gòm kan hadrah; (Tartaroō g5020) **5** tàng joq Haq khoe ùh adèñh ka crõng tanèh calah nèh. jò haq ma thê diac kàn trùh glua òdeq bài mangai ma ngang òq aih, rong òdeq toq No-è aih mangai hnài trong taq atòq, xam tapèh ngai qnoeq hòm; **6** tàng joq Haq khoe hadrah gùng Sodòm xam gùng Gomôro, bùh òdeq gùng aih loh òdeq loc, òdeq broq dua ka mangai ngang òq taqnghòng atiq hu hnoq; **7** tàng joq Haq khoe paclaih Lot aih mangai taq atòq, mangai ma toq mangò òdeh ka trong rih acaq ùh lem da bài mangai ngang òq tau, **8** (majah mangai taq atòq

kô rih taqne wì aih, don tàng, mat hnoq kan ùh wia da wì aih, manoh cliac taq ataq da haq jìq qmòe rìm hì), 9 qmang aih, Chuaq dèch mangai ma loq iu yùq ka haq claih enh kan padô qnùt, rai baxa bài mangai ùh taq ataq, clêh padràng wì aih òdeq gòm trùh hì tah hadrah, 10 ta aih kiang bài mangai ma iu tiaq deh manoh cla ònh toq kan ùh wia, jù đac cwiàng enh qnhêq. Bài aih ùh yùq ka catêh rađeh, ùh hòq ka capoch qmêq ka wì craq, 11 yac ka bình plình aih bài yiang ma dèh padren i cwiàng itai yeo hnau ka wì haq dua ùh hùu i mòeq nà bầu capoch brùaq jò hadrah ka wì craq enh ngèa ka Chuaq. 12 Bài aih toq ti jù halê đac trong đeh ma ùh qnì, wì haq budàng ngè wì ma ban ta hnim ùh i ka manoh loq hêm cleq, xêh loh òdeq toq hu rùp broq jam, wì aih hadai cachit lùch qmang ka bài ngè aih diq, qmang aih wì haq jah baha tiaq dèh trong dù wì haq khoe broq. 13 Wì haq yôc trong acaq ôq búbia dahì broq kan hyòq bùi, wì haq aih bài habau qmêq bài kan amù, enh toq ti amòng jò haqngui acaq yiniang ti oh daq; 14 mat da wì haq bình toq kan tango, wì haq ùh hêq ka broq yiniq lui, padô aluàn mangai ma ùh qnhrang manoh, wì haq hmòt toq trong daiq plai, bài aih troq toq ka ra-òh hamaiq đac raq. 15 Wì haq khoe cadac trong ma hnhuh jang òdeq lam hwang tiaq trong da Balam, kon calô da Bôso, aih mangai daiq ka kùng baha enh kan dù, mahaq, haq aih khoe ep tàng bầu cwò jò haq broq trong dù, 16 aih bầu loh enh hacùng kon lùu aih ngè lâu jah capoch bầu mangai, òdeq tât padràng kan ranhùu ratùt da pajàu aih. 17 Bài aih tiah ka thông ùh i ka diac, tiah ka yùc glàm cayeo dèh hlui đac, èh kan clam cluiq khoe rap òdeq wì haq. 18 Wì haq yôc toq bầu catêh pajiang dech raq, yôc deh kan ònh da xech akia xam trong tango anang òdeq padô bài mangai maneo claih enh trong ùh troq aih. 19 wì haq têu am kan paclaih, yàng cla wì haq aih broq díc ka kan om ech, majah qmang aih i yiniq cleq ma khoe blêq kon mangai, aih èh kon mangai ep broq díc ka yiniq aih. 20 Majah qmang aih, tàng wì haq khoe canòm ka Chuaq dèch bèn aih la Jesus Christ òdeq claih kan amù da cởng taneh kô, yàng tawih hlài hu broq díc bài trong aih hòm, hì atiq da wì haq aih èh yeo hamoq loe ka jò baxêm hòm. 21 Wì haq khoe loq ka trong taq ataq, yàng èh talùi đac ka bầu hadròeh ma khoe hnài rađeh, qmang aih ùh qnì đong aih yeo lem hòm. 22 Wì

haq joq khoe wop qmang ka bầu aliah: Koq liah hlài dèh hac, chùu khoe dahùm èh catàm hlài ta tráp. ChCn 26:11

3 Yôi oh daq da au, kô aih yàng baiq au achìh jàiq ka oh daq. Ta jàiq kô xam jàiq ma adroe, au àu chaq trong òdeq bahmàng rai pariaq manoh lem da oh daq, 2 au enh pì hmàng hlài diq ka bầu pajàu hadròeh khoe anoe calah nêh xam bầu thê da Chuaq, aih la Chuaq dèch bèn haq khoe thê bài mangai tiaq cla da haq khoe anoe hnài. 3 Angoe aih ep loq rameh, taqnghòng atiq lùch èh i bacc ngai loq halê patah, yôc bầu do racaih, rih tiaq dèh kan loq ònh da manoh cla, 4 trùh doe: Aleq bầu Chuaq ma doe haq trùh hlài, bầu aih taleq? Majah qmang aih enh qnhòng bài boc yaq nhèn cachit enh nêh trùh manòeq, rìm yiniq dua oe raq qmang ka jò baxêm i plình cởng taneh? 5 Wì haq to ùh hmàng, canòm ka bầu Boc Plình men i plình i cởng taneh, taneh wia enh diac, khoe loh enh qne diac, 6 cởng taneh qnhòng aih hadai khoe raliang ka diac aih, haq khoe cram ka diac kàn. 7 Mahaq plình cởng taneh qnhòng aih hadai canòm ka bầu aih men oe trùh mamòeq, hu òdeq padon am ka ùnh, ùnh jah baxù cadac haq ta hì tah hadrah òdeq raliang đac mangai dù. 8 Mahaq oh daq da au, apaq hêt mòeq yiniq kô, enh ngèa Chuaq mòeq hì budiang mòeq muàn hanam, mòeq muàn hanam budàng mòeq hì. 9 Chuaq ùh batrò dèh bầu haq ma khoe anoe qmang ka wì tau ma xoh, mahaq Haq khoe chiùq àt ka oh daq, ùh enh mòeq ngai leq cachit hnhung, mahaq enh ka rìm ngai loq raxach wih hlài. 10 Mahaq hì da Chuaq tiah ka mangai atùng. Jò aih èh, i atêh gruàng mòeq qmang ka dèh, èh bài caqnàm plình hi hnhung đong, rìm yiniq ta aih ùnh bùh đong, taneh xam rìm yiniq enh cởng taneh hadai ùnh bùh diq đong. 11 Rìm yiniq diq ep palùng cadac qmang aih, ha oh daq kô èh ep rih qmang leq? Oh daq kiang ep rih hadròeh rai iu yùq Boc Plình, 12 jò oh daq qnang tangêh gòm hì da Boc Plình rênh trùh, aih hì ùnh ma bùh đac diq đong caqnàm plình xam rìm yiniq ta aih diq cheo wiác đong. 13 Mahaq tiaq bầu Haq ma khoe têu, bèn tangêh gòm tróc neo, taneh neo, aih nòe da kan taq ataq rih oe. 14 Qmang aih, diq ka oh daq da au, aih raq yiniq oh daq ma tangêh gòm, dài oh daq majah ep diq ka padren wêq rađeh, òdeq Chuaq hnoq oh daq rih acaq catêm ùh hiaq i xit

i habau, ùh i ajang leq ep cwò. **15** Khoe aih, ep ngan loq rameh Chuaq da bèn chiùq àt ka dùnh aih òòeq hu jah dèch oh daq, tiah ka Phaulô, oh daq ma haten hatìa da bèn, khoe yóc kan rabiaq Boc Plinh am ka raðeh hu achih jàiq ka oh daq. **16** Ta rìm yàng achih ka oh daq, haq hadai ràu trùh bài trong aih, ta aih i tang nòe xa ka loq tàng, dài bài mangai ma blùng ùh cajap manoh lùì, wì yóc jang aih òòeq capoch patah đac taqnoeq, tiah ka wì haq khoe capoch liq ajang noeq oe ta hset Hadròeh diq, taqmac yóc ka raðeh kan raliang hnhung. **17** Qmang aih, oh daq da au, pàng oh daq khoe jah loq adroe, oh daq ep wèq raðeh ma rabiaq haq oq, yùq èh tabeq oh daq troq kan camìt enh bài mangai dù aih padô. Cadac hnhung kan cajap da raðeh. **18** Drah rai kàn ta kan tabàih dech xam ta kan loq ka Chuaq xam Chuaq dèch bèn, aih la Chuaq Jesus Christ. Waiq kan ranhòm hlài òiq ta Chuaq enh qnhòng mandeq trùh hloe ta calah mòeq òòe! Amen. (aiōn g165)

I JON

1 Yiniq ma khoe i dèh enh adroe diq dǒng, aih yiniq nhèn ma khoe tàng, yiniq mat nhèn ma khoe hnoq, yiniq nhèn ma khoe hamrìh ngan èh tì kǒng nhèn khoe jah bèq; aih nhèn anoe trùh Bàu kan rìh; **2** majah qmang aih kan rìh khoe jah mahnu qnoh, nhèn i hnoq, èh nhèn qnang anoe hlài dǒq pì loq, nhèn bahia ka oh daq loq kan rìh halình mǒeq òde ma oe dèh ti Baq mahaq khoe jah patô am nhèn hnoq; (aiōnios g166) **3** nhèn yǒc yiniq nhèn ma khoe hnoq hu bahia ka oh daq òdeq oh daq jah taqmùt pajùm ti nhèn. Joq qnàng nhèn i kan taqmùt pajùm ti Boc Plình aih Baq xam Kon da haq aih Chuaq Jesus Christ. **4** Nhèn achìh bài yiniq kô ka oh daq, òdeq kan lem bùi nhèn jah gèh geo. **5** Kô raq bàu hnài nhèn ma khoe tàng enh cla haq, nhèn anoe hlài ka oh daq loq; Boc Plình aih kan qngah, enh dalam haq ùh i ka kan clam. **6** Tàng joq bèn doe òdeh kô taqmùt pajùm ka haq, mahaq oe raq cadiang lam ta kan clam cluiq, aih bèn capoch qnùt, ùh broq tiaq trong joq qnàng. **7** Mahaq tàng bèn lam ta qngah tìah ka cla haq oe ta qngah, aih bèn taqmùt pajùm ka dabau, mahim Chuaq Jesus Christ kon da haq broq hreo diq dǒng yiniq lui bèn. **8** Tàng bèn doe òdeh kô ùh lòm i ka yiniq lui cleq, aih bèn qnùt cla raðeh, kan joq qnàng ùh oe enh dalam ka bèn. **9** Tàng bèn paqnoh deh yiniq lui. Haq aih la mangai ùh tablòq manoh mangai taq atoq òdeq lèh caqnaih yiniq lui bèn rai broq bèn hreo diq dǒng kan ùh taq atoq da bèn. **10** Tàng bèn doe òdeh qnhòq lah broq cleq i yiniq lui, aih bèn broq ka haq wìa mangai loq amòng, bàu haq ùh oe ta bèn.

2 Yôiq wì kon yoh da au, au achìh bài yiniq kô ka pì, òdeq pì ùh hìaq broq yiniq lui. Tàng loq i cabô broq yiniq lui, aih bèn i Mangai waiq khàn am ka bèn ajang Boc Plình, aih Chuaq Jesus Christ aih la Mangai taq atoq. **2** Haq aih broq ramèn òdeq hu baxon hlài da bèn yiniq lui, ùh xài toq da bèn hi hêq mahaq xam diq ka yiniq lui da cǒng taneh kô. Wèq bàu Boc Plình hnài **3** Kô hagleq bèn majah loq ka raðeh khoe loq ka Haq, aih pàng bèn khoe wèq ranenh da haq! **4** Cabô doe: Au loq ka Haq, mahaq ùh wèq ranenh haq, aih mangai loq qnùt, kan joq qnàng blình ùh oe ta mangai aih. **5** Mahaq tàng mangai leq wèq bàu haq, aih èh kan loq waq da

Boc Plình joq gèh geo ta mangai aih. Aih èh, bèn men loq ka raðeh oe ta haq. **6** Cabô doe òdeh oe enh dalam haq, hadai ep broq tìah ka haq khoe broq. **7** Yôiq bài oh daq au ma loq waq deh, kô ùh xài ranenh au neo achìh ònh ka oh daq, mahaq ranenh dùnh oh daq ma khoe jah enh jò baxèm nèh raq, ranenh dùnh kô aih raq bàu oh daq ma khoe jah tàng. **8** Mahaq au hadai achìh ka oh daq ranenh neo, aih trong joq qnàng enh dalam ka Chuaq xam ta oh daq, majah qmang aih kan clam cluiq khoe pì i, èh kan qngah joq qnàng khoe sreo qngah. **9** Mangai leq doe òdeh oe ta kan qngah, mahaq git dèh ka oh daq, haq aih oe raq ta clam. **10** Mangai leq ha-och dèh ka oh daq, haq aih oe ta kan qngah, enh dalam haq aih ùh i ka yiniq cleq ma broq ka wì qnoeq kan catoeh. **11** Mahaq, cabô tagit dèh ka oh daq, aih haq oe ta nòe clam, broq toq kan clam cluiq rai ùh qnì ka raðeh qnang lam taleq, majah qmang aih kan clam khoe broq ka mat haq pì xau hnoq. **12** Yôiq bài kon qyoh da au, au achìh ka pì kon, majah qmang aih yiniq lui da pì kon canòm ka yiniq Chuaq khoe jah caqnaih. **13** Bài mangai ma broq baq, au achìh ka pì, majah qmang aih pì khoe loq ka Mangai ma i qmòe dèh enh jò baxèm. Bài mangai adrùh radam, au achìh ka pì, majah qmang aih pì khoe tablêq kan kiac dù. **14** Yôiq kon qyoh da au, au achìh ka pì kon, majah qmang aih pì khoe loq ka Baq. Yôiq bài mangai ma broq baq, au khoe achìh ka pì majah qmang aih pì khoe loq ka Mangai ma khoe i qmòe dèh enh jò baxèm. Yôiq bài mangai radam, au achìh ka pì majah qmang aih pì aih mangai i padren, bàu Boc Plình oe enh dalam pì, èh pì hadai khe tablêq kan kiac dù. **15** Apaq bèh cǒng taneh kô, hadai apaq bèh bài dahwèq ta cǒng taneh kô, majah qmang aih cabô bèh cǒng taneh kô, aih èh kan loq iu yùq ka Boc Plình ùh oe ta mangai aih. **16** Majah qmang aih rìm yiniq ta cǒng taneh kô: Trong xech akia ma enh, trong mat ma ònh xam trong loq catèh da qnhòng kô, diq ùh xài loh enh Baq, mahaq loh enh cǒng taneh. **17** Cǒng taneh kô xam kan plai da haq kô èh hnhung diq dǒng mahaq mangai maleq ma broq tiaq trong manoh Boc Plình enh, ma aih èh ma oe mǒeq òde. (aiōn g165) **18** Yôiq wì kon da au, kô raq jò atiq lùch, pì kon khoe tàng doe mangai tablêq hlài ka Christ ep trùh. Wop manòeq kô i bàc ngai tablêq hlài ka Christ khoe trùh, ajang aih, bèn hu loq aih raq jò atiq lùch. **19** Wì haq khoe loh enh taqne

bèn, mahaq wì haq ùh mòeq bua ka bèn, majah qmang aih tàng joq wì haq mòeq bua ti bèn, aih wì khoe oe ti bèn, mahaq khoe i qmang aih ðòeq hu jah patô qnoh wì haq ùh mòeq bua ka bèn. **20** Mahaq da pì kon, khoe jah kan xùt ðau enh Mangai Hadròeh, aih khoe jah loq rìm yiniq. **21** Au achih ka pì kon aih ùh xài pì ùh qnì kan joq qnàng, mahaq taiq pì loq kan joq qnàng, pì loq ùh i ka kan patiah loh enh kan joq qnàng. **22** Cabô ma capoch qnùt? aih ma ùh xài bài mangai ma doe Jesus aih ùh xài Christ? Aih raq Mangai ma tablêq hlài ka Christ, aih bài mangai ma doe ùh i ka Baq, ùh i ka Kon! **23** Cabô ma hangah ðac Kon, mangai aih ùh i ka Baq, mangai leq doe ðeh loq ka Kon mangai aih hadai loq ka Baq. **24** Da pì kon, trong pì ma khoe tàng enh jò baxèm ep oe yôt enh dalam ka pì. Tàng joq yiniq pì kon ma khoe tàng qmòe enh jò baxèm oe yôt ta pì, aih èh pì kon hadai jah oe ta Kon xam ta Baq. **25** Bàu cla Haq ma khoe tèu am ka bèn, aih raq kan rih halinh mòeq ðòe. (aiōnios g166) **26** Au achih ka pì kon bài yiniq kô aih ðòeq anoe trùh bài mangai ma loq qnùt pì kon. **27** Da pì kon manòeq kô, ðau pì ma khoe jah xùt enh Chuaq dua oe raq enh dalam pì, qmang aih pì cabô ep hnài cleq hòm, mahaq kan xùt ðau da haq jah hnài pì rìm trong, kan xùt ðau aih joq qnàng ùh xài kan paqnùt, qmang aih thê pì oe ta dalam haq, tiaq qmang ka bài bàu hnài pì ma khoe jah tàng. **28** Qmang aih manòeq kô, yôiq wì kon qyoh da au, drah oe enh dalam ka haq, ðòeq jò haq trùh, bèn jah bính kan cajap manoh, ùh hìaq ep crê xep ta kan camaih jò haq trùh. **29** Tàng pì loq haq aih kan taq atoq, aih hadai ep loq mangai leq broq tiaq kan taq atoq, aih mangai ma ha-uang loh enh haq.

3 Ngan beq, Boc Plinh khoe patô qnoh kan haq loq waq ka bèn bacc dàng leq, loh qmòe ka jah creo ka bèn aih kon da Boc Plinh, bèn joq kon da haq joq qnàng. Aih iq dài crông taneh kô ùh loq ka bèn majah qmang aih wì qnhòq lah qnì ka haq. **2** Yôiq oh daq au ma loq waq, manòeq kô bèn kon da Boc Plinh, mahaq tabla èh bèn qmang leq cadèh, trong aih qnhòq jah paqnoh. Bèn loq jò haq trùh, bèn jah tiah wop qmang ka haq, majah qmang aih bèn jah hnoq haq qmang ka cla haq. **3** Cabô i kan tangèh aih ta manoh, ep broq ka raðeh jah hadròeh tiah ka haq. **4** Mangai leq ma broq yiniq lui, aih broq kan pagau ka ranenh, majah qmang aih yiniq

lui aih la kan pagau ka ranenh. **5** Mahaq pì loq, Chuaq Jesus Christ khoe trùh ðòeq hu ðèch ðac yiniq lui, ta dalam haq ùh lòm i qmòe ka yiniq lui cleq. **6** Cabô oe enh dalam haq mangai aih ùh broq yiniq lui. Mangai leq ma broq yiniq lui, aih mangai qnhòq lah hnoq ka haq, qnhòq hmaq loq ka haq. **7** Wì kon qyoh da au, apaq ðòeq cabô qnùt raðeh: Mangai broq kan taq atoq aih mangai ma taq atoq, tiah ka cla Chuaq aih taq atoq. **8** Mangai leq ma broq yiniq lui aih da kan kiac dù, majah qmang aih kiac dù broq yiniq lui qmòe enh jò baxèm. Kon da Boc Plinh khoe loh ðòeq raliang ðac biac broq da kan kiac. **9** ùh i cabô ha-uang loh enh Boc Plinh ma oe raq broq yiniq lui hòm, majah qmang aih pliang adrech da Boc Plinh oe ta haq, haq pì oe jah broq yiniq lui hòm, majah qmang aih haq khoe ha-uang loh enh Boc Plinh. **10** Ajang aih, wì majah canau loq kon da Boc Plinh xam kon da kiac dù: Cabô ùh broq kan taq atoq aih ùh xài da Boc Plinh, mangai ma ùh qnì ha-och ðèh ka oh daq hadai qmang aih. **11** Majah qmang aih, kô bàu pì kon ma khoe tàng qmòe enh jò baxèm: Bèn ep loq waq ka dabau. **12** Apaq tiah ka Ca-in, mangai da kiac dù, ma khoe jêh ðac ðeh oh. Gleq haq ma jêh ðac ðeh oh? Majah qmang aih haq broq trong dù, da oh haq aih broq trong taq atoq. **13** Qmang aih oh daq da au, pì ùh ðùh hamàih ðèh tàng joq crông taneh kô tagit ka pì. **14** Bèn loq ka raðeh khoe clech ka kan cachit ðòeq trùh ta kan rih, majah qmang aih, bèn loq ha-och ðeh ka oh daq. Mangai leq ùh qnì loq waq haq aih oe raq ta kan cachit. **15** Cabô git ðèh ka oh daq aih mangai jêh mangai, oh daq loq ùh i mòeq ngai leq jêh ðac mangai ma i kan rih halinh oe ta haq. (aiōnios g166) **16** Ajang kô bèn jah canau kan loq waq: Chuaq Jesus khoe cadac ðèh kan rih am ka bèn, dài bèn majah hadai ep cadac ðèh kan rih am ka oh daq. **17** Tàng mangai leq i kùng hang ta qnhòq kô, haq hnoq ðèh oh daq qnang nanxa mahaq ùh lòm tamèt ha-och ka wì, aih èh kan loq waq da Boc Plinh oe ta mangai qmang leq majah! **18** Yôiq wì kon qyoh da au, bèn apaq loq waq toq xi bàu ðech ajang goe rapet, mahaq xam yiniq broq tiaq manoh joq qnàng. **19** Aih èh, bèn loq ka raðeh joq oe ti bàu joq qnàng, jah cajap manoh enh ngèa haq. **20** Tàng joq manoh cliac bèn trech bèn, aih èh Boc Plinh kàn yeo hnau ka manoh cliac bèn hòm, haq loq rìm ka yiniq. **21** Yôiq oh daq da au, tàng joq manoh cliac bèn ùh hìaq trech bèn,

aih èh bèn jah cajap manoh òòeq hu thia ten ka Boc Plinh, 22 aih èh yac ka bòch cleq, dua bèn jah, majah qmang aih bèn wèq tiaq bàu haq thê rai broq lem ka manoh haq. 23 Manòeq, kô bàu da haq thê: Bèn ep lùì yiniq Kon da haq, aih Chuaq Jesus Christ, èh bèn hadai ep loq waq ka dabau qmang ka bàu haq hnài bèn. 24 Mangai leq iu tiaq bàu haq thê, aih jah oe ta dalam Boc Plinh, èh Boc Plinh hadai oe ta mangai aih, bèn majah loq haq oe ti bèn, aih canòm ka Yiang Hadròeh da haq ma khoe am ka bèn.

4 Oh daq da au, apaq lùì dõng rìm yiang, mahaq ep qnhro ngan hu canau rìm yiang aih ajoq trùh enh Boc Plinh, majah qmang aih i bàc ngai pajàu patiah khoe trùh ta crõng taneh kô. 2 Qmang kô òòeq hu canau ka Yiang da Boc Plinh: Yiang leq ma doe Chuaq Jesus Christ yõc chac mangai òòeq hauang loh ta crõng taneh kô, yiang aih trùh enh Boc Plinh. 3 yiang ma chàih cadac Christ, yiang aih ùh xài trùh enh Boc Plinh. Aih raq yiang da mangai ma tablêq hlài ka Christ, pì kon ma khoe tàng doe haq trùh ta ngèa kô èh, manòeq kô khoe oe ta wì phù cròng. 4 Yôiq wì kon da au, pì kô aih da Boc Plinh, khoe blêq wì aih, majah qmang aih Mangai ma oe ti pì aih yeo kàn dìq dõng ka wì ma oe ta crõng taneh kô. 5 Wì haq aih da crõng taneh kô, capoch tiah ka crõng taneh dài wì phù cròng majah dì bàu wì haq. 6 Bèn aih da Boc Plinh: mangai leq loq ka Boc Plinh aih èh haq tamàng bèn, mangai leq ùh xài da Boc Plinh, aih èh haq ùh tamàng bèn. Aih bèn hu canau ka yiang bàu joq qnàng xam yiang paqnùt. 7 Oh daq da au, bèn drah loq waq ka dabau, majah qmang aih kan loq waq trùh enh Boc Plinh, mangai leq loq waq, mangai aih ha-uang loh enh Boc Plinh, loq ka Boc Plinh. 8 Mangai ùh qnì waq, aih haq ùh qnì ka Boc Plinh, majah qmang aih Boc Plinh aih kan loq waq. 9 Manoh Boc Plinh loq waq ka bèn khoe paqnoh ajang kô: Boc Plinh khoe thê dèh Kon mòeq da haq loh ta crõng taneh, dòq bèn canòm ka Kon aih òòeq hujah rih. 10 Kan loq waq oe ajang kô: ùh xài bèn khoe loq waq ka Boc Plinh, yàng haq ma khoe loq waq ka bèn, haq thê dèh Kon broq ramènh baxon hlài da bèn yiniq lui. 11 Yôiq oh daq au, tàng joq Boc Plinh khoe loq waq ka bèn qmang aih, aih bèn hadai ep loq waq ka dabau. 12 Qnhòq i cabô lah hnoq Boc Plinh, tàng bèn loq waq ka dabau, aih Boc Plinh oe enh dalam

bèn, èh kan loq waq haq jah gèh geo enh dalam ka bèn. 13 Ajang kô bèn loq òòeh oe enh dalam ka haq èh haq hadai oe enh dalam ka bèn: Aih haq khoe am Yiang Hadròeh haq ka bèn. 14 Nhèn khoe hnoq rai khoe panhìn rameh: Boc Plinh aih Baq khoe thê deh Kon trùh òòeq wìa Mangai dèch mangai ta crõng taneh kô. 15 Tàng i mangai leq doe: Chuaq Jesus aih Kon da Boc Plinh, aih èh Boc Plinh oe enh dalam wì aih, wì aih hadai oe ta dalam Boc Plinh. 16 Bèn khoe loq rai lùì kan Boc Plinh loq waq ka bèn. Boc Plinh aih kan loq waq, mangai leq oe ta kan loq waq aih haq oe ta dalam Boc Plinh, èh Boc Plinh hadai oe ta haq aih. 17 Canòm ajang aih, kan loq waq men jah gèh geo ta bèn, òòeq manoh bèn jah cajap ta hì hadrah: majah qmang aih oe ta crõng taneh kô Chuaq Jesus qmang leq bèn hadai qmang aih. 18 Blinh ùh i kan yùq crè ta kan loq waq, mahaq kan loq waq gèh geo doeh ðac kan yùq crè, majah qmang aih kan yùq crè i kan baxa, mangai ma yùq crè ùh jò leq jah gèh geo ta kan loq waq. 19 Bèn loq waq, aih pàng Chuaq ma khoe loq waq ka bèn adroe. 20 Tàng i cabô doe òòeh loq waq ka Boc Plinh, mahaq tagit deh ka oh daq, aih mangai loq qnùt, majah qmang aih mangai ma ùh ha-och ka oh daq haq ma hnoq xi mat, aih ùh jò leq haq loq waq ka Boc Plinh haq ma ùh xau hnoq. 21 Bèn khoe jah enh haq bàu hnài kô: Cabô loq waq ka Boc Plinh aih hadai ep loq waq dèh ka oh daq.

5 Cabô lùì Chuaq Jesus aih raq Christ, haq aih ha-uang loh enh Boc Plinh, cabô loq waq ka Boc Plinh aih èh hadai loq waq ka kon da haq. 2 Qmang kô bèn jah loq ka raðeh loq waq ka wì kon da Boc Plinh, aih jò bèn loq waq ka Boc Plinh rai wèq gèh ka ranenh da haq. 3 Kan loq waq ka Boc Plinh aih rameh: wèq tiaq ranenh haq thê. Ranenh da haq aih ùh xài kan trap, 4 majah qmang aih mangai leq ma ha- uang loh enh Boc Plinh, aih jah blêq crõng taneh kô, kan blêq crõng taneh kô aih la manoh lùì da bèn. 5 Cabô ma blêq crõng taneh kô, aih ma ùh xài mangai ma lùì Chuaq Jesus aih kon Boc Plinh qmòh? 6 Chuaq Jesus aih Mangai ma khoe yõc diac xam mahim òòeq hu trùh, ùh xài toq xi diac hi hêq, mahaq xam diac xam mahim. 7 Yiang Hadròeh khoe panhìn qmang aih, majah qmang aih Yiang Hadròeh aih raq bàu joq qnàng. 8 Majah qmang aih, i piq kan panhìn qmang kô: Yiang Hadròeh, diac, èh xam

mahim; piq aih broq mòeq. **9** Tàng bèn jah kan panhìn enh kon mangai mahaq kan panhìn da Boc Plình aih yeo haqnèq hòmh; majah qmang aih Haq panhìn dèh Kon haq. **10** Cabô lùì Kon da Boc Plình, haq i kan panhìn aih ta chac rađeh, mangai leq ma ùh lùì Boc Plình, aih haq doe Boc Plình loq amòng, majah qmang aih haq ùh lùì bàu Boc Plình ma khoe panhìn deh Kon. **11** Kan panhìn rameh: Boc Plình khoe am kan rìh halình mòeq òde ka bèn, kan rìh aih oe enh dalam Kon haq. (aiōnios g166) **12** Cabô i Kon, aih haq i kan rìh, cabô ma ùh i ka Kon Boc Plình, haq aih ùh i ka kan rìh. **13** Au achìh bàì bàù kô òdeq pì kon aih bàì mangai ma lùì yiniq Kon da Boc Plình loq òdeh i kan rìh halình mòeq òde. (aiōnios g166) **14** Kô yiniq ma broq ka bèn cajap manoh òdeq hu thia haten ka Boc Plình: Tàng bèn waiq khàn tiaq manoh haq enh, aih yac ka bèn bòch cleq dua haq tamàng bèn. **15** Tàng bèn loq haq tamàng bèn yac ka bèn bòch cleq, aih bèn loq òdeh khoe jah yiniq bèn ma bòch haq. **16** Tàng bèn hnoq oh daq broq yiniq lui, mahaq qnhòq troq ka cahìt, aih drah waiq khàn beq, aih èh Boc Plình am wì rìh, aih am ka bàì mangai ma broq yiniq lui mahaq qnhòq troq ka cachìt. I diq yiniq lui ma troq ka cachìt, au ùh i thê pì waiq khàn ka yiniq lui qmang aih. **17** Rìm kan ùh taq atòq aih diq yiniq lui; mahaq i yiniq lui qnhòq hìaq troq ka cachìt. **18** Bèn loq mangai leq ha-uang enh Boc Plình aih èh ùh hìaq broq yiniq lui; mahaq mangai ma ha-uang loh enh Boc Plình ep wèq cla rađeh, kiác dù ùh habo cleq ka haq jah. **19** Bèn loq òdeh kô aih kon qyoh da Boc Plình, wì phù cròng ta cròng taneh diq oe enh qneq ka cwàng da kiác dù. **20** Bèn loq Kon Boc Plình khoe trùh, haq am ka bèn kan loq òdeq bèn canau ka haq aih Boc plình joq qnàng, oe enh dalam Kon da haq aih la Chuaq Jesus Christ. Haq aih raq Boc Plình joq qnàng xam kan rìh halình mòeq òde. (aiōnios g166) **21** Yôiq wì kon qyoh da au, wèq rađeh ma khoe ka radua qmù oq.

II JON

1 Gucraq Tagop Hadròeh achìh aràng ka yaq
ma khoe jah ràih hloe xam kon da ìh aih
mangai au ma loq waq deh joq qnàng; ùh xài
toq au mahaq xam òiq ka mangai ma loq ka bàu
joq qnàng; **2** majah qmang aih bàu joq qnàng
aih rìh oe enh dalam bèn èh oe hloe ti bèn
mòeq òòe: (aiòn g165) **3** waiq kan tabàih dech,
kan catèm, trùh enh Boc Plình aih Baq, xam
enh Chuaq Jesus Christ aih Kon da Baq, jah
oe ti bèn ta bàu joq qnàng xam kan loq waq!
4 Manoh cliac au joq lem bùi qnàng jò hnoq
bài kon da ìh i qnah ngai broq tiaq bàu joq
qnàng, tiàh ka ranenh Baq ma khoe thê bèn.
5 Mandeq kô yaq ôi, ìh mangai khoe ràih au
pariaq ìh, ùh xài au achìh ka ìh ranenh maneo,
mahaq bahmàng hlài yiniq bèn khoe jah yòc
enh baxèm, aih bèn ep loq waq ka dabau. **6**
Kan loq waq aih qmang kô: Bèn ep broq tiaq
ranenh da Boc Plình. Aih la ranenh pì khoe jah
tàng qmòe enh baxèm, òòeq hu broq tiaq. **7**
Ta crông taneh khoe i haraya bài mangai padô
qnùt, aih bài mangai doe Chuaq Jesus Chirst ùh
i yòc xech akia òòeq trùh: aih raq bài mangai
padô qnùt, mangai tablêq ka Christ. **8** Cla pì ep
hmàng wèq raðeh, òòeq ùh hìaq cadac hnhung
bài yiniq bèn ma khoe abroq jah dèh, òòeq jah
kan baha tòm xrôm. **9** Cabô ma toq ti hawàt
yi adroe adroe, ùh i oe hloe ta bàu da Christ
ma hnài, aih mangai ùh i ka Boc Plình. Mangai
leq cajap manoh tiaq bàu Christ hnài, mangai
aih i xam Baq xam Kon. **10** Tàng cabô trùh ta
pì mahaq ùh wê bàu hnài aih, apaq pachùh wì
mùt ta hnim, hadai paq loh òòeh wì aih. **11** Majah
qmang aih, mangai leq òòeh pachùh wì aih, haq
khoe wiang pajùm trong dù ti wì aih. **12** Au oe i
bàc yiniq enh achìh ka pì; au ùh enh achìh toq
xi jàiq xam mùc, mahaq au toq ngèh jah trùh
hmài h ka pì òòeq bèn jah tangèa ti dabau, hu
tahatuàng, òòeq kan lem bùi bèn jah gèh geo.
13 Bài kon oh daq cadri da ìh, aih bài mangai
Boc Plình khoe ràih tanap bàu hmài h trùh ìh.

III JON

1 Wì craq, achìh dèh ka Gai-ut, aih mangai au ma camet, ma loq waq dèh ta bàu joq qnàng.
2 Ê daq au ma loq waq deh, au waiq khàn ka ìh jah padrǒng rìm trong, jah tadèh enh chac hamac tiah ka ìh khoe jah padrǒng ta mahua yiang. **3** Au òiq jaq lem bùi jò wì oh daq trùh tacô anoe ìh loq camet ka bàu joq qnàng, ìh khoe broq tiaq bàu aih qmang leq cadèh. **4** Au pi i cleq bùi yeo loe ka jò au jah tàng dèh kon broq tiaq bàu joq qnàng. **5** Daq au ma loq waq dèh, ìh ùh tablòq manoh cliac ta rìm trong ìh ma patìh ka wì oh daq, yac ka wì haq aih tamoe trùh dèh enh hangai. **6** Wì haq khoe anoe hlài kan loq waq da ìh enh ngèa ka Tagop Hadròeh. ìh broq qmòe ka geo jò ìh wiang hanò ka biac lam trong da wì haq waq qmòe cajah tajì ka Boc plình ma aih lem joq qnàng. **7** Majah qmang aih wì haq loh lam ka yiniq Chuaq Jesus Chirst, wì haq ùh jah qmòe cleq enh wì mangai enh gùng. **8** Bèn khòh òiq yóc bài mangai qmang aih, dòq bèn xam wì haq hadai jah wiang patìh ka bàu joq qnàng. **9** Au khoe achìh ka Tagop Hadròeh, mahaq Điotrep aih mangai enh yòng broq gàu Tagop Hadròeh ùh òi bàu nhèn. **10** Qmang aih èh jò au trùh, au anoe qnoh đồng bài kan qmèq haq khoe broq, aih haq yóc bàu ngang dù òeq capoch tablêq ka nhèn. ùh xài toq aih hi hêq, oh daq trùh haq ùh òiq, tàng i cabô enh òiq yóc oh daq, aih haq ùh lòh wì rai hnan qnoh òiq wì aih loh enh gùng ka Tagop Hadròeh. **11** Ê daq da au ma loq waq deh, apaq top dua trong dù mahaq top dua trong lem. Cabô broq trong lem aih mangai da Boc Plình; mangai ma broq trong dù, ùh jò leq jah hnoq Boc Plình. **12** Rìm ngai òiq capoch lem ka Đêmêtriu, bàu joq qnàng hadai panhìn qmang aih, cla nhèn hadai wiang anoe lem ka haq, ìh loq bàu da nhèn aih joq qnàng. **13** Au oe i bàc yiniq enh achìh ka ìh, mahaq au ùh enh achìh xi long achìh xi mùc: **14** au toq ngèh ka rênh jah trùh hmàih ka ìh dòq ba jah tangèa hu hatuàng ti dabau. Waiq kan catèm jah oe ti ìh! Bài bua bèn tacô tanap bàu hmàih ka ìh. Tanap bàu hmàih tiaq qmòe yiniq oh daq tang ngai oq.

JUÐE

1 Jude, hapõng da Chuq Jesus Christ, oh da Jaco, achih am ka bài mangai ma khoe jah creo, jah Boc Plinh aih Baq bèn loq waq, jah Chuq Jesus Christ wèq ban: **2** waiq kan tamèt, kan catèm, kan loq waq rai èh rai bàc ka oh daq! **3** Oh daq da au, au diq jaq tangèh achih ka oh daq trong bèn jah dèch claih pajùm ti dabau, yàng manòeq au hnoq raðeh ep achih hu pariaq oh daq ep cajap manoh ðòeq hu wiang tablêq ka manoh lùì da bèn, aih la manoh lùì khoe jah am ka mangai hadròeh mòeq yàng raq khoe tàu. **4** Majah qmang aih i bài wì tau ti achop mùt taqne oh daq bèn, wì haq aih la bàimangai khoe lah ðòeq crài enh nèh raq ðòeq padon pòq kan baxa, aih bài mangai ùh iu yùq Boc Plinh, halih kan loq waq da Boc Plinh wìh wìa kan dù, aih bài mangai ùh lùì Chuq dèch bèn aih Jesus Christ, toq haq raq Chuq bèn. **5** Yac ka oh daq khoe loq, mahaq dua au enh bahmàng hlài ka pì, calah nèh Chuq paclaih mangai da haq loh khoe ka gùng Êjiptô, atiq aih haq palùng dõng bài mangai ma ùh lùì; **6** èh bài bình plinh ma ùh wèq deh caloeh rai cadac deh teo nòe, aih haq khoe yõc caxy datoeq kàt ðòeq wì aih tanòe clam cluiq, gòm hì hadrah kàn. (aĩdios g126) **7** Hadai qmang aih diq, gùng Sôðôm gùng Gômôro xam bài plài dudan aih hadai cadac raðeh ta kan tango lah halac, gucalô tango hadai gucalô, gucadri tango hadai gucadri. Manòeq kô wì aih qnang chiùq baxa ta ùnh ùh pat, ðòeq broq dua am ka bèn hnoq. (aĩonios g166) **8** Hanoh qmang aih, bài mangai ma ùh iu yùq ka Boc Plinh kô, toq ti apô broq amùà dèh ka chac cla, jù lê ðac cwiang ma haqnèh hùà ratauq bàu ka wì craq. **9** Jaq Michen aih cla craq bài bình plinh jò haq tablêq ka Kiac dù hu blah yõc hanang Môise, aih dua haq ùh hùà i bàu hnup hnuq hadrah cleq; haq toq doe ðeh rameh: Waiq Chuq cwò ka ih! **10** Yàng da wì kô aih, trong leq wì haq ma ùh qnì aih wì haq jù ðac hloe; trong leq wì haq loq lai q ðeh ka loq tiah ka ngè rìh ùh i ka manoh, wì yõc trong aih raq ðòeq broq raliang cla raðeh. **11** Joq habo ka wì haq qnàng, majah qmang aih wì haq tiaq trong da Ca-in, cadàu tiaq kan plai loh qmòe ka cadac raðeh clìh ta kan ùh troq da Bala-am; raliang hnhung tiaq kan gòpla da Côre. **12** Wì haq tiah ka habau ram oe taqne yiniang loq waq, qmang ka mangai

ban triu hèm toq ka ban raðeh ka panàc, ùh hèm yùq qmòe cleq; qmang ka yùc ùh i ka diac; cayeo tàih tacô tatau; qmang ka long prùng gàu ralim, ùh loh plì, baiq yàng cachit, tarèq riah; **13** qmang ka lai laq diac raxiq plòh dèh camùh amùà; tiah ka halõng lac lai, kan clam cluiq mòeq ðòe khoe palauq ðòeq ka wì haq! (aĩon g165) **14** Taiq wì kô raq, Hènoc aih xau tapèh qnhòng da Adam, khoe capoch pajàu rameh: **15** Hacô, Chuq trùh xam bình ka muàn mangai hadròeh ðòeq hadrah diq ka mangai, ðòeq hu taqmòq yiniq lui ka mangai ma ùh lùì, tiaq rìm trong wì haq ma khoe ùh iu yùq, hloe xam tang nà bàu bài mangai aih khoe capoch tablêq hlài ka haq. **16** Aih la bài mangai loq mamùc ma-uàng, loq wech goh, cadàu tiaq dèh kan loq ònh da cla, enh toq ti catèh, toq ra raheq pajiang bàu ka mangai qnoeq, ðòeq hu jah lòeq ka raðeh. **17** Mahaq oh daq da au, pì khòh hmàng bàu bòe mangai Tiaq cla Jesus Christ bèn ma khoe doe. **18** Wì aih i doe, ta qnhòng pulùch kô èh i bàc ngai loq do halè oh daq, cadàu tiaq kan ònh dèh cla hu broq liq làn. **19** Aih raq bòe mangai basrùq oh daq talah ka dabau, bòe mangai rìh tiaq xech akia, ùh i ka Yiang Hadròeh. **20** Mahaq pì aih oh daq da au, pì ep broq dèh ka cajap enh qnhèq ka manoh lùì ma diq jaq hadròeh da cla, rai waiq khàn ta Yiang Hadròeh, **21** drah loq wèq raðeh oe ta kan loq waq Boc plinh, rai gòm kan ha-och enh nòe Chuq Jesus Christ am ka bèn kan rìh halinh mòeq ðòe. (aĩonios g166) **22** Ep ha-och ka wì kô aih bài mangai qnang raqngòt, **23** drah dèch bài wì tau, hua qnoh wì haq claih ka ùnh, ka mangai ma qnoeq hòmh thê pì i manoh loq ha-och rai loq crè, gít trùh blah eo xech akia ma khoe broq ka haq loh ðac ka trùq traq. **24** Waiq Boc Plinh wèq oh daq ùh hiaq catoeh tacro, broq ka oh daq jah yòng enh ngèa kan ranhòm haq, diq jaq lem bùi, pì i qmòe ka nòe hu cwò, **25** aih Boc Plinh diq dèh mòeq raq, aih Mangai ma dèch bèn, ajang Jesus Christ aih Chuq bèn, jah kan rahù ranhòm, jah kan manè padèch, padren, cwiang itai oe diq ta haq enh jò baxèm nèh hloe ta manòeq trùh tabla èh mòeq ðòe! Amen. (aĩon g165)

MAHNO

1 Kan mahno da Chuaq Jesus Christ, Boc Plinh ma khoe am deh ka haq òdeq hu paqnoh ka hapõng haq jah loq rìm yiniq ma rênh trùh tangèa kô èh, qmang aih haq khoe thê deh bình plinh loh patinh ka Jon, aih hapõng da haq, **2** aih la mangai anoe hlài bàu Boc Plinh xam kan panhìn da Jesus Christ, taboe hlài rìm yiniq òdeh ma khoe hnoq. **3** Xôq ramot am ka mangai òde xam mangai tamàng bàu pajàu kô, wèq tiaq rìm nà ma khoe achìh ta kô. Majah qmang aih khoe haqnap trùh dèh jò. **4** Jon achìh am ka tapèh Tagop Hadrèh oe ta Asia: Waiq kan tabòeh dech xam kan catèm am ka oh daq trùh enh Mangai qnang i, khoe i, i yòt mòeq òde, xam enh tapèh yang oe enh ngèa gèd da haq, **5** xam enh nòe Chuaq Jesus Christ aih Mangai panhìn ùh tablòq manoh, aih Kon ramua khoe rìh hlài enh kan cachit òdeq broq cla craq bòe bùa ta crõng taneh. **6** Mangai loq waq ka bèn, khoe yòc deh mahim qnheo hreo yiniq lui bèn, broq kabèn wìa diac da haq, wìa pajàu Boc Plinh aih Baq da haq, kan ranhòm, kan i cwiàng itai oe òq ta haq mòeq òde! Amen. (aiõn g165) **7** “Ngan kô, haq wìh hlài tacô xam yùc plinh, rìm mat òq jah hnoq, yac ka mangai ma bit haq ji hadai, òq òng ka nang noe ta crõng taneh crò hmoe ka haq”. Joq qnàng qmang aih! Amen. **8** Chuaq aih Boc Plinh, Mangai qnang i, khoe i èh i hloe mòeq òde aih Mangai i cwiàng òq òng, doe: “Au kô Anpha xam Ômega”. **9** Au kô Jon, aih oh daq bèn, mangai mòeq bua ka pì ta kan ranac, enh dalam ka Chuaq Jesus Christ hadai chiùq àt chiùq gòm diac plinh, au khoe oe ta pleo Bat mô aih taiq bàu Boc Plinh xam taiq anoe au panhìn ka Chuaq Jesus. **10** Wop hì da Chuaq, au jah Yiang Hadrèh qnung, au tàng dèh enh rù i bàu dèh tiah ka bàu ken, **11** doe rameh: “Achìh qmùt ta hset bòe yiniq ìh ma hnoq, èh gòe aràng ka tapèh Tagop Hadrèh oe ta Êphêsô, Simiàcno, Betgam, Thia-tiro, Sade, Phila-đenphi xam Laodì-sê. **12** Jò aih, au hwi enh rù òdeq hu ngan bàu capoch ka au aih ìq bàu cabô, **13** bu tawih, au hnoq tapèh toq jènh òn broq xi wang, taqne bòe jènh òn aih i cabô meh tiah ka kon ngai, caxùnh eo yòh trùh ta jo, caxi qnam broq xi wang kàt ajang rada. **14** Xac ta gàu haq taboc tiah ka xác trùu, taboc qmang ka hiloc, mat haq qmang ka ùnh, **15** jènh chah

qmang ka òng khoe ram ta tanùh, bàu qmang ka bàu diac kàn. **16** Kõng pah haq qma cadop wê tapèh toq halõng, enh hacùng loh mòeq pla chang hin baiq mản, hadrò qmang ka mat mahì jò ma qngah òq jaq. **17** Bu hnoq, au tabùng cro ajang jènh haq tiah ka mangai cachit; mahaq haq yòc tì pah qma bèq chac au, rai doe: “Apaq yùq cleq! Au kô Mangai ma adroe xam Mangai ma atiq òng, **18** Au Mangai rìh, au khoe achìh mahaq manòeq kô ngan beq au rìh mòeq òde, wèq gahlòng da kan cachit xam nòe mangai cachit oe. (aiõn g165, Hadrèh g86) **19** Qmang aih, drah achìh rìm yiniq ìh ma khoe hnoq, bòe yiniq ma qnang i manòeq xam bòe yiniq padon trùh ta atiq kô èh, **20** aih la bòe kan bahlèp da tapèh toq halõng ìh khoe hnoq enh kõng pah qma au, xam da tapèh toq jènh òn wang. Tapèh toq halõng aih bình plinh da tapèh Tagop Hadrèh, tapèh toq jènh òn aih tapèh Tagop Hadrèh”.

2 Achìh ka bình plinh da Tagop Hadrèh Êphêsô rameh: Kô bàu da Mangai kõng pah qma haq ma wê tapèh toq halõng rai cadiang lam taqne tapèh toq jènh òn wang: **2** Au loq yiniq broq da ìh, au ji loq kan xalep, kan loq kềm da ìh; au loq ìh ùh jùh jùn ka mangai dù, au ji loq ìh khoe qnhro bòe mangai ma doe òh kô broq mangai tiaq cla, ìh khoe jah hnoq joq qnàng aih bòe mangai ti patiah. **3** ìh loq kềm rai chiùq xalep ka yiniq au, ùh hìaq tagah lep. **4** Mahaq i yiniq kô au cwò ka ìh, aih ìh khoe cadac kan loq waq jò baxèm. **5** Qmang aih, hmàng hlài beq òh khoe cro ajang leq, drah raxach rai boq hlài dèh yiniq ìh ma khoe broq enh jò baxèm; ùh meh au trùh ta ìh, tàng ìh ùh raxach aih èh au dèch òc da ìh òn khoe ka nòe da haq. **6** Mahaq ìh i mòeq yiniq kô ma yi wìa, aih ìq ìh git ka yiniq broq da bua Nicòla, yac ka au hadai git. **7** Cabô i don, drah tamàng bàu Yiang Hadrèh anoe ka bòe Tagop Hadrèh: Mangai leq blêq, au jah am wì haq acaq pì long kan rìh oe ta Paraði da Boc Plinh. **8** “Achìh ka bình plinh da Tagop Hadrèh Simiàc-no rameh: Kô bàu da Mangai ma adroe xam Mangai ma pulùch òng, Mangai khoe cachit yàng mahaq khoe rìh hlài: **9** Au loq kan xalep, kan pa hamoq da ìh, (yac ka ìh padrõng kan), xam bòe bàu capoch patah, capoch qmèq enh bòe wì ma doe òh kô mangai Juda, ma joq qnàng aih ùh xài, wì haq aih mòeq bua ka tagop da Satan. **10** ìh apaq yùq ka raðeh ep glàm kan nanxa.

Au doe ka ìh loq, kô èh taqne pì qmat Satan padon rùp clêh bacc ngai ta hnim cadrong, ðòeq hu qnhro ngan pì, pì glâm kan nanxa ta mòeq jàt hì. Ep wèq manoh ùh tablòq trùh cachit, aih èh au hi am ka pì cadoh kan rìh da diac plinh. **11** Cabô i don, drah tamàng bàu da Yiang Hadròeh anoe ka bôe Tagop Hadròeh: Cabô blêq, kan cachit yàng atiq kô èh pì broq cleq ka haq aih jah. **12** Hadai achìh am ka bình plinh da Tagop Hadròeh Becgam rameh: Kô bàu da Mangai i pla chang hin baiq mản: **13** Au loq nõe ìh qnang oe qmat gèq da satan; ìh khoe wèq cajap manoh ta yiniq au, ùh cadac manoh lùl ajang au; yac ka jò Antiba, aih mangai ðiq ka manoh anoe panhìn ka au khoe cachit ðeh ka wì jêh ðac tanòe pì, aih nõe Satan oe. **14** Mahaq i nõe au cwò ka ìh: Majah qmang aih, ta qmat pì i mangai tiaq trong da Bala-am, aih mangai ma hnài Balac roh hmo catoeh enh qngèa mangai Isorali, ðòeq padô wì haq acaq jam tadreo kiac chòc rai ti adràc wì haq ti tango taqnung. **15** Ta ìh qmat hadai i mangai cadiang tiaq bàu trong da Nicôla. **16** Qmang aih, drah loq raxach beq, tàng ùh meh, au rênh trùh ta ìh, yòc deh chang enh hacùng ðòeq hu tajêh ka wì haq. **17** Cabô i don, drah tamàng bàu Yiang Hadròeh doe ka rìm Tagop Hadròeh: Mangai leq blêq, au am ka haq mana ma qnang cadoc hlèp, au hadai am ka haq pliang raga taboc, ta ai i achìh mòeq toq yiniq neo, enh gùng ka cla mangai jah ùh i cabô loq. **18** ìh hadai achìh ka bình plinh da Tagop Thia-tiro rameh: Kô bàu capoch da Kon Boc Plinh, aih Mangai mat tiaq ka ùnh, jènh tiaq ka ðùng ma चाह ðiq cajaq: **19** Au loq yiniq broq da ìh, kan loq waq da ìh, manoh lùl ìh, trong patìh ðiq ka manoh da ìh, manoh loq kềm da ìh, bôe yiniq ìh broq ta atiq kô kiang èh kiang bacc yeo loe ka angoe. **20** Mahaq yiniq au ma cwò ka ìh, aih ì oe jùh jùn ka Jêsaben, mangai cadrì aih cla haq doe ðeh kô pajàu, toq ti hnài rai padô hapông au, ðòeq hu aluàn wì ta kan tango anang, acaq jam tadreo. **21** Au khoe am ka haq i jò ðòeq hu loq raxach, mahaq haq ùh raxach ðeh kan tango aih. **22** Kô èh au khwênh haq ta juàng jìq hiang hloe xam bôe mangai wiang tango ka haq, tàng wì haq ùh raxach trong yiniq lui aih, au hadai khwênh caqnìh wì haq ta kan ranàc kàn. **23** Au jêh ka cachit bôe kon da haq; aih èh rìm Tagop jah loq au kô Mangai loq ta manoh cliac kon mangai, èh au hi tiaq qmòe tang yiniq rìm ngai khoe broq ðòeq

hu patem chau ka wì haq. **24** Mahaq pì xam wì qnoeq ma hahdai oe ta Thia-tiro, ùh tiaq trong aih, qnhòq qnì ðeh kan tai cliac Satan, qmang ka wì haq ma anoe ðeh yôt, aih au tanap ka pì au ùh taqmòq tam ka pì kan trap qnoeq. **25** Toq pì ep wèq ka cajap bôe yiniq ðeh ma khoe i, trùh jò au trùh. **26** Mangai leq blêq, broq tiaq manoh au trùh lùch trùh gêh, aih èh au am ka haq cwiang ðòeq broq gàu bacc diac: **27** haq wèq cwiang xi long dùi mem, tùq bahech bôe diac aih budàng abòq taneh, qmang ka au khoe jah cwiang aih enh nõe Baq au. **28** Au am ka haq aih halông sroq. **29** Cabô i don, drah tamàng bàu Yiang Hadròeh anoe ka bôe Tagop Hadròeh!

3 ìh achìh ka bình plinh da Tagop Hadròeh Sac-ðe rameh: Kô bàu da Mangai carùp wê tapèh yiang da Boc Plinh xam tapèh toq halông: Au loq yiniq broq da ìh, ìh i qmòe tiang doe rìh mahaq cachit. **2** Drah rìu beq! drah broq ka cajap hlài bôe yiniq ma oe i, aih bôe yiniq ma oe toq hu cachit, majah qmang aih, enh ngèa Boc Plinh au ùh i hnoq ìh broq yiniq cleq ma gèh geo. **3** Qmang aih hmàng hlài beq! ìh khoe jah yòc khoe jah tàng qmang leq, thê cajap tiaq qmang aih rai loq raxach beq. Tàng ìh ùh drah rìu, au trùh tiaq taiq ka mangai lam atùng, ìh ma qnì jò leq au trùh rùp ìh. **4** Mahaq ta Sac-ðe oe i biaoq ngai qnhòq hiaq broq amùa deh ka eo yòh: Wì aih èh jah caxùnh eo taboc hu lam ti au, majah qmang aih wì haq tajì ka jah qmang aih. **5** Mangai leq blêq, jah caxùnh eo taboc qmang ka wì aih. Au ùh xùt ðac yiniq mangai aih loh khoe ka hset kan rìh, mahaq au creò ràu yiniq haq aih enh ngèa Baq xam enh ngèa bôe bình plinh da Haq. **6** Cabô i don, drah tamàng bàu Yiang Hadròeh anoe ka bôe Tagop Hadròeh. Achìh ka Tagop Hadròeh Phila-ðenphi **7** ìh hadai achìh ka bình plinh da Tagop Hadròeh Phila-ðenphi rameh: Kô bàu da Mangai hadròeh, Mangai hnhuh jang, Mangai i khoaq da Ðawit, Haq hi pèch pì i cabô oe jah clênh, Haq hi clênh pì i cabô oe jah pèch: **8** Au loq yiniq broq da ìh, au khoe pèch mòeq toq qmang enh ngèa ìh, ùh i cabô jah clênh; majah qmang aih au loq ìh biaoq ðeh padren, mahaq khoe wèq bàu au, ùh hangah ðac ka yiniq au. **9** Au am ka ìh biaoq ngai oe tagop Satan, wì haq doe radeh kô mangai Judà, yàng ma joq qnàng aih ùh xài, wì haq capoch qnùt, kô èh au broq ka wì haq thia bla op ðeh ta jènh pì,

aih èh dôq wì haq loq au khoe loq waq dèh ka ìh. **10** Pàng ìh khoe dràng cajak wèq tiaq bàu thê da au, kềm manoh jò glàm nanxa, au hadai wèq ìh claih kan qnhro kàn padon trùh jàp ta crông taneh aih la jò òdeq qnhro òq òng ka mangai. **11** Au rênh trùh, drah wèq bôe yiniq ìh khoe i, òdeq ùh hìaq i cabô jah yôc da ìh cadoh lem diac plinh. **12** Cabô blêq, au jah am haq broq jrang ta hnim kùh waiq Boc Plinh au, aih èh wì haq pi talah enh aih hòh; au jah yôc yiniq Boc Plinh au, xam yiniq plài Boc Plinh, aih Jerusalem maneo, (Jerusalem ma loh enh plinh, loh enh Boc Plinh au) xam yiniq neo da au òdeq hu achih ka wì haq. **13** Cabô i don, drah tamàng bàu Yiang Hadrèh anoe ka bôe Tagop Hadrèh. **14** Ìh hadai achih ka bình plinh da Tagop Hadrèh Laođixê rameh: Kô bàu da Mangai Amen, aih Mangai panhìn ùh tablòq manoh joq qnàng, haq aih broq cla craq rìm yiniq Boc Plinh ma broq loh enh jò baxèm: **15** Au loq yiniq broq da ìh, ìh ùh hangeo hadai ùh tôq, Au ngèh ka ìh hangeo tàng ùh meh tôq òng aih yeo hnau hòh! **16** Mahaq ìh toq ha-onh, ùh tôq ùh hangeo, dài au majah laq qnoh òc ìh. **17** Cla ìh doe: Au padrông, au khoe kan, pi oe nhet cleq hòh; yàng ìh ùh canau ka òeh kô hrah hrôm, nanxa, pa hamoq, lua mat rai ta talùch chac dech. **18** Au pariaq ìh drah rot enh au wang ma khoe bùi ta ùnh, òdeq ìh jah padrông kan, rot bôe blah eo taboc òdeq hu caxùnh, qmang aih èh kan camaih kan rahông ìh jah taqmàn cadoc, rot jreo òdeq xùt mat òq ìh hujah xau hnoq. **19** Mangai leq au ma loq waq dèh aih au cwò au hnài; qmang aih drah i manoh loq nhet, loq raxach. **20** Hacô, au yòng enh gùng rai clôq qmang; tàng i cabô tàng au bàu rai loh pèh qmang ka au, aih èh au mùt pajùm ti haq, acaq ti haq, haq acaq ti au. **21** Mangai leq blêq, au am haq haqngui ti au ajang nòe gèq da au, tiah qmang ka au khoe blêq jah haqngui ti Baq au ta gèq haq. **22** Cabô i don, drah tamàng bàu da Yiang Hadrèh anoe ka bôe Tagop Hadrèh!

4 Khoe aih, au ngan hnoq, i mòi toq qmang tapèh ta plinh, bàu au tàng yàng ma baxèm haq ranòq tiah ka bàu ken doe ka au: Drah təc tacò, au hu am ìh hnoq rìm yiniq ma ep trùh atiq kô èh. **2** Tajòe qmòe jò aih Yiang Hadrèh mùt ta au, au hnoq i mòi toq gèq ta plinh, ta gèq aih i mòi Ngai qnang haqngui ta aih. **3**

Haq ma haqngui ta aih qngah qmang ka ngòc hmu lang xam ngòc mainau, i rawiang hadong qngah qmang ka ngòc nget gwian dudan ka gèq. **4** Dudan ka gèq i tam baiq jàt pòn toq gèq hòh, ta gèq aih au hnoq baiq jàt pòn ngai gucraq haqngui, caxùnh eo taboc gàu wì haq kui cadoh broq xi wang. **5** Enh gèq aih i bôe kan camlet xam bôe bàu cadah; xam tapèh toq òen bùh qngah qngai enh ngèa ka gèq: Aih raq tapèh yiang da Boc Plinh. **6** Enh ngèa ka gèq i diac raxiq hliang qmang ka guàng, taqne xam dudan ka aih i pòn toq ngè rih, enh ngèa, enh rù, ajang leq xòq i mat. **7** Ngè rih ma baxèm tiah ka sutùh, ngè rih ma hatia tiah qmang ka bô calò, ngè rih ma atiq hòh tiah ka hadrò mangai, ngè rih ma pulùch tiah qmang ka cliang kèn qnang pan. **8** Pòn toq ngè rih aih, rìm toq òq i tadràu toq panan, dudan enh gùng xam enh dalam ka chac haq òq i mat; dahì damang ùh jò leq hêq ka doe: “Hadrèh, Hadrèh, Hadrèh aih la Boc Plinh i cwiang itai rìm trong. Adroe khoe i, mandeq qnang i, atiq èh dua i! **9** Jò pòn toq ngè rih aih yôc bàu manè hu dèch kan ranhòm ka haq ma qnang haqngui ta gèq, aih Mangai ma rih halinh mòi òe. (aiòn q165) **10** Jò aih baiq jàt pòn ngai gucraq bla op enh ngèa ka Mangai ma qnang haqngui tagèq bùa, rai kùh waiq haq ma rih halinh mòi òe; khoe aih doeh deh cadoh enh gàu òdeq ta haqneq enh ngèa ka gèq bùa rai doe: (aiòn q165) **11** “Waiq Boc Plinh aih Chuaq da nhèn, ìh taji òdeq jah kan ranhòm, kan rahù xam cwiang itai, majah qmang aih ìh khoe broq loh rìm yiniq; tiaq deh manoh ìh enh, rìm yiniq men khoe i, men khoe jah broq loh”.

5 Khoe aih au hnoq, ta kóng pah qma Mangai ma haqngui tagèq bùa i mòi toq hset achih enh dalam xam enh gùng, hset kô khoe i tapèh toq teo nìm padràng. **2** Au hadai hnoq mòi bình plinh ma òeh padren crêu cadèh: Cabô ma taji òdeq pèh hset kô èh rai doeh bôe nìm pateo kô? **3** Yac ka ta tróc ta taneh, hloe enh caqnàm taneh dua pi oe i bô jah pèh ngan, loq oe jah chri ngan enh dalam hset canua kô hòh. **4** Pàng ùh i qmòe ka cabô ma taji ka jah pèh jah chri ngan enh dalam ka hset canua aih hòh, dài au majah toq hmoe diac mat loh da dahràc. **5** Jò aih i mòi ngai taqne wì gucraq doe ka au: Pi dùh hmoe, hatau, sutùh da xinoe Juda, aih hamông da bùa Đawit, khoe blêq, Haq aih jah pèh hset qmat rai toeh tapèh toq nìm

padràng qmat. **6** Khoe aih au hnoq, Kon Triu yòng qne Gèq bùa, èh pôn toq ngề rih xam bõe wì gucra q oe dudan haq; Kon Triu qmang ka khoe cachit ka wì jêh đac, Kon Triu i tapèh toq haki xam tapèh toq mat, aih raq tapèh yang da Boc Plinh ma thê loh lam jàp crông taneh. **7** Kon Triu cadiang trùh, yỗc hset ma oe ta ti pah qma da Mangai ma haqngui tagèq bùa. **8** Jò Haq yỗc hset, pôn toq ngề rih xam baiq jàt pôn ngai gucra q diq bla op enh ngềa Kon Triu, mỏeq ngai wê mỏeq toq broc xam bõe cabi wang ta aih tah bình gahnàu xua thùm; aih la bàu waiq khàn da bõe mangai da Boc Plinh. **9** Wì haq calêu boe maneo rameh: “ìh tajì ka yỗc hset, rai doeh bõe teo nìm; majah qmang aih ìh khoe chiũq cachit, yỗc deh mahim cla đõe q hu baxon ka Boc Plinh, bõe mangai ta rìm xinœ, rìm bàu capoch, rìm adrech, rìm diac, **10** Haq broq wì aih wìa diac da bùa, wìa pajàu patìh ka Boc Plinh bèn; wì aih jah broq mangai pagàu ta crông taneh.” **11** Khoe aih, au ti ngan, au tàng haraya bàu da bình plinh bình ka muàn ka jàt muàn. Wì dudan ka Gèq xam bõe ngề rih xam bõe gu cra q. **12** Pajũm ti dabau wì haq capoch cadêh: “Kon Triu ma khoe chiũq cachit, tajì đõe q jah kan itai, padrông, rabia q loq, jah padren dêh, jah padêch haqnhêq, jah ranhòm xam bàu manê!” **13** Ati q ka aih au tàng rìm yini q ma khoe jah broq loh oe ta plinh, ta crông taneh, ta caqnàm taneh, ta diac raxi q, xam rìm yini q ma oe ta aih di q anœ rameh: “Wai q ka Mangai ma haqngui tagèq bùa xam Kon Triu jah bàu manê enh, jah kan padêch haqnhêq, ranhòm xam kan i cwiang itai mỏe q đõe!” (aiôn g165) **14** Pôn toq ngề rih di q doe: “Amen”. Èh bõe gucar q hi bla op ta haqne q đõe q kùh wai q.

6 Au ngan hnoq, jò Kon Triu pèh nìm ma adroe ta tapèh toq nìm, au hnoq i mỏe q ta pôn toq ngề rih capoch bàu qmang ka atêh hilũng: “Trùh beq”! **2** Au ngan hnoq, i mỏe q toq axêh mỗng. Mangai haqngui enh crông axêh i mỏe q toq panenh; i mangai am ka haq mỏe q toq cadoh bùa, èh haq lam tìah tai q ka mangai ma khoe blêq, lam pang le q blêq pang meh. **3** Jò Kon Triu pèh nìm ma bai q, au tàng bàu ngề rih ma bai q doe: “Trùh beq”. **4** Tajòe qmoê jò aih loh mỏe q toq axêh gồh. Mangai haqngui ta crông axêh i cwiang dèch đac kan catêm loh khoe ka crông taneh, đõe q kon mangai wì tajêh đac dabau, èh i mangai am ka haq mỏe q pla

chang kàn. **5** Jò Kon Triu pèh nìm ma pi q, au tàng ngề rih ma pi q doe: “Trùh beq”. Au ngan hnoq i mỏe q toq axêh gam. Mangai haqngui crông axêh ti haq wê mỏe q toq ki q. **6** Au tàng taqne pôn toq ngề rih lo q tadro q i bàu doe: “Mỏe q ki q qmau mì tech mỏe q đoniê, pi q ki q qmau mat nha tech mỏe q đoniê, khoe ka aih dầu xam alac dôi q haq apa q tro q.” **7** Jò Kon Triu pèh nìm ma pôn, au tàng ngề rih ma pôn doe: “Trùh beq”. **8** Au hnoq loh mỏe q toq axêh nget bah bah. Mangai haqngui ta crông axêh, yini q haq aih Kan cachit, i hwinh clam tia q git enh rù haq. Wì haq i cwiang mỏe q phàn pôn ta crông taneh, đõe q jêh đac kon mangai xi chang, xam kan pangot hrah, xam kan jì q dài, xam bõe ngề dù ta crông taneh. (Hadês g86) **9** Jò Kon Triu pèh nìm padam, au hnoq ta caqnàm prang tadreo i bõe mahua da bõe mangai ma khoe cachit tai q wì haq tia q trong Boc Plinh xam bàu wì haq ma lam anœ. **10** Di q ka wì haq crêu qmòe cadêh: “Wai q Chua q nhên, aih Mangai Hadròeh, Jo q qnàng, ìh œ taqnhùa gồm trùh jò le q hò m men hadrah rai patem chau bõe mangai ta crông taneh ma khoe broq ta-ũc mahim nhên?” **11** I mangai am ka wì haq mỏe q ngai mỏe q blah eo yỗc taboc; èh i bàu doe ka wì haq ep gồm tam toq bia q hò m, trùh jò le q hi jah tôm bài mangai ma hadai wiang abro q, ma hadai ep cachit qmang ka wì haq di q. **12** Au ngan hnoq, jò Kon Triu pèh nìm tadràu, aih taneh loh kan ralàng kàn, mat mahi loh ka clam clui q qmang ka caxop bai xac gam, mat khê tìah ka mahim. **13** Bài halông ta trỗc cli h taqne q, tìah ka plì hra tagœ long hadrùih jò cayêu hlui dêh. **14** Trỗc ka canua hlài qmang ka wì canua hset broq xam akia, bài bui wang xam bài pleo diac hadai haprah hangai deh ka nœ œ; **15** bài bùa ta crông taneh, bài cwan kàn, bài cla cra q lĩnh, bài mangai padrông, mangai i cwiang, mangai hapông dic, mangai broq cla di q cadàu lam amot roc ralũng, roc kỗp hmo kàn ta wang, **16** wì doe ka bui wang doe ka hmo kàn: Thê cli h enh qnhêq ka nhên kô be q, dôi q nhên jah hlep khoe ka hadrò Mangai ma haqngui tagèq bùa rai jah claih ka kan nœh da Kon Triu! **17** Majah qmang aih hi panu q kàn da haq khoe trùh, cabô ma œ dràng yòng?

7 Khoe ka aih, au hnoq i pôn bình plinh yòng ajang pôn toq mùm taneh, ti wì haq rùp padràng pôn qngêa cayœ, dôi q ùh hĩa q cayœ

hlui ta taneh, ta diac raxiq, tagoe long. **2** Au hnoq hòm i mòeq bình plinh qnoeq, tọc enh apah mat mahi loh, ti haq wê ngê pateo da Boc Plinh ma rih halinh. Haq dêh bầu crêu rai doe ka pôn bình plinh ma khoe jah cwiang ðòeq broq kan habo ka taneh xam diac raxiq. **3** “Apaq broq kan habo ka taneh, ka diac raxiq xam bài long trùh jò leq bèn khoe pateo hadro ta ngòng bài hapông da Boc Plinh bèn. **4** Au tàng, bài mangai majah pateo hadro aih jah: 144.000 ngai loh enh bài xinoe Isorali; **5** Enh xinoe Juda jah: 12.000 ngai; Enh xinoe Rubên jah: 12.000 ngai; Enh xinoe Gat jah 12.000 ngai; **6** Enh xinoe Ase jah 12.000 ngai; Enh xinoe Neptali jah 12.000 ngai; Enh xinoe Manase jah 12.000 ngai; **7** Enh xinoe Sime-ôn jah 12.000 ngai; Enh xinoe Lêwi jah 12.000 ngai; Enh xinoe Ysaca jah 12.000 ngai. **8** Enh xnoe Sabulôn jah 12.000 ngai; Enh xinoe Jôsep jah 12.000 ngai; Enh xinoe Bênjamin jah 12.000 ngai jah pateo hadro. **9** Hi khoe ka aih, au hnoq bài mangai haraya rayùc, pi bô oe ðiq rên, loh enh rìm diac, rìm xinoe, rìm gùng, rìm bầu capoch; wì haq yòng enh ngêa ka gèq bùa xam enh ngêa Kon Trùu, caxùnh eo yôh taboc, ti wì haq wê hamenh hla hanoc, **10** wì haq creo cadêh: “Kan dèch claih loh enh Boc Plinh bèn, aih Mangai ma haqngui tagèq bùa, Xam enh Kon trùu”. **11** ðiq ðong bình plinh yòng dudan ka gèq bùa, dudan ka bài gucraq hloe xam pôn toq ngê rih, kùp deh hadrò enh ngêa ka gèq bùa rai kùh waiq Boc Plinh, **12** wì doe: “Amen! Bầu manê enh, kan ranhòm, kan rabiaq, kan manê apôî, kan tajî, kan itai xam padren ðêh, hlài ðiq ta Boc Plinh bèn mòeq ðòeq ùh lùch! Amen”.

(aiôn g165) **13** Jò aih i mòeq ngai gucraq bôch au: “ðiq ka mangai ma caxùnh eo yôh taboc qmat ìq cabô, wì haq trùh enh leq? **14** Au padreo bầu: “Wì craql ìh loq trong aih”. Haq doe ka au: “Wì haq qmat aih la bài mangai ma khoe loh enh kan nanxa kàn, khoe rùh, khoe broq ðêh eo jah taboc ta mahim Kon Trùu. **15** Qmang aih, ðài wì haq majah haqngui enh ngêa ka gèq bùa Boc Plinh, ðàhì damang jah patih ta hnim kùh waiq da haq; Mangai ma haqngui tagèq bùa jah wèq ban wì haq. **16** Wì haq pi pangot, pi croh ranông hòm; pi i ka mat mahi, pi i kan tôq enh leq oe jraq wì haq. **17** Majah qmang aih Kon Trùu oe taqne gèq bùa jah rai ban rai ajèn qnung wì haq trùh ta bài crông diac rih; Boc Plinh jah xùt ðiq ðong diac mat wì haq.

8 Jò Kon Trùu pèh nìm ma tapèh, ta tróc hatinh jah qnah qne jò. **2** Au hnoq tapèh ngai bình plinh yòng enh ngêa Boc Plinh, i mangai am ka wì haq tapèh toq ken. **3** Khoe aih i mòeq bình plinh qnoeq trùh yòng ajang prang kùh waiq oe enh ngêa ka gèq bùa, haq wê abôq broq xi wang, haq jah bacc gahnàu, ðòeq dèch atóc gahnàu aih taprang kùh waiq broq xi wang enh ngêa ka gèq bùa pajùm ti bầu waiq khàn da bôe mangai Boc Plinh. **4** Nhòe linh gahnàu enh ti bình plinh aih, pajùm ti bầu waiq khàn da bôe mangai da Boc Plinh pan tọc trùh enh ngêa Boc Plinh. **5** Khoe aih bình plinh wê abôq wang yóc ùnh enh prang kùh waiq tah bình ta aih, khoe aih hwênh qnh ta crông taneh: Tajòe qmòe jò aih i bôe atêh hilùng ðêh, caðah, camlet xam kan taneh ralàng. **6** Tapèh bình plinh wê tapèh toq ken hi padon hlui. **7** Bình plinh ma adroe hlui ken, tróc loh ka clih preo i xam ùnh clai pajùm ti mahim dahrôq loh ta crông taneh. Mòeq ta piq phần taneh loh ka ùnh cheo, mòeq ta piq phần bài long, ùnh cheo ðong, rìm adrech nhat cheo ðiq. **8** Bình plinh ma baiq hlui ken: i kan cato kàn tiah taiq ka bui wang kàn xi ùnh hwênh qnh ta diac raxiq. Mòeq ta piq phần diac wìa mahim, **9** mòeq ta piq phần ngê rih ta diac raxiq cachit ðong, mòeq phần piq bài boang loh ka raliang. **10** Bình plinh ma piq hlui ken, aih i mòeq toq halông kàn clih enh plinh, cheo loh qmòe pla ùnh qmang ka hiloeh hadreo; halông aih clih ta mòeq phần piq crông diac xam goe diac. **11** Yiniq halông aih: Cachiq xang, mòeq phần piq crông diac loh ðong ka xua qmang ka cachiq xang, broq ka bacc ngai cachit, majah qmang aih diac khoe loh ka xang. **12** Bình plinh ma pôn hlui ken, mòeq phần piq mat mahi pi qngah, mòeq pàn piq mat khê xam mòeq phần piq bài halông hadai, ðôq mòeq phần piq bàikan qngah aih loh ðong ka clam, ðòeq jò ðàhì hnhung mòeq phần piq kan qngah, damang hanoh. **13** Jò aih au ti ngan, au tàng bầu cliang kèn pan taqne tróc rai crêu cadêh: Habo qnàng! Habo qnàng! Habo qnàng! Ka bài mangaima rih ta crông taneh, majah qmang aih oe i bầu ken da piq bình plinh qnoeq ma padon hlui hòm.

9 Bình plinh ma padam hlui ken, aih au hnoq mòeq toq halông enh plinh clih ta crông taneh, khoe jah am ka halông aih khwaq da hwinh jrùq ùh lùch, **(Abyssos g12)** **2** Halông aih pèch hwin jrùq ùh lùch aih, i nhòe enh qneq

pan ta atôc, tiah ka nhòe da tanùh kàn; mat mahi xam hòe cayêu loh dồng ka clam ka nhòe enh hwin jrùq. (Abyssos g12) 3 Enh nhòe aih prai loh bài lip pan jàp ta crông taneh; i mangai am ka wì haq cwiàng tiah qmang ka agôt ta taneh. 4 I bàu ùh lòh wì haq apaq troq đac bài nhat oe ta crông taneh, enh long qyoh trùh long kàn, mahaq jah troq đac toq bài mangai ta ngòng wì haq ma ùh i ka teo da Boc Plinh. 5 Èh am ka wì haq cwiàng ùh xài đòeq hujêh đac, mahaq đòeq toq pani bài mangai aih ta padam khê, kan baxa aih tiah ka jò agôt kap. 6 Ta bài hì aih, kon mangai chaq kan cachit mahaq chaq ùh jah; wì tangêh ka jah cachit yàng kan cachit wia đac ka hangai. 7 Bài lip aih tiah ka axêh khoe padon đòeq hu lam tajêh tablah: Tagàu wì haq i cadoh bùa tiah taiq ka wang, mùh mat haq qmang ka hadrò mangai; 8 haq i xác qmang ka xác gàu gucadri, hanenh haq qmang ka hapoh sutùh. 9 Haq i caqmoc qmang ka caqmoc mem, atêh panan da haq tiah ka atêh bacc toq xê ma i bacc toq axêh dùi tùh loh tanê tajêh. 10 Tênh haq i nóc qmang ka agôt, haq yóc tênh aih ma baxa pani kon mangai ta padam khê. 11 Haq i bùa pagàu, aih mangai da hwin jrùq, bàu Hêbru doe: Abadôn, bàu Grec doe Abôliôn. (Abyssos g12) 12 Kan ranàc ma adroe bu khoe; mandeq kô oe i tam baiq kan ranàc trùh atiq ka aih hòm. 13 Bình plinh ma tadrâu hlui ken, aih au tàng i bàu loh enh pôn toq haki da prang kùh waiq broq xi wang ma đòeq enh ngêa ka Boc Plinh. 14 Bàu aih doe ka bình plinh ma tadrâu qnang wê ken: “Drah caqnaih pôn bình plinh ma qnang bìq kàt đòeq ta crông diac kàn Ophorat beq”. 15 Pôn bình plinh aih khoe rap gòm đòeq waq toq hi troq deh jò, hì, khê, hanam, jah caqnaih hu lam jêh cadac mòeq ta piq phàn kon mangai. 16 Lình kòe axêh da bài lình aih rên jah baiq hrinh triuq; aih sôq au ma khoe tàng. 17 Axêh xam mangai kòe axêh au ma hnoq takan mahnò aih qmang kô: Bài wì aih diq caxùnh eo jop gòh qmang ka ùnh, mau nget gam, mau drinh da liu hwình; gàu axêh tiah ka gàu sutùh, hacùng haq caprôh loh ùnh, loh nhòe xam liu hwình. 18 Mòeq phàn piq kon mangai cachit ka piq kan ranàc kô aih: ùnh, nhòe, xam liu hwình loh enh hacùng axêh. 19 Majah qmang aih cwiàng itai da axêh aih oe jang hacùng xam ajang tênh haq, bài tênh aih tiah qmang ka bìh, i gàu, wì haq yóc deh gàu aih hu ti jôh mangai. 20 Bài mangai ma oe rìh, aih bài mangai ma ùh hiaq

cachit ka bài kan ranàc aih, dua ùh raxach hu cadac bài ngê ti kông wì haq ma broq loh, dua toq kùh waiq kiac chóc xam radua qmù broq xi wang xam bac xam đùng, xam hmo, xam long aih bài kan cato qmù ùh qnì hnoq, ùh xau tàng, ùh qnì lam. 21 Wì haq ùh raxach ka jêh mangai, ka blòeh blông, ka tango, atùng.

10 Khoe aih au hnoq mòeq bình plinh ma qnoeq padren dêh raya, loh enh plinh, i yúc dudanah ka haq. Tagàu haq i rawiang hadông; hadrò haq tiah ka mat mahi, jênh haq qmang ka jrang ùnh. 2 Tì haq wê mòeq toq hset qyoh khoe hliá đòeq, jênh pah qma haq jôiq diac raxiq, jênh pah qngeo jôiq tagùng, 3 Haq creo mòeq nà cadêh qmang ka bàu sutùh ca-ùm; khoe ka bàu haq creo i tapêh qmang hilùng. 4 Jò i tapêh qmang hilùng aih, au enh achih yóc, yàng au tàng i bàu enh plinh doe: “Nim padràng đòeq bàu da tapêh qmang hilùng aih doe cleq, ùh dùi achih cadêh”. 5 Khoe aih, bình plinh au ma hnoq haq yòng tadiac xam tagùng, dèch tì pah qma ta tróc, 6 haq patô Mangai ma rìh halình mòeq đòe, aih Mangai ma broq loh plinh xam rìm yiniq oe ta plinh, broq loh taneh xam rìm yiniq ta taneh, broq loh diac raxiq xam rìm yiniq ta diac raxiq, đòeq hu hapah “Khoe diq ka jò”; (aiôn g165) 7 mahaq trùh hì bình plinh ma tapêh am tàng dèh bàu rai hlui ken, aih èh kan hlèp da Boc Plinh jah gêh geo, wop qmang ka haq ma khoe doe deh ka bài hapông haq aih la bài mangai pajàu. 8 Khoe aih bàu au ma khoe tàng enh plinh doe hòm ka au: “Lam beq, yóc hset qyoh ma tapêh ajang tì bình plinh ma qnang yòng ta diac raxiq xam ta taneh”. 9 Au hi lam trùh ajang bình plinh, au bòch haq am ka au hset qyoh. Haq doe ka au: “Yóc beq khoe èh hi lôn hset kô beq; ta cliac ìh haq xang, mahaq ta hacùng ìh nhim qmang ka diac xùt”. 10 Au yóc hset enh tì bình plinh khoe au hi lôn; ta hacùng au haq nhim qmang ka diac xùt, mahaq jò au khoe lôn haq loh ka xang ta cliac. 11 I bàu doe ka au: “ìh oe raq ep capoch bàu pajàu ka bacc xinoo, bacc diac, bacc toq bùa hòm”.

11 I mòeq ngai am ka au mòeq catoch triang niaq tiah ka long wêh maneh, rai thê au: “Yòng beq, wêh hnim kùh waiq da Boc Plinh, prang tadreo, rên xam bài mangai kùh waiq ta aih”. 2 Mahaq hamlang enh gùng ka hnim kùh waiq aih cadac, apaq wêh broq cleq majah

qmaq aih nòe aih khoe hataq ka mangai diac qnoeq, dōq wì jōiq padit plài hadròeh aih wop jah pòn jàt baiq khê. **3** Khoe èh au hi am cwiang itai deh ka wa baiq ngai ma lam anoe panhìn da au, wa aih caxùnh eo bai briang lam capoch bàu pajàu ta 1.260 hì. **4** Wa haq, aih raq baiq toq long ôliu, aih raq baiq toq jènèh ðen ma yòng enh ngèa ka Chuaq da crông taneh. **5** Tàng cabô enh tabroq ka wa aih, aih èh i ùnh loh enh hacùng wa bùh ðac mangai ma tagit ka wa: Mangai leq tabroq ka wa, ep cachit qmaq aih. **6** Wa aih i cwiang clênh qmaq plinh, ðeq tróc ùh mè ta bàì hi wa capoch bàu pajàu; wa aih i cwiang thê diac wìh wìa mahim rai broq bàc kan ranàc ta crông taneh, enh broq jò leq dua jah. **7** Jò wa aih khoe gèh ka lam anoe panhìn, aih i ngè rìh tōc enh hwinh jrùq, tajêh ka wa haq; ngè rìh aih blêq wa haq, khoe èh jêh ðac wa. (Abyssos g12) **8** Hanang wa haq wì taqngui ðac ti trong lam da plài kàn, capoch apriah aih raq Sôðôm xam Êdiptô, nòe Chuaq da wa haq ma khoe tiang ðinh talong pagat. **9** Mangai oe rìm nòe ta crông taneh, rìm xinoe, rìm bàu capoch, rìm diac ðiq jah hnoq hanang wa aih ta piq hi qne, wì ùh lòh catùh hanang aih ta ralùng. **10** Bàì mangai ta crông taneh lem bùi rahèh rahah acaq ôq, qnèp aràng ka dabau dahwèq jò hnoq wa khoe cachit, majah qmaq aih baiq ngai pajàu Boc Plinh kô khoe broq ka mangai ma rìh ta crông taneh bàc kan ranàc. **11** Mahaq atiq ka piq hi qne aih, i hi hèm rìh enh Boc Plinh mùt ta wa baiq ngai aih: Wa aih padinh yòng qmòe ka jang, bàì mangai ma hnoq wa ðiq jaq cadròt crè. **12** Wa tàng i bàu enh plinh creo ka wa: “Tōc tacô”! Wa tōc ta tróc enh dalam ka cato yùc kàn, rìm ngai ma tablêq ka wa ðiq hnoq. **13** Wop jò aih taneh loh kan ralàng kàn, mòeq phàn mòeq jàt da plài kàn ralòeh ðōng, tapèh muàn mangai cachit ta kan ralàng aih, bàì mangai ma oe rìh hnoq qmaq aih loh ka cadròt, rai ðèch bàu manè apôi Boc Plinh ma oe ta plinh. **14** “Ranàc” ma baiq bu khoe; kô “Ranàc” piq rênèh trùh! **15** Bình plinh ma tapèh hlui ken, ta tróc i bàì bàu ðeh, anoe rameh: “Pang kô bàì diac da crông taneh kô hi wìa diac Boc Plinh bèn xam Christ da haq, Haq broq bùa mòeq ðòe”. (aiōn g165) **16** Baiq jàt pòn gucraq qnang haqngui ðèh tagèq dudan ka Boc Plinh, ðiq kùp ta haqneq, kùh waiq Boc Plinh, **17** Wì doe rameh: “Nhèn ðèch bàu manè apôi ìh, Boc Plinh ma i cwiang itai rìm trong, aih Mangai manèq qnang i, enh

nèh khoe i, majah qmaq aih tì kōng ìh khoe wê cwiang ðiq jaq haqnèq, ìh khoe broq bùa. **18** Bàì diac tacrông taneh plòh nòeh, mahaq kan nòeh da ìh khoe trùh, Manèq khoe trùh jò, aih jò ðòeq hadrah mangai cachit, hu baha ka hapōng da ìh aih bàì pajàu, hu baha ka mangai da ìh xam bàì mangai loq iu yùq yiniq ìh, baha ka mangai kàn xam mangai qyoh, ðeqq raliang ðac mangai ma khoe broq raliang crông taneh”. **19** Jò aih hnim kùh waiq Boc Plinh ta plinh hi tapèch, wì hnoq Hom Tajao ta hnim kùh waiq Haq, khoe aih i bàì kan camlet, i atèh tagruàng, bàu cadah, i taneh ralàng xam mè clih cato preo kàn.

12 Khoe ka aih, ta tróc i mòeq kan halac kàn: Mòeq ngai gucadri i mahi oe dudan ka haq, enh jènèh haq i mat khê, tagàu haq i cadoh bùa broq xi mòeq jàt baiq toq halōng. **2** Haq aih oe jiang, crò hmoe xalep ka jiq hauang. **3** Ta tróc hadai loh mòeq kan halac qnoeq hòem: Aih moeq toq bìh kàn gòh tabrùng, haq i tapèh toq gàu, mòeq jàt toq haki, tagàu haq i tapèh toq cadoh bùa. **4** Tènh haq hua mòeq phàn piq halōng ta tróc, lam caqnh ta crông taneh; bìh aih rap enh ngèa ka mangai gucadri qnang jiq hauang, waq toq kon nga clih enh cliac, haq hi lõnh. **5** Mangai gucadri aih hauang mòeq ngai kon calô, kon calô aih yōc long ðuì mem ðòeq wèq cwiang enh qnhèq ka rìm diac; kon calô aih jah ðih atōc ta Boc Plinh, ta gèq cla haq. **6** Mangai gucadri ti amot tanòe hawit, ta aih haq khoe i nòe Boc Plinh palauq qmòeq, ðòeq haq ban raðeh ta 1.260 hì. **7** Jò aih i kan tajêh ta plinh: Michen xam bàì bình plinh da haq tajêh ka bìh kàn, bìh kàn hadai xam bàì bình da haq hadai tajêh chau; **8** mahaq wì haq ùh blêq, aih majah pi hnoq nòe da wì haq ta plinh hòem. **9** Bìh kàn aih la bìh calah nèh, yiniq haq aih kan kiac, aih Satan, ma ti lam padô ðiq ðōng ka phù cròng, khoe jah caqnh ðac haq ta crông taneh xam bua da haq hadai. **10** Au tàng hòem ta tróc i bàu capoch ðeh: “Manèq kan ðèch claih, kan ðeh, xam diac da Boc Plinh bèn, khoe trùh pajùm xam cwiang itai Christ da Haq; majah qmaq aih mangai ma dahì xam damang toq ti enh tah hadrah ka haq enh ngèa ka Boc Plinh, manèq kô khoe jah caqnh ðac. **11** Wì khoe jah blêq haq xi mahim Kon trùu xam bàu panhìn da cla, wì ùh adènh ðèh kan rìh trùh qmòe jò cachit. **12** Qmaq aih ðiq ka plinh xam

pì ma oe ta aih, drah lem bùi beq! Habo dèh ka taneh xam diac raxiq! Majah qmang aih kiac dù loq jò da haq oe pì pang leq hòim, dài haq majah trùh ta pì rai nòeh pì cajaan.” 13 Jò bìh hnoq ràdeh khoe bìq khwênh caqnìh ta crông taneh, haq drah qnat tiaq mangai gucadri ma khoe hauang kon calô. 14 Yàng khoe jah am ka gucadri aih panan cliang kàn, òeq hu pan mùt tanòe hawit aih nòe Boc Plinh palauq òeq ka haq amot; ta aih haq jah ban mòeq jò, bàc jò, qne jò, claih hangai ka bìh. 15 Jò aih bìh pròh diac enh hacùng haq tiah qmòe ka diac kàn hnan tiaq mangai gu cadri, òeq hu qmoch ðac haq ta diac. 16 Mahaq taneh ðih yòc gucadri; majah qmang aih taneh hah hacùng lònñ diac bìh ma khoe capròh loh enh hacùng. 17 Bìh nòeh ka mangai gucadri, haq lam tablêq ataq wì kon maqnoeq da gucadri, aih bài mangai ma wèq tiaq ranenh Boc Plinh rai rùp cajan bàu panhìn da Jesus Christ.

13 Bìh yòng ta braih diac raxiq. Khoe aih, au hnoq enh diac tóe mòeq ngè rih i mòeq jàt toq haki xam tapèh toq gàu, ta bài haki aih i mòeq jàt toq cadoh bùa, rìm toq gàu ðiq i achih yiniq xam bàu capoch ùh hòq ka Boc Plinh. 2 Ngè rih au ma hnoq aih tiah taiq ka ðeo; jo haq tiah ka jo higàu, hacùng haq tiah ka hacùng sutùh. Bìh ròng yòc deh kan dèh, xam gèq am ka ngè rih aih. 3 Ta bài gàu aih i mòeq toq gàu habau tiah taiq ka khoe cachit; yàng èh habau aih jah brèh, ðiq ka crông taneh loh ka hamàih lam tiaq ðong haq. 4 Kon mangai kùh waiq bìh ròng majah qmang aih haq khoe yòc kan itai am ka ngè rih aih; wì hadai kùh waiq hloe ngè rih aih, wì doe: “Cabô diang ngè rih kô, cabô hlàt tablêq ka haq?” 5 Khoe jah am ka ngè rih aih hacùng xam bàu loq catèh, bàu capoch qmèq Boc Plinh; haq i cwiang tabroq qmang aih ta pôn jàt baiq khê. 6 Ngè rih aih hah hacùng capoch ùh hòq ka Boc Plinh, capoch qmèq ka yiniq haq, ka hnim Ranòh kùh waiq haq, capoch troq hloe wì ma oe ta plinh. 7 Khoe caqnaih ka haq i cwiang hu tajêh ka bài mangai hadròeh, haq jah blêq wì. Haq i cwiang broq gàu rìm nang noe, rìm ngai, rìm bàu capoch, rìm diac. 8 ðiq ka mangai oe ta crông taneh ma kùh waiq haq, aih bài mangai ma ùh jah achih yiniq ta hset kan rih da Kon Triu ma khoe cachit qmòe enh jò baxèm broq plinh crông taneh. 9 Cabô i don, tamàng beq! 10 Tàng cabô rùp mangai

broq ðic, aih èh cla haq ep broq ðic; tàng cabô jêh mangai xi chang, aih èh cla haq ep cachit xi chang. Kô raq kan chiuq àt xam manoh lùì da mangai hadròeh. 11 Khoe aih au hnoq enh taneh tóe mòeq toq ngè rih maqnoeq hòim, i baiq toq haki qmang ka haki kon trùu, mahaq capoch bàu qmang ka kon ròng. 12 Haq hanoh yòc cwiang da ngè rih ma adroe, enh ngèa ka ngè rih aih, haq thê taneh xam mangai oe ta aih ep kùh waiq ngè rih ma adroe, aih ngè rih ma i habau ten cachit mahaq khoe jah brèh. 13 Haq broq bài kan halac kàn, loh qmòe ka thê ùnh enh tróc clih ta taneh enh ngèa ðiq ka mangai hnoq. 14 Haq ti qnùt bài mangai oe ta crông taneh xi kan halac ðeh jah broq enh ngèa ka ngè rih ma adroe; haq thê wì broq radua qmù ka ngè rih ka adroe, aih la ngè rih chang ma khoe broq ka haq loh ka habau hwaq cachit, yàng èh jah rih hlài. 15 Ngè rih ma atiq kô i cwiang hlui qmùt hi hèm ka radua qmù ngè rih ma adroe òeq ka radua qmù aih jah capoch, hu broq ka rìm ngai ma ùh kùh waiq radua qmù ngè rih aih ep cachit. 16 Haq hadai broq ðiq ðong ka mangai, yac ka mangai qyoh, mangai kàn, mangai padròng mangai pa, mangai broq ðic, mangai broq cla, ðiq ep i teo hadro ta kóng pah qma, tàng ùh meh ta ngòng, 17 ùh i cabô jah rot, jah atech cleq tàng joq ùh i ka teo hadro aih, teo hadro aih raq yiniq xam sòq da ngè rih aih. 18 Kan rabiaq oe ajang kô: Mangai leq ma loq, drah tình sòq da ngè rih aih beq, majah qmang aih, sòq aih la sòq da mòeq ngai raq; sòq da haq aih la 666.

14 Au ngan hnoq, Kon Triu yòng ta wang Siôn, i 144000 mangai yòng ti haq, ðiq i yiniq Kon Triu xam yiniq Baq achih ta ngòng wì haq. 2 Au tàng i bàu loh enh plinh, tiah qmang ka bàu diac kàn, qmang ka hilùng ðeh; bàu au ma khoe tàng tiah ka bàu broc wì ma rawêh; 3 wì calêu boe calêu maneo enh ngèa ka Gèq bùa, enh ngèa ka pôn toq ngè rih xam bài wì gucra. ùh i cabô loq ka boe calêu aih enh gùng ka 144000 mangai ma khoe jah baxon yòc hlài enh crông taneh. 4 Bài wì aih qnhòq lah kùì oe ti gucadri, majah qmang wì haq ðiq oe raq sriu. Kon Triu lam pang leq wì kô tiaq pang aih. Bài wì aih khoe jah baxon yòc hlài enh qne kon mangai òeq broq plì ramua hu ðèch am ka Boc Plinh xam Kon Triu; 5 ùh i mòeq nà amòng ta bàu wì haq, ùh i nòe hu

cwò. **6** Khoe aih, au hnoq bình plình maqnoeq pan qne tróc, i Bàu lem mòeq ðoeq hu bahia am ka mangai rih ta crống taneh, ka rìm diac, rìm gùng, rìm nang noe, rìm bàu capoch. (aiônios g166) **7** Haq capoch cadêh: “Khòh iu yùq ka Boc Plình, rai broq qngah yiniq haq, majah qmang aih kan hadrah da haq khoe trùh; drah kùh waiq Mangai ma broq loh plình taneh, diac raxiq xam bài goe diac.” **8** I mòeq bình plình hatia, tiaq atiq rai doe: “Babilôn kàn tau, khoe ralài, khoe ralài, majah qmang aih haq i am ka rìm diac ôq alac tango mahau da haq”. **9** I mòeq bình plình qnoeq hòh, aih bình plình ma piq, tiaq atiq, capoch dêh rameh: “Tàng cabô kùh waiq ngè rih xam radua qmù haq, i teo hadro da haq ajang ngòng, ajang kống, **10** mangai aih èh hadai jah ôq alac kan nòeh ùh clai da Boc Plình ma nhình ta chrống mahau da haq; jah baxa ta ùnh liu hwin oe enh ngèa bài bình plình hadròeh xam enh ngèa Kon Triu. **11** Nhòe da kan baxa wì haq pan tót mòeq ðoe. Bài mangai ma kùh waiq ngè rih xam radua qmù haq, hloe xam bài mangai ma i teo hadro i yiniq da ngè rih, aih èh xam dahi xam damang ùh i jò leq jah padài. (aiôn g165) **12** Kô kan cajap manoh da bài mangai hadròeh: Wì haq wèq ranenh da Boc Plình rai ðiq manoh lùì Chuaq Jesus Christ.” **13** Khoe ka aih au tàng bàu enh plình doe: “Achih beq! Pang kô xôp ramot am ka bài mangai cachit aih la mangai ma cachit enh dalam ka Chuaq!” Yiang Hadròeh doe: “Jòq qnàng, majah qmang aih wì haq jah padài ka kan xalep, yiniq abroq da wì haq hanoh jah boe tiaq cla wì”. **14** Au ngan hnoq, i mòeq cato yùc taboc; haqngui enh qnhèq ka yùc aih i mòeq ngai tiah ka kon da mangai, tagàu i cadoh bàu broq xi wang ajang ti haq wê mòeq pla haiq hin. **15** Mòeq bình plình qnoeq loh enh hnim kùh waiq, yóc bàu dêh crêu ka haq ma haqngui ta yùc: “Drah caqnhì haiq hin ìh qmat ðoeq hu gat; majah qmang aih khoe trùh jò gat, ðùng ruàng ta taneh dùm khoe ðiq”. **16** Mangai ma haqngui ta yùc caqnhì dêh pla haiq ta taneh, èh ta taneh jah gat ðong. **17** Mòeq bình plình qnoeq loh enh hnim kùh waiq hadai wê haiq hin. **18** Èh mòeq bình plình qnoeq hòh i cwiang wèq ùnh, loh enh nòe prang kùh waiq, dêh bàu crêu ka bình plình wê haiq hin: “Caqnhì haiq hin da ìh qmat beq, hu gat bài raqnhì pìi nho ta taneh majah qmang aih nho khoe dùm.” **19** Bình plình caqnhì pla haiq hin ta taneh, gat ðong pìi nho

ta taneh hwénh tah ta apau pandèh kàn da Boc Plình. **20** Apau aih ep len enh gùng ka plài kàn, i mahim ta-ùc loh enh apau aih, mahim aih hlèp qmòe ka qnhàng axèh, hìu clàng hangai jah mòeq muàn tadràu hrinh Êt-taòo.

15 Au hnoq ta tróc i mòeq kan halac maqnoeq, jòq kàn jòq ramòt qnàng; tapèh bình plình wê tapèh kan ranàc pulùch, majah qmang aih bài kan ranàc kô èh men jah broq ka Boc Plình brêh ka kan nòeh. **2** Au hnoq i cleq meh tiah ka diac raxiq hliang raplénh troeq guàng qngah pajùm ka ùnh, bài mangai ma khoe blèq ka ngè rih xam radua qmù haq, hloe xam sòq yiniq da haq, yòng ti haqmai diac raxiq hliang qmang ka guàng aih. Wì haq wê broc da Boc Plình. **3** Wì calêu bàu calêu da Môise aih hapóng da Boc Plình xam bàu calêu da Kon Triu: “Chuaq da nhên aih Boc Plình ðiq jaq i cwiang itai, yiniq broq da ìh jòq kàn jòq halac qnàng, waiq Bùa da rìm taneh diac! Trong da ìh aih ðiq taq atiq, ðiq jòq qnàng, **4** Waiq Chuaq nhên, cabô ma ùh iu yùq, ma ùh dèch bàu manè yiniq ìh? Majah qmang aih mòeq ngai ìh raq ma hadròeh, rìm diac, ðiq trùh hacùn cràng kùh waiq enh ngèa ìh, majah qmang aih biàc broq taq atiq da ìh, khoe jah paqnoh. **5** Khoe aih au ngan, hnoq ta tróc i nòe hadròeh da hnim ranòh tajao tapèch. **6** Tapèh bình plình wê tapèh toq doe chrống kan ranàc loh enh hnim kùh waiq, caxùnh eo bai briang hadròeh qngah qngai, kàt caxi caqnam broq xi wang. **7** Mòeq ta pôn toq ngè rih qnèp ka tapèh bình plình tapèh toq doe chrống broq xi wang, ta aih tah bình kan nòeh da Boc Plình aih Mangai rih halinh mòeq ðoe. (aiôn g165) **8** Hnim kùh waiq bình ðong nhòe loh enh kan ranhòm Boc Plình xam cwiang itai haq; ùh i mangai leq jah mùt ta hnim kùh waiq aih trùh jò leq tapèh kan ranàc kàn da tapèh bình plình jah broq gèh.

16 Khoe aih, au tàng bàu dêh loh enh hnim kùh waiq doe ka tapèh bình plình: “Drah lam, ùc qnoh tapèh doe chrống kan pandèh da Boc Plình loh ta crống taneh beq”. **2** Bình plình ma adroe ùc deh doe chrống loh ta crống taneh, bài mangai ma kùh waiq radua qmù rai i teo hadro da ngè rih, loh ðong ka pa-èh ra-om jiq. **3** Bình plình ma baiq, ùc doe chrống da haq ta diac raxiq, diac raxiq wìh wì mahim, tiah ka mahim mangai cachit; rìm yiniq ma rih ta diac raxiq cachit ðiq ðong. **4** Bình plình

ma piq, ùc doe chrõng da haq loh ta diac xam goe diac, diac wà ãng mahim. **5** Au tàng bình plinh ma wèq diac doe: “Chuaq joq taq atoq, ìh aih Mangai qnang i, khoe i enh nêh, ìh Mangai hadrêh khoe hadrah crõng taneh kô; **6** majah qmang aih wì haq khoe broq dahrôq mahim mangai hadrêh xam bài mangai pajâu, ìh khoe am wì haq ôq mahim: aih joq ra-òh qnang”. **7** Au tàng enh prang kùh waiq i bàu doe: “Joaq waiq Chuaq aih Boc Plinh i cwiang itai rìm trong, bài kan hadrah da ìh ãq taq atoq, ãq joq qnang”. **8** Bình plinh ma pôn ùc deh doe chrõng ta mat mahi, mat mahi jah cwiang bũh ca-et kon mangai. **9** Kan tôq broq ka kon mangai loh ka ca-et ãng, wì haq capoch qmêq hloe ka yiniq Boc Plinh aih Mangai ma i cwiang enh qnhêq ãng ka bài kan ranàc aih, wì haq hadai ùh raxach ãng hu ãh kan ranhòm ka Boc Plinh. **10** Bình plinh ma padam ùc deh doe chrõng ta gèq da ãng rìh, diac da haq aih hi loh ka clam cluiq, ta kan jìq kon mangai loh ka ti kap deh rapet. **11** Ta kan jìq, kan pa-êh, wì haq ti capoch qmêq ka Boc Plinh oe ta plinh, wì haq dua ùh raxach ãh trong qmêq ãh ma khoe broq. **12** Bình plinh ma tadrâu ùc deh doe chrõng ta cròng diac Ôphorat; diac aih loh ka xot croh, ãng padon trong lam am ka bài bùa enh apah mat mahi tãc. **13** Khoe aih au hnoq enh hacùng bìh ròng, enh hacùng ãng rìh, enh hacùng pajâu qnùt loh piq toq kiác ãh, ãh taiq ka bài kit. **14** Aih raq kiác da Satan, broq bài kan halac, lam trũh ta bài bùa ta cròng taneh ãng tagop ti dabau hu padon ãng kan tajêh ta hi kàn da Boc Plinh ma ãq jaq itai. **15** “Ngan oq! Au trũh ãh ka mangai atùng, Xôq ramot am ka mangai hmàng hamang rai wèq ãh eo, ãng ùh lam chac ãh wì qnoeq ùh hìaq hnoq ãh kan camaih”. **16** Wì tagop da bau oe mõe q nõe, ãh bàu Hêbru ajang aih wì crêu Hamagêdon. **17** Bình plinh ma tapêh ùc deh doe chrõng ta cayêu, aih i bàu capoch ãh enh hnim kùh waiq, loh enh nõe gèq bùa doe: “Khoe gèh”. **18** Dra q adrinh hloe jò aih i kan camlet cađah, atêh hi gruang, bàu hìlùng xam kan ralang ãh ta cròng taneh, taneh ralang ãh ãq jaq enh jò baxêm i kon mangai trũh manõe qnhòq lah i qmang aih. **19** Plài Kàn tapah loh piq, plài da diac wì ralaìh cìh ãng, Boc Plinh hmàng trũh Babilôn kàn ãng hu pangoc ka haq chrõng pandêh. **20** Bài pleo diac amot ãng, bài bui wang pi oe hnoq hòm. **21** Bài cato preo kàn,

trap mõe q talang, enh trõe cìh tuc kon mangai, taiq kan ranàc trõe cìh preo aih, kon mangai hi capoch qmêq ka Boc Plinh, majah qmang aih kan ranàc aih ramòt joq qnang.

17 jò ta tapêh bình plinh ma wê doe chrõng, aih i mõe q bình plinh ãh haten doe ka au: “Lam ajang kô, au hu patô am ka ìh hnoq kan hadrah ka mangai gucadrì tango kàn, haq ma haqngui enh qnhêq ka bài cròng diac kàn tau. **2** Bài bùa oe ta cròng taneh tango ka haq, mangai ma oe ta cròng taneh hadai bũbia ka alac tango haq.” **3** Khoe aih, bình plinh hi aràng au lam enh dalam ka Yiang Hadrêh haq qnang trũh tanoê hawit; au hnoqmangai gucadrì haqngui enh cròng mõe q toq ãng rìh gòh tabrùng, ta chac haq achìh toq yiniq bài bàu capoch ùh hòq ka Boc Plinh, i tapêh toq gàu xam mõe q jàt toq haki. **4** Mangai gucadrì aih caxùnh eo gòh ãng. Anì toq bài wang, hmo canaq, ãng, ajang ti haq wê mõe q toq doe chrõng wang bình toq kan trũq, kan tango amũa. **5** Ajang ãng achìh mõe q toq yiniq rameh: Kan hlep da Babilôn kàn, aih miq bài mangai tango xam bài kan amũa trũh ta cròng taneh. **6** Au hnoq mangai gucadrì aih bũbia ka mahim bài mangai hadrêh xam mahim mangai cachit ka Chuaq Jesus Christ; au hnoq loh ka hamàih. **7** Bình plinh bõch au: “Gleq ìh majah hamàih? Kô au hu anoe ka ìh loq kan hlep da mangai gucadrì xam ãng rìh ma chò haq, aih ãng rìh ma i tapêh toq gàu xam mõe q jàt toq haki. **8** ãng rìh ìh ma khoe hnoq, adroe aih khoe i, yàng manõe q kô khoe pi i; kô ãh haq jah tãc enh hwinh jrũq khoe aih lam trũh ta kan lũng pac; bài mangai oe ta taneh aih bài mangai ma ùh i achìh yiniq ta hset kan rìh enh jò broq plinh cròng taneh, hnoq ãng rìh aih wì hamàih, majah qmang aih, nêh haq khoe i, manõe q kô pi i, yàng ãh atìq aih ka doe haq jah trũh hòm. (Abyssos g12) **9** Ajang kô ep i manoh rabiaq ka hêm: Tapêh toq gàu aih tapêh toq bui wang gucadrì aih ma haqngui enh qnhêq. **10** Aih hadai tapêh toq bùa; padam ngai adroe khoe taclìh, mõe q ngai aih qnang i manõe q, mõe q ngai hòm qnhòq trũh; jò haq aih hi jah trũh, haq hadai ùh oe ãh pang leq. **11** ãng rìh ma khoe i adroe yàng manõe q pi i, aih raq bùa ma rahem; haq aih hadai mõe q bùa ka tapêh bùa tau, haq hadai lam trũh ta kan lũng pac. **12** Mõe q jàt toq haki aih mõe q jàt toq bùa qnhòq jah waq ãh diac; mahaq wì

haq wiang broq bùa pajùm ti ngè rih dù tau ta mỏeq jò raq. **13** Wì haq pajùm mỏeq manoh ðõe q jaod ðõng deh cwiang am ka ngè rih dù xóc. **14** Wì tajêh ka Kon Triu, Kon Triu blêq wì haq, majah qmang aih haq aih Chuaq da bài chuaq, Bùa da bài bùa; bài mangai ma khoe jah crêu, mangai khoe jah raih xam bài mangai ma ùh tablòq manoh ðiq jah oe pajùm ti Kon Triu, hadai jah wiang blêq. **15** Khoe aih, bình plình doe hòm ka au: “Bài crông diac ìh ma khoe hnoq i mangai gucadri tango haqngui enh qnhêq, aih bài nang noe, bài mangai bacc, bài diac xam bài bàu capoch. **16** Cla ngè rih xam mỏeq jàt toq haki ìh ma khoe hnoq atiq èh wì hi git ka gucadri tango, wì haq wih hlài raliang ðac rai broq ka haq loh ka talùch, nhah jam haq rai bùi haq ta ùnh. **17** Majah qmang aih Boc Plình khoe ðõq wì aih broq tiaq manoh Haq ma enh, jò Haq broq ka wì aih mỏeq manoh ti dabau ðõe q jaod ðõng deh cwiang am ka ngè rih tau, trùh jò bàu da Boc Plình jah xit. **18** Mangai gucadri ìh ma khoe hnoq, aih raq plài kàn wèq cwiang enh qnhêq ka bài bùa ta crông taneh.

18 Atiq ka bài yiniq aih, au hnoq mỏeq bình plình loh enh plình, haq i cwiang kàn, kan ranhòm haq srêu qngah qngiang ta crông taneh. **2** Haq creo ka ðêh “Babilôn kàn khoe ralài, khoe ralài! Plài kàn aih khoe wìa nõe oe da kan kiac, nõe trom nõe kòp da jròng, kòp da bài adrech chìm qmèq qmac kon mangai ma cadròt ka hnoq, **3** majah qmang aih rìm diac khoe bù ka alac tango anang da haq, bài bùa ta crông taneh khoe tango ti haq, bài mangai padro ta crông taneh khoe jah padròng kan enh kan loq racaih da haq. **4** Au tàng i bàu qnoeq enh tróc doe rameh: “Điq ka mangai da Au, drah loh ma khoe ka Babilon, Tabeq rayeq èh pì loq wiang poh yiniq lui ti haq, loq ep wiang pòq kan ranàc ti haq. **5** Majah qmang aih yiniq lui da haq qmat haqnhêq khoe trùh ta plình, Boc Plình khoe hmàng trùh kan dù da haq. **6** Pì broq hlài ka haq bài yiniq haq ma khoe broq ka mangai qnoeq, patem chau ka haq loe baiq yàng, clai ka haq loe baiq chròng haq ma khoe clai ka mangai qnoeq. **7** Haq catêh rai hnhê raðeh ta kan padròng cla haq dàng leq, aih broq ka haq jiq xa chau dàng aih. Majah qmang aih tacliac haq doe “Au kô bùa cadrì haqngui ðêh tagèq, ùh xài mangai hadrò, ùh jò leq au hnoq kan crò hmoe”. **8** Aih iq dài majah

ta mỏeq hì raq, bài kan ranàc kô majah caqnih enh qnhêq ka haq, kan cachit, kan crò hmoe, kan pangot hrah, xam ùnh bùi chac haq; majah qmang aih Boc Plình ma hadrah haq, aih Boc Plình i padren ðêh haraya”. **9** Bài bùa ta crông taneh ma khoe tango khoe wiang jah waq kan padròng ti haq hnoq nhòe ùnh cheo haq aih èh wì toq crò hmoe. **10** Yùq loq ep wiang pòq kan xalep ti haq, wì toq yòng haqmiang enh hangai rai doe: “Habo qnàng, habo qnàng, Babilôn aih plài kàn, plài padròng tau! Bu mỏeq jò raq, kan hadrah gè khoe trùh”. **11** Bài mangai padro ta crông taneh hadai mangò crò hmoe ka haq, majah qmang aih pi oe i cabò rot dahwèq raðeh hòm. **12** Dahwèq aih bài: wang, bac, hmu lem, ngóc, bai habuàt, bai gòh, bai lùaq, bai drinh; bài long xua thùm; bài dahwèq broq xi bla roeh, long canaq, ðùng, mem, hmo. **13** Cwèq, tiau, dầu, janh xua thùm, gahnàu, alac, dầu oliu, bài ðac lem, hmau phi, bo, triu, axêh xam xê axêh, hapõng ðic, hloe xam mahua yang kon mangai. **14** Wì doe “Bài plì manoh ìh ma toq tangèh chaq hnhung khoe ðiq, kan qngah padròng rahù ìh khoe lùch, chaq ma oe hnoq”. **15** Bài mangai padro aih canòm ka Babilôn khoe loh ka padròng kan, ðiq yòng enh hangai, wì yùq raðeh loq ep wiang xalep ti haq; wì crò hmoe rai mangò ka haq, wì doe: **16** “Habo hrình, habo hrình, ka plài kàn tau, khoe hmaq atàc toq bai habuàt gòh ngùi, gòh drinh, anì qngah qngiang toq wang, toq ngoc, toq hmu canaq! Ta mỏeq rahyàc raq, kan padròng rahù ranhòm aih hnhung ðõng khoe ðiq!” **17** Mangai wèq boang, mangai lam trong diac, xam mangai oe ta boang, bài mangai padro ta diac raxiq, ðiq yòng enh hangai, **18** jò wì hnoq nhòe ùnh cheo haq, wì cachech: “I plài leq kàn dàng plài kô!” **19** Wì haq yóc blo raid deh tagàu, crò hmoe adênh ka haq, wì doe: “Habo hrình, habo hrình qnàng! Haq kô khoe yóc kan padròng raðeh ðõe q broq ka rìm mangai i boang ta diac raxiq jah padròng kan ðêh ðiq, ta mỏeq rahyàc raq khoe wìa nõe hawit. **20** “Điac Plình, ìh drah bùi lem ka haq beq Pì mangai hadròeh, lem bùi beq Mangai pajàu, bài mangai tiaq cla, bùi beq Majah qmang aih jò Boc Plình hadrah gucadri aih. Haq khoe broq kan taq atoq am ka pì”. **21** Khoe ka aih, mỏeq bình plình ðêh padren yóc mỏeq toq hmo qmang ka apau kàn khwênh caqnih ta diac raxiq, haq doe “Plài kàn Babilôn tau èh, hadai ep khwênh caqnih cadêh qmang

kô èh diq, aih èh pi cabô oe hnoq haq hòmh. 22 Pi i cabô oe tàng bàu rawêh broc, bàu hlui ken bàu hlui taliaq enh nòe haq hòmh. Ta ìh kô yac ka padro cleq dua pi ka mangai patih kaq kùng, bàu apêh qmau dua pi tàng. 23 Qngah ðen pi sreo ta ìh hòmh, wì pi oe tàng bàu òng mai neo taqnèp, majah qmang aih bài mangai padro ti ìh aih diq bài gucra q ta crông taneh, Canàih ìh khoe pawè ðong mangai rìm diac. 24 Tacô wì chaq hnoq mahim bài mangai pajàu, mangai hadrèh xam diq ðong mangai ta crông taneh, ìh khoe jêh ðac ka cachit’.

19 Khoe ka bài yiniq kô, au tàng i bàu ðêh tiah ka bàu da mangai bác haraya: “Alêlujal! Kan ðêch claih, kan ranhòm, kan ðêh padren diq oe ta Boc Plinh bèn. 2 Majah qmang aih kan hadrah da haq diq taq atoaq, diq joq qnàng. Haq khoe hadrah mangai gucadri tango kàn aih, Mangai ma khoe yôc deh kan tango broq raliang ðong ta crông taneh, Haq khoe taboe hlài mahim da bài hapông haq khoe ta-ùc ajang tì kông mangai gucadri tango kàn aih”. 3 Wì calêu hòmh yàng ma atiq: “Alêlujal! Nhòe da haq pan tót yôt mòeq ðoe”. (aiôn g165) 4 Baiq jât pôn ngai gucra q hacrùn cràng haqneq kùh waiq Boc Plinh aih Mangai ma haqngui tagèq, wì doe: “Amen, Halêlujal!” 5 Dra q adrinh hloe jò aih enh nòe gèq bùa i bàu doe: “Dìq ðong ka pì aih mangai hapông Boc Plinh, aih bài mangai ma loq iu yùq ka Haq, yac ka mangai qyoh mangai kàn hadai, drah calêu manè apôi Haq”. 6 Khoe aih, au tàng hòmh bàu tiah ka bàu mangai bác haraya, ùh i crài cleq ka bàu diac kàn, bàu cadah ðêh, bàu aih doe rameh: “Halêlujal! Chuaq aih Boc Plinh bèn, aih Mangai i cwiang rìm trong, khoe broq bùa. 7 Beq bèn lem bùi, beq bèn apôi, padêch kan ranhòm ka Haq; Majah qmang aih hì taqnèp da Kon Trùu khoe trùh, mai da Haq hadai khoe palàng raðeh, 8 khoe jah caxùnh eo taboc chah ma raplênh broq xi bai habuàt” (bai taboc aih yiniq broq da bài mangai hadrèh). 9 Bình plinh doe ka au: “Achih beq, Joq xôq ramot qnàng ka mangai majah akhen trùh acaq yiniang taqnèp òng mai da Kon Trùu!” Haq anoe hòmh: “Aih diq bài bàu joq qnàng da Boc Plinh”. 10 Au hacùn cràng ta haqneq ka jènh haq ðoeq hu kùh waiq, mahaq haq doe ka au: “Apaq broq qmang kô, au hadai mangai hapông tiah ka ìh, qmang ka bài oh daq ìh, hanoh wèq bàu ðoeq lam anoe panhìn ka Jesus. Ìh ep kùh waiq Boc

Plinh. Majah qmang aih lam anoe panhìn ka Jesus aih la manoh cliac da bài bàu pajàu.” 11 Jò aih au hnoq plinh tapêh, i moeq toq axêh taboc: Yiniq mangai kòe axêh aih: “Mangai ùh tablòq manoh xam Mangai capoch jang”. Haq yôc kan taq atoaq ðoeq hadrah rai ðoeq tablêq. 12 Mat Haq tiah ka ùnh, gàu haq i bác toq cadoh bùa i achih mòeq toq yiniq, enh gùng ka cla Haq ùh i cabô loq. 13 Haq caxùnh eo tàm ta mahim, yiniq da Haq aih bàu Boc Plinh. 14 Bài lình plinh diq caxùnh eo habuàt taboc, hreo lem, kòe axêh mông lam tiaq Haq. 15 I mòeq pla chang hin loh enh hacùng Haq, Haq yôc chang aih hu tablêq ka bác diac ta taneh, Haq wèq wì aih xi mòeq toq long mem. Haq jôi q len plì nho ta apau, aih apau pandêh da Boc Plinh itai rìm trong. 16 Ta cataih xam ta eo Haq achih mòeq toq yiniq: “Bùa da bài bùa, Cra q da bòe Cra q”. 17 Au hnoq mòeq bình plinh yòng ta mahi. Haq ðêch bàu creo ka bài chìm pan ta tróc, rameh: “Trùh beq, pì tagop dabau trùh acaq yiniang kàn da Boc Plinh, 18 Acaq jam bài bùa, jam bài cla cra q, jam bài mangai tanoq, jam axêh xam mangai kòe axêh, jam da rìm ngai, mangai broq diq jam mangai broq deh ka cla, enh jam mangai qyoh trùh jam mangai kàn”. 19 Au hnoq ngè xóc xam bài bùa ta crông taneh xam bình lình wì haq tagop ti dabau hu tajêh ka Mangai kòe axêh xam lình da Haq. 20 Mahaq ngè xóc bìq rùp, bài pajàu qnùt aih mangai khoe broq kan halac enh ngèa ka ngè xóc, canòm ka haq ðoeq ti qnùt bài mangai ma khoe i teo hadro da ngè xóc rai kùh waiq haq hadai bìq rùp, diq baiq wa haq oe raq rih mahaq bìq hwênh caqnih tabau ùnh xam liu hwìn cheo dra adrènh. (Limnê Pyr g3041 g4442) 21 Wì ma qnoeq diq cachit ka chang maloh enh hacùng Mangai ma kòe axêh, diq ðong bài chìm jah panàc ka jam wì aih.

20 Atiq ka aih, au hnoq mòeq bình plinh loh enh plinh, tì haq wê gahlòng da hwin jrùq xam mòeq hadrang caxi datoeq kàn. (Abyssos g12) 2 Khoe aih haq rùp bìh kàn, aih bìh ðùnh calah nèh, aih kan kiac, aih Satan, clang kàt ðoeq haq ta mòeq mùan hanam. 3 Haq khwênh caqnih bìh aih ta hwin jrùq, clòng qmang hwin jrùq aih khoe èh haq hi nìm padràng, ðóq bìh aih pi oe jah lam qnùt bài diac ta crông taneh hòmh, trùh jò leq hi khoe ka mòeq mùan hanam. Khoe aih èh, Satan hadai ep jah caqnaih mahaq ùh ðùnh. (Abyssos g12) 4 Au hnoq bài gèq, bài mangai

haqngui tagèq jah cwiàng òòeq hadrah. Khoe aih au hnoq mahua bài mangai khoe ep cachit ka wì pot rănõng taiq wì haq lam anoe panhìn ka Chuaq Jesus xam bàu da Boc Plinh, mahua bài mangai ma ùh kùh waiq ngè xóc xam radua qmù haq, ùh waq yóc teo hadro da haq, yac ka tangòng ta kông. Wì aih jah rih hlài, jah wèq cwiàng pajùm ti Christ ta mòeq mùan hanam. **5** Bài mangai cachit ma qnoeq ùh jah rih hlài jò qnhòq khoe ka mòeq mùan hanam. Aih kan rih hlài yàng ma baxèm. **6** Joq xòq ramot qnàng, joq hadrèh qnàng ka bài mangai majah kan rih hlài yàng ma baxèm! Kan cachit yàng ma atìq pi oe i cwiàng cleq enh qnhèq ka wì haq; mahaq wì aih jah broq pajàu da Boc Plinh xam da Christ, jah hadai broq bùa ti Haq ta mòeq mùan hanam. **7** Jò mòeq mùan hanam hi òiq, Satan hi jah caqnaih, **8** loh enh gùng ka nòe ma clèh, haq lam padò mangai oe jàp jà ta crông taneh, mangai Got xam mangai Magot; haq gop ahlài wì oe mòeq nòe òòeq padon tajêh tablah, wì bəc qmang ka braih diac raxiq... **9** Wì haq lam jàp ta taneh, ti dudanh nòe mangai da Boc Plinh oe xam plài Haq ma loq waq deh. Mahaq i ùnh enh plinh loh bủh wì haq cachit òòng. **10** Satan aih mangai ma ti padò wì haq aih èh jah caqnih òac haq ta bau ùnh xam liu hwìn, ta aih khoe i ngè rih xóc xam bài pajàu qnùt. Wì haq ep chiuiq kan baxa xam dahì xam damang trủh hloe mòeq òòe. (aiôn g165, Limnè Pyr g3041 g4442) **11** Khoe aih au hnoq mòeq toq gèq taboc kàn xam Mangai ma haqngui ta aih, enh ngèa Haq tróc taneh amot òòng, pi hnoq nòe ajang leq òòeq ka wì haq hòm. **12** Au hnoq mangai cachit xam kàn xam qyoh, òiq yòng enh ngèa ka nòe hadrah, bài hset òiq tapèch. Èh i mòeq toq hset qnoeq hòm, aih hset kan rih; mangai cachit jah hadrah tiaq deh trong wì haq ma broq, wop qmang ka bàu achih ta hset aih. **13** Diac raxiq padreo mangai cachit ma oe ta haq; Kan cachit xam Hwin hadai padreo hlài mangai cachit oe ta haq. Rìm ngai wì aih chiuiq jah hadrah tiaq trong òeh ma broq. (Hadès g86) **14** Khoe ka aih, Kan cachit xam Hwin, hadai jah caqnih òac ta bau ùnh. Bau ùnh aih raq kan cachit yàng ma atìq. (Hadès g86, Limnè Pyr g3041 g4442) **15** Mangai leq ùh jah achih yiniq ta hset kan rih, ep hwènh qnìh òiq ta bau ùnh. (Limnè Pyr g3041 g4442)

21 Khoe aih au hnoq tróc neo xam taneh neo, majah qmang aih tróc xam taneh ma adroe


khoe hnhung, diac raxiq hadai pi i. **2** Au hadai hnoq Plài Hadrèh, aih la Jerusalem maneo enh plinh, loh enh Boc Plinh, khoe padon qmòe qmang ka mai neo taqnèp anì òeh ka òng. **3** Au tàng i bàu òeh loh enh nòe gèq òòe rameh: “Hacô! Rănòh kùh waiq da Boc Plinh oe qne kon mangai, Haq oe ti wì, wì jah broq mangai da Haq; cla Boc Plinh jah oe ti wì. **4** Haq xùt hreo diac mat enh mat wì, pi oe i kan cachit, kan mangò, bàu crò hmoe, kan jìq xa hòm, majah qmang aih bài yiniq ma adroe khoe pi i. **5** Mangai haqngui tagèq òòe: “Au broq neo hlài rìm yiniq”. Haq òòe hòm: “Achih beq, majah qmang aih bài bàu kò òiq khòh lù, òiq joq qnàng”. **6** Haq òòe ka au: “Khoe gèh! Au kò Anpha xam Ômega, aih la baxèm xam pulùch. Cabò croh rănõng, Au yóc thòng diac kan rih òòeq am dech ka haq. **7** Mangai leq blèq hi jah bài yiniq aih òòeq broq kùng hang, au jah broq Boc Plinh da mangai aih, haq aih jah broq kon da au. **8** Bài mangai ma lèu, mangai ma ùh lù, mangai jiang ka ramòt, mangai jêh òac mangai, mangai tango anang, mangai ti pài h panàih blài blòng, mangai kùh waiq radua qmù, xam mangai capoch amòng, nòe da wì haq aih bau ùnh xam liu hwìn khàng ma adrèh: Aih raq kan cachit yàng baiq.” (Limnè Pyr g3041 g4442) **9** Mòeq ta tapèh ngai bình plinh ma khoe wè tapèh toq òòe chrông kan rănàc, thia haten òòe ka au: “Trủh ajang kò beq, òòeq au patò ka ìh hnoq kon mai, aih mai maneo ban da Kon Trủu”. **10** Khoe aih ta phàn yiang, bình plinh aih qnung au lam tóc ta bui wang kàn haqnhèq, patò ka au hnoq Plài Hadrèh, aih la Jerusalem, enh plinh, loh enh Boc Plinh, **11** qngah qngiang kan ranhòm da Boc Plinh. Kan ca-ah ca-iang da plài aih tìa h qmang pliang hmu ngóc ma canaq bac, qmang ka ngóc hmu lang hliang ma raplènh. **12** Haq i panàt haqngheq, i mòeq jàt baiq toq qmang, xam mòeq jàt baiq bình plinh ajang trong qmang, enh qnhèq ka qmang achih yiniq da mòeq jàt baiq nang noe Isorali. **13** Panàt pah mat mahì tọc i piq toq qmang, enh pah qngeo i piq toq qmang, enh pah qma i piq toq qmang, enh pah mat mahì clìh i piq toq qmang. **14** Panàt plài aih i mòeq jàt baiq toq hmu xem, ta aih achih yiniq da mòeq jàt baiq ngai Tiaq cla da Kon Trủu. **15** Bình plinh ma capoch ka au tì haq wè mòeq toq long maneh aih long triang niaq broq xi wang òòeq wèh plài aih, wèh bài qmang xam panàt plài. **16** Plài aih

pôn bẻ daq adàng, dang gat dang yôh taq atoq ka dabau. Bình plinh wêh plài aih xi catoch triang niaq: Plài aih jah mỏeq jàt baiq mùan êtado, dang yôh, dang gat, dang yàng diq taq atoq. 17 Haq wêh panàt plài bẻ hàbàu jah: Mỏeq hrinh pôn jàt pôn cuđẻ, aih maneh wêh da bình plinh, hadai maneh wêh da kon mangai. 18 Panàt broq xam ngỏc hmu lang, plài aih broq xam wang, hliang raplẻnh qmang ka guẻng. 19 Jo xẻm panàt plài aih broq toq xi hmu canaq. Xẻm ma adroe aih xam hmu lang, xẻm ma atiq aih xi hmu ngỏc saphia, xẻm ma piq aih xi hmu ngỏc mainao, xẻm ma pôn aih xam hmu ngỏc nget, 20 xẻm ma padam aih xi hmu mainao gỏh drinh, xẻm ma tadràu aih xi hmu rubi; xẻm ma tapẻh aih xi hmu ngỏc ngẻq ngẻq, xẻm ma rahem aih xi ngỏc thỉh thuẻng, xẻm ma hachỉn aih xi ngỏc gỏh nget, xẻm ma mỏeq jàt aih xi ngỏc xẻnh, xẻm mỏeq jàt mỏeq aih xi hmu ngỏc gỏh, xẻm mỏeq jàt baiq aih xi hmu lang gam. 21 Mỏeq jàt baiq toq qmang broq xi mỏeq jàt baiq pliang ngỏc, rỉm toq qmang diq broq enh cato ngỏc. Trong lam ta plài diq broq xam wang, hliang qmang ka guẻng. 22 Ta aih au ùh i hnoq mỏeq toq hnỉm kủh waiq leq, majah qmang aih Boc Plinh i cwiẻng itai rỉm trong xam Kon Trủu aih raq hnỉm kủh waiq da plài aih. 23 Plài aih hanoh ùh hỉaq ep waq ka i mat mahỉ, mat khẻ ðẻeq sreo qngah; majah qmang aih i kan ranhỏm da Boc Plinh sreo qngah qngiang, Kon Trủu aih raq đẻn da plài aih. 24 Bẻi diac wỉ lam tiaq kan qngah plài aih, bẻi bẻu ta cởng taneh arẻng deh kan nhỏm nhỉnh qmủt ta aih. 25 Bẻi qmang ta plài aih dahỉ ùh clẻnh majah qmang aih ta aih ùh i ka damang. 26 Kan rahủ ranhỏm da bẻc diac jah arẻng qmủt ta aih, 27 mangai ùh hadrẻh, mangai broq trong qmẻq, mangai loq qnủt blỉnh ùh jah mủt; mahaq ðẻeq toq ka bẻi mangai ma khoe jah achỉh yỉniq ta hset kan rỉh da Kon Trủu.

22 Bình plinh patỏ am au ngan cởng diac kan rỉh, hliang raplẻnh qmang ka ngỏc xẻnh, loh enh gẻq da Boc Plinh xam da Kon Trủu. 2 Taqne plài xam baiq bẻ diac i long kan rỉh loh plỉ moeq jàt baiq yẻng ta hanam, mỏeq khẻ mỏeq yẻng loh plỉ; bẻi hỉa da haq ðẻeq broq brẻh ka kon magai. 3 Pi oe bẻu capoch hanip hỏm, gẻq da Boc Plinh xam Kon Trủu oe qne plài, bẻi hapẻng da Haq jah patỉh đẻh ka Haq; 4 wỉ haq jah hnoq hadrỏ deh Chuaq, yỉniq

da Chuaq jah oe ajẻng ngỏng wỉ haq, pi oe i ka damang hỏm, 5 yac ka qngah đẻn, qngah mahỉ đũa wỉ haq pi oe ep waq hỏm, majah qmang aih i Boc Plinh sreo qngah am ka wỉ; wỉ haq jah broq bẻu mỏeq ðẻ. (aiẻn g165) 6 Bình plinh doe ka au: “Bẻi bẻu kỏ diq bẻu khỏh lủi, bẻu joq qnẻng, Chuaq aih raq Boc Plinh da yiang bẻi pajàu, khoe thẻ deh bình plinh haq loh patỏ ka hapẻng Haq rỉm yỉniq ep drah rẻnh trủh. 7 “Ngan kỏ Au rẻnh trủh! Xỏq ramot am ka mangai leq wẻq bẻi bẻu pajàu oe ta hset kỏ”. 8 Au kỏ Jon, mangai ma khoe hnoq rai tẻng bẻi yỉniq kỏ. Jỏ au khoe tẻng rai hnoq, au bla op rađẻh ta haqneq ajẻng nẻ òẻnh bình plinh ma khoe patỏ ka au bẻi yỉniq kỏ, ðẻeq kủh waiq haq aih. 9 Mahaq bình plinh aih doe ka au “apaq broq qmang qmat! Au kỏ hanoh hapẻng qmang ka ìh xam oh daq ìh, aih bẻi mangai pajàu, xam bẻi mangai ma wẻq bẻu ta hset kỏ; Ep kủh waiq toq Boc Plinh”. 10 Khoe aih haq doe hỏm ka au: “Ủh đủh nỉm padrẻng ðẻeq bẻi bẻu pajàu ta hset kỏ, majah qmang aih jỏ khoe haqnap”. 11 Mangai ma broq trong ùh troq, đỏq da haq broq kan ùh troq hỏm, mangai ma amủa trủq đỏq da haq rỉh tiaq deh kan trủq amủa hỏm, mangai ma broq trong taq atoq, ðẻeq haq broq trong taq atoq hỏm, mangai leq hadrẻh kiẻng haq rỉh tiaq kan hadrẻh hỏm”. 12 “Ngan kỏ Au rẻnh trủh rai wẻ kan baha lam ti au, ðẻeq baha tang ngai tiaq trong wỉ haq khoe broq. 13 Au kỏ Anpha xam Õmega, aih kan Adroe xam kan Atỉq đỏng, kan Baxẻm xam kan Pulủch 14 Xỏq ramot am ka mangai leq rủh deh eo ðẻeq jah tajỉ ka thỉa ajẻng long kan rỉh, jah lam trong qmang ðẻeq mủt ta plài kản! 15 Bẻi koq, bẻi mangai loq ti pẻi h panẻi h, mangai tango, mangai jẻh mangai, mangai tadreo radua qmủ kan kiẻc, mangai enh xam broq kan patỉah, oe diq enh gủng”. 16 Au kỏ Jesus, khoe thẻ đẻh bình plinh trủh panhỉn bẻi yỉniq kỏ am ka pỉ enh ngẻa ka bẻi Tagop Hadrẻh. Au kỏ rangầu rỉah, xỉnoe da Đawit, Au kỏ raq halỏng sroq qngah qngai”. 17 Yiang Hadrẻh xam mẻi neo doe: “Trủh beq! Mangai leq ma tẻng hanoh doe: Trủh beq! Cabỏ croh ranẻng drah trủh. Cabỏ enh, drah trủh ðẻeq yỏc deh ka rađẻh diac kan rỉh.” 18 Au parỉaq ka mangai leq ma tẻng bẻu pajàu ta hset kỏ: Tẻng cabỏ tah tam cleq ta hset pajàu kỏ, aihẻh Boc Plinh đẻch tam ka haq kan ranẻc ma khoe achỉh ta hset kỏ. 19 Mangai leq ma cađac đẻc qnah yỉniq cleq ma khoe achỉh ta

hset pajàu kô, aih èh Boc Pình doeh đac hloe
phàn da haq talong kan rìh xam ta plài hadròeh
ma khoe achìh ta hset kô. **20** Mangai panhìn ka
bài yiniq kô, doe rameh: “Joq qnàng, Au rên
trùh”. Amen waiq Chuaq Jesus! ìh rên
trùh beq. **21** Waiq kan tabàih dech da Jesus Christ
oe ti rìm ngai! Amen.



Au hadai hnoq Plài Hadròeh, aih la Jerusalem maneo enh plình, loh enh Boc Plình, khoe padon qmòe qmang ka mai neo taqnèp anì dèh ka ỡng. Au tàng i bàu dèh loh enh nòe gèq doe rameh: “Hacô! Rànòh kùh waiq da Boc Plình oe qne kon mangai, Haq oe ti wì, wì jah broq mangai da Haq; cla Boc Plình jah oe ti wì.”

MAHNO 21:2-3

Reader's Guide

Hset at AionianBible.org/Readers-Guide

The Aionian Bible republishes public domain and Creative Common Bible texts that are 100% free to copy and print. The original translation is unaltered and notes are added to help your study. The notes show the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of afterlife destinies.

Who has the authority to interpret the Bible and examine the underlying Hebrew and Greek words? That is a good question! We read in 1 John 2:27, *"As for you, the anointing which you received from him remains in you, and you do not need for anyone to teach you. But as his anointing teaches you concerning all things, and is true, and is no lie, and even as it taught you, you remain in him."* Every Christian is qualified to interpret the Bible! Now that does not mean we will all agree. Each of us is still growing in our understanding of the truth. However, it does mean that there is no infallible human or tradition to answer all our questions. Instead the Holy Spirit helps each of us to know the truth and grow closer to God and each other.

The Bible is a library with 66 books in the Protestant Canon. The best way to learn God's word is to read entire books. Read the book of Genesis. Read the book of John. Read the entire Bible library. Topical studies and cross-referencing can be good. However, the safest way to understand context and meaning is to read whole Bible books. Chapter and verse numbers were added for convenience in the 16th century, but unfortunately they can cause the Bible to seem like an encyclopedia. The Aionian Bible is formatted with simple verse numbering, minimal notes, and no cross-referencing in order to encourage the reading of Bible books.

Bible reading must also begin with prayer. Any Christian is qualified to interpret the Bible with God's help. However, this freedom is also a responsibility because without the Holy Spirit we cannot interpret accurately. We read in 1 Corinthians 2:13-14, *"And we speak of these things, not with words taught by human wisdom, but with those taught by the Spirit, comparing spiritual things with spiritual things. Now the natural person does not receive the things of the Spirit of God, for they are foolishness to him, and he cannot understand them, because they are spiritually discerned."* So we cannot understand in our natural self, but we can with God's help through prayer.

The Holy Spirit is the best writer and he uses literary devices such as introductions, conclusions, paragraphs, and metaphors. He also writes various genres including historical narrative, prose, and poetry. So Bible study must spiritually discern and understand literature. Pray, read, observe, interpret, and apply. Finally, *"Do your best to present yourself approved by God, a worker who does not need to be ashamed, properly handling the word of truth."* 2 Timothy 2:15. *"God has granted to us his precious and exceedingly great promises; that through these you may become partakers of the divine nature, having escaped from the corruption that is in the world by lust. Yes, and for this very cause adding on your part all diligence, in your faith supply moral excellence; and in moral excellence, knowledge; and in knowledge, self-control; and in self-control patience; and in patience godliness; and in godliness brotherly affection; and in brotherly affection, love. For if these things are yours and abound, they make you to be not idle nor unfruitful to the knowledge of our Lord Jesus Christ,"* 2 Peter 1:4-8.

Glossary

Hset at AionianBible.org/Glossary

The Aionian Bible un-translates and instead transliterates eleven special words to help us better understand the extent of God's love for individuals and all mankind, and the nature of afterlife destinies. The original translation is unaltered and a note is added to 64 Old Testament and 200 New Testament verses. Compare the meanings below to the Strong's Concordance and Glossary definitions.

Abyssos g12

Greek: proper noun, place

Usage: 9 times in 3 books, 6 chapters, and 9 verses

Meaning:

Temporary prison for special fallen angels such as Apollyon, the Beast, and Satan.

aĩdios g126

Greek: adjective

Usage: 2 times in Romans 1:20 and Jude 6

Meaning:

Lasting, enduring forever, eternal.

aĩōn g165

Greek: noun

Usage: 127 times in 22 books, 75 chapters, and 102 verses

Meaning:

A lifetime or time period with a beginning and end, an era, an age, the completion of which is beyond human perception, but known only to God the creator of the aĩōns, Hebrews 1:2. Never meaning simple endless or infinite chronological time in Greek usage. Read Dr. Heleen Keizer and Ramelli and Konstan for proofs.

aĩōnios g166

Greek: adjective

Usage: 71 times in 19 books, 44 chapters, and 69 verses

Meaning:

From start to finish, pertaining to the age, lifetime, entirety, complete, or even consummate. Never meaning simple endless or infinite chronological time in Koine Greek usage. Read Dr. Heleen Keizer and Ramelli and Konstan for proofs.

eleēsē g1653

Greek: verb, aorist tense, active voice, subjunctive mood, 3rd person singular

Usage: 1 time in this conjugation, Romans 11:32

Meaning:

To have pity on, to show mercy. Typically, the subjunctive mood indicates possibility, not certainty. However, a subjunctive in a purpose clause is a resulting action as certain as the causal action. The subjunctive in a purpose clause functions as an indicative, not an optative. Thus, the grand conclusion of grace theology in Romans 11:32 must be clarified. God's mercy on all is not a possibility, but a certainty. See ntgreek.org.

Geenna g1067

Greek: proper noun, place

Usage: 12 times in 4 books, 7 chapters, and 12 verses

Meaning:

Valley of Hinnom, Jerusalem's trash dump, a place of ruin, destruction, and judgment in this life, or the next, though not eternal to Jesus' audience.

Hadēs g86

Greek: proper noun, place

Usage: 11 times in 5 books, 9 chapters, and 11 verses

Meaning:

Synonymous with Sheol, though in New Testament usage Hades is the temporal place of punishment for deceased unbelieving mankind, distinct from Paradise for deceased believers.

Limnē Pyr g3041 g4442

Greek: proper noun, place

Usage: Phrase 5 times in the New Testament

Meaning:

Lake of Fire, final punishment for those not named in the Book of Life, prepared for the Devil and his angels, Matthew 25:41.

Sheol h7585

Hebrew: proper noun, place

Usage: 66 times in 17 books, 50 chapters, and 64 verses

Meaning:

The grave or temporal afterlife world of both the righteous and unrighteous, believing and unbelieving, until the general resurrection.

Tartaroō g5020

Greek: proper noun, place

Usage: 1 time in 2 Peter 2:4

Meaning:

Temporary prison for particular fallen angels awaiting final judgment.

Glossary +

AionianBible.org/Bibles/Hre---Hre-Bible/Noted

Aionian Glossary references are below. Strong's Hebrew and Greek number notes are added to 64 Old Testament and 200 New Testament verses. Questioned verse translations do not contain Aionian Glossary words but may wrongly imply *eternal* or *Hell*. Note placement is skipped or adjusted for verses with non-standard numbering.

Abyssos

LUCA 8:31
RÔMA 10:7
MAHNO 9:1
MAHNO 9:2
MAHNO 9:11
MAHNO 11:7
MAHNO 17:8
MAHNO 20:1
MAHNO 20:3

ăidios

RÔMA 1:20
JUĐE 1:6

aiōn

MATHIƠ 12:32
MATHIƠ 13:22
MATHIƠ 13:39
MATHIƠ 13:40
MATHIƠ 13:49
MATHIƠ 21:19
MATHIƠ 24:3
MATHIƠ 28:20
MỐC 3:29
MỐC 4:19
MỐC 10:30
MỐC 11:14
LUCA 1:33
LUCA 1:55
LUCA 1:70
LUCA 16:8
LUCA 18:30
LUCA 20:34
LUCA 20:35
JON 4:14
JON 6:51
JON 6:58
JON 8:35
JON 8:51
JON 8:52
JON 9:32
JON 10:28
JON 11:26
JON 12:34
JON 13:8
JON 14:16

BÌÁC YIANG HADRÒEH 3:21
BÌÁC YIANG HADRÒEH 15:18
RÔMA 1:25
RÔMA 9:5
RÔMA 11:36
RÔMA 12:2
RÔMA 16:27
I CORINHTO 1:20
I CORINHTO 2:6
I CORINHTO 2:7
I CORINHTO 2:8
I CORINHTO 3:18
I CORINHTO 8:13
I CORINHTO 10:11
II CORINHTO 4:4
II CORINHTO 9:9
II CORINHTO 11:31
GALATI 1:4
GALATI 1:5
ÊPHÊSÔ 1:21
ÊPHÊSÔ 2:2
ÊPHÊSÔ 2:7
ÊPHÊSÔ 3:9
ÊPHÊSÔ 3:11
ÊPHÊSÔ 3:21
ÊPHÊSÔ 6:12
PHILIP 4:20
CÔLOSE 1:26
I TIMÔTHÊ 1:17
I TIMÔTHÊ 6:17
II TIMÔTHÊ 4:10
II TIMÔTHÊ 4:18
TIT 2:12
HÊBRU 1:2
HÊBRU 1:8
HÊBRU 5:6
HÊBRU 6:5
HÊBRU 6:20
HÊBRU 7:17
HÊBRU 7:21
HÊBRU 7:24
HÊBRU 7:28
HÊBRU 9:26
HÊBRU 11:3
HÊBRU 13:8
HÊBRU 13:21
I PHIERƠ 1:23

I PHIERƠ 1:25
I PHIERƠ 4:11
I PHIERƠ 5:11
II PHIERƠ 3:18
I JON 2:17
II JON 1:2
JUĐE 1:13
JUĐE 1:25
MAHNO 1:6
MAHNO 1:18
MAHNO 4:9
MAHNO 4:10
MAHNO 5:13
MAHNO 7:12
MAHNO 10:6
MAHNO 11:15
MAHNO 14:11
MAHNO 15:7
MAHNO 19:3
MAHNO 20:10
MAHNO 22:5

aiōnios

MATHIƠ 18:8
MATHIƠ 19:16
MATHIƠ 19:29
MATHIƠ 25:41
MATHIƠ 25:46
MỐC 3:29
MỐC 10:17
MỐC 10:30
LUCA 10:25
LUCA 16:9
LUCA 18:18
LUCA 18:30
JON 3:15
JON 3:16
JON 3:36
JON 4:14
JON 4:36
JON 5:24
JON 5:39
JON 6:27
JON 6:40
JON 6:47
JON 6:54
JON 6:68

JON 10:28
JON 12:25
JON 12:50
JON 17:2
JON 17:3
BÌAC YIANG HADRÒEH 13:46
BÌAC YIANG HADRÒEH 13:48
RÔMA 2:7
RÔMA 5:21
RÔMA 6:22
RÔMA 6:23
RÔMA 16:25
RÔMA 16:26
II CORINHTO 4:17
II CORINHTO 4:18
II CORINHTO 5:1
GALATI 6:8
II TÊSALÔNICA 1:9
II TÊSALÔNICA 2:16
I TIMÔTHÊ 1:16
I TIMÔTHÊ 6:12
I TIMÔTHÊ 6:16
II TIMÔTHÊ 1:9
II TIMÔTHÊ 2:10
TIT 1:2
TIT 3:7
PHILÊMÔN 1:15
HÊBRU 5:9
HÊBRU 6:2
HÊBRU 9:12
HÊBRU 9:14
HÊBRU 9:15
HÊBRU 13:20
I PHIERƠ 5:10
II PHIERƠ 1:11
I JON 1:2
I JON 2:25
I JON 3:15
I JON 5:11
I JON 5:13
I JON 5:20
JUĐE 1:7
JUĐE 1:21
MAHNO 14:6

eleēsē

RÔMA 11:32

Geenna

MATHIƠ 5:22
MATHIƠ 5:29
MATHIƠ 5:30
MATHIƠ 10:28
MATHIƠ 18:9
MATHIƠ 23:15
MATHIƠ 23:33
MỐC 9:43

MỐC 9:45
MỐC 9:47
LUCA 12:5
JACO 3:6
Hadēs
MATHIƠ 11:23
MATHIƠ 16:18
LUCA 10:15
LUCA 16:23
BÌAC YIANG HADRÒEH 2:27
BÌAC YIANG HADRÒEH 2:31
I CORINHTO 15:55
MAHNO 1:18
MAHNO 6:8
MAHNO 20:13
MAHNO 20:14

Limnē Pyr

MAHNO 19:20
MAHNO 20:10
MAHNO 20:14
MAHNO 20:15
MAHNO 21:8

Sheol

JÒ BAXÈM 37:35
JÒ BAXÈM 42:38
JÒ BAXÈM 44:29
JÒ BAXÈM 44:31
Numbers 16:30
Numbers 16:33
Deuteronomy 32:22
1 Samuel 2:6
2 Samuel 22:6
1 Kings 2:6
1 Kings 2:9
Job 7:9
Job 11:8
Job 14:13
Job 17:13
Job 17:16
Job 21:13
Job 24:19
Job 26:6
Psalms 6:5
Psalms 9:17
Psalms 16:10
Psalms 18:5
Psalms 30:3
Psalms 31:17
Psalms 49:14
Psalms 49:15
Psalms 55:15
Psalms 86:13
Psalms 88:3
Psalms 89:48


Psalms 116:3
Psalms 139:8
Psalms 141:7
Proverbs 1:12
Proverbs 5:5
Proverbs 7:27
Proverbs 9:18
Proverbs 15:11
Proverbs 15:24
Proverbs 23:14
Proverbs 27:20
Proverbs 30:16
Ecclesiastes 9:10
Song of Solomon 8:6
Isaiah 5:14
Isaiah 7:11
Isaiah 14:9
Isaiah 14:11
Isaiah 14:15
Isaiah 28:15
Isaiah 28:18
Isaiah 38:10
Isaiah 38:18
Isaiah 57:9
Ezekiel 31:15
Ezekiel 31:16
Ezekiel 31:17
Ezekiel 32:21
Ezekiel 32:27
Hosea 13:14
Amos 9:2
Jonah 2:2
Habakkuk 2:5

Tartaroō


II PHIERƠ 2:4

Questioned


None yet noted




Xi manoh lùl, Apraham iu bàu Chuuaq creò lam tagùng haq hujah òòeq broq òeh kùng hang: Haq lam mahaq ùh qnì òeh lam taleq. - HÊBRU 11:8



Jò Phara-ôn caqnaih mangai Isoradi loh lam, Boc Pình ùh qnung vì haq lam trong hải tàng Philitin, aih trong ma yeo haten dồng, majah qmang aih haq doe:
Yùq jò hnoq kan tajêh tablah, êh manoh vì kô loq tawh hlai ta Êdíp qmòh? - LOH ENH ÊDIP 13:17



Majah qmang ailh, Kon Mangai truh ùh xai dōeq wì patìh ka haq, mahaq dōeq haq patìh glòq ka wì, rai cadac kan rìh rađeh dōeq hu dèch bàc ngai. - MÖC 10:45



Phaulô haphông đả Jesus Christ, khoe jah creo broq mangai Tiaq cla, khoe jah lah ðeq crài hu anoe Bàu lem đả Boc Pình, - RÔMA 1:1

Creation 4004 B.C.

Adam and Eve created	4004
Tubal-cain forges metal	3300
Enoch walks with God	3017
Methuselah dies at age 969	2349
God floods the Earth	2349
Tower of Babel thwarted	2247
Abraham sojourns to Canaan	1922
Jacob moves to Egypt	1706
Moses leads Exodus from Egypt	1491
Gideon judges Israel	1245
Ruth embraces the God of Israel	1168
David installed as King	1055
King Solomon builds the Temple	1018
Elijah defeats Baal's prophets	896
Jonah preaches to Nineveh	800
Assyrians conquer Israelites	721
King Josiah reforms Judah	630
Babylonians capture Judah	605
Persians conquer Babylonians	539
Cyrus frees Jews, rebuilds Temple	537
Nehemiah rebuilds the wall	454
Malachi prophecies the Messiah	416
Greeks conquer Persians	331
Seleucids conquer Greeks	312
Hebrew Bible translated to Greek	250
Maccabees defeat Seleucids	165
Romans subject Judea	63
Herod the Great rules Judea	37

(The Annals of the World, James Usher)

Jesus Christ born 4 B.C.

New Heavens and Earth



- Christ returns for his people**
- 1956** Jim Elliot martyrd in Ecuador
 - 1830** John Williams reaches Polynesia
 - 1731** Zinzendorf leads Moravian mission
 - 1614** Japanese kill 40,000 Christians
 - 1572** Jesuits reach Mexico
 - 1517** Martin Luther leads Reformation
 - 1455** Gutenberg prints first Bible
 - 1323** Franciscans reach Sumatra
 - 1276** Ramon Llull trains missionaries
 - 1100** Crusades tarnish the church
 - 1054** The Great Schism
 - 997** Adalbert martyrd in Prussia
 - 864** Bulgarian Prince Boris converts
 - 716** Boniface reaches Germany
 - 635** Alopen reaches China
 - 569** Longinus reaches Alodia / Sudan
 - 432** Saint Patrick reaches Ireland
 - 397** Carthage ratifies Bible Canon
 - 341** Ulfilas reaches Goth / Romania
 - 325** Niceae proclaims God is Trinity
 - 250** Denis reaches Paris, France
 - 197** Tertullian writes Christian literature
 - 70** Titus destroys the Jewish Temple
 - 61** Paul imprisoned in Rome, Italy
 - 52** Thomas reaches Malabar, India
 - 39** Peter reaches Gentile Cornelius
 - 33** Holy Spirit empowers the Church

(Wikipedia, Timeline of Christian missions)

Resurrected 33 A.D.

What are we?			▶		Genesis 1:26 - 2:3	
How are we sinful?			▶		Romans 5:12-19	
Where are we?			▶			
					Innocence	
			Eternity Past		Creation 4004 B.C.	
▶ Who are we?	God	Father		John 10:30	Genesis 1:31 God's perfect fellowship with Adam in The Garden of Eden	
		Son		God's perfect fellowship		
		Holy Spirit				
	Mankind	Living				
		Deceased believing				
		Deceased unbelieving				
	Angels	Holy		Genesis 1:1 No Creation No people	Genesis 1:31 No Fall No unholy Angels	
		Imprisoned				
		Fugitive				
		First Beast				
		False Prophet				
		Satan				
Why are we?			▶		Romans 11:25-36, Ephesian 2:7	

Mankind is created in God’s image, male and female He created us

Sin entered the world through Adam and then death through sin

When are we?						
Fallen				Glory		
Fall to sin No Law	Moses' Law 1500 B.C.	Christ 33 A.D.	Church Age Kingdom Age		New Heavens and Earth	
1 Timothy 6:16 Living in unapproachable light				Acts 3:21 Philippians 2:11 Revelation 20:3 God's perfectly restored fellowship with all Mankind praising Christ as Lord in the Holy City		
John 8:58 Pre-incarnate		John 1:14 Incarnate	Luke 23:43 Paradise			
Psalm 139:7 Everywhere		John 14:17 Living in believers				
Ephesians 2:1-5 Serving the Savior or Satan on Earth						
Luke 16:22 Blessed in Paradise						
Luke 16:23, Revelation 20:5,13 Punished in Hades until the final judgment						
Hebrews 1:14 Serving mankind at God's command						
2 Peter 2:4, Jude 6 Imprisoned in Tartarus				Matthew 25:41 Revelation 20:10		
1 Peter 5:8, Revelation 12:10 Rebelling against Christ Accusing mankind			Revelation 20:13 Thalaasa		Lake of Fire prepared for the Devil and his Angels	
			Revelation 19:20 Lake of Fire			
			Revelation 20:2 Abyss			

For God has bound all over to disobedience in order to show mercy to all

Destiny

Hset at AionianBible.org/Destiny

The Aionian Bible shows the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of after-life destinies. The underlying Hebrew and Greek words typically translated as *Hell* show us that there are not just two after-life destinies, Heaven or Hell. Instead, there are a number of different locations, each with different purposes, different durations, and different inhabitants. Locations include 1) Old Testament *Sheol* and New Testament *Hadēs*, 2) *Geenna*, 3) *Tartaroō*, 4) *Abyssos*, 5) *Limnē Pyr*, 6) *Paradise*, 7) *The New Heaven*, and 8) *The New Earth*. So there is reason to review our conclusions about the destinies of redeemed mankind and fallen angels.

The key observation is that fallen angels will be present at the final judgment, 2 Peter 2:4 and Jude 6. Traditionally, we understand the separation of the Sheep and the Goats at the final judgment to divide believing from unbelieving mankind, Matthew 25:31-46 and Revelation 20:11-15. However, the presence of fallen angels alternatively suggests that Jesus is separating redeemed mankind from the fallen angels. We do know that Jesus is the helper of mankind and not the helper of the Devil, Hebrews 2. We also know that Jesus has atoned for the sins of all mankind, both believer and unbeliever alike, 1 John 2:1-2. Deceased believers are rewarded in Paradise, Luke 23:43, while unbelievers are punished in Hades as the story of Lazarus makes plain, Luke 16:19-31. Yet less commonly known, the punishment of this selfish man and all unbelievers is before the final judgment, is temporal, and is punctuated when Hades is evacuated, Revelation 20:13. So is there hope beyond Hades for unbelieving mankind? Jesus promised, *"the gates of Hades will not prevail,"* Matthew 16:18. Paul asks, *"Hades where is your victory?"* 1 Corinthians 15:55. John wrote, *"Hades gives up,"* Revelation 20:13.

Jesus comforts us saying, *"Do not be afraid,"* because he holds the keys to *unlock* death and Hades, Revelation 1:18. Yet too often our *Good News* sounds like a warning to *"be afraid"* because Jesus holds the keys to *lock* Hades! Wow, we have it backwards! Hades will be evacuated! And to guarantee hope, once emptied, Hades is thrown into the Lake of Fire, never needed again, Revelation 20:14.

Finally, we read that anyone whose name is not written in the Book of Life is thrown into the Lake of Fire, the second death, with no exit ever mentioned or promised, Revelation 21:1-8. So are those evacuated from Hades then, *"out of the frying pan, into the fire?"* Certainly, the Lake of Fire is the destiny of the Goats. But, do not be afraid. Instead, read the Bible's explicit mention of the purpose of the Lake of Fire and the identity of the Goats, *"Then he will say also to those on the left hand, 'Depart from me, you cursed, into the consummate fire which is prepared for... the devil and his angels,'"* Matthew 25:41. Bad news for the Devil. Good news for all mankind!

Faith is not a pen to write your own name in the Book of Life. Instead, faith is the glasses to see that the love of Christ for all mankind has already written our names in Heaven. *"If the first fruit is holy, so is the whole,"* Romans 11:16. Though unbelievers will suffer regrettable punishment in Hades, redeemed mankind will never enter the Lake of Fire, prepared for the devil and his angels. And as God promised, all mankind will worship Christ together forever, Philippians 2:9-11.



Disciple All Nations

Qmang aih, drah lam jàp crõng taneh ðòeq broq ka mangai oe rìm diac wia ðõng mangai tiaq hõc au, canòm ka hiniq Baq,
hiniq Kon, hiniq Yiang Hadròeh ðòeq broq baptem ka wì. - MATHIO 28:19

